

清
實
錄

高宗純皇帝實錄（一五）

卷一一二至卷一一九五
乾隆四十六年至四十八年

清實錄

第三冊

中華書局影印

清 實 錄

(第 二三 冊)

高 宗 實 錄 (一五)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16 · 61 3/4 印張

1986 年 5 月第 1 版 1986 年 5 月北京第 1 次印刷

印數 0,001——1,500 冊

統一書號: 11018· 1355—23 定價: 46.00 元

清實錄第二三冊目錄

高宗純皇帝實錄(一五)

卷一一三二	乾隆四十六年正月上	一	卷一一三七	乾隆四十六年七月下	一九四
卷一一二三	乾隆四十六年正月下	一二	卷一一三八	乾隆四十六年八月上	二二〇
卷一一二四	乾隆四十六年二月上	二三	卷一一三九	乾隆四十六年八月下	二三七
卷一一二五	乾隆四十六年二月下	三五	卷一一四〇	乾隆四十六年九月上	二五六
卷一一二六	乾隆四十六年三月上	四八	卷一一四一	乾隆四十六年九月下	二七四
卷一一二七	乾隆四十六年三月下	五七	卷一一四二	乾隆四十六年十月上	二九一
卷一一二八	乾隆四十六年四月上	七〇	卷一一四三	乾隆四十六年十月下	三二〇
卷一一二九	乾隆四十六年四月下	八三	卷一一四四	乾隆四十六年十一月上	三三八
卷一一三〇	乾隆四十六年五月上	一〇〇	卷一一四五	乾隆四十六年十一月下	三四三
卷一一三一	乾隆四十六年五月下	一二四	卷一一四六	乾隆四十六年十二月上	三五六
卷一一三二	乾隆四十六年閏五月上	一二七	卷一一四七	乾隆四十六年十二月下	三七三
卷一一三三	乾隆四十六年閏五月下	一三九	卷一一四八	乾隆四十七年正月上	三八七
卷一一三四	乾隆四十六年六月上	一四八	卷一一四九	乾隆四十七年正月下	三九八
卷一一三五	乾隆四十六年六月下	一六〇	卷一一五〇	乾隆四十七年二月上	四〇八
卷一一三六	乾隆四十六年七月上	一七三	卷一一五一	乾隆四十七年二月下	四一八
			卷一一五二	乾隆四十七年三月上	四三三
			卷一一五三	乾隆四十七年三月下	四四二
			卷一一五四	乾隆四十七年四月上	四五二
			卷一一五五	乾隆四十七年四月下	四六六

卷一一五六	乾隆四十七年五月上	四八三	卷一一七五	乾隆四十八年二月下	七五〇
卷一一五七	乾隆四十七年五月下	四九八	卷一一七六	乾隆四十八年三月上	七五九
卷一一五八	乾隆四十七年六月上	五〇六	卷一一七七	乾隆四十八年三月下	七七二
卷一一五九	乾隆四十七年六月下	五一四	卷一一七八	乾隆四十八年四月上	七八八
卷一一六〇	乾隆四十七年七月上	五三八	卷一一七九	乾隆四十八年四月下	七九七
卷一一六一	乾隆四十七年七月下	五五〇	卷一一八〇	乾隆四十八年五月上	八〇八
卷一一六二	乾隆四十七年八月上	五五九	卷一一八一	乾隆四十八年五月下	八二八
卷一一六三	乾隆四十七年八月下	五六九	卷一一八二	乾隆四十八年六月上	八三六
卷一一六四	乾隆四十七年九月上	五八八	卷一一八三	乾隆四十八年六月下	八三九
卷一一六五	乾隆四十七年九月下	六一一	卷一一八四	乾隆四十八年七月上	八四九
卷一一六六	乾隆四十七年十月上	六二六	卷一一八五	乾隆四十八年七月下	八六三
卷一一六七	乾隆四十七年十月下	六四三	卷一一八六	乾隆四十八年八月上	八七二
卷一一六八	乾隆四十七年十一月上	六五九	卷一一八七	乾隆四十八年八月下	八八〇
卷一一六九	乾隆四十七年十一月下	六七四	卷一一八八	乾隆四十八年九月上	八八八
卷一一七〇	乾隆四十七年十二月上	六八六	卷一一八九	乾隆四十八年九月下	八九五
卷一一七一	乾隆四十七年十二月下	六九八	卷一一九〇	乾隆四十八年十月上	九〇九
卷一一七二	乾隆四十八年正月上	七二三	卷一一九一	乾隆四十八年十月下	九二一
卷一一七三	乾隆四十八年正月下	七三六	卷一一九二	乾隆四十八年十一月上	九三八
卷一一七四	乾隆四十八年二月上	七三六	卷一一九三	乾隆四十八年十一月下	九四九

卷一九四 乾隆四十八年十二月上 九五九

卷一九五 乾隆四十八年十二月下 九七一

大清高宗法天隆運至誠先覺體元立極敷文奮武孝慈神聖純皇帝實錄卷之一千一百二十二

監修總纂官經筵講官太子太傅文淵閣大學士文淵閣總纂官領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功七級隨帶加一級并常加二級軍功紀錄一次臣應桂

總纂官經筵講官太子太傅人華殿大學士文淵閣總纂官稽察欽奉 上諭事件處管理刑部戶部三庫事務

世襲騎都尉軍功十九級隨帶加二級人加二級臣董福內大臣戶部尚書鑲藍旗滿洲都統軍功紀錄五次

尋常紀錄十四次臣德興經筵講官太子少保工部尚書紀錄六次臣曹振鏞等奉

敕修

乾隆四十六年辛丑春正月甲戌朔

上詣

奉先殿行禮○詣

堂子行禮○御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜皇子皇孫親王等宴○

乙亥諭上年直隸地方雨水稍多低窪地畝田

禾被淹業經降旨截漕三十萬石併撥通倉

米三十萬石部庫銀三十萬兩以備賑濟之

用茲當東作方興例賑將畢青黃不接之時

小民餬口維艱殊堪軫念著加恩將霸州保

定文安大城固安永清東安宛平良鄉涿州

武清寶坻寧河天津靜海新城雄縣清苑安

州新安等二十州縣於今春正賑後再加賑

一個月以資接濟其無庸加賑各廳州縣亦

著該督察看情形酌量借糶俾民氣益舒該

督其董率屬員妥協辦理以副朕軫卹窮黎

至意該部即遵諭行○又諭上年豫省考城

商邱等處因芝蔴莊張家油房漫口黃水漫

注秋禾被淹節經降旨令該撫加意撫綏實

力賑卹第念今春正賑已畢連年被水之區

民食不無拮据著再加恩將考城商邱寧陵

永城儀封等縣十分災之極次貧與九分災

之極貧於正賑外概行加賑兩個月其九分

災之次貧與八分災之極貧概行加賑一個

月餘著察看情形酌量糶借以資接濟該撫

董率所屬實力妥辦務使災黎共慶安全用
教春澤該部遵諭速行○丙子

上詣

雍和宮行禮○丁丑諭昨歲甘肅皋蘭等一十
八廳州縣因夏間雨澤愆期以致田畝被旱
成災業經降旨令該督切實查勘加意撫綏
俾無失所第念皋蘭河州金縣會寧安定武
威平番涇州肅州等九州縣夏禾被災較重
開春正賑既畢民食未免拮据著加恩各展

賑一個月其餘被災較輕地方如今春尚有
缺乏籽種口糧之戶並著隨時體察酌量借
給以資接濟該督即董率各屬實心經理務
使窮簷均霑渥澤該部遵諭速行○又諭上
年江蘇淮安徐州等處因郭家渡黃水漫溢
且雨水稍多下游處所田禾被淹業經降旨
令該督撫等加意撫綏照例給賑以示優恤
第念今春正賑已畢正屆青黃不接之時民
食不無拮据著再加恩將睢寧邳州宿遷蕭

縣桃源清河六州縣及徐州大河二衛九分
十分災之極次貧民概行加賑一個月以資
接濟該督撫等董率各屬實力妥辦務俾窮
簷均霑實惠該部即遵諭行○又諭上年安
徽亳州等處因夏秋雨水稍多兼之黃淮交
漲下游各州縣未免有被淹處所節經降旨
令該撫加意撫綏照例給賑以示體恤第念
今春正賑將畢青黃不接之時民食不無拮
据著再加恩將災重之泗州宿州靈璧亳州

並泗州衛被災七八九分之極次貧軍民於
正賑後概行加賑一個月被災五分之各州
縣衛及勘不成災各地方並著該撫察看情
形如有應需借給籽種口糧之處即分別酌
量辦理務使災黎均霑渥澤該部遵諭即行
○又諭據郝碩奏江西省試用知縣現在未
得缺者僅止一員不敷差委請揀發六員以
資委用等語上年五月內已降旨於本年會
試榜後挑選下第舉人目下相距不過兩三

月若仍揀發又不免有壅滯之虞所有江西
省請簡知縣員數著交吏部存記於挑選舉
子分發時酌量多撥數員至此等分發舉人
向例原按省分之大小定人數之多寡但現
在各省試用候缺人員恐亦多寡不齊若不
查明數目覈實計算將來分發時又不能一
律均勻著該部速即行文直省督撫查明現
在各該省試用知縣未經題補者若干員於
三月以前咨覆到部該部於挑選舉人分發
省分時將每省知縣共若干缺現在試用若
干員應行分發若干員詳悉酌覈奏明辦理
將此諭令知之○戊寅

上以祈穀於

上帝齋戒三日○己卯享

太廟遣怡親王永琅恭代行禮○遣官祭

太歲之神○諭曰蒙古中內扎薩克皆

太祖

太宗創業之初由原部落率所屬之人投誠而

來屢次隨征出力是以表其功勲分別封為
王公扎薩克皆予以世襲罔替字樣炳著於
冊封誥命喀爾喀雖皆被準噶爾台吉噶勒
丹逐出之後於康熙年間始行投誠然是時
已同封為王公扎薩克迄今將有百年俱為
我大清之舊屬人矣但彼原得誥冊予以世
襲罔替字樣者少襲爵時該院必照例請裁
雖原立勲封皆朕所洞悉每次均予以原得
爵品但恐歷年愈久不及詳察其起初功績

即照例減削使不得世受國恩實無以副朕
撫育舊屬之心即使襲予原爵原品亦終與
內扎薩克有間併無以昭國家一視同仁之
意著軍機大臣會同理藩院將喀爾喀王公
台吉中其首先投誠錫封及著有軍功或由
原得爵品晉封並嘉獎施恩而封者徹底清
查此內有應賞給世襲罔替之處或缺出時
有仍應照例請旨者又內扎薩克喀爾喀中
有遇事晉封者若經裁削其初封仍當准其

世襲均著分別妥議具奏候朕親定至青海杜爾伯特土爾扈特和碩特回子王公扎薩克等雖屬新投誠之人非喀爾喀等可比然朕既一體予封亦當一體辦理併著查明定議具奏庶我大清億萬斯年延賞伊等子孫永受恩榮於無既也尋奏查蒙古喀爾喀併青海杜爾伯特土爾扈特和碩特回部王公扎薩克等現遵旨一體詳覈除業經因罪黜封者毋庸另議外所有首先投誠著有軍功及由原爵品續著勞績晉封者均請作為世襲罔替其緣事降等併現已照例降襲者俱照現在爵秩給與世襲罔替至因事奮勉或供備軍需得受封爵者俟缺出時仍將降等承襲及仍襲原爵之處臨期請旨其尋常嘉獎晉封並奏請補授者缺出時照例減襲至扎薩克台吉業經編列旗分職司一旗請毋論原封軍功恩賞奏放統係承襲已久並未降等均請作為世襲罔替俟奉旨後臣等仍

將各部落王公扎薩克等封爵原委分別繕呈請旨添給冊誥再查蒙古汗等向止給汗爵印信未經給予世襲罔替冊誥請將喀爾喀杜爾伯特土爾扈特各汗俱交部頒給從之諭軍機大臣等現在封印期內事務尚少著傳諭于易簡即行起程來京陛見庚辰

世祖章皇帝忌辰遣官祭孝陵

上詣

南郊齋宮齋宿辛巳祈穀於

上帝

上親詣行禮壬午

上御紫光閣賜蒙古王貝勒台吉及回部郡王等宴湖廣總督舒常湖北巡撫鄭大進奏荆關稅務向例由京特派專員管理現遵旨議改請即於荆宜施道暨荊州府知府內遴派一員如辦理妥協一年滿後仍奏請接管

倘經理未善另行改委監督關防仍留交委員經營再該道府本有歲支廉俸原設監督養廉應裁其由京派出現任監督阿彰阿應請撤回即令荆宜施道陳初哲接管下部知之○癸未敕諭達賴喇嘛等曰朕統御萬方撫臨億兆惟期寰宇衆生共享太平宏敷教化爾喇嘛仰體朕意闡揚經典深堪嘉尚朕蒙

上天庇佑身體安和爾講肄精勤體候想亦安

善也班禪額爾德尼前以慶祝七旬萬壽起程來京節次遣散秩大臣副都統等攜帶御用朝珠鞍馬等物沿途宴勞並命皇六子同章嘉呼圖克圖等迎往賞賚於七月二十一日至熱河朝見萬壽節班禪額爾德尼率領衆呼圖克圖等誦經祝釐於九月初二日來京疊加賞賚每遇朝見意甚欣悅並無欲歸之語十月二十九日聞其身體發熱即遣醫診視知花痘見苗朕復親臨看視忽於十一

月初二日圓寂雖本性如如去來一致而篤誠遠來未能平安回藏朕心實為悼惜尚卓特已忠克已呼圖克圖係班禪額爾德尼之兄而大綏綢乃其高弟著加恩賞給忠克已呼圖克圖額爾德木圖諾們汗之號賞給大綏綢扎薩克喇嘛職銜默爾根堪布之號俟百日奉經事竣於二月十三日護送班禪額爾德尼靈柩起程並遣理藩院尚書博清額

乾清門侍衛伊魯勒圖等送至扎什倫布扎什倫布所屬人衆皆賴爾喇嘛照管務須仰體朕懷加意約束善為教養此即為吉祥善事矣○諭軍機大臣等據富綱奏拏獲從奉羅祖邪教之沈本源等併搜出悖逆經卷據供此書得自江西寧都州人詹明空併供廖慧恩即廖廷瞻曾經見過現在江西撫臣嚴密搜查有無別項不法字蹟一面查拏解聞質審等語沈本源所藏鈔本語甚狂悖自應嚴切究訊其所供詹明空廖慧恩等均籍隸

江西著傳諭郝碩即行迅速查拏將所獲人犯遴委妥員解往閩省歸案審辦併飭押解之員沿途小心防範毋得稍有疎虞以致免脫漏網至江西省現在亦必有流傳鈔本並著實力搜查解京銷燬其富綱原摺并鈔寄閱看將此由五百里傳諭郝碩併富綱知之○召大學士及內廷翰林等茶宴以快雪堂帖聯句○甲申軍機大臣等議覆署烏里雅蘇台將軍巴圖條議科布多積穀運赴烏里

雅蘇台並酌減耕田兵丁事宜一科布多屯田應暫停十五分祇屯種六分倉內大麥較多現放官兵口糧先儘此項支給嗣後惟種小麥青稞俟收存相等再行勻放一原設屯田兵丁六百四十餘名現議祇屯六分每分三十三人應留蒙古兵一百五十名綠營兵四十八名屯種再留綠營兵九十二名派充看守倉庫等差餘均撤回仍酌留遊擊一員千總一員把總三員分管屯田等事蒙古章

京內留三人派管各部落人等均交台吉噶爾旺統轄一駝運倉穀應用烏里雅蘇台官駝一千二百隻並由該處房租項下動支銀兩交喀爾喀四部落修理庵繩一千副其備用口袋交歸化城道員採辦一烏里雅蘇台倉房六十間除積穀及存貯茶烟外閒房無多請先建二十間備用如不敷另行奏添一兵丁口糧向由倉穀放給各兵自行碾食前經奏准每斗加給二升惟黍麥等項一經碾舂耗蝕較例得米麪之數仍屬減少兵食尚形拮据請於每斗加支二升外再加二升均應如所請從之○陝甘總督勒爾謹奏甘省各提鎮營節年派往伊犁等處屯田及進勒金川缺損器械業經分別補製並奏准於司庫借支分年扣還陝省事同一例估需銀四萬六千兩有奇請由西安司庫借給除提標於歲取馬廠地租內扣還餘營均按額設公費分作六年八年歸款報聞○是日立春順

天府進土牛春山寶座○乙酉

上詣

大高殿行禮○詣

安佑宮行禮○幸圓明園○諭據莽古齋奏請赴五臺陞見將軍印務交割副都統永鐸署理而永鐸又以年班亦請赴五臺陞見觀此則均有不合年班當於年終來京何必急於陳奏既經莽古齋委署將軍印務乃仍拘泥奏請亦由莽古齋不與會商所致如將軍副都

統同時並出印務將誰委耶莽古齋永鐸俱著嚴行申飭○丙戌諭軍機大臣等本日據富勒渾覆奏接奉王亶望革職留工効力諭旨摺內止稱俟阿桂等到工履勘公同酌議辦理並無惶悚引咎之語殊屬非是前以富勒渾現任閩浙總督而於王亶望留眷在杭一事並不據實奏奏是以降旨同三寶等交部嚴加議處該督接奉此旨自當切實引咎何乃竟無一語提及至王亶望如此有虧大

義朕並未重治其罪尚令留辦海塘尤應自知感悔即伊捫心自問無顏對人亦豈容隱飾於君父之前竟如無此事者豈尚屈抑伊乎至革職之後不敢具摺亦當呈請富勒渾轉奏謝恩王亶望曾任巡撫何竟昧昧若此恬不為事耶至富勒渾摺內稱因各府縣本任俱有應辦事件不能駐工經理酌委丞倅佐雜人員在工管束人夫經手錢糧俾各有專責不致譟卸等語自應如此辦理前據李

質穎奏王亶望欲將留工各員派署地方印務朕彼時即以王亶望為非是今富勒渾所稱現任之員不能在工分理可見前此王亶望所見甚為紕繆然此尚其過之小者是以姑置勿論但富勒渾於此事何以從前亦未奏及是伊竟是一糊塗無能為之人於事理全未明曉豈身任總督者應若是乎富勒渾著傳旨申飭至摺內稱石塘之外必須另築坦水若即以柴塘作坦水每年必須歲修等

語前以李質穎面奏改築石塘後柴塘仍須歲修是以降旨莫若即以柴塘作坦水更為得力今據富勒渾所言是石塘外必須另築坦水將來柴塘可以不必歲修與李質穎前奏互異殊不可解著傳諭阿桂等於到工時即公同詳悉履勘將富勒渾李質穎所言孰是孰非確按情形妥慎籌畫據實具奏將此由六百里傳諭知之富勒渾摺併鈔寄阿桂等閱看○又諭據福康安等奏清釐積欠鹽

課設法籌辦一摺所稱四十四年現已清完四十五年新課分限勒催隨銷隨解以冀年清年款所辦已為妥協惟所稱歷年舊欠所徵無多若責令帶徵終歸懸宕請將前項無著銀三十二萬餘兩在於通省養廉內酌量銀數多寡分作八年攤扣全清等語此項積欠鹽課俱係歷任之督撫藩司經理不善所致於現任之員無涉若派令均攤則從前承辦之員轉得置身事外而現任各官接扣著

賠於事理殊未平允況養廉原為辦公而設若令攤補舊欠用度亦未免拮据因思裴宗錫封存家產從前著賠減價平糶銀兩為數無多若令再賠出十萬亦不為過圖思德歷任督撫有年又並無出色之處亦應令其家屬分賠至其餘銀兩如李侍堯曾任雲南總督因婪索獲罪查抄其家產已經入官但念鹽課積欠無著除裴宗錫等賠項之外為數尚多即著加恩將李侍堯入官估變銀兩劃抵又錢糧係藩司專責滇省歷任藩司中有並無賠項者亦豈得任其漏網如此分別著賠積欠儘可全清何必又於現任各員紛紛攤扣乎除圖思德家屬就近令該旗查辦歷任藩司交軍機大臣查明另行辦理至裴宗錫名下應賠之項著傳諭喀寧阿即將封存財產內分別解京估變歸款一面據實覆奏將此由四百里傳諭喀寧阿並福康安等知之○丁亥

上御奉三無私殿賜皇子皇孫諸王等宴。諭軍機大臣等朕屢聞國泰在山東巡撫任內不能得屬員之心致有怨言恐其別有不法款蹟因傳諭令于易簡來京詢問據奏國泰並無別項款蹟惟馭下過嚴遇有辦理案件未協及詢問不能登答者每加訓飭是以屬員畏懼致有後言此誠據實之奏即如上年冬參奏知縣黃鈴許保琛不能留心查禁蓄髮頭陀一事並將該管知府等參處辦理朕已覺

其過當已經降旨駁飭伊亦自知太過及詢其比黃廷桂李侍堯如何據稱尚不致如伊二人之嚴厲又詢以國泰屢經保薦呂爾昌有無徇庇交通情事據稱呂爾昌與國泰均係刑部司官出身常委審理案件並無交通徇庇之事各等語督撫身任地方稽察屬員是其專責自應隨事留心教導但寬嚴期於得中至接見屬員詢問地方事務尤宜虛心採訪使人人得以盡言方於公事有濟若動

加呵斥致令畏懼何以得申下情況各府州縣事務繁多豈能盡行記憶有問即答即如山東巡撫任內事件若當面詢問國泰能一奏對乎朕於各督撫從不肯寄耳目於藩臬但于易簡係大學士于敏中之弟經朕面詢自不敢不據實奏對是以令其來京陛見今據所奏如此是國泰尚係辦事認真欲速見長之過並非有別項劣蹟然過猶不及亦不可不知著將詢問奏對緣由傳諭國泰令

其知所警惕痛加改悔所謂有則改之無則加勉凡事寬嚴適中不可太過亦不可不及若伊奉朕此旨即自知猛省隨事留心更改將來自可長受朕恩為國家好大臣豈不甚善若再不知改悔或因此轉加模稜不認真辦事是伊自取咎戾朕不能為國泰寬也至于易簡既奏稱國泰並無別項款蹟將來或經發覺或被訪聞不特國泰罪無可辭即于易簡亦有應得之罪著傳諭國泰并于易簡

知之戊子

上詣

安佑宮行禮 御正大光明殿賜朝正外藩等

宴召烏珠穆沁和碩車臣親王瑪哈索哈科

爾沁多羅郡王桑對扎布喇什噶勒當固山

貝子多羅額駙班珠爾奈曼多羅郡王拉旺

喇布坦阿巴噶多羅郡王喇特納什第喀喇

沁多羅郡王喇特納錫第多羅貝勒多羅額

駙扎拉豐阿敦漢多羅郡王齊默特魯瓦固

蒙古王

七

山貝子固山額駙垂濟扎勒輔國公多羅額

駙桑濟扎勒巴林輔國公和碩額駙德勒克

喀爾喀和碩親王固倫額駙拉旺多爾濟土

默特多羅貝勒索諾木巴勒珠爾青海固山

貝子羅布藏色布騰杜爾伯特輔國公扎納

巴克回部郡王品級貝勒霍集斯等至御座

前賜酒成禮 諭據富勒渾奏浙省漕艘因

上年黃河水阻抵壩後起卸回空歸次遲延

現據催空官紹興後幫千總薛永清稟報歲

內可陸續到齊並請展至正月內開兌等語
漕艘冬兌冬開向例甚嚴此次浙省回空遲
延雖由上年抵通較遲所致但富勒渾既欲
沿途催趲即應專派道員或同知將備等官
往催庶呼應較靈乃僅派千總微員前往迎
催何不知輕重若此富勒渾著傳旨申飭至
所稱援照乾隆十九年四十四年展限之例
各省糧艘關係正供十九年舊案固未可援
以為據即云四十四年近例可循但若逐年

廣東王

七

遞展將來何所底止且浙省如此他省亦將
效尤其應如何設法督催不致稽遲之處著
交部迅速定議具奏尋奏嗣後漕船重運回
空應令沿途督撫及總河總漕專派道府大
員或丞倅將備等官親駐河干實力督催務
遵定例日期抵次其應領修置物料銀兩均
令於抵次前豫為籌備船到即可趲辦得旨
依議速行 諭軍機大臣等據富勒渾奏報
銷辦差經費錢糧實用銀十九萬八千七百

餘兩均係實用實銷並無浮冒等語此事前據李質穎在京面奏上年辦差經費俱係王燧在總局支銷王璽望惟言是聽其中並有借名浮開物件價值差竣後各自分用譬如銅火盆一項所費無幾竟開銷至數百兩可知冒開者正復不少但不便以南巡辦差之事將承辦各員叅劾俟查明通融辦理等語朕彼時以李質穎口說無憑應查明再行辦理今李質穎在浙半年有餘尚未查辦清楚

實錄卷一百五

七

富勒渾到杭未久即將此案造冊報銷若非李質穎從前辦理遲延即係富勒渾有意周旋王璽望乘李質穎尚未到任之先急將此案辦出二者必居其一且其間恐竟係富勒渾希圖速結之意為多著傳諭阿桂於查勘海塘時就近將差費報銷之事確實查覈即李質穎所奏通融辦理亦不過含渾之詞其實在如何辦理之處阿桂務須秉公查辦並將差費確數覈實奏銷富勒渾摺著鈔寄閱

看將此由六百里傳諭知之○又諭本日據富勒渾等覆奏採運本省石料以濟要工一摺內稱借項添造運船五十隻協濟等語此項船隻前據李質穎在京奏稱王璽望欲令商人造辦船隻裝運石料有商捐銀二十萬兩聽候動支等語則一應成造運石船隻俱應動支此項銀兩何以又稱借項添造著傳諭阿桂等查明此項船隻是否動用別項公帑成造抑或即以此項商捐稱為公項動支

實錄卷一百五

七

之處即速查明據實覆奏

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百二十二

實錄卷之一千一百二十二

重

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百二十三

監修總裁官經筵講官太子太傅文蔚閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書鑲藍旗滿洲都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將

較修

乾隆四十六年辛丑正月己丑

上御正大光明殿賜大學士尚書等宴（庚寅）
諭朕於二月初六日御經筵所有應行事宜
各該衙門照例豫備○諭軍機大臣等據郝
碩奏接准福建知會拏獲信奉羅教之寧都
州人廖慧恩張翰彩等並起獲收藏經卷提
犯至省審訊兩省所審犯供及起出經卷有
互異之處恐有不實不盡現在復加嚴審並
逐細搜拏夥黨從重定擬具奏等語此案先
據富綱奏到時曾傳諭郝碩即行嚴緝案犯

派委妥員解閩審辦並令沿途小心防護毋致疎虞今據郝碩所奏江西省拏獲之犯甚多若盡行解往閩省恐不免有在途免脫之事著傳諭郝碩如現在所獲人犯訊明供證確鑿無須解閩質訊者即可在江西定案辦理或江西省獲犯較多並不如將福建所獲之犯解至江西歸案審訊如必須解往閩省亦止將要犯一二人派委幹員管解前往其餘仍留該省審擬具奏將此由五百里傳諭郝碩並令富綱知之○壬辰諭朕此次巡幸五臺著誠親王質郡王大學士英廉協辦大學士尚書永貴留京辦事至迴蹕日期不過月餘所有月選官文職知縣以上武職守備以上俱候朕迴鑾帶領引見其餘俱照向例著王大臣驗放其各省應進奏摺俱著齎赴行在投遞該部通行傳諭知之○癸巳諭五城內外粥廠前於例給米石外業經加恩每廠每日增給米一石以資煮賑但向年各廠俱

於三月二十日停止恐其時貧民就食者尚多著再加恩展賑一月以示優卹該部即遵諭行○又諭曰巴延三等奏粵省差委乏人請揀發知州二員知縣四員一摺前因本年會試榜後挑選舉子所有江西省請簡知縣已交吏部存記於挑選分發時酌量多撥數員此次巴延三等請簡知縣亦著吏部照前旨辦理其所請知州二員著交與驗看月官之大臣照例揀選帶領引見發往差委○甲

午諭朕啟鑒以後戶部堂官隨駕者多其尚書事務著英廉暫行署理步軍統領印務亦著英廉兼署曹文埴著署戶部侍郎其工部侍郎員缺著楊魁署理○乙未諭曰明善奏杜爾伯特郡王博斯和勒病故其盟長印務暫令副盟長貝子和託羅署理扎薩克印務令協理本旗事務台吉車伯克等署理其博斯和勒之郡王爵應以伊子那旺索諾木承襲第年甫七歲若送至熱河引見不能乘馬

等語博斯和勒溘逝朕心甚為軫惻著加恩賞給烏里雅蘇台庫銀五百兩那旺索諾木即令承襲郡王俟年長能乘騎時再送熱河引見○諭軍機大臣等前據勒爾謹保奏筆帖式景福勤慎供職遇有差委認真查辦實為微員中難得之員懇恩以州縣補用一摺當交軍機處存記本日吏部將該員帶領引見朕觀其人不過平常供職之員勒爾謹何乃破格保奏此等微員祇係在總督衙門鈔

寫文案並無辦理地方事務若以其行走親近遽行保奏恐開屬員奔競之端此風斷不可長勒爾謹著傳旨申飭○以故阿勒台烏梁海散秩大臣伊蘇特子莫羅木達爾扎襲職年未及歲以總管碩博克章京瑪木特代理應辦事務○丙申

孝聖憲皇后忌辰遣官祭

泰東陵○丁酉釐正上辛祈穀典禮諭本月二十三日内閣進呈禮部具題壬寅年各

壇

廟祭祀齋戒日期一本冊開正月十四日次辛祀

祈穀壇所擬甚屬不當天子父

天母

地祇承之義不可稍弛從前雍正七年恭奉

皇考世宗憲皇帝諭旨以定例正月上辛若在

初五日以前則改於次辛但元旦朝賀乃朕

躬之禮儀若因此而展祈穀之期於心實有

未安著於上辛行禮煌煌

聖訓實萬世不刊之論朕御極以來遇正月初

三日以前上辛因必須隔年齋戒是以改用

次辛其有初四日上辛亦改用次辛行禮者

則因

聖母皇太后祝釐初社朕於元辰躬率王公大

臣拜賀

東朝儀節不容稍闕至明歲正月初四日上辛

並非向年可比矣該部何得亦改次辛况冬

至

南郊禮成。有於次日受賀者。所謂禮緣義起。而義以方外。尤必敬以直內。如謂臣下意在尊君。不敢輕易朝正令典。亦當備查往例具奏請旨。乃禮部遽行題達。何昧昧一至於此。至閣臣職司票擬。於此等典禮攸關之章疏。何以並不細心請旨擬簽。必待朕自行看出耶。所有禮部堂官著交部嚴加議處。大學士等著交部察議。至祀典本屬吉禮。而上辛

祈穀。尤歲首鉅儀。乃該部必於二十三日具題。閣臣亦即於是日呈進。朕雖不以此責備。而諸臣疎忽若是。可謂不知仰體朕懷矣。所有明歲

祈穀行禮。仍用上辛。並著為令。將此通諭中外知之。○朝鮮國王李祘遣使表賀冬至元旦。二大節。又奏謝恭奉恩諭。並進貢方物得旨。覽王奏謝。知道了。前經降旨。所有陳謝表章。隨進貢物。概令停止。今該國王奉到此旨。具

奏稱謝復具表恭謝加賞緞匹。仍各具方物。隨進本不必收受。但既專使遠來。仍令齎回。徒滋往返。若照例留作正貢。該國王屆正貢之期。仍以向年備物呈獻。非所以示推誠而昭體恤。此次貢物著收受。仍加賞鞍馬綢緞貂皮等物。嗣後務宜恪遵前旨。毋庸備進。若再進。必令齎回。該國王其善體朕柔惠遠人以實不以文之至意。○戊戌諭前據福康安等奏清釐積欠鹽課。請將舊欠無著銀三十

二萬餘兩。在於通省養廉內攤扣歸款等語。此項積欠鹽課。皆係歷任之督撫藩司等經理不善所致。於現任之員無涉。若派令均攤。則從前承辦之員轉得置身事外。於事理殊未平允。業經降旨。令歷任督撫等分認賠補。現據圖思德家屬認賠銀七萬兩。又裴宗錫封存家產已諭喀寧阿查明。令其賠出十萬兩。今據喀寧阿覆奏裴宗錫所封贓產為數無多。合計滇省無著銀款不敷抵補雲南歷

任藩司如宮兆麟王太岳孫士毅俱緣事降
草本身亦有應繳款項至朱椿曾任雲南藩
司錢糧是其專責朕不追治其罪已屬格外
之恩且伊係現任之員此項積欠銀兩自應
著落認賠著姚成烈諭知朱椿令其自行分
認使公項有著不致久懸朱椿經朕特加擢
用具有天良自當感激朕恩據實呈報將此
由四百里傳諭姚成烈知之○己亥諭軍機
大臣等朕此次巡幸五臺其北臺地境高寒

業經降旨毋庸豫備矣今閱嚮導處程站圖
內所擬朕臨幸各處地段較多其中有已經
豫備者恐亦有未經豫備者著將原圖發交
喀寧阿閱看將所擬臨幸各處已經豫備者
某處未經豫備者某處另行繪圖貼發聲明
其未經豫備之處據實奏聞即可無庸前往
將此由五百里諭令知之○又諭據富勒渾
奏搶修石塘工段暨現在沙水情形一摺內
稱范家埠塘外陰沙一塊中衝水溝大溜逼

近塘根因於頂衝處所添築柴工盤頭一座
隨接築護沙埽牛三十丈並添築挑水壩察
看潮勢仍逼近章家巷一帶遄行至新建盤
頭挑水壩處所大溜挑開老沙藉以無碍隨
復擬於萬嘉廟塘外添築盤頭一座俾上下
幫助以挑來回大溜使之回向南趨餘俟阿
桂等到工再行公同履勘情形籌議具奏等
語已於摺內批示矣至詳閱圖內所築上下
盤頭二座其頂衝形勢較之章家巷尚為稍

減該處施工築做盤頭似未十分得力朕意
莫若竟於天字號章家巷處所趕築盤頭一
座使溜勢向外挑開不致復逼塘根已於圖
內用硃筆圈識著發交阿桂等閱看將是否
應如此辦理之處公同察看情形詳酌妥議
具奏將此由六百里發往令將如何籌辦緣
由即速由驛覆奏○庚子諭前經降旨將伊
齡阿調補粵海關監督已屆月餘未見伊具
摺謝恩殊不可解從前伊齡阿齋遞奏摺為

期頗速何以今次如此遲延向來內外調任人員無不具摺謝恩者豈伊齡阿因由鹽政調任監督不滿其意遂任意疎慢若此耶著傳諭伊齡阿將因何不即謝恩緣由據實回奏○伊犁將軍伊勒圖奏前准部咨烏什普爾壅積應行停減將年獲銅觔解赴伊犁鼓鑄制錢查添鑪配鑄點錫向由內地調取黑鉛係本處採挖伊犁每年約獲鉛萬餘觔請將烏什普爾停鑄二千七百串計銅二萬二

千餘觔應配黑鉛九千餘觔於每年採挖之數自可有盈無絀至添蓋鑪房調撥匠役均俟會同綽克托商辦報聞○辛丑諭曰車登多爾濟等奏現居京師之俄羅斯喇嘛及學習清漢語之俄羅斯學生請如固畢爾納托爾等所請另派來京更換一摺本係照例應辦之事著即照所請行惟摺內牽引市易事件甚屬繁瑣著傳諭勒保嗣後辦事惟以簡明為妥○壬寅諭領侍衛內大臣例應輪流

進班乃日久因循輒將王公散秩大臣等代為輪充取巧偷安殊屬不合阿桂福隆安俱著進班並派署領侍衛內大臣二員照乾清門委班長之例遇有曠誤令伊等補進此二員即派濟哈納阿克棟阿若領侍衛內大臣全備伊二人仍歸散秩大臣之班○又諭據阿桂等叅奏杭嘉湖道王燧驕縱不法價買部民之女為妾復於本管地方建造私宅拆毀民居添蓋花園屋宇以致民怨沸騰並與

市井小民夥開銀號希圖牟利似此貪縱不職之員斷難一日姑容此外恐尚有不法款蹟請旨革職拏問等語王燧著革職拏問交與阿桂等嚴審定擬具奏所有浙江杭嘉湖道員缺著盛住調補並著即日馳驛前往速赴新任○諭軍機大臣等據阿桂等叅奏杭嘉湖道王燧貪縱不職各款現已明降諭旨交阿桂嚴審定擬具奏矣王燧由王亶望保薦擢用道員乃不思潔已奉公驕縱不法種

種款蹟行同市僧實出情理之外非尋常有玷官箴者可比三寶前後歷任有年即富勒渾李質穎到任亦俱逾數月伊等豈一無見聞並未具摺奏且去年冬間李質穎在京召對數次亦並無一字提及督撫糾察屬吏是其專責似此貪縱不職之劣員尚為曲予姑容非此次阿桂等前赴海塘勘工將伊款蹟訪查確實專摺奏聞則朕何由得洞悉富勒渾等平日所司何事耶若論失察之咎將來定案時該督撫等自當量予處分然亦不過草職留任而止伊等亦未必畏懼除大學士三寶就近令軍機大臣等傳詢外著傳諭富勒渾李質穎令其捫心自問應得何罪即行具奏○又諭曰阿桂等奏勘海塘工程情形一摺據稱現在趕築之搶險條塊石塘五百丈所謂急則治標之計實為刻不容緩至察看工程釘樁三萬四千餘根砌石二百五十餘丈一切做法尚為緊密惟有嚴飭各員

上緊築砌等語此時亦只得如此辦理惟摺內所稱李質穎前在工所目擊釘樁甚難每日打樁止二三根而自十一二兩月以來打樁至數萬根何以難易迥殊詢之監督等官據云先將尖竹簽試再釘樁木施工較易猶恐夫匠有削鋸樁木偷減尺寸情弊再俟赴工創驗各等語阿桂等既恐有此等弊端自當立行創驗豈可俟再赴工所始行創驗已於摺內批示此時阿桂等諒已驗明應即據實速奏又奏稱富勒渾欲豫留坦水地步李質穎仍欲歲修柴塘俟李質穎到工一併勘實另行具奏一節看來富勒渾與李質穎於海塘一事均不能確有定見切中機宜而李質穎尤不肯用心出力即如商捐銀二十萬兩李質穎因與王亶望意見齟齬即稱王亶望欲令商人造船今據阿桂等查案係在王亶望未到浙省之先竈戶等呈請令商人造辦經李質穎批飭鹽道辦理今何以轉將造

船一事專諉之王亶望此處應問李質穎從前因何如此陳奏自蹈面欺之罪令其明白回奏看來李質穎竟屬全無天良即在廣東正署督撫任內甚久於焚塘沙灣盜藪肆劫一案因循貽患幸得李湖接任後上緊設法辦理始行徹底拏獲淨絕根株可見李湖能以公事為事具有天良李質穎則惟恐勦捕羣盜致煩兵力遂爾姑息養奸任其滋蔓貽害地方竟屬全無良心此案李質穎不過交部照例議處乃近日廣東學政道員等來京朕詢以此案原委俱稱實由李湖立意辦理始能為地方除害即李天培亦不欲用兵勦捕曾面經李湖訶斥並云若差往捕緝兵丁設為盜賊所傷伊巡撫即當親身前往萬一亦為所傷國家自能為之復讐以彰國憲為大臣者居心如此始為不負任用之恩若如李質穎之幸免無事罔顧天良國家又安賴此督撫為耶朕臨御四十六年以來兢兢業

業無時無事不以敬

天愛民為念仰蒙

上天眷佑寧謐順成然朕總不敢自恃稍弛敬畏之念若為大臣者不知敬畏存心奉公守法則天理亦必不容斷難逃朕洞見內外大臣等皆當共知警惕各自凜守毋謂命運恩眷可恃無恐遂爾恣肆無忌如李侍堯豈非目前榜樣耶將此傳諭阿桂等知之○又諭據阿桂覆奏查辦浙江報銷辦差經費一摺

內稱查取奏銷細冊詳加覈對均係照南巡成例開銷並無浮冒至李質穎到任後並無駁查底冊之案惟富勒渾曾經駁查兩款等語此項奏銷前據李質穎面奏俱係王燧經手難免冒開情弊等語若此則銷冊內可駁者多何以李質穎到任半年轉未駁查一條是所辦與所奏並不符合殊不可解著傳諭阿桂將李質穎因何不行駁查之處查明覆奏又據阿桂奏浙江差局總理係嘉興府知

府陳虞盛同王燧承辦上年浙江入境首站朕因其所辦過當業經傳旨飭禁詢之三寶等稱係陳虞盛所辦今該員雖已病故但與王燧通同浮冒開銷設其人尚在自有應得之罪不可因其人已故竟置不議也○陝甘總督勒爾謹奏蘭州府屬狄道州城西緊靠洮河西岸山石壁立逼水東注城垣每患衝刷經前撫臣奏准築土壩一道小壩二道上年秋雨暴漲原建小壩衝沒土壩亦間段倒塌隨親往履勘大壩中間應改石防餘均用土工夯築併鑿去西山石嘴急溜不使東射其下流凝灘處所均一律挑挖估需銀由司庫酌發下部知之○癸卯

上還宮○諭曰福隆安現應隨往五臺其未回京以前所有兵部尚書事務著德福暫行兼管工部尚書事務著永貴暫行兼管又諭昨據阿桂等參奏杭嘉湖道王燧驕縱不法行同市儈民怨沸騰已降旨革職拏問交阿

桂等嚴審矣至富勒渾李質穎身為督撫豈竟毫無見聞乃並未據實劾奏所謂整飭吏治者安在且伊等於現辦海塘事務茫無確見在彼諒亦無用富勒渾李質穎俱著來京候旨陳輝祖向於河工事務尚能留心講習海塘修築機宜大畧相同著授為閩浙總督至福建現有富綱在彼已歷年餘陳輝祖即在浙省督辦塘工並兼管浙江巡撫俟海塘工竣再往福建其浙江巡撫員缺屆期另行

簡放所有江南河道總督員缺著李奉翰調補河東河道總督員缺著韓鐸補授即速赴任俟過伏秋汛再來京請訓李奉翰俟韓鐸到任交代後即赴南河之任亦不必來京請訓其江南淮徐河道員缺著何裕城調補河庫道員缺著劉錫嘏補授○諭軍機大臣等昨據阿桂等參奏杭嘉湖道王燧買部民之女為妾並於省城置買房屋花園開設銀鋪種種劣蹟同城督撫豈得毫無見聞所謂察

吏者安在已明降諭旨令富勒渾李質穎來京候旨伊二人於海塘工務皆不能確有主見認真留心尚非王亶望王燧之可以分段派辦塘工使過者比伊二人應留塘工或留一人或俱不必留工之處著阿桂等酌定據實具奏○是月江蘇巡撫閔鶚元奏據吳縣太湖廳稟報辦解浙塘石料除十二月底已起運三千丈外現於正月再運一千丈惟太湖廳工匠不敷開採隨將江寧鎮江等處工

平糶奏摺

下

匠調到三百餘名又委員赴安徽寧池等處添雇三四百名此後按工計料即可加倍起運其宜興荆溪遵旨取用裹石現已集工開宕均可接濟報聞○湖北巡撫鄭大進奏湖北各屬水陸墩塘一千一百二十七座偶遇水漲衝塌及年久頽壞過多應請動項報銷其常年粘補揭蓋均係文員自行修整惟各州縣衛有日久並無修理或數月屢次補葺彼此偏枯致多諉卸請按所管水汛塘房一

座每年扣存養廉銀一兩陸路塘房一座每年扣存五錢交代時按日計算造報遇該境有應葺塘房准承修之員詳動修理報銷迨移營給兵亦責令汛弁查察定以水汛保護二年陸路保護三年倘限內任意踐毀汛弁徇縱即叅治著賠得旨覽○山東巡撫國泰奏東省各屬倉穀積年久貯其不耐收存之米麥應設法出易雖市價尚平無庸減糶而東作乏食貧民間資官倉接濟現飭屬確查

平糶奏摺

下

覈實先儘社穀及不耐久之米麥出借如有不敷再動常平穀石均於秋後易穀還倉得旨知道了又奏謝訓飭恩並時自檢束事事切實留心仰副教誨生成至意得旨覽行如此言可也○山西巡撫喀寧阿奏河東鹽務近年產鹽較旺而乏商紛紛告退恐係私販潛售致官引積壓遵旨留心查察其迤北口外鄂爾多斯阿拉善一帶已嚴飭員弁查拏至陝西之花馬池鹽河南之長蘆鹽均

與河東行鹽地方毗連。難免越境興販。現在督率運司等切實查禁。得旨實力為之。毋為空言。

平糶奏王書堂

二十

大清高宗法天隆運至誠先覺體元立極敷文奮武孝慈神聖純皇帝實錄卷之一千一百二十三

大清高宗法天隆運至誠先覺體元立極敷文奮武孝慈神聖純皇帝實錄卷之一千一百二十四

監修總裁官總纂官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部鑒書院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣等謹

總纂官總纂官太子太傅大學士文淵閣領閣事稽察欽奉 上諭事件處管理刑部戶部工部事務

世襲副都統軍功加十九級隨帶加二級又加二級臣等謹將內大臣戶部尚書鑒書院滿洲都統軍功紀錄一次

尋常紀錄十四次臣等謹將總纂官太子少保工部尚書紀錄六次臣等謹將尋常

敬修

乾隆四十六年辛丑二月甲辰朔遣官祭

先醫之神○諭禮莫大乎敬

天義莫隆於

郊祀前以禮部具題壬寅年祭祀

壇

廟各日期將

祈穀行禮改用次辛所擬不當已明降諭旨仍

用上辛矣孟春

祈穀所以迓陽氣而兆農祥考諸經傳蓋指立

春以後之上辛而非元旦以後之上辛雍正

年間恭奉

皇考聖諭飭禮臣定議允宜永遠遵守敬思其義若上辛在立春前舉行與乘陽之義未為精當又上辛設在正月初三以前則當於舊臘隔年齋戒而

太廟裕祭實為合饗大禮即宮中拜

神亦屬國朝定例若於齋戒期內照舊舉行於專一致敬之道似猶未協其應如何斟酌古今益臻明備並百世遵守可行之處著大學

士九卿詳悉妥議具奏尋議按禮記月令孟春之月先紀迎春東郊次乃祈穀於上帝家語載孔子云啟蟄之月祈穀於上帝左傳啟蟄而郊郊而後耕公羊傳用正月上辛註云三王之郊一用夏正正月者歲首上辛猶言始新也宋史禮志云春氣初至農事方興故郊祀昊天以祈嘉穀當在建寅之月迎春之後請嗣後定以立春後所得之辛為上辛舉行祈穀禮如立春後之辛尚在上年十二月

內則仍用正月上辛以符歲首始新之義至正月初四日上辛行祈穀禮應於初一日齋戒起是日

皇上於未入齋宮之前宮中拜

神

奉先殿均可各昭誠敬惟出宮詣

堂子行禮

皇上親詣不親詣例由禮部將可否展期於初五日行禮之處先期奏請至御殿受賀請用

初五日亦由該部具奏則凡正月初四日係上辛行祈穀禮原毋庸改期惟上辛在初三日以前則齋戒在隔年舊臘之內若歲暮裕祭

太廟宮中拜

神諸大典於已入齋戒後舉行兩事同時未為專一致敬按郊特牲有卜郊之文宋方慤云卜郊蓋指用辛之郊而言嗣後如上辛在正月初三以前請酌用卜郊不專用上辛之義

改於次辛行禮從之。○諭軍機大臣等前據阿桂等奏杭嘉湖道王燧驕縱不法種種劣蹟以致民怨沸騰已降旨革職拏問嚴審矣該員既如此妄行恐此外尚有別項款蹟阿桂自應嚴密訪查至王亶望與王燧有無交通情事並著阿桂留心查察至王燧如此行為李質穎亦應據實叅劾且伊與王亶望不和正應將王燧劾奏即可連及王亶望何以轉無一言奏及豈李質穎亦與王燧有通同交涉之事並著阿桂一體嚴切訪查如有實據亦即叅奏至昨日簡用韓鐸等諭旨阿桂諒可接閱前據阿桂等奏國泰不宜久任山東朕因傳旨令于易簡來京陛見面加詢問據稱國泰因察吏過嚴諸事認真以致屬員畏懼多有怨言並無別項款蹟所奏自為確實經朕降旨訓飭著鈔寄阿桂閱看朕於用人行政一秉大公至正從不肯少為遷就如富勒渾李質穎二人何難調用總河以為

調停之局而朕黜陟嚴明斷不肯出此阿桂等亦當共知之也將此由六百里傳諭知之

○乙巳諭朕恭閱

皇祖實錄內載雲貴總督卞三元與張國柱李本深等合詞奏留吳三桂總管雲貴事務一節因檢閱卞三元列傳載與張國柱等俱傾附吳逆即當日共疏乞留三元疏詞尤為迫切可見三元實為吳逆用人當日

皇祖洞燭機先未允所請而吳逆事權遂以解退三元後見吳逆反跡漸露遂託言母病乞休迨削平吳逆張國柱李本深俱以從逆伏誅而三元竟脫然事外且自乞養歸旗閱三十年及伊歿後又復邀

恩得賜祭葬並謚以恪敏夫三元本一進退無據首鼠兩端之人在

皇祖當日或念三元際

開國之初由牧郡洊歷封疆曾有帶兵轉餉微勞且當三桂倡亂之時伊先已告休在家因

為曲予包容保全終始今事閱百年詳加論定。不得明白宣示。以昭彰瘝。朕於臣工功罪。論斷一秉至公。即如前代諸臣之懷二心。以事君者。猶且另為立傳。不稍寬假。況卞三元逮事。

兩朝寵承

恩遇。乃始則攀援黨逆。力疏保留。繼則抽身遠引。以圖避害。其居心行事。殊不可問。幸而老死。牖下未被顯戮。已邀國家寬大之恩。若復

以飾終令典。永荷殊榮。將何以肅綱紀而示懲勸乎。所有卞三元生前官秩及死後謚法。並所得誥勅。俱著追奪。其祭葬碑文。並著該旗查明。一併仆燬。將此通諭中外知之。○諭軍機大臣等。據郝碩覆奏。查辦寧都州邪教一案。江西省現獲人犯共二十九名。而閩省要犯止有沈本源一人。已遵旨飛咨福建撫臣。委員速將沈本源押解來江質審。歸案辦理等語。此案江西省獲犯既多。自應遵照前

降諭旨。就近辦理。著傳諭富綱。速將沈本源派委委員。解交郝碩。令即嚴行審訊。定擬具奏。將此由五百里發往。併令郝碩知之。○是日起。

上以祭

社稷壇。齋戒三日。○丙午。諭朕自臨御以來。每遇

郊祀大典。無不蠲潔躬承。四十六年如一日。今仰荷

昊蒼眷佑。壽逾古稀。仍當躬親行禮。而一切登降禮儀。步履完覺。稍遜於前。若遣官恭代。非朕勤於躬親。昭事之初心。而勉強將事。復於精一凝承之意。轉有未盡。因諭該部前往敬視。

祈穀宿齋宮詣

壇瞻拜。日降輦處。茲據福隆安等奏。請擬由皇乾殿西牆門外降輦。較為近便。等語。應如所奏。交各該衙門遵照辦理。此朕仰體。

上天眷愛朕躬長申寅恪之意將來朕子孫繼緒凝庥有壽登古稀者亦可欽承朕志於

郊壇大祀歲歲躬行率由此典以上邀

皇天眷顧之隆庶幾無疆惟休永膺

昊貺垂裕萬年將此通諭中外知之○又諭繕

譯鄉會試從前停止已久嗣於乾隆四十三

年舉行考試原係特旨加恩今該部因屆三

年復又奏請為期太近恐開倖進之門此次

所請考試之處不必舉行嗣後每屆三年該

部仍照例具奏其准考與否候朕降旨定奪

○又諭刑部因經朕看出覈覆山西省梁崇

祿圖姦竇生宜之妻被竇生宜毆傷身死將

竇生宜漫照罪人不拒捕而擅殺律擬絞監

候一本請另立罪人雖拒捕而並未傷人之

例此案梁崇祿竇亦拒捕但未傷事主向來

辦理此等案件俱有成例可援如罪人不拒

捕而擅殺者自應照例緩決數年後遇赦再

行減等若罪人既有拒捕確實證據致被捕

者殺死則捕者無論已未受傷均當於本年列入可矜刑部祇須於秋審時就案覈辦不必另立科條竇生宜一案即照此辦理○以故奉國將軍興誠子穆精阿照例降封奉恩將軍○丁未祭

先師孔子遣大學士嵇璜行禮○諭軍機大

臣等閱奏繳銷燬書籍內有河南省解到明

仁宗所製天元玉歷祥異賦及不知撰著名

氏之乾坤寶典二種此等天文占驗妄言禍

福之書最清惑人心未便存留在外恐各省

查辦書內未能搜繳淨盡著傳諭各督撫令

其一體查繳陸續解京並查明有無板片一

併解送銷燬○戊申祭

大社

大稷

上親詣行禮○己酉以舉行仲春經筵遣官告

祭

奉先殿

傳心殿

上御文華殿講官暨侍班之大學士九卿詹事等行二跪六叩禮分班入殿內序立直講官四人出就講案前行一跪三叩禮復位直講官德保謝墉進講大學此之謂絜矩之道一句講畢

上宣御論曰曾子聞夫子一貫之心傳其告門人曰夫子之道忠恕而已矣故其釋治國平天下以為有絜矩之道又申之以上下前後左右有所以接之之境處之之理而曰此之謂絜矩之道蓋矩者境也絜者理也理也境也不外乎一心境者心之接理者心之處中心之謂忠處理之謂也如心之謂恕接境之謂也一以貫之豈更外於此乎然非克己復禮理境相融其能與於此者鮮矣仲弓問仁而夫子示之以敬恕此物此志也講官暨侍班官跪聆畢興直講官阿肅董誥進講易經乾始能以美利利天下不言所利二句講畢

上宣御論曰項氏謂乾始而四德在其中俞氏

謂乾始即乾元是二說也一則分始與元為二一則合始與元為一以為俞說近之而猶未識夫始也元也總一乾也蓋乾具四德大哉乾乎乾之大不可見於四德見之所為始能以美利利天下不言所利天何言哉四時行焉百物生焉无所不利非可指名即貞也四德以是乎流行萬彙以是乎蒙美美豈不大乎夫人君者體天者也有孚惠心勿問元

吉余嘗申其義而論之亦曰不言所利而已矣講官暨侍班官跪聆畢大學士英廉等奏曰

皇上德涵胞與道貫天人本忠行恕而保惠無疆執簡御繁而博施已徧洵所謂垂裳自化擊壤難名者矣臣等幸侍

講筵親承

聖訓不勝欽服奏畢諸臣出就拜位行二跪六叩禮禮成

上御文淵閣賜茶○還宮復賜講官暨侍班官等宴於文華殿東廡之本仁殿○遣官祭

關帝廟○庚戌吏部議准副都御史吳玉綸奏京畿道係都察院代堂辦事之員凡本衙門一切事件及吏部議處議敘均由該道御史叢議具稿遇有舛錯例止將堂官議處承辦之員轉得置身事外立法未為周密請照各部司員例嗣後凡有應得處分即將列名具題之京畿道一併叅處從之○辛亥遣官

祭昭忠祠○以故翁牛特三等子巴克巴扎布弟賽音察袞襲爵○壬子諭軍機大臣等據阿桂等籌議海塘工程除老鹽倉一帶一千七百丈沙性澁汕難以下樁砌石外所有應建石塘共二千二百丈若一律改建魚鱗石塘所用夫役木石及運送船隻甚多若做條塊石塘比魚鱗不過三分之一施工易而成事速約計四十七年內可以歲工從前嵇曾筠所辦東塘搶險石工尚屬鞏固則酌增

工料加添丈尺亦仍可垂諸遠久等語所奏是已於摺內詳悉批示矣老鹽倉一帶沙性澁汕難以下樁從前朕本親經試驗所有該處塘工一千七百餘丈只可仍存其舊王亶望欲一律建築自屬固執已見然其意出於要好尚其過之小者至此外應建之二千二百丈既可仿照條塊石塘做法較魚鱗塘工易而成速則現在辦法亦大約不出於此著傳諭阿桂等一俟履勘確實衆議僉同即速

上緊興工辦理將此由六百里傳諭阿桂等知之○又諭曰阿桂等奏查抄王燧家產現查出銀九萬餘兩銀器二千餘兩又據王燧開出銀四萬餘兩內交蘇州生息銀二萬兩如臯生息銀二萬二千兩又查出契紙內田房產業約值銀八萬餘兩又據同王燧夥開銀號之何永利供出生息銀三萬兩並金玉銅甕器皿等項及省城海塘房屋公所現在分別查辦等語王燧由知府甫經擢用道員

計算每年所得養廉不過數千除一切用度外何以積有貲財如許之多若非平日婪索所得即係上年辦差時侵蝕冒銷必須徹底根究著傳諭阿桂等即行嚴切查問從何得來之處據實具奏○予故杜爾伯特扎薩克郡王博斯和勒祭如例○癸丑諭軍機大臣等據薩載奏勘辦河湖各工程一摺內稱徐州城外舊石工建自明季上年七月內撞塌一段業經奏明歸於加高石工業內一律補

砌此項舊工並未簽樁因將接連之上下工段逐細查驗將上年原塌及兩傍歪斜之工全行起拆簽樁修砌其現在堅實者不便因無底樁概行拆修致滋糜費等語自應如此辦理至所云並未簽樁之處是否實係建自明季如果前代工作或難稽考若係本朝所作工程必有案卷可稽查係何年月何人任內所辦因何不行簽樁之處著傳諭薩載即行詳悉確查據實覆奏尋奏查勘徐州舊石

工三段共長九百七十三丈五尺均未簽樁實係明季工程現編列郭字六號惟東門外及稅關門首二處間段坍塌經前河臣陸續補築餘均未經修砌其衝塌應行簽樁處所仍照原奏辦理報聞 甲寅

孝康章皇后忌辰遣官祭

孝陵

上幸圓明園○諭軍機大臣等本日伊齡阿奏到二摺止為撥解鹽課及查辦曲本等事其

調補粵海關監督仍未具摺謝恩前朕明降諭旨已經四十餘日兩淮鹽政向有坐京家人得信甚速原不待接奉部文始行奏謝況前月二十七日又經降旨令其據實回奏計此時亦應接奉乃伊齡阿仍佯為不知任意遲延是其因調任監督意存不滿即此可見伊齡阿著傳旨申飭問其何故即著據實回奏且不必往粵海令其自酌○乙卯諭據伊勒圖彙奏乾隆四十五年分脫逃遺犯已未

拏獲名數一摺內單開未獲之常福兒係陝西宜川縣人因屢次行竊發廣東祿豐縣充軍在配脫逃自行投首改發伊犁給兵為奴復於上年四月初一日脫逃等語該犯籍隸陝西自必仍回本省潛匿著傳諭畢沅即嚴飭所屬實力查拏毋任竄匿漏網其達色一犯係滿洲跟役脫逃發遣為奴後具保為民又於上年十一月十六日脫逃並著該撫留心躡緝併知會沿途各省分一體查拏務獲

○旌表守正捐軀四川江北廳民曹文奇妻

王氏○丙辰遣官祭黑龍潭

昭靈沛澤龍王之神王泉山

惠濟慈佑龍王之神○諭據四庫全書總裁奏進所辦總目提要內請於經史子集各部冠以

聖義

聖謨等六門恭載

列聖欽定諸書及朕御製御批各種所擬殊屬

焚繁從前開館之初曾經降旨以四庫全書內惟集部應以本朝

御製詩文集冠首至經史子三部仍照例編次不必全以本朝官書為首今若於每部內又特標

聖義諸名目雖為尊崇起見未免又多增義例朕意如

列聖御纂諸經列於各本經諸家之前

御批通鑑綱目等書列於各家編年諸書之前

五朝聖訓

硃批諭旨方畧等書列於詔令諸門之前

御注道德經列於各家所注道德經之前其他以類仿照編次俾尊崇之義與編纂之體並行不悖至閱其總目特載朕前後修書諭旨及御題四庫諸書詩文為卷首所辦未為盡協四庫全書體大物博將來書成之日篇帙浩繁舉何為序所有歷次所降諭旨列之總目首卷以當序事屬可行且官撰諸書亦有

以諭旨代弁言者自不得不如此辦理至題四庫諸書詩文若亦另編卷首將來排列轉在

列朝欽定諸書之前心尤未安雖纂校諸臣尊君之意然竟似四庫全書之輯端為朕詩文而設者然朕不為也著將所進詩文六卷徹出仍分列入朕御製詩文集內俾各為卷首則編排在

列朝欽定諸書之後而四庫書內朕所題各書

詩文列在本集首卷庶眉目清而開帙了然將此諭令館臣遵照辦理○又諭曰御史董之銘條奏請飭下儒臣仿照欽定本朝四書文初編體例詳慎選擇刊定續編並簡派大臣於每科中式鄉會試卷內覆加甄校進呈欽定後由部刊頒發坊通行等語制義以清真雅正為宗乾隆初年欽定四書文刊刻頒行士子如果殫思講習闡明理法則典型具在一切可奉為法程無如近日士風專為弋

取科名起見剽竊浮詞不復研窮經史為切

實根柢之學以致文體日就卑靡雖屢經降

旨訓飭而積習難迴仍不免江河日下之勢

惟在司文柄者隨時甄別力挽狂瀾以期文

風漸歸醇正若多為選刻頒行而習舉業者

仍束之高閣不能潛心研究雖多亦奚以為

但該御史既有此奏或其言尚有可採著交

大學士九卿等公同詳議具奏尋議文章本

於習尚惟在持衡精審使士無倖進原不必

多為選刻其請刊定四書文續編應毋庸議

至稱肆賈射利隨意鈔撮迄無善本應將坊

間造作文字妄稱新科墨卷例申明禁止從

之○諭軍機大臣等據阿桂等奏海塘沙水

形勢旬日以來北岸范公塘一帶老沙已不

復坍卸水勢稍為南趨對面近北陰沙日見

刷低逼塘大溜亦少平緩此實轉機佳兆因

往來察看除從前所築上下盤頭二座外現

於黃字號趕築盤頭一座章家菴盤頭迤西

七十丈。再添築盤頭一座。俾上下幫助。以挑來回大溜。使潮勢日向南趨。陰沙大加刷汕。等語。所辦甚好。應速為之。已於摺內批示矣。漲沙原無一定。今水勢既漸已南趨。北岸老沙不復坍卸。此誠

潮神顯佑。大有旋轉之機。朕心深為欣慰。此時所築盤頭。既甚得力。自應督率在工各員。上緊趲辦。使大溜日漸開遠。其趕築護沙柴埽二百丈。亦應照辦。以為保護之計。至所稱

剝驗樁木。緣沙齧樁牢。用盡人力。終不能拔動。若剝驗又恐傷動過多。是以不復剝驗等語。所奏是。亦於摺內詳悉批示。從前所釘樁木。現既不能剝起。則其結實可知。轉不必復行剝掘。致多損折也。將此由六百里發往。並將現在籌辦塘工情形。迅速由驛馳奏。○又諭曰。阿桂等覆奏。富勒渾李質穎俱不必留工。一摺。據稱李質穎血氣已衰。不能有所擔任。富勒渾於塘工一事。就其才力尚屬奮勉。

並未心存膜視。但恐離任之後。呼應不靈。於工程究屬無益等語。所奏自屬公論。李質穎於海塘工程。全不能有所擔任。自不必留工。協辦即富勒渾。於工務雖較為認真。但既接任有人。且伊虛銜留工。轉致掣肘。仍是有名無實。自應俱令其來京候旨。將此傳諭阿桂。陳輝祖知之。○又諭曰。阿桂等奏。原任嘉興府知府陳虞盛聲名不好。上年與王燧同在差局總理。通同浮冒。查該員在任時。於省城購買民居。蓋造房屋八十餘間。又於嘉興地方置有田房產業。伊身故後。其眷屬現住嘉興。並未回籍。現在將伊產業貨財查封入官。並行文該員湖北原籍一體查辦等語。陳虞盛在差局辦理沿途水營。昨南巡時。於入浙首站。見其過於糜費。曾傳旨申飭三寶等。彼時三寶等尚奏稱伊為要好起見。皆自捐養廉等語。茲據阿桂等所奏。可見陳虞盛與王燧。竟以辦差為名。通同浮冒。侵蝕為自私。自

利之計。三寶王亶望何以從前並未奏及除三寶已就近令軍機大臣傳旨詢問外阿桂等傳諭王亶望問其何以不行參奏其如何登答之處即行據實覆奏。○又諭前以王燧甫由知府擢用道員而查抄積存貲財已有二十餘萬現有物件尚不在其內其從何得來已傳諭阿桂等嚴切根究矣。此次阿桂等拜發奏摺時自尚未接奉前旨但阿桂等於查辦時早應訊問及此即陳虞盛已經身故

或無舉首之人亦當詳悉追究。況王燧現在浙江不難立即研訊何以阿桂等竟未見及耶。著再傳諭阿桂等務即確實訊明迅速覆奏。○蠲緩浙江諸暨縣乾隆四十五年水災漕項錢糧其勘不成災之蕭山新昌嵊縣東陽義烏浦江六州縣漕糧均予緩徵。丁巳諭軍機大臣等戶部奏清查各省鹽務一摺據稱四川鹽課羨餘一項積欠至二十八萬七千餘兩曾經行令該督設法籌辦迄今半

載有餘尚未咨覆又該省引目僅十四萬八千二百餘道乃未繳殘引積至五萬三千四百餘引前經湖廣總督舒常等以由川入楚船隻購買食鹽每船不得過十觔因私販入楚有妨該省綱鹽又四川與雲南接壤私鹽亦不無偷漏是川省之殘引不可任其因循不繳請一併飭令實力稽查等語已依議行矣。川省積年欠項雖係羨餘然總應歸入鹽課正項乃積欠至二十八萬七千餘兩之多

經部行查何以該督至今並未咨覆至該省所產鹽觔本旺尚有私販至雲南湖廣等省可見並非缺乏何至四川本省不能銷售致有拖欠總由該省地方官平日不能實力整頓以致走私偷漏正課積欠累累若年復一年將來何所底止文綬不應有此著傳諭文綬嚴飭各屬設法實力稽查使影射私販諸弊日就肅清歷年積欠剋期完繳毋致再有稽遲延宕並將因何積欠如此之多及經部

行查又因何遲至半年不行咨覆緣由即行據實速奏將此由五百里諭令知之原摺併發交文綬閱看（禮部議准陝甘總督勒爾謹疏稱秦州舊有太昊伏羲氏廟請照前代帝王陵廟守吏春秋二仲致祭例每歲額設祭銀并廟戶二名從之）戊午諭昨據四庫全書總裁奏進總目請於經史子集各部冠以

聖義

聖謨等六門業經降旨令將

列朝御纂

御批

御製各書分列各家著撰之前不必特標名目並令將卷首所錄御題四庫諸書詩文徹出分列御製詩文各集之前所以示大公也朕一再思維四庫全書之輯廣搜博採彙萃羣書用以昭垂久遠公之天下萬世如經部易類以子夏易傳冠首實為說易家最古之書

允宜弁冕義經若以

欽定諸書列於各代之前雖為纂修諸臣尊崇本朝起見而於編排體例究屬未協况經史子集各部內尚有前代帝王論著以本朝欽定各書冠之亦有未合在編輯諸臣自不敢輕議及此朕則筆削權衡務求精當使綱舉目張體裁醇備足為萬世法程即後之好為論辯者亦無從置議方為盡善所有四庫全書經史子集各部俱著各按撰述人代先後依次編纂至我朝

欽定各書仍各按門目分冠本朝著錄諸家之上則體例精嚴而名義亦秩然不紊稱朕折衷詳慎之至意將此諭令館臣遵照辦理

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百二十四

實錄卷之一千一百二十四

三

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百二十五

監修總裁官經筵講官太子太傅文蔚閣大學士文淵閣領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領侍衛內大臣稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆四十六年辛丑二月己未

上御勤政殿聽政○諭四庫全書總目提要現
已辦竣呈覽頗為詳覈所有總纂官紀昀陸
錫熊著交部從優議敘其協助查校各員俱
著照例議敘○又諭前以阿桂等奏杭嘉
湖道王燧劣蹟種種民怨沸騰已降旨革職
拏問並據阿桂等查抄王燧資產多至二十
餘萬兩又阿桂等奏奏已故知府陳虞盛係
與王燧上年一同總辦差務之員亦曾在杭
州嘉興置買房產屢經傳諭阿桂等嚴訊伊

等貨產從何得來切實根究矣上年南巡時經過江南各水營尚係仿照上屆規制不過畧加修整及添修古蹟一處朕已覺其不妥即傳旨給還原主及一入浙江首站則屋宇倍增並多點綴隨面飭三寶王亶望不應如此繁費殊非朕省方問俗之意據奏係陳虞盛實心要好自捐養廉未便阻止彼時雖成事不說而朕心實踏蹶不安曾有御製駐浙江水營詩言其事比至杭州則添設座落更

多今據阿桂等查辦情形則是王燧陳虞盛竟藉辦差為名肆意侵蝕外博見長之巧陰遂貪縱之私且其平日必有朘剝民膏劣蹟以致天理昭彰因事敗露大約此事皆王亶望主張三寶竟無主見墮其術中所謂無能而可憫者也王亶望已於留眷在杭一事革職留工自効其辦差之有無染指俟阿桂審明自有定罪三寶現亦革去戴翎暫予從寬留任至富勒渾李質穎於王燧陳虞盛藉差

貪冒之事雖然到任未久但不能查出叅奏且於王亶望忘親越禮大節有虧竟視為泛常恬不知怪實屬咎無可辭是以一併革去戴翎俟來京後另降諭旨至浙省科道於此等有乖名教不行糾劾及至傳詢又復飾辭巧辯其處分原所應得但如三寶富勒渾李質穎身為大臣尚且不知大義又何怪科道小臣耶是以並予從寬留任朕於諸臣功過權衡悉當總視其人之自取從不肯稍存成見如此案辦理原委不可不明白宣示以為中外大小臣工之戒所有御製詩著一併錄發○

御製駐浙江水營詩江南水營屋三間已謂不當心踏蹶浙江水營倍過之點綴亭臺及花木爭強長此竟安窮今駐明發祇一宿未曾豫戒吾之過實不思及此豫督將求吾喜喜何曾益覺怦怦增鞠恧○諭軍機大臣等前據阿桂等查抄王燧家產已有二十餘萬其

他物件尚不在此內又已故知府陳虞盛同在差局總理亦有購買民居蓋造房屋並於嘉興任所置買田產之事已將伊等從何得來之處節次傳諭阿桂等嚴行查辦矣王燧陳虞盛在浙種種縱恣致有貲財如此之多看來不但以辦差為名浮冒侵蝕其平日在任時必有擾累閭閻貪婪不法劣蹟著再傳諭阿桂等務須嚴切根究徹底查明毋得顛預了事並將查辦情形迅速覆奏再此案總

係三寶等平日姑容所致已明降諭旨曉諭中外並將從前御製駐浙江水營詩錄發著並鈔寄阿桂等閱看將此由六百里傳諭知之○戶部議准杭州將軍王進泰奏稱杭州兵丁紅白事件恩賞銀兩節經奏准賞給惟已故官員之妻病故子孫現係領催馬甲其應否按照伊等祖父母父母病故例一體支給之處未經定議查八旗定例凡現食錢糧人等之祖父母父母病故其祖父若係閒散

准照所食錢糧賞給又孀婦病故視其子孫所食糧賞給如無子或子幼未當差者其夫原係職官照領催例給係告休官照馬甲例給係勒休革職官照養育兵例給其各省駐防雖議賞銀數多寡不一至應行請賞之紅白條款請一併照八旗例辦理從之○以湖北按察使劉我為安徽布政使庚申諭曰李質穎著加恩賞給奉宸苑卿銜管理粵海關監督事務即赴新任不必來京請訓調

湖南按察使慶王為湖北按察使福建按察使李慶茶為湖南按察使以延建邵道秦承恩為福建按察使○辛酉諭軍機大臣等據富綱奏先後拏獲羅教人犯內要犯沈本源一名收藏狂悖經卷情罪更為重大未便解往江省至應行質審之廖慧恩一犯現咨江西撫臣委員押解來閩究訊等語此案前因江西獲犯既多已降旨令富綱將案內要犯派員解交郝碩嚴行審訊想富綱具奏時尚

未接奉此旨著傳諭富綱仍遵照前旨將要犯沈本源派委幹員解交江西歸案審辦著郝碩逐一徹底究訊從重定擬具奏富綱原摺並著鈔寄閱看將此由四百里諭令富綱郝碩知之○命大學士嵇璜充三通館總裁兵部右侍郎沈初充副總裁 壬戌諭據薩載等奏巡視南漕陞任給事中胡翹元現丁母憂現委江安糧道錢金殿暫駐小州督催重運請即簡員巡視等語目下正當漕艘過淮壯上之時若由京派員前往恐有遲誤該督現派錢金殿在彼督催即著該道兼護南漕御史印務迅速趨運毋得稍有遲滯○諭軍機大臣等前據阿桂等參奏王燧陳虞盛劣蹟並查抄貨產已屢傳諭阿桂等令其嚴訊伊等貨財從何得來上年朕南巡時甫入浙江水營首站見其屋宇倍增點綴花木即面詢三寶王亶望據稱陳虞盛要好自捐養廉未便阻止等語浙省上年差務係王燧陳

虞盛兩人總辦而水營首站又係陳虞盛專辦伊養廉有數何以能捐辦房屋點綴至於如此之多其言殊不可信此事皆係王亶望主張三寶竟無主見墮其術中所謂無能而可憫也前已明降諭旨至王燧等敢於藉辦差為名外博見長之巧陰遂貪縱之私必係倚仗王亶望為之庇護故敢肆行無忌而王亶望若非與王燧等有交涉染指之私亦何肯曲為包庇蓋王亶望平日辦事才具並非不能覺察如三寶之一味顛預因人成事隨人得罪者可比阿桂務須嚴切訪查使之水落石出據實覆奏毋得將就完事存做好人之見至阿桂於浙江事件辦理完竣後不必急於回京伊上年曾在江南查看河道海口著即於順道回京之便往清江一帶查勘高堰改建石工是否已有就緒其陶莊河身展寬之處現在情形若何是否日加暢達再薩載等所請增修徐州石工辦理如何光景此

次所辦是否足資障禦於河務有益之處查勘事畢並可前赴河南將從前所辦儀封十六堡及李奉翰等所辦考城張家油房各工程並老隄已否補築完固一切善後之處俱關緊要一一詳悉查勘就近一面指示一面奏聞至河東總河韓鐸係屬新任有應行告知辦理事件著阿桂面行詳悉開示今年豫省河工甚為厯念不可謂目前無事也阿桂接奉此旨於辦理浙江事竣之後前往江南

河南均須詳晰妥籌毋得草率完事即至五月起鑒之前回京亦不為遲將此由六百里傳諭知之○又諭從前勦捕臨清逆匪王倫案內人犯惟歸太劉煥二名未經弋獲正法節經傳諭各督撫等嚴密查緝不必過事聲張轉令潛蹤隱匿至前此犯供內有歸太曾經販馬口外劉煥於事發之日即逃往山西一帶之語亦屢次飭令訪拏至今仍無影響目下事隔數年該犯等或以各處緝捕漸已

懈弛又復潛回本籍亦未可定著傳諭國泰密飭該地方官留心躡緝勿以具文了事並傳諭袁守侗於口外一帶一體飭屬查緝毋任久匿稽誅似此重犯終於免脫無獲成何事體則地方設督撫何用將此由三百里各傳諭知之○命侍講學士葉觀國在尚書房行走○癸亥諭據特成額奏稱成都副都統書景阿病故副都統印暫存將軍衙門等語前因成都止有副都統一人是以鑄給印信

今既添設將軍即應奏請裁汰特成額到任後竟不留心查察轉請暫存將軍衙門甚不曉事著嚴行申飭其副都統印即行送京交部○奉天將軍索諾木策凌副都統德福奏盛京需用硝磺經前任將軍奏准每年由本處購買配製但本城嫌土無多不敷採用如聽市僧販買殊礙例禁即由部支領又致糜費腳價惟鳳凰城所屬尚堪採挖請委員雇夫監熬仍可按年配造得旨嘉獎旌表守

正捐軀河南浙川縣民宋文虎女宋氏○甲子遣官祭賢良祠○諭曰工部侍郎楊魁著馳驛前往浙江專駐海塘工所幫同閩浙總督陳輝祖辦理塘工事務○諭軍機大臣等據阿桂等奏勘辦浙省改建石塘一摺內稱前奏請仿照條塊石塘酌增工料加添丈尺以期施工易而成事速今遵旨悉心履勘通盤籌酌條塊石塘究不如魚鱗石塘之堅固按工計料辦理魚鱗石塘二千二百四十丈工料腳價約估銀三十餘萬兩督率工員上緊趕辦計四十七年冬間可以完工應如所奏辦理惟在實力妥為以期久安黎庶已於摺內批示至所稱老鹽倉立字號至積字號二百餘丈不能釘樁處所應請仍留柴塘其餘一千五百丈用樁夯打至四個半時辰打下一丈四五尺即不能再打沙畷樁牢力能擊石或可一律築砌或應仍存其舊等語俟阿桂到京時面奏亦於摺內批示又據另摺

奏稱樁架一副用夫十三名每日釘樁二根按例每樁一根銷銀五分承辦各員需幫貼銀七八錢不等查有浙省商捐銀二十萬兩一項除造船用銀約一萬兩尚餘銀十九萬兩懇請賞給海塘以為釘樁夫役額外貼費毋庸造入報銷等語自應如此辦理不然此項何用至所請毋庸報銷之處不報部可也總不奏明則不可亦於摺內詳晰批示此項商捐銀兩著即賞給該處塘工交與陳輝祖嚴飭工員實力妥辦不許絲毫累民俾稱其值而民樂於從事敷其用而功易於告成方為妥善且不特商捐一項即王亶望等前請認罰銀兩及王燧陳虞盛等查抄之項均應歸入塘工項下實用實銷如有餘存屆期陳輝祖另行請旨再陳輝祖以總督兼巡撫事務繁多自不能常駐工所王亶望又係革職之人呼應不靈署工部侍郎楊魁久任江南於江浙情形熟悉著派往浙江專駐海塘工

所幫同陳輝祖辦理海塘事務於公務較為有益除明降諭旨外將此由六百里傳諭阿桂陳輝祖知之○又諭曰阿桂等具奏審擬王燧貪縱不職年利營私各款照不枉法論律擬發往伊犁自備資斧永遠充當苦差一摺問擬殊屬輕縱已批交該部從重覈擬具奏矣王燧身為監司大員由朕特加擢用乃不思潔已奉公貪縱不法以致民怨沸騰實出情理之外非尋常貪縱玩法者可比其勒

買部民女子房屋及夥開銀號等事實與枉法無異即從重擬絞亦不為過何得僅擬外遣若凡為地方大員者罔顧法紀平日逞其婪索驕縱之私倖免無事即可坐享厚貲從容佚樂及至事蹟敗露不過問擬外遣何足以示懲儆而彰法憲乎王燧即著富勒渾親身嚴行押解來京交與刑部從重治罪一路小心管押毋稍疎虞至阿桂陳輝祖審擬此案輕縱之處並著傳旨申飭○又諭據郝碩

奏萍鄉縣巡檢宋錯因縣民劉煥章家工人自縊身死挾嫌將劉煥章並保正楊自能拷逼誣認賄和致楊自能被拷殞命一案係同知鄭邦柱究出宋錯挾嫌故勘並署縣趙廷樞率詳完結請將鄭邦柱送部引見等語此等案件能細心研鞠究出該巡檢等挾嫌故勘並該縣率詳完結種種情弊鄭邦柱尚屬能事著即送部引見並著該撫將案內情節審明定擬具奏至劉煥章一犯是否係江西

久居土著從前臨清逆犯王倫案內人犯惟歸太劉煥二名未經弋獲安知非該犯增添名字竄匿通誅並著該撫於審訊時將劉煥章口音細心察究嚴行辨別確實具奏○以正黃旗漢軍副都統存泰為成都副都統○
乙丑

上自圓明園啟鑒西巡五臺○諭朕此次巡幸五臺經過直隸山西各州縣所有本年應徵錢糧著加恩蠲免十分之三該部即遵諭行

（予故喀爾喀扎薩克輔國公敏丕木多爾濟祭如例）是日駐蹕黃新莊行宮（丙寅諭朕此次巡幸五臺經過直隸地方已加恩蠲免本年錢糧十分之三惟念順天保定等府州屬尚有四十五年以前因災出借穀米麥石及節年因災緩徵帶徵地糧銀兩各該處上年夏秋雨水稍多收成不無歉薄雖屢經賑卹民氣已紓但若將舊欠銀米一律徵納未免尚形拮据著再加恩將順天保定河

間天津廣平大名宣化冀州等府州屬未完四十五年以前節年因災出借穀四萬七千九十石零米三萬四千七石零麥三十四百四石零又順天保定天津廣平宣化遵化等府州屬四十二年以前節年未完因災緩徵帶徵地糧起存銀五萬一千八百二兩零概行蠲免用示朕軫恤羣黎渥沛春祺之至意該部遵諭速行（以一等公阿克棟阿為正黃旗漢軍副都統是日駐蹕涿州行宮○

丁卯兵部奏前因粵商李萬利船在電白縣屬內洋被劫查取疎防職名據兩廣督臣覆稱電白營例於每年二月起至九月止分上下兩班出巡自十月起至次年正月止因沿海風信靡常未有統巡之員惟海洋重地官兵更換本當週而復始況商船被劫正值徹巡期內巡船即可行駛又李巡隨巡冬月仍令巡哨而統巡竟不出洋亦無以資彈壓請勅交督臣將所屬洋面按營添設輪哨酌改巡期仍令各鎮將出巡將備並汛守官弁職名按季造冊送部並請通行凡有洋面省分一體詳查更正從之（是日駐蹕三和鋪大營戊辰諭曰文祿現在有疾著解任回京在刑部郎中上行走病痊日另候簡用其直隸按察使員缺著郎若伊補授旌表守正捐軀山西代州民李小二子妻王氏是日駐蹕太平莊大營（已巳春分朝日於東郊遣豫親王修齡行禮

孝昭仁皇后忌辰遣官祭

景陵○諭此次直隸派出辦差兵丁著加恩賞給一月錢糧○諭軍機大臣曰喀寧阿現丁父憂即回旗守制不必前來接駕雅德曾任山西巡撫現來行在陛見著即調補山西巡撫速行馳赴新任不必復至行在請訓諾穆親亦曾任巡撫著即由京馳驛前往河南署理巡撫印務亦不必赴行在請訓將此速行傳諭知之○欽差大學士公阿桂等條奏修

築海塘事宜一改建魚鱗石塘二千二百四十丈原設東西兩防同知責任綦重請於現任丞倅內選幹練數員各認段落經手辦理即以兩防廳及委令協辦者為承辦之員其查收物料稽察工作即以奏留及揀發來浙之丞倅知縣分段派委定為監辦之員至杭嘉湖寧紹台三道為督辦大員集料鳩工稽查派委皆其專責王璽望本係總辦應令常川督催其工程做法臣仍與公同籌酌如各

有所見許令具摺陳奏一應用條石二十五萬四千八百丈應照原議浙江江蘇二省分辦查魚鱗塘逐層收分需厚一尺寬一尺八寸條石方能間砌壓縫現飛咨江省按照尺寸趲辦至浙省運石船紹屬現有三百六十隻由外海濟運每月飭運五千餘丈湖屬由內河運工每月飭運三千餘丈加以江省按月濟運自足敷用一應用排樁木及梅花樁原派金衢嚴三府屬承辦每月約辦塘一百

丈應用樁木一萬五千根分於各該縣餘銀內勒限採運責成各該府催解並飭州縣雇覓釘樁人夫到工至塘工首重底層現派佐雜各員分段按照樁木圍圓長短尺寸親身量記點檢入土如式一各處採辦木石應先出示將給發採購裝運各價曉諭如有短價勒派情弊嚴行叅處其運解到工時即令解役一面報明總理道員一面持印票批文自投管收專員處立為驗收並用該員印信給

與迴照一本年應辦塘工一千二百丈擬分三次每次開槽四百丈俟釘樁已竣即挨次開挖其附塘民居給銀遷移務令豐裕支給並飭承辦各員每五日將簽樁若干砌石若干開具清冊申送查考王亶望率同杭嘉湖寧紹台道往來稽察臣仍隨時赴工攜帶原冊查驗一原請留浙十五員續留四員又續請揀發十二員內丞倬知縣十六員每次辦四百丈每員監辦五十丈止需八員數用應分兩班替換其佐雜十五員亦分兩次派委統俟工竣補缺如有怠玩者即行叅處得旨諸條皆妥依議行○是日駐蹕靈雨寺行宮○庚午諭從前進勦金川所調各省綠營官兵多有在軍前潛逃者節經降旨飭令各省督撫嚴拏奏請正法所以重軍法警將來也現經文綬奏到川省未獲逃兵尚有七百二十一名之多但事隔多年一經拏獲即予駢誅朕心亦有不忍茲特開一面嗣後此等逃

兵未獲者如肯自行投首著加恩免其死罪發遣伊犁等處此實朕格外之仁如尚有潛行竄匿不肯自行投首者經地方官盤獲仍當即行正法斷不能稍從末減各該督撫等務俱仰體朕意明切曉諭查照道里遠近分立限期務使窮鄉僻壤家喻戶曉副朕仁義兼盡至意○諭軍機大臣等昨因喀寧阿丁憂已降旨令雅德調補山西巡撫諾穆親馳往豫省署理河南巡撫今思在京工部堂官無人現在止永貴一人兼署諾穆親著仍在京供職不必前往河南因思富勒渾李質穎於王亶望留眷在杭及王燧陳虞盛藉差侵冒款蹟並不據實叅奏實非尋常督撫失察僅止革職留任者可比是以革去戴翎令其來京候旨但念其究係到浙未久現在李質穎已加恩賞給三品卿銜辦理粵海關監督事務富勒渾並著加恩賞給三品頂帶授為河南巡撫仍帶革職留任十年無過方准開

復富勒渾即由途次馳驛前往豫省接印任事後即速赴五臺行在請訓其未滿年限之前吏部不得以兼銜奏請俟十年後再行請旨開復將此速行傳諭知之 又諭據阿桂等覆奏到浙後留心密訪王燧陳虞盛積存貲財何以有數十萬之多查上年辦差侵肥情弊不特陳虞盛業經身故無人舉首即王燧為衆所忿怨亦無首告之事其所侵肥總不出於商辦及各官捐廉兩項又據王亶望

稱伊二人辦差侵冒亦所不免但上年辦差從未派及地方可以查訊等語商辦官捐豈王燧陳虞盛所應得者乎已於摺內批示此案既經查有侵冒實據其罪即無可逭使陳虞盛尚在亦當一併治罪至阿桂等定擬王燧罪名僅予發往伊犁實屬失之輕縱今已交刑部另行定擬絞候此案亦即可就此完結朕意亦不欲再有株蔓但王亶望係聰明之人看來阿桂到浙後王亶望自知罪重自

必過為曲謹阿桂見其情狀可憫未免面重見憐之意即如阿桂等具奏海塘工程事宜摺內尚有王亶望如果各有所見許令具摺陳奏之語可知阿桂之查辦此案不能不為王亶望存留地步此等處豈能出朕之洞鑒持朕亦不肯為已甚耳將此由六百里傳諭阿桂知之○又諭據阿桂等覆奏查詢陳虞盛王燧上年辦差侵漁不出商辦及各員幫辦兩項等語看來伊等貲財竟係侵蝕商捐

居多浙省商人踴躍辦公固屬分所宜然但陳虞盛王燧藉差侵漁商力或未免疲乏不可不加體恤有無應行加恩之處著傳諭阿桂等將該省鹽務情形悉心籌畫或於鹽引內酌量加增或竟於查抄及認罰項內酌量賞給銀兩俾商力得資充裕之處詳悉妥酌據實具奏候朕酌量加恩○是日駐蹕膏腴鋪大營、辛未

上詣

堯母陵

帝堯廟行禮（直隸總督袁守侗奏直省去秋被水貧民節經賑卹。惟自文安等處千里長隄。暨天津靜海一帶海河疊道格淀隄埝等工向遇小有殘損俱用民力培築。上年河水漲盛衝刷過多災民勢尤拮据除坍卸無幾者仍勸用民力其衝塌過甚需土較多之處請照以工代賑例分別險要工程土方酌給銀米下部知之。○是日駐蹕衆春園行宮。

宣統三年十一月

十一

○壬申諭凡遇朕巡幸扈從官兵均於起程前各按日期多寡支給路費。該部又有補領回繳之例。但所支業經用完復令回繳未免拮据嗣後官兵路費定限五日內不必補領回繳。若逾限期仍遵舊例辦理。○行在刑部奏馬甲王裕明砍傷馬甲善德依律問擬請旨得旨此案王裕明在行營處所輒敢用斧砍傷善德甚屬不法該部仍照常律問擬不足以示懲儆王裕明不必俟善德保辜限滿

即交總理行營王大臣先行插箭隨營示衆如善德限內因傷身死王裕明即於該處斬決即使善德傷輕平復亦應將該犯發遣伊犁給厄魯特為奴嗣後行營地方遇有此等金刃傷人案件行在刑部及總理行營王大臣俱著照紫禁城內之例辦理。○命吏部員外郎邵洪提督河南學政。○是日駐蹕趙村大營。○癸酉軍機大臣等議奏庫爾喀喇烏蘇品河二處原設內地兵六百四十六名嗣

宣統三年十一月

十一

因土爾扈特投誠於該處游牧添設臺卡差務較多添派濟木薩瑪納斯眷兵一百五十四名。旋據該處都統奏准改設眷兵八百名請於陝甘附近營內另撥六百四十六名並原撥濟木薩瑪納斯兵一百五十四名俱令攜眷移駐並酌派遊擊一員領兵五百名駐庫爾喀喇烏蘇派都司一員領兵三百名駐品河其撤回內地兵應歸各原營當差至改建城堡二處並增設眷兵房舍請即令班滿

徹回兵及巴里坤差兵內酌撥接辦均應如所請從之○以山西大同鎮殺虎協副將黃大謀為甘肅西寧鎮總兵○是日駐蹕正定府行宮翼日如之是月馬蘭鎮總兵保寧奏

孝陵神路右邊儀樹一段地勢甚窪上年雨水稍多均被淹浸松性不宜潮濕竟回乾至百餘株查

神路南北面地勢俱高惟西面儀樹外之海地

書

書

漸次低平請開洩水明溝一道深三四尺寬一二尺俾雨水旋下旋流不致淹浸得旨甚宜行者亦不必咨部矣○河東河道總督韓鐸奏查勘曹汎六堡補築漫口工程其臨河一面經前河臣奏圍築月隄一道現已興修過半雖簽尚屬堅實南岸儀考廳屬芝麻莊張家油房二處壩工均追壓重土高平地八尺有餘臣仍飭令遇墊加鑲其前築挑水壩遵旨折短三十丈以讓河身至儀考二汎現

築圍隄原為攔隔順隄河形跨截灘面溝槽尤為喫緊但大汎漫灘隄根仍恐汕刷俟隄工完竣即令鑲做防風以資攬護得旨覽奏俱悉具見留心一切勉為之○湖北巡撫鄭大進奏從前辦理邪教舊案凡借名誣騙香錢與實在邪教有間者止分別枷責完結近來收令或竟視同自理詞訟率不通詳查地方鼠竊等案罪止笞杖亦必詳報上司況邪教貽害人心尤不應率結請嗣後遇此等事

書

書

件該州縣立即搜訊通稟各上司按覈情罪辦理倘有諱匿輒自完結別經發覺除曲法輕縱嚴叅外即使罪止枷責案無出入亦照諱竊例加等議處得旨知道了 湖南巡撫劉墉奏湖南社倉本息穀共存五十九萬一千一百餘石自乾隆二十二年以後未經捐增上年通省豐收當令長沙善化等二十州縣循例勸輸隨經各屬報捐至十六萬石現已另立倉房社長分別收貯至舊存穀除

本穀留貯備借其厯年收存息穀請照安徽江西等省例變價存司以為民田水利及隨時撫卹之用報聞雲南布政使江蘭奏滇省銅廠近因額短運遲遴員躡勘山場督率開採惟滇民貲本微薄司事者恐日後賠累各於發本匠夫朝集暮散致少成效現飭委員查覈如錘鑿器具及日用薪米有力難自辦者即令隨時稟報酌給工本接濟得旨好知道了

實錄卷一百二十五

五

大清高宗法天隆運至誠先覺體元立極敷文奮武孝慈神聖純皇帝實錄卷之一百二十五

大清高宗法天隆運至誠先覺體元立極敷文奮武孝慈神聖純皇帝實錄卷之一百二十六
監修總裁官經筵講官太子太傅文淵閣大學士文淵閣領閣事領侍衛內大臣稽察欽奉上諭事件處管理吏部印簿院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣廣祥
總裁官經筵講官太子太傅文華殿大學士文淵閣領閣事稽察欽奉上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉
敕修

乾隆四十六年辛丑三月甲戌朔祭

先蠶之神遣妃行禮○

上幸正定府北門外閱兵○賜扈從王公大臣並直隸官員等食○乙亥兵部題西寧鎮總兵銜管理伊犁屯田總兵事務李杰龍因前在浙江提督任內失察海洋盜犯經臣部奏准照例降調其伊犁屯田總兵請於陝甘二省總兵內調補得旨李杰龍著加恩以所降之級仍管理伊犁屯田總兵事務俟年滿日該部再行請旨蠲安徽亳州泗州宿州靈

壁鳳陽五河壽州鳳臺盱眙等九州縣及鳳陽長淮泗州等三衛乾隆四十五年水災額賦有差其蠲剩銀併帶徵舊欠漕項銀米均予緩徵○是日駐蹕樺皮村大營○丙子諭凡內扎薩克王公台吉等係

太祖

太宗肇基之初各領屬人投誠著有勞績分別錫封王公扎薩克予以世襲罔替誥冊此內有初降之無品級小台吉等亦分別賞給頭

等二等台吉職銜並無世襲罔替字樣故缺出時該院照例奏請裁汰雖每次施恩均著各襲原職但恐年久事湮或照例裁減殊非朕體恤蒙古之意台吉均為國初効力舊臣即應令其世襲罔替但此內有康熙年間因功賞給職銜者若與國初有功台吉一例承襲未免無所區別著交理藩院嗣後辦理世襲等事將順治年以前國初有軍功得授台吉之子嗣彙奏承襲永著為例以昭初降蒙

古等之軍功其康熙年間以來奮勉効力所得職銜承襲之時仍由該院照例辦理著將此旨通行曉諭內扎薩克六盟長等處知之○蠲江蘇清河桃源蕭縣邳州宿遷睢寧大河徐州等八州縣衛乾隆四十五年水災額賦有差其蠲剩銀並勘不成災之鹽城碭山海州沐陽四州縣新舊地丁屯項均予緩徵○是日駐蹕楊家莊大營○丁丑遣官祭歷代帝王廟諭據福康安等奏已亥運正

加八起京銅前經奏明務於四十五年内掃數開幫今加運二起正耗等銅九十四萬九百餘觔已經運員張廷泰收清即於十二月二十八日在瀘開幫並飭將庚子頭運一起趕運齊足定於正月開幫等語所辦甚好滇省京銅歷任各督撫一任厥員耽延玩誤毫無經畫以致歷年積壓今福康安等到滇未久已將已亥運全數辦竣將來即可趨復原限可見督撫等於地方公事盡一分心力即

有一分功效。福康安、劉秉恬俱著交部議敘。其承辦各員著福康安等查明覆奏。交部一體議敘。○諭軍機大臣等據福康安等奏已亥加運二起正耗京銅已於上年十二月二十八日在瀘掃數開幫並飭將庚子頭運一起趕運齊足。定於正月開幫等語。所辦甚好。已明降諭旨將福康安、劉秉恬交部議敘。并令查明承辦各員一體議敘矣。滇省運京銅勛歷經遞歷屢多遲誤。李侍堯在滇年久竟不能督辦有效。伊歷任封疆數十餘年素稱老成能事。而福康安則尚係年輕初任。朕方以李侍堯所能辦之事。福康安尚有不能斷。無福康安能辦而李侍堯轉不能辦理者。今福康安到滇未及一載。即已將應運京銅掃數全清。可見李侍堯在滇時志得意滿。竟不認真公務。專以妄自尊大。婪索營私。以致不能實力整頓。所謂有慾則不能剛也。伊係受恩最重之人。何竟全無天良。若此著留京辦

事。王大臣至刑部將朕此旨傳諭李侍堯并將福康安等原摺發閱。看伊如何登答之處。即行據實覆奏。○是日駐蹕王快大營。○戊寅諭曰。惠齡奏稱慶桂自去歲感冒風寒至今病勢愈重。塔爾巴哈台並無良醫等語。著即緩程來京調養。俟病痊後再赴烏里雅蘇台之任。其將軍印篆仍著巴圖署理。將軍職任緊要。凡事務宜盡心妥辦。不可以為暫署苟且辦理。亦斷不可似前沽名釣譽。又諭據賽音伯爾格圖奏稱喀爾喀和碩親王巴雅爾錫第在途病故。朕心深為惻惻。著加恩賞銀五百兩。即於烏里雅蘇台庫內支給。○諭軍機大臣等據巴延三奏正月二十四日崖州官坊村黎人糾集抱礮糞洗只酉滿辦只浩等村黎匪持弓執刀放火刦殺民人。署瓊州府知府丁亭已兼程前往督拏查究起釁根由并搶刦情事。並據瓊州鎮具稟派遊擊海慶帶兵一百名先往督拏。巴延三即起

程速往相機督辦一面飛飭該鎮酌帶弁兵星急馳往會同妥辦等語黎人敢於糾集人衆搶掠村莊殺害民人實屬不法即使該處村民平時或有欺壓黎人之事以致受侮不甘亦當向地方官控告辦理何得擅自仇殺此等野性難馴之匪徒不可不從嚴究辦著傳諭巴延三督同文武員弁上緊搜捕并究出起意為首及附從匪犯逐一根究如有竄匿五指山內者務須搜查淨盡以示懲創至

該處地方官倘有擾累黎人或該處村民平時欺壓黎衆以致激成事端該督亦須徹底根究據實嚴叅該處起釁滋事村民亦應一律嚴辦不可稍存袒護再該鎮總兵瑞衡遇有此等匪徒刦殺重案即應親往督捕乃僅派遊擊海慶前往殊屬怠玩著巴延三傳旨嚴行申飭將此旨由五百里發往仍將現在查辦情形迅速具奏是日駐蹕法華村大營○已卯諭軍機大臣等昨寧夏將軍莽古

賚陞見朕詢以操演事務據奏將軍任所每月操演六日均派章京等閱看所奏甚不明晰各省將軍副都統非盛京吉林黑龍江兼理地方事務者可比除管理兵丁外有何承辦事件每月但操六日已屬曠職何至每次仍不親臨閱看若章京等又復轉委之屬下微員漫不查察致兵丁等疎慢廢弛則武備僅屬空名矣將軍副都統內如有衰老不能親赴閱操者即應據實奏請休致豈可貪食

廉俸但務安逸以誤國家武備乎嗣後操演兵丁均宜親往閱視若仍委派章京朕必從重治罪著通行曉諭知之併傳諭盛京吉林黑龍江將軍副都統等亦不可借辦理地方事務為名即不親往閱看辦事之暇仍宜留心查察也以禮部左侍郎錢載為會試知貢舉禮部尚書德保吏部右侍郎謝墉為正考官兵部右侍郎沈初副都御史吳玉綸為副考官是日駐蹕大教場大營○庚辰諭

朕此次巡幸五臺所有經過山西地方已降
旨蠲免本年錢糧十分之三惟查五臺縣尚
有乾隆四十五年出借未完常平倉穀三千
六百八十一石零茲當清蹕時巡宜敷渥澤
著加恩將此項未完倉穀全行蠲免該部即
遵諭行○又諭山西派出辦差兵丁著加恩
賞給一月錢糧○以故鄂爾多斯扎薩克多
羅郡王車凌多爾濟子達爾瑪咱第襲爵
是日駐蹕臺麓寺行宮○辛巳諭軍機大臣

等前經降旨賞給富勒渾三品頂戴授為河
南巡撫並令接印任事後即赴行在請訓至
解送王燧進京前諭令富勒渾親身管押今
據阿桂等奏到已委道員叅將一同押解兼
有沿途接送員弁自可不致疎虞且王燧曾
任道員自應知法富勒渾接奉此旨毋庸管
解王燧即仍遵前旨於接印後迅速馳赴行
在請訓○又諭據閔鶚元奏減價平糶一摺
雖據循例具奏但平糶之事原為地方歛收

市價翔貴以之調劑民食今江蘇省上年均
屬豐收何以遽議及此因詳閱該撫所奏糧
價單如徐州一帶所開小米價比上月減麥
豆價同而大米秫則比上月價增或係昨秋
收成稍歉尚須藉平糶以接濟至蘇州府屬
麥豆價與上月同米價比上月尚減揚州府
屬上中米麥豆秫俱與上月相同糙米亦比
上月較減可見市價有減無增何又欲官為
減價平糶恐其中或有不肖州縣藉以自為

地步閔鶚元平日辦事頗為精細何於此處
竟未見及輒循例奏請耶著傳諭閔鶚元即
將該處因何尚須平糶之處詳悉據實覆奏
尋奏蘇揚各屬現在無庸平糶惟海州一處
因上年歉收尚需減糶接濟前因奏請淮徐
災屬事宜遂將成熟地方一併入奏得旨覽
又批汝不宜如此疎謬也○又諭據巴延三
奏親身馳赴崖州督辦黎人搶劫村莊殺傷
民人一案遂次接據瓊州府稟稱把總曾啟

位外委胡秀芳會同巡檢黃彬查拏黎匪在紅頭坎地方被匪將黃巡檢射傷身死現在雷瓊鎮總兵督帶標兵一百名於初八日前往彈壓就近相機辦理等語此案前據已延三奏到業經傳諭該督上緊搜捕從嚴究辦以示懲創乃此次奏到之摺匪犯逞兇拒捕竟敢傷斃巡檢其兇橫不法尤非尋常抗拒可比自應迅速勦捕該督既稱擒獲列命等七犯即應從此根究匪黨嚴行擒捕區別首

從從重辦理未便僅照尋常案件即多辦數人俾知畏懼亦不為過至該鎮瑞衡前此並未親往僅令遊擊帶兵百名往捕業經傳旨申飭今雖續帶兵百名親往但恐兵數尚少不足以資搜勦著已延三再行酌量如有應需就近續調弁兵之處一面辦理一面奏聞將此由六百里傳諭知之（是日駐蹕菩薩頂行宮至癸未皆如之 壬午以甲申清明節日屆

孝賢皇后忌辰先期遣官祭

陵寢 癸未賜扈從王公大臣並山西官員等食 諭朕曾降旨凡遇巡幸扈從之王大臣等均照例攜帶箭枝續經福隆安奏稱健銳火器兩營官兵凡扈從行走所帶棉甲鎗箭均係官給馱載等語健銳營火器營分應攜帶行走且係官為辦送其餘隨從人員或職分較小若概令自行帶往未免拮据嗣後扈從大臣三品以上者著仍遵前旨其侍衛官

員兵丁等均不必攜帶（武備院奏庫貯成造梅針箭前因存貯十萬五百枝其未擰翎黃十萬枝奏准停其黏擰惟匠夫閑曠日久技藝恐致生疎仍應接續打造查箭匠四十二名向例每日造一百十枝現存箭尚多酌令每日接辦四十二枝務使分外堅韌至現辦數目較減其每月由領侍衛內大臣派員查辦一次之例應併請旨更定得旨所有庫中原貯已經成做梅針箭十萬五百枝著撥

五萬枝分裝木匣交西寧存貯安福艦艙內如安福艦不能全貯即分裝翔鳳艇艙內所有艙底原裝載之物即按箭枝木匣分兩減去並著西寧妥辦其庫貯未掙翎黃箭十萬枝著即黏掙五萬枝抵補撥貯安福艦之數再將所貯箭頭配造箭桿五萬枝以補足原貯未掙翎黃十萬枝之數其查驗箭枝著於每歲四月十月各奏派一次○甲申清明節遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○旌表守正捐軀直隸房山縣民王傑妻崔氏湖北隨州民劉廷德妻馬氏○是日駐蹕白雲寺行宮○乙酉馬蘭鎮總兵保寧奏

昭西陵前自石門以北興隆口天臺山至西峰口一帶地方遼濶現已移撥堆房巡守惟查乾隆十年開設西峰口時天臺山一帶僅指山梁為内外界並未開割火道安椿示禁迄今三十餘年樹株稠密山前均屬民地打柴放牲難免荒火延燒應於週圍開割火道二十丈並安立紅椿明示禁限其每年芟割即用附近堆撥兵毋庸另派得旨好如所議行○是日駐蹕臺麓寺行宮○丙戌諭軍機大臣等據韓鐸奏報南糧首幫入境日期一摺內稱山東開河水勢均有六尺上下儘足浮送至臨清板閘之外即係衛河其源出自豫省九道堰百門泉每當春運恒虞水弱今據

查報現在足敷運行但河濶流長必須上游源源接濟當即檄行河北道將濟運各斗門及時啟放其灌田民渠此時插秧尚早照舊封閉等語運河開放斗門水櫃原為水弱恐阻重運而設今衛河水勢既敷運送即不必急於啟放雖灌田節候現尚未屆而該督為濟運起見亦未免失之過早此等調劑事宜務須常留有餘倘開放稍速洩水過多一遇運河水弱又將何以接濟所謂周急不繼富

其理正如此也著傳諭韓鑾即詳悉確按情形如目下衛河深暢無須開放即速上緊將該處斗門封閉俟屆期再行酌辦○又諭據韓鑾奏查勘豫省南岸上游兩廳工料情形一摺內稱時和驛八堡係四十三年漫口新工該處補還大隄之處溝槽既多情形可慮應加築外越一道長一千六百五十丈共需土方銀四千餘兩歸入搶修案內彙銷等語該處既係從前漫口堵築之工自應加意防

護但果否必應添築外越現在阿桂由南河查勘各工事畢尚須赴豫履勘儀封十六堡及考城張家油房工程著就近即赴祥符時和驛一帶會同韓鑾再行詳悉察看情形妥議具奏○是日駐蹕大教場大營○丁亥祭先農之神遣克勤郡王雅朗阿行禮○直隸總督袁守侗疏報順天保定天津承德四府屬乾隆四十五年開墾熟地五十八頃九十二畝有奇○旌表守正捐軀江蘇豐縣

民張克成妻許氏○是日駐蹕法華村大營○戊子諭軍機大臣等戶部議駁特成額等奏請將兩金川新疆現存米石出借官兵將來易還麥稞之處仍毋庸議一摺固屬照例議駁但此項舊存米石既經舂碾盤運兼以山谷氣潮易致霉變實難久貯亦只可准令官兵易交稞麥即使以貴易賤亦不得不如此辦理至該將軍等所稱將來官員需米可令自行買食其本地喇嘛及書役人等即令

全支麥稞惟由京派來喇嘛仍請照巴塘裏塘軍米由內地運往等語從前巴塘裏塘定給軍米價值七八兩一石辦理本屬未善祇以行之日久未便輕為更改今若金川屯所需支米石亦照此為永遠定例則程途愈遠需費愈多部議所云輟轉糜費腳價總屬明虧暗折其事自斷不可行朕意將來金川新疆應支米石時不如全用折色聽其自行買食毋庸再給官米庶免長年糜費之慮著傳諭特成額文綬即將此案再行詳悉妥議酌定章程覆奏到日候朕另降諭旨○是日駐蹕王快大營

大清高宗法天隆運至誠先覺體元立極敷文奮武孝慈神聖純皇帝實錄卷之一千一百二十六

大清高宗法天隆運至誠先覺體元立極敷文奮武孝慈神聖純皇帝實錄卷之一千一百二十七

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級入加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十六年辛丑三月己丑薨甘肅皋蘭

靜寧固原鹽茶廳張掖古浪寧夏寧朔靈州中衛平羅崇信碾伯泰安禮縣等十五廳州縣乾隆四十五年水雹等災額賦有差蠲剩銀併予緩徵○是日駐蹕岱陽大營○庚寅諭軍機大臣等據英廉奏山西文水縣監生龐贊廷呈控胞兄贊化侵占祖業析產不清並首出伊兄用銀頂買經承一案已降旨交刑部審辦矣至摺內出語稱龐贊廷所告伊兄侵隱資產一節尚係尋常爭產之事其所

控用銀謀充吏缺一節如果屬實大千法紀等語殊屬輕重倒置營求買缺固干例禁尚屬小人謀利常情至因分產細故以弟控兄實於風教有關朕近製改教詩現在刊刻頒示中外內有道德齊以禮聖訓如日照政刑民苟免安能致熙皞德禮在明經王道無近效之句我君臣皆當共勗何英廉於此等案件竟措詞失當若是除將原摺改正發鈔外將此傳諭知之○是日駐蹕郭村大營○辛

卯諭今日迴蹕至保定有尹嘉銓遣伊子至行在奏為伊父請諡一摺已屬狂妄易名賜諡國家大典豈可妄求而又不親來乞恩本應交部治罪因批諭念其為父私情姑從寬免若再不安分家居則罪無可逭及次閱伊為父請從祀孔廟一摺更為肆無忌憚愚而好自用矣從祀官牆非人品學問純粹無疵久經論定者孰敢輕議是以國朝從祀寥寥寧缺無濫今

尹嘉銓乃奏請欲為湯斌范文程李光地顧八代張伯行並請從祀而廁以伊父謬妄殊甚湯斌在

皇祖時曾經侍讀理密親王乃不能盡心輔導以致理密親王縱欲敗度終於廢黜於保傅之義有虧至范文程本係明季諸生臣事我朝致身通顯雖非如洪承疇等身事兩朝可比然於純儒品節不無遺議若李光地於耿逆時遣人齎送蠟丸告變外間傳有不與陳

夢雷一同列名之事於公論亦未允乎至顧八代不過通曉繙譯滿漢文義居官循謹本無行誼過人之處又張伯行雖操守廉潔亦人臣職分當然其叅奏嚆禮一策實因嚆禮欲尋其衅勢難兩立因先發以為自全之計不得以其託名講學輕議入祀以上諸臣皆朕素所深悉乃尹嘉銓以休致在籍人員不知安分妄言無忌實屬從來未有之事甚至奏稱伊父尹會一蒙御製詩章褒嘉稱孝已

在德行之科自可從祀等語尤為狂吠罪不可逭尹會一從前經朕賜詩獎勵原藉以風示羣倫而已其於巡撫任內亦僅循分供職後因不能勝任改用京員尚不能如湯斌等諸人可比今尹嘉銓乃敢妄稱已在德行之科既為請諡復請從祀如此喪心病狂毫無忌憚其視朕為何如主耶且尹嘉銓託於行孝為此妄奏天下之人孰非人子乎使令皆為其父求諡求入祀

孔廟亦可行乎否則為不孝即得罪仍託於為父則朝政不至於大紊乎此而不嚴行治罪何以彰國憲而懲將來尹嘉銓著革去頂帶拏交刑部治罪並將朕批示其兩摺發交大學士九卿閱看併通諭中外知之○諭軍機大臣等本日據尹嘉銓遣子齎奏為伊父尹會一請予諡法一摺已屬干典妄求然朕尚念其為父私情因批諭姑從寬宥及閱其第二摺竟為伊父奏請從祀

孔廟則是大肆狂吠不可不明正其罪現已明降諭旨將尹嘉銓革去頂帶拏交刑部審訊從重治罪並將此二摺傳齊現在隨從行營之大學士九卿令其閱看矣尹嘉銓曾為大員乃如此喪心病狂實屬大千法紀所有伊博野原籍貲財已令束守伺專派大員前往查抄外伊在京尚置有房屋貲產且家屬現在京師著傳諭英廉即速親往嚴密查抄毋任絲毫隱匿寄頓將此由六百里傳諭知

之○又諭曰閱鴉元奏查辦王仲儒西齋集先據伊曾孫王度於二年限內呈繳可否免罪出自聖恩至為西齋集作跋之汪之珩係如皋縣人業於乾隆三十一年物故汪為霖現任刑部郎中挈眷在京伊處有無存留此書曾否與知其事請飭部臣就近查辦又王仲儒之子王國棟著有秋吟閣詩本內有徐述夔序文並有為徐述夔題照之詩訊究此書亦係汪之珩幫貲刊刻等語王仲儒所著

西齋集指斥狂悖殊堪髮指伊曾孫王度既於限內呈繳尚可免其治罪至汪之珩既為作跋又為出貲刊印是亦一狂悖之流今已身故姑免深究伊子汪為霖現任刑部郎中伊處如並未存留此書或知其語涉悖妄業經銷燬朕亦不加治罪若其家現有收藏則罪無可逭著傳諭英廉諾穆親即親赴汪為霖家中嚴密搜查有無此項書籍板片毋任隱匿又王國棟所著秋吟閣詩本雖據閱鴉

元等奏現在查起板片奏請銷燬但亦係汪之珩幫貲刊刻汪為霖家中或尚有存留者著一併嚴查蒐繳淨盡並即將查辦情形據實覆奏再雖無此等書籍而別有黃綠書信亦不可為之隱諱就案了事也○是日駐蹕靈雨寺行宮翼日如之○壬辰諭據袁守伺等叅奏長蘆鹽運使錫拉布每收庫銀一千兩格外添平銀七兩又各商抵兌借帑必令交庫兌收另行發給亦有侵漁平耗情事並

節年商人領借內帑舊欠未徵新利又積欠項至七萬七千餘兩不能催辦歸款似此貪鄙怠玩之員斷難姑容請革審等語錫拉布著革職交該督會同鹽政西寧秉公嚴審定擬具奏○詔福建臺灣府配載補運內地兵餉船戶陳德泰等在洋遭風漂沒米五百四十石有奇○癸巳諭據英廉奏本月十二三四五六等日東直安定德勝各門外民人張二等家連遇搶劫五案併有傷及事主者皆

係北營所管汛內之事若照尋常例限叅處不足示儆請將該營將備等官交部分別嚴加議處文職官員聽都察院辦理併自請議處等語京城內外輦轂之地盜犯連肆搶劫該管文武各員平日所司何事至此次英廉署理步軍統領衙門事務不過月餘輒有五案盜犯即係伊精神不能照攝以致督率不嚴實難辭咎所有該營將備等官及文武各員著交該衙門查明分別嚴加議處英廉並

著交部議處所有各案盜犯著迅速立限上緊緝獲按律從重定擬治罪○兵部奏乾隆四十五年南巡恩旨凡經過直隸山東併江浙兩省辦差文武各官俱准其開復加級隨行文各該督撫查明造冊送部迄今一載有餘惟直隸山東併漕河各標業據冊送到部外其江南浙江兩省尚未造送查開復降罰等案有關陞調其應加級各員有關抵銷未便任其久稽時日致於辦理案件有礙使應

開復加級人員不得及早沾恩請勅各該督撫即行查造送部併請嗣後此等事件統限六個月以內造報倘有逾限照欽部事件遲延例分別議處得旨此等開復加級之案係朕特恩各該督撫提鎮何以遲至年餘尚有未經查明咨部者該部酌限六個月造報為期尚屬過寬嗣後此等事著定限奉文三個月內查明報部如逾限不行咨報者該部即予銷除毋庸再議伊等為自己邀恩之事自

當上緊辦理矣。所有文職官員吏部即照此例辦理。○是日駐蹕太平莊大營。甲午諭曰：綏遠城將軍弘昫歷任多年，今聞溢逝，深堪軫惜。其應得卹典著各該衙門察例具奏。○諭軍機大臣曰：明善奏稱喀爾喀杜爾伯特交界地方設立鄂博，現由科布多帶印前往會同慶桂、巴圖魯公辦理等語。所奏尚是。前因慶桂患病不能前赴烏里雅蘇台，已著巴圖魯署理將軍印務。明善到彼可即會同巴圖魯公設立，不得稍有偏向。並傳諭巴圖魯知之。○又諭曰：弘昫現已病故，伊子永鐸著即前赴綏遠城辦理喪事。但寧夏將軍莽古賚昨經陞見尚未到任，永鐸接奉此旨仍俟莽古賚到任，將將軍印篆及副都統事務交代後再行起程。併傳諭莽古賚趨行抵任接辦將軍印務。欽差大學士公阿桂、兩江總督薩載、江南河道總督李奉翰奏陶莊北岸河身現已展寬，大溜通行，惟清河舊縣之玉皇

閣埽工，迤上河勢向走北岸。上年冬間溜始南趨，南岸露有窖基數座，土人呼為沈家窖。土性堅實，衝刷尚未能寬。深二月內，臣薩載已於南岸挑挖引渠，長一百二十八丈，寬十五丈。又切灘長三十丈，寬十八丈，以順其勢。現在公同履勘，雖引渠已成，河勢但河形尚窄，過水無多。應於南岸再展寬三十丈，挑長三百五十丈，深二丈，使大溜迅行下注，不獨對面埽工可期，漸次停淤，即下游順黃壩對面灘嘴亦可望刷去。與陶莊新河形勢更為直捷。估需土方銀二萬三千八百兩。一面督飭工員趨挑報聞。○調江寧將軍宗室嵩椿為綏遠城將軍，以鑲藍旗滿洲副都統覺羅萬福為江寧將軍。○是日駐蹕三和鋪大營。○乙未調正藍旗漢軍副都統復興為鑲藍旗滿洲副都統，以直隸布政使黃檢為正藍旗漢軍副都統。○調京口副都統圖桑阿為甘肅涼州副都統。○調廣東布政使達爾吉

善為直隸布政使以甘肅按察使福崧為廣東布政使以福建澎湖營副將招成萬為閩粵南澳鎮總兵是日駐蹕涿州行宮丙申諭軍機大臣等據巴延三等奏三月初六日到瓊州接據該府等稟稱於落牙嶺內搜獲抱由村黎匪一名夫鼻仔即那若供出射傷巡檢之正兇那岸該州等即帶兵捕獲併獲那肯那秤等犯但起意之那回尚未就獲實在黨惡人犯尚無姓名現飭嚴審設法搜勦至各處黎情俱極安靜為匪者不過數村從前地方官所稟未免過於矜張等語已於摺內批示矣黎匪敢於聚眾抗拒殺傷巡檢不法已極不可不痛加懲治以儆兇頑該督等摺內稱地方官所稟過於矜張未免有化大為小以圖了事之意斷不可稍存此念著傳諭巴延三等務即督同文武員弁上緊查出黨惡人犯姓名逐一盡力搜捕遵照前旨從重辦理毋得稍存姑息之見仍將辦理

情形迅速由驛覆奏又諭前因巴延三在山西巡撫任內多年陛見時屢經詢問黃檢均稱時加約束不致率意妄為乃朕此次巡幸五臺間黃檢在直隸藩司任內聲名狼籍及召見山西各官俱稱伊操守平常是巴延三實不能約束黃檢從前所奏皆屬空言著傳旨嚴行申飭禮部以會試中額請得旨這會試滿洲蒙古取中三名漢軍取中一名直隸取中十五名奉天取中一名山東取中十三名山西取中九名河南取中十名陝西取中五名江南取中二十九名浙江取中二十五名江西取中十八名湖北取中五名湖南取中五名福建取中十名廣東取中五名廣西取中三名四川取中四名貴州取中三名雲南取中四名以甘肅平慶道福寧為甘肅按察使是日駐蹕黃新莊行宮丁酉吏部議准湖南巡撫劉墉奏劉陽縣係繁難中缺併零陵縣分駐冷水市縣丞例歸部

選龍山縣原係苗疆難要缺在外調補惟近年腹地生齒較繁苗疆漸歸淳樸請將瀏陽縣改為繁疲難要缺零陵縣冷水縣丞改為佐貳要缺在外揀選調補其龍山縣改為專難簡缺並所屬典史及隆頭司巡檢俱刪苗疆字歸部選用從之○封閉奉天遼陽州黃旗溝等四處煤窯從將軍索諾木策凌請也是日駐蹕潭柘岫雲寺行宮戊戌諭軍機大臣等上年直隸天津文安霸州等處被

水地畝前據袁守侗面奏現在尚有未經涸出者今又隔旬餘此時曾否盡行涸出是否尚能趕種麥田至今年節氣尚早此等地畝涸出趕種大田不致有誤與否著傳諭袁守侗即派誠實幹員分往各該處查詢各屬情形據實具奏再日內天氣稍寒於麥苗長發時有無妨礙並著袁守侗一併查明覆奏尋奏文安霸州大城寶坻等州縣未經涸出地畝現設法疏消均可無誤秋禾即水勢無可

消納之處亦令酌種稻田其已種麥苗日微暢茂雖天時稍寒俱無妨礙得旨覽奏稍慰○又諭曰陳輝祖奏福寧鎮總兵范宜恒福寧府知府王若常因訓導林肇煌誣兵拐衣肇釁致鎮府互相稟揭一案據委查之糧道馮晉祚稟稱傳喚齋簿到府之李開來等僉供本府弔查號簿並無授意改添栽誣之事至范宜恒遣兵阻攔府堂派弁兵把守府署儀門該道稟內全未叙及是否馮晉祚迴護

王若常抑為范宜恒諱飾均須徹底查辦現飭藩臬兩司鹽道秉公速審等語文官袒護屬員武官袒護兵丁此常有之事全在該上司秉公據實查辦此案前據富綱叅奏時已傳諭令秉公確訊今陳輝祖既在浙江督辦海塘要工此案證據又全在閩省不當復拘撫叅督審之例著即交富綱就近提審將此案務須徹底根究如王若常實有添改號簿庇屬誣兵情事即將該府嚴叅治罪如范宜

恒實有派兵擁阻府堂違升把守府署儀門之事即將該總兵叅奏此皆實有憑據之事無難水落石出至馮晉祚於查辦此案若有偏袒一面已屬不合倘既欲開脫屬員又復周旋總兵則是依違兩可進退無據富綱於此一節尤應據實查覈不得稍存成見外省審辦案件稍有偏抑朕無不洞燭及之且有提犯來京交部審訊者此案倘富綱稍涉偏私或顛預了事經朕看出何難提解來京審

究恐富綱不能當其咎也將此由四百里傳諭富綱並令陳輝祖知之○是日駐蹕靜宜園翼日如之○己亥欽差大學士公阿桂兩江總督薩載江南河道總督李奉翰奏桃源縣屬九里崗一帶前經奏撥河夫挑浚惟土性堅實中間橫亘崗沙千餘丈水深僅二三尺較之上下游深六七尺及丈餘者顯屬高仰全河未免梗阻但水底不能施工挑浚亦屬無濟惟於北岸坐灣處自李家莊起至臨

河集北首止取直開挑引河一道計長一千一百四十丈口寬四十丈底寬二十八丈通身挑深二丈俾大汛直注上游自易消落估需銀十一萬二千餘兩俟奏准分段趨挑務於五月內完工得旨宜速為之但不可因欲速而工不實○詔江西贛州幫旗丁張正魁鄰湖遭風漂沒米一千一百五十石有奇旌表守正捐軀安徽靈璧縣民曹得萬女曹氏

○庚子

上還圓明園○工部議准直隸總督索永守伺疏稱正定城外滹沱河斜角頭隄舊建椿埽長三十二丈年久朽爛又舊埽二百丈蟄陷卑矮分別拆修鑲築估銀於歲修項下撥給從之○辛丑

上御勤政殿聽政陝甘總督勒爾謹奏據蘭州府循化同知洪彬稟報廳屬撒拉爾回人蘇四十三等因爭立新教將舊教回人殺傷數名臣隨委蘭州府知府楊士璣河州協副

將新柱前往查辦三月二十日據楊士璣稟報新柱與該府帶領兵役前往循化十八日申刻行至白莊子被新教回匪千餘人將莊圍住等語臣即選派本標兵二百名帶同臬司福崧星夜往該處查拏又奏途次據署河州知州周植稟報新教逆回於十八日晚將知府楊士璣副將新柱殺害等語臣飛調固原涼州甘州西寧肅州五提鎮兵共二千名星速前往仍於現帶本標兵二百名外添調

三百名兼程馳赴相機勦捕並札令提督仁和前往會辦又據河州署都司李奇稟報已派兵二百名交署守備袁尚仁帶往該署都司現在看守城池諭軍機大臣等回人爭教細事何致因此殺害大員其所爭立新教係由何處流傳向來有無此等名目是否另有布圖搶刦別情勒爾謹摺內總未明晰聲敘將來獲犯時均應逐細審究詳悉具奏不可絲毫隱飾至勒爾謹初派本標兵二百名原

屬過少其知府楊士璣副將新柱前往查拏時辦理亦未能妥協以致被賊殺害况知府副將係文武大員所帶官兵兵役自復不少若因兵少不能抵禦被賊傷損者多以致知府副將同時遇害自應據實奏聞朕必加之優卹若官兵不能督率兵役奮力禦賊甚或兵役等畏怯先逃致領兵大員遇害則逃兵等均應拏獲正法不可少存姑息著傳諭勒爾謹俟事定時遵照辦理至所帶兵數前後

幾及三千又札會提督仁和前往會辦仁和係曾經出兵打仗之人軍務頗為熟悉勒爾謹當與之和衷速辦總以慎重明決為要併諭仁和知之壬寅平定兩金川方畧告成議敘纂修提調等官有差御製平定兩金川方畧序曰前平定金川實祇受促浸一處之歸降後平定兩金川則併促浸償拉兩處削平之而屯戍其地不讀前方畧不知予之撫順宥過之寬惠不讀後方畧

不知予之保大經久之苦心兩金川之愜恩
奢望屢赦屢叛與夫不得已用兵之原委亦
既見之後告成太學之碑文矣茲方畧成而
司事者以序請從其請是贊言不從其請是
闕體以書之有弁詞藏體例也夫示之義方
之謂方定之智畧之謂畧有方無畧失之執
有畧無方失之隨二者相需殷而相得彰且
方有隅之義而象地畧有包之義而象天乾
圓坤方陰靜陽動即兵法實不出乎此要之

本於敬而弗懈公而無私泰而不驕勤而非
躁然後能賞罰明而進退當緩急應而機宜
合運之九重之上示之絕域之遙忘憂不可
掣肘益不可是必注精神於董事之諸臣而
念辛苦於衝鋒之策士嗚呼定方畧豈易言
而成方畧更難覩也今幸覩方畧之成庶乎
五年忘餐廢寢之勞得以少慰而藉以解後
世窮兵黷武之譏所謂伐逆不伐順伐險不
伐夷者或庶幾乎 陝甘總督勒爾謹奏臣

行抵狄道州據兵丁李成得報稱逆回男婦
二千餘各帶馬匹器械於二十一日二更時
將河州守城兵殺死擁入州城署都司及知
州未知存亡等語臣因所帶標兵僅五百名
且狄道緊鄰河州若狄道有失省城亦可虞
因在州城也劄堅守俟前調兵到馳往勦辦
諭軍機大臣等此時勒爾謹帶兵無多自應
持重堅守俟仁和併前調各兵陸續到來一
鼓擒滅方合機宜自不便輕易舉動至逆回

本因爭立新教致相仇殺今閱該督摺內所
稱殺官抗拒占據州城之賊如係新教首逆
即應明切曉諭舊教之人赦其互相爭殺之
罪作為前驅令其殺賊自効如此以賊攻賊
伊等本係宿仇自必踴躍爭先既壯聲勢又
省兵力而賊勢益分勦滅自易著勒爾謹與
仁和相機妥辦至河州城池堅固有文武官
弁兵丁守衛何致賊匪一擁而入將城占據
其平日所為守禦者何事所有該署都司及

知州等應查明下落如因城池失守以一死塞責尚有可原如竟苟活潛逃即當立正典刑以昭炯戒除另行傳諭西安提督馬彪帶兵二千名前往協同勦捕外併令西安寧夏將軍各豫備滿兵一千名如必須協濟該督即一面飛調一面奏聞至健銳火器兩營尤為勁旅現亦挑選豫備該督與仁和務須和衷協力妥速辦理○又諭曰勒爾謹所帶兵丁恐不敷用提督馬彪曾經出兵打仗著即

挑選各營精壯兵丁二千名選派勇幹將弁帶領星速前往隨同勦捕毋致稽時日○又諭據勒爾謹奏蘭州撒拉爾回人蘇四十三等搶據河州城勒爾謹因兵丁尚少現在屯兵狄道州俟各路營兵調齊即行進勦等語現已傳諭西安提督馬彪帶兵二千名迅速前往並諭西安將軍伍彌泰寧夏將軍莽古賚各選集兵一千名豫備倘須調用即令前往協同勦捕並於火器健銳兩營兵丁內挑

選豫備阿桂此時查辦河務已將次就緒著即速起程來京倘有必須勁旅之處阿桂即可帶兵前往著將前降各諭旨及勒爾謹仁和奏到各摺一併鈔寄閱看○甘肅布政使王廷贊奏二十一日據報賊匪進逼河州勢甚猖獗臣已飛稟督臣加調官兵速為應援并嚴飭附近地方官多集兵役堅守城池查省城重地甚為緊要臣現同蘭州道圖薩布候補道永慶督同文武官員派撥兵役嚴密

稽查小心防守並安慰居民毋使驚擾諭軍機大臣等蘭州係省城重地著王廷贊督率堅守並須不動聲色毋得過涉張皇若稍有疎虞王廷贊不能當其咎也○癸卯諭軍機大臣等據伍彌泰畢沅奏提督馬彪已於二十五日星馳前往並選兵一千分起迅赴河州又伍彌泰現挑西安滿兵一千豫備親自帶往接應所辦與昨降諭旨相合甚屬可嘉至新舊教既自相仇殺必非合夥或赦一勦

一以分其力未嘗不可而其互相仇殺之罪俟事後再定此等機宜恐非勒爾謹所能辦且爭教仇殺起釁自非一日勒爾謹何以早未籌及此時各路大兵雲集調度機宜最為緊要著傳諭阿桂竟不必來京即從河南取道徑往甘肅程途較近所有節次所降諭旨併批示奏摺已經鈔寄閱看亦別無訓諭之處阿桂即由河南馳驛前往到甘肅後即將查明新教舊教及調度勦賊情形迅速具奏

○又諭曰前勒爾謹所奏回匪名目及新教舊教總未明晰既係兩教爭立互相殘殺斷無官兵緝捕時轉致合而為一之理究係何教之人首先抗拒逞兇現在彼一教情形若何著勒爾謹即查明覆奏此時總須鎮靜辦理不可稍涉張皇再昨降旨豫備健銳火器兵各一千因思自京至甘肅程途四千餘里若由烏魯木齊帶兵前來較為近便並著傳諭奎林挑選豫備如有必須協濟之處勒爾

謹即一面奏聞一面飛調○是月直隸總督袁守侗奏多倫諾爾理事同知自乾隆三十九年改歸稅務稽查徵收必需練達之員況地方廣濶不特與口內各廳繁簡各殊即較之張家口獨石口二廳業牘亦覺紛繁應請定為衝繁難三項要缺在外調補遇缺出准於口內外各廳員內揀選調用得旨著照所請行該部知道江南河道總督李奉翰奏銅沛廳屬張工全工二處溜勢趨向未定應

於舊裹頭上下酌添雁翅防風至邳睢北岸青山頭溜往北趨隄工單薄即前議添築越隄尚難足恃請將大隄幫築寬厚土戩現已估給趨辦又邳睢南岸朱家海地方沙土虛鬆上年築挑水壩一道應令加鑲高厚並於壩工上添築木筏一架挑溜更為得力再各工貯備物料多少尚未合宜現飭令轉運頂銜迎溜要工多為存貯報聞兩淮鹽政圖明阿奏現據官商等查繳曲本二百八十四

種凡明季國初之事有闕本朝字句及南宋金朝扮演失實者即粘簽改正並飭令上緊趕辦不致紛雜遲延得旨知道了此亦正人心之一端但不可過於滋擾耳○安徽巡撫農起奏安省鳳陽潁州泗州三府州等屬上年偶被水災業經賑卹惟居青黃不接之時尚資調劑請將災屬倉穀照市價遞為減糶至成熟州縣亦就現存倉糧酌量情形照存七糶三例分別減糶報聞○廣州將軍傅

玉奏廣州駐防向未另立城垣但地處邊要兵民錯處旗員及地方官等礙難稽查且恐日久滋事互相推諉應將現在旗人住界內之廟宇鋪戶人口造冊交理事同知每月清查兩次併將戶口姓名懸牌各門臣仍隨時派員按牌查對如有匪徒混匿即交理事同知會同地方官審辦得旨自當如此知道了○雲貴總督福康安雲南巡撫劉秉恬奏前准部咨派委管廠各員辦銅缺額至三月以後

不能補交者即行撤回另委惟查從前定額原就一年所獲按月畫分計盈絀以定考成而一年中夏秋水礮硿硿淹漫採鑿較難又或廠衰銅絀另覓新礮尤非旦夕可以集事若以月額不敷令於一二月內補足為期太促且滇省大小四十餘廠練才難得實無多員改委請嗣後廠員缺額三月未能補交者查係水浸廠衰並非辦理不善而缺數亦止一二分者仍令留廠統限一年繳足如不能

補交即撤回入於考成冊內開參倘實係該員懈廢又不及時趕補仍照新例即行叅處得旨如所議行又福康安奏雲南提督海祿奏准陞見惟滇黔營伍上年查閱未竣臣現赴迤東一帶校閱官兵並察勘東昭等郡廠務由威寧入黔省往返尚需數月督提一時並出非慎重邊防之道請稍為緩期俟臣查閱回滇後即令海祿入覲並擬令昭通鎮總兵巴克坦布暫署提篆得旨是所當奏者

知道了。

實錄卷一百二十七

走

大清高宗法天隆運至誠先覺體元立極敷文奮武孝慈神聖純皇帝實錄卷之一千一百二十七

大清高宗法天隆運至誠先覺體元立極敷文奮武孝慈神聖純皇帝實錄卷之一千一百二十八

監修總裁官總纂官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣陸柱
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十六年辛丑夏四月甲辰朔享

太廟遣怡親王永琅恭代行禮○諭軍機大臣
據勒爾謹奏現駐狄道州候兵力稍集即行
進剿自應如此辦理此時務須持重安慰衆
心至署西寧鎮副將貢楚達爾已派兵一千
名率同將備前進頗為勇往曉事如到彼果
能出力即可勝西寧總兵之任又現在調集
之提鎮仁和馬彪圖欽保等均係効力戎行
熟習軍旅之人勒爾謹當與之和衷共濟將
來仁和等剿賊成功即勒爾謹之功切忌自

用。又諭昨降旨令阿桂馳驛前往甘肅辦理勒滅逆回事宜。此時諒已奉到前旨迅速進行矣。因思阿桂到彼調遣需人已派乾清門巴圖魯侍衛福寧泰斐英阿明山阿蘭保各賞銀一百兩。馳驛前往甘肅聽阿桂差遣。又現在來京引見之肅州都司馬雲即係西寧人熟習該處情形亦賞給銀一百兩。隨泰斐英阿等一同馳驛前往聽用。看來此事起釁已久。勒爾謹平日不能約束使之知威知

懼。或存將就了事之見以致釀成事端。阿桂務悉心籌畫妥協辦理將賊匪勒滅盡絕根株以靖地方。並此案或因勒爾謹辦理不善或係地方釀成均著詳晰查明具奏。○又諭本日畢沅奏逆回進逼蘭州焚燒關廂省城眼前失事已飛札文綬等調兵會剿復札富勒渾雅德調河南山西兵前赴西安聽調並懇迅發京兵派熟悉軍務大臣帶領前往等語昨已傳諭阿桂令其即由河南星赴甘肅

今逆回如此猖獗阿桂應即迅速進行現派尚書和珅額駙拉旺多爾濟領侍衛內大臣海蘭察護軍統領額森特馳驛前往甘肅並派巴圖魯侍衛帶健銳營兵二千名火器營兵二千名即日分起迅速前往如和珅等先到甘肅即行調遣辦理俟阿桂到彼時即交阿桂接辦和珅仍即回京供職。○又諭曰畢沅奏調四川官兵現有從前曾經平定金川之兵可以調往堵截至河南山西二省兵本

不多且防守亦為緊要該撫等止須豫備於本省邊境聽候調遣不必即赴西安惟所需河南山西各備火藥鉛丸五萬觔即當迅速解運接濟至京兵四千名由直隸山西一路前往所有應用馬匹車輛及例應供給之處必須早為豫備俾京兵迅速進行。○旌表守正捐軀直隸易州民年才妻魏氏乙巳諭曰農起著賞戴花翎馳驛前赴甘肅辦理軍需李侍堯著加恩免罪賞給三品頂戴並賞

戴花翎與副都統黃檢一體馳驛前往並著和坤傳諭黃檢即由保定前往不必來京又諭現在甘肅需用銀兩甚屬緊要所有該省春撥銀八十萬兩尚恐不敷著再於部庫內撥銀一百萬兩仍於鄰近省分先行遞撥解往俾得迅速濟用該部即遵諭行又諭現在甘省事務紛繁急需大臣協同料理而軍需出入尤關緊要因思李侍堯前經獲罪但其才識可用此時需人之際不能復拘常

格已傳旨免其前罪賞給三品頂戴花翎令前往甘肅又安徽巡撫農起來京陛見人尚結實亦令其前往又昨因黃檢在山西直隸聲名平常念伊祖黃廷桂舊勞仍用為副都統伊辦事尚屬勇往著和坤於過保定時面傳諭旨令其隨往伊等三人俱著總辦甘省軍需事務此外如有應辦事件阿桂和坤亦可一面交辦一面奏聞並派司員內京察記名以道府用之海廣李昭豐紳蘇楞泰保年

景如柏前往甘省交阿桂和坤差遣委用再應用武職人員現在派往之乾清門侍衛等即可酌量調派其候補副將和倫亦已傳旨前往此外如尚有需用武職人員並著就近檄調至阿桂和坤辦理此事必須印信已令福長安齎欽差大臣關防交與和坤帶往甘肅俟見阿桂即令轉交應用又諭昨傳諭山西河南官兵止須在該省邊境駐劄以備調遣今據雅德奏已派兵五千名令太原總

兵福敏泰帶領赴甘會剿是晉省兵丁業經起程現在和坤前往甘肅驛路本由山西行走即於經過時帶兵前進聲勢更為有益至河南兵本不及山西著仍遵照前旨於本省邊境駐守毋庸前赴甘省又諭據王廷贊奏報賊匪直抵蘭城困守兩晝夜等語伊係文臣能如此固守若再待數日援兵一至即可保全城池是即王廷贊之功深為可嘉又奏稱賊人索取馬明心王廷贊許令城上一

見後即行正法既安賊匪之心又將賊首正法辦理甚合機宜王廷贊著賞戴花翎並賞御用大荷包一對小荷包二對交與伍彌泰等遣人齎賞王廷贊並傳旨嘉獎和坤接到此旨時亦即催伍彌泰馬彪所帶之兵迅速行走並將王廷贊能固守省城先除賊首之處明晰獎諭至此次為王廷贊齎招出城之人亦屬能事可嘉並著伍彌泰等查明重賞以示鼓勵予故喀爾喀扎薩克和碩親王

巴雅爾什第祭如例旌表守正捐軀直隸東光縣民尹瑞隴妻吳氏 丙午

上還宮。諭現在逆回占據河州州民畏其殺害勢必脅從伊等本係愚民猝遇賊衆凌逼其罪可寬至生監等從賊草茅微末尚可稍貸若本身在京及在各省出仕者或其家屬從賊情亦尚有可原惟曾經出仕回籍人員如有甘心從賊不顧名義法無可恕必當從重治罪著阿桂和坤於剿滅賊黨後查明分

別辦理是日起

上以常雩祀

天於

園丘齋戒三日丁未諭軍機大臣曰阿桂奏到遵旨回京一摺計拜發此摺後又接到續降不必來京之諭旨諒即由途次前往但伊因瘡疾發動每日僅行百餘里此時即竭力趲程恐亦未能迅速到彼現在甘省急需重臣督辦刻不能緩和坤年力強壯行走自能便捷計可到在阿桂之先務須星夜兼程前進督辦一切俟阿桂到甘省後和坤仍遵旨將所辦事宜詳悉告知阿桂再行回京至和坤到彼倘亦不能剋期其自西安至甘省一帶現在乏人料理關係綦重伍彌泰帶兵前進計此際已抵甘省所有一切調度應辦軍需糧餉各事宜即著伍彌泰悉心經理並著傳諭尚安就近即速馳赴隨同伍彌泰辦事至尚安起程後西安又少大員協理著傳諭

農起迅速趕赴西安留同畢沅和衷商辦其
西安布政使事務另行奏署再由京派往之
滿漢司員本條記名以道府擢用人員如畢
沅有需人之處即酌留一二員聽候差委○
又諭據富勒渾奏稱於河北南陽二鎮各挑
兵一千名令河北鎮臣觀成等帶領起程等
語前經降旨令該省官兵於邊境駐劄備調
毋庸前赴甘肅今該撫既豫為調集派往俾
甘省多得兵力接應以壯聲勢亦屬可行此

項官兵若未入陝西境仍可不必前往若已
入境即令前往俟阿桂和珅到彼相機進勦
時聽候差委○以山西冀寧道費淳為山西
按察使 戊申

上詣

南郊齋宮齋宿○諭軍機大臣曰逆回傷害職
官占據河州一案總係勒爾謹平日不能豫
為覺察以致養癰貽患及事發後又不詳查
起釁根由確實陳奏事完之日阿桂和珅必

須徹底根究實在如何貽誤之處不得稍涉
含糊再王廷贊所奏安定縣回民馬明心係
新教之主則其人實為此案首犯但究係何
時拏獲如何審辦勒爾謹從前並未陳奏殊
不可解至此等回匪將來辦理時凡隨同逞
兇肆逆搶占河州圍逼省城者均應勒洗不
得稍存姑息使鄰近番人知所畏懼此為綏
靖邊方起見不得不如此辦理至賊匪人數
據勒爾謹原奏連婦女不過二千人而王廷

贊奏稱圍蘭州時有三千人蓋伊身在圍城
未免為羣言淆惑其實逆賊既占河州必不
肯捨棄自必留人占守甚或分其黨羽侵犯
狄道亦未可定焉得復有三十餘賊圍逼省
城此或賊人所過地方脅迫良民為之先驅
將來執訊時不可不分別辦理此皆阿桂和
珅到省時應行留心酌辦之事著即先行傳
諭令其存記遵照妥辦又諭曰據雅德奏
接據畢沅札隨將大同鎮兵停止等語畢沅

所辦真屬曉事可嘉至西安滿營並陝甘各路之兵日內計可將次到齊著傳諭伍彌泰馬彪即將官兵曾否到全現在如何籌辦進剿之處迅速馳奏至和坤諒已兼程前進不必帶領晉省兵丁行程更可迅速又諭曰拉旺多爾濟乃蒙古親王凡帶兵打仗不得如內地提督領隊大臣一律差遣此時撒拉爾逆匪如已勦滅拉旺多爾濟不必回京即赴游牧避暑今年八月間哲布尊丹巴呼圖

克圖之呼畢勒罕前來避暑山莊陛見原派往迎之親王巴雅爾什第病故僅餘扎薩克台吉三都布多爾濟一人料理亦於觀瞻不肅即著拉旺多爾濟於游牧處所探信往迎妥為照應阿桂和珅惟相度現今勦賊情形辦理並傳諭拉旺多爾濟知之山西巡撫雅德奏現調兵進剿逆回已飛飭沿途州縣添設腰站多備驢壯馬匹馳遞文報至京兵過山西境山路崎嶇之處擬備用騾馬其餘

臺站應付車馬俱已妥備得旨所辦甚好至京兵過境豫備騾馬以利進行此則可以不
必兵由河南而行惟派出大臣侍衛官員及
文報往來仍由山西行走屢經降旨傳諭雅
德即遵照辦理一切妥為籌備不必稍涉張
皇○已酉常雩祀

天於

園丘

上親詣行禮○辛圓明園諭據勒爾謹仁和

奏署西寧鎮總兵貢楚達爾帶領漢土官兵
由循化一帶截賊人歸路收復河州擒獲逆
回蘇四十三弟姪並賊斃要犯婦女多人隨
准涼州總兵德寧城守尉額爾恒額固原鎮
總兵圖欽保分路帶兵并有莊浪土司魯璠
帶領土兵陸續前抵蘭州仁和當即令德寧
額爾恒額一面把守橋口一面直渡黃河並
經打仗二次官兵奮勇殺賊甚多圖欽保並
親行殺賊四人現已將逆匪擊退上山即日

可期勦滅等語。此次仁和等會勦逆賊，奮勇出力，均屬可嘉。仁和圖欽保、德寧額爾恒額貢楚達爾均著交部從優議敘，並各賞大荷包一對、小荷包二對。額爾恒額並著賞戴花翎。德寧貢楚達爾如未經賞戴，著一體賞給。戴用遊擊祥保、瑚松阿職擒賊犯，亦屬能事，均著交部從優議敘。土司魯璫亦勇往可嘉，著加一等賞給職銜，並賞戴花翎，以示獎勵。至畢沅在陝西境內聞有甘省逆賊滋事，即

能悉心調度，事事妥協，並有先辦而與朕旨相合者，實屬可嘉。之至著賞給一品頂戴。仍交部從優議敘，並賞給大荷包一對、小荷包二對。布政使王廷贊於逆賊圍逼省城時，能悉力守禦，且將新教首犯馬明心先行諭示，賊衆復即正法。辦理實合機宜，業經賞給荷包花翎。著加恩賞給一品頂戴，仍交部從優議敘。至此事係勒爾謹從前經理不善，以致養癰貽害，其咎原無可辭。但伊現在辦理收

復河州及會勦逆回，尚屬迅速。妥協統俟事畢後再行覈其功過，另降諭旨。其陣亡都司王宗龍甚屬可憫，所有應得賞卹該部照例議給。其陣亡受傷滿漢官兵及土兵等均俟查明從優議卹。諭軍機大臣據勒爾謹奏擒獲蘇四十三之弟蘇二個、蘇五個，並獲要犯馬八十三等，現在嚴加鎖鑰候訊等語。蘇四十三弟姪並馬八十三等俱係案内要犯，該督即派委幹員押解，並將此外拏獲助惡要犯一併迅速解京，沿途小心防範，毋稍疎虞。至阿桂現有瘡疾，恐未能迅速行走，已諭令不必勉強，而和珅行走必速，仍須馳往甘省督辦一切，並將善後事宜會同勒爾謹妥協辦理。○又諭據畢沅奏如數日內甘省河西之兵各路並集足資會勦，即飛咨四川停止調遣等語。本日又據勒爾謹等奏到現已收復河州，籌辦勦捕無須復調多兵，所有川省官兵著傳諭文綬即行停止。又諭前因

甘省逆回占據河州令河南山西兩省選派綠營官兵豫備調用並派健銳火器營兵四千名派員分起帶往本日據勒爾謹等奏稱收復河州賊勢已敗所有籌辦勦捕事宜此時已無需各省兵力除未經起行之京兵二千名停止發往外所有前調之山西河南等省官兵自應一併停止若已經調發出境亦即飭令各歸本營以省遠涉糜費庚戌諭朕於閏五月初六日幸避暑山莊駐蹕立秋後進哨所有應行出派人員應行豫備事宜著交各該處照例出派豫備諭軍機大臣此時逆回勢已窮蹙止須痛加搜勦諸事易於辦理所有火器營兵二千名昨已降旨停止派往其健銳營兵二千名內尚有五百名未經起程現在亦經停止至於已去之一千五百名和坤於行抵西安時諒已知其大概或告知畢沅令其暫行停住西安聽候調用或約料無須此項京兵即可一面奏聞一面

令其回京其海蘭察額森特及乾清門侍衛等本為帶兵打仗派往若京兵已停其赴甘和坤或留一二人聽用或令伊等一併回京皆可至所有派往大員亦不必全令馳赴著傳旨令李侍堯回京候朕另降諭旨農起亦著即回京陛辭仍回安徽巡撫之任再前此派往之京察一等記名司員李炤等六員到甘後并著和坤勒爾謹畢沅商酌如兩省內有須用道府人員即可酌留補用或不必要

留或竟可無需俱令和坤與兩省督撫酌量辦理至此案起釁根由勒爾謹並未明晰奏及已諭和坤等到彼查究務將實在情節徹底根求其應參奏者俟查叅到日再定至勒爾謹養癰貽害咎實難辭但此時斷不宜遽行更換總督以致賊衆易生輕玩著和坤到甘後面傳諭旨令其知朕此意更加黽勉又諭前據王廷贊奏逆匪圍逼蘭州兼為索取新教主馬明心等語馬明心既據王廷贊

奏摺內稱為新教之主何以勒爾謹又奏蘇四十三為首犯若係同教不應有兩教主若分新舊教則素有嫌隙馬明心羈禁在省蘇四十三等自當悅服何復藉稱索取直犯蘭州其情節殊不可解至河州循化廳等處回衆共有若干種類其中有無當差食糧之人著和珅於到甘省時會同勒爾謹詳悉查明覆奏○又諭曰西寧鎮總兵員缺著貢楚達爾補授黃大謀俟有內地總兵缺出另行簡用○又諭曰原任布政使德文著授為領隊大臣前赴和闐更換德風○又諭現在理藩院堂官出差者甚多著德勒克暫署理藩院侍郎事務○以甘肅涼州副都統圖桑阿正藍旗漢軍副都統黃檢對調○壬子諭據尚安奏派往甘肅勦捕逆回之西安滿漢官兵二千六百名已先後分起行走隨稟明撫臣馳赴陝甘交界處所督飭備辦並馳至甘肅首站涇州截留直隸解甘餉銀酌量應用等

語覽奏深為欣慰前因甘省急需幹員辦事已傳諭尚安令其馳往該處幫同料理今伊於未奉諭旨之前即先起程前往正與朕前旨相合且一切經理妥協甚屬可嘉尚安著交部議敘○又諭此次派出官員兵丁等賞項諒多已置備行裝若一時令其繳還恐伊等力有不能所有未經起程之官員兵丁著照部議分作兩年扣還其已經起程續奉撤回者著加恩賞給一半以示體卹○陝甘總督勒爾謹甘肅提督仁和奏逆回蘇四十三等由河州山僻小路潛至省城附郭一帶放火搶奪因官弁兵丁防守嚴密退占離省數里之山梁形勢甚為險峻必須四面圍剿所調各路官兵計三四日已可齊集惟有悉心籌酌以期一鼓殲擒得旨此時賊匪既經占據山梁必當厚集兵力同時併進迅就殲擒方為妥善勒爾謹等所稱三四日內各路調兵到齊會剿自應如此辦理所有伍彌泰馬

彪帶往之西安滿漢官兵此時諒亦全到如
己能將逆匪勒洗淨盡固屬甚善否則將留
駐西安聽調之京兵一千五百名徑令直抵
甘肅會同圍剿則聲勢更大尤可一鼓成擒
再本日和珅奏到途次檄令伍彌泰等先行
籌辦一摺目今光景辦理似為較易但和珅
此時仍須迅速前往會同辦理即阿桂亦仍
著前往督辦不必即回京畢沅在西安得信
較近京兵到陝時如甘省尚未歲事即令速

往再現在所獲人犯及陸續擒獲者應嚴密
押解省城監禁審訊俟阿桂和珅到彼覆審
後將首夥要犯嚴加鎖鑰派委乾清門巴圖
魯侍衛等押赴熱河照從前拏獲王倫案內
逆犯辦理俾衆共知儆戒至馬明心一犯據
王廷贊奏稱本係安定回民則此案中必有
民人中素常為匪者為主謀煽惑並著阿
桂和珅勒爾謹等確實嚴查覆奏 癸丑諭
軍機大臣曰馬彪奏初二日已馳抵蘭州現

在公同商酌追剿等語此時各路所調兵丁
諒已陸續到齊自應遵照歷次所降諭旨妥
協籌辦至前此因未見勒爾謹奏報恐有阻
隔而和珅又未能刻即到彼是以傳諭伍彌
泰令其籌辦一切原因彼時無人料理起見
今勒爾謹既到蘭州而和珅又趨程前進所
有調度官兵及軍需糧餉各事宜自應仍令
勒爾謹經理一俟阿桂和珅到彼即會同商
辦伍彌泰仍止專司領兵剿賊俾事權歸一

辦理方有章程再蘭州城外關廟曾被賊焚
燒河州亦曾被賊占擾該處居民自不免為
所蹂躪不可不加意撫卹著傳諭阿桂和珅
即會同勒爾謹將實在情形若何應如何優
卹之處詳悉查明具奏候朕加恩又本日總
兵周鼎奏帶領官兵一千名於初一日兼程
前往會同勒爾謹該鎮既係奉調前往自應在
彼協同勒爾謹聽候和珅等調遣一俟勒洗事
畢即同各路鎮將等撤回本任 甲寅署陝

西巡撫畢沅奏。逆回據省城龍尾山梁華林寺。不過千餘人。蘭州各路兵丁共到三千餘名。將軍伍彌泰初八抵蘭州。都統薩炳阿帶滿兵一千六百名接續全到。現派潼關協副將馬鎮國帶兵三百名接濟馬彪督臣所派河西各路官兵。想陸續至。蘭兵力漸厚。省城斷無意外之慮。至狄道與河州蘭州之間。東通鞏秦。恐賊匪從大路竄出。該州僅有兵二百名。甚為單薄。已飛催興漢鎮臣三德帶兵

五百名前赴狄道。兼截賊匪歸路。得旨所辦甚屬可嘉。至賊匪僅止千餘。不過釜底遊魂。苟延殘喘。陝甘兩省兵丁到齊。無難一鼓聚殲。京兵竟可無須前進。此時畢沅備而不用。亦可至四川所調之兵。諒亦無需。但現在既已起程。且不妨令停止。著傳諭勒爾謹如賊匪業已勦淨。亦即知會特成額文綬並一面飭知領隊官員停其前往。予故喀爾喀多羅貝勒拉旺多爾濟祭如例。旌表守正捐

軀直隸藁城縣民成武妻陳氏。乙卯諭閱勒爾謹節次奏報逆賊情形。俱係烏合之衆。業已擊敗。竄入一小山。則蘭州附近之兵儘可勦滅。所有京師勁旅。竟無庸遣往。舒亮所領第三隊兵一千五百名。去尚未遠。著舒亮即帶領回京。丙辰諭據馬彪奏甘肅各路調派之兵。並西安滿漢各營兵。現在陸續到齊等語。該處所調兵丁已及一萬。而逆匪不過千餘。自應即時分頭圍剿。一鼓殲擒。前據

勒爾謹初二日所發摺內。稱三四日即可辦理。今馬彪之摺係初六日所發。何以尚未見勒爾謹等奏報勦賊之事。此時兵已厚集。更將何待。著傳諭勒爾謹即將勦滅逆匪情形迅速馳奏。至賊匪占據龍尾山梁華林寺。從何處得有口食。此時官兵自必將賊圍住。其施放鎗礮之火藥。又從何處得來。賊人馬匹約有若干。向何處搶掠。均著勒爾謹仁和詳查覆奏。實授閔正祥為江南壽春鎮總兵。

緩徵直隸天津青縣二縣嚴鎮興國富國
豐財蘆臺五場乾隆四十五年水災竈地額
賦有差。丁巳諭曰莽古賚以伊前後派兵
一千名請給治裝銀兩引戶部議奏國泰所
定之例瑣屑條列由驛馳奏莽古賚於此等
細事過於留意則緊要事件必致貽誤何不
曉事一至於此莽古賚係寧夏將軍若將蘭
州之事如何用兵如何勦滅之處熟籌具奏
庶不負將軍之任至兵丁應得之項自宜照

例報部覈銷如恐部議不准以致駁回著落
伊等賠補又有幾何即使部議賠補有應寬
免者朕必加恩豁免又有何恐懼妄列條款
竟似一緊要事件具奏耶著嚴行申飭諭
軍機大臣據英廉奏查辦尹嘉銓所著各書
內有近聖編四本據尹嘉銓供此書是在山
東藩司任內纂的有汶上彭知縣看見帶到
蘇州去刻等語尹嘉銓所著各書種種狂妄
迂謬不可枚舉現交軍機大臣等重復校勘

加簽進呈至其所著近聖編一書現在伊家
內搜查並無此種書籍業據尹嘉銓供出此
書係汶上縣彭知縣帶到蘇州刊刻刷樣寄
伊覈對則此書自然刷印流傳著傳諭閔鶚
元即派員查明彭知縣家內并書坊刻字店
起出此書板片並訊明該員家屬有無刷印
流傳之本及坊間書賈刊刷印行之處並著
出示曉諭一體查明繳銷委員解京陝甘
總督勒爾謹甘肅提督仁和西安提督馬彪

奏臣等先後抵蘭打仗數次賊據南山各路
漢土官兵一二日內均可齊集肅州鎮屬及
陝西提屬官兵亦將次可到定期初八日進
兵圍剿至逆回起衅根由緣撒拉爾俗習回
教新教欲另立一門令舊教順從舊教不服
以致互相爭殺現在所調循化土兵即係舊
教番回臣勒爾謹前在狄道與臬司福崧詳
加籌酌密飭循化文武各員妥為駕馭俾其
奮勇出力以公報私得旨本日勒爾謹奏新

舊教情形始畧有端緒。至令兩教互相攻殺。以破其勢。朕於事發之初。即早經降旨。令勒爾謹稱前在狄道與福崧商酌。令舊教土兵奮勇出力。以公報私。所辦尚是。但勒爾謹未必能見及此。或出自福崧之贊畫。至賊人占據山梁。多至十數日。何從得有口食。且大兵既經各路堵截。又往何處搶掠。俱著查明覆奏。總之此案起衅。實在情形。勒爾謹如何辦理不善。致釀事端。其被擾之地方。應如何加恩。務須徹底詳查。逐一妥辦。具奏請旨。至所稱各屬官兵將次到蘭。定期於初八日進兵。擒剿賊匪。自應如此迅速辦理。朕盼望滅賊之信甚切。該督務須速行具奏。不得仍前遲緩。致厯懸注。○戊午。吏部奏外省因公坐誤降革留任各員。上年恩詔開復其中督撫藩臬大員。應請旨者。迄今各省尚未全行冊報。到部請將已冊送各員。先行題請。未到各員行文該省。統以奉文日起限三個月。逾限題

請銷除。仍將遲延之處。隨本議處。四品以下官。照此辦理。從之。○旌表守正捐軀直隸某縣民許露年妻盧氏。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百二十八

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百二十九

監修總裁官經筵講官太子太傅文淵閣大學士文淵閣領閣事內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履歷

總裁官經筵講官太子太傅大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十六年辛丑四月己未諭曰勒爾謹

奏逆回占據河州時將監犯全行放脫現在
各犯俱已自行投到仍行監禁等語賊匪敢
於縱脫獄囚實屬死有餘辜至該監犯等於
被放之後並不為賊脅從自行投到尚知畏
法著加恩交該督查明概予寬減發落以示
勸勵諭軍機大臣前此派往京兵早有諭
旨撤回本日勒爾謹等奏將寧夏四川兵停
止所辦尚是但賊既據險自守又放火何為
若云以放火為搶掠之計則此時官兵四面

圍困賊人又從何處搶掠所奏甚不明晰著

和坤詳查覆奏現又據阿桂和坤奏稱十一

日先後俱到臨潼公同商酌一切事宜和坤

並留泰斐英阿福寧阿爾都以備差委仍即

星夜兼程前進等語泰斐英阿等前已有旨

令其押解逆犯進京和坤所辦甚是至阿桂

此時途次只須緩程前進再行候旨又諭

據特成額等奏現調川兵一二千名飛赴鞏

秦一帶協勦等語此項官兵前經傳諭該督

文綬飭令停止特成額等此奏想未接到停

止之信故仍照前旨啟程今既據伍彌泰勒

爾謹等奏稱賊僅據險自守不日即可勦除

併已行文停止川兵此項官兵自當撤回本

營歸伍倘阿桂和坤到甘後相度機宜尚有

須用川兵之處再候降旨遵行 庚申

孝端文皇后忌辰遣官祭

昭陵諭曰尹嘉銓由落第舉人用為部屬洵

歷藩司內擢京卿因其年老無用准予原品

休致伊父子兩世受恩理應感激安靜居鄉以終天年乃今春行在竟敢令伊子齎摺為伊父尹會一請謚又不親來乞恩即應治罪因念其為父私情姑從寬免已於摺內批諭及披閱次摺又為其父請祀

孔廟則更肆無忌憚罪不可逭因降旨將伊拏交刑部治罪並查伊家有無狂悖不法字跡隨據英廉表守伺於伊京寓及本籍查伊所著各書則其中狂妄悖謬之處不可枚舉

而其尤甚者如朋黨為自古大患我

皇考世宗憲皇帝御製朋黨論為世道人心計明切訓諭乃尹嘉銓竟有朋黨之說起而父師之教衰君亦安能獨尊於上哉之語古來以講學為名致開朋黨之漸如明季東林諸人講學以致國是日非可為鑒戒乃尹嘉銓反以朋黨為是顛倒是非顯悖

聖製誠不知是何肺腸且其書又有為帝者師之句則竟儼然以師傅自居無論君臣大義

不應如此妄語即以學問而論內外臣工各有公論尹嘉銓能為朕師傅否昔韓愈尚言自度若世無孔子不應在弟子之列尹嘉銓將以朕為何如主耶又其書有名臣言行錄一編將本朝大臣如高士奇高其位蔣廷錫鄂爾泰張廷玉史貽直等悉行臚列無論此諸臣居心行事不能及古名臣且以本朝之人標榜當代人物將來伊等子孫恩怨即從此起門戶亦且漸開所關朝常世教均非淺

鮮即伊託言仿照朱子名臣言行錄朱子所處當宋朝南渡式微且又在下位其所評騭尚皆公當今尹嘉銓乃欲於國家全盛之時逞其私臆妄生議論變亂是非實為莠言亂政又尹嘉銓在山東藩司任內面求賞戴花翎且敢於朕前肖述伊妻言狀稱不得賞即無顏面相見等語彼時伊毫不知恥而朕之深鄙其人實從此始也然尚欲全伊顏面從未宣示廷臣昨日廷訊伊仍自述不愧此種

行徑豈講學者所宜為耶至其託言夢中神人告以係孟子後身當傳孔子之道又朕御製古稀說頒示中外而伊竟自號古稀老人且欲娶年逾五十之處女為妾所行種種乖謬出於情理之外其他狂悖誕妄見於所著各書者尚不一而足正所謂少正卯言偽而辯行僻而堅為所必誅者伊從前經朕屢次保全休致回籍本可終其餘年俾逃法網乃惡積罪盈自行敗露此實天理昭彰可為天

下盜竊虛名妄行異議者之戒連日命大學士九卿等公同反覆研鞠奏請加刑訊問朕尚未允行將伊書內狂悖各條復加親訊伊俯首伏罪自認為欺世盜名之濫小人懇求立寘重典以彰國法等語經大學士等按律定擬奏請凌遲處死家屬緣坐覈其情罪即予磔誅亦所應得當此光天化日之下此種敗類自斷不可復留尹嘉銓著加恩免其凌遲之罪改為處絞立決其家屬一併加恩免

其緣坐此朕為世道人心起見不得不明示創懲以昭炯鑒凡內外大小臣工天下讀書士子均當洗心滌慮各加儆惕引以為戒若再有如尹嘉銓之狂悖不法一經發覺斷不能復邀尹嘉銓之末減也將此通諭中外知之 又諭前因撒拉爾賊回率眾肆逆直逼蘭州布政使王廷贊於圍城中具摺馳奏其齎摺出城之人能事可嘉曾降旨令伍彌泰等查明重賞以示鼓勵今據伍彌泰等奏稱

面詢王廷贊所有齎摺出城之人係寧夏府中衛縣考職正八品吏員姚起彪設法改裝越城而下將摺遞送驛站業經遵旨重加賞賜等語姚起彪以微末吏員如此奮勉出力甚屬可嘉著交吏部行文調取來京引見候朕再降諭旨 辛酉諭曰尹嘉銓所著各書內稱大學士協辦大學士為相國夫宰相之名自明洪武時已廢而不設其後置大學士我朝亦相沿不改然其職僅票擬承旨非如

古所謂秉鈞執政之宰相也况我朝

列聖相承乾綱獨攬百數十年以來大學士中
豈無一二行私者然總未至擅權亂法能移
主柄也大學士之於宰相雖殊其名而其職
自在如明季嚴嵩豈非大學士而其時朝政
不綱竊弄威福至今稱為奸相可見政柄之
屬與不屬不係乎宰相大學士之名在為人
君者之能理政與否耳為人君者果能太阿
在握威柄不移則備位綸扉不過委蛇奉職

領袖班聯如我

皇祖聖祖仁皇帝

皇考世宗憲皇帝暨朕躬臨御四十六年以來
無時不以敬

天愛民勤政為念復於何事藉為大學士者之
參贊乎即如傅恒任大學士最久亦僅以蓋
忱勤職自効今伊身後十餘年朕於庶務豈
致廢而不理乎昔程子云天下之治亂繫宰
相此祇可就彼時朝政闡冗者而言若以國

家治亂專倚宰相則為之君者不幾如木偶
旋綴乎且用宰相者非人君其誰為之使為
人君者深居高處以天下之治亂付之宰相
大不可也使為宰相者居然以天下之治亂
為己任目無其君此尤大不可也至協辦大
學士職本尚書不過如御史裏行學士裏行
之類獻諛者亦稱之為相國獻諛者已可深
鄙而身為協辦者亦儼然以相國自居不更
可嗤乎從前傅恒於乾隆十三年扈從東巡
因行在令其暫攝協辦事務其時直隸布政
使辰垣遂以大學士稱之伊深以為媿如此
庶為知恥識大體之人而此外諸臣恐未必
皆然矣乃尹嘉銓概稱為相國意在諛媚而
陰邀稱譽其心實不可問至名臣之稱必其
勛業能安社稷方為無媿然社稷待名臣而
安之已非國家之福况歷觀前代忠良屈指
可數而奸佞則接踵不絕可見名臣之不易
得矣朕以為本朝紀綱整肅無名臣亦無奸

臣何則。乾綱在上。不致朝廷有名臣奸臣。亦社稷之福耳。乃尹嘉銓竟敢標列本朝名臣言行錄。妄為臚列。謬著品評。若不明闡其非。則將來流而為標榜。甚而為門戶。為朋黨。豈不為國家之害。清流之禍。乎總之人君果能敬

天愛民勤政。自能庶事惟和。百工熙載。否則雖有賢相。亦何裨政事。我國家世世子孫。能以朕心為心。整綱維而勤宵旰。庶幾永凝

庥命。垂裕萬年。所謂無疆惟休。亦無疆惟恤。可弗凜歟。將此申諭中外知之。○又諭昨閱尹嘉銓自著年譜。載其在大理寺卿任內。與刑部簽商緩決一條。夫明刑所以弼教。準律定罪。或輕或重。執法者惟當斟酌平允。不得意為軒輊。俾犯者輸情服罪。無可市恩。亦無所歸怨。至問刑衙門內。而法司外。而地方官遇有案件。自應悉心研究。彼此講論。務使情真罪當。即司官之於堂官。州縣之於府。府之於

臬司。臬司之於督撫。凡有寬嚴不中之處。皆許其據案直陳。若上官意涉偏私。有乖允當。司員等所爭。果是原可不隨。同畫押。或竟自行陳奏。朕方將嘉其持正不阿。即外吏亦准其直揭部科。秉公定議。要之皆為公事起見。不得少涉私心也。夫從寬從嚴。視其人之自取而寬之嚴之。均無所容心於其間。若議獄者不求其平固不可。而求其平之後。與已原無涉也。有心求平。甚至自記。是出於市恩沽

譽之私。其可乎。若朕亦欲博寬大之名。將秋審情實人犯。全予免勾。其為陰德。豈不更大。而使國家刑章。憲典。竟成虛設。有是理乎。昔雋不疑。每錄囚還。其母輒問平反幾何。人歐陽修文亦載其母述其父之言。謂求生不得。則死者與我無憾。此雖婦人之仁。然就其所言。亦祇為辯明冤枉者言之耳。非謂弗冤枉者。概當從輕縱也。若如尹嘉銓所載。是自博寬厚之名。而歸過他人。且以所辦公事退而

私自記載以冀無識之徒妄為稱譽其心尚可問乎朕矜慎庶獄惟期大中至正雖匹夫匹婦之細亦必確覈案情折衷至當若徒以姑息為念致失情法之平乖止辟之義朕不為也因尹嘉銓欺世盜名妄行記載一事明切宣諭內外問刑衙門將朕此旨各錄一通懸之公署觸目警心共矢謹慎以臻協中之治其凜遵毋忽 蠲免直隸霸州保定文安大城涿州房山良鄉固安永清東安香河宛平大興昌平順義懷柔密雲平谷通州三河武清寶坻薊州寧河清苑新城雄縣蠡縣安州高陽新安河間獻縣任邱文河天津青縣靜海滄州津軍廳南和任縣永年邯鄲曲周雞澤磁州蔚州豐潤玉田五十廳州縣乾隆四十五年水災民地官地額銀十五萬六千二百一十七兩有奇糧一千五百二十石有奇並豁除積欠倉糧一十六萬五千七百二十七石有奇 予廣東海安營巡洋傷斃把

總譚瑞昌祭葬暨兵丁陳元秀等二十三名卹賞如例 壬戌諭軍機大臣本日據伍彌泰奏軍需糧餉官兵事宜一摺似勒爾謹代伊為此奏且所稱勒爾謹派委道員等在城外駐劄隨同辦事伊必自安駐省城署中此案本係勒爾謹養癰貽害咎已難辭現在惟當親駐城外督率調度使賊匪早行殄滅乃將軍提鎮等俱在城外統兵圍剿而勒爾謹安坐署中伊即不知悚懼獨不知惶愧乎況伊到蘭州時如果於賊衆圍城之時奮身入城同王廷贊固守尚可稍贖愆尤今賊已先擊退上山而勒爾謹尚藉守城為名安然不動有是理乎此事著傳諭和坤即行查明據實覆奏至朕盼望勒爾賊之信甚切該處各路官兵既已調集自應即速進剿一鼓成擒況賊止千餘而官兵已逾一萬是以十人而擒一賊更欲何待何以尚未見勒爾謹剿賊之報豈伊意欲待和坤到後方始進兵耶萬一

賊匪乘隙於黑夜中四行竄逸則惟勒爾謹等是問。恐伊不能當其罪也。江西巡撫郝碩疏報鉛山縣開墾屯地五畝三分有奇。癸亥諭軍機大臣本日據伍彌泰奏新疆文報各摺於現在勦賊事宜並無一語提及。此必勒爾謹幕友書吏為之代辦奏稿而勒爾謹則並未出名齎奏殊不可解。此時官兵已逾一萬。賊匪僅止千餘。何難一舉殲淨。況自初八日進勦逆賊距十三日發摺時又隔五日。未知伊等此五日間在彼坐待何事。況兵貴神速。豈宜如此觀望不前。竟欲待和坤到後再行商辦乎。看來伍彌泰止知帶兵前往蘭州。其實毫無主見。不免意存怯懦。至仁和前此帶兵渡河打仗似屬勇往。而近日則氣漸不振。必以勒爾謹既到蘭州即隨同弛懈。不復上緊出力。而勒爾謹則竟安坐署中一籌莫展。徒勞朕於數千里外晨夕懸盼。試問伊等於心安乎。勒爾謹伍彌泰仁和俱著傳

旨嚴行申飭。再賊衆千餘人占守山梁為日已久。何從得有口食。豈賊人能裹帶如許乾糧。抑山寺本有存積糧石供其坐食。且賊人馬匹在山。又馬得如許草料餵食。此皆勒爾謹所當詳悉奏明者。而竟無一字提及。著和坤於到蘭州時將勒爾謹所為何事因何不即勦賊緣由一面據實查奏。一面再行傳旨申飭。至仁和等摺內稱土司魯璠前經腿帶鎗傷等語。該土司非內地綠營員弁可比。乃

竟能帶兵助勦。實屬可嘉。前此已有旨加一等賞給職銜。今知伊并受有鎗傷。尤當逾格獎勵。用兵之道全在賞罰嚴明。此事勒爾謹亦早應具奏請旨加恩。何至今始於仁和摺內帶敘及之耶。至各處山隘小路防守堵截所派兵數。某處若干。某處係某總兵某處係某副將。參將帶領從前或以事起倉卒不及詳奏。今自初八日至十三日伊等更有何事。此等要務皆不奏乎。看來伊等互相觀望。恐

賊匪乘間逸出。而伊等所謂把守之處。亦不可信。朕甚憂之。著和坤詳悉查明。迅速覆奏。○又諭。現據英廉袁守侗。查抄尹嘉銓京寓及本籍所著各書。其中狂妄悖謬之處。不可枚舉。業經飭令銷燬。尹嘉銓悖謬書籍既多。其原籍親族戚友。必有存留之本著傳諭袁守侗。明切曉諭。令其將書籍板片悉行呈出。毋任隱匿。一并解京銷燬。至尹嘉銓曾任山東山西甘肅司道。其平日任所必有刊刻流

傳之處。並著傳諭該督撫等詳悉訪查。如有書籍板片。即行解京銷燬。倘查辦不實。致有隱漏。別經發覺。必將原辦之該督撫等治罪。所有查出各書原單著鈔寄各督撫遵照。嚴切辦理。如有單內未經查開而直隸及各省別有刊刻尹嘉銓所著詩文。亦即詳查書本及板片解京。又諭曰。胡高望現在出差工部侍郎著曹文植署理。仍兼署戶部侍郎。其曹文植之兵部侍郎事務著李侍堯署理。

命大學士三寶。協辦大學士蔡新。內閣學士錢士雲。吏部左侍郎謝墉。戶部尚書梁國治。兵部右侍郎沈初。刑部左侍郎杜玉林。都察院左都御史羅源漢。為殿試讀卷官。○甲子策試天下貢士錢榮等一百六十九人於太和殿前。制曰。朕繼膺鴻業。嚴恭寅畏。夙寤晨興。殫心萬幾。兢兢翼翼。弗敢康寧。四十六年於茲矣。思所以仰承

天庥。持盈保泰。成庶事之熙。徧羣黎之德。進茲

多士。咨爾嘉言。其敬聽朕命。人君所敬惟天。帝堯欽若。文王昭事。帝王受命先後。合符夫愛民。所以承天。勤政所以事天。天視自我民視。天聽自我民聽。可不愛乎。無曠庶官。天工人代。可不勤乎。民隱何以達之。庶事何以康之。人君集天下之耳目。合天下之智力。是以德澤下究。而情隱上聞。何以兼聽並觀。咸熙庶績。歟。民生之康阜。繫乎吏治之澄清。風俗淳漓。由此判焉。周官六計。弊吏皆以廉為本。

漢唐以來條目滋多。要其懲貪獎廉。豈有異旨歟。夫正百官以正萬民。轉移化導之機。操之自上。周禮職方所載。與王制所稱。其土宜風氣。不可推移。果何道而使之還淳返樸。臻一道同風之盛歟。學術首嚴真偽。士子讀書敦行。處為良士。出為良臣。原不藉文字為標榜。自欺世盜名之徒。託言講學。謬竊虛聲。而明季東林諸人流而為門戶。為朋黨。甚至莠言亂政。變易是非。實於朝常國體。世教民風所關甚大。其何以息邪說。距詖行。行使堅言辯者。不得逞其私臆。學術純粹。毋誤歧趨。以正人心。而端風教歟。明刑所以弼教。或輕或重。一視其人之自取。議讞者必審寬嚴之當。持情法之平本。無容心於其間。夫不求其平。固不可。而求其平之後。於已原無涉也。乃或曲意市恩。或有心避怨。以國家刑章憲典之公。為邀譽沽名之具。其心尚可問乎。將欲使矜慎庶獄。無枉無縱。以臻咸中之慶。其何道

之從歟。爾多士洽聞稽古。來自田間。政教之本。原民生之利弊。所習聞也。其審思之詳。究之悉意。以陳毋有所隱。朕將親覽焉。諭軍機大臣。昨閱伍彌泰仁和等奏到各摺。是勒爾謹之安坐衙署。一籌莫展。已可概見。且並未見伊馳奏勒賊情形。竟若置身局外。恐該處無督辦大臣。指示調度。眾人互相觀望。無可倚恃。關係非小。阿桂仍須到彼辦理。於勒捕事宜。方為有濟。著傳諭阿桂。即行兼程前進。毋稍稽緩。又諭連日因勒爾謹並未奏報勒賊情形。已屢經傳旨申飭。至賊匪千餘人占踞山梁。亦已半月有餘。勒爾謹等袖手不動。所辦何事。即云山陡崖深。亦斷無過於兩金川者。兩金川如此險隘。尚可進兵。蕩平此皆阿桂、海蘭察等所身歷。而謂逆匪現占山梁。竟至官兵不能進勒。有是理乎。勒爾謹如此遷延觀望。將來即當明治其罪。又諭曰。土司魯璠已據兵部查明。係三品指揮使。

職銜前此因其帶兵打仗出力降旨加一等給銜自應予以二品頂帶但伊既受鎗傷不可不格外獎賞著和坤勒爾謹查明係何等鎗傷即行照例賞給得傷等次銀兩并加賞大緞二匹以示優獎諭據浙江提督劉鑑奏奏遊擊李雲彪稟報上年十二月內奉委巡洋在黃巖鎮屬大江門洋面遇盜被匪刀砍兵丁袁永全落水身死等因當即飭緝先後拏獲癩頭當等各犯咨明督撫審辦今准

督臣咨據委員訊係兵丁買魚無錢起釁爭鬧致將兵丁扭結落水並非夥衆行劫覈與前報情節迥異請將李雲彪革任發交督臣一併嚴訊等語李雲彪著革職交該督陳輝祖提集案內人犯秉公研訊確情究擬具奏丙寅兵部奏發遣漢軍人犯向例分發有漢軍駐防省分當差查現在各省駐防多改滿洲惟廣東有漢軍駐防若專發一省似未妥協請嗣後漢軍人犯與滿洲人犯一體輪

發八旗駐防各省當差三年無過照新疆種地漢軍人犯例准入本處綠營挑差從之蠲免河南儀封商邱寧陵永城考城五縣乾隆四十五年水災地丁銀一萬八千九百二十八兩有奇丁卯

上還宮○御乾清宮召讀卷官入親閱定進呈十卷甲第○福建巡撫富綱疏報尤溪霞浦福鼎福安漳平龍溪詔安諸羅彰化侯官十縣開墾屯地田園三十五頃一十九畝有奇

戊辰

上御太和殿傳臚賜一甲錢棨陳萬青汪學金三人進士及第二甲秦承業等五十六人進士出身三甲萬承風等一百十人同進士出身○幸圓明園○定殿試不給燭例諭向來殿試新進士有至次早始行交卷者雖伊等草茅新進對揚之始未免矜持但考試給燭最滋弊竇至於連宵達旦則更長人倦防閑更未能周且朝考例作四題尚不過日入完

場而殿試對策一道窮日之力寫作已可從容何必焚膏繼晷始得成章乎况殿廷重地尤宜謹慎嗣後殿試交卷至遲亦以日入為度不得仍准給燭其不能完卷者仍准列入三甲末士子等各宜自勉以副朕剔弊選才之至意○己已諭軍機大臣本日閱和坤等所奏抵蘭後勒賊情形一摺是此半月有餘勒爾謹等之遷延觀望果不出朕之所料此事本勒爾謹辦理新舊教不善所致又平日

不能實力訓練綠營兵丁以致臨事懦怯不能得用且勒爾謹安坐省署以致伍彌泰等皆逡巡推諉俾賊匪得延殘喘未能即時擒滅其罪甚大况綠營兵既見賊即慌勢難望其得力勒爾謹等若早行奏明則派往之滿兵此時亦可早抵蘭州奮同攻勦歲事豈不更速乃又以賊匪不難殲滅飾詞具奏並請停止京兵朕亦誤聽總之自始至今錯中有錯實亦憤懣今和坤等既行打仗一次因賊

人竄入窟穴死守此時惟有迅速籌辦以期勦滅淨盡又和坤奏稱老教土司韓煜甚屬奮勉并受有石傷請照土司魯璠之例酌量加恩該土司如此奮勉協力甚屬可嘉伊係四品職銜著加恩賞給三品頂帶並賞戴花翎加賞大緞二匹以示鼓勵○又諭本日據和坤等奏十八日督率官兵進勦逆匪殲斃百餘人逆賊竄入山洞土窩死守現在相機籌辦搜捕事宜但綠營員弁官兵不能得力

請派侍衛護軍等三十員名馳往帶兵勦捕等語已諭令該侍衛等迅速馳赴并添派乾清門侍衛彰甯那木扎一同馳往均於今日起程晝夜星馳著傳諭沿途各督撫即將馬匹等項妥速豫備俾伊等到站即行迅速進毋得稍有遲誤○又諭曰和坤奏稱接阿桂札知伊於二十一日可抵蘭州現在勦滅賊匪正須督辦阿桂此時到彼與和坤一同和衷籌辦甚為妥善俟勦捕事宜稍有就緒

和坤年力壯盛即可先行速回面陳一切阿桂尚須經理善後事宜。自當緩程回京至現在督辦一切阿桂和坤尤須同心協力迅速籌辦不可少分畛域。方於公事實有裨益。朕於數千里外因此事深為廕念。日夜不寧。伊二人應亦深體朕懷也。○庚午諭軍機大臣。前以伍彌泰奏勒爾謹專派蘭州道圖薩布候補道永慶駐劄城外隨同辦事。則伊自必安坐城內衙署。當此緊要之際。竟爾安然坐視。實屬全無人心。今勒爾謹又自稱駐劄城外。此必伊近日自知罪重。且聞伍彌泰已經奏及。因復移居城外。為此飾奏。至所稱現在派撥官兵把守城門。按時啟閉。聽民取水等語。尤屬不成事體。賊匪自擊退上山之後。必不能復近省城。滋擾況現有官兵萬餘屯駐城外。若尚慮賊人來犯。則又安用此官兵為乎。且城門未開。徒令遠近居民因此疑懼。所為示寇弱而怯兵志。錯謬莫此為甚。著阿桂

詳悉查辦。諭甘肅逆匪蘇四十三等肆擾不法一案。係因爭立新教舊教。不從致被殺害。起釁若地方官早為嚴明料理。斷不致釀成事端。乃勒爾謹經理不善。以致養癰貽患。從未奏聞此事。其罪已無可辭。及事發之後。即當迅速妥辦。以贖前愆。乃朕已簡派八旗勁旅啟程前往。並就近酌調阿拉善兵協剿。而勒爾謹轉一味含糊。且以半月之內即可殲滅。飾詞具奏。致京兵等均各撤回。今賊匪竄匿蘭州城外山梁。幾及月餘。雖節次勦捕賊匪窮蹙待斃。已如釜底游魂。而現在尚未淨盡。殲戮致稽時日。且調往將軍提鎮等在城外督兵勦賊。而勒爾謹竟安坐城內衙署。僅委道員駐劄城外。視為與己無涉。以致眾相觀望。坐失事機。殊不可解。朕初意本以逆匪滋事。時轉不便輕易地方大吏。今勒爾謹如此辦理。錯謬其罪甚大。難以姑容。著阿桂和坤傳旨將勒爾謹革職。拏交刑部治罪。并

派妥幹章京押解送部目今即擒勒賊匪淨盡而善後之事正資料理因思李侍堯雖以蘆簋不飭獲罪而其才實能理繁治劇陝甘總督員缺著李侍堯以三品頂帶馳驛前往管理李侍堯未到之先著阿桂暫行兼管此朕用人苦衷中外宜共諒之諭軍機大臣現在賊匪雖已窮極待斃但必迅速殲滅淨盡不可再稽時日因思阿桂於督兵勦捕之事經歷已多即海蘭察額森特等皆曾在其

手下呼應較靈是以從前原令和坤與阿桂相見三日後將欽差大臣關防交阿桂接受辦理并令和坤即行回京嗣因阿桂身有瘡疾行程不能迅速是以令和坤先行馳往今阿桂已行抵蘭州所有一切應辦事務俱著交阿桂督辦阿桂奉到此旨即傳諭和坤令其遵旨回京毋稍稽扈蹕前往熱河也辛未諭曰兵部侍郎係曹文植本任著仍回兵部辦事兼署戶部侍郎其工部侍郎事務不

必兼署蠲免安徽壽州宿州鳳陽靈璧鳳臺亳州泗州盱眙五河九州縣鳳陽長淮泗州三衛乾隆四十五年水災額賦有差旌表守正捐軀直隸正定縣民李大妻李氏壬申諭曰阿桂等奏查明守城打仗出力人員一摺內稱道員圖薩布永慶捐貲雇夫親身督率晝夜防禦永慶並為賊人鎗子擊落帽頂屹然不動又副將策卜坦同王廷贊竭力守城佐領吉爾占親安礮位點放擊死賊

衆數十人又烏魯木齊協領舒成佐領扎蘭布托林保於過蘭州時聞有信息情願隨同守禦打仗甚屬勇往等語圖薩布永慶策卜坦吉爾占舒成扎蘭布托林保均能奮勇宣力不愧滿洲甚屬可嘉著賞戴花翎仍交部從優議敘此外隨同出力之富寧阿等均照阿桂等所奏於事竣後分別題補及咨部議叙又諭曰阿桂等奏固原鎮總兵圖欽保於十九日進勦賊匪時持刀砍殺賊人因馬

倒滾下山坡被傷身亡又遊擊愛星阿王三杰亦同日陣亡又叅將和泰守備善德於三月二十七日賊匪逼城時挺身射賊受鎗陣亡驍騎校賽音察渾千總師永澄亦於二十九日陣亡等語圖欽保等奮勇勦賊臨陣捐軀殊堪憫惻著照陣亡例從優議卹其傷亡兵丁等一體查明予以優卹至前此被害之文武員弁兵丁勒爾謹並未詳悉查奏伊等因公殞命情俱可憫並著阿桂查明實在情

節將應行議卹者奏聞給予卹典○又諭昨進勦逆回總兵圖欽保陣亡所有應得賞卹已交部照例辦理矣圖欽保之父護軍叅領福保現在致仕閒居伊子圖欽保三星保三官保均致身行間朕甚憫惻將來部議圖欽保應得世職自應令其子承襲但念福保係業楚之子著加恩授為散秩大臣伊果精力尚健即令行走如或不能當差賞給散秩大臣全俸以養餘年朕於効力奮勉官兵等加

恩之處著阿桂等通行曉諭知之○又諭曰王廷贊著來京陛見甘肅布政使員缺著福崧調補○諭軍機大臣曰阿桂等所奏同王廷贊守城之道員等請酌量加恩現已明降諭旨但此事王廷贊始終並未奏及在伊被困時所發之摺或因倉卒未得詳敘及賊人已退奉到朕恩旨後自當以衆人協同出力而伊一人受恩於心有所不安據實陳請否則亦應將此情稟知勒爾謹代為陳奏方足以鼓勵衆心而王廷贊默無一言竟爾一人獨攘其功實屬非是而勒爾謹回省城亦竟無一言問及當問伊無暇問及者所辦何事且阿桂等奏王廷贊病體初愈精力亦疲恐不能料理周到而陞任臬司福崧甚能出力莫若竟以福崧轉補於事有益現已降旨將福崧調補甘肅藩司王廷贊來京陛見藩司為通省大員見勒爾謹如此錯誤而伊竟隨同觀望遷延誤事如此行為恐亦尚有不可

信之事且逆回滋事總督之下即係藩司王廷贊亦豈能辭咎著傳諭阿桂將王廷贊在任所辦諸事詳細確查如有應參奏者即據實參奏○欽差大學士公阿桂尚書和珅奏臣等未到蘭州以前即聞西南關外一帶賊匪任意往來搶掠牲畜口食並於燒剩民房內藏匿乘間放火臣阿桂於二十一日抵省查各路調到官兵因無總辦之人聲勢既不聯絡紀律又不嚴整不能使敵人望而生畏

且緣營兵丁因從前賊勢猖獗時未經揣量多寡強弱僅令零星打仗傷亡實多兼之新補兵丁未經臨陣心志不固遇賊即行惶遽現在申明軍律激勵戎行派兵自西關外從河岸迤南至山梁安設卡棚彼此接應又於山包上扎一大營照料各卡斷絕賊匪來路將來攻勦時即由卡營前進復簡閱各營官兵懦弱者守營或令誘敵強壯者向前打仗令海蘭察額森特明亮總統各營臣察看賊

人所占山梁雖不甚高而坡塹陡險路徑一線可通必須魚貫而上因飛咨四川總督文綬速飭維州協副將李天佑揀選曾經出師金川之屯練并安插降番等兵共一千名兼程進剿以備上山打仗又思賊人搶掠馬騾甚多將來鋌而走險乘騎竄逸此處兵丁馬上能追趕殺賊者竟不能得復行文阿拉善王羅布藏多爾濟於該游牧內擇其近蘭州者揀派七百或五百名帶赴甘省以備追捕

再前奉諭旨令臣等將賊匪占據山梁何處得有口食施放鎗礮何從得有火藥馬匹約有若干之處查明具奏查賊匪自據河州及焚燒省城關廟後民間財物糧食并馬騾牛驢搶掠一空是以足敷口食所用火藥則已裁河州鎮營舊貯原多盡為賊有是以負固死守且習於戰鬪併命抗拒容俟熟籌勦捕機宜剋期進兵得旨逆匪起事以來實在情形直至披閱此次奏函方始詳悉端委甚增

憤懣亦因此而畧慰至阿桂等現在籌辦各事宜皆朕早降諭旨逐一查詢者何以從前勒爾謹全未奏及今摺內所稱該處因無總辦之人諸事渙散又各營零星散處聲勢既不聯絡紀律又不嚴整不能使賊人望而生畏等語可見衆人袖手觀望毫無料理光景不出朕之所料勒爾謹身為總督既因辦理不善致釀事端及自狄道回至蘭州見賊已擊退上山竟謂半月可以完竣而伊安坐城

中衙署一切毫無籌辦且將各路已調之兵全行停止俾賊衆得以遷延時日勒爾謹之罪尚可赦乎又阿桂等奏賊人皆習於戰鬪併命抗拒賊於何處曾習戰鬪而竟不奏聞勒爾謹之罪更大甚至未經揣量賊勢之多寡強弱陸續到來不俟力齊即催令零星打仗以致節次傷亡日多愈形畏怯兼之兵不顧將將不顧兵一遇賊匪惶遽退回太覺不成事體若京兵不令中途停止則此時頭起

已到即所調四川兵阿拉善兵亦已可抵蘭州乃勒爾謹輒以半月之內定能剿滅奏請撤回是勒爾謹之貽誤軍機尤為罪在不赦今阿桂復撥調川兵一千及阿拉善兵自不得不如此辦理就現在情形而論阿桂一人儘足料理和坤不必同辦即遵前旨回京毋稍遲延也看來阿桂於滅賊大段情形俱有節制想賊人不久即可擒滅且官兵設卡安營賊不能復出肆掠即從前所據之口食富

足亦豈能支數月且賊人馬匹既多困守一山草料亦易匱乏即使宰馬為食亦必不能支持半載阿桂惟當整作士氣俟兵力齊集剋期進剿一鼓殲滅以副朕懷○內閣翰林院帶領庚子科散館修撰編修庶吉士並戊戌科補行散館編修引見得旨此次翰林散館之修撰汪如洋編修孫希旦江德量程昌期業經授職其清書庶吉士關槐著授為編修李奕疇郭在遠著授為檢討漢書庶吉士

陸伯焜劉汝暮許兆崇陳有會初彭齡高棧生甘立猷俱著授為編修運昌徐鑑徐準俱著授為檢討余德洋王念孫吳蔚光范鰲徐文幹俱著以部屬用吳樹萱柴模朱紱蘭溫聞源鍾文韞楊嘉材俱著仍歸進士原班銓選○以河南按察使鄭源璫為廣東布政使以陝西靖遠協副將合當阿為陝西固原鎮總兵予故綏遠城將軍宗室弘煦祭如例謚勤肅是月直隸總督袁守侗奏上年

直省被水各屬內武清天津二縣雖尚有未涸村莊但或係地處上游或係附近海河消退尚易文安霸州大城寶坻四州縣半月以來天氣晴霽漸次可涸者又有十之六七寧河靜海保定新安安州五州縣未消積水自十餘村至三四十村不等現飭上緊設法疏消隨宜佈種得旨是實力勉為之江南河道總督李奉翰奏黃河北岸王營減水石滾壩從前修造時金門原寬三十丈直長六丈

一尺二寸壩面既窄壩底又高並離黃河僅二十餘丈啟放之際湍溜直下衝損樁石跌成深塘堵塞甚費周章相其形勢應移下八十五丈距黃河縷隄一百丈下至鹽河一百六十餘丈另建石滾壩一座金門仍寬三十丈直長改至二十丈較舊壩放低四丈上下兩唇俱用碎石填築加釘關石木椿以資攔禦共估銀五萬四千餘兩現屆大汛先行採辦料物秋後興築報聞○伊犁將軍伊勒圖

奏塔爾巴哈台與哈薩克接壤遇有回人書信皆係送至伊犁譯妥呈遞請於伊犁回人內擇其識認回字通曉回語者酌派一名令其前往照別部落之例一年一換給與鹽菜銀兩報聞

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百二十九

實錄卷之一千一百二十九

十五

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百三十

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶隆

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部工部書務

世襲騎都尉軍功加十九級隨帶加二級又加二級臣董福內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曾振綱等奉

敕修

乾隆四十六年辛丑五月癸酉朔以浙江糧

儲道王站柱為河南按察使○甲戌

上御勤政殿聽政諭從前逆匪滋事之初因
阿桂在豫省查勘河工即傳旨令其就近馳
往督辦又因阿桂出差已久於此案詳悉情
形及朕節次所降諭旨未能深悉復令和珅
齎欽差大臣關防馳往令與阿桂相見同行
三日告知一切後即回京面奏後據阿桂奏
稱瘡疾發動儘力邁行未能迅速而甘省現
無大臣董辦是以令和珅兼程前進同海蘭

察額森特等迅往帶兵勦捕今和珅於四月十七日始抵蘭州而阿桂亦於四月二十一日續到所有籌辦諸事雖皆聯銜入告而自阿桂到後經畫措置始有條理即賊匪確信亦以披覽此奏方得洞悉此事阿桂一人已能經理妥協無須復令和珅同辦且恐和珅在彼事不歸一即海蘭察額森特等向隨阿桂領兵打仗阿桂之派調伊等自較和珅呼應更靈而朕啟鑒臨幸熱河為期亦近御前

領侍衛大臣軍機大臣等扈蹕者現亦無多是以傳旨令和珅速行馳驛回京而以勦捕賊匪及籌辦善後諸事俱交阿桂專辦以期逆賊迅就殲除明彰國憲所有朕派辦此案之先後原委著通行宣諭俾中外共知之○諭軍機大臣前日據阿桂和珅奏到蘭州現在情形各摺內稱河州自裁去總兵改設副將兵數無幾而營中舊貯火藥原多皆為賊人所有一節河州裁鎮改協一案約已二十

餘年該處存營火藥雖多此二十餘年中該營演放鎗礮自將舊存火藥逐漸用完豈有另配新藥開銷官項反將舊藥存營之理若果如此是即勒爾謹辦理不善之故又所稱綠營官兵隨到即催令零星打仗以致傷亡甚多如此不量兵力舉動乖謬勒爾謹固罪無可赦即伍彌泰仁和馬彪俱係統兵大員而仁和又係本省提督從前設法帶兵渡河時尚覺其有料理及至蘭州便與伍彌泰馬

彪等俱存觀望見勒爾謹種種錯謬並無一言阻止任聽其措置乖方均屬不合著阿桂傳旨將伍彌泰仁和馬彪嚴行申飭○兩廣總督覺羅巴延三奏酌籌沙灣茭塘善後事宜一沙灣茭塘向各設巡檢一員嗣以番禺縣縣丞移駐茭塘南村職分相埒勢難統屬請於沙灣之坑頭村酌移丞倅一員駐劄巡檢仍分駐南北其番禺縣縣丞撤回改為選缺一沙茭河迤南石碁村逼臨大洋應設專

營所有將弁暨實需水陸汛兵六百餘名於通省標內通融酌撥定為陸路題缺原設南村守備即隸該營統轄原撥左翼鎮廣州協新塘弁兵撤回本營一石碁水汛兵房距涌口約八里許請移置村外涌口之旁並添兵六名石壁汛應添兵八名並設外委一員市橋汛應改設石碁存營把總一員兵二十名將原撥水師把總兵十二名撤回本標南山汛應裁原派外委一員仍添兵二名大石汛應添兵三名大龍汛四沙汛石子頭汛各應添兵六名北亭螺涌兩汛各應添兵四名至沙茭陸汛除石碁業設專營應裁外坑頭一處既移駐廳員彈壓應將原設廣州協弁兵撤回另設石碁存營外委一員帶兵三十二名同廳員駐守坑頭迤西之鍾村應添設一汛撥外委一員帶兵十六名迤東之明經村應添設一汛撥兵十二名茭塘迤北之新造村應添兵七名官橋汛應添兵八名均在石

碁新設營內抽撥一營分雖改陸路捕務仍在水鄉請於左翼鎮右營議徹船內酌撥石碁營櫓船一快槳船一令新設千總帶兵十二名管駕官涌口快槳船一令石碁將領派存營把總外委輪帶兵十二名管駕市頭村快槳船一令隨同守備駐劄南村之外委帶兵十二名管駕石壁汛快槳船一令該汛外委帶兵十二名管駕市橋汛四櫓船一令該汛把總帶兵十二名管駕均在石碁存營兵內輪撥一茭塘涌口盜匪易於偷越請安設陸路樓船一隻令左翼鎮派兵管駕並就近飭令駐劄石碁將領與獨州船汛蓮花城礮臺各弁丁一體稽查一石碁汛移駐兵丁挈眷遷居請每名給住房兩間一移駐廳營文武各缺應請在外揀調與沙茭二處巡檢均照海疆例五年俸滿保陞遇有失事文職以巡檢為專管廳員為兼轄武職以千總外委為專管守備為兼轄將領為統轄如有各屬

拏獲盜犯訊係沙茭二處民人究明偷越月日即照失察奸民出口例議處其業經陞用人員如前任五年內有別處拏獲沙茭兩處盜案者照不實力稽查例降一級調用不由沙茭俸滿陞用者止照失察奸民出口例議處一石碁一帶山阜纍纍形同田鼠兼有石山一座俗呼為鼠山故境內多盜現飭令地方官概行鏟削並據土民稟稱鼠性畏貓請鑄數百觔鐵貓一具鎮壓山基永絕後患下

部議行○署陝西巡撫畢沅奏派出侍衛遜濟鼐等三十員名前赴甘省需用車馬飛飭東西兩路挑選齊備需用箭枝亦經挑撥二萬枝先期催送應用得旨所辦甚好此事誤聽勒爾謹半月成功之言實是舉暴屢易朕甚愧之勒爾謹誤事之罪尚可問乎旌表守正捐軀甘肅環縣民戴學江妻郭氏乙亥
孝誠仁皇后忌辰遣官祭

景陵○禁直省大吏設立管門家人收受門包諭昨因查抄勒爾謹家產其家人曹祿名下抄出銀一萬數千兩并有金器等物因令軍機大臣提訊雖據該犯供稱俱係歷年在伊主任上所積門包營運生息並無別項招搖誑騙情事等語所供係一面之詞未可盡信除傳諭阿桂就近查詢外但即以門包而論亦係陋習相沿不可不力為飭禁督撫等養廉優厚贍給身家之外一切延請幕友賞給

家人等項甚屬寬餘何得任聽家人向屬員恣索門禮況督撫家人既向屬員索取門包則司道府廳等家人勢必尤而效之以州縣官供給各上司門包力有不支勢必取之百姓如此層層剝削於吏治民生大有關係且督撫原係封鎖衙門一應親族奴僕俱例禁出入與屬員接見是以設有中軍及巡捕等官以供稽查傳稟今伊等乃仍令家人傳事以致積收門包盈千累萬所謂封鎖者安在

如李侍堯勒爾謹俱經敗露而此外督撫諒俱不免特未經發覺耳若不明示革禁流弊恐無所底止即奏事處向有收受督撫隨封銀兩此係舊時規例相沿至今但督撫為朕所管教若不一體裁減伊等轉有所藉口著通諭各督撫嗣後奏事處隨封銀兩俱照向例裁減一半即向得雙分者亦止許得半分其督撫至道府概不許收受屬員門包各督撫傳事稟詒交中軍巡捕等官傳稟不許另

設立管門家人致滋弊竇仍令各行知所屬官吏一體遵照毋許一人送給再將此旨各錄一通懸之督撫署門並著於年終彙奏一次如有陽奉陰違仍蹈故轍或經科道叅奏或於別事發覺則該督撫欺飾之罪不輕毋謂朕教之不早也將此通諭知之○諭軍機大臣甘肅逆匪一案誤事之大全在勒爾謹一人設逆匪畧有計算先逼犯狄道州即將勒爾謹殺害伊轉得倖邀卹典不至拏問治

罪可見勒爾謹之債轅敗事竟是天奪其魄必欲令伊身受國法也至阿桂等所調四川及阿拉善兵據奏約二十日內外可到此摺係四月二十二日所發則五月初十左右此項兵丁已可到全且伊前摺內稱斷不肯坐候兩處兵齊始行進剿想目下進兵剿捕痛加殲戮而此數日間又無信息盼望實為焦急抑或必須兩處調兵到全後始行圍剿耶至賊匪占守月餘恐其乘間於黑夜中四出

竄逸前於進到圖內用硃筆批示並傳諭令將何路派兵若干帶兵將領何人及圖內尚有未見派兵之處一一加簽指詢著傳諭阿桂等即將指示等處一面嚴密辦理毋使賊匪一人竄逸一面速行奏聞○又諭向來西洋人有情願赴京當差者該督隨時奏聞近年來此等人到京者絕少曾經傳諭該督如遇有此等西洋人情願來京即行奏聞遣令赴京當差勿為阻拒嗣據該督覆奏因近年

並無此等呈請赴京者。是以未經奏送到京等因。但現在堂中如艾啟蒙傳作霖等俱相繼物故。所有西洋人在京者漸少。著再傳諭已延三。令其留心體察。如有該處人來粵訪問。奏聞送京。○丙子。諭曰。雲南鶴麗鎮總兵羅江鱗著賞銀一百兩。馳驛前往甘肅交大學士公阿桂差遣委用。事竣後即回本任。不必來京請訓。○授一甲一名進士錢榮為翰林院修撰。一甲二名陳萬青。一甲三名汪學

金為翰林院編修。○丁丑。諭各省大挑舉人分發試用。原以疏通壅滯。俾得及鋒自試。向例原以省分大小酌定挑數。自乾隆三十七年壬辰大挑。部臣始以遠省挑十之六。近省挑十之五。定例請旨。因為邊遠士子跋涉維艱。格外優恤起見。而未思及近省中式者本來人多。遠省本來人少。茲朕閱本年各省大挑舉人名單。內所挑近省舉人科分有遠至三十五六年者。而遠省科分最久。總不過二

十餘年。揆其所以。蓋因直隸浙江等近省係中式舉人會試三科後始行揀選。而雲貴川廣等遠省會試一科後即行揀選。是以遠省科分畧深者。業已挨班選用。其得官已較近省為優。今大挑舉人若再按五六分挑取。則大省科分較深之舉人轉多壅滯於一視同仁之道。未為平允。除本年已經辦畢毋庸再議外。至乾隆五十二年丁未科再加恩舉行大挑時。無論省分遠近。但就人數多寡均勻

挑取。俾遠近士子均得乘時自効。以示朕加惠寒畯之至意。○欽差大學士公阿桂尚書和珅奏撒拉爾回民分為十二工。每工各有掌教。韓哈濟係總掌教。乾隆二十六年與賀麻六乎同在章哈寺念經不和。賀麻六乎另造禮拜寺三座。韓哈濟稟知循化廳斷令仍歸一處。賀麻六乎轉以韓哈濟串通馬國寶斂錢惑眾。誘人入教等情。赴臬司控告。而韓哈濟又訴稱。二十七年馬明心夥同楊回子

潛入撒拉爾與賀麻六乎馬索南韓哈勾等妄言禍福煽惑愚民經地方官訪明將馬明心等逐出撒拉爾詎賀麻六乎等又在章哈寺牆壁畫門為圖妖言顯聖搖頭念經跳舞等因在臬司衙門具呈嗣經審明誣告照例擬罪并議該犯等教既有異同飭令撒拉爾十二工各舉一人充當掌教其新寺三座分開禮拜以杜爭端咨部完結此新教流傳與舊教互相仇殺緣由也至蘇四十三即係賀麻六乎一黨撒拉爾止此一種多穿白褐翦短鬚辮營中並無此類食糧之人其在循化河州充當衙役者間或有之本年三月內舊教回民韓哈拉勿等以蘇四十三請來安定教師馬明心韓二個等另立新教因伊叔韓哈戶長不從互相仇殺共殺老教四十餘人等情在總督衙門控告當派知府楊士璣副將新柱前往查拏蘇四十三約會新教之人帶鳥鎗器械將楊士璣新柱戕害其時勒爾

謹審出馬明心傳教滋事飭安定縣黃道甕將馬明心拏獲解省此蘇四十三起釁滋事情形也查馬明心於二十七年逐回原籍後潛來撒拉爾傳經惑眾地方官並不查究致釀事端至兩教互相仇殺之後舊教至省控告時勒爾謹並不查明強弱眾寡情形即派副將帶兵前往激而生變實勒爾謹辦理不善所致再現獲逆犯馬復才據供洪濟橋唐家川六處回子均係馬明心新教徒弟為蘇四十三扎筏渡河及蘇四十三分遣賊匪往安定會寧一帶求救現在盤獲奸細馬應高供亦相同均已分遣弁兵各處防範得肯此案起釁釀毒已久若勒爾謹早為嚴切辦理何致構成事端乃伊竟毫無措置以致誤事不小實斷不可復留至新教逆回如此肆擾實為罪大惡極不可不嚴斷根株如所稱洪濟橋唐家川六處回子素與馬明心蘇四十三潛通且扎筏渡賊匪過河尤為罪不容誅

此事應於勦賊事平後趁兵威嚴整之時痛加懲治以儆兇頑不可姑息了事此皆阿桂在彼應督辦之事其餘地方善後各事宜不妨交李侍堯辦理其拏獲之馬復才等及從前已獲各犯即派員先行解京至朕為此大逆匪之案日夜焦勞籌計於數千里外阿桂須仰體朕懷悉心督辦隨時奏聞以慰廑念○戊寅諭曰各省督撫管門家人有向屬員需索門包陋習而司道以下家人亦相率效

尤積弊相沿不可不力為飭禁業經明降諭旨令各督撫嚴行禁止並著於年終彙奏一次近又聞各省上司留待屬員飯食有押席銀兩一項更不應有此等陋習其事尤可鄙笑直隸自高斌罷之之後方無此者可知各省為督撫者欺朕即位初政未查及此遂漸無忌今亦不追問矣督撫等養廉優厚用度寬餘即司道府廳等官所得分例亦不為薄乃既聽家人索取門包而又收受屬員押席

銀兩此必督撫先開其端以致上行下效甚屬無恥實非整飭官方之道況上司屬員宴會本干例禁若藉此為婪取屬員之地尤大不可此在巧於逢迎者必欣然樂就而無力者或轉以為苦甚至力有不支取資百姓則更於吏治民生大有關係自應一體嚴禁著再通飭各省督撫務率屬員一體遵照裁革亦入於年終彙奏如有陽奉陰違仍蹈故轍或經科道叅奏或於別事發覺亦惟該督撫

是問○內閣翰林院帶領新進士引見得旨新科進士一甲三名錢榮陳萬青汪學金已經授職秦承業王朝梧陳廷慶曹振鏞俞廷榆馮集梧王受蔣予蒲祝德全盧蔭溥祝堃沈步垣宋澍歐陽健蔡善述潘紹觀萬承風劉錫五玉保印鴻經薩龍光曠楚賢曾燠蔡共武阿林鄭應元屈為鼎戴斯琯潘德周冠賚言張綬陳堯華俱著改為翰林院庶吉士盛惇崇潘純鈺翁元圻張灼方維甸樊士鑑

胡金英謝斯熊石鷗翥張慎德孫廷夔趙槐符亮保余廷球陸鍾王友亮王衍福楊仲增李實王應芬清安泰吳紹昱周理俱著分部學習張曾埈汪長齡嚴宜涂日烜黃圖官學詩劉詩俱著以知縣即用餘俱著歸班銓選○已卯諭朕此次巡幸木蘭駐蹕熱河著誠親王質郡王大學士三寶英廉留京辦事三寶應於後班隨往木蘭計其時阿桂已回京著阿桂留京辦事如阿桂尚未回京著永貴

暫同辦事所有吏兵二部應行引見官員文職知縣以上武職守備以上著於未啟鑾往木蘭之前該部每月派堂官一員輪流帶赴熱河引見其文員內佐雜等官武員內八旗護軍校驍騎校及外省送到之補放水手官驍騎校並年滿千總等官弁著王大臣照例驗放至八月以後月選等官亦照向例辦理其外省督撫提鎮等奏摺俱著齎摺人前赴行在投遞進哨後著兵部派員駐劄哨門接

遞各省奏摺封送行在候朕批示發回仍於哨門交付齎摺人祇領該部通行傳諭知之○又諭本年安南國貢使到京著派禮部堂官一人帶往熱河瞻觀後遣令回國革回民掌教名目諭昨阿桂等奏查明甘肅逆回新舊教起釁仇殺緣由一摺此等逆回在該處煽惑愚人妄言禍福甚至設立掌教及總掌教之名以致無知回民被其愚惑入教指揮聽令現在逆回蘇四十三等即其餘黨竟敢率眾抗拒官兵總由當日養癰貽患而致著李侍堯於辦理撒拉爾善後事宜內將總掌教名目不動聲色令其裁去並各省有無似此等回教名目者亦各一體妥為裁革至韓哈濟與賀麻六乎等爭教互誣非尋常案犯可比自當據實奏聞按律嚴辦以示懲儆乃當日該督撫僅以咨部完結刑部亦照咨率覆或入於彙奏朕實不知均屬錯誤嗣後各省督撫遇有此等邪教爭控聚眾念經之

案即應親提案犯嚴審從重究擬據實具奏以淨根株不得顛預了事率行咨部完結致復蔓延滋事刑部堂官遇有此等外省咨結之案亦即據實特奏從重定擬不得咨覆完案至邪教案內凡有發遣之犯不得發往奉天吉林及新疆等處將邪教復行煽惑民人被其愚誘將此傳諭李侍堯及各省督撫一體遵照又諭曰袁守侗題請將蔚州路叅將夢克勒令休致一本內稱該員歷俸年滿

經部調取引見但現患膀背疼痛不能痊愈等語夢克年已七旬且染患臂疾該督即應早為查察據實叅劾何待該部調取引見始請勒休即如上年薩載叅奏南昌鎮總兵張兆璠不將衰頹之都司早行揭報一案朕深以薩載辦理為是袁守侗在軍機處行走豈不知之何乃效外省瞻顧陋習耶著交部議處提督長清宣化鎮總兵托賓泰著一併議處庚辰命禮部尚書德保在尚書房行走

以山東濟東泰武臨道呂爾昌為安徽按察使○辛巳諭曰

開國實錄著八阿哥傳原寫清漢蒙古字各員敬謹再繕一分並著門應兆照舊繪圖○旌表守正捐軀直隸雄縣民呂明格妻孫氏○壬午諭軍機大臣據阿桂等奏本月初二日勦賊情形一摺此次所辦尚好但勦殺賊匪不為快意至所稱崖礪止容一人一騎魚貫上下之語山徑路窄雖不能一擁前進但賊人可以魚貫而行我兵轉不能魚貫而行乎況金川賊番亦何嘗不死守今地勢較兩金川既大相懸絕豈有金川能進兵而此處賊匪反不能勦捕之理阿桂等務即上緊安速為之○諭曰四川建昌鎮總兵鄂輝著賞銀一百兩馳驛前往甘肅交大學士公阿桂差遣委用事竣後即回本任○癸未諭軍機大臣現在賊勢日益窮蹙又屢經官兵四面圍勦自斷不能復出搶掠即從前所掠糧食較

多而困守山梁日久人畜必漸皆乏食所謂釜底游魂計日待斃此時轉須計出萬全不宜輕率舉動稍傷兵力惟賊人自知窮迫難支不甘就死或於黑夜中乘間分竄此則不可不實力嚴防著傳諭阿桂於派員安兵各隘口務須晝夜嚴密巡查毋使一賊得以逃竄至昨日奏到摺內稱山上並無水泉我兵難以久駐等語賊人所據之山無水可汲官兵防守又嚴賊更何從得飲果如所言則山下之水溝我兵即應占守既杜其飲汲之源兼截其逸出之路阿桂久歷行間於此等事最為嫻習自應一一籌計及之也至此案起釁滋事緣由係安定縣回民馬明心潛行往來撒拉爾地方傳經惑眾該犯以內地回民敢於如此肆逆則該處必尚多匪回聚集隨同入教者必須查拏嚴辦以淨根株至撒拉爾地方番回錯處是否循化廳同知得有幹練之員即足以資料理抑另須大員彈壓再

此次起事之始因省城駐兵較少以致不能即時撲滅將來事畢後甘省地方竟宜多添官兵數千時常操演平時既足以資鎮壓臨事更易以供調遣較之有事後遽為派調徒費錢糧不能濟急者得失較然其應於何處添駐并一切事宜并著阿桂李侍堯於善後案內一併妥議具奏 又諭曰英廉會同戶部議駁并刪減文綬奏請商運軍糧腳價滿支滿發仍照原題銷結一摺所駁甚是已依議行矣此項商運軍糧腳價原有定例從前該督既有撙節請領之奏歷來多照依前案攤算並未滿支滿發何以此次奏銷各案均照滿數支銷並無絲毫減省若以舊定章程不能短發則前此已銷各案原有在奏明例價之後者何以前後兩歧自相矛盾文綬辦理軍需從前該部覈駁之案嗣經隨案聲敘明晰朕即酌量加恩准銷者甚多至此次所辦兩歧之處朕實不能曲為之解著將戶部

奏駁刪減原摺發交文綬閱看伊復有何置辯之處如尚有實在情節亦著另行詳悉具奏○諭據陳輝祖奏浙江提標右營遊擊李雲彪因派委巡洋私帶釣船二隻販貨貿易被盜將兵丁袁永全推跌落海淹斃復裝點情節具報及拏獲盜犯始據審出陳阿當等行劫并該員捏飾具稟各實情請將遊擊李雲彪革職拏問審究並將漫無覺察之提督劉鑑一併叅奏等語此案前據提督劉鑑

因李雲彪所稟情節與地方官獲盜審訊緣由互異將李雲彪叅奏業經降旨革職茲據該督審出李雲彪營私牟利欺詐誣捏種種情弊殊為可惡李雲彪著革職拏問交與該督提集案内人犯秉公嚴審究擬具奏提督劉鑑平時既漫無覺察及知事難擒蓋始以一叅塞責又不自請議處尤屬不合劉鑑著交部嚴加議處直隸總督袁守侗奏永定河北岸隄工係宛平縣主簿經管計長四十

七里有奇近年水趨北岸在在險要鞭長莫及查有經管三角淀南隄九工武清縣縣丞自下口改移後修防事易請將該員移駐北岸頭工自一號至二十二號止劃分河隄二十二里即以原銜管理毋庸另給關防其二十三號以下至四十七號止仍令宛平縣主簿經管所有南隄九工就近飭委霸州淀河通判兼管得旨如所議行○四川總督文綬疏報馬邊鄆都二廳縣續墾荒地八十三畝

有奇○甲申諭軍機大臣據陳輝祖叅奏浙江提標右營遊擊李雲彪捏報欺詐各款一摺已降旨將該員革職拏問並將失於查察之該提督劉鑑交部嚴加議處矣此案李雲彪因派委巡洋私帶船隻販貨貿易並遣令兵丁袁永全等看守貨船在洋遇盜致被推跌落海淹斃又復捏飾具稟種種營私欺詐各情節自應據實嚴辦但此案發覺之始是否係劉鑑查出知照地方官究審抑係地方

官先行查辦。劉鑑不得已始行參究。如果自行查出。並無袒庇。則尚屬失察。因公若由地方官獲盜。究出李雲彪私帶貨物牟利。及捏稟欺詐各緣由。劉鑑知事難淹覆。因行具摺奏。以為將來開脫處分之地。則其不是更大。難膺提督之任。劉鑑向在新疆辦理屯田。非軍營出力者。可比著傳諭陳輝祖令其平心靜氣。確查原案。秉公據實詳悉具奏。又諭前以尹嘉銓所著各書多狂妄悖謬之處。

因傳諭各督撫實力查辦。解京銷燬。如查辦不實。致有隱漏。別經發覺。必將原辦之督撫治罪。此內如小學等書。本係前人著述。原可毋庸銷燬。惟其中有經該犯疏解編輯。及有序跋者。即當一體銷燬。至其自著各書。尤當實力通行查禁。著再傳諭各督撫務須嚴切查辦。將查出各書遵照前旨解京銷燬。毋令稍有存留。致干咎戾。增建湖北棗陽均州興山三州縣常平倉廩一十七間。從巡撫鄭

大進請也。乙酉遣官祭

闕帝廟。諭軍機大臣前據英廉等奏查抄勒爾謹在京家產。其家人曹祿等名下竟查出銀二萬餘兩。是其平日必有招搖婪索等事。已傳諭阿桂提犯嚴訊。并明降諭旨。將外省門包押席等項積弊通行禁革。矣。因思勒爾謹平日辦事軟弱。家人既如此縱肆無忌。則其幕友亦必有因事索詐勾通作弊情事。此等督撫司道幕友平日高擡身價。上下連

結倚藉影撞。以肥私橐。既不顧主人聲名。并不顧自己身家。專出一身在外營私。亂法及至事發之後。督撫等身罹重罪。而伊等轉得脫然事外。實堪痛恨。不可不嚴行查辦。以示炯戒。著傳諭阿桂李侍堯即將勒爾謹管事幕友嚴查確訪。如有不法款蹟。即行據實奏聞。從重辦理。諭曰。綽克托等奏遵旨賞給從前拏獲安集延回民所失馬匹什物之蘇勒通部落畢依尼沙緞匹。該畢依尼沙之母

現年一百八歲遣其子至烏什謝恩朕聞之深為嘉獎且現年百有八歲在外夷部落似此有壽者尤少著加恩賞給畢依尼沙之母大緞四匹貂皮六張綽克托等接到時即差人送往蘇勒通部落賞給俾其母子咸知感激朕恩諸事奮勉以固山貝子永碩為宗人府左宗人丙戌

上詣

大高殿行禮還宮諭軍機大臣曰就現在

勦賊情形而論阿桂之意似欲候川兵及阿拉善兵到齊以川兵攀踰險阻直搗賊巢以阿拉善兵防其竄逸乘騎追捕一鼓而前可以勦洗淨盡惟是逆賊罪大惡極必須將首犯蘇四十三及幫同主謀之犯生擒解京盡法處治方足以正刑章而申國憲阿桂等務須設法生擒解京治罪又諭前據勒爾謹奏報收復河州時除將賊犯殲斃外擒獲蘇四十三之姪蘇二個胞姪蘇五個并要犯馬

八十三等十七名又搜獲子女回婦二十三口并節次生擒逆賊一百零九名婦女幼孩一百數十口現在嚴行監禁等語此等黨惡要犯其應行解京訊問者不過數人多亦不過數十人著即行派委妥幹員弁押解送京此外隨同抗拒打仗之犯均屬罪無可逭即應於該處按律正法即將來擒獲蘇四十三並為逆匪出力主謀之大頭目等自應解京訊問其餘無關緊要之犯亦即於該處正法至其餘緣坐各犯非如尋常邪教逆匪等案尚可邀減監候者可比自應按律即予駢誅以昭國憲其婦女小口亦即就近發往伊犁之索倫察哈爾厄魯特等兵丁為奴不必拘泥成例給付功臣之家為奴俾轉得衣食豐足且省長途解送之煩著傳諭阿桂李侍堯即行分別嚴辦嗣後若有續獲之犯亦俱遵照辦理旌表守正捐軀河南寶豐縣民路山女路氏丁亥

上御太和殿視朝文武陞轉各官謝恩○幸圓明園○江西巡撫郝碩疏報南昌新建上高
分宜永豐龍泉樂安鉛山八縣開墾荒地五
頃二十畝有奇

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百三十

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百三十一
監修總纂官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉
敕修

乾隆四十六年辛丑五月戊子諭軍機大臣
前據袁守侗奏長蘆鹽運使錫拉布每收
庫銀一千兩格外添平銀七兩又各商抵兌
借帑必令交庫兌收另行發給亦有侵漁平
耗並節年商人領借帑銀積欠至七萬七千
餘兩不能催辦歸款請旨革審已明降諭旨
將錫拉布革職交該督袁守侗會同鹽政西
寧東公嚴審定擬具奏迄今已屆兩月未見
奏到此等貪鄙不職之員即應提集業內人
證確訊實情按律定罪詳晰具奏即或審訊

之下並無別項情節亦應即時奏覆何以遲延至今外省辦理案件累月經時懸宕不結最為相沿陋習素守伺不應如此著傳諭該督等將查審錫拉布實在情節迅速定擬具奏毋得再行遲緩○又諭向來甘省藩庫收捐監生原因該處出產米穀較少不得不有藉捐輸以資裒益近年以來該處收捐糧石各州縣倉廩當已充足況行之日久其中轉不免弊竇地方官既經收捐監穀其幕友家人等或竟視為利藪因緣滋弊不可不防其漸阿桂現在甘省辦理勦洗逆回諸事於該處地方利弊自當隨時體察李侍堯又新任陝甘總督監糧一事本非其所承辦自應無所迴護而地方因革事宜到任後亦當悉心體訪據實奏聞況伊身獲重譴經朕加恩錄用諸事尤宜實心查辦以贖前愆更不當稍有瞻徇著傳諭阿桂會同李侍堯將該省收捐監糧有無情弊及應否停止之處據實奏

聞候朕降旨○又諭曰阿桂奏現俟兵力齊全一鼓勦洗賊匪以現在情形而論逆匪既逃竄無路其所搶糧食亦斷不能支持兩月即餓斃亦可完事但以么膺小醜如此肆逆不法非痛加殲戮生擒首犯盡法處治不足以洩忿恨而彰國憲今川兵及阿拉善兵於二十以前可抵蘭州為期已近此時自不宜更冒險以致損威第目下既不即進勦何不先行曉諭賊黨并脅從之人以罪魁逆首止

蘇四十三若能將伊擒獻則汝等脅從尚可奏請邀恩寬減倘執迷不悟將來大兵勦捕無分首從一同受戮雖悔無及如此明切開導衆心自可解散或作檄文曉示或令舊教土司等設法遣人傳諭使賊衆猜防彼此疑慮擒捕賊首未始非解散黨羽之計又稱勒爾謹庸懦無能從前籌畫實係福崧出力幫辦朕前降諭旨以事發之初不宜輕易地方大吏以啟邊氓輕玩之心且以勒爾謹如果

能調度出力。不妨俟事定後再行覈其功罪。此係專就顧惜大體。勒爾謹尚能辦事而論。若阿桂和坤到蘭州後。即目擊其束手無措。自當早為奏聞。所謂應機而動。又當別論。何尚待朕看其實。不可留。特行降旨。拏問乎。○又諭曰。阿桂奏王廷贊於三月二十五日至二十九日。令調到綠營兵。節次打仗。損折甚多。亦係出於無奈。尚屬過之小者。至其將馬明心之子及塔放。令出城予贖。此則不是甚。

大。其罪實在於此。伊於逆賊逼犯省城時。既將馬明心提出示賊。即行正法。何以又將其子塔放給藩司大員。豈可損威失體。若此。阿桂和坤於此等辦理錯謬之事。何不早行奏及。王廷贊現有交代之事。尚未能即行起程。並著阿桂先行面詢。據實覆奏。○諭昨嵩椿來京。陛見。曾降旨令其回任。揀選綏遠城滿洲土默特兵丁。聽阿桂處調撥。今阿桂等奏現調兵力已足。所有綏遠城滿洲土默特兵。

不必豫備。○己丑。諭軍機大臣據袁守侗奏。吳橋縣驗報縣民許進才之妻張氏。因借給鄰婦鐵鋤。起釁被伊夫毆打。情極手向上。抓冀圖掙起。適伊翁許成平走來拉勸。張氏黑暗之中。誤將伊翁腎囊抓傷。詎許成平傷重側跌。倒地磕傷右腮。移時殞命。將許張氏依妻毆夫之父母致死者律。凌遲處死。一案朕再三詳閱情節。殊未真確。當許進才毆打伊妻時。正值三月天氣尚寒。北方鄉民二三月時。尚多穿厚絮綿袴。驟難抓透。况許張氏既被許進才摔地毆打。伊翁即欲勸救。自應將許進才拉開。不應轉拉張氏。且張氏被毆之際。即情極誤。抓亦何致透綿袴傷重。移時殞命。許成平彼時是否下體裸赤。抑或尚穿綿袴。摺內亦未聲明。看來必有別故。或竟係許成平有逼姦伊媳之事。致被伊媳拒姦。抓傷伊妻邢氏及子許進才。或因許成平顏面攸關。遂爾隱匿飾供。此亦情理所有。但愚民

無知只欲為許成平開脫遂令許張氏罪陷凌遲司獄者復不為之細心推究致令節婦含冤莫白則大不可現已面諭刑部堂官將此情節議駁仍著傳諭袁守侗親提此案人犯照依所指各情再行研訊朕於庶獄無不悉心詳究不肯使匹夫匹婦稍有枉抑袁守侗曾任刑部堂官臬司郎若伊又係刑部能事司員自應仰體朕意共矢詳慎何以於此等緊要情節俱未虛衷推究遽爾率行定擬

耶○吏部奏本月帶領承緝盜案不力議以降調之原任河南鹿邑縣知縣沈佐清等引見奉旨仍著以知縣用其降級改為革職留任俟八年無過方准開復嗣後永著為例查處分例內如放火毆差奪犯鹽梟拒捕等案承緝官比照盜案議處者尚多請嗣後此等降革人員除奉旨照部議降革及降等補用人員仍照例辦理外其加恩仍以原官用者均遵照現奉諭旨將該員降革之處改為革

職留任八年無過開復其失察邪教之該管官亦照此一體處分從之○庚寅諭軍機大臣曰和坤奏唐家川等六處回民難以千數兵力分勦俟勦賊完竣於甘涼兵丁撤回之便順路勦洗至安定會寧一帶俱已派兵彈壓各處回民尚皆安靜馬復才等一面之詞未必非搖惑人心之計是以及不露端倪等語唐家川等處逆回人數不少此時未便即行分勦所慮亦是至安定會寧等處回民現

在尚皆安靜或竟係賊匪令馬復才等假捏供詞以為搖惑人心之計亦未可知但既有此供不可不嚴加防範且舊教新教雜居一處究屬非妥此次起釁之由即因新舊教爭殺而起況新教即係邪教著傳諭阿桂李侍堯務須熟籌妥計將新教一類使之不留餘跡以期永不滋事○諭曰散秩大臣福保雖已年邁原係健銳營出身於操練兵丁演習技藝頗為熟諳著在健銳營居住與翼長一

體授為教習操練兵丁技藝予甘肅涼州鎮標前營陣亡都司王宗龍祭葬如例辛卯諭凡以清字對音地方城邑當明白分別繕寫查山海關外盛京吉林黑龍江所屬地方乃我大清發祥開基之地大半皆有清語即金錦二州漢字之意一繙為鐘音州一繙為愛牟州遼陽州繙為遼哈安圖方合本意著軍機大臣等詳查山海關外府州縣無清語者俱取地方之意繙妥候朕閱定再行通

諭遵行如克音等處無州縣字樣者印信仍增鐫以州縣字樣○壬辰諭軍機大臣曰和珅奏前此初抵蘭州即聞王廷贊於賊圍困蘭州時將馬明心之子及婿放出與賊並有與賊講和之事等語馬明心係新教之首其在安定一帶煽惑構釁已非一日最為此案罪魁即蘇四十三擒獲就戮之後其新教餘孽若不查辦淨盡尚未可稱為竣事蓋此等新教即係邪教所到之處最易煽惑不但內

地不可容留即新疆各處亦不可發遣安插致貽後害此等即從嚴多辦亦不為過所謂辟以止辟不得不如此也阿桂李侍堯如何設法料理計出萬全使新教一類根株淨盡永保無虞之處須斟酌妥善行之至舊教相沿已久且人又衆多自須妥為撫輯令其各安本業伊等自必益加感激於綏靖邊隅之道更為有濟又據圖桑阿面奏十九日和珅帶領官兵打仗時第一排係舊教土兵第二

排係綠營兵丁第三排係駐防滿兵其領兵官員在後督戰當賊匪下壓時舊教土兵遇賊接仗不能抵禦而綠營兵即畏怯一同回走經和珅將馬彪等嚴行申飭並用刀鞭砍打方始立定等語綠營兵如此恒怯無能實為可恨甘涼兵力向來尚稱可用何以近日廢弛如此則他處可知若不實力整頓營務尚可問乎至福崧現已調任甘肅藩司接印任事王廷贊交代後即可令其起程來京毋

再遲滯○癸巳諭軍機大臣曰阿桂奏十三日派兵誘賊出拒賊仍藏匿不出擬俟屯練兵到添派兩路進兵一舉殲滅等因用兵機宜設卡安營自應與賊逼近聲勢方能聯絡今賊匪在城西而大營轉遠在城東中隔一城安能遙為照應今詳閱奏進圖說方得洞悉形勢從前城東安營之處究屬錯誤阿桂到後住居城內轉覺與賊相近且可安城中百姓之心而前此伍彌泰馬彪等之安營錯

誤阿桂自必見及亦因成事不說耳至為賊紮棧過渡之犯及蘭州西南兩關廂並河州回民從逆者均屬亂民當概行勦洗馬明心家屬例應緣坐者亦當即行查辦毋使免脫至解京賊匪除現行起解外止須將蘇四十三及黨惡要犯數人解送其餘即於該處正法以免疎虞至此案辦理關鍵現在總以幫扶舊教滅除新教為詞明白曉諭以安舊回衆之心著阿桂李侍堯妥協經理○又諭本

年二月間據阿桂奏勘辦石塘工程二千二百餘丈督率工員上緊趕辦務於四十七年冬初完工至老鹽倉立字號至積字號二百餘丈不能釘樁處所應仍留柴塘外其餘一千五百丈安樁一丈八尺用礮夯打至四個半時辰打下一丈四五尺周圍沙土即合攏平樁不能再打查樁木不能深入其底沙堅硬可知沙齧樁牢力能擎石或可一律築砌或應仍存其舊恭候臨幸指示機宜再行多

分年限接續辦理等語已批令俟到京時面奏彼時原以老鹽倉一帶沙性溢汕難以下樁且改建要工尚多是以可緩昨詢據富勒渾面奏老鹽倉一帶仍有可以施工之說即阿桂所奏沙齧樁牢力能擎石或可一律築砌等語是亦似謂此段工程可以辦理朕思現辦二千餘丈之石塘既於明歲可以完工且屆四十九年南巡之期尚達此段要工既有益於民生即可及時接辦何必復待南巡

親為相度前此令阿桂到京面奏原因此段工程應否辦理未能明晰是以欲面詢明確再降諭旨現在阿桂督勦逆回到京尚須時日著傳諭阿桂即將老鹽倉一帶實在情形詳悉具奏如果有工費浩繁不能拘定開銷成例之處亦不妨據實奏明交陳輝祖接辦朕不惜多費帑金為民生謀一勞永逸之計也○甲午諭曰密雲縣石匣龍神屢昭靈應宜加封號以答

神庥著內閣會同禮部即行敬謹照例辦理尋奏上封為

昭靈廣濟龍神○又諭曰軍機大臣會同理藩院議奏土謝圖汗部落公拉蘇瓏多爾濟車凌多爾濟其初並無軍功應俟出缺時將公爵削除令其子承襲扎薩克台吉等語此雖照例議奏但拉蘇瓏多爾濟公爵係皇祖聖祖仁皇帝垂念伊曾祖車凌巴勒所封從前巴木丕勒多爾濟歿後朕仰體

皇祖之意准令伊子孫承襲現今不必削其公爵著加恩世襲罔替至車凌多爾濟之祖丹津多爾濟原係王爵故將其父三達克多爾濟賞封扎薩克輔國公續因著有勞績加賞貝子職銜嗣三達克多爾濟歿後業經該院奏除止令伊子承襲公爵今若將伊公爵削除朕心深為不忍若令世襲罔替又於例不符惟看車凌多爾濟果能於烏里雅蘇台住班等差無誤俟缺出承襲時該院查明請旨

若應加恩仍令承襲公爵如別部落有似此者該院即遵照辦理○又諭曰富綱著來京陛見所有福建巡撫事務著楊魁前往暫行署理富綱俟楊魁到後再行來京○諭軍機大臣曰富綱自陞任福建巡撫以來未曾來京陛見朕欲觀其才具器識並詢問地方一切情形今年春間因陳輝祖之母患病恐伊辦理海塘事務不免分心令楊魁前往幫同料理今陳輝祖之母是否已經全愈可以無

須楊魁幫辦之處著傳諭陳輝祖楊魁即各據實覆奏如無須幫辦即遵照發去諭旨令楊魁前往福建署理巡撫印務富綱俟楊魁到時即行交代起程來京陛見○又諭曰和坤到京復命面詢一切所有現辦剿賊情形已畧悉大概阿桂在彼自能料理妥協至前此詢問圖桑阿據稱馬彪年歲已老今又詢之和坤據稱馬彪雖年老而人尚壯健且歷練戎行此次亦尚出力至仁和辦事光景及

熟悉營伍之處仍尚不如馬彪且仁和初到蘭州時在金城關遙為放礮和坤到後察看該處距賊營約有數里中隔黃河又安能以礮擊賊轉恐賊人由山路繞至金城關搶奪礮位因令將礮撤回省城等語看此即仁和之辦事不得竅要可以類推且伊係本省提督更非馬彪之由西安赴甘協勦者可比似此不知事體恐難得力又據和坤奏賊人以打牲為業本有火藥鳥鎗至攻破河州後所

搶火藥又多是以現尚未缺乏且施放轉較官兵有準等語賊匪所得火藥雖係在河州搶掠者居多但其平日何因得有鳥鎗火藥打牲此皆地方官查禁不力所致而綠營兵轉不如其純熟實屬不成事體著傳諭阿桂李侍堯將嗣後如何設法查禁不使番回復能購備配合火藥一併入於善後事宜案內妥議具奏再甘省兵數向因節次移駐新疆眷兵未經補額以致各處存營兵少此次賊

匪起事不能剋期調集前已有旨令阿桂李侍堯於善後事宜案內酌議添兵數千今據和坤面奏情形將來竟須多為添駐方足以壯聲勢而靖地方著傳諭阿桂李侍堯即查明前後移駐眷兵共計若干即照數補額並令時加訓練務使盡成勁旅至西安提督向本駐劄甘肅固原州後固原改駐總兵而提督移於西安駐劄管轄陝省營務今據和坤奏固原州地方緊要似仍應駐劄提督而以

固原鎮總兵移駐河州其河州協副將於安定或會寧駐劄方足以資控制彈壓至西安已有將軍都統似可無須再駐提督等語此事並著阿桂李侍堯於善後事宜案內一併詳悉妥議具奏○軍機大臣議覆刑部尚書德福奏稱八旗官兵人等置買房地例在兩翼監督衙門投稅其民人置產則在大宛兩縣近年旗下家奴有置買房地恐家長知覺潛赴大宛納稅旗員輒相效尤無憑稽察應如所請嗣後旗人無論官員及閑散家奴人等置買房地者概令呈明該管佐領在兩翼監督衙門納稅並令步軍統領會同順天府尹不時稽察如有隱匿旗籍私赴大宛兩縣納稅者均以違制論官員議處閑散家奴鞭責發落從之 乙未

孝恭仁皇后忌辰遣官祭

景陵○諭軍機大臣此案用舊教而除新教最為喫緊關鍵蓋舊教相沿已久回人等耳濡

目染習慣性成今欲去之勢有不可譬如僧道未嘗非異端亦勢不能盡使為民也而新教則如白蓮等邪教平日雖亦拜佛念經而惑眾滋事其名目斷不可留將來辦理之法首先分別新舊名色即其中有已歸新教而仍自認為舊教者是尚知畏罪避禍查辦時亦只可因其避就量予生路所謂法外之仁不得不網開一面也至逆犯等家屬將來俱應問擬緣生前經降旨就近發往伊犁之厄

魯特索倫察哈爾等兵丁為奴但念此等緣坐之犯既非善類新疆地方亦不可不防其復行煽惑莫若改發雲貴等省極邊烟瘴之地較為得宜著傳諭阿桂李侍堯於完案時遵照辦理再閱圖內賊營迤西一帶缺兵把守山路叢雜將來勦捕賊匪於勢窮力蹙時或致竄逸藏匿不但得以倖逃顯戮並恐事定後又復潛出惑眾均未可知且聞賊人有將來事急欲投黃河之供或竟自焚自戕皆

所不免總之阿桂等若能生擒首犯固為盡善即或一時不能生獲而查檢首惡屍身舊教同人俱能認識如王倫之自行燒斃確屍可認亦未嘗不可了事斷不可拘泥必欲生擒之見轉致賊人乘間逃逸阿桂等於剿滅賊匪時尤當相機辦理毋使一名漏網再和坤奏陝西毗連四省形勢最為扼要而現在西安駐防滿兵未免稍單且詢之伍彌泰據稱現有從前裁缺兵房空閒甚多若添撥駐

防兵數千亦易安插等語阿桂於辦理善後事宜亦即將西安應添駐滿兵若干之處會同該將軍悉心籌酌奏請派往○丙申諭軍機大臣前王廷贊有奏繳積存廉俸銀四萬兩以資兵餉一摺因思王廷贊僅任甘肅藩司何以家計充裕甘省地方本為瘠薄而藩司何以僉稱美缺若云有營私貪贖之事何以王廷贊在任多年並無聲名不好之處即從前王亶望在甘省藩司任內亦未必竟敢

勒索屬員以肥己橐但王亶望於捐辦浙省海塘工程案內竟捐銀至五十萬兩之多伊在浙未久其坐擁厚貲當即在甘省任內所得因思甘省收捐監糧其中必有私收折色多得平餘情弊且聞向來監糧係各州縣分收而近來則全歸省城即使多收折色平餘而在部報捐者亦未嘗不收盈餘若甘省所收平餘較多則捐監者自不樂從何又紛紛向甘肅遠省捐監並稱較部捐便宜其故實

不可解若云該省監糧實係收納本色而本色又如何多得盈餘其中情節總未能深悉著傳諭阿桂李侍堯即將王廷贊因何家道充餘是否即於捐監一事有染指情弊或另有巧取之處嚴密訪查據實覆奏不可稍涉瞻徇○丁酉諭著署理侍郎副都統留保住照料班禪額爾德尼金塔送往穆魯烏蘇回至西寧駐劄辦事換諾穆渾來京 戊戌欽差大學士公阿桂奏官兵自十三日打仗後

本欲俟屯練兵到四路進攻賊匪竟敢於十四日下華林山滋擾臣等於十八日派海蘭察及阿拉善公多爾濟帶領兵丁撲剿賊於卡柵內溝壕潛藏放鎗抵禦明亮在水磨溝內覓路上撲而崖礮陡峻鎗勢甚急不能砍營而入查有侍衛哲森保放鎗打死騎馬賊目帶有鎗傷與侍衛珠爾杭阿阿禪保克臣保守備馬得俱帶鎗箭等傷尚無妨礙再甘肅一省地廣兵單應增派官兵數千時常操演俟剿賊完竣於善後事宜內妥籌具奏得旨賊匪勢已窮蹙尚敢潛出滋擾實為可恨看此光景賊人自知指日就擒衆心渙散意圖分路竄逸恐官兵防守嚴密是以先行下山滋擾故為鳴張行徑以便事勢窮蹙之際從後路竄出即從前有事急欲投黃河自盡及設誓死守之供恐亦係虛言散布使我兵不行准備便可乘間脫逃此則阿桂等最應留心稽查者前閱進到圖內城營迤西一帶

山勢重疊恐其中小路甚多而所安設官兵尚未能十分嚴密使賊匪即從該處乘馬衝逸綠營官兵未必能悉力堵禦若改換衣帽分散潛逃又恐搜捕不能淨盡惟在先事豫防使一名不致漏網為要至賊人雖已露待斃情形但亦不可輕視即川省屯練兵二十五六等日到蘭為期已近然尤宜持重整頓兵力使一鼓盡殲方為妥善再此次侍衛哲森保趕殺賊匪頭目勇往可嘉且又受有鎗傷著阿桂查明該侍衛現係何等職銜即奏明加一等陞用以示獎勵其餘受傷各員並著逐一照例獎賞至添設官兵一事亦據和坤面奏數千尚屬不敷即添至一二萬亦無不可現已交部查辦矣○旌表守正被戕山東莒州民李克洽妻王氏守正捐軀廣東英德縣民朱昌文妻姚氏○已亥上還宮○是日起上以夏至祭

地於

方澤齋戒三日○庚子封閉陝西定羌州畧陽

縣新舊兩銅廠從署陝西巡撫畢沅請也○

辛丑諭軍機大臣前因世俗流傳曲本內有

南宋與金朝關涉或本朝新事新編詞曲扮

演過當以致失實無識之徒或轉以劇本為

真殊有關係曾傳諭該鹽政等令其留心查

察其有應行刪改抽掣者斟酌妥辦乃本日

據圖明阿奏查辦劇本一摺辦理又未免過

當劇本內如草地敗金等齣不過描寫南宋

之恢復及金朝退敗情形竟至扮演過當稱

謂不倫想當日必無此情理是以諭令該鹽

政等留心查察將似此者一體刪改抽掣至

其餘曲本內無關緊要字句原不必一律查

辦今圖明阿竟於兩淮設局將各種流傳曲

本盡行刪改進呈未免稍涉張皇且此等劇

本但須鈔寫呈覽何必又如此裝潢致滋糜

費原本著發還並著傳諭全德圖明阿令其

遵照前旨務須去其已甚不動聲色妥協辦

地於

方澤

上親詣行禮○辛圓明園○刑部等衙門議奏

直隸總督袁守侗等奏稱已革鹽運使錫拉

布私加平耗侵收入已至一千四百餘兩又

抵兌借帑從中婪索催徵商欠任意怠玩請

依侵盜錢糧例擬斬監候等語查已革鹽運

使錫拉布種種貪鄙不法僅如該督所擬不

足示儆請在該處即行正法庫大使陳善繼

張述宗及家丁書役等均如該督所奏完結

得旨錫拉布著照例應斬監候秋後處決餘

依議○是月河東河道總督韓鐸奏東省運

河全賴汶泗來源與各湖接濟查汶河上游

東平州戴村石壩為汶水蓄洩之權衡東省

漕運之關鍵上年汎水盛漲致將石壩逆上

民堰漫溢經山東撫臣督辦補還臣親詣察

看適當河勢頂衝溜由石壩埽灣而下對岸淤沙厚積挺入河心應分段切嘴挑溝以免逼溜西趨壩根淘刷致妨民堰又泗河下游即為府河由黑風口經充濟一帶地方歸馬場湖安居十里二斗門入運府河身淺不能容納兼之民堰卑矮應俟霜降汛定後會同撫臣熟籌辦理再各湖民修之堰亦未一律完整現在三進重運盛行正開湖洩水之候堰根顯露邊灘即可起湖邊灘土以培隄堰已飭行運河道委員確估興修得旨覽奏俱悉○吉林將軍和隆武奏先經軍機大臣等議准吉林地畝照內地丈量增定地丁錢糧其花戶數目查明存記禁止流民偷越以資生計茲和爾蘇邊門章京拏獲逃來流民三戶共四十三名口並引進民人三名除照例逐回外請勅令直隸山東陝西山西各督撫申飭所屬嚴禁偷越再此等流民多由八溝等蒙古地方行走請令直督一體飭禁報聞

大清高宗法天隆運至誠先覺體元立極敷文奮武孝慈神聖純皇帝實錄卷之一千一百三十一

大清高宗法天隆運至誠先覺體元立極敷文奮武孝慈神聖純皇帝實錄卷之一千一百三十二

監修總纂官經筵講官太子太傅大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次慶桂

總裁官經筵講官太子太傅大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級重慶內大臣戶部尚書鑲藍旗滿洲副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

欽修

乾隆四十六年辛丑閏五月癸卯朔諭軍機

大臣京師於五月二十五日雨勢頗大正值麥收之際深為厯念連日以來幸即晴霽今據袁守侗奏五月二十五六等日省城得雨三寸並據保定等府州縣均報連次得雨自三四寸至七八寸不等宣化府全屬稟報二十二日得雨透足等語現值二麥登場之際於矚瞭是否無礙農民佈種大田是否尚需雨澤均著查明覆奏又據奏天津大名永平承德等四府尚未據報得雨日內曾否續據

稟報並著一併覆奏以慰縉望尋奏保定省城於二十五六日得雨後旋即晴霽二麥業經矚瞭乾燥餘亦陸續收割登場現在大田均已佈種長發無需雨澤天津永平承德三府所屬續報二十二日後得雨二三寸至五六寸不等惟大名一屬僅據清豐縣報雨一寸然該府於五月望前已經得雨霑足稍遲尚無妨礙報聞○又諭閱阿桂等奏到供單內據買成伏供有賊人因西寧糧草最多令

其前往探聽虛實之語賊匪自知計窮垂斃必思鋌而走險乘間竄逸斷不肯束手就縛西寧一帶山多地曠兼糧草富足尤不可不加意防範若賊人乘機結隊奪路衝逸尤屬不成事體著傳諭阿桂等逆匪首犯若能設法生擒固為盡善倘一時不能擒獲即被鎗礮殲斃甚或自焚自戕得有確屍亦可完事斷不可令其乘機免脫以致別滋事端又阿桂等前奏賊人所掠糧草僅能資給月餘今

又聞數旬自己匱竭賊人又從何處得有接濟恐仍有潛出搶掠及附近匪徒暗為運送之事著阿桂等嚴密防捕毋使暗中接濟得以苟延殘喘至逆犯家屬將來辦理時其婦女幼孩不可合為一處所有婦女仍發厄魯特等處為奴其男丁雖幼孩改發雲南烟瘴地方著阿桂等於勦賊完竣後分別遵照辦理○又諭曰阿桂等奏到各摺賊匪情勢日見窮蹙屯練兵到齊後自可剋期勦滅但兵

丁跋涉遠來應休息數日以期一舉集事至蘇四十三事急北走之語恐係故為揚言以為向西奔竄之計蓋回人向以西方為正面猶內地之以南方為正前聞和坤所攜之圖賊營向西一帶亂山叢雜路徑甚多阿桂等務宜加意防守實力堵禦勿使一人乘間免脫方為妥善至所稱馬明心正法後安定一帶回民安堵如常並無蠢動形跡所奏固是但馬明心孥獲解送時蘇四十三尚未攻圍

蘭州該處回民自不敢遽行蠢動及馬明心正法後官兵即陸續雲集馬明心家屬黨羽即使得信亦未敢肆行不法然馬明心究係傳教首犯該處一帶回民平日素與交結者不可不留心訪察辦理至其家屬應緣坐者尤應嚴行查辦務使根株悉絕不可存姑息完事之見又據奏甘肅新舊教回民雜處之各州縣不下數十處統俟事竣後立法查辦革去名目等語亦祇可如此辦理但如唐家

川洪濟橋等處從逆回民則勦洗不可不盡斷勿稍存姑息以致養癰貽患○又諭本日大學士九卿等會奏定擬勒爾謹情罪一案勒爾謹於逆回爭立新教從未奏聞辦理以致養癰貽患又不能相度機宜速行勦滅擬以斬決自屬咎所應得但其平日居官尚無貪黷枉法款蹟即辦理此案含糊觀望坐失事機實伊庸弱無能所致而朕委以封疆重任不及早覺察易置實不能不引為已過勒

爾謹著從寬改為應斬監候秋後處決。軍機大臣議奏。大學士公阿桂奏稱。各省營房墩臺木樓等項。每年是否必需歲修。抑係相沿舊例。指項開銷。交部行查。現據陸續奏到。除直隸湖北山東福建四川湖南浙江廣東甘肅九省。並無歲修報銷之例。及山西一省。不定保固年限。外。其江蘇安徽江西陝西河南雲南廣西貴州八省。或於耗羨銅息項下動支。或於公費養廉項內扣存。或於充公閒款及餘租變價。租息銀內撥給。歷經報部覈銷在案。請仍令各該省。遇有修理之時。按照保固年限。動款支給。勘明葺治。並令地方官隨時查察。以期經久。報聞。○兵部遵旨議卹。進勦撒拉爾逆回陣亡固原鎮總兵圖欽保。給銀七百兩。加贈三級。廕子弟一人。以都司推用。叅將和泰。給銀五百兩。加贈二級。遊擊王三杰。愛星阿。各給銀四百兩。加贈一級。均廕子弟一人。以守備推用。守備善德。給銀三

百兩。加贈一級。廕子弟一人。以營千總推用。千總師永澄。給銀一百五十兩。加贈一級。廕子弟一人。以把總補用。驍騎校賽音察渾。賞銀二百五十兩。授雲騎尉世職。從之。○欽差大學士公阿桂奏。據四川總督文綬咨稱。派令維州協副將李天佑。帶領屯練兵於五月初七八日起程。計算頭二起兵。可於二十三日以前皆到。乃竟毫無音信。經節次嚴催。頭起屯練。於二十九日酉刻始抵蘭州。李天佑所帶二起之兵。尚無確信。玩延至此。請將該副將革職。發往伊犁効力贖罪。得旨。彼固有罪。革職令其軍前効力贖罪。若再不奮勉。即於軍前正法可也。甲辰。上御勤政殿聽政。諭京師輦轂重地。向來步軍統領所管營務。止分中南北三營。地方本屬廣濶。又西北昆明湖一帶。離城較遠。稽察巡緝。更覺耳目難周。所有從前額設官兵。不敷派撥。且營制亦有參差未協之處。其應如

何添設兵丁。酌安營汛。並管營員弁。及一切事宜。著步軍統領衙門會同各該部詳悉妥議具奏。○以通政使司副使趙鏐為通政使。旌表守正被戕浙江湖州幫運丁胡沅公婢彩鳳。乙巳命大學士英廉戶部尚書梁國治教習庶吉士。○丙午熱河志成予纂修等官議敘有差。

御製熱河志序曰。為各省之志書易。為熱河之志書難。彼其以漢人書內地事。且各府州縣本有晉乘楚檮杌。薈而輯之。其易也。不待燭照數計而龜卜也。熱河之志。則以關外荒畧非內地而遼金元之史。成於漢人之手。所為如越人視秦人之肥瘠。忽然故曰難。夫遼金元非若唐宋之興於內地而據有之也。又其臣雖有漢人通文墨者。非若唐宋之始終一心於其主。語言有所不解。風尚有所不合。且遼金元皆立國不久。旋即遜出。則所紀載欲其得中得實。蓋亦難矣。夫遼金元之史。紀內

地而欲其得中得實。尚且難之。況紀邊關以外荒畧之地乎。其不能得中得實。亦益明矣。當今之時。熱河之志。不可不成者。則以本朝荷

天之寵。百有餘年。累洽重熙。漢人已數世。被覆載生育。其語言風尚。薰陶漸漬。不可以遼金元之漢臣例之。亦理之必然。況我

皇祖建山莊於此地。非為一己豫游。實貽萬世之締構。而顧可無書以垂永久乎。山莊內本有溫泉。出而匯武列之水。俗遂有熱河之稱。茲雖為府為縣。而仍以熱河稱之者。存其朔便於衆也。

皇祖有詩云。聚民至萬家。蓋葦路之際。人烟尚少。後乃閭閻日以富。耕桑日以闢。至於今將百年。屹為都會。

皇祖雖嘗名之曰避暑山莊。序詠三十六景而未輯志者。其或有待耶。抑亦文獻不足徵而遲遲為之耶。山川里邑建置沿革。與夫古蹟

人物司事之臣雖摭撫遺逸猶有未備未信者其說具見於前而吾之序是書以行世者正所云在此不在彼○諭京城內柵欄堆撥有巡查送籌等差且現今開挖池沼均需步甲充當著步軍統領將原裁五百名步甲復行挑補外如尚有不敷應行添設之處即行酌議定數具奏尋奏柵欄堆撥步甲除將原裁五百名即行挑補外所有滿洲蒙古旗分每佐領添步甲三缺漢軍旗分每佐領添步

甲一缺共添二十九百六名得旨滿洲蒙古旗分每佐領均添步甲二缺餘依議○刑部奏現奉諭旨邪教為從擬軍遣犯不得發奉天吉林及新疆等處查奉天等處根本重地新疆係邊陲要區此等遣犯均非安分之人誠恐煽惑請嗣後各省邪教為從之犯照例發雲貴兩廣烟瘴地方充軍其雲貴兩廣四省遣犯改發四川福建安插如有情節較重應發新疆黑龍江者改於到配後加枷號六

個月至前已發新疆等處之犯年久人衆毋庸紛更仍令該將軍辦事大臣等稽查從之○戊申諭軍機大臣前以浙省老鹽倉一帶塘工是否可以及時接辦降旨詢問阿桂茲據覆奏稱此段工程一千五百丈可以接續辦理前在工時陳輝祖所見亦同至添用幫費現辦二千二百餘丈塘工除恩賞銀外尚有另籌添補之項若接辦一千五百丈釘樁較難所需幫費亦約畧相等請勅下楊魁會

同陳輝祖將此段工程共應開銷正項若干幫費若干之外熟商妥酌等語浙省辦理石塘二千二百餘丈計明歲冬間始可竣工其老鹽倉一帶塘工若一律築砌自應俟現辦工程完竣後再行次第籌辦昨經降旨令楊魁赴閩省暫署撫篆換令富綱來京陛見所有老鹽倉工程如何接辦並應如何開銷正項及幫費之處俟楊魁回至工所後再與陳輝祖妥議熟商具奏亦不為遲諭據綽克

托奏稱烏什所屬英阿雜爾擬改英阿西爾牙爾哈喇沙爾擬改哈喇西牙爾等語此等地名理應照回人語音改正但英阿雜爾哈喇沙爾之名相沿訛錯已久今既據綽克托奏請改正以朕所記憶而論將英阿雜爾改稱英吉沙爾哈喇沙爾改稱喀喇沙爾方與回人原音相合○又諭曰據瑪興阿奏稱自喀什噶爾回程行抵哈密聞有撒拉爾賊匪即起程前赴蘭州隨欽差大臣効力等語

瑪興阿聞有撒拉爾逆回之事即由哈密前赴蘭州雖出伊奮勉之心但伊在外日久且年歲已老著傳諭阿桂俟瑪興阿抵蘭州時如有差遣之處留彼効力否則令其回京○兵部等部奏直隸總督袁守侗咨稱承德府屬朝陽赤峰二縣護解人犯道里遙遠並無墩撥兵丁請於木匠營兩家營梅倫溝小廟子平房兒宮營子六處每處安設馬兵一名守兵四名在於河屯協左右兩營及唐三營

八溝營內抽撥並將木匠營兩家營梅倫溝小廟子四處改隸赤峰縣平房兒即歸赤峰縣宮營子即歸平泉州管轄從之○旌表守正捐軀山西豐鎮廳民張宗第妻李氏○已酉諭據薩薩載等奏江蘇省有河灘地租一項向係另款徵收解交河庫不入地丁項下查阜寧縣自乾隆三十四年以後安東山陽清河桃源沐陽大河等六縣衛自乾隆十一年至四十四年共有未完積欠災緩租銀一萬

一千五百五十兩零上年南巡蠲免積欠災緩項下未經一例開報等語阜寧等縣衛頻臨河湖地土瘠薄向為積歉之區其舊欠河灘租銀遞年積壓殊堪軫念所有阜寧等七縣衛未完河灘租銀一萬一千二百五十兩零著加恩准其一體豁免副朕軫恤窮黎至意○又諭綿惠生母尚無品級現在四阿哥福晉亦故著加恩封為側福晉○庚戌上以秋獮木蘭自圓明園啟鑾○諭朕此次巡

幸木蘭駐蹕熱河所有經過地方著加恩蠲免本年錢糧十分之三該部即遵諭行○又諭此次密雲縣來接兵丁著加恩賞給半月錢糧○又諭前以甘省番回有掌教及總掌教之名恐易惑衆滋事因傳諭各督撫留心查革茲據國泰奏稱東省回民與土著民人比閭而居實屬安靜並無滋事之人亦無掌教及總掌教之名但念經祈福即為惑衆之漸嗣後遇有爭控邪教聚衆念經之案即親

提審辦其田土錢債爭控細故亦令赴地方官控理等語本日又詢據袁守侗奏稱直隸通州滄州天津等處回民較多尚皆安靜惟其傳經之人稱為師父等語回民念經祈福是其習俗相安已久若概行禁止恐地方官奉行不善或致騷擾激成事端若有名無實虛應故事又屬無益何必為此惟其中有借傳經為煽播邪教者則不可不實力嚴查親提審辦至直隸回民念經之人稱為師父雖

亦如師徒俗稱但究不若并其名而去之向來地方官平日於此等事並不留心查察及奉有諭旨又未免辦理過當不能深喻朕意徒滋胥役得錢放免著再傳諭各督撫務須不動聲色留心妥協查辦毋致吏胥人等藉端滋擾及蹈虛文塞責之習○旌表守正被戕湖北南漳縣民申奉均妻聶氏○是日駐蹕南石槽行宮 辛亥諭軍機大臣前經降旨令富綱來京陛見并諭令楊魁即赴福建

署理巡撫事務但計此時楊魁尚未起身著仍留海塘工次候朕另有簡用之處再降諭旨至富綱在福建巡撫任內辦理諸事漸就熟諳朕原欲觀其才具器識是以降旨令其來京陛見今楊魁既仍留浙江工次富綱此時亦竟不必來京如楊魁富綱已遵前旨起程接此旨後即遵照各回本處○又諭據恒瑞等參奏西藏拉里管理糧餉之縣丞高大業短發兵餉虧空庫項錢糧請革職嚴審俟

審明後具奏等語駐藏管理糧餉自應派同知通判等官前往以專責成何僅派一縣丞經理以致尅扣兵餉虧空庫項種種不法皆係此等微末之員不顧顏面所致現在班禪額爾德尼靈塔即日歸藏並有換班駐藏兵丁經過拉里應行各事宜均關緊要著文綬選派明幹妥員速赴該處接管毋得遲誤○又諭曰郝碩奏據蓮花廳同知稟報盤獲遊僧曇亮於行李內查出經卷內有鎮壇大悲

法水一本南泉秘旨一本中有不法字跡據供伊係興國縣覆筭庵僧其經從泰和縣文興庵僧宏量處竊取得來查閱經本有符一道直書御名妄加姓氏并人丁蓋之字樣隨飭查拏各要犯解省審辦訊據曇亮供曾從僧秀峰誦經并向道士曾寬秀學習諸符嗣因白竹庵僧慧定至泰和縣文興庵教宏量念經該犯適赴文興庵討取佈施見慧定宏量俱不在庵即將經本竊取至蓮花廳被獲

旋據吉安府稟拏獲宏量暨伊師慧光又據贛州府稟拏獲慧定搜獲鎮壇大悲法水南泉秘旨便覽訊據慧定供稱二經係故僧續先鈔錄現在飛飭二府將各犯及逆經押解到省嚴行質審從重定擬等語所辦甚好該犯等既已出家為僧乃敢將不法經符輾轉傳習甚至直書御名悖逆已極雖現在供出各犯業據全獲但逆經原本究係何人編造抑係傳有刻本雖據供故僧續先鈔錄其言

不可憑信著傳諭郝碩務將該犯慧定訊究編造首犯并是否刊有別本及從何人鈔出之處務使水落石出其曇亮及各犯等自應一併照例定擬具奏不得顛預了事尋刑部等衙門議奏江西巡撫郝碩奏稱逆經二本係故僧心光編造內有天皇地皇人皇三符以星宿屬天皇以土地屬地皇以人丁屬人皇乾隆四年遊僧明學拜心光為師將經符傳給其時與明學同居者有徒慧定徒姪露

斯述唐徒孫續先明學因經本破爛令續先重鈔。輒逞私臆以人皇即

當今皇帝趙姓為百家首必是

本朝姓氏并令寫入新本嗣續先亦故慧定隨往文興庵教惠光之徒宏量念經將逆經帶往另鈔二本乾隆四十五年十一月覆笥庵僧方品之徒曇亮先向道士曾寬秀學習鎮宅祛邪諸符復聞慧定素通經卷赴文興庵募化起意竊取慧定因尚有續先所鈔底本

亦不尋訪曇亮行至蓮花廳被獲現在覆加審鞠並起出續先所鈔底本覈對相符此外更無刊本流傳查逆經由明學叛議續先聽從書寫慧定另行謄鈔請依大逆律凌遲處死續先仍行開棺戮屍曇亮依知情隱藏律露斯述唐依同居之人皆斬律均斬立決方昂惠光一則混收匪徒一則延致匪僧與宏量從學經卷均依知情不首律杖一百流三千里應如該撫所擬辦理再曾寬秀所傳曇

亮符籙雖無不法字跡究係傳播邪說應照

新例改發雲貴兩廣烟瘴地方充軍到配枷號六個月仍令該撫將明學等犯案緣由通行曉諭俾知儆戒得旨明學慧定俱著即凌遲處死續先著戮屍曇亮著即處斬其應行緣坐之露斯述唐著從寬改為應斬監候秋後處決餘依議○是日駐蹕密雲縣行宮○壬子諭軍機大臣前以戶部議駁文綬題銷商運軍糧腳價滿支滿發與從前各案辦理

兩歧朕亦不能曲為之解因將原摺發交文綬閱看問其有何置辨並諭以如有實在情節亦另行詳悉具奏今據文綬覆奏止稱部議準情酌理並無別項情節所有酌減銀九萬三千七百餘兩遵議照數刪減等語並未將從前何以題銷緣由據實聲明此案該督既稱並無別項情節則從前之浮冒可知設使部議不加詳察率行議准此九萬三千餘兩又將歸於何項抑或竟歸私橐乎而今既

不准開銷。又將令誰賠補該督既不將因何浮開之處據實覆奏。又不自請議處殊屬不合。著傳諭文綬令其明白回奏。諭此次來至口外迎接之熱河兵丁著加恩賞給半月錢糧。○是日駐蹕要亭行宮。癸丑諭熱河行宮內有新增之處著添派兵五十名。是日駐蹕兩間房行宮。甲寅諭曰阿桂奏哲森保因補放三等侍衛謝恩。又於是日勦賊鏖戰中予被傷。仍將所刺之賊放鎗擊斃等語。哲森保實屬可嘉。著加恩賞給法福哩巴圖魯名號。仍由阿桂處賞銀一百兩。又稱羅布藏多爾濟帶去阿拉善三等台吉諾多布打仗奮勇得有鎗傷。亦著加恩陞為頭等台吉。以示鼓勵。又諭此次調赴甘省勦捕逆回之四川屯練降番土兵甚屬勇往出力。著加恩於甘省藩庫內各賞給一月錢糧。以示鼓勵。諭軍機大臣前因甘省收捐監糧其中必有扣收折色多得平餘情弊。曾降旨詢

問阿桂等令其嚴密訪查覆奏。本日據阿桂等奏甘省收捐監糧一摺。內稱甘省監糧向係各州縣分收。而近來則全歸首府辦理。因各州縣貪收折色圖用現銀不計銀數之多寡。糧價之貴賤恐致虧缺漸多。因歸首府經理。再勒爾謹從前奏開捐例時。即係王亶望任甘省藩司。未必不由其慫恿而開例之始。一面奏立規條。一面即公然折色包捐。故王亶望得擁貲而去。衆人多有如此議論等語。甘省收捐監糧原為該省所產米穀稀少。權宜調劑。俾各州縣倉儲充裕。起見。何以勒爾謹奏准開例之始。一面設立規條。一面即公然折色包捐。勒爾謹久任陝甘總督。豈竟毫無見聞。恐其中或另有通同分肥。以入私橐之弊。除王廷贊現今來京。俟伊到時令軍機大臣面行質訊外。著傳諭英廉等就近先行提訊。勒爾謹錄取確實供詞呈覽。毋任絲毫掩飾。又諭前已屢次傳諭阿桂以賊營迄

西一帶山逕叢雜小路甚多尤須留心防範
即或伊勢窮計蹙竟爾自焚自戕必當檢驗
屍身確有憑據方為完事此尤辦理之最要
者馬明心之家屬黨羽自當按名查拏嚴行
辦理其伏羌縣為馬明心斂銀之回民如果查
明屬實亦必須一併嚴辦不可稍事姑息阿桂
李侍堯務須妥協經理以期永靖邊陲○是
日駐蹕常山峪行宮○乙卯諭曰喀寧阿著
賞戴花翎在刑部額外侍郎上行走○是日

駐蹕喀喇河屯行宮○丙辰

上詣熱河

丈廟行禮○諭前據陳輝祖叅奏遊擊李雲
彪因派委巡洋私帶釣船販貨貿易被盜將
兵丁推跌落海淹斃復捏飾情節具報一案
業經降旨將該員革職拏問並將失察之提
督劉鑑交部嚴加議處矣因思此案若由劉
鑑查出知照地方官則其事尚屬因公失察
處分較輕若由地方官獲盜究出實情該提

督知事難掩覆始行叅奏為將來開脫處分
之地則其罪更大隨傳諭陳輝祖令其據實
覆奏茲據陳輝祖奏稱此案因李雲彪諱匿
帶貨捏稱兵丁扮商誘緝被賊砍斃旋獲在
山種地之阿審即誣指為持刀行劫正犯裝
點捏詞具報劉鑑遂信以為實經陳輝祖委
員查辦始行究出實在情節等語是此案由
該督委員查辦並非劉鑑自行究出乃先以
一奏塞責實屬取巧劉鑑著照前旨交部嚴

加議處○至李雲彪身任遊擊乃敢營私牟利
及至事發後又復誣良為盜若非該督查出
實情則無辜平民幾成冤獄正盜轉得漏網
李雲彪情罪甚大著於此案審結時從重定
擬具奏○尋兵部奏提督劉鑑當遊擊李雲彪
私帶釣船出洋時漫無覺察及至該遊擊捏
詞妄報又未能查出實情直待總督委員審
實移會始以一奏塞責實屬有意取巧應將
劉鑑照溺職例革職其已革遊擊李雲彪從

重擬罪之處臣部行知該督遵照辦理從之
○是日駐蹕避暑山莊至八月乙酉皆如之
○丁巳諭軍機大臣前以阿桂覆奏甘肅收
捐監糧係王亶望任藩司時恣惠勒爾謹奏
請開例且一面奏立規條一面即公然折色
包捐故王亶望得擁貲而去衆人多有如此
議論等語因令刑部堂官提訊勒爾謹供稱
我從前奏請復捐監糧時並無折銀之事後
來風聞有折色之處因王亶望說並無其事
遂信為實直至王廷贊向我告訴我纔知道
又恐各州縣折色收捐不肯買糧王廷贊說
不如專交蘭州府承辦大家公議每名定銀
五十五兩并稱此項即從首府分發各州縣
并不解司院裏更不經手等語甘省復准捐
收監糧原為邊地倉儲應行充裕是以准行
今公然以折色包捐且並未奏明殊干例禁
此事既係王亶望任藩司時恣惠辦理而折
色又出伊主意明係伊借此為分肥入橐之

計不可不徹底根究著傳諭楊魁會同陳輝
祖即向王亶望嚴行訊問令其據實供出不
得稍存徇隱如果有通同舞弊情事即將伊
拏交刑部治罪現在海塘工程陳輝祖督辦
頗為妥協並不少王亶望一人也至楊魁前
曾諭令往福建署理巡撫換富綱來京陛見
嗣以福隆安染病或督撫大員內有需更調
之處復經傳諭楊魁暫停前往今福隆安病
已就痊著諭令楊魁於審訊王亶望此案完
竣後仍往福建署理巡撫令富綱來京陛見

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百三十二

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百三十三

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣等謹

總裁官經筵講官太子太傅文華殿大學士文淵閣領侍衛內大臣稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級尋常加二級軍功紀錄五次

尋常紀錄十四次臣等謹將官太子少保工部尚書紀錄六次臣等謹將

敕修

乾隆四十六年辛丑閏五月戊午諭熱河滿

洲兵丁駐防年久所有病故人等骨殖無力
送京埋葬甚屬可憫且各省駐防滿兵俱官
給葬地著加恩於熱河附近官地賞給四十
頃以為埋葬之所著和珅福長安查明具奏
賞給○己未諭據阿桂奏海蘭察舒亮薩炳
阿鄂輝剿賊時各受鎗箭傷深堪嘉憫著各
賞大荷包一對小荷包二對鄂輝被鎗子打
入左腿已經取出實為奮勇著賞給法式尚
阿巴圖魯名號並加賞銀一百兩○又諭據

阿桂奏阿拉善騎都尉渾布薩勦賊奮勉得傷殊可嘉憫著賞戴三品頂戴仍照得傷之例賞給○又諭據阿桂奏稱寧夏協領善德西安佐領和星額帶兵隨海蘭察不避鎗箭奮勇打仗善德和星額請賞戴花翎伊等所帶之寧夏滿兵二十七名西安兵十六名皆奮勇殺賊請交各該將軍係領催前鋒者補放驍騎校係馬甲者坐補領催前鋒等語此二處兵丁著照阿桂所請交各該將軍按次

補放驍騎校坐補領催前鋒外仍著每人賞銀十兩又奏稱善德和星額奮勇打仗而善德年已六旬有餘大腿中箭急行拔出用手帕纏裹仍領兵罵賊前進同大隊撤回實屬可嘉實無愧朕之滿洲也善德著加恩賞給強謙巴圖魯名號副都統銜和星額著賞給佛爾卿額巴圖魯名號並協領銜賞戴花翎仍由阿桂處每人賞銀百兩阿桂奉到此旨曉諭善德和星額令伊等感激朕恩倍加奮

勉又諭據阿桂等奏洮州四品土司楊宗業派令頭目帶領番兵一千餘名至蘭州軍營屢次從征打仗甚屬奮勇出力等語楊宗業著照土司魯璠韓煜之例一體加恩賞給三品頂戴併戴用花翎仍加恩賞大緞二匹以示獎勵諭軍機大臣曰日內盼望捷音甚為懸切及披覽阿桂奏此次進勦又未能即刻擒獲殊增憤懣看來逆匪拚死抗拒頗為兇悍阿桂另摺所云賊勢窮蹙竟不可輕

為此語且此次官兵打仗不可謂不盡力而仍未能一舉殲擒尤須慎重籌畫計出萬全不宜再多傷兵力阿桂所稱嚴密圍困使之無路覓食不戰自亂自應如此辦理至所稱賊人糧草尚係從前搶掠所得朕以為必無此理據前奏賊匪尚有一月糧食今賊匪占據山梁已及三月即和坤回程以來又幾十五日若僅係前此搶掠之糧安能供給如許之久恐仍不免潛出搶劫并或有人為之接

濟朕始終以此為疑。即火藥一項。前據奏。賊人止存二十馱。藏在營內地壕裏。若果如此。則目下亦將用罄。何致尚稱鎗勢甚緊。即賊人箭枝亦應用完。何以尚有受箭傷之人。是阿桂所稱附近匪徒。不敢暗為運送者。亦未必然。惟當加緊防範。不使復有劫掠接濟之事。而迤西一帶。尤宜防其逃竄。并潛通消息為要。○諭曰。四阿哥之女格格著五阿哥福晉撫養。指配阿拉善親王羅布藏多爾濟之

子。旺親班巴爾著交宗人府禮部內務府。理藩院遵照。○兵部議覆兩廣總督覺羅巴延三奏稱。崖州滋事之後。請添兵駐劄防守。應如所奏。准於樂安汛添兵二十七名。樂平汛添兵十一名。抱蘊塘設兵二十名。即在崖州存城兵內抽撥。再樂安汛輪撥左右哨千總一員。外委一員。督帶駐防樂平汛。撥存城外委一員。督帶防守抱蘊塘。改為抱蘊汛。撥隊目一名。督帶駐守聽樂平汛外委專管其樂

平及抱蘊汛均聽駐防之樂安汛管轄。從之。○山東巡撫國泰疏報樂安縣墾復荒地一十二頃一十一畝有奇。○封閉奉天府錦州孔家房身清河嘴蒲草泡燎窑五座。從盛京將軍索諾木策凌請也。○旌表守正捐軀河南滎陽縣民李大敷妻徐氏。○庚申諭熱河自恭建

文廟以來。朕每年至山莊之日。必即展誠祇謁。用志景行。嗣後仲秋丁祭。著照在京

文廟之例。派扈從大學士一員。前往行禮。以襄大典。○又諭此次屯練土遊擊木塔爾。打仗受傷。頗屬奮勉。出力著加恩賞給銀五十兩。以示獎勵。○諭軍機大臣。據刑部奏鑲白旗滿洲已故佐領烏明阿之妻那拉氏。因在家吵鬧。伊姑李氏說他不是。那拉氏即拏磁碗打傷李氏額顱左邊二處。併將右耳輪咬破。訊據李氏及伊弟達冲阿僕婦王百歲兒等供俱相符。惟那拉氏堅不承認。因係職官

命婦相應奏明。以便嚴訊等語。媳毆親姑。大千倫紀。既已供證明確。自應即將那拉氏嚴行審訊。按律定擬具奏。乃該部拘泥職官命婦之條。復待奏請。始行審辦。不計事理輕重。實大不是。刑部堂官著傳旨嚴行申飭。此案著即迅速審明辦理。○又諭。昨據阿桂奏。此次官兵打仗出力。而勒洗尚未歲事。朕心實為廕念。阿桂摺內亦稱甚屬焦急。但此事現止阿桂一人督辦。非如征勒兩金川尚有叅

贊之人。務須持以鎮靜。方可悉心籌辦。不可過於焦急。至李侍堯與阿桂係同辦一事。尤須善為勸慰。諸事盡心贊助。以期妥協。不可以軍旅地方之事。稍存歧視。再海蘭察舒亮薩炳阿鄂輝等。此次打仗奮勇。受有鎗箭傷。昨已俱加恩賞。阿桂尤須加意撫慰。其帶兵員弁及滿漢官兵出力受傷者。已俱酌量加恩。此際自宜稍令休息。不可過於督責。即川省屯練等。跋涉遠來。臨陣時又能奮勇出力。

昨已加恩賞給一月錢糧。所有此次打仗受傷者。均須一體加以拊循。使之感奮用命。至此時辦理關鍵。總在各路堵截。斷賊口糧。不使搶掠供食。而防守嚴密。勿令乘間竄逸。尤為最要之事。現在已屆麥熟之期。昨阿桂奏賊人必思就近割取。朕意逆匪如果出卡割搶。即可乘勢勒殺。至民間新麥或竟官為買取刈割。使不為賊人所得。其應如何酌辦之處。著阿桂李侍堯妥酌籌辦。務令賊匪坐困

乏食。即可不戰自斃。再聞賊人夜間並無防範。若令海蘭察等帶領屯練降番等。銜枚前進。潛刦賊營。可以使其擾亂。著即酌量辦理。至朕於甘肅百姓。每歲發帑養贍。恩施優渥。而此等番回。平日既無差科。又非若金川必欲取之以絕後患者。可比何致作逆。若此揆之天理人情。實出意計之外。或者向來地方官有所擾累。若輩乎。不然。何以致此也。昨得奏後。終夜反覆思之。實為憤懣。想阿桂亦同

深痛恨。惟期妥協速行籌畫。早為歲事以慰懸望。○軍機大臣奏。先經臣等議駁。調任烏什叅贊大臣申保奏請。伊犁改用普爾錢。文令將烏什所鑄普爾銅觔。解往伊犁能否改鑄清錢之處。查奏。茲據新任叅贊大臣綽克托奏稱。烏什歲獲銅觔。悉籌普爾。尚不敷用。若停鑪不鑄。將銅運往伊犁。必至錢缺價昂。官民不便。且普爾以一當十。每百值銀一兩。若改鑄清錢。需八百文作銀一兩。亦覺糜費。

應如所奏。烏什普爾錢。文照舊鑄造。毋庸將銅運往伊犁改鑄。從之。○辛酉諭據廣西按察使富躬奏。審擬北流縣民陳正仁調戲唐惠志之妻陳氏。賄和後。因被村童耻笑。追悔抱忿。夫婦先後服毒身死。經部駁改。仍照府州縣原審問擬。自請議處一摺。此案原審州縣及委審各官。俱定擬絞候。該司以唐陳氏之死。事隔一月。追悔輕生。本夫唐惠志亦以得錢私和。畏罪自盡。是唐陳氏彼時原無慙

憤輕生之心。與尋常羞忿自盡者有間。改依威逼例擬軍辦理。本屬有因。並非故為開脫。至向來地方官規避處分。一經邀免。便思置身局外。今富躬以此案係自行改擬。不肯諉過於下。請交部嚴加議處。尚有體面。至刑部議駁罪名。仍照承審府州縣各官原擬。乃因案關二命。並非為調姦致死起見。所辦亦無錯誤。所有辦理此案之臬司富躬及原擬各官。俱著從寬免其交部。從前此等案件。凡遇

手足勾引。致本婦自盡者。俱按例問擬情實。秋審時予勾。其僅止語言調戲者。雖按例定擬。俱從寬免勾。此朕準情酌理。期於勿縱勿枉之意。今此案雖致死二命。但究係和息一月之後。若亦定擬絞候。情殊可憫。如竟照該司改擬充軍。則又係致死二命。未免稍失之寬。陳正仁著改發烏魯木齊充當苦差。如此折中辦理。庶情法均得其平。嗣後遇有此等案件。著即照此問擬。著為令。○又諭西寧自

任長蘆鹽政以來辦理一切事務尚無貽誤但念其年老莅任已久著來京署理武備院卿所有巡視長蘆鹽政著伊齡阿去。壬戌旌表守正捐軀直隸清苑縣民許驢兒妻范氏湖北漢陽縣民楊名元妻戴氏山西天鎮縣民王孝妻相氏乙丑諭此次官兵攻得賊匪大卡及所占廟宇相距賊營甚近彼已無險可守且黃河南北岸邊亦俱有官兵接連密布不致有乘間竄逸之處至逆賊如此

猖獗我領兵大員官兵等為所傷折不少必得生擒首逆及其黨惡要犯盡法處治方足以彰國法而儆尤頑第恐賊匪自知無路可逃竟為自焚自戕之計此雖亦足以完事然究不如生擒之為更快想阿桂自必設法妥協辦理○又諭曰阿桂等此次派兵攻卡殺賊調度有方阿桂李侍堯著賞給大荷包一對小荷包二對額森特明亮哈當阿進勦受傷仍帶兵轉戰殊為奮勇著各賞大荷包一

對小荷包二對海蘭察相地進攻甚屬可嘉另賞給玉韞一枚以示優獎○又諭曰阿拉善佐領根丕爾勦賊陣亡深為可憫著加恩照京城佐領之例賞給雲騎尉令伊子承襲仍照例賞銀四百兩其托倫保是否即係由京發往之託羅木根著阿桂查明奏到另行加恩其餘受傷之官員兵丁等並著查明照例卹賞吏部議覆太常寺奏稱

天

地

社稷三壇五品官各一員均有董率各官典守門庫之責新補人員未能諳習請仍照舊例於六品官內揀補其

太廟五品官八缺以現在行走六品官與京察休致人員輪流間用應如所請從之○調福建陸路提督俞金鰲來京以漳州鎮總兵孫猛署理旌表守正被戕江蘇睢寧縣民沈克亮妻張氏江西臨川縣民朱錫三妻饒氏

守正捐軀江蘇東臺縣民單惟公女單氏
戊辰禮部議准兩廣總督覺羅巴延三奏稱
崖州黎匪滋事樂安巡檢黃彬被傷身死照
例加贈正八品銜蔭一子入監弓役周勇吳
亞三二名各賞銀二十五兩從之廣西巡
撫姚成烈疏報小鎮安通判暨天保奉議三
廳州縣開墾水田六頃三十三畝有奇又下
則田一百三十八垺有奇豁除甘肅永濟
渠等處垺地額徵糧草封閉奉天府錦州

毛祁屯煤窑從盛京將軍索諾木策凌請也
○己巳諭軍機大臣閱阿桂所奏現在安設
木城營卡剗挖深壕使賊不能下至黃河取
水其水磨溝之水業已旁洩斷流所奏自是
正辦覽之亦為慰藉第惜籌之不早耳至現
在續令軍機大臣審訊逆犯馬復才據供八
蜡廟內樓房九間上下多是糧草并墳園內
有屋六間俱堆糧食等語恐賊人儲蓄尚復
不少若我兵竟待其食盡坐斃則曠日持久

亦復不成事體因思賊營樓房本高且樓屋
皆係木植構成易於引火何不於夜間令沿
河防卡官兵以火箭火彈等向準拋射將所
蓄口食盡行燒燬則於勦捕更速著傳諭阿
桂令其妥酌辦理○庚午諭軍機大臣現在
官兵四面圍困賊自不能復得援應但閱圖
內東西北三面俱係陡塹而北面又逼臨黃
河其勢俱難仰攻官兵自止能從南面進勦
因思該處賊人所挖溝壕二道雖屬寬深然

或令官兵等填壕而進賊人必出而抗拒我
兵即可乘勢用鎗箭勦殺似亦辦理之一法
至賊人所貯樓房之糧草昨已諭令阿桂派
兵用火箭火彈拋射焚燒即使相離尚遠非
火彈所能到而火箭自不難射及阿桂務須
設法籌辦使之潰亂毋為曠日持久待其食
盡坐斃之計○辛未諭軍機大臣前經降旨
令阿桂等於籌辦善後事宜案內將陝甘二
省應添兵數若干妥議具奏因諭軍機大臣

將陝甘二省原額兵數若干現存兵若干交部詳查今據查奏陝甘二省兵丁除節年移駐新疆屯防並扣缺不補外現存兵五萬二千四百五十四名較原額少兵三萬一千九百二十名等語自新疆一帶盡入版圖拓地二萬餘里兵儲經費自應加增今該二省內地兵數既較原額減少三萬有餘自應量為添設但不必竟照原額添補朕意的添兵一萬餘名亦足敷用至兵丁有馬步守三項之分各省成例大約以馬三步七為率朕意馬兵一項自較步守為優遇有調遣亦可得力今既酌為添設不如竟將馬兵的添六七十名即所需兵餉較多而為捍衛邊陲起見正不必斤斤小費著傳諭阿桂李侍堯於籌議善後時確覈此二省地方營制情形將某處應添兵若干及馬步守三項應如何酌量分添之處逐一妥議具奏其陝西一省並著會同畢沅辦理至現在所少兵三萬一千餘名

查係歷年移駐新疆屯防及扣存不補之缺但新疆一帶未必駐兵有三萬餘名之多著傳諭阿桂等將新疆一帶實在移駐屯防兵若干此外扣存未補兵額若干及如何扣存不補之處逐一詳悉查明覆奏再陝甘二省從前原係一省是以該部于原額兵冊不能按省分開載但現存兵數既尚有五萬二千餘名即甘肅所駐較西安為多亦未必大相懸絕何以畢沅前奏陝省此時兵力合計不過萬餘若陝省兵數實止如此則甘省存兵計尚有四萬餘名何致逆匪起事時又無兵可調其詳總不能深晰著傳諭阿桂李侍堯詳確查明覆奏○旌表守正捐軀江西德化縣民吳瑞瑚妻凌氏山東寧海州民于齊妻李氏河南鹿邑縣民韓添福女韓氏○是月江南河道總督李奉翰奏邳睢廳黃河南岸陳家莊溜勢南趨刷去外灘塌至隄根督令上緊搶護築成新埽八十餘丈嗣因工頭溜

勢仍復上提。灘厓接續潰塌。又令趨做挑水大壩口。以分溜勢。上首趕紮木筏二架。以資攔禦。旬日以來。又成埽工三十餘丈。大溜漸次開行。工程已臻平穩。目下大雨時行。山泉長發。運黃諸河水勢漸長。飛飭聽營員弁分住工所。晝夜巡防。不使稍有疏懈。得旨覽奏。稍慰一切敬謹。實力留心。○河東河道總督韓鐸奏。月來陰雨頻仍。運河水勢加長。彭口山河二處。挾沙較多。停淤三十丈。當即飭令

上緊挑濬。現已撈出中泓。而大泛口水勢尚復平漫。開背並令酌啟板塊。量開月河疎洩。水勢再蜀山南旺馬場各湖。雖經節次啟放。而所存之水較上年有盈無絀。入伏後設遇驟漲。各閘即應啟板通消。誠恐閘外汶弱不能敵衛。易致倒漾留淤。自須一面將軌板二閘互相啟閉。助汶敵衛。一面於上游多下柳林閘板。遏汶北注。全力攻河。臨塘自免淤墊。至微山湖。現將新舊兩閘。啟板暢放。騰空湖

面。將來曹單金鄉魚臺等處及各湖有餘之水。匯注該湖。水勢加大。並令酌開伊家河等處土壩。以資宣洩。而護民田。得旨。好一切留心。可嘉。○西藏辦事大臣恒瑞保奏。拉里支領內地錢糧官項。及放給兵丁餉銀。並一切動用銀兩數目。請照西藏辦理糧餉官員之例。造具清冊。一面具報內地。一面具報駐藏大臣。派員查覈。得旨。自應如是。知道了。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百三十三

大清高宗法天隆運至誠先覺體元立極敷文奮武孝慈神聖純皇帝實錄卷之一千一百三十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉中書右副都統等加一級尋常加二級軍功紀錄一次臣等謹

總裁官經筵講官太子太傅大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣等謹將內大臣戶部尚書鑲黃旗滿洲都統軍功紀錄五次

尋常紀錄十四次臣等謹將經筵講官太子少保工部尚書紀錄六次臣等謹將等奉

敕修

乾隆四十六年辛丑六月壬申朔諭軍機大

臣本日熱河雨勢又甚綿密現未停止未知京師內雨水若何不致過多否著傳諭詢問留京辦事王大臣如現在亦多陰雨即派令回子等祈晴○癸酉諭軍機大臣前據薩載奏交閏五月以來安徽江蘇各府州屬高阜山鄉田地尚需雨澤接濟正擬設壇祈禱即於初八九日甘霖大沛頗極優渥等語又據閩鶚元奏江蘇各府州屬於閏五月初二三日各得雨澤等語農民播種栽插全賴雨澤

應時朕臨御四十餘年無日不以敬

天勤民為念於各省雨水情形時刻盼注如當

望雨方殷之日該督撫自應一面上緊設壇

祈請一面具摺奏聞朕亦得虔申默禱乃薩

載閩鶚元必俟雨澤既渥查明四鄉普徧始

行具奏而於地方畧有望雨情形並未豫先

專摺奏聞豈全不仰體朕宵旰憂勤之意耶

薩載閩鶚元著傳旨申飭至鹽政織造於雨

水情形自當隨時奏報且於督撫亦無所用

其瞻顧迴護乃圖明阿止於得雨後一奏塞

責而全德並未入告竟似漠不關心者並著

傳旨申飭○又諭甘肅省向來俱以被旱須

賑為言幾於年年如此昨和坤一入甘境即

遇陰雨今阿桂摺內又稱二十二日得有密

雨四時可見該省亦並非竟少雨澤人言俱

未足信著傳諭阿桂李侍堯確切訪察向年

雨水情形據實覆奏阿桂本係欽差重臣即

李侍堯亦初任甘省總督無所用其迴護想

自能秉公直陳也。○甲戌諭。據李奉翰奏。開放沈家窩引河溜勢暢達一摺。內稱查勘壩外黃水高於壩內新挑河底一丈一尺。溜勢直注已成吸川之勢。因即立時開放。大溜直趨新河。南岸日見塌崖。形勢極為暢順等語。所辦甚好。至閱進到圖內南岸御橋亭之西。現在塌崖該處距挑水壩西邊木龍不遠。恐漸塌漸近。未免於木龍有礙。自宜設法小心保護。為要。因於圖內用硃筆點記。至北岸舊

有灘嘴處。所現在已將嫩淤刷去。灘嘴亦漸次塌動。此是極好形勢。因亦於圖內圈記。再閱挑水壩東邊木龍之下。雖有舊隄兩道。今若從東邊木龍接至順黃壩一帶沿河再添築新隄一道。則河流更直。似不慮其復逼舊隄。因亦於圖內用硃筆尖記兩頭。但是否應如此辦理。阿桂今稱在南河上下履勘其情形。自必熟悉。除將硃筆標識原圖照樣另繪硃批李奉翰摺鈔寄阿桂。令其審酌具奏外。

並著將原圖發交薩載會同李奉翰詳悉履勘。妥酌具奏。昨有御製詩書扇。寄賜薩載。並著隨旨發往。○調直隸提督長清。為浙江提督。以天津鎮總兵剛塔。為直隸提督。調泰寧鎮總兵寶琳。為天津鎮總兵。原任甘肅西寧鎮總兵黃大謀。為泰寧鎮總兵。以甘肅洮岷協副將策卜坦。為陝西延綏鎮總兵。○豁除甘肅省寧朔縣楊信豐盈蔣頂三堡。中衛縣廣武渠口棗園張義石空宣和恩和七堡沙

壓地畝額徵銀糧草束。○旌表守正捐軀四川綿州民陳國遠妻青氏。○乙亥諭。向來各省提鎮以下至將弁等。俱有分扣兵丁名糧。作為得項者。此固舊例。如此且武職衙門。非如文員之定有養廉。是以即將此項為公用。養贍之資。但此例定自何年。或係雍正年間議定。文職養廉時一體酌給。其每員應得若干。係何名目。各省是否一例。按照地方情形。品級大小。酌定數目多寡。又或各省參差不

同著交各該部將定例年月及現在款項數目分晰查明開單具奏至此事因仍已久恐又有於定數之外私自剋扣增添者若每員任內私扣一名後任積漸加增侵扣無所底止督撫姑息不加查察久之即為虛額空糧之弊尤不可不徹底清查著通諭各督撫將各省提鎮以下武職現在分扣名糧實數及有無私添之處查明據實具奏此事既久朕概從寬不究若稍有隱匿或致別經查出惟該督撫是問○丙子予故哈薩克汗阿布賚祭如例○丁丑勅諭哈薩克瓦利蘇勒坦據駐塔爾巴哈台大臣奏爾父阿布賚病故朕聞之不勝軫惜爾前來京瞻覲已受朕恩且係爾父長子素能約束屬下朕所深知除遣大臣賞奠爾父外著加恩承襲爾父汗爵朕君臨天下一日萬幾爾前入覲時亦已親見當感念朕恩將所屬哈薩克加意約束友愛兄弟輯睦隣境勿滋事釁勿隱逃人尚謹遵

此旨篤誠奮勉以期永受朕恩隨賞大緞四端○諭曰文綬覆奏戶部議駁商運軍糧腳價滿支滿發一案先經部臣奏駁時朕恐有實在情節不能拘於部例因傳諭文綬令其據實覆奏彼時伊若果有難於覈減情形原可據實聲敘明確朕於川省無著軍需數百萬兩皆特恩寬免何有於此九萬餘兩但事關錢糧必期覈實乃文綬前此止以遵旨駁減並無別項情節為言是業已自認浮開因又批交部議按數著賠照例議處並飭將令誰賠補又因何浮開之處明白回奏今該督詞氣之間似竟係實用實銷因屢經登覆不值瑣陳既奉部駁即行遵減所謂不辨之辨意若抱屈朕從不肯屈人亦不聽人巧辨豈可一任含糊轉致令伊心存被屈乎此摺已批交軍機大臣會同該部另查但現在軍機大臣除福隆安外皆係戶部堂官若交令會查恐又不免迴護前奏朕亦不肯因思此事

本係軍需舊事。非急需覈辦者。著俟阿桂回京時。令其會同秉公查奏。另降諭旨。○旌表守正捐軀四川大邑縣民羅見極女羅氏。○戊寅諭軍機大臣本日據伊齡阿奏報接印任事日期一摺。內有務期鹽鹺環轉。關課豐盈之語。此次更換長蘆鹽政。因西寧年力就衰。是以令伊齡阿前往。其實西寧在任時。辦理原無貽誤之處。並非欲關稅增加。另用伊齡阿也。該鹽政到任後。祇須查明章程。妥協

經理。尤在體恤商力。使得轉輸自如。或西寧任內。有一切辦理未妥。自當籌畫調劑。但不可先存一關課充餘之見。若專以多取見好為是。又復如前高興。以致苦累衆商。是又不能承受朕恩矣。著傳諭伊齡阿諸事務須恪遵訓諭。愛惜商力。以期無負委任。○已卯諭據富綱奏審擬范宜恒。王若常等鎮府互揭一案。內稱范宜恒因兵丁被誣。輒聽猜疑之詞。以同謀陷害。咨揭知府。而該府王若常既

自信無過。乃以弁兵擁阻大堂。把守儀門等情。捏詞續稟。均失專閫方面大員之體。請一併交部嚴加議處等語。所辦未為平允。此案該府王若常本有偏徇教官林肇煌疑心。兵丁竊衣情事。後復以范宜恒遣令弁丁擁阻把守。捏詞誣稟。其過大。至范宜恒聞知教官稟府。即將兵丁送審。並無成見。且審無遣令擁阻府署等事。其過輕。乃該撫奏請一併嚴加議處。欲令文武兩敗俱傷。而實有護庇文

員之意。非得其平也。外省督撫調停之見。往往如此。朕於諸臣功過。一秉至公。從不肯存畸重畸輕之見。此案鎮府先後情節。輕重較然。王若常著照該撫所請。交部嚴加議處。范宜恒著從寬改為交部察議。○諭軍機大臣據陳輝祖奏。安插歸化生番情形一摺。內稱鳳山縣山猪毛社生番直理產等四十一戶。因該社頭人率臘。招塔里吉老掌管社務。於該番收穫米石。十分中抽分二斗之外。又欲

多抽二斗致直里產等不堪虐索攜帶男婦老幼一百九名口來投現酌定在鳳山縣離城六十里之塔樓武洛二社埔地分給該番等耕種并各捐置舍蔡給與棲止等語此等歸化番民在臺灣邊地耕種原設有頭人管束與未歸化之生番不同其管下番民有投赴內地者地方官本不應收留即如蒙古各扎薩克屬下人等若有背其本主投入內地自未便容留安頓即哈薩克諸部落人衆各有本主如有投誠歸附者朕亦不肯令其棄主來歸也今直里產等既據該督奏稱該番等業經雞髮更衣樵採度日且已給與地畝蔡舍安居自不必再行遣回亦不慮其復行滋事著傳諭陳輝祖嚴飭地方文武員弁曉諭該番等令其各安耕牧外至嗣後沿邊番衆其果係非歸化之番所屬者收留自屬無妨如有似此率衆投入內地者係歸化之番所屬則與國家統馭體制大有關係切不可

率行收留安插當即奏明請旨辦理○又諭曰阿奇木伯克素勒坦和卓効力有年今聞其病故朕甚憫惻著加恩賞給銀二百兩仍遇便令伊子邁瑪砥散入於年班送來引見○欽差大學士公阿桂陝甘總督李侍堯奏現將逆回賊營四面圍困斷絕水道賊於夜間輒敢從直礪繩下水磨溝及華林寺後身刨挖從前有泉處用皮渾屯盜水據脫回之老教供稱賊營斷水已三五日畧有接濟並無餘存因派滿漢奮勇官兵由中路進撲屯練降番由華林山東攀礪上撲老教土兵由華林寺西覓路上攻賊匪尚於溝內放鎗抵禦拚命死守並將舊井及有泉處所加填堅實多派屯練及阿拉善兵在左邊埋伏以備相機進剿再賊匪兩次盜水諸處營卡係提督仁和及總兵羅江麟所管殊屬疎玩已嚴行申飭將該二員存記以觀後效如有疎虞一併嚴叅治罪得旨賊人當此窮蹙垂斃之

時尚皆負隅死守實是奇事。出於情理之外。今官兵四面圍攻。又將其盜水處所填築土石。加兵防範。賊匪自必益加疲困。旦晚即可全就擒捕。至脫回之老教。即係順從新教。同惡相濟之人。此時或暫留軍營。不即正法。以為招致賊夥之計。尚可。但其從賊為逆。已經數月。隨賊打仗。傷我官兵。實屬罪無可赦。伊等果係舊教。何不早行竄出。直至目下。知賊勢窮迫。萬無希倖。始復脫回。托名老教。以圖

寬免。自斷不可復留。阿桂等於勦辦正賊後。即將此等情節。明示衆人。將臨近脫回之老教。概行按律正法。毋少姑息。至賊人下溝盜水。雖旋經知覺。但已被刨挖得水。用皮渾屯裝取。實屬疎於防範。在羅江鱗。係他省總兵。到甘効力。或可諉之。呼應不靈。至仁和係本省提督。所派弁兵。皆其管轄。何致玩忽。若此仁和之不是。更大著。阿桂於事畢時。即嚴行參奏。○庚辰諭軍機大臣。昨初七日夜間熱

河又復陰雨。至今尚未停止。且雲自東南而起。其勢甚濃。恐京師雨水亦大。著傳諭留京王大臣。如現未晴霽。即派回子祈晴。並將現在雨勢情形。隨報覆奏。○又諭據李奉翰奏。邳睢黃河南岸。魏家莊大隄。因水勢盛長。全河大溜南趨。汹涌異常。自閏五月二十七日。外灘先行塌去。直刷隄身上。緊搶護。隨搶隨塌。溜勢日盛。水高隄頂。人力難施。於六月初一日未時。該處隄工漫溢。過水約長十餘丈。

現飭道將。先將漫口兩頭裹護。即馳赴該工查明實在情形。并飛咨薩載星速來工會同籌辦。剋期堵築。并自請交部嚴加治罪等語。此處漫溢情形。既據奏稱水長溜大。人力難施。該總河所請交部治罪之處。轉可從緩。惟在督率文武員弁相機籌辦。上緊堵築。俟合龍後。再行覈定功過。至現在該處大溜。是否尚走正河。漫口分掣大溜幾分。並著薩載李奉翰。迅即繪圖貼說。由驛馳奏。以慰廑念。再

江、豫二省黃河自乾隆四十二年開陶莊引河以來連歲衝溢在豫省沙土鬆浮或尚易於衝刷至江南土性堅實何以上年郭家渡甫經漫決此次又有魏家莊之事況上年春間命阿桂在南河會勘展寬陶莊新河四十丈今春又今在彼會勘因九里崗一帶河中崗沙橫亘復於北岸挑挖引河一千餘丈南岸又將沈家窰河身展寬三十丈近日復據李奉翰奏開放沈家窰引河溜勢甚暢朕心方為慰藉何以此次忽又有漫溢之奏況現在清黃交匯處所離清口較遠清口得以暢出海口又復深通何以轉致如此且從前並非每歲必有水患而自開放陶莊新河以來轉年年不免漫溢朕於此實不能無疑著阿桂薩載李奉翰將南河實在情形是否或因陶莊開放引河致有紆迴格礙之處詳晰講求審度據實具奏此朕因河防緊要虛心諮訪阿桂薩載等諒亦必確按實情入告不肯

稍存迴護也至現在正屆伏汛北方雨水較多其豫東二省河防在在俱關緊要並著傳諭韓鐸富勒渾督率員弁實力防護毋稍疎虞○諭曰額森特從前征勦金川甚屬出力朕是以加恩賞給世襲一等男此次進勦撒拉爾又復奮不顧身致被鎗傷深為可嘉著加恩晉封世襲三等子仍兼在本身○戶部議准江西巡撫郝碩疏稱寧都州監生楊宗勝捐建倉廩積貯社穀一千石照例給與議敘從之○以廣西思恩府羅定司土巡檢徐爾梅子徐尚文襲職○辛巳諭軍機大臣連日陰雨綿延濃雲密布看來雨勢頗廣未識保定一帶雨水若何於民田有無妨礙朕心深為廕念再前據袁守侗奏俟入中伏後即赴永定河防汛現在永定河水勢甚屬平順等語但際此伏雨水勢未免增長想此時袁守侗計已起程赴工防汛著傳諭該督即將永定河近日形勢若何及各屬有無雨水過

多之處迅速奏聞。以慰懸注。尋奏。臣一面飭查各屬。一面於防汛途次。察看早禾高粱。俱已吐穗。暢茂窪地。偶見積水。現已晴霽。即可期消涸。至永定河水勢。間有消長。並無盛漲。兩岸隄工。在在穩固。得旨。覽奏稍慰。○又諭。昨王廷贊來至熱河。因令軍機大臣會同行。在大學士九卿傳旨。以私放馬明心。子壻及守城獨自居功二條。俱從寬不究。惟監糧私收折色一事。令其據實陳明。據王廷贊供。

到任後。原不許折色。因無人報捐。只得仍如此辦。又恐各州縣有短價勒買糧石之事。是以定數五十五兩。甘省糧價較賤。足敷定額。又因捐生多在省城。改歸首府收捐。仍將銀兩發給各州縣。買補還倉。按季申報。並有道府加結等語。所供殊不足信。甘肅收納監糧。原為倉儲賑濟起見。自應收本色糧石。何得公然定數。私收折色。且從無一字奏聞。若云甘省糧賤。五十五兩已符定額。足敷採買。則該

處收成。自必豐稔。何以每年又俱需災賑。如災賑屬實。糧價必昂。則五十五兩之數。又斷不敷採買。二者均不可解。可見所供盡屬支離。其中恐有竟不買補。虛開賑濟冒銷情弊。且捐監一事。自應聽本生自行平買。交納糧石。何以必欲官為收銀。并交首府總辦。明係官則折收於前。又復冒銷於後。兩邊俱得便宜。而百姓仍從中受累。此事情弊甚大。不可不徹底清查。此時惟阿桂、李侍堯為中外最能辦事之人。且於此事又從未經手。毫無迴護。著傳諭伊二人。即將此案實在情形。詳悉查明。據實具奏。并嚴查有無弊竇。將此等情節。四面較勘。無難水落石出。不可稍涉顛預。致他日復滋流弊。但恐如此徹底一辦。合省地方官。皆為有罪之人。伊等合成一氣。察弊殊非容易。然此事終不可不辦。想伊二人斷不肯為他人擔此干係也。○壬午。諭軍機大臣。據阿桂等奏。於賊營南。斃立木柵。又接葉

礮臺一摺所辦甚是。現在賊匪日益窮蹙，不難計日待斃。自不值傷我官兵。朕雖日夜焦急盼望成功，亦不得不耐心以待。況官兵四面圍攻，布置嚴密，自不虞賊衆復有竄逸。及外來賊匪接應之事，至南關外，逆回蕭德福既經訪明，拏獲監禁。著派妥幹員弁解至熱河審辦。沿途務令小心防範，毋致少有疎虞。盛京將軍索諾木策凌疏請修造鹵簿樂器儀仗，得旨：此項樂器儀仗，若令該將軍派員送交工部將來造成，仍須送回，未免徒勞往返。著即派冠軍使盛保司庫五達子馳驛前往，詳細查看，再行修造。癸未諭軍機大臣：本日據留京辦事王大臣奏，京師初七日戌刻陰雨起，斷續相間，至初九日雨意漸停，而雲氣濃厚，尚未開霽。因派員帶領回子敬謹祈晴等語。是京師雨勢與此間相同。昨初十日午後，熱河即經開霽。今日已得大晴。未審京師是否同時晴朗。於民房有無坍塌。

大田是否無礙之處，著傳諭留京辦事王大臣順天府尹即行查明，據實覆奏。吏部議覆刑部尚書德福奏稱：太常寺贊禮讀祝等官不敷供值，請於引見未放人員內揀選八員作為委署贊禮讀祝官。同額缺人員一體行走。應如所請。其食餉補缺，照該寺學習人員例辦理。從之。甲申諭軍機大臣：昨據阿桂等奏到，圖內賊匪所占之華林山並龍尾山緊接蘭州西南一帶關廂。該處商賈湊集，最為殷富。而蘭州省城本小，轉在山下，殊於形勢未協。朕意欲將西面城垣展寬，至此山梁，俾西關一帶民居及現在賊營占據之處一半包入城內。如此跨山臨水，既足以壯觀瞻，並可以資控制。至河北金城關逼近黃河渡橋形勢亦關緊要。將來添設兵丁時亦應於該處多添兵丁，令將領大員駐劄，似更足資彈壓。且大河南北聲勢聯絡於巡緝防守等事，尤為有益。著傳諭阿桂、李侍堯將此二

事入於善後事宜案內一併妥議具奏○又諭據陳輝祖奏查訊王亶望在甘肅藩司任內私收監糧折色一事既據王亶望供稱風聞有折色之事當經責成道府查禁結報且意在捐多穀多以致一任通融辦理等語彼時道府係屬何人如何假捏結報王亶望何以並不據實供明著傳諭陳輝祖再行審訊王亶望將彼時道府何人如何私收捏報各情弊令其逐一供明覆奏并傳諭阿桂李侍堯亦即將王亶望在甘肅時結報監糧各道府查案具奏至捐收監糧原為倉儲起見今既稱私收折色仍行買補穀石還倉且以捐多穀多為能事是該省之糧石充足可知何以每年又須賑卹即云各府豐歉不齊譬如河西各屬被災或致穀少則河東各屬豐收地方百姓自將糧石赴糶欲得貴價此亦流通便民之事百姓亦自知也何必輟轉經手官吏收買致令短價勒買官得便宜而民仍受派累

此事理之顯然者且即欲收捐亦當聽本生自行交納本色或者捐監之人不致抑勒百姓百姓仍得貴價也何須官為包攬以致弊竇百出朕於監糧一事本為甘省地瘠民貧每歲不惜百十萬賑濟以惠養窮黎若以惠民之事而轉為累民之舉徒令不肖官員借端肥橐所關甚大況此事不發則已今既經發覺自應根求到底令其水落石出此事積弊已久通省大小官員無不染指有罪但亦斷不能因罰不及衆輒以人多不辨為詞即從前之結報各道府此時已經陞調人員亦屬無幾無難治罪況中外人材不乏斷無少此數人便不能辦事之理此而不嚴行查辦將何事不可為也著傳諭阿桂李侍堯將此事如何舞弊分肥如何冒銷勒買各情弊並向來朦混出結之道府嚴切根究據實指名叅奏倘阿桂等此次稍存瞻徇代為擔承將來別經敗露伊二人其何以對朕耶予故

喀爾喀多羅郡王齊旺多爾濟。回部郡王品級貝勒霍集斯。祭如例。乙酉。諭軍機大臣。據留京辦事王大臣。及順天府尹等奏。稱京師雨勢。於初十日未刻。漸已停止。十一日。並見晴明。積水隨時消落。禾稼並無損礙等語。其民房有無坍塌之處。未據奏及。著再傳諭留京辦事王大臣。及順天府尹等。即將民房有無坍塌情形。比舊歲如何。詳悉查明。據實覆奏。尋奏。本年入夏以來。雨水雖多。與舊歲

情形不同。民人房屋坍塌甚少。報聞。丙戌。諭軍機大臣。據韓鐸奏。赴豫防汛。經過窪地。已多積水。閏五月二十四。五。六。等日。東省又復大雨。汶河。續長水三尺餘寸。泗河。長水五尺餘寸。府河。長水四尺餘寸。現將獨山等湖。斗門。開壩。俱行啟放。至東省之濟寧。金鄉。單縣。及河南之虞城。商邱。地方。窪地間有積水。六月初一日。天氣晴爽。亦易消退等語。看來東省前月下旬。雨水較大。低窪地畝。不無被

淹。何以未見國奏。奏報。著傳諭該撫。迅速查明各屬田禾。有無妨礙之處。即行據實覆奏。其河南虞城一帶。低地亦有積水。並著富勒渾。速即確查具奏。尋山東巡撫國泰奏。查得東昌府臨清州各屬。被水地畝。多在濱臨運衛兩河窪下之處。今幸漳衛等河。尚未漲發。而運河減洩之徒。駭馬頰四女寺。哨馬營各支河。春間一律疏濬。深通。水有去路。疏消較易。惟曹州府屬之曹。單。城。武。定。陶。鉅。野。五縣。暨濟寧。嘉祥。金鄉。魚臺。四州縣。一帶。窪地被浸。全賴下游之南陽。昭陽。獨山。微山。等湖容納。本年湖水本旺。自閏五月中旬以來。雨水復多。以致洩水入湖。各河均滙歸於魚臺之新開河。濟寧之牛頭河。下壅上溢。現雖將微山湖之湖口。伊家兩壩全開。而所洩不敵所受。惟有開放江南銅山縣。蔭家壩。庶可下達暢消。已飛咨江南。河東各河臣。酌籌辦理。得旨。覽奏俱悉。此應速辦。往返咨商。安能救急。何

不改外省習氣也。河南巡撫富勒渾奏。豫省
歸德。陳州。二府屬之商邱。夏邑。沈邱。項城。等
州縣。近河窪地。因夏雨過驟。宣洩不及。田間
不無積水。業已飭司委勘。疏消補種。續據開
封府屬之尉氏。儀封。蘭陽。歸德府屬之睢州。
考城。陳州府屬之淮寧。西華。商水。太華。扶溝。
等州縣。報稱。本月初旬。連降大雨。窪地多有
積水。現在督率農民。設法疏消。臣於查工途
次。察看河隄兩岸。田禾繁茂。高粱小米。亦皆
秀穗結實。得旨。覽奏稍慰。○予故蘇尼特扎
薩克多羅郡王阿爾達什第。祭如例。○旌表
守正捐軀福建閩縣民杜能暢妻劉氏。河南
鄆陵縣民李喜成妻楊氏。

大清高宗法天隆運至誠先覺體元立極敷文
奮武孝慈神聖純皇帝實錄卷之二千一百三十四

大清高宗法天隆運至誠先覺體元立極敷文奮武孝慈神聖純皇帝實錄卷之一千一百三十五

監修總裁官經筵講官太子太傅文淵閣大學士文淵閣領事內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶

總裁官經筵講官太子太傅文華殿大學士入閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級入加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十六年辛丑六月丁亥以廣東香山

協副將施國麟為廣東左翼鎮總兵○戊子諭軍機大臣本日據阿桂覆奏河工圖內硃筆尖記處添築新隄一道沿河添一層隄岸即多一層保障且河流更直於新河形勢更屬有益無礙等語著將原摺鈔寄薩載閱看令其會同李奉翰妥商辦理至魏家莊隄工漫溢本日又據薩載續奏塌寬至一百十六丈其越隄亦被衝塌現將兩頭鑲裏俟七月下旬物料齊全即可趕緊堵築等語此又將

曠日持久矣該處塌寬至一百餘丈之多急宜上緊堵築早為合龍該督等現駐工所當督率道將廳弁設法趕運物料以期集事再陶莊引河自開放以來每年俱有隄工漫溢之事朕心實不能無疑前經降旨詢問該督等務將實在情形據實覆奏不得稍存迴護之見○又諭連日盼望捷音及披閱奏函仍係籌辦情形且因連遇陰雨不能迅速創溝而泥水甚大施力較難愈深憤懣想阿桂亦焦急愈甚至甘省近日雨水甚多致逆賊得以接濟固亦無可如何但糧食何以尚能久支况阿桂既稱賊營並無樓房貯糧而目下官兵四面環攻賊人已如釜底此時豈復尚有黨羽為之接濟何以尚能如此支持雖據阿桂稱斷不待其食盡坐斃但正恐不能不如此耳至甘省如此多雨而歷來俱謊稱被旱上下一氣冒賑舞弊若此安得不受天罰現命提訊勒爾謹及王廷贊令其據實供吐

阿桂李侍堯務將此案徹底嚴查不可稍存
瞻顧也○又諭本日據阿桂等奏籌辦賊匪
情形一摺內稱本月初六日大雨竟夜勢甚
霧霈初七初八連綿不止等語甘省向年俱
奏報雨少被旱歲需賑卹今阿桂屢奏稱雨
勢連綿霧霈且至數日之久是從前所云常
旱之言全係誑捏該省地方官竟以折收監
糧一事年年假報旱災冒賑作弊已屬顯然
勒爾謹久任總督王廷贊亦久任道府藩司

何以從前俱以雨少被旱為詞豈有今年甘
省雨獨多之理著傳諭留京辦事王大臣前
赴刑部會同該堂官提出勒爾謹當堂訊問
並將王廷贊傳至刑部一併質訊令其據實
供吐錄詞具奏並著刑部堂官將王廷贊派
員在衙門看守俟阿桂等覆奏到日再降諭
旨○又諭昨已降旨將甘省折收監糧冒賑
作弊之事覆行提訊勒爾謹並傳王廷贊到
部嚴訊此事折收既已屬實又復冒銷災賑

種種弊端難以枚舉現在阿桂等節次所奏
雨水情形與甘省常年被旱之言迥不相符
其為捏飾浮冒開銷監穀更屬無疑王廷贊
在蘭州守城時雖有辦理錯謬及獨自攘功
之事然朕總念其保全省城功不可沒一概
恕而不究今伊若天良未泯能將甘省歷年
如何通同舞弊之處逐款據實供明朕仍不
忘其守城之功必加特恩寬宥即勒爾謹王
亶望罪不可逭王廷贊尚可以功抵罪若伊

竟執迷不悟始終不肯實說則是喪盡天良
自取重罪不能復邀寬典矣況此事既已發
覺斷無置而不辦之理即阿桂李侍堯亦斷
不肯代為隱匿王廷贊若不趁此時供明將
來阿桂等查明奏到時又豈能再行狡展乎
將此傳諭留京辦事王大臣及刑部堂官向
王廷贊面傳諭旨令其同勒爾謹各自詳悉
供吐即行據實具奏並傳諭王廷贊伊之生
死總在此番實供與否令伊自定朕不食言

○已丑諭軍機大臣前據陳輝祖奏審訊王亶望私收監糧折色一事未將結報之道府何人逐一供明業經傳旨令其即行覆訊此事私收折色於前勒買冒銷於後情節已屬顯然即王亶望亦不虞其始終狡展但楊魁陳輝祖等向其訊問並無證據未必肯據實供吐著傳諭陳輝祖即派妥員將王亶望拏交刑部嚴審並飭沿途小心防護毋致疎虞○又諭前以甘省私收監糧折色一事明係

捏災冒賑上下一氣通同舞弊不可不徹底嚴查已屢經傳諭阿桂李侍堯將歷任道府何人如何冒銷賑濟如何勒買分肥逐一查明據實叅奏阿桂等自必嚴切根究不肯為人代擔干係日內又命留京辦事王大臣會同刑部提訊勒爾謹並傳王廷贊到部質訊並降旨陳輝祖等即將王亶望拏交刑部審訊矣此事既經發覺斷無置而不辦之理阿桂等自必認真查辦令其水落石出不肯稍

存諱匿之見至監糧折收之銀大半歸於冒銷賑卹但賑卹一事甘省既向來如此自應治冒銷者之罪不應因有此弊竟因噎廢食將應賑卹者致不賑卹朕愛養黎元每遇各省水旱偏災不惜多發帑金優卹寧濫無遺以期不使一夫失所況甘省素稱邊隅硠瘠尤宜加意撫綏豈可以有冒賑之事遂致貧民或有拮据昔宋臣曾有以薦人不當輒有悔意者時程子云願侍郎受百人欺不可使

好賢之心稍替為大臣者尚應如此存心況朕君臨天下保赤情殷亦寧可受萬人之欺不可使視民如傷之念因此稍懈也即以逆回一事而論蘭州百姓並無從賊之人此實由朕平日子惠邊氓有加無已是以閭閻激發天良不肯附從逆匪豈非仁政之明效大驗耶總之甘省冒賑之弊斷不可不辦而甘省賑卹之事仍不可不行此意著傳諭阿桂李侍堯徧行出示甘省百姓使之家喻戶曉

倍深愛戴。以仰副朕意。○又諭舒常等奏據副將陳大恩稟報四川太平等縣移拏川省囑匪一案。隨會同利川縣奮力擒拏。囑匪百餘人持械抗拒。兵役放鎗擒捕。生擒受傷囑匪一人。餘悉逃散。當經利川縣訊據該犯供名蔡友應。同夥有棚頭劉鬍子。金小二。羅和尚。周猷子。楊滿兒。王小六。楊大老。滿素老。八其外亦各有附和之人。欲到貴州去。並供在太平縣地面行劫過客之物。現在將該犯提

解來省嚴審。並將同夥姓名年貌住址。飭文武各屬分路嚴拏。並分咨四川貴州湖南等省一體嚴緝等語。川省囑匪向來不過三五成羣。聞拏斂跡。今乃約夥至百餘人。同逃膽敢拒捕傷人。甚屬可惡。著傳諭舒常鄭大進劉墉李本文綬等各飭所屬選派妥幹兵役。上緊躡捕。務期盡數弋獲。毋使一名漏網。至拏獲審辦時。斷不可稍存姑息。止辦為首要犯數人。凡案內同夥黨惡之人。既經同行。均

應分別情罪從嚴辦理。即至輕者亦應發新疆厄魯特為奴。庶足以示懲儆。○又諭本日據畢沅奏。拏獲派守蘭州黃河北岸之脫逃駐防滿兵六格。審明正法一摺。所辦好。至詳閱該犯供內稱。本年三月內由西安派往蘭州。因想念母親起意逃走等語。此等派令出征滿兵。膽敢於軍前拐騙銀兩馬匹。私自脫逃。情罪甚屬可惡。乃又捏供思念母親起意潛逃。尤屬無恥。該撫拏獲叙供時。亦不斟酌

事理。一任幕友將此等供詞叙入。獨不思戰陣無勇之為非孝乎。向來朝審本內每有聲叙救父情切字樣。如果其父被毆。情急救護因而致死人命。尚有可原。若父子同毆一人。恃勢逞兇。因而致死人命。又豈得藉口救父乎。此皆係外省庸幕習氣。罔顧大義。隨手砌入。卒之仍不能救彼一死。徒為此空言。反似朝審有不卹人為親者然。甚無謂也。各督撫於此等處均宜留心檢點。著將此通諭知之。

○庚寅諭軍機大臣據薩載等覆奏河工連年漫決之故。總由漫溢一次。則下游正河淤墊一次。以致河底日漸淤高。大溜趨向無定。實非陶莊引河紆迴格礙所致等語。前以陶莊引河開後。轉連年有河決之事。是以降旨諮詢。今既據奏稱。陶莊新河尚屬寬深。足以容納。且大溜業已徑行。此時亦不能復議改歸故道。只可仍存其舊。至大河漫溢一次。下游河身。即不免淤高。自係情理如此。但河工設有隄防。原所以杜其旁溢。若有隄而仍復衝決。則長此安窮。何時可期。安軌況豫省黃河寬衍。沙土又復鬆浮。或尚可護之地。勢水性非人力所能抵禦。至江南則河身收束。土性堅實。迥非河南可比。何至連歲有此其為隄工之不能鞏固可知。大約該省河員。因連年盛漲漫溢。處分俱邀寬免。分賠又止。照例以致伊等心存疎懈。此皆薩載李奉翰管束不嚴。並不實力稽查所致。伊二人即不能辭。

○咎著傳諭該督等。嗣後務須嚴行督率文武員弁。加意整頓防護。毋稍懈怠。至現在魏家莊漫口。應即上緊催集料物。先行包鑲裹頭。其餘以次堵築。迅速合龍。○諭曰。原任安徽按察使袁鑒。緣事降調。但伊久任江南。於該處風土民情。尚為熟習。邳睢現有漫工。袁鑒著留南河交該督等差遣委用。遇有應得降補之缺。酌量題補。○又諭據恒瑞奏稱。審明管理拉里錢糧縣丞高大業。虧缺庫銀八千五百五十八兩。是實。請將高大業即於該處正法。其長隨李昇。擬斬。送成都監候。等語。縣丞高大業。膽敢虧缺庫銀。既經審明。仍行請旨。殊屬拘泥。著交恒瑞。即將高大業於藏地正法示戒。長隨李昇。擬斬。送成都監候。入於本年情實。再高大業係文綬遣往拉里管理錢糧之人。虧缺庫銀。皆由文綬辦理不善所致。應著文綬賠補。○壬辰。豁免陝西省西安延安鳳翔漢中榆林同州六府興安邠州乾

州商州鄜州綏德六州民欠倉糧一千二百二十五石有奇○癸巳諭據阿桂等奏本月十五日令海蘭察明亮率同乾清門侍衛并侍衛章京等帶領奮勇官兵屯練降番及阿拉善兵豫備埋伏令海祿等帶兵策應舒亮等各由本卡進攻乘密雨時出賊不意將板網土袋拋入賊壕我兵勇氣百倍哈當阿帶領降番首先跳入壕內與賊攪殺並用撓鈎鈎開土袋板片一面拋擲火彈一面躡身而

上勦殺賊衆占得賊卡賊壕俱經拆毀填滿海蘭察明亮又督率官兵遠則鎗箭齊發近則短兵相接各路官兵咸懷振奮分占礮上賊卡海蘭察明亮又拏立木柵帶兵撲入賊營痛加勦殺拋射火箭火牌將帳房板屋盡行燒毀奪獲賊人刀矛鳥鎗無算賊匪退回華林寺死守海蘭察明亮又逼拏木柵賊人被我兵鎗箭擊死甚多除被賊搶去屍身未經割獲首級外共割得賊人首級一百二十

餘顆並首逆蘇四十三黨惡韓一提巴拉周阿渾張懷德馬黑提卜等首級此外被官兵殺死及帶傷者三百餘人現止二百餘人退回華林寺死守均不過殘敗賊黨數日內即可勦戮淨盡等語此次圍勦賊巢海蘭察明亮屢次率衆爭先攻奪賊卡殲戮甚多實屬首先奮勇出力並哈當阿著交部從優議叙其餘在事出力之大小各員并著阿桂等查明分別等第一體咨部議叙其陣亡之三等

侍衛吉爾坦保著交部照例給與卹典拜唐阿塔克達那並著加恩照藍翎侍衛例議卹此外受傷各員并及陣亡被傷之官兵等均著阿桂等查明照例給與優卹至此次川省降番尤為鼓勇先登內受傷者著阿桂先行賞賚其餘一概再行賞給一月錢糧以示獎勵其首逆蘇四十三首級並著傳示各省俾回民等各知儆戒再阿桂等奏此次官兵殺死逆黨阿渾五人內查出海朝宗一犯係四

月中旬。伍彌泰、仁和、馬彪公同商酌。遣赴賊營曉示。解散黨羽。被賊留住。即稱阿渾。與首逆同坐議事。據實參奏等語。伍彌泰等身任將軍提督。均有奏事之責。既經遣人赴賊營曉諭。又復被留未回。何以並未陳奏。直待阿桂等查出。甚屬錯謬。伍彌泰、仁和、馬彪俱著交部嚴加議處。○又諭。此次勦滅撒拉爾賊匪。海蘭察甚為奮勉。著加恩將伊子安祿授為三等待衛。以示獎勵。○諭軍機大臣。此時餘黨無多。且要犯首犯已皆殲斃。所餘不過敗殘賊衆。何以尚然如此死守。實不可解。但不值復煩我官兵用力攻勦。止須圍守嚴密。或待其饑渴自斃。便可乘機擒捕。惟在掃除淨盡。不致漏網為要。至蘇四十三。雖已不能生擒。檻送。盡法處治。以快人心。但其黨惡要犯中尚有韓黑提卜。馬作南二犯。均係頭人。如能設法生擒。解京審辦。亦可根究賊人起事的確實情。盡法處治。至蘇四十三首級當

照康熙年間。辦理噶爾丹之例。傳示各省回民居住地方。每處懸示數日。使之共知儆戒。再此時勦捕餘賊。自屬易辦之事。所有由京派往之海蘭察、額森特及侍衛官員等。著阿桂酌量。如將來辦理餘黨。尚須伊等帶兵。則仍行暫留。倘已無需多員。或就其中酌令陸續先行回京。並傳諭伊等到京後。准其在家休息。俟八月初再赴熱河。以示優卹。○又諭。據福康安等奏。乾隆四十五年分。滇省新舊大小各廠。通共辦獲銅一千一百二十七萬餘觔。零覈查各廠年額。應辦銅一千九十五萬餘觔。已多辦銅三十一萬餘觔。又奏將庚子第二運。第一起。趲運在途。其後五起。亦已辦竣。發運各等語。滇省銅觔旺產。各廠採獲復有盈餘。自係該督等實力辦理。整頓得宜所致。各礦產銅。年產年獲。於每歲應辦之數。稍有盈餘。足供轉輸。較前已有起色。至於天地自然之利。要當留其有餘。為每年採獲之

地不可專務目前儘力搜獲以致辦理太過將來採挖轉有盈絀不齊之處著將此傳諭知之○甲午遣官祭

火神廟○乙未諭軍機大臣據劉墉奏接准舒常鄭大進來咨派員於扼要處所截拏囑匪一摺此案囑匪糾約多人滋事不法前據舒常等奏報業經傳諭該督等及四川貴州各督撫嚴飭所屬上緊躡捕務期弋獲從嚴辦理不可稍存姑息此時各該省想已將囑

匪陸續捕獲著再傳諭舒常等將前獲囑匪蔡友應並續獲匪犯嚴審根究伊等於何時何處結夥同逃並欲逃往貴州何處且意欲何為詳悉研審定擬具奏並傳諭文綬將此等囑匪如何在川省為匪脫逃緣由一併詳悉查明具奏○工部等部議覆直隸總督袁守侗疏稱北運河筐兒港減河南隄近年汎水漲發屢被衝塌勞費無益請將派用民力修築之例停止其隄內武清天津及津軍廳

所屬民地官地並葦漁課地共一千八百七十六頃七十五畝零每年改照水草則例每畝止徵銀四釐應減糧銀四千七百七十七兩零惟南石壩草土各工以下酌留民隄二百四十丈捍衛草壩飭令楊村通判歸歲修案內估修天津北倉護隄一道保障厰座向係楊村通判管理應改入南運河歲修案內估修再天津縣境內有海河疊道五閘等工向係天津典史與葛沽巡檢分管勢難兼顧

請改令原設之減河主簿管理其原設筐兒港汛兵二十名仍撥還該汛千總均應如所請辦理從之○予故翁牛特扎薩克鎮國公恭格喇布坦祭如例○丁酉諭軍機大臣據薩載等奏河湖水勢加長情形及籌辦魏家莊漫工物料一摺內稱漫口東壩全河奔注溜勢洶湧水深三丈以外現已趕鑲八大並趕築壩臺以備進埽至徐城誌梅水勢長至一丈三尺韓家堂張家瓦房舊工俱潰隄塌

埽現在搶護平穩。其漫口下注之水歸入洪澤湖。有長無消。清口已展寬至八十丈。山圩五壩內。智義二壩。並經開放。而高堰一帶。盈隄拍岸。風浪堪虞。擬於未開三壩內。再開一壩。以資分洩。至南關車邏等壩。或亦須酌開。或無庸籌及。飭令妥酌。辦理等語。洪湖水勢浩瀚。果至實在不能容納。自不得不再行酌開一壩。然此乃無可如何之計。至交秋以來。此間天氣晴爽。南河水勢。或亦可望漸消。所稱車邏等壩。仍應堅守之處。自應如此。至高家灣迤下三堡地方。開挖隄工。接築引渠。既經過水三尺。頗為迅捷。所辦亦可著薩載等。即速詳悉。繪圖貼說呈覽。至所稱上游各廳。修防喫緊。存工之料。難以分撥。祇有下游水勢消落。存料堪以撥濟。其進埽堵築。必俟新料成熟。方能運工等語。河工向俱豫備料物。原為工程急需。而設。自應於平日寬餘準備。堆貯工所。若必待新料登場。始能供用。則豫

備舊料何用。况漫溢之事。每在六七月伏秋汛內。秋熟總在八月以後。若全待新料上場。運工濟用。則堵築必稽時日。且此次漫口。逼近上年郭家渡。該處尤應有豫備新工之料。何至必待本年秋禾成熟。從前高晉兼管南河時。聞所備料物充足。並無短少之事。何以近年情形。即竭蹶若此。著傳諭薩載。李奉翰。即將南河如何豫備料物之處。因何目下存料不敷。詳悉查明。據實覆奏。其河東各工。如何豫備料物。是否充足。並著韓鐸。富勒渾。一併查明具奏。至魏家莊新工。薩載等務即熟籌妥辦。上緊堵築。以期迅速合龍。又諭本日三法司具題。覈覆袁守侗審擬蔚州民陶銀誤砸胞叔陶尚義受傷身死。照例斬決。夾發請旨。一本朕詳閱案情。碾樞本係公共之物。該犯平日或欲取用。尚應向其叔陶尚義稟明善取。今該犯直欲獨自取賣。輒於寅夜往取。其形跡本與偷竊無異。及至伊叔驚醒。

查問喝阻該犯如果畏懼擦放時即應輸情賠罪何至即傷及其叔此明係伊叔追趕時該犯使性衝撞用力摔去致陶尚義受傷且如果無心砸傷何至適傷要害即於次日殞命其中并恐有有心干犯情事即如屍親之子通知堡長一同稟報時尚有求為伊父伸冤之語若果誤傷致死更有何冤可伸種種皆有疑竇法司自應逐加覈駁令該督再行提訊確實俾死者不致含冤方得詳慎庶獄

之道何竟率行照覆併為夾簽聲請耶除將此本交行在刑部另行改駁發回外將此諭令該堂官知之○戊戌諭軍機大臣據富綱彙奏壽民鄭昌璽壽婦陳柯氏等俱年逾百歲洵屬熙朝人瑞盛世嘉祥理合繕摺奏聞等語壽民壽婦年逾百齡為各省常有之事該撫既經分案具題何必多此一奏其意不過以朕萬壽節近以此吉祥之語入告不知督撫身任封疆全在辦理民事而朕尤以勤

政愛民庶事就理為念如果各省雨水調勻年豐民樂祥瑞孰大於此豈必以景星慶雲鳳凰麒麟侈陳符瑞耶將此傳諭該撫知之○己亥諭軍機大臣據阿桂等奏賊匪敗殘餘孽尚思乘夜衝撲希冀逃竄實為可惡然此時我兵拏柵嚴密圍攻無虞逃遁自應待其困渴已極即可一鼓成擒此事蘇四十三攻犯蘭州被官兵擊敗後即死守華林山不復散往他處俾我兵得以拏柵環攻盡數勦

殺益信

上天嘉祐之恩再阿桂等覆奏查辦監糧折色一案此時既已發覺斷不能置之不辦即結報之道府亦應查明參奏至王亶望任內捐收最多年分報災亦較重其中情弊自屬百喙難逃阿桂等諒能徹底嚴查以成信讞也○諭據阿桂等奏遵旨查明甘肅應行撫卹事宜請將蘭州河州地方照乾隆三十年寧遠伏羌通渭三縣地震之例辦理等語此次

甘肅蘭州。河州等處猝被逆回焚掠。亟宜加意撫綏。以甦民困。所有該處應徵本年錢糧。著加恩槩行蠲免。以示優卹。該部即遵諭速行。其餘所奏卹賞各事宜。並著行在戶部速議具奏。尋奏蘭州河州被掠貧民。應如阿桂所奏。照乾隆三十年寧遠。伏羌。通渭。三縣地震之例。倒斃人口。每大口給葬銀二兩。小口七錢五分。生存人口。每口先給糧一斗。初賑不分大小。各給糧三斗。燒燬房屋。每間給銀二兩。務農民戶。每戶給器具銀一兩。被掠牲畜。每一頭給價銀四兩。及二兩有差。分作四年徵還。得旨依議速行。○庚子。諭軍機大臣。據薩載等奏。本月十八九日。風暴異常。洪湖浪湧。勢若排山。石工多有掣卸。山圩五壩。所存仁禮兩壩。業已掣通。過水中河之鹽閘。亦普漫過水。淮關上下隄頂出水。不過一二尺。車邏。昭關。二壩。亦應開放。即二套及王營減壩。並應相機酌放。現在薩載在上游一帶往

來搶護。李奉翰馳往下游督辦等語。洪湖水勢如此盛漲。自不得不將五壩酌量開放。即車邏。昭關等處。亦不能不資分洩。第未知目下大局是否已定。且各閘壩俱已開放。則下河民田。自不免被淹成災。此亦無可如何之事。但其情形實在若何。著薩載等即行查明速奏。又薩載等另摺所奏。各工舊料僅敷伏秋搶險之需。此時新生之工。存料不敷。搶辦即附近接濟。并零星收買應用。頗費周章。前此酌撥以為兩壩裏頭。已形竭蹶。必待七月二十邊。新料成熟。方可採辦。約於八月中即可進埽等語。河工所存料物。若果僅供搶險。則年年伏秋汛內。如有疎虞。必須遲至秋收始行堵築。將何以濟急需。前已有旨飭詢薩載等。至今歲遇閏五月。立秋在六月中旬。則七月初旬。即往年之六月中旬。秋成自必亦比常年為早。何以薩載等並未計及。尚稱八月中旬始能進埽耶。著傳諭薩載等即速查

明覆奏。又本日阿桂覆奏南河連年被決。究恐因九里崗梗阻所致。從前副將徐建功。即有江南河身。高仰若不挑濬。則下游不能暢注之語。似應乘大河見底時。將九里崗一帶。再加展寬。並於間段淤淺處所。酌量抽槽等語。所奏似為近理。著將原摺鈔寄薩載。李奉翰。閱看。即速通盤籌酌。詳晰覆奏。○又諭。據文綬奏。拏獲傳教惑眾之廖景泮等各犯。起出偽造榜文。及佛諭經卷等項。據廖景泮供。

係江西贛縣人。自幼持齋。從已故堂兄廖景淳。傳授三皈五戒。給有佛諭一紙。廖景淳復收同縣人邱德偉為徒。亦給佛諭。將榜文一紙。密令謄寫。並有刻本經典。俱係傳自伊故父廖秀林。及信豐縣蕭齋公。係古傳羅祖三乘正教等語。業批示該督迅速定案具奏。至廖景泮。邱德偉。及已故廖景淳等。俱籍隸江西。著傳諭郝碩。派員赴各該犯家內查鈔。有無鈔存榜文佛諭經本。及別項不法字跡。並

提各該犯家屬。嚴切根究。毋致隱匿流傳。○又諭。據李本春奏。婺川縣稟報。拏獲川省咽喉彭昌文。訊供首匪係劉老十。毛老九等。共七十八人。因川省查拏。假裝行旅。由四川彭水縣入婺川境。現赴正安州一帶逃竄。隨即追至正安之小溪溝。與該州兵役會合截拏。當經拏獲鐘鳳鳴等二犯。殺傷匪徒甚多。賊匪亦持械抗拒。被傷兵役二名。現在併力窮追等語。此案前據舒常。劉墉先後奏到時。已屢

經諭令該督撫等。上緊查拏。盡法處治匪徒。敢於聚集多人。隨處搶劫。抗拒兵役。情罪甚為可惡。必當搜獲無遺。迅速審辦。凡屬同行之人。不分首從。概行正法。不可稍存姑息。至貴州。湖廣。現在查拏緊急。恐其仍竄回川境。並著諭文綬。務即督飭各屬。嚴密擒拏。毋任一名兔脫。至此等匪犯。蹤跡詭秘。到處成羣。結黨。究係起於何處。意欲何為。前此舒常等所奏。既未詳晰。即本日李本所奏。亦仍不明。

白並著傳諭各該督撫即行查明具奏○是月署兩江總督薩載江南河道總督李奉翰奏查順黃壩一帶灘面寬廣河水漲漫離舊隄較遠無所收束現蒙指示令從東邊木龍邊起至順黃壩一帶沿河添築新隄一道謹按硃筆尖記兩頭起止計長二百四十五丈該處河灘離舊隄計寬二十一丈至三十四五丈不等臣等相度形勢酌擬量為收進以資鞏固至溜勢既由西南坐灣不能斜注

東
北
衝
刷
灘
嘴
今
蒙
指
示
設
法
保
護
惟
有
於

事

上

該處用柴土築做盤頭大壩不使有礙木龍似更得力得旨此非目前急務矣俟新工合龍後妥為可耳○署兩江總督薩載奏魏家莊隄工漫溢星即馳往會河臣確勘籌辦得旨陶莊移河之後連年衝決實屬不解目今所急者速期合龍使歸故道而已勉之○江蘇巡撫閔鶚元奏臣在睢宿一帶查察撫卹事宜途次接崇明縣報稱本月十八日颶風

狂烈海潮洶湧闕廂進水三四五尺不等官民房屋間有坍塌郊外潮深丈餘田園廬墓亦多漂沒當即飭司先往加意撫卹並察看情形酌量動撥倉穀平糶煮賑臣即星赴該縣查勘妥辦得旨實心詳查災戶實力賑卹勉之○安徽巡撫農起奏據鳳陽壽州鳳臺懷遠靈璧五州縣先後報稱近因雨水稍多兼之邳睢廳魏家莊隄工漫溢上游諸河分注境內以致沿河低窪田畝村莊驛路俱有

東
北
衝
刷
灘
嘴
今
蒙
指
示
設
法
保
護
惟
有
於

事

上

被淹一時不能迅速疏消被淹貧民亟須查明安頓臣即起程馳赴勘辦得旨有成災者實力賑卹俾受實惠勉之○湖北布政使梁敦書奏閏五月中旬襄水漲發沿河隄垸漫潰臣前往各屬周歷察看除沔陽天門嘉祥三州縣被水較輕無需撫卹外惟潛江荊門江陵監利四州縣隄垸潰口甚大田廬多被淹沒目下正交秋令補種恐已失時現稟請督撫臣飭員查明田地戶口先行撫卹一月

口糧給與倒房修費得旨實力為之

實錄卷一百三十五

五

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百三十五

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百三十六

敕修

乾隆四十六年辛丑秋七月辛丑朔享

平定縣志卷之六

太廟遣誠親王弘暢恭代行禮○壬寅諭據閔
鶚元奏南河魏家莊漫口距睢寧縣城三十
餘里大溜從城北下注致該縣之陶河等二
十七村均被淹沒民房多有倒塌現在設法
安頓民情寧帖其邳州宿遷境內亦被黃流
旁及一體先行撫恤等語此次黃水漫決睢
寧被災較重邳州宿遷亦間有淹浸貧民拮
据情形朕心深為軫念所有睢寧之二十七
社並邳州營地及宿遷被水較重各處著加

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領閣事稽察欽奉
上諭事件處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

恩無分極貧次貧一體先行賑恤其被災較輕地方及附近之桃源境內並著查明成災分數分別辦理該督撫務須督率屬員實力妥協撫綏以副朕加惠窮黎之至意餘著照閔鶚元所請辦理該部遵諭速行○戶部議覆四川總督文綬奏前任打箭鑪監督福重及接管同知張依仁收稅短少請著落該二員照數分賠諭曰此案前任監督福重及接管同知張依仁少收鑪關稅銀著加恩照哲

實錄卷一百三十六

三

成額之例以任內得過養廉扣抵餘著免其賠補後不為例○諭軍機大臣等前據薩載等奏南河魏家莊漫口因須俟七月盡新料登場方可施工堵築約於八月中旬進埽等語今年係閏五月立秋既早秋收亦早何以該督等並未計及已諭令該督即行查明覆奏今日召見剛塔據奏古北口內懷柔密雲順義昌平一帶沿途所見高粱已間有收割者南方氣候自應早於北方何以前此薩載

實錄卷一百三十六

三

等奏稱江南秋收尚須俟七月盡收割著再傳諭該督等查明實在情形如一有新料收割即著迅速購買上緊堵築以期早得合龍○又諭前月二十九日熱河密雨半日本日又復陰雨現未停止未知京師雨水若何於田禾有無妨礙著傳諭留京辦事王大臣即速查明奏覆○又諭據興兆等奏六月十九日江水盛漲漫溢灌入荊州府之護城所有東西北三門俱被淹浸沙市一帶至觀音寺泰山廟等處隄垸均有衝塌現在督同地方官設法防護一面知會督撫辦理等語前據舒常奏鍾祥等四縣垸田灘地均有衝漫已批交該督撫親往察看有實係成災者即善為撫恤今據興兆等所奏江陵一帶又有漲溢之處著傳諭舒常鄭大進務即督率所屬實力撫綏加意賑恤毋使貧民稍有失所仍將如何查辦緣由迅速覆奏並諭興兆知之○又諭據閔鶚元奏接據崇明縣縣丞馬禮

稟報。十八日夜颶風狂烈。海潮汹涌。在城關廟。進水三四五尺不等。郊外潮深丈餘。官民房屋。及田園廬舍。間有坍塌漂沒。現在飛飭藩司巡道。就近先行馳往。督同該縣。加意撫卹等語。該撫現在睢寧宿遷一帶。查辦該處被水災黎。崇明一縣。今又猝遇海潮。被災較重。自應實力詳查災戶。妥為賑恤。閔鶚元。務須督同司道等。實心妥協辦理。毋致災黎稍有失所。將此傳諭閔鶚元。並諭薩載知之。○

平定奏下丁丁六

四

又諭。本日據戶部奏。議覆打箭鑪稅務。前任監督福重任內。少收銀二千五百餘兩。接管同知張依仁任內。少收銀一千一百餘兩。請按數追賠一摺。已降旨加恩。照荆關監督哲成額之例。以監督任內得過養廉。繳出扣抵餘著免其全行賠補矣。但打箭鑪稅務。前以部院司員。派往管理。恐人地生疎。經理不善。易致缺額。是以特旨撤回。交該督派員管理。何以接管之同知張依仁。仍致有短收一千

餘兩之多。打箭鑪係通西藏大路。商販往來不絕。既經設有稅口。貨物自必不少。如果經理得宜。何致常形缺少。著傳諭文綬。此次因該同知。仍係接管前任監督稅務。是以特恩寬免。此後務須督飭委員。實力徵收。倘再有虧短。不但不能邀免其缺少銀兩。仍必按例議罪。○以故廣西忠州土知州黃飛熊子璫雲南祿豐縣南平關土巡檢李鎮平子東來各襲職。○旌表守正捐軀河南濟源縣民馮

平定奏下丁丁六

五

錫瑤妻李氏。○癸卯諭軍機大臣等。據李奉翰奏。查勘洪湖高堰隄工。被風暴撞擊。現在工程保護平穩一摺。內稱誌橋長水至一丈四尺一寸。臨湖磚石各工。塌卸三千五百六十餘丈。并有隄頂塌去。僅存後身。隄頂二三丈者。有浪過隄頂。從隄坡後身坐塌。頂寬五六丈。僅存二三丈者。磚石各工。雖掣塌殘缺。幸得保全等語。看來前月十八九日風暴高堰一帶情形。實屬危險。今幸得平穩。覽奏為

之稍慰。但浪勢既從隄頂而過。何以臨河隄工無妨。而隄坡後身轉致坐塌。且堰圩隄工既云掣塌。何以又得保全無虞。是否臨湖磚石雖有塌卸。而隄身尚屬堅實。李奉翰摺內所敘殊未明晰。著傳諭薩載等再將該處切實情形詳悉覆奏。以慰懸注。至所稱五壩全行過水。恐高寶諸湖水日加增。非車邏昭關一二壩所能分減。現在察看形勢。如果宣洩不及。再將南關五里等壩酌啓一壩。俾湖河之水由范隄各閘歸海等語。此亦不得不然之計。第閘壩洩水過多。下河民田被淹者。更復不少。不知目下水勢已定否。南關一壩尚未開放否。此時伏汎雖過。而秋汎又屆。正當緊要之時。該督等務須督率工員加意防護。毋稍疎懈。至魏家莊漫口工程。並著即籌辦堵築事宜。以期迅速合龍。至保護高堰之道員。河員宜加恩敘。著查明奏來降旨。尋奏。洪湖水長。初係東北風。繼轉西北。堰圩大隄兩

面受敵。以致隄坡後身坐塌。幸此段石工尚屬堅實。故得保全。高寶諸湖雖長水六七尺及三四尺不等。昭關車邏二壩過水不多。儘敷宣洩。得旨覽奏稍慰。○盛京將軍索諾木策凌。熊岳副都統德福。奏向例盛京之蒙古漢軍驍騎校均按旗揀選。惟滿洲驍騎校初係通融揀用。嗣改為本佐領下專用之缺。辦理未協。請嗣後將盛京錦州等城滿洲驍騎校五十六缺。照蒙古漢軍例按旗揀選。報聞。○甲辰諭。前日據閩鶚元奏。六月十八十九日。崇明縣猝被風潮。民田廬舍間有漂塌。已諭令詳悉查勘。加意撫卹。今據薩載奏太倉州寶山鎮洋華亭上海金山昭文丹徒等縣暨海門廳同日俱被風潮。塘工多被衝損。近海濱江之沙洲灘地及房屋戶口亦有塌損。淹斃者。現飭逐一確勘。照例辦理等語。此次崇明等州縣被災情形較重。著該督撫等迅速飭屬詳悉履勘。妥協賑卹。至所稱黃淮漲

溢窪地被淹之淮安鳳陽等各府州屬並著一體查勘辦理毋俾災黎稍有失所其巡江遇風淹斃之遊擊俊成及兵丁等並著照例議卹該部遵諭速行○刑部議奏前奉旨金川自首逃兵免其死罪臣等通照各省立限出示今據四川總督文綬咨稱郡縣遠近不同奉文先後互異請以州縣奉文日為始予限一年限內投首者發遣限外拏獲者正法所辦較他省允協請飭下各省均照四川章程

刑部議奏

七

程覈辦至此等逃兵有潛回本籍者即有逃往他處者請無論本省外省惟以投首減罪辦理從之○予福建水師提標左營巡洋遭風漂溺把總杜榮則外委吳燠郭飛龍兵丁洪捷陞等一百十五名賞卹如例○乙巳諭前以甘省收捐監糧一案私收折色冒賑浮銷上下通同舞弊既經發覺不可不徹底查辦因屢傳諭阿桂等嚴切詳查據實奏奏今據阿桂等將折收銀兩在省色辦冒銷賑糧

刑部議奏

七

種種弊端已全行查出此時即將甘省大小各員一併革職審究亦皆罪所應得但此事總在藩司為政其次則首道首府首縣勾通侵蝕為弊較多此外各道府州縣雖弊實亦皆不免而此時尚未查明毋庸遽行辦理所有前任蘭州府知府蔣全勣前任皋蘭縣知縣程棟自當革職拏解蘭州嚴審此外各員著交吏部查明其曾任蘭州本道首府及首縣者著即一體革職拏解蘭州審訊其餘各道府州縣並加恩免其提訊著該部查明再降諭旨至王廷贊前來行在時令軍機大臣傳旨訊以監糧一案伊堅稱並無情弊後遣令回京候旨又令留京王大臣會同刑部堂官覆訊並傳示硃批諭旨以伊之生死在實供與否令其自定朕不食言乃伊仍祇供辦災以少報多以輕報重難保必無而於一切情弊始終不肯供吐今阿桂等業已根究明確弊實甚多是王廷贊之罪更不能復加寬

貸王廷贊著革職拏問。解交行在。俟王亶望解到時。交軍機大臣。一併會同行在大學士九卿質訊。○諭軍機大臣等。據阿桂等奏查出監糧案內。種種舞弊情事。請將王廷贊秦雄飛福寧等。現任官二十一員。革職審訊。又丁憂事故。潘時選等十三員。一併革職。押解赴審等語。此案積弊。至於如此。自不可不徹底查辦。但人數未免太多。且此事起於王亶望。繼以王廷贊。其他曾任蘭州本道首府。首縣者。斷不能不革職審辦。至此外各員。如果能將冒賑分肥各款。逐一供認。據實稟明。毫無隱飾。尚可仰邀格外之恩。如再不實供。是怙終不悛。必當加倍治罪。斷難復邀寬減。現已明降諭旨。交吏部查明。再行分別革職解審。傳諭各該員原籍。及現任地方之督撫。傳訊取供。據實代奏。其現任甘省各員。並著照阿桂等所請。傳旨仍以原銜辦事。將此案情節。逐一訊問。將朕特恩。開其一線之旨。統令

據實供吐具奏。若再不供吐實情。則是罪由自取。不能再寬矣。所有單開之秦雄飛等。亦照阿桂等所請之例。此時暫緩開缺。如內中果有與王亶望王廷贊等。通同舞弊。染指之處。統俟阿桂等續行查叅。另降諭旨。至另摺請簡之蘇楞泰等。俟此案審定後。再行酌量請旨補用。將此隨報傳諭知之。○欽差大學士公阿桂。署理陝甘總督李侍堯奏。華林寺賊黨內。投出老教一名。供稱營內尚有韓黑提卜。韓六十個。及蘇四十三徒弟。小木撒等。死守。臣等於六月二十三日。進兵攻撲。賊在卡內。尚以鎗石抵禦。弁兵間有損傷。是日適當雨後。拋擲火彈。不能延燒木卡。因令兵暫徹。二十六日。又派兵三面進攻。痛加勦殺。將溝卡盡行占據。海蘭察等。即將寺旁板棚土屋帳房。全行燒燬。奪獲器械無數。餘賊竄回華林寺。諭軍機大臣曰。賊黨垂斃之時。尚敢抵死抗拒。傷我官兵。實堪痛恨。但逆犯自知

罪大惡極。自不得不為苟延殘喘之計。想官兵四面圍攻。且又將華林寺旁板棚土屋帳房盡皆攻得。進拏木卡。賊僅踞華林寺內。為地無幾。想不日亦可殲滅淨盡。惟在防範嚴密。不使一名乘間竄逸。至現在尚有逆匪頭目韓黑提卜。韓六十個。及蘇四十三徒弟。小木撒等在賊營率眾抗拒。必將此三犯生擒。解熱河審辦。盡法處治。以彰國憲。再阿桂等前奏。撒拉爾回眾。共有十二工人數。自必

清實錄

五

甚多。此次作逆之蘇四十三等。不過其中之二三工。將來事平之後。俱於善後事宜案內。將此數工歸地方官妥協經理。使永遠救寧之處。著傳諭阿桂等。詳籌妥議。○丙午。諭軍機大臣等。據文綬奏。合州界連太平。東鄉開縣等處。中有雪泡山。據報有咽喉匪三十餘人。持仗拒捕。當即飭委鎮道等督同營員州縣嚴行搜捕。果有百餘人。聞拏竄逸。經官弁兵役分路追擒。先後共獲首夥匪犯胡範年等

五十一名。現飭提省嚴辦等語。此案先據舒常奏報。嗣經劉墉李本亦陸續具奏。已節次傳諭該督撫等迅速搜擒。文綬係本省總督。乃直至目下始行奏到。何遲緩若此。文綬著傳旨申飭。至此等咽喉匪。竟敢百十成羣。到處滋事。逞兇拒捕。殺傷兵役。實為不法。已極。不可不嚴加懲治。應嚴刑問其因何聚集。所謀何事。所有案內幫同拒捕之人。必須區分首從。一面正法。一面奏聞。即並未拒捕。而隨行

清實錄

五

為匪者。亦當發伊犁給厄魯特為奴。方足以懲儆。斷不可稍存姑息之見。將此傳諭知之。仍著將如何擒捕審辦緣由馳奏。○以烏魯木齊都統奎林為烏里雅蘇台將軍。四川提督明亮為烏魯木齊都統。四川北鎮總兵成德為四川提督。○丁未。諭教漢貝子羅布藏錫喇布。內廷行走多年。今聞溘逝。深堪悼惜。著賞銀二千兩。派乾清門侍衛佛爾卿額往奠。○諭軍機大臣等。本日據李國梁奏。

查拏川省嚙匪一案。匪徒敢於百十成羣。到處搶劫拒捕。若不即行擒獲。盡絕根株。即可釀成王倫蘇四十三之事。川省向有此等嚙匪。文綬早應飭屬查拏。何致任其聚集多人。竄入黔楚等省。且舒常李本等已早經具奏。而文綬遲至於今始行奏到。甚屬不合。文綬著傳旨嚴行申飭。至成德現已降旨陞授四川提督。通省緝匪安良等事。尤係提督之責。著傳諭成德。務即協同文綬實力查辦。務俾匪犯盡數擒獲。遵旨從重懲治。毋得稍有疎懈。李國梁摺並著鈔寄閱看。○又諭據薩載等覆奏。南河各工堆貯料物。因閏五月內各處長水。隨時搶護。用料已多。以致魏家莊漫口。除宿桃二廳外。餘俱不能撥濟。近日差查民間新稻漸次成熟。已在刈穫者。約有十分之三。四。統計七月中旬。即可全獲登場。一俟集有成數。即行進埽。趨堵等語。各工所存料物。因本年水勢盛長。搶修較多。不能多有餘

剩。尚屬情事所有。至今年遇閏五月。立秋較早。是今年之六月。即往年之七月。收成自亦較早。而南方更當早於北方。乃薩載等總未計及。仍以每年收穫時候為言。直待傳旨詢問。始稱漸次成熟。已有十之三四。可見伊等之所云焦急。究不如朕之日夜懸注。今新料已漸可應手。著傳諭該督等。即行趕運工次。上緊堵築。以期迅速合龍。○定京營兵額一萬名。兵部等部會同步軍統領。遵旨議奏。酌添京營兵額各事宜。查京師九門外。至直隸州縣界址地方。舊設馬兵一千四百七十步。兵三千六百三十。請添兵四千九百。合成一萬名之數。舊設南北中三營。共十九汛。請按南北左右分設四營。外圓明園向稱南營。請改為中營。列各營之首。共為五營。二十三汛。每營設叅將一。遊擊一。除舊有叅遊各三員外。各應添二員。舊設南營叅將。因管圓明園等處園庭。奏請賞副將銜。今改中營。請實設

副將一。缺出時。於別營參將揀補。舊設守備十九員。並無都司。請每營各設都司一。以繁要汛地。與守備分管。其中營都司。為副將中軍。東珠市口汛守備。為南營參將中軍。安定汛守備。為北營參將中軍。河陽汛守備。為左營參將中軍。阜成汛守備。為右營參將中軍。舊設千總十五。把總三十。經制外委四十。額外外委二十。請每汛定額千總二。把總四。經制外委六。額外外委三。所有裁撥添置分駐各事宜。一。中營副將。應駐海甸。遊擊駐四王府。將舊有南一一汛。改為樂善園汛。管西直門外。并迄南地方。將阜成門外南界。撥歸右營。圓明園汛。安設都司。其南營管正陽崇文。宣武等門。舊有參將駐崇文門。遊擊駐宣武門。即將此兩處。令南營參將遊擊。割西珠市口以西之西南汛。改設都司。其北營管德勝。安定。東直等門。并朝陽門外北界。參將應駐德勝。遊擊駐安定。德勝門守備。改設都司。安定。

東直。朝陽。俱安設守備。其左營管東便。廣渠。左安等門。并永定門外東界。朝陽門外南界。參將應駐朝陽。遊擊駐東便。其右營管西便。廣寧。右安等門。并永定門外西界。阜成門外南界。參將應駐阜成。遊擊駐廣寧。并於左安門外適中之地。設左營都司。右安門外適中之地。設右營都司。而朝陽。東便。廣渠。阜成。西便。廣寧。各安設守備。其五營千把外委。各按本汛緊要村莊駐守。餘仍舊駐轄。一。新添副將一。參將二。遊擊二。都司五。千總三十一。把總六十二。經制外委九十八。請照例給與俸薪。例馬名糧。一。舊設新添共兵一萬。擬分馬兵四千。戰兵三千。守兵三千。請照例給與馬匹。馬乾錢糧。一。舊有衙署二十五座。今添參將。遊擊。都司。共九員。除拆移改建外。應添八座。其千把等。亦應量給衙署。又舊有官廳二十九座。應添十七座。舊有堆撥六百九十四座。應添二百四十二座。一。舊有烏鎗三百杆。

應添七百杆。提督印篆係巡捕三營字樣。今改五營。應另擬交部鑄給。其舊參將關防。係部頒。遊守千總鈐記。係提督衙門辦給。於例未協。應將新舊副參至千總等官。通行換給關防鈐記。海子四面圍牆。應歸左右兩營都司并千把巡察。舊設守備一員。請裁。其中營係圓明園。暢春園。靜宜園。樹村。樂善園。五汛。南營係東河沿。東珠市口。花兒市。西河沿。西珠市口。菜市口。六汛。北營係德勝。安定。東直。朝陽。四汛。左營係河陽。東便。廣渠。左安。四汛。右營係阜成。西便。廣寧。永定。四汛。得旨允行。○命巴林郡王巴圖。為昭烏達盟長。教漢貝子垂濟扎勒。協理盟長。○以故雲南雲南縣土縣丞楊國臣子天錫襲職。○旌表守正被戕直隸赤峯縣民段思義女段氏。○戊申。諭步軍統領等衙門。奏請京城分營添兵。已允行矣。此項增設兵額。例應民人挑補。但為數甚多。恐不敷用。著將漢軍之教爾布步

甲及閑散人等。與民人一體挑補。○又諭京城旗人。有移居城外者。本應概行撤回。但人數衆多。且不過因節省日用起見。姑從寬免。惟在該都統等加意約束。毋許漸染城外惡習。滋生事端。至此後如再有潛移者。一經覺察。必當重治。著該都統等。每年終將有無潛移居住之處。冊咨值年旗彙奏。○諭軍機大臣等。據福康安等奏。陝省採買十一運銅觔。已於二月十五日掃幫出境。其第十二運銅觔。遵旨撥定獅子山等廠。一面飛咨畢沅。作速委員赴滇交兌等語。前因畢沅奏。陝省銅觔需用緊要。是以傳諭福康安等。催令迅速。辦令據奏十一運銅觔。業已掃幫出境。即非滇省所能催促。自應畢沅委員。在途趕緊趲運。以供陝省鼓鑄。著傳諭畢沅。即催令委員。加緊趲運毋遲。其十二運銅觔。既經滇省撥定。亦著畢沅。即速委員赴滇交兌。速行運回應用。○以湖南長沙協副將富祿。為四川

川北鎮總兵○已酉以故雲南羅次縣練象關土巡檢李蓋臣子東祚襲職○庚戌

孝懿仁皇后忌辰遣官祭

景陵○諭據畢沅奏平利縣拏獲川省太平縣搶奪輪姦之亮淫咽匪艾隆即艾小二等十
一名先行按律定擬一摺已批交軍機大臣會同行在法司覈擬速奏矣川省咽匪最為地方之害此案聚集多人持械拒捕淫亮肆擾實為不法已極前據舒常劉墉李本李國梁等先後奏報屢經傳諭迅速查拏毋令兔脫散逸至此等匪徒本起於川省之太平等縣文綬以本省總督兼署提督乃不及早飭屬嚴行緝捕致令竄往黔楚陝西等省且其具奏轉較舒常等為遲而匪犯百餘人所獲亦未及其半地方大吏遇此等匪徒聚集之案尚不實力查辦所司更屬何事文綬著交部嚴加議處其太平等縣之防汛武職並兼轄之總兵等官為誰平日不行防範致令成

羣結黨蔓延滋事均屬疎玩著文綬查明參奏至此案詳覈各省奏報惟竄入陝西平利縣之咽匪十六名已據畢沅拏獲十一名并另案拏獲黃自禮等六犯所辦較為認真至湖廣僅止拏獲一名貴州亦止拏獲七名餘犯已俱逃脫督緝亦俱不力並著傳旨申飭將此通諭知之○山東巡撫國泰奏六月二十三
四等日連降大雨兼東北暴風各河歸海之水為潮水頂阻以致汎溢荷澤汶上鄒縣嶧縣濟寧衛章邱鄒平長山齊東濟陽德平臨邑新城臨清衛惠民濱州樂陵商河利津陽信青城海豐霑化壽光樂安高苑博興昌邑濰縣平度等州縣衛俱報被淹臣與于易簡分頭前往查辦如有成災者即行撫卹得旨覽奏俱悉若有成災者善為撫卹毋致失所諱災之事斷不可為慎之恐汝不能不存諱飾之意也○旌表守正被戕河南祥符縣民朱廷傑妻王氏○辛亥諭本日據吏部

查奏。王宣望在甘肅藩司任內。通同折捐冒賑之首道府縣各員。所有曾任蘭州道之秦雄飛。熊啟謨。俱著革職拏問。交與阿桂等嚴審。至三十九年甘省開捐監糧以來。即在王廷贊任內之首道府縣。均屬通同舞弊。自應一體嚴審。所有已經查出之前任蘭州道陳庭學。現任蘭州道圖薩布。前任皋蘭縣知縣鄭陳善。楊德言。亦著革職拏問。交阿桂等併案嚴審。○諭軍機大臣等。熱河自初九日以後。連遇陰雨。勢頗綿密。京師一帶。想亦相同。何以今日未見奏報。朕心深為厯念。著傳諭留京辦事王大臣等。即將近日雨水情形。若何。田禾有無妨礙之處。據實覆奏。尋奏。前月十六至二十八日。天氣晴朗。是夜至本月初二日。得雨二次。俱不甚大。現在天已大晴。田禾豐茂。其低田前經大雨者。尚可趕種收麥。不致失收。報聞。○又諭。向來川省囑匪。不過三五成羣。在偏僻地方。強討生事。前督提黃

廷桂。岳鍾琪等。隨時督飭查辦。盡法懲治。從來未有似此聚集多人者。何以此時搶掠不法。輒至聚黨百餘人。竄逸各省。文綬久任川省總督。所司何事。著再傳諭該督。務即嚴飭員弁。多派兵役。四處搜捕。務期盡絕根株。將來本案查辦完結後。仍須督飭所屬。隨時留心訪查。稍有萌蘖。即為盡法窮治。庶幾戢暴安良。地方可以永靖。○兵部議准。署兩江總督薩載奏稱。壽春鎮兵額。不敷差遣。請於徽州營裁守兵四十名。暨督河漕撫提鎮各標協營內。共酌裁守兵一百六十名。添撥壽春鎮七營。均勻派給從之。○壬子。諭甘省收捐監糧一事。原因邊陲地瘠民貧。應令倉儲充裕。以備賑卹之用。是以復經允行。乃開例之始。即公然私收折色。甚至通省大小官員。聯為一氣。冒賑分肥。扶同捏結。積成弊藪。既經敗露。自不得不徹底根究。現據阿桂等陸續查奏。歷年積弊。俱已水落石出。是竟以朕惠

養黎元之政。作為官吏肥橐之資。實屬慙不
畏法。為天理所不容。况辦賑之事。有濫必致
有遺。若官吏多一分侵漁。即災民少受一分
實惠。朕之所以嚴行窮究者。正欲剔除官吏
積弊。使百姓實受賑恤之益。並非因辦賑有
弊。轉將賑卹之事。靳固不舉也。前恐各督撫
誤會此意。或致有災不辦。曾經明降諭旨。宣
示中外。但恐督撫等。仍未能仰體朕懷。且不
肖之員。或以於己無可分肥。即於民視如膜
外。其所關於民政者甚大。朕如傷在抱。偶遇
各省偏災。不惜多發帑金優恤。不使一夫失
所。此天下臣民所共知共見者。各該督撫。務
皆以愛民恤災。使得均霑實惠為念。遇有地
方水旱。即詳晰查勘。據實具奏。加意賑卹。斷
不可因有甘省監糧之案。遂爾因噎廢食。以
致稍有諱飾。倘如此申誠再三。而督撫等仍
有蹈此者。經朕察出。必重治其罪。將此再行
通諭中外知之。○諭軍機大臣等。本日據薩

載等奏。高堰隄工。前被風暴撞掣。保護平穩。
並南關等壩。未經開放一摺。覽奏稍慰。已於
摺內批示矣。其被風撞掣殘缺各段落。雖均
經接護堅整。但目下正屆秋汛。正宜實力防
護。以資保障。前李奉翰摺內。有高堰磚石工
隄頂過水。刷動隄身等語。此等被刷後面工
段。最為吃緊。必須迅速督飭工員。備齊料物。
上緊鑲補。夯砢堅實。務俾一律照舊完整。方
保無虞。其餘被風浪衝激殘缺各工段。並著
一體督修。以資鞏護。將此傳諭薩載。李奉翰
知之。○又諭。據富勒渾奏報。萬錦灘於初二
三日。長水一丈八尺。黑堽於初四五日。前後
長水一丈二尺五寸。八堡迤東焦橋一帶。漫
水過隄。趕護不及。以致大隄被刷三十餘丈。
至初六日午時。水落四尺有餘。灘面露出。始
見圈隄。與八堡大壩。現飭屬趕作裹頭。保護
大隄。自請交部嚴加議處等語。又據韓鐸奏
到漫溢情形。將道廳營汛疎防各員。查明題

叅。並自請嚴加治罪等語。此次河水漫溢。雖屬汹涌。但大溜仍走中路。圍隄大壩。已露出灘面。韓鐸。富勒渾。聞信後。即親赴該處。督率搶護。辦理尚屬無過。所請嚴加議處及治罪之處。尚可寬免。惟現屆秋汛。務須加意防護。趕緊辦理。以期工程鞏固。其漫水經過地方。有無損傷田禾。並著查明。照例撫卹。毋稍諱飾。將此諭令知之。仍將現在情形。迅速覆奏。

○又諭。前據興兆等奏。六月十九日。荊州江水盛漲。漫溢灌入荊州府護城。現在督同地方官設法辦理。並知會督撫一摺。已傳諭舒常等督率所屬加意撫卹矣。乃本日舒常奏報。親往該處查勘情形。摺內。朕詳晰披閱。僅據聲明沔陽安陸等處。被淹地畝情形。而於荊州府城。現在水勢。曾否消退。並東西北三門城牆。有無衝坍。城內駐防滿兵。及府城人口。有無傷損。護城隄垸。衝塌究竟若何。並如何與興兆會商勘辦之處。均未詳晰敘及。伊

係滿洲總督。乃於駐防滿兵處所。全不留心查辦。殊屬不知輕重。舒常著傳旨申飭。仍令將荊州府城實在情形。查明據實迅速覆奏。毋再牽混遲延。尋奏。川江水溢。漫過荊州府沙市老隄。數日後漲水已涸。駐防兵丁及府城人口。並無傷損。田畝亦無被淹。三門城脚吊橋浸損。暨各隄潰口。俱屬無多。已與興兆商飭修築。並留藩司梁敦書。在彼趕辦。報聞。

○欽差大學士公阿桂。署理陝甘總督李侍堯奏。本月初五日。臣等帶兵。直至華林寺牆邊攻撲。賊抵死抗拒。午後退竄。寺屋及圍牆內藏匿。我兵用樹枝等物。焚燒寺基。酉刻。屋簷坍塌。打死焚斃之賊甚多。餘俱竄至後牆及兩廂牆圈內。用鎗石抵禦。時已黑夜。暫將官兵撤回。初六日卯刻。我兵撲至寺後。緣牆而上。向下放鎗擲石。斃賊幾盡。有賊百餘。從西邊滾下直礮。我兵追至平坦處。並有在外豫備堵截官兵。一時奮勇。將賊重重圍裹。擒

殺淨盡。無一名漏網。又奏。安定縣逆犯馬明心家屬。並伏羌縣為伊欽銀之新教阿渾。與各犯家口。已派按察使福寧前往查拏。解省審辦。又奏。蘇四十三。韓一提巴拉。二犯家屬。業經正法。現在省城暨河州循化等處。逆犯婦女幼孩。應分別發遣。又奏。逆犯馬明心。初教起釁。實係禍首罪魁。現已剝出屍身。應照蘇四十三例。將首級傳交各省回民地方懸示。諭軍機大臣曰。此次勦捕逆回。雖因其死守抗拒。遲至三月有餘。始行殲滅。然使賊於一月前衝突而逃。勦捕正自費力。今乃占聚華林山寺。俾官兵得以全數殲擒。竟無一名漏網。仰賴

上天嘉祐。朕愉快之餘。惟益深虔畏耳。至阿桂等所稱馬明心家屬徒弟。并伏羌縣欽銀之新教阿渾。與各逆黨家屬。已委按察使福寧前往查辦等語。所奏甚是。此等從逆回民。露有形跡證據者。必須全行搜查。不可稍存將

就了事之見。至省城及循化河州等處。監禁逆犯之婦女幼孩。人數甚多。著阿桂等查明。將應發烟瘴者。即行分別發遣。毋令久稽監獄。○以鴻臚寺卿馮應榴為江西布政使。○癸丑。諭曰。據阿桂等奏。殲擒逆回。餘黨淨盡。一摺。逆匪負隅固守。官兵得以全數勦殺。竟無一名漏網。實堪稱快。除海蘭察等已於阿桂等前次奏捷時。交部從優議敘外。所有此次打仗陣亡之司鞍果倫察著加恩照藍翎

侍衛例。給與卹典。屯練土外委郎卡太。並照土千總例議卹。受傷之屯練巴圖魯土把總郎思甲。著加恩以土守備用。此外受傷各員弁。及陣亡被傷官兵。著阿桂等查明。照例優卹。至軍機處司員戶部員外郎舒濂。亦帶有箭傷。著加恩賞戴花翎。其屢次打仗奮勇受傷之頭等侍衛穆塔爾。前已賞給二品頂帶。再加恩遇有四川管理降番之副將缺出。交該督酌量題補。○諭軍機大臣等。據陳輝祖

奏。六月十八九日。風勢狂猛。沿海一帶。被浪衝損。隄工一摺。已於摺內詳悉批示矣。摺內所稱。現辦西塘魚鱗新石工。均一律整齊。並無損動。其石工之外。一帶柴塘。有間段低矮。一二尺。至八九尺不等。老鹽倉迤東各柴塘。亦間有矮損七八尺至丈餘等語。是日風勢猛厲。該處新建魚鱗石工。最關緊要。乃據奏並無損動。實堪慶幸。其所稱東塘石工。自薛家壩迤東。有塘身裂縫。面上蹲矮者。有面石塌卸三層至十餘層不等。又韓家池柴工。及尖山石壩。亦有潑卸塌損之處。此段工程。亟應趕集料物。加緊鑲築搶護。以期迅速完固。為要。至平湖海鹽沿海各工。有被潮浪衝激塌卸者。亦著該督飭屬趕修。妥為辦理。若有成災者。不可諱飾。亟宜撫卹。毋致失所。至另摺內所奏。是日風狂浪湧。沿海陰沙多有消長變動之處。如章家菴對向新漲陰沙一塊。逐漸移近。約長四里。濶數十丈等語。新漲陰

沙。因風潮變動。漸行移近。塘工因此或轉可逐漸增長。南坍北漲。於保護新建石塘工程。較為有益。著將此傳諭陳輝祖。仍將如何搶築補修完固情形。迅速覆奏。尋奏。是日風勢雖猛。禾苗人口無損。實不成災。薛家壩迤東塘身。并韓家池柴工。尖山石壩。現已搶修完固。此外平湖海鹽暨老鹽倉各工。俱飭令分別緩急趕修。得旨覽奏俱悉。又諭據韓鐸等奏。祥符南岸漫溢之處。水已斷流。現飭員弁趕緊補築一摺。已詳悉批示矣。又據奏。儀封北岸曲家樓隄工。於初五日夜刻。水高於隄一二尺。搶護不及。刷坍隄工二十餘丈。並未掣溜。現在上緊裹頭。以免刷寬。並親赴北岸確查等語。此次北岸水勢。既據查看已見消落。大溜仍走河心。酌量情形。大概與南岸焦橋漫溢相同。著傳諭韓鐸等。速行督飭廳營員弁。上緊趕築。以期迅速集事。並將現在查看水勢。曾否已經斷流。及有無傷損民田。

廬舍之處迅速據實具奏所有北岸漫工請
交部治罪之處著加恩寬免○又諭據福康
安奏先後接據貴州各屬稟報有咽喉匪多人
在途搶奪截傷事主現已陸續拏獲彭昌文
鍾鳳鳴等各犯業經飛飭兩司嚴提取供馳
報並飛札署提督保成等酌量情形如須親
往即起程馳赴會同查捕等語此案咽喉匪聚
集多人肆劫不法總由川省查緝不嚴致令
竄逃別省而舒常鄭大進等所獲咽喉匪不過
一二人又不將該犯等如何聚衆肆劫情形
詳晰審明確供具奏辦理均屬疎玩至文綬
身為總督平日既不能盡心查緝及至事發
又不親往太平嚴行督辦竟爾安坐省城所
辦何事文綬著傳旨嚴行申飭此案惟畢沅
及其屬員所辦尚屬認真而舒常鄭大進劉
墉李本等均未能實力查拏覺上下官員不
過一奏一報了事甚屬不認真著傳諭該督
撫等各責成該地方文武於交界處所堵截

嚴緝務令全獲毋使一名免脫仍將現獲各
犯迅速訊取確供從重定擬具奏將此並諭
文綬福康安等知之○又諭昨據戶部奏甘
肅監糧自開捐以後節據該督造報糧石並
以各州縣舊有倉廩不敷存貯共請添建者
二十六案估需銀一十六萬一千八百餘兩
經戶部准令添建即於所收捐監倉費銀內
動支造報工部覈銷在案今查明此項既無
本色糧石則從前該省請添建倉廩何糧可
貯顯有捏冒情弊不可不徹底查辦等語所
奏甚是本日又據工部將該省請建廩座現
在覈議及從前准銷未銷各案請一併勅交
阿桂李侍堯澈底查明具奏一摺與戶部所
奏事屬一例建立廩座原為收貯糧石而設
甘省自乾隆三十九年勒爾謹奏准開捐以
來即私收折色通省糧石盡屬紙上空文即
現有之倉廩已為虛設何得又請添建其為
捏報蓋造侵蝕公帑已無疑義著傳諭阿桂

等將請添殿座之各州縣派令滿漢軍機章京分路前往查勘有無殿座據實覆奏○又諭昨李侍堯奏據各屬稟報夏秋被旱被雹及黃疸諸處仍係相沿該省捏報積習此等劣員將來歸於冒賑案內叅奏辦理一摺所奏甚是即此見其能辦事之一端已於摺內批示甘省辦理冒賑一案原因剔除弊竇使窮黎得霑實惠起見昨恐各省督撫誤會朕意或致有災不辦已屢降明旨嚴切宣諭矣

李侍堯所奏報災各屬雖云未可盡信然既經稟報斷無不辦之理著傳諭李侍堯即速派委明幹公正大員再行詳悉查勘即使勘不成災而其中一鄉一村有受累之處亦應量加撫卹或予蠲緩或借給口糧籽種以資接濟朕臨御四十六年凡遇各省偏災無不加恩賑濟屢經降旨寧濫無遺甘省監糧冒賑一案所以嚴行窮究者正為官吏多一分侵漁即災民少受一分實惠若因此稍涉靳

固則是因噎廢食外間無識之人妄生議論必且以李侍堯為仰承意旨靳惜災賑而甘省被災村民或因此致抱向隅其所關於政治甚大夫去積弊可也不惜災民甚不可也愛民所以事

天朕如傷在抱惟恐一夫失所實出於中心至誠此

上天所鑒亦天下臣民所共知共見者朕前旨所謂寧受萬人欺不可使視民如傷之心少

懈正謂此也昨已明降諭旨申誡再三恐李侍堯尚未能明喻朕意是以再行傳諭令其實心詳查勘辦倘有不肖之員以為災賑已無可分肥竟視民瘼於膜外諱匿不報者必當加倍重治其罪其間輕重李侍堯當自知之其如何委勘辦理緣由並著迅速馳奏并傳諭阿桂知之○閩浙總督陳輝祖署福建巡撫楊魁奏老鹽倉一帶海塘自場字號至名字號一千五百丈改建石工其立字號至

因字號二百丈。相傳沙性汕溢。不能釘樁。臣等駐工發試。經打樁一丈二三尺。不復搖動。請一律改築鱗塘石工。得旨。如所議行。○以內閣學士錢士雲為兵部石侍郎。○甲寅。諭本日據伊齡阿奏。長蘆所屬鹽場濱海竈地。猝被風潮。現在親往查辦。一摺。聲敘總不明晰。詳閱摺內所稱。六月二十七日。據豐財蘆臺。兩場大使稟報。六月二十日戌刻。該場風雨大作。海潮橫漲。灘副全行淹沒。溝埂池塹衝打幾平。存圪鹽觔亦多被衝刷。當經派委青州分司查看屬實。由署運司孫泳詳請酌辦。前來等語。長蘆所屬之豐財蘆臺二場。是否在山東青州濱海地方。抑或即在天津相近之處。若在天津海口不及百里。何以二十日該場遇有風潮。遲至二十七日始據場員稟報。而伊齡阿又不即於次日前往。直至本月初九日。方親赴該場察看。覈其所奏情節。長蘆運司孫泳所報豐財蘆臺二場。似在天

津。而伊所委青州鹽大使。又似在東省地方。摺內前後總未將天津山東省分明晰聲敘。而於被風及稟報查勘月日。眉目又復不清。伊齡阿人尚明白。何此摺含糊若此。著傳諭伊齡阿令其詳晰聲覆。並將如何查辦情形一併迅速覆奏。尋奏豐財場坐落天津縣蘆臺場坐落寶坻縣青州分司亦駐天津城內。臣據稟報後。因人口並無損傷。惟灘地衝刷。必須詳細查辦。故先委分司履勘確切。始親往覆查。茲已將應修灘副委運司估計興修。得旨覽。○諭軍機大臣等。據梁敦書奏。地方雨水情形一摺。內稱湖北省六月望後武昌黃州二府屬望澤較殷。現隨同督撫設壇祈禱等語。湖北自六月望後。未經得雨。中晚二稻及雜糧等項。自不無待澤情形。舒常等既經設壇祈禱。自應一面奏聞。以副朕廑念雨暘之意。乃本日據梁敦書奏到。而該督撫等均未具奏。為大吏者。豈宜如此。若舒常等既

不自行奏報。而轉以梁敦書之先行入告。心存芥蒂。則更不是。亦不能逃朕洞鑒也。將此傳諭舒常。鄭大進。知之。仍著將武昌黃州二府。及通省各屬。是否得有透雨。一體均霑之處。迅速覆奏。尋奏。江夏已得透雨。並近省之漢陽。武昌。蒲圻。咸寧。漢川。黃陂。黃岡。黃安。蘄水。蘄州。廣濟。鍾祥。天門。荊門。京山。安陸。應城。應山。雲夢。江陵。公安。襄陽。宜城等州縣。俱報得雨。已飭道府確查。是否有裨田禾。另容馳奏。報聞。○又諭。據舒常等奏。已東縣典史潘永鰲稟報。盤獲臨湘縣人張武遷。搜有帳簿。黃紙等項。訊據該犯所供。在興山看見之袁文秀。袁紹哲。嚴敬龍。李併花等。多有從前歷經查緝之要犯姓名住址。種種悖逆。妖妄不法。看其神情。似係瘋顛。現在根訊搜查審辦等語。已於摺內批示。此等悖逆匪徒。既經拏獲。即當嚴切訊究。來歷下落。所供各犯。俱須逐一嚴訊住址。查拏審辦。其有無捏供誣陷。

必須根究確實。務使水落石出。方不致有疎縱枉濫之弊。乃外省辦理此等逆犯。往往以瘋病為詞。以圖將就了事。是即化大為小之積習。斷斷不可。又另摺所奏。盤獲攜帶悖妄字蹟之饒盛治。並范萬一等。現在審辦一摺。該犯所帶報單。竟敢詐稱官職。及書寫悖妄字跡。尤屬不法。該省同時有此二案。殊駭聽聞。舒常等現在查拏囑匪。此二案人犯。或竟係囑匪等行蹤詭秘。改裝易名。以圖煽惑。亦未可定。著舒常等即將此兩案人犯提齊。嚴行根訊確供。是否囑匪。改捏據實審究。從重速擬具奏。不可稍存姑息了事之見。○調福建陸路提督俞金鰲為甘肅提督。江南提督李奉堯為福建陸路提督。浙江提督長清為江南提督。烏魯木齊提督喬照為浙江提督。以貴州安龍鎮總兵彭廷棟為烏魯木齊提督。○乙卯中元節遣官祭永陵。

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

實錄卷千五百六

聖

端慧皇太子園寢○山東巡撫國泰奏臣在

濟寧途次據稟河南儀封縣河隄漫溢查該

處毗連東省水勢下注直入曹縣一帶民田

廬舍恐有淹浸臣即前往確勘速為撫卹得

旨覽若有成災者不可諱飾加意撫卹

實錄卷千五百六

聖

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百三十六

大清高宗法天隆運至誠先覺體元立極敷文奮武孝慈神聖純皇帝實錄卷之一千一百三十七

監修總裁官經筵講官太子太傅大學士沈德潛等奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶隆

總裁官經筵講官太子太傅大學士沈德潛等奉 上諭事件處管理刑部戶部工部

世襲騎都尉軍功加十九級隨帶加二級又加二級重誥內大臣戶部尚書鑲黃旗滿洲都統軍功紀錄一次

尋常紀錄十四次臣德瑛經筵講官太子少保工部尚書紀錄六次臣曹承燾等奉

教修

乾隆四十六年辛丑七月丙辰諭據李本奏

李本奏

一

一

拏獲咽喉匪夥犯陳正山鍾鳳鳴等審明分別定擬請勅法司覈覆一摺甚不解事已於摺內批示矣此案咽喉匪聚集多人由川省潛竄楚黔持械拒捕滋擾地方情罪甚為重大前已降旨諭令四川湖廣雲貴各督撫於拏獲咽喉匪審明時凡幫同拒捕之人俱一面正法一面奏聞其餘隨行未經拒捕者亦應發伊犁給厄魯特為奴母得存姑息將就之見今李本既經拏獲拒捕咽喉匪審得實情自應即

請王命立正典刑其餘各犯即行從重分別定擬一併具奏何待法司覈覆致要犯久稽顯戮耶李本著交部嚴加議處其咽喉匪陳正山鍾鳳鳴劉貴三犯俱著處斬餘仍著該部議奏○諭軍機大臣等川省咽喉匪結夥搶劫竄逸各省一案已諭令文綬親往太平督辦外朕思此事湖廣貴州各省若不特派大員專司擒捕不足以專責成著即派李國梁挑選本標精壯兵丁三百名令奮勇將備帶領親身督率前往先由湖北至貴州湖南一帶會同各該省督撫實力搜捕淨盡毋使一名漏網如三省已無賊匪即往四川交界處所會同文綬將川省咽喉匪一體搜捕以副朕戡暴安良之至意將此傳諭李國梁並諭文綬等知之○又諭據韓鐸奏儀封北岸曲家樓分溜情形一摺內稱據河北道朱歧稟報初五日夜間儀封汛十堡以東大隄漫溢二十餘丈是夜風大水乘風勢自五堡至九堡又

間段漫溢三處。當即親赴該工查勘。其過水口門。共計四處。寬三四十丈。及七十餘丈。深一丈餘尺。十堡口門溜勢較緊。分溜約有四分等語。該處北岸隄工漫溢。前據該督等奏到。業經降旨。現屆秋汛。令其飭屬上緊趕築。加意防護。茲據該督續奏。初五日夜間。又有間段漫溢三處。其十堡口門分溜約有四分。該處隄工塌卸。其漫水所經。東西分流。俱在運河。關係匪細。現據查勘。雖尚未吸動大溜。但已分溜四分。亟須趕緊催集夫料。星夜堵築。俾口門不致刷深。則收功尤易。著該督迅即督飭在工員弁。撥運工料。分頭搶築。如果迅速集事。刻日堵築。所有此次奏請交部之處。仍可邀恩寬免。將此傳諭韓鐸。及富勒渾知之。○山西巡撫雅德奏。本月初三日子時。永濟縣黃水漫行。淹及城身。長刻方退。城北沿河五十餘村。房屋倒塌。人口淹損。飛調幹員。分路散給口糧。并發修葺殮費。酌借籽種。

得旨。知道了。目今民情安妥否。完成災否。○以鑲黃旗漢軍印務叅領范建中。為正紅旗漢軍副都統。○補行乾隆四十五年貴州軍政卓異官三員。罷軟官二員。年老官一員。有疾官一員。分別議敘處分如例。○丁巳。諭。回部郡王品級貝勒霍集斯之爵。例應降襲。但念其住京以來。行走奮勉。今伊病故。未忍遽予降等。仍著其子哈第爾。承襲郡王品級貝勒。○又諭。據惠齡等奏。土爾扈特親王奇哩布呈稱。伊兄策伯克多爾濟無嗣。請將伊弟扎薩克台吉阿克薩哈勒之子恭格車凌承繼。著照所請行。並賞給公品級一等台吉。○諭軍機大臣等。甘省收捐監糧改收折色一案。經阿桂等查明。王亶望任內。改收折色。冒賑開銷。上下通同一氣。贓私累累。已將王亶望勒爾謹。王廷贊等。拏問治罪矣。此案情弊。畢沅久任西安。既係隣省。又屢署總督印務。况畢沅明白曉事。非勒爾謹竟如木偶者可。

比何以置若罔聞並不據實叅奏朕不欲因此更興大獄試令畢沅撫心自問此案伊能脫身事外毫無干涉公然養尊處優於心安乎著傳諭畢沅令其自行議罪此朕格外加恩是以如此辦理畢沅應有良心當自知之尋奏臣在陝八年兩署督篆於王亶望等監糧舞弊一案並未叅奏獲戾甚重可否懇恩格外矜全容臣繳銀三萬兩再於養廉內罰銀二萬兩以贖前愆得旨覽○又諭據農起

題報歙縣故民黃全寶之妻吳氏因姑逼嫁投塘身死一本已批交該部議奏矣此案黃吳氏自伊夫故後賣衣葬夫養姑克守婦道乃伊姑黃江氏貪圖財禮欲逼改嫁以致吳氏聞知赴墳哭別投塘身死是黃江氏與吳氏姑媳恩義已絕若仍照例收贖杖罪殊未允協著傳諭刑部堂官議覆時黃江氏不准納贖按律的決以歸平允○兵部議覆湖廣總督舒常奏稱武舉隨營向例分別千把總

拔補但不豫行考定臨時酌用易滋弊竇請於武舉三年効力滿日即加考驗或應用千總把總先行指定報部缺出時按到標先後咨補并定以千總四缺後把總六缺後各用一人如應用熟習鳥鎗武舉之把總缺出無人即以弁兵代俟下一缺以武舉抵應如所請從之○戊午諭據戶部奏各省武職額支名糧款項數目清單內開兩翼翼尉二員每員額給馬糧四名歲支餉乾銀二百十六兩米十四石零翼尉並不經管三營事務不應給與名糧況又有額設養廉銀四百兩此項銀米即著裁去餘俟各省督撫查奏到齊之日交與軍機大臣通行酌覈均攤分別具奏再降諭旨○諭軍機大臣等本日據劉墉覆奏飭屬嚴拏囑匪一摺內稱本年四月川省重慶府之合州暨忠州之梁山等縣囑匪聚至百餘滋擾傷人官追捕逃入川北太平縣等處又稱湖南省、川黔接壤各處並無

咽匪蹤跡仍嚴密防範截拏等語。此等匪犯結黨成羣。去來蹤跡原無一定。若一省緝拏嚴緊。則該匪犯等又復竄入別省。劉墉何得遽稱湖南並無咽匪蹤跡。著傳諭仍嚴飭各屬文武員弁。上緊緝捕。不可稍涉大意。至所稱四月內。該匪等於川省重慶之合州及梁山等縣。聚集匪黨百餘。滋擾之處。可見該匪等於四月內。已有搶劫滋事之案。彼時文綬何以未見具摺奏聞。顯係有心諱飾不辦。以致竄入別省。皆文綬辦理遲延所致。文綬著再傳旨嚴行申飭。○又諭據圖明阿奏六月十八九日。秋潮漲發。所屬場窰有被災畧重處所。濱海窰丁屋舍亦有傾圮之處。現飛飭監掣同知。分司場員等分路查勘。先行撫卹等語。鹽政衙門並無應辦要務。所屬場窰既被風潮。圖明阿即當親往詳查。何得安居衙署。僅委屬員查辦。圖明阿不應如此著傳旨申飭。仍著將被災情形如何親往查勘辦理。

乾隆四十六年七月下

七

之處。據實覆奏。尋奏臣遵旨先赴淮北勘得積水已涸。池井房屋亦漸修復。實不成災。惟該屬乃積歉之區。今又被潮。窰丁更形拮据。請借給修費。并冬月口糧。兼將積欠分作二年帶完。報聞。又奏。臣隨赴淮南。查泰州通州二分司所屬二十場。多半積潦。全消攤煎。如故。惟泰屬廟灣一場。被潮最近。地淹屋倒。較各場稍甚。請照淮北緩徵例。以紓窰力。再通州江中老沙新沙有外來民人在彼佃種者。被災較重。已據淮南各商義捐賑卹。無庸動項。報聞。○已未。諭據署兵部尚書德福等條奏。都司以下記名人員扣滿二年。陞用後再扣二年。令該督撫出具考語送部引見。一。捐此等人員。自奉旨記名後。兵部向例扣足二年。即予陞用。再扣二年後。遇有應陞缺出。又復遞行陞用。似此按年遞陞。殊覺過驟。嗣後叅將副將等官記名者。仍照舊例交軍機處辦理。外其遊擊以下人員交兵部記名者。統

乾隆四十六年七月下

七

限扣足三年。准予陞用一次。所有該員記名之處。即行註銷。著為令。○諭軍機大臣等。據國泰奏。儀封漫溢黃水。分流北注。或由東省之北趙王河。至張秋入運。從大清河歸海。或匯入衛河。直達天津之處。均於運道攸關。但未據下流各屬稟報。或係不由該兩處下注。別經直隸河道下達。亦未可定等語。所奏雖係約畧之詞。但漫水既分注北流。則直隸河道自不可不加以防護。現在尚未據袁守侗奏報。或係漫水入運歸海。抑或下注之水。尚未流入直隸境內。甚為懸注。著傳諭袁守侗。即將直隸運河情形。查明據實覆奏。并嚴飭沿河各屬文武。晝夜小心防範。毋稍疎虞。袁守侗竟當速往親身查看。庶呼應靈而集事速。若都無事。再來可也。尋奏。本月十六日。據長垣縣稟。豫省儀封隄溢。淹及該縣長太集崔莊等二十餘村。又據東明縣稟。車家寨等八十餘村。亦被淹浸。並衝溢太行隄十餘丈。

除人口無傷外。房屋未苗。俱有損壞。臣兼程赴勘。水已漸次消落。即酌量撫卹。并備料物人夫。相機堵築得旨。此事未奏。殊屬遲慢。又批。若有成災者。加意撫卹。不可諱飾。○又諭。據韓鐸奏。黃河北岸儀封十堡漫口。奪溜情形。一摺。據稱曲家樓漫口。於七月十二日。大河水勢復長一尺七寸。一帶河唇普漫。溜勢湧激。孔家莊地勢兜灣迎溜。逼近河身。連日東南風大。十三日溜勢全歸孔家莊。水面約寬百餘丈。下注曲家樓漫口。該處隄舌沙鬆。不能裹頭。續塌二十餘丈。現在竭力裹護。祇可就外灘臨黃堵截。應就地勢高處。一面趕築外越一道。攔截外灘溝槽。跨壓順隄。河形較為穩固等語。曲家樓漫口。在黃河北岸。切近運河。關係漕運。最為緊要。據稱就外灘臨黃堵截。辦法甚是。已於原圖內。孔家莊漫灘地面上。畫出硃筆南北兩道。是否應於南邊孔家莊地面。築壩堵截。抑於北邊連榮華寺

溝槽處所。築壩堵截之處。著韓鐸等悉心籌酌。勘明確切情形。據實一面覆奏。一面動工辦理。至所稱撫臣分委府縣購料撥夫。沿河州縣封雇船隻應用之處。亦著富勒渾。上緊督辦。又據稱江南魏家莊漫口。此時因上游漫溢。自易竣事。請令南河督臣李奉翰委河標副將李永吉帶領守備四員。千總八員。橋埽兵二百名。迅即來豫幫辦。現在情形。北河轉比南河著重。著傳諭薩載。李奉翰。即令李

永吉。選帶熟練河務之備弁。帶領橋埽兵丁如數。迅速前往河南。聽候韓鐸等差遣委用。至孔家莊漫下之水。已據韓鐸奏。差員往查。并行運河道沈啟震防禦。確查入湖入運情形。並飛咨江南督臣河臣防範。據委員探報。漫下之水。西股由曹州府屬歸趙王河。至張秋一帶。東股由曹縣金鄉魚臺至南陽湖下注。東省河湖本多積水。今復加添黃水。致礙湖河更切焦急。無地自容等語。看來幸未入

運。但所奏未甚明晰。著詳悉速具圖來。此時富勒渾諒已到工。韓鐸應與該撫督率盡心料理。不必過懼。以致茫無主意。同日又據國泰奏報。據曹縣定陶城武金鄉荷澤縣稟報。黃水漫溢。由白花河入魚臺之昭陽湖。並入趙王河北注。將分駐同知衙署浸塌。水頭約高四五尺。寬十餘里不等。此時黃水下注。湖水又復增漲。下游仍行歸運。必須使運河減落洩消。方得主腦。現擬引汶水入大清河歸

海。運河即可宣洩。並擬將戴村石壩旁之土堰開放。以免將來修築糜費等語。所辦甚好。此計是亟應為之。已於摺內批示矣。又稱運河既已分洩。而去路歸宿之水。亦應酌辦。現擬將江南蘭家壩下游劉老澗地方。大加疏通。可將東省運河下注之水入海。派委河道楊鍾岳前往會同何裕城妥協籌辦等語。亦應如此辦理。再閱韓鐸國泰等原摺。黃水既稱係東省北注。究竟掣溜幾分。其自河南入

江南之正河。是否竟係全河奪溜。抑尚餘正溜幾分。其黃河下注尾閭。究係由何處入海。是否不致淹灌昭陽等湖。致礙運道之處。均未據明晰聲敘。並著傳諭薩載。李奉翰。韓鐸。國泰。各將該處現在實情。詳晰具圖。速行覆奏。至國泰所奏東省河圖一件。並著寄交韓鐸閱看。其韓鐸所奏孔家莊漫口。經硃筆畫出原圖。一併鈔寄閱看。將此由六百里加緊各諭令知之。○庚申。諭據阿桂奏。征剿撒拉爾逆賊之三。等侍衛遜濟鼐。鄂爾濶勒圖。七寶。徹森保。請賞給巴圖魯名號。藍翎侍衛完齊鼐。雅木丕勒。色靈額。請賞給花翎。司鞍諾諾和。毅德保。前鋒碩雲保。薩進保。請賞給藍翎。遇伊等應陞之缺。即行陞用。火器營藍翎長達彥泰。前鋒營藍翎長音濟保。鄂木西鼐。請以本營護軍校。前鋒校陞用。親軍珂星額。護軍巴雅爾圖。火器營鳥鎗護軍祥進保。請補放本營藍翎長等語。均著照阿桂所請。並

加恩賞侍衛遜濟鼐。為穆騰額。巴圖魯。鄂爾濶勒圖。為法福哩。巴圖魯。七寶。為莽阿。巴圖魯。徹森保。為奮圖。呼。巴圖魯。名號。仍每人賞銀一百兩。○又諭。此次進剿撒拉爾逆回之甘肅布政使福崧。殊屬奮勉。著加恩賞戴花翎。○又諭。前據阿桂等奏。殲擒逆回餘黨。所有在事出力員弁。業經降旨。分別加恩卹賞。茲據阿桂。復查明前次打仗時。漢土弁兵內。甘州提標守備馬斌。四川千總唐萬年。循化營千總蕭福祿。延綏鎮標把總孟學易。始終在頭敵打仗。奮勇殺賊。並經受傷。馬斌等。俱著加恩賞戴花翎。撒拉爾土司韓光祖。屯練巴圖魯藍翎土把總阿旺。藍翎土把總雍中依沙斯。俱帶兵打仗。奮勇殺賊。韓光祖等。俱著加恩賞戴花翎。屯練土千總阿朋。土外委雍中朋。帛噶爾。角克土千總阿結。別斯滿。土千總安多爾。節次打仗。殺賊受傷。雍中朋等。俱著加恩賞戴藍翎。以示優獎。○諭軍機大

臣等昨據韓鑠奏黃河北岸孔家莊漫口奪溜情形一摺未甚明晰已諭令該督等詳悉繪圖覆奏矣再細閱國泰昨奏河圖此次黃河水勢似係散漫入昭陽等湖看來幸未入運而韓鑠初任總河因北岸漫口惶悚焦急恐其過於憂懼以致茫無主意關係甚重今上游既有漫溢則江南魏家莊漫口此時不過補築隄堰轉易竣事著傳諭李奉翰與薩載詳悉熟籌如魏家莊水勢已平易於堵築

實錄卷一百三十七

五十一

此時李奉翰竟應前來河南孔家莊漫口與韓鑠富勒渾督率各屬迅速趕築薩載留辦魏家莊漫口儘足了事此事李奉翰與薩載詳悉妥籌一面據實覆奏一面前來河南若江南必不可離亦不必拘於遵旨即來至國泰現往曹屬查勘離孔家莊漫口不遠亦應前往該處會同韓鑠富勒渾等催集工料率屬趕辦將漫口即日堵築完竣使黃河早歸故道以紓廛念至黃水經過地方查勘撫卹

及疏消各事宜並著富勒渾國泰飭屬實力加意妥辦毋使災黎一夫失所仍將奉到此旨辦理各緣由據實迅速馳奏將此傳諭知之○又諭據已延三等奏接暹羅國鄭昭具稟求貢詞意頗為恭順惟請給執照前往廈門寧波等處夥販未敢擅便至所稱貢外之貢與例不符及備送禮部督撫各衙門禮物並餽送行商及請將餘貨發行變價以作盤費概發原船帶回求買銅器例禁出洋不敢

實錄卷一百三十七

五十六

率行奏請并擬檄稿諭飭一摺已於摺內批示矣外國輸忱獻納自應准其朝貢以示懷柔俟該國貢使齎到貢物表文時已延三等派委妥員伴送來京呈進後再降諭旨其備送各衙門禮物有乖體制求買銅器例禁出洋自應飭駁至所請欲往廈門寧波夥販並欲令行商代覓夥長往販日本之處該國在外洋與各國通商交易其販至內地如廣東等處貿易原所不禁至販往閩浙別省及往

販日本。令行商代覓夥長。則斷乎不可。該督等所擬檄稿。駁飭尚未周到。現今軍機大臣另行改定發往。諭以本部堂接閱來稟。據稱暹邦歷代供貢。自遭緬匪之後。紹裔無人。以致貢疎。茲羣吏衆庶。推爾為長。依例備貢恭進等因。具見小心恭順。出自至誠。本部堂已據情代奏。如蒙大皇帝鑒爾悃忱。加恩格外准爾入貢。俟本部堂差員伴送爾國陪臣。敬齋入都朝覲。至另稟外備蘇木象牙等物。為貢外之貢。天朝撫綏萬國。一應朝貢多寡。均有定制。豈容任意加增。難以代奏。至致送禮部督撫各衙門禮物。甚至饋及行商。並求准買銅器千餘個。先放空船歸國等語。更屬瑣鄙。不知事體。天朝綱紀肅清。大法小廉。內外臣工。豈有私行收受爾國物件之理。銅觔例禁出洋。更不便准爾採買。若本部堂據情代奏。轉滋爾忘分妄干之咎。用是明白曉諭。將貢外之貢及呈送各衙門禮物。發交原船帶

回。又爾稟後附請。給照載貨前往廈門寧波等處。並欲令行商代覓夥長。往販日本等語。尤屬不知禮體。爾等在外洋與日本各國販賣交易。原所不禁。若欲請官為給照。及令行商覓夥往販日本。則斷乎不可。本部堂亦不敢代為具奏。至爾國所請餘貨在廣發行變價一節。此向來交易之常。應聽爾等自行覓商售賣。亦不必官為經理。至所稱餘貨變價。以作來使盤纏等語。向來各國陪臣進貢入境之後。一切往來費用。天朝自有例給口糧。無庸賣貨支應。爾國甫求入貢。輒以貿易牟利細事。稟請准行。甚非表爾効命歸誠之意。本部堂念爾遠在外夷。不諳禮法。亦不加責備。是以剴切曉諭。此後務宜益勵敬恭。恪守臣節。毋得輕有干瀆。交巴延三照此檄知。至該國在廣販賣貨物。若亦令原船帶回。未免徒勞往返。無利可得。殊非體卹遠人之意。此項貨物。似應聽其在廣私行交易。亦不必官

為經理。再該國僻處遐方。何以知廈門寧波等處。可以夥販。及行商覓夥往販。日本查閱稟內開載商船澄海新會縣各字號。俱係內地。此必係船戶等從憑該國。冀圖夥販牟利。不可不嚴行查飭。著已延三等。即委幹員。將該船戶等傳詢緣由。嚴行戒飭。據實覆奏。尋奏查詢船戶。據稱該國貢船十一隻。外洋船二隻。餘皆粵省商船。緣暹羅例准通商。內有船戶常赴該國貿易。故將浙閩寧波廈門告

中華書局影印

五

知實係愚民不知例禁。貪獲雇值。並無勾引合夥情事。臣已嚴加戒飭。報聞。○欽差大學士公阿桂署理陝甘總督李侍堯奏。初六日。賊減撒拉爾逆回。有生擒傷輕賊犯大小六十名。臣等擇其人稍明白。於起事退竄諸情形。畧為知悉。可備訊問者。馬達烏特韓四個。韓三個。并韓阿渾。即馬六十七。蕭得福。共五名。交待衛泰斐英阿。福寧。阿爾都管押。於十二日起程。解送行在審辦。報聞。○辛酉諭軍

機大臣等。本日據李本奏。續獲囑匪楊清葉長紅。陳老五。李思貴。李朝等五犯。併案審辦。又准川督文綬札稱。各匪已至合江瀘州等境。現在撥兵擒拏。並提訊陳正山等供稱。皆係本年三月以後入夥。聞劉老十等。從前在川犯過搶刦之案。今年四月。因在川北地方。搶奪傷人。被拏嚴緊。始行潛逃。欲由湖廣貴州。往雲南廠地等語。此等匪犯。自三四月間。在川省聚黨。搶刦傷人。已非一日。彼時文綬

中華書局影印

五

如果實力查拏。盡數搜獲。從重辦理。該匪等何至紛紛逃逸。竄入別省。乃文綬並不親往嚴行查辦。又未具摺奏聞。此皆該督辦理延緩所致。文綬著再傳旨嚴行申飭。仍著將現在親身前往督率擒捕情形。迅速具奏。至李國梁前經諭令帶兵。先由湖北至湖南貴州一帶搜捕。如三省已無賊匪。即往四川交界處所。將川省囑匪搜捕淨盡。今據李本所奏。是貴州現無賊匪蹤跡。並著傳諭李國梁不

必前往貴州并令酌量現在情形如湖南亦無須往捕即行迅速赴四川會同文綬將囑匪一體搜拏淨盡毋使一名漏網仍著速行覆奏並李本原摺著鈔寄文綬李國梁閱看○賞賚安南國使臣阮維宏等銀幣有差○封閉江西長寧縣大磴楊梅坑鐵絲壘雲屯尖等鉛廠從巡撫郝碩請也○壬戌諭曰常青等奏稱署理察哈爾正白旗總管之叅領三都克呈報拏獲偷馬罪犯哈爾齊該都噶爾諾爾布三人派驍騎校圖古勒岱并護軍托果齊等十名看守乃圖古勒岱收受托果齊等七人銀米令其回家只剩兵三名閒散一名夜深時該三犯扭開鐐鑰將閒散巴圖毆斃又將圖古勒岱護軍額爾德尼等細打昏暈逃走後旋將都噶爾諾爾布二名拏獲審明請旨即行正法并俟哈爾齊該拏獲到日亦照此辦理圖古勒岱發往雲貴烟瘴地方護軍托果齊等七名革退各枷號三個月

鞭一百餘俱革退鞭責該署總管等交部嚴加議處等語偷馬罪犯罔知忌憚罪大惡極常青等即應於審明都噶爾諾爾布時一面正法一面奏聞乃復拘泥奏請實屬不合著嚴行申飭都噶爾諾爾布著即處斬梟示哈爾齊該拏獲到日即照此辦理圖古勒岱並不小心看守并收受銀米令托果齊等七名回家以致兩人斃命三犯脫逃營私舞弊釀成巨案常青等僅擬發遣不足蔽辜圖古勒岱著即正法以為貪黷枉法者戒托果齊等七名著於枷號鞭責後仍從重發往雲貴烟瘴地方餘俱照所請行○諭軍機大臣等甘肅監糧一案據阿桂等查奏開例之始全係私收折色並無實貯在倉而從前袁守伺阿揚阿欽差前往盤查據稱彼時倉糧係屬實貯其言殊難憑信該省監糧既未買補則倉儲焉能足數此必當日地方官一聞查倉之信那東掩西為一時彌縫之計其簽量人役

均係該地方官所管。易於通同弊混。而袁守同等。受其欺蔽。率稱並無虧短。亦未可定。當日州縣各官。現在甘省者。無難訊究得實。著傳諭阿桂等。即行確切訊究。令將袁守同等往查時。該員等如何那移掩飾。其人役如何通同弊混之處。訊取確供。據實覆奏。○又諭。現據禮部。帶領安南國使臣。前來行在謝恩。行禮後。令其回國。該使臣等來京時。係由湖南。湖北。江南。山東。一帶水程行走。現在東省

實錄卷一百一十七

五

曹單等縣黃水。下注漫溢。運河水大。緯路被淹。舟行不無阻礙。著傳諭國泰。若東省運道無阻。所過地方。不至荒涼。即行據實具奏。令該使臣等。仍由原路行走。倘東省運河阻滯。村莊被淹。俱在道旁。於觀瞻亦有未便。不若令該使臣。由陸路。從直隸磁州。入河南境。至湖北襄陽。再由水程前往。較為妥協。並著傳諭富勒渾。會同國泰。詳細酌量情形。迅速奏聞。○又諭。本日據韓鐸。富勒渾奏。黃河北岸

實錄卷一百一十七

五

孔家莊一帶漫口。現在會勘籌辦情形。一摺。已於摺內詳悉批示。據稱關家莊朱家廠二處。業已堵築斷流。牛家場一處。亦可剋日完竣。惟青龍岡。大李家莊。及孔家莊三處。灘勢最低。河水匯注。仍與灘平。灘面俱係新淤。現在於關家莊一帶。設法墊路。作子埝。以禦漫水。並可乘時趕運料物。一俟新淤可以駐足。即趕緊次第興工等語。此法甚善。查係誰人想及。如此辦理。著韓鐸等。據實覆奏。又摺內稱。正河內相度形勢。抽挖引渠。俾水有去路。庶大壩隄工。易於蒞事。現在新料登場。採辦不致遲誤。惟有竭盡心力。晝夜督辦。以期要工速竣等語。此次漫口之水。究竟掣溜幾分。全河尚餘正溜幾分。其漫溢之水。究由何處入海。是否淹灌昭陽等湖。致礙運道。屢經降旨詢問。乃韓鐸國泰等。屢次奏摺。總未聲敘明晰。甚為懸念。看來大河幸未斷流。將來施工尚易。國泰此時。想已遵奉前旨。馳赴豫工。

該督等務須會同相度形勢。督飭文武員弁。上緊堵築。實力趕辦。以副朕夙夜焦勞之意。至此次漫工。關係運河緊要。不比往常。昭陽微山等湖。經黃水淹灌。湖身淤墊。將來難以容納清水。為濟運之地。此等湖面寬濶。又非

尋常支河曲港。可以人力挑濬者。比是否應用混江龍刷泥之法。俾湖底淤泥浮活。清水逐漸汕刷。湖身得以復舊。收水濟運。似亦補偏救弊之一端。阿桂久經督辦河務。於全河

實錄卷一百三十七

三十五

形勢。及堵築宣洩各事宜。最為熟諳。且現在豫工。不可無明練有識見之人。為之主持指示。阿桂此時查辦監糧冒賑一案。已辦有頭緒。將來全案完畢。來京復命時。即可順道就近先往豫東二省查看。若已隄工合龍。可以不必前去。亦即有旨迎往。所有韓鐸國泰等。前後奏到各摺。及屢次所降諭旨。並御製河工誌事詩一首。一併鈔寄阿桂等閱看。著將此由六百里加緊傳諭阿桂。李奉翰。韓鐸。富

勒渾。國泰等。令其詳悉熟籌。據實具奏。尋韓鐸。富勒渾。國泰。先後具奏。黃水入湖。必須用混江龍刷泥之法。疏浚浮活。其築子埝以禦灘水之處。係臣韓鐸。富勒渾。商擬迅速興工。為此不得已之計。得旨覽。

御製詩曰。江南報漫隄。邳睢魏家莊。河南報漫隄。南岸焦橋旁。一甚已致再。屢念為徬徨。那堪茲北岸。奪溜洪波汪。北岸近運河。其害不可量。覽圖幸散漫。獨衝勢難當。然必淤諸河。

實錄卷一百三十七

三十六

後慮正未央。陰金生水沴。調變慙乖常。北洩南勢徐。邳睢或少康。急則治其標。調遣資南方。惟亟救災黎。賑卹命安詳。冀速堵溝槽。築壩籌宣防。夙夜以憂心。民艱愍南望。○又諭昨據巴延三等奏。陸豐縣上埔鄉匪棍林廣參等。爭墟糾眾搶奪。報搶者有四十餘案。即行督率嚴拏。先後獲犯三十九名。現在設法上緊擒拏夥黨。務期全獲。從重定擬。將縱惡長奸之該縣參奏革職拏問。並請將失察之

該管道府分別革職議處等語。此等不法匪徒。鳩聚搶劫。鴟張無忌。與川省囑匪相同。乃已延三等一有見聞。即飭委員弁實力擒捕。李湖並親身前往督率查拏。督撫身任封疆。自應如此認真辦理。文綬於囑匪大案。竟爾玩縱。問心能無愧乎。著再傳旨嚴行申飭。並令文綬即將現在親往督率擒獲囑匪若干情形迅速覆奏。毋再延玩致增罪戾。○署兩江總督薩載。江南河道總督李奉翰奏。臣等

實錄卷五十七

五

親勘魏家莊至沈家窩一帶淤灘計程二百六十餘里。地既寬長又多灣處。只好間段挑挖十四處。估土方銀二萬五千七百六十餘兩。其九里崗一帶應將前挑之引河展寬十丈。并於河頭迤上接挑淤灘處亦加展十丈。按淤土高下挑自七八尺至一丈不等。共估土方銀三萬七千五百九十餘兩。已派員分段勒限辦理得旨亦祇可如議行。今河南北隄奪溜所慮在山東諸湖及運道。又不止此。

奈何。○癸亥諭軍機大臣等。據舒常等奏。續獲囑匪傳開太。吳榮即吳芳賢二犯。現在提省嚴訊。並查詢得囑匪結夥搶劫情形。實係蔡友應為首。該犯因傷監斃。現飭戮屍梟示等語。囑匪滋擾不法。屢經傳諭各該督撫從重辦理。所有湖北省拏獲各犯除蔡友應業經梟示外。其現獲之傳開太。吳榮即吳芳賢二犯及前獲之皮麻子一犯。著傳諭舒常等迅速嚴加刑訊結夥搶劫各緣由。即遵照前

實錄卷五十七

五

旨一面正法。一面奏聞。毋使匪犯久稽顯戮。再據舒常等奏。於湖北巴東縣地方盤獲悖逆妖妄之張武遷一犯。已批令該督等速審定案具奏。本日據劉墉奏。查搜該犯原籍。並稱該犯妻子及伊弟遠欽等應聽督臣及湖北撫臣查辦等語。此等要犯自應速審定案具奏。何以劉墉已經奏及而舒常等猶未將審訊定案之處據實具奏。並著傳諭舒常等即遵前諭嚴審定擬迅速覆奏。將此並諭劉

埔知之。○又諭本日據劉埔奏查辦囑匪一摺其夾片內稱川省重慶夔州二府與湖廣等省毗連結黨為匪者每起或二三十人或四五十人不等每起必有頭人名為掌年兒的帶有兇器沿途搶奪拒捕等語此等囑匪起自川省之重慶夔州所屬成羣結黨每起多至數十人並有掌年兒頭目可見匪黨結聚已久設令合各起為一起而其中又有大頭人為之統率更復何所不為尤覺不成事

實錄卷一百三十七

元

體文綬在川年久平日於此事漫不經心並未隨時嚴飭所屬早為查辦以致滋蔓如此伊試捫心自問將何以自解耶著再傳諭文綬將劉埔奏到摺片令伊閱看仍將近日續獲匪犯若干名現在李國梁曾否到川會捕之處迅速詳晰覆奏○又諭甘省監糧一案自收捐之始即係私收折色各倉安得更存貯糧石從前袁守同等前往盤查該地方官必有那移弊混之事已諭令阿桂等嚴切

查究矣。昨面詢阿揚阿據稱伊等在甘省盤查時逐一簽量按冊覈對俱係實貯在倉並無短缺等語此等簽量人役即係該地方官所管之人阿揚阿彼時雖逐倉查驗亦止能簽量廩口數尺之地至裏面進深處所下面鋪板或攙和糠土上面鋪蓋穀石此等弊竇阿揚阿能一一察出不受其蒙蔽乎著傳諭阿桂等將從前袁守同等盤查時該地方官及人役等如何通同弊混欺蔽之處徹底研訊究出實情具奏○甲子諭本年六月江蘇崇明縣猝遇風潮被災較重貧民口食未免拮据著加恩於蘇屬本年應行起運漕糧內截留十萬石以備賑濟平糶副朕軫恤災黎之至意該部遵諭速行○諭軍機大臣等閱鶚元奏江蘇崇明縣猝被潮災民間益藏盡失請照乾隆十二年崇邑災案移會安徽撫臣准令崇商於本年額買米石外寬餘加買以資接濟等語此係救災之事亟應為者已

實錄卷一百三十八

三十

於摺內批示矣。崇邑猝被風潮。議籌民食。最為急務。所有該縣商民。赴上江採買米石。應如所請。即移會安徽撫臣。准其於定額外。寬餘加買。以裕民食。至摺內又稱。鎮洋縣之劉河口。與崇明縣之施家港口。對面濟渡。商賈帆檣往來如織。現在曉諭商民。准其販米糶賣。截至年底。再行確察情形。分別停止等語。劉河口。施家港。二處海口。往來商船既多。伊等豈有不攜帶食米。若有多餘。亦豈有不聽

實錄卷千五百七

五

其隨時販賣之理。是向來所稱查禁者。仍屬有名無實。可見外省辦理諸務。僅顧一面。殊為陋習。著傳諭閔鶚元。并令將該海口實在商販船隻情形。據實覆奏。尋奏米糧出口。例禁綦嚴。不獨船頭編列某縣某號某人。照內復註明人數。計程按日。每人帶食米一升五合。不得多載。文武員弁。各顧考成。久經奉行罔懈。現在暫准對渡販運。尤當實力稽查。不許透漏。報聞。○蠲免江蘇崇明縣被潮災民

本年額賦。○乙丑

上御卷阿勝境。賜扈從王公大臣蒙古王公貝勒額駙台吉等食。至己巳。皆如之。○諭軍機大臣等。前據舒常等奏。盤獲悖逆不法之張武遷。並饒盛治。范萬一。三犯。提訊辦理。現今未據奏到。本日又據李國梁奏。將所獲饒盛治。紅紙所寫字句。並書本內尾頁鈔寫小字。逐一細看。語多悖逆。現經咨移該督撫等。並派員解省審辦等語。此等悖逆不法匪徒。既

實錄卷千五百七

五

經拏獲。即當嚴速訊究。來歷下落。是否實係國匪夥黨。改裝易名。以圖煽惑。至張武遷所供。從前歷經查緝之要犯姓名住址。亦須逐一嚴訊。有無捏供誣陷之處。其饒盛治一案。著傳諭舒常。鄭大進。一併迅速根究確實。務使水落石出。不使有疎縱枉濫之弊。亦不得輒以瘋病為詞。冀圖化大為小。存將就了事之見。將此傳諭該督撫等。速行嚴審究辦具奏。並諭李國梁知之。尋奏。張武遷。係無賴乞

丐並非囑匪所供各犯俱係誣捏請將簿內字跡悖逆之罪照大逆律凌遲處死又奏饒盛治緣起意騙錢使用情范萬一書寫悖逆報單均非囑匪請將饒盛治照造妖書律從重斬決范萬一聽從書寫依為從律從重發往伊犁下三法司議行○又諭曰福康安奏南掌國備帶餘象懇求賞給礮位酌請將象隻發還一摺所見是已於摺內批示惟所擬檄稿內尚有未能周到之處已諭令軍機大臣增改進呈發往遵照諭以該國遠居邊外爾先王傾誠向化始通職貢數十年以來極為恭順茲以例貢屆期該國王感荷大皇帝恩德遵守父兄訓教敬遣使臣奉表恭進並於例貢馴象二隻之外另具慶祝大皇帝萬壽表文加貢馴象二隻現據雲南沿邊地方文武官稟報業已入境足見爾國之遵奉天朝恪敬肫誠允堪嘉尚本部堂當為據情轉奏此外另有該國王咨呈本部堂公文一件

並咨呈禮部公文一件內稱該國被交趾等處剽掠因無抵敵器具是以於貢象之外又備象一隻懇求本部堂轉奏大皇帝賞給礮位匠役並馬騾驢羊等物前來仰惟大皇帝撫馭中外一視同仁向來賞賚屬國鑒其臣服小心靡不從優頒賜原亦無待懇求至礮位乃攻戰器具從無給與外藩之例況交趾與爾國同係天朝屬國設使交趾因與爾國交爭懇賞礮位天朝豈肯允准給與資其攻鬪之具乎該國王與交趾自應共矢恭順恪守疆界和協隣封仰體大皇帝如天好生之德愛養百姓保固疆宇自不致有爭鬪之事若不遵天朝德教殘暴民人勢必見輕於鄰邦自取凌侮雖有礮位無足恃也本部堂特以正理告爾國王所有懇賞礮位匠役之處未便據情轉奏咨呈禮部公文一角亦不便為轉達仍行寄還至象隻爾國視為難得天朝本不缺少所進貢象四隻係向來例之所

有者。當為爾國解送京師。奏明大皇帝。以見爾國王之恭順。其另備餘象一隻。即交先行遣回之先目人等。帶還該國。仍令地方官。及沿邊土司人等。照料出境。該國可即收明。至使臣帶來致送本部堂牙錦等物。備承國王厚意。即如收受無異。仍俱璧還。亦交先行遣回之先目等帶回。該國既需馬騾驢羊等物。本部堂仰體大皇帝懷柔至意。於向例之外。酌量加增。俟使臣事竣回國時。給與帶往。爾

實錄卷三十五

三

國王尚其畏威懷德。愈勵蓋忱。綏靖邊黎。以期永受大皇帝怙冒深仁。常守屏藩之任。本部堂職在封圻。亦有厚幸。交福康安照此檄知。至另片所稱。查詢該國王準第駕公滿物。故是以伊弟召翁列名具稟之處。此係外夷承替兄終弟及之常。既據查明。聽其自然。可也。將此併諭福康安知之。○又諭。據福康安奏。分別擒捕辦理。噶匪情形一摺。據稱。噶匪竄入黔省。疊飭文武各員。上緊追捕。續據稟

報。拏獲楊清葉長紅。陳老五。李思貴。李朝等五名。餘匪又赴四川合江一帶地方逃逸。現仍檄飭前委文武大員。盡力追擒。不得以驅逐出境。便圖了事等語。所見甚是。至摺內稱雲南昭通東川等郡。毗連川省。委令署按察使許祖京。馳往貴州大定府之畢節一帶。尤為三省交通要路。令署提督保成。駐劄該處。相機擒捕等語。所辦亦好。滇省距川稍遠。現無匪徒蹤跡。福康安令署臬司大員。前往東

實錄卷三十五

三

昭等府。密令察看堵緝。於整頓地方一切。尤得先事豫防之道。四川為噶匪起事省分。乃文綬平日既不能留心防範。及該匪等肆出滋事。又不嚴飭所屬。實力查拏。實難辭疎蹤之咎。文綬著再傳旨嚴行申飭。並將福康安原摺鈔寄閱看。又本日據李國梁奏。盤獲楊集榮。廖文遠。石添香三名。咨會督撫審辦等語。該犯等是否受噶匪雇覓同行。均非同夥。著舒常等。即行嚴審確情具奏。李國梁前已

有旨。令伊帶兵竟往四川。會同文綬。督拏匪犯。一切尤須勉力。以副朕戢暴安良之意。將此一併傳諭知之。○兵部議覆四川總督文綬奏稱。川北鎮屬潼綿營兵額二百六十六名。汎廣差繁。不敷調遣。通巴營兵額二百五十二名。地方僻處。差簡汎少。請抽減五十二名。撥潼綿營。應如所請。從之。○旌表守正捐軀江蘇宿遷縣民馬某妻劉氏。○丙寅。諭軍機大臣等。據文綬奏覆。前後拏獲囑匪審辦。

實錄卷一百五

三

一摺內稱。川省無藉遊民搶劫。歷年拏獲拒捕傷人等案。隨時題奏辦理。近以梁山墊江等縣。各報有搶劫及傷事主鄉保之案。嚴飭各屬盡力查拏。獲犯胡範年等五十一名。已正法者九名。該匪等聞風竄匿。逃往合州太平縣。並竄入湖北黔省。仍復逃回八九十人。現在四處截捕。續獲二十一名。又追至廣安殺斃八名。生擒十七名。餘黨俱即逃散等語。所奏甚屬糊塗。已於摺內詳悉批示。此等匪

犯。文綬既經拏獲。即當嚴審辦理。一面正法。一面錄取各犯供詞。詳悉奏聞。乃文綬前此奏到摺內。只稱將現獲各犯。從重定擬。逮正典刑。並未錄供具奏。而本日摺內。又稱將首犯胡範年等九名。先行正法等語。其如何訊取供詞。各犯如何搶劫拒捕。共有幾案。在何處地方。何時審明正法之處。究無一語敘及。文綬久任督撫。所辦何事。不應糊塗若此。况匪徒聚集川省。該督果能隨時嚴飭文武各

實錄卷一百五

三

員。實力擒捕。四處派員堵截。於邊界有防。何至逃逸別省。乃文綬平日漫不經心。一任地方官疎縱釀成。致該匪等蹤跡往來。如入無人之境。其所謂邊防者何在。及匪徒竄入湖廣貴州等省。結黨成羣。搶掠滋事。該督仍復安坐省城。並不於要隘處所。親往督率查辦。乃此次摺內。尚腴顏稱經楚黔等省官兵截拏。仍復竄回等語。一似置身局外者然。文綬於此事。不是甚大。伊豈欲學勒爾謹乎。文綬

辦理此案。種種錯謬。不可枚舉。著傳旨嚴行申飭。至摺內所稱。匪犯由川東綦江一帶逃回。續經兩次拏獲三十八名。著即審明。遵照前旨。分別應正法者。即行正法。即逼勒同行。並未拒捕之犯。亦應發伊犁給厄魯特為奴。務即速行辦理。奏聞。其逃散各犯。並著該督飭屬擒捕。毋使一名漏網。其現在已經正法及拏獲審訊各犯。均著詳悉錄取確供。迅速馳奏。再提督李國梁前經降旨。派令帶兵三

實錄卷一百一十五

三

百名。竟赴川省。會同該督設法搜捕。此時想已到川境。如該處囑匪業經捕獲淨盡。無須李國梁在彼帶兵督辦。亦即一面奏聞。一面令其將所帶楚兵先行撤回。此處在文綬相度機宜。酌量辦理。至此事文綬既因循貽誤於前。不可不實力懲創於後。此番拏獲淨盡之後。若川省復有囑匪滋事。無論人數多寡。必須飭令地方文武。設立章程。隨時查辦。毋致該匪等復滋萌孽。並著於年終彙奏一次。

將此傳諭文綬。併諭李國梁知之。○左副都御史哈福納奏。五城官吏作。驗辦本城吏役所犯命案。難免袒庇。請嗣後各城有吏役命案。該巡城御史。速調別城指揮帶本管書吏。作驗辦。令本城者迴避。各省州縣亦照此辦理。得旨允行。○丁卯。江西巡撫郝碩奏。南昌迤北一帶雨少。直至七月十四五等日。始獲甘霖。農民中專藉晚田者。已插之禾。俱已受傷。趁此補種雜糧。重施力作。工本維艱。

實錄卷一百一十五

四

現飭酌借倉穀。以資耕種。得旨。所奏屬遲。其有成災者。不可諱飾。慎之。○戊辰。諭軍機大臣等。據韓鐸等奏。黃河北岸水勢。全注青龍岡。灘面又塌寬七十餘丈。水深一丈四五尺。現在盤頭裹護。而孔家莊等三處溝槽。俱已掛口。斷流一摺。是孔家莊漫口。已移改於青龍岡。未知該處沙性如何。是否堅實。易於施工。下埽。韓鐸等自應迅速督飭員弁。趕緊鑲護。俾早完一日。即百姓早受一日之益。至孔

家莊等處。雖已掛口斷流。但係臨黃漫口故道。亟須分段堵築堅固。以資抵禦。又所奏西壩口門以上。建挑水壩一道。挑向南趨。俾合龍時。水勢易歸正河。自應如此辦理。富勒渾即督率藩司等。趕辦料物。齊集人夫。迅速興工。毋任稽延。至前降諭旨。令李永吉帶領備弁兵丁。并令李奉翰。前來豫省工所幫辦。何薩載。李奉翰。尚未奏到。此時正河已間段露出河底。全河奪溜。是江南魏家莊施工自易。

實錄卷一百一十七

聖

著傳諭薩載。李奉翰。即速令李永吉帶領備兵。迅速赴豫。看來江南目下易辦。即李奉翰亦應速來。工次為要。再同日韓鐸奏漫水入運。酌籌宣洩情形。一摺。據稱東流一股。入南陽湖。昭陽湖。遞達微山湖。入江南運河。西流一股。自趙王河。至張秋入運。由大清河歸海。一由其分洩不及者。一由徒駭。馬頰河歸海。一由臨清入衛河。下注歸海。至所慮張秋一帶。勢必倒漾。水性洄流。易致淤墊。所慮正在於此。

實錄卷一百一十七

聖

其所稱將蜀山等各湖閘座斗門。宣放入運。以頂南北黃流倒漾。俟湖水消減。仍將戴村壩民堰堵合。使汶水下達。以抵黃水等語。亦祇可如此。且救目下之急。至國泰。現在是否已馳赴豫工。摺內亦未據奏及。並著傳諭國泰。迅速會同趕辦。以副朕夙夜焦勞之意。至此次北岸漫工。關係運河緊要。其南陽。昭陽。微山等湖。經黃水淹灌處所。將來如何通盤熟籌辦理之處。前已傳諭阿桂。於甘省事竣後。由河南順道前往。詳晰勘辦。著將此次韓鐸等摺。先行鈔寄閱看。將此由六百里各傳諭知之。○旌表守正捐軀河南夏邑縣民謝芳倫女謝氏。○己巳。諭。理藩院奏。喀爾喀車臣汗部落貝勒車凌多爾濟之爵。應照例降襲。車凌多爾濟。係車臣汗垂扎布胞姪。非他人恩賞之爵。可比。著令其世襲罔替。○諭軍機大臣等。據國泰奏。於曹縣查勘黃河。正身已無溜勢。黃水已入南陽湖。與昭陽。微山等

湖連為一片。以致湖內清水壅漲。湖高於河。據濟東道沈啟震稟請。應再於戴村壩上游。并分水龍王廟口。添築土壩。以防倒灌。使運河得以消洩湖水。且使漫溢黃水。不受湖水頂阻。方免四溢為患等語。沈啟震所稟此計。甚是。應即速行辦理。至所稱黃河穿運。東歸大清河入海之處。黃流既經穿運。則運河必致淤阻。現在情形究竟如何。將來回空糧艘。不致有礙與否。著國泰速行查奏。又所稱漫

實錄卷三十七

聖

溢黃水入運。滙歸大清河。水勢迅利。今開放閘壩。足可宣洩等語。覽奏為之畧慰。至運河上游之戴廟等閘。下游之荊門等閘。下板蓄清。抵敵黃水。由閘壩歸大清河入海。以免旁灌。所辦亦好。均應如此辦理。現在國泰在本省親身往來查勘黃運。督率屬員。籌辦宣洩。如此方是。看來國泰。竟可不必前赴豫工矣。又同日據薩載奏。已選派備弁兵丁。交李永吉帶赴豫工。并請將革職留工之遊擊韓勝

守備包宗堯。帶同赴工。効力贖罪。至李奉翰。亦於即日馳赴河南。會同趕辦。所奏俱悉。至魏家莊漫口。此時不過補築隄堰。集事自易。惟豫省漫溢之水。經由路徑。以及微湖長水大小。此時尚在未定。下游分洩之路。自應豫為籌度。所見甚是。其一切開放分洩之計。著傳諭薩載。隨時隨地。察看來水大小情形。酌量行之。所有國泰。薩載奏摺。均著鈔寄阿桂閱看。並各傳諭知之。○庚午諭。據畢沅奏。同

實錄卷三十七

聖

州府屬朝邑縣地方。黃河驟漲。衝入縣城。瀕河村莊。多被淹浸。現將各戶災民。先行撫卹一月口糧等語。此次朝邑遇河水夜漲。被災較重。貧民生計。未免拮据。著加恩於撫卹一月口糧之外。先行再借一月口糧。以資接濟。仍令該撫照例題明加賑。毋致一夫失所。該撫務督率所屬實力撫綏。以副朕軫恤災黎之至意。○又諭。據阿桂等奏。按察使福寧。率安定縣知縣黃道斐。查拏逆回餘黨。及應行

緣坐各犯家屬不動聲色。俱就弋獲。且傳集回衆。剴切曉諭。俾衆心驚疑。益釋感激涕零。咸皆安堵。辦理頗屬得宜。福寧著加恩賞戴花翎。並著交部議敘。知縣黃道襲著一併交部議敘。以示優獎。○又諭。行在大學士九卿會審。勒爾謹。王亶望。王廷贊等。捏災冒賑。侵蝕監糧。通同舞弊。營私各款。按律定擬。請旨即行正法。一摺。朕酌覈三人情罪。即予駢誅。亦所應得。但其中稍有區別。不得不為明白。

實錄卷一百一十七

四十五

宣示者。甘省收捐監生。本欲藉監糧為備荒賑恤之用。乾隆三十九年。經勒爾謹奏請開例。議准允行。原令祇收本色糧米。其時王亶望為藩司。即公然私收折色銀兩。勒爾謹竟如木偶。毫無見聞。於是王亶望又倚任蘭州府知府蔣全迪。將通省各屬災賑。歷年捏開分數。以為侵冒監糧之地。自此上下勾通一氣。甚至將被災分數。酌定輕重。令州縣分報開銷。上侵國帑。下屯民膏。毫無忌憚。嗣後王

廷贊接任藩司。既知折色之弊。雖稟商該督。欲請停捐。乃仍復因循觀望。並不據實陳奏。且將私收折色一事。議定改歸首府辦理。而一切弊竇。仍未革除。若非朕特降諭旨。令阿桂等密行查辦。則始終蒙蔽。王亶望諸人。竟得安然飽其慾壑。倖逃法網。有是理乎。今王亶望。勒爾謹。王廷贊等。拏解行在審勘。所有伊等冒賑分肥。婪贓舞弊各款。俱一一供認明確。俯首無詞。夫國家任用總督藩司。本欲令其糾察屬吏。遇有積蠹病民之官。隨時舉劾。俾民瘼得以上陳。而恩膏得以下逮。朕臨御四十餘年以來。無日不以敬

實錄卷一百一十七

四十六

天勤民為心。凡各直省偶遇偏災。即飭地方大吏。加意撫綏。降旨賑卹。此中外臣民所共知共見者。即查辦此案。朕早有風聞。猶恐各督撫或誤會朕意。因噎廢食。致將災賑之事。靳固不舉。是以遲回未發者。已二三年矣。今諸弊已露。若再不辦。是朕不能懲貪察吏。朕豈

肯受此。從前恒文、方世雋、良卿、高積錢度等，俱以婪贓枉法，先後伏誅。然尚未至侵蝕災糧、冒銷國帑至數十萬金。如王亶望之明目張膽，肆行無忌者。王亶望由知縣經朕加恩，用至藩司巡撫，乃敢負恩喪心至此。自應即正典刑，以彰國憲。王亶望著即處斬。至勒爾謹，本一庸懦無能之人，因其平日尚屬小心勤慎，用為總督。從前逆回一事，原因勒爾謹養癰貽患所致，即收復河州，亦係布政司福

實錄卷一百三十三

四七

崧在彼籌畫，幫同辦理。勒爾謹失機貽誤，本即應正法。彼時朕尚從寬改為監候。今又於王亶望私收折色、冒賑婪贓一案，全無覺察，且已亦收受屬員代辦物件，一任家人等從中影射侵肥，種種昏庸貽誤，罪更難逭。但朕究以用人不當，自引為愧，未肯即令肆市。勒爾謹著加恩賜令自盡。至王廷贊，以微末之員，擢至藩司，受恩甚重，乃於接任王亶望交代時，不惟不據實參奏，且效尤作弊，雖未收

受屬員銀兩，亦有派買物件，並加收心紅紙張銀兩之事。其罪亦難末減。況從前令留京辦事王大臣及刑部堂官審訊時，令其將此案冒賑私收及王亶望婪贓等款詳悉供吐，並硃筆傳諭王廷贊伊之生死總在此番實供與否。令伊自定。朕不食言。乃竟始終匿飾，不吐實情。豈非自取其死。但究念蘭州守城微勞，免其立決。王廷贊著加恩改為應絞監候。秋後處決。交刑部按例趕入秋審。朕辦理

實錄卷一百三十三

四八

庶務。一秉大公至正。此事既經發覺，自不得不徹底查辦。嗣後內外大小臣工，益當互相砥礪，各凜冰淵，共矢愛民潔己之誠，毋蹈簠簋不飭之戒。所有辦理此案情節，著通行曉諭中外知之。○諭軍機大臣等，據國泰奏黃河漫溢，下注東省之水，南北分晰，比之韓鑠所奏東西分流者，較為明白。至所稱黃水雖漫入湖，因湖水壅阻，溜勢向南流注，是以微湖之西面水帶黃色。現在差員帶同年老兵

役循流順查黃水是否由湖西蘭家壩一帶。下注江南運河。抑或日久浸滙各湖。歸入東省運河下注等語。目今又隔數日。差往官兵查看情形究竟如何。著即迅速覆奏。再所稱將運河兩頭上下戴廟荊門等閘。蓄清抵黃。黃水並未出槽。不致旁溢。即有澄下淤沙。不過在兩閘之間。上下數里。亦易於挑復。俾回空各船。跟幫入境。以期行走無滯等語。覽奏為之畧慰。此時東省浸水甚關緊要。豫省工

實錄卷一百一十七

四九

次。現有李奉翰。韓鑠。富勒渾。在彼公同督辦。國泰竟不必赴豫。專在東省。督率道廳將弁。辦理堵築宣洩。及撫卹事宜。俾回空糧船。不致阻滯。以副朕廑念運道之至意。其李奉翰。韓鑠。富勒渾等。即迅速催集工料。竭力趕堵。漫口。使黃水即歸故道。為目今第一要務。該督等勉力為之。其約於何時可以合龍之處。並著迅速具奏。所有御製河工誌事詩一首。著鈔寄阿桂薩載等。閱看。本日韓鑠。國泰。奏

到各摺一併先行鈔寄阿桂閱看。○

御製詩曰。連年黃河決。南岸已為害。今歲乃北岸。踴躍害尤最。奪溜大散漫。湖河為溝漚。漫者復散流。約分南北界。南者經三湖。入運誠無奈。曰入運者清。然豈久弗礙。北者竟穿運。幸值瀉水壩。歸清河達海。停淤弗致大。覽奏雖畧慰。長此安窮喟。惟急築缺隄。馳諭頻督戒。司河大小吏。尚屬勤匪懈。實無疎防弊。而何屢見敗。無能致平成。過在余自誠。○又諭。

實錄卷一百一十七

五

據畢沅奏。查禮拜寺中規例。於過往回民。不論識認與否。皆收留居住。最易滋弊。現經傳集西安各寺回衆。再三開導。嗣後過往投止回人。倘見形跡可疑。即密稟地方官查究。並飭各屬概行出示曉諭等語。所辦好。已於摺內批示矣。回衆散處各省。良莠不一。無藉之徒。恃有禮拜寺收留居住。遂致四出遊蕩。安保無潛結為匪之事。畢沅妥為飭禁。不動聲色。令回民安然樂從。是即不禁自禁之法。辦

理頗為合宜。著將畢沅摺奏鈔寄各督撫等。照畢沅所辦。督率屬員。明切曉諭。毋任胥役等紛紛查訪。致滋事端。將此各傳諭知之。並著隨時具奏。○又諭蘭州勦辦撒拉爾逆回。黃檢身為涼州副都統。毫無勞績。豈伊養尊處優。竟未告隨打仗。著阿桂等據實查奏。並將伊勝仕副都統與否奏聞。○兵部議覆欽差大學士公阿桂奏稱。原任甘肅提督仁和。前在金城關打仗。隔河放礮。不中竅要。嗣派在水磨溝帶兵防守。聽賊潛出盜水。請照例革職。從之。○河南巡撫富勒渾奏。儀封縣漫口。小宋集等二百餘莊。並隣境陳留縣小寺堡等八村。均被淹浸。幸居民即時遷避。人口無傷。房屋禾苗。俱已損壞。即派幹員齎銀撫卹。現俱搭棚棲止。并令壯丁在工當夫。俱極安帖。得旨。成災者加意撫卹。不可諱飾。○是月。欽差大學士公阿桂奏。臣奉到硃批。近來辦事更覺老練。精神亦好。但恐不似往年。於

實錄卷一百一十七

聖

木蘭騎馬上圍為慙耳。臣惟秋獮肄武國典攸關。

聖祖仁皇帝英武蓋世。六旬外進哨即乘便轎。今歲

聖壽已過七旬。若仍騎馬上圍。未免勞動。非頤養所宜。得旨。知道了。待入圍。朕自酌量耳。

家法肄武。所以柔遠。然亦不致勞身以廢政務也。○山西巡撫雅德奏。晉省駐防滿洲蒙古正藍鑲藍各二旗。每旗防禦驍騎校各二員。

實錄卷一百一十七

聖

向例防禦缺出。即於本旗驍騎校內保送一員。旋奉旨。各省補放防禦等官。著擬定正陪引見。查晉省驍騎校。僅數保送。無由揀選。請嗣後量為變通。一旗防禦缺出。即於兩旗驍騎校內。選定正陪引見。得旨。允行。

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百三十七

實錄卷之一千一百三十七

三

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百三十八

監修總裁官經筵講官太子太傅大學士大學士人湖廣總督領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅大學士大學士人湖廣總督領侍衛內大臣稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十六年辛丑八月辛未朔遣官祭

實錄卷之一千一百三十八

關帝廟○諭昨行在大學士九卿等審訊王

亶望時據供署中親友常有囑託捐監之事

我就令屬員填給實收送進並未發給糧價

等語此等夤緣熱中之人王亶望既為囑託

屬員捐監自必又有加捐官職銓選地方之

人若輩出身既不可問倘任以地方事務必

致賄賂公行毫無忌憚於吏治地方大有關

係不可不徹底查辦現在阿桂會同李侍堯

查辦捏災冒賑之案著即就近查明王亶望

及其餘道府等任內。將子姪親友幕賓。令屬員填取監生實收之人。現有遞捐官職銓選。及分發各省試用者。查明一併革職。即現係監生。並未捐官者。亦應查追監照。按名褫革。俾知名器不可濫邀。以杜鑽營倖獲之弊。其餘四庫全書處。効力監生內。如有經王亶望送給實收。濫邀議敘者。亦著一體斥革。仍加恩俱免其治罪。其總裁。朕俱加恩不問。但以後自當加慎。勿謂朕不教也。又據程棟供。蔣

王亶望等

上

全迪亦有交首縣捐監。不發銀兩之事。著一例查辦。至甘省收捐監糧。自王亶望始收折色。王廷贊旋踵其弊。歷年所捐監生。不下數十萬。皆屬濫廁成均。本應交部按名褫革。姑念人數衆多。且尚係本生自出己貲。與填給空名。冒稱實收者有間。著一體加恩免其斥革。將此通諭中外知之。○諭軍機大臣等。據文綬奏。失察囑匪。擒捕不力之文武各員。弁請交部分別議處一摺。內稱囑匪先在川省

逃至太平縣。隨路糾集誘脅。除拏獲外。餘匪百餘人。復拒捕竄往湖北。貴州之處。囑匪糾聚多人。搶劫拒捕。不法至此。該督何以從前竟未奏聞。又稱首犯胡範年。兇夥胡正德九名。審明正法具奏等語。前文綬奏到各摺。亦未將胡範年等犯。錄供奏明。業經降旨查詢。何以此摺。仍未聲敘明晰耶。又同日李國梁奏。拏獲形跡可疑蕭必達等各犯。現飭解省審訊等語。著即解交劉墉。嚴切訊究。務得實

王亶望等

上

情。如審明止係囑匪。逼勒同行。並未隨同搶劫。拒捕分贓之犯。亦應遵照前旨。發伊犁給厄魯特為奴。毋致輕縱。又據李本奏。審明續獲囑匪王元周。蕭方旦。二犯。依律擬絞。自應如此辦理。此外葉長紅。吳大漢等。十二名。雖訊非匪黨。但既稱形跡可疑。亦當嚴訊。是否別有案犯。務得實情。另行分別辦理。毋任狡飾。將此各傳諭知之。○豁免浙江仁和錢塘二縣。乾隆四十五年被潮衝坍民田。并捐置

義塚地一百二十七頃二十二畝有奇額賦

○壬申

上御卷阿勝境賜扈從王公大臣蒙古王公貝勒額駙台吉等食至甲戌皆如之○遣官祭昭忠祠○諭軍機大臣等昨因黃河北岸漫決關係運道朕心深為廕念命工部檢查舊案順治康熙年間有北岸河決封邱武陟曹縣單縣等處之事乾隆十六年豫省之陽武及山東之東平州戴廟亦有決口所有前數次黃水下注其正河溜勢若何淹灌下游情形如何有無妨礙運道如何設法疏濬淤沙及合龍時日遲速之處豫東二省必有舊時檔冊可以檢查著傳諭國泰富勒渾即詳晰查明迅速據實覆奏尋富勒渾奏順治七年九年及康熙元年六十年檔案俱不齊全惟有乾隆十六年案據謹摘敘畧節呈覽其曹單東平決口應俟臣國泰覆奏得旨覽又國泰奏東省查出舊案所敘多係由趙王河至

張秋沙灣一帶穿運入大清河歸海並未敘及沙淤至黃水流入昭陽南陽等湖別無考證惟查前明嘉靖年間潘季馴開挖南陽鎮新河於南陽昭陽之東為運道隔兩湖於西岸又萬歷年間劉東星開成下游洧河亦隔微山湖於運河之西縱有黃水東注悉被湖水頂阻不能壞運現在黃水係由前明湖西之舊運河故道漫注已非昔日情形得旨覽○吏部議准湖北學政吳省欽奏稱全楚原設學政一員通轄兩省雍正四年分設湖南學政後湖北仍用舊給湖廣學政關防名實不符請易湖北學政字樣鑄給從之○癸酉諭軍機大臣等據韓鑾奏黃河北岸水勢情形摺內稱連日晴霽河水漸落歸槽一帶子堰俱已墊完現在料物四路可通等語是其所稱子堰乃淺灘邊傍築墊藉通車路之堰並非攔築抵禦黃水之堰所敘尚未明晰此時料物既集自可趕築壩臺上緊鑲做尅日

合龍至所稱正河斷流淤墊較高里數甚長。現派能事之員會同廳營分段承挑以通去路。自應迅速挑挖。但必須一律寬深俾合龍後河水暢注。或於河頭或其旁另開引河一道引入正河以期宣洩通暢亦當速為者。又另摺籌辦南一路湖河水道內稱擬將盧口壩趕堵使沂水歸駱馬湖入六塘河歸海以截江境入運之沂水。駱馬湖臨運之王柳二閘係洩湖水入運擬請堵閉以節入運之湖水。既云堵截即當籌其下口去路並擬將劉老澗石壩旁酌開水口暢洩運河之水由六塘河入海等語。所奏此處情形朕未能記憶。明悉應與薩載等熟商之不可冒昧。又籌辦北一路湖河水道請將滾水閘壩左近隄堰再開放一處使其暢入大清河歸海等語。此計是即可照辦。總之籌辦之法令黃水去路通暢水急沙行免致停淤阻滯而過水處所又不致多碍民田廬舍方為盡善。著傳諭薩

載李奉翰等通盤詳悉熟商妥辦以慰朕宵旰焦勞之至意。又同日國泰奏運道無礙及南陽等湖未致黃水浸漚一摺。內稱北流入運者溜勢由大清河宣洩順利且湖水衝刷並無淤墊。目擊回空糧艘行走毫無阻滯并繪具圖說所奏較為明晰。覽奏為之稍慰。但東省運道雖幸無礙而摺內又稱黃水現行溜勢東係湖水西係積水黃水由中下注約寬四五里水頭已至江南沛縣等語。沛縣情形現今如何著薩載速奏。又稱劉老澗壩外河底積淤較運河反高五寸水勢不能大洩。現飭將劉老澗壩外引河開挑以資暢洩。是南陽湖一路黃水現已繞出各湖之西另有去路等語。然繞出之水究歸何地亦應薩載速奏。又薩載李奉翰奏據沛縣稟報微湖水勢上灘漸近該縣護城堤又豐縣稟稱漫水由魚臺一帶灌注該縣境內長水三四尺不等。著傳諭薩載等將黃水流至沛縣以下之

處詳悉查勘。是否在沛縣從中運河。仍入黃河故道歸海。抑另有旁溢。從別路歸海。是否有礙江南運道。及民田廬舍之處。逐一繪圖貼說。詳悉具奏。至國泰所稱。現派糧道觀祿撥糧船一百隻。掛用混江龍。將淤河疏濬一節。所辦好。實力勉為之。毋以虛文從事。此次北岸漫口。朕因關係運道。及各湖水櫃。日夜懸念。各該督撫等。務各實心實力。妥速趕辦。其奏報情形摺內。亦必須將來源去路。詳悉聲敘。繪具圖說。聲奏明晰。不得含混模糊。致勞廑念。將此由六百里傳諭薩載。并李奉翰。韓鐸。富勒渾。國泰。知之。并將此旨。及國泰韓鐸摺。先行抄寄阿桂閱看。○閩浙總督兼浙江巡撫陳輝祖疏報。上虞。安吉。太平。天台。樂清等五縣。乾隆四十五年開墾額外新墾。并塗澆田地山蕩三十四頃九十五畝有奇。○甲戌。諭甘省捏災冒賑一案。經阿桂等查明。歷年積弊。俱已水落石出。不可不徹底查辦。

但恐各省督撫誤會朕意。匿災不報。則大不可。因屢次宣諭。嚴切申誡。並令李侍堯。派委明幹公正大員。詳查該省各屬被災輕重。奏明辦理。茲據李侍堯奏到。查明被災各屬情形。分別撫卹。如此辦理。方是所有甘肅猝被黃水漲溢之隴西。寧夏。寧朔。平羅等四縣。貧民口食。未免拮据。著該督即董率所屬。先行加意撫卹。其房屋牲畜。亦有衝倒淹斃之處。並著即行查明。照例辦理。至李侍堯查奏各屬秋禾被旱被雹。及黃疸等處。內金縣靖遠。安定。會寧。伏羌。碾伯。大通等七縣。雖據勘明。俱在四五分以內。例不成災。但念該屬今歲承辦軍需。一切輓運糧草。民情甚為踴躍。並著加恩。將該七縣本年額徵銀糧。蠲免一半。其餘緩徵。以昭優卹。○又諭甘省大小各員。將災賑監糧。侵吞舞弊。上下聯為一氣。茲阿桂等在甘查辦。其積弊始得盡破。現在阿桂等屢次查奏。俱已得實。朕向有句云。不為己

甚去已甚。今甘省積弊。竟至已甚。不可因罰不及衆。仍存姑息。朕實無可如何矣。所有捏報各道府直隸州知州內。除按察使福寧。首先供出。且經手事件較多。暫行留任外。其現任甘省道員。奎明。文德。王曾翼。水齡。四員。現任甘省各知府。及署任知府。宗開煌。彭永年。彭時清。鍾賡起。汪臯鶴。張金城。郭獎。李本楠。又現任甘省直隸州。及署任知州。侯作吳。黎珠。趙明旭。興德。謝桓。宋學淳。董熙。厲學沂。侯簡放分發人員到省。即著阿桂等傳旨將該員等一併革職。歸案審辦。其已離甘省各員。現任鹽運使程國表。原任布政使福明安。現任道員觀祿。前任甘肅知府。及現任知府。潘時選。黃元圮。周人傑。諾明阿。富斌。德明。郭昌泰。觀亮。前任甘省直隸州知州。及署知州。博赫。彥方。奇明。姜興周。朱蘭。王汝地。各員。又在京供認捏災冒賑。及饋送王亶望銀兩之前。任武威縣知縣朱家慶一員。俱革職。交留京

辦事王大臣。及任所原籍各督撫。將各該員提訊。錄取確供具奏。○諭軍機大臣等。據文綬奏。續獲囑匪審明正法一摺。內稱現今提臣臬司。俱在川東川北一帶督辦。即令就近審明。於該處正法。其陸續解省者。率同在省司道。隨到隨審。一併彙案具奏等語。此等囑匪聚衆肆劫不法。皆由文綬平日。不及早查辦所致。前經降旨。令該督親往太平合州等處。會同李國梁督辦。嚴行搜捕。此旨計於前月二十四日。已應接到。乃本日文綬奏到之摺。即係二十四日拜發。何以並未奏及。豈祇令提臣臬司。在川東川北一帶督辦。而自己在省坐待。遂為上緊辦理耶。如此則文綬具何心腸。不畏朕法乎。著傳諭文綬。即將何日接奉前旨。親往督率嚴辦緣由。據實覆奏。○又諭。據國泰奏。親至張秋。查看運河黃水。由西而東。直過運河。水勢亦不甚溜。將來安南使臣。仍由水路而行。可無阻滯。兩岸村莊。

不致有礙觀瞻等語。張秋一帶既據勘明並無阻滯。村莊氣象恬熙。安南使臣自應仍由水路行走。著國泰妥為辦理。俾得迅速通行。其富勒渾所奏。由豫省陸路行走之處。無庸豫備。將此傳諭國泰。富勒渾並令德保知之。

○乙亥。

上御卷阿勝境。土爾扈特台吉額爾德尼等九人入覲。○諭據李侍堯奏。清釐各州縣應解藩司錢糧。其已徵未解。尚有五十餘萬兩。拖欠現在嚴催報解。以期積款全清等語。錢糧徵解出入。雖係藩司專責。但勒爾謹身係總督。所屬州縣虧缺庫項。平日豈無見聞。且該督年終彙奏。盤查藩庫無虧。亦僅以虛言塞責。其欺飾之罪尤難輕貸。又李侍堯奏。提標派管馬廠遊擊佛津泰等於乾隆四十四年變價營馬。至二十餘匹之多。非變少報多。即馬匹本有虧缺。藉以掩飾。請將該員等革審一摺。通省綠營馬匹。關係差操。豈可一任

劣弁虧缺捏報。藉端開銷。勒爾謹統轄全省營務。竟無覺察。乃任其虧缺捏報。匿不上聞。直至李侍堯此時始行查出。勒爾謹久任甘肅總督。一切政務廢弛。視同膜外。即曰庸懦無能。亦未有若此之漠不關心。形如木偶者。使勒爾謹尚在自當。即予斬決。方足以蔽厥辜。今已邀寬典。賜令自盡。而伊子豈可復令其脫然事外乎。著將伊子候補郎中伊凌阿革去職銜。同次子一併發往伊犁。交與伊勒圖嚴行管束。令其自備資斧。充當苦差。以為滿洲大員貽誤封疆者戒。將此通諭中外知之。○諭軍機大臣等。據文綬奏。審明續獲囑匪正法。並遵旨親往川東一帶督拏餘匪一摺。此等囑匪不法已極。文綬早應親身前往該處督率屬員嚴行搜捕。若非朕諭令親往。此時尚靜坐省城。以圖安逸。封疆大吏豈有如此辦事之理。現在既據陸續拏獲匪犯八十餘名。何以前後正法者不過二十餘名。此

等拒捕傷人要犯。自應審訊明確。多辦數人。方足以示懲警。著傳諭文綬。速將所獲咽喉匪。嚴行審訊。應正法者。即行正法。其中情罪稍輕。問擬監候者。亦應趕入本年秋審情實。辦理。即隨脅同行。未經拒捕之犯。亦應遵照前旨。發往伊犁給厄魯特為奴。不可留一人於內地。並著嚴飭所屬實力搜捕淨盡。毋如前此之疎玩也。○吏部議奏。四川總督文綬。並不實力擒捕咽喉匪。請降調。查文綬有革職留

旨奉天行

下

任之案。無級可降。應革任。得旨。文綬於此案始終玩縱。種種貽誤。非尋常疎縱。僅予革職。留任者可比。文綬著照李侍堯富勒渾之例。賞給三品頂帶。從寬留任。仍註冊。以為不事事者戒。○旌表守正捐軀安徽阜陽縣民張士魁女張氏。○丙子秋分夕。月於西郊遣豫親王修齡。恭代行禮。○上御卷阿勝境。賜扈從王公大臣及蒙古王公貝勒額駙台吉。並土爾扈特台吉額爾德尼

等食。○諭軍機大臣等。據舒常鄭大進等奏。

續獲咽喉匪彭家桂一名。訊據夥黨有黃大年黃大富等十人。此外尚有不知姓名者二十人。並有頭人陳昇羅恒二名。俱係忠州人。曾搶劫梁山馬家堰場及高峯山場等語。此等咽喉匪有頭人掌年兒名目。呼羣蟻聚。四處搶劫。若不及早設法搜捕淨盡。將來或更合數黨為一黨。如逆回蘇四十三在甘省之事。亦復何所不為。此案皆緣文綬平日疎縱。及至事發。又不督飭文武各屬實力擒捕。致令竄出楚黔。文綬又安坐省城。及獲犯審訊。又不能如舒常等將緊要情節確訊供詞呈覽。辦理種種錯謬。全無條理。喪心昧良。天奪其魄。著再傳旨嚴行申飭。又本日據福康奏。續獲咽喉匪名數。及現飭嚴捕情形一摺。所辦亦為周密。其所獲之吳大漢等各犯。前據李本奏。審係均非咽喉匪黨。羽當經傳諭該撫。既係形蹟可疑。亦當嚴訊。務得實情。茲據福康

安泰訊據吳大漢供認前在婺川有搶奪商民之事並有夥犯十餘人是吳大漢各犯不可不嚴行查辦著再傳諭李本即提犯審訊確供究出實情定擬其從前因何未審出實情之處亦著李本明白回奏再畢沅奏審明囑匪王士花等定擬斬決一摺現飭軍機大臣會同行在法司覈擬將首犯王士花等從重照叛逆例分別問擬其首犯家屬亦照叛逆緣坐嗣後四川各該省拏獲此等囑匪首犯審明定擬時俱著照此辦理至李國梁現赴川省所有湖廣提督印務即著劉墉暫行兼署已於舒常等奏到夾片內批示將此傳諭文綬福康安舒常鄭大進劉墉李本李國梁知之所有軍機大臣行在法司議奏摺并舒常等摺並著鈔寄文綬閱看問其知愧知懼否○廣東巡撫李湖疏報廣寧新興恩平新寧四縣開墾額外荒地共七頃八畝有奇○丁丑祭

先師孔子遣協辦大學士永貴行禮○上御依清曠召哲布尊丹巴呼圖克圖入覲○兵部議准直隸總督袁守侗疏稱獨石口屬喜峯砦千總衙署兵丁營房於乾隆四十五年水衝應移於喜峯砦村內估計興造從之○予福建淡水營巡洋遭風淹斃外委陳仕永賞卹如例○戊寅祭大社大稷遣誠親王弘暢恭代行禮○杜爾伯特扎薩克台吉布爾布達爾濟等六人入覲○吏部等部議奏王亶望之子捐納員外郎王裘捐納主事王榮王焯請革去職銜得旨王亶望之子王裘王榮王焯僅革去職銜不足蔽辜著照勒爾謹之子伊凌阿等之例俱發往伊犁交伊勒圖嚴行管束自備資斧充當苦差○江寧布政使劉燝奏六月十八九日潮災淹及海門通州二屬臣親往確勘禾稻傷損房屋坍塌雖水涸甚速業已成災應先撫

卹一月口糧。正在商撥倉穀。當據海門廳稟報。該廳距通州百里。並無水路馱脚。向例皆係招商運米。即飭照速辦。得旨。仍當詳察妥辦。俾窮民均霑實惠。○己卯。

太宗文皇帝忌辰。遣官祭。

昭陵。○諭。甘肅監糧並未實貯在倉。朕早有風聞。特因監糧為災賑而設。恐各省督撫或誤會朕意。致將災賑之事。靳固不舉。轉非朕查辦冒賑。使百姓得受實惠之意。今諸弊已盡行敗露。若再置而不問。何以懲貪吏而整法紀。至袁守伺。阿揚阿。係朕特派前往盤查監糧之人。豈無耳目。乃一任各州縣通同蒙蔽。計前此盤查時。距開例未及三年。而開銷監糧。至六百餘萬石之多。亦應問其故也。至舊存常平倉。又銷去一百三十餘萬石。其中弊端疑竇。何以並未察及。阿揚阿。人本見小護短。不知大體。若袁守伺。則未必至此。且阿揚阿。前於朕前面奏。曾盤驗常平倉穀。今據阿。

桂等查奏。情節已屬失實。袁守伺。阿揚阿。查辦此案。均難辭咎。著交部嚴加議處。○諭。軍機大臣等。據舒常等奏。盤獲攜帶悖逆邪經之曹貴雙一犯。訊係山西介休縣人。因伊孀母梁氏。向從女師維忠。奉無為教。今年四月。梁氏令曹貴雙入教。該犯未允。欲逃往四川重慶府。臨走時。有觀音廟住持僧了柱。給與經卷。因錯走路。逕被獲一摺。曹貴雙攜帶悖逆經卷。被獲訊供。情詞閃爍。自應嚴切究辦。著傳諭雅德。將該犯所供梁氏女師維忠。廟僧了柱等。即行查訊。邪教經卷來歷。如何煽誘不法。各確情。嚴切究審。迅即錄供。咨覆。毋任隱飾。並諭令舒常等知之。○庚辰。上御萬樹園大幄次。賜扈從王公大臣。蒙古王公貝勒額駙。台吉等。及哲布尊丹巴呼圖克圖。並土爾扈特。台吉額爾德尼等九人。杜爾伯特。扎薩克。台吉布爾布達爾濟等六人食。○遣官祭黑龍潭。

昭靈沛澤龍王之神。玉泉山

惠濟慈佑龍王之神。○諭軍機大臣等。據李

奉翰奏。儀封曲家樓漫溢之水。由南陽昭陽

諸湖。下注微山湖。現在微湖洩水尾閘。有韓

莊湖口各閘壩。及伊家河。蘭家山等處。歸入

江南運河中河。分洩入海等語。此次北岸黃

水漫溢。看來東省一帶。宣洩尚覺順利。即運

道亦可無礙。惟由南陽昭陽諸湖。下注微山

湖。經過江南沛縣以下地方。水勢日增。亟須

廣籌去路。俾不致有妨南運河道。最為緊要。

此處極深。慮念前已降旨。令薩載即行查勘。

將黃水流至沛縣以下之處。是否從中運河

仍入黃河故道歸海。抑另有旁溢。從別路歸

海。於江南運道。及民田廬舍。是否有礙之處。

詳悉繪圖覆奏。今尚未據奏到。著再傳諭薩

載。迅速由驛覆奏。以慰懸注。所有李奉翰摺。

鈔寄薩載閱看。并寄阿桂知之。○又諭。本日

李奉翰等。會勘青龍崗堵築壩工。及擬挑引

河情形一摺。已於摺內詳悉批示矣。據稱青

龍崗至孔家莊一帶。正河身內。抽挑引河尚

易。其孔家莊迤南。舊河身一十五六百丈。淤

與老灘相平。急應開挑。其餘間段淤墊。厚薄

不一。約計二千餘丈。亦須一律挑浚。方可以

資通暢。現在確估分頭趕辦。於東省附近地

方。僱撥民夫一萬名挑挖。俾引河速得挑成。

大溜全入正河。壩工易於堵合等語。所奏甚

是。然不可因欲速而致疎忽。蓋挑挖引河。原

為引歸大溜。其放溜處。必應寬深且長。從前

豫省挖挑郭家莊。王家莊等處引河。因開後

復淤。以致重費工作。有稽時日。此前事可引

以為鑒。朕閱此次進到挑挖引河圖內。兩頭

用硃筆圈點標記。著照此一律加展寬深。庶

開放時。全溜盡入引河。暢流直注。方於堵築

合龍有益。著將原圖。發交李奉翰等閱看。遵

照辦理。仍將擬開引河寬深丈尺。詳悉覆奏。

至所稱青龍崗建立挑水壩一道。使溜勢挑

歸正河。可以建立壩基。惟該處灘上。究屬沙鬆。尤宜慎重料理。擬於大壩之內。復加築二壩。且同時並築。彼此相依。內外相制。似更有益等語。是亦慎重壩工之一道。著李奉翰等。飭屬妥速辦理。再韓鐸另摺所奏。東省河湖情形。據稱黃河由南陽。昭陽。漫入運河者。今俱係清水。且微山湖邊。兩面清水夾行。約寬數里。一箇黃水。並未與清水混淆等語。此亦在東言東。藉以寬慰朕懷。而江南運河。是否

不致有礙。朕心尤為廕念。何能慰耶。至青龍崗漫口。何時可以堵築完竣。韓鐸著即會同李奉翰等。悉心籌畫。上緊趕辦。將此傳諭李奉翰。韓鐸。國泰。富勒渾。知之。仍將此旨。及李奉翰等原奏。先附便鈔。寄阿桂閱看。○吏部議准。貴州巡撫李本疏稱。貴筑縣北門外新城地方。戶口日繁。商賈輳集。每當夜分。城門高閉。恐有匪徒滋事。請將貴筑縣丞移駐就近稽查。即將城內衙署。拆移估變。於新城添

建從之。○旌表逼嫁捐軀安徽歙縣民黃金寶妻吳氏。○辛巳。

太祖高皇帝忌辰。遣官祭

福陵。○以廣西義寧協副將永海。為右江鎮總

兵。○壬午。

上御卷阿勝境。賜扈從王公大臣蒙古王公貝勒額駙台吉等。及土爾扈特額爾德尼等九人。杜爾伯特扎薩克台吉布爾布達爾濟等六人。宴至乙酉。皆如之。○諭曰。文綬於辦理

囑匪一案。平日並不督率文武各屬實力緝捕。隨時嚴辦。以致養癰貽害。肆行不法。竄入鄰境。屢經傳旨嚴行申飭。並交部嚴加議處。從寬降為三品頂帶留任。令其督緝自効。茲據周煌奏。川省囑匪。近年每邑俱多。至百十餘人。常川騷擾。並有棚頭名號。戴頂坐轎。乘馬。白晝搶奪。淫兇如入無人之境。通省官吏罔聞。兵民不問。甚至州縣吏役。身充囑匪。如大竹縣役之子。有號一隻虎者。囑匪肆行不

法已非一日。朕覽此奏甚為駭異。文綬身任總督有年。乃漫不經心。致令賊匪公然無忌。至於如此。若不及早嚴辦。將來黨羽日多。安知不又釀成蘇四十三之事。如勒爾謹耶。此事若交文綬辦理。伊不過仍行諱飾姑息。復致養癰。文綬著革任。發往伊犁。令其自備資斧。効力贖罪。四川總督員缺。著福康安調補。其雲貴總督員缺。著富綱補授。富綱未到任之前。著劉秉恬署理。楊魁即著署理福建巡撫。督撫等身任封疆。戡暴安良。是其專責。乃文綬於囑匪一案。因循貽誤。至於此極。不得不亟為整頓。嚴示懲儆。至周煌以本省之人。奏本省之事。如有挾嫌虛誣。或欲示威地方官。則斷難逃朕洞鑒。必治其罪。今所奏屬實。故將文綬罷黜。然未致釀成事端。若甘省之勒爾謹。斯在文綬尚為厚倖。朕於內外大小諸臣。進退黜陟。一秉至公。何嘗不欲久用其人。故屢致革任而留之者。如高晉等。其為過

可恕也。若至不可恕。則朕亦無可如何。此用人之苦衷也。各督撫等。其各實心實力。整飭地方。不可因迴護處分。一味姑容。自詒伊戚。以副朕簡任之至意。將此通諭中外知之。○欽差大學士公阿桂。署理陝甘總督李侍堯奏。甘省請添倉廩一節。據工部單開。共二十七案。臣等將各廳州縣未開捐時糧數。與添建時糧數比較。其西寧大通靜寧三處。尚不及三十九年前舊存之數。其隆德淵泉安西玉門敦煌肅州高臺古浪三岔州判禮縣西和清水徽縣成縣洮州廳十五處。雖較從前增減不等。但現據各該員供稱。以銀抵糧。並不買補還倉。何用添設廩座。明係藉端捏冒之計。請俟分發人員到省。即先革審。并無論曾否建蓋。概不准銷。至撫彝廳及張掖永昌二縣存糧較多。已派軍機司員敦倫泰往勘諭甘省監糧一項。既屬紙上空文。乃該員復借建倉為名。恣其侵冒。是又於冒賑開銷之

外設法侵欺其情節較冒賑各員更重將來審明定案時必當加倍治罪以為貪婪狡詐者戒○諭軍機大臣等據阿桂等奏請酌復惠濟銀兩以裨營伍一摺固為兵丁需費起見添兵自當添賞卹然總屬無多且現在所有兵丁其賞卹本即動用正項也其果有不敷之處以致不行賞卹乎著奏聞國家賞兵之費藉商營運支給其名究屬不美況現在戶部庫項充盈即陝甘二省添設兵丁所需

紅白賞卹費用較多原當開銷正帑著傳諭阿桂李侍堯畢沅所有此次添兵之費及將來陝甘二省兵丁紅白賞卹事件俱著動用正項開報○又諭福康安在雲貴總督任內辦理銅鹽諸務頗能盡心出力是以將伊簡調川省委辦囑匪一案福康安即親往該處督率文武各屬分頭搜捕剿除淨盡毋使一名漏網致滋遺孽伊若不能實力妥辦將何以副朕委任之意又將何顏以對朕耶福康

安接印後將囑匪搜捕淨盡辦理全行完竣一切可以自信無事於冬月再行來京陛見亦不為遲倘一時不能完竣斷不可因私廢公即今歲不來亦無不可所有明發諭旨一道并周煌原摺一并鈔寄令其閱看仍將奉到此旨起程日期迅速由驛覆奏以慰廑念尋奏臣於二十四日接奉諭旨即於二十五日將雲貴總督印務移交撫臣劉秉恬署理當日馳驛起程得旨覽奏俱悉○癸未

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵○遣官祭

顯佑宮

東嶽廟

城隍廟○

上御澹泊敬誠殿。扈從王公大臣官員及蒙古王公台吉等行慶賀禮。○甲申。諭軍機大臣等。據薩載奏。黃水漫入東境。入江南運河。酌籌分洩緣由。及沛縣近日水勢情形一摺。已

實錄卷一百一十八

三

於摺內詳悉批示。此次豫省北岸漫口。全在黃水去路通暢。水急沙行。免致停淤湖底。有妨濟運。尤在迅速合龍。使黃水早歸故道。今據薩載稱。豫省北岸漫水下達江南境者。匯注於微山湖。由湖口閘。伊家河及荆山橋河三處分洩入運。匯注於邳宿運河。一出楊家莊口門。仍入黃河故道歸海。一出鹽河閘。由莞瀆武障等河歸海。業與李奉翰商酌。將北岸通連湖河各閘壩堵築。不使沂河駱馬湖

之水入運。俾騰空運河。以備漫水等語。所辦好豫省北岸漫水分流入運。由楊家莊鹽河閘兩處分洩入海。若兩處漲水。有不能容納之勢。即開高晉所挑之新河。以為分洩之地。亦無不可。著薩載隨時酌量辦理。奏聞。至摺內所稱。上游長水無多。因湖口閘迤下有八閘約攔。及江南境內之河。清河定等閘。層層兜住。所以由湖口閘入運。下注之水。不見盛漲。前擬劉老澗閘旁酌開水口之處。似可毋庸辦理等語。湖口一閘。為微山湖分洩入運之路。該處果能暢流無阻。則沙自不致淤停。前據國泰奏。稱東省湖河並未受黃水淤墊。惟劉老澗壩外河底積淤。是以水勢不能大洩。今薩載又稱。湖口閘水勢下注。不見盛漲。如此則曲家樓漫溢之水。匯注於微山湖者。其分流去路。不無迂緩。將來浮沙必至淤墊。河身積高。甚為可慮。況湖面甚寬。湖底又深。雖用泥江龍刷沙之具。亦何能一例汕刷。使

實錄卷一百一十八

四

得照常濟運。朕於此處日夜廬念。著傳諭薩載國泰等即將該處湖身現在如何淤墊。黃水大溜往南一股。何以不見盛漲之處。詳悉勘明。據實繪圖貼說。迅速覆奏。不得稍存迴護。諱飾之見。至魏家莊漫口。現在河身業已斷流。其堵築自易。目下計已合龍。但係斷流後施工。必得十分鑲築。夯礮堅實。庶水復故道後。可以永保無虞。至豫省之曲家樓堵築合龍。尤為目今第一緊要之務。前已諭令李

實錄卷五百六

三

奉翰等將引河兩頭加展寬深挑挖。庶開放時全行暢注。於合龍較為有益。現在兩壩是否鑲裹堅固。每日下埽若干。計算何日可以竣事。著再傳諭李奉翰、韓鐸等。即督飭在工文武員弁。星夜趕緊。一面挑挖引河。一面將兩壩埽工次第鑲築。以期迅速集事。將此傳諭薩載、李奉翰、韓鐸、國泰、富勒渾等。安速熟籌辦理。並將此旨及薩載原摺仍附便先行鈔寄阿桂閱看。○軍機大臣議覆欽差大學

士公阿桂署理陝甘總督李侍堯奏稱。陝甘兵數因裁糧扣抵軍需墊項。以致那移改撥牽混不符。現奉旨俱令挑補足額。並將陝甘兵數酌增。應令該督撫於每年造冊時。將實在正額兵為一冊。屯防移駐兵為一冊。明晰開報。并令各直省遵照得旨。如所議行。○乙酉。諭朝廷設兵衛民。簡覈軍實。期於行伍整齊。兵額充足。如兵丁等紅白事件。從前設有生息惠濟銀兩。以資賞卹。後因生息名色。有

實錄卷五百六

三

關國體。特飭停止。昨據阿桂等奏。陝西添兵案內。籌及賞卹。聲請酌復惠濟銀兩。朕以國家賞兵之費。藉商生息支給。究屬非宜。已傳諭阿桂等。令其動用正項開銷矣。茲袁守侗海祿前赴行在。令軍機大臣傳旨。詢問直隸雲南賞兵銀兩支銷款項。據稱直隸裁扣公糧銀二萬兩。雲南裁扣公糧銀一萬六千餘兩。以備賞用等語。看來各省大都如此。兵丁紅白銀兩。原係加惠營伍。格外施恩。若因此

裁扣名糧致兵額不足殊非覈實營伍之道況今戶部帑項豐盈各省藩庫積存充裕即現在京營添兵四千九百名陝甘二省各營添兵一萬二千九百餘名其馬步糧餉合之各省兵丁賞卹紅白銀兩約算歲支不及百萬國家何靳此費不令開銷正帑而各省乃紛紛裁扣名糧又且請復生息甚無謂也朕臨御四十六年以來惟事事以敬

天勤民為念凡三次普免天下地丁錢糧兩次

實錄卷二百六

三

普蠲各省漕糧以及遇災即賑總計何啻萬萬又並未加增賦稅仰荷

上蒼嘉佑開拓邊陲府藏殷實國用充饒朕又豈肯稍存靳惜致令有司開聚斂剋扣之端乎所有各省營伍賞卹兵丁紅白銀兩自乾隆四十七年始俱著於正項支給造冊報部覈銷至各省提鎮以下武職員弁俱有應得坐糧馬乾等項前於六月內業經降旨通諭各省督撫將各該省武職所得公項逐一查

明覆奏俟奏報到齊令軍機大臣會同該部覈辦照文員之例議給養廉其所扣兵餉即可挑補實額覈計添給養廉歲支亦不及二百萬兩官員既無拮据而各省又增添兵力於營伍大有裨益朕御極之初戶部庫項不過三千萬兩今已增至七千餘萬復有何不足而不加惠天下散財以得民乎所有辦理添兵補額紅白賞卹銀兩及裁添名糧養廉緣由明晰曉諭中外知之○四庫全書館總

實錄卷二百六

三

裁質郡王永瑤等議奏監生在館効力謄錄皆由吏部冊送並未註明在部在甘捐納字樣其已經分發銓選者應交吏部查辦其在館當差者請先行傳喚諭令實供如有夤緣囑託係王亶望送給實收之人即褫革並移咨陝甘總督查覆從之○賑卹湖北潛江江陵監利荊門等四州縣本年水災飢民並予緩徵

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百三十八

實錄卷一千一百三十八

高

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百三十九

監修總裁官總纂官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官總纂官太子太傅文華殿大學士文淵閣領閣事稽察欽奉 上諭事件處管理刑部戶部工部事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德齡總纂官太子少保工部尚書紀錄六次臣曹振鏞等奉

敕修

乾隆四十六年辛丑八月丙戌

辛丑八月丙戌

上自避暑山莊啟鑾幸木蘭。○河南巡撫富勒
渾奏。豫省堵築漫口。挑挖引河。所需物料人
夫不少。向例通省派辦之料。緩不濟急。請飭
委員就近採買。每稽一觔銀四釐。麻一觔銀
六分。其撥夫舊例。亦係闔省按糧撥送。但遠
近不一。總難應手。請飭開歸彰。衛懷各屬覓
雇。每名每日銀四分。並津貼銀一錢。得旨。所
辦好。○是日。駐蹕中關行宮。○丁亥。諭軍機
大臣等。據薩載奏。現在運河水勢稍長。酌量

分洩并親往查勘料理一摺豫省北岸黃水漫溢由運河分洩各處其經過運河河身自不免淤墊即使運河無礙或淤沙尚輕其黃水淹灌之微山湖湖底必有沙泥停積屢經降旨詢問薩載國泰等令其查明據實覆奏乃節次薩載等奏到摺內並未將實在情形詳悉聲覆甚為厯念現在薩載堵築魏家莊漫口已經合龍起身前赴運河勘籌分洩各事宜著即順便至微山湖一帶查看湖底浮沙淤墊情形其現在湖身淺深丈尺比前若何即詳悉確查迅速覆奏至東省運河及南陽昭陽等湖是否不致淤墊之處並著國泰一併覆奏又本日李奉翰等奏壩臺鑲築堅實趕緊進占并興挑引河日期一摺覽奏俱悉摺內所稱一面督率夫役進埽一面將引河挑挖寬深使其勢若建瓴黃水去路暢達庶壩工不致著重合龍易得迅速等語所辦好該處挑挖引河寬深開放時自然得力於

堵築合龍較為捷速至所稱漫口溜勢比前稍緩人夫物料亦源源到工現在督率在工人員加緊趕辦是目今第一緊要之務現在每日進埽若干約算何日可以竣事即著李奉翰等據實先行奏覆將此由六百里傳諭薩載李奉翰韓鐸富勒渾國泰知之並將此旨及薩載李奉翰原摺先行附便鈔寄阿桂閱看○又諭據富勒渾奏堵築漫口籌辦夫料一摺豫省堵築缺口挑挖引河所需物料自應寬為豫備趕緊辦理以期迅速合龍至從前阿桂等奏請加價之案係分作十年於各州縣內帶徵還款著傳諭富勒渾即將此項銀兩現在已完若干未完若干及作何辦理之處查明據實具奏尋奏加價之案奏定自四十六年為始於地丁錢糧項下每年攤徵銀十萬二千八百餘兩茲查本年已完銀六千一十五兩八錢零未完銀九萬六千八百四十七兩九錢現在陸續交納得旨覽○

欽差大學士公阿桂署理陝甘總督李侍堯奏。臣等遵旨將蘭州城垣公商增建。其地北臨大河。西南兩面山嶺重疊。惟城東平行。請將大城向東展寬。西自外城安定門起。由拱蘭門迤東至風神廟後。又自通遠門東南角起。由迎恩門至廣武門北角止。共添一千一百七十餘丈。所有大城甕城俱多添一層。將西南二郭城拆去。兼勸諭兩關廂居民移住空出地面。寬留火道。其城西華林山應築營堡一座。移督標右營官兵駐劄。再於西南擇據形勢。設空心大墩四處。亦飭右營兵丁輪流駐守。得旨。如所議行。○是日駐蹕波羅河屯行宮。○戊子。諭據吳玉綸條奏。甘省自三十九年以後。報捐監生。每名令其補繳銀六十兩。所見甚小。王亶望等私收折色一案。朕本不欲辦。恐各省因此諱災。今種種弊端。水落石出。伊等於光天化日之下。竟敢明目張膽。網利鬻官。致朕不得不辦。朕之苦衷。天下

後世共見之。然侵漁各員。已將伊等平日私收冒銷婪得贓私。查抄入官。亦足抵該省浮開冒賑之數。若又令各捐生紛紛補繳。是轉開鎗銖較利之端。於國家政體甚有關係。朕不為也。吳玉綸此奏。不准行。至該生等明知折色違禁。乃相率報捐。亦不可不示懲儆。所有乾隆三十九年甘省開捐以後。報捐監生者。停其鄉試三科。已經中式舉人者。停其會試三科。其加捐職官現任者。罰俸三年。捐納職官未經銓選者。俟到班三年後。方准銓選。其在各館充當謄錄者。著五年期滿後。再効力三年。俱以奉旨之日為始。查明扣算。其止捐監生頂帶榮身者。著加恩毋庸查辦。○又諭甘省收捐監糧一事。地方官私收折色。任意侵欺。捏災冒賑。釀成不得不辦之大案。實非朕所喜也。且各省偶遇災歉。皆動正項賑卹。何獨於甘省賴捐監為乎。此後甘省捐監一事。竟宜停止。將此通諭中外知之。○又諭

向來由內務府官員擢用道府者。丁憂回旗。於百日孝滿後。例由總管內務府大臣帶領引見。其包衣漢軍。未曾為內務府司員者。遇有丁憂事故。著照八旗漢軍人員之例。俟二十七個月服滿。歸部銓選。毋庸於百日滿後帶領引見。著為令。○又諭兵部等部。議處疎防。囑匪之文武各員。分別降調一事。囑匪誘脅多人。搶刦不法。已非一日。該地方文武各職。平日既不能實力稽查。臨時又不能即時擒捕。以致四竄滋事。非尋常疎防可比。所有議應降抵之各員。俱著照所降之級實降。不准抵銷。至成德委赴松潘。係今年四月後之事。何得聲請免議。此即文綬有意瞻徇。開脫。文綬成德均著交部另行議處。又已陞遊擊之都司舒時。可一員其降調處分。係在都司任內之事。自應照都司品級議降。乃部議於遊擊現任內降調。必係書吏等高下其手之弊。該堂司官未能察出。殊屬錯謬。所有

承辦此案之該司員。及在京署兵部尚書德福等。并著交部分別議處。○又諭曰。黃檢著來京候旨。其涼州副都統員缺。著圖桑阿補授。○諭軍機大臣等。據陳輝祖奏。諸羅縣知縣楊慰。於該縣境內賊首洪龍等。糾集多人。拒捕搶刦之案。並不實力擒拏。請將該縣楊慰革職一摺。已明降諭旨。將該縣革職。仍留該處協緝矣。至總督係專司戎政。向來各省。遇有叅革文員。及地方事件。皆係巡撫專銜。會同總督具奏。何以今閱叅奏諸羅縣知縣一摺。乃係陳輝祖出名。僅於摺尾聲明。會同撫臣富綱具奏。而富綱近在福建本省。何以轉不先行奏聞。殊不可解。至諸羅縣境內賊匪搶刦之案。看來已非一日。海疆要地。有此等案件。陳輝祖富綱。何以不及早查辦。此必近日因巡臺御史抵閩。或恐為所覺察。先為此奏。以圖塞責耳。陳輝祖富綱。俱著據實明白回奏。○又諭蘭州添建城垣。一切興工

估計自須熟諳工程之員。前往辦理。現在工部堂官。惟侍郎德成。於工程尚為熟練。但現在盛京一帶。辦理城工。不便遽離該處。所有蘭州城垣。業經阿桂等相度已定。俟德成於冬底回京時。令其前赴蘭州勘估。亦不為遲。○又諭。據章嘉呼圖克圖奏稱。沿邊附近循化等處一帶。地方喇嘛寺廟。多有回人滋擾。甚有將廟宇殘毀者。現在蘇四十三等。殲戮淨盡。將來喇嘛可以安居等語。新舊教名色。雖分種類。則一伊等素不信佛。其殘毀寺廟之人。是否即係蘇四十三等新教。抑并有舊教之人。著傳諭阿桂。李侍堯。查訪具奏。并密諭各土司韓煜等。將伊手下人時加管束。毋令滋生事端。仍當不動聲色。令其潛消默化。各安本業。如有滋事者。該土司不時稟報。設法查辦。總在該督等平日撫緝兼施。牧寧邊境。即黃教亦得課誦焚修。不致受其擾累。若喇嘛滋事。亦不可袒護也。○又諭。據郝碩奏。

查明晚田實在情形一摺。內止稱通查高阜遠水之田。晚禾未能長發。亟須補種雜糧。農民艱於工本。現據南昌等十五縣查報。每縣會計民戶。各請借穀一二千石。及五千餘石。足資接濟等語。所奏殊不明晰。前因該撫奏報各屬缺雨情形。所奏已遲。因批諭該撫查有成災者。不可諱飾。郝碩接奉後。自應即將所屬是否成災。其有成災較重之處。自應照例題請賑卹。如勘不成災。或應緩徵。或應借給口糧。均須分別詳晰聲敘。方為明妥。乃本日奏到摺內。仍屬牽混含糊。並未分晰。豈不體朕念切民依之意耶。郝碩著傳旨申飭。仍著將缺雨各屬是否成災之處。即行詳晰查明。據實覆奏。○又諭。甘省私收折色一案。飢法營私弊端百出。現已將首先倡議侵冒分肥之勒爾謹。王亶望。蔣全迪等。俱分別明正典刑矣。至此案大小各員。勾通侵蝕。自應按律問擬。以彰國憲。而警貪婪。但人數較多。若

概予駢誅。朕心有所不忍。自當覈其贓私之多寡。以別情罪之重輕。著傳諭阿桂等。將各該犯所有侵冒銀款。其在二萬兩以上者。俱當問擬斬決。二萬兩以下者。問擬斬候。入於情實。一萬兩以下各犯。亦應問擬斬候。請旨定奪。並開繕清單進呈。所有應行定擬案犯。俱著趕本年勾到以前具奏。毋致延緩。○又諭。據國泰奏。黃水南注溜勢。及湖河漲盛。情形一摺。內稱東省清黃各水。總以微山湖為會聚。今欲減東省水勢。必先籌畫中運河水之去路。各等語。國泰此奏。未免在東言東。稍有急欲見長之意。黃水漫溢。所慮者在運河河身。及微山等湖淤墊。前已節次傳諭詢問。薩載。國泰等。令其詳悉確查。據實覆奏。不得稍存迴護諱飾之見。至東省淹灌諸水去路。正應亟宜不分疆界。籌畫其下流分注之處。然亦非一時所能宣洩淨盡。現在薩載親往南運河一帶。查勘籌辦分洩各事宜。并諭令

往微山湖親勘。著將國泰此摺。及原圖。鈔寄薩載閱看。其應如何籌辦之處。一面與國泰札商辦理。即一面奏聞。至漫水來源。總由豫省。其缺口一日不堵。則江南山東兩省河潮多受一日之累。業經屢次諭令李奉翰等。督飭在工文武員弁。星夜趕築。現在人夫物料源源齊集。著再傳諭李奉翰等。務即督飭所屬實力趕緊合龍。究於何日可以竣事之處。先行具摺奏聞。以慰廛念。仍將此旨。及國泰奏到之摺。一併附寄阿桂閱看。○欽差大學士公阿桂。署理陝甘總督李侍堯奏。撒拉爾回人。分居十二工。除漢文寺。孟達。夕廠。三工。係舊教外。蘇四十三住查家工。韓二個住清水工。及張朶。別列。草灘。崖慢。蘇只。街子。打蘇古等七工。皆屬新舊二教錯居。現在新教勒盡。各工共遺存耕種地二百三十四畝。零臣等查隨同打仗之回人土兵。頗為出力。共傷亡三百三十餘名。請即將此項地畝。賞給伊

等家屬。交土司均勻派撥從之。○以故翁牛特多羅達爾漢岱青貝勒諾爾布扎木素子濟克濟扎布襲爵。○是日駐蹕張三營行宮。○已丑。

上行圍。○諭。川省囑匪一案。皆由通省文武各員。平日不能實力搜捕所致。是以兵部等部議處疎防各員一摺。俱予以實降。不准抵銷。至臬司有督捕之責。降調本所應得。第念孫嘉樂。到任未久。尚與各員平日玩縱者有間。孫嘉樂著從寬改為革職留任。○諭軍機大臣等。昨據國泰奏。東省經黃水漫注。其分洩中運河水之去路。未能通暢。是以東省之水。日見加增等因。一摺。業經降旨。將國泰原摺及圖。一併寄交薩載閱看。其應如何酌籌暢洩之處。令薩載與國泰會商辦理矣。但思國泰所奏情形。止在東言東。並未將黃水分注之下流。通盤籌畫。國家任用封疆大臣。遇此等地方要務。自應悉心籌辦。斷不可存此疆

彼界之見。國泰於此未能盡泯畛域。且遇事有急欲見長之意。即其摺內所稱。必當折展永濟橋壩身。使黃水暢洩六塘河。始能減低湖水。且為河水騰出去路等語。東省漫水分洩江南去路。固為要著。但前據薩載奏稱。現與李奉翰商酌。將通連湖河各閘壩。分別下板。不使沂河與駱馬湖之水。涓滴入運。均令由六塘河歸海。俾騰空運河。以備漫水暢行等語。是六塘河分洩歸海之道。薩載業經相度情形。酌商辦理。國泰何復以無尾閘可歸黃水。日增為患乎。總之江南山東。本無歧視國泰既以江省宣洩不暢為慮。何不會同薩載。將應行分洩漫水各閘壩。悉心履勘。妥商辦理。至豫省漫口合龍。尤為目今第一要務。早堵一日。則兩省被水之患。即早除一日。昨已傳諭李奉翰等。督飭所屬星夜趲築。務即遵旨實力趕緊辦理。俾早蒞事。以慰朕夙夜盼望之意。將此各傳諭知之。仍將此旨附寄

阿桂閱看。○以陝西潼關協副將馬鎮國為四川重慶鎮總兵。○是日駐蹕阿貴圖大營。○庚寅。

上行圍。○軍機大臣議覆。欽差大學士公阿桂等奏稱。遵旨酌添陝甘兵額。改設將備事宜。該省控制邊陲。番回雜處。自應聲勢聯絡。營伍充實。方資彈壓。甘肅督標添兵一千四百六十二名。肅州鎮添五百九十七名。西寧鎮添二百五十五名。涼州鎮添一百五十五名。河州協以固原總兵移駐。改設鎮標添一千九十一名。陝西撫標添二百五十名。興漢鎮添五百九十三名。提督駐劄西安。控馭未為便捷。應仍駐固原。改設提標添兵一千六百九十五名。西安提標現存實兵一千七百四十五名。應照成都將軍兼轄漢兵例。設立軍標中左右三營。添三百五十五名。令該將軍管轄。外此緊要營堡。如河州屬之循化。保安。奇台。臨洮。大通。永安。鎮海。歸德。南川。亦雜石。千戶

莊。北川。巴燕戎格。巴暖。康家寨。亂思觀。碾伯。肅州屬之嘉峪關。鹽池。紅崖。梨園。洪水。南古城。馬營墩。涼州屬之莊浪。岔口。安遠。古浪。黑松。武勝。張義。西把截。寧夏屬之花馬池。同心城。惠安。韋州。靈州。橫城。西安城。守慶陽。長武。邠州。涇州。潼關。神道嶺。興安城。守白土路。漁渡路。紫陽。七里關。舊縣關。漢中城。守漢鳳。陽平關。寧羗。畧陽。固原城。守靖遠。下馬關。盧塘。西安州。永安。八營。洮岷。階州。文縣。西固。岷州。舊洮。秦州。鞏昌。蘭州城。守金縣。紅城。苦水。平涼城。守各等處。自添數百名至數名不等。共計甘省添兵六千五百八十二名。陝省添兵六千三百五十八名。其增改將備之處。軍標應設中軍副將一員。以舊有中營遊擊改補。外添中軍都司一員。固原提標應設兩營。以西安前後二營遊擊等將備裁移。河州鎮左營應設中軍遊擊一員。於紅德裁移。其舊有左營都司改為右營都司。其守備作為都司。

中軍左右二營共添千總二員。於臨洮興武裁移。添把總一員。於哈拉庫圖爾裁移。添經制外委二員。於該營拔補。循化應添叅將一員。於鎮海裁移。添中軍守備一員。於哈拉庫圖爾裁移。添千把總各一員。於中衛裁移。添額外外委二員。於該營拔補。鎮海應添遊擊一員。徙駐丹噶爾。於循化裁移。以舊有千總作為中軍。哈拉庫圖爾應添千總一員。於大通裁移。歸德應添把總一員。於永安裁移。添額外外委一員。於該營拔補。保安應添把總一員。於金塔寺裁移。永安舊有千總。作為遊擊中軍。興武舊有把總。作為都司中軍。復以清平守備移駐紅德。以寧條梁把總移駐清平。以清平經制外委移駐寧條梁。以黑城都司等將備移駐紅城。以紅城把總等將備移駐黑城。均應如所請。至西安提標弁兵業請改隸軍標。毋庸增設總兵。從之。○又議覆。欽差大學士公阿桂等奏稱。陝甘增易將備兵

額。其營制統轄亦應酌改。固原提督除設中左右前後五營外。固原城守靖遠。盧塘。西安州。永安。八營。平涼。秦州。鞏昌。紅德。涇州等營堡俱歸固原提督統轄。河州鎮除設左右二營外。循化。保安。奇台。臨洮。洮岷。舊洮。岷州。西固。階州。文縣。蘭州城守各營堡俱歸河州鎮統轄。其紅城。苦水。三處歸莊浪營叅將管轄。其永固。甘州城守。大馬。黑城。紅水。馬營墩。山丹。峽口。梨園。南古城各營堡俱歸甘州提督統轄。均應如所請。至西安城守一營業請設立軍標。應歸將軍統轄。其潼關。神道嶺。商州。金鎖關。富平。西鳳。宜君。邠州。長武各營堡請仍歸固原提督統轄。從之。○是日駐蹕海拉蘇台大營。○辛卯。

上行圍。○諭軍機大臣等。本日據文綬奏查拏囑匪一案。內稱拏獲首夥各犯已經正法。及解省審辦。并當場殺死者。通計一百二十一名。已獲十分之九。此時情形已無須李國梁

帶兵協捕。現在咨會李國梁。令其酌量。各於本境邊界嚴密搜截等語。所奏大似勒爾謹之阻川兵及京兵大奇。此案囑匪。全係文綬姑容所致。又不實力擒拏。因傳諭李國梁。令其帶兵前往四川。會同勦捕。以期淨盡。乃文綬摺內。竟稱此時情形。已無須該提督會辦。看來文綬之意。已亂。殊不足信。即其所稱已獲十分之九。亦止就現在破案之囑匪而言。現已降旨。令福康安前赴四川辦理此案。李國梁此時若接據文綬咨會。竟不必即回本境。仍往四川太平一帶。實力擒捕餘匪。務令盡絕根株。并凡有應辦事件。俱不必與文綬會商。亦不必聽其知照。且俟福康安到四川後。查看實在囑匪淨盡。若福康安無須李國梁在彼協捕。即可一面奏聞。一面即回本境堵截也。並諭福康安知之。○又諭。本日據文綬將前後拏獲囑匪正法。並解審及捕殺各犯姓名。開單具奏。一摺。已於摺單內詳悉批

示。文綬辦理此案。既貽誤於前。屢經傳旨嚴行申飭。此時又主意忙亂。手足無措。即奏到摺片內。有無枉無縱之語。此係辦理尋常案件。中套語。文綬亦摭拾入奏。殊不知事理輕重。蓋川省囑匪為患已久。其平日頭人戴頂坐轎騎馬。到處令百姓逢迎。索酒食。夫馬稍不如意。則大肆剽掠。且大竹縣衙役之子。有為囑匪號一隻虎者。早已有人奏出。文綬豈尚在夢中乎。乃屢次摺內。並無一語敘及。顯係迴護諱飾。再此案先由楚省發覺。及降旨詢問。文綬始行入告。而所獲各要犯。又並未訊錄供詞具奏。尤屬草率。總之此等匪類。惟有嚴拏痛懲。俾根株盡絕。庶幾可以綏靖閭閻。至姑息之政。於平民尚且不可。何況此等囑匪。若此時不辦。將來日聚日多。又復何所不至。此文綬釀成此案之病根。不能再為之曲貸也。著再傳諭文綬。將所詢各情節。令其據實即行明白回奏。再文綬此次奏到擒獲

囑匪姓名單內。其解省審辦。囑匪朱大漢等六十六名。何前次摺內。並未據文。綬將各犯姓名詳晰聲敘。又未將如何定罪奏明。並著一併覆奏。○又諭。刑部題覆石城縣民劉上捷。截死胞弟劉上騰。致伊弟婦張氏自縊身死。將劉上捷定擬絞候一本。據稱劉上捷。欠伊胞弟劉上騰錢文。伊因索錢起釁互毆。將劉上騰截死。致張氏痛夫情切。自縊殞命等語。此案係胞兄致死胞弟。該部擬以絞候。固屬照例定擬。但細閱本內情節。劉上捷既欠伊弟錢文。向索未還。輒取木耙柄忿毆。又因伊弟回毆。頓起殺機。兄弟之恩已絕。況伊弟婦痛夫慘死。亦以身殉。是一人致死二命。比尋常故殺胞弟者情節較重。著傳諭該部。將劉上捷趕入本年秋審情實辦理。○河東河道總督韓錄奏。運河水勢漸減。迤北各閘。啟板通漕。回空船行走順利。分水口以南。水誌漸深。順流直下。浮送益速。惟棗林閘以下。繹

道間有淹沒。臣已飭雇湖中風網船引繹。毫無阻滯。得旨覽奏稍慰。○以內閣學士勒保為正藍旗漢軍副都統。○是日。駐蹕呼魯蘇台大營。○壬辰。

上行圍。○諭。據薩載奏。微山水勢日增。沛縣護城隄外各村莊有被淹之處。豐縣銅山等縣附近微山湖各村。亦因窪地被淹。田廬間有塌沒等語。豐沛等三縣俱被水災。居民不無失所。雖據稱水勢由漸而來。人民先已遷移。非猝被水災可比。但秋糧全沒。廬舍倒塌。勢難緩待賑期。著加恩先行賞給一月口糧。該督即飭屬確查飢口。照例撫綏。俾得均受實惠。以副朕軫恤災黎之至意。○諭軍機大臣等。據薩載奏。運河洩水甚暢。並無淤淺。及民田廬舍無礙情形。一摺。據稱毗連運河之駱馬湖。水勢漸消。業將北岸之駝車頭竹簍壩二處開放。使河水分洩入湖。口門展寬八丈十丈不等。又劉老澗九孔石閘一座。亦過

水四寸。更資宣洩等語。薩載此次所奏分洩運河水勢情形。頗為明晰。只可如此辦理。舍此亦別無辦法。若從劉老澗旁另開水口分洩。未免淹及民田廬舍。其摺內所稱。不使使無水之區。再受水患。所見甚是。前據國泰奏。劉老澗河底淤積。水勢不能大洩之語。則未免在東言東。稍涉張皇矣。現在薩載當即遵旨會同國泰。將六塘河分洩各事宜。面商辦理。所有此次奏到之摺。即著鈔寄國泰閱看。並附便寄交阿桂閱看。○軍機大臣奏。據大學士公阿桂等。解到韓阿渾即馬六十七。蕭得福。馬達烏特。韓三個。韓四個。五犯。遵旨嚴鞫。該犯等糾合同人。攻掠河州城池。蘭州關廂。並屢向華林山送信。均應照大逆律。凌遲處死。從之。○是日。駐蹕納爾蘇台達巴漢西大營。翼日如之。○癸巳。

世宗憲皇帝忌辰。遣官祭。

泰陵。○諭據阿桂等奏。西寧鎮總兵貢楚克達

爾。不勝繁劇。總兵之任。著來京候旨。其西寧鎮總兵員缺。緊要。著興奎調補。所遺山西大同鎮總兵員缺。著富成補授。○又諭。據阿桂等將甘省捏報災賑。侵蝕帑項之各州縣。奏請一併革職。拏問一摺。所辦甚屬公當。此案係前任藩司王亶望。與前任蘭州府知府蔣全迪。通同舞弊。首先作俑。以致通省效尤。習為固然。實有不得不辦之勢。至各州縣雖職任大小不同。但國家設官分職。均宜潔已奉

公。廉隅自勵。豈有因上司勒令報荒。遂爾朋分侵蝕之理。况道府州縣。即無奏事之職。遇此等事件。原可直揭部科。使累年積弊。早經破露。亦不至貽罪多人。朕必嘉其公正。特加擢用。乃竟聯為一氣。恣飽慾壑。置民瘼於不問。此而不辦。何以肅吏治而儆官方。現據阿桂等查明此案。俱已水落石出。朕之辦理。實出於不得已。且各員等入已贓私。俱自行供認。將來定案時。朕惟於輕重權衡。折衷至當。

於按律定擬之中。仍寓法外施仁之意。至有
旨詢問。而其人仍狡供者。必不恕也。所有阿
桂等。此次查明參奏之知府前任知縣楊賡
鵬。伍諾璽。同知前署知州韋之璠。同知前任
知縣閔鵠。元孟衍。泗趙杭林。同知善達。顧芝
張春芳。通判賈若琳。經方博敏。佛保。謝廷庸
知州那禮善。伍葆光。覺羅承志。陳常。知縣陳
鴻文。王臣。李元椿。邱大英。詹耀璘。陳澍。伯衡
舒攀桂。萬人鳳。杜耕書。舒玉龍。福明。陳韶。楊
有澳。林昂霄。彭永和。徐樹楠。尤永清。丁愈。錢
成均。章汝楠。黃道嬰。蒲蘭馨。顧汝衡。孫元禮
宋樹穀。趙元德。萬邦英。沈泰。王旭。夏恒。陳金
宣。華廷鵬。墨爾更額。王璠。龐樓。申寧吉。史堂
李弼。葉觀海。何汝楠。鄭科捷。陳起。馮陶士麟
麥桓。景福。布瞻。成德。王夢麟。麻宸。呂應祥。陳
嚴祖。廣福。劉治傳。州同前署知縣王萬年。州
判前署知州吳詵。州判前署知縣薛佩蘭。布
政司經歷前署縣丞許士梁。縣丞前署知縣

周兆熊。閔焜。縣丞史載衡。李亨。經歷前署知
縣張毓琳等。業經降旨革職。拏問。其已離甘
省。及陞任別省各員。俱著各督撫。迅速派員
解赴蘭州。交阿桂。李侍堯。歸案審明。分別定
擬具奏。○又諭。前此勦滅逆回。黃檢以守城
為由。並未打仗出力。令阿桂等傳旨詢問。茲
據黃檢覆奏。實未打仗。有負殊恩。請交部嚴
加治罪等語。黃檢世受厚恩。非尋常可比。因
其在藩司任內。聲名操守。俱屬平常。念其係
大學士黃廷桂之孫。仍加恩改用副都統。復
因逆回滋事。將伊調補涼州。伊自應感激朕
恩。倍加出力。以期稍贖前愆。乃黃檢到蘭後。
竟以守城為由。並未自告打仗。在逆回盤踞
華林山時。尚得藉辭城守。迨至官兵四面設
圍。黃檢自應親歷行間。隨同擒剿。乃復藉辭
墜城損足為由。自始至終。並未於行間効力。
實為辜負朕恩。黃檢著交部嚴察議奏。○諭
軍機大臣等。據李奉翰等奏。青龍岡大壩。二

壩連日進占趕辦。各做長二十餘丈。層層鑲壓。務於迅速中仍加慎重等語。所辦是該處缺口。本寬二百四十餘丈。今據稱晝夜趕築。大壩二壩。僅各做長二十餘丈。是尚有二百二十丈未經做起。計日進埽。究於何時始能合龍。朕心深為廕念。著傳諭李奉翰等。一面緊趕築。仍將何日趕築完竣之處。一面奏聞。至所稱上首挑水壩。做長十有餘丈。因閘圖內此處壩身。必須再行加長。則挑溜更為有力。且水勢南趨。則此處口門。便成迴溜之勢。將來引歸正河。合龍自易。並著李奉翰等酌量辦理。並將引河開挑寬深。現已施工幾分之處。即行覆奏。並諭阿桂知之。○閩浙總督陳輝祖奏。海塘改建魚鱗石工。釘樁分限辦理。每限石四百丈。樁六萬根。現在四限工程將竣。五限業經開槽趕辦。得旨好。勉為之。○甲午。

上行圍。○諭軍機大臣等。據舒常等奏。拏獲搶

刦。囑匪審明正法一摺。此等囑匪。於拏獲審明後。凡係搶刦之犯。即按名立即正法。俾匪類聞風知警。庶可以綏靖地方。舒常等所辦極是。至摺片內所稱。拏獲鄒開太一犯。訊係四川綦江縣人。本年六月。往青陽石賣糖。有八個人。拏刀恐嚇。令與背負包袱。就將該犯解子割去。背包隨行。一路搶刦等語。囑匪到處逼脅平人入夥。背負行李。此其常技。何以獨將鄒開太一犯解子割去。若以脅從歸附。以割解為標誌。則囑匪等必皆無解髮可知。若果如此。則是伊等行徑。顯有背叛之意。從前各省所獲匪犯。供詞內何以未經供出。是否割解者。僅止鄒開太一犯。抑或餘匪俱係割解。現在鄒開太供出匪犯多人。目下嚴行擒捕。此八人中。當自有就獲者。著該督等。即親提各犯嚴訊。其割解是何主意。並查從前。有無似此割解者。據實覆奏。再摺內硃筆點出未獲之匪犯黃大年。羅。陳昇。楊老大。張

老大。又窩家金小二等六名。田洪鳳一名。著該督等。一併飭屬嚴拏。務絕根株。不可稍存姑息。福康安即日將次到川。著一體於獲犯訊供時。將此等情節。嚴行根究。將此傳諭舒常。鄭大進。並諭福康安知之。○是日。駐蹕舒庫爾昂阿大營。○乙未。

上行圍。○諭軍機大臣等。據雅德覆奏。審訊湖北盤獲攜帶邪經之曹貴雙。所供案內各犯一摺。內稱審訊各犯。並無女師維忠之名。即曹張氏等持齋禮佛。亦無設教傳徒之事。曹貴雙所攜經本。係已故僧人妙豐所遺。因起獲廟中所藏等經。俱係佛門經卷。惟西天經一本。語有悖逆等語。此案曹貴雙所供等情。既據雅德審係假捏。即西天經一本。閱其經內尚無悖逆字句。其經內標題處。西天取清字樣。亦係尋常填砌之語。究非有心背妄。若遂以此指為悖逆。未免太過。所有此案曹貴雙一犯。著舒常。鄭大進。即行解送山西交雅

德歸案審訊明確。照例定擬。將此各傳諭知之。○又諭。前因王亶望於捏災冒賑一案。業已明正典刑。並將伊子發往伊犁。自備資斧。充當苦差。茲據雅德查奏。王亶望之子共十一人。長子王裘業。經刑部辦理。其次王榮。王焯。現在飭提起解。此外尚有子八人。王祐。王紳。王晉。王越。王瑤。王鈺。王庚。官王海。官俱年在六歲以下等語。此等重犯。將伊子發往伊犁。自屬罪所應得。但念其年尚幼小。若即行發遣。朕心尚有不忍。著加恩。將王祐等八人。交雅德嚴行管束。待年至十二歲時。再行遵照前旨。陸續發遣伊犁。如雅德離任山西。即著交代接任之人。遵照辦理。○又諭。本日據國泰覆奏。東省湖河。現在並未受淤情形。一摺。微山湖水。尚深二丈有餘。不致淤墊。覽奏稍慰。東省猝被黃水漫注。一時下游不能疏通。間有淹浸之處。國泰前奏。在東言東。未免過於張皇。並未通盤籌畫。其意似謂江南不

肯消山東之水顯有畛域之見如國泰慮及曹單金鄉等縣被水則江南之豐沛等縣獨未被淹浸乎是以屢次降旨令其就近與薩載會同履勘不分疆界悉心籌辦薩載久任南河一切河務本為熟諳即現在邵宿一帶籌辦分洩各事宜具有條理即朕之信任國泰亦自不若薩載也國泰此次著即遵照前旨前往會同薩載履勘湖河仍應聽其講畫指授庶可增長識見至國泰摺片內覆奏劉老澗應須挑濬與現在儀封漫注黃水無涉等語尤為迴護前奏更屬非是國泰著傳旨申飭但念其究因急公起見亦不必因此次申飭致生疑懼也將此傳諭薩載國泰知之仍將國泰等原摺附便鈔寄阿桂閱看○欽差大學士公阿桂署理陝甘總督李侍堯奏臣等飭查撫彞廳張掖永昌三處所添廩座永昌縣共添建七十間現空六十五間張掖縣於四十五年添建二百間現空一百三十

二間空間既多何用添設顯係借名侵帑請將此二案照西寧等案例概不准銷惟撫彞廳添建八十間張掖縣四十一年添建八十間俱係實貯而工料率多偷減容臣李侍堯盤查覈減外有成縣知縣譚可則並未捐監辦災第擅請建倉亦屬弊混請旨革職下部知之○是日駐蹕薩拉巴爾哈達大營○丙申上行圍○遣官祭賢良祠○改長蘆屬青州分司為天津分司換給關防從鹽政伊齡阿請也○是日駐蹕庫庫英圖大營翼日如之○丁酉上行圍○諭曰烏什哈達成策俱著授為領隊大臣前往和闐辦事○諭軍機大臣等前據周煌奏川省囑匪肆行搶刦一事業交福康安嚴飭通省文武員弁實力查拏務使盡絕根株不得稍留餘孽但此等亡命之徒百十成羣又其黨與有身充衙役者聲息相通知係本地搢紳陳奏因而查辦嚴密遂思逞其

私忿糾集黨徒至周煌原籍村莊住址肆行搶毀以洩忿恨尤屬不成事體不可不先事防範著傳諭福康安即嚴飭該地方文武各官於周煌原籍住居地方豫為留心防護毋令匪徒得逞其伎倆復致事中生事○又諭據戶部奏駁乾隆四十五年分粵海關徵收稅餉前後奏報互異請將該監督李質穎及調任兩淮鹽政圖明阿交部分別議處一摺已依議行矣各關徵收稅餉全憑奏報實數比較盈絀以為定準乃此項稅餉銀兩前次李質穎奏報時既列入該年徵收數內何以尚有未經開徵之項是則奏報不足為憑而考覈竟成故套是以前經部駁即降旨勅令明白回奏乃該監督並不將辦理錯誤緣由據實陳明復以洋行堆貯貨物尚未發賣交稅為辭並聲敘實因趕辦錢糧起見前後並無自相矛盾此事乃李質穎巧詞以虛數為實收何乃反以部臣誤認虛數為實收乎飾

詞巧辯尤屬不合所有李質穎此次含混掩飾具奏情節仍著據實明白回奏○又諭據復興奏德風控告烏什哈達收受阿奇木伯克邁達雅爾綢緞皮張交年班伯克運寄回京并縱容家奴暨筆帖式等姦宿回婦又烏什哈達控告德風借修萬壽宮之名多派回民修理衙署兼於回人私藏玉石之案詐贓至二三千兩之多并剋扣官兵鹽菜銀兩等款朕披閱之下不勝駭異烏什哈達謀利營私不能約束下人獲咎固重至德風乃朕棄瑕錄用之人且係尚書德保之弟闔家受恩深重如此肆無忌憚其罪不更浮於烏什哈達耶著傳諭綽克托復興秉公審辦毋得徇袒致干嚴譴○欽差大學士公阿桂署理陝甘總督李侍堯奏臣等飭拏洪濟橋唐家川數處從逆餘黨及緣坐家屬到省親加嚴鞫逆犯馬六六等或為賊扎筏濟渡或熬茶接待或抗拒官兵其緣坐之犯非父兄從逆即

子弟黨賊。質對確鑿。應即正法。其馬復才之兄馬進朝。在監病斃。當即戮屍。至唐家川。循化廳等處。續獲緣坐婦女共一百二十五口。幼男共六十五名。應仍發伊犁。雲南普洱廣西百色。烟瘴充軍。從之。○戊戌。

上行圍。○諭軍機大臣曰。德風在和闐。任意貪婪。肆行無忌。幾似高樸。觀其訐告烏什哈達。顯係自知敗露。為先發制人之計。伊兄德保。難保無札商授意情事。著傳諭德保。據實奏聞。並將德風原呈鈔寄閱看。○是日。駐蹕納木昂阿南大營。○己亥。

上行圍。○諭曰。德勒克無嗣。著以巴林郡王巴圖次子賽尚阿承繼。○又諭曰。綽克托奏。烏什哈達。續控德風以庫貯官錢八千餘串。交都司張子龍生息。德風肆行無忌。幾與高樸無異。實出情理之外。著復興一併歸案辦理。並速行馳奏。○甘肅涼州副都統黃檢奏。涼州莊浪二庫。所貯房租馬價銀內。因調駐防

兵九百零四名。赴勦逆回。每名給銀十兩。趕製鞋腳。共借銀九千四十兩。請限半年。於各兵名下扣還。其陣亡傷亡病故者。著落該親屬及應領養贍項內追繳。下軍機大臣議。尋議。兵丁借項。俱係製備軍裝。若於糧餉暨該親屬并養贍內追還。未免生計維艱。查黃檢到蘭州後。始終並未効力行間。咎無可逭。此次借項。應即令該副都統完繳。從之。又奏。涼州駐防。現空馬步甲三十九缺。并前任長額里。裁改養育兵之步甲四十缺。莊浪駐防。亦裁改步甲二十缺。均應挑補。但壯丁不敷。請由京或西安寧夏二處派撥。下軍機大臣議。尋議。二營額缺無幾。不便由京派往。西安又係省會。當留壯丁為本營頂補之用。應於寧夏酌撥。即令寧夏將軍查覈。此次徹兵後。該處壯丁。是否足敷。具奏。從之。○是日。駐蹕安巴完和羅昂阿大營。○是月。署兩江總督薩載奏。接到山東撫臣國泰鈔寄奏稿。所籌啟

閉機宜。皆係平日水小時關鍵。非現在緊要情形。除將原圖黏簽呈覽。并俟國泰到工。當面商辦得旨。覽奏俱悉。國泰所奏。朕原不以為是。斥其在東言東。未籌全局。屢飭諭之矣。

○江南河道總督李奉翰。河東河道總督韓鐸。河南巡撫富勒渾。覆奏。曲家樓漫溢之水。距微山湖數百里。去路迂緩。得以漸次澄清。浮沙不致淤墊。至黃水大溜南行。緣運河伏汎之水。早經消落。目下楊莊鹽閘等處。流行

清實錄

卷之六

甚暢。又時近霜降。河水日綿。無虞湧漲。再青龍岡口兩壩。已軟鑲五十餘丈。每日以各進一埽計。連邊埽可得三大。但須俟引河挑完。方可合龍。得旨。覽奏稍慰。勉力慎重。為之。以期一舉成功。○又奏青龍岡漫口。約於十月二十日前後。可以合龍。得旨。昨據所奏。微山湖運河不致甚淤。畧慰矣。所稱十月二十間。可合龍。若能再早數日。更佳。勉之。○新調浙江提督喬照奏。謝調任恩。得旨。覽。汝性頗

於南省相宜。但不可尚虛文。忘武備。

清實錄

卷之六

大清高宗法天隆運至誠先覺體元立極敷文奮武孝慈神聖純皇帝實錄卷之一千一百三十九

大清高宗法天隆運至誠先覺體元立極敷文奮武孝慈神聖純皇帝實錄卷之一千一百四十

監修總裁官總纂官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級奉常加二級軍功紀錄一次臣慶桂

總裁官總纂官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

奉常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十六年辛丑九月庚子朔

實錄卷一百四十

上行團。○諭甘肅捏災冒賑侵吞監糧一案自乾隆三十九年以後通省各官聯為一氣朋分公帑經大學士公阿桂等在甘查辦節次訊錄確供奏請將該員等革職拏問並請將任所原籍貲財一併查封以抵官項業經降旨允行此案自王亶望蔣全迪等首先倡率以致闔省效尤通同弊混各州縣亦視侵冒官項為故常竟無一人潔已奉公庸中佼佼者此而不治以廉弊吏之謂何今既查辦確

實不得以罰不及衆竟置不問朕前降旨云辦理此案實出於不得已者正謂此也朕既不能道之以德不得不齊之以刑而無恥之徒方且仍冀其苟免也世道人心澆薄至此朕甚愧之現在直省各督撫遵旨將各該員家產查封陸續開單具奏但念此事發覺已久其案內人犯前聞王亶望等拏問之信知事已敗露豫為隱匿寄頌誠不能保其必無而在各督撫查辦此等貪吏自不敢執法徇情自干愆咎顧若以查抄嚴密之故或株連拖累有意苛求別生枝節致令外間無識之徒妄滋竊議則各督撫之不能深體朕意也況此等婪得贓私理無久享此時即有隱藏其子孫亦斷無安坐而食之之理此天道之昭然不爽者朕之辦理此案權衡審慎祇欲使貪黷營私之吏知所炯戒庶可以勵官常而振法紀非真藉錙銖籍沒之貲財抵償官項也所謂不為己甚去己甚朕之辦理庶務

始終期以此意而已。將此通諭中外知之。○左副都御史汪承霈奏。甘省報捐監生。有情願上進者。請准其將監照呈銷。以原名赴部報捐應試。勒限二年。逾期者。作為頂戴榮身。不准應試。下戶部議。尋議。應如所奏。其現充各館謄錄。并廩增附加捐之監。及由甘肅監中式副貢。與續經在部捐職捐貢者。嗣後有願加捐。皆一體令其註銷補捐。從之。○是日。駐蹕烏蘭哈達南大營。○辛丑。

上行圍。○諭軍機大臣曰。已延三等奏。據暹羅國長鄭昭豫備正貢一分。具表懇請代奏。并備象牙犀角洋錫等物。以為副貢等語。該國長輸誠納貢。備具方物。所有正貢一分。自應照例送京收納。至所備副貢。若概令齎回。致勞往返。轉非所以體恤遠人。著傳諭已延三等。於副貢內。祇收象牙犀角二項。同正貢一併送京。交禮部。於照例賞給之外。查例加賞。以示厚往薄來之意。其餘所備貢物。准其即在

廣省自行覓商變價。并將伊等壓艙貨物。均一體免其納稅。將此并諭禮部堂官知之。○又諭。據已延三等奏。拏獲陸豐縣匪棍林廣參等。及續獲要犯林亞廣。徹底根究一摺。內稱。訊據該犯等供。林廣參平日交結縣書頭役李芳。余賢。陳輝等。暗中包庇。糾結族匪多人。肆出搶奪。該縣李光萬。恒懦無能。聽信書役朦蔽不辦。以致日漸鴟張。恣橫無忌等語。此案不法棍徒。膽敢糾約多人。肆行搶劫。並

交結吏役。暗中把持。殊為可惡。不可不實力查辦。嚴究夥黨。盡法懲治。其書役李芳等。敢於聽從賄囑。庇匪縱搶。嚇制本官。情罪尤為重大。著傳諭已延三等。即速提訊該犯等。錄取確供。從重定擬具奏。至此案夥犯。現在已獲九十餘名。其蹤跡忽合忽分。如入無人之境。即與川省之囑匪無異。李湖接據屬員稟報。即親往查拏。獲犯多人。辦事頗屬認真。各直省督撫。遇有此等匪徒。自當實力擒捕。徹

底根究。至於書吏衙役勾通包庇。尤為地方之害。必須時刻留心訪察。有犯即懲。否則若文綬之因循貽誤。國家亦安用此封疆大吏為耶。並著通行傳諭各督撫。令其實心整頓。毋得稍存姑息了事之見。所有已延三等原摺。一併鈔寄閱看。○是日駐蹕伊遜河大營。○壬寅。

上行圍。○諭曰。和託羅病故。所遺杜爾伯特貝子。著伊子鄂勒哲布圖庫承襲。聞其年甫十二。尚未出痘。不必前來入覲。再今春承襲杜爾伯特郡王之納旺索諾木。亦甚年幼。俱俟及歲時再來未遲。○又諭哲哩木。卓索圖。昭烏達。三盟圍場行走之蒙古。每年每名賞銀六兩。伊等勤勉有加。生計亦寬。著各賞銀七兩。著永為例。○諭軍機大臣等。據薩載奏。現在籌辦宣洩情形。及勘過運河。微山湖。東南兩面。水色澄清。一摺。所辦俱合機宜。東省猝被黃水漫注。民田廬舍間被淹浸。國泰目覩

情形。急籌疏洩。竊意江南為下游去路。其勢不能通暢。輒以東水日增。鯁鯁過慮。且或聽信寮屬之言。過於張皇。亦并有急於見長之意。遂形諸奏牘。朕前以國泰所奏。止在東言東。屢經飭諭。原不以為是也。今據薩載所奏。沂水。駱馬湖之水。不使涓滴入運。為運河騰空去路。又永濟橋孔。全行過水。並無橫壩攔截。使水得以暢消等語。所辦俱有條理。薩載於河務本為熟諳。其所奏尤屬確實。朕之信任國泰。自不若薩載也。現在薩載會同國泰。將下游應辦諸務。面商辦理。國泰應聽薩載指授。凡事務須籌畫全局。不可稍持己見。庶幾將來識見。得以漸次開濶。至江南河湖情形。國泰或不能深悉。其前奏之未能確切。尚屬急公之見。朕亦不加深責。國泰惟當無分畛域。悉心籌辦。不必自生惶惑也。再江南山東被災各州縣。該督撫等。務須督飭所屬。加意撫卹。毋使一夫失所。以副朕軫念。將此傳

諭薩載等。並將薩載奏摺。及朕硃批。一併寄國泰閱看。并遇便諭令阿桂知之。○又諭。據李國梁奏。遵旨赴川。會同搜捕囑匪。途次墊江地方。接據督臣文綬咨會。無須協捕。隨於八月十六日。自四川重慶起程回楚等語。川省囑匪一案。李國梁接據文綬咨會。業由重慶回楚。即令在本境督率兵弁。嚴密搜截。可不必再往川省。至此次文綬所辦。不過就合州太平。一二處而言。其實川省各州縣。何處無此等匪徒。總由文綬平日姑息養奸。置之不辦。是以囑匪等得以肆行無忌。即以秋審案件而論。此次川省情實人犯。至二百餘名。視他省為最多。可見該省刑政廢弛。由來已久。福康安抵任後。務須竭力整頓。使小民咸知畏法。不敢作奸犯科。至地方囑匪。其業經拏獲者。固當從重嚴辦。即各州縣地方。亦須督飭屬員。隨時留心。嚴行搜訪。有犯必懲。總使囑匪斷絕根株。不遺餘孽。方為盡善。將此

諭令福康安。並李國梁知之。○是日駐蹕六道河大營。○癸卯。遣官祭

歷代帝王廟。○遣官祭

都城隍之神。○賜扈從蒙古王公貝勒額駙台吉等食。○諭軍機大臣等。據阿桂等奏。甘省賑卹案內。向有運送適中地方。給散賑糧腳價一項。自王亶望私收折色後。仍復按例開銷。至王廷贊在任兩年。經手適中腳價銀二萬八千六百九十餘兩。署藩司文德任內。經手適中腳價銀一萬七千五百餘兩。俱係彙交蘭州府收存。詢據文德稱。此項銀兩。係問明王廷贊。發交首府收存。以為辦公之用。王廷贊現在刑部。可以查問等語。甘省監糧。既係全收折色。尚復有何運送腳價。且開銷後。又復彙交首府託辭辦公。是王亶望既經侵蝕於前。王廷贊遂欲效尤於後。著傳諭留京辦事王大臣。即提訊王廷贊。將此項銀兩。是否發交首府。抑係侵扣入己。其辦公究於

何項使用之處。令其逐一供明。錄供據實覆奏。所有阿桂等原摺。並著鈔寄閱看。並諭阿桂等知之。○又諭。據阿桂等查奏。甘省折收冒賑一案。酌議條款。將侵蝕銀數至一千兩以外者六十六員。均擬斬監候等語。此等侵冒各犯。其情罪本無可貸。但一千兩以上者。一律問擬斬候。則各犯內侵蝕一千數十兩。至數萬兩者。無所區別。且問擬斬候人數。未免太多。朕心有所不忍。此時阿桂已經起程。

高宗實錄卷二四〇

七

李侍堯即當遵照前降諭旨。其贓私入己。至二萬兩以上者。問擬斬決。二萬兩以下者。問擬斬候。入於情實。並將其入己銀兩數目。另開清單。於各該犯名下註明。其自一萬兩以下。亦應問擬斬候。請旨定奪。候朕酌覈情罪輕重。分別辦理。至折色冒賑各犯內。如有得贓本多。又復借添建倉廩。侵蝕公帑。則其罪更重。即使折收冒賑得贓較少。而又借建倉侵蝕者。亦應從重問擬。將此二項另歸一案。

高宗實錄卷二四〇

十

辦理不得統入冒賑案內。致滋牽混。又阿桂等另摺所奏。王亶望等囑託屬員填給實收之人。案卷內無從查覈。即為王亶望填送實收者。詰其係何姓名。亦不能記憶。俟查辦得實。續行具奏等語。該員等既為王亶望等填送實收。該捐生等係何姓名。其經手之人。豈有全無記憶。案卷內無從查覈之理。現已交部詳查。即使朦混一時。將來必致為人告訐。或別經發覺。亦斷不能始終弊混也。又阿桂等所奏。秦雄飛請交銀三萬兩一摺。秦雄飛業經查抄。即劉光昱、文德等。亦均已查辦。其所請那借賠繳之處。亦可無庸置議。將此由六百里傳諭李侍堯。並諭阿桂知之。○又諭。朕閱廣西省本年秋審招冊。內有林亞三一犯。係擬斬列入緩決。查該犯同陳李生、林亞晚夥竊張秉仁家被事主拏獲。各用刀砍傷事主而逸。茲冊內聲明陳李生首先拒捕。林亞晚起意糾竊。俱擬入情實。而林亞三一犯。

則稱在外接贓。圖脫拒傷情稍可原。遂列入緩決等語。該犯既係在外接贓。並未入室。則事主擒捕之時。何難棄贓逃竄。而竟敢用刀砍傷事主。即與拒格傷人何異。該撫覈擬具題時。何以故為開脫。刑部堂官亦竟照覆定擬。均屬非是。林亞三一犯。即著改入情實。並令刑部堂官及姚成烈。俱據實明白回奏。○又諭。朕閱四川省本年秋審招冊。內有絞犯李萬順。因聽從周探齊。糾約羣匪。持械搶奪。

擬入情實一案。查此案內尚有劉澄山。宋禮斌。夏盛峯。夏金倬。劉吉元。五犯俱係上年十二月內。題准擬絞監候。因遇停勾之年。未予勾決。茲冊內載劉澄山等五犯。俱已病故。惟李萬順一犯。列入情實。劉澄山等俱係聚眾搶劫。得贓俵分。法無可貸之犯。何至甫及半年而案內病亡。竟有五犯。安知此等不法兇徒。非賄囑禁卒。越獄脫逃。即在監畏罪自殺。捏報病斃。文綬任聽屬員朦蔽。為之姑息了。

事。如此則川省刑政廢弛。已可槩見。不可不力為整頓。著傳諭福康安。即將劉澄山等。如何病斃緣由。及有無確實根據。詳悉查明。據實覆奏。不得稍存迴護。文綬及該管屬員之見。○欽差大學士公阿桂。署理陝甘總督李侍堯。奏。監糧捐例章程內。烏魯木齊。巴里坤。哈密。三處。額收糧十萬石。濟木薩。奇台。穆壘。昌吉等處。收五萬石。現在甘肅捏冒等弊。俱經查辦。烏魯木齊等處。亦恐有那移虧缺之

處。請飭交新任都統明亮。徹底清查。報聞。○是日。駐蹕張三營行宮。○甲辰。諭。昨據阿桂等奏。甘肅收捐監生。歷任正署藩司。給發實收。俱有加收心紅紙張銀兩。達爾吉善。於前署甘肅藩司任內。曾給發實收三千九百餘張等語。此案私收監糧折色。并加收心紅紙張銀兩。該省歷任藩司。通同弊混。達爾吉善身係滿洲。乃署任內。亦復扶同相沿陋例。並未據實陳奏。實大不是。豈可仍留藩司之任。

達爾吉善著革任。仍加恩賞給三品頂戴。令其自備資斧。即赴和闐辦事。所有前經派出之成策。不必前往。其直隸布政使員缺。著明興補授。○諭軍機大臣曰。劉墉奏。拏獲囑匪夥犯。審明正法。及訪獲潛回原籍囑匪。遵旨辦理各摺。所辦甚好。至其所獲羅添富。劉老十等。訊係成都府金堂縣等處人。成都為省會之地。已有此等匪徒。糾約夥黨。肆行搶劫。其餘各州縣。自不問可知。文綬前此名為查辦。不過就墊江太平等處。已經破案者而言。其餘通省各州縣。何以未見辦及。况詳閱所訊各案犯。糾夥起意。商同搶劫。俱在乾隆四十三、四等年。何以遲至本年。始行搜捕。可見文綬從前竟未辦理。實為姑息養奸。因循玩誤。今予以革職。發往伊犁効力。實屬罪所應得。至各省擒拏囑匪。如湖廣貴州等省。辦理俱屬認真。其所獲正夥各犯亦多。惟川省尚未見實力嚴辦。福康安抵任後。務須督飭闔

屬各員弁。嚴密訪緝。其已經盤獲者。必逐名訊究夥黨。躡拏務獲。斷絕根株。即未經破案者。亦須時刻留心。嚴密查搜。毋使一名漏網。將來總無囑匪名色。方為辦理盡善。至劉墉摺內所訊各犯。除胡範年等。業經拏獲審辦外。其劉老十。朱玉等著。訊明現在竄匿地方。及各省分。即飛咨各該督撫。協同嚴緝。以期按名弋獲。將此諭令福康安。劉墉。知之。○又諭。刑部呈進廣東省秋審招冊。內有毛登朝起意謀殺族弟毛登甲。移屍嚇詐莫萬輝一案。查該犯因見莫萬輝有錢。起意致死族弟毛登甲。以為訛詐之地。商同陳萬俊。鄧亞觀。將毛登甲誘至僻處。毛登朝。鄧亞觀。先後擎按倒地。陳萬俊。用石打出其腎子。立斃。是毛登朝等三人同謀致死毛登甲。覈其情節。厥罪惟均。乃該撫定擬。及刑部覈覆時。俱將毛登朝。陳萬俊。二犯入於情實。而鄧亞觀另擬緩決。殊屬非是。凡尋常共毆案件。以下手傷

重擬抵。至此等謀殺之案。不得以一命一抵為詞。若僅將起意及下手致死之人。分別斬絞。擬入情實。而同謀加功之犯。又減入緩決。殊不足以昭情法之平。且閱招冊內。另案乞丐黃阿瑞。與陳德仁同謀。毒死黃阿烏。圖詐陳士河一案。黃阿瑞即非起意之犯。而與陳德仁俱擬入情實。即以該省別案兩相比較。何以此案同謀加功之鄧亞觀。又應擬入緩決。取刑部會辦各省案件。理應畫一。乃於此等謀殺之案。出入兩歧。若此。則將來各省辦理案件。一任刑書舞弊。高下其手。亦何以按律斷罪。用昭平允。本年刑部招冊。殊屬草率。該堂官著傳旨申飭。除此案之鄧亞觀。著交部另行覈擬外。仍令刑部堂官。及廣東巡撫。據實明白回奏。尋刑部奏。鄧亞觀。與陳萬俊。同係加功。請改入情實。報聞。○是日。駐蹕波羅河屯行宮。○乙巳。諭曰。舒常奏荆關一年期滿。比較稅課一摺。據稱前任監督哲成額。

阿彰阿。短收稅銀。除將接管道員陳初哲。經徵額外。溢收銀兩。儘數抵補外。所有短少銀六千六百二十兩。請即令現任接管之員。於養廉內分年扣繳等語。舒常此奏。所見者小。各關經徵稅課。如有短缺。自應在各監督名下。按數分賠。今荆關課項短徵。實係前任監督哲成額。阿彰阿。任內之事。乃請將接管之員。養廉分年坐扣。殊未公允。但哲成額。阿彰阿。均係部院司員。力難繳賠。著加恩免其賠交。至其經徵不力。自有應得處分。著交部照例察議。○諭軍機大臣等。本年廣東省秋審招冊內。有竊犯任起祥等行竊。拒傷事主。張觀保身死一案。查此案內任起祥為首。黃德新慕容亞保。二犯為從。先後拒傷事主。情罪相同。乃該撫定擬。及刑部覈覆時。黃德新問擬絞候。而慕容亞保則問擬流罪。一事兩歧。因令軍機大臣。就近詢之刑部侍郎姜晟。據稱黃德新係照竊盜刃傷事主之例擬絞。慕

容亞保隨後用棍戳傷事主。照罪人拒捕為從例擬流等語。此案所擬罪名殊為失當。竊盜拒捕與罪人拒捕本屬兩條。難容牽混。蓋罪人拒捕所包者廣。如因姦等類皆是。至竊賊拒傷事主情罪較重。是以另立專條。並非如鬪毆傷人之案。以金刃及他物分別輕重者可比。何以一案引用兩例。致罪名之出入懸殊。况夥賊拒捕。其去強盜祇屬一間。強盜傷人。豈復問其執持行兇之物為何物乎。此

書錄卷一百一十一

十七

案內慕容亞保一犯。除交刑部另行覈擬外。仍著刑部堂官及廣東巡撫明白回奏。尋刑部奏。廣東竊賊慕容亞保一犯。與黃德新先後拒殺事主。原非鬪毆分別兇器輕重者比。應改為絞監候。趕入本年秋審。此外尚有竊盜臨時拒捕殺人。及白晝搶奪殺人二條。較竊盜棄財逃走。被追拒殺者情罪更重。舊例所載。此二條中為從之犯。僅止發遣。亦未平允。均請改擬絞監候。纂入例冊。并行知各直

省遵照從之。○又諭據李本奏。查拏囑匪審辦緣由一摺。內稱前後報獲陳正山。鍾鳳鳴等共二十一名。業將陳正山等三犯。審明正法。其彭昌文。王元周。趕入本年秋審等語。此等囑匪肆行不法。屢經降旨。令各督撫從重辦理。以懲兇頑。今李本既經拏獲囑匪二十一名。自應嚴切審訊實情。遵照前降諭旨。分別辦理。詳悉奏明。何以摺內所稱。業經正法。及趕入本年秋審者。僅止五名。其餘各犯。該撫均未將如何審辦。問擬緣由。明晰聲敘。殊屬含混。著傳諭李本。即將其餘現獲各犯。審訊得實。作何定擬緣由。詳悉具奏。毋再牽混疎漏。尋奏。陳正山等五名。實係同夥為惡。并被逼隨行之犯。故即分別趕辦。其餘吳大漢等。審明實非囑匪。罪止枷杖。是以未經詳細聲敘。報聞。○是日。駐蹕中關行宮。○丙午。以湖南洞庭協副將柴大紀。為福建海壇鎮總兵。○是日。駐蹕避暑山莊。至甲寅。皆如之。○

丁未諭。劉鑑著加恩以革職提督。自備資斧。往伊犁辦理屯田總兵事務。李杰龍著來京。交部帶領引見。再降諭旨。○又諭。回部郡王品級貝勒哈第爾著加恩賞戴雙眼花翎。在乾清門學習行走。○諭軍機大臣等。甘省捏災冒賑侵蝕監糧一案。現經阿桂等審明。將各州縣侵盜錢糧數至二萬兩以上者。問擬斬決。其餘按數遞減。分別斬候等因。現交軍機大臣會同行在。大學士九卿並留京辦事王大臣會同大學士九卿科道等。覈擬覆奏矣。此等冒賑殃民。侵吞國帑。數至二萬兩以上各犯。自應即正典刑。以彰國憲。著傳諭阿揚阿即先行馳驛前往甘肅。俟接到明旨後。會同李侍堯監視行刑。此時當以差往甘肅查辦事件為辭。不可先為洩漏。並諭李侍堯知之。○又諭。前據已延三奏。查明廣東廣西兩省破裂損壞各大小礮位。請變價歸入公費。以為改造子母礮之用等語。此等廢損礮

位。不堪施放。留營無用。自應查明辦理。但該二省現須鑄造子母礮。何不即將此項廢鐵鎔銷。其不敷者。另添生鐵改鑄。乃請變價歸入公費。轉致辦理紛煩。況此等廢礮變價時。若為不肖匪徒所售。或致滋生事端。尤有關係。著將此傳諭已延三知之。○戊申諭曰。王廷贊接任甘肅藩司。於王亶望通同屬員。捏災冒賑一案。並不據實參奏。及早清釐。乃轉踵行其弊。仍將監糧私收折色。且改歸首府辦理。又每名加收心紅紙張銀一兩。并派屬員買辦物件。及事已發覺。經朕硃筆訓諭。令其據實供吐。尚敢支吾狡飾。前據行在。大學士九卿會審。按律問擬斬決。本屬罪所應得。因念其本年三月。蘭州守城微勞。姑從寬典。改為應絞監候。茲續據阿桂等查奏。甘省浮銷賑糧腳價一項。王廷贊將腳價銀二萬八千餘兩。發交楊士璣收存。為辦公之用。當經傳諭留京辦事王大臣。提訊王廷贊。據供。原

知此項冒開。因勒爾謹說有應辦公事。遂准其領去。楊士璣並未分晰具報。是實等語。此案王廷贊始終混捏。踵弊效尤。即其派令屬員買辦物件一事。向來藩臬不准進貢。屢經降旨嚴飭。更非如勒爾謹身任總督。尚可藉口年節辦買土貢者可比。是其婪索勒派。種種情罪。百喙難辭。目下已屆官犯勾到之期。王廷贊係情實官犯。著即行處絞。仍將此通諭中外知之。○刑部等衙門奏。江西信豐縣故民蕭維富等。創為邪教。轉相傳惑。請依大逆例問擬。得旨。蕭維富。廖秀林。廖景淳。著即戮屍。至廖景泮之父廖秀科一犯。該部擬以緣坐。固屬照例辦理。但向來緣坐之犯。無不加恩改為監候。以示罪人不孥之義。況其父祖。尤非兄弟子孫可比。此案廖秀科。訊非知情縱容。著加恩免其治罪。嗣後如有逆犯祖父。應行緣坐者。除訊明知情故縱。仍照例問擬外。其訊非知情者。即概予省釋。不必緣坐。

著為令。其餘應行緣坐之廖昌禮。廖明富。邱德化。邱仁禮。邱七元仔。邱仁祿。邱仁組。廖明光。廖明貴。俱著從寬改為應斬監候。秋後處決。餘依議。○吏部奏。甘省捏結道府。及折捐冒賑各員。在任時多有為其子捐官者。請勅下各旗。各衙門。及各省督撫。將此等捐員。無論已未銓選。徹底查辦。報聞。○庚戌。上御依清曠。勾到秋審官犯。服制及雲南貴州。情實罪犯。停決官犯八人。服制斬犯二十四人。雲南省絞犯三人。貴州省斬犯一人。絞犯二人。餘一百三十九人。予勾。○諭據薩載奏。查勘昭陽微山二湖水勢。因今年底水本大。豫省漫水。來路甚遠。並未直灌入湖。現在水色澄清。竟無淤墊等語。昭陽微山二湖俱在運河之西。該處既未停淤。則運河宣洩。自為有益。至所稱漫水淹浸之豐沛。銅山等三縣。現在遵照前旨。賞給一月口糧。自屬急須辦理之事。至災黎撫卹之後。按例大賑。亦不可

緩著薩載。即董率所屬。詳悉履勘被災地畝。分數實力賑卹。嚴查胥役人等。毋任絲毫侵冒。并不時派委妥幹大員。嚴密查察。俾濱湖居民。均霑實惠。不致稍有失所。以副朕體恤災黎之至意。○又諭。秋審勾到事件。軍機大臣辦理。較為熟諳。著同大學士一體承旨。此次熱河勾到著梁國治秉筆。其在京辦理勾到著嵇璜秉筆。梁國治即列嵇璜之次。幫同辦理。○諭軍機大臣等。據復興奏。八月初四日馳抵和闐。先訪得德風與烏什哈達。不過語言爭忿小嫌。尚不致驚恐回人。羣懷疑懼。已剴切曉諭。俾各安帖。所辦甚為得體。至所稱庫貯倉儲。均與冊數相符。惟空殿存玉石一千九百三十九塊。據德風供。係每年備貢之餘。現有印冊可憑。又綽克托前奏。查檢烏什哈達家奴。及伯克等行囊。亦並無綢緞皮張。是二人所控。俱難指實。著傳諭綽克托。復興等。務須徹底根究。勿任弊混。○江南河道

總督李奉翰。河東河道總督韓鐸。河南巡撫富勒渾。奏青龍岡漫口。大二兩壩。各續軟鑲二十餘丈。共已做成一百一十餘丈。其引河計長七千九百餘丈。分四段淤少者。挑五六七尺。淤多者。挑一丈五六尺。合計工程。未及五分。臣等上緊嚴催。雖風雨總未停待。得旨覽奏。俱悉。勉力妥為之。○辛亥。諭甘肅捏災冒賑一案。飢法營私。大小官員。通同一氣。為從來未有之奇貪異事。故當以重法治之。非不知罪人不弔。而此實非常之罪也。除王宣望。勒爾謹等。分別明正典刑。並將伊子革職。發往伊犁。以示懲儆。至王廷贊。蔣全迪。楊士璣。程棟等。覈其情罪。本屬相同。伊等之子。俱應一律辦理。除蔣全迪。業經正法。並無子嗣。無庸置議外。楊士璣。贓私纍纍。使其身尚在。亦應正法。已於蘭州被害。倖免刑誅。王廷贊。現已處絞。程棟。陸瑋。那禮善。楊德言。鄭陳善。現在審明贓款。定擬斬決。該七犯俱有子嗣。

其所捐官職。無論是否係伊父在甘省任內出貲報捐。俱著查明一體革去。並著發往伊犁充當苦差。以為貪婪不法者戒。○諭軍機大臣等。前據阿桂等審訊甘省侵冒各犯。其問擬杖流之夏恒一犯。供詞內有係徹骨寒儒之語。此等貪墨之徒。賊私纍纍。實小人也。猶覲顏自稱為儒。豈不孤負儒字。甚屬無恥。著傳諭李侍堯。將夏恒一犯。委員解京。交刑部訊問。○江南河道總督李奉翰。河東河道總督韓鐸。河南巡撫富勒渾奏青龍岡漫口。前於灘嘴逆溜處築挑水壩。原期溜勢未到口門。挑向南趨。易於堵築。今大溜全趨漫口。應俟引河挑至七八分。漸次啟放時。將挑水壩接築加長。使口門溜勢不致著重。方易合龍得旨。一切勉為之。阿桂亦奏起身赴工所矣。爾等和衷共濟。速成合龍。以慰懸切。○壬子。

上御依清曠勾到四川情實罪犯。停決斬犯十

人。絞犯十人。餘一百九十一人。予勾。諭本年秋審。據刑部將各省情實人犯招冊進呈。朕詳加披閱。內四川省經部改入情實者七案。湖廣省經部改入情實者七案。讞獄大典。內外承辦官。均宜悉心推鞠。以期無枉無縱。若部駁未能妥協。朕亦未肯准行。今此次部中改擬各案。覈其情罪。均屬平允。自係外省問擬失當。不可不明定處分。俾知警省。治獄之道。惟在準情酌理。務得其平。固不可稍存

實錄卷一百四十一

三六

姑息。有意從寬。若欲避寬縱之名。而過為刻深。則民命所關甚鉅。是失入之咎。比失出為重。又不可不示區別。嗣後各省秋審案件。如經部駁至五案以上。俱係問擬失入一案。即著交部議處。如五案之內。有問擬失入一案。即著交部嚴加議處。以示慎獄明刑之意。所有此次四川湖廣兩省秋審案件。即照此例辦理。○又諭甘肅收捐監生。業經降旨停止。所有陝西省收捐監糧。並著一併停止。○諭軍機

大臣等陝西省自乾隆三十九年奏請開捐以來亦與甘省一例收捐監生茲據部臣查覈該省收捐監生名數自四十年至四十五年止共捐過九千六百餘名其原定每名所收監糧額數亦較甘省為多該省報捐人數每年約數百名統計不及甘省二十分之一又積年歸入常平倉糧項下報部亦未據該省各屬藉稱災賑開銷看來該省辦理此事尚屬奉公守法不致如甘肅之折收冒賑任

實錄卷一千四百

三十七

意侵欺也至歷年所收監糧除前兩次撥運京豫麥石外其餘現存穀麥各糧尚有四十餘萬石果否實貯在倉著傳諭畢沅即通行查明據實覆奏俟奏到後朕再簡派大臣親往盤驗自當據實盤量不致如袁守侗阿楊阿等受甘省各員之朦混也朕辦理庶務從無成見所謂不為己甚去己甚若果陝省查無情弊朕所深願不肯因查辦甘省復令波及也○欽差大學士公阿桂署理陝甘總督

李侍堯奏西安添設駐防官兵各事宜○西安原設滿洲蒙古漢軍馬甲七千名步甲一千名礮手弓箭鐵匠共三百四十六名養育兵一千名旋因移駐涼州等處及漢軍兵出旗所騰不及一半應添馬甲二千三百名步甲二百名作為馬甲五千步甲五百其馬甲請由京城馬甲養育兵步甲閒散內以滿洲七分蒙古三分派往其步甲在西安成丁閒散內挑補○西安佐領現在三十二員內有

實錄卷一千四百

三十八

兼協領者四員一員管理二旗應添佐領兼協領者四員分管八旗再添佐領四員每佐領名下應設防禦驍騎校各一員現在西安有出征能辦事之人請將應添各員各留二缺在此項人內選補餘由京城派往○西安現有委前鋒校八員前鋒一百二十名應添委前鋒校八員前鋒二百六十四名并每佐領下現有領催五名不敷差委應復領催六名例共添領催八十名均於京城派出馬甲

內挑補。每佐領下例設弓箭鐵匠各一名。應於新設佐領下照例增設。又兵百名例設礮一位。礮手二名。現有礮十六位。礮手三十二名。應添礮三十四位。礮手六十八名。再子母礮不如劈山礮便於攜帶。應將現存之子母礮并城守營存貯之子母礮揀給二十五位。再鑄劈山礮二十五位給與一協領俱有圖記。所有新添協領應擬定字樣咨部鑄給。一。西安原設滿洲佐領四十員。蒙古佐領十六員。嗣因蒙古兵為數無多。奏明將蒙古歸併滿洲。今新添之蒙古兵請仍歸滿洲管理。下軍機大臣會同兵部議行。又奏。西安添設弁兵其應給俸餉請在藩庫支領其粳米粟米料豆在糧道倉內支領如額征不敷應照例支司庫折色其紅白賞卹銀在開墾馬廠空地租內支給其應建官署二十所兵房四千六百間共估銀三萬九千六百二十兩在官置鋪房取租支用餘銀內并移駐兵

實錄卷一百四十

三

丁衙署變價項內支給有不敷處在藩庫墊給即按年將房租餘銀解司歸款。下軍機大臣會同兵部議行。○癸丑諭據車布登扎布奏已將烏里雅蘇台將軍印務與奎林交代車布登扎布宣力多年明白曉事且係該處叅贊大臣著奎林不時咨訪諸事與商期於公務有裨。○旌表守正捐軀江西清江縣民敖容六妻敖氏。○甲寅諭前因王廷贊楊士璣等七犯侵貪不法業經降旨查明該犯等之子革去官職俱發往伊犁充當苦差。今閱阿桂等查奏各犯贓數單內蔣重燾侵冒銀四萬七千四百兩宋學淳侵冒銀四萬七千二百兩又詹耀璘侵冒銀三萬四千五百六十兩外復開銷添建倉廩銀六千二百五十兩陳澍侵冒銀二萬五千三百兩外復開銷添建倉廩銀一萬八千四百六十兩覈其侵冒銀數均在四萬兩以上伊等之子亦應照王廷贊等之子一律辦理著交刑部查明該

實錄卷一百四十

三

四犯之子。如有官職者。即行革去。並著發往伊犁充當苦差。以示懲儆。○又諭。昨披閱安徽上年秋審招冊。經部由緩決改入情實者共十一案。俱係閔鶚元任內之事。秋讞大典。自宜悉心推覈。期於情真罪當。庶無枉縱。乃閔鶚元辦理案件。致改擬如此之多。若該部有意吹求。亦豈能逃朕洞鑒。今覈其情罪。均屬允當。各案內如糾搶官鹽。致夫婦一死一傷之吳志廣。及助兄加功謀殺本夫之曹四

平復卷二二四十一

三

二案。尤屬情罪顯然。法無可貸。閔鶚元擬以緩決。伊係刑部司員出身。非不諳律例者。可比。乃久任外省。竟爾一切不準情酌理。詳加妥辦。有意沽名。莫此為甚。不得僅照昨所降旨。失出五案以上之例辦理。閔鶚元著交部嚴加議處。○又諭。甘肅捏災冒賑。侵蝕監糧一案。昨據大學士公阿桂等審明。各州縣供認入已贓數。自九萬至數千餘兩不等。照侵盜錢糧一千兩以上例。分別定擬。斬決監候。

平復卷二二四十二

三

杖流一摺。當經降旨。令軍機大臣會同行在。大學士九卿議。並交留京辦事王大臣會同在京大學士九卿科道。再行詳加覈覆。會稱案內各犯實屬情真罪當。法無可貸。按例定擬。具奏。朕惟州縣為親民之官。平時固宜潔己奉公。廉隅自礪。若遇有災祲。尤當極力撫綏。使窮黎共霑實惠。至於借賑卹之名。為侵漁之地。實為從來所未有。朕亦不忍以此疑人。乃甘省各州縣。朋比侵吞。毫無忌憚。且有於捏賑開銷之外。復冒請建倉。設法以肥私橐。其奇貪肆黷。真有出於意想之外者。此案始由王亶望蔣全迪等。首先舞弊。勾通上下。狼狽為奸。但各州縣遇有上司押令報荒。勒索銀兩之事。原許其直揭部科。朕可簡派大臣按問。何數年以來。各該州縣視侵帑為故常。竟無一庸中佼佼者。再閱各犯供內。有將侵吞銀兩。為冬季施粥施衣及修葺廟宇工程之用等語。毋論該犯等豁壑難盈。必不

肯以婪得贓私飾為義舉。即地方此等事件。各州縣捐廉為惠。施及貧民。亦職分所應爾。何處無之。又安得復於事後藉口開銷。希圖末減乎。又有稱為驛站貼補者。從來驛站為州縣之利藪。且各省皆有驛站。誰肯破產貼補。現在此案爰書已定。王大臣科道等復加叢擬。人無異詞。則此等侵帑殃民。亂法營私之吏。固不能復為曲貸。所有案內侵冒賑銀二萬兩以上之程棟。陸瑋。那禮善。楊德言。鄭

實錄卷二百四十

三十三

陳善。蔣重熹。宋學淳。李元椿。王臣。許山斗。詹耀璘。陳鴻文。黎珠。伍葆光。舒攀桂。邱大英。陳澍。伯衡。孟衍。泗。萬人鳳等二十犯。又冒賑不及二萬兩。而任內有侵欺建倉銀兩之徐樹枬。陳韶。二犯。若照擬一例。予以斬決。轉與王亶望。蔣全迪等。首惡罪名。無以稍示區別。程棟等著改為應斬監候。入於本年勾到情實官犯內辦理。今各省官犯。已經勾決。著派刑部侍郎阿揚阿。馳驛前往甘省。會同該督李

侍堯。傳旨曉諭。監視行刑。其侵冒銀一萬兩以上之閔鵠。元。林昂霄。舒玉龍。王萬年。杜耕書。楊有澳。李本楠。彭永和。謝桓。周兆熊。福明等十一犯。又冒賑不及一萬兩。而任內有侵欺建倉銀兩之錢成均。王旭。陳金富。宗開煌等四犯。據王大臣科道等叢擬。斬監候。即入本年秋審情實者。雖應如所擬。但程棟等。既未減為今年秋審情實。閔鵠元等。亦從寬免。其即入本年秋審。仍牢固監候。其侵冒銀自

實錄卷二百四十

三十四

九千至一千兩以上之韋之瑗。尤永清。萬邦英。丁愈。趙元德。顧汝衡。宋樹穀。黃道。裴蒲蘭。馨。章。汝楠。侯作吳。董熙。沈泰。墨爾。更額。善達。華廷。賈若琳。龐樞。史堂。覺羅承志。李弼。申寧吉。謝廷庸。葉觀海。麻宸。張毓林等二十六犯。俱依擬應斬監候。統俟明年情實官犯勾到時。刑部聲明請旨。分別辦理。餘俱著照所議完結。前經降旨。朕於辦理此案。不得不為已甚。今叢諸人情罪。仍不忍令其駢首受誅。

就其中情節最重之程棟等二十二犯先予勾決。所謂不為己甚去已甚。實因吏治民生關係重大。不得不辦之苦心。所有辦理此案前後所降諭旨。著李侍堯明白宣諭各屬。俾觸目警心。共知侵貪之吏。天理所不容。即國法所難宥。庶幾辟以止辟。所全者多也。大學士公阿桂等定擬原摺。及行在大學士九卿。並王大臣科道等覈覆著一併發鈔。將此通諭中外知之。○諭軍機大臣等。前據步軍統

實錄卷一百四十一

三十五

領衙門奏。川省之沙金鳳。遣家人赴京呈控。伊兄沙金龍霸產。并承審官杜玉林審辦不實一案。當經降旨交文綬將犯證解交留京辦事王大臣會同該部查審。茲詢據德福奏。此案人犯衆多。應由滇省解京之那顯宗等十三名。業據滇省委員解到。其川省應行解京之犯。尚未據解到等語。此案正犯俱在川省。文綬接奉前旨。自應拘提各犯。迅速解京。以憑質審。乃為時已經數月。尚未據解到雲

南距京較遠。於四川該督等接准川省咨會。提犯到省。復行解京。現在已經到部。何以川省解犯轉遲滯若此。可見文綬平日辦事漫不經心。以致各屬因循玩誤。效尤成風。不可不力為整頓。著傳諭福康安。將該省一切地方事務。嚴飭所屬文武。留心振刷。毋俾仍前玩愒。以副朕簡任之意。○以兵部左侍郎曹文填。知武舉。內閣學士汪永錫。為武會試正考官。侍講學士葉觀國。為副考官。○湖北巡撫鄭大進奏。八月十六日。襄水大漲。夏間被水。勘不成災。之鍾祥縣草廟隄。內外田地。復被淹浸。臣親赴確查。人口廬舍。尚無傷損。其補種粟穀。俱已失收。即先撫卹一月口糧。并容查請蠲緩加賑。得旨。覽其成災處所。一切賑卹。妥為之。

實錄卷一百四十一

三十六

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百四十

實錄卷一千一百四十

三七

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百四十一

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅大學士大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十六年辛丑九月乙卯

上自避暑山莊迴鑾○諭曰李侍堯奏查明甘

省藩庫錢糧積欠不清一摺據稱司庫內除
支動有著款項外如積欠籽種口糧及各營
豫借公費補製軍裝並修理衙署隄工等項
借支銀兩積欠累累現令詳查分晰揭報又
另摺查奏各州縣倉庫據各道府開報共虧
空銀八十萬九千餘兩糧十九萬六千石應
如何設法攤賠另行辦理奏聞等語甘省大
小官員通同作弊至此實堪憤恨其侵冒各

員現俱叅革治罪並將其婪得贓私查明抵補官項自無可再議追賠至此項虧短銀兩俱係前任各員分肥侵蝕與接任之員無涉若如李侍堯所奏不過令後任攤賠則接任各員無端波及又何以責其各勵清操廉隅自飭取所有甘省司庫積欠及各屬虧空銀兩著李侍堯逐款詳查一切積欠銀兩有無抵項及各屬所報銀兩數目是否確實徹底查明據實具奏候朕酌覈情形另降諭旨○又諭前已降旨停止甘肅陝西兩省收捐監生所有烏嚕木齊新疆捐監著一併停止○諭軍機大臣等據李侍堯奏勦滅撒拉爾逆回案內酌覈軍需報銷一摺此案起於本年三月至七月內即行告藏一切動支款項其應動項者自宜循例報銷但此案徵調各兵俱係就近派撥且自始事以迄藏功不過四月有餘所有用過銀糧等項必須確實覈算實用實銷無任絲毫浮冒著傳諭李侍堯即

董率承辦各員悉心確覈迅速奏銷毋致稽遲時日也○又諭前據阿桂李侍堯奏查甘省兵丁坐扣金川出師置備軍裝等項一摺內惟西寧鎮未完之項較多又有自製軍裝一款為別鎮所無因令查明彼時西寧鎮係副將紹涵署理經軍機大臣將阿桂等所奏情節行令該旗詢問紹涵據稱軍裝款項繁多從何時扣起現扣過若干一時記不明白其私製軍裝西寧鎮原有此項至公製及私製軍裝皆係軍營累次調往故用如此之多並無侵欺剋扣之事等語本日復據李侍堯奏自製軍裝衣物檢查案卷別鎮均無此款著傳諭留京辦事王大臣即傳訊紹涵將李侍堯所奏西寧鎮未完借欠其因何獨多及自製係何軍裝為何應於出征兵丁名下坐扣之處逐一詳晰詢問紹涵據實錄詞具奏毋任稍有隱飾所有李侍堯奏到原摺及紹涵所稱各情節原片俱著鈔寄留京辦事王

大臣閱看。著李侍堯再行詳細查明覆奏。將此諭令知之。○又諭本日據舒常奏。拏獲咽喉匪楊潮臣一犯。訊有張起隴夥內頭目四人。有辦其餘六十二人。皆無髮辮。該犯亦被勒割辮等語。昨據舒常奏。拏獲夥犯鄒開太。供係被張添飛等逼脅不從。持刀恐嚇。是以將伊髮辮割去。並非咽喉匪以割辮為標記。確鑿可據。何此次拏獲之楊潮臣。供惟頭目四人。有辦其餘六十二人。皆無髮辮。如此則凡入咽喉之黨者。盡以割辮為識認。顯與國家制度相違。若不及早嚴辦。將來竟如王倫。蘇四十三之率眾抗拒。亦何不可。著傳諭福康安。即查明川省所獲咽喉匪。是否俱無髮辮。並確訊割辮之由。究竟是何主意。即據實覆奏。所有舒常奏到原摺。及本日文綬覆奏之摺。一併鈔寄閱看。其湖廣所獲之楊潮臣。供出頭目夥黨及現經緝獲喻維海一犯。著舒常督飭所屬上緊緝拏。一併嚴訊確情具奏。○以

湖北鄖陽協副將范建豐。為貴州安龍鎮總兵。○豁四川派往新疆駐塘官兵借支行裝銀兩。○是日。駐蹕喀喇河屯行宮。○丙辰。諭曰。郝碩奏查明晚田實在情形一摺。據稱該省早稻豐登。其專藉晚田之戶。已借本補種。無需賑濟。惟南昌新建等縣。雖夏間雨水稍欠。需足。迨後續得透雨。滋培補種雜糧。指日成熟。實屬勘不成災等語。南昌新建等縣。雖據該撫確實查勘。並未成災。但高阜遠水之處。未經透雨。田畝究未免受傷。殊堪軫念。所有勘不成災之南昌。新建。安義。建昌。星子。德化。德安。彭澤。湖口。瑞昌等十縣各田畝。應徵錢糧及軍屯餘租。均著加恩。緩至明年早稻後徵收。俾農民生計。倍得從容。副朕軫卹貧黎至意。○又諭曰。景福在喀什噶爾。已經三年。著派阿揚阿前往喀什噶爾。駐劄辦事。阿揚阿現往甘肅。俟眾犯正法後。即由彼前往。換景福回京。○諭軍機大臣等。前據阿桂等

奏請酌復惠濟銀兩一摺。據稱前在雲貴。知該省自停止生息銀兩後。所有兵丁紅白事件。俱係裁減兵額。節省銀數充賞。查滇黔等處。俱係邊陲。兵力亦不宜單弱。若將生息銀兩復舊。即所裁兵額仍可補足。其他四川閩廣。亦關緊要。容俟回京後。請旨辦理等語。朕以各省兵丁賞需。應動正項。若藉商營運支給。究屬非體。已明降諭旨。均著於正項支給。報部覈銷。其各省提鎮以下公費名糧。亦改照文員之例。議給養廉。所扣兵餉。即可挑補實額。並將辦理緣由。傳諭阿桂。令覈計所費。自京營及陝甘添補滿漢兵。約二萬名。又各省添補綠營兵糧實額。亦不下數萬名。加以改給養廉紅白賞卹等項。每歲所需。不過三百萬兩。至從前阿桂所奏。原為節省經費起見。但現在府庫豐裕。儘足供支。朕今如此辦理。武職既實得養廉。營伍無虛存名目。更無須藉商生息。為贍卹兵丁之用。與阿桂意見。

若何。著將此傳諭阿桂。並令就所見即行覆奏。○又諭曰。德風。烏什哈達。互訐一案。不過挾嫌誣捏。無甚關係。不可刻意尋求。亦勿有心消弭。著傳諭綽克托。復興。速行審擬具奏。○兵部以武會試中額。請得旨。這考試。漢軍取中二名。直隸取中八名。陝西取中六名。廣東取中六名。河南取中二名。山東取中五名。江南取中二名。山西取中三名。湖北取中二名。湖南取中一名。四川取中一名。廣西取中一名。福建取中二名。浙江取中二名。江西取中一名。雲南取中一名。貴州取中一名。○河東河道總督韓鑠奏。曲家樓漫水下注。經臣國泰奏開戴村壩。旁民堰。臣即將分水口左近各湖開放。抵黃刷淤。今查各湖減消甚暢。一俟定誌相符。即照舊關蓄。并飭該道廳將戴村壩旁水口堵塞。至微山湖。現深二丈一尺。連日已無消長。沙趙二河水亦消落回空。船銜尾南下。行走穩速。得旨。覽奏稍慰。○是

日駐蹕常山峪行宮。○丁巳

上御行殿。勾到廣西廣東情實罪犯。停決廣西斬犯八人。絞犯二人。廣東斬犯十二人。絞犯四人。餘二百一十三人予勾。○諭甘省冒賑侵帑一案。皆係王亶望為藩司時倡率舞弊。以致通省各屬視侵貪為常事。轉相效尤。毫無顧忌。現在程棟等二十二人之死。悉由王亶望一人導之。使陷於伏法。即與王亶望殺之何異。覈其情罪。雖寸磔不足蔽辜。然而按律斬決。無可加增。實覺罪浮於法。是以前經降旨。將伊子王裘等三人一併革職。發往伊犁充當苦差。其幼子八人。俟年十二歲時。再行陸續發往。現據山西巡撫雅德奏。將伊子監禁省城。恐外省官官相護。仍屬有名無實。著雅德即將未發王亶望諸子。派委妥員。小心解交刑部。嚴行監禁。俟及歲時。由刑部陸續轉發。並著刑部存記。雖遇赦。不得奏請援宥。回籍。如王亶望之子。有在伊犁及中途脫

逃等事。即於拏獲地方正法。如此辦理。於首惡情罪。庶足相抵。而大員之以侵貪作俑者。亦共知炯戒。○諭軍機大臣等。刑部進呈廣東省秋審情實招冊內。經部由緩決改入情實者。蔡阿堅。葉阿添。區亞明。三案均係執持金刃。傷斃徒手之人。情節較重。與尋常鬪毆者不同。已照例勾決矣。秋獻大典。所以明刑弼教。務持情理之平。俾無枉縱。固不可有意從嚴。若過事寬容。尤非辟以止辟之意。朕素知李湖之為人。嚴於待屬員。而寬於待百姓。為封疆大吏者。正當如是存心。朕亦未嘗不如此。至於百姓良善者。固宜加意拊循。而兇橫者。尤不可不嚴行懲創。朕於秋審勾到。則用此意。蓋除莠正以安良。所當盡法處治。按律定擬。俾奸匪聞風斂跡。不致以身試法。豈可徒博寬大之名。轉使兇徒漏網。倖邀末減耶。李湖此次部改。僅止三案例。不交部議處。但援擬失當。殊屬有意從寬。著傳旨申飭。○

又諭本日吏兵等部具題將失察囑匪案內之總兵遊擊等及辦理錯誤之兵部堂司各官分別議處一本已從寬將成德改為革職留任餘依議行矣此案前因已陞遊擊之都司舒時可一員其失察處分係在都司任內之事而兵部乃於遊擊現任內議以降調恐書吏有上下其手之弊是以降旨交該部另行查議乃德福等並未將該書吏有無情弊之處確切查明具奏豈前所降諭旨該堂官等竟未留心閱看耶著將因何不行覆奏緣由就近傳詢德福並諭在京兵部堂官令其據實覆奏○兵部議准兩廣總督覺羅巴延三奏稱廣州城守左右二營守備連陽營遊擊三缺向例部推查廣州二營分管南番汛屬地方繁雜盜案最多連陽營界近粵西楚南民徭雜處請均改調缺仍將遺缺歸部選從之○以江南河標左營副將李銓為廣東雷瓊鎮總兵○是日駐蹕兩間房行宮○戊

午諭曰袁守侗奏天津靜海二縣窪下地畝勘明一隅偏災所需賑米請將奉天海運溢額餘米賞撥等語著照所請即將本年奉天海運溢額餘米二萬二千餘石賞撥天津靜海二縣以為賑卹之用該部即遵諭行○又諭曰薩載奏江蘇沛縣地方於九月初四日風暴大作衝激護城隄漫水進城知縣陳麟入城查取印信及錢糧卷籍等項被水淹斃等語沛縣陡遇風暴城隄蟄塌該縣陳麟因查取印信案卷入城以致淹斃殊屬可憫陳麟著加恩照陣亡官員之例給予卹典所有沛縣猝遇風暴過水漫入被水居民並著該督飭屬查勘加意撫卹按例優賑毋致一夫失所該部知道○諭軍機大臣等據陳輝祖覆奏叅劾諸羅縣知縣楊慰緝捕懈弛會銜具奏緣由一摺此事曲在富綱不在陳輝祖已於摺內批示諸羅係隸臺灣海疆要地豈容賊匪糾集無賴出沒搶竊甚至拒捕逞兇

毫無忌憚。陳輝祖遠在浙省。接據藩臬稟報。即將該令具摺叅奏。富綱久任福建巡撫。於楊慰任內緝捕廢弛。豈無聞見。乃直至卸事時。與總督會銜一奏塞責。其平日未經留意。可知富綱前雖奏請議處。批交該部。但其辦理此案。實屬疎縱。伊到滇省後。務須諸事留心整飭。勿再延玩如前。所有此案未經專奏之處。著傳旨申飭。至陳輝祖摺內所稱。現在拏獲賊犯沈祐、黃紅等二十七名。又獲賊首

洪龍之母林氏、弟洪瓜等。嚴行根究等語。陳輝祖在浙省工次辦理此案。恐鞭長莫及。著傳諭楊慰。即將案內各犯親提嚴訊。並飭所屬緝拏案內逸犯。從嚴究辦。務絕根株。不得稍存姑息。至臺灣重地。一切事務尤宜加意整頓。據實辦理。將此並諭富綱。陳輝祖知之。○旌表守正捐軀山東鉅野縣民安百順妻張氏。○是日駐蹕要亭行宮。○己未。

上御行殿。勾到福建情實罪犯。停決斬犯一人。

絞犯二人。餘一百一十五人。予勾。○諭曰。巴延三等奏傳訊原任甘肅靖遠縣知縣麥桓。據麥桓供。於乾隆三十八年在河州州判任內。因靖遠縣缺出。囑託省城素識之翟二楠。轉求蘭州府蔣全迪。鑽營王亶望。指缺求補。司府各許銀四千兩。又議定本年辦災使費。司府各四千兩。五月奉文赴任時。蔣全迪即豫填實收六百張。勒令補印收捐。造入季報。以抵前欠等語。甘省收捐監糧一案。王亶望、蔣全迪等。明目張膽。通同舞弊。已屬從來未有之奇貪異事。乃麥桓在州判任內。膽敢與王亶望、蔣全迪等。鑽營關說。指缺求官。公行賄賂。蔣全迪即勒填實收。並議定辦災使費。是不特冒賑殃民。又復賣官鬻爵。目無法紀。至於如此之甚。尤堪駭異。所有麥桓一犯。現在據巴延三等委員解甘。著李侍堯嚴行訊究。令將黃緣賄賂各情節。據實供吐。毋使稍有捏飾。審訊明確後。著另作為一案辦理。至

甘省現據阿桂等審定侵冒各犯內似此納賄營求者恐復不少其情罪尤為重大除業經審明正法各犯外其餘案內人犯並著李侍堯嚴切鞠訊如有似此情節者著照麥桓之例另案定擬以為罔法營私鬻官行賄者知所炯戒將此通諭中外知之○大學士英廉奏四川民人楊春呈控現任河南南汝光道王麗欠伊運米腳價得旨此案著派侍郎喀寧阿馳驛前往四川會同新任總督福康安秉公嚴審定擬具奏其原告楊春及案內犯證即著喀寧阿一併帶往原摺及原呈併發○調任四川總督福康安奏貴州差務無多佐雜缺少現在分發及四川改發州同以下至未入流等官六十三員類皆投閒省會雲南佐雜一百四十餘缺更有躡查礦廠稽催銅運等差試用者僅五十一員與黔省情形迥異請於貴州試用人員內改撥十三員來滇聽候差委得旨允行下部知之○是日

駐蹕密雲縣行宮○庚申諭原任總兵李全之子武舉李成勇著加恩准其一體殿試○廣東巡撫李湖疏報恩平海康靈山三縣開墾水田共三十七頃七十三畝有奇○是日駐蹕南石槽行宮○辛酉

上詣

安佑宮行禮○幸圓明園○壬戌

上詣

恩慕寺行禮○諭據明善奏杜爾伯特貝子和

託羅所遺盟長員缺應擇年長者補放所奏是貝勒巴桑著補授盟長所遺副盟長員缺著汗瑪克蘇爾扎布學習行走并令明善宣諭知之○署兩江總督薩載山東巡撫國泰奏邳宿一帶運河水深一丈八九尺俱係清流出口甚利兩岸亦高儘足容納上游之水其六塘河洩水亦暢第來源太湧下多一分宣洩上即減一分泛漲除徐州北岸之蘇家山水線河現在趲挑引渠不日開放外現將

十字河之竹絡壩挑挖再添一洩水之路報聞○甲子諭各省督撫衙門向有筆帖式繕寫清字稿案等項本無差委地方事件之例今甘肅折收冒賑案內多有以筆帖式委署通判知縣等官遂於任內收捐折色冒賑浮開扶同捏結種種舞弊此項本係現任筆帖式人員於吏治民情原非熟悉乃因督撫等一時徇情委署地方之任致以貪冒獲罪是雖曰愛之其實害之也嗣後各省督撫衙門筆帖式概不許委署地方印務果其中有才具優長堪膺地方之選者該督撫不妨出具切實考語據實奏請送部帶領引見候朕酌量錄用○又諭據英廉奏查抄甘肅捏災冒賑案內之陞任運同富斌家中起出銀二萬五千五百餘兩此案前據巴延三等奏傳富斌供稱本年正月差家人劉三保帶回銀二萬四千兩即係在甘省冒捐所婪之贓今英廉向其家中查出銀較多三千二百餘兩訊

據其子則已於其父二萬四千中用去一千餘兩所多者乃係富斌衆家人帶回銀兩等語富斌不過一運同其家人已帶回銀至三千二百餘兩是外省家人長隨等依藉本官婪索種種貽累地方已可概見吏治如此水懦民玩朕實愧之甘省既然恐他省大率相同特未如甘省之甚亦幸尚未敗露耳嗣後各省督撫務須督飭各員不特潔已奉公並將所用家人長隨嚴行管束毋得稍有縱容致滋需索勒索等弊如有似富斌之玩縱家人致擁厚貲者即嚴行叅奏倘仍前姑容別經發覺惟該督撫是問將此通諭中外知之○旌表守正捐軀江西長寧縣民潘自源女潘氏○乙丑

上詣
大高殿
壽皇殿行禮○還宮○開採廣東開州屬蕉坑煤窰從巡撫李湖請也○丙寅

孝慈高皇后忌辰遣官祭

福陵○諭兵部議覆薩載等奏。抽撥南河樁埽兵丁。移設河東。以供要工。力作各緣由一摺。已依議行矣。各省武職名糧。現在交各督撫查明。俟奏齊交部另行覈辦。議給養廉。其所扣兵餉。俱當挑補實額。歸伍當差。但河南為腹裏近地。今所有之原額。似足敷差防。而南北兩岸河隄。道路綿遠。若多增汛兵防守。於河務甚有裨益。所有豫省名糧。改歸實額兵丁。或盡行增入河營。或撥十分之七八。以資不足。於防護河工。實為有益。至山東河道。關係亦屬緊要。其名糧改歸實額。應在綠營添設若干。河營添設若干。阿桂現在儀封工次。著國泰前往河南。公同商酌。悉心覈議具奏。○諭軍機大臣等。據福康安奏。現在設法緝捕。匪一摺。內稱零星結夥。三五成羣。搶竊滋事之犯。俱應嚴拏究辦。不使稍留餘孽。再貽後患等語。自應如此辦理。至所稱三五成

羣。零星結夥。係屬員相沿陋習。欺飾之詞。不可信用。且其所謂三五成羣者。止就一處。匪結黨而言。若地方官不能隨時嚴辦。必至合數黨為一黨。人數漸多。百十成羣。安得復以三五限之。總之此事責成福康安辦理。務飭通省各屬嚴密查拏。淨絕根株。即鼠竊匪黨。三五人尚未入夥者。亦當留心查辦。自此番痛加懲創後。川省不得有嘯匪之跡。並不得有嘯匪之名。庶幾地方可以永靖。若聽信川省劣員。存一化大為小之見。稍為姑息。將來不十數年。餘孽復滋。又復成此番故事。著傳諭福康安。即悉心設法妥辦。以副朕委任之意。至摺內所稱。得有大員協同督辦。於事更為有裨等語。現在李國梁已復赴川。如需該提督協同辦理。即暫留李國梁。籌辦協捕事務。俟事竣奏明。再行令其回任。並將此諭令李國梁知之。○又諭。昨據郝碩奏。查抄甘省捏災冒賑案內。原籍江西各員。因令軍機

大臣查對原案內劉甫崗一名。據查已經病故。其侵冒入已銀數若干。未據查奏。此等劣員。侵帑殃民。自應明正典刑。以彰國憲。不可以業經病故。倖逃法網。遂置不問。前此如程棟、陸瑋、楊德言、鄭陳善、那禮善、蔣重熹、宋學淳、詹耀璘、陳澍等九名。因其贓私最多。情罪尤重。已降旨將伊等之子發往伊犁充當苦差。即楊士璣遇賊被害。倖逃顯戮。亦將伊子一例發遣。所有此案內病故之劉甫崗等諸人。如有似楊士璣及程棟等各員情節。或贓過二萬兩以上正法者。或一萬兩以上監候情實者。著傳諭該督查明贓數。據實奏聞。交軍機處一例辦理。○又諭據楊魁奏。向來各國番商俱有一定口岸。呂宋商船歷皆赴洋赴廣。從不至閩。今有呂宋商民即嗎叮等船隻。因遭風收泊廈港。懇請就近貿易。驗無傷損形跡。恐係意存趨避。請嗣後該國商民來閩船隻。並無損壞者。一概不准發賣貨物等

語。楊魁此奏。所見轉小。呂宋商民遭遇風暴。飄至廈門。幸未傷損。亦情理所有。若竟遣回。轉非體卹遠人之意。如因閩海關輸稅定例。與粵海關多寡不一。該國商民意圖就輕避重。何不咨查粵海關條例。令其按照輸納。該商民等趨避之弊。不杜自絕。嗣後該國商船有來閩者。俱著照此辦理。將此諭令知之。○豁湖北東湖縣大峯珠灘沉溺雲南委員麗江縣知縣游永年運銅二萬五千一百一十觔有奇。○丁卯諭據國泰奏。山東金鄉縣地方。於九月初五六等日。大風蕩激。漫水入隄。浸至城根。居民移入城內。現將各城門外圍築小月隄。以資防護等語。該處猝遇水溢。所有城外關廂居民。雖先已移入城中。未致傷損。但口食不免拮据。著加恩酌給口糧。按例賑卹。該撫等務須飭屬妥辦。加意撫綏。俾災黎均霑實惠。毋致一夫失所。該部知道。○又諭大學士公阿桂覆奏。各省武職名糧裁添

養廉挑補實額一摺。據稱國家經費驟加不覺其多。歲支則難為繼。此項經費歲增三百萬。統計二十餘年。即須用七千萬兩。請將武職議給養廉。所扣兵餉除滇黔四川閩廣等省。控制邊疆。應查明增添兵額。又陝甘兩省。業添滿漢兵一萬五千餘名外。其餘腹裏省分。均可毋庸挑補實額。並請交軍機大臣會同該部查議等語。國家經費原當量入為出。而足兵衛民為萬年久遠計者。又不得稍存靳惜之見。阿桂現管三庫。其所奏康熙雍正年間出入大數。通盤畫算。大臣籌國自應如此。但朕以泉貨本流通之物。財散民聚。聖訓甚明。與其聚之於上。毋寧散之於下。且在官多一分。即在民少一分。顯而易見。朕即位初年。戶部庫銀計不過三千萬兩。今四十餘年以來。仰荷上蒼嘉佑。年穀順成。財賦充足。中間普免天下地丁錢糧三次。蠲免天下漕糧兩次。又各省

偏災賑濟及新疆兩金川軍需所費何啻萬萬。而賦稅並未加增。又非如漢武帝之用桑宏羊。唐德宗之用裴延齡。以培克為事。而致府藏充盈也。現在戶部庫銀尚存七千餘萬兩。朕又何肯稍為靳惜乎。且即以歲支頓增三百萬兩計之。至乾隆六十年歸政之時。所用亦不過四千餘萬。加以每年歲入所存。其時庫藏較即位時。自必尚有盈餘。又何必於此事總總過計乎。從前海寧在戶部時。不肯明言銀庫實數。其意似恐外人聞知。朕彼時即不以為是。國家惟正之供。出入歲有常經。原屬大公至正。又何必掩人耳目乎。甚如明季金花聚斂。乃至戶部請內帑。亦不肯發。則其鄙悖更可笑矣。即以內帑而論。憶乾隆初年。內務府大臣尚有奏撥部庫銀兩備用之事。今則裁減浮費。釐剔積弊。不特無須奏撥。且每歲將內務府庫銀。命撥歸戶部者。動以百萬計。又何必以經費不敷。歲出為慮乎。至

於歲入項下。惟米豆關稅一節。初年曾經免稅。原欲使市價日平。乃行之日久。並未平減。殊不滿朕意。後因安寧奏請復收。經部議准允行。至遇地方歉收穀貴之年。原有降旨特行免米豆所過關之稅。所以隨時調劑。或商賈多往亦救災區米貴之一法耳。今阿桂既籌畫及此。但朕意究以多添兵力。不惜經費為是。在廷諸臣。自必各有確見。所有阿桂奏到原摺。並朕此旨。一併發鈔。使中外咸知朕意。並著大學士九卿科道詳悉妥議具奏。○諭軍機大臣等。軍機大臣議覆伊勒圖等審訊鎮西府崧桂折收監糧一案。請交明亮查辦。兼令索諾木策凌奎林等據實覆奏。自應如此辦理。已依議行矣。烏魯木齊等處向來產米最多。糧價亦屬平減。本不必藉監糧以充倉貯。現已降旨停止捐例。至該處折收買補諸弊。相沿已非一日。索諾木策凌等在彼有年。辦理文案。現存該署。明亮接任交代。自

可悉其底裏。著傳諭明亮即將該處歷年如何折收買補及現在糧貯有無那移虧短及索諾木策凌奎林任內如何辦理之處。一併詳晰查明。據實覆奏。○又諭據國泰奏籌辦金鄉城垣圈隄及鄒縣等處續報被水情形。一摺。業經明降諭旨。照例撫卹矣。此次國泰所奏九月初五。初六。及初八九連日大風水。因風勢鼓盪。以致溢入金鄉城隄。該撫即趕赴濟寧一帶。督飭所屬確勘形勢。於城外添築圍隄。酌量散給貧民口糧等項。不致失所。自應如此辦理。至近日該縣水勢。是否業已消退。即著國泰迅速覆奏。國泰前奏該省之水。其宣洩去路不能通暢。似有歸咎於江南下游閘壩堵閉。以致淹及該省民田廬舍。此在東言東。一偏之見。從來因上游洩水。籌辦不善。以致鄰國為壑。下游受害者有之。未有上游而反誣過於下游者。國泰並未通盤籌畫全局形勢。遂爾冒昧入奏。屢經降旨飭諭。

試思江南承受東省漫溢之水該省獨無民田廬舍乎昨據薩載等奏報九月初四日沛縣地方風暴大作漫水進城該縣知縣陳麟入城查取印信等項致被淹斃以江南被水情形而論較甚於東省可見國泰前此所奏之張皇失措矣至此次漫注之水皆由豫省曲家樓缺口尚未合龍是以兩省鄰近州縣俱被水患現在工所料物充盈阿桂業經到豫即著督飭在工文武員弁催趲人夫星夜

平定奏卷二二〇二

三六

堵築迅速藏功以慰厯注再本日國泰有奏謝賞鹿肉恩之摺而於伊父文綬之獲罪發往伊犁若不知有其事者然文綬久任川省總督於積年囑匪搶劫之案竟置而不辦以致養癰貽患猝難搜捕淨盡封疆大臣若此朕將何以用人今念其宣力有年是以姑從寬典革職發往新疆効力計此旨發鈔通諭中外已及一月國泰係文綬之子豈有伊父已遭譴責而伊子視同膜外之理且國泰具

有天良宜如何感激如何畏懼乃於鹿肉之賞則具摺陳謝而此事竟無一字提及殊不可解著傳諭國泰令其明白回奏尋奏金鄉自初九日後風色漸小湧漲之水不過二三尺並未增長其災黎已加意撫綏民情寧帖臣父文綬蒙格外天恩前往伊犁効力贖罪臣悚惕戰慄莫知所措惟有懇恩准臣於東省災卹事竣并豫省儀工合龍後赴闕謝恩得旨覽○是日起

平定奏卷二二〇二

三三

上以孟冬享

太廟齋戒三日○戊辰

孝敬憲皇后忌辰遣官祭

泰陵○諭軍機大臣等前歲豫省堵築儀封十

堡漫口彼時因西北東北風緊溜勢頂衝口

門刷深致合龍屢稽時日此因係屬南岸自

與堵閉工程有礙今曲家樓漫工係屬北岸

若遇有西北東北風則水勢南趨不致頂衝

刷深口門似於壩工轉為有益現在已交冬

令西北東北風多。正可藉此趕緊堵築。早期合龍。朕籌念及此。未知道合該處情形否。阿桂等亦曾意料及此否。著即據實覆奏。再前據李奉翰等奏。十月二十日前後可以歲事。現在壩工軟鑲。又有幾分。抑或已經下埽。其口門現存若干丈。每日可做幾丈。不難按日計算。再昨所奏。因陰雨引河挑挖畧遲。冬日之雨。不過一兩日。想日內天已晴霽。著阿桂會同李奉翰等。督飭在工文武員弁。星夜上緊趕辦。一舉而成。總之早一日合龍。則下游早得一日之益。將此由六百里傳諭阿桂。並諭李奉翰韓鐸富勒渾知之。○軍機大臣等議覆欽差大學士公阿桂署理陝甘總督李侍堯奏稱。辦理蘭州軍務善後各事宜。一。礮位宜添製分貯也。甘省礮位。鏑炸者多。應派委員赴各營堡勘驗。將堪用者分貯督撫提鎮駐劄各城。餘悉銷燬。添製大神威劈山等礮。按照兵丁二百名給礮一尊之數酌製。

平定卷三二四二

三八

一

回民新教宜嚴禁除也。新教之禮拜寺。毀後不許復建。并不得妄稱阿渾名目。及收留外來回人。復選老成回民充當鄉約。勸誡稽查。年終將實無新教之處。聯名具結咨部。一。撒拉爾回人宜嚴稽察也。該土司回人散處十二工。其貿易城鎮者。令循化廳同知給票稽覈。并嚴飭充當兵役之禁。如有濫准承充者。叅處本官。仍禁內地遊匪潛往煽惑。一。回犯發遣宜定章程也。內地回民向有番地習經之禁。若將新疆緣事者發至內地。恐致誘惑生事。應即於各城互相安插。一。地方繁簡宜酌改也。蘭州道地居省會。番回雜處。查察非易。應改部選中缺。為衝繁難兼三要缺。請旨簡放循化廳同知。撫綏控馭最為緊要。應改部選中缺。為疲繁難兼三要缺。在外題補。河州太子寺地方。向設州判。旋經裁汰。該處習俗黠悍。距州治又遠。應復舊制。設立州判分防。均應如所請。至私販硝磺。該省關係最重。

平定卷三二四三

三八

一

其內地偷售者應比照附近苗疆五百里內偷售例計觔數分別軍流與外地番回交易者應比照商船夾帶出洋論斬例從重科罪從之○己巳諭曰李侍堯奏甘省雨水禾苗情形一摺據稱夏秋以來連得雨澤各府州縣屢次稟報入土深透田禾成熟秋收可期豐稔等語甘省歷年以來地方官以冒賑之故每以早稔入告朕未知其弊實為憂之今據李侍堯奏報夏秋以來霽澤頻霑並無被旱之區可見該省雖稱地瘠民貧並非雨露所不到從前屢以旱災為言者總以監糧可以冒賑該地方官竟視報災為常例藉詞虛捏以便侵漁即有實在被災年分亦因劣員等從中取利朘民肥橐百姓鮮受實惠以致積成戾氣雨澤愆期今經徹底查辦之後夙弊風清民情豫順其感召天和雨暘時若未必不由於此然此不可視為恒例以後若果有遇旱歲歉該督即當據實奏報朕仍加恩

賑卹並令督率屬員毋蹈前轍俾窮民均受實惠毋忽所有李侍堯奏到摺著發鈔並諭中外知之○諭軍機大臣等劉墉奏拏獲囑匪究訊割辮情由一摺據稱拏獲匪犯黃勝才王景文劉榮華顏自遠顏應超陳添喜等六名到案查驗皆係割去髮辮一段作為記認等供且棚頭自留髮辮餘人勒割顯有奸謀邪術別有營為現在暫留活口再為設法研訊究出實情等語所辦是匪徒聚黨俱以割去辮髮標誌色認其情甚為可惡現在湖廣地方所獲割辮之犯頗多囑匪起自川省總由文綬不能飭屬查拏以致養癰貽患而於割辮一節尤無一字提及其從前該省所獲各犯及現獲匪黨內必有似此割辮者著再傳諭福康安令其將從前拏獲各犯內其中割辮者共若干名曾否訊取供詞逐一查明據實覆奏如有現獲割辮之犯即嚴訊其是何主意從重究擬不得稍為姑息了事將

此並諭舒常劉墉知之。○又諭曰。李侍堯奏查出蘭州府填捐實收弊竇一摺。據稱實收改歸首府之後。諸弊從此而生。所發實收各縣尚有未捐而捏報已捐者。有此縣所捐銀兩。竟為彼縣那用者。又有此縣已捐銀兩。業為彼縣那用。而仍將報捐糧數。於賑案內開銷者。現在查明辦理等語。實收改歸首府。總由王廷贊翫法營私。楊士璣勾通捏冒。以致百弊叢生。各州縣視國帑為私財。任意騰挪。

實錄卷二百四十五

三

輾轉侵蝕。實屬從來未有之奇事。但王廷贊已經正法。楊士璣亦被賊害。伊二人之子。均已發往伊犁充當苦差。於法無可復加。惟當視王亶望之例。雖遇赦不許復回耳。此事著該部記檔。至所有那用監銀。開報虛糧入已。究係何員任內。自應詳查的實。著傳諭李侍堯將那用虛開入已之各州縣。詳悉查覈。此內已於前案定擬。分別辦理者。若干員。其未經定擬者。並著李侍堯按照實在入已贓數。

實錄卷二百四十五

三

仍遵前旨。分別定擬具奏。○是月。署雲貴總督劉秉恬奏。據車里宣慰司刀士宛稟報。南掌國王召翁咨稱。該國百姓逃居車里。懇即給還等語。當經飭鎮道等查明。寄居者有五十戶。計男婦一百八十二名口。臣查乾隆十四年三十七年。均有賞還舊例。請俟南掌國使臣以整烘等進貢回國時。照數交明帶還。惟夷民入界謀生。雖係相沿舊習。但不隨時具報於邊防未密。請嗣後飭宣慰司。每遇夷民投止。一面安插。一面將戶口報明備覈。報聞。○貴州巡撫李本奏。黔省常平倉米。共額貯一百萬石。經三十七年。奉部議減。共糶過米十八萬八千六百餘石。旋於四十三年。議復原額。應買還折穀三十七萬七千三百餘石。計四十四五兩年。共買穀十三萬六千二百餘石。今歲秋收。較往年倍豐。臣飭藩司等將復額穀二十四萬餘石買補。以實倉儲。得旨嘉獎。

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百四十一

實錄卷一千一百四十一

三十四

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百四十二

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十六年辛丑冬十月庚午朔享

實錄卷一千一百四十二

一

太廟。

上親詣行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵

泰東陵○遣官祭

孝賢皇后陵

端慧皇太子園寢○頒乾隆四十七年時憲

書○諭昨據副都御史汪承霈條奏甘肅省

監生一摺據稱自乾隆三十九年後甘省監

生奉有停科之旨恐其中躁進之徒不安義

命更易名字在部報捐鄉試或僥倖中式轉

滋弊竇與其再犯而懲以冒混之條似不若

實錄卷一百四十二

二

先事而予以自新之路請以原名准其在

部另行改捐給與執照免其停科並請勒

限二年報捐如過期不捐雖扣滿三科亦

不准其應試等語此等流弊事所必有其

所請在部另捐之處專為杜絕頂冒以防

弊混並非若吳玉綸之跡類言利者可比

是以交部詳議覆准允行蓋此等監生逐

利熱中希圖省費報捐竟成壟斷即概予

褫革原不為過今照部議統限二年准以

原名在部另捐入場已屬格外加恩但念該

生等人數衆多從前在甘省上捐時俱係王

亶望諸人引之犯法非盡該生等之過況前

已出貲今概令重捐其中寒畯未免志切觀

光而力有不逮情殊可憫著加恩將從前甘

肅報捐監生者准其呈明到部另照在部捐

監之數繳足即給與執照許其科考至定限

二年為期稍近恐遠省邊陲一時未能徧曉

及至遵例遠來而限期已過未免向隅並著

實錄卷一百四十二

三

加恩再寬限三年統限五年為率俾該生等

從容報納上進有階以副朕宥過推恩作養

人材之至意餘著仍照原議行將此通諭中

外知之○辛未

上御乾清門聽政○諭軍機大臣等據戶部奏

駁李湖查辦粵海關餉報解遲延復請展限

一摺已依議行矣粵海關餉前經戶部奏准

期滿六個月奏解較之各省關稅報解為期

已覺甚寬又何至遞年仍有積壓商欠累累

該撫查辦時。既悉前後監督經理未善。乃以原限難以遵循。復請加展奏解。殊非覈實辦公之道。李湖平日諸事尚能認真持正。何辦理此案。似有瞻徇。殊不類其所為。著傳諭該撫。即行據實明白覆奏。尋奏。粵海關稅餉。期滿六月奏解之例。始於乾隆四十三年。查四
十三年以前。報解俱在十數月之外。屢經部催。監督等總以番船應納稅餉銀兩。均由內地保商照額代報。易貨變輸。九個月。十個月。

實錄卷一百四十二

五

始能彙齊起解。咨覆在案。自四十三年定限後。四十四。五。兩年。仍復遲逾。緣關期每逢閏月。即行扣趲向前。稅餉總在秋後開徵。並不隨閏加趲。計自乾隆十五年。部議定限十二個月。扣足一年報滿。迄今三十餘載。前後遞壓相仍。漸成積重之勢。實因前後監督經理未協所致。但業經部臣隨案叅處議結。是以再未根究。至限外請展。實因連年遞壓。雖由遇閏積延。而番船應納稅餉。由內地保商易

貨代繳。必需九個月。十個月。始能彙解。報聞。
○以太常寺卿扎勒翰。詹事金士松。為內閣學士。兼禮部侍郎。○壬申。

上御懋勤殿。勾到奉天。陝西。情實罪犯。停決奉天斬犯三人。絞犯八人。陝西絞犯四人。餘一百四十四人。予勾。○癸酉。諭國史之修。所以彰善癉惡。信今傳後。從前編纂時。因係彙總進呈。未及詳加考覈。抑揚出入。難為定評。是以於乾隆三十年。特頒明旨。簡派總裁。董率

實錄卷一百四十三

五

纂修各官。將國初以來滿漢大臣。已編列傳者。通行檢閱。覈定事實。增刪考正。以期不虛美。不隱惡。其未編列傳之文武大臣。內自卿貳以上。外自將軍。督撫。提督以上。並綜其生平實蹟。各為立傳。恭照。

實錄紅本。據事直書。以彰法戒。其或限於資格。懿微弗傳。並令博採旁搜。如儒林隱逸。及列女中之節烈。卓然可稱者。亦覈實兼收。另為立傳。昨又評定。

開國以來宗親戚胄。勲績昭著。繼獲罪愆。以致削爵除籍。如睿親王等諸人者。其是非功過。諭令該館重加編纂。又我朝

定鼎之初。明末諸臣。望風歸附。如洪承疇。祖大壽。李永芳等。在勝國雖為不忠於主。在本朝則為宣力之臣。特命入於貳臣傳之甲編。其進退無據。謬託保身。如錢謙益。龔鼎孳。馮銓諸人。則列入乙編。以昭褒貶之公。蓋春秋者天子之事。朕於本朝王公文武大臣。是非功過。一秉大公至正。凡此皆朕所指示該總裁等。令其悉心排纂。以次進呈。候朕親自裁定。庶幾華采斧鉞。凜然共見筆削之嚴也。乃自開館以來。迄今十有七年。其所纂成進御之書。甚屬寥寥。現在所辦臣工表傳。無論

開國諸臣。早可蒐輯成編。即

皇祖

皇考實錄。久經告成。維時諸臣事蹟。亦無難檢閱。縱使廣為採錄。以昭考覈之精。亦何致遲

遲若此。至朕臨御初政。贊襄左右諸臣。按其通籍筮仕。如在

皇考之朝者。亦應一體立傳。其猷為顯著。尤在人耳目之表。載筆亦無虞失實。如此則史館哀輯成書。安得復藉延歲月。而不嚴立程限乎。朕每覽前代史冊。褒譏好惡。率無定評。茲國史諸臣列傳。皆經朕親自披覽。是是非非。不少假借。該總裁等務即董飭所司。速為纂辦進呈。候朕鑒定。務臻覈實。垂為信史。其如何定限完竣之處。並著詳議奏聞。尋議國史館編纂表傳。總緣咨取各處冊檔。文移往還。每需時日。是以稽遲。請嗣後將冊檔按年依類。咨取齊全。并力趕辦。定限二十日恭進一次。以五年為期。計乾隆五十一年。可以完竣。從之。○又諭。昨據圖思義叅奏。發往烏魯木齊効力之原任員外郎開泰。在彼置買佐領三齊克婢女為妾。產生一女。呈請轉行該旗入檔。請將開泰於烏魯木齊地方。枷號三個

月。滿日發往伊犁充當苦差等語。開泰身係滿洲。又係發往烏魯木齊効力贖罪廢員。膽敢私買婢妾。身圖安逸。甚屬無恥。發往伊犁充當苦差。不足蔽辜。著在烏魯木齊永遠枷號示衆。新疆與內地不同。不但彼處婢女。不可置買。亦不可攜帶家屬。倘皆如此買妾置產。則王亶望諸子等。發至伊犁。伊勒圖等聽其恣意在彼安立室家。是伊等轉得僥倖安逸。何以明正其罪。著通諭新疆各處駐劄將軍大臣。嗣後發往新疆廢員。及緣罪發往一切人犯。在彼私買婢女之處。著嚴行禁止。即各部院章京等。前往各處換班。亦不過三年。即可換回。不惟不可攜帶家屬。並不可私買彼處女子為妾。新疆將軍大臣等。接奉此旨。著即嚴行禁止。○諭軍機大臣等。據袁守伺覆奏。查明旗人鄭瀾呈控車戶龔大。領運賑米。私自糶賣一案。摺內稱。上年寶坻縣被水成災。撥運米石散賑。前任知縣員家駒雇覓

實錄卷五百十二

八

車戶龔大。攬運灤州米一百六十九石五斗。因道路泥濘難行。龔大恐誤限受責。借銀就近買米交倉等語。此等供詞。係屬狡飾。不可輕信。車戶領運米石。串通倉書。私自糶賣。復以恐誤賑限受責。先行買米交倉。事後裝點情節。俱係串通掩飾之詞。況該縣係被災處所。米價較昂。豈有龔大轉在米貴之地。先為墊買以赴賑限。且此等車戶。及書役家人等。亦安肯急公奉法若此。尤非情理所有。該令

實錄卷五百十三

九

審斷時。是顯有縱役分肥等弊。不可不徹底查辦。現在此案人犯。飭令該督解京審訊。俟犯證解到時。令軍機大臣會同刑部秉公嚴審。無難訊得實情。著將此傳諭袁守伺知之。○又諭前因畢沅奏拏獲逃兵六格。審明正法一摺。所稱該犯供詞內。有捏稱想念母親。起意逃走等語。畢沅並不斟酌事理。率將此等供詞叙入。殊屬非是。特降旨諭知畢沅。並通諭各督撫。令於此等處。均宜留心檢點。本

日據巴延三將接奉諭旨緣由具奏。而此案係畢沅審辦具奏之事。乃經傳旨詢問。何以未將辦理錯誤之處。自行陳奏。豈該撫欲思含混了事耶。著將此諭令知之。○旌表守正捐軀安徽壽州民毛訓妻孫氏。○甲戌。

上御太和殿視朝。文武陞轉各官謝恩。○諭五阿哥原封榮親王。其子綿億著封為多羅貝勒。所有分府居住之處。交內務府大臣照例辦理。○乙亥。

實錄卷一百四十二

十

上御懋勤殿。勾到湖廣情實罪犯。停決斬犯二十四人。絞犯七人。餘一百五十八人予勾。○諭曰。德成現已來京。著停留兩三日。修治行裝。即馳驛前往甘肅。踏勘蘭州應行添建城工。所有阿桂等奏到原摺及圖。並交帶往閱看。○以陝西督糧道永慶為陝西按察使。○丙子。諭據李侍堯奏肅州鎮總兵梁朝桂於署肅州鎮遊擊事都司福昆。甘州守備臧應隆等。年力衰頹。並不早為揭報。直至檄調

實錄卷一百四十二

十

考驗。始請解任勒休。又涼州鎮總兵德寧。於降調守備李養儒。兩目昏暗。不能騎射。因循不揭。殊屬有意姑容。請將福昆等革職。並將徇庇屬員之梁朝桂。德寧。交部嚴加議處。前任甘肅提督仁和。一併交部議處等語。福昆。臧應隆。李養儒。俱著革職。總兵梁朝桂。德寧。著交部嚴加議處。其前任提督仁和。不能先事查察。亦著交部議處。該部知道。○又諭。昨綽克托奏摺到時。朕以為必係審明德風。烏什哈達。互控之事。及閱之。則係更換坐卡侍衛。及補放伯克等。無關緊要事件。綽克托。於九月初一日。即至和聞。於初四日始奏此事。數日之內。即可將德風。烏什哈達一案。審明具奏。且復興。早到和聞。竟待綽克托。遲延多日。並不辦理。已令人不解。而綽克托到彼。又不即行審辦。昨日摺內亦並未奏及。有是理乎。綽克托。復興。必各懷意見。或袒護德風。或袒護烏什哈達。互相掣肘。以致稽遲不奏耳。

綽克托。前因未辦高樸之事。身獲罪矣。此事又復遲滯不辦。綽克托復與俱著嚴行申飭。並傳諭速將德風。烏什哈達事審明。即行具奏。不得稍有掩飾。倘再遲延。必從重治罪。○諭軍機大臣曰。劉墀奏查勘徐州府屬豐沛銅山等縣。續被豫省漫水。撫卹情形一摺。據稱報明督撫。酌帶藩庫銀五萬兩。馳至該縣會同辦理等語。所有被災州縣。務宜實力查辦。已於摺內批示矣。至所帶銀兩。如尚不敷

實錄卷一百四十二

五

賑卹。即著該督就近酌量。於兩淮鹽課本年現應撥解戶部銀兩內。一面截留動撥若干。一面奏聞。以備賑濟之用。俾災黎均霑實惠。將此由五百里傳諭薩載。閱鶚元。並諭圖明。阿。劉墀知之。○又諭曰。李國梁奏據遠安營報獲囑匪張元保。李老七。即李廷昌。胡魁。即胡龍三名。宜都營報獲囑匪陳世達。劉文年二名。宜昌鎮後營報獲囑匪匡陽泰。朱玉孫。達包子三名。又盤獲葉天才。張宗榮。朱國才。

張朝選。曾鳳。劉世模。黃漢清。王登榜。余應倫九名。又盤獲劉天貴一名。遠安營又盤獲湖南之劉成一名。現在移咨解省審辦等語。此等囑匪結黨成羣。行踪詭秘。不法已極。今又據李國梁奏拏獲多人。可見文綬辦理不善。疎縱釀成。以致該犯等竄逸各處。至今尚未盡就弋獲。著傳諭舒常。鄭大進。劉墀等。即將現獲各犯。嚴訊實情。遵照前旨辦理。至此外逃逸外省。及潛蹤川省者。尤須嚴切督飭文

實錄卷一百四十二

五

武上緊搜捕。務令盡絕根株。並著傳諭福康安。實力查辦。不但不應有囑匪之迹。并不可有囑匪之名。將此由六百里發往。並將李國梁摺鈔寄閱看。並諭李國梁知之。○又諭曰。閔正祥奏太和汛巡兵盤獲私鹽船隻。行至十里溝。有梟犯執械圍船拒捕。毆傷兵丁落河一摺。訊據拏獲案犯王希榮。王應禮。供出魏三麻。王佑。王兆坦。王希孔。馬之夢等合夥在豫省紙店集。販買私鹽。俱係太和。阜陽。二

縣人。現在拏獲首夥四名。餘犯未獲等語。此等販買私鹽梟犯。屢經嚴辦。乃王希榮等。膽敢帶領多人。執械拒捕。毆傷巡兵。實屬目無法紀。著傳諭薩載等。嚴行查究。將未獲各犯。按名督緝。盡法懲治。以昭儆戒。至訊據該犯供稱。向在豫省合夥販買。是該省必尚有伊等夥黨。為之窩頓售賣。阿桂現在河南。可以就近督率查辦。著傳諭阿桂。富勒渾。嚴飭地方各員弁。實力緝拏。毋使一名漏網。所有閔正祥奏到摺。著鈔寄閱看。并諭該撫農起知之。○豁除甘肅平羅縣乾隆四十五年分。被水衝坍民田九十八頃七十畝。有奇額賦。○丁丑。諭軍機大臣等。本年各直省被有偏災地方。如直隸夏秋雨水稍多。天津。靜海等州縣。地勢低窪。田畝被淹。江蘇之邳州。睢寧等州縣。因魏家莊河水漫溢。田禾被災。蘇松太倉屬之崇明等縣。及鎮江通州等屬。猝遇風潮。田廬禾稼。致受損傷。徐州豐沛等縣。湖水

漲發。風暴衝激。城隄亦俱被水。安徽之鳳陽。泗州等屬。亦被淹浸。豫省因焦橋。曲家樓。南北兩岸漫口。儀封。考城等處。及漫水經由之祥符等縣。均有被災之處。其下游之山東曹縣。金鄉等州縣。黃水漫注。亦被水災。又湖北之潛江等縣。田垵被水浸漬。陝西之朝邑縣。河水夜漲。村莊多被淹浸。甘肅之隴西。寧夏等縣。黃水漲溢。並金縣。靖遠等縣。旱雹黃疸。收成亦皆歉薄。俱屢經降旨。令該督撫等統率所屬。切實查勘。分別賑卹。及酌借口糧籽種。並因崇明縣被災較重。特降諭旨。截留漕糧十萬石。以資接濟。復加恩蠲免崇明。閘縣。應徵本年地丁錢糧。又將甘肅金縣等縣。本年額徵銀糧。蠲免一半。又因山東金鄉縣。漫水浸至城隄。加恩酌給口糧。又因江蘇徐州府屬之沛縣等縣被淹。撥藩庫銀五萬兩。賑卹。如自下數。諭令該督就近於鹽課酌量截留。以昭優卹。俾災黎毋致失所。但明春正賑

已畢。尚屆青黃不接之時。民食不無拮据。是否尚需加賑。著傳諭該督撫等。即行查明覆奏。候朕於新正降旨。至直隸霸州等州縣。據該督奏報被災在五分之一以下。河南被水之淮寧。西華。商水。項城。沈邱。太康。扶溝等縣。據該撫奏報地畝被雨淋刷。不及趕種雜糧。湖北江夏。武昌等八縣。及京山縣。亦據該督撫奏報秋收歉薄。此數處雖被災較輕。第恐民力不能驟紓。應否量予加恩分別辦理之處。亦著該督撫據實具奏。將此由三百里各傳諭知之。○又諭本日據舒常等奏。續獲匪匡陽泰。王文鳳。王大富。徐永進。劉金成。陳世達。劉文年。張元保等八犯。現飭各該處押解到省。訊取確供辦理。並將所供逸匪。開單飭屬緝捕。並咨四川。及隣省一體查拏等語。匡陽泰等八犯。既經拏獲。解省時必須嚴行審究。從重辦理。至該犯等所供逸匪。並未據訊明實在係何年貌籍貫。此等匪徒。行蹤詭秘。逃

竄無常。必須上緊嚴緝。庶不致遠颺漏網。著傳諭舒常等。再行提犯嚴訊。所供逸匪。係何年貌籍貫。令逐一供明。一面飛咨各該省督撫。嚴切搜拏。一面據實具奏。將此由六百里傳諭知之。○又諭據伊勒圖等奏。賞給惠遠城滿營正紅旗領催德盛為奴之盧小舟一犯。於本年八月十四日脫逃。又賞給正黃旗領催五誠額為奴之馮好收一犯。於本年八月十五日脫逃。俱係河南修武縣人。當經行咨各卡上及原籍查緝。迄未拏獲等語。盧小舟。馮好收。係賞給滿洲為奴之犯。膽敢乘間脫逃。甚屬可惡。著傳諭伊勒圖等。轉飭各該處速行查緝。並著沿途及原籍各督撫。一體嚴密查拏。務期弋獲。按律處治。以示儆戒。將此各傳諭知之。○又諭本日據國泰將山東省九月分糧價開單進呈。朕詳加披閱。所開各屬米麥等項。一律俱稱價賤。此內如登萊青等府。並未被水。米糧或不致昂貴。至如曹

充等府。夏間因儀封漫水。被淹甚重。米價安能平減。即其附近各屬。穀價尚恐騰踊。欲求其平而不可得。豈有通省各府。竟全未加增。一律價賤之理。是所開糧價單。止係任憑各屬稟報。隨意填寫。國泰並未寓目查覈。將謂朕亦不過批一覽字。亦不寓目乎。地方米價增減。關係民生。封疆大吏。安可如此漫不經心耶。將此諭令據實明白回奏。尋奏。東省本年麥收。俱皆豐稔。惟窪地秋禾。間被水淹。輕者每縣不過十之一二。重者不過十之三四。其餘高地。仍屬有收。統計秋成分數。原在八分以上。泰安。東昌。沂州。萊州。登州。五府。臨清一州。糧價較八月減落。濟南一府。大米麥子。與上月同。武定。兗州。曹州。青州。四府。濟寧一州。大米亦與上月同。餘小米麥豆高粱等價。均較八月稍增。惟現在場工甫畢。民間餘糧。正皆出易。所增之數。每石不過數分至一錢零。實皆未至昂貴。報聞。○禮部奏。冬至節應

行慶賀禮。得旨。今年冬至次日。著停止行禮。○賑卹山東鄒平。新城。齊東。惠民。青城。陽信。海豐。商河。濱州。利津。霑化。蒲臺。汶上。滕縣。嶧縣。荷澤。單縣。城武。曹縣。定陶。濮州。范縣。高苑。博興。樂安。壽光。濟寧。金鄉。魚臺等二十九州縣。並濟寧。東昌。臨清三衛。永阜官臺。王家岡三場。本年被水災民竈戶。○戊寅。上御懋勤殿。勾到浙江。江西安徽情實罪犯。停決浙江絞犯二人。江西斬犯七人。絞犯二人。安徽斬犯七人。絞犯一人。餘一百九十六人予勾。○諭。向例大內阿哥封授王貝勒貝子公爵後。俱由諸王貝勒等應得藍甲內。均勻攤出給與。朕思若由王貝勒等應得藍甲內。均勻攤出。則王貝勒等藍甲漸至缺少。何以養贍所屬。包衣諸人。不無拮据。而阿哥等行輩。亦與諸王貝勒漸遠。著交宗人府。嗣後阿哥內。經朕加恩封為王貝勒貝子公者。無庸由諸王貝勒等藍甲內。均勻攤出給與。著加

思照所封品級。另給一分藍甲。如此辦理。封爵之阿哥等。不分諸王貝勒藍甲。而諸王貝勒養贍伊等所屬。應得分例。自然足用。尤為有益。綿億昨既封授貝勒。著該衙門即自綿億起。遵照朕旨辦給。○諭軍機大臣曰。李本覆奏審辦。囑匪一摺。據稱。前拏獲匪犯二十一名內。陳正山。鍾鳳鳴。劉貴。三犯。已審明。遵旨正法。彭昌文。王元周。蕭方旦。三犯。除蕭方旦病故外。餘二犯擬絞。趕入本年秋審。其吳大漢等十五名。又續獲李老公。周老五二名。屢經嚴究提質。復行查原籍。實非囑匪。已就現犯情節。錄取供單。分別辦理等語。囑匪肆行不法。就獲後審訊明確。即當照前旨嚴辦。至吳大漢等十七名。雖據該撫訊明實非囑匪。但此等匪徒。均因形跡可疑被獲。其所供情節。或不無避重就輕。希圖漏網。李本於拏獲匪犯時。務須徹底研究。詳晰錄取供詞。一面分別辦理。一面即行具奏。如遇四川湖廣

等省拏獲別犯。供出夥黨。咨查該省時。該撫務須詳晰質對。方成信讞。毋使狡飾。並諭福康安知之。○已卯。諭據穆騰額奏。派委司庫薩炳阿押運緞綢。由水路進京。行至山東滕縣新莊橋地方。忽遇狂風。將蓬桅折倒。船身沉溺。除將搶起未經潮濕緞綢。飭令該員星速解京備用外。餘俱照數賠補。並請將該司庫薩炳阿交內務府嚴加議處等語。此事從來未有。甚屬不經。已於摺內批示。山東滕縣地方。係屬內河。並非若長江大河。猝遇風暴。人力難施者可比。何至船身沉溺。明係該員不以事為事。任聽船戶水手。駕駛不善。以至將運京緞匹。被水潮濕。且伊所用家人長隨等。或因伊主待之刻薄。不肯實心照料。此等惟利是圖。甚或串通船戶。從中舞弊。故將船身碰漏。希圖掩飾。亦未可定。近日全德家人在京領辦玉冊。被賊竊去。今穆騰額又有此事。必係該織造等平日不能體卹家人長隨。

以致伊等心存怨望。若伊等待下並無苛刻。而其家人有意陷主於過。尤為可惡。不可不嚴行查辦。著傳諭穆騰額。令其查明據實覆奏。至此案司庫薩炳阿著即革職。其任所資財。並著穆騰額查明。以備賠抵。若有不敷。自當穆騰額賠補。並交內務府議處。以為貽誤公事者戒。並著傳諭三處織造監督。嗣後遇有此等事件。尤宜分外小心。督飭運員。及家人等。不得怠玩從事。將此一併諭令知之。○

實錄卷一百四十二

五

貴州巡撫李本奏。威寧州榨子廠黑鉛。自雍正五年開採。除二成抽課外。餘鉛每百觔。給價銀一兩五錢。儘數官買解京供鑄。後因出沿減少。與湖南各半分辦。乾隆四十年。該廠無鉛可運。經部議。令楚省全數承辦。自停運後。至今所得課餘鉛。除動給各營。及解楚豫備各省採買外。存鉛無多。現據知州于良鈞稟稱。近日設法採挖。復得礦引。惟因開採年久。礦遠洞深。又因向例餘鉛全歸官買。價止

一兩五錢。廠民竈戶。工本難敷。每多裹足。不前查廠民竈戶。藉廠營生。榨子廠既復得礦引。自應因時調劑。請將該廠所出黑鉛。嗣後照黔省樂助新寨興發等廠白鉛例。每百觔抽課二十觔。官買四十觔。通商四十觔。俾廠竈均霑餘潤。以裕鼓鑄。得旨著照所請行。該部知道。○旌表守正捐軀安徽盱眙縣民紀文泰妻李氏。○庚辰策試中式武舉劉雙等四十五人於太和殿前。○諭軍機大臣等。農起奏。據壽春鎮閔正祥。札知九月十七日太和縣汛兵。盤獲私鹽船一隻。行至十里溝。復被鹽犯夥眾奪回。並將兵丁打落水等情。隨知會河南山東各撫。一體堵緝。並兼程親往督辦。現已將夥犯並船戶緝拏到案。其首犯魏三麻。併下手毆兵之王兆坦。亦經阜陽縣知縣海柱拏獲。止有王希占等七名在逃等語。自應如此辦理。已於摺內詳悉批示。其現獲首夥各犯。魏三麻王兆坦王應禮王希

實錄卷一百四十二

五

榮張連登等。著即速親提。審究私鹽來歷。及拒捕實在人數。一面奏聞。一面審明。即行正法。以示炯戒。所有拏獲首犯之阜陽縣知縣海桂。尚屬能事。著送部引見。至在逃之王希占等七名。現又續獲幾人。其未獲者。著該撫嚴飭各屬。實力查拏。毋使一名漏網。恐此外尚有隨同為匪之犯。務須嚴密躡緝。拏獲到案後。一併嚴行訊究。盡法懲治。不可稍存姑息之見。將就完案。將此由五百里傳諭知之。

○山東巡撫國泰奏。十月初六日陽穀縣知縣鄭飛鳴稟報。派撥協濟豫省儀工挑河民夫。北鄉四都莊頭王偉。王太和等。以不應赴外省幫協延抗。飭役將王偉等差押催辦。該村多人。將王偉等劫去。又將糧書苗繼孔房屋拆毀。隨率同典史往拏。復將典史毆傷。當場拏獲呂付廷一名。究問餘黨。現會同武員拘拏。查儀封堵築漫口要工。前經臣會同河臣李奉翰奏請。於東省附近府分幫協人夫。

一萬名。並按照糧銀三十兩派夫一名。今該縣刁民奪犯毆官。臣即親赴督拏。並訊起衅情由。按律定擬。得旨覽。又批。豈有此理。即當速行從重辦理。奏內又稱。知縣鄭飛鳴現究出一同在場之武生卮冠軍等數名。拘拏訊究。批。此人即當請王命立行正法。又稱。派撥赴豫人夫。該縣果遵奏定章程辦理。民人不應抗違。其中或有分派不均。致激事變之處。批。既有此事。則且不可問知縣之罪。當盡法

處治刁民之後。再問其事所辦當否。若並無不當之處。則該縣尚係一能員。當送部引見以獎之。今此事辦清否。速奏來。○旌表守正捐軀河南鄆城縣民辛黑兒妻劉氏。辛已諭戶部議奏。由甘肅報捐監生。及中式効力加捐出身各項人員。准其於五年限內。照例補捐部監一摺。著依議行。此等監生在甘肅折銀報捐。雖皆牟利犯法之人。但因王亶望諸人引之犯法。然其壟斷熱中。以成均出身。

之路。竟視為終南捷徑。趨之若鶩。即概予褫革。原不為過。前據吳玉綸奏。即降旨。將由甘肅監生出身人員。分別停科。壓選罰俸。庶躁進之風。藉以稍息。此朕因人數衆多。不忍概行褫革。是以加恩。薄示懲儆。實亦大公至正。所以維持士習也。嗣因汪承霈條奏。該監生等恐奉有停科之旨。仍有不安義命。更易名字。在部報捐。鄉試或徵倖中式。將原名頂替滋弊者。請於二年限內。准令在部另捐。朕以其所奏專為防弊起見。該生等希圖倖進。事所必有。與其冒混被告。再加懲治。誠不若先事而量予自新。俾其弊不杜自絕。經部議准。降旨允行。尋思二年定限。為期稍近。邊陲寒峻。未免向隅。特再寬限三年。統限五年為率。茲戶部議奏。由甘肅報捐監生。及中式加捐。効力出身人員。一例補捐。酌定銀數。自應如此辦理。朕於此案內之監生。始終宥過推恩。矜全格外。此次之准令在部補捐。實為杜絕

弊混。予以自新。該生等有不顧重捐者。自當仍遵前旨。若有易名作弊。一經發覺。必重治其罪。至頂帶榮身。不圖仕進之人。前亦有旨。毋庸議及。非若吳玉綸所奏。每名必令其補繳銀數。專為言利起見也。將此再行傳諭中外知之。○諭軍機大臣等。昨據國泰奏。陽穀縣刁民抗差毆官一摺。已詳晰批示矣。本日據任承恩奏。據遊擊圖他布稟稱。協同該縣知縣親帶兵役。分投赴鄉。將在場之武生卅冠軍等數名拏獲等語。此案刁民王偉等。以不肯赴豫協濟挑工。故意阻撓延緩。迨該縣催辦時。復聚衆奪犯毆官。而武生卅冠軍。輒敢在場抗拒。情尤可惡。今各犯既就拏獲。著傳諭國泰。即將此案起事緣由。徹底根究。如該縣知縣鄭飛鳴。果有違例科派。激成事端之處。亦當於處治刁民之後。再行查辦。若此時即將該縣叅處。轉非所以懲治刁風之道。倘該縣派撥人夫。實係照例辦理。而刁民輒

敢抗差。毆傷典史。此風斷不可長。審明時必當從重辦理。並將武生元冠軍。即於該處正法示衆。且冠軍與鄉子冠軍之名相類。或其平日即有不法之心乎。亦當嚴刑詳訊。知縣鄭飛鳴。於該犯等聚衆時。即會同武員親帶兵役。將各犯拘拏到案。尚屬能事。著該撫遵照前旨。於全案完竣時。出具考語。送部引見。將此傳諭國泰。並諭任承恩知之。○以正黃旗蒙古副都統景惠。為墨爾根城副都統。○予故回部輔國公和什克祭如例。○加賑陝西朝邑縣。本年被水災民。並借給籽種。○壬午。

上御紫光閣。閱中式武舉騎射。○諭前據舒赫德等條奏。阿哥等之哈哈珠子內。當差已過十年者。請於補放侍衛護軍校。驍騎校。列名帶領引見。補放朕思此事殊不合理。哈哈珠子。皆由勲舊家道殷實大員子弟內挑取。伊等既為阿哥哈哈珠子。並無別項苦差。日後

阿哥等封授王貝勒貝子公爵之時。哈哈珠子等自為該府護衛等官。並無向隅。此數年來。每遇補放侍衛。並各旗挑取護軍校。驍騎校。皆引舒赫德等條奏之例。將哈哈珠子帶領引見。諸大臣似此辦理。或看阿哥情面。不無瞻徇代託之處。日久漸生弊端。況哈哈珠子。補放侍衛護軍校。驍騎校。後仍在哈哈珠子上行走。徒既占其缺。反致侍衛護軍校。驍騎校等當差乏人。殊非事體。兩無益也。現在

挑取侍衛者頗多。而補放護軍校。驍騎校。帶領哈哈珠子引見者。更復不少。此弊不可不亟為剔釐。除已經補放護軍校。驍騎校。毋庸查究外。嗣後哈哈珠子。如遇伊家原有世職佐領等官。既係伊等應得之分。著仍照前辦理。其陞補侍衛護軍校。驍騎校之處。著停止。舒赫德等條奏之例。永遠不必行。並交總譜達八旗各屬。一體遵照。仍將此旨令阿哥等閱看。○諭軍機大臣曰。索諾木策凌覆奏查

辦鎮西府知府崧柱折收監糧一案據稱四十二年派委鎮迪道巴彥岱詳查倉存糧數并四十三四五年盤查實存並無虧短今接奉諭旨並軍機大臣議奏查訊原任知府崧柱在鎮西府任內折收買補等事從前毫無覺察咎實難辭請交部嚴加議處等語該處折收買補諸弊相沿已久索諾木策凌在彼有年今據稱歷年盤查並無虧短是其於該處折收買補諸弊該都統竟毫無見聞其所

平定回疆紀略

卷二

請交部嚴加議處實屬咎所應得除摺交部外並將此諭令知之○調鑲藍旗滿洲副都統喀寧阿為正黃旗蒙古副都統○癸未

上御紫光閣閱中式武舉技勇○諭曰國泰奏陽穀縣因派撥幫協豫省挑河人夫有生員薛滋與民人王士魁相商起意傳帖抗夫一案摺內稱據陽穀縣知縣鄭飛鳴稟報因派幫人夫有該縣四都莊頭抗不遵辦生員薛滋與民人王士魁傳帖激眾刦犯

並將糧房書吏房屋拆毀現在親往督拏案犯分別從重定擬等語上之使下下之奉上乃天經地義之常然使民仍以為民也朕臨御四十餘年以來無日不以愛民為念偶遇水旱偏災無不加意撫卹中間普免天下錢糧三次普蠲漕糧二次東省百姓皆身被恩渥者此等刁民藉不協助隣省為言若為無故興修宮室勞民尚可茲挑挖引河人夫雖係撥赴豫省而下流受害之處實在東省豫省漫口一日不堵閉則東省附近之民田廬舍一日受其患現在東省瀕河各州縣業據該撫奏報被水尤甚該縣民人誼屬桑梓即為身家之謀亦當協力相助也百姓等具有天良何得抗差不赴至生員身列膠庠應知大義尤當率先開導奉法急公其於鄉閭之誼更宜醇厚乃膽敢起意倡率刁民傳帖集眾刦犯毆官種種不法情罪實為重大不可不嚴行審辦以儆刁風已於該撫摺內用硃

筆點出數人。即應審明正法。餘著該撫督飭所屬實力查拏。從重究擬。不得稍存姑息。至生員如此滋事。是該學政平昔未能教導約束所致。其失察之學政程世淳著交部嚴加議處。該學教官並著國泰查明叅奏。所有硃批原摺著發交大學士九卿閱看。該部知道。○諭軍機大臣等。昨據楊魁叅奏鳳山縣知縣韓燕。於解省重犯。差役私自雇替。致替役脫逃。該縣並不嚴拏詳解。請旨革職一案。已批該部知道矣。福建前有諸羅令楊慰於賊首洪籠等糾搶一案。並不實力擒拏。經陳輝祖會銜叅奏。而富綱並未及早查辦。是以將伊交部議處。今復有鳳山縣踈縱玩愒之事。諸羅鳳山俱隸臺灣。遠隔洋面。尤非內地可比。遇有此等匪徒糾搶及替役脫逃之件。自應嚴速查辦。庶足以靖海疆而懲奸宄。此二事皆出於用富綱為總督之後。是以姑容。若在雲南新任。亦如此模稜不認真。尚可望朕

寬恕乎。然富綱在閩省巡撫任內。並不實力整頓。以至諸事廢弛如此。伊試清夜自思。將何以自解耶。著傳諭富綱令其自行議罪。據實覆奏。○又諭曰。阿揚阿等奏遵旨將侵冒銀二萬兩以上程棟等各犯監視行刑。訖惟萬人鳳一犯尚未解到。現在派員迎解。到日會同遵旨辦理等語。萬人鳳係應行正法之犯。乃因離省較遠。尚未解到。自應催令迅速解省。明正典刑。至此外到甘未經審擬各犯。內有侵冒銀數在二萬兩以上者。該犯自知賊多罪重。現聞正法有人。或致乘間自戕。或別生計逃遁。頂替殊屬不成事體。著傳諭李侍堯查明案內已到各犯。即應遵照前旨。確覈賊罪。分別定擬具奏。其尚未到甘者。即飛飭各該省解員沿途小心管押。加意防範。速行解赴甘省。隨到隨辦。於年內將此案完結。毋致稽遲。將此由六百里諭令知之。○甲申上御太和殿傳臚。賜中式武舉一甲劉雙黃國

梁黎大剛三人。武進士及第。二甲周鳴皋等五人。武進士出身。三甲劉大任等三十七人。同武進士出身。○命館臣錄存楊維禎正統辨。諭元楊維禎著宋遼金正統辨。大旨以元承宋統。而排斥遼金。其文不見本集。惟陶宗儀輟耕錄載之。今館臣編輯四庫全書。謂其持論紕繆。並輟耕錄內所載者。亦與刪除。且言隋先代周。繼乃平陳。未聞唐宋諸儒。謂隋承陳不承周也。此語似是而非。蓋嘗論之。春秋大一統之義。尊王黜霸。所以立萬世之綱常。使名正言順。出於天命人心之正。紫陽綱目。義在正統。是以始皇之廿六年。秦始繼周。漢始於高帝之五年。而不始於秦降之歲。三國不以魏吳之強。奪漢統之正。春秋之義然也。楊維禎撰三史正統辨。凡二千六百餘言。義本春秋法宗綱目。其欲以元繼南宋為正統。而不及遼金。其論頗正。不得謂之紕繆。夫維禎身為元臣。入明雖不仕。而應明太祖之

召。且上饒歌鼓吹曲。頌美新朝。非利故國。幾於劇秦美新。其進退無據。較之錢謙益。託言不忘故君者。鄙倍尤甚。向屢於詩文中斥之。而維禎正統之辨。則不可以人廢言也。夫正統者。繼前統受新命也。東晉以後。宋齊梁陳。雖江左偏安。而所承者晉之正統。其時若拓跋魏氏。地大勢強。北齊北周繼之。亦較南朝為盛。而中華正統。不得不屬之宋齊梁陳者。其所承之統正也。至隋則平陳以後。混一區宇。始得為大一統。即唐之末季。藩鎮擾亂。自朱溫以訖郭威等。或起自寇竊。或身為叛臣。五十餘年之間。更易數姓。甚且稱臣稱姪於契丹。然中國統緒相承。宋以前。亦不得不以正統屬之梁唐晉漢周也。至於宋南渡後。偏處臨安。其時遼金元相繼起於北邊。奄有河北。宋雖稱姪於金。而其所承者。究仍北宋之正統。遼金不得攘而有之。至元世祖平宋。始有宋統當絕。我統當續之語。則統緒之正。元

世祖已知之稔矣。我

皇祖御批通鑑。及朕向所批通鑑輯覽。俱以此
論定。蓋春秋大義。綱目大法。實萬世不易之
準。我朝為明復仇討賊。定鼎中原。合一海宇。
為自古得天下最正。然朕猶於通鑑輯覽內。
存福王建國之號一年。使其能保守南都。未
嘗不可如南宋之承統。綿延不絕。而奈其當
陽九之運。

天弗與人弗歸。自覆其宗社也。此實大公至正。

天下萬世可以共見共守之論。然館臣之刪
楊維禎正統辨者。其意蓋以金為滿洲。欲令
承遼之統。故曲為之說耳。不知遼金皆自起
北方。本無所承統。非若宋元之相承遞及。為
中華之主也。若以此立論。轉覺狹小。天下萬
世必有起而議之者。是不可以不辨。朕以為
不但輟耕錄中所載楊維禎之正統辨。不必
刪除。即楊維禎文集內。亦當補錄是篇。並將
此論。各載卷首。以昭天命人心之正。以存春

秋綱目之義。特諭。○諭軍機大臣等。步軍統

領衙門奏山西定襄縣民人趙銀鳳呈控智
愈愚等誘伊堂弟趙全鳳賭錢宿娼。控縣反
將伊問擬枷責。並首告該縣浮收社倉穀石。
重懲蠲免錢糧等因。一摺。內稱。去年山西蠲
免錢糧。知縣仍然按照應交銀兩一兩之家。
派交大錢四百九十文。我也交過大錢四百
九十文等語。該省錢糧業經蠲免。該地方官
自當遵照恩旨。令百姓均霑實惠。乃復行科
派。按戶歛錢。如所控情節屬實。則該縣之罪
甚大。即雅德亦有應得之咎。此案犯證俱在
山西。不必解交刑部。山西距直隸甚近。著傳
諭袁守侗帶印前往。或即於巡邊之便就近
馳赴山西。會同雅德徹底查究。袁守侗辦事
向屬認真。自能秉公查訊。其案內犯證及卷
宗。並著袁守侗先行文雅德。令其提解齊集。
俟袁守侗到時。即行會同審辦。所有步軍統
領衙門原摺。著鈔寄袁守侗閱看。將此由五

百里諭令知之。定案即行摺奏。不必來京。○旌表守正被戕山東郟城縣民孟樂得妻呂氏。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百四十二

大清高宗法天隆運至誠先覺體元立極敷文奮武孝慈神聖純皇帝實錄卷之一千一百四十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十六年辛丑十月乙酉。

上御乾清門聽政。○命館臣重訂契丹國志。諭

四庫全書館進呈書內有宋葉隆禮奉勅所

撰契丹國志其說採摘通鑑長編及諸說部

書按年臚載鈔撮成文中間體例混淆書法

訛舛不一而足如書既名契丹國志自應以

遼為主乃卷首年譜既標太祖太宗等帝而

事實內或稱遼帝或稱國主豈非自亂其例

又是書既奉南宋孝宗勅撰而評斷引宋臣

胡安國語稱為胡文定公實失君臣之體甚

至大書遼帝紀元於上。而以宋祖建隆等年號分注於下。尤為紕繆。夫梁唐晉漢周僭亂之主。享國日淺。且或稱臣稱兒稱孫於遼。分注紀元尚可。若北宋則中原一統。豈得以春秋分國之例。概予分注於北遼之下。又引胡安國論斷。以劫迫其父。開門納晉軍之楊承勳。謂變而不失其正。時承勳同父被晉圍。慮禍及身。乃刳其父致被晉戮。而已受晉爵賞。夫大義滅親。父可施之子。子不可施之父。父即背叛。子惟一死以答君親。豈有滅倫背義。尚得謂之變而不失其正。此乃胡安國華夷之見。芥蒂於心。右逆子而亂天經。誠所謂胡說也。其他乖謬種種。難以枚舉。朕詳加披覽。經指駁者數十條。館臣乃請徹出此部書。朕以春秋天子之事。是非萬世之公。昨曾著正統辨論。斷甚明。今契丹國志既有成書。紀載當存其舊。惟體例書法訛謬。於綱目大義有乖者。不可不加釐正。著總纂紀昀等詳加校

勘。依例改纂。其志中之事蹟。如祭用白馬灰牛。禮中枯骨變形視事。及戴野豬頭披皮之事。雖迹涉荒誕。然與詩書所載簡狄吞卵。姜嫄履武。復何以異。蓋神道設教。以溯發祥。古今胥然。義正如此。又何必信遠而疑近乎。其餘遼帝過舉。如母后擅權諸事。足為後世鑑戒者。仍據志直書。一字不可易。該總裁等覆閱進呈。候朕親定。錄入四庫全書。並將此旨書於簡端。以昭綱常名教。大公至正之義。特諭。○又諭。京城廣寧門外普濟堂。冬間貧民較多。所有經費米石。恐不敷用。著加恩將倉內之小米。賞給三百石。以資接濟。○又諭。前經降旨。以內廷阿哥等分封王貝勒貝子公爵。不必由各王貝勒等藍甲內攤給。各按所封品級。添給藍甲一分。但近派王貝勒貝子公等藍甲。現俱多寡不一。相沿已久。無庸更改。嗣後阿哥等分封後。給予藍甲。若不擬定數目。辦理不能畫一。嗣後阿哥等分封時。親

王給藍甲六十分郡王給五十分貝勒給四十分貝子給三十分公給二十分著為令○軍機大臣會同兵部議覆修理左右兩翼前鋒營軍器銀兩請於兵丁每月錢糧內坐扣得旨此項兩翼請修軍器銀兩不必由兵丁錢糧內坐扣著加恩在內庫照原定銀數賞給六萬五千兩交該部妥協修造○以侍講學士劉躍雲為詹事○丙戌

上御懋勤殿勾到江蘇河南情實罪犯停決江

蘇斬犯九人絞犯七人河南斬犯六人絞犯十三人餘一百八十人予勾○諭軍機大臣等據鄂寶奏儀工漫口下注東境以致南陽夏鎮一帶緯道淹漫韓莊八閘雖間有緯路而金門溜急糧船倒放須由月河行走臺莊以南至邳州一帶亦無緯路等語糧艘如此即往來船隻羈阻可知前因安南使臣回國水程應由運河行走即慮及該處恐有阻滯曾降旨詢問國泰嗣據該撫覆奏運河水勢

不甚溜激舟行無阻是以仍令該使臣即由運河前往今聞鄂寶所奏濟寧迤南一帶緯路俱被淹漫行船自不能迅速該使臣自八月十六日起身後距今已及兩月現在曾否出山東境抑尚阻滯運河之處何以未據國泰奏報著即查明覆奏並諭沿途各督撫於該使臣船隻過境及有無阻滯之處隨時具奏將此由五百里各傳諭知之○以大理寺少卿肅普洞阿為太常寺卿○撫卹直隸滄

州鹽山慶雲青縣西州縣嚴鎮興國富國豐財四場本年被水災民竈戶○旌表守正被戕福建平和縣民楊旺聘妻廖氏○丁亥諭據駐劄哈密辦事大臣佛德哈靖阿奏查出冒賑案内之哈密通判經方將庫項二萬三千餘兩用去無存訊據供稱在省還債使用及不肖家奴書役花費等語經方於冒賑之外復敢將領存貯庫正項盡行侵用非尋常虧空那移可比佛德等近在同城豈無聞見

乃直至此時查辦。始行和盤托出。平日所司何事。佛德哈靖阿。即著革去職銜。以示懲儆。○又諭。昨閱綽克托復興審擬德風烏什哈達互控一案。所辦究屬含混。德風非烏什哈達可比。德風係進士出身。由司員擢用侍郎。旋因私委知縣修理盛京官署革職。復經特恩賞給三品職銜。發往和闐効力贖罪。伊尚不自知已過。將回民偷賣玉石交出五百有餘騰格錢。私自那用。修理衙署等項。又因與烏什哈達不睦。挾嫌編造款蹟控告。綽克托復興將德風擬絞。雖不為過甚。然其事尚不至如高樸私賣玉石肥己。即於該處正法示衆也。已降旨交軍機大臣議奏。但此事究係誰先起意。綽克托復興摺內並未聲明。著速將前後根由查明。或係德風先控烏什哈達先控之處。即行奏聞。○又諭曰。索諾木策凌奏稱。現今查出流民私墾地畝。酌定租銀。併定旗倉納米數目。此內如有畏賦重不肯承

種。仍回原籍者。將地交旗人耕種。照紅冊地畝例納米。仍嚴飭民間永遠不准私墾官地。如旗人不種。又暗令民人耕種取租者。除一併照例治罪外。仍將地徹回入官等語。索諾木策凌所辦尚是。已交部議矣。盛京吉林二處流民私墾地畝。辦理錢糧事屬一體。昨和隆武奏稱。應納地丁錢糧十三戶居民。俱棄地逃走。不知去向。和隆武所辦。如果人心悅服。何至逃走不知去向乎。又稱。仍將地收回。著窮苦滿洲耕種。如再有逃者。亦照此辦理等語。甚屬糊塗。不知事體輕重。奸民欲隨意耕種。則令其耕種。如不遂意。則任其逃避。有是理乎。且所遺地畝。令滿洲耕種。滿洲慵懶不種。此項奸民仍然潛回。給與微末租價。仍得耕種。於滿洲何益。和隆武若俱照索諾木策凌辦理。自能妥協。伊即糊塗不能辦事。豈亦不能做效他人乎。著傳諭和隆武。接奉此旨後。將究竟如何辦理之處。速行奏聞。併將

索諾木策凌奏摺鈔寄閱看。○諭軍機大臣等。據佛德等奏。查辦冒賑之哈密通判經方。任所帑財。查出該員經營應存庫項銀二萬三千餘兩。用去無存。非尋常虧空。那移者可比。不可不徹底嚴查。另案專辦。該員現在解赴蘭州審訊。著傳諭李侍堯。即親提該犯。用刑嚴鞫。何以侵用官項至如許之多。將來定案時。又當以侵盜庫銀為重。不得歸入冒賑各犯案內。僅按銀數多寡。為定罪之輕重也。至此項庫存銀兩。該員使用無存。佛德、哈靖、阿。近在同城。豈無見聞。乃直至此時查辦。始行和盤托出。平日所司何事。佛德、哈靖、阿。即著革去職銜。其經方侵用之庫項二萬三千餘兩。並令伊兩人照數分賠。至奎林曾任烏嚕木齊都統。所有各屬員經營之項。尤應留心稽查。乃一任劣員侵用花消。全無覺察。其不是更大。並著奎林仍將此項銀兩。照數賠繳。其該管之道府。並著李侍堯查明。令其一

併賠繳。以示懲儆。嗣後新疆各處所有錢糧庫項。除本管該都統應行實力查驗。不得僅以道府盤查結報塞責。其有侵那虧缺等弊。惟該都統是問外。其駐劄同城之辦事大員。並著一體稽查。毋分畛域。其餘新疆凡有文職經營倉庫者。其同城辦事大員。俱著照此一體辦理。以專責成。將此由五百里傳諭李侍堯。並諭奎林等知之。○加賑直隸天津、靜海二縣。本年被水災民。○戊子。上御懋勤殿。勾到山東、山西情實罪犯。停決山東斬犯八人。絞犯四人。山西斬犯十一人。絞犯三人。餘二百十六人予勾。○諭軍機大臣等。昨據佛德等奏。哈密通判經方。侵用庫項銀二萬三千餘兩。情罪實為重大。該犯現已到甘。著傳諭李侍堯。一面將該犯冒賑虧空各款。查訊明確具奏。一面即速派妥委員。將該犯押解來京。交部嚴行審訊。並飭令解員沿途小心管押。毋得稍有疎虞。將此由五百

里諭令知之。○賑卹河南祥符陳留杞縣儀封。榮澤考城。淮寧西華商水項城沈邱太康。扶溝等十三縣。本年被水災民。並予緩徵。○己丑。諭軍機大臣等。阿桂等奏。初十十一等日。因壩工口門收窄。溜勢湍激。跌過二壩大壩。轉向口門兩旁。沿壩根跌深三丈有餘。至十二日。陡陷三十丈五尺。現在趕做裏頭。護住壩身。又搶下護埽。不使再有刷塌等語。此亦無可如何之事。惟當盡人力以聽

天佑

神助。已於摺內批示矣。至現在大溜轉向口門兩旁。沿壩根跌深陡坎。是大溜之勢。似與正口門已分作兩股。於堵築機宜。轉似易於得力。阿桂等。惟有督飭在工員弁。多備料物。竭力搶護。趕緊進埽。抵禦溜勢。使口門漸就窄小。剋日合龍。仍當籌辦堅實。加意慎重。以期鞏固無虞。至此。次整陷之處。究係在挑水壩之東。抑在挑水壩之西。如在壩東。辦理尤

易得手。摺內未經敘明。著即將現在壩工情形。繪圖貼說呈覽。朕屢注要工。無時或釋。想阿桂等目擊情形。自深焦急。必能仰體朕意。極力籌辦萬全。速期蒞事也。將此由六百里傳諭知之。○又諭據巴延三奏。本年九月內。有不識姓名人。赴轅遞呈。經役攔阻。即用刀自刎。查驗身懷呈詞一紙。係廣西獐民覃老貴。為伊父覃必俊。因代寫飭禁夫役碑文。書役挾仇慫恿。疊受該縣杖責身死。赴總督衙門申訴等情一摺。看來此案覃老貴之父覃必俊。實有被誣冤抑受傷身死一事。覃老貴因伊父受屈杖斃。赴轅控告。又被衙役攔阻。含冤莫訴。是以情急自戕。如果覃老貴誣告傾陷。是其意尚思翻案。圖占便宜。何肯自戕其命。此事已延三視為尋常案件。僅委廣西按察使轉飭平樂府知府查辦。仍不免迴護瞻徇之弊。殊屬非是。已延三著傳旨申飭。此案著交姚成烈。即就近親提犯證到省。將修

仁縣知縣台霖布。即行解任。確切根究。據實審斷。如果台霖布有挾嫌故勘。酷刑斃命情節。則該縣草菅人命。即應問擬抵償。以為州縣官濫刑斃命者戒。至姚成烈從前辦理此案。不過失於覺察處分。若此次特旨交辦。又不能確究實情。仍復稍存迴護。及有瞻徇屬員之見。以致案情疑竇。不實不盡。或別經發覺。提解刑部審訊得實。恐姚成烈不能當其罪也。朕辦理庶事。從不稍存成見。而人命所關。即匹夫匹婦。亦不使少有冤抑。姚成烈尤當仰體此意。將此由四百里各傳諭知之。○旌以山東按察使葉佩蓀為湖南布政使。○旌表守正捐軀四川梓潼縣民張廷才妻冉氏。○庚寅。

上御懋勤殿。勾到直隸情實罪犯。停決斬犯四人。絞犯十五人。餘一百五十七人予勾。○諭曰。德保等奏。據吏部咨查此次引見之贊禮郎各員。不由揀選。即行補缺。又尚未甄別。及

未滿年限之員。均屬與例不符。摺內並未詳細聲敘。實屬疎漏。請將堂司各官。交部分別議處等語。贊禮郎出缺。定例應將學習與新挑人員。一體揀選引見。乃該寺每藉詞諳習典禮。專用本寺學習人員。皆其兄弟子姪也。如果所選人員。禮儀嫻熟。聲音洪亮。尚可稱職。而近來贊禮之員。又往往不及從前。該堂官等之意。總不過以此項人員。一經補用後。即可為外任同知通判之地。此等陋習。朕所深知。除此次業經引見之贊禮郎二員。俟三年後。方准食俸外。所有太常寺堂官。著交部嚴加議處。其承辦司員。亦著一併交部察議。○諭軍機大臣等。昨據巴延三奏。廣西獐民覃老貴為伊父覃必俊。受屈杖斃。赴轅控告。被役攔阻。用刀自刎一案。巴延三視為尋常案件。僅委員查辦。且不免有迴護瞻徇之意。殊屬非是。業經傳旨申飭。並專交姚成烈。將修仁縣知縣台霖布解任。親提案內犯證。秉

公嚴審確情具奏矣。此案覃老貴因伊父負冤杖斃。赴轅申訴。巴延三自應即時收閱呈詞。親提按問。使小民冤抑得伸。方不負封疆大員察吏安民之任。乃藉稱衙門封閉。必待放告日期。始收呈狀。其中軍官等所司何事。一任衙役攔阻。以致覃老貴含冤莫訴。情急自戕。巴延三又並不據實將中軍等叅處。試思總督衙門。與朝廷體制。孰為尊嚴。朕辦理庶政。孜孜不倦。凡有封章奏達。令奏事處隨時呈進批閱。從未有敢於遲壓勒阻者。今巴延三以人命重案。必令按照放告日期。方准呈遞。則平日之養尊處優。不以事為事可知。巴延三係朕加恩擢用總督。乃致廢弛貽誤。玩視民命若此。伊試捫心自問。何以自安。著傳旨令其自行議罪。迅速奏聞。將此由五百里傳諭知之。尋奏督撫衙門。每日接收公文呈狀。俱係中軍巡捕傳稟。九月初九日清晨。覃老貴在衙署外遞呈。中軍米自仁等尚未

至署。迨覃老貴自刎後。該中軍等始到。臣既不能先事豫防。又不即時叅奏。請交部嚴加議處。除巡捕衙役分別治罪外。署臣標中軍廣州協副將米自仁。應請一併交部嚴加議處。得旨該部嚴察議奏。○又諭據李國梁奏查獲囑匪李老三一名。又盤獲陳添善彭宏富李元得三名。又獲囑匪何文龍郭輔臣石正貴二名。現在移交文員審訊。解交該督撫辦理。并將各犯所供逸匪。逐案移咨該省。一體飭緝務獲等語。此等不法匪徒。成羣結黨。行蹤詭秘。甚屬可惡。屢經降旨嚴密查拿。至今尚未盡獲。皆由文綬平日疎縱釀成。以致紛紛竄入他省。著傳諭舒常鄭大進劉墉。即將各犯嚴行審訊。遵照前旨辦理。至各犯所供逸匪。有經由四川貴州等處。並著福康安李本迅飭各屬一體嚴緝。務期盡獲。毋使一名漏網。必須盡絕根株。不但不可有囑匪之迹。并不可有囑匪之名。將此由六百里各諭

令知之。李國梁摺並著鈔寄閱看。○大學士等議覆各省武職名糧遵旨裁添養廉挑補實額。現查部庫充裕。請不論腹地邊陲通行一律辦理。得旨依議。此次挑補各省名糧。議給武職養廉。經大學士公阿桂奏請除滇黔四川閩廣等省應查明增添兵額。陝甘兩省業經添設滿漢兵外。其餘腹裏省分均可無庸挑補實額。朕意究以多添兵力。不惜經費為是。因交大學士九卿科道詳悉妥議具奏。茲據奏現在統計部庫每年出入大數。約餘銀九百萬兩有零。戶部經理一切裕如。所有各省挑補名糧。議給養廉。請遵照前旨。不論腹地邊陲一律辦理等語。所奏自係經國久遠之計。現令各省督撫將武職名糧逐一查奏。俟到齊時。軍機大臣會同該部悉心妥議酌定章程。奏明遵辦。國家設兵衛民。原應卒伍充實。軍紀嚴明。使各省精兵勁旅。甚布星羅。方足以壯聲威而資防禦。向來各省督撫

提鎮經朕屢加訓飭。至再至三。此次又經挑補名糧。議給養廉。各營兵數既充。訓練更宜實力。所有各省督撫提鎮標兵。務宜勤加操演。使器械進止。一一嫻熟。督撫提鎮果能認真。通省營員自必觀感振作。悉心訓練。一洗從前疲玩之習。即軍裝馬匹等項。軍實所關。亦應隨時修驗。俾各省營伍。壁壘一新。馬步兵丁練習純熟。有勇知方。所謂兵可百年不用。不可一日不備者此也。朕此番整飭後。如仍有將不習兵。兵不賈勇。技藝不熟。器械不精。或經訪聞。或欽差大臣查閱。必將該管之督撫提鎮從重治罪。毋謂朕誠之不早也。將此通諭知之。○吏部議覆雲貴總督福康安等奏請將滇省辦銅出力廠員知縣曹湛賞給同知銜。知州蕭文言賞給知府銜。查該員均有降調處分。應毋庸議。得旨吏部議覆福康安等奏請將辦理廠務最為出力之曹湛蕭文言一員。不准加銜一本。係屬照例議駁。

但念滇省銅務關係緊要。近年福康安督率辦理稍有起色。庚子銅運業已掃幫。辛丑京銅亦漸可趨復舊限。是即該督等督率廠員實力辦理之效。茲既據奏稱該員等任事勇往。獲銅豐旺。自應量加獎勵。並非因福康安陳奏破格施恩。況福康安現已調任四川。尤當令各廠員知所感奮。所有曹湛蕭文言俱著照該督等所請。分別加銜。其曹湛一員並准其以同知酌量補用。俟接辦有人。再行送部引見。○以直隸清河道梁肯堂為山東按察使。○賑卹湖北江夏武昌漢川黃坡孝感雲夢應城應山鍾祥潛江天門荊門江陵監利沔陽并荊州荊左等十七州縣。本年水旱災民並予緩徵。○辛卯山東巡撫國泰奏遵旨審辦陽穀縣刁民聚眾一案。其情罪相等者。均請王命。先行正法。並訊元冠軍取名之意。據陳佑人等供。因其習武故名冠軍。別無不法情弊。至該縣派夫冊簿。原係遵照辦

理實無不均。薛滋等聚眾滋事。該縣當場拏獲呂付庭。究獲餘犯。洵屬能事。應遵旨送部引見。報聞。○壬辰

上御懋勤殿。勾到朝審情實罪犯。停法官犯斬犯六人。絞犯八人。常犯斬犯十三人。絞犯十六人。餘二十人予勾。○以輔國公宗室永琨為正白旗蒙古副都統。○癸巳。諭據李侍堯查奏甘肅西寧鎮缺馬扣銀。并自製軍裝兩案。已交軍機大臣會同該部查奏矣。至所奏該署總兵紹涵不能實心督辦。藉詞製補軍裝。開銷浮冒。又挑慶寧生馬匹。西寧一鎮額馬不敷。以銀折馬。那移捏報。弊竇叢生。請將原任永固協副將署西寧鎮總兵紹涵革職。解甘質審等語。紹涵著革職。解往甘省。交李侍堯確實審辦。○諭軍機大臣等。昨據阿桂等奏。連日因壩工口門收窄。溜勢湍激。致壩身陡臨三十丈五尺。現在趕做裹頭護住。又搶下護埽。不使再有刷塌等語。大溜形勢與

正口門分為兩股。於堵築機宜。似轉易於得力。業經傳諭阿桂等。令其將現在壩工墊陷情形。繪圖貼說具奏。迄今又逾數日。其鑲築進埽。又有幾分工程。約於何日可以合龍。朕屢念要工。無時或釋。阿桂等務期督飭在工員弁。星夜趕緊辦理。佇望堵合喜音之至。所有賞給阿桂鹿肉。並著一併發去。將此由六百里傳諭知之。○又諭據金簡奏。現在各省增設額兵。多寡不一。若分布各營。其勢散。其力亦單。請於督撫所駐省會。將此項增添之兵。歸隸督撫本營。以資彈壓一摺。又本日召見大學士英廉。亦據奏稱。各省安設兵數。皆散於差遣分防。而存城之兵甚少。將來添兵後。似當分別訓練。差防為二項。差防之兵。除供差遣外。有暇各就本處操演。訓練之兵。屯駐城營。飭令演習兵器。不派差防之事。如此則省會有實存之兵。有事則一呼而集。平時亦足壯軍聲等語。伊二人所奏。皆為簡練軍

實起見。但各省統轄營汛地方。廣狹遠近不同。卡撥多寡。亦復不齊。添兵增額。在省會之地。自當多為屯聚。以壯聲勢。而其餘各營汛。亦有巡防盜賊。牧寧地方之責。若一例將所添兵數。歸隸督撫本標。駐劄省城。則汎廣兵單之處。仍不敷巡緝守禦。且兵丁訓練。差防二項。是否可以分別駐守。以收實效。著傳諭各督撫。將各該省地方營伍實在情形。應如何酌劑分撥。使督撫提鎮本標各有嫻習。勤恭隨時操演。仍不致有誤差防之處。悉心妥議具奏。俟各省奏齊時。候朕再行酌量降旨。將此由四百里各諭令知之。○賑卹安徽靈璧宿州。泗州。鳳陽。五河。壽州。鳳臺。懷遠。盱眙。懷寧。太湖。宿松。望江。東流。定遠。天長。滁州。全椒。來安。並泗州。鳳陽。長淮。安慶。滁州等衛。三十四州縣衛。本年水旱災民。並分別蠲緩額賦有差。○甲午。諭曰。羅布藏之子。僅存桑濟扎勒一人。著協辦昭烏達盟長事務。○又諭

曰。教漢貝子垂濟扎勒。在內廷行走多年。今聞遠逝。朕甚憫惻。著加恩賞銀二百兩。辦理喪事。○諭軍機大臣等。據國泰覆奏安南國使臣水程行走情形一摺。內稱。本年回空糧艘七十五幫。現於十月初十日。已出東境二十餘幫。共計漕船一千一百五十三隻等語。回空糧船。共七十餘幫。今出境者。止二十餘幫。是尚有五十餘幫。未出東境。此時已屆嚴冬。若行走再有遲滯。將來守凍難行。必致貽

誤漕務。關係甚重。著傳諭國泰。迅飭文武員弁。沿途嚴行催趲。務令回空糧艘銜尾穩妥進行。即日盡數出境。及早渡黃。毋得任其遲延。致貽冬兌。冬開日期。重運開幫。尤須嚴飭員弁等。督押小心行走。以期保重。並著各督撫。迅速派委幹員。沿途迎赴催趲。無誤。將此由六百里各諭令知之。仍著即行覆奏。○吏部議准。廣西布政使朱椿奏稱。向例州縣缺出。正印之員。准於州同。州判。府經歷。縣丞內。暫

行委署。但必已補實缺方可委用。若初到試用佐貳人員。本任是否稱職。尚須察看。遽署正印。保無竭蹶。況試用人員。無論正印佐貳。向例到省一年後。方准題咨補缺。即調署人員。必本任已滿三年。方准調署。若試用佐貳。即署正印。實屬過優。請嗣後州縣缺出。正印之員。祇准將已經補缺之佐貳。遴委。其試用初到人員。概不准委。應如所請。通飭各省督撫照辦。從之。○以廣東惠州協副將達福。為

甘肅涼州鎮總兵。直隸山永協副將任學周。為甘肅肅州鎮總兵。○移廣西上林縣思吉鎮巡檢。駐周安鎮。並鑄給印信。從布政使朱椿請。也。○乙未。諭軍機大臣等。據黃模奏。擊獲咽喉曾老巖。曾老二。二犯。審訊供詞。該犯等糾集多人。屢次搶劫。內並有頭目名色。現咨明撫臣劉墉。將獲犯曾老二等。審辦等語。該犯等夥結匪黨。搶奪多案。自應從重辦理。以懲元頑。著傳諭舒常。劉墉。即行嚴訊實情。

根究影黨踪跡。一面遵照前降諭旨辦理。一
面具奏。其供出夥匪。務即嚴飭各屬。實力查
拏。並咨明鄰近各省。將該犯所供各犯逃逸
之處。一體飭屬嚴緝務獲。毋使漏網。將此由
六百里傳諭舒常劉墉並諭黃模知之。所有
黃模奏到原摺。並著鈔寄舒常等閱看。○又
諭據富勒渾奏。新蔡縣監生李釗。包侵河工
夫價。聚眾抗官一案。實屬奇事。李釗係屬監
生。膽敢將應徵夫價。私自包收。抗不交納。李
釗之姪李芳遠。李芳聲。又敢糾約多人。執持
器械。趕至城下。放鎗喧鬧。此非造反而何。且
火器久經嚴禁。此從何處得來。肆行不法。可
惡已極。非尋常抗官違誤者可比。富勒渾現
在馳往該處。即督同臬司王站桂。及文武員
弁。將案內人犯。迅速查拏。毋使一名漏網。至
此案首犯。即應凌遲處死。其隨從各犯。既經
放鎗。欲圖進城。劫犯情罪重大。亦應於拏獲
審明後。將應行正法者。即行正法示衆。不得

稍存姑息。至典史陳玉。當將首犯李釗收禁。
率領兵丁民壯。用鎗打退惡匪。尚屬能事。著
於查拏事竣之後。送部引見。再該縣有無縣
丞在城駐劄。曾否在事出力之處。並著富勒
渾查明具奏。將此由六百里發往。並諭阿桂
知之。尋奏。新蔡縣並無縣丞。典史陳玉。往拏
李釗。外委金國安同去。及黨惡到城放鎗時。
亦係典史外委。同教官王之璧等。率領兵役
守護金國安。請與陳玉一體送部引見。得旨。
覽。又批。是。○丙申。命皇子等編輯明臣奏議。
諭。歷代名臣奏疏。向有流傳選刻之本。四庫
全書內。亦經館臣編次進呈。其中危言讜論。
關係前代得失者。固可援為法戒。因思勝國
去今尤近。三百年中。蓋臣傑士。風節偉著者。
實不乏人。跡其規陳治亂。抗疏批鱗。當亦不
亞漢唐宋元諸臣。而奏疏未有專本。使當年
繩愆糾謬。忠君愛國之忱。後世無由想見。誠
闕典也。即或其人品詎未醇。而其言一事。陳

一弊。切中利病。有裨時政者。亦不可以人廢言。至神宗以後。諸臣奏疏內。有因遼瀋用兵。涉及本朝之處。彼時主闇政昏。太阿倒置。閹人竊柄。權倖滿朝。以致舉錯失當。賞罰不明。其君綴旒於上。竟置國是若罔聞。遂至流寇四起。兵潰餉絕。種種執政。指不勝數。若楊漣。左光斗。熊廷弼。諸人。或折衝疆場。或正色立朝。俱能慷慨建議。剴切敷陳。設明之君。果能採而用之。猶不致敗亡。若是之極。其事距今百十餘年。殷鑒不遠。尤當引為炯戒。則諸人奏疏。不可不亟為輯錄也。除明史本傳外。所有入四庫全書諸人文集。均當廣為蒐採。裒集成編。即有違礙字句。祇須畧為節潤。仍將全文錄入。不可刪改。此事關係明季之所以亡。與我朝之所以興。敬怠之分。天人之際。不可不深思遠慮。觸目警心。著派諸皇子。同總師傅蔡新等。為總裁。其皇孫。皇曾孫之師傅翰林等。即著為纂修。校錄。陸續進

呈。候朕親裁。書成後。即交武英殿刊刻。仍鈔入四庫全書。將此旨冠於簡端。所有前次紀昀等選出神宗以後各奏疏。即著歸入此書。按其朝代。一體編纂。特諭。○又諭。向來宗室人員。既不分用各部院。又不便簡用外省道府。其宗人府理事等官。保送御史。止有二缺。轉科後遺缺。仍用八旗滿洲人員。陞途未免稍狹。現在宗室蕃衍。其中不少可用之才。所有宗室御史。著於原定二缺之外。俟有滿洲御史缺出時。再行添用宗室二員。前連四員。作為額缺。如有遺轉科員者。其御史員缺。仍以宗室人員補放。至陵寢辦事衙門司員。俱屬宗室。貝勒公等管轄。與部院司員有間。嗣後遇有陵寢辦事衙門司員。亦可酌改宗室數員。其如何分別補用。應改若干員缺之處。著宗人府會同該部詳悉妥議。具奏。尋議宗室御史。向祇二缺。今遵旨再添二缺。請嗣後遇有滿洲

御史缺出。吏部行知宗人府。由宗室應陞人員內。揀選引見補放二員。至

陵寢司員計三十二缺。請照御史二十八缺。用

宗室四員之數酌改五缺。將

東陵郎中一員外郎一主事一。

泰陵員外郎主事各一。定為宗室額缺。現在郎

中。由宗人府於副理事官內。揀選陞用。員外

郎。於經歷主事內。揀選陞用。主事。於兩翼宗

學總管副管宗人府筆帖式內。揀選陞用。俟

陸續缺出。吏部行文宗人府。分別辦理。至此

次補放後。再遇

陵寢宗室郎中缺出。以員外郎陞補。員外郎缺

出。即以主事陞補。主事缺出。即於兩翼宗學

總管副管宗人府筆帖式內。揀選補放。其郎

中員外郎六年期滿。由管理

陵寢貝子公等。出具考語。咨宗人府帶領引見。

以京缺理事官副理事官調補。或俟

陵寢總管缺出。該管貝子公等。出具考語。送京

帶領引見陞用。從之。○旌表守正捐軀直隸

曲陽縣民商保存妻焦氏。○丁酉。諭曰。劉天

成奏請嚴浮費之禁。以裕民生。一摺。其意在

於去奢崇儉。返樸還淳。言之亦覺動聽。而行

之實有所難。如摺內所稱。居樓園館。一日輒

耗數日之需。浪子酒徒。一人每兼數人之用。

甚至齊民婦女。宦家奴隸。僭肆奢華。妄誇文

繡等語。未嘗非真實情事。但此等風俗。積漸

使然。國家承平百有餘年。生齒日繁。京師為

萬方輻輳之地。各省自治。與夫蘇杭漢口香

山。大馬頭之類。百姓耳濡目染。非鄉隅偏僻

可比。由儉入奢。勢使然也。若如所言。即京城

言之。朕何難飭令步軍統領衙門。及巡城御

史。轉飭司坊各官。將茶坊酒肆。一切花費錢

財之地。盡行封閉飭禁。其有僭越定制。妄事

侈靡者。訪拏究處。即外省大市鎮各處。亦可

俾各督撫實力查禁。當此政治嚴肅之時。何

慮不令行禁止。然朕既不能道德齊禮。以成

丕變之休即不得已而齊以政刑亦當務其大者。倘以閭閻浮費之故輒繩以國法輕則不足示懲。不過陽奉陰違。重則未免已甚。朕不為己甚也。是使民未蒙崇儉之益而先受滋擾之紛。亦豈政體所宜。况每歲秋審謀故殺人犯已不勝誅。豈能將侈肆越禮之人復一一繩以三尺乎。此時朕非不能辦。實不忍辦。亦不必辦也。且其事亦多有不便於民者。即以官員服色而論。從前康熙雍正及乾隆

清實錄卷一百一十一

七

初年間屢經臣工條奏然行之究無實效如繡蟒一項若概不許服用試必將舊有者藏之篋笥而令其另置織蟒服用爭購居奇轉滋耗費。自不若任其穿用之為便也。夫淳樸難復。古道不行。如三代井田之法豈非王政之善。當時所謂八家同養公田公事畢然後敢治私事。此亦宜於古而不宜於今。近世人情日薄。誰肯先公後私。即均田亦稱善政。窮儒往往希此以為必應行。而在今日亦斷屬

難行。無論奪富以益貧萬萬不可。即使喪多

益寡而富人之有餘亦終不能補貧人之不

足。勢必致貧者未能富而富者先貧。亦何賴

此調劑為耶。朕宵旰勤求未嘗不欲民風敦

樸。戶有益藏而習俗日趨於華靡。殆非條教

號令所能飭禁。譬如江河之向東誰能障之

使西流耶。亦惟崇儉尚樸。願內外大小臣工

不可不存此心。以期漸就返古還淳。俾四民

知所則效。此則我君臣所當知愧知凜而已。

清實錄卷一百一十一

三

劉天成此奏若以為嘉奏疏則可。若以為目今治世之良法則未然。著發鈔並將此通諭中外知之。○諭軍機大臣等。向例甘肅總督於每年冬季有哈密瓜皮張等貢呈進。因係該處土產。是以照例准收。但本年甘省冒賑案內各犯有為總督勒爾謹代買皮張之語。該犯等為勒爾謹代買皮張斷非俱是呈進之物。但既有此供。轉使侵貪各員得以藉口。嗣後著停其呈進。至哈密本處既有貢瓜足

備賞用。所有甘省呈進金塔寺之瓜亦著一併停止呈進。將此隨奏事之便。諭令知之。○戊戌。

上詣

奉先殿。

壽皇殿行禮。○諭向來各省駐防滿洲已安居百有餘年。京城並無伊等近族。而京城滿洲生齒日繁。若准其進京。無以為生。反為無益。是以概不准其來京。自開闢新疆。分派官兵

寄錄卷一百三十三

三十三

前往駐劄以來。在京滿洲陸續駐防各省者甚多。此內亦有派往駐防時。因子弟在京當差。仍留在京者。如伊等在駐防處年老退休。並無依倚之人。即不免失所。朕心深為不忍。嗣後各省新派駐防人員內。如有年老退休。實無依倚之人。京中尚有子嗣。意欲就養者。著該處將軍等查明。令其回京就養。但一概由官辦理回京。則不願在彼之人。不無藉端。皆欲回京。反非朕愛惜旗人之意。其年老退

寄錄卷一百三十三

三十三

休欲回京就養者。著令自備資斧來京。不必由官辦理。著為令。現在涼州年老休致協領惠德。彼處並無依倚之人。既據該旗具奏。伊子三等侍衛廣泰。贊禮郎隆泰。現在京城。惠德即照新例。自備資斧來京。令伊子養贍。○又諭曰。科爾沁土謝圖親王喇什納木扎勒。正在壯年。茲聞溘逝。深為憫惻。著加恩賞銀五百兩。辦理喪事。○又諭。昨因教漢貝子羅布藏錫喇布病故。朕心至今為之悼惜。但其貝子之爵。並非世襲罔替。原因伊以協理台吉。在內廷行走有年。陸續加恩晉封。與軍功受封者不同。若仍令承襲台吉。朕心亦有所不忍。現在其子納木扎勒多爾濟。已經七歲。著加恩降一等承襲鎮國公。再羅布藏錫喇布之養子二等台吉衮楚克雅喇木丕勒。經伊撫養多年。若不稍加恩施。亦非朕惠愛羅布藏錫喇布之意。衮楚克雅喇木丕勒。著加恩陞授一等台吉。○是月。直隸總督袁守侗

奏保定省城寶直局鼓鑄錢文。前准部議。將保定天津二營兵餉。長年按季以一成搭放。茲查司庫現存錢文。及本年局鑄。最為充裕。請將各營冬季兵餉。除保定天津二營。照例遵辦外。餘營概以一成搭放。得旨。如所議行。

○署福建巡撫楊魁奏。閩省各營輪撥過臺兵丁。眷口仍留內地。每年按名各給眷米。又添補福州興化廈門南澳各府廳暨閩縣侯官等十四縣兵米二項。共歲需穀八萬一百餘石。向例於臺灣府屬額徵供粟內。運交內地支放。自乾隆四十四年。至今臺地未運穀。計十四萬八千餘石。再前督臣楊景素。以浙省杭嘉等屬。米價昂貴。奏准將閩省近海各縣倉穀。先行招商買運。赴浙糶賣。一面於臺灣府倉撥運歸補。現在亦未運完。查臺灣府知府萬綿前。臺防同知劉亨基。係經手督運之員。現皆俸滿。應請再留臺地。勒限一年。令其督運全完。再回內地。至浙商買穀案內。臺

灣府倉。應補穀石。並臺屬乾隆四十四四十四等年平糶穀。及淡防同知糶變餘剩供粟。均應買補。但同時並買。恐昂穀價。請於歲內先買四萬三千石。餘俟來歲早稻收成後。再行買補。得旨。自當如此知道了。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百四十三

大清高宗法天隆運至誠先覺體元立極敷文奮武孝慈神聖純皇帝實錄卷之一千一百四十四

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄三次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十六年辛丑十一月己亥朔諭戶部

議覆索諾木策凌等奏查丈流民私墾地畝仿照山東科則定賦一摺自應如此辦理流民私墾地畝於該處滿洲生計大有妨礙是以照內地賦則酌增以杜流民占種之弊且微出地畝並可令滿洲耕種不特旗人生計有益並可習種地之勞不忘舊俗原非為加賦起見至吉林與奉天接壤地糧自應畫一今據戶部查奏吉林所定額賦又係照直隸辦理與奉天查照山東科則者互異是和隆

武專似為言利起見殊非均平賦額加惠旗人之意所有吉林地畝錢糧應收賦則著將戶部原摺交和隆武會同索諾木策凌詳悉熟籌酌中畫一定額妥議具奏○諭軍機大臣等前因川省沙金鳳呈控沙金龍霸產一案該省應行解京之犯遲至數月尚未解到總緣文綬平日漫不經心以致各屬玩誤因諭福康安查明實力整頓茲據福康安查明犯證人等起解並遲滯緣由具奏可見文綬在川督任內因循貽誤諸事廢弛罪無可逭文綬前於囑匪一案辦理謬誤未經從重治罪僅令前往伊犁効力贖罪已屬寬典今又查明文綬於解京質審要犯復玩愒若此其種種錯謬試令伊捫心自問豈伊犁効力遂足蔽其辜耶著傳諭李侍堯如文綬此時行抵甘省即著於沿途將此旨發交閱看令其自行議罪據實代為具奏若文綬已過甘肅即著將此旨並福康安原摺寄交伊犁將軍

伊勒圖令其遵照詢問覆奏。將此由五百里傳諭李侍堯知之。福康安奏到原摺。並著鈔寄。○又諭據薩載奏。回空糧艘已入江南境者。現在過行無阻。而前據國泰奏。糧艘七十五幫。已出東境者僅二十餘幫。尚有五十餘幫。未經出境。曾降旨令其嚴行督催。並令各督撫派員迎赴催趲矣。現在節屆冬至。各船停滯東省。守凍難行。及抵次時。恐誤冬開冬免。朕為此事日夜籌畫。因思明年尚屬輪免漕糧之年。即有應行停運之省。著傳諭鄂寶等。即查現在未出東境各幫內。將明歲應行起運之幫。實力嚴催。令其迅速過行。無誤抵次開免。其明年停運之幫。即可令其尾於各幫之後。挨次緩行。再本年各省自應有輪該停運。現泊本省水次之船。何不及早此時交免。催令開行。更與明歲漕運有益。此事關係正供總漕及各省督撫等身任其事。何無一人籌辦及此。必待朕逐一傳詢耶。著傳諭鄂

寶及有漕各督撫。仍著迅速覆奏。○又諭據薩載奏。豫省漫溢之水。經由荆山橋及匯注邳宿運河并駱馬湖內。現在運河水消落一尺四寸。駱馬湖及六塘河各消水一尺九寸等語。豫省漫水入湖下游。既日見消落。與運道災區均為有益。但現在山東運道水勢尚未平減。今駱馬湖六塘河各閘壩開放減洩。已有成效。可否將此兩處再行開放。加展使運河各湖之水。更就消落。以期運道歸槽。民田涸出之處。著傳諭薩載等。即行詳悉妥籌一面辦理。一面覆奏。尋薩載奏。江南邳宿運河及駱馬湖六塘河水已消三尺餘寸。附近微山湖之豐沛等縣并荆山橋河水亦逐日消退。惟山東運道水勢未減。應再將去路展寬分洩。但現接河臣李奉翰札知豫工兩壩加緊接築口門日窄。水勢蓄高。本月初五日後開放引河壩工即可合龍。知會下游防護。是黃水將次下注。水線河及臨黃壩洩水入

黃之路俱應豫籌堵閉毋需再展惟駱馬湖尾間五道引河共寬一百四十餘丈應各再展寬五六丈其順隄河內淤灘處應一併挑深至六塘河東岸之凌溝碎石壩至沙礮河一帶應再疏深並將下游莞瀆等河草壩一體酌量展寬則駱馬湖尾間下注六塘河之水無虞壅積其運河下游楊家莊口門之旁李家莊新運口前遵旨開放宣洩甚暢此時洪澤湖水漸消清口口門業收窄二十丈現飭廳營再為收窄俾湖水由惠濟閘分入淮揚運河以濟回空糧艘得旨覽奏俱悉尋國泰奏東省河湖水勢較前落有尺餘是江南駱馬湖六塘河各閘壩開放之後著有成效微山湖一帶水勢由荆山橋下達甚利今再將駱馬湖六塘河寬展更於運道民生有裨報聞○刑部議奏向例搶奪滿貫及三犯竊盜賊至五十兩以上問擬絞候各犯除情重應擬情實外其餘緩決者經秋朝審一次後

改發新疆查此內搶奪滿貫一項跡近於強情重於竊現在秋朝審內其肆行搶奪者俱已擬入情實即間有情節稍輕者擬以緩決最其所犯究與鼠竊不同若於緩決一次後一例減等發遣無以示區別而儆兇頑請嗣後將搶奪滿貫緩決之犯仍入下年緩決與尋常緩決之犯一體辦理不准遽行發遣從之○庚子諭曰工部尚書周元理勤慎供職宣力有年茲以老病乞休著准其回籍調理並加恩賞給太子少傅銜以示優眷所有工部尚書員缺著羅源漢補授劉墉著補授都察院左都御史仍暫行兼管湖南巡撫事務候朕另降諭旨○諭軍機大臣等據韓鐸奏飭屬查催回空糧艘一摺內稱上年回空尾幫於十一月初八日過濟寧十九日全數出境現在糧艘過濟之期雖較早十餘日而南陽一帶礙緯出境恐其稍遲現委員迎催自可無誤等語前因回空糧艘未出東境者尚

多節經降旨各督撫令其飭屬嚴催小心照料。今據韓鐸奏過濟之期較上年尚早十餘日。是糧船行走尚可。不致遲誤兌期。但摺內所稱南陽一帶礙緯之處。該處情形究竟若何。緯道既稱有礙。自應設法催趲。妥速護送。著傳諭薩載鄂寶韓鐸國泰。迅即查明實在情形。是否不誤開兌之期。並將如何設法辦理之處。迅速據實覆奏。將此由六百里傳諭薩載等。並諭有漕各督撫知之。○又諭。前據國泰奏糧艘出東境者僅二十餘幫。尚有五十餘幫。未經出境。又據薩載奏回空糧艘已入江南境者。現在遄行無阻。昨已降旨令其嚴行督催。並令各督撫派員迫催。并諭鄂寶等。即查明明歲應行起運之幫實力催趲。無誤抵次開兌。但現在節屆冬至。天氣嚴寒。恐致守凍難行。江廣等省回空糧艘俱應於歲內受兌起運。務須於合凍之前全行渡黃。各抵水次。方可不致有誤。著傳諭薩載鄂寶國

泰速將江廣各幫設法催令遄行。不必於輪應停運各幫之後挨次銜尾行走。務飭員弁小心保護前進。及早渡黃。迅速趕赴水次。無誤兌期。著將此由六百里各傳諭知之。仍將如何辦理情形速行覆奏。○又諭。前據富勒渾奏新蔡縣監生李釗包侵河工夫價聚眾抗官一案。肆行不法。可惡已極。非尋常抗官違誤者可比。因降旨令富勒渾督同文武員弁將案內人犯迅速查拏。即將首從各犯分別凌遲斬決。不得姑息。本日據南陽鎮總兵郭元凱奏稱。接據該屬稟報。現即酌帶弁兵前往督率查拏等語。此案人犯情罪重大。自應嚴密查拏。迅速辦理。毋使要犯稍稽顯戮。方足以懲儆兇頑。著傳諭富勒渾即將接奉前旨後如何遵照分別辦理及案內人犯曾否全行拏獲之處。迅速據實覆奏。毋使遲延。將此由五百里諭令知之。○又諭。曰舒常鄭大進奏查出明末人瞿罕所著孝經對問體

孝錄二書語有違悖。係黃梅縣人吳碧峯刊刻自行繳出。並聲明此書係前撫臣陳輝祖景發局員查勘等語。各省查繳違礙各書。自應隨時奏明。今孝經對問體孝錄二書語有違悖。吳碧峯既自行呈繳。陳輝祖於發局查勘之時。何以僅交後任查辦。並不自行具奏。著傳諭陳輝祖。令其據實覆奏。舒常等摺並著鈔寄閱看。尋奏臣前在楚省。查出違礙書集業經奏繳四次。其未閱定者。尚有八百餘種。內孝經對問體孝錄。因發局員校閱未據奏送覆勘。嗣調任河南巡撫。交接任撫臣查辦。是以未及奏明。報聞。○又諭軍機大臣等。查奏原署西寧鎮總兵紹涵革職提督仁和等。借辦軍裝及挑撥馬匹兩案。該二員所供情節。自係一面之辭。難以憑信。除紹涵業經降旨革職。解赴甘省外。仁和已於另案革職。亦著前赴甘省。交李侍堯歸案質訊。以成信。○所有軍機大臣等原摺。著一併鈔寄李侍

堯閱看。○刑部議覆湖北巡撫鄭大進奏。稱曾榮懷因園菜被竊。見徐起才挑菜經過。誣拏至家。私行拷打斃命。請將曾榮懷照捕役誣竊為盜。拷打致死例。擬斬監候。查例載誣指良民為竊。捉拏拷打致死。除實犯死罪外。其餘不分首從。俱發邊遠充軍。又捕役誣竊為盜。拷打致死。照故殺律。擬斬監候。是誣良為竊。與誣竊為盜。各有專條。乃向來各省督撫遇有誣良為竊致死之案。俱引捕役誣竊為盜致死例問擬。不知誣竊為盜。係以輕罪誣為重罪。誣良為竊。係以無罪誣為有罪。若以誣良為竊之案。比照誣竊為盜之例。是以良民等於有罪之人。引用殊為失當。曾榮懷應改依誣良為竊。拷打致死。實犯死罪例。擬斬監候。秋後處決。請嗣後遇有此案。俱照此問擬。不得循舊牽引。並通行各省一體照辦。從之。○辛丑諭軍機大臣等。前於蝗災冒賑案內。降旨將王廷贊等十一犯之子。照王

亶望等之子之例發往伊犁充當苦差嗣又降旨將王亶望之子年十二歲以下者解交刑部監禁俟及歲再行發遣所有王廷贊等十一犯之子自應亦照此辦理本日舒常等奏查抄楊德言之父楊迎鶴任所貲財訊出楊德言有子四人惟長子年十二歲餘俱幼稚現在將伊第三子解甘歸案辦理等語著傳諭李侍堯即將楊德言長子發往伊犁其未及歲之幼子即派員解交刑部監禁其餘

王廷贊等各犯之子俱著照此辦理並諭刑部堂官知之○吏部議覆方畧館進呈遼金元三史告竣請將滿漢纂修各員照例分別議敘得旨呈麟准以在京應陞之缺選用平恕李堯棟黃壽齡准其以應陞之缺開列在前善慶朝樂准其照永樂大典書成之例議敘○壬寅諭據阿桂等奏河標中軍副將李永吉熟諳工作堵築漫口屢經出力請調補徐州左營副將於要工實有裨益等語李永

吉既係河工得力之員著照所請調補徐州左營副將並加恩賞給總兵銜以示獎勵所有江南河標中軍副將著薩載等揀員題補○又諭前因步軍統領衙門添設五營兵丁曾降旨令將八旗漢軍教爾布步甲開散與民人一體挑補但內務府漢軍生齒日繁開散亦多著交步軍統領一併挑補○諭軍機大臣等據薩載奏安南使臣經由宿遷並無阻滯一摺內稱楊家莊口門溜勢亦較前平緩等語從前高晉奏開之李家莊新河原備黃河水勢盛漲可以分途宣洩曾於八月內降旨詢問薩載等豫省北岸漫水分流入運若楊家莊鹽河開兩處漲水有不能容納之勢即開高晉所開之新河亦無不可令該督等隨時酌量奏聞嗣據薩載等覆奏李家莊口門一處俟運中河水勢加長即遵旨開放容再隨時酌量辦理等語其後曾否開放總未奏及今豫省北岸漫工尚未竣事其溢下

之水。究竟形勢若何。其李家莊一處。是否旋經開放。以為分洩漫水之路。何以未據薩載籌及續奏。著傳諭薩載等。即行迅速覆奏。以慰懸注。將此由六百里諭令知之。尋奏九月河水盛漲。業遵旨督飭道廳將李家莊口門開放。運中河下游水勢漸見平緩。得旨覽又批汝以朕為不厯心乎。可謂不體朕意矣。○又諭據富勒渾奏。馳抵新蔡縣。搜拏各犯。現獲徐國臣等四十六名。而要犯李芳遠、李芳聲等。尚未全獲。究訊該犯等之母白氏及犯妻張氏等。據供逃往息縣光州等處。現在飛飭嚴密截拏等語。已於摺內詳悉批示。此等抗官聚眾放鎗攻城之犯。即與反叛無異。前經降旨。將已獲首犯。於審明後。即凌遲處死。其餘在場助勢之人。亦應不分首從。即行正法。李芳遠等正犯。母妻家屬。俱應照謀叛律。於完案時。給付功臣之家為奴。乃富勒渾竟視為尋常犯屬。並未於摺內聲明。將各犯等

眷口嚴行收監。實屬不知事理。輕重。富勒渾著傳旨嚴行申飭。至李芳遠等逃往息縣光州等處。如此光天化日之下。該犯等斷不能竄跡遠颺。若不速行擒獲。富勒渾何以為人。著傳諭該撫督飭文武員弁。飛速查拏到案。毋任久稽。顯戮。並著隣近各省督撫一體飭屬嚴緝。務獲。其豫省現在續獲要犯若干名。即速由驛覆奏。將此由六百里傳諭富勒渾。並諭阿桂知之。○又諭本日據阿桂等奏。豫工兩壩進占情形。內稱壩根溜勢較前頗覺平緩。口門現存寬二十丈。以兩壩間日各進一埽而計。合龍之期。總在十一月十五以前。等語。看來豫工合龍之期。已近。惟亟待喜音。已於摺內批示。阿桂於上年冬底奉差出京。距今已屆一年。將來堵築完竣。善後事宜。係韓鐸本任應辦之事。且現在福隆安因病。予假。阿桂於合龍後。即著回京供職。不必仍留工次。至河南各工段。當豫省下游在在均關

緊要李奉翰亦著於合龍後即回南河本任查勘下游各工妥協經理所有合龍後應辦善後各事宜即著韓鐸詳妥籌辦將此由六百里諭令知之○是日起

上以冬至祀

天於

園丘齋戒三日○癸卯諭軍機大臣等前以哈密通判經方侵用庫項銀二萬三千餘兩非尋常那移虧短者可比降旨令李侍堯一面

查訊一面派員將該犯解交刑部審擬治罪矣本日又據佛德等查奏經方任內尚有司庫領回未入月報銀六萬一千三十餘兩現在庫內無存實係經方虧空等語此事尤可駭異經方以通判微員經手錢糧倉庫輒敢任意侵虧數至八萬餘兩之多實屬目無法紀除該犯到京交刑部嚴切審訊外計該犯此時已到甘肅著傳諭李侍堯即行親提嚴訊將該犯到任以後如何肆意侵吞此項庫

銀作何花費逢迎現在隱寄何處逐一鞠訊取具確供一面具奏仍一面遵照前旨派委妥幹員弁迅速解京勿使稍有疎虞將此由五百里傳諭知之○甲辰

上詣

南郊齋宮齋宿○諭昨閱四庫館進呈書有朱存孝編輯迴文類聚補遺一種內載美人八詠詩詞意嫵狎有乖雅正夫詩以溫柔敦厚為教孔子不刪鄭衛所以示刺示戒也故三百篇之旨一言蔽以無邪即美人香草以喻君子亦當原本風雅歸諸麗則所謂託興遙深語在此而意在彼也自玉臺新詠以後唐人韓偓輩務作綺麗之詞號為香奩體漸入浮靡尤而效之者詩格更為卑下今美人八詠內所列麗華髮等詩毫無寄託輒取俗傳鄙褻之語曲為描寫無論詩固不工即其編造題目不知何所證據朕輯四庫全書當採詩文之有關世道人心者若此等詩句豈可

以體近香奩。概行採錄。所有美人八詠詩。著即行徹出。至此外各種詩集內。有似此者。亦著該總裁督同總校等詳細檢查。一併徹去。以示朕釐正詩體。崇尚雅醇之至意。○又諭據陳輝祖楊魁叅奏臺灣理番同知史崧壽於社番阿眉迭控衙役胡陞等索詐番銀一案。庇役遷延。捏病規避。該道俞成於道廳書差受賄朋比。漫無覺察。且聽捐職書吏陳朝梁把持壟斷。遇事生風。該府萬綿前近在同城。並不舉報。請旨將俞成史崧壽萬綿前分別革審等語。俞成史崧壽萬綿前俱著革職。交該督等分別提集案犯。嚴審定擬具奏。閩省臺灣一府。遠隔重洋。關係緊要。該督撫自宜不時查察。實力整頓。乃富綱前任福建巡撫任內。於此等書吏詐贓滋擾之事。乃至該處道府廳官。通同一氣作弊。富綱豈毫無見聞。直至此時始據後任舉發。又同日據楊魁奏知縣徐曰都奏為幹解犯脫逃一案。又奏

令叅革知府萬綿前同知劉亨基。留臺將積壓未運穀石勒限督運一案。可見閩省諸事廢弛。若此。富綱平日所司何事。著交部嚴加議處。至陳輝祖到閩浙總督之任。已屆一年。雖在浙省辦理塘工。而閩省事務該督亦應查辦。此時必因巡臺御史到彼。恐其查出始行會銜具奏。亦屬不是。陳輝祖並著交部議處。○諭軍機大臣等。據陳輝祖等叅奏臺灣道俞成同知史崧壽縱任書吏婪贓。知府萬綿前並不舉報一案。又據楊魁叅奏長汀縣知縣徐曰都南平縣知縣秦為幹等發差不慎致解審要犯脫逃一案。已明降諭旨。將各該員分別革審。嚴處並將富綱交部嚴加議處矣。富綱前在福建巡撫任內。不過因其為巡撫已年餘。未見其有大過。而又以無人故用為總督。孰知因循疎縱。諸事廢弛。一至於此。今經陳輝祖楊魁節次查明叅奏者。已經數案。殊負朕委任之恩。若早經發覺。不特總

督難以驟遷。即巡撫亦難勝任矣。前於諸羅鳳山兩案。朕未治其罪。從寬交部議處。僅令自行議罪。尚不足以蔽辜。著傳旨富綱。令其再行議罪。據實覆奏。至滇黔地處邊陲。兼以銅鹽諸務。均關緊要。富綱抵任後。若再不實力整頓。痛改前非。仍前玩愒。則是咎由自取。文綬之前車具在。朕必重治其罪。不能復為曲貸矣。將此由五百里諭令知之。○乙巳冬。至祀。

天於

園丘

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵。○遣官祭

孝賢皇后陵

端慧皇太子園寢。○諭本年江蘇徐州府屬沛縣睢寧豐縣銅山邳州宿遷等州縣被災較重。已屢經降旨准撥藩庫糧道庫銀五十萬兩。現又據薩載奏准其於兩淮鹽課應解部銀內再行動撥銀五十萬兩。以資賑卹。第念該處米穀恐尚不敷賑糶。著再加恩於淮徐各屬。本年應行起運漕糧內截留五萬石。以備賑濟平糶之用。該督等務須督飭所屬查明災地情形。分別賑糶。實力妥辦。俾小民口食有資。毋使一夫失所。以副朕軫念災黎至意。該部遵諭速行。○刑部議奏。向例川省囑匪在場市搶刦五人以上。不論得財與否。為首斬決。為從絞監候。拒捕奪犯傷人斬決。梟示在場加功者絞決。未在场者絞監候。

曠野攔搶止二三人者除實犯死罪外未經傷人之犯該徒罪以上不分首從俱發煙瘴充軍近年川省咽喉結黨延蔓多至百十餘人經部議將在场市搶刦之犯為首均改擬凌遲家屬緣坐從犯俱擬斬決惟在野攔搶舊例止載二三人未經傷人該徒罪者發煙瘴充軍其自四五人至八九人十餘人者並無治罪明文是以川省辦理曠野攔搶之案遇有多名但不傷人亦均照二三人例問擬未免法輕易犯請嗣後將在野攔搶未經傷人之案除數在三四人下者照舊辦理外如四五人以上至九人者不分首從改發伊犁給厄魯特為奴均面刺外遣逃脫拏獲即行正法傷人即擬絞監候入秋審情實若十人以上無論傷人與否為首斬立決為從絞監候仍入秋審情實被脅同行者發遣為奴倘有奪犯殺人等事即照場市之例將首夥各犯分別斬梟絞決監候從之○旌表守正捐

軀河南禹州民魏丑妻郭氏○丙午

上幸圓明園○諭曰劉墉已補授左都御史其湖南巡撫員缺李世傑將屆服滿即著前往署理俟服闋再行實授劉墉俟李世傑接任後即行來京供職○諭軍機大臣等姚成烈奏審明上林縣書吏侯玉投遞匿名揭帖誣告本官一摺已批交該部覈擬速奏矣侯玉以書吏膽敢捏造款蹟誣控本官既據該撫查審得實自應將該犯從重定擬以儆刁風即盧經臺呈控李久金與妻覃氏通姦一案該縣陳錫齡延擱不審以致釀命賄和查明屬實但侯玉所控各款全虛自當先就匿名揭帖本案完結且該撫摺內亦知聲敘從前所奉諭旨凡有匿名告官之案先將該犯盡法懲儆外再將所告款內有無虛實另行嚴查按究何此次該撫輒將陳錫齡失察私和命案一併參奏革審况侯玉一犯該撫定擬絞候即入於明年秋審情實予勾而所控之

本官先已革審恐刁惡之徒未免仍以圖陷洩忿為得計。姚成烈辦理此案實未權事理輕重分別後先也。著將此傳諭知之。○豁除甘肅靖遠縣乾隆四十五年分被水衝坍民田八十五頃十畝有奇額賦。○丁未旌表守正捐軀直隸三河縣民李珍妻鞏氏。○戊申命太僕寺卿趙佑提督山東學政。○鑄給福建閩縣五虎門巡檢印信。從巡撫楊魁請也。○己酉諭軍機大臣等民間私鑄烏鎗向有

明禁嗣因口外蒙古地方及內地民人防禦盜賊打取牲畜不能無需用之處是以降旨免其交官銷燬致滋煩擾仍令編立字號以備稽查乃近閱各省招冊及題奏案件常有火器傷人烏鎗拒捕之案皆因各省督撫平日不能飭屬實力查辦即編號稽查出示曉諭亦不過奉行故事致任民間私行製造而不逞之徒得以藉端滋事民間防夜打牲可用器械甚多至烏鎗乃軍行利器若聽其公

然鑄造私用無忌殊非戢暴安良之道著傳諭將軍各省督撫府尹嗣後務須督飭各屬實力嚴查毋許工匠私行鑄造售賣並令道府州縣時於因公巡察之便留心稽察諄切曉諭如有民間私藏者即可隨時繳銷總須不動聲色設法辦理此即不禁而自禁之法也著將此各傳諭知之並將如何設法查辦之處於每歲年終彙奏一次。○又諭曰李侍堯奏查叅革通判經方於庫貯銀兩花費二

萬三千餘兩續准哈密來咨又查出經方任內有司庫領出未入月報各項銀六萬一千餘兩亦俱無存自當徹底嚴查押送赴京辦理等語經方於通判任內膽敢將庫貯銀兩虧空至八萬餘兩又圖思義奏經方虧缺庫項并豆草腳價共十三萬六千餘兩是於李侍堯所奏八萬之外又有數萬兩實堪駭異前經佛德等訊據經方供係在省還債使用等語經方並非滿洲大族向人借貸焉能借

至鉅萬。即自行浪費。亦何至花消如許之多。殊非情理所有。其中必另有隱匿寄頓等弊。著傳諭李侍堯於經方解甘時。先行嚴切究訊。務將如何虧短花費緣由。究明下落。毋使稍有捏飾。一面審明具奏。一面派委妥員。將經方解京訊問。毋致疎虞。再李侍堯定擬離甘各員摺內。佛保一員。誤書佛德。殊為疎忽。已用硃筆點出。著將此一併諭令知之。○以廣東順德協副將唐述先。為廣東碣石鎮總兵。廣東督標中軍副將永安。為湖南鎮草鎮總兵。○庚戌。

上還宮。○諭吏部議處太常寺揀選贊禮郎與例不符。請將滿漢各堂官。分別革任降調。一本向來太常寺揀補鳴贊人員。俱屬滿堂官。為政漢堂官未諳清語。不過隨同畫題。即如此次保送人員。內有扎勒翰之弟。可見此事係滿堂官辦理錯誤。處分自應有別。若衙門別項公事舛錯。則滿漢堂官自應一例議處。

所有此案。德保係兼管之員。著從寬免其革任。仍註冊。扎勒翰。扎郎阿。著照部議降二級調用。其漢堂官倪承寬。戴第元。俱著加恩免其降調。改為降二級留任。○諭軍機大臣等。陳輝祖奏。據淡水同知成履泰詳報。月眉莊民林媽等。於本年四月十二日。入山樵採。誤出界外。突出生番。戕殺男婦二十八人。請將該同知成履泰革職留緝等語。已照所請。批交該部知道矣。此案係本年四月富綱任內之事。臺灣一府。遠隔重洋。非內地可比。遇有此等生番逞兇之案。自應隨時訪聞。即為查辦具奏。昨因富綱在閩年餘。尚無過失。是以陞用雲貴總督。乃自離任後。閩省重案疊出。皆富綱任內應辦不辦者。是其諸事廢弛。已非一日。今陞任總督。真屬倖獲。著再傳諭嚴行申飭。令其明白回奏。至陳輝祖於此案初起時。既據屬員稟報。自當一面奏聞。一面查辦。乃自四月至今。已閱數月。直至楊魁由浙

赴閩時。僅面商查辦。並未具奏。其遷延時日。咎亦難辭。陳輝祖著傳旨一併申飭。○辛亥。聖祖仁皇帝忌辰。遣官祭景陵。○

上詣

奉先殿

壽皇殿行禮。○壬子。

上御乾清門聽政。○諭本年山東章邱長山濟陽臨邑德平樂陵昌邑濰縣嘉祥德州十縣

書錄卷一百四十四

三

衛有曾經被水。旋即消退之處。又鄒縣壽張鉅野鄆城濮州范縣東昌七州縣衛秋禾已收。續被黃水淹浸麥地。雖均勘不成災。但被水貧民生計未免拮据。著加恩將本年應徵糧銀。緩至明歲麥收後輸納。並著該撫查明應行補種麥田。照例酌借籽種。歸入來春借案造報。以示體卹。該部即遵諭行。○又諭現在發往伊犁充當苦差之甘肅犯官王童望等子嗣甚多。皆因其父情罪重大。故將伊等

發往充當苦差。此項人到伊犁後。伊勒圖應即嚴加管束。委派苦差。以彰國憲。倘瞻徇情面。任其置產娶妻。則伊等反得晏然安處。與無罪何異。至其遣發日久。不得歸籍。或妄作詩詞。編造誹言。或不安本分生事。及潛行逃走者。一面奏聞。一面正法。不得稍事姑容。即將來伊勒圖離任。亦當註檔交代。後任再伊勒圖奏摺內。稱領隊大臣那旺在伊犁十餘年。往哈薩克出差最多。人甚明白。請令那旺跟隨那旺學習行走等語。所奏是近因伊犁牧場遺失馬匹。那旺尋蹤直入哈薩克邊卡。捉獲賊匪。甚屬奮勉。是以賞給散秩大臣職銜。曾諭令伊勒圖。遇便遣伊來京。今既有此奏。著嗣後派那旺一切差務時。即令那旺隨同學習。○諭軍機大臣等。據阿桂等奏。本月初八日。大河水勢陡長三尺餘。大溜直撞口門。湧激異常。東壩頭陡墊丈餘。揭去隄上坯。鑲十餘丈。西壩亦復平墊丈餘。現在趕緊加

書錄卷一百四十四

三

鑲俟收拾平整。即行進占等語。此次事屆垂成。復遭蟄陷。誠屬可惜。然亦無可如何之事。已於摺內批示。據阿桂等奏稱。大河水勢於初八日丑刻陡長三尺餘寸。當此水勢洶湧。開放引河。自無他慮。阿桂等何不督飭在工員弁。即將引河開放。俾勢若建瓴。掣動大溜。歸入正河。或可乘此機會。進埽合龍。阿桂等何未見及此耶。此時惟有加意慎重。相機進占。舍此亦別無辦法。其現在走失壩上坯鑲及口門亦僅止十四丈。趨辦尚不甚難。朕盼望要工合龍。每日齋心默禱。以期

天佑

神助。阿桂等在工督辦。想亦益加敬凜。以仰副朕懷。將此由六百里傳諭阿桂等。仍將日內鑲築情形及何日可得合龍喜信之處。迅速覆奏。○癸丑

上詣

雍和宮行禮

大清高宗法天隆運至誠先覺體元立極敷文奮武孝慈神聖純皇帝實錄卷之一千一百四十四

大清高宗法天隆運至誠先覺體元立極敷文奮武孝慈神聖純皇帝實錄卷之一千一百四十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 臣等謹

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級 臣等謹將內大臣戶部尚書錢寶琮滿洲都統軍功紀錄五次

尋常紀錄十四次 臣等謹將經筵講官太子少保工部尚書紀錄六次 臣等謹將尋常

敕修

乾隆四十六年辛丑十一月甲寅

實錄卷一百四十五

上幸瀛臺○遣官祭

先醫之神○諭曰河南新蔡縣奸民李釗等

抗官聚眾不法一案富勒渾接據屬員稟報

即親往該處協同南陽鎮總兵郭元凱派委

員弁分路嚴緝現將首夥各要犯陸續拏獲

並將李釗等二十一犯分別凌遲斬決示衆

餘俟部議定罪富勒渾郭元凱辦理此案頗

為迅速著交部議敘其在事出力人員並著

富勒渾查明具奏一併交部議敘○諭軍機

大臣等本日據富勒渾奏拏獲新蔡縣奸民

李釗等首夥各要犯審明分別凌遲斬決一

摺已批交三法司覈擬速奏富勒渾等辦理

此案尚屬迅速並明降諭旨交部議敘矣至

摺內所稱李芳遠等聞李釗被拏恐其挾仇

誣扳逃赴正陽縣有渡夫王四撐船過渡王

四說不知情請免置議等語王四一犯若止

將李芳遠等載渡尚可量為原宥首夥但案

內戚廣魏老燒等糾眾赴城放鎗奪犯時是

實錄卷一百四十五

否亦過此河若王四彼時將此等斬梟要犯

一併渡過此河則王四自應坐罪不得竟置

不問著富勒渾再行嚴訊該犯確供具奏至

富勒渾奏訊據李芳聲供稱平日與李釗結

訟有嫌恐被誣扳因出躲避李芳遠亦未糾

人刼犯但二犯俱係李釗之姪照大逆緣坐

律問擬斬決等語朕向於緣坐之犯雖經按

律問擬覈其情罪並不知情者俱從寬改為

斬候秋審雖入情實亦不勾決今李芳遠等

二犯雖未糾眾抗官。在場助勢。然事後聞風遠颺。必係該犯等平日與李釗通謀。及事敗露。情虛竄匿。該撫訊供時。致被該犯等狡供。訐訟有嫌。逃避掩飾。止照緣坐問擬。富勒渾此處尚欠周密。雖該撫辦理此案。現已交部議敘。而所訊李芳遠等供情。究未確實。不得明白訓諭。此後辦理諸事。務須加意體察。再案內在事出力人員。已交該撫查明具奏。交部議敘。其協同典史守城之教官王之璧

實錄卷二百五十五

三

等。如李釗之監生。非由生員加捐。即不屬伊所管。著富勒渾一併查明具奏。交部議敘。將此由五百里諭令知之。尋奏提訊王四。據供係汝河南岸張家莊人。汝河在河塢集西南。縣城在河塢集東北。戚廣等住居河塢。係在附近村莊糾人赴城。並不過河。再李釗、李芳遠、李芳聲均非由生員加捐。並不屬教官王之璧等所管。報聞。○乙卯。諭曰。乾清門頭等侍衛明山。著賞給副都統銜。授為領隊大臣。

前往伊犁管理索倫事務。諭軍機大臣等。昨據姚成烈覆奏。撞人覃必俊身死緣由一案。竟係偏聽屬員庇護之詞。不足以成信讞。已經傳諭將修仁縣知縣台霖布解任。並案內犯證解京。交部審訊矣。本日又據姚成烈奏。覃必俊監斃。無可訴之冤。覃老貴自戕。為自作之孽等語。可見該撫審辦此案。專聽屬員一面之詞。跡涉迴護。殊難憑信。著再傳諭。即將該縣台霖布解任。派委妥員。提同案內應審犯證。一併迅速解京。交部審辦。將此由五百里諭令知之。○又諭據明亮及佛德等奏。續行查出哈密通判經方任內虧缺糧石草束。覈計價銀六萬七千餘兩。連前共虧缺庫項十五萬兩有餘等語。經方係一通判微員。竟至侵虧帑項至十五萬餘兩。此事實屬大奇。已於摺內批示。該犯將監守官項。任意盜用。數至十五萬餘兩之多。何以直至此時。始行陸續查出。無論索諾木策凌、奎林。係該

實錄卷二百五十五

四

管都統。平日毫無覺察。所司何事。自應分賠。即佛德哈靖阿。近在同城。豈無見聞。必至查抄。經方任所家財。始行和盤託出。其為有心徇隱。實屬顯然。亦應查明。令伊二人分賠。但查佛德明亮等。前後具奏數目不符。難以辦理。著傳諭李侍堯查明究係實數若干。具奏到日。再令軍機大臣合符銀數。令索諾木策凌等。照股分攤賠繳歸款。以示懲儆。至經方在任五年。如何盜用官項至十五萬餘兩之

實錄卷一百五十五

五

多。並著明亮李侍堯悉心訪查據實具奏。再經方一犯。前已降旨。令李侍堯派委妥員解京審訊。著傳諭該督。如該犯尚未起解。即迅速解京。如已起程。並飛咨沿途督撫。及飭該解員小心管解。務於年內趕到。毋得遲誤。將此由六百里各諭令知之。○又諭。前因各省題奏審辦事件內。常有火器傷人。烏鎗拒捕之案。因諭令各督撫將民間私鑄烏鎗一事。實力查禁。毋許工匠再行鑄造。並曉諭民間

有私藏者。即令隨時繳銷。昨閱袁守侗奏。審擬民人樊瑤。呈控革監王烈父子一案摺內。有村民王文興等。在隄看守。各持烏鎗等械。上前攔阻。致將民人卽見等鎗打受傷之語。可見民間鑄造烏鎗。私行售賣者。不一而足。地方官平日並未留心查察。是以愚民擅用滋事。無所忌憚。著再傳諭各督撫。接奉前降諭旨。務須遵照飭屬嚴密稽查。並須不動聲色。設法妥協辦理。毋得聽任屬員。視為具文。

實錄卷一百五十五

六

奉行塞責也。將此傳諭袁守侗。并令各督撫知之。○山西巡撫雅德奏。晉省水利可資引灌者。計三十八州縣。本年農隙水涸。將一切河渠隄堰。責令地方官查勘。遇有淤塞。一律修濬深通。惟陽曲縣澤家號隄堰殘損。工段綿長。民力難成。請於豫備汾河歲修銀內。動支修理。報聞。○丙辰。

上幸瀛臺。○諭軍機大臣等。哈密通判經方。因冒賑案內查抄任所資財。陸續查出伊經手

庫項虧缺十五萬餘兩。經明亮等恭奏業經降旨令李侍堯派委妥員。將該犯押解來京。本日據李侍堯奏到。該犯已於十一月初八日自甘省起解。著再傳諭沿途各督撫飛飭各站員及甘肅委員俟該犯到境即添派兵役兼程接遞。催償前進。務於月內押解到京。即至遲亦不得過十二月初五之限。將此由六百里傳諭由京至陝西各督撫並諭李侍堯知之。○丁巳諭曰。綿恩之女。指與喇特納

高宗實錄卷二四五

七

錫第之孫滿珠巴咱爾。雖非嫡出。究係朕之曾孫女。著加恩照郡王嫡出女之例。封為多羅格格。滿珠巴咱爾即著封授多羅額駙。戴二品官頂。○又諭兵部辦理軍政遲延。而派出王大臣閱看之日。亦覺太久。至今尚未覆奏。前此每屆軍政。不過數日間。即閱畢覆奏。此次遲延。必係派出之王大臣前往閱看。先後不一。彼此等候。以致耽延時日。王大臣若以奏事帶領引見為詞。任意偷安。全不以事

為事。冬令嚴寒。致使兵丁久候。豈不辛苦。除將此次派出之王大臣交部議處外。嗣後軍政派出閱看之王大臣。著派御史輪流前往。不必干與閱看兵丁之事。唯將王大臣內有無不到遲誤之處稽察。如有竟不前往。以及多次到遲者。即行據實奏聞。○諭軍機大臣等。本日陳輝祖奏到查抄甘省侵冒案內陸瑋等各員家產單內開閔鶚元名下銀三兩。所辦珠有欺飾。無論閔鶚元在甘肅知縣同知任內。侵蝕帑項。盈千累萬。私肥囊橐。計其家貲。必不止此。況伊兄閔鶚元久任巡撫。所得養廉優厚。亦豈肯令其弟貧乏至此。即如陳嚴祖係陳輝祖胞弟。假令其名下存銀亦不過止有數金。為之兄者。竟能坐視乎。此必係承辦查抄委員任其欺隱。隨意開報。陳輝祖亦並不細心查閱。遽爾入告。獨不思此非情理之所有乎。朕於甘肅查抄各員一案。曾降旨令各督撫不必過為苛刻。今閔鶚元之

高宗實錄卷二四五

八

罪並未波及其兄。已屬施恩格外。若任其將閔鶚元應抄財物。混入伊兄閔鶚元名下。以爲隱匿寄頓之地。朕亦不受其欺也。若衆人於閔鶚元有意徇蔽。是速閔鶚元之死矣。陳輝祖豈不意計及此。著傳旨令其明白迴奏。○以理藩院右侍郎復興爲都察院左都御史。鑲紅旗滿洲副都統留保住。爲理藩院右侍郎。○以福建按察使秦承恩。陝西按察使李永慶對調。江蘇按察使塔琦。湖南按察使李

字集卷一百四十五

元

慶榮對調。○賑卹兩淮廟灣餘西餘東三場。本年被潮竈戶。並予緩徵。○戊午。諭軍機大臣等。據劉墉奏。究出割辦囑匪黃勝才等。供稱。川省匪類。各有記號。其割辦夥內。成羣結拜。割下之髮。燒灰入酒共飲。各護各黨。其棚頭因欲出頭露面。故不割辦等語。此等匪徒。竟敢割去髮辮。作爲記號。甚屬可惡。看來川省逸出湖廣境內之賊匪。竟有此記認。今黃勝才等犯。已據劉墉審明正法。恐川省各州

字集卷一百四十五

下

縣似此割辦逃出者。亦復不少。雖從前據福康安奏。川省囑匪從無割辦之事。但楚省獲犯既有此事。則川省亦應嚴密查察。著傳諭福康安密飭各屬。於山谷深僻地方。再行嚴加搜緝。務令此類根株淨絕。毋使稍留餘孽。或致遠颺。方爲盡善。將此由六百里傳諭知之。劉墉摺並著鈔寄閱看。○刑部議覆河南新蔡縣奸民李劍等。應行緣坐家屬。請旨按律問擬。得旨。向來律應緣坐人犯。刑部覈覆具奏時。朕每從寬改爲斬候。即秋審入於情實。亦不予勾。原因此等人犯。本不知情。祇以事發株連。若概予駢誅。殊覺可憫。此法外之仁也。今河南新蔡縣奸民李劍等。聚衆不法。至於放鎗攻城。伊姪李芳遠。李芳聲。若非知情與李劍通謀。何至聞拏逃避。則其與李劍雖有訐訟。而其武斷鄉曲。仍藉李劍之勢也。況近日此等案件。不一而足。安知非奸民犯法。轉因緣坐律輕。不知畏懼。水懦民玩。殊非

辟以止辟之道。李芳遠李芳聲竟照定律。俱著即處斬。至應行緣坐之戚。添章係戚廣義父。雖不行阻首。但不可因其子而並誅其父。戚添章仍著從寬。改為應斬監候。秋後處決。○以烏里雅蘇台將軍奎林為鑲紅旗漢軍都統。○以甘肅鹽法道汪新為湖北按察使。○賑卹甘肅隴西寧夏寧朔平羅等四縣。本年被水災民。○己未。

上幸瀛臺。○調正黃旗蒙古副都統喀寧阿為鑲監旗滿洲副都統。以散秩大臣西明為正黃旗蒙古副都統。○庚申。諭派往伊犁之明山准其攜眷前往。所有應得之項。著照例速行辦給。○諭軍機大臣等。李侍堯奏審訊何汝楠等三犯。分別定擬一摺。已批交軍機大臣會同該部覈擬速奏矣。至其摺內稱。何汝楠以佐雜微員。陞補平番縣時。將侵蝕賑銀。餽送王賈望等盈千累萬。雖係尹嘉銓具詳。而上下串同分肥交結。莫此為甚等語。此處

尚未明晰。何汝楠題陞知縣。既由尹嘉銓具詳。今據稱上下串同分肥交結。則其餽送銀兩。自不止於王賈望一人。或尹嘉銓亦有從中染指之事乎。著傳諭李侍堯再行詳確查訊。何汝楠從前餽送時。尹嘉銓是否知情。有無通同分肥等事。據實具奏。尋奏遵訊。何汝楠據供。由紅水縣丞陞補平番縣知縣。並無餽送尹嘉銓銀兩情事。至任內辦賑時。尹嘉銓已離任。無從分肥染指。報聞。○諭軍機大臣等。昨據陳輝祖奏。查抄閔鶚元原籍財產單內。祇有銀三兩。竟成笑話。明係陳輝祖查辦時。任聽委員欺隱。隨意開報。業經降旨詢問。令其明白回奏矣。閔鶚元係閔鶚元胞弟。如果貧乏。不能自存。閔鶚元豈有坐視之理。且閱本日李侍堯查奏。應革各犯子弟職監單內。閔鶚元之子閔思恒。捐納監生。豈有其家祇存銀三兩。而復有餘財。為伊子捐監之理。甘省冒賑一案。久經發覺。閔鶚元又係案

內之人聞風寄頓。豫為藏匿地步。閱鶚元在江蘇。離伊原籍甚近。亦豈無見聞。乃任其私自隱藏。希圖事後安享。實為利令智昏。此等朦混欺飾伎倆。或試為於漢獻帝明萬歷類之主尚可。欲於朕前嘗試。閱鶚元視朕為何如主耶。著傳諭嚴行申飭。仍令其明白回奏。將此由五百里諭令知之。○辛酉。諭據索守洞奏密雲石匣順義三處城工。現在勘估修整。請發帑銀二十萬兩。以備工用等語。直隸州縣城垣。年久坍塌。自應及時修葺。且該省尚有已修各城。未領工料。均須找發。恐二十萬兩不敷動用。著撥給廣儲司銀四十萬兩。發交該督派員請領。直省如有他處城工應修整者。亦著查明確估。於此項內動支修理。○壬戌。諭曰。伊蘭保著賞給副都統銜。授為領隊大臣。前往伊犁辦事。○癸亥。諭朕恭閱聖祖實錄。從前征討三藩時。効用疆場。功績最著者。如陳福。張勇。趙良棟。王進寶。孫思克等。

忠貞素篤。勇畧兼優。於戎務邊防。皆能殫心盡力。疊膺懋賞。恩渥有加。今歷年久遠。伊等子孫。如陳福之孫陳大用。現已擢任正定總兵。尚可望其及時効用。克繼家聲。至張勇等諸人。其子若孫。現在承襲世爵。及現任職官。並其餘支派子孫。著交該部旗查明具奏。候朕酌量加恩。以示眷念舊勲。賞延於世之意。○又諭朕昨將德風。烏什哈達互控一事。交綽克托。復興審訊。據稱德風以烏什哈達係東三省之人。意存輕視。凡遇一切事務。有意飭駁。而言詞甚厲。以致烏什哈達不能隱忍。互相控揭。德風私動售賣玉石錢文。修理衙署。擬以絞監候。烏什哈達留於邊卡侍衛上。在烏什効力等語。經朕交軍機大臣議覆。依議行矣。此事實屬惡習。德風。烏什哈達同城辦事。何以不能和衷。挾嫌互控。成何事體。深負朕恩。此事究係誰先起意。藉詞妄控。屢降旨令綽克托等確查具奏。今據奏竟係德

風遇一切事務。不肯為烏什哈達稍留地步。以致烏什哈達不能隱忍。始將伊動用賣玉錢文。并風聞數事。開列呈控。新疆大臣若皆如此。又何以集事。且為人臣者。在自己果有才能。而又得幫助辦事之人。彼此和衷。自不致有掣肘。如自己才能不及。尤需幫助有人。何可輕忽相視。任意專擅耶。即如吉林之人。豈非朕之世僕乎。既受朕恩。即屬一體臣僕。同城共事之臣。往往以此生嫌起釁。實屬惡習。不成事體。

皇祖聖祖仁皇帝時。滿洲大臣。即有輕視漢大臣者。今尚無此等習氣。烏什哈達係吉林之人。若果行事不循法紀。德風即應據實奏。乃無故輕視其人。因嫌滋事。甚屬不堪。朕辦理庶務。一秉至公。從不稍為偏倚。此天下所共知者。現在新疆將軍大臣。惟伊勒圖尚無此習。綽克托雖亦諳練。亦不免有此性情。著將此通行傳諭新疆將軍大臣等。辦理諸事。

務須和衷商榷。斷不可以德風輕視烏什哈達為吉林之人。以致滋生事端。又諭本日綽克托等奏摺。由六百里加緊遞到。朕以必係緊要大事。及展閱時。仍係查奏德風烏什哈達控告之事。綽克托乃歷練之人。似此無關緊要事件。徒勞驛站。致煩朕慮。甚屬糊塗。著嚴行申飭。至德風烏什哈達互相控告。究係誰先起意。綽克托復興屢次摺內並未聲明。及朕詢問。始行查奏。係烏什哈達先控德風。而綽克托復興有意袒護德風。希圖息事。是以含混具奏。甚屬不堪。復興亦著嚴行申飭。諭軍機大臣等。昨據阿桂等奏本月十九日。開放引河一招。據稱初開之時。雖未能勢若建瓴。奔騰下注。而流行尚覺暢順。帶溜惟正值雪消。帶有客水。隨即消落一尺。若從此逐漸掣吸。趨瀉湍激。可望有成等語。阿桂等此奏。殊未明晰。且其聲敍。放河掣溜之語。亦少精神。朕心深為懸注。自十九日開放以

後迄今又逾數日。全溜究竟曾否掣動。客水消落尺許之後。曾否復經長發。其下注之勢。水頭奔瀉。約到江南何處地方。現在逐日進埽。柴埽上又用重土追壓。其口門究存若干丈。朕屢念要工。無時或釋。佇俟喜音。日夕懸望。著傳諭阿桂等。即速將現在情形。及何日可以竣事之處。據實由驛即行覆奏。將此由六百里加緊諭令知之。○甲子。諭曰。袁楚克達爾來京。經朕召見。看其人甚糊塗。清語亦

復生疎。不但不勝要缺總兵之任。即內地簡缺總兵。亦不相宜。袁楚克達爾在蘭州拏獲賊匪蘇四十三等妻子。加恩授為西寧總兵。嗣因伊奏摺內清語不通。是以降旨詢問。阿桂李侍堯令將袁楚克達爾能否勝總兵之任。據實具奏。乃伊二人祇奏請令袁楚克達爾赴京。候朕定奪。必以朕已嘉其奮勉。授為總兵。故為此請也。袁楚克達爾在河州堵截北路。並非伊一人領兵成功。特因舊教回子

等平日與蘇四十三結仇怨恨。將其妻子擒獲。而袁楚克達爾承名具奏耳。豈得謂伊一人所獲耶。朕辦理庶務。初無成見。惟秉至公。阿桂等豈不知之。袁楚克達爾殊不稱總兵之職。著作為護軍叅領。將此諭令阿桂李侍堯知之。○諭軍機大臣等。阿桂等奏本月二十三等日。東西兩壩俱各下門埽。水勢平穩。現在晝夜并力鑲築。將引河內地地面稍高。流行未暢之處。派員督率人夫。上緊挑挖。黃

天助

天佑迅速。藏工企望喜音。益切屢念。至阿桂一俟埽工追壓穩固。合龍後。溜勢歸入引河。即遵前旨將善後一切事宜。交韓鐸富勒渾悉心經理。阿桂著即迅速回京供職。福隆安

近因患病乞假。現在需人也。將此由六百里各傳諭知之。○乙丑。

上幸瀛臺。○諭曰。領隊大臣德文。接奉伊到和聞。接任奏摺硃批。並不自行覆奏。呈請復興等代為轉奏。殊屬不曉事體。新疆領隊大臣並非不可專摺奏事。若遇本處公事。理應呈明該統轄之將軍叅贊。聯銜入奏。德文何以將自己摺內所奉硃批。亦呈復興等代奏耶。且朕前因領隊大臣無應奏事件。曾降旨凡遇請安之期。令各專摺具奏。德文豈尚未聞知。著傳旨申飭。並傳諭新疆駐劄之將軍大臣。及復興等知之。○予廣東大鵬營巡洋遇風淹斃兵丁賞卹如例。○旌表守正捐軀浙江慶元縣民李大孫妻吳氏。○丙寅。諭據舒常等奏。甘肅冒賑案內。草職靖遠縣知縣麥桓。由粵解甘。行至湖北黃陂縣境病故等語。麥桓係解甘審辦要犯。中途身死。保無畏罪服毒自盡情弊。不可不嚴行查究。著刑部堂

官。派委能事司員一員。帶領熟諳件作。馳驛前往詳細檢驗。毋得草率了事。○諭軍機大臣等。據舒常等奏。甘省折收監糧冒賑案內。原任靖遠縣知縣麥桓。由粵解甘審辦。行至湖北黃陂縣地方病故一摺。麥桓在甘肅州縣任內。辦災冒賑。且膽敢向王亶望夤緣關說。指缺求官。公行賄賂。其情罪實為重大。伊知到甘審辦。其款蹟盡行敗露。將來定案時。罪在不赦。或有中途服毒畏罪自戕之事。該省解員及經過地方各州縣。官官相護。為之捏飾稟報。均未可定。現今刑部堂官。派委能幹司員一員。帶同件作。馳驛前往檢驗。著傳諭舒常等。俟刑部司員到境時。即交令悉心開棺驗看。如屍身變爛。即蒸檢亦無不可。將此由五百里諭令知之。並傳諭李侍堯將該犯假冒銀數多寡罪名。比較前經定案各犯。應擬何律之處。即行逐一詳晰查明。據實速行覆奏。○丁卯。諭軍機大臣等。劉秉恬奏。接據

安南國王來咨酌擬照會文稿檄飭一摺。所辦是已於摺內批示。安南臣事本朝素稱恭順。該國沿途一帶隘口雖許內地民人往來貿易。但其中難保無匪徒在彼滋擾之處。惟在該督撫隨時嚴飭沿邊鎮將及地方各官留心查察。按驗牌照籍貫毋許游民私越。倘有不安本分之徒潛竄彼境滋事。即嚴拏究辦。自可以綏屬國而靖邊隅。劉秉恬所奏現在飛飭文武各屬巡防偵探。遇有並無牌照竄回游民。即行截拏解省嚴審。所辦甚屬妥協。至其所擬該國照會文稿措詞亦尚屬得體。其中稍有字句應行刪節者。已令軍機大臣酌改發回。該署督即遵照繕寫發往。將此由五百里諭令知之。○又諭四川布政使查禮。朕看其人尚屬老練。雖擢用藩司未久。但伊在川省有年。於地方事務必能熟諳。若用為巡撫。是否可以勝任。著傳諭福康安即將查禮平日辦事如何。及才具果否練達之處。

速行據實密奏。將此由六百里傳諭知之。○戊辰。

上幸瀛臺。○諭本年豫省青龍岡漫口黃水灌入東省湖河。江南之沛縣正當下游。受患較甚。該處城垣經漫水淹浸。不無坍塌。居民避水移徙者。田廬亦間有漂沒。從前已屢經降旨加恩撫卹。現在豫省漫口業經合龍。所有該縣被淹地方。全可涸出。城垣廬舍必須亟為補葺。著於兩淮鹽課內撥給銀五十萬兩。交與薩載將該處城垣修理完整。并查明移徙戶口。設法招徠安撫。酌給寧家繕葺資費。該督務須董飭所屬悉心勘估。實力上緊辦理。以副朕廑念災區惠愛黎元之至意。○諭曰。索守侗現丁母憂。所有直隸總督著鄭大進補授。鄭大進未到之前。著大學士英廉暫行管理。並著即日馳往。不必請訓。又諭曰。阿桂等奏青龍岡漫工。於本月二十四日將兩壩先後下埽。引河流行暢順。於二十六日

辰刻掛纜堵合。天氣清明。人夫踴躍。二十七日午刻追壓到底。金門下業已斷流。大溜全歸引河等語。覽奏深為欣慰。此次青龍岡漫口。於半年中即已堵築完竣。較為迅速。且係北岸。視南岸施工為倍難。今已趨辦厥功。甚屬可嘉。阿桂、韓鐸、李奉翰、富勒渾並著交部議敘。所有在工員弁俱屬奮勉出力。著查明交部一併議敘。至此次要工合龍。固由在事諸臣辦理得宜。而

實錄卷一百五十五

三

河神默助。得以順軌安瀾。自當顯示褒崇。用酬

神佑。並著韓鐸等於該處建造龍王廟。候朕親書扁額。發往懸掛。並將朕御製合龍誌事詩。發刻立碑。以昭靈貺。

御製詩曰。過年飢于屢河工。今歲北開更切忡。搶水引渠相悉慮。昏民墊戶自慙躬。深冬始得合龍告。善後益厘哀雁窮。

天佑心欽敢言報。速因

神助建祠崇。○諭軍機大臣等。本日據阿桂等奏報於本月二十七日合龍一摺。披閱之餘。深為欣慰。現已明降諭旨。將阿桂等交部議敘。其在事出力員弁。一併查明交部議敘矣。阿桂於工所留住兩三日。即當起程來京覆命。李奉翰亦即回南河本任。其善後一切事宜。著韓鐸會同富勒渾悉心籌酌。實力妥辦。務使堵築缺口處所。夯礮堅實。應築隄壩工程。務期鞏固。方為萬妥。至此次合龍後。其

實錄卷一百五十五

高

下游被水之山東江南附近各州縣。從此水漸就涸。災黎可得安居。惟是東省之昭陽、南陽及江南之微山等湖。向來原為蓄水濟運。以利糧艘通行。今合龍後。水無加長。若一任其宣洩無餘。恐於明年重運轉致有礙。著傳諭薩載、國泰相度機宜。酌量常年蓄水尺寸。誌椿。封閉節宣。庶不致將來復有缺水之虞。至山東江南積水。均須迅速順導歸海。以期暢達。俾民田全數涸出。該督等務須速為籌

畫妥協經理。再江南沛縣等處修理城垣。及撫卹各事宜。需用較多。現撥兩淮鹽課銀五十萬兩。交薩載悉心查勘辦理。如尚有不敷。即再行據實奏請。候朕再降諭旨。酌量撥給。著將此由六百里傳諭薩載等。並諭阿桂知之。○是月。直隸總督袁守侗。以親母病故。奏請離任守制。得旨。汝夙孝。但不可毀而致過善守禮而養身。為國良臣。即孝也。○署福建巡撫楊魁奏。閩省倉穀。自乾隆四十二年。至

實錄卷一百五

五

四十五等年。各屬平糶尚未買補者。計十七萬六千五百餘石。本年夏間。各屬平糶倉穀。共二十七萬八千六百餘石。現在晚稻收成。豐稔。自應乘時買補。惟新舊糶穀。為數過多。並買恐妨民食。現通飭各屬。將乾隆四十二。至四十五等年。平糶未買穀。統於冬季全數買補還倉。至本年平糶穀。查明該州縣。如無應買積年平糶額穀者。即於冬季全數買補。如有積年平糶穀。應行買補。而本年又有糶

穀者。飭將積年儘數買完還倉。其本年糶穀。俟來歲早稻收成後再買。得旨嘉獎。

實錄卷一百五

六

大清高宗法天隆運至誠先覺體元立極數文奮武孝慈神聖純皇帝實錄卷之一千一百四十五

大清高宗法天隆運至誠先覺體元立極敷文奮武孝慈神聖純皇帝實錄卷之一千一百四十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑾儀衛滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十六年辛丑十二月己巳朔

上詣

大高殿行禮。○諭軍機大臣等。昨據袁守伺奏。

盤獲黑龍江逃遣李四即李連海一犯。當即

審明正法一摺。朕閱其情節。李連海係刦盜

免死減等發往黑龍江之犯。乃敢於配所乘

間逃逸。情罪較重。因令軍機大臣查該犯脫

逃時。該將軍永瑋並未專摺具奏。僅照尋常

逃犯之例咨明刑部。轉行通緝。所辦非是。著

傳諭永瑋。及各省將軍督撫等。嗣後除尋常

逃犯仍照例咨部外。如遇有此等命盜免死減等人犯。在配脫逃。情罪較重者。即一面飭

屬通緝咨部存案。一面奏聞。○又諭。據富勒

渾奏。續獲要犯並兇徒拒捕傷差審擬一摺。

已交三法司覈擬速奏。據稱。陳順一犯。知李

老腿即李釗案內罪犯。並不舉首。反資給盤

費。致令遠颺。及該縣差拏。又糾合族人陳國

瑞等。將兵役打傷致死。實非尋常拒捕殺人

者可比。情節殊為可惡。至陳國瑞一犯。雖因

傷身死。其妻子亦不可恕。著交該撫查明案

內。為首要犯一併照反叛例給功臣之家為

奴。兵役徐大有梁春。因被拒捕毆斃。殊屬可

憫。應將伊家屬酌賞撫卹。再該撫摺內所稱

汝寧南陽等府屬。界聯湖北。山僻鄉民。人既

愚蠢。性多兇悍。自應大加整頓等語。所見亦

是。然新蔡一案。李釗等膽敢聚眾不法。地方

官平日之未能整頓。已可概見。著傳諭該撫。

嗣後務須通飭各屬。實力整飭。如有生事不

法之徒。即嚴拏究治。不可稍存姑息。○調廣西巡撫姚成烈。為湖北巡撫。以廣西布政使朱椿為廣西巡撫。廣西按察使富躬。為廣西布政使。○庚午。諭陳輝祖具題秋汛安瀾。塘工穩固一本。已批該部知道矣。向來海塘河工秋汛情形。應於霜降後循例題報。即至遲亦當於立冬前後。今節氣已逾大雪。是過兩月之久。該撫始行具題。甚屬遲緩。陳輝祖著交部議處。○諭本日阿桂等因青龍岡壩工堵合後。復有蟄塌。奏請交部治罪。此次漫口合而復開。人力所不及施。實出意外。尚非在工諸臣經理不善之過。其所請交部之處。著加恩寬免。至前此奏報合龍後。曾降旨將阿桂等議敘。此時壩工既未能告蒧。若即邀錄敘。阿桂等心有未安。朕亦引以為愧。所有前次交部議敘之處。著停止。至河陝道張有年。東河加都司銜守備張位南。守備趙魁。因在工防護。隨埽衝失。實為可憫。俱著加恩照陣

亡例議給卹廕。伊等之子。並著該部於服闋後。帶領引見。其餘在工淹斃受傷員弁人等。著阿桂等查明。照例一體議卹。所有河陝道員缺。即著阿桂等於該省知府內。揀選熟諳出力之員。奏請補授。該部知道。○諭軍機大臣等。據阿桂等奏。二十七日合龍後。至亥刻東壩頭及金門一帶。陡蟄塌寬五十餘丈。大溜全掣。仍從漫口下注等語。閱之深為駭異。然此亦無可如何之事。阿桂等轉不必驚惶。惟當盡心籌畫。再行設法堵閉合龍。無他計也。已於摺內詳悉批示。但阿桂前奏合龍後。留住兩三日。即行起程。此時壩工又復蟄陷。伊自當仍留工所。督率指示。相機進占合龍。且經此一番。嗣後尤須加意慎重。以期鞏固。方為萬妥。此次壩工蟄陷。實出意外。朕細加推求。或因天氣嚴寒。用凍土追壓。未能堅實。致有罅漏進水。復有此變。亦未可知。但是否實係如此情形。著阿桂等悉心訪察具奏。至

阿桂另摺奏請於內外大臣中諳習河工者派令來豫熟籌妥辦等語。此可不必。近年諸臣中經理河務較有把握者。舍阿桂豈復有人。即如嵇璜。早有令河流仍歸山東故道之奏。此語豈復可行。無論黃河南徙。自北宋以來。至今已數百年。即以現在情形而論。其向北泛溢之水。由趙王河歸大清河入海者。祇有二分。其餘由昭陽南陽等湖南下者。仍有八分。甚至江南沛縣城垣被衝。則南下之水勢較北更大。此時豈能力挽全河之勢。使之盡由北流。且於山東直隸運道往來。甚有關礙。豈容妄議更張。為今之計。惟有就事論事。救弊補偏。此外別無辦法。阿桂等惟當安心靜鎮。另籌妥辦。以期

天助

神佑。早得歲功。至現在朕前辦事。雖覺人少。但阿桂不能即離要工。亦不必過為焦急。其所請解退職任。加倍治罪之處。不必行。惟昨

實錄卷一百四十六

五

經降旨將阿桂等。及在工出力員弁。交部議敘。此番合龍後。復有蟄塌之事。不特阿桂等仰邀錄敘。誼難自安。即朕亦難以曲加恩獎。現已明降諭旨。停止議敘。其被水衝失之張有年等。甚屬可憐。已交部照陣亡例議卹矣。至現在工次情形。究竟若何。著阿桂等詳晰繪具圖說。據實一併速行覆奏。將此由六百里加緊傳諭知之。○又諭。昨因袁守侗奏報丁憂。已降旨授鄭大進為直隸總督。其未到任以前。著英廉暫行署理。但英廉在京所管事務較多。鄭大進必須速行接任。著傳諭該督接奉此旨後。即日束裝起程。務於年內即抵新任。俟過新年再行來京。朕見將此由五百里諭令知之。○召湖北布政使梁敦書來京。以福建按察使永慶為湖北布政使。雲南迤東道伊星阿。為福建按察使。四川川東道姚梁。為廣西按察使。○辛未。諭軍機大臣等。昨據阿桂等奏。壩工合龍後。仍復蟄陷一摺。

實錄卷一百四十六

六

業經降旨令阿桂等不必驚惶設法另籌妥辦矣。此時阿桂等想仍督率在工員弁糾集人夫重起工作。諸凡尤須加意慎重。不可稍存怨尤之心。朕昨閱阿桂等奏報。未嘗不為焦急。是夜未能安枕。然此中凜凜。惟有齋心祈禱。敬慎益虔。以期上契

天心。默為垂佑。俾要工得以早蒧。災黎不致蕩析。阿桂為朕股肱。自當仰體朕意。早期集事。此次之墊塌。或由前此所做壩工未能堅實。

及所開之引河吸溜未能得勢。我君臣當以此返而自省。惟有益加敬凜。竭盡人事而已。至現在墊塌口門。或因壩工原占地勢。尚未合宜。應另行相度。量為移置。以期妥協。再所開引河。既不甚得力。或當設法再籌。另為續挑引溜。即如前次儀封堵築漫口。亦有衝塌重複堵合之事。其如何辦法。與此番情形。是否相同。著阿桂等悉心籌畫。集思廣益。妥議具奏。至嵇璜所奏令河流仍歸山東故道之

語。現在漫口下注。北流之水。祇有二分。其南

下者至八分之多。斷難迴狂瀾使之北注。事勢顯而易見。朕料其必不可行。阿桂與李奉翰。韓鐸等。目擊全河形勢。想亦未必以為然。仍令阿桂等各就所見。據實覆奏。再李永吉在工年久。頗悉河務。現因落水受傷。是否即能平復。照舊當差辦事。並著阿桂查明一併覆奏。將此由六百里加緊傳諭知之。○壬申。諭前據陳輝祖查抄閔鶚元原籍貲財。其家祇存銀三兩。殊堪駭異。無論閔鶚元在甘肅同知知縣任內。侵蝕帑項。盈千累萬。其運回家貲。必不止此。即閔鶚元久任巡撫。其所得養廉優厚。豈忍令其胞弟貧乏至此。非陳輝祖查辦時。任聽委員欺隱。隨意開報。即閔鶚元之家屬。聞風豫為寄頓。閔鶚元在江蘇離伊原籍甚近。豈無見聞。乃任其私自隱藏。希圖事後安享。實為朦混欺飾。曾降旨嚴行申飭。並令其明白迴奏。茲據閔鶚元覆奏。請將

伊名下原籍任所財產一併恭繳入官。並請革職交部治罪等語。何必為此不衷過甚之辭乎。甘肅自王亶望為藩司。首先作俑。與通省屬員。捏災冒賑。聯為一氣。其案內人犯現已審明。侵蝕銀數多寡。按律問擬。其查抄各犯家產。因此事發覺已久。各犯家屬諸弊叢生。但此等婪得之財。理無久享。亦不必過為搜求。業經明降諭旨。則隱匿寄藏財產者。亦不獨閔鶚元一人。且以全案而論。有王亶望之喪心侵冒。無怪有閔鶚元之事後藏匿。陳輝祖。閔鶚元之互相欺隱。轉不直一喙。朕嘗謂不為己甚去己甚。正謂此也。然不得不明揭伊等之私者。恐伊等遂謂朕易欺也。封疆大臣。理宜公忠體國。實心任事。不得稍存欺飾。今閔鶚元於伊弟翫法營私諸事。既不能管教於前。及發覺查抄。又任其隱匿侵欺於後。即伊具摺自陳。亦難以解免。試令清夜捫心。其亦知愧知懼否耶。其所請革職治罪。及

呈繳家產之處。朕究不為己甚。均著加恩寬免。閔鶚元原摺著發鈔。並將此通諭中外知之。○癸酉。諭。據伊勒圖奏稱。明年應行入覲之土爾扈特和碩特台吉等。如照舊例。令伊等自備資斧前往。恐台吉等力尚未能。仍請令馳驛前往。俟數年後。伊等生計寬裕時。再令其自備資斧前往等語。所有明年入覲之台吉等。即照伊所奏。准其馳驛。○又諭。本日據閔鶚元覆奏。伊弟閔鶚元。在甘肅侵冒帑銀。及餽送王亶望銀兩之事。知而不舉。各緣由一摺。其措詞始終掩飾支吾。並未明白迴奏。已於摺內詳悉批示矣。王亶望在甘肅藩司任內。與蔣全迪等通同一氣。侵帑婪贓。種種不法。實為從來未有之奇貪異事。內外大臣。無人不知。乃竟無一人舉發陳奏。朕實為之寒心。至陳輝祖。閔鶚元。則俱有胞弟為王亶望屬員。其平日家信往來。必有言及王亶望侵貪。及上下通同作弊之事。陳輝祖。閔鶚

元。當時恐徑行舉發。必致株連其弟。因而隱忍不語。徇私廢公。已屬昧良。然猶或情事所有。尚可曲為之貸。今事已全行敗露。朕復屢經降旨。嚴切詢問。閱鶚元覆奏之摺。乃止稱不能管教。及未能先事舉發等語。而於當時有無確切家信。及知情不舉之處。始終掩護。不肯奏出實情。此等居心行事。豈能於朕前巧為嘗試。著再傳諭陳輝祖。閱鶚元。令其各將伊弟在甘省與王亶望等。通同作弊之事。有無往來家信。伊二人知而不舉之處。據實具奏。倘伊等不知朕恩。仍復如前巧言搪塞。則是有意欺罔。不但將伊等革職。交刑部。朕必親自廷鞫。伊等自揣。尚能始終掩飾乎。試思督撫中豈少伊二人竟無人可用之理。朕臨御四十餘年。辦理庶務。一秉大公至正。無論督撫大吏。即小民亦不肯屈抑一人。若聽閱鶚元之巧為文語支飾。置而不問。天下無識之徒。轉以朕為屈抑伊等。則朕不肯受

過也。不為已甚。朕之夙志。若伊等激朕以為已甚。則朕亦非不能為已甚者。將此傳諭中外。咸知朕意。并令陳輝祖。閱鶚元。各摠天良。據實明白覆奏。所有閱鶚元原摺。一併發鈔。○又諭。前據圖思義等查奏。叅革哈密通判經方。虧短庫貯銀至十五萬餘兩。業經降旨將經方解京嚴審。並令李侍堯等。詳查如何虧短花費緣由。據實具奏。今據李侍堯奏。查經方在哈密通判任內。節次由道庫司庫。及接收上任交代銀。共四十七萬九千餘兩。其作何支銷之處。緣口外各廳州縣。一切動用銀兩。自四十二年經烏魯木齊都統索諾木策凌奏准。由該處徑行報銷。所有經方任內支收細數。總督衙門無從稽覈。其如何花費。哈密距省較遠。一時未能悉其底裏。現在另行訪查具奏等語。口外各廳州縣。經管庫項銀兩。其支收數目。自應隨時詳報總督。方足以資稽覈。乃索諾木策凌奏。由該處徑行報

銷。以致總督衙門無從查考。經管之員。得以任意支銷。侵虧鉅萬。實由索諾木策凌辦理不善所致。著交部嚴加議處。嗣後口外地方一切請領接收銀兩。及作何動用之處。並著會同該督。查覈詳確報銷。著為令。該部知道。

○甲戌。

孝惠章皇后忌辰。遣官祭。

孝東陵。○諭據富勒渾奏。現在儀封漫工。購辦物料。需費浩繁。司庫存貯銀兩。不敷動撥。請撥銀一百萬兩解豫等語。著照所請。於戶部庫內撥給銀一百萬兩。照例派委委員。迅速解往。以濟要工。○諭軍機大臣等。戶部奏駁李侍堯咨請設立軍需局。并議令裁撤新疆經費局一摺。所駁是。已依議行矣。此次勦捕逆回。百餘日。即已竣事。不過如勦滅臨清逆匪王倫相類。非從前出征外域。經年累月。案次繁多。必須設立軍需局辦理者可比。此等小醜。不值設立軍需名目。李侍堯非不諳事

之人。何以為此率行咨請耶。即戶部所設軍需報銷局。亦因川省軍需尾案未清。是以尚未議裁。將來一經完竣。即當悉行裁撤。至該省辦理新疆事務。章程已定。此時所辦。俱係例案相承。其應支一切錢糧。自有藩司總理其事。從前所設經費局。亦可一併裁撤。著傳諭李侍堯。即照部駁辦理。至阿桂係經辦此事之人。其所見亦必與朕意相合。將此由五百里傳諭李侍堯。所有戶部原摺。一併發往。並諭阿桂知之。○又諭曰。阿桂等奏壩工情形一摺。據稱現將青龍岡起。至孔家莊榮華寺楊家堂。七千餘丈引河。一律展挑寬深。則口門收窄。開放引河時。可期宣洩暢利。計日論工。須三十餘日。方能挑竣等語。此時亦祇可如此辦理。阿桂等惟當督飭在工人員。實力趲辦。但須益加慎重。毋因欲速而致疎忽。以期一舉集事。至朕屢念要工。日夜綦切。前曾諭令阿桂等。即繪具圖說呈覽。何尚未據

奏到。著傳諭阿桂等。即將現在籌辦之處。詳悉繪圖。並將日內工次情形迅速覆奏。將此由六百里諭令知之。○乙亥。諭軍機大臣等。現在訊問叅革哈密通判經方。在任虧短庫項銀兩緣由。據供哈密地當孔道。差使絡繹。一切車輛飯食。俱需供應。以致多費等語。各省驛站。一應供費。定例俱於正項開銷。即新疆一帶。差務較繁。其車輛飯食等項。亦俱係照例支給公項。何用地方官復行賠墊。乃經方輒藉口差使供應為詞。雖係該犯巧為支飾。但該處驛站。恐亦必有不照定例濫行花費之處。新疆道里遼遠。稽察難周。著傳諭李侍堯。明亮等。將該處驛站。向係如何辦理。現在有無違例供應。及往來差員騷擾需索等弊。詳細查明。並嚴行督飭新疆各廳州縣。務令按照定例。不得濫行支應。任意妄費。以致正項虧缺。將此由五百里傳諭知之。並即將查辦情形。迅速據實覆奏。○兵部議准。兩廣

總督覺羅巴延三奏稱。粵省巡洋大員。向例每年自二月起。至九月止。分上下兩班巡查。自十月至次年正月。因風信靡常。未有統巡之員。難資彈壓。請嗣後將各鎮協營巡期。每年改定六個月為一班。上班自正月初一起。至六月底止。下班自七月初一起。至十二月底止。輪流更換。至統巡各員。例應會哨。上班仍請照舊例。以三月初十。五月初十。為期。下班統巡各員。既改於七月初一出海。而舊定會哨。係是月初十。為期太近。應改為八月初十。十月初十。再分巡員弁。每月與上下鄰境舟師會哨。現增添十月至次年正月巡期。亦應飭令按月增添哨期。均應如所請。又稱。雷瓊鎮海旁海口。二營季巡。向係左右兩營守備輪流出洋。該守備上下兩班。又俱應統巡分巡。大鵬一營。上班以守備出洋統巡。秋冬季巡。又係該守備帶領外委遊巡。是一徹班巡。即按季巡。均係終年在洋。營務乏員料理。

請嗣後添委千總把總與守備輪班巡察亦應如所請從之○丙子

上幸瀛臺○加賑山東鄒平齊東惠民青城陽信海豐商河濱州利津霑化蒲臺滕縣汶上嶧縣荷澤單縣城武曹縣定陶博興高苑樂安壽光濟寧金鄉魚臺等二十六州縣濟南濟寧臨清三衛官臺王家岡永阜三場本年被水災民竈戶○丁丑諭廣東巡撫李湖老成練達才守兼優簡任巡撫以來辦理地方事務實心實力正資倚毗茲聞溘逝深為軫惜著加恩晉贈尚書銜其任內降革處分並予開復所有應得卹典著該部察例具奏○調山西巡撫雅德為廣東巡撫以山西布政使譚尚忠為山西巡撫調浙江布政使國棟為山西布政使以浙江杭嘉湖道盛佳為浙江布政使○豁除湖北江夏縣乾隆四十五年分被水衝坍民田五十七頃十九畝有奇額賦○戊寅諭軍機大臣等薩載奏盤查南

河河庫實存銀兩一摺內止稱親往道庫按款查覈並無短少等語河庫存貯銀兩若干自有實在數目該督具奏時自應於摺內將舊存若干新收開除及現在實貯若干之處詳晰覈明聲敘何得僅以並無短少一語草率了事薩載久任督撫不應若此將此諭令知之○又諭據福康安奏接奉嚴拏逃犯游貴諭旨即飛飭文武員弁嚴密躡拏旋據內江縣知縣李恩書等在該縣長沖地方將游貴盤獲現在審明正法等語前因游貴原籍四川恐其脫逃後或仍潛回本籍是以諭令福康安於該犯行走交界處所派員嚴緝今已盤拏就獲所辦甚好於摺內批示矣至此等遣犯脫逃之案節次諭令各省督撫嚴行查緝乃各督撫並不留心是以奏報就獲者甚屬寥寥即如湖廣一省昨據舒常奏到未獲逃兵尚有一百五十餘名可見外省於此等案件往往視為具文不能督飭屬員實力

盤緝。以致各該犯等。倖逃法網。殊非緝匪安良之道。著再傳諭各督撫。於此等逃犯。務須嚴飭各屬。慎密偵探。設法查拏。毋使該犯等得以匿跡遠颺。致稽顯戮。○又諭。據福康安奏。保舉堪勝總兵一摺。內稱。副將魁麟。熟諳營伍。堪勝總兵之任。現在奏陞副將。送部引見。再前任雲貴總督時。有滇省副將瑪爾洪阿。黔省副將七十。劉紆青。吉蘭泰等。均係才技優嫻。熟悉營伍。堪勝總兵之任等語。除魁麟一員。現據該督奏陞副將。送部引見外。其瑪爾洪阿等四員。著傳諭富綱。即將該員等調取來京。送部帶領引見。○刑部議覆。哈密通判經方虧缺庫項。請旨即行正法。其收受食物之前任都統索諾木策凌。並請按律治罪。得旨。經方以通判微員。經手庫項。膽敢任意虧空。至十五萬餘兩之多。實非尋常侵貪者可比。經方著即處斬。伊子重慶。著銷去旗籍。發往伊犁。給厄魯特為奴。以示炯戒。前

實錄卷一百六

三

實錄卷一百六

三

任都統索諾木策凌。本應照部議定擬治罪。但究係收受食物等項。並未婪得屬員贓私。姑從寬免其革任。仍註冊。○蠲緩直隸滄州。鹽山。慶雲。青縣。四州縣。嚴鎮。興國。富國。豐財。四場。本年被水。竈戶額賦。○旌表守正被戕奉天蓋平縣尼僧頂有。○已卯。諭。本日據御史錢澧奏。陝西巡撫畢沅。前署督篆時。於該省折捐冒賑諸弊。瞻徇前政。畏避怨嫌。明知積弊之深。不欲扶之自我。其罪較捏結各員。尤覺無減。請勅部將畢沅。比照議處一摺。所奏甚是。甘省折捐冒賑一案。上下通同一氣。贓私累累。內外大臣。並無一人陳奏。至畢沅近在隣封。且兩署督篆。見聞尤切。乃不據實劾奏。今夏仍降旨。令其明白回奏。據伊自請願罰銀五萬。留備甘省官兵賞犒之用。今據錢澧奏稱。畢沅彼時親握督篆。一切錢糧案件。歸其覈定咨題。不啻瞭若觀火等語。但畢沅署理總督之日。是否正王亶望現任藩司

之時。著交吏部詳查據實具奏。若不在同時。則其自所議罰。亦足蔽辜。蓋王亶望之事。舉朝皆知而不舉。何怪畢沅一人耶。此朕之不為已甚也。若正同時。則誠有如該御史所論。朕亦不能為畢沅解矣。待朕另降諭旨。此朕用人之苦心。所有此旨及錢澧摺。俱著發交畢沅閱看。並令其明白回奏。○又諭。本日據阿桂、李奉翰、韓鐸覆奏。嵇璜前奏令黃河北流仍歸山東故道。其事必不可行。各摺已批交該部知道矣。此事前據嵇璜面奏。朕揣度形勢。早知其事勢難行。無論黃河南徙。自北宋以來。至今已閱數百年。即以現在青龍崗漫口情形而論。其泛溢之水。由趙王河歸大清河入海者。止有二分。其由南陽、昭陽等湖。匯流南下。歸入正河者。仍有八分。豈能力挽全河之水。使之北注。此事勢之顯而易見者。從前孫嘉淦亦曾有此議。究以形勢隔礙難行。其說遂寢。今嵇璜復有此奏。是以降旨詢

問阿桂等。令各就所見。據實覆奏。茲據阿桂等覆奏。俱稱揣時度勢。斷不能行。其詞若合一轍。且稱始而南流八分者。繼則全歸南注。地形北高南低。水性就下。惟應補偏救弊。以復其安流順軌之常。山東地高於江南。若導河北注。揆之地形之高下。水性之順逆。斷無是理等語。諒阿桂等必揣合朕意。故為此奏。但嵇璜尚素為熟悉河務之人。其前奏使河流仍歸山東故道之語。亦必中有所見。即使其事難行。而其言為要工起見。究屬因公。且治河之策。本應集思廣益。正不妨博採周諮。以期詢謀僉同。折衷至當。著大學士九卿科道等。再行悉心妥協會議具奏。○又諭。戶部議覆和隆武奏。請將吉林地畝錢糧數目。酌與盛京地畝錢糧數目覈定一摺。請以地之頭二三等。定其錢糧等語。所辦得中。已依議行矣。此事初因和隆武查出地畝錢糧所定額數過多。愚民皆懼不能交納。漸至逃避。如

伊果能酌中辦定。則編氓何至棄產遠逃。是皆和隆武不知事之輕重。惟務多取所致。非朕諄諄訓示。則此事任伊所辦。必至不妥。和隆武著傳旨申飭。並令伊嗣後遇一切事務。留心辦理。斷不可稍事輕率。○旌表守正捐軀直隸元氏縣民石某妻王氏。○庚辰諭。明年元旦係上辛祈穀齋戒日期。所有元旦應行拈香各處。仍親詣行禮。初五日陞殿受賀。○諭軍機大臣等。據李侍堯奏。審明定擬夥

搶殺害漢民之番匪官八等。首從各犯分別斬梟一摺。已批交三法司覈擬速奏矣。此等番人獷悍性成。敢於糾集夥黨。執持弓矢鎗矛。白晝刦殺內地民人。實為兇惡不法。非痛加懲創。不足以儆兇頑而安良善。著傳諭該督嗣後遇有此等番匪刦殺漢民之案。審明後。即照此案不分首從。俱行正法。再甘省番回族類頗衆。與內地民情性迥別。從前亦聞常有搶殺之案。勒爾謹為總督時。一味疎

縱。以致釀成今年蘇四十三之事。並著傳諭李侍堯嗣後番回人等。除有糾衆殺傷漢民之事。即照此次番匪之例辦理外。即其種類中自相殘殺。或聚衆數至十人以上大案。地方官亦應為之審斷曲直。按律定擬。不得以有土司管轄。率照番回向例從輕議罰。置之不辦也。○旌表守正捐軀直隸完縣民王耀先妻楊氏。○辛巳諭。向來軍營打仗受傷官兵。定例分為五等。凡受傷時即有例賞。其因

傷身故者。頭等傷以半年為限。二三等傷以七十日為限。四五等傷以四十日為限。限內因傷亡故者。仍照陣亡例給與卹典。恩至渥也。但向例頭等傷與二三四五等傷所定限期。未免懸殊。其限外因傷亡故者。即不得邀陣亡恩卹之例。情殊可憫。於軫卹傷亡之道。尚未周至。且受傷雖有輕重不同。其畧帶浮傷者。原無庸列入等第。其實在打仗出力。衝冒鎗礮受傷者。分作一二三等。已足以昭詳

覈。若多分等差。過為區別。轉啟高下其手之弊。所有官兵受傷等第。向立例限。並限外身故者。應如何賞卹之處。著交該部另行詳悉妥議具奏。尋議。嗣後官兵頭等傷。仍照舊例。予限半年。傷列二等者。請予限五個月。三等者。予限四個月。限內因傷亡故。仍照陣亡例。議卹。其畧帶浮傷者。令該管大臣隨時獎賞。將四五等傷名目。概行刪除。至打仗受傷。限外身故三品以下官弁。列頭二等傷者。廕子弟一人。以七品官用。列三等傷者。廕子弟一人。以八品官用。其一二品大員。廕子弟一人。以六品官用。若無嫡親子弟堪廕。或有子弟而官職均在應廕品級上者。請照伊等受傷等第。照例賞卹銀兩。毋庸議給官職。年未及歲者。歲給半俸。俟當差時。再行支食全俸。其應廕之人。未仕而故。准其補廕。至打仗受傷。限外身故兵丁。其眷口各旗營例有養贍錢糧。毋庸另議外。查向例獎賞受傷兵丁。旗兵。

頭等傷賞銀五十兩。二等傷賞銀四十兩。三等傷賞銀三十兩。綠營兵。頭等傷賞銀三十兩。二等傷賞銀二十五兩。三等傷賞銀二十兩。限外亡故。應仍照數賞給。其呈報限內限外傷亡之處。俱令該管各官結報查覈。從之。○又諭京師開採煤窑。為日用所必需。近聞煤價較前昂貴。推原其故。皆因煤礦剝挖日深。工本運腳既重。窑戶無力開採。呈請地方官封閉。經工部覈題覆准者甚多。於民間生計。大有關係。現在西山一帶產煤處所。尚有未經試採者。著步軍統領衙門。會同順天府。直隸總督。派委妥員前往。逐細躡看。無礙山場。照例召商開採。一面咨部。一面奏聞。以副朕籌計民生之至意。該部遵諭速行。○諭軍機大臣等。據阿桂等奏。此次青龍崗漫口。合而復開。究因引河長而逼窄。不能順流直注。以致埽工鼓裂。現在將引河分段加挑寬深。以期開放時。流行暢順等語。壩工合而復開。

雖係引河逼窄。宣洩不暢。或因天寒土凍。工作不能堅實所致。前此籌辦時。阿桂等何以未曾計及。此時惟當益加慎重。步步穩實。以期開放時機。勢順利。保固無虞。至前年儀封十堡漫工堵合後。亦有墊陷之事。其時引河亦仍復挑展寬深。係若干丈尺。現在籌辦情形。自應即仿照前次寬深。一律辦理。並將前次所做丈尺。與今次所做丈尺。是否相同。查明具奏。再阿桂等昨所進河圖。其中尚有未

聖訓卷一百四十六

三

甚詳晰之處。並著將現在挑挖工程。約有幾分。及兩壩如何鑲築進占情形。再行詳細繪圖貼說呈覽。朕屢念要工。無時或釋。阿桂等前此奏報後。又閱數日。現在如何設法趲辦。著即迅速由驛覆奏。以慰懸注。將此由六百里諭令知之。○又諭。本日據畢沅奏。署咸寧縣知縣徐大文。拏獲上年順天鄉場舞弊之方大中一犯。嚴審定擬一摺。已交該部議奏。並令將徐大文送部引見矣。此外尚有儲椿

年一犯查緝已久。未據弋獲。此等科場作弊。要犯自應迅速就獲。照例嚴辦。方足以示懲儆。豈可任其免脫。遠颺久逃。法網著傳諭各督撫。即將儲椿年設法躡訪。嚴密查拏。務獲毋得視為通緝具文。○壬午。諭。給事中李廷欽條奏。請仍疏大清河入海故道。俾得二分北流。稍救全河之勢等因一摺。此奏甚謬。嵇璜前在熱河。有請黃河仍歸山東故道之奏。亦無可如何之計。欲因勢導全河歸北耳。非

聖訓卷一百四十六

天

謂分其流也。朕揣度形勢。早知其事難行。因合龍後復致漫決。是以為無聊之思。降旨詢問阿桂等。令各就所見。據實覆奏。昨據阿桂等覆奏摺內稱。揣時度勢。斷不能行。且現在泛溢之水。其南流八分者。今則全歸南注等語。是北流之二分。目下已於張秋一帶斷流。豈能復挽之北注。但稽璜既有此奏。而其言又為要工起見。正不妨博採周諮。折衷至當。是以復令大學士九卿科道等。再行悉心妥

議具奏。李廷欽即在科道之列。如果熟悉全河形勢。於未奉此旨以前。原可早為建白。即此時降旨文議後。如果確有所見。即當與眾共論。設眾議不以彼為是。不妨獨持己見。另議具奏。乃李廷欽輒據書生之見。全無把握。沾沾自喜。為治河上策。而又急不及待。迫於見長。先自陳奏。其識見之卑鄙。真不直一哂。若大學士九卿科道等。人人盡如李廷欽之執持謬見。紛紛聚訟。各自陳奏。尚復成何政體乎。且據李廷欽奏以八分歸南。二分歸北。分為兩股。即可稍殺全河之勢。亦知黃河可合不可分。合則刷沙。分則停淤。李廷欽曾此之未知。而欲言治河乎。即其摺內稱宋熙寧以後。北流斷絕。河道南奔。是河之必不可以北行者。本不自今而始等語。是李廷欽亦明知河之必不可以北行。其言又自相矛盾矣。至所稱用淮敵黃。大要在使淮水常蓄而力厚。何如仍疏大清河入海故道等語。現在青

實錄卷一百六

三十九

龍崗漫下之水。患在上游無所歸。而下游豐沛一帶。已受其害。至清黃交匯處所。自開陶莊引河。移下清口以來。宣洩暢注。其勢與現在上游漫溢之水。相去甚遠。李廷欽又據撫此等唾餘。一併填入。真所謂未見顏色而言。謂之瞽矣。朕屢次南巡。閱視河工。最為熟悉。尚不敢輕言能治河也。然於李廷欽之非謬矛盾之處。不可不一一指出耳。本宜將李廷欽交部治罪。以為言官妄陳得失。有意取巧見長者戒。但其所奏紕繆無理。轉不直將伊交部。著將原摺擲還。仍通諭中外。並附便寄令阿桂等知之。○諭軍機大臣等。李侍堯覆奏查禁民間私鑄烏鎗一摺。據稱欲禁私藏。先嚴私造等語。此仍遵朕旨為戢暴安良起見。各直省自應如此辦理。但甘肅地方。番回與民人雜處。較之各省情形。迥不相同。該處番回蓄有烏鎗。以為打牲之用。由來已久。與蒙古之難以一概禁止者無異。此時該督等

實錄卷一百六

三十

查辦。果能將番回與民人烏鎗。不動聲色。一律全行查禁。固屬甚善。番回與民人。往往有爭毆之事。第恐地方官奉行不力。轉多滋擾。若將民間烏鎗查禁。則番回等恃有火器。起意侵侮。轉開番回強橫。民人懦弱之漸。不可不豫為籌慮。著傳諭李侍堯。將現在該省查禁。是否能將番回與民人烏鎗一律銷燬淨盡。或勢有不能。隣近民人所藏烏鎗。或可仍前聽其收藏備用。以為守禦身家之計。不必

實錄卷一百六

三

照各直省概令銷燬之處。著李侍堯通盤籌畫。悉心妥議具奏。至阿桂於該省情形。自能熟悉。著將此旨。一併鈔寄閱看。阿桂以為何如。將此各傳諭知之。尋李侍堯奏。番回向以打牲為業。烏鎗在所必需。既難收銷。番回既不能禁絕。若將附近居民火器收禁。則番回必致恃強逞兇。請嗣後將附近番回地方。舊蓄烏鎗。報官編號者。概免收銷。其餘各府州屬。仍行禁止。得旨。如所議行。○又諭。昨據劉

秉恬彙奏。滇省各衙門並無收交門包。及押席銀兩一摺。本日又據奏到並無派委屬員承辦筵席一摺。兩事相近。該署撫拘泥向例。分摺彙奏。殊屬無謂。此等年終彙奏之件。如換帖讌會。及門包押席承值筵席等事。惟在各督撫正已率屬。嚴行飭禁。若不遵行。僅以空言了事。縱分晰陳奏。仍屬毫無實際。著傳諭各督撫。嗣後此等筵席讌會事例相近者。俱著併為一摺。於年終循例彙奏。或一人身

實錄卷一百六

三

兼督撫兩篆。祇於摺尾聲明兼署緣由。不必分奏兩摺。以歸簡易。又如各省土貢。督撫互相兼署者。往往辦進兩分。亦屬無謂。嗣後著歸併一分呈進。將此傳諭劉秉恬。并各省督撫知之。○又諭。昨據阿桂等覆奏。黃河難歸。故道北注一摺。內稱。青龍岡始漫之時。勢甚洶湧。是以倒漾北行。分入沙。趙河。穿運歸海者。不過二分。北行不久。旋即斷流。全行南注等語。地勢北高南下。原事之顯而易見者。但

該處北流二分。既經斷流。係何月日。其情形如何。洄出淤地。及所有隄堰。曾否派員補行修築。又運河中黃河穿過之處。有無停沙。曾否疏濬。韓鑠國奏。自應於斷流時。即行查明。據實具奏。以便籌辦。伊等何無一語奏及。直至此時始行奏聞。疎忽太甚。豈不知朕念切民生。無時或釋耶。著將此傳諭韓鑠國奏。令即將該處於何時斷流。并現在辦理情形。迅速覆奏。並諭阿桂知之。尋韓鑠奏。青龍岡漫

實錄卷一百六

三

下黃水。北行入沙趙二河。係十月望前斷流。其黃流穿運之初。暢注大清河入海。流行迅速。未至停淤。後因黃水漸落。大清河口門上下微掛新淤。現將應行挑挖處。於估挑運河摺內奏辦。再黃水穿運。隄堰間有汕刷殘缺。隨時搶修平整。又國泰奏。沙趙二河穿運黃水。十月十四日業已斷流。運河並未受淤。惟張秋迤南壽張東阿東平汶上等處。因汶水北注。被穿運黃水橫截。稍有淤沙。現飭員撥

夫疏濬。均報聞。○癸未。

上御太和殿視朝。文武陞轉各官謝恩。○諭四庫全書館進呈書內。有蕭雲從畫離騷圖一冊。蓋踵李公麟九歌圖意。而分章摘句。續為全圖。博考前經。義存規鑑。頗合古人左圖右書之意。但今書中所存各圖。缺畧不全。著南書房翰林重加訂正。其應補者。酌定藁本。令門應兆補行繪畫。以成完璧。書成即錄此旨。冠於簡端。○諭軍機大臣等。現在甘肅冒賑

實錄卷一百六

三

案內。其侵蝕銀數在二萬兩以下。問擬斬候。入於明年秋審情實各犯。及侵蝕銀數在一千兩以上。照例問擬斬候各犯。該督審明定擬後。自當監禁省城。但此等人犯。情罪重大。外省監獄中。禁卒人等。恐未能看管嚴密。況各該犯自知罪重。或有賄通獄卒。乘間自戕等事。均未可定。著傳諭李侍堯。即選派妥幹文武員弁。陸續分起押解進京。交刑部嚴行收禁。並飭各解員等。沿途小心管解。毋得稍

有疎虞。倘有在途脫逃自縊。及裝點病故情節。如康基淵。麥桓之事。必將該解員重治其罪。將此由五百里傳諭李侍堯。并諭沿途各督撫知之。

實錄卷一百四十六

十五

大清高宗法天隆運至誠先覺體元立極敷文奮武孝慈神聖純皇帝實錄卷之一千一百四十六

大清高宗法天隆運至誠先覺體元立極敷文奮武孝慈神聖純皇帝實錄卷之一千一百四十七

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十六年辛丑十二月甲申

實錄卷一百四十七

上御乾清門聽政○以吏科給事中毓奇為內

閣學士兼禮部侍郎○以故一等子仁和弟

毓奇三等男報國子海寧三等男四格子永

清二等男劉延燦子寶桂各襲爵○乙酉諭

本日據楊魁覆奏閩省臺灣所屬諸事廢弛

一摺將節節經查明參奏據實辦理各緣由詳

晰聲叙臺灣孤懸海外最關緊要該地方官

平日因循玩愒以致積弊相仍可謂廢弛已

極乃本日據巡臺御史塞岱雷輪奏巡視臺

灣應行查辦各事宜。內稱城垣堅穩完固。弁兵技藝認真。庫帑倉穀。並無短少虧缺。各等語。所奏不實。已於摺內批示。巡臺御史三年始行派往巡視一次。所有該處地方一切事務。皆應實力查察。隨時據實奏聞。現在該處地方官玩誤疎縱之案。經楊魁查明奏者。不一而足。該御史等豈無聞見。何竟無一語入告。雖該撫等業經查叅辦理。而該御史等亦應細加察訪。據實具奏。即該撫所奏。或有屈抑地方官之處。亦應據實為之申理。今所奏不過尋常照例敷衍了事。即如盤查倉庫一事。使地方官果有虧缺。該御史等行走長途。經過重洋。未免多須時日。早可豫為彌補。仍屬有名無實。又何必以此一奏塞責。則巡察臺灣之御史。可不必派往矣。塞岱雷輪俱著交部察議。所有楊魁奏到原摺。並著發交閱看。○又諭。四庫館辦理永樂大典內散篇全數完竣。該總纂等應予議叙。其覆校分校等

官著總裁等查明年限。分別咨部。照例議叙。○諭軍機大臣等。據富勒渾奏。現在嵩嶽廟工修竣。請派委內務府熟練工程司官一員。赴豫會同驗勘收工等語。所奏殊可不必。該處廟工既經修理完竣。自應確實勘估。奏請覈銷。何必又請派內務府司員前往驗勘。豈朕之信任富勒渾。轉不若內務府司員乎。富勒渾此奏。殊屬糊塗見小。著傳旨申飭。仍著將此項廟工即行據實造冊報銷。交內務府覈覆。並諭阿桂知之。○以故一等男富勒渾子索諾木扎什。三等子博誠。子博爾忠武。三等伯鄂爾齊達遜子徹靈達什。各襲爵。○丙戌。諭軍機大臣等。福康安奏解省匪犯審明。分別嚴辦一摺。內稱張會等十四名。前因形跡可疑。兵役捕拏送究。今屢審實屬平民。不便稍有屈抑。再為羈禁。應即予保釋等語。已批交該部議奏矣。張會等十四名。既經疊次嚴鞫。實係無辜。自應即予省釋。以免拖累。但

從前飭令兵役捕拏。究係何員任內之事。其拏獲送究時。何以並未審明釋放。以致羈禁多時。該捕役等有無勒索威逼挾嫌誣詐等事。亦當詳確查究。若果有此等弊端。以致平民冤抑。則僉差及承審各員。均不能辭其咎。除諭知刑部外。著傳諭福康安。即行詳晰查明。據實具奏。○裁各省武職名糧。覈定養廉額數。軍機大臣。會同戶兵等部議覆。各省武職。自康熙四十二年。酌給親丁名糧。乾隆八

年。改為養廉名糧。今遵旨將所扣兵餉挑補實額。議給養廉。查各省奏到清單。自京營直省各提督。以至經制外委。共一萬一千七百十五員。臣等將各省督撫提鎮河漕各標營。就其原得名糧。按品覈支養廉。提督請歲給二千兩。總兵一千五百兩。副將八百兩。參將五百兩。遊擊四百兩。都司二百六十兩。守備二百兩。千總一百二十兩。把總九十兩。經制外委十八兩。至在京五營提督以下員弁。管

轄地方。處分較重。甘肅之烏魯木齊等處。雲南之騰越鎮龍陵協。四川之崇化。綏寧。靖遠。懋功。撫邊五營。或係新疆。或在邊境。與腹地不同。均未便照各省營員一體辦理。請嗣後除京營提督。係部旗大臣兼理。所有應得名糧八百八十兩。應仍照數支給外。副將歲給養廉九百兩。參將六百兩。遊擊五百兩。都司三百兩。守備二百四十兩。千總一百四十兩。把總一百兩。外委二十兩。雲南騰越鎮龍陵

協。總兵一千六百兩。副將九百兩。遊擊四百五十兩。都司三百兩。守備二百二十兩。千總一百四十兩。把總一百兩。外委二十二兩。甘肅烏魯木齊。提督二千八百兩。伊犁。巴里坤。總兵二千一百兩。瑪納斯。哈密。副將一千二百兩。參將八百兩。遊擊六百兩。都司三百八十兩。守備三百二十兩。千總一百八十兩。把總一百二十兩。外委二十八兩。四川崇化等五營。遊擊五百二十兩。都司三百四十兩。守

備二百六十兩。千總一百六十兩。把總一百二十兩。外委二十八兩。於乾隆四十七年始按季動支。查文職養廉係於耗羨項下動支。今武職事同一例。應令各該省一併於耗羨項下。及一切閒款內動支。不敷奏明請旨。又雲南提督一員。總兵六員。福建臺灣鎮總兵一員。向於支給名糧外。復又動支耗羨公件銀。自六百兩至八百兩不等。廣東水師各營。復有加增草乾銀。自一百六十餘兩至二十餘兩不等。今各員既支給養廉。應一併刪除。再山東。江南。江西。浙江。湖北。湖南。廣東。廣西。福建。河南。山西。有每年收存鹽當規禮。房地租銀等項。作為官兵巡鹽之費。查武員管理汛地。巡鹽分所應為。亦請停給。得旨依議。雲南提督總兵。及福建臺灣總兵。或地當烟瘴。或遠隔重洋。均與腹地不同。著加恩於議給養廉外。雲南提督加賞銀五百兩。雲南總兵。及福建臺灣總兵。各加賞銀二百兩。以示朕

軫念巖疆加惠戎行之至意。著為令。兵部議覆。杭州將軍王進泰奏。稱乍浦滿洲水師。向分左右二營。每營設協領二員。佐領四員。防禦三員。驍騎校六員。缺出。各按本營應陞之員。揀選保送。但拘定營分。揀選時或一營得人。或一營不得人。其不得人營分。各員恃其易陞。未免不知奮勉。請嗣後缺出。於兩營官員內。通行揀選保送。查該二營各有協領二員。缺出。祇就本營佐領四員內。揀選佐領缺出。祇就本營防禦三員內。揀選是應陞之人較少。應如所請。遇缺出時。令其於二營應陞人員內。通行揀選。至該二營防禦各止三員。而驍騎校各設有六員。是應陞防禦之人較多。且驍騎校缺出。本營應陞兵丁。更復不少。應請仍照舊例辦理。從之。○命吏科給事中陳桂森。提督陝甘學政。○丁亥。諭軍機大臣等。本日軍機大臣會同該部。覈議侍郎德成。勘估蘭州城垣營堡一摺。已依議行矣。蘭

州外城西南兩面緊接華林龍尾山麓前此
逆回蘇四十三等恃險跳梁即由此施放鎗
礮攻撲竊據形勢是以阿桂等議將此兩面
外城拆去俾城根距山稍遠不致有俯瞰下
壓之虞原為保護城隍起見但從前華林山
等處並未設立塘汛屯兵駐守逆匪因得據
有險要直逼蘭城今既添建營堡墩臺移駐
重兵則兩山聲勢聯絡可以環衛大城況成
功不毀何必復多費帑金將舊有土城拆去
改繕且西南兩關廂民居稠密若概令遷移
撤去房屋小民恐多未便即所議擴建之東
城關廂亦未必能安插許多烟戶自不若一
切仍循其舊從前德成勘估查奏時朕已早
經諭及至營堡一項軍機大臣等議用磚砌
更為堅實永久請交該督另行覈實勘估但
華林諸山岡阜聯絡其中所產虎皮石料必
多若即用此項塊石疊砌鈎抵不特取攜較
便而工程尤為鞏固但該處採取石料是否

便易較之燒磚工價孰為節省著傳諭李侍
堯查明據實確覈具奏將此由五百里傳諭
李侍堯並諭阿桂知之尋李侍堯奏甘省營
堡用土築建儘可堅固若改用虎皮石需費
太多即磚工亦可無需得旨如此即築土堡
可也○予故廣東巡撫贈尚書銜李湖祭葬
如例謚恭毅○戊子大學士等議覆嵇璜奏
請使黃河仍復山東故道其事難行惟青龍
岡此次漫口合而復開實因引河形勢窄狹
宣洩不暢所致現據大學士公阿桂奏請將
孔家莊等處引河展寬應飭令速即派員趕
挑至下游宣洩不暢上游各處隄工難保穩
固應勅下河東江南河道總督查勘遇有淤
阻之處即行設法疏通再臣胡季堂竊有請
者黃河南北兩隄相距二三十里及數十里
不等隄內均屬河身不便少有壅塞近日隄
內村庄甚多並皆耕種麥苗有礙河身應飭
令遷居隄外得旨依議又諭軍機大臣曰本

日據大學士九卿等會議黃河水勢情形一摺。已依議行矣。內胡季堂所稱河灘地畝。盡皆耕種麥苗。並多居民村落。一遇水發之時。勢必築圍打壩。填塞自多。是河身多一村莊。即水勢少一分容納。請勅下河南山東江南各督撫確查。令其拆去。遷居隄外等語。所見甚是。河灘地畝。居民日就耕種。漸成村落。一遇水勢增長。自必築牆疊壩。填塞河身。此弊由來已非一日。最宜嚴禁。從前朕閱永定河隄。即見有民人在彼耕種居住者。特諭方觀承。令其嗣後嚴行禁止。勿使增益。彼時聞南河亦有此弊。曾於閱永定河隄。示方觀承詩內。再三諄訓。今河南山東等省聚居河灘者。村莊稠密。更非永定河可比。若聽其住居墾種。於河道甚有關係。著傳諭薩載等。即行確加履勘。其隄外地處高阜。無礙河身者。自不妨聽其照常居住耕種。若隄內地方。不便占居填塞。有礙水道。所有村莊房舍。該督撫等

務須嚴切曉諭。令其陸續遷移。徙居隄外。俾河身空濶。足資容納。仍須遴委幹員。不動聲色。妥為經理。使遷徙貧民。毋致擾動失業。方為盡善。著將此傳諭薩載等。並諭阿桂英廉知之。所有大學士九卿等會議原摺。俱著鈔寄閱看。○予福建水師提標右營巡洋遇風淹斃弁兵賞卹如例。○己丑

上幸瀛臺。回部庫爾勒三品阿奇木伯克密爾薩圖拉等三十二人。於西華門外瞻覲。賜冠服有差。○諭據農起奏。審擬亳州民尹尚岳將盜挖官隄王忝幅王佩。用烏鎗打傷身死一案。請照罪人不拒捕而擅殺律擬絞監候等語。此案王忝幅因所居地近河西。雨水停積。輒敢糾約王佩等數十人。前往河東盜挖官隄。希圖宣洩河西積水。時住居河東之尹尚岳。目擊隄勢將潰。情急放鎗。致將王忝幅王佩打傷身死。覈其情節。王忝幅等盜決官隄。以致該處遠近田廬。悉被淹沒。情罪重大。

非尋常罪人可比。尹尚岳因河東地處窪下。恐隄潰水衝。勢在危急。放鎗嚇阻。係為保護地方起見。並無挾嫌情事。其所用烏鎗。亦係遵照舊例。在官編號。並非私製。所有此案原擬絞候之尹尚岳。著加恩免罪釋放。該部知道。○是日壬寅年立春。順天府進土牛春山寶座。○庚寅。

上幸寧壽宮。御養性殿。賜王公大臣蒙古王公貝勒額駙台吉等宴。○諭。前據御史錢澧叅

奏畢沅署陝甘督篆時。於該省冒賑諸弊。瞻徇畏避。請勅部將畢沅比照捏結各員治罪一摺。即諭畢沅明白回奏。並令大學士九卿科道議奏。據大學士等請將畢沅革職發往新疆効力贖罪。已降旨俟畢沅覆奏到日。再降諭旨矣。今據畢沅奏。伊於四十一年署理督篆時。因金川凱旋。經手軍需事件叢集。迅速回陝。於該省監糧情弊。曾經查問屬員。支吾隱飾。急切不能得其要領。則是畢沅已大

概知有弊矣。何以不奏。至四十四年署篆。又以伊赴西寧口外。辦理事件。在省為日無多。未能覺察舉劾。今並請交部嚴加治罪等語。畢沅兩經署理督篆。於王亶望等折捐冒賑。上下通同舞弊等事。適值其時。乃不即據實叅奏。及至降旨詢問。又以兩署總督。為時甚暫。辦理軍需等項事件繁多。托詞卸責。所奏實屬支飾。試思革職交部。亦不過仍如大學士九卿等所議耳。但王亶望等勾通侵冒一

案。內外大臣皆知而不舉。朕亦不肯獨歸罪畢沅一人。且現在督撫一時乏員。畢沅著從寬照李侍堯富勒渾之例。降為三品頂帶。仍留陝西巡撫之任。所有應得職俸及養廉。永行停支。以示懲儆。倘因停其廉俸。或需索屬員。以為自肥之計。一經查出。朕必重治其罪。不能再為寬貸也。該部知道。○又諭前進勦金川。所有各省綠營脫逃兵丁。曾明降諭旨。分立限期。如有自行投首者。加恩免死。發遣

伊犁等處。此等逃兵。一經拏獲。本係即應正法之犯。朕加恩寬以一綫。准其投首免死。原屬法外之仁。茲據湖南巡撫劉墉奏報。該省並未拏獲。亦無投首等語。而各省奏報投首者。亦復寥寥。逃兵等當知已赦其死。不過改遣伊犁等處。乃仍敢匿跡。希圖漏網。實屬不知朕恩。怙終賊刑。不可再寬矣。地方官等平日不能留心辦理。僅以通緝具文。或出示了事。並不認真。亦難辭咎。茲再予限一年。如有

實錄卷一百一十七

高

限內不行投首。續經拏獲者。俱著即行正法。以彰軍紀。其承緝不力之地方官。並著該部另行嚴定處分具奏。○辛卯。以安徽巡撫農起。山西巡撫譚尚忠。對調。山西布政使國棟。安徽布政使劉莪。對調。○壬辰。以江南督標中軍副將伸泰。為狼山鎮總兵。○癸巳。

孝莊文皇后忌辰。遣官祭

昭西陵。○諭刑部奏審擬甘肅侵冒案內。原任河州知州葉中之子捐納通判葉椿。業已革

職。毋庸議。又原任徽縣知縣劉炯。擬斬監候。伊子劉士鑒等。分別杖徒斥革。二摺實屬非是。葉中在知州任內。折收冒賑。贓數累累。係應問擬斬候入於情實之犯。因其身故。得以倖逃顯戮。伊子葉椿。在館充當謄錄。乃因伊父事發。先行出京逃匿。及拏獲到京。復以伊母患病。回籍探望。謬託行孝。巧詞支飾。尤為可惡。自應發遣伊犁。乃刑部止據該犯一面之詞。僅謂葉椿革去官職。不復置議。甘省此案。上下勾通。侵帑剥民。盈千累萬。為從來未有之奇貪異事。案內各犯。俱屬法無可貸。其有酌從寬減者。實為朕法外之仁。刑部係執法衙門。自應按律問擬。即果有情節可原。即當聲明。請朕酌量加恩。何得率意徇情寬縱。以沽感譽。看來該堂官等。因英廉現在出差。竟好為沽息。以博寬厚之名。實大不是。所有葉中之子葉椿。著發往伊犁充當苦差。其劉炯雖止捐監。未經辦災。但有建倉冒銷銀三

實錄卷一百一十七

上

十餘兩。係應擬斬監候之犯。伊子劉士鑾。於查抄家產時。膽敢將地畝契價。私行隱匿。情殊可惡。劉士鑾著一併發往伊犁充當苦差。其劉士鋒中式副榜。併著斥去。以示懲儆。所有問擬寬縱之刑部堂官。俱著交部嚴加議處。○又諭。據楊魁奏海澄縣民周鏗聲控告在籍知縣葉廷推。纂輯縣志。載入碑志。詞語狂悖。審係挾嫌妄控等情。仍請將葉廷推革去知縣職銜。審辦一摺。所辦殊屬非是。周鏗聲指控葉廷推。所載伊曾祖葉逢春碑志語句。如魯仲連排難解紛。及誰誇南面雄。瑤林繁玉種等句。俱係勦用腐爛舊句。原無悖逆之處。該撫既究出周鏗聲從前因籍園圖占抽分海泊採取蠔螺。經葉廷推之故。兄告發將該犯杖責懷恨。欲圖報復各緣由。自應將周鏗聲按照誣告律問擬。嚴示創懲。何必又將葉廷推請旨革去職銜。是欲兩敗俱傷。轉使挾嫌妄控者。得長刁風。而無辜良善。致滋

擾累。從前已延三等奏。訪獲舉人王爾揚。所作墓志內妄用皇考字樣。指為悖逆。曾明降諭旨。通諭中外。不得刻意吹求。楊魁並非不曉事之人。何辦理此案。茫無定見。若此。所有誣控之周鏗聲一犯。著楊魁即審明按律定擬具奏。其葉廷推等無辜之人。即行省釋。無庸究問。原摺著發鈔。並將此通諭知之。○諭軍機大臣等。據楊魁奏。拏獲海洋巨盜。審明定擬一摺。已批交三法司覈擬速奏矣。摺內所稱南安縣民伍京。呈稱伊兄伍疊與陳林春合置商船。在洋販賣貨物。被盜刦掠。旋將伍疊等九人殺傷身死。現據文武各員弁。將首夥盜犯先後拏獲三十一名。又聞拏投首之盜犯一名等語。洋面盜犯。鳩集匪徒。肆行刦掠。聚至三十餘人之多。且據審供。該犯等在洋先占刦碗船。又占刦雙桅客船一隻。是各犯等夥結。已非一日。海洋地闊緊要。雖據稱斗門彭洋二處。向無安設弁兵。然巡哨船

隻來往稽查。何以毫無聞見。直待盜匪搶刦傷人。且占據客船。始行偵緝拏獲。其該管文武員弁。平日疎防之咎。實所難辭。著傳諭陳輝祖。楊魁。即行查開疎防職名。據實叅奏。至摺內所稱此案盜夥。共三十四人。現在已獲三十二名。其未獲之犯。仍著該督撫飭屬上緊實力查拏務獲。毋使漏網。將此由四百里各傳諭知之。○是日起。

上以歲暮裕祭

實錄卷一百四十七

天

太廟齋戒三日。○甲午。諭伍彌泰。嵩椿奏稱。接奉嚴禁居民私造私藏鳥鎗諭旨。實心密查。將土默特兩旗兵丁。現有私鎗。盡數查出。編號刻記收存。並歸化城之七庫。喇嘛徒衆。私存鳥鎗。俱皆銷燬。永遠不准私存等語。伍彌泰。嵩椿等所辦。竟屬錯謬。朕閱各省招冊內。常有火器傷人之案。因降旨禁止民間私存鳥鎗。並非禁止滿洲蒙古。亦不准其私存。將軍有操練兵丁之責。鳥鎗乃兵丁利器。豈

有反行禁止之理。況歸化城尤非他省可比。而土默特蒙古等。俱以打牲為業。若將鳥鎗俱行禁止。則於伊等打牲有礙。豈能行之事乎。即部文誤行口外。伊等接到後。亦應將難行之處。陳奏。乃竟含混禁止。殊屬非是。除將伍彌泰。嵩椿。申飭外。著通諭各省將軍副都統等。伊等接得禁止鳥鎗諭旨。兵丁所存鳥鎗。不得如是濫禁。乙未。以歲暮裕祭。遣官祭。

實錄卷一百四十七

元

太廟中殿

後殿。○諭曰。綽羅斯貝勒富塔喜。朕欲造就。令其在乾清門行走。伊係派出前引之人。乃每次託故不到。甚屬懶惰。且平日舉止。毫無蒙古氣象。富塔喜著革去貝勒。與伊兄羅布扎。安靜同居。倘不安分。別生事端。必重治其罪。其貝勒著降一等加恩。令羅布扎之子富爾納。承襲貝子。仍在大門三等侍衛上行走。○又諭曰。西寧年逾八旬。尚能趨走勤慎。著賞

總管內務府大臣職銜。○諭軍機大臣等據德成奏。現在已抵西安。勘估城垣一摺。據稱連日逐段查勘。但該省城垣坍塌過甚。工程浩大。帑項繁多。必得逐處逐件。細加丈量。斟酌做法。確覈辦理等語。陝省為三秦扼要。漢唐建都之地。其城垣形勢。本極崇闕壯麗。但歷年久遠。未經修整。自多坍塌之處。德成現經督率司道各員。詳慎勘估。不得存惜費之見。其一切築建基址。務從其舊。不可收小。以致規模狹隘。即費數十萬帑金。亦不為過。該侍郎在彼。必須詳悉指示。料理周妥。不必急於回京。至省城外灞橋。為往來要路。亦聞年久塌損。均須一律修整。並著該侍郎勘估確覈辦理。以利行旅。毋廢舊觀。著將此由四百里傳諭德成。並諭畢沅知之。○丙申。裕祭太廟。上親詣行禮。○遣官祭永陵。

清實錄卷二百四十七

三

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

清實錄卷二百四十八

三

端慧皇太子園寢○遣官祭

太歲之神○丁酉

上御保和殿。筵宴朝正外藩。左翼。科爾沁和碩親王。恭格喇布坦多羅郡王。和碩額駙齊默特多爾濟多羅郡王。固山額駙鄂勒哲特穆爾額爾克巴拜多羅郡王。納旺色布騰多羅貝勒。古穆扎布。固山貝子多羅額駙班珠爾。輔國公諾觀達喇。納遜巴圖拉。扎布和碩額駙敏珠爾。多爾濟喀喇沁多羅郡王。喇特納錫第多羅貝勒。多羅額駙

扎拉豐阿。輔國公溫都爾瑚和碩額駙永庫爾忠。一等塔布囊固山額駙丹巴多爾濟。敦珠布色布騰多羅額駙滿珠巴咱爾。敦漢多羅郡王巴勒丹齊默特魯瓦。輔國公多羅額駙桑濟扎勒和碩額駙朋蘇克喇錫。索曼多羅郡王拉旺喇布坦。一等台吉素彌喇。阿巴噶多羅郡王柰布坦。常忠固山達爾漢貝子朋楚克。蘇尼特多羅郡王車凌衮布。多羅貝勒恭桑扎勒烏珠穆沁多羅貝勒達什衮布。

實錄卷一百四十七

三

輔國公瑪哈布爾尼雅。翁牛特多羅貝勒濟克濟扎布。巴林固山貝子多爾濟喇布坦。輔國公和碩額駙德勒克。一等台吉索特納木多爾濟烏喇特。輔國公恭格喇布坦。鄂爾多斯輔國公丹津多爾濟。歸化城土默特輔國公索諾木旺扎勒。郭爾羅斯扎薩克。一等台吉阿喇布坦。阿魯科爾沁。一等台吉阿爾達什第。右翼科爾沁和碩達爾漢親王旺扎勒多爾濟。喀爾喀和碩親王固倫額駙拉旺多

爾濟。多羅郡王多羅額駙蘊端多爾濟。固山貝子敦多布多爾濟。輔國公沙克都爾扎布。公品級一等台吉納遜多爾濟。扎薩克一等台吉旺濟勒三丕勒。烏爾津扎布。厄魯特和碩親王多羅額駙羅布藏多爾濟。鎮國公多爾濟色布騰。公品級一等台吉旺沁班巴爾。巴林多羅郡王巴圖。浩齊特多羅郡王敏珠爾多爾濟。回部郡王品級貝勒哈第爾。輔國公額色尹。託克託。阿巴哈納爾多羅貝勒瑪哈巴格。鄂爾多斯多羅貝勒棟羅布色梭。青海多羅貝勒濟克默特伊什扎薩克。一等台吉巴勒珠爾。土默特固山貝子色布騰棟羅布。綽羅斯固山貝子納木扎勒。杜爾伯特扎薩克。一等台吉布達什哩。及領侍衛內大臣等。台科爾沁和碩親王恭格喇布坦。多羅郡王納旺色布騰。固山貝子多羅額駙班珠爾。喀喇沁多羅郡王喇特納錫第。敦漢多羅郡王巴勒丹齊默特魯瓦。輔國公多羅額駙桑

實錄卷一百四十七

三

濟扎勒。索曼多羅郡王拉旺喇布坦。阿巴噶多羅郡王。柰布坦。常忠。蘇尼特多羅郡王。車凌衮布。烏珠穆沁多羅貝勒達什衮布。翁牛特多羅貝勒濟克濟扎布。巴林輔國公和碩額駙德勒克。科爾沁和碩達爾漢親王旺扎勒多爾濟。喀爾喀和碩親王固倫額駙拉旺多爾濟。固山貝子敦多布多爾濟。輔國公沙克都爾扎布。厄魯特和碩親王多羅額駙羅布藏多爾濟。鎮國公多爾濟色布騰。巴林多

實錄卷千四百七

五

羅郡王巴圖。浩齊特多羅郡王敏珠爾多爾濟。回部郡王品級貝勒哈第爾。輔國公額色尹。阿巴哈納爾多羅貝勒瑪哈巴格鄂爾多斯多羅貝勒棟羅布色楞。青海多羅貝勒濟克默特伊什。土默特固山貝子色布騰棟羅布等。至

御座前賜酒成禮。○諭軍機大臣等。四川土司沙金龍等弟兄爭控一案。始於乾隆四年。距今四十餘年。延擱未結。該會理州知州徐士

勲。於土司搶刦牛羊穀石之案。復延玩二年不辦。經朕降旨將案犯解京。令軍機大臣會同刑部反覆研鞫。訊得實情。分別按律定擬。此等土司遠居邊徼。遇有爭控之案。地方官自應即時秉公審斷。迅速辦理。乃此案始於乾隆四年。歷任總督並不飭屬早行審結。以至該土司之弟姪。屢次赴京具控。輾轉繫逮。可見地方官平日竟不以事為事。至該州徐士勲。於搶刦大案。延擱不辦。在總督文綬任

實錄卷千四百七

五

內。該省諸事廢弛。上下因循延玩。貽誤地方不小。土司以私仇互控。地方官置之不問。安知不釀成事端。從前金川沃克什之事。可以為鑒。何歷任總督竟無一人計慮及此。至各省苗疆及番夷地方。離省較遠。如有訐訟之案。俱宜立時審斷。著傳諭各督撫嗣後務宜嚴飭所屬。留心體訪。一有此等控案。一面奏聞。一面秉公辦理。毋再如川省此案延玩日久。直待解京審訊也。○是月。山東巡撫國泰。

奏請陞見。並稱豫省壩工。現已合龍。東省並無緊要事件。得旨。覽。又復蟄陷。汝尚未知耳。一切事宜。正須料理。况或資汝東省助力。亦未可知。何必來耶。將此旨速寄阿桂看。○廣西巡撫姚成烈奏。本年廣西准部咨緝。及外省通緝逃遣。共十二名。又自二十四年起至四十五年止。共未獲逃遣四百零四名。現飭屬上緊躡緝。得旨。如許之多。所司何事。○陞任巡視濟寧漕務給事中毓奇奏。濟寧北至

守錄卷二百四十七

庚

德州運河。現存水七尺餘。明春糧艘可冀遄行。惟濟寧以南。由臺莊北至韓莊閘座。未盡涸出。由韓莊北至彭口。微山湖水。與河相連。隄岸未露。由彭口北至鮎魚涎。隄岸間有衝缺。現飭員及時修理。由鮎魚涎北至魯橋。地勢低窪。南陽昭陽獨山湖水。漫淹兩岸。隄頂將來重運南來。應於獨山湖東沿邊一帶繞行。若水勢漸消。露有隄形。立即趕修。今在河內行走。自魯橋北至石佛閘。勢處上游。隄岸

守錄卷二百四十七

庚

間斷涸出。無難修整。自此直達濟寧。皆可趨行無礙。現督同道廳各員親往該處查看。緯道分段安插誌樁。以便派員辦理。得旨。嘉獎。○是年。旌表孝子。江蘇等省黃文義等十三名。孝婦。山西等省呂氏等二口。守節合例。八旗滿洲五太保妻陳氏等九十二口。蒙古伊靈阿妻白氏等三十二口。漢軍范建義妻張氏等二十一口。奉天等省駐防海克精額妻郎氏等壹百三口。直隸等省王瑛妻楊氏等六百四十四口。夫亡殉節。江蘇等省衛繼祖妻李氏等十三口。未婚守志。直隸等省陳宣為聘妻宋氏等三十口。百歲壽民。婦直隸等省霍進明等五十一名口。各給銀建坊如例。○一產三男。直隸等省萬富名等四家。○會計天下民穀數。各省通共大小男婦二萬七千九百八十一萬六千七十名口。各省通共存倉米穀。四十二萬九千八百四十九石二斗八升二合八勺。

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百四十七

實錄卷一千一百四十七

天

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百四十八

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲明都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲明都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅春正月戊戌朔

上詣

奉先殿行禮○詣

堂子行禮○詣

大高殿

壽皇殿行禮○遣官祭

太廟後殿○是日起

上以祈穀於

上帝齋戒三日○巳亥諭上年安徽鳳陽泗州

等屬因淮灘各河同時泛漲低田被淹屢經

降旨。令該督撫等。勘實成災。分別給賑。俾免失所。第念今春正賑已畢。尚屆青黃不接之時。民食不無拮据。著再加恩。將鳳陽五河宿州靈璧泗州等州縣。被災七八九分。極次貧民。概行加賑一個月。其鳳陽長淮泗州三衛。被災飢口。及各災地貧生。并兵屬多餘家口。俱隨坐落州縣村莊一體加賑。至七分災以下。及勘不成災之區。並著察看情形。奏請分別酌借籽種口糧。以資接濟。該撫務須董率所屬。實心妥辦。俾災黎均霑實惠。以普春祺。該部遵諭速行。○又諭上年豫省。因焦橋曲家樓南北兩岸漫口。儀封考城等處。及漫水經由之祥符等縣。均有被災之處。屢經降旨。令該撫切實查勘。分別照例給賑。第念今春正賑已畢。尚屆青黃不接之時。民食不無拮据。著再加恩。將陳留儀封考城三縣。十分災之極貧。加賑兩個月。十分災之次貧。並九分災之極次貧民。加賑一個月。至祥符杞縣。榮

澤三縣。及陳州府屬之淮寧西華等縣。並著該撫察看情形。酌量借糶。俾窮黎毋致失所。以副朕加惠無已之至意。○又諭上年山東曹縣金鄉等縣。因豫省漫口。黃水泛注。俱被水災。屢經降旨。令該撫董率所屬。切實查勘。照例給賑。俾無失所。第念今春正賑已畢。民食不無拮据。著再加恩。將荷澤曹縣單縣定陶城武金鄉魚臺等縣。暨坐落金鄉魚臺境內之臨清衛。成災八分以上貧民。概行加賑一個月。該撫務率各屬。實力妥辦。俾窮黎均霑實惠。以副朕軫恤無已之至意。該部遵諭速行。○又諭上年江蘇邳州睢寧等州縣。因魏家莊河水漫溢。田禾被災。蘇松太倉屬之崇明等縣。及鎮江通州等屬。猝遇風潮。禾稼受傷。徐州豐沛等縣。潮水漲發。風暴衝激。城隄亦俱被水。屢經降旨。令該督撫等。切實查勘。照例給賑。並因崇明縣被災較重。特降諭旨。截留漕糧十萬石。復加恩蠲免該縣額徵

地丁錢糧。又徐州府屬被災較重。准令於藩庫道庫並兩淮鹽課應解部銀內。先後動撥銀一百五十萬兩。并加恩於淮徐各屬。應行起運漕糧內。截留五萬石。以備賑濟。平糶之用。第念今春正賑已畢。正屆青黃不接之時。民食不無拮据。著再加恩。將睢寧。沛縣。崇明三縣。十分災之極次貧民。概行加賑兩個月。其該三縣九分災貧民。同邳州。宿遷。銅山。豐縣。桃源。清河。海門。通州。海州。沐陽。各九分十分災貧民。俱無分極次。加賑一個月。各衛屯地。坐落該被災州縣者。一體分別辦理。俾災黎均資接濟。其成災八分以下各州縣屬。並著該督撫等。察看情形。再行奏請。給予籽種口糧。以副朕軫恤窮簷有加無已之至意。該部即遵諭行。○又諭曰。侍郎喀寧阿。著即馳驛前往烏魯木齊。會同明亮。查辦事件。所有隨帶司員。並著一體馳驛前往。○諭軍機大臣等。前據李侍堯查奏西寧廠馬缺額一案。

因署總兵紹涵。經理不善。以致甘州。肅州。涼州等廠。輾轉挑撥。致滋弊竇。業經降旨。將紹涵革職。解往甘省。交李侍堯確實審辦。並令原任提督仁和。一併赴甘質對。此事距今兩月有餘。該員等自己到甘。尚未據李侍堯審明覆奏。著傳諭該督。將案內情節。現在曾否審訊得實。即行迅速覆奏。其西寧鎮自製軍裝一案。亦著一併研訊具奏。尋奏。西寧馬廠缺額。初經紹涵攤扣兵糧。私行買補。繼復捏請分撥各廠。因馬少折價抵撥。提督仁和聽其通融領價。輾轉那移。均屬咎無可逭。應請發往新疆効力贖罪。至自製軍裝一案。紹涵因甘省向例軍械不敷。准於司庫借銀補製。遂將兵丁應行自製等物。一併入冊。借帑製造。尚無冒領分肥等弊。下部議。○又諭曰。明亮奏查明烏魯木齊捏報糧價。以圖採買冒銷一案。請派大員會同審辦。並請飭部揀選直隸州知縣等員。前往接任。以便將案內各

員查抄收禁等語。該處折收捏報。既據查訊明確。自應將承辦各員。嚴切根究。已派令喀寧阿。迅速馳赴該處。會同明亮。秉公查辦。並令吏戶等部。保舉知州。知縣。俟帶領引見後。即行發往。其現任各員。明亮仍須不動聲色。毋得稍露端倪。致該員等得以豫為隱匿。將此由五百里傳諭知之。○庚子。

上詣

南郊齋宮齋宿。○諭據陳輝祖。閔鶚元覆奏胞

弟陳嚴祖。閔鶚元在甘省州縣任內。捏災冒賑。及餽送王亶望等銀兩。伊二人知而不舉。實屬昧良負恩。請交部治罪各摺。甘省自王亶望為藩司。與蔣全迪等。通同一氣。侵帑婪贓。種種不法。為從來未有之奇貪異事。內外諸大臣。俱隱忍不言。竟無一人舉發陳奏。而陳輝祖。閔鶚元之胞弟。尤係案內人。犯其平日家信往來。必有確切音問。屢經降旨詢問。乃始終掩飾支吾。不肯奏出實情。及嚴切究

問。若再如前巧言搪塞。不但將伊等交部審訊。朕必親自廷鞫。今始據陳輝祖。閔鶚元等各奏稱。伊弟婪贓舞弊。從前亦有所聞。并有家信往來。祇因一經陳奏。恐伊弟必罹重罪。是以隱忍瞻徇。致涉欺飾。實屬罪無可逭。請交部嚴加治罪等語。是伊二人之知而不舉。俱已自行供認。如出一口。似屬實情。至此案未經發覺之先。朕已早有風聞。因案情重大。徘徊遲疑者。已閱數年。昨歲因蘇四十三之事。遣大學士阿桂等。統兵往勦。伊等摺內。常稱連得雨澤。因降旨詢問。該省向來年年報旱。何以今歲得雨獨多。其中必有捏飾情弊。因而層層致詢。顯露端倪。阿桂李侍堯。亦知事難掩覆。遂和盤托出。朕思其事不得以人數稍衆。竟置不問。但朕深以不能道德齊禮。使伊等格心方引。以為愧。至齊之以刑。尤屬不得已之苦心。陳輝祖。閔鶚元。畢沅。俱係讀書之人。當明禮義。豈不知朕辦理此案之始。

末乎。無論陳輝祖、閔鶚元各有伊弟在甘省。其一切通同舞弊之事。朕早知其必有確切音信來往。即畢沅久任陝西巡撫。並親在甘省兩署督篆。於該省各州縣侵冒官帑。歷年積弊亦無不知之理。乃竟巧為支飾。欲於朕前嘗試。試問朕為何如主乎。五倫莫重於君父。子為父隱。尚為情理所有。古純臣大義滅親。父且有不能為子隱者。況兄弟乎。若以弟婪贓不法。恐徑行舉發。罪及其弟。因而為之

隱忍。是祇知有手足之私情。而不知有君臣之大義。顛倒督亂。莫此為甚。且陳輝祖等若於事未經敗露之先。早為陳奏。朕必嘉其公正。不但加之罪。必特為褒獎。以風勵舉朝諸臣之緘默不言者。即末減其弟之罪。亦未可知。是伊二人之弟之陷於重罪。非國法也。乃伊二人使之也。伊等既甘心隱忍於前。及降旨詢問。又復希圖掩護。隱躍其詞於後。仍冀日久或有憐伊二人。為因弟受屈者。尚得

謂之有天良者乎。此時即將陳輝祖、閔鶚元革職交刑部治罪。伊等亦無可置喙。惟是將來爰書既定。朕斷不肯因其弟株連遽寘重典。且此案內外大臣皆知而不舉。又何獨歸罪於陳輝祖、閔鶚元二人。現在督撫一時乏員。陳輝祖、閔鶚元尚屬能事。著加恩免其治罪。仍照畢沅之例。降為三品頂帶。各留本任。所有應得職俸養廉。永行停支。以示懲創。嗣後陳輝祖、閔鶚元、畢沅俱不許呈進貢物。即

尋常土貢亦著一例停止。並令奏事處存記。如陳輝祖等仍前奏進貢品。即行駁回。不必轉為呈進。陳輝祖等務各返躬自愧。洗心滌慮。潔已奉公。庶幾可以稍贖前罪。如或因停其廉俸藉詞需索。致有簞簋不飭之事。王宣望是其前車。朕必加倍重治其罪。不能再為曲貸也。所有陳輝祖等覆奏之摺。俱著發鈔。將此通諭中外知之。又諭上年直隸各屬雨水調勻。秋收尚屬中稔。惟天津靜海等縣

低窪田畝間有積水屢經降旨該督確切查勘分別賑卹第念今春正賑已畢尚屆青黃不接之時民力不無拮据著再加恩將天津靜海二縣被災七八分極次貧民并六分災之極貧加賑一個月其天津靜海二縣被災六分次貧與五分災之極貧以及東明長垣青縣滄州鹽山慶雲等六州縣五分災之極貧概行給賑一個月仍照例銀米兼放儻運米維艱即用折色在於上年賑剩銀內動支如有不敷再於節年地糧項下添撥該督務須飭屬分別實力辦理俾窮黎均霑實惠以副朕愛惠元元有加無已之至意該部遵諭速行○辛丑祈穀於

上帝

上親詣行禮○軍機大臣議奏。

三壇內回枯樹株請照例補栽以肅觀瞻諭嗣後

壇內補種樹株著御前侍衛德保幫同禮部尚

書德保於靜明園清漪園培養之樹內移往一律補栽○壬寅

上御太和殿受朝作樂宣表如儀○御乾清宮賜皇子皇孫親王等宴○癸卯諭上年陝西朝邑縣河水夜漲村莊多被淹浸屢經降旨令該撫切實查勘照例給賑毋使失所但今春正賑已畢尚屆青黃不接之時民食不無拮据著加恩將該縣被災較重之極貧戶口再行展賑一個月以資接濟其次貧及被災較輕

民戶於常平倉春借案內按戶一體借給倉糧該撫其董率所屬妥協辦理以副朕軫念窮黎至意該部即遵諭行○又諭上年湖北潛江等縣衛因襄水泛漲沿河田垸被水浸漬屢經降旨令該督撫等切實查勘照例賑卹毋俾失所第念今春正賑已畢尚屆青黃不接之時民食不無拮据著再加恩將被災八分以上之潛江江陵監利荊門等州縣及屯坐該州縣之荊州荊左二衛極次貧軍民

加賑一個月。以資接濟。其續被秋水之鍾祥。京山二縣被旱之雲夢。應城二縣及屯田坐落之各衛所軍田。並成災五分之江夏武昌。漢川。黃陂。孝感等縣。及勘不成災之天門。沔陽。安陸。應山。廣濟。黃岡。石首等州縣。並京山縣之東西北三鄉民屯田地。該督撫等酌看情形。再請分別賞借籽種。俾窮黎得霑實惠。盡力春耕。該督撫其董率所屬實力妥辦。以副朕軫念災黎之至意。該部遵諭速行。○又

諭。上年甘肅寧朔。平羅等縣。因河水泛溢。秋禾被災。屢經降旨。令該督切實查勘。照例給賑。第念今春正賑已畢。尚屆青黃不接之時。民力未免拮据。著再加恩。將被災較重之寧朔。平羅二縣貧民。展賑一個月。其隴西。寧夏二縣被災較輕。仍著該督飭令地方官。留心體察。如有缺籽乏食之戶。即行酌借籽種口糧。以資接濟。務使災黎共慶安全。用敷春澤。該部遵諭速行。○甲辰

世祖章皇帝忌辰遣官祭

孝陵○

上詣

雍和宮行禮。○諭軍機大臣等。據鄂寶奏。自濟寧至臺莊。緯路淹沒。本年重運。恐致周章。前經移咨河臣。及行山東運河道。豫為籌辦。茲准山東撫臣國泰。札送奏稿。內開運道兩岸。俱豫搭浮橋。設立帶緯船隻。並用山東減船。接運江西漕米等因。但覈計山東船隻。接運

江西之米。僅數四分之一。剥米無多。需費不少。江西本船。仍不能及早回空。應請照舊辦理等語。所奏甚是。本年重運。係迎溜而上。濟寧一帶。所有緯路橋梁。自應豫行籌備。庶屆期得以銜尾適行。今國泰所籌。以山東之船。接運江西之米。而按船覈計。僅數四分之一。其餘三分。仍須本船抵通交納。且過剝後。江西丁舵。又須親押剝船赴通。則所遺本船。仍不能及早回次。是所辦仍屬有名無實。又何

必為此煩擾耶。國泰前奏。不過欲取巧見長。並未通身計算。所有本年江西省重運船隻。仍著照舊辦理。將此傳諭鄂寶。并諭國泰知之。○乙巳。諭前明興陞任直隸藩司時。曾面諭令其將各州縣有無虧空之處。留心訪察。今據英廉奏稱。伊上年抵署。督任後。曾詢問明興。據稱大州大縣。亦知原有虧空。俱非近年所積。請及時設法籌辦等語。鄭大進。現在來京。陛見。著即帶同明興。攜帶案卷。一併起

程來京。會同軍機大臣覈辦。具奏。再降諭旨。將此由六百里諭令知之。○丙午。享

太廟。遣肅親王永錫恭代行禮。○遣官祭

太歲之神。○

上御紫光閣。賜蒙古王公台吉及回部郡王等

宴。召大學士及內廷翰林等茶宴。以詠七

十二候聯句。○丁未。

上詣

大高殿行禮。○詣

安佑宮行禮。○幸圓明園。○戊申。湖南巡撫劉墉奏。社穀成例。准於秋收之後。勸諭捐輸。湖南省自乾隆四十五年。長沙辰州等屬。捐穀十七萬三千五百餘石。上年湘陰等屬。又捐穀十二萬餘石。合舊存本息穀五十餘萬石。頗為充裕。現飭各該州縣。於城鄉要地。繕治倉廩。新舊分貯。并選殷實之人。充當社長。責成州縣官實力稽查。不令胥吏涉手。以備農民接濟。如遇儉歲。例得免息。於貧民更需實

惠報聞。○己酉。

上御山高水長。賜蒙古王公台吉及回部郡王等宴。○諭軍機大臣等。昨以明亮查奏烏魯木齊採買糧石價值。與時價不符。顯有浮開冒銷情弊。因令喀寧阿馳驛前往審辦。此案係索諾木策凌奎林任內之事。奎林不過糊塗失於覺察。且在任不久。於該處州縣。或致有交通情弊。至索諾木策凌在任前後。幾及十年。前於經方案內。既曾收受節禮。該處

地方官藉採買之名將價值以少報多希圖
侵冒肥橐若非該管都統有收受餽送之事
豈肯受其浮開冒銷以致官價與時價迥不
相符著傳諭喀寧阿到彼時即將此旨告知
明亮一面將各州縣解任嚴行鞠訊究出實
情毋得稍存將就瞻徇之見所有軍機大臣
查詢索諾木策凌等奏片一併發往覈對將
此由六百里傳諭知之○庚戌河東河道總
督韓臻議覆巡漕御史德爾炳阿奏請魚臺

等五縣泉源改歸本縣佐雜管理查東省有
泉州縣十七處向設管泉官十二員分隸管
轄魚臺現設主簿典史各一員肥城平陰泗
水曲阜四縣各祇典史一員主簿職重防河
典史有監獄緝捕專責均難兼顧請仍照舊
分隸飭令管泉各員每年春夏之交親駐該
處督夫疏導並飭各本管府州於巡漕查勘
之外再巡查一次分別勸懲得旨允行下部
知之○辛亥

上御奉三無私殿賜皇子皇孫諸王等宴○諭曰
閔鵠元奏阜寧縣調署江陰縣知縣耿人麟於
丐匪聚衆行兇殺傷多人重案並不立即根
拏任犯遠颺殊屬玩縱請將該署縣耿人麟
革職以為怠玩不職者戒等語耿人麟著革
職所有拏獲此案爭毆行兇脫逃各犯在事
出力之把總壽榮祖龔士信吳江縣知縣何
世珩震澤縣知縣阿林保都司楊果亭俱著
送部引見該部知道○諭軍機大臣等據閔

鵠元奏吳江縣拏獲聚衆行兇丐匪審辦一
摺內稱流丐約二十餘人借求討為名勒索
錢食並毆斃行內火夫及棍傷鄰人等情旋
即率屬分投追拏至吳江縣地方將各犯全
行拏獲等語此等丐匪膽敢聚衆勒索錢食
毆斃人命並夥結多人流至吳江縣地方肆
無忌憚實屬大干法紀現已明降諭旨照該
撫所請將知縣耿人麟革職並令將拏獲丐
匪之文武員弁送部引見矣至此等匪犯滋

擾不法自應嚴速定擬從重辦理不可姑息乃該撫摺內稱此次拏到流丐有並非本案夥犯及無滋事別情者均各遞回原籍嚴行收管等語此即姑息之一端所辦非是兇擾匪犯為害地方並非道德齊禮之所能格化惟嚴法懲治或可稍儆兇頑俾之知所畏懼如此案阜寧縣調任江陰縣耿人麟任內疎縱丐匪是否阜寧縣地方抑係江陰縣地方此等乞丐既經隨匪徒同行即非安靜之輩

僅與收管原籍安保又不復出滋事若非隨匪眾同行自當遞回原籍所奏殊未明晰所有此次案犯審明供詞即無別項情罪亦應從重發烟瘴充軍以示懲儆閔鶚元平日辦事每涉姑息並著傳旨嚴行申飭○又諭據閔鶚元覆奏查禁烏鎗一摺內稱江南風氣柔懦烏鎗本稀惟獵戶有用以打牲者鎗細而長火眼亦小而力能及遠名為線鎗亦應一體飭禁等語民間烏鎗傷人自應實力查

禁據所稱線鎗一項雖較為細小但線鎗即係烏鎗裝鐵砂已能傷人若改裝鉛錠力量更大並非僅可施之打鳥雀此朕於行圍時皆素所御用深悉者今閔鶚元將線鎗與烏鎗竟分為二種實係書生未諳火器揣度拘墟之見實為可笑著傳諭閔鶚元嗣後無論烏鎗線鎗均須嚴飭地方官一體實力查辦勒限收繳不得以線鎗藉口打牲無關輕重徒為紙上空談遂爾意存玩視也○壬子

上詣

安佑宮行禮御正大光明殿賜朝正外藩等宴召科爾沁和碩卓哩克圖親王恭格喇布坦和碩達爾漢親王旺扎勒多爾濟多羅郡王齊默特多爾濟納旺色布騰固山貝子班珠爾喀喇沁多羅郡王喇特納錫第柰曼多羅郡王拉旺喇布坦阿巴噶多羅郡王羅布坦常忠教漢多羅郡王巴勒丹輔國公多羅額駙桑濟扎勒齊默特魯瓦蘇尼特多羅郡

王車凌衮布。烏珠穆沁多羅貝勒達什衮布。
翁牛特多羅貝勒濟克濟扎布。土默特固山
貝子色布騰棟囉布。喀爾喀和碩親王固倫
額駙拉旺多爾濟。固山貝子敦多布多爾濟。
輔國公沙克都爾扎布。厄魯特和碩親王羅
布藏多爾濟。鎮國公多爾濟色布騰。巴林多
羅郡王巴圖。浩齊特多羅郡王敏珠爾多爾
濟。鄂爾多斯多羅貝勒棟囉布色稜阿巴哈
納爾多羅貝勒瑪哈巴拉。青海多羅貝勒濟
克默特伊什回部郡王品級貝勒哈第爾等
至御座前。賜酒成禮。

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百四十八

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百四十九

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣履桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲副都統軍功加十九級隨帶加二級又加二級臣重福內大臣戶部尚書鑲藍旗滿洲都統軍功紀錄五次

尋常紀錄十四次臣德琿經筵講官太子少保工部尚書紀錄六次臣曹振鏞等奉

敕修

乾隆四十七年壬寅正月癸丑

上御正大光明殿賜大學士尚書等宴○諭朕
於二月初二日舉行經筵所有應行典禮著
各該衙門照例豫備○甲寅西藏辦事大臣
博清額奏西藏額設筆帖式二員今裁一員
不敷繕寫若由部挑往未免紛煩請令成都
將軍於滿兵內揀選能寫清字者四人遣其
來藏在印房學習行走將藏內駐防綠營兵
裁汰四名即以所餘口糧支給三年更換擇
行走勤慎者咨該將軍坐補印務筆帖式得

旨允行○乙卯諭由內庫撥銀七萬兩交榮
柱等帶往盛京建蓋文溯閣應用○陝甘總
督李侍堯奏拏獲碾伯縣潛匿回匪馬三十
九等四犯逐加嚴訊據供馬三十九馬滿會
係新教掌教馬三十七馬塞力係附從傳習
念經不諱將該犯即行正法並傳示西寧碾
伯等處俾各回衆咸知畏懼得旨是仍宜留
心期盡去根株不可久而懈○丙辰河東河
道總督韓鎡奏東省運河挑工臨清南旺二
處均已報竣其餘各河工段統計挑有八分
至濟寧以南運加兩廳屬湖河水勢較盛漲
時已消二尺七八寸不等西岸緯道水淺處
漸次涸露現在逐細勘查相機妥辦得旨此
實要務勉為之○丁巳諭軍機大臣等前據
阿桂等奏正月初十邊挑挖引河可以一律
完竣堵合之期約在上元節前後等語此次
青龍岡堵合壩工惟西北風能吹逼大溜由
引河直達正河施工較易連日得此風力佑

助實深慶幸。但自十三日阿桂等奏到摺後。迄今又逾數日。若十五六間堵合口門。喜音可以早到。未知此數日內。開放引河。是否得力。西北風吹溜之勢。究竟若何。朕盼望要工合龍日久。懸注惟有齋心默禱。以祈

天神護佑。阿桂等在工督辦。相機進占。自當仰體朕懷。早期集事。將此由六百里加緊傳諭問之。何尚未奏喜音也。○戊午。諭軍機大臣等。伊勒圖奏稱。伊犁滿洲兩城官鋪內所售

貨物。不能接濟。請照例派委弁兵赴蘭州。西寧等處販買等語。從前伊犁向內地販買貨物。原因初經創立。商販稀少。藉此以利兵丁。今已年久。商賈流通。似應就近購辦。若屢次派弁兵赴內地販買。不特沿途恐易滋事。且妨兵丁操演。殊非善策。著傳諭伊勒圖。籌度此事。如嗣後毋庸從內地販貨。則將此例永遠停止。○己未。諭軍機大臣等。昨據李侍堯覆奏查明經方虧空款項細數一摺。當令軍

機大臣就近傳諭索諾木策凌奎林等。令其查照在任年月久暫。分別多寡攤賠。除佛德哈靖阿等雖非本管上司。但近在同城。豈竟毫無見聞。乃不早行查奏。以致虧缺如此之多。自應分賠以示懲儆。即已彥岱富明阿亦應一例攤賠。以為漫無覺察者戒。但巴彥岱等前據圖思義叅奏。業經降旨革職。交該督嚴切審訊。有無通同徇隱侵蝕情弊。據實奏聞。現在尚未據該督查審明確。具奏。伊二人

現有攤賠之項。並著傳諭李侍堯。如審無別項情弊。即將經方虧缺銀數酌量覈定。令伊二人分賠若干。一併具奏到日。所有餘剩銀兩。再令索諾木策凌等按股賠繳。以清帑項。將此由五百里傳諭知之。○庚申。

孝聖憲皇后忌辰。遣官祭泰東陵。○諭軍機大臣等。歲內阿桂等曾奏漫工堵合之期。約在上元前後。是以旬日來。總念甚切。昨據阿桂等奏到。方以為奏合龍佳

音但係用五百里馳遞又恐有別故幾至手戰及披閱奏摺知已開放引河水勢暢注雖成功可必而漫口尚未堵合尤深屢念因思上年冬間壩口水勢陡長大溜湧激致將壩工墊臨彼時曾以何不開放引河傳詢阿桂等嗣據覆奏開放引河必須俟河水蓄高有奔注之勢方可暢達掣溜等語其意似以引河不宜先行開放今此次東西兩壩尚各剩一門埽水勢甫經蓄高四尺何以即將引河開放耶且開放後雖據稱大河溜勢已經分掣三四分但大溜須全行吸動方可暢達無虞今所掣尚未過半其餘六七分溜勢當作何籌辦令其全歸引河又所掣大溜水頭現在已達下游何處何以未見奏及並著薩載委員探明迅速馳奏至漫工已屆垂成此時惟當益加慎重步步穩實以期鞏固無虞轉不可存欲速之見並著寄諭阿桂等即將現在情形何日可以合龍迅速馳奏將此由六

百里加緊諭令知之○辛酉諭甘省折收冒賑案內侵帑捏結各員業據李侍堯審明分別定擬具奏至臬司福寧前在平慶道任內扶同捏結本應革職抄產第念該員於此案舞弊實情首先供出且於搜捕安定等處逆酋馬明心家屬黨羽尚屬出力福寧著革職從寬留任八年無過方准開復○河東河道總督韓鐸山東巡撫國泰奏東省黃河西自曹縣東至單縣計長二百餘里南北河灘寬廣二三十里至四五十里不等附近村莊五百八十五處除地形高阜不當衝刷者三百五十四莊餘低窪處二百三十一莊當黃水盛漲時每為旁溢所及民居祇係茅棚草舍尚不至安土重遷現在剗切曉諭令其逐漸移徙以清水道不致阻礙報聞○壬戌諭前據胡季堂奏黃水灘出地畝多居民村落並皆耕種麥苗一遇水發勢必築圍打壩填塞自多且河身多一村莊即水勢少一分容納

請勅下河南山東江南各督撫確查令其遷居隄外等語河灘地畝居民開墾日久必致填塞河身於河道甚有關係且居民廬舍占據灘地猝遇水漲之時勢必淹沒於民居亦多未便因特降諭旨令薩載等確加履勘其隄外地居高阜者仍聽照常居住耕種若占居隄內於水道有礙即行明切曉諭俾陸續遷徙并令該督撫等妥為經理毋致貧民失業昨已據韓鐸等覆奏遵照籌辦自應如所奏即令遷徙但此事當為之以漸持之以久因思灘地居民墾地結廬已非一日小民自謀生計亦必非當衝刷之灘聚居墾種若偶然河徙衝刷是伊自取即水退亦不可復令居住若其目前無事安居已久不免安土重遷且河隄以外均屬民田亦無隙地可以遷徙所有舊居隄內灘地無礙河身者民人已經築室墾種仍加恩准其各守舊業毋庸押令移居以副朕廑念窮黎之意至此後河南

山東江南直隸等省凡屬瀕河隄內灘地該督撫河臣等必當嚴切查禁毋許再行住居占種如有仍前侵占灘地阻遏水道者惟該督撫河臣等是問將此通諭知之○癸亥諭據阿桂等奏本月二十一日豫省壩工陡墊三十餘丈查明隨埽落水淹斃受傷官兵一摺此次壩工將屆合龍該官弁兵丁等不避危險竭力搶護以致隨埽落水撈救不及淹斃受傷情殊可憫所有淹斃弁兵俱著加恩照陣亡例議卹其撈救受傷官員兵丁等並著照臨陣受傷之例交阿桂等查明分別等第咨部給賞○諭軍機大臣等據阿桂等奏本月二十二日正擬掛纜合龍二十一日東壩中間裂開一縫旋即陡墊搶救不及致東壩頭塌去三十餘丈請交部嚴加議處等語此意外之變實屬無可如何至東壩中間裂縫以致壩頭塌失則工程究未穩固其非波浪衝激可知是否係冬間用凍土堵築其在

工員弁又未免稍存欲速之意。遂致復有此變。此人事未盡。不得盡諉之於事勢之無如何。阿桂等不可不知。然勢無中止。此時祇須鎮靜妥辦。倍加小心。以期必成。況事不過三。已經兩次塌失。此後天氣融和。施工較易。再無不成之理。但現在開放之引河。是否得力。其水頭究至何處。前據阿桂等奏。蓄高水勢。開放時頗為暢注。其河身現在是否衝刷寬深。掣溜究有幾分。若引河暢順得力。則溜勢歸入正河。壩工自然不致著重。前次儀封南岸堵築漫口。曾將壩工改築始得成功。此次是否可以改築。移上十餘里。再行挑挖。譬如琴瑟不調。甚者解而更張。如此改辦。俾歸入現放之引河。吸溜歸槽。或可得建瓴之勢。阿桂等務期通盤籌酌。悉心妥議。一面辦理。一面奏聞。現距春汛之期已近。必得於汛前趕辦完竣。方妥。再阿桂等在工督辦。現有李奉翰、富勒渾等彼此商酌。伙助有人。現聞黃河

以南運道俱各深通。而北河運道未免淤墊。目下正屆重運陸續北上。不可無大員往來經理。若令韓鐸前往微山湖。北運河一帶查勘相機來往妥辦。較為有益。著阿桂酌定後。一面奏聞。一面即令韓鐸前往運河辦理。至阿桂等所奏落水淹斃弁兵。殊可憫惜。業經明降諭旨。照例賞卹。其所請交部議處之處。正可不必。無論降革處分。朕不忍以此加於阿桂等。若不過照例降留。亦屬無謂。且此事之屢經反覆。朕方引以為愧。現在惟當盡人力以聽

天佑。不可稍涉張皇。以致中無把握。即如前令阿桂督師金川。其未經歲事之先。誰謂功可必成。而竟得告功振旅。燕喜凱旋。惟我君臣一德一心。勉力慎重。以期有濟耳。著將此由六百里加緊傳諭阿桂等知之。○又諭曰。李侍堯覆奏辦理土司控案一摺。內稱上年十一月內接青海副都統留保住咨稱。拏獲搶

竊蒙古馬匹之番子一名。隨飭西寧府知府會同青海委員嚴行審辦。又十二月內復准留保住咨稱有賊番將扎薩克旗下章京巴朗所管馬槍去一百餘匹。經巴朗追趕被賊射死等因。隨飭西寧鎮道督拏務獲。旋據該鎮道稟請派撒拉爾土兵並附近番兵前往彈壓。因恐所辦過涉張皇。祇令購線拏緝。又去年八月內千總賀利琯越界滋事。現在另摺具奏等語。既有此事。何未早奏。且所辦殊屬非是。此等番人雜處邊徼。最易滋生事端。遇有搶竊訐訟之案。必須嚴行查辦。迅速審斷。方足以綏靖邊夷。斷不可存化大為小之見。今李侍堯所奏俱係上年案件。彼時何以不即行具奏。即西寧鎮道稟請派兵彈壓一節。該督亦當籌度機宜。如其事果須稍示軍威。正不妨酌派兵丁使知震懾。儻止聽地方官前往督緝。該番等或將兇犯藏匿。以致控案懸宕不結。轉屬不成事體。此事惟在該督

斟酌事體輕重。熟籌妥辦。固不宜稍涉張皇。亦不得遷就完事。甘省節年以來。因勒爾謹在彼諸事因循。皆欲化大為小。以致釀小成大。李侍堯不可不引以為監。其現在各案內應行緝拏之犯。務即督飭委員剋期務獲。從嚴辦理。將此由五百里傳諭知之。○禮部題。朝鮮國王李祘遣使表賀。萬壽冬至元旦三大節。及進歲貢方物。賞賚筵宴如例。○琉球國中山王尚穆遣使表貢方物。賞賚筵宴如例。○暹羅國長鄭昭遣使表貢方物。賞賚筵宴如例。○甲子。諭軍機大臣等。昨據阿桂等奏。堵築青龍岡漫口。復有塌失之事。實屬意外之變。然勢無中止。仍須鎮靜妥辦。不可稍涉張皇。轉致中無把握。業經詳悉傳諭阿桂等。令其盡力勉為矣。但目下距春汛之期。不過旬餘。而東壩現在塌寬三十餘丈。連前未經堵合之口門七丈餘。統計實有四十餘丈。雖天氣融和。施工較易。而此

旬餘內未知能將壩工堵築一律完竣否。朕心殊為廑注。此事惟聽阿桂等悉心妥酌。相機趕辦。總期工程穩固堅實。朕亦無別有訓諭也。至開放引河。雖據奏稱蓄高水勢甚為通暢。但水頭究至何處。未據確實具奏。若引河得力。吸動大溜。則壩工不致著重。其合龍較易。何至復有此變。再此番墊陷後。溜勢走入口門。其所開之引河。是否尚能暢達。不致淤墊。並著阿桂等詳悉覆奏。又從前儀封十堡壩工。作挑水壩。挑溜歸入引河。得以成功。此次之西壩頭。是否應須照前做法再行添築幾丈。俾溜勢挑開。一切下埽進占。較易為力。再前此儀封十堡工程。朕於陶莊河神前虔心默禱。即於是日合龍。著有靈應。此次阿桂仍應虔誠祈禱。默邀神助。不可因兩次塌失。稍存絲毫怨尤之意。著將此由六百里加緊傳諭阿桂等知之。仍將現在辦理情形及傳詢各情節。即據實速

行覆奏。○乙丑。

上還宮。○吏部議奏。向例失察私藏烏鎗地方官。議以罰俸一年。今民間積習未除。皆由地方官奉行不力。請嚴定處分。以儆懈弛。嗣後州縣官失察一次。降一級留任。二次降一級調用。該管道府失察所屬一次。罰俸一年。二次降一級留任。令各督撫於年終彙奏時。將失察次數查叅從之。○賑卹盛京官莊鳳凰城驛雪裏站通遠堡巨流河白旗堡三道境小黑山等驛。乾隆四十六年分。被水莊丁驛丁。並蠲緩額徵地租。○是日起。

上以祭

社稷壇齋戒三日。○丙寅。四庫全書告成。總裁質郡王永瑤等帶領總纂提調纂修分校督催收掌等員引見。得旨。孫士毅著補授太常寺少卿。韋謙恒著補授贊善。吳省蘭。王坦修。李堯棟。李鎔。吳裕德。汪學金。陳崇本。許兆椿。于鼎俞。大猷。彭元琬。百齡。周興岱。俱著照所

請遇有應陞缺出與俸深人員輪班分次帶領引見。其有應行開列之處仍與俸深人員分單進呈。其汪學金俟散館後陳崇本俟扣滿五年後歸入此次議敘人員內。按照名次一體辦理。德昌瑞保亦俟扣滿五年查照上次列名在前之例辦理。其胡子襄王慶長李荃李斯咏富炎秦董椿門應兆田起莘吳應霞楚維寧俱著交部查照原奏照例陞用。至列為二等之裴謙等四十二員並著加恩與

此次議敘一等人員同入文淵閣筵宴一併加賞。其辦理四庫全書黃籤之王太岳曹錫寶著加恩以國子監司業陞用。王太岳俟服闋之日再行擬補以示全書告成加惠儒林至意。○命禮部侍郎莊存與在尚書房行走。○丁卯諭昨閱進呈一統志內國朝松江府人物祇載王項齡王鴻緒諸人而不載張照其意或因張照從前辦理貴州苗疆曾經獲罪又其獄中所題白雲亭詩語意感憤經朕

明降諭旨宣示中外。因此次纂辦一統志竟將伊姓氏里居概從刪削殊屬非是。張照不知朕辦理其案之公表而反挾私怨悵誠非大臣公忠體國精白一心之道。然其文采風流實不愧其鄉賢董其昌即董其昌亦豈竟純全之正人君子哉。使竟不登志乘傳示藝林致一代文人學士不數十年竟歸泯沒可乎。況從前張照之獲罪因疑為鄂爾泰傾陷其獄中憤怨之詞亦大都指摘鄂爾泰者

居多。蓋鄂爾泰欲置伊於死地朕若聽信其言張照豈獲生全。彼不知朕非信讒之主而鄂爾泰又豈能讒張照之人。即如朕初政時戶部尚書缺出果毅親王保薦右侍郎托時朕以海望乃左侍郎資俸既深

皇考眷注亦優特予擢用。夫鄂爾泰之力必不能過於果親王果親王尚不能薦用一尚書豈鄂爾泰能構一尚書致死耶。嗣念張照究係可用之材因出之囹圄不數年間由內閣

學士。洊擢刑部尚書。供奉內廷。是朕之待張照。始終成全。原不以一眚之微。終使擯棄。可謂極儒臣之榮遇。即將來國史中。亦當令載筆之臣。將伊事蹟詳晰編入。何此時纂辦一統志。轉佚其名耶。總之張照雖不得謂醇儒。而其資學明敏。書法精工。實為海內所共推重。瑕瑜不掩。公論自在。所有此次進呈之一統志。即將張照官秩出處事蹟。一併載入。其各省志書。或有似此者。纂修諸臣。皆宜查明。

奏聞補入。并通諭中外知之。○又諭。本日吏部將侍郎杜玉林查審沙金鳳控告胞兄沙金龍等。霸產搶奪財物一案。並未將案犯提齊究審。即行完結。瞻徇草率。議以降三級調用。不准抵銷一本。已照發批發矣。此案沙金龍父子欺壓霸占。疊肆搶竊。連年訐訟。地方官置而不辦。特命杜玉林前往查審。自應提集案犯。秉公研訊。俾案無疑實。方為不負任使。況從前欽差審辦案件。未有結案後重復

赴京控告者。即有虛捏翻控之案。及派大臣覆行鞠審。亦未有似此罪名出入者。乃杜玉林審辦沙金龍父子起意搶竊各案。既不能提集正犯。嚴究主使情節。率聽嚇令頂充之畢顯貴等。認為正犯。定擬完結。而於署知州徐士勲。到任兩年延擱不辦之故。並未附摺劾參該員。係杜玉林同鄉。其為有心袒護。已屬顯然。難逃朕之洞鑒。若不嚴予處分。將來欽差大臣查審案件。皆如此相率效尤。朕將何以用人乎。此案杜玉林即照部議實降。以示懲儆。並將此通諭中外知之。○山東巡撫國泰巡視濟寧漕務。內閣學士毓奇奏。濟寧以南。緯道隄岸。被水衝刷。現在重運經臨。亟應籌辦。自濟寧至黃林莊。分作五段。於水淺處用柴土填築。深處估備排樁。間有水深斷缺之處。測量寬窄淺深。或架木搭橋。或備船擺緯。併令按段分設水站。密插柳標。以表界限。俾得銜尾遄行。報聞。○是月。署兩江總督

兼署安徽巡撫薩載奏。泗州境內謝家溝。及汴河尾兩處。近因黃水盛漲。積淤較甚。亟應挑浚。以資宣洩。查該處河工向歸民辦。第泗州連年被水。民力拮据。勢難督催。藩庫現存社穀變價銀兩。原係留為民間辦公之用。請即於此項內動支給辦。得旨。亟應如議。速為者。所奏何遲乎。○山西巡撫調任安徽巡撫譚尚忠奏。晉省寶晉局積存補秤餘銅較多。正項鉛錫不敷配鑄。請將餘銅借配鉛錫。搭鑄錢文。歸於正項配放兵餉。庶餘銅不致久貯報聞。○署理陝甘總督李侍堯奏。肅州舊設官駝二百隻。運送新疆各處官物。交肅州知州擇廠牧放。嗣緣經理不善。遞年虧缺。業已倒斃無存。應著落各員分賠。至該州轉運官物。常川不絕。應請改設官車於肅州。安西兩處各設單馬鐵瓦車七十五輛。源源運送。較為妥速。得旨。如所議行。該部知道。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百四十九

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事務處管理刑部戶部三庫事務

世襲副都統軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅二月戊辰朔祭

大社

大稷

上親詣行禮○諭軍機大臣等據國泰等奏查明濟寧以南運河水勢情形分別籌辦緯道隄岸各事宜一摺自應上緊辦理俾重運遄行無阻查閱國泰等進到圖內所繪運河水勢漫衍寬廣其所奏籌辦之處現在青龍岡壩工復有墊陷之事下游水勢尚在長發其漫溢情形恐不止此國泰等尤當先事豫籌

重運北上時務須多派官弁設法小心保護俾得銜尾依次速行不致稍有阻滯方為妥善至豫省工次現有阿桂在彼與李奉翰富勒渾相機堵合籌辦有人前已降旨令韓鐸即赴微山湖北運河一帶往來查勘計韓鐸此時自己接奉前旨遵照剋日起程並著傳諭韓鐸即速會同國泰毓奇分查遍勘悉心詳細妥議熟籌以慰廑念○又諭本日據阿桂等覆奏此次引河因較前寬深業有奔注之勢東西兩壩各剩一門埽是以開放大河之水逐漸增長分入引河流行暢達但引河雖暢不過分掣三四分不能全行吸動其餘六七分總俟合龍後方能逼入引河惟期合龍後堅持三日則引河宣洩暢達壩前長水漸消自可鞏固無虞又稱此次十九二十流行兩日黃水尚未能出河南境等語又奏籌辦壩工情形一摺內稱東壩原墊處釘樁生纜恐不能得力現在上水南首有膠泥灘一

處甚屬結實。即於此處外作邊埽。內用膠泥加工夯礮堅實。自南釘樁向北進占。做長壩工。與西壩相對。以為捲門下埽之地。仍自東釘樁生纜。加倍周防。如此丁順做法。較為穩固。此次引河未經淤墊。堵合不過在清明前後等語。並繪圖貼說進呈。亦已於摺內批示矣。此次壩工垂成。變生意外。實屬無可如何之事。阿桂等所奏情形。亦祇得如此辦理。現在引河未經淤墊。固屬幸事。但黃水尚未出

河南境。則去路究屬未暢。據稱疊經變故。不敢稍懈。惟有奮勵振作。督率員弁。趕在汛水未旺以前。蒞事等語。所辦甚是。阿桂等務須盡勉人力。倍加小心。以祈

天佑

神助。迅速集事。此時益加慎重。不可轉存欲速之見。再前降諭。旨令韓鐸是否可以前赴北運河一帶查看籌辦之處。何以未據覆奏。並令迅速奏來。將此由六百里傳諭阿桂等

知之。尋韓鐸奏。臣於二月初六日。自濟起程。前赴微山湖一帶。按照段落分投查勘。目下桃汛屆期。東省汶泗府洸諸河。並各處山水泉源。尤宜豫為籌辦。以期運行無阻。得旨。知道。實力妥為之。○轉刑部右侍郎姜晟為左侍郎。以左副都御史汪承霈為右侍郎。湖北布政使梁敦書為左副都御史。○己巳。以舉行仲春經筵。遣官告祭奉先殿。

傳心殿

上御文華殿。講官暨侍班之大學士九卿詹事等。行二跪六叩禮。分班入殿。內序立。直講官四人出就講案前。行一跪三叩禮。復位。直講官德保曹秀先進講。論語知者樂。仁者壽。二句講畢。

上宣御諭曰。仁者知之體。知者仁之用。亦如山者水之體。水者山之用。故無水之山必枯。無山之水必瀉。知而離仁。失之巧。仁而離知。失

之訥。朱子解此章。雖云不是。兼仁知而言。而夫子之言。實並仁知之形容。及與其效相提並論。以顯其相資。殷而相得彰也。明乎仁知之相資。則體用各得其宜。蓋知有知之體用。仁有仁之體用。而仁知又互相為體用。渾然天理動靜周流。其樂與壽不求而必得矣。雖然。其樂與壽。豈一己之私哉。知者無不通。樂何如之。仁者無不善。壽何如之。夫然則其樂其壽。實泯彼此。該物我。樂以天下。壽以萬世。

學者宜無不加勉。而為人君者。更當以是為亟也。講官暨侍班官跪聆畢。興直講官阿肅謝。壩進講書經在知人。在安民。二句講畢。上宣御論曰。臯陶言人君為治之道。在知人。在安民。斯言也。實示千古帝王治世之要道。舍是無他求矣。夫知人安民。非二事也。君以身臨萬民之上。萬民衆矣。豈能一一教之。養之。是在知人善任。內而百官。外而民牧。必各稱其職。而能其事。以相輔弼。承宣然後庶政。

惟和萬國咸寧。夫使若而人者。皆各稱其職。而能其事。豈易致哉。故大禹吁之曰。唯帝其難之。而何憂何畏。皆重於知人。而知人尤難於安民。能知人則無不安之民矣。夫以神堯所難之事。而為帝王者。無不有是責。嗚呼。可不畏乎。可不慎乎。講官暨侍班官跪聆畢。大學士三寶等奏曰。欽惟

皇上德該仁智。化洽臣民。統樂與壽。而量無不周。能哲而惠。而操之有要。洵所謂範圍莫過曲成不遺者矣。臣等幸聆

御論敬體

宸衷。曷勝誠服之至。奏畢。諸臣出就拜位。行二跪六叩禮。禮成。賜講官暨侍班官等宴於文華殿東廡之本仁殿。

上御文淵閣。賜四庫全書總裁總閱。總纂纂修總校分校提調。暨文淵閣領閣事。提舉閣事。直閣事。校理檢閱等官。宴賞賚有差。遣官祭

開帝廟。○諭據福祿奏向來南路各回城駐劄辦事大臣稽察回民俱於年終自行具奏請嗣後轉報烏什叅贊大臣彙奏所見尚是著照所請行。因思伊犁等處亦應如此辦理嗣後伊犁所屬各城辦事大臣亦著於年終申報伊犁將軍彙奏。○又諭據福祿奏土爾扈特汗策凌納木扎勒所屬之土爾扈特布倫乘騎逃走。在吐魯番地方拏獲請送理藩院審辦發遣。充當驛站苦差等語。所辦殊屬

糊塗。土爾扈特布倫拏獲後即應交策凌納木扎勒自行辦理。此等逃人該處想常有之事若皆紛紛送理藩院成何事體。福祿著嚴行申飭並著傳諭新疆大臣等嗣後如遇此等事不可拘泥。○署雲南巡撫劉秉恬奏滇省大理府屬鄧川州境內之瀾苴河上通浪穹下注洱海中分東西兩湖西湖另有水尾直達於海東湖由河入海河高湖低遇夏秋潦發青不潤九龍澗等處之水會衝入河。河

水宣洩不及迴流入湖附近糧田俱被淹沒現在該處紳民倡捐將東湖尾入河之處築壩堵塞另開子河引東湖之水直趨洱海又自青不潤至天洞山築長隄一道併建立石閘使河歸隄內水由閘出歷年被淹糧田一萬一千二百餘畝全行涸出得旨嘉獎。○庚午諭據理藩院奏喀爾喀桑濟公爵應否准其承襲請旨等語該院亦係循例辦理但桑濟之父噶瓦從前於青滾雜卜之事曾經出

力是以賞給公品級令伊子承襲今仍著加恩准其世襲罔替。○命左都御史劉墉在南書房行走。○以克勤郡王雅朗阿為正白旗漢軍都統。○予故喀爾喀扎薩克多羅郡王齊巴克扎布青海扎薩克輔國公旺扎勒敦多布致祭如例。○辛未

上幸南苑○詣

永慕寺行禮遣官祭昭忠祠○是日駐蹕舊衙門行宮○壬申

上行圍。諭軍機大臣曰。阿桂等奏籌辦青龍岡壩工。及現在挑溜進占情形一摺。此時亦祇可如此辦理。又閱韓鏐富勒渾等奏曲家樓隄工一摺。并擬築外越隄圖。因思決口尚未合龍。豈能即至越隄。今春汛在邇。如有可設法變通之處。自當多方熟籌。若此次能合龍。固是萬幸。無可復言。設不幸復不能成。則是現築壩處不宜合龍明矣。朕詳閱圖內形勢。若將引河移在現築二壩之下。引溜東注孔家莊。接入引河故道。似比現開引河之處較為得力。但此乃無聊之極思。因將圖內硃筆標出。著傳諭阿桂等詳細審度水勢土性。為此備而不用之籌。朕廑念要工。日夕縈切。為此不得已之計。阿桂等惟當公同悉心籌畫。期於壩工有濟。迅速蒞事。不可因有此旨。稍存遷就之見。將此由六百里傳諭知之。並將硃筆標識原圖發寄閱看。仍即將現在堵築情形迅速由驛覆奏。○以鑲紅旗蒙古副

都統烏爾圖納遜為察哈爾副都統。○是日駐蹕南紅門行宮。○癸酉。諭曰。梁朝桂前在肅州鎮總兵任內。因不將年力衰頹之都司福昆等揭報。經李侍堯奏。部議降調。總兵職司營伍。考察將弁。是其專責。乃一任衰朽。戀棧不行。揭報。予以降調。實屬咎所應得。第念梁朝桂曾經出兵打仗。頗為奮勉。尚堪棄瑕錄用。著加恩補授福建福寧鎮總兵。其降調之案。帶於新任。俟八年無過。方准開復。○又諭。本日據巡臺御史塞岱雷輪遞到奏摺。一係接奉硃批。自陳惶悚。並請交部議處。摺於十二月初五日拜發。一係巡查臺灣北路情形。摺於十二月十七日拜發。兩摺先後不同。俱於同日奏到。其初五日摺內所奏。諸羅縣盜犯洪龍一案。乃該處緊要事務。何以並未詳悉聲明。即所稱該廳縣先後拏獲賊犯二十餘名。俱經撫臣楊魁行提過海審辦。及續獲賊匪陳明等八名。已飛飭各縣嚴究辦理之處。殊屬非是。臺灣地

處海外因三年例派御史巡視一次遇有緊要事件自應一面提審辦理一面奏聞如此案緝獲賊匪陳明等八名事關要案該御史等即應就近審辦再行移交撫臣歸案完結何得僅飭各縣審究謂可了事耶至十七日所奏之摺又不過巡視地方情形敷衍塞責而於初五日所奏諸羅縣盜犯之事全不提及似此有名無實又安用此巡臺御史為乎塞岱雷翰仍著交部議處○諭軍機大臣等

昨阿桂等奏報籌辦青龍岡壩工情形又韓鐸等奏曲家樓隄工各摺已將硃筆改抹之諭旨發寄阿桂等自當仰體朕意將現築壩工悉心趕辦迅速歲事期於桃汛前合龍方為妥善至昨日圖內硃筆標出之處恐此次壩工萬一不能得力不得不思變計若現在壩工可以剋期堵合自不必復為此舉阿桂等惟當督飭在工員弁竭力堵築以期一舉集事著再由四百里傳諭知之仍將現在壩

工情形及何日可以合龍之處迅速覆奏○以內閣學士毓奇為鑲紅旗蒙古副都統○是日駐蹕團河行宮翼日如之○甲戌春分朝

日於東郊遣豫親王修齡恭代行禮○遣官祭先醫之神○諭軍機大臣等據陳輝祖奏藩庫實存銀數一摺內稱藩庫錢糧自乾隆四十六年正月起到十二月底止經收各年各款除支銷外實存銀二十二萬九千八百四十四兩零等語所奏殊未明晰藩庫為錢糧總匯之地所有節年實存各款銀兩自應逐一查明將存庫總數一併開載方可一覽了然今該督僅以本年實存之數據詳具奏其藩庫積年存貯銀兩究有幾何並未詳晰聲敘竟似浙省藩庫僅止存銀二十二萬餘兩若果布政司庫所存止有此數則省城貯備太少陳輝祖何以不行奏請酌撥耶除就近交部詳察具奏外著傳諭陳輝祖即將浙省

藩庫除支銷各款外。實在新舊各款。共貯銀若干。再行詳查。迅速覆奏。○旌表守正捐軀安徽阜陽縣民馬三妻李氏。○乙亥。

上行圍。○是日駐蹕新衙門行宮。○丙子。

上幸圓明園。丁丑祭。

先師孔子遣大學士嵇璜行禮。○諭曰。總兵永海到任後。將操演兵丁查閱營伍之處。繕寫漢摺具奏。永海身係旗人。竟用漢字奏摺。此非辦理地方民情料估事件。礙難繕寫清字。其查閱營伍。何須多語。竟不能以清字具奏乎。從前總兵等。因係旗人。以漢摺具奏。屢降旨申飭。並交部查議矣。永海豈無見聞。永海到任。即用漢字摺具奏。深染綠營習氣。著嚴行申飭。外並交部查議。○諭軍機大臣等。據車布登扎布等奏。喀爾喀地方挖金。民人現聚五百餘衆。因派額外筆帖式多爾濟扎布等前往驅逐等語。蒙古地面。聚集五百餘人。斷非一時驟致。且係何省之人。該處產金。

伊等又何由得知。著傳諭奎林查明具奏。尋奏查係陝甘山西等處民人陸續聚集。現已盡行驅回。詢問蒙古等尚無勾引分金情弊。請嗣後於口外接壤處所。設卡嚴查。得旨。奎林所奏殊屬糊塗。喀爾喀離內地遙遠。若非蒙古等圖利招引。民人何由知彼處有金。前往創挖耶。奎林惟聽人言。輒欲苟且了事。著傳旨申飭。○軍機大臣會同刑部議覆。據陝甘總督李侍堯奏。鎮迪道巴彥岱前在鎮西府任內。收受經方餽送銀一千兩。現任鎮西府富明阿明知經方虧空。因恐分賠。不行查揭。均請照例擬流。應如所請。巴彥岱照侵盜錢糧一千兩杖流例。富明阿照故出人罪死。因未放減一等杖流例。俱從重改發新疆。効力贖罪。得旨。此案巴彥岱在鎮西府任內。收受經方餽送銀一千兩。明知該犯虧空帑項。已逾數萬。因受賄在先。憚於舉發。又恐自身將致賠累。是以甘為徇隱。覈其情罪。與署鎮

西府之富明阿並未收受餽送銀兩止係庇護不行揭報者輕重懸殊軍機大臣會同該部覈擬時自應按例將巴彥岱比照經方斬決之罪減一等定擬斬候方為允協乃率照李侍堯原擬將巴彥岱富明阿均擬杖流改發新疆殊屬錯謬定此案之軍機大臣刑部堂官及李侍堯俱著交部議處此案巴彥岱改為應斬監候秋後處決餘依議甘肅各官上下通同一氣目無法紀至於如此雖王亶

望一人之作俑而官官相護之風至於舉朝皆然朕竟不能以誠感衆實為慙懣不知衆人以為何如○戊寅

孝康章皇后忌辰遣官祭

孝陵○諭兩淮鹽政員缺著伊齡阿調補徵瑞著調補長蘆鹽政俟接任交代後再行起程其未到任之先著西寧前往暫行署理伊齡阿俟西寧接署後即赴新任不必來京請訓全德著調管淮關監督四德著調補蘇州織

造其杭州織造員缺著盛住兼管○巳卯禮部議覆四川學政劉斌咨稱川省各學廩生出貢二十名者二年一貢十五名者三年一貢十名以下者四年一貢今屏山縣學廩缺已裁四名祇十六名應改為三年一貢以昭畫一應如所請從之○旌表守正捐軀山東壽張縣民楊僕女楊氏○庚辰上御勤政殿聽政○遣官祭黑龍潭昭靈沛澤龍王之神玉泉山

惠濟慈佑龍王之神○諭曰原任布政使陳用敷前在廣東道員任內因失察黎匪滋事等案部議革任自屬咎所應得但念其究屬因公與私罪有間尚堪棄瑕錄用現在廣西按察使姚梁丁憂所遺員缺著加恩以陳用敷補授○諭軍機大臣等據陳輝祖等奏查出仁和縣監生卓天柱等收藏伊先人卓長齡等詩集內有雜頭輕卸一層氈又髮短何堪簪厭此頭上幘及彼都人士痛絕黍禾之

語又卓士忠鈔錄本朝詩內並不將御製詩出格繕寫輒敢妄用紅筆圈點實屬大逆狂吠現在徹底究審等語卓長齡等生於本朝食毛踐土乃敢肆其狂吠將本朝制度作詩指斥不法已極國家定制損益從宜即以難髮而論自較便於前朝乃該犯等因窮困無聊遂爾心懷刺譏形之歌咏實為人心風俗之害今經發覺雖該犯已幸逃顯戮伊孫卓天柱等於此等悖逆詩集並不即行首繳且挖去違礙字跡有心隱藏自有應得之罪著陳輝祖審明照例定擬又據奏監生卓汝諧曾盜賣祠堂門樓地基查出控縣遊幕江南避匿挾嫌首告是該犯計圖報復亦非專為舉發悖逆起見亦當審訊明確照例辦理將此傳諭陳輝祖並諭王杰知之○又諭曰福康安奏謝賞貂褂摺及糧價單俱用黃綾此皆無益之費朕於一切無不節儉伊所深知著傳諭福康安嗣後除年節賀摺俱不必妄

用黃綾○又諭曰伍彌泰奏西安新設將軍標下三營兵丁務使精銳等語此雖係綠營兵丁既屬將軍標下即是伍彌泰專責朕原因西安要地故添設此營必須按時操練俾成勁旅方不負添兵之意著傳諭伍彌泰令其實心訓練痛除綠營積習以整營伍○辛巳諭軍機大臣等據巴延三奏安南國王黎維禔咨稱前因拏解竄犯蒙加優賜今奉旨准將此次謝恩儀物充作正貢本國謝款殊覺歉如謹繕奏摺懇請轉為題達曲賜矜從等情連奏本一匣送到現在齎交禮部轉送內閣進呈等語此奏殊未明晰安南國王前因蒙賞謝恩隨表附進土物念其專使遠來已令留充正貢今據該國王具咨復行懇請具見恭順惓忱但該國貢使是否親齎貢物來京抑係留住粵東候旨摺內均未聲敘明晰其奏本詢之禮部亦尚未遞到著傳諭巴延三即將該國貢物是否業已起程及貢使

是否一同來京之處。即行迅速由驛明晰覆奏。候朕再降諭旨。尋奉安南國王貢使及貢物尚未來粵。俟到日即行妥辦送京報聞。○直隸總督鄭大進奏。拏獲私蓋天主教堂。聚衆念經之寶坻縣民李天一、張全等。供係自幼隨父入教。與同村之張化隴等私相崇奉。後因到京。與天主堂西洋人熟識。向其討取瞻禮單。並買天主圖像及經卷樂器等物。每逢瞻禮日期。持齋誦經。並無別項斂錢不法情事。李天一應照左道惑人為從例。發邊衛充軍。張全、張化隴等應照違制律杖責。經像樂器等。概行銷燬。下部知之。○予河南青龍岡壩工蟄陷淹斃官員。河陝道張有年。守備張位。趙魁。千總鄭文彩。閭官張性。潘祖壽。把總張尚仁。外委岳貴。王文林等。並受傷弁兵。賞卹如例。○壬午諭曰。楊魁奏革職知縣楊慰訪稟諸羅縣盜首洪籠病故。經委驗知府蘇泰稟稱。係久斃之屍。並非洪籠正身。拘獲

洪籠之兄洪盧。訊係因根緝畏累。將路斃屍身。捏作洪籠病死。投保轉報等情。現在提集人犯。嚴切根究一摺。此案內盜犯洪籠。係為首要犯。自應嚴緝正身。務獲速正刑誅。乃該犯之兄。竟敢將路斃屍身。捏冒病死。已革知縣楊慰。並不驗明。遽行據報。顯係憚於協緝。有心欺捏。情罪甚為可惡。僅於該省提審。不足蔽辜。所有革職知縣楊慰。著即拏交刑部治罪。至知府蘇泰。於委驗屍身。究出假捏情事。辦理尚能持正。著交部議敘。其革職知府萬縣前。仍照該撫所請。留臺協緝。獲盜後。方准內渡。該部知道。○諭軍機大臣等。據陳輝祖奏。仁和縣監生卓天柱等。收藏伊先人卓長齡詩集。違悖語句。又卓世忠鈔錄本朝詩內。並不將御製詩出格繕寫。現在徹底究審等語。已傳諭陳輝祖。審訊明確。照例辦理矣。此案卓長齡所著詩集。語多違悖。卓天柱。輒敢收藏。並不即行繳出銷燬。自有應得之罪。

至卓世忠所錄本朝詩內未將御製詩擡寫一節此等鄉僻無知之人不諳體例率意謄寫尚屬可恕况御製詩集民間鈔寫誦習原所不禁著再傳諭陳輝祖將來此案審結時祇應將該犯等收藏違悖詩集有干禁令之處照例定擬其鈔錄御製詩未曾擡寫一節竟可毋庸訊究摺內亦不必聲敘

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十一

監修總纂官陸廷儀官太子太傅文淵閣大學士文淵閣領閣事領閣內大臣稽察欽奉 上諭事件處管理
吏部理舊院事務正黃旗滿洲都統世襲明都尉軍功加七級隨帶加一級尋常加二級軍功紀錄一次臣慶桂
總纂官陸廷儀官太子太傅文淵閣大學士文淵閣領閣事稽察欽奉 上諭事件處管理刑部戶部三庫事務
世襲明都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次
尋常紀錄十四次臣德瑛陸廷儀官太子少保工部尚書紀錄六次臣曹振鏞等奉

敘修

乾隆四十七年壬寅二月癸未戶部尚書和

珅兵部左侍郎曹文植奏臣等承辦一統志查自乾隆二十九年開館以來已閱十九年陸續進過十五省共二百八十餘卷尚有江蘇安徽江西浙江四省及外藩一門現在釐辦查已進志書節年以來不特人物事實逐漸加增即疆域建置戶口滋生職官學校之裁改添設前後多有不同如直隸山東山西諸省以成書在前近年恭遇我皇上省方問俗行慶盛典尚未恭載應請補輯

向來館例全書告竣再行畫一辦理另繕正本進呈。但一統志卷帙既繁門類亦多請辦完一省即繕寫正本進呈至盛京為豐鎬始基直隸山東江蘇浙江等省各有河工海塘皆蒙

聖心眷注清蹕時巡應於成書時再辦書一卷庶免掛漏現在奉旨將各省人物事蹟查明補入臣等謹擬條款一府廳州縣添設裁併者詳查建置原委疆域四至及文武職官員

數戶口田賦正額學校書院並山川關隘寺觀陵墓古蹟人物列女現隸境內者造冊送館其入學額數一併附載戶口田賦有重經編審及升科減則者摘敘節畧送館更正一名勝古蹟曾蒙

聖駕臨幸及頒賜扁額祠廟寺觀有奉旨添建重修賜名者查明造送一名宦鄉賢題准入祠者俱查該員爵里事蹟送館其曾經奉旨褒嘉及入祀賢良昭忠等祠者一併辦理。

旌表孝子列女造冊送館一府廳州縣所屬

地方有學問人品堪為矜式居官政蹟實足濟時歿後或以世遠湮沒或以子孫不肖未經入祀賢良者並開造切實事蹟送館備採奏聞補輯得旨允行○甲申諭曰安南國王黎維禡前因盤獲逃犯周貴遣使押送入關賞給緞疋等物齋奏陳謝併備具方物附表進呈念其事使遠來不令齋回即准留充正貢以示優卹今據兩廣總督巴延三奏該國

王復行具表奏稱接奉恩旨准將此次謝恩儀物充作正貢下方葵藿無以將誠懇將此次奉進方物仍為謝儀洎四十八年歲貢之期欽遵常例奉貢等語具見該國王恭順惻忱深可嘉尚若復行却還轉無以達該國述職輸誠之意所有此次隨表方物該部即行收受其四十八年應進正貢著減常年所進貢物之半至嗣後該國王遇有陳謝章奏一概無庸備物隨表呈進以副朕柔惠遠人至

意。並令該督巴延三傳知該國王遵諭行。該部知道。○諭軍機大臣等。據陳輝祖等奏。准巴延三咨會船戶謝元興。於四十六年六月內。由臺灣裝載客貨。并領彰化縣搭載兵粟八十石。折給花銀六十四圓。又船腳銀五圓。該船戶開行後。遭風飄至粵省海豐縣。擊碎船隻。沈失貨物。拯救得生。咨明原籍等因。現在飛飭臺灣道府。迅速確切嚴查。據實揭叅究辦。以清積弊等語。此事甚奇。不可不徹底查辦。閩省臺灣各屬。撥運內地米穀。原以該省產穀不敷。藉資臺灣接濟。乃彰化一縣。擅將折給銀兩。令船戶在內地採買交倉。其中顯有違例折徵。及短發價值。并抑勒船戶承領。或船戶藉圖多載客貨等弊。不可不嚴行查究。其臺屬各廳縣。運交內地米石。是否俱照彰化之例辦理。其起自何年。該管道府。何以漫無覺察。必須逐層根究。不得稍涉顛預。陳輝祖現辦海塘工務。不能親赴該省。提犯

研訊。此案著交楊魁。即行提集案內人證。悉心研鞫。據實具奏。仍即回奏。將此由五百里傳諭楊魁。並諭陳輝祖知之。○乙酉。諭甘省各州縣。折收監糧。捏災冒賑一案。其捏結之道府直隸州。前經降旨革職。交李侍堯查審。有無通同舞弊。及別項款蹟。分別定擬具奏。茲據李侍堯查明。將止經捏結。並未收受屬員銀兩之道府秦雄飛。劉光昱等。一十八員。俱定擬已經革職。無庸議。經軍機大臣會同該部。覈准降旨。允行。此等捏結之各道府。以屬員收捐折色之監糧。作為實貯。遇有災荒。復聽從王亶望。蔣全迪等。朋比為奸。豫定分數。分派各州縣。結報扶同申詳。覈其情節。即與虛出通關無異。按律科罪。實所應得。祇因甘肅通省各官。情罪更有重大於此者。不得不於嚴示創懲之中。特予加恩末減。設在他省。則執法定擬。秦雄飛諸人。烏得竟置勿論。且道府為方面大員。訪察屬吏。是其專責。即

有上司抑勒。何難直揭部科。乃甘為扶同出結。國家亦安用此道府為乎。現在全案爰書已定。前任捏結之道員秦雄飛等俱已格外加恩。青赦回籍。嗣後自當永不錄用。以儆官邪。各省道府各官。有稽查結報之責者。均當引為前鑒。儻有似此誣捏袒庇屬員之事。一經察出。朕必按律重治其罪。不得以秦雄飛等諸人之例。謂可幸邀寬宥也。將此通諭中外知之。○諭軍機大臣曰。侍郎德成。現在會

同畢沅。勘估西安省垣城工。並勘明修建灞橋工程。其一切築建基址。及覈計磚塊石料。運腳工價。俱需德成在彼指示。料理周妥。未能剋期回京復命。所有盛京各處修築城垣。現屆春氣融和。易施工作。若俟德成到彼督辦。未免稽遲時日。著傳諭工部侍郎德福。即會同將軍索諾木策凌。府尹全魁。奇臣等。往來督率工員。趕緊辦理。並著傳諭德成。詳晰勘估西安城工。并灞橋工程。俟一切事宜完

竣後。再赴盛京。不必亟亟回京復命也。○吏部議覆閩浙總督管浙江巡撫陳輝祖奏稱。閩省沿海各屬。通達外洋。守口弁兵。得規縱盜。承審各員。每瞻顧徇隱。不切實根究。請嗣後審理洋盜之員。務將各盜究明實在出入口岸。有無得規縱放。並出口時。係稱何項生理。同夥幾人。迨刦賊後。又載何項貨物。掛驗而入。由此逐細追求。難以巧圖規避。倘仍有任聽各盜信口妄指。不究出實在口岸者。將

承審官照例議以降二級調用。不准抵銷。又稱陸路盜案。必盜憑報案。賊憑主認。始可定為正盜。若洋面失事。該事主或距城遙遠。或畏懼守候。往往隱忍不報。地方官查無報案。證佐無憑。不即緝究。請嗣後海洋盜案。地方官訪聞。立即查勘緝拏。一俟獲犯訊明。供認不諱。即可起賊。按律定擬。倘仍拘泥觀望。不即拏究者。照諱盜例革職。均應如所請。從之。○命左都御史劉墉在紫禁城騎馬。○丙戌。

諭軍機大臣等據韓鐸等奏會勘運道情形並詳悉熟籌一摺內稱現在毓奇往來沿河一帶催辦各工並迎押頭幫船隻韓鐸因勘辦諸事均已派員分投修理而豫省青龍岡不日合龍正當喫緊之際即自臺莊起順勘伊家河荆山橋等處水勢由黃河北岸星馳趕赴工次幫同辦理等語韓鐸等此奏尚不知豫省堵築要工又有變動故有馳赴工次商辦善後事宜之語現在阿桂設法另籌改挑引河欲將挑水壩做為正壩改絃更張將來壩工合龍尚需時日東省運河關繫緊要韓鐸等雖已將淹漫各工勘估並安設水站派員分段督辦而目下正值糧艘重運銜尾北上韓鐸仍需往來東省隨時相機指示妥辦不可專委道員經理一切俱置不問再毓奇自巡視東漕以來會同國泰等區畫河道尚屬留心現在沿河一帶催辦各工並迎押幫船即著傳諭毓奇令其悉心幫同韓鐸妥

商往來督率辦理本年糧運過濟自然比往年畧遲毓奇在彼尤須竭力催趲俟重運全數抵臨清後再行起程來京不必循照往例屆期遽行復命也將此由六百里各傳諭知之又諭據富勒渾奏豫省自開工以來屢築屢潰本省附近料物業已搜羅殆盡毗連之山東江南地方或道路稍遠或各有災務協辦物料恐緩不濟急現在移咨直隸督臣轉飭附近州縣諭令有料之戶盡數出售等語所奏是豫省要工急需料物接濟自應就近在隣近之直隸各州縣採買但恐所用料物畧多一時購辦閭閻未免高擡價值爭利居奇著傳諭鄭大進轉飭附近豫省之各州縣出示曉諭居民令其儘數出售照常採買並著該道府留心查察毋任囤販居奇以濟要工之用又諭據阿桂等奏本月十一日戍刻壩工加鑲土坯之際東壩陡向前行蟄直抵西壩上水進埽湊合堵住金門立見斷

流大溜全入引河奔騰下注水頭已過七十里自戌刻至十二日丑刻奮力搶鑲及寅刻復又塌陷四十餘丈引河隨即倒流大溜全掣惟有公同酌議另思設法變通之計等語此實亦無可如何然斷無坐視之理已於摺內批諭矣又據奏籌辦壩工一摺內稱現在傳集道廳將備熟商妥議惟挑水壩一帶河底尚平地勢亦高又東岸前築兜水壩一座以為兜溜入引河之計擬即於此處建築壩

基向西進做將挑水壩鑲寬加厚向東進做計工一百餘丈上緊趕辦約須五六十日尚可於大汛以前完竣並於東壩後身加築土堤一道長二百丈接至舊東壩根以防長水搜後之虞等語朕詳加披閱祇可如此辦理亦無別法也惟查閱圖內引河頭舊有兜水壩處所似可向東北加鑲寬厚接至東壩臺則保護更為得力因用硃筆畫出發交阿桂等閱看如可照此接鑲做壩即一面辦理一

面奏聞至此次東壩塌失三次閱阿桂等摺內情詞不免惶遽然從前儀封十堡亦屢有變動辦至一年有餘始得歲事今北岸雖較南岸關係東省運道尤為緊要然亦惟倍加鎮定董率員弁竭力辦理以期仰邀

天佑

神助不可露惶惶之意俾在工員役人人較前加倍奮勉出力以期於事有濟方為妥善至從前歷次漫決均係南岸且由賈魯河渦河洪澤湖等處經過水勢尚可消納歸海亦屬便利此次北岸決口山東運道河湖一片漕船北上輓運維艱民田廬舍多被淹浸所關更為緊要若照阿桂等所奏改做之法剋期有成因為甚善萬一事勢難料豫為必不得已之計則與其決在北岸受害大而辦理較難毋寧漫在南岸受害小而施工較易言念及此朕實為之慙愧然此實無聊之極思著傳諭阿桂等務須慎密熟商即在事道將

等官。如李永吉輩。亦不可稍為洩露。以致衆情疑慮。反覺不成事體。設或阿桂等詢謀僉同。一面奏聞。一面密行咨會薩載等。豫將南岸宣洩處所。妥為籌畫隄防。使下游百姓得早遷移。不致失所為要。然此為避重就輕。無可如何。不得已之變計。阿桂等不可稍存遷就。必須審度機宜。實有把握。再行據實陳奏。將此由六百里加緊傳諭知之。仍將現在改築壩工一切事宜。迅速覆奏。以慰朕宵旰焦

勞。屢念河防之至意。○舉行乾隆四十六年大計。奉天省。年老官二員。有疾官一員。才力不及官一員。江蘇省。年老官十員。才力不及官五員。不謹官一員。罷軟官二員。安徽省。年老官十三員。有疾官四員。才力不及官二員。浮躁官一員。江西省。年老官七員。有疾官六員。才力不及官一員。不謹官二員。罷軟官一員。浮躁官一員。浙江省。年老官六員。有疾官三員。才力不及官二員。不謹官一員。罷軟官

三員。浮躁官二員。湖北省。年老官七員。有疾官二員。才力不及官二員。罷軟官二員。湖南省。年老官六員。有疾官三員。才力不及官一員。罷軟官一員。河南省。年老官十五員。有疾官三員。才力不及官一員。浮躁官二員。山東省。年老官五員。浮躁官一員。罷軟官二員。不謹官一員。山西省。年老官十二員。有疾官二員。才力不及官三員。罷軟官一員。不謹官一員。浮躁官一員。陝西省。年老官五員。有疾官

三員。罷軟官一員。廣東省。年老官九員。有疾官二員。才力不及官二員。不謹官一員。罷軟官二員。廣西省。年老官五員。有疾官二員。浮躁官二員。江南河員。年老官三員。才力不及官二員。河東河員。年老官一員。有疾官二員。分別議處如例。○丁亥。遣官祭歷代帝王廟。○諭。豫省現在堵築漫工。一切購辦物料需費浩繁。去冬曾撥給戶部庫貯銀一百萬兩。恐不敷用。著再於戶部庫項內

撥給銀一百萬兩。照例派委妥員迅速解往。以濟要工。○又諭曰。程世淳。汪鏞。俱於學政任內因生員滋事不法。降調離任。因係咎所應得。但念其究屬因公。程世淳著加恩。仍以郎中用。汪鏞仍賞給編修。俱著革職留任。無過照例開復。○諭軍機大臣等。本日據章嘉呼圖克圖奏稱。

河神素來靈應。從前康熙雍正年間。曾因堵築工程。差官至西寧虔申祈禱。得以歲工等

語。現在北岸要工。屢有變動。朕齋心默禱。以

祈

天佑

神助。並經傳諭阿桂等。不可稍存怨尤之念。但念阿桂連日在工。不免晝夜焦急。茲特遣伊子阿彌達。馳往西寧。同留保住。並章嘉呼圖克圖之弟。吹卜藏。呼圖克圖。恭詣河源致祭。仰祈

神佑。庶得迅奏成功。合龍喜音。當即在旦夕

也將此傳諭阿桂知之。仍將日內籌辦事宜。迅速馳奏。以慰廑念。○命乾清門侍衛阿彌達。馳驛前往西寧致祭。

河神。○兵部議覆直隸提督剛塔奏稱。河屯協駐劄熱河。係差繁兵單之處。不敷派辦。請將土城子弁兵。抽撥移駐。應如所請。於土城子撥出守備一員。把總一員。額外外委二員。并提標應行募補養廉名糧馬步守兵內。撥馬兵一百名。步兵一百六十名。守兵四十名。

作為河屯協右營。駐劄熱河。土城子仍留千總一員。額外外委一員。馬兵三十八名。步兵四十八名。守兵十一名。從之。○戊子。諭據弘暢等查奏。左右兩翼前鋒營。八旗護軍營。節次所積平餘銀八萬兩。存貯廣儲司等語。此項銀兩。皆係八旗前鋒護軍等。應得錢糧內餘出。仍著加恩賞給。但按名均攤。似無區別。不足以示鼓勵。著派王大臣會同該統領等。擇其技藝出眾。差使勤敏者。量為分賞。務須

秉公妥辦。并將此旨通行曉諭。宣示朕恩。倘稍有瞻徇。或辦理草率。俱難出朕之洞鑒也。并諭左右兩翼八旗知之。○直隸總督鄭大進奏馬蘭峪一帶與

風水相近。人烟稠密。遵化州相距六十里。稽察難周。應責成石門鎮州同就近管理。查該州同原管二十八村。離馬蘭峪甚近。今將二十里以內者。再添撥五十一村。一切驅逐流民。稽查保甲。均令專轄。遇徭役命盜等事。仍歸

遵化州辦理。報聞。○己丑清明節。遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵 遣官祭

孝賢皇后陵

端慧皇太子園寢

上詣

安佑宮行禮。○兵部奏內外八旗武職官員。向例五年軍政密雲新設駐防。俱照熱河辦理。應請照熱河軍政例。准其薦舉二員。從之。○庚寅諭軍機大臣曰。河東河道總督韓鐸奏。查勘東省運河繚道一摺。據稱江南銅山縣

境內黃河北岸之潘家屯。向挑引河。藉黃入湖。濟運去歲督臣薩載等曾經籌及。於此處引湖水入河。分洩。今復逐加量勘。就河底估挑。現在即可洩水二尺。若將大河底客沙再行抽溝。深二三尺。寬一丈餘尺。所挑引河。估與溝底相平。則洩水更多。可引入下游深處。等語。所辦是亟。應速為已。於摺內批示。昨據阿桂等奏。青龍岡現議改築壩工。所有漫注之水。急需廣為設法分路疏消。自應於下游

一帶多方籌辦。以洩水勢。潘家屯引河等工。該督等即應督率員弁。展挑寬深。使湖水分洩入黃。方於運河有益。因思駱馬湖六塘河兩處亦均係運河分注下游。著傳諭薩載等即逐加查勘。如有應行挑挖。可以開放減洩之處。亦宜酌量疏通。廣籌去路。俾湖水分道旁注。運河緯路不致久淹。以便重運。進行方為妥善。著將此由六百里傳諭薩載。韓鐸。國泰。並諭阿桂等知之。○吏部奏各省理事同

知通判。推陞各部員外郎。其員缺向俟引見後始行揀放。查理事同知通判。管理旗民交涉事件。未便久懸。請嗣後照外任推陞京職例於掣發具題後。即開缺簡補。從之。○以待讀學士王懿修侍讀嵇承謙充日講起居注官。以湖北黃州協副將包定邦為襄陽鎮總兵。○辛卯。

上御勤政殿聽政。○諭據德保等奏有河南光州民蕭萬載在都察院衙門呈控武生祝萬

青於家祠內起會誦經煽惑居民伊父蕭芳在州呈首被該州知州指為誣告掌責監禁並不究明聚眾誦經各確情其違例扁對隱匿不解等因請勅交河南巡撫將所控各情節秉公審辦等語地方遇有誦經結會煽誘愚民之事自應嚴查究辦若挾嫌訐控復借並無關礙字句指為悖逆不法希圖聳聽准理此風不可長即如該犯供內稱祝萬青家祠扁額云豆登常新又對聯內有吾祖吾宗

貽厥孫謀若裔若子增其式廓字樣指為違礙古人蓮豆登鉶即如今之木磁盤碗尋常通用之物豆登二字並非專屬宗廟至宗祖孫謀尤係習聞習見常用之語烏得指為違悖此等扁對雜湊字句謂為文理不通則可指為語句違礙則不可若如此吹求字句天下何人得自解免朕豈肯為此已甚乎此案所控情節看來竟屬險詐誣罔斷不可因此拖累無辜致長刁風至所稱該州知州不為

審理之處。若果有曲為袒護。不行審辦情事。自應秉公查究。著將該犯迅速解往河南。交大學士阿桂。會同巡撫富勒渾。提集案犯。秉公查審。究擬具奏。並將此通諭各省督撫。知之。不可長誣告刁風。○壬辰。諭軍機大臣等。從前進剿金川。各省綠營脫逃兵丁。曾經明降諭旨。分別限期。令其自首免死。嗣因各省督撫奏報寥寥。復經特降諭旨。展限一年。並將承緝不力之地方官。交部嚴定議處。實屬

朕法外施仁。有加無已。各逃兵等具有人心。自應自知其罪。冀圖免死。亟行投首。即各該地方官等亦當仰體朕意。實力曉諭。俾窮鄉僻壤。咸各周知。乃本日據李本奏。黔省逃兵。並無自首之犯。即富綱所奏。自首逃兵。亦止陳英即陳希正一名。各省逃兵。經朕屢次加恩。既免其死。乃仍憚於遠遣。匿跡潛蹤。倖圖漏網。實為良心喪盡。不知恩。並不畏法。情罪實為可惡。現截至本年冬底。即屬一年限滿。

如有限內不行投首。一經拏獲。自當立正刑誅。斷無寬貸之理。至各省州縣所屬地方。向俱編查保甲。若果實力奉行。匪人藏匿。何難立即擒拏。即該逃兵等間有病故。亦必有屍可驗。豈地方官平日於此編查保甲。相驗路斃之案。竟置不問乎。著再傳諭各該督撫。接奉此旨。後務須嚴飭所屬。各發天良。實心實力。嚴切查辦。毋得仍視為海捕具文。有名無實也。仍將遵辦緣由。據實覆奏。○又諭。從前

進剿金川。所調各省綠營脫逃兵丁。節經明降諭旨。如有自行投首者。加恩免死。發遣伊犁等處。嗣又降旨。再予展限一年。此等逃兵。本即應正法。經朕加恩。寬以一綫。准其投首。免死原屬法外之仁。乃各省拏獲者甚屬寥寥。皆由地方官等平日視為具文。不能實力辦理所致。至福康安。受朕恩眷。最為深重。非他人可比。且此等逃兵。起自川省。尤為該督所應嚴辦者。必須督飭各屬。設法躡緝。剋期

弋獲。使各省督撫之不能認真辦理者。知所愧勵。方見實心出力。若福康安亦隨衆因循。置而不問。則朕又將誰責耶。著傳諭福康安。務須仰體朕意。嚴飭員弁。實力搜捕。毋使重犯久颺。一經拏獲。一面奏聞。一面審明正法。毋得稍有疎縱。○又諭本日薩載奏籌辦運河緯道情形一摺。內稱河清閒至高埂頭。原係無隄之處。與隅頭湖水勢相連。現在插立標記。指令船走河泓。並多派員弁兵丁。安設船隻引緯。仍委副叅大員。往來照料等語。自應如此設法籌辦。前據韓鐸等奏。將來重運經臨。倘遇順風。仍令其直走正河。若遇東南西南等風。均可入獨山湖行走。比之正河。多行十餘里。較有把握。已降旨詳諭矣。催趲重運。固為緊要。但繞湖行走。必須酌量風色。穩順方可放行。不得聽任弁兵人等。率意嚴催。倘不量風勢順逆。猝遇風暴。關繫尤重。外省地方官習氣。非一味延玩。即不顧事理輕重。

專務欲速過與不及。其失相等。該督撫大員。各具天良。自應慎重周詳。保護萬全。為是。著傳諭薩載鄂寶韓鐸國泰等。率同道府副叅實心經理。務須酌量緩急。督率官弁等。於催趲之中。時存慎重之意。至已入正河之後。即可上緊飭催。俾重運遄行。既不致疎虞。而於程站又無延誤。方為妥善。將此由六百里各傳諭知之。○巡視濟寧漕務內閣學士副都統毓奇奏查本年重運頭幫。於三月初入東省黃林莊境。現在濟寧以南。緯道水站等工。已經辦竣。將來重運經臨。沿途護催。較往年到濟之期。尚可不至過遲。得旨知道了。一切勉為之。但若遇逆風。亦不可過於督催也。○

癸巳 孝昭仁皇后忌辰遣官祭

景陵 旌表守正捐軀廣東東莞縣民何博文妻李氏 甲午遣官祭賢良祠。○乙未諭此次巡幸盤山戶部印鑰著英廉暫行帶管。該

部漢堂官乏人著曹文植暫署戶部侍郎事務○諭軍機大臣等刑部覈覆陝甘總督李侍堯審擬已革武生馬漢良教唆調兵不至一案將馬漢良比照失誤軍機律改擬斬候入於本年秋審情實辦理一摺部駁改擬甚是已依議行矣此案馬漢良係奉土司調遣膽敢教唆伊姪抗不發兵坐視逆回肆擾觀望阻撓彼時李侍堯接據土司楊宗業及洮州同知稟報即應將該犯立拏於軍前正法以為頓兵延玩者戒即或因撒拉爾逆回未靖暫緩刑誅及至事平自應按律嚴辦何得僅將該犯擬軍且聲稱改發伊犁即為從重耶李侍堯定擬此案殊屬非是著傳旨申飭吏部議覆御史文需奏稱新進士及捐納主事分部行走三年期滿由本部保舉帶領引見准其留部遇缺題補惟刑部提牢廳主事均由堂官派委並不帶領引見與例似不畫一請嗣後提牢廳缺出刑部堂官於額外

主事內揀選二員擬定正陪帶領引見請旨簡用一年期滿該堂官具奏咨部遇缺即補又稱各部院筆帖式定例考取用三人捐納用一人議敘用一人繕本用一人降調用一人輪流補用嗣因各部捐納學習人員三年期滿該堂官酌留帶領引見遇缺即補是以正班應選人員得缺較遲嗣後除奏留繕本等項人員均在本衙門行走有年應照例辦理餘請照刑部咨二留一之例將正班人員選用二人後准將留部學習人員坐補一人均應如所請再查從前掣分通政司等衙門及各部院蒙古筆帖式額缺均少若悉照此辦理恐奏留者補用無期應請酌定咨一銓選留一保題從之又議奏定例雙月知縣用進士五人舉人五人捐納四人推陞三人單月知縣用應補四人捐納四人進士四人舉人四人各項插班人員俱隨各正班之後或覈計正班之缺按次選用向來投供候選

人員。舉人一項。有多無少。近年三次大挑。舉班已極疏通。從前截取之人。漸次用完。現在截取之人。尚未到部。將來舉班恐不足額。請嗣後應隨舉班後用之各項插班人員。如遇舉班短少。即按班接選。無庸計缺從之。○丙申。諭軍機大臣等。戶部議覆李侍堯奏。甘省皋蘭縣。節年未解茶課銀八萬七千餘兩。及莊浪。西寧。各府廳屬。應解茶課銀三萬三千餘兩。請勅交該督。查明是否實係虧空。及有

無影射侵冒情弊。速行催交。以清款項一摺。已依議行矣。此項銀兩。自乾隆三十六年起。至四十三年止。逾年壓欠。有徵無解。皋蘭一縣。已積至八萬七千餘兩之多。俱由王亶望為藩司時。勒索所屬餽送銀兩。私飽囊橐。皋蘭為附省首縣。逢迎花消。而於應解庫項。任其挪移侵虧。積年懸宕。此王亶望之罪。殊為擢髮難數。但前後任皋蘭縣。現俱正法。家產查抄。所有虧空茶課銀兩。已無可追繳。其如

何著落分賠歸款之處。著李侍堯。即速查明具奏。至莊浪。西寧。各屬未解茶課銀三萬三千餘兩。又在前所查辦通省虧短銀五十餘萬兩之外。究竟此項虧短銀兩。是否實係歷任侵吞。抑或前任俱已治罪。無可質對。新任接手。又另有別項影射侵欺情弊。並著李侍堯。一併查明。據實覆奏。尋奏。莊浪茶課銀兩。查明現貯廳庫。並未虧缺。接任之員。亦無別項情弊。皋蘭縣。已徵未解銀兩。除借墊夫馬

工料。及新疆各案車價口食等項。俱應造銷。請領歸款外。其餘實係歷任虧空。請數入通省虧空案內。著落在乾隆四十年以前。輾轉接收之州縣。及加結保題之各上司。加倍分賠。並將通省現任各官養廉。分年攤扣還項。西寧府未解茶課銀兩。除墊給進勦逆回官兵口糧。並撥運糧草腳價。例應准銷外。其餘請歸入辦差無著項內。亦將各官養廉。陸續攤扣歸款。下部知之。○旌表守正捐軀陝西

鎮安縣民劉子昌妻王氏。丁酉

上還宮。是月直隸總督鄭大進奏永定河舊

設浚船百二十隻。為中流切淤之用。但祇可

淘濬輒灘。以之裝運泥沙。終難致遠。該處現

有平底渡船。可以雇用。請將原設浚船裁汰

以節糜費。至浚船把總一員。外委二員。均係

熟悉河道沙淤。應令隨同廳員等專司疏濬

毋庸議裁。報聞。○署陝甘總督李侍堯奏。蘭

州華林山建築土堡一座。蓋造官署兵房。一

千三百四十餘間。並於龍尾山相對大城西

南一帶。安設空心墩四處。分兵駐防。以資彈

壓。得旨嘉獎。○署雲南巡撫劉秉恬奏。滇省

歲辦銅觔。攸關京外鼓鑄。請於老廠附近之

區。另開子廠。以裕其源。并嚴禁私鑄。以節其

流。庶無虞耗竭。得旨是持之。以久。實力為之。

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百五十一

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百五十二

監修總裁官經筵講官太子太傅文淵閣大學士文淵閣領事內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級軍功紀錄一次臣慶桂

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部二庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆四十七年壬寅三月戊戌朔諭朕此次

巡幸盤山所有步軍統領衙門事務著英廉

暫行署理○又諭朕前歲南巡駐蹕金山即

敬書金山靈區安瀾恒佑宏仁廣濟至德尊

神牌位供奉神祠及回鑾渡江時雖有風濤

而御舟穩渡實賴

神佑不可不崇昭秩祀以答靈庥著該部載

入祀典嗣後每遇致祭之期著該部封香帛

祝文送往交該督撫親詣金山寺行禮○已

亥

上耕耤詣

先農壇行禮更服至耤田所

躬耕三推

御觀耕臺命睿親王淳穎豫親王修齡輔國公

永瑋各五推吏部右侍郎阿肅戶部左侍郎

金簡禮部右侍郎莊存與兵部左侍郎曹文

埴刑部右侍郎汪承霈工部右侍郎諾穆親

王副都御史吳玉綸通政使夢吉大理寺卿

德爾泰各九推畢順天府府尹率農夫終畝

賞賚耆老農夫如例○幸圓明園○庚子

上自圓明園啟鑾幸盤山○諭曰五福現請來

京陛見所有廣西提督印務著雷瓊鎮總兵

李銓前往暫行署理五福俟李銓接印後再

行來京○又諭朕此次巡幸盤山所有經過

地方著加恩蠲免本年地丁錢糧十分之三

○是日駐蹕三家店行宮○辛丑予故還羅

國使臣丕雅遜吞亞排那突致祭如例○是

日駐蹕大新莊行宮○壬寅諭朕此次巡幸

盤山所有墊砌山道人夫著加恩賞給銀二百兩。○是日駐蹕盤山行宮。至戊申皆如之。○癸卯河東河道總督韓鐸奏東省閘河全賴汶泗來源南北分流濟運。泗水收蓄馬場湖至金口壩分洩南行。汶水全出分水口至何家壩分流北注。現在湖河漲水未消。汛期已屆。應將二壩及早起除。使汶泗兩水漸次宣洩。以防壅決。得旨。因時制宜。之為知道。○以故五經博士顏士燦姪錫嘏孟毓翰姪

傳棟言如洙子尚變襲職。○甲辰。詔浙江仁和場坍沒上則稅課蕩地七百九十四畝有奇。額賦。○乙巳祭

先蠶之神。遣妃行禮。○諭吏部議覆。欽天監條奏五官正等官分別陞用之例一摺。其蒙古五官正一項人員。陞途久滯。用之理藩院。尚屬通融之一法。至請照小京官筆帖式之例。遇有才具出眾之員。一體保送撫民理事同知通判。其事斷不可行。此等蒙古人員在

該監行走。原以推算測驗為事。素非通習吏治。與各部院衙門筆帖式等官不同。其有年久熟諳推算者。尤宜留於本衙門酌量陞用。若一例保送同知通判等官。分發試用。在外省既增一不諳民社之員。而在該衙門反少一推算熟手。於量才授職之道。兩無裨益。吏部議准此條。明以欽天監係六阿哥管理。未免意存遷就。尤屬非是。吏部堂官著交都察院議處。○諭軍機大臣等。李侍堯奏陝甘綠

營扣留公糧一摺。內稱各提鎮協營。惟涼州鎮屬尚有未扣銀一萬四千餘兩。應於本年夏秋二季餉銀內扣還歸款。因兵餉不敷。散給。請仍展限扣繳等語。止可如此辦理。甘省綠營額設公費。以備營中一切公用。向來各營任意開銷。遞年虧缺。轉將公糧那墊。壓季展扣。甚至涼州鎮屬未扣銀有一萬四千餘兩之多。此項虧缺銀兩。起自何年。歷任總兵等有無染指侵蝕之弊。著傳諭詳細清查。據

實具奏。不可稍存迴護之見。尋奏該鎮公費不敷。始自乾隆二十一年。嗣因相沿糜費。愈積愈多。致藉公糧墊補。歷任總兵等。尚無染指侵蝕情弊。請嗣後樽節公費。餘出銀兩。陸續彌補。下部知之。○又諭朕恭閱

實錄內。載原任廣西巡撫滅寇將軍傅宏烈。當吳三桂肆逆時。督師討賊。屢著勤勞。嗣復捐軀死事。忠蓋可嘉。因令軍機大臣。行查傅宏烈原籍。有無子嗣。曾否出仕。茲據奏稱查明

傅宏烈後裔。現在曾孫傳世海一人。又六世孫傅徽瓏等三人。俱未出仕等語。傅宏烈係為國宣勞効命之臣。後裔式微。深堪憫惻。著傳諭郝碩。即將傅宏烈曾孫一人。及六世孫三人。此四人內。調取驗看。擇其中人材有可造就者一人。將伊平日所習或文或武之處。據實保送到部。帶領引見。再降諭旨。尋奏。傳宏烈曾孫傳世海。文武皆無可造就。又六世孫傅徽瓏。年九歲。徽琥。年六歲。徽奉。年四歲。

皆甫就學。現飭收入書院肄業。俟年及歲時。選擇一人保送引見。下部知之。○又諭陳輝祖等奏。請停臺灣捐監之例一摺。據稱臺灣前於乾隆二十一。二十二等年。先後奏請收捐監穀四十萬石。至二十八年。即已捐足。何

以此次捐貯寥寥。與從前迥異。恐有官胥抑勒侵蝕。如甘省之違例折收。倉無實貯等語。所奏是。已於摺內批示。向因閩省漳泉等府屬產米不多。是以於臺灣收捐監穀。用資儲備。今該處捐貯。既屬寥寥。而臺灣及漳泉等府屬倉貯充足。所有臺灣捐監之例。自應停止。至臺灣自開捐監生以來。雖據該督等奏稱。再四查察。尚無違例折收情事。但胥吏因緣為奸。此等弊竇。自所不免。特以未經敗露。朕亦不加深求。該督等無謂朕為不知也。將此傳諭知之。○丙午。署兩江總督薩載奏。徐州北岸潘家屯引河。外高內窪。易致淤塞。現在督率員弁。倍加展挑。口寬十丈。底寬五丈。

大隄及鉗口壩口門各展十丈并於潘家屯迤下七八里之柳家窪隄內抽溝一道使積水匯注潘家屯引河入黃較為近捷至下游之路馬湖尾間五道引河上年盛漲時口門刷寬已有一百四十一丈再展寬三十丈洩水更暢六塘河上承駱馬湖來源旁受劉老澗分注由南北兩股匯入鹽河出武障等河歸海河身間有逼窄及灘內淤淺均須廣為疏濬又薔薇河為海州西南洩水要津亦應

一律挑深以資分洩報聞○丁未豁江蘇上海縣坍沒田地四頃七十四畝有奇額賦○戊申

孝賢皇后忌辰

上命

皇十五子璘祭

陵寢○己酉諭軍機大臣等據鄭大進奏直隸大名廣平順德天津河間等屬均於本月初五六日各得雨四五寸等語看來前日雨勢

自南而北山東河南兩省與直隸境壤毗連自應一例普霑渥澤乃本日國泰有奏報糧船入境之摺兼及地方麥苗情形並未奏數日內曾否得雨而富勒渾亦未見有奏雨之摺殊為厯念著傳諭阿桂富勒渾國泰將日內曾否得雨及大田有無望雨情形迅即據實覆奏○又諭本日據富勒渾奏青龍岡漫工於挑水壩改築大壩料物仍於本省督派採買以資接濟並稱此次料物雖來路稍遠

毋庸增價亦不致缺乏各等語豫省漫工自去秋辦理堵合事宜屢經塌墊迄今已半載有餘所費料物不少茲據富勒渾奏採辦情形用料雖多尚敷應用並無辦理竭蹶之語該撫所奏是否果係實情其添辦督派毋庸增價之處果否不致累及閭閻稍滋紛擾朕心深為厯念著傳諭阿桂即將該撫辦理實在情形速行查明據實覆奏毋得稍有諱飾尋奏壩工所需稽料每觔給腳價銀四釐毋

庸增價亦無紛擾得旨嘉獎。○旌表守正捐軀陝西膚施縣民孫三保妻張氏。○是日駐蹕髻髻山行宮。○庚戌予故科爾沁扎薩克多羅冰圖郡王桑堆扎布致祭如例。○旌表守正捐軀江蘇睢寧縣民吳文蔚女吳氏。○是日駐蹕大新莊行宮。○辛亥諭軍機大臣等據李世傑奏審明囑匪各犯分別定擬一摺內稱周德劉理壽向羣才符明藍士清等供出夥黨各犯姓名現在分咨通飭嚴緝等語。囑匪糾衆搶奪肆行無忌雖現在拿獲已多其黨類遠颺四散不可不嚴緝審辦著傳諭福康安舒常姚成烈李本等將單內所開該犯供出夥黨姓名籍貫逐一查對明確除已經就獲者嚴訊確供分別辦理外其未獲者仍即通飭各屬實力上緊躡緝弋獲審明定擬具奏務使囑匪根株盡淨斷不可少存姑息完事之見致有漏網復留餘孽所有名單一併鈔錄查對並諭李世傑知之。○又

諭據盛住奏趕辦魚鱗石塘及查勘柴石各工穩固並海塘陰沙增長情形一摺內稱石工未竣之時潮汐往來全賴柴塘抵禦上年六月偶被風潮將魚鱗石工之外及老鹽倉一帶柴塘三千一百餘丈盤頭間段潑卸當即趕備柴薪逐段修築等語海塘一律改建石工朕於前歲南巡時親臨周閱指示以期為一勞永逸之計當據王亶望奏稱海塘老鹽倉一帶若改建石工猝遇潮汐較之柴塘鞏固足資抵禦至外間有柴塘不可去之說或因地方往年常例欲留一歲修柴塘為開銷工料之地等語王亶望現在雖已伏法至此事所奏自屬切當原不可以人廢言總之石工未竣以前自藉此塘為保護若石工既竣之後舊有之外層柴塘祇可聽其自然不可照例仍留歲修為地方不肖官吏浮開冒銷地步況浙省民間需用葦柴自改建石塘完竣後每歲無需採辦此項柴餉於閭閻生

計亦大有裨益。著傳諭陳輝祖於海塘歲功之後遵照此旨。將歲修柴塘即行停止。再盛住摺內稱東塘尖山石壩等處較前月陰沙增寬三十五丈。增長一十餘丈。其護壩竹簍底層中層陰沙護擁與上月相同。上層竹簍陰沙擁護二百個。比較上月增護一百個等語。北岸新漲陰沙加增寬厚。從此日漸南坍。北漲於海塘最為有益。且柴石各工為外層擁護。將來工程尤資穩固。殊為欣慰。前次陳

輝祖摺內何以尚未奏及。或者盛住所奏在後。陳輝祖所奏時尚無漲沙之事乎。著傳諭陳輝祖將近日是否復有續漲之處及現在所做工程分數一併據實覆奏。此或是一好機也。○又諭曰。李世傑奏查獲滄浪鄉志一摺內摘出各種字句指為狂悖。並稱飭屬查明住址密往各家搜訊。並將刊刻志書之高治清父子生監斥革。作序之教授翁垌解任質訊等語。此事辦理太過。外間刊刻書籍如

果有實在違悖不法語句。自應搜查嚴辦。今閱李世傑所奏書內簽出之處如幕天席地。乃係劉伶酒德頌中成語。王蓋長明係指佛燈而言。相沿引用已非一日。何得目為狂妄。又志中所稱曾王父字樣亦不過泥古之過。其名字內有稱弘遠弘開者。尤為鄉愚無知。不足深責。若俱以違悖繩之。則如從前之趙弘恩陳弘謀等。又將何說。至書中如德洋恩溥運際昇平等語。乃係頌揚之詞。該撫亦一

例簽出。是頌揚盛美。亦干例禁。有是理乎。書內如此等類不一而足。各省查辦禁書若俱如此吹毛求疵。謬加指摘。將使人何所措手足耶。此事總因李世傑文理不通以致辦理拘泥失當如此。朕於此等字句微疵從不肯有意推求。所謂不為已甚之素志。實天下人所共聞共見者。李世傑何未見及此。所有此案滄浪鄉志竟無庸查辦。其刻書作序並案內干連人等俱著加恩寬免。概予省釋。並將

此通行傳諭各督撫知之。○又諭前據陳輝祖奏浙江藩庫實存銀數一摺。內稱自乾隆四十六年正月起到十二月底止。經收各年各款除支銷外。實存銀二十二萬九千八百四十四兩零等語。彼時朕即以浙省藩庫存銀何止二十餘萬。陳輝祖所奏殊未明晰。業經降旨。令其將新舊正雜各款。實在共貯銀若干。詳查迅速覆奏。本日盛住奏到。接收庫項摺內。據稱自歷任流交。至本年正月止。計

存新舊正雜錢糧。共銀一百一萬八百八兩零。自係藩庫現存實數。可見前此陳輝祖所奏。並未將新舊節年正雜各款。實存數目。分晰詳查。以致眉目不清。陳輝祖接奉前旨。何以尚未覆奏。著再傳諭陳輝祖。即將藩庫積年存貯銀兩。實在共有若干。逐細分款。據實具奏。○烏什辦事大臣綽克托。阿克蘇辦事大臣法靈阿奏。本年十月甘肅涼州兵丁。五年期滿。應行更換。寧夏固原兵丁。亦於明年

正月期滿。若俱行更換。恐新到兵丁。於屯田鼓鑄及採銅等事。一切生疎。未免掣肘。請將明年應換之寧夏固原兵丁。再留一年。以資辦公。得旨允行。○是日。駐蹕三家店行宮。○壬子。諭據伊勒圖奏。伊犁同知員缺。現在無可陞調之員。請將前在伊犁辦理糧餉之現陞工部主事敦主克補授。並請令該員迅速前來等語。敦主克。現陞工部員外郎。既據該將軍奏稱。該員前在伊犁。係辦理糧餉熟手。

敦主克。著以員外郎銜。迅速前往伊犁。辦理同知事務。如果奮勉出力。年滿後准其以知府郎中等員陞用。此因新疆要缺。需員。是以特允所請。嗣後不得援以為例。○諭軍機大臣等。本日農起。與羅布藏多爾濟。將阿拉善鹽觔。商人不能領運。緣由會奏一摺。朕以其事既不可行。當即照常批示。及聞農起另摺所奏。稱大同朔平等屬。地處沿邊。向係買食口鹽。其平蒲澤潞。解絳等屬。四十四州縣。俱

係銷食河東引鹽。太原汾州寧武代忻等屬四十四州縣。係刮食土鹽。不經商運。其土鹽不敷之時。民人零星販買蒙古口鹽。以濟土鹽之不足。現因查辦鹽餉一事。體察民情。咸籲請將口鹽弛禁。又稱現在積存口鹽七百餘萬觔。商運雖屬難行。而民販往來。實為妥便等語。此奏欠明晰。殊不可解。豈有商運難行。而民販反能行之理。商獨非民乎。晉省沿邊各府屬居民。向食口鹽。嗣以商力疲乏。恐

官鹽墮運。曾經降旨飭禁。今因商辦仍多拮据。而居民又願食口鹽。是以令農起會同羅布藏多爾濟悉心籌酌。准各商就地之遠近。將口鹽與官鹽一例販運行銷。既可使民亦可通商。原期兩有裨益。且商民一理。未有便於民而獨不便於商者。乃農起輒據該商等以轉運口鹽山路崎嶇。所需運本重大。無力承辦為辭。即將行銷蒙古鹽餉之處。奏請停止。此必係農起新任該省巡撫。於鹽務利弊。

未能深悉。偏聽地方各官詳稟。遽行入告。而地方官又未免瞻顧商人。甚或留此簽派充商一節。以為賂利富戶地步。是以仍請照例停運口鹽為便。其於商人運脚成本。究竟如何不便之處。又並未切實指陳。至其另摺所奏大同朔平等處。一帶民人准其自行赴口販運。此等民人商人獨不可雇而用之乎。又稱專食土鹽之處。於官引原無干礙。而口鹽又在所必需。並查詢現在蒙古有積存鹽餉。以蒙古之有餘。補內地之不足。源源接濟。委屬兩有裨益之語。是又為周旋羅布藏多爾濟起見。若作和事老人者然。殊不知封疆大吏於地方公事。關係商運民食利病。自應秉公定議。不得存依違兩可之見。調停完事。且口外鹽餉既聽沿邊一帶及專食土鹽各處居民自行赴彼販賣。不歸商運。則小民惟利是圖。其銷食河東引鹽之平蒲等屬。四十四州縣如何設法查禁。不致透漏有妨官引之

處農起亦未逐一詳悉籌畫。分晰奏明。設有不便。將來又如何辦理。著傳諭農起。伊係初任該省巡撫。於此事無可瞻顧迴護。自應一秉天良。徹底通盤籌算。將歷年各屬商民實。在情形。及地方官有無簽派富戶充商之事。再口外鹽觔。是否可以行銷。并如何設法調劑。不致有礙官引。使商民兩得其便。可以永遠遵行之處。另行秉公據實熟籌妥議。詳悉具奏。到日再降諭旨。○是日。駐蹕湯山行宮。

翼日如之。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十二

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百五十三

監修總裁官經廷講官太子太傅文淵閣大學士文淵閣領閣事領侍衛內大臣稽察欽奉
上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經廷諱官太子太傅文華殿大學士文淵閣領閣事稽察欽奉
上諭事件處管理刑部戶部三庫事務

世襲明都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅三月癸丑諭據車布登

多爾濟等奏。哲布尊丹巴呼圖克圖之父公索諾木達什。於二月二十七日病故。此公爵。哲布尊丹巴呼圖克圖。懇將伊弟喇布當納木扎勒承襲等語。索諾木達什受恩不久病故。甚屬可憫。朕深為軫念。著施恩於該處銀兩內。賞給索諾木達什五百兩。以作善事。其公爵。哲布尊丹巴呼圖克圖。既請令伊弟承襲。即照所請。著喇布當納木扎勒承襲公爵。○又諭。據陳輝祖奏。楊魁自抵閩後。水土不

服常時洩瀉。近又染患便紅。精神甚覺委頓。囑其代為陳奏。懇請解任。回京調治等語。楊魁著准其回旗調理。雅德著調補福建巡撫。接奉此旨後。即著馳赴閩省。替換楊魁回京。所遺廣東巡撫員缺。著尚安補授。祥鼐著補授陝西布政使。○諭軍機大臣等。昨據李世傑奏查辦滄浪鄉志一書。其發出之處。種種失當。已詳悉諭知。令其無庸查辦矣。此等書籍。不過無識鄉愚。雜湊成編。並非有心違悖。者可比。何必過事吹求。李世傑即不通文理。亦應留心檢閱。乃任聽庸劣幕友屬員。謬加發摘。以致拘泥失當。滋擾閭閻。若辦理地方事務。皆似此草率。漫不經心。何以勝封疆重任。耶著將此遇奏事之便。傳諭知之。○豁陝西長安縣原墾提標後營馬廠地水衝坍地。二頃二十六畝。有奇額租。○甲寅。

者可比何必過事吹求李世傑即不通文理亦應留心檢閱乃任聽庸劣幕友屬員謬加姦摘以致拘泥失當滋擾閭閻若辦理地方事務皆似此草率漫不經心何以勝封疆重任耶著將此遇奏事之便傳諭知之○豁陝西長安縣原墾提標後營馬廠地水衝坍地二頃二十六畝有奇額租○甲寅

上
詣

安佑宮行禮。○諭據李侍堯清字奏片。查辦甘省虧空一案。內有各州縣因辦理班禪額爾德尼經過地方。借用司府各庫銀十七萬五千五百餘兩。此內雖有實在應行動支之項。然斷不至如此之多。其承辦官員俱已於冒賑案內抄產正法。現在無從著落賠補。請定限於全省官員養廉內陸續扣賠等語。此項銀兩係從前承辦各員藉端冒支。該員等俱已查抄治罪。無從根究。若令無干之後任官員抵賠。將來辦公不敷。又得藉詞致有虧缺。是因去弊而轉復滋弊。所有此項銀兩著一併加恩豁免。該部知道。○又諭據李侍堯奏查辦甘省各屬虧空錢糧案內有節年民欠未完籽種口糧銀一項。內除歷次邀恩豁免外尚有應徵積欠倉斗糧二百四十五萬四千八百三十餘石折色銀三十萬七千三百二十餘兩。請分年帶徵等語。甘省地瘠民貧。朕於從前出借緩徵用紓民力。在小民感激

朕恩。自無不踴躍輸將。但念該省每遇偏災。動項賑卹多為劣員等侵蝕冒銷。間閭未得普霑實惠。實非朕愛養黎元之意。今該省積弊已除。所有此項積欠銀糧著加恩全行豁免。以示朕體卹邊氓有加無已之至意。○諭軍機大臣等前因盛住奏報二月間海塘沙水情形。內新長陰沙有南坍北漲之機。其時陳輝祖尚未奏到。曾降旨詢問。令其據實覆奏。本日據陳輝祖奏到二月分海塘沙水情形。摺內稱東塘尖山石壩漲沙增寬三十五丈長一十餘丈。護壩上層竹簾增一百餘個等語。此奏雖未免稍遲。但業經奏明。所有前日傳詢諭旨可毋庸再行覆奏。著將此諭令知之。○丙辰諭兵部議處興漢鎮屬虧缺軍裝器械一本。請將總兵三德降三級調用。提督馬彪革任等語。三德於所屬各營平日虧缺軍裝器械毫無覺察。伊係專轄。非統轄之馬彪可比。及至造報冊籍又不據實呈明。不

持應行降調。即予以革職。亦咎所應得。但三德曾在軍營出力。賞給巴圖魯名號。且此案現據該督李侍堯聲請。將該將備等暫免查叅。其現經查出虧缺軍械各營。即在總兵以下。至守備各員名下。勒限賠補等語。該將備等既得邀恩。暫留本任。陸續完補。總兵為專轄大員。伊名下即有應完賠項。若予以實降離任。未免輕重兩歧。而令新任之總兵賠補。亦非情理。三德著從寬改為革職留任。仍勒

限三年。將各營軍械全數賠補完竣。儻逾限不完。即著該督嚴叅治罪。馬彪並著加恩。改為革職留任。仍註冊。○又諭。朕於五月十二日前往熱河駐蹕。立秋時進哨。所有應行豫備事宜。著各該處照例豫備。○諭軍機大臣等。據李侍堯奏查明臯蘭等三十四廳州縣虧短倉庫確數。共銀八十八萬八千九百九十餘兩。又虧空倉糧七十四萬一百一十餘石。及草束四百五萬一千有零。俱係歷任州

縣侵虧轉相容隱接收。各上司因循不辦。捏結保題。釀成鉅弊。請自乾隆四十年以前。溯至乾隆二十年之歷任州縣道府藩司督撫。照伊等任內虧空四十二萬之數。著落加倍賠補。如有無力完繳者。即攤入通案各員名下代賠等語。倉庫正項銀兩。乃敢任意侵欺。即令加倍賠補。亦所應得。但念歷年已久。各州縣輾轉接收。較之折捐冒賑。昧良舞弊者。尚屬有間。其濫行出結保題之各上司。咎止失察。著加恩將虧空四十二萬之數。照依原單。按其在任久暫。照股分賠。毋庸加倍賠補。至該督所稱。其餘尚有八十二萬餘兩。未便竟歸無著。請於現任總督及司道府廳州縣各員養廉內攤扣三成陸續歸補等語。甘省積弊相仍。為從來未有之奇事。此等劣員。既經冒賑殃民。又復侵虧正帑。實屬罪無可逭。除已經正法各犯外。所有現在解部人犯。已交軍機大臣會同英廉胡季堂劉墉詳加覈

奏候朕另降諭旨。至李侍堯、福崧等辦理此案徹底清查。尚屬實心。即現在道府及州縣各員。多係新任。若令攤扣養廉。辦公未免竭蹶。且恐將來轉有藉詞賠累。復致虧缺之弊。並著一體加恩。免其分賠。此次寬免之後。若再有虧短。一經查出。斷不能為之曲貸也。該督等仍當不時查察。毋得稍有徇隱。將此諭李侍堯知之。○又諭。昨據李侍堯奏查明皋蘭縣等三十四廳州縣虧空倉庫銀糧及草

束共銀一百六十餘萬兩。並開明虧空人名清單進呈。內閔鵷元等十七人。均有侵虧銀糧草束等項。多寡不等。但解部各犯。共有六十九人。現在查出前後侵蝕者。恐尚不止此十七人。著再行詳查具奏。至該督奏稱狄道等六州縣以銅玉綢緞等物抵交虧缺庫項。似此積弊相沿。尤堪駭異。該員等侵虧帑項。飽其欲壑。而以私物濫行抵交。其所指六州縣又係何人首先作抵。或即在此六十九人

之內亦未可知。著傳諭李侍堯一併查明。迅速由驛覆奏。尋奏。甘省狄道、肅州、會寧、武威、永昌、山丹六州縣以私物抵官項。輾轉交收之劣員均在六十九人內。已於冒賑案分別治罪所存物件一併入官。不准作虧項抵算。以清國帑。報聞。○又諭。據陳輝祖奏浙省漕船開行日期一摺。內稱現今豫省尚未合龍。重運北上頗費周章。現委護道永福督押出境。俟新任糧道王廷燮接印後。即命督同押

運員弁安速籌辦。直抵臨清等語。所奏是自應如此辦理。今歲重運北上。關係緊要。且豫工尚未合龍。山東一帶水勢漫淹。漕船北上沿途須有大員照料。自未便拘泥往年常例。著傳諭鄂寶迅即行知。有漕省分各督撫令其飛飭押運糧道。於督押漕船出境後。沿途小心照料籌辦。送抵臨清。始行回任。毋得拘泥常例。○丁巳。諭福康安奏川省未獲逃兵名數一摺。據稱逃兵自首免死限期。本於四

十七年屆滿。現在上緊宣示。務使家喻戶曉。亟為投首等語。此等逃兵。一經拏獲。本即應正法之犯。前因事隔多年。不忍概予駢誅。特加恩准其投首免死。改發新疆。並於上年十二月內。特降諭旨。予限一年。復於本年二月內。傳諭各督撫。以截至本年冬底。即屬一年限滿。如限內不行投首。一經拏獲。自當立行正法。乃即據各督撫奏報。逃兵自首者。殊屬寥寥。此等怙惡不悛之徒。自難再從末減。第念窮鄉僻壤。或尚未能周知。以致該犯等。仍復畏罪潛匿。不敢遽行投首。茲特加恩。再予展限一年。以明年九月為期。俾潛身僻遠之犯。得以及早自首。此係朕格外恩施。該犯等具有人心。必當聞風到案。踴躍呈報。以冀自全軀命。若再仍前匿跡遠颺。希圖漏網。則是懲之以法而不知畏。施之以恩而不知感。所謂怙終賊刑。自取其死。更無一線可寬矣。特此再行宣諭。該督撫等。董率各屬。明切曉示。

俾家喻戶曉。及時自新。以副朕仁義兼盡至意。吏部等部議准。陝甘總督李侍堯奏。河川太子寺地方。舊設州判一員。嗣於乾隆四十二年。裁去。改設莊浪縣丞。查該處漢回雜處。稽察難周。請仍設州判一缺。分防稽查。從之。塔爾巴哈台叅贊大臣惠齡奏。塔爾巴哈台所屬土爾扈特親王奇哩布游牧。與哈薩克烏梁海游牧相近。自四十年。撤回看管官兵後。數年來尚屬安靜。請於本年查看牧場之便。親往巡查。既可知其生計。於事亦屬有益。嗣後間一二年。即往巡查一次。得旨。嘉獎。以故貴州安化縣屬土縣丞張玉白。子世璽襲職。戊午。前署直隸總督英廉疏報。順天府屬宛平三河武清寶坻薊州等五州縣報墾荒地一百一十七頃三十三畝有奇。蠲江蘇常熟昭文江陰靖江太倉鎮洋寶山崇明清河桃源安東銅山豐縣沛縣邳州宿遷睢寧海州沐陽通州如皋泰興海門蘇

州太倉鎮海大河徐州等二十八州縣衛廳。乾隆四十六年被水災民額賦並緩華亭上海南匯武進丹徒丹陽六合阜寧鹽城高郵蕭縣碭山等十二州縣應徵額賦○已未諭江南提督員缺著保寧補授。

東陵內務府總管并馬蘭鎮總兵員缺著剛塔暫行兼署。山東巡撫國泰奏東省於三月十八九日得雨二寸得旨究非霑霑之澤。覺旱否慎勿諱飾。尋奏二十二十一及二十七

八等日續得雨一二寸至三四寸不等各屬均霑可期深透得旨知道了。完成旱象否抑無妨否。何不明奏。但視朕旨全無實意。奈何。予故喀爾喀扎薩克鎮國公當蘇龍致祭如例。庚申吏部議准署雲南巡撫劉秉恬奏向例雲南省知縣以上官員題陞調補等事均由巡撫加具考語。至試署期滿實授捐納請銷試俸人員祇憑兩司詳辦具題。似未畫一請嗣後仍由巡撫加具切實考語再行

題奏以昭慎重從之。辛酉諭軍機大臣等據鄂寶奏頭次糧船過淮日期一摺。止稱截至三月十一日興武六幫止計盤驗過淮並河南開幫糧船共一千二十五隻依次催令迅速北上等語。而於上年重運各幫北上比較日期遲早及過淮船隻數目俱並無一言。奏及朕因青龍岡漫口尚未歲功江南山東一帶河湖諸水漲溢恐致有誤糧船進行節經降旨詢問。薩載國泰及巡漕御史等令其

相機妥為催趲並令各省督運道員俱押送出臨清聞誠以今歲糧運非往年可比朕心深為廕念乃鄂寶此奏僅照尋常催趲之例具摺奏聞豈於現在重運行走情形及比較上年遲早之處竟漠不關心耶。鄂寶平日辦事本屬糊塗今依舊若此著傳旨申飭並將今歲重運過淮日期及船隻多寡比較上年遲早數目詳晰覆奏。尋奏本年糧船陸續過淮比上年較遲十二日報聞。壬戌命左都

御史劉墉充三通館總裁。○添建奉天府屬岫巖廳倉廩十五間。從兼管府尹全魁請也。○旌表守正捐軀廣東新會縣民暨世錦女暨氏。○癸亥。諭軍機大臣等。前據農起奏報太原等九府。平定等十州等處。於三月初五六等日。得雨三四寸。至六七寸不等。土膏含潤。麥苗長發等語。茲召見德成。詢問沿途雨水情形。據稱三月十六日。行至山西壽陽。平定等處。畧覺望雨。計德成經過山西時。距農

起奏報後。已隔十日。或係彼時該處又覺缺雨。朕心深為廕念。著傳諭農起。將近日曾否續得雨澤之處。詳查據實覆奏。尋奏壽陽。平定等處。三月初旬。雖經得雨。尚未深透。嗣於十八九。並二十六七等日。先後得雨三四寸。至七八寸不等。足資耕種。得旨覽奏稍慰。○又諭。前據陳輝祖奏。楊魁現在患病。懇請解任。回旗調理。業經降旨。將雅德調任福建巡撫。替換楊魁回京調理矣。本日據楊魁奏到

各摺俱係該省查辦要件。而於伊染病之處。並未奏及。楊魁此次奏摺。係本月初四日。在閩省拜發。與初七日陳輝祖在杭州馳奏之摺。為時先後無幾。看來楊魁病勢。尚不甚重。今雅德接奉前旨。自己即日迅赴閩省接任。所有楊魁覆奏臺灣兵米折徵一案。現在提集案犯赴省。著傳諭雅德。秉公據實查辦具奏。至楊魁於交代後起程回京。可以安心靜養。一俟病痊。自當另行簡用也。將此傳諭楊

魁。並諭雅德知之。○兵部等部議奏。兩廣總督覺羅巴延三疏稱。番禺縣屬沙灣菱塘之石碁地方。設立專營。以資防守。應設遊擊守備。各一員。中哨千總一員。外委千總二員。左哨右哨把總各一員。外委把總各二員。馬步戰守兵六百三十名。哨船六隻。均於各標內酌撥移駐。仍隸提督管理。應如所請。從之。○蠲直隸天津青縣。靜海。滄州。鹽山。慶雲。津軍廳。東明。長垣等九州縣廳。乾隆四十六年。被

水災民額賦。予浙江巡哨外洋遭風淹斃
弁兵賞卹如例。○甲子陞任馬蘭鎮總兵保
寧奏前經奏請將馬蘭鎮屬官弁養廉名糧
二百四十分挑補實兵於

風水營汛分佈添設以濟差防謹按圍牆內外
應添堆撥地方逐一查記俟提臣剛塔到任
後照數添設得旨是知道了。○豁直隸萬全
蔚州保安懷來四州縣坍沒地一百九十六
頃有奇額賦。○乙丑諭本日據馮應榴奏請

將會昌縣知縣高蟠調補彭澤縣知縣一摺
當即交郝碩閱看並面詢郝碩據稱伊起程
時曾與藩司馮應榴商酌擬調等語此等調
補知縣非急不可待之事自應正任巡撫題
奏或摺奏馮應榴係暫護撫篆尚非署印可
比即在省時曾與撫臣商定雖有例限應奏
亦應於摺內聲明何以並不提及是其目無
巡撫可知而郝碩平日之懦弱亦可概見郝
碩人頗謹慎安穩無漢軍深險習氣但恐其

過於謹慎不能振作有為使各屬微懼此事
即其驗也當將郝碩面加訓勵伊若因此有
意作威遇事輒呵責屬員又非大臣公誠率
屬之道惟在隨事認真實力整頓方於公務
有益至馮應榴係軍機司員不數年間由京
堂擢任藩司自宜循分自勉若驟露高興思
欲見長冀遷巡撫則斷乎不可朕於用人辦
事一秉大公從不肯稍存偏向之見此諸臣
之所宜共凜也除將此旨就近交郝碩閱看

外馮應榴著傳旨申飭。○又諭朕此次巡幸
木蘭駐蹕熱河著誠親王質郡王大學士阿
桂英廉留京辦事阿桂未回京以前著永貴
暫同辦事所有吏兵二部應行引見官員文
職知縣以上武職守備以上著於未啓鑾往
木蘭之前該部每月派堂官一員輪流帶赴
熱河引見其文員內佐雜等官武員內八旗
護軍校驍騎校及外省送到之補放水手官
驍騎校並年滿十總等官弁仍著王大臣照

例驗放至八月以後月選等官亦照向例辦理其各省督撫提鎮等奏摺俱著齎摺人前赴行在投遞進哨後著兵部派員駐劄哨門接遞各省奏摺封送行在候朕批示發回仍於哨門交付齎摺人祇領該部通行傳諭知之○諭軍機大臣等據劉東恬奏江川縣安置改遣軍犯段黑狗一名於上年十二月二十四日乘間脫逃至本年正月初五日逃至滇黔交界之黔屬亦資孔巡檢衙門自行投首現經該管普安州訊明詳報等語該犯段黑狗前因行竊問徒曾經在途在獄兩次脫逃是以問擬改遣今復乘間免脫怙惡不悛情殊可惡不得因其自行投首遂照尋常遣犯例遽從末減至亦資孔為雲貴交界地方係該撫所屬軍犯段黑狗既在該處自行投首劉東恬遠在滇省業經奏到而黔省距京較近何以李本轉無一語奏及殊不可解且此案早已分咨鄰省緝拏及該犯自行投首

復經普安州訊明詳報該撫尤不得諉為不知何竟未入告耶著傳諭李本即行據實覆奏並諭劉東恬知之○河南巡撫富勒渾奏河南省入春後連得雨澤惟開封歸德陳州許州四處稍稀嗣於二十七日儀封祥符蘭陽考城同時得雨二寸三四寸不等足資耕種得旨覽奏稍慰茲續得膏澤優霑否○蠲緩長蘆滄州鹽山慶雲青縣四州縣嚴鎮興國富國豐財蘆臺五場乾隆四十六年分水災竈地額賦○丙寅諭軍機大臣曰阿桂等奏青龍岡壩工於二十三日掛纜堵合後二十五日壩頭又復墊陷共衝塌十四五丈幸埽底猶存現將兩壩裹極力進鑲埽占尚可於大汛前堵合完竣等語壩工屢成屢潰此時亦無可再諭惟當勉力慎重為之以期天佑神助於大汛前得以堵築完竣至金門屢次墊陷自應多方設法以期有濟向聞蛟龍畏

鐵用以鎮壓。亦或事理所有。此時何不於金門將廢壞鐵錨等物。試為拋擲。以期萬有一效。此亦無聊之極思。著傳諭阿桂等。熟籌妥辦。仍將現在進鑲堵築情形。迅速覆奏。○兵部奏。阿拉善兵及屯練各兵。征勦逆回受傷。所領傷銀。應否追繳。得旨。所有進勦撒拉爾逆回受傷之阿拉善官兵及屯練土兵降番等。已領四五等賞銀。俱著加恩。免其繳還。至八旗綠營官兵。有傷列四五等。已經領銀者。

亦著一併加恩。免其追繳。以示優卹。○刑部會同宗人府議奏。原任三等侍衛恒德。請發往盛京。交該將軍嚴行管束。得旨。此案恒德身係覺羅。先經獲罪。發往伊犁。釋回後。仍復怙惡不悛。竊取祖遺物件。已屬無恥。及被搜獲。趕回。復將供器摔破。情節尤為可惡。刑部會同宗人府。僅擬以發往盛京管束。殊屬寬縱。恒德著削去覺羅。仍即鎖押解往伊犁。再行枷號三年。永遠不准釋回。以示懲儆。恒德

似此不堪。管理宗人府事務親王等。素所深知。今復從輕辦理。殊屬非是。永琮等著傳旨申飭。命兵部尚書周煌。在尚書房總師傅上行走。○是月。欽差工部左侍郎德成。陝西巡撫畢沅。奏。西安省外磚內土城垣一座。因年久坍塌。亟須拆修。查四門正樓四座。箭樓四座。外層礮樓四座。角樓四座。卡房九十八座。看守樓座官廳四座。週圍大城。併城臺礮臺。角臺。外皮牆身。除揀選舊料抵用外。應添

新木植磚石等項。共估工料銀一百五十六萬六千餘兩。報聞。○雲貴總督富綱奏。騰越龍陵以外。杉木籠。干岸。三臺山等處。駐防弁兵。現屆春深。節氣漸暖。例應撤回。除三臺山弁兵全撤。無庸留駐外。杉木籠。酌留將弁七員。兵二百名。干岸。酌留千把外委五員。兵一百名。分佈關卡。率同撫夷努手。實力巡邏。報聞。○貴州布政使孫永清奏。黔省柞子廠。出產黑鉛。向例以二成抽課。餘鉛給價官

買撥供京局鼓鑄。嗣因廠哀鉛少。改歸湖南省解辦。按年撥五萬餘觔運楚。以備直隸山西兩省之用。偶遇採辦之年。不敷分撥。近日該廠出鉛較旺。嗣後遇解運白鉛赴楚時。即搭撥黑鉛十萬觔。交局存貯。以備採買。得旨嘉獎。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十三

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十四

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄五次慶桂總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲明都尉軍功加十九級隨帶加二級文加二級臣董誥內大臣戶部尚書錢謙益滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅夏四月丁卯朔享

太廟遣睿親王淳穎恭代行禮。

○戊辰諭國家養兵衛民期於得用遇有調遣若能奮勇爭先克敵制勝必立加獎拔。即或臨陣傷亡亦概予優卹。所以勸勵戎行。恩至渥也。若兵丁身列行間不思効用。竟至畏葸脫逃。自應立正刑誅。以彰憲典。并不得以人數衆多稍從寬減。明季軍政廢弛。隨征兵丁每多臨陣恒怯。望風潰散。此皆平日紀律不嚴。罔知法度。以致貽誤國事。或由上

恩不下逮。或由劣將扣剋軍糧。我朝無此事也。前次進剿金川。脫逃綠旗兵丁。本皆罪應斬決之犯。特因事隔多年。不忍概予駢誅。是以特降恩旨。予限一年。准其自首免死。改發新疆。復於本年三月內。憶其未能遍知恩旨。再予寬限。展至明年九月。此實朕法外施仁。於無可寬減之中。予以一綫生路。逃兵等稍有入心。自應即時投首。乃各省投報到案者。甚屬寥寥。是該犯等并此改遣之罪。亦圖幸

免。可謂施之以恩而不知感。懲之以法而不知畏。冥頑不靈。莫此為甚。拏獲正法。伊等亦死而無怨。惟是各省督撫。接奉節次所降恩旨後。為日已久。茲始據福康安奏到。川省自首逃兵三名。而他省並無奏報者。是福康安辦理此事。頗見認真。其各督撫。不過委之州縣。出示城署了事。並未督飭各屬。實力奉行。多方曉諭。俾窮鄉僻壤。一一周知。以致潛匿逃兵。未能共悉恩旨。自行呈首。仍致被獲。雁

法。豈不負朕法外施仁之意耶。督撫之於州縣。當如臂之使指。方能驅策得力。若似此空文塞責。有名無實。封疆大吏。實心任事者。豈宜如此。所有各省督撫。著通行申飭。嗣後務須各據天良。嚴飭所屬。將前降恩旨。刊刻簡明告示。分發遍貼。廣為傳播。以期家喻戶曉。俾得及早呈投。自全軀命。逃兵等經此諄切曉諭。三令五申之後。尚有仍前伏匿不首者。一經拏獲。必當立行正法。決不寬貸。將此再

行通諭中外知之。○諭軍機大臣等。前據鄭大進奏報。直省雨水情形。據稱保定於三月十八九等日。得雨三寸。隨經批示。究欠霑足。不可諱飾為諭。今又逾十餘日。該處曾否續得雨澤。較之近京一帶州縣。光景如何。麥苗是否長發。朕心深為懸厪。本日據陳大用奏到。正定地方於三月二十七日。自寅至酉。得雨四寸等語。正定距保定不遠。省城及各屬。是否一律普霑。並未據該督奏及。著傳諭鄭

大進。即將近日雨澤麥苗情形。迅速據實覆奏。尋奏查廣平大名順德河間冀州等屬。均於三月二十七日。得雨二三寸。至四五寸不等。麥苗暢茂。大田現在播種。會城自三月十七至二十日。得雨二次。共有五寸。麥苗亦多青秀。得旨京畿一帶。即二三寸亦未霑。殊增慙焦耳。已已。旌表守正捐軀直隸安肅縣民李霞女李氏。○是日起上以常雩祀

天於

園丘齋戒三日。○庚午諭曰。尚書和珅左都御史劉墉侍郎諾穆親馳驛前往涿州德州至江省一帶。有查辦事件。所有隨帶司員一併馳驛。御史錢澧並著馳驛前往。○又諭據富勒渾奏。豫省撥協甘餉銀兩。請於甘肅就近隣省酌撥。其應行解部驛站銀兩。並請於漫工案內。作正報銷等語。著照所請。交該部查明。將應撥甘省銀兩。於隣省另行酌撥。並將

河南應解之驛站銀兩。准其歸於漫工案內報銷。○諭軍機大臣曰。索諾木策凌以盛京米價昂貴。奏請暫停海運。此事不可行。盛京米價。不過偶遇歉收。一時昂貴而已。祇宜妥為調劑。以平市價。若遽將海運停止。不肖民人必致妄生議論。著傳諭索諾木策凌等。海運之糧。不必停止。務須妥為平價。不得聽從商人任意增加。○又諭據農起覆奏。口鹽毋庸交商領運一摺。已批交該部議奏矣。其所

稱民人攜本販鹽。苦力經營。始得稍霑餘利。如商人雇用。不但渙散不齊。且多一番雇費。而事非切已。究不能如自食其力之實心經理。故口鹽一項。販之自民。則並行不悖。歸之於商。則顧此失彼等語。所奏自屬實在情形。已面諭戶部堂官。於覈覆時。酌量議准。至摺內所稱。既可使民亦不損商。似屬兩有裨益等語。該省召募竈戶充商。前據已延三奏。准五年輪換一次。以均勞逸。但當更換之時。雖

據乏商自行舉報。而勢不能不假手各州縣申詳。向聞其間書吏衙役。借端勒指。賂剝高下其手。將殷實之戶。得錢縱放。其不肯賄賂者。濫行充舉。情弊種種。不可不嚴密訪查。力為革除。著再傳諭農起。時刻留心。不得稍存迴護。又諭據御史錢澧奏。山東巡撫國泰貪縱營私。布政使于易簡。亦縱情搜賄。與國泰相埒等語。葉佩蓀由山東按察使陞任湖南布政使。離山東不久。巡撫布政。如此婪賄不法。斷難諉為不知。今特派尚書和珅。左都御史劉墉等前往。秉公據實查辦。並帶同該御史錢澧前往。斷無不水落石出之理。著傳諭葉佩蓀。即將伊從前在山東任內。所有見聞。國泰等如何貪縱營私之處。逐一據實速奏。若稍存徇隱。將來和珅等審明。果有其事。葉佩蓀何以對朕。葉佩蓀在山東將及二年。必有聞見。且此事與伊無涉。毋庸迴護。若明白奏出。朕亦不治其一向徇隱之罪。所有

錢澧摺。著鈔寄閱看。○辛未上詣

南郊齋宮齋宿。諭曰。正白旗滿洲都統。秦因腿疾自行呈請休致之遊擊阿勒景阿。到京腿疾痊愈。伊所有本身世襲騎都尉。請旨作何辦理。經朕降旨。將此世職留於伊本身。仍支食全俸。又據巴延三奏到。廣東副將富昌。因年老不能騎射。具呈懇請解任。朕亦照前辦理。旗人補用外任。如有年老或不勝任。並有疾不能當差。自行具呈。情愿回旗者。此仍係滿洲淳樸之風。量其平日奮勉施恩。若伊身有疾。或年老戀棧。不肯自行具呈。被該上司勒令休致者。即有忝旗人顏面。嗣後旗人由外任。自行具呈回旗官員內。如有世職。該旗確驗。尚堪當差者。著施恩將世職仍留於伊本身。賞食全俸。如不勝任。又不自行具呈。被該上司勒令休致者。即本身雖有世職。亦不准其食俸。將此通諭八旗。永著為例。外將

朕惠養旗人之至意。亦著通諭知之。○壬申。常雩。祀

天於

園丘

上親詣行禮。○幸圓明園。○諭常雩大典。朕親詣行禮。凡在

壇執事諸臣。胥應共矢恪恭。

壇內一切禮器。於朕未經齋宿之先。禮部工部太常寺豫行派員周視。均宜敬謹安設。誠以敬

天大典。小心昭事之忱。大小臣工所當共凜。乃本日朕行禮時。見

壇內懸掛天燈。僅止二盞。又更衣幄次。所設坐褥。亦不整齊。

郊壇典禮。朕親詣行禮。尚如此草率不敬。若遣官恭代。更不可問矣。其罪甚大。非尋常錯誤。止交部議處者可比。工部堂官羅源漢等。近因福隆安患病。精神不能周到。遂各委蛇袖

手而派出司員等。亦俱急急從事。以致種種玩誤。不可不嚴示懲儆。福隆安若照常視事時。遇有此等錯誤。其處分必較諸人加倍。姑念患病屬實。加恩免其革職。仍罰公俸十年。所有工部尚書羅源漢。侍郎諾穆親。兼管太常寺事務。禮部尚書德保。侍郎德明。俱著革去頂戴花翎。仍革職從寬留任。十年無過。方准開復工部侍郎徐績。由巡撫獲咎。復用為侍郎。並不實心奉職。其罪更重。徐績著革職。

自備資斧。前往和闐辦事。更換達爾吉善。達爾吉善。俟徐績到後。即往喀什噶爾。更換阿揚阿。阿揚阿。著前往葉爾羌。更換復興。回京。至署理工部侍郎曹文植。署任未久。又兼署戶兵兩部事務。福長安。昨日甫經兼署。然亦均難辭咎。著交部嚴加議處。曹文植。不必兼署工部侍郎事務。至禮部太常寺堂官。專司典禮。乃以豫備天燈等項。緣工部承辦。漠不關心。不過照例站班。置身事外。均失人臣敬

事之義。所有禮部尚書曹秀先禮部侍郎達椿莊存與錢載太常寺卿肅普洞阿倪承寬少卿扎郎阿孫士毅俱著一併交部嚴加議處。至專司懸掛天燈鋪設更衣幄次坐褥之工部司官並著該堂官查明革職發往伊犁効力贖罪。其工部派出之查驗司官並著該堂官查明嚴叅辦理以示懲儆。夫敬

天所以勤民。龍見而雩。典禮尤重。朕古稀之年。尚敬謹為民請命。乃大小諸臣疎忽若此。不

得不嚴加懲創。不能以已化人。實益慙慙。將此通諭中外知之。○又諭曰。杜玉林前於刑部侍郎任內。因審辦案件。有所曲庇。故依部議降調。但其材尚可用。著加恩補授工部侍郎。仍兼刑部侍郎上行走。帶革職留任。八年無過。方准開復。○諭軍機大臣等。昨據御史錢澧奏。泰國泰子易簡等貪縱營私。遇有題陞調補。勒索屬員賄賂。以致歷城等州縣倉庫虧空。請旨嚴辦一摺。已面降諭旨。令和坤

等嚴切查究。自能遵照辦理。朕輟轉思維。摺內所稱倉庫虧空至八九萬兩不等。和坤等到彼時迅速逐一比對印冊盤查。自無難水落石出。此事尚屬易辦。至各屬以賄營求。思得美缺一節。不特受賄者不肯吐露實情。即行賄各劣員。明知與受同罪。亦豈肯和盤托出。即或密為訪查。尚恐通省相習成風。不肯首先舉發。惟在委曲開導。以此等賄求。原非各屬所樂為。必係國泰等抑勒需索。致有不

得不從之勢。若伊等能供出實情。其罪尚可量從末減。和坤等必須悉心明白曉諭。務俾說合過付。確有實據。方成信讞。此事業經舉發。不得不辦。然上年甘省一案。甫經嚴辦。示懲而東省又復如此。朕實不忍似甘省之復興大獄。和坤等惟當秉公查究。據實奏聞。將此由六百里傳諭知之。○癸酉。諭曰。管理工部事務福隆安。在軍機處行走。所有工部衙門堂官。除現在出差之外。止有羅源漢一人。

杜玉林又甫經到任。著金簡暫行署理工部侍郎事務。俟諾穆親回京。金簡即無庸署理。甲戌。諭軍機大臣曰。安徽按察使呂爾昌。從前曾任山東府道。屢經國泰保奏。昨御史錢澧奏國泰貪縱營私。勒索屬員。遇有陞調。惟視行賄多寡。以致歷城等州縣虧空。或八九萬或六七萬之多。布政使于易簡亦縱情搜賄。與國泰相埒等語。已差尚書和珅。左都御史劉墉等前往審辦矣。呂爾昌係國泰用人。且在東省歷任府道。錢澧所奏國泰等種種劣蹟。呂爾昌斷無不知之理。著將原摺鈔寄薩載。即傳呂爾昌到省。傳旨令其將錢澧所參款蹟。伊在山東時所見國泰于易簡如何貪縱營私并伊如何與國泰交結。國泰何以信任保奏伊之處。逐一據實指供。毋許絲毫欺隱。伊若能據實供吐。其罪尚可量從末減。若稍涉徇隱。將來和珅等審明。果有其事。是呂爾昌於本罪外。又加欺罔。伊試自度

量能當此重罪乎。薩載訊明呂爾昌後。即將伊所供情節迅速馳奏。○又諭據塞岱雷輪奏臺灣諸羅縣賊匪洪籠肆竊一案。經彰化縣拏獲洪籠之弟洪廬及賊夥馬水。訊出馬水將路斃屍身。捏作洪籠病死。希圖銷案免緝。洪廬復又令馬水通信洪籠。以致逃避。淡水內山藏匿等語。洪籠係此案首犯。自應嚴緝務獲。速正刑誅。伊既因馬水通信逃避。則馬水必知洪籠下落。今洪廬馬水俱經拏獲到案。惟當嚴切根究馬水等。訊出洪籠真實下落。現在逃匿何方。速緝定擬。毋致漏網。此案前經楊魁具奏查辦。迄今又已數月。著傳諭雅德迅速根究。上緊弋獲。仍將現在查辦情形。即行具奏。○乙亥。上御勤政殿聽政。○諭京師春膏未佈。農田待澤。正殷。朕心深為廕念。宜虔申祈禱。以籲甘霖。著禮部即速查照定例。敬謹舉行。○轉工部右侍郎胡高望為左侍郎。以新授工部侍

郎杜玉林為右侍郎。○丙子。諭。昨因

常寧大典。承辦司員草率玩誤。已降旨將薩涵泰等四員。發往伊犁効力贖罪。現在烏里雅蘇台辦事章京。需員換班。著加恩。即令薩涵泰前往更替。又伊勒圖另摺。請派章京二員。前往伊犁換班。即著那霈。徐煥。前往更替。其夏璇源一員。亦著交伊犁將軍。差遣委用。遇缺更換。毋庸再請派員前往。此係朕格外施恩。予以効用之路。薩涵泰等。如果四年無過。

奮勉効力。該將軍再行奏請開復更替。○又諭。朕親閱侍衛演射布靶。見明瑞之子三等侍衛惠倫。步射平常。竟染漢人習氣。惠倫年齒甚幼。正堪教育之時。京城並無教訓之人。著施恩。令惠倫自備資斧。前往烏里雅蘇台。交與伊叔奎林。教訓滿洲蒙古話。馬步騎射。○調福建金門鎮總兵金蟾桂。為臺灣鎮總兵。○丁丑。諭。曰。奉恩將軍宗室伊冲額。毆死雇工人。宗人府。會同刑部。擬以圈禁八十日。

滿日釋放。雖係照例問擬。但人命至重。致死雇工。罪原不至抵償。然由杖徒枷號本律。遞減至圈禁數十日。未免太輕。不足以懲儆。伊冲額著圈禁一年。滿日再行釋放。至其所襲奉恩將軍。著查明。如係伊祖軍功所得。自應另選伊近支。請旨承襲。若止係恩封授職。即應停襲。至嗣後宗室致死人命。如何酌量改擬。及所遺世職。如何辦理之處。著軍機大臣會同宗人府。照此旨一併妥議。定例具奏。

○戊寅。豁免山東壽光。樂安。利津。濰化。濱州等五州縣。水淹竈地。一千一百十五頃六十三畝。有奇額賦。○己卯。諭。昨御史錢澧奏。山東巡撫國泰。希政使于易簡。貪縱營私。勒派所屬州縣。以致歷城等處倉庫。多有虧空。各款蹟一摺。特派尚書和珅。左都御史劉墉。並帶同御史錢澧。馳赴山東省城。嚴查辦理。今據和珅等奏。先將歷城縣庫盤查。查出該縣知縣郭德平。虧空銀四萬兩。有挪移掩飾。

之弊。並詢問國泰。任意婪索各屬員。盈千累萬各款蹟。亦俱承認。俱係調任漳州府前任濟南府知府馮埏經手。從前係呂爾昌經手。又于易簡身任藩司。一任縣庫虧空。扶同弊混。甚至見巡撫時。長跪回話。卑鄙無恥。其餘案內款蹟。現在徹底嚴究等語。國泰于易簡呂爾昌馮埏郭德平均著一併革職拏問。交和珅劉墉嚴切詢究定擬。並著薩載派員將呂爾昌迅速解往山東歸案辦理。所有山東巡撫員缺著明興補授。即赴山東新任接印辦事。俟此案結後。再赴熱河陛見請訓。明興未到之前。著諾穆親暫行署理。直隸布政使員缺著陝西布政使祥鼐調補。所遣員缺著西安糧道圖薩布署理。○諭軍機大臣等。據和珅等奏查辦御史錢澧奏山東巡撫國泰一案。於初八日到省。詢問于易簡。稱國泰聞欽差前來之信。就對我說。我有交州縣變賣物件銀子。在濟南府裏。歷城現有虧空。教

且挪動頂補。該縣郭德平。隨向馮埏府庫要銀四萬兩。挪移掩飾。又詢梁肯堂。稱國泰勒派屬員銀兩。俱係馮埏經手。隨詢據馮埏郭德平。供認相符。并據馮埏呈出各府州縣幫費清單。復令于易簡等當面質證國泰。據伊供認前情不諱等語。此事實屬大奇。除明降諭旨。將國泰于易簡馮埏郭德平并陞任按察使呂爾昌革職拏問外。國泰身任巡撫。竟敢明目張膽。逼勒派累。任意婪索。通省官員俯首聽從。今據馮埏呈首幫費清單。止係伊任內經手之事。其從前呂爾昌任內如何勒派之處。著傳諭和珅嚴行訊問國泰。務令逐一供吐。至藩司于易簡專管錢糧。乃於歷城縣庫一任虧空。復扶同弊混。又向國泰長跪回話。實屬卑鄙。並著和珅等逐層根究。至錢澧原參于易簡勒索屬員之處。何以並未問及于易簡設果無其事。何不問之錢澧。著一併嚴究。得實後。即一面奏聞。一面著和珅

押帶國泰。于易簡於五月初間到京。候朕親訊其餘案犯。交劉墉會同諾穆親。并新任巡撫明興辦理。又國泰于易簡供內。有欽差過境。恐有盤查等事。此係何人與信。必當究出實情。毋任捏飾。又錢澧原奏虧空。係歷城東平益都章邱四州縣。今歷城既經查出。其餘三州縣著劉墉一律查辦。務使水落石出。不可顛倒了事。至通省州縣人數衆多。與歷城等州縣指實被叅者不同。前所降諭旨。原云除一二正犯外。朕實不忍似甘肅之復興大獄。蓋東省各州縣。被上司抑勒需索。原與甘省之上下通同一氣。公然冒賑殃民者有間。此朕不為已甚之心。和珅等自能遵照妥辦也。再梁肯堂由直隸州縣。不數年間。擢為臬司。伊到東省數月。於國泰勒派銀兩。及各屬虧空之事。既有見聞。何以不行陳奏。並著和珅等詢問明白。令其自行據實覆奏。將此傳諭知之。以太常寺少卿孫士毅為山東布

政使。浙江鹽法道陳淮為安徽按察使。○庚辰

上還宮。諭上年地安門外被火房屋。相距地安門甚近。該步營兵丁。尚能保護地安門。甚屬勇往。著施恩所有保護地安門人等。每人再賞給銀二兩。以示鼓勵。諭軍機大臣等。昨和珅查奏國泰于易簡一案。已降旨將國泰等革職拏問。傳諭和珅等遵照研訊矣。國泰此案。即勒派通省屬員。婪索銀八萬兩。從前不知凡幾。較之李侍堯在滇省索取礦廠餘息者。其罪較重。且此銀數。乃據馮埏呈出。本年經手之件。其從前呂爾昌經手者。又有若干。務須逐一根究。不得將就了事。至于易簡前據錢澧奏。自上年入覲回任之後。自謂於國泰有保奏之力。遂亦縱情攬賄。與國泰相埒等語。果如所奏。得贓屬實。是竟欺君罔上。以濟其婪索之私。其罪更浮於國泰。自應即行正法。若無其事。止於畏懼巡撫。不能據

實叅奏。甚至長跪回話。乃其人品卑鄙不堪。較之國泰勒派各屬者。情節則稍輕矣。此處乃于易簡生死所關。必使案情明晰。證據確鑿。方成信讞。此事在省各官。均可逐一體問。至錢澧既有此奏。其聞之何人。有何證據。自必確有指陳實蹟。若止稱風聞言事。又因國泰于易簡。現已革審問罪。即可完事。不欲更為已甚。則大不可。試思伊所奏于易簡若實。則罪應斬決。若所奏不實。則錢澧之不是為何如乎。朕於辦理庶政。一秉大中至正如此。不為已甚則可。若內外大小臣工。不據實秉公。亦託言不為已甚可乎。總之此案惟準情定罪。明白允當。有則有。無則無。朕不肯曲庇國泰。于易簡。又豈肯枉屈國泰。于易簡乎。著和坤等。將此傳諭錢澧。令其與于易簡質對明確。據實覆奏。不可顛預混過。作和事老人也。至昨所奏。現在盤查。歷城縣庫。虧空銀四萬兩。因銀色不對。查出挪移掩飾之弊。此事

前經面諭和坤、劉墉等。今果不出朕之所料。其餘錢澧指叅之三州縣。恐亦不免有此等情弊。務須詳悉查明。水落石出。不可因歷城已經辦出。不加詳細盤驗。任其朦混掩飾。此三處和坤、劉墉。即不能親往。或諾穆親。明舉、錢澧等。均可分投往查。或令梁肯堂同軍機司員赴彼詳查。以服錢澧之心。至通省虧空人數衆多。雖與甘肅上下通同一氣。公然冒賑殃民者有間。然較之直隸各處。因辦差致有短缺者不同。如果各州縣自知畏法。不敢以官項為結歡上司之資。何以致有虧空。今朕格外施恩。不欲復興大獄。然不可不徹底詳查。予以限期。令其上緊彌補。倘有因此次從寬。仍復任意延宕。不即抵補者。即當嚴叅治罪。惟在新任巡撫明興。率同新任藩司孫士毅仰體朕意。妥協辦理。又梁肯堂現因欽差嚴訊。始供出于易簡。見巡撫時長跪無恥。此等情節。若梁肯堂日久。恐亦所不免。設果

伊守正不阿。豈有到任數月。於國泰種種貪縱不法。無所聞見之理。何以不行據實奏聞。和珅等即以此問之梁肯堂。令其自行明白。據實覆奏。又和珅劉墉等昨所奏摺內。有于易簡稱。國泰聞有欽差過境。恐有盤查等語。此事必有人與信。今日傳詢國霖。據稱伊母於前月二十五日起身。前往山東。恐途中聞有欽差之信。不能放心。是以於初四日。遣家人套兒前往。并言並非與國泰送信。套兒現

在山東。可以確訊等語。此事不可不嚴行訊究。國霖遣人前往。何以不先不後。亦於初四日出京。顯係通知國泰。令其豫為地步。著和珅等。將套兒嚴切訊問。究竟如何。遣伊送信。并於何日到東省之處。詳悉具奏。此案國泰自應按律定擬斬候。于易簡有無婪贓情節。出入罪關立決。著和珅等一秉天良。不得絲毫含混。畸輕畸重。朕於辦理庶務。必期真知灼見。從不肯調停遷就。為和事老人之見。劉

墉向在外任。或未能深悉。和珅日侍禁廷。豈得諉為不知。將此傳諭和珅劉墉等。令其悉心詳細辦理。完結後。再令和珅押帶國泰于易簡來京。若案情未明。即於朕啟鑒後。趕赴熱河。亦不為遲。至明興。昨諭令即由保定。星馳前赴山東省。接篆任事。所有節次所降諭旨。并和珅等奏摺夾片。著一併鈔寄明興閱看。以便遵照辦理。○補行乾隆四十六年福建省大計。罷軟官一員。年老官七員。有疾官

二員。才力不及官三員。分別處分如例。○辛巳上御太和殿視朝。文武陞轉各官謝恩。○御演武廳閱火器營操。○幸圓明園。○諭軍機大臣等。昨據和珅等奏。查出國泰婪得屬員銀八萬兩。藩司于易簡明知巡撫勒派。隱忍不舉。顯有扶同婪索情事。現在嚴切根究。其任所貲財。業經和珅等在彼嚴密查抄。所有于易簡原籍財產。著傳諭薩載。即速前往查抄。毋任絲毫隱匿寄頓。○又諭據阿桂等奏。青

龍岡壩工。於初十日丑刻掛纜。堵合鑲填。至十一日早。金門業已斷流。大溜全入引河水。頭已入江南境。至未刻。西壩復陡。蟄塌去三十餘丈。大溜仍從漫口下注等語。昨十三四日。晝夜盼望好音不至。十五日申刻。始得五百里報。即知又有變動。及閱阿桂等奏此情形。實為焦急。目下料物漸短。大汛將臨。當此萬難措手之際。正須盡心推求良法。斷無束手坐視之理。看來此處土性鬆浮。似不宜合

龍。只可另覓善地。據奏片內稱。自青龍岡一帶形勢。無可籌辦。惟就上游擇其可以避重就輕之處。帶同諮習河員。親履查勘。熟商辦法等語。朕意亦正如此。應就上游相度善地。改絃更張。現在自己商有成局。其如何籌辦之處。即速繪圖貼說奏來。以慰懸注。至此次所開引河。屢次放溜。不能得手。或應順南岸相近處所。另行籌度地面。別開引河。使大溜得以直趨。暢達南下。庶於事勢有濟。至從前

曾經降旨為萬不得已之計。目下情形至此。又不得不復申前說。與其漫在北岸。受害大而辦理較難。毋寧漫在南岸。受害小而施工較易。蓋因南岸尚有賈魯河。渦河洪澤湖等處。逐漸消納歸海。此實無聊之極思。阿桂等再行通盤熟籌。如果可行。一面奏聞。一面飛咨薩載。譚尚忠等。豫為籌備。庶北岸不致著重。合龍較易為力。至現在水勢。仍由漫口下注。三湖運河連為一片。亟須多籌去路。如潘

家屯內外引河。及劉老澗。六塘河等處。凡可以宣洩歸海暢利之處。均須逐節籌畫。加挑寬廣。俾資暢注。著傳諭薩載。韓鐸等。悉心經理。至阿桂所請治罪。并叅奏河員之處。情詞激切。然亦何必為此奏。朕不忍觀也。又壩工走失時。李奉翰。跌入金門。被纜格傷。朕心實為憐憫。今已全愈否。此時朕實不忍治伊等之罪。且亦無顏治伊等之罪。況此亦非治罪即可了之事。阿桂等惟有與在工員弁竭盡

心力集思廣益詳籌妥辦以祈

天佑耳其現在如何查勘上游地勢改辦情形并作何籌辦料物遵旨妥議緣由逐一詳悉迅速馳奏將此由六百里加緊各傳諭知之

○改譯遼金元三史告成

御製序曰改譯遼金元三史成司事者以序請史無序例也齊梁陳書及後五代乃有序蓋出於宋臣修史者初為之飾例也亦足觀其政之不綱而事之紛紜也若令三史之請序

將比於孰乎曰彼之序皆序其事而此之序乃序其言則不可以齊梁等比之矣序其言亦非為之修辭飾說乃改譯漢文譯其國語之訛誤者至於其國制度之理亂君臣之得失未嘗一字易蓋史者信也所以傳萬世垂法戒彼其時之史或已不能保其必信數百年之後無庸為之修飾且改譯者不過正其訛誤之語而其舊史之布天下者自在也讀史者執舊簡而證以新書則可知語之異而

事之同則此序之不可不作乃所以明吾志也夫春秋一字之褒貶示聖人大公至正之心若遼金元三國之譯漢文則出於秦越人視肥瘠者之手性情各別語言不通而又有謬寓嗤斥之意存焉此豈春秋一字褒貶之為哉向於改譯三史之旨及同文韻統熱河志諸序已屢言之茲不複綴夫遼金雖稱帝究屬偏安元雖一統而主中華者纔八十年其時漢人之為臣僕者心意終未浹洽我國

家承

天庥命建極垂統至於今百四十年矣漢人之為臣僕者自其高曾逮將五世性情無所不通語言無所不曉且今之纂修諸臣即有善通清書兼習諸國字之人則茲三史必當及此時而改譯其訛誤者是則吾於遼金元三代實厚有造而慰焉雖然造非吾造乃天造我國家重熙累洽而後得此則所以祈天永命日慎一日之忱惟益兢兢懼乃勝於慰

馬云耳。○蠲免奉天鳳凰城岫巖遼陽蓋州復州廣寧牛莊等七城。乾隆四十六年水災額賦分別賑卹有差。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十四

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十五

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅四月壬午諭豫省堵築

青龍岡漫口壩工屢合復開現在購辦物料及改籌趕緊工程需費繁多前兩次撥給戶部庫貯銀二百萬兩恐尚不敷著再於戶部庫項內撥給銀一百萬兩查照向例派委員迅速解往以濟要工○諭軍機大臣等昨據阿桂等奏到青龍岡漫口於初十日合龍後至十一日復又整塌三十餘丈之摺閱伊等所奏情詞疎懼幾於束手無措為之竟夜思維籌畫再四一時實無良策而又萬萬不

可中止坐視。現在大臣中曾經辦理河務者。阿桂之外。惟嵇璜曾任北河總河。然其識見力量。究不及阿桂之較有把握。若派令前往。不過多添一人。於事未必有濟。若如德成之另出主見。有意紛更。則於公務轉多掣肘。自不如仍令阿桂一手經理之為得也。況平陂往復。事理之常。從前儀封十堡壩工。屢經變更。然遲至一年有餘。究獲歲事。此即阿桂親身經歷者。心不可因此少懈。氣不可因此少

餒。昨朕於閱奏後。即御製盼信詩一首。著鈔寄阿桂等閱看。想必能仰體朕懷。益加振作。以冀迅速告功也。至昨日阿桂等奏。於上游履勘。另覓善地。為改絃更張之計。或欲於河身迤南低窪處所。另開引河。接至大河故道乎。若已勘得地面。商有成局。即速繪圖具奏。若一時不能得地。或仍於決口迤下。向孔家莊。照依發去圖內折角之處。斜向東南開挖引河。接入故道。或另作挑水壩一道。以逼溜

勢之處。著傳諭阿桂。詳籌妥議具奏。至目下料物之難。朕所深悉。舊料漸完。新料尚早。然不得不為急。則治標之計。所有河工常年豫備搶險料物。此時只得那移湊用。蓋各工搶險。固屬緊要。而此時漫口。尤為喫緊。若云工次無料。可以那用。則常年開銷錢糧。豫備料物者安在。著阿桂商同韓鐸。於河之南北工段內。所有存工料物。酌量抽撥。迅速移用。以濟要工。所有節次撥過銀兩。恐尚不敷用。已

明降諭旨。令戶部再撥部庫銀一百萬兩備用。至韓鐸前因籌辦運河。命赴東省。往來督率查勘。今毓奇在彼。已經數月。人尚明白。留心運道。漸次習練。所有北河一切事務。即著交毓奇往來查辦。現在河工。係韓鐸親身職任之事。著仍回青龍岡工次。協同阿桂等籌辦料物。堵築事宜。阿桂李奉翰富勒渾。經此變故。不免惕息不安。著賞給大小荷包。香囊藥錠扇袋等物。隨報發往。阿桂等接奉此旨

後。即將現在遵辦緣由。迅速馳奏。將此由六百里加緊傳諭知之。○

御製盼信詩曰。盼信已過期。惕思非善事。寢食正不寧。五百里奏至。事又敗垂成。西壩茲復潰。措手衆乏策。相與自請罪。罪之我何忍。責已益增愧。然無坐視理。上游命尋計。琴瑟之弗調。更張有古議。君臣相慰籌。

天憐或有賜。南顧馳憂心。成吟託五字。○鑲黃旗滿洲都統奏。征勦逆回傷亡之藍翎侍衛

瑪圖納。請賞雲騎尉。給伊子哈達那承襲。得旨。去年征勦撒拉爾。送回陣亡傷亡人員。皆照例給與賞銀。並無襲官之例。朕思此等人員。究竟在軍營効命。因憫陣亡人等。特降諭旨施恩。交部照伊等官職。酌議給與世襲官職。但實是陣亡人等。理應照例給與世襲官職。襲次完時。仍賞恩騎尉世襲罔替。至傷亡人等。已經邀恩。照陣亡人等。給與世襲官職。如仍給恩騎尉。太無區別。亦不合朕憐憫旗

人之至意。嗣後凡陣亡人等。該部仍照例給與官職。其傷亡人等。不必給與恩騎尉。瑪圖納之雲騎尉。即照此辦理。著為例。○軍機大臣等議覆。烏什辦事大臣綽克托等奏。稱。烏什葉爾羌。喀什噶爾。及庫車。哈喇沙爾等處。錢糧奏銷。向係各該處大臣。冊咨陝甘總督。轉送戶部覈銷。凡有駁查。往返動經年月。嗣後除吐魯番。迤東。設有府廳州縣。管理錢糧者。仍造冊送總督覈轉外。其烏什。葉爾羌。喀什噶爾。及庫車。哈喇沙爾等處。一切錢糧奏銷。請徑由各該處辦事大臣。專摺具奏。再行冊送戶部。並移咨陝甘總督查覈。應如所奏。從之。○實授陝西糧道圖薩布。為陝西布政使。○旌表守正捐軀直隸清苑縣民許某妻范氏。○癸未。

孝端文皇后忌辰。遣官祭

昭陵。○諭。昨於養心殿存貯各書內。檢有明朝宮史一書。其中分段敘述宮殿樓臺。及四時

服食宴樂。併內監職掌。宮闈瑣屑之事。卷首稱蘆城赤隱呂毖較次。其文義猥鄙。本無足觀。蓋明季寺人所為。原不堪採登冊府。特是有明一代。執政多端。總因閹寺擅權。交通執政。如王振。劉瑾。魏忠賢之流。俱以司禮監秉筆。生殺予奪。任所欲為。遂致阿柄下移。乾綱不振。每閱明代宦官流毒事蹟。殊堪痛恨。即如此書中所稱司禮監掌印秉筆等。竟有秩尊視元輔。權重視總憲之語。以朝廷大政。付之刑餘。俾若輩得以妄竊國柄。奔走天下。卒致流寇四起。社稷為墟。伊誰之咎乎。著將此書交總裁等。照依原本。鈔入四庫全書。以見前明之敗亡。實由於宮監之肆橫。則其書不足錄。而考鏡得失。未始不可藉此以為千百世殷鑒。並將此旨錄冠簡端。○諭軍機大臣曰。戶部議覆農起奏請山西太原等府屬四十四州縣例食土鹽處所。准其買運口鹽一摺。已依議行矣。至摺內所稱召募富戶充當

運商。五年輪換一次。最易滋弊。請令該撫另行詳悉妥籌具奏等語。所議甚是。現據該撫奏稱。輪換運商。係之商自行舉報。歷年報部有案。但以之商自舉富戶。在富戶勢不免有趨避之情。在之商即得以操取舍之術。豈為良法。又該撫奏稱。應換人數。每次需用數十人。一省富戶有限。五年輪換無窮。是派辦之先後遠近。其中運費多寡。承辦難易。即為將來高下其手。捐勒剝削地步。不可不豫為防範。以期經久無弊。部議甚中外省習氣。著傳諭農起。悉心籌畫。將來如何公平輪換。不致假手滋弊。致令偏枯之處。另行妥議摺奏。尋奏查晉商向無限年更換之例。前撫臣巴延三。因舊商疲乏日多。而晉商富戶。往往規避僉商。是以定為五年輪換。以為之商息肩之地。各富戶等。屆輪換之時。仍多方規避。奸商猾吏。諸弊叢出。臣時刻留心密查。力為整頓。仍俟秋錄事竣。親赴鹽池。查明實在情形。設

法調劑得旨有治人無治法。要為之。○甲申。諭軍機大臣等。青龍岡漫口壩工。復有墊塌之事。節經降旨傳諭。並將如何另覓善地。為改絃更張之計。詢問阿桂等。迅即熟籌妥議具奏。現在阿桂等在工。如何另籌辦法。目下自己已有定議。朕廑念該處要工。無時或釋。著再傳諭阿桂等。令其速行奏聞。以慰懸注。至料物一項。目下急需。南北兩岸工段內。備存搶險之料。俱可酌量抽撥。迅速移用。向來河工人員習氣。輒以搶險要工所用。不可輕易那動。且每以設遇驟漲。藉資抵禦為詞。殊不知青龍岡既經漫口。則全河之水。已併注於此。斷不至別處復有事端。豈有舍現在要工急需。而於無用處所。豫留防備不動用之理。向來各工拘泥汎段。不肯將物料移用。最為陋習。上年薩載尚有採辦割青之奏。與其割青。何不通融移用。凡事須當權其緩急。重輕臨時酌為調劑。阿桂等係曉事之人。自必心

服此旨。不肯輕聽浮言。致此時反以缺少物料。自掣其肘也。至韓鐸係本管處所。調度抽撥。呼應更靈。况要工即在北河。以彼濟此。又何吟域之分耶。總之河工事務。最宜酌量緩急。相機籌度。以濟要工。凡有河務之責者。俱當照此辦理。不可仍前拘泥。將此由六百里加緊傳諭阿桂等。並諭薩載知之。○又諭。前據和坤等奏。查辦國泰貪縱不法一案。訊據國泰供認。婪索屬員銀兩。從前係呂爾昌經手。此事朕先已料及。業經降旨。令薩載詢問呂爾昌。嗣將呂爾昌革職。挈問解往山東。歸案辦理。此案呂爾昌如何與國泰勾通交結。及國泰如何信用呂爾昌。歷年如何經手婪索之處。此時薩載自己嚴切訊問明白。著傳諭薩載。將所訊確供。一面奏聞。一面即派委妥員押解來京。務於五月初間解到。約計彼時國泰于易簡亦已押解到京。可以互相質對。毋庸解往山東審訊。將此並諭和坤等知

之。○蠲免山西永濟縣鐵牛等五十六村蔣乾隆四十六年水災額賦。其男婦淹斃者給殮費銀。無力補種者。借給籽種銀。○乙酉。上幸靜宜園駐蹕。至戊子。皆如之。○諭曰。頭等侍衛國霖著革職拏問。即速解至香山交軍機大臣會同刑部堂官嚴行審訊。○諭軍機大臣等。據和坤等奏。國泰勒派屬員于易簡有無婪索各情節一摺。所奏俱已明晰。摺內所稱國泰供。呂爾昌前任首府時代辦物件。并各州縣幫費。俱係呂爾昌經手等語。已節次傳諭薩載將呂爾昌毋庸解往東省。即迅速押解來京質審矣。至于易簡有無婪索屬員銀一節。既據詢問衆人并夾訊于易簡之管門家人。堅供實無贓據。惟年節收受屬員水禮綢緞等物。傳詢錢澧面質。亦得之傳聞。不能指實各等語。看來情節不過如此。國泰係小有才之人。其居心巧詐。因于易簡已經保奏。不肯因此假之詞色。致通省屬員不怕

巡撫使藩司得分其權勢。所以故為嚴厲。不給顏面。且明知于易簡已經保奏。不敢復叅。轉得肆行無忌。恣情婪索。而于易簡實係庸懦卑鄙不堪之人。甘心隱忍。曲意逢迎。是以通省屬員共相鄙薄。不肯送給銀兩。所奏各供。自係實情。此案大概已有根據。不過如此。和坤即可一面定案奏聞。一面押帶國泰于易簡來京。其呂爾昌亦可於五月初到京。當面質對。至錢澧所奏章邱東平益都等三州縣。自應與歷城一律徹底清查。不可顛預了事。著劉墉。諾穆親。明興。親往盤查。實在有無虧空。并将錢澧留於東省。不妨令其同查。俟查明三州縣後。一同回京。錢澧所叅國泰款蹟已實。至于易簡攬賄證據。何以不能指出。若知而不言。是既託名正直。而又欲為人存留地步。調停將就。亦屬非是。今既衆供于易簡。雖未收受銀兩。而水禮綢緞亦屬不應收受。則所奏尚非無因。朕亦不加深究。至指叅

之三州縣虧空。必應逐一嚴查。務使有無虛實。毫無隱遁。方成信讞。至通省州縣之虧空。人數衆多。且出自國泰之抑勒。朕實不忍似甘省之復興大獄。著明興詳查妥辦。酌量輕重。與以二三年之限。令其自行彌補。此係朕格外施恩。若衆人不知感知懼。仍復因循延宕。是伊等自取重戾。不可復寬。若明興嚴叅按律從重治罪。此時明興係新任巡撫。毫無瞻顧。自當仰體朕意。悉心妥辦也。至國霖遣

家人套兒送信一節。已將國霖革職。拏問交軍機大臣會同刑部嚴訊。自得實情。將此由六百里發往。并諭諾穆親。明興知之。○旌表守正捐軀安徽亳州民于萬有妻王氏。○丙戌。豁免四川南部。閬中。遂寧。中江。綿州。富順。鄆都。彭水。樂山等九州縣。坍廢鹽井。共三百六十五眼額課。○旌表守正捐軀江蘇江寧縣民陳德明妻徐氏。○丁亥。

上御演武廳閱健銳營操。○諭軍機大臣等。前

據錢澧奏泰山東州縣倉庫虧空一節。除歷城一縣。已據查奏。其餘章邱。東平。益都等州縣。已諭令劉墉。諾穆親。明興親往盤查。有無虧空。自應覈實辦理。但現在山東通省州縣之虧空。朕法外施仁。已降旨令明興詳查酌辦。與以二三年之限。令其自行彌補。今思章邱。東平。益都。三州縣。本與通省州縣無異。然既經錢澧指叅。則不得置之不問。以完此案。即使三州縣果有虧空。於國泰。于易簡罪名。原無所增。查無虧空。亦於國泰。于易簡罪名。不能量減。該三州縣。因聞國泰之事。果已彌補完足。即銀色間有不齊。亦不必似歷城之深加究詰矣。朕辦理政務。一秉至公。當寬者寬。當嚴者不得不嚴。此三州縣。即遵旨妥辦。至嗣後明興於一切地方公務。均當仰體朕意。寬嚴酌中。悉心辦理也。至查辦三州縣虧空一事。劉墉。諾穆親。明興。儘足辦理。和珅不必在彼同辦。現在哈薩克沙海素勒坦入覲。

御前大臣。及理藩院。正在需人。福隆安氣體尚弱。行走勉強。和坤務於五月初一以前。押帶國泰。于易簡。迅速到京。將此由六百里傳諭和坤等知之。○烏嚕木齊都統明亮奏。迪化州。綏來縣。商民一十九戶。情願認地墾種。請照本處歷年分戶之例。每戶撥給地各三十畝。賞給農具籽種。借給牲畜一匹。作銀八兩。俟六年升科後繳還。從之。○戊子。諭軍機大臣曰。李侍堯奏。甘省各屬。於三月下旬。及四月上旬。連次得雨。自省城以至遠近各屬。無不均霑等語。覽奏甚為欣慰。甘省向因雨少。每報旱災。以致不肖各員。釀成冒賑積弊。上年該省即得雨霑足。秋收豐稔。今歲正當禾苗長發之時。仍復普霑甘澍。農民得及時播種。可卜豐收。但該省究係地瘠民貧之區。雖現在雨澤應時。尚恐將來通省各屬。間有一二歉薄之處。該督仍當悉心查察。據實具奏。毋得稍存諱飾。朕念切民瘼。務使一夫不

致失所。該督自當仰體朕意。不可因甘省向有捏災積弊。遂爾因噎廢食。轉致區災不報也。將此諭令知之。○以浙江瑞安協副將羅英。奏為福建金門鎮總兵。○已丑。

上迴圓明園。○諭軍機大臣曰。據阿桂等奏。會議自蘭陽三堡一帶大壩外。另添築南隄。開挑引渠。計長一百七十餘里。約四五月竣工。可以導水由引渠下注正河。勢必掣溜全歸。故道入海等語。已批交大學士九卿詳議具奏矣。此雖無可如何之計。然目前籌辦。無過於此。大學士九卿等。材識見地。俱不及阿桂之明練。亦未必另有善策。此事自即可照議辦理。至阿桂此次所奏。現在儀考地形敗壞。無可籌辦。應於蘭陽三堡。改築大隄。開挑引渠。既經履勘確實。眾議僉同。即可直陳無隱。乃摺內語氣。似以未能遵朕向南隄另求去路之前旨。故為委曲宛轉。多其詞說。不知朕前旨。原止通論大勢。宜就迤南一帶相度辦

理。非如阿桂等身親履勘。目擊情形也。今披覽所奏圖說。籌畫得宜。其所奏蘭陽三堡改隄。即係朕前旨所指迤南一帶也。朕於辦理庶務。從無迴護。每以此諄誡內外大臣。阿桂侍從年久。竟尚不深知耶。現在改築南隄。開挖引渠。自須數月之久。方能辦竣。阿桂等惟有督率在工員弁。將所築隄根。夯硤堅實。俾資鞏固。毋任草率。至目前既不能合龍。則水勢仍由北岸下注。惟恃下游廣為宣洩。如潘家屯。六塘河等處。凡可以暢達歸海之路。著傳諭薩載。李奉翰。前往悉心相度。應展寬者展寬。應開放者開放。至李奉翰籌辦事畢。仍即回豫同辦此事。再上年大河水漲時。有分溜一支。由沙河趙王河穿運。入大清河歸海。後經斷流。今漕船正當北上之期。此處尤宜留意。茲據阿桂等奏。不使漫水倒漾北行。由沙趙二河穿運。則糧艘北上無虞等語。所慮亦是。自應如此辦理。著交韓鐸。隨時籌酌。務

使糧運過行無阻。設或夏秋漲盛。水勢南下。宣洩不及。仍前分股。由大清河入海。此亦不得已減洩之一法。然必須保護糧艘。行走平穩為要。至北運河事務。據奏令道員沈啟震。幫同毓奇。辦理一切。以專責成。自當如此。阿桂等即行傳旨遵照辦理。將此由六百里各傳諭知之。○大學士三寶等議覆。欽差大學士公阿桂等奏稱。祥符八堡。十六堡。張家油房。曲家樓等處。屢次漫溢。灘面於高。且無可別開引河之地。其自曲家樓一帶。經上年興漲後。衝成溝槽。坑坎縱橫無數。難以施工。相度地勢。惟南隄外尚可更改遷移。當於青龍岡迤上南岸隄內。履勘測量。自蘭陽三堡起。向東地勢就下。較隄外大河水面。低至三四尺不等。若比河脣灘面。則低一丈五六尺。至二丈不等。自此至考城高邱等汛。共一百七十餘里。大率相同。現擬於相距南隄十丈外。建築大隄一道。又前次南岸漫水所過。本有

沿隄舊河形。再間段挑深數尺。引河一道。俾得就下。查此兩項工程。計長一百六十餘里。工大費繁。非四五月之久。不能竣事。俟渠已挑成。隄築數尺後。即於蘭陽三堡老隄。剝挖寬深缺口。導水進內。由引渠下注。從商邱七堡出隄。歸入正河。大溜勢必全掣向東。下歸故道入海。其曲家樓漫口。自可堵閉。此事一成。可望數年無患。至隄內民田廬舍。原不能無礙。且考城一縣。亦須遷移避水。臣等先期出示曉諭。妥為籌辦。保護安全。小民自必樂從等語。查阿桂等所奏。并詳閱所進原圖。自屬實在情形。應如所奏行。再臣嵇璜更有請者。南岸蘭陽三堡。建隄開渠。通盤籌畫。實於事勢恰當。惟是大汛將屆。將來伏秋盛漲之時。上游險工頗多。設其時大溜南趨。或歸中泓。情形又有變更。則青龍岡漫口堵築。尤可不費人力。況值大雨時行之際。築隄挑河。均不能不稍稽時日。或俟秋汛水退時。再行開

工。似無趕辦不及之處。報可。○署湖南巡撫李世傑奏。前奉諭查禁烏鎗。續又奉諭。苗疆地方。苗犵各藏烏鎗。多屬防身殄獸。無庸查辦等因。查湖南省如乾州。鳳凰。永綏。三廳。芷江。永順。保靖。龍山。桑植。靖州。通道等七州縣。及辰谿。溆浦。黔陽。武岡。新寧。邵陽。常寧。酃縣。零陵。祁陽。東安。道州。寧遠。永明。江華。新田。郴州。宜章。興寧。桂陽縣。桂東。桂陽州。臨武。藍山等二十四州縣。苗犵雜處。居住叢山深箐。防身殄獸。不得不帶鎗自隨。至沅陵。瀘溪。新化。麻陽。會同。五縣。界連苗犵洞寨。或野獸踐食田禾。或打牲為業。烏鎗刻不可離。概請遵旨毋庸查辦。報聞。○庚寅。諭軍機大臣等。昨據阿桂等奏。南岸築隄改渠一摺。批交大學士九卿議奏。今日復召見大學士尚書。與軍機大臣等。面降諭旨。詢問現辦河工。除築隄改渠之外。是否別有長策。僉稱青龍岡壩工。屢

不得不如阿桂所奏辦理。又據嵇璜奏。請俟白露過後。秋汎水退時。再行施工等語。河工乃國家大事。關係民生。不獨朕日夜焦勞。凡在廷大臣。均應盡心籌慮。以期有裨國是。嵇璜此奏。亦有所見。其是否可以待至八月後施工。不致趕辦不及之處。著傳諭阿桂等。再行通盤熟籌。據實具奏。至青龍岡壩工。現在既不能堵合。其所存口門三十餘丈。務須保護完固。不得續有塌失。方為妥善。總之此事。

朕毫無成見。惟期於民生實有裨益。阿桂等昨所奏蘭陽三堡建隄改河。即係朕前旨所指之遙南一帶。另籌去路。惟前旨係通論大勢。未嘗身親履勘。目擊情形。今覽所奏圖說。阿桂等既經親勘。籌酌得宜。飭下廷議。衆謀僉同。自應照所奏辦理。至嵇璜所稱。緩至秋間開工之處。亦為斟酌事勢。慎重要工起見。阿桂等身親其事。見聞真確。果否可行。候阿桂等奏到。再降諭旨。所有大學士九卿奏摺。

同此旨。由六百里發往傳諭知之。○旌表守正被戕直隸豐寧縣民齊有禮妻吳氏。○辛卯。諭從前公阿勒景阿。在散秩大臣上。因腿疾不甚當差。經朕解退。伊散秩大臣。令其在侍衛上行走。阿勒景阿。即當感激朕恩。在侍衛差使上奮勉行走。今又將及五月。並未當差。實屬不堪造就。有負朕恩。阿勒景阿。著革去公爵。作為藍翎侍衛。發往伊犁効力贖罪。此公爵交該旗照例辦理。○壬辰。諭曰。協辦

大學士吏部尚書蔡新奏。請給假一年。回籍省墓。並請照例開缺等語。蔡新准給假回籍。不必開缺。其吏部尚書兼國子監事務。俱著劉墉署理。至協辦大學士。係由各部尚書簡員兼辦。非實缺可比。毋庸署理。○又諭曰。軍機大臣會同英廉等。將李侍堯奏甘省捏災冒賑案內。現在擬斬監候之閔鵬元等十七犯。續行查出。任內虧缺銀糧草束等項。覈擬具奏。請旨即行正法一摺。此案閔鵬元等十

七犯於甘省歷年災賑項下。婪得多贓。數至盈千累萬。上年辦理通案人犯時。因擬入斬決。人數衆多。不得不畧為區別。而該犯等。侵冒銀數。亦尚在二萬兩以下。是以姑從寬改。為斬候。令刑部存記。入於今年秋審情實。臨期再行請旨。朕於辦理庶務。從不為己甚。如該犯等情節。有一錢可原者。尚欲加恩曲宥。今據李侍堯。續行查奏。該犯等任內。各有虧缺銀糧草束各項錢糧。多者至五萬九千餘兩。即至少者。亦有數千餘兩不等。則是於捏災冒賑本罪之外。又有任意侵欺。毫無顧忌。多一虧空罪名。實為從來所未有。此而不辦。何以懲貪黷。而申國憲。閔鵠元等十一犯。統計前後侵虧銀數。均已在二萬兩以上。罪實無可復逭。閔鵠元。杜耕書。楊有溥。覺羅福明。林昂霄。王璠。顧汝衡。墨爾更。額趙元德。龐標。沈泰。均著即處斬。其董熙等六犯。雖依議斬決。亦屬罪所應得。但其冒賑并虧空銀兩。義

計尚在二萬兩以下。董熙。丁愈。華廷。賍章。汝楠。李鋈。葉觀海。俱著從寬改為應斬監候。秋後處決。俟本年朝審勾到時。刑部請旨辦理。近年侵貪案件。屢經敗露。如王亶望一案。甫經懲創。今又有山東國泰之勒派屬員。婪索多贓。而屬員中亦有虧空者。豈水懦氏玩。遂致僥倖身試。懲不畏法者多耶。所有閔鵠元等。著派胡季堂。福長。岑景熠。前往監視行刑。即將此旨宣諭該犯等。使知情真罪當。實由自取。將此案分別辦理緣由。通諭中外知之。又諭曰。阿勒景阿公爵。係皇祖妣孝誠仁皇后初封承恩公爵。即獲重罪。不惟不可削除。在朕觀之。亦屬不忍。皇帝始封之后。及誕育皇帝之后。所封承恩公爵。非其餘所封承恩公爵可比。即其人獲罪深重。革去公爵。亦不應削除。自應於別支子孫內。揀選承襲。著軍機大臣。及該旗。敬錄此旨。億萬年永遠遵行外。其善保。前因打死家人。革

去公爵。今已悔過。効力多年。著加恩將此公爵。仍令善保承襲。善保務感朕恩。奮勉行走。不可仍蹈前轍。任意乖張。○軍機大臣會同宗人府議覆查宗室奉恩將軍伊冲額。係由宗室恩封承襲。今既犯罪。例應停襲。嗣後有類此者。即照此辦理。至嗣後宗室人等。如犯極邊烟瘴充軍者。折圈禁三年。始行釋放。近邊者。圈禁二年半。犯流罪三千里者。圈禁二年。二千里者。一年半。其犯徒罪者。覈其情節

輕重。遞減至一年。或半年。始行釋放。從之。諭曰。宗室伊冲額。毆死雇工一案。將宗室致死人命。應如何定議之處。交宗人府詳議定例具奏。今軍機大臣等會同宗人府定議。嗣後宗室等。若犯軍流徒等罪。照例所折圈禁之罪。較從前分別年限加增具奏。朕如所奏。著為定例。但朕定此例。原欲宗室等知懼知懲。不至任意妄為。自然犯法者少。若宗人府曉諭八旗宗室。嗣後令伊等各體朕愛護之至

意。謹身惕志。毋蹈罪愆。○陝甘總督李侍堯奏。查金城關。道臨黃河。離省城不過二里。該處地方偏窄。祇可設汛。不能添駐重兵。所賴華林山。業已築堡駐兵。與該關隔河相望。聲勢已為聯絡。臣等酌擬。再於該關地面。設汛一處。撥兵四十名。統以千把一員。駐劄巡防。再陝甘省舊存礮位。俱不堪用。即涼州大礮四位。亦損其半。當華林賊匪滋擾時。臣等趕造劈山礮二十位。轟打賊巢。方得成功。嗣後

請遴派熟悉礮位之員。徧往各營勘驗。將廢礮盡燬。其可用之礮。留貯各營。再製造大礮。酌定數目分貯。並多製劈山礮。凡督撫提鎮大標。約計兵二百名。給礮一位。以壯軍威。得旨嘉獎。○癸巳。以湖北襄陽鎮總兵仲泰。江南狼山鎮總兵包定邦。對調。○甲午。

上御勤政殿聽政。○諭曰。工部尚書羅源漢。年力已衰。難以供職。著加恩給還頂帶。以原品休致。所有工部尚書員缺。著劉墉補授。仍兼

署吏部尚書管國子監事務。其都察院左都御史員缺。著王杰補授。彭元瑞著調補吏部侍郎。曹文植著調補戶部侍郎。所遺兵部侍郎員缺。著鮑昀補授。內閣學士員缺。著李綬補授。○諭軍機大臣等。據薩載奏潘家屯內外引河及六塘河劉老澗等處。暨宣洩歸海各路均已遵照展寬開放。俾資暢注歸海等語。自應如此辦理。至所稱賈魯河迤下。接連安省之渦河。由淮歸洪澤湖。下達入海。飭各

州縣將境內河道堰工。豫為防範之處。此事今且可不用。朕本意欲於南岸籌辦。因思及賈魯河。渦河。洪澤湖等處。可以消納。是以傳諭薩載等豫為籌備。昨已據阿桂等奏。青龍岡漫口。現在斷難再辦。欲於南岸自蘭陽三堡起。至商邱七堡止。築隄改渠。共一百七十餘里。導水歸入正河。則大溜勢必全掣。漫口自可堵閉。業據大學士九卿等議覆。經朕降旨允准矣。所有賈魯河及渦河。洪澤湖等處。

此時自可毋庸籌辦。惟阿桂所籌南岸築隄改渠。尚需時日。現在大汛瞬屆。河水下注。江南境內。惟賴潘家屯內外引河。及劉老澗。六塘河等處。宣洩暢達。方可不致壅滯。著傳諭薩載。於潘家屯各處。派委妥員。隨時相機籌度。應展寬者展寬。應開放者開放。務俾一律深通。庶使將來水勢加長。亦可無虞阻滯。所有大學士等原議。並昨所降諭旨。著鈔寄薩載閱看。○乙未。

上諭

安佑宮行禮。○諭軍機大臣等。上年山東曹州兗州濟寧等府州各屬。因豫省漫口黃水泛注。俱被水災。屢經降旨。加恩撫卹展賑。第念豫省青龍岡復有墊塌之事。堵合尚須時日。現在另於南岸築隄改渠籌辦。且大汛瞬屆。漫水下注。東境曹州。兗州。濟寧等府州屬一帶。均係下游。今加賑將滿。朕心深為廕念。著傳諭明興。即與藩司孫士毅。分投速往各該

處詳細查勘被災戶口。是否不致失所。據實具奏。候朕酌量加恩。明興等務須仰體朕意。實力查辦。毋得稍存諱飾。其東平等三州縣虧空。非甚要事。交劉墉。諾穆親查辦可也。○旌表守正捐軀直隸深州民韓三。牝牛女韓氏。○丙申諭曰。福長安。著馳驛前往奉天一帶查辦工程事件。所有隨帶滿漢司員。並著一併馳驛前往。○諭軍機大臣等。據喀寧阿等奏。迪化等州縣採買糧石。侵蝕自一萬兩至數百兩不等。並訊出各員通同舞弊。各送給索諾木策凌銀兩。業將現在新疆各員。嚴密查抄。請旨飭下各督撫一體查抄等語。迪化等州縣採買糧石。輒敢浮開價值。冒銷帑項。又復交結上司。公行賄賂。此事實屬大奇。已諭令喀寧阿等秉公審辦。除各旗員在京家產。已經查抄外。所有業已離任之木和倫。豐伸。徐維綬。吳元賀。萬壽。黃岳。著傳諭各該督撫。即將各該員革職拏問。派員解

交刑部。其原籍及任所貲財。一併嚴密查抄。至現在新疆之伍彩雲。王詰。張建菴。劉建。何琦。于得昇。六犯原籍家產。並著該督撫一併查抄。毋任隱漏。將此由六百里各諭令知之。○又諭據喀寧阿。明亮奏查辦烏嚕木齊各州縣採買糧石浮開價值一案。內稱該處採買糧石。自三十九年以後。其時糧麥價值平賤。各州縣並不照市賣實價報覈。即如小麥。每京石用銀不過八九錢。至一兩九分不等。而州縣仍以每石一兩八九錢具報。訊據各員供認。每石剩銀三四錢。及五六錢。統計各員歷年侵冒銀兩。自一萬兩至數百兩不等。並訊出各員餽送索諾木策凌銀兩。自一千兩至數千兩不等。等語。此事大奇。索諾木策凌在都統任內。既經收受屬員銀兩。有如此之多。各屬等任意開報。侵冒分肥。實出情理之外。至奎林接任後。雖據摺內奏稱。說明德平等各犯。並無送過銀兩。但奎林任內接辦

採買。於各屬侵欺冒銷。何以並不據實查明
奏。其中有無分肥。染指。自應徹底根究。詳
悉據實具奏。明亮係奎林之兄。如稍涉瞻徇
欺罔。代為隱匿。則其罪更大。恐明亮不能當
也。將此由六百里傳諭知之。尋奏。此案前據
德平等供稱。奎林在任未久。並未送銀。茲奉
訓示。復於途次。將德平。王詰。張建。蒼等各犯。
嚴加反覆根究。僉稱奎林係新到任。從未收
受年節水禮。焉有送銀之事。得旨。覽。○伊犁

將軍伊勒圖奏。伊犁地方。向無積穀。於屯田
綠營兵三千名內。撥出五百名。充補各項匠
役。並看守倉庫外。每年留二千五百名。屯田
納糧。乾隆四十三年。經臣奏准。將三千換班
單身綠營兵。改由內地出派三千。攜眷綠營
兵。常川駐防。伊等到伊犁時。照舊撥出五百
名充當雜差。餘二千五百名。仍令屯田。但伊
犁地處極邊。此項兵丁。常川駐守。與換班兵
丁不同。練習弓馬技藝。亦甚緊要。每年二月

屯田。至十月收穫。雖乘時演習武備。亦不過
塞責而已。查該處積穀。因連年成熟。現貯至
五十餘萬石。伊犁每年共應放穀十六萬石。
此項存貯之穀。足可備放三年有餘。而綠營
兵民回民等。每年應交米穀十八萬餘石。除
本年應放外。仍餘二萬餘石。歷年積貯太多。
易致霉爛。且兵丁不能習練技藝。請於二千
五百名屯田兵內。撤出一千。教演技藝。仍餘
一千五百名屯田。每年一半差操。一半耕作。

則駐防兵丁。既可使弓馬嫻熟。而屯田所獲
之米。足供一年支放。雖遇歉收。亦敷接濟。得
旨嘉獎。○以正黃旗漢軍都統慶桂。為奉天
將軍。○是月。直隸總督鄭大進奏。臣閱兵至
通州一路。詢知十一十二等日。疊次得雨。連
日陰雲四合。雨意甚濃。遠近自必普霑。得旨。
京師亦得三四寸雨澤。雖非十分霑透。却已
接潮。朕憂畋慰。然尚盼優渥。
天恩。○湖南布政使葉佩蓀。遵旨覆奏。臣於乾

隆四十五年到山東臬司任。見巡撫國泰。恃才縱性。藩司于易簡曲意順從。頗聞外議紛紛。皆以國泰遇事吹求。意在婪索。且陞調補缺。概不照例。惟交于易簡辦理。蹤跡又極秘密。是以輿論傳有曖昧營私之事。臣在東省二年。既有見聞。乃竟緘默不舉。請嚴加治罪。以為畏葸徇隱者戒。得旨。該部嚴察議奏。○署山東布政使按察使梁肯堂奏。兩次奉諭詢問國泰。于易簡事。臣上年到山東臬司任。即聞撫臣國泰貪縱營私。留心察訪。知勒派銀兩事。係首府馮埏經手。是以於欽差到省時。即行指出。至于易簡長跪回話。曾當面勸止。于易簡不從。臣實不敢效尤。但既有見聞。未能據實直陳。殊屬昏懦。請將臣從重治罪。得旨。該部嚴察議奏。

大清高宗法天隆運至誠先覺體元立極敷文奮武孝慈神聖純皇帝實錄卷之一千二百五十五

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅五月丁酉朔哈薩克汗

幹里素勒坦之弟沙海素勒坦率來使等九人於出入賢良門外瞻覲賜冠服銀幣有差諭昨據明亮奏查烏魯木齊捏報糧價以圖採買冒銷一案因派侍郎喀寧阿馳赴該處會同明亮秉公查辦今據喀寧阿奏烏魯木齊自三十八年至四十五年承辦採買各州縣俱不照市價報覈訊據各員供認每石剩銀三四錢及五六錢統計歷年侵冒銀兩自一萬兩至數百兩不等並訊出德平伍彩

雯王詰何琦各餽送索諾木策凌銀兩自一千兩至數千兩不等其張建菴劉建于得昇止認浮銷糧價並未餽送此外尚有已經離任之木和倫豐伸徐維紱吳元賀萬壽黃岳英六員及提訊未到之瑚圖里一併開單請旨飭辦等語此事大奇索諾木策凌在都統任內竟敢收受屬員銀兩如此之多且縱容屬員於採買時侵冒實出情理之外現已差福長安馳往盛京將索諾木策凌革職拏問其將軍員缺已降旨令慶桂補授所有此案之木和倫豐伸徐維紱吳元賀萬壽黃岳英德平伍彩雯王詰張建菴劉建何琦于得昇瑚圖里等著一併革職拏問派員解京交部治罪○又諭曰吏部議奏前任山東按察使葉佩孫及現任山東按察使梁肯堂與國泰于易簡同城密邇並未將國泰等縱情婪賄情節據實叅奏俱請旨革職交刑部治罪等語藩臬與督撫最為切近遇事稟承商榷原

不得干與督撫之權。然督撫果有乖張任性。及婪索屬員。贓蹟顯著之事。平日見聞既確。自應據實入告。若竟似此徇隱不言。亦安用此藩臬為耶。葉佩蓀等。即照部議革職治罪。亦不為過。第念葉佩蓀。梁肯堂較之于易簡之卑鄙無恥。朕當面問伊。伊尚甘為掩飾欺君者。尚屬有間。但伊二人在山東臬司任內。久暫亦有不同。茲特加恩免其革職治罪。仍分別降調。以示平允。葉佩蓀在任將及二年。

著加恩以知府降補。梁肯堂僅止數月。加恩以道員降補。朕於諸臣黜陟一秉大公。從無屈抑。該員等經此番加恩甄錄之後。尤當知感。知愧勉。力報効。以贖前愆。將此通諭知之。○又諭據李侍堯奏。查明皋蘭等三十四廳州縣。虧短倉庫確數。共銀八十八萬八千九百九十餘兩。又虧空倉糧七十四萬一百一十餘石。及草束四百五萬一千有零。俱係歷任州縣侵虧。轉相容隱。接收各上司因循不

辦。捏結保題。釀成錮弊。請自乾隆四十年以前。溯至乾隆二十年。歷任州縣道府藩司督撫。照伊等任內虧空四十二萬之數。著落加倍賠補。如有無力完繳者。即攤入通案各員名下代賠等語。倉庫正項銀兩。乃敢任意侵欺。即令加倍賠補。亦所應得。但念歷年已久。各州縣輾轉接收。較之折捐冒賑。昧良舞弊者。尚屬有間。其濫行出結保題之各上司。咎止失察。著加恩將虧空四十二萬之數。照依原單。按其在任久暫。照股分賠。毋庸加倍賠補。至該督所稱。其餘尚有八十二萬餘兩。未便竟歸無著。請於現任總督及司道府廳州縣各員養廉內。攤扣三成。陸續歸補等語。甘省積弊相仍。為從來未有之奇事。此等劣員。既經冒賑殃民。又復侵虧正帑。實屬罪無可逭。昨已將閔鵬元等。交軍機大臣會同英廉等。詳加覈奏。降旨分別辦理。至李侍堯。福崧等。辦理此案。徹底清查。尚屬實心。即現在道

府及州縣多係新任。若令攤扣養廉。辦公未免竭蹶。且恐將來轉有藉詞賠累。復致虧缺之弊。並著一體加恩。免其分賠。此次寬免之後。若再有虧短。一經查出。斷不為之曲貸也。該督撫仍當不時查察。毋得稍有徇隱。將此通諭知之。○又諭。湖南巡撫李世傑。現已來京。陛見。其護理巡撫印務之布政使葉佩蓀。業經降調。計此時姚成烈已回湖北巡撫之任。舒常俟姚成烈到時。即帶印前往湖南。兼

署巡撫印務。○又諭。烏魯木齊採買糧價。各州縣任意侵蝕一案。今據喀寧阿查明具奏。此案奎林雖未似索諾木策凌有勒索屬員禮物之事。伊在烏魯木齊都統任。亦幾一年矣。明亮甫經到任。即能查明參奏。伊何竟無見聞。若論其罪。應將伊公爵竟行削除。但念此承恩公爵。並非奎林本身軍功所得。乃孝賢皇后之承恩公爵也。與皇祖妣孝誠仁皇后所封公爵無異。斷不可削。

除。若以襲替公之例而論。明亮係伊家長房。應令其承襲。但伊係伯爵。此案又係伊查辦者。自不應令其承襲。福隆安一支。亦有公爵。孝賢皇后昆弟內。惟餘傅玉一人。又係奎林明亮福隆安等長輩。所有奎林革退之承恩公爵。著加恩令傅玉承襲。○諭軍機大臣等。前據阿桂等奏。豫省河工。另籌由蘭陽三堡。改築南隄。挑挖引河一摺。經大學士九卿會議。朕降旨允行。所有籌辦一切事宜。有韓鑠

富勒渾在彼督率工員。儘可料理。此時阿桂毋庸留駐工次。著即來京。俟將來隄工引河將竣。開放時。再行前往閱勘。阿桂原係派出留京辦事大臣。現在東省國泰一案。呂爾昌將次解到。有應行訊究質對之處。必須明白曉事之人。在京辦理。方得平允。阿桂接奉此旨。即可起程。若能於朕啟鑾之日。趕到。可至南石槽行宮復命。若十二日不能趕到。即不必再赴密雲。統俟呂爾昌國泰等全案完結。

後再行前赴熱河復命亦無不可並將壩工現在籌辦情形覆奏以慰懸注○江西巡撫郝碩疏報靖安廬陵永豐玉山廣豐鉛山鄱陽建昌大庾等九縣乾隆四十五年分勸墾老荒及額外新生田地山塘六頃十七畝有奇○命宗人府府丞寶光鼎提督浙江學政○以葉爾羌辦事大臣復興為正黃旗漢軍都統○以浙江按察使李封為湖南布政使福建糧道馮晉祚為山東按察使○戊戌

上御山高水長幄次賜王公大臣額駙台吉等及哈薩克汗幹里素勒坦之弟沙海素勒坦並來使等宴○諭曰謝墉著轉補吏部左侍郎彭元瑞著補授吏部右侍郎錢士雲著轉補兵部左侍郎紀昀著補授兵部右侍郎○以浙江溫處道王杲為浙江按察使○旌表守正捐軀直隸深州民張自仁妻李氏山西左雲縣民常榮妻劉氏○己亥
孝誠仁皇后忌辰遣官祭

景陵諭豫省青龍岡堵築漫口合龍尚須時日其下游一帶居民經黃水淹沒力食維艱現在該省另籌開挖引河改建隄岸江南山東兩省附近災黎踴躍赴工目前計功授食即可以工代賑小民或不至失所但念本年夏秋之交工竣歲事其被水地畝未必即能涸出可以耕種而正賑加賑已畢際此青黃不接之時民力尤為拮据朕心深為廛念著再加恩將山東曹州兗州濟寧等府州及江南徐州豐沛等縣被災各屬無論極次貧民俱著展賑三個月該督撫務各董率所屬實力撫卹俾窮簷均霑實惠以副朕軫念災氓格外加恩之至意○又諭據阿桂等覆奏豫省漫工另籌築隄改渠並嵇璜所奏秋間施工一摺內稱青龍岡漫口屢經變動形勢敗壞已極是以遵旨於迤南一帶另籌去路自應及時辦理若於白露後開工恐水落歸槽不能掣溜且既有決口漫水下注即遇伏秋

盛漲不能復有改移等語。所奏自屬實情。河工關係民生。最為重大。前此嵇璜所奏。亦屬陳其所見。期有益於事。朕亦以趕辦不及為慮。是以傳旨詢問阿桂等。令其斟酌該處事勢。果否可行。再行詳議。據實覆奏。今據阿桂等奏。於五六月內興工。即遇雨水耽延。亦可先得兩月工程。又據稱漫工塌決處所。現止飭令工員。妥為保護。不必如堵築時多費料物。並稱現在應用民夫踴躍。即東省災

氓亦聞風雲集。並可以工代賑。各等語。所籌皆是。均應如所議辦理。總之議河如聚訟。朕於諸臣。本不豫設成見。惟揣度理勢。執兩用中。期於民生實有裨益。阿桂等身親其事。見聞確切。自為籌酌得宜。已經降旨。令阿桂回京。俟工竣開放引河。再行前往查勘。阿桂此時即可將籌辦事宜。詳晰交韓鑾富勒渾。妥為經理。如議速行也。將此通諭知之。○又諭曰。譚尚忠奏。歙縣已故貢生方芬。所著濤沅

亭詩。語多狂悖。伊元孫方國泰隱藏不首一案。請將已故之方芬。創墳戮屍。其隱藏詩集之方國泰。照大逆知情容隱律。問擬斬決等因。辦理殊屬失當。據稱。查出方芬詩集內。征衣淚積。燕雲恨。林泉不共鳥啼新。又亂剩有身隨俗隱。問誰壯志足澄清。又蒹葭欲白露。華清夢裏哀鴻聽。轉明等句。雖隱躍其詞。有厭清思明之意。固屬狂悖。不過書生遭際兵火。遷徙逃避。為不平之鳴。並非公然毀謗本

朝者可比。方芬老於貢生。貧無聊賴。抑鬱不得志。詩意牢騷。則有之。況其人已死。朕不為已甚。若如此。即坐大逆之罪。則如杜甫集中窮愁之語最多。即孟浩然亦有不才明主棄之句。豈亦得謂之悖逆乎。此等失意之人。在草澤中。私自嘯咏者甚多。若必一一吹求。繩以律法。則詩以言志。反使人人自危。其將何所措手足耶。從前查辦河南祝萬清家祠扁對。及湖南高治清所刻滄浪鄉志。吹求字句。

辦理太過。屢經降旨通諭各督撫。毋得拘文牽義。有意苛求。豈譚尚忠未之知耶。此案著交刑部。即照此旨。另行覈擬具奏。如方芬詩集內。或另有不法字句。不止如摺內所稱。該撫未經摘出。或有不敬陳奏之語。並著該部詳悉查明。再行覈辦。請旨。若別無不法字句。即可毋庸辦理。朕凡事不為已甚。豈於語言文字。反過於推求。各省督撫。尤當仰體朕意。將此通諭中外知之。○又諭曰。國泰在山東

巡撫任內。婪索屬員銀兩。盈千累萬。現據尚書和珅等審訊得實。按律定擬。已批交大學士九卿覈擬具奏矣。國泰性情乖張。經軍機大臣阿桂。福隆安。和珅等。密為陳奏。欲以京員調用。消弭其事。朕以為無此辦法。因諭令藩司于易簡來京。面詢以國泰居官如何。其有無婪贓不法款蹟。令其據實直陳。乃于易簡稱。國泰馭下未免過嚴。遇有辦理案件。未協及詢問。不能登答者。每加訓飭。是以屬員

畏懼。退有後言。其實並無別項款蹟等語。又詢以國泰屢經保薦。呂爾昌有無徇庇交通之事。據稱。呂爾昌與國泰均係刑部司員出身。委審案件。屬員中最高為得力。是以保薦。未有瞻徇賄通之弊。各等語。朕以于易簡為于敏中之弟。又係朕特用之人。其言自屬確實。其所稱國泰待下過於嚴厲。亦切中國泰之病。其聲名狼籍。或屬員中有受屈叅處者。造作浮言。以洩私忿。均未可知。且朕從不肯以

封疆大吏。憑軍機大臣數人陳奏。為進退之理。是以嚴飭國泰。令其反躬循省。隨時留心改悔。照舊供職。庶幾可以仰承恩眷。設其時于易簡將國泰貪婪款蹟。據實陳奏。不但國泰營私不法之事。可以早行敗露。而于易簡秉公持正。朕必特加褒獎。乃竟敢於朕前飾詞容隱。朋比袒護。其居心實不可問。外省藩臬兩司。俱有奏事之責。遇有督撫不公不法之事。原准其飛章上達。況經朕之覲面詢問。

乎。若外省盡如于易簡之欺罔。則督撫藩臬。上下聯為一氣。又將何事不為。朕於諸臣罪案。必悉心權度。不肯稍涉顛預。此案于易簡及國泰等。應得罪名。俟大學士九卿覈覆具奏時。另降諭旨外。先將此通諭中外。并將軍機處所問于易簡之語。及申飭國泰之廷寄。俱發鈔。令衆知之。○庚子。諭朕恭閱

皇祖實錄。所載掃除吳逆。平定川陝事蹟。因取張勇趙良棟王進寶三人國史列傳。詳加披

覽。其功績實有不可沒者。當吳逆煽亂川陝。兩省提鎮王輔臣吳之茂等。相率從賊。維時西陲告警。張勇以雲南提督。調回甘肅。授為靖逆將軍。勇躬履行間。殫心籌畫。攻取平涼。底定秦隴。其間收復洮河諸郡。及舉發偽劄。執斬來使諸事。居然有古名將風。而趙良棟之授為寧夏提督。即係張勇所薦。又王進寶亦曾隸勇麾下。兩人提兵轉戰。同心効力。趙良棟首先建議。直取成都。王進寶戡定保寧。

殲擒渠帥。其削平恢復之勲。亦不可泯。厥後張勇封侯。趙良棟王進寶僅得子爵。蓋緣兩人各懷私忿。互相攻訐。較之張勇之勤勞懋著。始終無過者實遜。然兩人之功。究足以掩其過。今百年論定。睠念成勞。趙良棟王進寶宜量加追敘。前於乾隆三十二年特降恩旨。今張勇等子孫世襲罔替。張勇本侯爵。其元孫張承勲承襲。因曠班革去散秩大臣。在三等侍衛上行走。茲特加恩。復還散秩大臣。照

舊供職。至進取雲南恢復成都。趙良棟之功為最。原封一等子。著晉封為一等伯。王進寶原封三等子。著晉封為一等子。仍准世襲罔替。並交該督撫查明趙良棟王進寶現應襲職子孫。送部引見。候朕酌量錄用。以示優眷。夫兵可百年不用。不可一日不備。國家承平日久。每溯前勲。爰思將帥。如張勇趙良棟王進寶諸人。將材武畧。獨出冠時。名炳旂常。賞延苗裔。凡在戎行者。尚其益勵。赴柁。以副干

城腹心之寄。將此通諭中外知之。○諭曰。甘肅兵丁所領季餉內。尚有從前出征金川。置備軍裝。應行坐扣之項。前經傳諭李侍堯。令其查明據實具奏。候朕酌量加恩。茲據李侍堯奏。該省兵丁扣項共計十案。內除本省詳准借支。及川省咨追查扣。仍應按季扣還歸款外。其節次製辦衣履。運送軍營一款。未完銀一萬八千二百六十九兩零。又川省軍營代製各兵帳房衣履。其借支俸餉接濟一款。

尚有未完銀二萬七千八百二十兩零。又征兵隨帶餘丁長支鹽菜銀一千三百九十八兩零。係無可著追等語。該省協調兵丁所領製備帳房衣履。及接濟盤費等項銀兩。本應扣還歸款。但念兵丁等按季所領餉項無多。若再行坐扣。兵力未免拮据。著將李侍堯所奏未經扣還前項銀兩。俱加恩豁免。以示朕體恤戎行之至意。該部即遵諭行。○又諭。昨因國霖遣家人往伊兄國泰任所。將國霖革

職。已交刑部。今審訊得並無與國泰寄信情弊。且國泰之犯罪。原無關於國霖之寄信與否。著加恩賞給國霖三等侍衛。在大門上行走贖罪。○辛丑。蠲免河南祥符。陳留。杞縣。儀封。滎澤。考城等六縣。乾隆四十六年水災額賦。○壬寅。諭。據富勒渾奏。籌辦南岸添築隄工。開挖引渠。計長一百七十餘里。現在集夫興工。先於司庫借墊。給發工價。俟大工告竣後。照例覈銷等語。此次築隄改渠。需費繁多。

前經於部庫解銀三百萬兩。恐尚不敷應用。著於戶部庫項內。撥給銀一百萬兩。內務府撥給銀一百萬兩。查照向例。派委妥員迅速解往。以濟要工。○癸卯。諭。朕啟鑒後。吏部滿漢侍郎乏人。所有滿侍郎阿肅未回京之前。著諾穆親署理。漢侍郎董誥未回京之前。著曹文植署理。○又諭。據三法司覈奏。河南生員程明譔。為鄭友清妄作壽文。內有紹芳聲於湖北。創大業於河南。語言悖逆。照大逆律

凌遲處死等因一摺。所擬未為允協。程明諱
妄作壽文。及圈點成語之處。不過文理不通。
濫用惡套。與公然造作悖逆語言者有間。鄭
友清疑有違礙。用紙貼出。並未徑行告訐。乃
程明諱心生忿怨。率領生徒胡高同等。輒肆
拳毆。並寫斥罵語言。黏貼街市洩忿。此等黨
同惡習。實啟師生門戶之漸。於世道人心。甚
有關係。程明諱之罪。實在於此。該犯毋庸照
大逆凌遲處死律定擬。改為應斬立決。所有

緣坐各犯。俱著寬免。毋庸查辦。其徒胡高同
楊殿材。王國華。李夢荅等。逞強肆毆。為師洩
忿。均非安分之徒。即著照部議完結。以示懲
儆。朕辦理庶獄。一秉大公。所犯情罪。悉視其
人之自取。似此門戶之見。尤宜整飭。以靖士
風。將此通諭知之。○定哈拉巴爾噶遜新建
城名曰嘉德。城門東曰寅輝。西曰仰極。南曰
成順。北曰遵道。○甲辰。

上詣

大高殿行禮。○還宮。○諭曰。鄭大進奏。據馮埏
姊夫并族人首報。馮埏契買水地一頃。係分
給族中貧寒之戶。以為養贍。請一并查抄入
官等語。馮埏在山東知府任內。一任屬員虧
空。不行揭報。並代國泰收存勒派各屬銀兩。
其私存貲產。自應查抄入官。至此項水地。雖
係馮埏出貲置買。究屬分贍族人。非私產可
比。著加恩。即行查明給還。不必入官。○又諭
昨劉墉等奏。查明山東省歷城東平倉庫虧

空一案。分別定罪。已批交該部議奏矣。據劉
墉等摺內所稱。該州縣等虧空。係由從前辦
理逆匪王倫滋擾案內。因公那用。以致各有
虧空銀三四萬兩。若果如此。該省撫藩等。何
以不將各該處情形。早行據實入告。以致輾
轉因循。使庫項久懸。况凡地方公務應用錢
糧。朕從無不格外加恩。准其開銷。即如兩金
川平定後。凡軍需奏銷。經部指駁。仍令川省
承辦軍需大員。詳悉查明。切實具奏。即特降

恩旨。概予准銷。或徑行豁免。動以千百萬計。此天下所共見共聞者。東省各員。辦理逆匪一事。若果係實用。該撫等即行奏請開銷。設竟有因地方有事。藉端浮冒。侵蝕入己之處。則昧良已極。必當查明叅奏。從重治罪。何竟轉為徇隱耶。總之東省虧空。皆由國帑于易簡。一則恣意貪婪。一則負心欺罔。以致釀成其事。馮挺。呂爾昌等。代巡撫經手。係由抑勒所致。即各州縣以賄逢迎。虧短正項。亦由畏懼上司。並非侵蝕入己。與甘省折捐冒賑公然舞弊營私肥橐者。究屬有間。雖甘省各犯。亦被王亶望勒索財物。但各該犯之分肥入己。數在盈千累萬。覈其情節。不能為之曲貸。若以東省相較。輕重自屬懸殊。朕辦事不為已甚。惟在鑒空衡平。情罪悉視其人之自取。將此通諭中外知之。○諭軍機大臣等。據譚尚忠奏。親查賈魯河。渦河情形。豫籌妥辦。一摺。此事現據阿桂等遵旨奏明。於蘭陽三堡

隄內。另籌開挑引渠。又添築長隄一百七十餘里。俟完竣後。即將舊隄刨開。使黃河大溜全注。由商邱七堡。仍歸正河入海。則曲家樓漫口。可不堵自合等語。現已降旨依議妥辦。所有賈魯河。渦河一帶。黃水並不經由。自可無庸辦理。即賈魯河等處。從前降旨詢問時。原為萬不得已之計。阿桂等亦未能深喻朕意。而此時所辦。仍係遵朕前旨。於蘭陽三堡南岸開渠築隄。籌畫去路。譚尚忠近在隣省。豈尚不知豫省現在情形。而張皇若此耶。況下游一帶居民。若知有刨挖南岸之事。而巡撫又親行履勘。人心未免驚疑失措。辦理殊屬非是。著即傳諭譚尚忠。此事無庸辦理。亦不必再言及賈魯河。使閭閻照常安堵。若無其事者然。方為妥善。將此由六百里加緊發往。並諭李奉翰。韓鏞。富勒渾等。一體留心慎重。毋得稍涉張皇。並諭阿桂。薩載等知之。○欽差大學士公阿桂。河東河道總督韓鏞。河

南巡撫富勒渾條奏青龍岡築隄復渠事宜。一。蘭陽迤南舊有沈隄一道。由蘭陽起至商邱長二百餘里。其自儀封以西相距大隄五六里。至十餘里不等。雖已殘缺漂廢。基址猶存。自儀封以東。則距大隄遙遠。且經數次漫水。舊基衝失。今自蘭陽汎十堡起。至儀封數十里。就沈隄加築。自儀封至商邱十一堡止。另行盤築根基。計估築大隄一道。底寬十七丈。頂寬五丈。平地以高二丈為準。共長二萬

六千八百餘丈。分段估土。派員慎選礮夫承辦。取土在隄南三十丈以外。不得就近挖成深坑。致隄身孤懸。積水傷隄。每土一坯。即潑水一遍。每坯土一尺五寸。築實一尺一寸為度。上土不許過厚。坦坡尤宜加意用礮築打。自底至頂。層層夯築堅實。臣等時加查驗。酌立勸懲。方不致有怠率偷減諸弊。一。蘭陽汎引水入隄之李六口。大隄高於隄外灘面八尺。灘高水面一丈七尺五寸。高於隄內地

二丈七尺五寸。水面較高隄內地面二尺。今估挑引渠於李六口隄內挑深五尺。此下地勢高低不一。深七八九尺。及一丈餘。寬三十丈。至四五十丈不等。其河頭河尾灘地內挑深二丈餘尺。均寬五六十丈。俾進水外灘成吸川之形。出水外灘有建瓴之勢。計自蘭陽汎李六口起。至商邱七堡東老河厓止。共長二萬四千五百餘丈。亦分工估土。令承辦各員於應挖渠身內。靠北先挖寬十丈子溝一

道。不但大雨時行。水有所歸。不致漫漫難以施工。而以水為平。因其就下之勢。可以一律調順。高者宜深挑。河面當加寬。窪者宜淺挖。河面可收窄。其出土亦於插定封堆灰印之南三十丈。刨挖溝形一道。寬三尺。深三尺。以為定界。並嚴禁偷減墊厓等弊。以期如式寬深。一。此次工程浩大。現遼州縣六十員分段承辦。知府五員。總理其事。道三員。專司督催。至挑挖引渠。共派丞倅佐雜。及試用効力官。

一百七十二員。分段承挑。派道府直隸州五員。總理督催。並按日論工。按工定限。令督催各員。將工程分段彙五日一報。臣等輪流赴工。督率稽查。如有踴躍急公之員。分別計功。工竣時奏請議敘。遲誤偷減者。立行叅革。永不敘用。○俟挑築工程。約有八分以上。其時大汛已過。即於蘭陽汛李六口進水處一帶。相度築壩一道。為逼溜南趨計。但河面既寬。餘溜未能全掣。擬於北岸建築壩基。逐漸挑溜南趨。以期開放後。截溜全歸新河。○隄內築隄開河段落。業經丈量標記。有礙民田廬舍處所。現已出示曉諭。民情甚屬寧貼。俟查明應遷廬舍若干。酌給搬移之費。應用民田若干。將舊河身灘地撥給更換。其情愿仍於新隄外居住者。即將其地照河灘減則。務期籌辦安全。不使擾累。得旨。有治人。無治法。實力妥為之。○是日起。

上以夏至祭

地於

方澤。齋戒三日。○乙巳。諭曰。科爾沁郡王齊默特多爾濟。在御前行走多年。甚屬勤勉。茲聞溘逝。朕心深為悼惜。著施恩賞銀二千兩。辦理喪事。並派乾清門侍衛佛爾卿額。前往賜奠茶酒。○丙午。直隸總督鄭大進奏。熱河口外崇山峻嶺。地多猛獸。不得不藉鳥鎗防禦。自未便照內地之例。概行查禁。致旗民生計。均有未便。應請援照晉省並甘肅蘭州等處之例。將承德府併所屬灤平等七府州縣旗民。舊有編號鳥鎗。免其繳銷。遇有失察等事。仍照舊例隨案附叅。以示區別。餘仍照例嚴禁查銷。報聞。○丁未。夏至。祭

地於

方澤

上親詣行禮。○辛圓明園。○戊申。

上以秋獮木蘭。自圓明園啟鑾。○諭朕此次巡幸木蘭。駐蹕熱河。所有經過地方。著加恩蠲

免本年錢糧十分之三。該部即遵諭行。○又諭曰。梁肯堂前經降旨加恩。以道員降補。現在豫省需員分辦要工。著即令前往河南。交與富勒渾差遣委用。○又諭。豫省河工。現在另籌改築南隄。開挖引河。前經降旨將下游被水之山東曹州。兗州。濟寧等府州縣。及江南徐州。豐沛等縣。無論極次貧民。於正賑加賑之外。復展賑三個月。該二省災黎。自可不致失所。第念豫省黃河北岸一帶各州縣。本年堵築漫口。尚未集事。附近居民。被水淹浸。目下正賑加賑已畢。民食尚未免拮据。現在興舉鉅工。其力能工作者。原可以工代賑。但究恐未能周遍。朕心深為廑念。著富勒渾。即將豫省黃河北岸一帶被水各州縣。迅速查明。無論極次貧民。俱著展賑三個月。該撫一面奏聞。一面董率所屬。實力妥辦。以副朕軫念災區。有加無已之至意。該部遵諭速行。○諭軍機大臣等。據福長安奏。查訊索諾木策

凌前在烏魯木齊都統任內。任聽屬員採買穀石。浮開價值。及收受屬員餽送銀兩各款。因現無實證之人。藉詞支掩。匿不吐露。即伊家人郭子。供經手收受各情節。亦尚有不實不盡之處。俟查辦完結。即押帶索諾木策凌。及郭子等。前赴熱河。與德平。王老虎。鄔玉麟等質對。以成信讞等語。此案俟索諾木策凌解到時。著交軍機大臣。提集案內人犯。四面質對。自然水落石出。不能任其始終掩飾也。本

日又據喀寧阿奏。查訊德平等一千人犯。其所供歷年採買浮冒。及餽送索諾木策凌銀兩禮物。俱一一供認確鑿。現在押帶各犯起程赴京。再行覈對等因。計喀寧阿押帶人犯到京。尚需時日。其各該犯所供各情節。著先鈔寄福長安閱看。令其就近嚴訊。索諾木策凌錄供具奏。俟慶桂到任後。即親行押帶索諾木策凌。及案內人犯。由九關臺一帶。前赴熱河質訊。其現在監禁刑部之徐維絃。鄔玉

麟王老虎三犯著交刑部堂官一併派員於五月底解赴熱河歸案審辦○是日駐蹕南石槽行宮○已酉遣官祭

關帝廟○諭軍機大臣等據明興奏查勘各屬被水地畝開單具奏一摺東省被災各屬業經明降諭旨無論極次貧民一體加賑三個月以示軫卹想該撫發摺時尚未接奉此旨故夾片內仍有仰懇聖恩酌借口糧以資接濟之語但朕軫念災黎無時稍釋該撫接到加賑諭旨務須董率各屬實力妥辦使貧民得霑實惠毋致一夫失所至該省經黃水淹浸下游一帶未經涸出之地不能乘時播種其單內所開現經涸出地畝應即酌借籽種俾及早趕插尚可望其有收該撫於接奉此旨後即速飭屬一面開賑一面酌借以副朕有加無已之意惟是計算賑期早則七月遲則八月俱已賑畢其時被水居民仍為拮据即使附近豫省災黎中之少壯者可以赴

工力作藉資餬口其老弱婦女冬春之際口食維艱應如何酌量加恩著明興臨期查察實在情形再行奏聞請旨又據奏東昌兗州等屬望雨稍殷現在諭令地方官虔誠祈禱等語近京亦稍覺缺雨然田苗似尚無礙該省日內曾否得有透雨及各屬災賑如何辦理之處一併據實覆奏以慰厯注將此傳諭知之尋奏臣現在遵旨開賑一面將涸出處所酌借籽種俾災民得資趕插再東昌兗州等屬已於本月十一日得有透雨可望秋成得旨實心妥為之○是日駐蹕密雲縣行宮○庚戌蠲免安徽懷寧太湖宿松望江東流壽州宿州鳳陽鳳臺泗州懷遠靈璧盱眙天长五河滁州全椒來安等十八州縣并安慶鳳陽泗州滁州長淮等五衛乾隆四十六年水災額賦○是日駐蹕要亭行宮○辛亥直隸總督鄭大進奏保定省城南有九龍河一道發源於望都縣之九龍泉由清苑之張登

鎮安州之依城河。新安之長流河。至任邱之
十一橋入淀。該州縣等旱潦藉以蓄洩。商販
由此往來。比年來日漸淤淺。亟宜挑挖。至河
身高低不一。全賴開座以司啟閉。九龍河自
望都縣東門外響閘以下。僅設殷家營高嶺
村二閘。自殷家營至清苑縣境。綿長六十餘
里。河水迅駛。必須添建閘座。清苑境內。於冉
村鄧村營頭村。添建三座。又該縣自陽城村
至張登鎮。原有石橋十座。俱坍塌應修。至安
州。新安。任邱。河身間有沙淤。均應一律疏濬。
得旨。如所議行。○是日。駐蹕兩間房行宮。

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百五十六

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十七

監修總纂官廷議官太子太傅文淵閣大學士文淵閣領閣事領侍衛內大臣稽察欽奉 上諭軍機處管理吏部建藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣慶桂總纂官經筵講官太子太傅文華殿大學士文淵閣領閣事稽察欽奉 上諭軍機處管理刑部戶部三庫事務世襲副都統軍功加十九級隨帶加二級又加二級臣董誥內大臣戶部尚書領侍衛內大臣滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅五月壬子諭此次隨園

之校尉一百八名內其常隨行走之二十四名著加恩每人賞給兩月錢糧至熱河違回之四十八名著每人賞給一兩重銀鏢一個是日駐蹕常山峪行宮○癸丑諭朕明年前往盛京所有經過九關臺以內喀喇沁土默特豫備大營尖營修治道路宜照內地開銷之數賞給雖據喇特納錫第扎拉豐阿等再三懇請効力但此項豫備必須用伊屬下人若不賞給非朕體恤蒙古之意著將伊等

豫備除廟宇外問明大營尖營幾處不必報部著軍機大臣即照內地開銷之例按數賞給所賞之銀即於明年正月給發著為令將此通諭蒙古知之○以光祿寺卿陸錫熊為大理寺卿○是日駐蹕喀喇河屯行宮○甲寅諭軍機大臣等據伍彌泰等奏由理藩院發往西安與官員為奴之俄羅斯遣犯律棍德伊完伊斯土板米紀忒三名於四月二十四日在配脫逃等語此等為奴俄羅斯於安插後乘間脫逃情殊可惡計其逃逸後未必即能出口遠颺勢必藏匿鄰省且俄羅斯三人同行尤為易於識別無難緝獲著傳諭李侍堯畢沅農起富勒渾鄭大進即飛飭各屬派委妥員嚴行躡緝務期按名弋獲毋稍疎縱○閩浙總督兼管浙江巡撫陳輝祖奏仁和西塘頭圍為江海交接處向無工程北岸接連嘉湖二府水道遞相貫輸每遇江水挾潮而來或汐期盛大山水陡發該地被汕噉

為尤甚。因思頭圍挺出海灘甚漲。若順江海往來之勢。於溜行直往處。開切通流。則沙淤自無停積。當即遴選幹員。開挖引河七百五十丈。寬二十丈。深七尺。適值山水漲發。大溜直趨引河。兩岸衝激。原寬二十丈者。今寬九十餘丈。原深七尺者。今已深二三丈以外。絕無停淤。至南岸蕭山縣之英家灣。該處形勢背灣。漸有停淤。臣已委員查勘。另由蕭山縣之義橋。轉運赴工。此係由內河經行。較海道

更為平穩。得旨。可嘉之至。有旨。交部議叙。○是日。駐驛避暑山莊。至八月壬午。皆如之。○乙卯。諭。據陳輝祖奏。海塘頭圍開濬引河。江湖暢順一摺。所辦甚合機宜。可嘉之至。海塘南岸。淤沙綿亘。從前歷辦引河。迄無成效。陳輝祖能督率司道等。悉心講論。辦理此段工程。於南坍北漲之機。切中竅要。將來魚鱗石工告竣。可以永期鞏固。此事陳輝祖所見既確。不待奏聞。即督同屬員。實力妥辦。在工人

員。亦皆能協力襄事。均應嘉獎。陳輝祖著復還總督原品頂帶。其承辦此工之藩司盛佳。以下各官。並著交部議叙。所有開河工費。仍准作正開銷。至富勒渾。前因王宣望案內。降為三品職銜。加恩授河南巡撫。今兩載以來。辦理豫工。備夫集料。諸事不辭勞瘁。及李侍堯前經獲罪。加恩以三品職銜。署理陝甘總督。莅任以來。於該省折收冒賑全案。徹底查辦。不避嫌怨。現在通省積弊漸清。不負朕棄

瑕錄用之恩。富勒渾。李侍堯。俱著復還現任品級頂帶。朕於諸臣功罪黜陟。一秉至公。不存絲毫成見。內外臣工。宜各知懲勸。努力辦公。毋負朕任使之意。並將此通諭中外知之。○諭軍機大臣等。據陳輝祖奏。海塘頭圍開濬引河。江湖暢順一摺。內稱將頭圍挺出海灘。溜行直注處所。開挖疏通。辦理固為得力。但閱圖內對面陰沙。坍寬四百餘丈之處。江湖到此紆迴。仍不能直注向東。未免稍有阻

礙就目下形勢而論。如能將紅點處陰沙再為設法。一併開切。俾引河溜勢直趨。更為徑捷。但不知能如此辦否。著傳諭陳輝祖。悉心詳勘。即行據實覆奏。尋奏。海塘河莊一帶陰沙。奉硃點開切處。現擬用地龍之法。借水刷沙。掣引潮溜直趨。不令紆阻。得旨。此亦一法。行之試看。然總賴

江神默佑。亦不可勉強於不能為者也。○理藩院奏。八溝稅務衙門。房間間有坍塌。請照

烏蘭哈達三座塔稅務衙門一體交該扎薩克修理。得旨。八溝稅務衙門。雖與烏蘭哈達三座塔二處相同。亦應著落該扎薩克等修理。但究係公所。每年所收稅課銀內。酌量賞給扎薩克等。其來已久。若因伊等有此項賞銀。即著落修理公所。實不副朕撫恤蒙古奴僕之意。其著落扎薩克修理之處。著施恩停止。八溝稅務衙門。即著動用稅課銀修理。嗣後烏蘭哈達三座塔二處衙門房間。亦著施

恩。不必交扎薩克。亦著動用稅課銀修理。以示朕撫恤蒙古奴僕之至意。著為例。○丙辰。諭軍機大臣等。本日福康安奏請陞見一摺。已批准。汝來矣。四川總督印務。福康安起程後。即交特成額兼署。再提督成德。前已准令來京陞見。但省會重地。督提同時赴京。究屬非宜。且特成額一人。不能再令兼攝提篆。成德竟俟福康安陞見回任後。再行起程赴京。亦不為遲。著將此傳諭福康安。並諭特成額

成德知之。○丁巳。諭本年直隸承德府各屬雨澤未溥。糧價稍昂。現在平糶存倉餘米二千石。以資接濟。數日以來。雖已甘霖疊沛。而青黃不接之時。恐民食未免拮据。著再加恩。將存倉餘米。平糶三千石。以副朕軫念民艱。有加無已之至意。○旌表守正捐軀江蘇寶應縣民潘文漢妻張氏。浙江建德縣民羅鴻薌妻王氏。○戊午。諭軍機大臣曰。明興奏。拏獲傳習白蓮邪教之崔廷珍。危志嘉等一千

人犯。現在審辦一摺。此等白蓮邪教名色。流傳已久。從前屢次拏獲入教人犯究辦。何以東省尚有餘孽。崔廷珍等一千人犯。且聞供單內。據該犯等所供。上頭安置戶口。有事纔不怕。又稱有曹縣民李大智家裏傳教。有入了教。有官做有飯吃。就不怕亂。并有賜與大事職分等供。顯有煽惑愚民。謀為不軌之意。非尋常持咒念經。歛錢惑眾者可比。從前王倫亦借邪教名色。聚眾滋事。幸不久殄滅。不

致蔓延。現在崔廷珍等各犯。就其所供語意。或竟似王倫之藉名聚眾。不可不迅速搜捕。盡絕根株。現在東省新任臬司馮晉祚到任。尚須時日。據該撫奏。梁肯堂已從省城馳赴單縣。此事著即傳諭。交梁肯堂實力督緝。妥辦。毋使一名漏網。並於拏獲到案時。逐名嚴究。來歷根追黨羽。其曹縣民人李大智一犯。摺內雖稱已就弋獲。但各犯供內稱。伊是傳教之人。是否的係為首正犯。而其供詞尚未

訊明奏聞。并此外是否尚有分頭傳教之人。現據明興。派員前往嚴拏。並著傳諭富勒渾。一體飭屬嚴密協拏。務期盡數緝獲。不得稍事姑息。將此各傳諭知之。仍各迅速奏聞。○己未。

孝恭仁皇后忌辰。遣官祭

景陵。○諭。據劉墉等奏。歷任山東東平州知州白雲從。胡錦。施雲漢。李璣。歷任歷城縣知縣許承蒼。陳珏成。單璉。郭德平。任內均有虧短

庫項銀兩。刑部覈覆。照因公那移例。從重定擬發遣伊犁。固屬罪所應得。但念此項虧短銀兩。或係從前因公那用。歷任交代接收。或出於上司抑勒。究與擅自那用者有間。白雲從等俱著免發伊犁。從寬發往軍臺。自備資斧。効力贖罪。其扶同徇隱。定擬革職。發往軍臺効力贖罪之歷任知府夏珍。朱孝純。富錫韓。龍震。沈維基。胡德琳。李華鍾。及任內止因在辦車輛。那用庫項銀兩。並未接收交代。定

擬杖流之前署歷城縣知縣王元啟等各員業經革職已足蔽辜。所有問擬軍臺杖流之罪俱著加恩寬免。○諭軍機大臣等從前因川省脫逃兵丁積年弋獲者甚少。歷經降旨通諭各督撫飭屬嚴緝並予各犯等以自首免死展限日期。今各督撫再行出示曉諭俾窮鄉僻壤偷生竄跡之徒咸知朕格外恩施。聞風投首乃自降旨以來各省奏報自首者仍屬寥寥本日據福康安奏各屬陸續具報

逃兵自首之趙啟祿等已有十四名當即遵照恩旨咨部發遣等語所辦甚好。福康安擢任總督未久其辦理此項逃兵於接奉諭旨後能通飭屬官實心實力上緊查辦數月之間前後奏報呈首多名可見各省督撫之不能認真辦理非曉諭未遍聞信無由即海捕具文督緝不力伊等久任封疆寧不知愧屬耶總之此等逃兵本係罪應正法之犯今既加恩予以一綫生路乃尚敢悻遠潛藏不思

自全軀命真是冥頑不靈之徒又何足惜。明季軍政廢弛隨征兵丁每多臨陣潰散而事後亦竟付之不問以致貽誤國事前代覆轍可為殷鑒著再傳諭陝甘湖廣雲貴各督撫務再飭屬多方曉諭俾逃兵等及早自首以副朕格外矜全整飭戎行之至意。○庚申以故青海扎薩克輔國公旺扎勒敦多布子達瑪林襲爵。○癸亥諭本年雨澤稀少糧價稍昂所有河屯協屬兵一千一百九十九名著

加恩每名賞借米一石於明歲照例分作四季坐扣。○諭軍機大臣等昨據阿桂前來熱河復命時面詢以現在所開引河形勢據稱將來引河挑成開放時考城一縣濱臨黃河四面受水現議遷移北岸等語此事係目下急務該縣城池應於何處建立必須相度基址早為籌畫然後可議遷移且現在該縣辦理地方一切公務其官吏人等亦須安設廨宇積貯文卷方為妥協富勒渾曾否於北岸

距河稍遠地方。勘定基址。豫為籌辦。何以尚未見該撫奏及。著即傳諭富勒渾。令其迅速履勘辦理。毋致臨事周章貽誤。○又諭。據雅德奏。現在查拏諸羅縣賊匪洪籠等各犯一摺。據稱。現飭臺屬各官。專派員弁。多帶幹練兵役。上緊躡緝等語。洪籠一犯。在該處起意糾合。疊肆刼竊。實為此案罪首。不可不設法嚴拏務獲。該犯雖形跡詭秘。即或潛逃他處。亦不能遽爾遠颺。地方文武各官。果能實心

實力。四路躡緝。斷無不獲之理。該撫務即督率各屬。認真查拏到案。嚴行審擬具奏。至此案夥犯。審結時。即應發遣新疆。不特不可留在臺灣。併不可留在閩省。致令生事。將此傳諭知之。○又諭。據姚成烈奏。拏獲新疆採買冒銷。已革巡檢吳元一犯。訊據供稱。於乾隆三十九年。奉委兼署呼圖壁巡檢。是年奉文採買。領過銀二千兩。買糧一千石貯倉。旋因丁憂卸事。經接任之員。交代報銷。實無浮冒。

亦無餽送上司情事等語。吳元在烏魯木齊採買冒銷等弊。業經喀寧阿查明奏。今該犯因無人質對。希圖混供狡飾。不可不徹底根究。著傳諭姚成烈。即將吳元一犯。派委妥員。迅速解赴熱河。歸案辦理。並諭舒常知之。○甲子。諭軍機大臣等。據鑲黃旗漢軍都統德保奏。本旗高炯佐領下閑散高兆。勲於乾隆四十三年。因伊父高齊仁。在雲南運判任內病故。前往接取回京。至今尚未回旗等語。

高兆勲身係旗人。前赴滇省。已越四年之久。何以尚未回旗。亦並未據該督撫查出奏聞。外省習氣。諸事因循。即此可見。著傳諭富綱。劉秉恬。查明高兆勲。現於何處逗留。是否尚在滇省。即速飭令回旗。派人押解。俟到時再交該旗查辦。○又諭。據明興奏。嚴訊單縣曹縣。邪教匪犯情形一摺。內稱。傳教首犯布偉業。經病故。近年傳教為首之犯。係吳克己。引位榮。李書。李步雲等。並訊據案犯崔廷珍等。

供稱入了教。有官做。及大職。分管人。係指教主傳教的意思。管的人多。就如做官一樣。又所稱將來有事。纔不怕。係指入教誦咒。凡遇水旱荒亂。不怕疾病死亡。並非有謀逆等情。現在再行嚴訊。徹底根究等語。所奏是該犯等膽敢號召匪徒。設立邪教名色。蠱惑蔓延。且河南虞城縣。亦有入教之人。安知該犯等。不有謀為不軌。如從前王倫。糾聚多人。肆行滋擾之事。況傳教已故首犯布偉。其名亦與

王倫夥黨范偉相似。不可因該犯等就獲後。誑供遽爾輕信。率行就案完結。著傳諭明興。即親提案犯。督同梁肯堂。逐一細心推鞠。務得實情具奏。毋得僅以用刑夾訊。即可完事也。○留京辦事王大臣奏。于易簡等現已解到。訊據供稱。上年正月來京。陛見。面奉詢問。國泰居官若何。因他才情好。辦事認真。劣款並無實據。所以未曾舉發等語。諭軍機大臣曰。此供未可憑信。國泰婪索屬員款蹟。在別

人或可諉為不知。至于易簡前在濟南府任內。業經供認為國泰辦過羅漢一架。巡撫發給銀一千兩。此非勒派屬員而何。從前經朕面詢時。何以未將此一事陳奏。而此時供內。又稱國泰不法款蹟。並無實據。何前後矛盾如此。著傳諭留京王大臣。再行訊取確供具奏。不得任其狡展。乙丑。諭軍機大臣等。據明興覆奏。嚴訊單縣。曹縣。邪教案內各犯。又拏獲已故首犯之子布三等。嚴切訊鞠一摺。

據稱布三。布文彬。布文起。均係教首布偉之子。查三犯又係從前邪教案內絞決首犯王中之外甥。其為一派相傳無疑。到案審訊。雖各茹刑不吐。現仍督同梁肯堂。嚴切根究等語。所辦是該犯既係教首布偉之子。斷無引人入教。而反不傳伊子之理。其為有心狡賴。幸避重罪。已屬顯然。不可不設法嚴究。按律定擬具奏。至此案人犯。將來審結時。其輾轉傳教糾合入夥之要犯。固當按律問擬。即其

餘入教之人。不但不可仍留本省。并不得仍留內地。均應問擬發遣黑龍江。及伊犁等處充當苦差。毋致邪教餘黨。仍復萌蘖滋事也。將此傳諭明興知之。○又諭。本日伊勒圖奏。遵旨將國泰婪索款蹟。宣諭伊父文綬。據文綬懇請代奏治罪一摺。此摺著寄交留京王大臣。即提國泰。將硃批原摺令伊閱看。詳悉錄供。據實覆奏。并將原摺繳回。再行發往。○是以通政使司副使梁英佐。為光祿寺卿。○是

月。直隸總督鄭大進奏。保定省城。五月二十五日。甘霖大霑。得雨八寸。又據霸州。保定。東安。及永平。正定。河間。大名。易州。深州。各屬稟報。自十八。十九等日。至二十四日止。連次得雨。自二三寸。至四五寸不等。大田均已霑徧。得旨。覽奏。畧慰。此間雖有雨。尚未深透也。○山東巡撫明興奏。曹縣北岸隄工。地名黃奶廟。最為險要。今添挖河身。由商邱七堡。歸入大河。建瓴直下。該處埽工。尤屬當衝。今請

於黃奶廟迤東而南。挑挖引河一道。東西直接河身。俾黃水順暢。即可化險為平。再查曹縣民人。因上年黃水下注。現在尚未涸出。聞有挑河工程。雖願赴工受雇。而內顧多虞。今蒙展賑三月。全家餬口有資。又知遷移草瓦各房。均經給費。踴躍赴工。得旨。覽奏。稍慰。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十七

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十八

監修總纂官臣廷謙官太子太傅文淵閣大學士文淵閣領閣事領侍衛內大臣稽察欽奉 上諭事件管理吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次慶桂總纂官臣廷謙官太子太傅文華殿大學士文淵閣領閣事稽察欽奉 上諭事件管理吏部理藩院事務正黃旗滿洲都統世襲副都統軍功加十九級隨帶加二級又加二級臣董誥內大臣戶部尚書領侍衛內大臣副都統軍功紀錄五次尋常紀錄十四次臣德瑛總纂官太子少保工部尚書紀錄六次臣曹振鏞等奉

敕修

乾隆四十七年壬寅六月丙寅朔緩徵山東

官臺王家岡永阜三場乾隆四十六年水災額賦○豁除浙江仁和場仁和倉三圍坍沒上則稅蕩二百五畝有奇額賦○丁卯諭曰汪承霈著調補工部右侍郎其刑部右侍郎著杜玉林調補杜玉林現在隨團所有行在工部前後班事務著暫行兼署姜晟即著回京幫辦秋審事務○戊辰諭軍機大臣等據朱椿奏盤查回民搜獲書籍現在嚴辦一摺內稱據桂林府知府貴中孚稟報盤獲廣東

崖州回民海富潤有鈔錄回字經二十一本又漢字天方至聖實錄年譜等書現在逐一嚴訊從重究擬等語所辦殊屬過當甘省蘇四十三係回教中之新教即邪教也今已辦盡根株至於舊教回民各省多有而在陝西及北省居住者尤多平日所誦經典亦係相沿舊本並非實有謗毀顯為悖逆之語且就朱椿現在發出書內字句大約俚鄙者多不得竟指為狂悖此等回民愚蠢無知各奉其教若必總總繩以國法將不勝其擾況上年甘省逆回滋事係新教與舊教相爭起衅並不借經典為煽惑朱椿獨未聞知乎朕辦理庶政不肯稍存成見如果確有悖逆狂吠字跡自當按律嚴懲不少寬貸若如此等回教書籍附會其詞苛求字句甚非朕不為己甚之意此事著即傳諭朱椿並畢沅等竟可毋庸辦理嗣後各省督撫遇有似此鄙俚書籍俱不必查辦將此一併傳諭知之○己巳豁

除陝西咸寧縣水衝碾房額課銀○旌表守正捐軀直隸南皮縣民徐連德妻任氏○庚午諭曰烏魯木齊滿營之步甲匠役等均未賞給口糧著照伊犁所辦之例加恩賞給口糧巴里坤古城吐魯番等處步甲匠役等著一體加恩賞給以資生計○辛未諭據常青等奏今年春季以來亢旱青草歉生察哈爾之八旗官兵牲畜傷損甚多等語察哈爾八旗官兵俱賴牲畜養贍當差今年雨水短少

牲畜多有傷損著加恩參領以下官員兵丁支借一年俸餉添補牲畜以資生計將此項支借俸餉分為六年坐扣○又諭曰熱河厄魯特之官兵已駐數載俱各感激朕恩一切差使亦頗奮勉第念伊等駐劄熱河年久其中或有孀婦及未成立之孤女若不給與養贍朕心深為不忍著交副都統恒秀查明有似此者每月每日賞給一兩錢糧以資生計將此永遠為例以示朕撫恤厄魯特之意○

又諭曰哲哩木盟長員缺已將卓哩克圖親王恭格喇布坦補放色旺諾爾布之子達爾漢親王旺扎勒多爾濟亦著協辦盟長事務伊二人七月間當來此時無庸前來謝恩著理藩院行文知會○壬申定發遣重犯非遇恩赦不得釋回例刑部議伊犁將軍伊勒圖奏從前擬流改發伊犁之原任典史要俊卿十年期滿例應回籍得旨此案要俊卿一犯本擬按律杖流因該犯圖避處分誣稟上司

居心險詐情節較重是以從重改發伊犁充當苦差今以年滿釋回則較原擬流罪不准限年回籍者轉輕是雖嚴而實寬殊不足以昭平允嗣後凡遇此等情節可惡發往新疆之犯俟年滿時仍將該犯發交應配地方定地安插遇有恩赦再令回籍著為令所有要俊卿一犯即照此例行○旌表守正捐軀直隸定州民李靈妻王氏○癸酉豫親王修齡奏正白旗蒙古世襲佐領永清所遺員缺應

行擬正承襲之次。支巴爾當三子內。除在京第三子烏鎗護軍善慶外。尚有派往寧夏駐防之長子吉慶。密雲縣駐防之次子永慶。其才具何如。及有無事故之處。應行查該將軍副都統等。俟保送到日。再行揀選帶領引見。得旨。修齡此奏。是欲自見其精詳。然實屬錯誤矣。凡辦理承襲佐領。如京城實不得人。駐防內有應襲之人。始咨行調取。今應襲此佐領同支之兄弟三人內。現有烏鎗護軍善慶在京。又何必調取在外駐防之人。徒事紛繁乎。況定例一支內。不過一人有應得之分。其餘俱不准列名。善慶係烏鎗護軍人。尚去得。若將伊兩兄調取來京。驗看後。或因其人平常。遣回道路遙遠。伊等力量不足。豈不反受累乎。修齡計不至此。如何辦事。此佐領員缺。著即在京城應襲人員內。擬定正陪。請旨承襲。將此通諭八旗滿洲蒙古漢軍。嗣後若遇此等事件。惟計事之輕重便宜辦理。不必如

此拘泥請旨。○甲戌。諭軍機大臣等。據薩載李奉翰奏。會勘黃河內沈家窩迤下淤灘酌量挑切展寬一摺。內稱。順黃壩對岸灘嘴上年開挑沈家窩以後。漸見刷塌。茲一年未經行溜。該處又漸淤出。除老灘外。長有兩層嫩灘。計長一百五十丈。寬自三丈五尺至二十四五丈不等。請將二層灘嘴全行切去等語。此處所奏殊未明晰。摺內既稱上年伏秋後黃水斷流。何以披閱圖內黃河正身仍復有黃水流注。且兩岸長起嫩灘。若係客水。何又挾沙而行。聲叙未免牽強。著薩載再將黃水斷流後。何以又有淤出嫩沙之處。另行詳晰查明。據實覆奏。至李奉翰現赴上游一帶新挑張家莊引河順道查工。即遵旨回豫。會同辦理挑挖南岸引河及築堤等事。自應如此料理。現在豫工趕挑引溜工程甚屬緊要。富勒渾又有地方事務不能專心在工督辦。而李奉翰於河務工程較為熟諳。目下南河有

薩載在彼。無需李奉翰協助。此時馳回豫工。會同富勒渾等。指示一切。正多得一人。伙助之益。將來設使洪澤湖遇有要工。應行搶護之處。李奉翰再往南河督辦。亦無不可。將此傳諭薩載。李奉翰知之。尋薩載奏。查上年開挑沈家壩之後。本未汕刷淨盡。其時水滿。灘形未顯。以後沙停水涸。嫩淤漸露。實即該處本有之灘。非掣溜後新長之灘。前摺未將原委明叙。現在河身祇存清水。圖內又未聲說。不勝惶悚。得旨。覽奏俱悉。○又諭。據明興奏。前後拏獲單縣曹縣邪教匪犯六十三名。訊供覆奏一摺。內稱。將各該犯等親提。逐加嚴究。堅供止冀誑騙銀錢。餬口。並不敢有謀為不軌等情。其九經八卦等歌。皆鄙俚不堪。實係口傳心受。並無底本。搜查該犯等家內。亦實無不法違悖字蹟等語。看來此案。尚無倡謀首逆之人。不至如王倫之糾聚匪徒。滋擾地方。但入教人數既多。案內要犯既經拏獲。

自應將該犯等。迅即定案辦理。若久行羈禁。恐致別生事端。著傳諭明興。即將該犯等嚴訊確供。迅速定擬具奏。○乙亥。諭軍機大臣等。本日據俞金鰲奏。甘省一提四鎮標營。所有公費。扣抵節年欠項。不敷兵丁之用。請於積存節省駝隻料草銀兩內。撥填前欠。及借支急製軍裝銀兩。並請多寬年限。扣交一摺。已批交軍機大臣速議具奏矣。因思甘省提鎮各標營。額設公費。原備一切緊要之用。從前該管各提鎮。不能隨時撙節動用。以致糜費支銷。逐年虧缺。本年三月。據李侍堯奏。該省涼州鎮屬公糧。尚有未經扣繳銀一萬四千餘兩。請展限陸續扣還等語。當經降旨。令該督查明。歷任總兵。有無染指情弊。另行覆奏。嗣據該督查奏。歷任總兵。雖有濫行支用之處。究無別項情弊等因。是該督所辦。止就涼州鎮一屬。至多者而言。而通省各提鎮。從前借支公費。應行扣繳銀兩總數。並未聲請。

一體辦理。今據俞金鰲所奏。截至四十六年冬李通省提鎮各營共應扣繳銀六萬八千餘兩。請於節年駝隻料草節省銀兩內撥填歸款。因為贍濟兵丁。通融辦理起見。但此項銀兩從前阿桂在甘省查辦各案。是否知有各標營節年虧短未經扣繳之項。並有無與李侍堯籌議作何辦理之處。著傳諭阿桂。令其速行覆奏。至俞金鰲此奏。並未與李侍堯列銜。或係二人意見齟齬。或係李侍堯因從

前查辦遺漏。是以不便會銜。令其自奏二者必居一於此。據阿桂之所見如何。一併據實具奏。朕意加恩甘省者。不啻數百萬。此數萬竟加恩全免。亦無多也。俞金鰲原摺著鈔寄閱看。尋阿桂奏請將甘省各營兵應行扣繳公費及急製軍裝等銀兩。仍交與李侍堯會同俞金鰲確查。該省各營節年駝隻節省料草銀共有若干兩。不拘何鎮何營儘數通融彌補。如不敷再將未立馬匹草乾銀撥抵。從

之。江西巡撫郝碩疏報豐城分宜萍鄉新喻吉水金谿上饒廣豐鉛山南康興國等十一縣乾隆四十六年分勸墾老荒續荒及額外新生田地山塘七頃七十六畝有奇。丙子諭前據大學士九卿等叢議國泰于易簡等貪婪欺飾各款。請旨即行正法。曾經降旨俟呂爾昌解到歸案質訊明確再降諭旨。茲據留京辦事王大臣等審訊呂爾昌等從前在濟南府任內聽從國泰勒索並代屬員李濤等稟送金銀物件屬實。一併定擬具奏前來。此案國泰貪縱營私勒索各屬員財物以肥囊橐實屬目無法紀。非李侍堯之僅收受礦課餘息者可比。其罪自難寬貸。但念其所得贓私尚與枉法鬻爵者有間。國泰著從寬改為應斬監候。秋後處決。于易簡身任藩司受恩最為深重。明知國泰種種不法款蹟。既不行據實叅奏。復敢於朕前欺隱。其罪較重。但國泰既邀寬典。于易簡亦著一併從寬。改

為應斬監候。秋後處決。○諭軍機大臣等。昨據慶桂等奏。審明黏貼不法字跡之逆犯趙文言。問擬凌遲處死。請旨即行正法。一摺。據稱該犯書寫狂謬語句。肆行黏貼。即照大逆律凌遲處死。亦屬罪所應得。姑念其向有瘋顛病症。尚無別故。著從寬改為斬決。其餘案內人犯。俱著加恩寬免。○丁丑。諭。朕前因奎林未能查出烏魯木齊之事。令其明白回奏。今據覆奏。伊素性糊塗等語。奎林並非糊塗。特欲消弭此事耳。奎林係

孝賢皇后之姪。與福隆安、明亮俱屬一體。福隆安素與伊不合。朕所深知。至在金川軍營。明亮係伊本隊將軍。他人俱稱奎林臨陣勇往。領兵進退。皆合機宜。而明亮並未保題。看來弟兄平素不睦。顯然。但此案若無影響。明亮豈能捏造。茲查明俱已屬實。自非明亮與伊不合。尋隙而辨者矣。且和坤去歲自甘省回京。奏稱奎林可用為督撫。朕原因其人去

得授為烏魯木齊都統。今詢問彼處有此等事件。伊何故不能查辦。據和坤奏稱。奎林之意。以為伊在烏魯木齊數年後。所有虧空。可以漸次彌補。可免無事等語。福隆安亦如此奏。是奎林實屬負恩昧良。昨朕因治其辦理不善之罪。將所有承恩公爵開缺。已屬從寬。奎林係內廷行走之人。朕辦理萬幾。一秉至公。伊所深知。孰敢誣陷人耶。烏魯木齊之事。奎林竟欲消弭。殊屬非是。著傳諭奎林。令其

自行議罪具奏。嗣後伊若不知朕恩。遇事仍不實心辦理。朕必將伊從重治罪。但奎林臨陣勇往。進退有方。而辦事每每昏憤。朕所不解。著傳諭令其據實明白回奏。○福建巡撫雅德奏。琉球國難番伊波等二十四人駕船裝載米布。於上年七月十二日。自八重山開行。八月初放洋。遇風吹斷桅篷。漂至浙江寧海縣。經該營救護。照例撫卹護送來閩。於今年四月初五日進口。當經安插館驛。每人日

給米一升。鹽菜銀六釐。回國日。各給行糧一月。並於進貢船內搭裝原載貨物回國。下部知之。○戊寅。諭曰。陳輝祖等奏。福建臺灣地方。於四月二十二日。猝被颶風。海潮驟漲。致衙署倉廩營房民居多有倒塌。田禾人口亦有淹浸。各等語。濱海居民。猝遇風潮。以至官民房屋田禾人口均被傷損成災。該督撫務須督飭所屬詳加查勘實力撫卹毋使一夫失所以副朕軫卹海疆之至意。其衙署倉穀

課鹽戰船等項有倒塌衝失之處並著查明實在數目照例詳悉妥議具奏。○諭軍機大臣等據陳輝祖等奏緝獲臺灣戕殺多命之兇番茅歪等十二名現在飛飭該道府等訊供詳報一面派委妥幹員弁押解至省率同兩司詳細研鞫審明定擬後即一面奏聞一面先行正法傳首臺灣俾各番咸知警懼等語所辦太覺拘例此等生番膽敢於莊民林媽等出界採樵即肆行戕殺二十餘命割去

頭顱兇橫已極此案既據該叅丞成履泰等設法將兇番擒獲即應交臺灣鎮道等就近審明於犯事地方正法梟示使各生番等目擊駢誅稍知警懼何必過海解省審辦正法又行傳首臺灣多此一番轉折乎且臺灣遠隔重洋設立掛印總兵巡道大員遇有此等重案自當畧予權柄方足以資彈壓況生番如此戕殺多命豈尚有屈抑之理著傳諭陳輝祖雅德設此時尚未解犯到省即速派委

委員令其解回臺灣交該鎮道等辦理若此案業經辦結嗣後遇有此等兇番戕殺之案均著即照此旨行不必輟轉解省也。○又諭據韓鐸富勒渾奏豫工築隄挑河需用人夫甚多現在設法酌辦緣由一摺覽奏俱悉豫省工程所用人夫既多自不得不借資鄰省但山東與豫省接壤毗連較為切近且該省附近之曹州等府屬被水居民現在覓食維艱急需以工代賑況將來曲家樓漫口合龍

俾下游居民早就奠安。斷無不踴躍從事之理。自應多為雇覓。至直省迤南各屬。雖亦與該省相連。但較之東省。稍為迢隔。且去年直隸省南各屬。尚屬豐收。小民似不藉力作餬口。若官為雇備。驟令赴工。恐愚民非所樂從。設工所人夫既足。仍令裹糧而回。往返跋涉。動有數日之程。於閭閻生計。轉為無益。著傳諭鄭大進。富勒渾。明興。公同籌酌。若東省協濟之人夫既足。即不必派撥直省。倘有不足。

再於京南附近豫省一帶地方。酌量幫雇。鄭大進等彼此速行商酌。時時通知。一面辦理。一面奏聞。務須秉公籌辦。無分畛域。以期大工速集。而貧民以工代賑。其豐收之處。又不至勞民動衆。方為妥善。著將此傳諭鄭大進。李奉翰。韓錄。富勒渾。明興等。並諭阿桂知之。○閩浙總督管理浙江巡撫兼管鹽政陳輝祖疏報仁和場。仁和倉。茶槽園。乾隆四十六年分。漲沙六千四百八畝有奇。○陝甘總督

李侍堯疏報甘肅平番縣。乾隆四十六年分。開墾旱地六頃四十五畝。○己卯。諭曰。楊魁。歷任巡撫有年。頗著勤勞。前聞患病。即降旨令其回籍調理。方冀速痊。以資倚任。今聞在途。蓋近深為軫惜。所有應得卹典。著該部察例具奏。○以阿勒楚喀協領烏靈阿為吉林副都統。○庚辰。吏部叅奏。選授江蘇沛縣知縣吳封。於四十六年十一月內。告假回籍。及至期滿。因沛縣猝被水災。該員在籍遷延。先

以患病不能起程。呈請咨部。嗣復請開缺調理。是該員明知地方被水。託病規避。情節顯然。請旨革職。並自備資斧。在工賑地方効力。得旨。沛縣上年被水較重。人所共知。正當需員料理之時。吳封自應速赴新任。以圖報効。乃膽敢託病呈請開缺。全不以官守為念。實屬昧良。此風斷不可長。吏部僅請革職。自備資斧効力。不足蔽辜。吳封著革職。發往烏魯木齊効力贖罪。以示懲儆。譚尚忠初為巡撫。

即如此邀譽徇情。安望其能整飭吏治。著交部嚴加議處。其不行查明。遽為結報之地方官。並著查明交部議處。○鑄給廣東廣州府海防同知兼管順德香山二縣捕務水利關防。并廣州府永寧通判兼管番禺東莞二縣捕務水利關防。從總督巴延三請也。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十八

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十九

敕修

乾隆四十七年壬寅六月辛巳諭據署鑲紅

旗滿洲都統修齡等奏准陝甘總督來文自乾隆二十年起至四十年止甘省歷任督撫司道府廳州縣分別應賠虧空銀兩一摺內稱原任巡撫常鈞道員達爾吉善知州長世圖等應賠銀兩俱請於限內呈交至原任道員來朝業經病故並無妻子兄弟亦無家產無可著追行文戶部於案內各官名下分賠原任道員輔德原任藩司恒光二人俱經病故並無家產其應賠銀兩著落該二員之子

筆帖式富察彥領催和漢等俸餉內坐扣一半。又另摺稱原任蘭州府知府勒爾金已經身故。並無家產。亦應於伊子候補同知錫麟等應得廉俸餉銀內坐扣一半各等語。甘省虧空。前經李侍堯查明。自乾隆四十年以前。溯至乾隆二十年。歷任滿漢州縣道府藩臬督撫。共應賠虧空四十二萬兩。開具清單。奏請著落加倍賠補。經朕加恩照依原單。按其任久暫。照股分賠。免令加倍賠補。今該旗

所奏應賠銀兩。自應著落追賠。但其中有宜畧為區別者。如輔德。恒光等。曾任道府以上各員。所得廉俸。本屬優厚。又未經緣事查抄。何至並無家產。可見必有隱匿。各該旗未經詳細查覈。此等應賠銀兩。各該旗籍。查明該員子嗣名下。著落分賠。實屬應當。至同知以下各員。除本人尚在。及伊子孫現任職官者。仍應於所得俸餉著落賠補外。倘業經身故。並無家產。其子嗣並無官職。或僅披甲當差

者。俱著一概加恩。免其追賠。其應賠銀兩。仍交各該旗籍。著落此案曾任道府以上各員。攤賠歸款。以昭平允。該部即遵諭行。○壬午。諭據閔鶚元奏。原任陝西白水縣知縣王希伊。病痊驗看。精力漸衰。請改補教職等因。一摺。知縣為親民之官。一切刑名錢穀。經手事件。均關緊要。自不便以年力就衰之人。聽其濫竽貽誤。閔鶚元所奏甚是。督撫身任封疆。察吏是其專責。豈可少存瞻顧。即如吏部昨

日。叅奏選授江蘇沛縣知縣吳對。因該縣現被水災。託病在籍。呈請開缺。顯係有心規避。請旨革職。留工効力。一摺。業經明降諭旨。將吳對從重改發烏魯木齊。以為昧良規避者戒。吏部辦理此案。甚屬公當。並非堂官攬權。故示風厲者可比。國家綱紀肅清。部院臣工。倘有挾私朦混。舉劾不公者。斷不能逃朕洞鑒。此案實係應行糾叅。內而部院堂官。外而督撫。均應如此留心。方合大臣靖恭任事之

義至譚尚忠。本不過謹飭供職之人。因其在藩臬中資格稍深。是以授為巡撫。並非因其才能辦事。優加陞擢。今甫任巡撫。即徇情邀譽。安望其能整飭吏治耶。吳對呈請開缺。適當沛縣現被水災。急需印官到任撫循。辦理一切。乃託病遷延。有心規避。此事顯而易見。者。譚尚忠如能將該員立行叅奏。朕必嘉其公正。乃視為尋常事件。全不留心體察。即此一端。其不勝任可知。設譚尚忠更有別項徇

私情弊。朕必重治其罪。又不特交部嚴加議處已也。除此案俟吏部照例議處。另降諭旨。外。譚尚忠豈可復留巡撫之任。所有安徽巡撫員缺。著富躬補授。廣西布政使員缺。著瑞齡調補。江蘇布政使員缺。著伊星阿補授。譚尚忠即著加恩降補福建按察使。以觀後效。將此通諭中外知之。○又諭。本日據郝碩奏。江西漕船十三幫。其前七幫尚及趕回。其後六幫恐有阻滯。請借東省停運之船接運赴

通交代等語。該省糧艘。船身本重。行走難於迅駛。未免於赴通兌交之後。有誤回空抵次日期。自不得不設法豫為籌辦。但前據鄂寶奏。山東船隻接運江西之米。僅敷四分之一。剝米無多。需費不少。江西本船。仍不能及早回空。應請仍照舊辦理。業經降旨允行。今據郝碩所奏。不過該省後六幫船借用東省漕船接運。但東省船隻。究竟是否足敷浮送。而丁舵人等。應否仍需親押赴通交代。其本船是否能及早回次。無誤冬兌之期。著傳諭鄂寶。令其速行詳悉妥議具奏。再降諭旨。並諭明興。郝碩知之。○癸未。諭軍機大臣等。本日據閔鶚元奏。接據廣西咨會。起出回經。并拏獲作序刊書各犯。訊供具奏一摺。此事前據朱椿奏到。業經降旨不必查辦。並通飭各督撫。嗣後如有似此回民經典。俱毋庸苛求。致滋擾累。蓋緣舊教回民。在西北省分為多。而各省亦在在俱有。其所奉經典。回民中亦屬

家喻戶曉。即與僧道喇嘛無異。焉能盡人其人而火其書乎。且伊等平日持誦經典。自唐宋以來。早流傳中國。迥非若白蓮等教起立名色。專為斂錢聚眾。甚且作亂者比。若過為搜求滋擾。則安分守法之回民。轉致不能自安。無所措其手足。封疆大吏。如遇有地方邪教悖逆等事。自應認真辦理。若此等久有之回教經典。遽照違悖之案。通行嚴辦。殊屬荒唐。錯謬。朱椿初任巡撫。不諳事理之輕重。即

飛咨各省。一律查辦。甚屬非是。朱椿著傳旨嚴行申飭。所有閩鶚元奏到起出回經。及拏獲作序刊書之人。俱當妥為安撫。概予省釋。至各省督撫接據廣西咨會。均著一例停止。毋庸查辦。將此由六百里加緊再行通諭知之。○甲申。諭軍機大臣等。據鄭大進覆奏。直省協濟豫工挑築人夫。其飽暖者憚於遠涉。貧寒者苦無安家。非豫給工價。不足以動其趨利之心。現於大名廣平等府屬酌量代雇。

夫五千名。每名借給安家盤費銀三兩。先於直省司庫動支。將來仍俟豫省解交藩庫歸款。並札商韓鐸等。俟需用時。再行雇撥等語。直省協濟豫工之夫。亦祇可如此辦理。其所稱人夫不樂遠涉情形。朕從前早經慮及。於此。今據所奏。果不出朕所料。總之小民趨事赴工。自求口食。在被災歉收地方。召募較易。著傳諭富勒渾、韓鐸。如將來豫省所需人夫。約計山東協濟雇募。可以敷用。自不必更籌

別辦。致令遠涉非便。倘或尚不敷用。則江南被水地方。災民自多覓食。富勒渾等即可就近知會薩載等。令其代為雇募。自較直隸更為便易。總以通盤籌畫。務使人夫足用。而又聽民自便。俾各踴躍樂從。方為妥善。韓鐸、鄭大進等。一面妥商辦理。一面奏聞。○補行乾隆四十六年直隸省大計。不謹官二員。浮躁官一員。才力不及官二員。年老官八員。有疾官三員。處分如例。○旌表守正捐軀直隸定

州民戴金柱妻劉氏。饒陽縣民李興隴妻王氏。安徽宿州民張月妻陳氏。阜陽縣民全永妻李氏。守正被戕。浙江永嘉縣民陳士林妻吳氏。乙酉。諭軍機大臣等。閱本日韓鐸等奏到。築隄挑河情形。并繪進圖內。其儀封一縣。尚繪在新築南隄之內。南岸開挑引河。自蘭陽三堡起。至商邱。開老隄。歸入正河。則新隄之內。俱已讓地與水。不宜復留縣城。令其孤懸河濱。一無保障。雖前據富勒渾奏。將

考城一縣。擬移建於北岸之張村集地方。其儀封舊城。則稱地本低窪。城垣坍塌。將來亦須修建。應另勘商儀適中之地。擇其高寬地面。改籌建築等語。儀封建城。亦屬目前緊要之事。自當與考城一例遷移。現在富勒渾曾否已於商儀適中之處。勘定基址。另為興建。何以不行據實覆奏。再閱圖內。其向南分流各支河。雖俱有細小紅點堵截。但港汊分歧。此等支流。是否即係大河旁支。抑或別有來

源。將來新引河開成後。各支河之水。是否一併歸入引河。滙歸正河之處。亦未據奏明。著傳諭李奉翰、韓鐸等。令其詳晰再行繪圖貼說具奏。並將本日奏到原摺及圖。發交阿桂閱看。阿桂在該處情形熟悉。并令其據實隨報覆奏。尋李奉翰等奏。查前圖內向南分流各支河。係十六堡及張家油房二處。並別無來源。但各河形自北而南。現挑引河。係自西而東。橫串十六堡。張家油房二處。河形下注。

且新隄跨壓各河。勢極緊要。是以擬築土壩攔截。以防旁洩。圖內紅點。即係擬建土壩之處。至將來新引河開成後。各支河之水。俱可由馮家屯新估橫渠。歸入正河。報聞。○丙戌。諭軍機大臣等。山東通省各州縣虧空。前經降旨。令明興詳查商辦。與以二三年之限。令其自行彌補。該撫於接奉此旨後。自當詳悉訪查。覈實辦理。但迄今已兩月。尚未據該撫查明覆奏。此案因通省人數衆多。且並非侵

冒入己與甘省監糧之案不同。茲予以期限令其自行彌補。實係朕格外施恩。各該員等自應各據天良。急為填補庫項。現在明興查辦此案。是否已有就緒。數計通省各屬。實在虧空總數若干。將來是否能於二三年內。一律彌補全完。俾通省倉庫款項。實貯無虧。著傳諭明興。即行據實查明覆奏。尋奏訪查通省虧缺。約二百萬兩。因為數過多。嚴飭各屬再行據實盤查。嗣據先後稟覆。計通省虧缺

一百三十餘萬兩。令藩司孫士毅面詰各地方官。何以前後不符。據稱實因害怕。各行設法歸項。共補銀五十餘萬兩。現實虧空一百三十餘萬兩。復勒限彌補。自七月至歲底。約可彌補五六十萬。餘七八十萬。請稍寬限期。以來歲一年內補完。得旨。如此亦可。但國泰于易簡之罪。益無可逃矣。丁亥。諭據薩載奏。接准廣西撫臣朱椿咨。拏回民海富潤案內之改紹賢等三犯。當即轉飭查辦。解赴江

蘇撫臣究審一摺。所辦殊屬非是。此案海富潤有鈔錄回字經卷。及漢字天方至聖寶錄年譜等書。其書內大意。約畧揄揚西域回教之意居多。回民持誦經典。自唐宋以來早已流傳中國。現在相沿舊本。在回民中俱屬家喻戶曉。並無謗毀悖逆之語。則是回民之各奉其教。即與此時之僧道喇嘛無異。焉能盡人其人而火其書乎。此案前據朱椿奏到。節經降旨。通飭各省督撫。毋庸查辦。乃薩載接

准朱椿咨會。並不權衡事理之輕重。遽行飛飭各屬。將改紹賢等搜查押解究審。如此矜張辦事。殊非大臣實心任事之道。實屬可鄙可笑。薩載久任封疆。在督撫中尚屬老成。歷練明白曉事之人。乃亦與朱椿之初任巡撫遇事茫無主見者相同。能不知所愧乎。地方大吏遇有奸民倡立邪教及惑眾斂錢之事。自當實力嚴查究辦。務淨根株。以除風俗人心之害。若回教民人。各省多有。無論西北省

分居住者固多。即江省一帶零星散處。其飲食作息。俱與平民相等。不過不食狗豕肉耳。如以傳習經卷。與邪教悖逆之書。一例查辦。則安分守法之回民。轉致無所措其手足。且從前山東王倫及甘省王伏林等滋事不法。回民中即有首先奮勇打仗者。即上年蘇四十三之事。其舊教回民。倡義率衆。協同官兵勦捕。甚為出力。經朕節次獎賞。則朕之視回教民人。皆吾赤子。各省督撫。安得歧而二之乎。現在此案查拏之改。紹賢諸人。雖已據薩載摺內聲明。業經遵旨概行省釋。其書籍板片。亦即給還。並當出示詳悉曉諭回民。務各循分守法。各安本業。毋致驚惶擾累。但各省督撫。若因有此旨。遂致因噎廢食。將地方實係邪教重案。亦藉詞鎮重。姑息養奸。竟置不辦。則是誤會朕意。不度事理。將來發覺時。恐不能當其罪也。將此通諭中外知之。○戊子。遣官祭。

火神廟。豁除直隸密雲縣水衝沙壓民地十五頃七十五畝。有奇額賦。已丑。諭軍機大臣等。據明興覆奏。籌辦協濟豫工人夫一摺。內稱五月下旬。貧民紛紛赴工。現在東省民夫在豫省工次。實屬不少。其沿河一帶附近之地。未經受雇民人。非老弱不能前往。即屬稍可自食其力。不願赴工受雇之人。現仍飛飭沿河各州縣。并該管知府。再行剴切勸諭。將續得雇募人夫。派員押赴工所。並飛咨豫省。彼此酌商。通融辦理等語。此等人夫。稍能自給。即不願裹糧前赴工所。朕從前早已慮及於此。是以節次降旨。令於被有水災地方。小民思以力作餬口。俾得計工授食。在閭閻既得以工代賑之益。而於緊要工程。亦可及時趕辦。今據明興所奏情形。果不出朕所料。但此時東省協濟人夫。既稱自五月下旬紛紛趨赴。則豫工人夫。諒已數用。至明興摺內所稱。續得雇募之夫。派員押赴工所一節。

大約鄉愚小民一經官辦即非樂從若至押
送赴工殊非朕軫念災黎以工代賑之意明
興當與李奉翰韓鐸富勒渾等再行悉心商
酌現在東省已有應辦土方如豫工人夫就
近足敷應用即不必再令東省幫雇致以利
民之事轉致累民也著將此各傳諭知之○
庚寅諭據富綱等奏探明緬酋更換情形一
摺內稱據騰越總兵許世亨等稟稱探得緬
酋贅角牙被老酋甕藉牙之孫孟魯乘間殺

害旋有甕藉牙四子孟隕復將孟魯殺死自
立為酋凡情駁贅角牙信用之頭目土司盡
行調回其所用大頭目悉係甕藉牙舊人等
語緬甸自乾隆十五年以後甕藉牙占踞為
酋伊子情駁繼立自外生成首先抗拒其子
贅角牙世濟其惡反覆不常今孟魯將贅角
牙殺害而孟隕又構害孟魯自立為酋骨肉
相殘輾轉襲殺緬酋惡逆之報自為天理所
不容但伊等穴中之鬪不值煩我天朝興師

致討況從前首禍係情駁贅角牙父子彼時
因緬地瘴癘我兵疾疫頻仍不能久駐又值
該酋等畏罪哀懇朕體

上天好生之德許其罷兵已歷有年所今該酋
等並不敢侵擾邊關若遽因其爭立內訌興
問罪之師不特師出無名且轉似為造惡之
情駁父子報復尤屬不成事體況得其地不
足守非如新疆伊犁等處西師成功後可永
遠耕屯鞏固金湯者可比此事竟可無庸辦
理富綱等當仍遵前旨示以靜鎮不可稍涉
張皇朕非因年老畏事意存安逸此時自揣
精力軍書午夜儘可耐勞若果當問罪興師
如去歲蘇四十三之事何嘗置之不辦又何
嘗不早夜籌畫耶況軍務在於知己知彼即
朕欲辦理此事亦不付之富綱也但此時實
不值辦理即阿桂熟悉彼處情形素能曉事
亦必與朕所見相同著傳諭阿桂令其據實
覆奏外並傳諭富綱等此事非富綱所能辦

凡事須知彼知己。富綱於無事時。僅堪自守。伊亦當有自知之明。不可存便宜之心。海祿亦不可存見長之意。但須靜鎮。謹守邊防。為是此時。亦不必遣人至阿瓦探信。富綱亦不必至永昌等處。致露張皇。若孟隕於此時。因將贅角牙戕害。仍恭順天朝。虔修職貢。遣人叩關哀懇。自應據情入奏。准其輸誠於事體。亦順即或該首等觀望不前。亦可置之化外。但當嚴守邊界。如此時有贅角牙頭人。因彼

處不能容身。竄入內地。若人數衆多。即另為安插遠處。不可留於滇省。若人數無多。及無關緊要之人。仍可遣還。總之此事權其輕重。緬甸不但水土非宜。況從前既允其納款乞宥。降旨赦其前罪。今又乘其危亂。出師進討。殊非天朝堂堂正正之義。朕籌之已熟。並令大學士九卿等。公同詳議具奏。將此傳諭富綱等知之。並將遵旨毋庸辦理緣由。迅速馳奏。尋阿桂等奏。緬甸此年以來。並不敢侵擾

邊圉。今若乘其內釁。興師問罪。實非所宜。我皇上睿算宸謨。不遺纖悉。從前平定兩金川。去年殲除回逆。斷不肯以應辦之事。置之不問。今此事實不值煩我兵威。臣阿桂曾在雲南。情形較為諳悉。即臣三寶等熟思審計。無不欽服。

睿慮之周密。報聞又富綱奏。臣奉諭即飭各該將嚴守關隘。鎮靜如常。倘有贅角牙頭人竄入內地。酌量安插遣還。如新首孟隕。効貢叩關。亦即據情馳奏。得旨。以汝之材。祇可安分守己。勿生妄想。辛卯諭。朕閱國史館進呈諸臣列傳內。原任刑部侍郎任克溥傳。所載前後條陳各事宜。若守令各官。不能保舉得實士子。以請託賄賂進身。及官戶恃勢攬收糧銀。儒戶包免雜差。豫收額賦。衙蠹投身要地。攬賦最多。並各省加派火耗。苦累閭閻。及派百姓養馬應夫。或充里長。遇有上司經臨。豫備供應。復有訟師羅織無辜。牽累良民。直

省督撫大吏苛索屬員。苞苴無厭等語。所言皆關係士習民風。官方吏治。實為切中當時利弊。是以

世祖章皇帝暨

聖祖仁皇帝俱

降旨允准施行。任克溥逮事

兩朝。抒誠建白。無愧直言謇諤之臣。國家承平百有餘年。一切澄清吏治。整飭士風。各政事經我

皇考宵旰勤求。孜孜不倦。益復治臻上理。朕繼緒四十餘載。迄今年逾古稀。雖日理萬幾。而兢兢業業。夙夜不遑。但恐日久廢弛。現在民生是否尚有苦累。內外大小官吏。是否尚有作奸犯科。未經釐剔整頓。如任克溥所陳諸弊者。著大學士九卿科道及各直省督撫。直據所見。據實奏聞。所有任克溥條奏各款。一併發鈔。將此通諭中外知之。烏什辦事大臣綽克托奏。據布古爾阿奇木伯克瑪瑪達

布拉拜城阿奇木伯克阿拉瑚里等呈稱。我等係烏什所屬托克遜地方回人。自投誠後。仰蒙

大皇帝恩施。授為阿奇木伯克。數十年來樂業安居。惟是我等祖塋。現在烏什東。塋傍有祖遺田地。懇將此田賞給等語。即交烏什阿奇木伯克邁瑪特阿普都拉等詳查。據報稱。托克遜山根下。果有瑪瑪達布拉等祖塋田地。此田自三十一年烏什事後。給與阿克蘇移

來之回民兩戶耕種。然托克遜地方甚大。除此田外。尚有未耕之田。另行擇給阿克蘇回民。其瑪瑪達布拉塋田。請賞給阿拉瑚里。從之。壬辰諭軍機大臣等。據鄂寶奏。接准郝碩咨。稱揚州以北水淺。重運不免阻滯。請將江西後六幫各船之米。借用東省減歇漕船。接載赴通。令本船趕緊回次等因。前來。查山東現有之船。不敷分載。江西後六幫船之米。必須再雇三百二十隻。方足濟運。且行月錢

糧多至糜費。正副運丁祇堪分押剥船。仍不能照料本船回空。請遵照前奉諭旨。照舊辦理等語。鄂寶所奏甚是。此事前據郝碩奏到時。朕即知其事屬難行。是以降旨詢問鄂寶。令其詳悉妥議具奏。今據鄂寶所奏。自屬實情。仍照舊辦理。毋庸更張。著傳諭鄂寶。即行遵照前旨。隨時相機催趲。務期各幫依限抵通。無誤冬兌。倘屆期仍有耽延。不能迅速回空。亦須另籌妥辦。再行具奏。並諭郝碩知之。○癸巳。諭曰。明亮奏續

行查出叅革知縣瑚圖里任內虧缺庫存銀九萬兩。又現任奇台縣知縣窩什渾虧缺庫存銀四萬餘兩。現將窩什渾摘印看守。徹底嚴究等語。瑚圖里前因侵冒糧價銀兩。現解行在審訊。今復據奏。查出虧缺庫存銀至九萬餘兩之多。殊出情理之外。不可不嚴行根究。盡法懲治。已交軍機大臣會同刑部。即行審訊明確。定擬具奏。窩什渾著革職。交與明亮親提嚴訊。將因何短缺緣由。及虧空確數。速行定擬具奏。○廣

西巡撫朱椿疏報宣化。柳城。武緣。天保。奉議。五州縣乾隆四十六年分開墾老荒水旱田一項八十八畝有奇。又田五十四垧。○甲午。諭軍機大臣等。據李奉翰查勘現在新工。及豫省雇夫不敷情形一摺。內稱人夫一項。因正當中伏炎暑大雨時行。未能即時雲集。而附近各處將屆秋糧收割之時。農民各顧本業。雇募究屬不敷。其勢不得不藉資鄰省。將來東省人夫足用。原可毋庸向直省代雇。現

與韓鐸。富勒渾面商妥辦。時屆白露。即可完工等語。看來直隸山東皆以辦夫為難。而河南則以協辦人夫為急。朕意豫工需用人夫。自應在本省雇備為便。從前屢降諭旨甚明。李奉翰等當酌量情形。妥為雇覓。該處人夫斷無不踴躍赴工之理。若謂此時將屆秋糧收割。農民各顧本業。方當六月下旬。未免指稱時侯太早。轉似藉詞推諉。總之令直省代雇一說。固不必提。即東省協濟之夫。除已經

陸續赴工外。倘豫省召募足數。亦即飛咨停止。以免鄰省跋涉之苦。李奉翰等務當遵照妥辦。至開挑引河。從前雖經奏定。在白露以前截工。但為期尚緊。今思若寬限至霜降節邊完竣。則該省人夫。亦可以從容集事。辦理更易。而開放引河。亦不為遲。若此何如。再前閱明興奏到圖內。南陽。昭陽。微山等湖。其水清澈。該處係承受漫口下注之水。自然水泛黃色。斷無澄清之理。若其水既清。則泥沙必致淤墊。湖身將來猝遇盛漲。不能容納。於運道甚為可慮。從前薩載。韓鐸等奏稱豫省漫下之水。俱係串湖邊下注。距南陽正西八里之玉皇廟。下達穀亭河。是以清濁不能混淆等語。其所奏情形。未經目擊。不能遽信為確實。若果如韓鐸等所奏。則下游散漫之水。並不入三湖。自有一路循流順軌。仍匯入舊河歸海。何必又紛紛籌備分洩三湖。如潘家屯。六塘河等處。廣為設法疏濬開挑。即漫口亦

無須堵築矣。朕於此處甚疑之。下游及湖身運道。現在情形。實為厯念不置。總之此事。現雖有李奉翰。韓鐸等。在工經理。而阿桂係一手督辦之人。其識見自較勝於李奉翰等。此時在京。不過照常事件。非必須阿桂辦理。若能即赴該處籌辦一切。朕可放心。著傳諭阿桂。令其自行酌量起程。或由山東運河一路查看赴工。俟定有日期。即行奏聞。以慰朕厯注要工之意。著將此一併傳諭薩載。李奉翰。

韓鐸。富勒渾。明興。鄭大進知之。仍各將該處河湖運道切實情形。逐一繪圖貼說。詳悉速奏。毋稍存粉飾之見。尋薩載等奏。據地方官稟報。添雇協濟豫省人夫。俱憚遠離。不肯應募。現於緊接曹縣村莊之豫省工段。先令施工。以次溯挑而上。逐步漸進。不致有頓令遠涉之形。俟赴工人多。即遵旨停止。至各湖。水色俱清。因南陽。昭陽。微山等湖。去歲積水本多。水勢甚旺。足以敵黃。黃水並未灌入。故湖

水俱清。不致淤墊。得旨欣慰。覽之。是月。山東巡撫明興奏。曹單等縣邪教一案。先後緝獲首從匪犯六十三名。並已故首犯布偉之子布文起等三犯。續獲豫省楊恒德等九名。共七十五名。嚴行訊究。現俱供認。或妄布邪言。或傳習歌咒。俱分首從問擬。為首吳克已等三犯。擬斬立決。為從位榮布文起。李忠黃存義等七十二犯。分別伊犁。黑龍江。發遣為奴。至豫省所獲之陳中禮。係該省混元教案犯。應聽豫省歸案辦理。下部議行。陝甘總督李侍堯奏。據河州知州于鐸稟請查照雍正年間河州二十四關。設立鄉勇例。編伍團練。以重邊防等因。查鄉勇之設。農忙歸業。農隙操演。仿古寓兵於農之法。其實半係游手無業之徒。況河州所屬大半回民。良莠混雜。難保無借此為名。私製軍械。糾結藏奸。查該州鄉勇舊設五千人。乃去年逆匪攻搶河州。任其滋擾。彼時所稱鄉勇者何在。可見有名

無實。今事平之後。因官禁私藏鳥鎗。復指稱鄉勇名色。冀得照舊存留。河州逼近撒拉爾。保無串通番回滋事之處。況該處設鎮添兵。足資防範。請將鄉勇盡行革除。並將私藏禁械一體收銷。得旨是極。汝實解事之人也。雲貴總督富綱等奏。滇省辦銅。半由尋甸州轉運至黔省威寧州。嗣因尋甸與威寧隔遠。經前署督臣圖思德奏請。自宣威至威寧七站。改歸宣威州承運。然仍多阻滯。其故由於牛馬車輛。半資霑益。平彝。二州縣雇募既難。尋宣分運。又多一次秤盤。而宣威至威寧山路險峻。是以轉形竭蹶。臣與撫臣劉秉恬悉心籌酌。莫若改歸曲靖府承運。則生產牛馬車輛之霑益。平彝。二州縣俱隸該府管轄。呼應較靈。隨令曲靖府知府龍舜琴先行試辦。現在辛丑銅餉業經全數掃幫。嗣後尋宣二州分運至威寧之銅。請改歸曲靖府一手承運。報聞。署雲南巡撫劉秉恬奏。楚雄府城

外龍川江。自鎮南州發源。經由府城西北東三門。至離城六七里鎮水塔地方。迤邐入金沙江。郡城地窪。河溜日逼。屢有水患。臣抵楚雄各處履勘。詢之土人。僉稱從前河身離城尚遠。近年日趨而南。逼近城門。必開挖引河。使歸故道。方可無虞。查舊河即在相近鎮水塔之北。請於此處挑挖深通。導引河溜復舊。並於近溜處。酌建石壩。近城處量築土隄。自不受水逼。再查鎮水塔為該處出水之所。亦須疏濬深通。俾河流宣暢。方免泛溢。得旨嘉獎。

實錄卷千一百五十九

三

大清高宗法天隆運至誠先覺體元立極敷文奮武孝慈神聖純皇帝實錄卷之一千一百五十九

實錄卷千一百五十九

三

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百六十

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事務處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅秋七月丙申朔享

太廟遣誠親王弘暢恭代行禮○諭軍機大臣

等據李奉翰等奏直隸山東江南各省附近

豫工各屬代雇民夫派員帶領來工指與工

段即令該省委員駐工督率人夫興挑等因

一摺此項協濟人夫直隸山東等省其僉派

押解小民不盡踴躍樂從朕從前早經見及

屢次傳諭甚明而此次李奉翰韓鐸等摺內

但知借資隣省並未通盤籌畫以朕觀之其

中實有礙難辦理情形以致嘵嘵不已轉若

有互相推諉之意已於摺內詳晰批示矣李
奉翰等應遵照節次諭旨務儘本省人夫召
募雇用蓋開挑引河原因堵築漫口為民田
廬舍奠安之計乃驅率隔省不樂從之夫押
解赴工是欲利民而轉以病民甚非朕軫卹
窮黎廛念要工之意即如直隸民夫修墊道
路最為熟習然設令畿輔民人修理他省道
路即有遷地弗能為良之勢且不特此也古
者八家同井同養公田此亦宜於古而不宜
於今若用此法必致八家各顧其私互相觀
望公田竟至荒蕪不治李奉翰等何未念及
此乎再代雇之夫無論裹糧遠出不願前往
者居多即所奏直省派委官員令押帶民夫
赴工分段承辦一切呼應不靈動多掣肘隔
省差員豈能如本省屬員之畏上司即李奉
翰韓鐸等管理直省委員亦不能如本省屬
員如臂指之相使也看來李奉翰韓鐸富勒
渾等於此事工大任重竟至畏難茫無主見

矣。且河南之工。富勒渾自當身任其事。今貧民無地可耕者甚多。豈一省之中。不能得十數萬夫。而必借資隣省乎。昨令阿桂起程赴工。或順道由山東運河一帶。查勘河湖形勢。本日據韓鐸等奏到。緯道及糧艘北上情形。俱屬安穩。看此光景。阿桂不必由東省查勘。應即由京徑赴豫工。督辦一切。日內即酌定出京日期。一面起程。一面具奏。至直省現在雇備夫五千名。著傳諭鄭大進。如此項人夫尚未起身。即可停止。如已起身前往。恐前派之員。不足以資彈壓。即派清河道永保。並帶同幹練丞倅等官。管領夫役。前往幫辦一切。或尚得力。總之引河工程。其創挖溝槽。及隄工基址。大局已定。即眼前人夫。不能十分齊集。就本處雇覓。儘屬從容。亦毋庸藉資隣省。况前已降旨。將開放之期。寬限至霜降節邊。現在伏汛已過。秋汛將臨。設霜降時候。所有開挑工程。尚不能一律完竣。即緩至冬間。甚

或遲至明春桃汛以前開放。一舉集事。亦無不可。此等機宜。阿桂到彼。會同李奉翰等。悉心籌酌。妥為辦理。朕可稍紓廛念。所有李奉翰等原摺。并糧船催過濟寧一摺。俱著鈔寄阿桂閱看。並將此由六百里一併諭令鄭大進。薩載。李奉翰。韓鐸。富勒渾。明興。知之。○禮部議覆。河南學政邵洪奏。舊歲試四五等生員。鄉試應入場對讀。其中如實係老病。及武生。全無文理者。不便聽其濫充。請照例罰贖四等罰銀三兩。五等罰銀六兩。解交藩司。雇充對讀。並請於臨場考選。謄錄字畫時。兼取略曉文義者。分別記名。以備雇充對讀。應如所奏。再查各省辦送對讀。向不咨部。難以稽覈。請通行各省學政。於每屆鄉試時。將四五等生員。實入場對讀若干名。並解繳罰贖銀若干名。分別造冊報部。從之。○旌表守正被戕湖北鄖縣民藍士芳妻胡氏。○丁酉。諭軍機大臣等。據薩載奏。開放顧家莊引渠。分洩

運中河水暢達入黃情形一摺內稱測量顧家莊地勢河水高於引渠五尺即將該引河於六月十八日開放原挖口門十丈開放後復刷寬十餘丈口門水深一丈三尺餘寸分洩入黃約有三四分不特上游來水易消而下游運中河數日之內消水三尺餘寸溜勢平緩江廣糧船渡黃入口挽運甚易該處引河分洩得力已著成效第口門過寬日久恐致掣動全河今將兩壩頭用料裹護相機進

占等語看來該處引渠分洩上游漫口之水甚為得力其口門雖逐漸刷寬即使掣動全河之勢由此歸入舊黃河直注入海亦無不可如此則蘭陽現開之引河儘可從容籌辦毋庸再派隣省人夫致滋紛擾若如薩載所奏將壩頭裹護進占收窄口門轉恐分洩不能通暢有礙去路著傳諭阿桂令其通盤酌量情形一面據實具奏一面知照辦理再本日毓奇奏到迎催浙江幫船於六月十五日

全數已過濟寧其八牘以至濟寧緯道橋梁間有衝墊之處飭令承修各員隨時搶護修補重運北上俱屬穩速等語東省糧艘經由一切籌備橋梁緯道均屬妥協現在運中河之水日漸消落挽運尤易為力將來重運全數抵通尚能副常年限期所有毓奇及該道沈啟震及東省承辦各員料理尚屬妥速並著阿桂查明在事實係出力人員應行議敘者即奏請議敘至豫省挑挖引河工程昨又

寬予期限直至冬春之間竣事甚屬從容今閱本日薩載所奏情節是豫省雇募人夫自足敷用竟可不必復借資隣省著傳諭鄭大進所有從前雇備協濟人夫五十名即行停止毋庸前往薩載毓奇等原摺俱著鈔寄阿桂閱看將此由六百里一併諭令鄭大進薩載李奉翰等知之○又諭據畢沅奏接據朱椿咨會查繳回民海富潤經本書籍並未轉行查辦恭候諭旨遵行一摺所奏未免過遲

陝甘回民甚多。其安分守法者。傳習經義書籍。由來已久。斷無查辦之理。畢沅既見及此。即應據實陳奏。方不愧封疆大臣實心任事之道。乃直待朕降旨始行遵辦。豈有伊所見及之事。朕轉不能洞悉其應辦與否乎。畢沅此奏。明係有心觀望。以文飾其具奏遲延之故。其藉詞取巧。實為朕所鄙笑。將此諭令知之。吏部奏。捐復人員。有彙奏請旨及州縣以上帶領引見之例。惟繳銀上庫。向無定限。請嗣後凡奉旨准捐人員。吏部知照戶部。查明該員原任。有無未完官項。統以奉旨之日。始限三月內。將捐項上庫。俟上庫知照到日。州縣以上。再行帶領引見。佐雜等官。註冊銓補。如逾限者。扣除不准捐復。報聞。○戊戌。諭前據明亮等奏。迪化州知州德平等。自乾隆三十九年以後。俱有採買糧石。侵蝕銀兩之事。當經降旨。派令刑部侍郎喀寧阿前往烏魯木齊。會同明亮查辦。據喀寧阿等查明。

德平。瑚圖里等各犯。經手採買。侵吞銀兩。屬實。並索諾木策凌歷年在都統任內。俱有收受德平等銀兩禮物之事。當即降旨。將案內各犯革職查抄。並派侍郎福長安馳往盛京。將索諾木策凌等解行在審。訊喀寧阿亦將各犯解到。當交軍機大臣會同行在刑部審擬。復命行在大學士九卿等會審。定擬具奏。茲據大學士九卿等審訊德平。瑚圖里等。侵吞銀數。自數萬兩至數百兩不等。其索諾木策凌收受餽送銀兩。始猶畏罪狡賴。及再四嚴鞫。自行供認。將瑚圖里等分別斬絞立決。監候等因。請旨定奪。上年甘省冒賑一案。辦理甫畢。今復查出烏魯木齊侵蝕採買糧價之事。本應從重究辦。因去歲甘省冒賑案犯較多加恩。將二萬兩以上者斬決。一萬兩以上者監候。入於情實。一千兩以上者。臨時分別請旨。所以區分情罪。法至寬也。今此案亦因冒賑案內查出。事同一例。所有瑚圖里一

犯在宜禾縣任內。侵蝕銀三萬三千餘兩。又復查出虧空庫項數萬餘兩。實屬法無可貸。瑚圖里著即處斬。其子亦照上年甘省侵冒案內。數在四萬兩以上各犯之例。俱發往伊犁充當苦差。其年未及歲者。交刑部監禁。俟及歲時。再行發遣。鄔玉麟係緣事發遣新疆人犯。在都統衙門賣緣辦事如幕賓。膽敢向各州縣交結勾通。私納賄賂。所得贓私至三千餘兩。情節甚為可惡。王老虎郭子係索諾木策凌管門家人。私向德平等勒索銀兩至千餘兩之多。復敢代為伊王承認收受。各屬員銀兩禮物。希圖為伊王卸罪。尤屬狡詐不法。鄔玉麟王老虎郭子俱著如議即行處絞。索諾木策凌所擬斬決之罪。姑從寬改為應斬監候。秋後處決。仍著福長安同刑部堂官押帶至行刑處所。令其看視王老虎郭子等正法。俾知狡供承認。徒罹國憲。究不能為伊寬其罪也。其餘侵蝕銀一萬兩以上之德乎

五彩雲主詰及侵蝕銀一萬兩以下之徐維綬。傳明阿木和倫張建蓉俱依擬應斬監候。秋後處決。交刑部存記。屆期請旨分別辦理。○已亥諭軍機大臣等。據鄭大進覆奏代雇豫工人夫。遵旨停止一摺。此事在豫省則以幫夫為急。在直隸山東等省則以辦夫為難。從前閱伊等所奏情節。朕早經料及。是以節次降旨。諭令李奉翰韓鐸等即在本省儘數雇募。今直隸已經受雇之夫。相隔月餘。尚未起身。則可知小民裹糧遠涉。俱非樂從。果不出朕之所料。又本日明興奏到摺內。亦稱各村莊可以傭作之人。俱不願受雇。現在飭令委員將曹縣境內應行挑挖工程。先儘力趕辦。俟夫役漸增。再將豫省工程協助施工等語。所奏亦屬實在情形。只可如此辦理。至從前白露節間完工一說。朕揣度情勢。屆期斷不能歲事。故屢次降旨寬限。至明春桃汛以前。亦不為遲。今立秋已逾數日。轉瞬白露。該

省工程尚未據奏報分數。即使此時各省人夫齊集。白露以前亦斷無依期完竣之理。著傳諭阿桂。李奉翰等務遵照諭旨。在本省陸續雇募人夫。從容辦理。總期於引河深濬。堤工堅實。不妨略遲其期。總以開放時掣動大溜。引歸正河為要。昨御製助夫詩一首。著鈔寄鄭大進。李奉翰。韓鐸。富勒渾。明興等閱看。鄭大進等原摺亦一併鈔寄阿桂閱看。將此由六百里各諭令知之。○

御製助夫詩曰。青龍岡無望。因之議改絃。蘭陽至商邱。議將引渠穿。南隄外築隄。導河可歸川。舍此別無策。遑論棄民田。然此實為民事當輕重權。惟是西至東。百六十里綿。工鉅用夫多。大吏刺手難。因之思助夫。入告飛章連。而我思長計。此事恐未然。齊有被災區。工代賑可焉。直隸本無災。民謀食弗艱。雖與之雇值。安土怯往還。且有吏押去。是無罪受愆。因憶古興工。率用民力全。何曾與雇值。長城今

目前本朝俱動帑愛民

家法傳仍猶恐累民人情率重遷亟命相酌商可已則已辦工鉅不可停民勞更所憐不應因愛民却致勞民間展轉反側籌為君難一端更思助夫議蓋因期迫煎伏秋汛總過何必不可延設再展其期徐為工自堅而亦可減夫隣助庶無煩然總賴

天恩佑民永安瀾○又諭曰。明興奏查明通省虧缺情形。勒限彌補一摺。內稱伊到任後訪

查通省虧缺約有二百萬兩深為疑惑。曾飭藩司前往盤查。虧短之數與各州縣所稟不符。即參革治罪。嗣據稟覆通省倉庫實祇共虧缺一百三十餘萬兩。係該州縣等陸續竭力彌補。是以虧缺之數比前較減。似無徇隱。現在復督藩司勒限一二年內可彌補完竣等語。如此辦理亦可東省虧空至二百萬兩之多。殊出情理之外。國泰于易簡平日所司何事。其罪益無可逃。已於摺內批示。明興摺

著鈔寄留京辦事王大臣。刑部堂官。即監提國泰于易簡。令其閱看訊供具奏外。所有該省應行彌補虧短之數。著傳諭明興。即按照虧缺多寡員缺大小。覈定期限。期之遠近。統於一二年內。全數彌補。以清帑項。如此辦理。已屬朕格外施恩。若再不知感懼。上緊實力彌補。則是天良盡喪。自取罪戾。明興等。即據實嚴叅。從重治罪。再不能曲為寬貸矣。○又諭前經降旨。令明亮。將續行查出虧空帑項四萬餘兩之現任奇台縣知縣窩什渾革職。就近親提嚴訊。究擬具奏。現在查出虧空案內瑚圖里一犯。經軍機大臣會同行在刑部審訊。確實降旨。將該犯業經正法。其子亦照上年甘省冒賑案內。侵銀四萬兩以上各犯之例。將年及歲者發往伊犁充當苦差。年未及歲者監禁刑部。屆期發遣。今窩什渾膽敢將庫存銀兩任意虧缺。至四萬餘兩之多。亦屬法無可貸。著傳諭明亮。將該犯嚴行究訊。

錄取確供。即照此次瑚圖里之例。速行定擬具奏。再該二犯侵冒虧空銀至十餘萬兩。何以本旗並無財產。其所侵虧銀兩。想仍在任所藏匿。抑或另有寄頓花費之處。並著明亮訪查明確。速行辦理。○吏部議覆山西巡撫農起奏。稱新例督撫衙門筆帖式。不准委署地方事務。惟查晉省歸化等廳。與蒙古交涉事件甚多。較口內地方不同。必須通曉滿文之員。方能辦理。請嗣後口外理事各廳缺出。一時如不得人。准以筆帖式暫署。應如所奏從之。○庚子諭。前據陳輝祖奏。審擬仁和縣已革監生卓天柱。收藏伊先人卓長齡等違礙詩集。照大逆緣坐辦理等因。一摺。已批三法司覈擬具奏矣。此案卓長齡等五犯。如果伊等現存。自應按律問擬。因命軍機大臣。將該省解到各詩集。覆加閱看。簽記。今據簽出各書。進呈。朕閱其詩集內語意。牢騷詞句。違礙亦不能免。但究係康熙初年之人。且物故

已久所有卓長齡等五犯著加恩免其戮屍其餘緣坐各犯俱著一體寬免至卓天柱於此等詩集理應早為呈首乃敢隱匿收藏殊干例禁該督等問擬斬決固屬罪所應得但據該督奏稱該犯兩目青盲未曾見過詩集著從寬改為應斬監候秋後處決餘著照該督所奏完結該部知道○又諭朕每歲駐蹕熱河時所有補放世襲佐領之擬正擬陪列名人員俱帶來引見補放叅領印務章京公中佐領以及百日服滿之文武官員亦俱帶來引見每次令伊等全行來此在力不足者不無拮据嗣後朕駐蹕熱河時補放世襲佐領祇令正陪人員前來引見列名之人毋庸前來倘所擬正陪不公朕自必降旨調取列名人員或列名人員內有謂都統等定擬正陪不公情願前來者亦聽補放叅領印務章京祇將擬正者帶來引見其擬陪者并不必來至公中佐領缺出儘可派員暫署百日服

滿之文武官員引見後不過歸原衙門行走俱俟朕回鑾後帶領引見著為令○又諭曰科爾沁郡王齊默特多爾濟無嗣其扎薩克多羅郡王爵著伊弟巴勒珠爾承襲○又諭理藩院奏垂扎勒三等台吉不應承襲自屬照例但念甫經承襲一次著加恩令伊子烏爾占扎布仍承襲三等台吉烏爾占扎布倘無勞績缺出時再停承襲並著為令○辛丑諭軍機大臣等前據朱椿奏查辦回民海富潤攜帶回字經卷等書一案以回民素習之經典該撫輒視為悖逆不法請旨查辦已屬可笑且自以為急公不待接奉諭旨即分咨各直省一體查辦幸此事朕早慮其滋擾即降旨通諭各督撫毋庸辦理現據各督撫紛紛覆奏俱以接奉諭旨即停飭屬查拏設譬如朱椿之率行搜查經卷則各省回民不勝其擾更復成何事體耶朱椿著再傳旨嚴行申飭並著傳諭朱椿伊此事辦理錯謬本應

照譚尚忠之例降調因其初任不諳又尚為辦事起見其所奏並非若譚尚忠之有意邀譽沽名者比是以免其議處嗣後務當準酌事理輕重留心妥辦副朕委任若再蹈前轍冒昧從事則是自貽伊戚朕不能再為寬宥也○又諭據李奉翰等覆奏各省幫雇民夫趕緊辦工一摺內稱直隸動項雇夫五千名聽其委員管送來工即一面札令毋庸再為代雇等語直隸代雇之夫前據鄭大進奏報現在尚未起身業經降旨令其飛飭停止矣且豫省挑挖引河工程斷不能於白露節間依期完竣已屢經降旨緩至明春桃汛以前歲事訓諭甚為明切李奉翰等遵照節次所奉諭旨就本省雇覓人夫儘可按照展限從容辦理何復以直隸等省幫雇人夫嘵嘵陳奏看來伊等於辦理此事拘泥畏蕙茫無主見其於各省辦夫情形亦全未計及而惟令人分過幫助是以令大學士公阿桂前往豫

工督辦現在阿桂已於本日自京起程伊到工後自能主持一切至於開放引河無論秋汛前斷趕不及即冬月水落之際放水亦不能得力不若於凌汛桃汛時酌量開放然凌汛流漸紛下尚不如桃汛時勢較平和水又有力爾時一舉成功最為穩妥如此則辦理人夫儘可分段通融又何必張皇急遽乎著將此由五百里傳諭阿桂令其悉心妥議覆奏并令李奉翰韓鐸富勒渾鄭大進薩載明興知之○壬寅吏部等部議覆烏什辦事大臣工部尚書綽克托等奏稱庫車喀喇沙爾二城駐劄典史各一員承辦糧餉諸事漢人不諳滿文請照烏什葉爾羌喀什噶爾三城例於京城滿洲廢員內揀選二員引見給以主事銜前來將現在二城典史撤回應給典史鹽菜銀即給新派人員併照烏什等處例三年期滿更換其年滿之員仍暫留半年俟新派人員熟悉再令回京等語應如所奏惟

所給鹽菜銀。應照辦糧主事分例給與。其原設辦事典史銀糧裁。再發往之員。如能勤職。年滿時亦照例令該處大臣奏明。交部辦理。從之。○豁除江蘇銅山縣建築越隄占廢田地十三頃十五畝有奇額賦。○癸卯諭曰。國泰。于易簡前在山東撫藩任內。朋比營私。國泰身任封疆。勒派通省屬員。婪索得贓。數至累萬。于易簡係大學士于敏中之弟。加恩用為藩司大員。乃一味逢迎阿附。及朕降旨令其來京。面加詢問。伊甘誦欺罔。不肯實言。並令軍機大臣詳加開導。究詰。伊始終為之庇護。昨經御史錢澧奏。命和珅劉墉等前往查審。賊私敗露。依律問擬斬候。復命大學士九卿等會覈。請旨即行正法。維時以六月停刑。從寬仍改為應斬監候。茲又據明興奏。查辦山東各屬虧空。竟至二百萬兩之多。實堪駭異。因命留京辦事王大臣等。將明興查辦東省虧空奏摺。令國泰。于易簡閱看。訊供具

奏。據國泰。于易簡同供。自乾隆三十九年。因辦理王倫逆案。有豫備守城。不准開銷之項。各州縣因公挪移。致有虧空等語。王倫滋事之案。辦理不及一月。即使因公挪移。何致有二百萬兩之多。况伊等身為撫藩。如果查係實在公用挪移。即應據實奏明。朕必降旨加恩。准其報銷。若係州縣藉詞侵冒。亦應據實嚴參治罪。乃國泰。于易簡。但知罔上行私。通同舞弊。而於屬員虧空帑項。概置不問。其罪實與王亶望將全迪相埒。即立予棄市。原所應得。但尚有王倫一案。藉詞卸罪。較之王亶望等。又可略寬一綫。國泰。于易簡著加恩賜令自盡。派侍郎諾穆親前往宣旨監看。並將此通諭中外知之。○諭軍機大臣等。據阿桂覆奏。接奉諭旨。赴工遵辦。及奏報起程日期。一摺。內稱霜降以後。若未能一律完竣。即奏請展限。據臣愚見。亦斷不至挑汛以前。即可告竣等語。在阿桂之意。以要工早得竣事。可

以仰慰朕懷。但朕前降旨內所有明年桃汎前開放引河之說。非專為阿桂等辦理此事。寬其期限。向聞開放引河。必當借水長時。刷沙奔壑。方為有力。若開挑完竣。在冬月水斂之時。放水恐不能得力。未必如凌汎桃汎時。酌量開放之穩。而凌汎水勢尚帶冰凌。又不如桃汎時之開放順暢。更為得力。況從前閱阿桂等開放引河摺內。尚稱稍遲數日。蓄高水頭。則開放時。有一瀉千里之勢。可以掣動大溜等語。此一定不易之理。豈可於冬月水落之候。輕易從事乎。阿桂到工後。當與李奉翰等悉心體訪。酌量情形。再行據實具奏。將此由五百里傳諭阿桂。並諭李奉翰等知之。又諭曰。農起奏查閱鹽池情形一摺。內稱本年入夏以來。晴雨調勻。新鹽豐旺。現在堆貯新鹽已數一年之用。此後尚有數月之期。可冀加倍豐收。一切召商承辦各事宜。統俟九月場工完竣。會同陝西河南撫臣覈計成

本遵旨另行調劑妥議等語。該省產鹽豐旺。為二十餘年來僅有之事。覽奏殊為欣慰。但摺內所稱覈計成本。調劑妥議之處。該撫雖尚未奏明。朕揣度其意。似為加價起見。此斷不可。商人承辦鹽飭。每以成本重大。配運維艱。懇請加價。冀圖得利。但商人多一分利息。即小民多受一分賸剝。況產鹽豐旺。雨水調勻。其澆曬刮收等事。亦較易為力。其鹽價祇當議減。不得議增。著傳諭農起。將來與陝西河南各省會議時。務須遵旨妥辦。以副朕惠愛元元之至意。甲辰。命續繕四庫全書三分。分度文匯文宗文淵閣。諭朕稽古右文。究心典籍。近年命儒臣編輯四庫全書。特建文淵文溯文源文津四閣。以資藏度。現在繕寫頭分告竣。其二三四分。限於六年內。按期歲事。所以嘉惠藝林。垂示萬世。典至鉅也。因思江浙為人文淵藪。朕翠華臨莅。士子涵濡。教澤樂育。漸摩已非一日。其間力學好古之士。

願讀中秘書者自不乏人。茲四庫全書允宜廣布流傳。以光文治。如揚州大觀堂之文匯閣。鎮江金山寺之文宗閣。杭州聖因寺行宮之文瀾閣。皆有藏書之所。著交四庫館再繕寫全書。三分安置各該處。俾江浙士子得以就近觀摩。騰錄用昭我國藏書美富。教思無窮之盛軌。至前者辦理四庫全書。考募各騰錄。皆令自備資斧。五年期滿。給予議敘。至為優渥。但人數眾多。未免開俸進之門。且現在議敘者尚虞壅滯。若因此致礙選途。又非朕策勵人才之本意。此次續繕四庫全書。三分俱著發給內帑銀兩。雇覓書手繕寫。在鈔胥等受值傭書。自必踴躍從事。而書成不致濫邀議敘。亦於銓政無礙。所有應辦各事宜。及添派提調校對等官。著交四庫全書館總裁悉心妥議具奏。以副朕振興文教嘉與多士之至意。○又諭承德府屬平糶餘米業經展糶三千石。以資接濟。茲恐民食尚有不敷。

著再加恩平糶一千石。以副朕軫恤窮黎至意。又諭各省督撫。每逢年節及朕萬壽呈進貢物。原以聯上下之情。在伊等本任養廉。原屬優厚。除贍給身家。及延請幕賓支用外。出其贏餘備物申悃。固所不禁。而伊等之陞遷倚任。則全不係乎此也。從前尹繼善。梁詩正。高晉諸人。或由封疆簡任。綸扉或由卿貳。晉叅密勿。伊等並不以貢獻見長。此天下所共知。亦屢以申諭矣。即如李侍堯。久任總督。其所辦貢物較他人為優。但實因其才堪任事。是以簡畀封疆。前以收受礦課盈餘。一經發覺。朕即治以應得之罪。未嘗稍事姑容。適有上年蘇四十三之事。軍務倥傯。一時不得其人。是以棄瑕錄用。令其自効。然僅予以三品頂帶署理總督。以贖前愆。自莅任以來。查辦監糧冒賑一案。不避嫌怨。積弊一清。實不負朕加恩復用之意。是以昨始降旨賞還現任頂帶。並非因從前呈進貢物較優。疊邀恩

眷也。至國泰在山東巡撫之任，其所辦貢物亦較他人為優。伊小有聰明，辦事尚屬勇往。朕本欲造就其材，因伊所進過多，屢加當面訓飭。上年伊父文綬獲罪，發往新疆効力。伊奏請捐廉四萬兩，為伊父贖罪。朕以國泰果能實力察吏安民，即可為父幹盡，但罰彼父而不及彼，初不料其公然勸派屬員，毫無顧忌。昨經御史錢澧奏，命和珅、劉墉等前往查審得實，復命大學士九卿覈奏，依律問擬斬決。尚加恩改為監候。茲又據明興查出通省各州縣虧空庫項，竟有二百萬兩之多，則國泰之罪更無可逭。昨已明降諭旨，賜令自盡。何嘗以國泰平日用心貢獻，遂可邀恩倖免耶？至于易簡，係大學士于敏中之弟，由微員加恩用為藩司。藩臬大員，原係幫助巡撫辦事之人，理應秉公守正。遇有督撫貪婪敗軌之事，自當據實直陳。乃于易簡經朕面詢國泰款蹟，復令軍機大臣開導究詰，伊竟始

終掩飾甘蹈欺罔。則國家亦安用此藩司為耶？是以一併賜令自盡，以昭懲儆。總之督撫大吏，惟當正己率屬潔清，自矢庶不負察吏安民之任。若專以進獻為能事，已非大臣公忠體國之道。况又藉名以為肥身之計，督撫取之屬員，屬員必取之百姓，層層剝削，閭閻生計尚可問乎？且督撫呈進方物，原以廉俸有餘，藉抒忱悃。若仍輒轉取之民間，朕又何難明加賦斂，而必假手於督撫？朕必不為也。至藩臬等承上接下，尤當秉公持正，毋稍存依阿苟且之見。今因辦理國泰一案，特降諭旨，再行明切曉諭各省督撫藩臬等，其各仰體朕意，毋蹈覆轍，以副朕用人行政。明刑止辟之至意。將此通諭中外知之。○諭軍機大臣等：本日據明興覆奏運河情形一摺，內稱從前查看運道，見南陽、昭陽、微山各湖水色均係清水。曾詢問該處地方官，據稱湖西本有前明運河一道，去歲南陽、昭陽、微山各湖

積水本多。水勢甚旺。足以敵黃。黃水由湖西邊即已南注。並未入湖。故湖水仍清。不致淤墊湖身。又前明舊運河尾。直至江南。始與中運河相會。故黃水在東境。並未入運。其運河間有漫沒。乃係清水擠逼過高所致等語。若果如所奏。實堪欣慰。但閱從前所進青龍岡漫口下注圖內。竟係黃水與湖水連為一片。恐不能無淤墊阻礙之處。再今歲情形。是否與上年相似。朕心深為廕念。著傳諭阿桂。到

工時。悉心體訪。將各該處實在情形。迅速由驛覆奏。並繪圖貼說呈覽。○乙巳

孝懿仁皇后忌辰遣官祭

景陵○諭本日姚成烈奏遵旨省釋回民一摺。內稱接據朱椿來咨。當將袁二擎訊因旋奉諭旨毋庸辦理。隨將袁二當堂省釋等語。袁二本係安分回民。年已七十。該撫自當即行釋放。此事前據朱椿具奏時。朕即降旨通諭各督撫。停其查辦。今姚成烈奏據咨查擎袁

二。致年逾七旬之人。無辜受累。可見各省因此滋擾者已不少。皆朱椿辦理錯謬所致。朱椿雖不致如譚尚忠之徇情邀譽。而其不諳事理。輕重率行分咨查辦。冒昧之咎。亦所難辭。朱椿著交部察議。○又諭此次東三省派撥隨圍人等。前來甚早。距進哨之期尚遠。伊等在此等候。未免糜費。著交該將軍等嗣後派撥隨圍人等。令自七月十九日至二十三日以內。前至熱河。不必早來。至明年朕往盛

京。毋庸派撥。○諭軍機大臣等。本日據閔鶚元奏。分辦浙江海塘料石情形一摺。內稱初次所辦條石十三萬六千餘丈。業經全數起運赴浙。其接辦之九萬六千六百餘丈。勒限趲運。扣至明年三四月間。可以一律辦完。運竣等語。該省所辦塘工料物。源源接濟。陳輝祖自當督率工員趕緊辦理。但未知此時所辦工程。究有幾分。約於何時可以完竣。著傳諭該督。令其確覈工段。按日計算。據實奏聞。

再從前節次所撥銀兩並賠繳查抄各項銀兩俱留為海塘之用將來工程告竣時是否足敷應用並著該督詳晰確查開具簡明清單一併覆奏○又諭據李侍堯奏接准軍機大臣議覆俞金鰲奏請將駝隻料草節省銀兩撥補節年虧缺公費等因將現在查辦緣由先行覆奏一摺內稱甘省駝隻料草節省銀兩歷年借動多未歸款現在飭司行查尚未據覆今提臣奏請將此項撥填公費自必

急向兵丁扣餉完繳是本欲借此項以抵兵欠轉因繳此項而加扣兵餉等語此言甚通已於摺內批示矣此項駝隻料草節省銀兩如果各標營實貯無虧方可撥補他項今既查明積年壓欠未能立時完繳若因此加扣兵餉是欲利兵而轉以累兵殊非朕軫恤戎行之意至此項那墊因何久未歸款緣由著李侍堯確查覆奏其節年虧缺公費銀兩應如何通融籌畫撥補俾兵丁實霑利益之處

俟奏到時再降諭旨將此傳諭知之○丙午諭本日福康安奏續據逃兵張順等三十六名自行投首分飭解省辦理一摺所辦甚好此等脫逃兵丁本係罪應斬決之犯因事隔多年不忍概予駢誅節經明降諭旨統限二年准其自首免死改發新疆此實朕格外施仁於無可寬減之中予以一綫生路伊等稍有人心自無不即行投首之理惟在地方官家喻戶曉俾人各周知心無疑懼則共慶更生自必亟為投首即如福康安此次奏報自首逃兵三十六名及從前投首之楊子坤等一十九名統計已有五十餘名可見福康安飭屬盡心設法曉諭不遺餘力以致伊等皆知樂生免死不復因循藏匿福康安辦理此事甚屬認真著交部議敘至此項逃兵各省俱有而自降旨以來何以奏報投首者仍屬寥寥各省督撫辦理之不善能勿引以為愧乎嗣後務再嚴飭所屬實力奉行將前後所

降諭旨刊刻發貼使窮鄉僻壤廣為傳播若
二年限滿之後仍不投首則是怙惡不悛仍
不知恩憚於遠遷一經拏獲罪在不赦斷不
能再為曲貸也福康安原摺著發鈔並將此
通諭知之○又諭前據薩載奏開放顧家莊
引渠分洩運中河水暢達入黃情形一摺朕
以該處引渠分洩上游漫口之水既能得力
即使掣動全河由此歸入舊黃河直注入海
似亦無不可因降旨詢問該處情形是否可

以如此辦理此朕厯念河防設為或然之想
今據薩載覆奏顧家莊所開引河分洩運中
河之水入黃實為得力若一經掣動全河則
顧家莊至楊家莊口門此七十里運道即不
能通行舟楫必須經由黃河七十里始行入
運等語此等情節朕實未知薩載熟悉彼處
情形據實入告所辨甚是自應照所議行朕
辦理庶務從不肯絲毫稍執已見况河工運
道必須親履其地目擊情形方能洞悉無遺

此次堵築漫口久未完工朕宵旰勤求不得
不曲為籌畫如果該處情形未便原應據實
直陳不必稍涉迴護方合大臣任事之道即
如豫工需用隣省助夫一節經朕降旨寬予
限期至明春桃汛開放引河其直隸山東雇
募人夫俱停止前往亦因伊等辦理此事見
識實有未到朕自當為之通籌全局伊等在
工言工任大責重故見張皇朕亦不之怪也
所有薩載奏到原摺及李奉翰韓鐸富勒渾

各摺俱著交行在大學士九卿等閱看並將
此通諭中外知之○諭軍機大臣等本日據
薩載奏查看青龍岡迤下漫衍之水逐漸澄
淤流入微山湖等因一摺其所奏情形俱已
覽悉並於摺內詳晰批示矣但閱該督奏到
兩圖並韓鐸奏到圖內其所繪三湖自金鄉
以下即係清水而黃水別無南下去路據稱
係湖滿頂住黃水不致直灌等語則似黃河
於金鄉以上即漸次澄淤以下皆清水矣而

昨日明興覆奏摺內則稱湖西本有前明運河一道去歲南陽昭陽微山各湖積水本多水勢甚旺力足敵黃是以黃水由湖西邊即已南注並未入湖又前明舊運河尾直至江南始與中運河相會等語又似黃河被湖水所逼自行一路至江南始入運河何以此次薩載韓錄進到圖內並未將舊運河一道黃水經由南下之處繪入著傳諭薩載李奉翰韓錄明興等查明湖西舊運河坐落方向究

在何處其薩載韓錄明興等所進三圖究竟以何為準一併詳查聲敘添繪合成一圖貼說據實會奏勿稍存迴護之見本日進到各圖及昨明興所進之圖一併發去將此由五百里傳諭薩載等並諭阿桂知之○丁未工部奏

壇

廟工程及祭祀陳設事宜向係工部會同太常寺辦理兩處會同徒滋紛擾不若分款承辦

以專責成請嗣後修葺工程度置幄次懸掛望燈等事歸工部其糊飾拂拭陳設等事歸太常寺報聞○戊申予故原任福建巡撫楊魁致祭如例○己酉諭禮部具題本年八月十五日京師月食百官朝服齊集太常寺行救護禮一本雖係照例具題但日月薄蝕究非經行常度向來朕遇此等事皆於宮中素服拈香行救護禮百官齊集救護亦應素服將事以合泰鼓之義嗣後如遇日月食雖當

應穿朝服之期亦著用素服行禮著為令○命館臣編輯河源紀畧諭今年春間因豫省青龍岡漫口合龍未就遣大學士阿桂之子乾清門侍衛阿彌達前往青海務窮河源告祭

河神事竣復命並據按定南鍼繪圖具說呈覽據奏星宿海西南有一河名阿勒坦郭勒蒙古語阿勒坦即黃金郭勒即河也此河實係黃河上源其水色黃迴旋三百餘里穿入

星宿海自此合流至貴德堡。水色全黃。始名黃河。又阿勒坦郭勒之西有巨石高數丈。名阿勒坦噶達素齊老。蒙古語噶達素。北極星也。齊老。石也。其崖壁黃赤色。壁上為天池。池中流泉噴涌。醴為百道。皆作金色。入阿勒坦郭勒。則真黃河之上源也。其所奏河源。頗為明晰。從前康熙四十三年。

皇祖命侍衛拉錫等往窮河源。其時伊等但窮至星宿海。即指為河源。自彼回程覆奏。而未

窮至阿勒坦郭勒之黃水。尤未窮至阿勒坦噶達素齊老之真源。是以

皇祖所降諭旨并

幾暇格物編星宿海一條。亦但就拉錫等所奏以鄂敦他臘為河源也。今既考詢明確。較前更加詳晰。因賦河源詩一篇。敘述原委。又因漢書河出昆侖之語。考之於今。昆侖當在回部中。回部諸水皆東注蒲昌海。即鹽澤也。鹽澤之水入地伏流。至青海始出。而大河之水

獨黃。非昆侖之水。伏地至此。出而挾星宿海諸水為河。潰而何。濟水三伏三見。此亦一證。因於河源詩後。復加按語。為之決疑傳正。嗣檢閱宋史河渠志。有云。河繞昆侖之南。折而東。復繞昆侖之北。諸語。夫昆侖大山也。河安能繞其南。又繞其北。此不待辨而知其誣。且昆侖在回部。離此萬里。誰能移此為青海之河源。既又細閱康熙年間拉錫所具圖。於貴德之西有三支河。名昆都倫。乃悟昆都倫者

蒙古語謂橫也。橫即支河之謂。此元時舊名。謂有三橫河入於河。蓋蒙古以橫為昆都倫。即回部所謂昆侖山者。亦係橫嶺。而修書者不解其故。遂牽青海之昆都倫河為回部之昆侖山耳。既解其疑。不可不詳誌。因復著讀宋史河渠志一篇。茲更檢元史地理志。有河源附錄一卷。內稱漢使張騫道西域。見二水交流。發蔥嶺。匯鹽澤。伏流千里。至積石而再出。其所言與朕蒲昌海即鹽澤之水入地伏

流意頗合。可見古人考證已有先得我心者。按史記大宛傳云：于闐之西水皆西流注西海。其東水東流注鹽澤。潛行地下，其南則河源出焉。河注中國。漢書西域傳：于闐國條下所引亦同。而說未詳盡。張騫既至蒲昌海，則或越過星宿海，直至回部地方，或回至星宿海而未尋至阿勒坦郭勒等處。當日還奏，必有奏牘或繪圖陳獻，而司馬遷班固紀載弗為備詳。始末僅以數語了事，致後人無從考

證。此作史者之畧也。然則武帝紀所云昆侖為河源，本不誤。特未詳伏流而出青海之阿勒坦噶達素，而經星宿海為河源耳。至元世祖時遣使窮河源，亦但言至青海之星宿海，見其有泉百餘泓，便指謂河源，而不言其上有阿勒坦噶達素之黃水。又上有蒲昌海之伏流，則仍屬得半而止。朕從前為熱河考，即言河源自蔥嶺以東之和闐、葉爾羌諸水，潄為蒲昌海，即鹽澤。蒙古語謂之羅布淖爾，伏

流地中，復出為星宿海云云。今覆閱史記漢書所紀河源為之究極原委，則張騫所窮正與今所考訂相合。又豈可沒其探本討源之實乎？所有兩漢迄今自正史以及各家河源辨證諸書，允宜通行校閱，訂是正訛，編輯河源紀畧一書，著四庫館總裁督同總纂等悉心纂辦。將御製河源詩文冠於卷端。凡蒙古地名人名譯對漢音者，均照改定正史詳晰校正，無訛頒布刊刻，並錄入四庫全書，以昭

傳信特諭

御製河源詩曰：惟嶽曰有五，惟瀆曰有四。四瀆河居一，宏功贊

天地。金隄護九曲，過年每有事。瓠子計已竭，靈源致虔祭。因遣侍衛往窮源，命必至歸來。新圖呈，舊圖稱未備。舊云星宿海，便即河源是。叶蒙古謂鄂敦鄂敦星宿謂此，固非差訛。然河其南寄，因更向西行。溯洄川益遠，色亦作黃金，別流無敢廁。詢以蒙古名曰阿坦郭

勒叶阿坦謂黃金郭勒則河義更西得巨石
詢蒙古名字阿坦噶達素北極星名意司水
見道經不約今古契再上則赤壁壁端天池
積叶醜泉作金色真源信無二山上胥金色
更無林木翳東南流折北屈注三百里叶穿
星宿海東色微淡以易東至貴德堡遂作純
黃色叶向稱星宿源亦未大差致集林云有
人見婦浣紗異張騫支機石更述荆楚記或
到星宿海傳會傳奇偽統

天一所生軒圖旨早示考訂誌其詳惟顧
安瀾賜○

御製河源按語曰按班固漢書張騫傳天子使
窮河源其山多玉石采來天子按古圖書名
河所出山曰昆侖云而固贊又謂騫使大夏
之後窮河源惡覩所謂昆侖者乎故言九州
山川尚書近之於是鄧展遂謂河源出於積
石是皆拘墟未見顏色之言蓋千古以上中
國以外紀載已舛言語不通而欲定其確實

何異北轅適越考元史始有星宿海之名而
以為河源元蒙古也鄂敦即星宿彼時訛譯
為火敦則漢人不通蒙古語耳此亦近之今
則更溯以上遂得真源然昆侖之語亦不為
無因蓋昆侖在今回部中回部諸水皆東注
蒲昌海即鹽澤也鹽澤之水皆入地伏流至
青海始出則星宿海諸水皆是也而大河之
源獨黃色為靈異更在星宿海之上非昆侖
之水伏地至此以出而挾星宿海諸水為河
瀆而何濟水三伏三見此亦一證矣獨漢書
所云采玉則因昆侖出玉未免牽就詢之阿
彌達則稱河源皆土山無石無石安能有玉
夫非精通蒙古語及漢書更問之親履其地
之人率欲定此事體大而地遠理博之事不
亦甚難乎於甚難而得決疑傳正亦一大快
也

御製讀宋史河渠志曰予既問之往祭河源之
侍衛阿彌達明悉河源在星宿海之西亦既

系之詩而按以語矣。因取宋史河渠志觀之。宋史元托克托等所修也。以蒙古人言蒙古地名。尚有踈舛失真者。則以蒙古人不深明漢文。宜其音韻弗合。名不正而言不順。以致紀載失實也。其所譯哈喇海齊必勒呼蘭伊拉齊之類。皆不合今蒙古語。非不合也。蒙古語猶是其音譯漢文則差也。茲姑弗論。獨所稱繞昆侖之南折而東。又云復繞昆侖之北。自貴德西寧之後云云。貴德即元之貴德州。

而今之河州之地也。西寧則仍西寧。此其間焉。有所謂昆侖者乎。夫昆侖自在回部。離此將萬里。誰能移於此為河源。細究其義。蓋修河渠志者。或曾讀漢書武帝記。因牽強為之辭。不知以訛傳訛。益增人不信耳。既又細閱康熙年間拉錫所具圖。於貴德之西有三支河。其名昆都倫。乃恍然大悟。昆都倫者。蒙古語謂橫也。橫即支河之謂。此蓋元時之舊名。謂有三橫河入於河。而修書者不解其故。遂

闌入回部之昆侖山。以證漢武之事耳。然蒙古謂山橫者曰昆都倫。或者張騫曾到回部之昆都倫。以及蒲昌鹽澤。謂為河源。則是與予所云不約而同。而要之究未明其入地伏流。為星宿海上之河源也。既解其疑。不可以不詳誌。如是則陶淵明所謂不求甚解者。為可行乎。為不可行乎。○

御製河源簡明語曰。予既為河源詩。並按語。既讀宋史河渠志。有文命輯河源紀畧。有論。茲以體大物博。考今證古。不無費辭。雖彼此細勘。事則明。恐毫釐稍差。義乃紊。茲為簡明之語。庶因提要而便覽。蓋河源究以張騫所探蒲昌海鹽澤及漢武所定昆侖為是。雖山海經。水經注。皆畧具其說。山海經劉歆稱伯益所著。本無所據。水經注則桑欽。酈道元。皆張騫後人。實祖其說而廣之。以致於煩文。且昆侖在回部。原出玉也。獨未明揭伏流至青海於阿勒坦噶達素之天池而出耳。歷唐宋以

至元。乃有鄂敦淖爾為河源之語。鄂敦為蒙古語。漢語即星宿海也。彼時雖未考至天池。而中國之河源。實由此頗見梗概矣。溯伏流以至蒲昌海鹽澤。非河源而何。星宿海亦鹽澤之伏流。至青海而出為清水。黃河挾之以流。始為微淡。後為純黃。是二水本一源。至中國出地為二色。而終歸於一。若夫曲折纖細。則見近所為詩文。及紀畧之書。獨敘其簡明。崖畧如此。○軍機大臣等奏。一統志內甘肅

之歸德所。今改為貴德所。其西寧縣屬歸德所縣丞。并歸德營遊擊。應交吏兵二部。均改為貴德。以昭畫一。報聞。○庚戌中元節。遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。○遣官祭

孝賢皇后陵。

端慧皇太子園寢。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百六十

大清高宗法天隆運至誠先覺體元立極敷文奮武孝慈神聖純皇帝實錄卷之一千一百六十一

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲副都統軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅七月辛亥諭前以

太廟尊藏

列朝寶冊係隨時鑄造玉質顏色不能一律整

齊特命英廉福隆安將和闐貢玉慎選良工

敬造

列朝寶冊一分以奉

太廟其舊藏之

寶冊恭送盛京

太廟尊藏以昭

祖

宗功德之成於萬代意深遠也今據將

列朝寶冊敬謹鑄造完成奏聞請旨朕維我國

家受

天庥命

列聖相承玉檢金繩虔申

對越自朕躬繼序以來仰荷

上蒼眷佑中外蒙休迄今年逾古稀日理萬幾

孜孜不倦無日不以敬

天勤民為念皆祇承

祖

宗之彝訓永維

餘慶篤念

前徽所有此項鑄成

寶冊本年孟冬時享閱視祝版之日著禮部堂

官敬謹安設中和殿俟朕親加閱視後次日

於朕行禮以前先派宗室親王齋捧供奉一

切應行儀注俱照

升祔之禮并著該衙門先期詳議具奏其舊藏

一分

寶冊仍照前旨於明歲敬諏吉日再行簡派皇子恭送盛京

太廟尊藏以誌文謨武烈顯承佑啟之盛○左副都御史覺羅巴彥學奏鄉會試頭場論內易藏關節請移置二場經文後將二場排律詩移置頭場制藝後主考同考等官於頭場卷閱薦畢始分閱二三場既閱二三場卷即不得復薦頭場得旨此奏深切時弊依議行

○陝甘總督李侍堯奏自蘭州至肅州西路一帶向未設有鋪司臣前奏請每驛添設驛夫接遞往來文移但鋪司驛夫均係地方官管轄恐武職呼應不靈查兩省衝途僻路均有塘汛墩臺每墩額設兵三四五名不等祇因積弛日久不能照額安兵並以官馬供私役今請將各汛通行酌定馬步兵之數如額安設並按其程途相距最遠者安馬三匹稍遠者二匹較近者一匹在武職緊要文移甚

少足敷馳遞至尋常文移儘可交各汛步兵接遞將節省馬兵充伍馬匹歸營統覈陝甘兩省營汛墩臺共安設馬兵七百四十一名較舊設各塘裁去馬兵六百九十三名馬六百九十三匹下部知之又奏各提鎮舊設塘兵俱以各本屬汛界為止獨延綏鎮自接界之晉省康家灘起直至盧溝安設三十七塘共兵八十名向係召募民人充補接遞該鎮本章及各部公文相沿已久應請一體裁革令將所裁兵作速募補歸營得旨覽又奏臣查辦裁設塘兵案內烏魯木齊提督所屬自迪化州起至哈密所屬星星峽止綿亘二千里多屬戈壁安墩汛二十五處相距百餘里七八十里不等途長站大汛兵不能兼顧應將原設塘撥照舊存留得旨覽○旌表守正捐軀陝西醴泉縣民相宿姓妻王氏○壬子諭本日大學士九卿科道等將從前任克溥條陳諸弊會議具奏摺內稱現在綱紀肅清

前代批政。俱已革除淨盡。惟在大小臣子實力奉行。自不致有因循廢弛之弊。此語朕疑信半焉。亦惟日慎一日。所其無逸耳。至副都御史巴彥學。有請更定科場詩論。以杜關節。以端士習之奏。所言實為深切時弊。不虛朕降旨求言之意。已依議行矣。蓋詩題係朕所命。且律句謹嚴。難以揣摩。又若頭場詩文。既不中選。則二三場雖經文策問。間有可取。亦不准復為呈薦。倘同考官仍蹈故轍。監試官即可指名叅處。如此亦防弊之一端。巴彥學此奏殊可嘉尚。又御史鄭澂摺內。所稱論內易藏關節一款。已於巴彥學摺內准行。其餘各款。仍著各該部議奏。朕宵旰勤求。孜孜不倦。凡有益於政治官方。民生國計者。莫不虛衷採納。即今年逾古稀。每歲臨幸山莊。藉舉秋獮大典。亦不肯少自暇逸。內外大小臣工。皆當仰體朕懷。悉心講度。勿謂已治已安。稍萌因循懈弛之意。即如巴彥學等條陳諸事。

其中頗有切中時弊者。我君臣當交相警惕。惕期於弊絕風清。以副朕疇咨亮采之至意。巴彥學鄭澂摺併發。將此通諭知之。○癸丑諭曰。長清前任古北口提督。於直隸一切營務。較為熟諳。現在伊丁憂回京。已滿百日。所有直隸提督員缺。仍著長清署理。剛塔著以提督銜管理馬蘭鎮總兵事務。兼內務府總管。不必前來熱河請訓。俟朕回鑾時。照依向年保寧接駕處所接駕。○又諭曰。科爾沁卓哩克圖親王恭格喇布坦之子琳沁多爾濟。今將九公主之格格指配與伊為婚。琳沁多爾濟不必俟其及歲。即賞給伊應得一等台吉職銜。仍賞戴花翎。○諭軍機大臣等。向來漕運總督。於糧艘全數抵通後。即就近赴熱河復命。本年各省糧艘北上較遲。必須上緊催趲回空。方可無誤冬兌冬開之期。著傳諭鄂寶。於漕船全數抵通後。即行督押回空船隻。迅速遄行。不必前赴熱河。○又諭據李侍堯

覆奏。青海蒙古被番子搶擄牲畜一案。現在飭屬購線偵緝。務期訪獲正犯。究出真贓。照例治罪等語。亦祇可如此辦理。青海游牧。屢經番子搶擄。實因蒙古等懦怯無能所致。著傳諭該督。祇須嚴飭所屬。選派熟悉番上緊緝拏。務獲毋致正犯遠颺。以示懲儆。將此並諭令留保住知之。令其曉諭衆蒙古等各自防守邊界。毋致被賊番搶劫。徒恃地方官為之緝賊可也。○甲寅。諭。朕閱蘭州紀畧。阿桂。海蘭察勞績甚著。從前漏稅案內。阿桂應罰公俸十年。海蘭察應罰俸四年。俱著加恩寬免。○予故琉球國貢使正議大夫毛景昌祭葬如例。○旌表守正捐軀河南項城縣民來四海妻張氏。○乙卯。諭。軍機大臣等。朕昨閱蘭州紀畧。於賊匪蘇四十三肆逆時。謝桓協同循化廳營前往賊巢。擒獲多犯。並隨總兵貢楚克達爾收復河州。甚為勇往。又宗開燊萬邦英。董熙等。於逆匪圍蘭州時。晝夜在城。

督率民夫防守。又黃道賧在安定縣拏獲馬明心。均屬出力。念伊等從前尚有微勞。於萬無可寬之中。求其一綫生路。著傳諭留京王大臣。並刑部堂官。將監禁各犯逐一通查原案。如有似謝桓等情節。曾經阿桂等委派兵務。實在出力。著有勞績者。即行據實具奏。並將此旨宣示各犯。許其詳細自行據實呈明。俟奏到時。交軍機大臣詳晰按冊查覈。再降諭旨。○又諭。據畢沅奏。請估變出旗漢軍空閒衙署一摺。內稱西安出旗漢軍。改補綠營各官。所遺衙署四十二所。及漢軍副都統空閒衙署一所。應一併估變。計值銀四千四百餘兩等語。陝省現應添設滿洲官兵二千數百名。又撫標添設綠營兵丁。亦不下數百名。自應一體撥給房間。令其居住。莫若將此項應行估變衙署空屋。畧為修葺。分撥棲止。較為省便。況現在該撫估變價值。不過四千四百餘兩。若舍此而另籌添建兵房。其所費恐

轉不止此。著傳諭畢沅會同伍彌泰令其再行通盤籌畫妥議具奏。尋奏漢軍協領等官衙署四十二所及裁汰漢軍副都統空間衙署一所俱在滿城大街南。自漢軍出旗改補綠營後分街北為滿城街南為漢城各立界限彼此隔別。所有現應添設滿洲官兵二千數百名似未便又令分住南城臣等酌議此番由京移駐旗員衙署除滿城舊有空間衙署四所儘數修補撥給外其應添衙署二十所約需銀四千九百餘兩請即於變價銀內動用數尚無多。至撫標所添兵係在省招募各有室家無需撥給官房報聞。○旌表守正捐軀湖北石首縣民劉某妻李氏。○丙辰進四庫全書表賜撰表之大理寺卿陸錫熊編修吳省蘭及改定表文之兵部侍郎紀昀扇緞筆墨有差。○丁巳諭軍機大臣等從前王亶望節次貢獻器物祇賞收數件餘俱發還今閱查抄伊任所貲財發還之物無一存者。

即此可見不實。昨陳淮來京陛見當經面詢據稱伊彼時已起程來京不能知悉而其詞色閃爍甚屬可疑。盛住現任藩司兼管織造本有奏事之責且此事與伊無涉又近在同城原委自必深悉著傳諭盛住將查抄王亶望家產究係何人承辦及有無侵蝕抵換情弊逐一確查密奏毋得稍有隱飾。○戊午諭曰明興奏兗州曹州二府及濟寧州所屬各州縣衛於六月中旬以後連值大雨黃流未斷湖河漲溢已涸地畝復被淹浸秋禾多有損傷現飭藩司派員前往查勘等語曹兗濟寧所屬各州縣衛上年被水災黎前已屢經降旨加恩賑卹今涸出之處復又被水且去歲勘未成災之處亦因水勢漫注秋禾難望有收覽奏甚為軫念所有此次續報被水地方著該撫督率所屬實力查勘將加賑展賑酌借諸事宜查照前旨一體妥為籌辦毋使一夫失所並將如何遵照及履勘秋災案內

應行加恩賑借之處。據實奏聞。候朕再降諭旨。○又諭內閣學士汪永錫。由尚書房派出。隨至熱河。昨因其患病。諭令回京調治。茲聞在途溘逝。著加恩賞給禮部侍郎銜。以示軫恤。○諭軍機大臣等。據李侍堯奏。審擬于得昇一犯。比照隨征兵丁。自軍前逃回。例減等擬斬監候等語。于得昇係安西營入伍正兵。該管員弁。自應熟識。豈有將不知兵。兵不知將之理。從前移駐新疆時。即鎮將等或因管兵衆多。未能盡識。而本營員弁。於兵丁頂冒何致漫無覺察。著傳諭李侍堯。即將從前于得昇頂冒名糧之時。該管守備及千把總等。係屬何人。即行確實查明。參奏。尋奏。于得昇移駐新疆。於中途頂替。彼時管押行走者。係前營遊擊柱德。千總明福。把總馬維國。並無都守除馬維國身故。無庸議外。餘請交部嚴加議處。得旨。該部議奏。○已未。

上幸卷阿勝境。賜扈從王公大臣及蒙古王公。

貝勒額駙台吉等食。至癸亥皆如之。○諭河東河道總督韓鐸。現在丁憂。所遺員缺緊要。現任淮徐道何裕城。從前隨伊父何燭。辦事年久。於一切河防事宜。尚為熟悉。何裕城即著加恩署理河東河道總督。其所遺淮徐道員缺。著劉錫嘏調補。○諭軍機大臣等。本日阿桂奏沿途晴雨情形一摺。內稱直隸正定以南至豫省大河以北。晴霽稍久。若再得雨。澤接濟。更為有裨等語。直隸迤南各府屬。前據鄭大進奏報業經得有雨澤。但近日是否晴霽稍久。農民望澤。又阿桂摺內稱十五十六兩日。在河南境內陰雨兩晝夜。勢極綿密等語。直隸迤南各府屬。與豫省接壤毗連。是否一律普霑。著鄭大進即查明據實覆奏。以慰厯注。尋奏。直屬五六月間。雨澤霑足。惟七月以來。晴霽稍久。近據附近豫省之大名府。稟報於七月十五十六等日得雨。其餘各府州縣。均於七月初一初四及初九初十等日。

各得雨而十五十六兩日則否得旨熱河覺望雨今已大霈矣畿南今亦被膏澤否○庚申軍機大臣等議准陝甘總督李侍堯奏稱宜禾縣改隸鎮西府請照從前改設之昌吉阜康奇台綏來等縣例書吏每名月給銀四兩八錢人役每名月給銀二兩俱日支口糧八合三勺從之○蠲免山東鄒縣乾隆四十六年分水災額賦○豁免陝西涇陽縣積年民欠社倉糧二千九十九石有奇○辛酉諭

曰御史宗室蔚文奏稽查朝陽門外看守太平等倉官兵請將派都統副都統之處停止於各倉附近處建房數間由八旗叅領按日輪班稽查等語都統副都統等稽查各倉該班官兵係向來成例派出之大臣等如果認真查察自屬有益若如蔚文所奏令叅領等輪班稽查不但大臣等得以偷安且恐叅領等彼此瞻徇即使查出必將掩飾亦屬有名無實蔚文所奏不可行除遵照舊例外凡派

出之查倉都統副都統等或逐日往查或乘間一往出其不意務期剔除諸弊不得因循塞責○壬戌諭軍機大臣等本日胡季堂等奏到京城七月分糧價清單比較上月大畧相仿但近來晴霽日久京師是否畧覺望雨於農田有無妨礙朕心深為廛念著傳諭留京辦事王大臣如果缺雨即照前一面派令回子等虔誠祈禱並傳諭順天府府尹查明近京各屬秋禾情形一併據實覆奏尋留京

王大臣奏七月二十七日京城得雨勢甚綿密城外約入土五寸秋禾實有裨益得旨此間雨更霑足順天府府尹奏京城及通州各屬俱經得雨早禾成熟晚禾並未傷旱報聞又諭據已延三覆奏回民海富潤無庸查辦一摺此等回教經卷非違悖書籍可比况海富潤即係廣東回民已延三身任總督兩省皆其管轄接准粵西咨文時即應酌量停辦據實奏明方不愧封疆之任總督與巡撫

雖屬同僚。但遇有巡撫辦理失當之處。自應隨時改正。乃亦如尋常鄰省咨查事件。意存觀望。直至接奉朕旨。始行停止。查辦殊屬非是。看來已延三於兩省公事。竟不能加意整飭。設伊身任陝甘總督。亦不過如勒爾謹之庸懦。無能自取咎戾而已。已延三著傳旨嚴行申飭。○以年老告休雲南景東直隸廳屬土知府陶澄子士樞襲職。○癸亥諭曰。和碩額駙朋蘇克喇錫。在內廷宣力有年。派辦清

字經文。俱屬妥協。茲聞溘逝。深為悼惜。著賞給公爵。仍賞銀三百兩。辦理喪事。該衙門照例派官賜奠。○以少詹事陸費墀為內閣學士兼禮部侍郎。○豁免甘肅隴西寧夏寧朔平羅等四縣乾隆四十六年分水災額賦。○豁免廣東澄海協出洋遭風漂沒海船并予淹斃兵郭得功賞卹如例。○旌表守正捐軀河南祥符縣民陳法瑞女陳氏。○是月欽差大學士公阿桂江南河道總督李奉翰河南

巡撫富勒渾遵旨議奏辦理隄渠工程。本年秋汎水弱。不如桃汎開放有力。批如何爾等亦非迎合朕意。但朕經事多。察理明。大約不出此。既尚有時日。必期隄工固而引渠深。一舉成事。勉為之又批。今年伏汎弱。明年桃汎必旺。此朕以理度之。想必成事。然爾等在工自當相機為之。不可泥於遵旨。○兩淮鹽政伊齡阿奏文匯文宗兩閘並建在淮南地方。今蒙繕發四庫全書分貯所有雇覓書手銀

兩淮商人懇請照數呈繳得旨。不必仍當用官項。○浙江布政使兼管杭州織造盛住奏杭州官用緞綢。曩由水路運解。長江風水守候稽遲。請照江寧織造新定章程。改為陸運。至自杭赴淮。向雇內河船運。至王家營起陸。並不經由長江。無庸更改。下部知之。○原任河東河道總督韓鐸覆奏黃水初漫時。湖河並漲。漫水所至。被清水隔住。因不能直入湖身。且漫口距各湖三四百里。水勢沿途停淤。

未至湖邊色已淡黃及遇清水其流更緩是以清濁不淆湖身不至淤及至玉皇廟穀亭一帶係當年舊運河形年久淤墊該處坡湖相連漫水沿湖由蘭家山下注並有另有隔別清黃之路亦無另有分洩入黃之區所以開放潘家屯等處分洩入黃浚六塘等處宣洩入海也現在各湖河實係澄清水深丈餘並未稍有淤墊得旨覽奏稍慰○又奏臣父於濟寧病故當即回署治喪伏念豫工未竣不敢拘泥回籍懇仍赴工隨同阿桂等辦理得旨不必朕不欲令人不盡孝也○巡視濟寧漕務內閣學士毓奇奏本年漕船每幫自入境以至出境計總在四十三日例限之內可無遲誤其緯道雖間被淹浸上緊搶護已修葺完固被水過深處令多備船并搭浮橋以通緯道得旨今年爾等實為盡心出力可嘉○陝甘總督李侍堯奏陝甘二省營馬定例安西提屬肅州鎮屬冬春以七分留槽三

分出廠西安甘州二提標西寧涼州寧夏河州四鎮及督撫三標均以六分收槽四分下廠各營恃有放廠之例不但夏秋盡數出青甚且冬春並不遵照定數收槽邊地嚴寒馬在廠經歷冬春以致疲瘦且營無現馬設遇緊用赴廠遠調更覺周章查從前定議止稱冬春收槽分數其夏秋二季未經指明臣蒞任後將臣標五營馬長年以四分出廠六分留槽此外二提四鎮及各標營冬春仍以六分收槽四分出廠至夏秋則五分下廠五分收槽如全數放廠者查出嚴叅得旨好實力為之

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百六十一

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百六十二

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件管理

吏部理藩院事務正黃旗滿洲都統世襲副都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲副都尉軍功加十九級隨帶加二級又加二級臣董誥內大臣戶部尚書鑲藍旗滿洲副都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞尋奉

敕修

乾隆四十七年壬寅八月乙丑朔諭上年甘

省捏災冒賑侵蝕監糧一案婪得銀數在二
萬兩以下各犯俱問擬斬候情實於本年勾
到時刑部分別請旨昨閱蘭州紀畧於逆回
蘇四十三肆逆時謝桓宗開煌萬邦英董熙
黃道貶五犯或前往賊巢擒獲多犯或於逆
回滋擾蘭州時晝夜在城督率民夫防守或
在安定縣拏獲教首馬明心因念伊等從前
曾有微勞於萬無可寬之中求其一綫生路
當即傳諭留京辦事王大臣會同刑部堂官

將現在擬斬監候各犯逐一通查原案有無似謝桓等情節曾經阿桂等於摺內聲敘出力者許其自行陳訴一併交軍機大臣覈辦茲據留京王大臣等覆奏除謝桓等五犯外其餘麻宸申寧吉等二十八犯供稱或在蘭州隨同守城或拏獲餘黨及辦運軍糧等事當經軍機大臣查奏所訊各犯供詞覈之阿桂等上年原摺並未將各該犯等在事出力之處聲敘或因各該犯隨同効力非出色之

員是以阿桂等摺內未經提及請交該督李侍堯再行詳晰確查具奏等因此案人犯侵帑殃民俱屬法無可貸因念王亶望等之肆行侵冒舞弊營私皆係朕平昔寬仁未免失之姑息以致各該犯毫無忌憚所謂水懦民玩朕甚愧之今復因人數衆多不忍概予駢誅不得不又寬一綫所有謝桓等五犯從前既據阿桂等奏明曾經在事出力朕不肯沒其微勞謝桓宗開煌萬邦英董熙黃道斐俱

著從寬免死發往黑龍江充當苦差但伊等情罪重大不加顯戮已屬格外施仁嗣後雖遇大赦各該犯等不得援照省釋伊等所生親子亦不准應考出仕以示懲儆其餘麻宸等二十八犯所供各情節是否確實並著李侍堯再行詳晰查明具奏到日另降諭旨其各犯供詞一併發交李侍堯覈對朕於案內各犯非不欲求其可生之路但求其生而不得朕亦無如之何各直省大小官吏嗣後務

須潔己奉公毋蹈甘省覆轍如有此等之以侵貪敗露者朕必按律嚴懲不稍寬貸勿以現今甘省應正法者皆獲寬免仍以身試法僥倖苟活庶不負朕諄諄教誡之至意將此通諭中外知之○丙寅諭朕昨閱蘭州紀畧當逆回蘇四十三謀逆時謝桓等或守城出力或拏獲教首因念伊等俱著有微勞於萬無可寬之中求其一綫生路特降旨將謝桓等從寬免死發往黑龍江充當苦差茲復

查上年阿桂等在蘭州勦滅逆回時。參將呢克圖曾經出力。帶有鎗箭各傷。該犯於軍裝冒銷案內問擬斬候。本屬罪無可逭。但謝桓等既邀寬典。所有呢克圖一犯。亦著從寬免死。發往伊犁充當苦差。効力贖罪。以示朕格外施仁之至意。○諭軍機大臣等。昨已明降諭旨。將甘省假冒案內。曾有微勞之謝桓等五犯。從寬免死。發往黑龍江充當苦差。其餘麻宸、申寧吉等二十八犯。雖據供稱。或在蘭

州隨同守城。或拏獲逆匪餘黨。及辦運軍糧等事。但經軍機大臣查覈。上年阿桂等原摺內。並未將各該犯出力之處聲敘。現已傳諭李侍堯。令其將各該犯所供情節。詳細確查具奏。到日。另降諭旨矣。麻宸等二十八犯。從前在甘省時。侵蝕銀數。多寡不同。及有無別項情節。如冒請建倉。事後狡供。捏飾希圖卸罪等事。定擬時。聲明從重歸入辦理者。著傳諭刑部堂官。將各該犯案情。逐名詳悉查明。

開單具奏。至陶士麟等二十四犯。雖已離甘省。上年並未有在事出力之處。但各該犯所侵銀數。及有無別項情節。一併查明。逐款分晰開單具奏。除就近交軍機大臣查覈議奏外。將此諭令刑部堂官詳查。隨本奏來。○軍機大臣等議准。工部咨稱。明年盛京蹕路所經喀喇沁等盟長旗分地方。奉旨所有修治道路營頓。雖係該盟長豫備。仍照內地開銷之數。賞給銀兩。茲按照嚮導大臣所定程站

里數。查自避暑山莊至金家莊。大營二處。尖營四處。係地方官豫備外。自七家子至九關臺道路。係喀喇沁王喇特納錫第、貝勒扎拉豐阿、土默特貝勒索諾木、巴勒珠爾、貝子色布騰棟、囉布、公銜扎薩克塔布囊瑪哈巴拉等。五旗修治。共計三百六十七里。應共賞銀一千四百三十九兩有奇。喀喇沁王喇特納錫第旗除廟宇外。豫備大營二處。尖營四處。貝勒扎拉豐阿旗除廟宇房舍外。豫備大營

二處。尖營四處。土默特貝子色布騰棟囉布旗。除廟宇外。豫備大營四處。尖營七處。應共賞銀六百六十五兩有奇。并修治道路。應共賞銀二千一百五十兩有奇。即於明年正月。由戶部支領。交該盟長分給。從之。○又議覆察哈爾都統常青奏稱。察哈爾三旗達里岡愛牧廠。每年除撥解京城。并避暑山莊。牛羊外。所有查閱牧廠出差大臣。皆需騎載駝馬。近年蒙古牲畜較少。每遇官差。皆係雇用。未

免拮据。現在口北道庫貯恩賞蒙古生息銀五萬四千餘兩。本銀早經扣完。所得息銀已足敷用。請於牛廠四十處。羊廠一百八十五處。每廠各設駝一馬。三共設駝二百二十五馬。六百七十五。以備應差之用。計需價銀八千七百六十五兩。即於此項息銀內動用。再此項駝馬。每年難免倒斃。請照官廠倒斃之數減半。每百匹不准過五匹。用息銀買補。如有額外倒斃者。著該管官賠補。如出差官員

不經心照料。以致倒斃。即著本人賠補。均應如所奏。從之。○旌表守正捐軀山西夏縣民樊鎖娃妻劉氏。○丁卯祭

先師孔子。遣協辦大學士永貴行禮。○以四川總督福康安為御前大臣。○戊辰祭

大社

大稷。遣誠親王弘暢恭代行禮。○土爾扈特一等台吉阿拉克巴等三人入覲。

上御卷阿勝境。召見賜食。並賜冠服銀幣有差。

○賜扈從王公大臣及蒙古王公貝勒額駙台吉等食。至壬申皆如之。○諭據陳輝祖奏建築海塘。自來字號至食字號止。魚鱗石工二千二百四十丈。於六月二十六日。通工一律砌完。其續辦鱗塘一千七百丈。現在陸續開工。催緊趕辦。所有在工督辦之布政使盛住。海防道周克開。寧紹台道印憲曾。金衢嚴道德克進。布弁江南帶至浙省之游擊田宏謨。皆認真稽察。董率晨夕罔懈。其分委承辦

及在局司事之同知清泰。劉雁題。潘安智。方體泰。唐若瀛。州判蔣重耀。知縣趙思恭等。皆勇往勤勵。奮勉出力等語。該省趕辦塘工。堅固妥速。在事出力人員。自應一體交部甄敘。以示鼓勵。除該督陳輝祖。業經降旨復還現任總督頂帶。毋庸加恩外。其盛住。周克開。印憲曾德克進。布田宏。謨清泰。劉雁題。潘安智。方體泰。唐若瀛。蔣重耀。趙思恭等各員。俱著交部議敘。○諭軍機大臣等。據明亮奏。查明

原任奇台縣知縣窩什。渾虧空庫銀三萬七千餘兩。現在委員將窩什渾等。解京質訊。一摺。內稱。據窩什渾供。到任後。餽送並供應索都統銀一萬五千餘兩。又代前任知府崧桂。報收監糧。併餽送供應銀一萬六千餘兩等語。已批交軍機大臣。會同該部議奏矣。窩什渾虧空庫項。盈千累萬。內復有餽送供給索諾木策凌銀至一萬餘兩之多。實出情理之外。著傳諭留京王大臣。即監提索諾木策凌

將明亮奏到原摺。及窩什渾等供詞。令其閱看。即行錄取。確供具奏。○兩江總督薩載。江南河道總督李奉翰。山東巡撫明興。覆奏查前明舊運河。在南陽。昭陽。微山。三湖之西。玉皇廟穀亭之東。久經淤墊。僅露窪形。上年青龍岡漫水下注。時值東省湖水並漲。足以敵黃。黃水不能直灌湖心。沿湖西下達。而舊運河適逼近湖邊。是以明興所繪圖內。有舊運河一道。其實漫水汪洋一片。舊運河形。已在水底。並非別有溝槽。厓岸自行一路。直趨江境。與中運河相會。是以薩載。韓鏐所繪圖內。未經繪出。舊運河形也。再豫省漫口。距各湖約三百餘里。地勢寬衍。黃流從曹單一帶。蕩漾紆迴。水緩沙停。至金鄉縣境。已不過微黃。魚臺迤東。即全係清水。至南陽等湖。水色清澈。實無淤墊。其湖水不至受淤者。則因黃流未至湖邊。先已澄清之故。江省又開放潘家屯。張家莊引渠。分洩湖水。運道可無虞阻滯。

得旨覽奏已悉。○命左都御史王杰充四庫館副總裁。○以頭等侍衛高臻為雲南騰越鎮總兵。○己巳土爾扈特協理台吉德爾德什等二人入覲。

上御卷阿勝境台見賜食並賜冠服銀幣有差。○賜土爾扈特一等台吉阿拉克巴等三人食。○遣官祭

關帝廟。○諭軍機大臣等據薩載李奉翰明摺會查漫水經由穀亭舊運河匯歸南陽等

三湖確切情形繪圖具奏一摺覽奏已悉。前因薩載李奉翰及明興所奏情形互異是以降旨詢問。此次據伊等會奏之摺較為明晰。但閱奏到圖內黃水自青龍岡下注至東省之金鄉縣而下不過三數百里水色便已澄盡而清。是東省三湖不致受淤之處已悉。不必更論。因思自清黃交匯處所下至雲梯關其里數應遠于自青龍岡至金鄉縣何以水色仍復黃流達海。豈青黃交匯以下竟屬清

水乎。仍屬黃水乎。著傳諭薩載李奉翰詳晰查明繪圖具奏。朕于心思所到必欲詳明其事。不為不求甚解也。因閱奏到圖內即見及下游入海水色情形。薩載李奉翰係久悉河務之人何以轉未見及于此。至摺內稱曹單一帶蕩漾紆迴水緩沙停則停沙之處民田必致淤墊。是否將來水涸或有礙耕種或轉得其利之處並著明興確查覆奏。將此一併諭令阿桂知之。○庚午

上御卷阿勝境賜土爾扈特一等台吉阿拉克巴等五人食。至壬申皆如之。○遣官祭昭忠祠。○諭曰福康安奏請將松潘鎮屬維州協副將移駐美諾新疆五營歸其鈐束仍聽松潘鎮統轄責任既專於屯戍邊陲實有裨益等語。美諾為新疆要地自應設立協鎮大員駐劄其地辦理一切屯戍事務莫若即於該處另添副將一員駐守其維州協各屬營制俱著照舊毋庸更動於邊防控馭責成尤專。

該協仍歸松潘鎮統轄。嗣後該鎮每年親往巡查一次。該將軍總督提督每年輪流一人往查一次。尤足以壯聲威而資彈壓。其新添美諾副將所屬官兵兵丁。即交福康安會同特成額等酌定分撥具奏。該部知道。○諭軍機大臣等。據阿桂奏。東省專辦曹縣境內工程。其河尾土方二十餘萬。亦在東省境內。係豫省先為代挑。東省若不歸還。亦未為平允等語。此項應挑土方。前據明興奏稱。自商邱

頭堡起。至七堡止。計該土方七萬七千有零。又商邱第十堡南岸隄工。該土方五萬有零。均應東省承辦等語。是東省現有應辦要工。未知豫省現在所挑分數。究有若干。再東省現在是否尚有餘力。可以幫助豫省之處。必須熟商妥酌。無分畛域。方與要工有濟。著傳諭富勒渾明興會同商酌辦理。不得少存推諉。以副朕厯念河防至意。將此一併諭令阿桂知之。○又諭據阿桂覆奏河湖水勢情形。

一指。內稱南陽昭陽等湖。因水勢逼高。力足敵黃。黃水為清水頂阻。遂全向湖西而南。地勢平行。黃流蕩漾。水緩沙停。不至墊及湖身。故魚臺迤西水色微黃。迤東水色皆清等語。此等處正未明晰。昨已傳諭詢問薩載。李奉翰以青龍岡至金鄉。不過三數百里。水色已澄盡而清。是東省三湖。不致受淤。不必更論其自清。黃交匯處所。下至雲梯關里數。比青龍岡至金鄉較遠。何以仍係黃流入海。豈清

黃交匯以下。亦竟屬清水乎。抑仍屬黃水乎。且即云黃水至金鄉。蕩漾停緩。水色澄清。試思清黃交匯以下。淮水力量甚大。尚為黃水挾之入海。不能蕩漾澄清。豈金鄉以上。轉因湖水逼高之故。竟能頂阻黃流。使之蕩漾澄清耶。其理總難明晰。又試以永定渾河而論。渾河水色亦黃。自會合鳳河以後。為清水所衝下。至淀河。即係清色。此因渾河與鳳河源流俱不甚大。是以澄清尚易。若黃水則源遠

流長何以在山東即能蕩漾澄清入淮河反不能蕩漾澄清洪澤湖之水反不及微山湖水力耶從前明興所奏繪圖錯誤伊係初至東省於該處河道水勢未能明晰遂謂黃流自舊運河南下今已據另行具圖會奏明晰此不足再講至清水交匯至雲梯關水色如何之處除昨已傳旨詢問薩載李奉翰外著再傳諭阿桂就近詢之李奉翰將實在情形詳晰確查具奏朕於諸務心思所到必欲詳

明其事不為不求甚解阿桂當仰體朕意也○盛京將軍慶桂等奏巨流河城工業於上年八月告竣查巨流河新建城垣東西北三面緊接山坡每逢雨水俱沿城基南流入河城基不無受損擬於城外東西北三面開挖洩水溝三道城內南面亦挖水溝一道水由溝行城垣得以堅固並建石橋四座以便行旅共需銀一千二百餘兩歸入城工案內覈銷報聞○辛未杜爾伯特貝子羅布藏薩木

坦等八人入覲

上御卷阿勝境召見賜食並賜冠服銀幣有差○河南巡撫富勒渾奏考城縣城垣現擇於北隄外張村集改建儀封縣城垣擇於新築南隄外內黃集改建該二集本係大村若沿村圍繞建城則蓋造衙署倉庫及各廟宇勢須遷動民居實與民情未便今擬於內黃集偏西張村集偏東高阜寬濶處建立城垣則辦理一切均得舒展得旨如所議行○四川

總督福康安奏寶川局從前增設新鑪鑄錢出易每歲約餘息銀六萬餘兩留為修城之用嗣因產銅短絀奏請暫停臣現在嚴督廠員採挖務期旺盛其舊增鑪座仍當隨時酌量漸復原卯鼓鑄俾餘息充盈遇有城工需用無虞缺乏從之○壬申賜杜爾伯特貝子羅布藏薩木坦等八人食○諭軍機大臣等據巡漕御史張霽奏本年漕運江浙各幫行走尚為迅速於程限並未稽遲惟湖北頭幫

脫空已逾半月。詢係經歷湖河地面守候風水致稽時日。而江西各幫在後行走。又尚需時。將來回空南下。誠恐中途凍阻。惟有將後到之江西各幫。在天津楊村一帶全數剝運。俾糧米早起一日。即可令空船早回一日。於接兌新漕。方為有益等語。所奏亦是。漕艘北上。經行濟寧以下。湖河一片。守候風水。未免稽遲。其後到之江西各幫。若至九月起卸回空。勢必中途凍阻。有誤冬兌。冬開日期。自應酌量剝運。以速回空。除就近諭知鄭大進外。著傳諭倉場侍郎書麟等。即查照舊定章程。妥協辦理。其未到各幫。並著鄂寶、明興、迅飭文武員弁。嚴加催趲。務令迅速進行。毋誤回空日期。再上年濟寧一帶。已經黃水漫溢。糧艘行走尚屬無誤。今年有毓奇、沈啟震在彼設立水程緯道。妥協照料。何以江廣各幫轉致脫空遲緩。並著鄂寶、明興、書麟等將現在辦理較上年遲早之處。查明據實具奏。將此

由五百里各諭令知之。○癸酉。

太宗文皇帝忌辰遣官祭

昭陵。○諭曰。吉林將軍和隆武。前在軍營頗為宣力。今聞溘逝。殊堪憫惜。所有應得卹典。該部察例具奏。○調黑龍江將軍宗室永璋為吉林將軍。以熱河副都統宗室恒秀為黑龍江將軍。調正紅旗蒙古副都統恒瑞為熱河副都統。○甲戌。諭現在內外大臣中。襄贊綸扉。侍直樞禁。敬歷封疆。宣力年久者。均宜加予宮銜。以昭優眷。大學士英廉著加太子太保。嵇璜著加太子太保。尚書和珅著加太子太保。梁國治著加太子少傅。總督鄭大進著加太子少傅。薩載著加太子少保。李侍堯著加太子太保。福康安著加太子太保。以示朕嘉獎勤勞之意。○軍機大臣議奏。寧夏將軍莽古賚等議覆涼州副都統圖桑阿奏稱。涼州莊浪地方緊要。請添涼州駐兵一千。莊浪五百。查涼州原額兵不過一千。莊浪不過五

百若加倍添補未免過多涼州酌添兵五百
莊浪酌添兵三百再兵丁既添官員自應加
增涼州酌添設佐領防禦驍騎校各二員莊
浪酌添設佐領防禦驍騎校各一員仍俟西
安滿兵添駐完竣一二年後由京出派移駐
等語應如所請至移駐之期臣等擬於乾隆
四十九年秋間再行揀選派往從之○乙亥
太祖高皇帝忌辰遣官祭

福陵以雲南按察使徐嗣曾為福建布政使
雲南鹽法道許祖京為雲南按察使○丙子
上御卷阿勝境賜扈從王公大臣及蒙古王公
貝勒額駙台吉并土爾扈特一等台吉阿拉
克巴等五人杜爾伯特貝子羅布藏薩木坦
等八人宴至戊寅皆如之○諭本年漕艘北
上經由濟寧迤南河湖一片各該處籌備橋
梁緯道均屬妥協前經降旨令阿桂查明在
事出力人員奏請議敘茲據查明覆奏所有
巡漕毓奇及道員沈啟震督辦一切料理妥

速又兗州鎮總兵任承恩督率沿河將弁晝
夜嚴催亦屬出力均著交部議敘其餘在事
承辦各員俱著照阿桂所定等第交部照例
分別議敘○丁丑

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵遣官祭

顯佑宮

東嶽廟

城隍廟○

上御澹泊敬誠殿。扈從王公大臣官員。及蒙古王公台吉。土爾扈特台吉。杜爾伯特貝子等。行慶賀禮。○己卯月食。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百六十二

大清高宗法天隆運至誠先覺體元立極敷文奮武孝慈神聖純皇帝實錄卷之一千一百六十三

監修總纂官理藩院學士太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣廣桂
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲副都統軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅八月庚辰諭前經伊齡

阿奏兩淮商人呈稱豫省蘭陽等處開挑引河情願公捐銀二百萬兩以助工需一摺朕以豫省辦理河工業經節次撥解部庫及內帑銀數百萬兩方今府藏充盈足敷撥用原無藉乎助捐是以未經允准嗣又據伊齡阿奏稱該商等復環籲轉奏情詞懇切等語因念豫省工費浩繁該商等踴躍急公具見忱悃且淮揚地居黃水下游伊等誼切桑梓助工捐項亦屬實情業經俯從所請批交該部

知道。所有該商等急公杼悃。深屬可嘉。著交該部照例議敘。○諭軍機大臣等。據明興奏。東省境內。應挑引河土方。派令兗沂曹道張永貴等督率人夫。上緊興挑。如有多餘之夫。將接連豫省考城汎引河。挨次溯挑。以期東省多助一方。豫省多得一方之益。經大學士公阿桂。按臨工次。以遞溯協挑之工。可以不。必應將豫省業經代挑河尾土二十餘萬方。令東省照數歸還等語。此次開挑引河。係國

家要務。豫東二省境壤毗連。理應熟商妥酌。無分畛域。期於要工有濟。乃明興欲令多餘之夫。將接連豫省考城引河。挨次溯挑。而阿桂富勒渾等前奏。又令東省將所挑土方歸還。是彼此各存意見。殊非和衷共事之道。此在承辦道府。各分畛域。意存推諉。或所不免。若富勒渾明興身任巡撫。膺封疆重寄。已不應如此各分疆界。至阿桂乃係大學士。派往督辦。更應仰體朕意。無分彼此。令豫東二省

協力辦理。以期要工告竣。若兩省巡撫。各分疆界。有推諉之意。阿桂即當勸教。教而不聽。不妨叅奏。若如此各執私意。亦斷不能逃朕洞鑒。伊等又何必豫存成見耶。將此由五百里諭令知之。明興摺并著鈐寄。阿桂等閱看。○以直隸清河道永保為直隸布政使。○辛巳秋分夕。

月於西郊遣克勤郡王雅朗阿行禮。○諭軍機大臣等。前據阿桂查奏。承辦運河緯道出力人員。分別議敘一摺。將兗沂曹道張永貴。列於二等。已照所請交部矣。張永貴係內務府漢軍人員。朕南巡時。曾經召見。觀其才具。似屬平常。該道駐劄兗州。管理河務。橋梁緯道。皆伊本任應辦之事。今阿桂列為二等。則其不甚出色。可知該道現在督率人夫。承辦引河北岸。應挑土方二十餘萬。關係緊要。如該道尚能奮勉。則可仍留工次。若不能出力。阿桂即應札知明興。令其另派幹員。更換妥辦。

毋存將就之見。致誤要工。將此由五百里諭令知之。○戶部等部議覆兩廣總督覺羅巴延三疏。稱番禺縣屬沙灣茭塘地方。添設永寧通判。彈壓。應將各村民船。責成該通判督率沙灣茭塘二巡檢。查明船政。原例辦理。如有濫給匪船執照。及照內查填不實。失察富民將船租賃奸民。攜帶礮械違禁貨物。並匪徒在本地糾夥持械出洋行劫等事。悉以給照之該通判。並該二巡檢。為專管官。開列職

名請叅。其番禺縣知縣。既未給照驗烙。請酌減處分等語。應如所題。該處既以通判巡檢為專管官。遇有失事。照例降二級調用。番禺縣知縣。照兼轄官例。不同城者降一級留任。從之。○壬午諭據薩載奏。徐州府屬之沛縣。豐縣。銅山。邳州。睢寧。宿遷。并淮安府屬之桃源縣。暨海州。并所屬之沐陽等州縣。因豫省上年漫水下注。被淹驟難消涸。今歲不免成災。其中被淹最重之沛縣。豐縣。銅山。邳州。四

處。遵旨展賑。現在察看輕重情形。覈實辦理等語。淮徐兩府屬。既因豫省漫水被淹。今歲仍不免成災。其沛縣。豐縣。銅山。邳州。四處被淹最重者。加恩不必論月。即常予賑卹。統俟漫水消退。再行停止。薩載等務督率屬員。實力查明妥辦。以副朕軫念災黎有加無已之至意。該部遵諭速行。○又諭據明興奏。山東滕嶧二縣。因八月初三。初六等日。風雨大作。沿河濱湖地畝。猝被漫淹。又魚臺縣亦於八

月初三日夜。溢水入城。貧民避水不及者。致有漂流淹斃。現在清查酌量撫卹等語。滕嶧魚臺等縣。因風雨漫溢。淹斃人口。被水災黎殊堪憫惻。著該撫速委妥員。詳查確勘實力撫卹。毋使一夫失所。以副朕軫念災黎至意。○又諭據明興奏。兗曹等府州屬被水地畝。現在籌辦賑濟。請將江西重運幫船截留米二十萬石。以備賑卹等語。今歲江西重運抵津較遲。東省既須截留。自應如該撫所請辦。

理至該省現辦賑濟如需用米石較多不妨多為籌備。即於江西幫船內截留米三十萬石。更可以資接濟。著明興酌量辦理。○又諭前據王懿德奏。情願將比較乾隆四十六年分不敷銀一萬三千七百餘兩。自認賠補。朕意該關短少盈餘。止有此數。是以准其所請。今部議以四十二年作為比較。共短收銀五萬四千四百餘兩。此項虧短銀兩。係基厚等四人任內之事。其虧短緣由。究因豫省漫水未退。商運稀少所致。與上年基厚任內虧短關課。加恩止令賠補一萬兩。其餘加恩寬免。事同一例。若因王懿德自認賠補。是獨多於前任。轉使前任基厚。江恂。臧榮青。置身局外。不為平允。所有此項虧缺銀兩。著照上年例。令基厚。江恂。臧榮青。王懿德四人。各按在任月日。共分賠一萬兩。其餘四萬四千四百餘兩。著加恩免其賠補。○又諭前據伊齡阿奏。兩淮商人情願公捐銀二百萬兩。以助豫工。

已俯從所請。批交該部知道。並將該商等交部議敘。矣。但念豫省河工。節經降旨頒發帑銀五百萬兩。所有辦理土方各項要工。業據富勒渾等奏稱。已足敷用。自可毋庸再行撥給。現在東省尚有續挑土方。並辦理加賑各事宜。需費繁多。著伊齡阿。即將兩淮商人公捐銀二百萬兩。派委妥員。迅速解赴東省。以資工賑之用。○又諭曰。孫嘉樂著來京交該部帶領引見。再降諭旨。所遺四川按察使員缺。著繆其吉補授。○諭軍機大臣等。前據明興奏。助挑土方一摺。在東省欲將接連考城汎引河挨次溯挑。而豫省又以為不必。止令將代挑河尾土二十餘萬方。照數歸還。是雖曰不分疆界。而暗中彼此意存推諉。各分畛域。殊非和衷共濟之道。已降旨傳諭各該撫等。毋得稍存成見。矣。看來豫東二省該撫等意見不免參差。或由東省派往之道員張永貴。不能妥協辦理所致。張永貴才具本屬平

常本年籌備運河緯道又不能出色。經阿桂列為二等議敘。昨已諭令阿桂查明該道是否出力。酌量更換。著再傳諭明興詳悉確查。如該道在豫不能出力。諸事推諉。即將該道掣回。另揀妥員前往更換。毋得聽信該道一面之詞。因循將就。致誤要工。將此由五百里並諭阿桂等知之。○又諭前據李侍堯奏請陛見一摺。業經允其所請。所有陝甘總督印務並批令交畢沅署理。今思西安現在辦理城工亦關緊要。若畢沅前往蘭州署印相距較遠。於一切督辦事宜未免鞭長莫及。且甘肅正當積弊清釐之後。尤須加意整頓。李侍堯此時亦未可遽離甘省。即李侍堯前摺內所稱有須面為陳奏之處。雖批諭有此可來。但果係應辦要件。亦無不可陳之奏牘。候朕降旨遵照辦理。亦不必拘於面奏。著傳諭李侍堯此時且不必來京。俟西安城工一律完竣後。畢沅即前往蘭州接署督篆。李侍堯再

行來京陛見。順便查勘城工更妥。將此並諭畢沅知之。○又諭據富勒渾奏。汝寧等府屬逼近汝河。水勢陡長。一時宣洩不及。間被淹浸等語。該府屬等縣地處低窪。汝水偶有漫溢。現在正屆秋成之時。是否成災。田禾有無妨礙。著傳諭富勒渾派委妥員馳往各該處確切查勘。如有應行撫卹者。即一面撫卹一面奏聞。候朕再降諭旨。尋奏汝陽等縣近河低窪之區。田禾被淹。現經照例撫卹。其災分

輕重。俟確查妥辦。報聞。○癸未。

上自避暑山莊啟鑒。幸木蘭。○諭軍機大臣等。據李侍堯奏甘省入夏以來雨澤頻霑。田禾暢茂。六月中旬以後。二麥先後成熟。登場近復屢獲甘霖。旋即晴霽。不但夏田得以及時收割。曬晾兼之。各色秋禾得雨滋培。益見暢遂。據各屬呈報。夏禾收成。共有八分有餘等語。覽奏欣慰。已於摺內批示矣。甘省自清釐積弊之後。年來雨暘時若。收成豐稔。可見從

前每歲報災。悉屬虛捏。徒為通省大小官員冒賑分肥之地。現已分別伏法。實屬罪不容誅。孽由自作。但甘省素稱瘠土。斷不可因連歲豐收。將來偶遇偏災。或置之不辦。朕惠養黎元。每遇各省災賑。不惜多發帑金優卹。以期一夫不使失所。恐各省因有甘肅冒賑之案。匿災不報。前經屢降諭旨。并言志詩宣示中外。昨福崧來京。陛見。復經嚴切訓諭。李侍堯尤須時刻留心。仰體朕意。嚴飭各屬。設遇地方水旱偏災。即詳查據實具報。該督即一面奏聞。一面加意撫卹。斷不可稍有諱飾。將此由五百里諭令知之。○是日。駐蹕中關行宮。○甲申。諭甘省捏災冒賑各犯。侵帑殃民。俱屬法難寬貸。因念伊等從前於逆匪滋擾時。曾有微勞。於萬無可寬之中。求其一線生路。業經降旨將謝桓等五犯免死發遣。其餘麻宸等二十八犯。所供各情節。是否確實。交李侍堯詳晰查明具奏。茲據李侍堯覆奏。按

各犯供詞。確覈彼時情事。均屬約畧相同。尚非虛捏。惟閔焜一犯。先經告病離甘。因查辦冒賑一案。行文原籍吉林查拏。並未回籍。迨十月間。始經陝西拏解來蘭。並未隨同防守。蘭州等語。所有麻宸等二十餘犯。交軍機大臣覈其情罪。另降諭旨。外至此案前令各犯等自行陳訴。原係朕格外施仁。該犯等稍有人心。自應據實直陳。乃閔焜以久經告病離甘之員。竟敢捏稱守城。希圖倖逃法網。實屬喪盡天良。情節更為可惡。是該犯不必更論其侵蝕銀兩多寡。就此冒功欺罔一節。即當立正典刑。著刑部堂官將閔焜一犯提出。宣示諭旨。押赴市曹。即行正法。並將此情節明白曉諭各犯。使共知味良冒功。轉難倖免也。○諭軍機大臣等。朕自熱河啟鑾回京。所有應行勾到次數。著仍照上年之例。於熱河勾到兩次。兩間房密雲各勾到一次。其承辦之刑部堂官。此次著派胡李堂前來。至大學士

三寶現在隨從。毋庸另派。將此諭令知之。○補行乾隆四十六年大計。四川省。不謹官二員。罷軟官二員。才力不及官二員。年老官八員。有疾官二員。貴州省。不謹官二員。浮躁官一員。年老官四員。有疾官二員。分別處分如例。○是日。駐蹕波羅河屯行宮。○乙酉。諭烏魯木齊採買糧石。浮開價值一案。索諾木策凌身為都統。任聽屬員侵冒浮銷。且收受德平等饋送銀物。至數萬餘兩之多。始猶狡供。

希圖卸罪。經朕親加鞠問。始吐實情。節經軍機大臣。行在大學士九卿會審。問擬斬決。特從寬改為應斬監候。嗣復據明亮查出原任奇台縣知縣窩什渾虧空案內。又有饋送索諾木策凌銀一萬餘兩之事。當即傳諭留京王大臣。監提索諾木策凌。嚴加訊究。業據供認不諱。索諾木策凌。在內廷行走多年。受朕厚恩。用至都統。乃不思潔已奉公。於屬員採買糧石。浮開冒銷諸弊。扶同徇隱。已屬罪無

可逭。且敢收受饋送銀兩。盈千累萬。即與自行侵冒無異。豈可復加寬貸。索諾木策凌。著照國泰子易簡之例。派侍郎諾穆親。會同刑部堂官。宣旨賜令自盡。以為大臣辜恩昧良者戒。○諭軍機大臣等。前據明亮查出烏魯木齊虧空案內。原任奇台縣知縣窩什渾一犯。虧空庫項銀四萬餘兩。業令派員解京矣。該犯侵用帑項。至四萬餘兩之多。實屬法無可逭。自應定擬斬決。著傳諭刑部堂官。於該

犯解到時。一面錄供。定擬具奏。一面即將該犯正法。○是日。駐蹕濟爾哈朗圖行宮。○丙戌。遣官祭賢良祠。○諭據明興奏。利津。昌邑等縣。王家岡官臺。永阜。永利。富國等各場地。猝被海潮。田禾房屋。多有淹損。各場鹽包。亦被衝消等語。該處田廬場地。猝被海潮衝損。災黎未免失所。著明興親身前往。督率地方鹽場各官。詳加查勘。妥為撫卹。不可稍存諱飾。並將如何撫卹之處。一面奏聞。一面辦理。

以副朕厯念災沴之至意。○又諭上年甘肅捏災冒賑一案。散法營私。大小官員。通同一氣。以朕惠養黎元之政。為若輩肥身利己之資。實皆罪不容誅。除侵冒銀在二萬兩以上者。俱經正法外。其侵冒銀二萬兩以下各犯。俱問擬斬候情實。本屬法無可貸。即予以駢誅。亦係伊等孽由自作。因軍機處所記萬邦英等五犯。於逆回蘇四十三滋擾時。或晝夜在城防守。或前往賊巢擒獲多犯。是以於萬無可寬之中。予以一綫生路。免死發遣。又令其自行陳訴於逆回滋事時。曾經出力之舒玉龍等各犯。命李侍堯查明。除閔焜一犯。係告病之員。並未在甘。所供隨同守城。竟係虛捏情節。尤為可惡。已降旨即行正法。其餘各犯。雖俱法無可貸。今李侍堯查到情節。或協同守禦。派防要隘。或委辦軍糧。搜獲餘黨。不過稍効微勞。且係伊等職分應為之事。並非若萬邦英等五犯之在事出力。經阿桂等奏

明給予議敘者。可比然數十人駢首就戮。朕心實有所不忍。但此內如善達承志。身係滿洲。用為州縣。尤當潔已奉公。以盡職守。遇有上司。抑勒婪索等事。即應直揭部科。或告病回旗。乃竟愍不畏法。隨同侵帑殃民。營私舞弊。似此。亦得倖邀寬免。旗員更何所儆懼耶。善達承志。仍著交刑部。入於朝審辦理。其舒玉龍等所供在甘効力之處。既屬確實。萬邦英等五人。既經免其死。則舒玉龍。李本楠。彭永和。麻宸。丁愈。章汝楠。李弼。葉觀海。錢成均。陳金宣。王旭。朱蘭。韋之瑗。尤永清。宋樹穀。蒲蘭馨。侯作吳。賈若淋。史堂。申寧。吉謝。廷庸。張毓琳。張金城。汪臯鶴。二十四犯。亦可從寬免死。發往黑龍江充當苦差。仍照萬邦英等之例。雖遇大赦。不得援照。省釋。該犯等所生親子。亦不准應試出仕。以示懲儆。朕辦理諸案。常以水懦民玩。失之姑息。為愧。今於舒玉龍等。因人數眾多。不忍加之駢戮。宛轉求其生

路仍不免於姑息。此實朕矜慎庶獄不得已之苦心。亦天下臣民所共見者。至此素舒玉龍等各犯俱應立寘重典。特因其於蘇四十三之事稍經出力。即得仰邀末減。此後凡身任地方之責者。設遇賊匪竊發。尤宜共矢天良。力圖報効。庶不負朕訓誡矜全之至意。將此通諭中外知之。○又諭烏魯木齊採買糧石。冒銷價值一案。昨已降旨將索諾木策凌賜令自盡。所有此案內侵冒銀數一萬兩以上之德平、伍彩雲、王詰俱著即處斬。○是日駐蹕阿穆呼朗圖行宮。翼日如之。○丁亥。

世宗憲皇帝忌辰遣官祭

泰陵○諭曰。車布登扎布前在軍前甚屬奮勉。洵為國宣力之臣。昨聞其病勢危篤。即遣伊姪拉旺多爾濟並乾清門侍衛台費英阿帶領御醫前往診視。茲聞溘逝。深為憫惻。著賞給陀羅被並銀一千兩辦理喪事。○陝甘總督李侍堯奏庫爾喀喇烏蘇品河等處移駐

眷兵由陝甘兩省各營派撥。原議內地移裁各缺俱在簡僻營分。但僻路各營遊擊俱專營駐劄。不便裁移。查河西各鎮寧夏不甚衝繁。擬將寧夏鎮後營遊擊裁移。即將寧夏城守營都司改調作為後營都司。兼管城守營事務。又延綏鎮屬雙山堡都司地處簡僻。議請裁移。即將延安營千總撥駐雙山堡。俾專汛守其餘所裁員缺均係斟酌營制情形辦理。下部知之。○以喀爾喀賽音諾顏部落扎薩克棍楚克扎布為烏里雅蘇台叅贊大臣。

○戊子

上行圍○諭甘肅捏災冒賑一案。所有查明逆匪滋事時曾有微勞之舒玉龍等二十四犯已降旨照萬邦英之例加恩免死發遣矣。其善達承志二犯因其身係滿洲。輒敢隨同舞弊營私罪難末減。仍交刑部入於朝審辦理。實屬法無可逭。特念該二犯於賊匪滋事時究有協同守城派防要隘一節。尚可貸其一

死又烏魯木齊浮銷糧價案內之傅明阿木和倫二犯亦係滿洲原擬應斬監候自屬罪所應得但其侵冒銀兩究由上司勒索與監守自盜者尚屬有間所有善達承志傅明阿木和倫四犯俱著從寬免死發往烟瘴地方雖遇大赦不得援照省釋所生親子皆係旗人未便令其閒住著交該旗存記除親軍護軍披甲等差使准其充當外其有頂帶職分概不准其挑補以示懲儆又烏魯木齊案內之徐維紱張建菴亦係定擬斬候之犯今查徐維紱前在張掖縣丞任內曾經調令幫同萬邦英守城張建菴侵冒銀數較少俱尚有一綫可寬徐維紱張建菴均著照萬邦英之例免死發往黑龍江充當苦差雖遇大赦不得省釋其親子亦不准應試出仕○諭軍機大臣等據明興覆奏東省承挑引河土方內有豫省代挑土二十餘萬方應令東省歸還隨行令該道張永貴等遵照豫省指定考城

二十八堡起至商邱頭堡止引河段落共土二十六萬六千餘方即日興工等語所奏仍未明晰開挑引河無論在東在豫俱係辦理國家要務理應無分畛域協同妥辦何以有豫省代挑土方又欲令東省歸還如此各分疆界已非和衷共事之道東省既有應還土方張永貴率領人夫到彼即應如數趲辦乃明興此次摺內猶稱如有餘夫無分疆域接湖興挑以期大工速竣而於應還土方現在已挑完若干未挑若干何時可以一律完竣之處均未奏明僅云行令該道即日興工殊屬延緩看來張永貴承辦此事不免意存推諉而明興聽其一面之詞為所朦混似此各存意見恐貽誤要工前經降旨詢問該撫以張永貴未必能辦理挑河酌量更換著傳諭明興將該道張永貴在豫有無呈稟是否推諉各執私見明興被其朦混並是否東省果有應還土方之處一併據實覆奏毋得稍存

徇隱將此由五百里傳諭明興並諭阿桂等知之○蠲免安徽東流鳳陽盱眙滁州全椒等五州縣學田乾隆四十六年分水旱災額賦○是日駐蹕布都爾昂阿大營○己丑

上行圍○諭據伍彌泰等奏西安駐防官兵住房本年九月內即可蓋造完竣等語西安此項房間既已建就則由京派往駐防官兵自應乘天氣和暖令其速往本日兵部奏請派王大臣挑驗著即派德保等作速挑定至簡放由京派往之駐防協領佐領等官若俟朕回鑾後引見發往恐九月內不能起程著交留京辦事王大臣將八旗內挑派之協領等官即留心驗看補放再此項駐防官兵陸續起程難保其不逃逸宜嚴立法禁著交八旗都統等曉諭各旗派往官兵如有中途脫逃者拏獲之日即按軍法辦理決不寬貸並曉諭新補放之協領等官沿途務將本隊兵丁嚴加約束起程時著交兵部奏請派該部堂

官一員都統一員令一人前途監行一人在後照料俟過保定府後再交地方官辦理再由直隸送抵西安地方官沿途照料著派永保王站柱圖薩布等專司其事仍交直隸總督河南陝西巡撫屆期委派官員一體妥為護送如此則駐防官兵不致沿途滋事且趁天氣和暖行路亦便即派往兵丁內偶有不肖之徒至西安後該將軍副都統等實心教導自可化為良善將此諭該將軍知之○是

日駐蹕永安泮昂阿大營○庚寅

上行圍○諭據毓奇奏濟寧以南河湖水勢甚大恐明春重運經臨行走維艱浙江等處路途較近幫船回次尚可從容接兌惟湖廣江西幫船最後回空遲滯即誤受兌之期請將輪免湖廣江西之五十年五十一年漕糧改移於四十八九兩年停運等語所奏甚是今年回空糧船既遲於往年則明春重運北上自應豫行籌酌量為變通著照毓奇所請將

江廣二省漕糧應於五十年五十一年輪免者改於四十八九兩年停運其浙江之嘉興府及安徽省漕糧明年仍按次開幫改於五十年五十一年輪免如此一轉移間重運既無虞行走遲滯而丁力亦可稍紓於漕運實有裨益所有酌改輪免之處著該部詳悉妥議具奏尋議奏湖南漕船較湖北路程更遠今年回空又最後請將湖南省並江西南昌饒州南康廣信四府屬於四十八年先行停運其湖北漕船程途稍近而江西漕糧本年八月截留山東三十萬石是湖北並江西之瑞州臨江吉安撫州建昌贛州六府屬漕船回空尚不甚遲請於四十九年停運至浙江省嘉興府屬漕糧改於五十年蠲免安徽全省漕糧改於五十一年蠲免得旨依議速行諭軍機大臣等據毓奇奏濟寧以南河道兩年來未經大挑之處必須普加挑挖至沿河一帶隄牆土石各工亦須及時趕緊興修

以清河路等語濟寧以南為黃河下游現經漫水漲溢自應衝刷日深且前據阿桂等奏黃水未至各湖業已澄清是湖身已不致淤墊何以由湖達河轉須挑挖此處殊未明晰著傳諭何裕城明興將運河是否實有淤墊之處逐段查明繪圖貼說具奏如果必須挑挖俟明春挑汎開放引河黃流順軌之後再行親往勘明督率辦理尋奏濟寧以南西岸由湖達河之處皆屬清水並不受淤無庸挑濬惟運河東岸之彭口塘河大泛口等處遇伏秋大汎山水挾沙沉滙注運河易致淤淺定例每年冬間挑淤一次去冬因水大未能估辦受淤較常年加厚必須於水落時普加挑挖臣等業經查明俟明春上游黃流順軌後再行勘估督辦得旨覽奏俱悉○是日駐蹕巴顏圖庫木大營○辛卯上行圍諭軍機大臣等據伊勒圖奏阿布勒比斯遣伊子卓勒齊將從前搶掠瑪哈沁之

哈薩克加彌爾喀哈色木台二人拏獲解送前來訊明伊等與哈薩克鄂錫爾滿至卡將脫逃之瑪哈沁拜特穆爾等掠去並無別故擬將加彌爾喀哈色木台枷號半年期滿照阿布勒比斯所請交與領回並令卓勒齊歸告伊父務將未獲之鄂錫爾滿拏獲解來等語伊勒圖所辦甚好身為將軍固宜法令森嚴但哈薩克若無故來至邊卡將土爾扈特擄去自應嚴辦示懲今哈薩克加彌爾喀等係追趕伊之逃人雖來至邊卡並未敢與官兵相拒自可不必深究阿布勒比斯將內地所要之人拏獲送到又懇請領回照伊處之法辦理甚知奉法著加恩將現在拏獲之哈薩克二人免其枷號惟重責示懲遣回並曉諭阿布勒比斯其未獲之哈薩克鄂錫爾滿於拏獲時不必解送照伊處之法辦理可也此次阿布勒比斯甚屬恭順朕覽奏深為嘉悅著賞給大緞四匹以示獎勵伊勒圖接奉

此旨即遵照妥辦將此諭令知之○是日駐蹕永安湃色欽大營（壬辰）上行圍遣官祭黑龍潭

昭靈沛澤龍王之神王泉山

惠濟慈佑龍王之神諭據薩載奏河湖水勢消落邛宿銅沛等州縣被水處所工段城垣現已保護搶築洪澤湖及運河下游閘壩酌量開放以資宣洩等語江省邛宿銅沛等州縣經豫省漫水下注該處適當下游全在地方官妥為經理今薩載督率廳營縣汛上緊搶築防護旬日之間水消工固閘壩啟放得宜所辦甚屬可嘉薩載著交部議敘所有在事出力文武員弁並著薩載查明分別等第咨部議敘該部知道○諭軍機大臣等豫省添築南隄開挖引河各工久經議定章程分派段落委員承辦並經降旨展至明年桃汛開放引河此次阿桂前往督催在事人員上緊辦理節經具奏工程俱可於冬間一律

告竣。俟挑汎再行開放。是章程大段已定。現在不過畚築隄工。挑挖土方。富勒渾在彼諸事。皆已諳習。儘能督率辦理。況有李奉翰在彼幫辦。自可料理裕如。其餘並無緊要事件。必須阿桂駐工。籌酌者。現在東省運河。德州濟寧俱有應行查勘挑挖之處。且濟寧以南。為黃河下游。經漫水漲溢。三湖一帶。專藉潘家屯六塘河等處分洩。明春開放引河時。必須使積水暢消。迅速歸海。民田盡行涸出。方為盡善。何裕城係新任總河。於東省運道。是其專責。阿桂此時正應率同何裕城。由河南查勘新開引河隄工。順道前往東省。將運河一帶隄牆土石各工。及橋梁緯道。逐段履勘。所有應行酌籌辦理。及啟閉宣洩機宜。通盤籌畫。悉心妥議。並告知明興。即行遵照妥辦。何裕城陞任後。本應陞見阿桂。即同該總河來京。詳悉面陳一切。阿桂亦可留住數日。再往工次。較之具摺陳奏。更為詳盡。計四十九

年。即屆南巡之期。所有東省河湖水道。自應豫籌妥協。如庚子南巡。經臨時。水程穩便。行所無事。阿桂係曉事之人。定能仰體朕意。一切經理得宜。並將何日啟程。前往東省之處。迅速覆奏。以慰廑念。將此由五百里各諭令知之。○軍機大臣。兵部會議。各省裁扣各營名糧。添補實兵事宜。除河南山東兩河營。陝甘二省業經臣等具奏外。其直隸山東山西河南湖北湖南江西江南福建浙江廣東廣西雲南貴州四川十五省。應分晰定議。一各省應實添兵額。直隸養廉名糧。添兵三千八百七十名。賞卹名糧。添兵九百名。山東添養廉兵一千五百八十一名。山西添養廉兵二千一百六十名。賞卹兵四百三十五名。河南添養廉兵九百七十九名。湖北添養廉兵二千三百八十八名。湖南添養廉兵二千五百八十八名。江南添養廉兵四千四百一十一名。賞卹兵六百名。江西添養廉兵一千三百三十

七名賞卹兵二百五十名。廣東添養廉兵五千七百七十四名。廣西添養廉兵二千三百三十四名。雲南添養廉兵四千五百六十四名。賞卹兵八百九十六名。貴州添養廉兵四千六百六十八名。賞卹兵六百十六名。福建添養廉兵四千七百五十六名。內臺灣南北二路汎廣兵單應於內地現議添兵各營內抽兵四百名。按班調駐浙江添養廉兵三千三十九名。四川添養廉兵四千二百七十四名。以上應添兵均限一年挑補足額。至公費名糧一項。前經臣等籌議陝甘兵額案內。緊令刪除名色。毋庸募補。今山西河南湖北湖南江西五省。並請將原扣公費名糧添足實額。應飭一律刪除。再山東江南二省。內有水師舵工貼糧一項。亦應照公費例刪除名色。仍按照向得銀米給與工食。一各省公費一款。據四川總督福康安奏業經遵議刪除。所需銀三萬三千三百餘兩。作正估撥等語。應

如所奏其餘各省及河南山東兩河營並令一體遵辦。仍按查定實需確數動支。年終報部。一四川武職名糧外尚有疏燭心紅例馬各項報部支給。應照舊准支。一綠營兵紅白賞卹銀應遵旨於正項銀內支給報銷。一添設新挑兵丁馬匹直隸浙江請動司庫朋建銀兩山西江南廣東廣西請動扣存馬價置買均如所奏。至山東河南湖北湖南江西俱有新添馬兵應俟該督撫奏到再議。又山西准以守兵三名改步兵二名。閩浙准以馬兵概作步兵。照數添補。雲貴准以馬兵改補步守四川准以馬兵改補戰守。其應支餉銀等項均令照步守分例覈給。所有節省銀統於奏銷案內登報。一添設軍裝器械除四川請以舊存裁兵軍械撥給雲南尚有餘存軍械外直隸江南廣東廣西福建浙江貴州均准以公費項下製造。其未議及軍械各省應俟奏到再議。一各省既添多兵自應添官管束。

今雲南請以廣羅協副將都司移駐楚雄改
為楚雄協以楚雄營遊擊守備移駐廣羅改
為廣西營又以由永昌分駐緬寧之右營守
備千把總徹回永昌所有緬寧汎原駐永昌
協撥往兵四百名應按原數改歸順雲營管
轄以鷓麗鎮右營守備改歸順雲營分駐緬
寧并將永昌右營撥出千總一員把總二員
外委三員改歸緬寧守備管轄作為順雲營
右軍又江西請設額外外委四員福建添設

額外外委四十七員同安龍巖二營抽撥經
制外委各一員浙江添設額外外委十七員
廣東廣西以每兵四百名添設額外外委一
員雲南貴州以每兵二百名挑補額外外委
一員又直隸泰寧鎮請於添兵每百名拔補
額外外委三員又四川省該督請以松潘鎮
要隘處所加增十一塘建昌鎮添設三塘大
竹縣所屬之四合鎮設一汎在達州營派撥
外委一員又附近之楊通廟亦設一汎於順

慶營撥駐千總一員仍於羅鍋磧石子灘二
處分設二塘又重慶鎮標右營之合州汎向
無塘遞今擬增設三塘梁萬營地處衝要僅
設把總外委各一員不敷駐守存城汎地現
係夔州協派撥千總一員貼防今擬將瀘州
改歸永寧營兵弁內裁汰千總外委各一員
移駐梁萬營添設阜和協右營所屬之長老
坪大關山小關山黃泥鋪四塘向係黎雅營
派撥弁兵駐守而黎雅營所屬之丹稜營又
係阜和協撥弁貼防殊多牽掣今擬於阜和
協右營所添兵內派撥三十名分防長老坪
等四塘為一汎即將貼防丹稜汎外委撤回
駐守其黎雅營撥駐長老坪等四塘兵三十
名撤回本營仍派外委一員赴丹稜汎駐守
永寧營本係一協因改設叅將將該協右營
分駐瀘州仍留千總一員外委二員兵九十
六名駐劄永寧舊城而兵弁歸瀘州營管轄
二處相距較遠差操現歸永寧營管理請將

現駐永寧舊城之兵徑隸永寧營就近管束。其瀘州改歸永寧所有營弁三員內留外委一員歸永寧營管轄外其千總外委各一員可裁。查有重慶鎮屬梁萬營員弁不敷向係夔州協派撥千總貼防擬將前項千總一員移歸梁萬營派設其夔州協原撥千總撤回本標差操均應如所奏至山西省請添設千把外委各員雖為管領兵丁起見但應於通省酌量情形照數移撥未便議添其應添額外外委一項令查明員數報部。直隸泰寧鎮係

陵寢重地外紅橋二十四汛原設每汛兵五名兵房兩間今擬每汛十名增造兩間共新舊三十三汛每汛四間應准其添建又四川現請將應添塘汛兵房必須增設者摺節估計造冊咨部至各省新挑兵丁所需兵房仍令各該督撫按照向例辦理如有應添之處酌量添建從之。○葉爾羌叅贊大臣復興特通

額奏回民購買外夷為奴本干例禁請嗣後拏獲販賣人口商賈除從重責懲外仍按所買人數酌罰騰格錢獎賞拏獲之台站回民報可○是日駐蹕安巴究和羅色欽大營。○癸巳

上行圍。諭據明興奏查勘兗州曹州二府及濟寧州各所屬州縣衛續報被水地畝先行撫卹一月口糧再行確覈輕重情形分別加賑此外水占地畝俟豫省新河開放一經涸出應行籌借籽種口糧臨期奏明請旨辦理等語已於摺內詳悉批示矣豫省開挑引河須俟明春桃汛開放被淹地畝即使全行涸出不但不能補種秋麥即春麥亦不能趕種止可播種大田若彼時始行借給籽種口糧恐緩不濟急災氓未免拮据朕心甚為軫念著該撫督率所屬即速查明如有應行賑卹酌借籽種者一面辦理一面奏聞毋使一夫失所副朕惠愛黎元有加無已之至意該部

即遵諭行○又諭前據明興奏。利津昌邑等縣猝被海潮。田禾房屋多有淹損。隨降旨令其詳晰查勘。一面奏聞。一面妥為撫卹。今據明興查奏。被水較重者。係利津壽光樂安三處。其次則霑化昌邑濰縣三處。至海豐縣被水後消洩甚速。情形較輕等語。利津壽光等縣猝被風潮。以致田畝被淹。房屋衝塌。濱海窮民殊堪軫念。著明興即將勘明被災各縣。遵照前旨。督率妥員。實力賑卹。其房屋被水

衝塌者。即照例散給修費。毋使一夫失所。以副朕軫卹災黎至意。該部知道。○是日。駐蹕庫爾圖察罕大營。○甲午。

上行圍○諭鑾儀衛校尉長內。現有內務府驍騎校二員。本非額缺。著加恩賞給內務府驍騎校二缺。著為令。○是日。駐蹕額勒蘇錫納大營。○是月。欽差大學士公阿桂覆奏。兗沂曹道張永貴承辦河工。尚能奮勉。無須更換。得旨覽。○兩江總督薩載。江南河道總督李

奉翰覆奏。清黃交匯以下。至雲梯關入海處。計程四百餘里。在平日河流順軌。束水攻沙。此數百里內。水色全黃。今青龍岡漫水淤沙。澄於上游。凡分洩入黃者。盡屬清水。是以入海水色亦清。得旨。亦祇可如此說。此理究難明。○漕運總督鄂寶覆奏。上年糧艘過濟寧時。黃水尚未下注。逆行無阻。今歲重運北上。積水未消。伏秋水勢節次增長。江廣各幫船重。因致脫空遲緩。得旨。已有旨截漕。並明歲

先免江廣糴糧。可以不費周章。此係汝任內事。何不奏計。及待朕問。又不詳妥辦理。汝真無用之物矣。○江西巡撫郝碩奏。江西貢院號舍年久傾圮。應行拆造。其監臨公署東北向有號舍七百二十間。與東西文場遙隔。查察難周。請移建至公堂前西首隙地。又闡內巡緝文武員弁。向搭蓬廠棲止。火燭堪虞。今擬改建瓦屋二十五間。請動項興修。報聞。○山東巡撫明興覆奏。黃水漫淹地方。凡大溜

經由處。刷有河身。將來水涸後。難免飛沙積壓。不能耕種。至兩旁漫水處。多係膠泥。淤後轉成腴壤。報聞。○西安將軍伍彌泰。陝西巡撫畢沅。西安副都統薩炳阿。奏西安滿營增設官兵。添建兵房。現趕緊於立冬前辦竣。以便移駐官兵。趁天氣未寒。起程到陝。得旨嘉獎。○陝西巡撫畢沅。奏各屬收捐監糧。臣親查無缺。惟常平糧石。因節年豁免賑濟撥運京豫等項。多有缺額。請即以此項監糧撥補。西監現已停捐。嗣後應將監糧名目刪除。報聞。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百六十三

大清高宗法天隆運至誠先覺體元立極數文奮武孝慈神聖純皇帝實錄卷之一千一百六十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事務處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅九月乙未朔

上行圍○戶部議覆陝甘總督李侍堯疏稱陝甘署事武職員弁照文職支食養廉例分晰酌定事宜一額支養廉不扣除小建遇閏月不增以每年原額數目按三百九十日均勻攤支一現任人員遞行委署陞遷事故員缺全支署任養廉一保題引見人員尚未陞調有缺與陞調人員不同且眷屬尚在本營請支一半養廉俱應如所題一養廉請於季首關支查文職向係季底支領應畫一辦理從

之 是日駐蹕安巴完和羅昂阿大營（丙申）

上行圍○諭軍機大臣等內閣將本年雲貴川廣福建等省秋審情實各犯比較上年秋審開單具奏覈其案犯人數雖較上屆減少但四十五年係停勾之年是單內所開上屆各該省情實人犯係合兩年總數而以本年較之僅減十餘名至五十餘名不等是名為減少其實比舊增多此等案件在承辦之各督撫自俱按律問擬未必有意從嚴但以情實重犯遽增如許之多其故甚不可解是否因生齒日繁良莠雜出以致作奸犯科者比舊增加抑係刑部及九卿改駁者多耶著傳諭刑部堂官將此次情實各犯因何較上兩年人數增多之故詳晰據實覆奏尋奏生齒日繁案件亦逐年增益此次秋審各犯該督撫原擬情實者覈之上兩年本多三百餘起而情重傷重之犯刑部及九卿由緩決改入情

實者又一百六十七起是以數較多於往年。報聞。又諭。據陳輝祖奏。改建文瀾閣。安設四庫全書一摺。內稱。勘得玉蘭堂。逼近山根。地勢潮濕。難以藏書。擬於玉蘭堂之東。迤下藏書堂後。改建。並稱。據商總等呈請。改建等項。及雇覓書手繕寫之費。情願按數呈繳。等語。玉蘭堂既據陳輝祖奏。稱地勢潮濕。難以藏書。現在盛住奏請。陞見。且俟伊到京後。詢明該處情形。將文瀾閣式樣帶去。再行辦理。商總等呈請捐項。自辦該處。改建文瀾閣。出自伊等情殷。桑梓踴躍輸忱。尚可准行。至雇覓書手繕寫。現已飭動官帑。辦理。前據伊齡阿奏。揚州商人請捐。辦大觀堂金山寺二分繕書費用。已於摺內批示。不必令仍動用官項。所有浙商呈請公捐之處。亦可不將此傳諭陳輝祖。並盛住知之。○又諭。據陳輝祖奏。續估海塘魚鱗石工一摺。內稱。前經題撥恩賞。并賠繳。查抄各項。遵旨留為塘工應用。

共銀一百四十二萬一千八百六十二兩零。除撥給原估續估工料銀兩外。尚多餘銀三十九萬九千二十五兩零等語。此項多餘銀兩。毋庸解京。即著賞給該省。為四十九年南巡黏修行宮等項應用。上次庚子南巡。一入浙江。首站屋宇倍增。並多黠綴。比至杭州。則添設座落更多。繁費無益。非朕省方問俗之意。屢經降旨訓飭。將來行宮座落。止須將上屆舊有屋宇畧加黏補。此項銀兩。儘足敷用。不必再動別項。其行宮座落。斷不得踵事增華。更滋繁飾。該督務須仰體朕意。妥協經理。將此諭令知之。○是日駐蹕烏蘭哈達南大營。丁酉。上行圍。○諭軍機大臣等。據明興覆奏。東省承挑引河土方一摺。內稱。坐落東省河尾工程一段。土方二十餘萬。隄工估土五萬餘方。並非東省推諉。其初實未接准豫省移咨派辦。即經豫省委員自行辦理。後始准知照等語。

前因東省應還土方恐承辦之員不免意存推諉是以降旨詢問今據明興奏此段工程其初並未接准豫省移咨是東省未將代挑土方歸還尚非有心推諉明興初任巡撫所奏情節自不應虛飾或豫省籌辦時本未知照該處亦屬情事所有現在豫東兩省派定各工均已趨緊興挑其曾否知照一節亦無關緊要朕不過欲明白此事著傳諭阿桂富勒渾將從前指定工段及有無咨移豫省之處

據實覆奏明興摺併著鈔寄阿桂等閱看

○是日駐蹕伊遜河東大營○戊戌

上行圍○諭刑部進呈雲南省招冊內有該撫原擬情實者鄭起黃禹鼎二案有由九卿改入情實者三保羅士朝二案覈其情節俱有可原如同民鄭起與民人管宏亮合夥開礮彼此爭論管宏亮因鄭起係屬回民忌諱猪油抱住鄭起將猪油抹口該犯正持刀切物一時不能掙脫用刀嚇戳致中管宏亮右腿

一傷越日殞命黃禹鼎因沈姓酒醉查詢沈姓即行詈罵并揪扭推跌毆打該犯掙扎不脫順拔身佩小刀戳傷其臂膊肩甲二處殞命此二人者傷由圖脫殺本無心與逞兇疊戳者有間乃該撫定擬情實刑部亦照擬覈覆皆因曾降諭旨有金刃傷人應入情實一條遂爾不權輕重及傷痕多寡未免過於拘泥至九卿所改情實二起如三保向孫皮匠索欠被毆該犯回毆致斃事本理直死出無心羅士朝因被黃春元父子二人抱住疊加毆踢該犯一時情急用刀嚇劃致傷黃春元身死與持刃逞兇者不同九卿改入情實亦未免過當夫金刃殺人所以令入情實者原以此等人犯彼此逞忿輒用金刃殺人不可不嚴行懲儆至其中情罪稍有可原者勾到時原可不至予勾此等人犯經十次秋審便可入於緩決各該犯久坐囹圄既可抑其强悍之氣使衆人亦知所儆惕此朕辟以止辟

刑期無刑。原非有意從嚴也。且即以金刃傷而論。亦當覈其情事之曲直。傷痕之多寡。今不詳細確覈。一概入於情實。又豈朕矜慎庶獄之意乎。秋讞大典。人命攸關。理宜悉心推究。以期無枉。無縱。蘇軾所謂臯陶曰殺之三。堯曰宥之三。朕嘗著論闡之。蓋讞獄之道。必須準酌情理。其情真罪當。與夫一綫可原者。應宥應殺。俱有一定權衡。不得存畸重畸輕之見。若罪應殺者。即堯亦應曰殺之三。罪應宥者。即臯陶亦應曰宥之三。設如所云。則是君臣相率為偽。以取名。豈可以為法乎。總之兇暴之徒。不可不嚴加整治。若意存姑息。欲積陰功。則每年秋審。竟可不辦。令死者含冤地下。有是理乎。然欲避寬縱之名。而故為刻深。周內則失入之咎。比失出為尤重。凡內外問刑各官。皆不可不深體此意也。除已進各冊。朕逐一親加詳覈。所有未進各省招冊。著刑部堂官再行覆覈。如有似此等案情者。俱

著於黃冊內。本案條下黏簽聲明。候朕親定。並將此通諭中外知之。○又諭內閣。將四川省秋審本進呈。內經九卿從緩決改入情實者。十四起。各省秋讞重典。乃臬司專責。必須準酌案情。按律定擬。川省臬司孫嘉樂。前據福康安面奏。辦事平常。是以降旨令其來京。交部帶領引見。今觀其承審案件。經改駁至十四起之多。是其辦理草率。實有應得之咎。孫嘉樂著交部嚴加議處。至該督福康安。於覆讞時。未能悉心推勘。即照原擬定案。亦屬不合。並著交部議處。○又諭曰。貝勒永福。向來行走甚屬奮勉。今扈從圍場。忽聞溘逝。朕心深為軫念。著賞銀一千兩。辦理喪事。其貝勒例應降等承襲。但念永福平日奮勉。且在外病歿。永福之子著加恩。仍襲封貝勒。○諭軍機大臣等。工部奏節慎庫收發錢糧摺內。有更換昭陵隆恩殿鋪地龍毯及

昭西陵隆恩殿寶座坐褥二項該部俱准覈銷
朕於乾隆四十三年恭謁

昭陵見殿內鋪地龍毯尚屬完整今為時無幾
何以即請更換至

昭西陵殿內寶座上有寶龕內懸帷幙坐褥安
設幕中層層遮護即供案前寶座平日有祇
遮蓋殿門又常關閉不應遽至虧舊該部並
未酌覈年月久暫議駁即照所請題銷亦屬
非是著傳諭慶桂即恭查

昭陵殿內龍毯是否完整因何時日未久遽請
更換並著傳諭剛塔將

昭西陵殿內寶座坐褥何以龕幔層遮即至虧
舊應行更換之故查明據實覆奏嗣後工部
遇有此等咨請更換事件務須詳慎查覈方
准照辦不得仍前照咨辦給即更換之後舊
物應如何辦理亦未議及甚屬疎忽並將此
傳諭工部堂官知之○禮部遵旨議奏本年
孟冬時享

皇上閱視

列聖寶冊儀注先期工部設黃案於中和殿屆
時臣部堂官恭設

寶冊於黃案上鑾儀衛官恭設彩亭於太和殿
丹陛上

皇上御龍褂詣

寶冊案前閱視派出之宗室親王等捧

寶冊出太和殿中門安設彩亭內校尉昇亭御
仗黃蓋提爐前導王公以下俱補服齊集於

太廟街門外跪迎太常寺官豫設

寶冊黃案於

太廟前殿彩亭至時親王等捧出

寶冊暫安於黃案上次日

皇上行禮以前恭捧至

中殿金匱內尊藏將舊藏

寶冊請出於潔室內安奉俟明歲候旨遵行諭

軍機大臣等據德保等奏本年孟冬時享閱

視

寶冊儀注並繪圖呈覽等因一摺細閱圖內恭設

寶冊箱匣黃案處所向係豹尾鎗右邊排立之地茲既將箱匣黃案陳設該處則豹尾鎗無處排立此處地面甚寬應將

寶冊箱匣黃案稍移向前其後留豹尾鎗排立之地於體制觀瞻均為整肅德保等何不曉事若此著將此傳諭知之餘俱著照所議行○刑部議覆伊犁將軍伊勒圖奏稱發遣新

疆年滿官犯要俊卿現遵旨發交應配地方安插遇赦再令回籍查官犯由軍流改發新疆向俱未定配所十年期滿請咨部配定地方至旗員原擬軍流改發者年滿作何辦理請飭部定議等語臣等酌議嗣後此等發遣年滿之員除本犯不至軍流者仍照舊例辦理外其本犯軍流因情節較重從重改發新疆者十年期滿該將軍遵例奏聞將該犯解交陝甘總督查明該犯原籍按五軍三流道

里指定應配地方即轉解該省交該督撫酌

量安插遇有恩赦再奏請釋回至旗人犯該

軍流從重改發新疆之員十年期滿仍遵例

奏聞將該犯解交刑部按照該犯應得軍流

罪名分別折枷滿日鞭責釋放從之○是日

駐蹕六道河大營○已亥賜蒙古王公貝勒

額駙台吉等食○以鑲黃旗護軍統領景燭

為右翼前鋒統領調正紅旗護軍統領永信

為鑲黃旗護軍統領調鑲白旗護軍統領額

森特為正紅旗護軍統領以一等塔布囊丹

巴多爾濟為鑲白旗護軍統領○以科爾沁

郡王鄂勒哲特穆爾額爾克巴拜為鑲黃旗

蒙古都統以正黃旗蒙古副都統成策鑲黃

旗蒙古副都統台蒙阿對調○是日駐蹕張

三營行宮○庚子諭據何裕城奏八月上旬

連遇暴風江西贛州等衛幫船行至新挑河

一帶被風掣斷錨纜刮折大桅以致人力難

施將船打至南陽湖心被浪撞碎共計沉溺

漕船一十六隻。漕米俱行漂沒等語。內河失風沈溺漕船。漂失米石。照例應著落通幫旗丁分攤賠補。但濟寧以南為黃水下游。今歲河湖水勢甚大。非往年可比。且疊遇暴風激撞。人力難施。尚非該旗丁等疎失所致。所有各船漂沒米石。俱著加恩豁免一半。明歲該省係蠲免漕糧停運之年。其應賠一半米石。俟開運後。著分年帶還。以紓丁力。該部即遵諭行。○又諭據朱椿奏。部選廣西南寧府

同知程德炯。於上年十二月內。在安徽本籍呈報患病調理。迄今九月有餘。未據咨報病痊赴任。明係規避遠缺。藉病遷延。請旨革職等語。程德炯係部選人員。理合依限赴任。乃託詞患病。至九月有餘。顯係有心規避。程德炯著革職。發往軍臺効力贖罪。以示懲儆。至朱椿前於回民海富潤一案。辦理錯謬。因降旨交部察議。經部議以降二級調用。不准抵銷。實所應得。已將此本折留。本擬降旨依部

議行。今於程德炯規避遠缺之處。即能據實奏。尚屬留心。所有部議朱椿降調一本。著加恩改為革職留任。該部知道。其朱椿奏到原摺。併發各省督撫。遇有似此規避劣員。俱著留心查察。據實具奏。毋得稍為徇隱。○諭軍機大臣等。本日據雅德奏。福建泉州府屬南安縣童生尤黃雲。與該府禮房書辦蔡進。爭論卷單錢文。將蔡進毆打。蔡進避入科房。尤黃雲糾聚多人趕至。擲石擊鼓。該府出堂。

飭傳蔡進質究。該犯等又拾石擲打。陸續拏獲首從各犯。嚴審究擬。將首先開闢之尤黃雲。照光棍例。問擬斬決。隨同之尤瑞熙等。分別絞候。杖流一摺。又據薩載奏。阜陽縣賊匪張樸。行竊被獲。囑其母舅周錫凡。糾約多人。各持器械。毆差搶犯。將捕役李坤。張魁。捉至河灣。痛毆幾斃。又帶領張萬。周洪超。將張魁。李坤。疊毆骨折。致斃。復將李坤兩眼挖出身死。拏獲各犯。嚴審將張樸。周錫凡。張萬。周洪

起問擬斬絞立決。李添幅、周梅等分別擬以絞候發遣一摺。俱批交三法司覈擬速奏矣。府書蔡進、辦考散單、索增錢文雖有不合。尤黃雲並不據實控究。輒敢挺身出頭毆打。復與尤瑞熙等直進知府衙門開鬧。迨該府出堂。尚無忌憚。仍敢嚷罵擲石。兇橫已極。此而不嚴加懲儆。其何以肅士風而整法紀。除首先開鬧之尤黃雲應照擬斬決外。其原擬絞候之尤瑞熙、蘇克俊、曾化雨、戴雲騰四犯。俱屬法無可貸。即歸入秋審情實。亦應予勾。現在已屆勾到之期。刑部毋庸更繕黃冊。著即將該四犯於摺內聲明。定擬絞決。其隨同附和原擬杖流杖徒各犯。亦應加重問擬發遣。至新疆府書蔡進、欵錢名衅。自應照擬發遣。至江蘇省之張樸、周錫凡等各犯。係行竊積匪。膽敢糾眾持械毆差奪犯。將捕役張魁、李坤疊毆骨折。復將李坤兩眼挖出。先後致斃。兇惡已極。除問擬斬絞立決各犯。俱應各照原

擬外。其原擬絞候之李添幅、周梅二犯。刑部亦毋庸繕冊。即隨摺以絞決定。擬其餘應行發遣者。亦應照擬發遣。新疆以警兇頑。所有此二案餘犯。著各按情節分別定擬。速行具奏。將此諭令刑部堂官知之。○予浙江定海鎮標左營巡洋遭風淹斃把總董秉孝賞卹如例。○旌表守正被戕湖北鍾祥縣民田澄妻王氏。○是日駐蹕波羅河屯行宮。○辛丑諭曰。福長安、喀寧阿著馳驛前往河南會同阿桂查看河工事件。○諭軍機大臣等。前據內閣將四川省秋審各案進呈。經九卿從緩決改入情實者。至十四起之多。是川省秋審案件臬司辦理草率。該督亦未能悉心推勘。因降旨將孫嘉樂交部嚴加議處。並將福康安一併交部議處矣。本日閱刑部進呈四川人犯招冊。九卿所改十四起內。惟宋模一起。因李年位代王輔臣割豆。王輔臣之父王自偉索分。李年位不依爭鬧。宋模向勸被踢。因

用刀扞格致傷王自偉左腿殞命該犯因被踢扞格殺出無心九卿議以刃斃徒手意袒內親而殺其父未免深文又趙子聞一起因唐二娃借錢不允唐二娃撲攏向毆該犯正磨剃頭刀隨手搪扞致劃傷唐二娃喉嚨殞命是該犯適在磨刀隨手劃傷亦非有心致死九卿議以情近故殺均未免過當除此二案外其餘十二起刑部改入情實者均屬情真罪當是福康安於覆讞時不能細心推求

自難辭咎著傳諭福康安嗣後辦理一切案件務須詳慎覈實以副朕教育委任之至意○又諭據何裕城奏八月上旬屢有暴風江西贛州等衛幫船行至新挑河一帶被風沈溺漕船共計一十六隻等語已明降恩旨將應賠漕米豁免一半以紓丁力矣贛州等幫漕船或打至南陽湖心被浪撞碎或在棗林被風碰沈俱在東省境內明興自己接該地方官稟報且毓奇率同沈啟震在彼照料查

催見聞較早何以明興毓奇尚未奏及殊不可解著據實覆奏至此項沈溺米石著傳諭明興多雇人夫儘數打撈雖撈起米石業已浸濕不堪續運現在正屆加賑之時尚可搭配放給並著該撫將撈起若干之處及如何辦理緣由即行具奏○又諭昨據何裕城奏江西贛州等衛幫船行至新挑河一帶被風沈溺一摺內稱八月初四初六十一等日風狂雨大波浪洶湧船隻被風掣斷錨纜或刮折大桅打至湖心撞碎漂沒等語此數日內風暴異常船隻多被擊碎想運丁水手人等落水淹斃自所不免著再傳諭明興等即將各幫船隻被風漂沒時有無傷損人口又現在湖河界連水勢深大恐沈濕米石難施人力是否尚可打撈之處一併查明具奏○又諭曰鄂寶身任漕運總督糧艘北上沿途照料查催是其專責贛州等衛幫船遭風沈溺至一十六隻之多何裕城在豫省工次業經

據稟轉奏。鄂寶親自督運在途。何以並不具奏。豈目覩漕船疊遭漂溺。竟漠不關心耶。近日挽運諸事。皆係毓奇經理。鄂寶於本任要務。乃竟玩延若此。試問伊平日所司何事。著馳諭五百里。傳旨嚴行申飭。並著明白回奏。○又諭據伊勒圖奏。金川潰兵案內。改發伊犁遣犯宗守孝一名。於本年七月初四日。在配脫逃等語。宗守孝係金川木果木潰兵。即應正法之犯。加恩改發伊犁。給厄魯特為奴。已邀法外之仁。乃該犯並不在配安分。輒敢乘間脫逃。甚屬可惡。該犯係甘肅河州人。計其逃逸後。必仍竄回原籍。著傳諭伊勒圖。即速行文新疆各處沿途截拏。並著傳諭李侍堯。督飭員弁於甘省及新疆一帶。將該犯嚴行訪緝。均著不論何處弋獲。即於該處正法。俾潰兵改發新疆者。知所儆畏。○又諭。前陳輝祖查抄王亶望物件一案。疑有抽換抵兌之事。傳諭盛住。令其留心察訪。據盛住奏查

出陞任糧道王站桂。首先隨同抄籍。有將金易銀。那掩情弊。此事既經查明。原冊不符。確有案據。自不便置諸不辦。現在派侍郎福長安客寧阿。取道河南。將王站桂解任。押帶赴浙質審。外所有隨同辦理此事之委員吏役。俱現在浙省。著傳諭陳輝祖。即同盛住。先行提集在事人證。悉心查辦。將原冊因何不符。及如何抽抵之處。逐一根究。務令水落石出。其應行解任革職聽審者。亦即一面奏聞。一面辦理。毋庸俟欽差到浙。致滋耽擱。至陳輝祖上年辦理塘工。頗為出力。又係兼管撫篆。事務繁多。或一時查察不到。尚屬情理。所有朕於此事。開誠布公。因陳輝祖受朕深恩。必不肯扶同徇隱。是以令其會同辦理。陳輝祖果能一秉天良。盡心查辦。將來不過有失察處分。朕必加恩寬宥。倘不肯實力辦理。或意存迴護。若經欽差等查出。則是自取重戾。朕不能復為曲貸也。○又諭。據尚安奏接暹羅

國鄭華稟稱因伊父鄭昭病故臨終囑其尊奉天朝永求福庇茲特齋文稟報俟至貢期當遵例虔備方物朝貢等語鄭昭於上年輸忱獻納極為恭順是以准其朝貢並加恩賞賚筵宴以示懷柔今鄭華遵父遺言効忠輸忱理應專遣使臣具表懇請乃僅遣夷目齋文稟報自不便遽准所請現已令軍機大臣擬寫檄稿諭以接閱來稟據稱爾父鄭昭業已病故臨終之際諄諄囑汝以尊奉天朝永

求福庇為念理合稟報俟至貢期當遵例虔備方物朝貢等因上年爾父獻表輸忱備物進貢小心恭順經本部堂據情代奏仰蒙聖恩俯准入貢並令貢使附於班聯之末一體入宴瞻仰天顏特加賞賚此皆大皇帝俯鑒爾父悃忱加恩格外至為優厚今爾父病故爾繼嗣為長謹遵汝父遺命急欲効忠天朝具見恭順悃忱但汝理應具表叩謝天恩並將爾父身故及爾繼嗣各情節詳晰聲敘本

部堂方可據情轉奏今爾僅遣使稟報並稱俟至貢期當遵例虔備方物朝貢等語在爾國僻處遐荒未諳體制但本部堂等職司守土似此情節不敢冒昧代為具奏現在爾國貢使候有北風即可掛帆歸國俟彼到後傳宣入宴蒙賞屢受大皇帝格外鴻慈爾當益加感激如果欲効忠輸悃承受天朝封號必須具表自行懇求本部堂方可代為轉奏用是剴切曉諭爾其知悉此檄該督等即可遵

照辦理發往至該國貢船入境所有壓艙貨物自當照例免其納稅並委妥員防護伴送以示體恤將此由五百里諭令知之○戶部議准閩浙總督署浙江巡撫兼管鹽政陳輝祖疏稱仁和場新漲影沙蕩二千九百十畝有奇請照備荒蕩起科自乾隆四十七年為始從之○是日駐蹕中關行宮○壬寅諭軍機大臣曰陳輝祖查抄王亶望貲財一案據盛住奏查出王站柱底冊不符抽換顯然因

欽差侍郎福長安喀寧阿前往河南工次。以查工為名。就近訊問王站柱。即解任押帶赴浙質審。但福長安等辦理此等事件。究不能如阿桂之歷練。前曾降旨令阿桂前往山東。查看河湖水勢情形。此時如尚未起程。即於工次等候。如已起程。行走諒亦不遠。可速回河南工次。祇作為因欽差來工。阿桂等同是督辦之人。亦不致令人疑懼也。一面札諭王站柱。以聞有欽差來豫。令其前赴工所。隨請

聖安。不可稍露端倪。俟王站柱到工。阿桂即可先將此旨傳諭。令其將如何抽換緣由。逐一供吐。倘稍有端倪。即可傳旨將伊解任。俟福長安喀寧阿到工。即交伊等帶赴浙省歸案辦理。後阿桂再往山東一帶查看河湖水勢。形來京覆奏。亦不為遲也。○吏部議覆陝甘總督李侍堯奏。稱陝省興安州形勢險要。戶口較前增至數十倍。請改為興安府。兼設撫民通判。並於縣屬分設佐雜等員。應如所請。

從之。○是日駐蹕避暑山莊。至己酉。皆如之。

御製避暑山莊後序曰。我

皇祖於辛卯年。成此避暑山莊三十六景。續圖賦什為序。以行之。而予適生於是年。此中因緣。不可思議。即位後。於辛酉年。始為巡狩之舉。至山莊徘徊思慕。因敬依

元韻。以誌景仰。甲戌年。又增賦三十六景。蓋以皇祖昔曾題額。而未經入圖。及余遊覽所至。隨

時題額補定者。總弗出

皇祖舊定之範圍。故永恬居之詩曰。已是洞天傳玉簡。得教福地續琅書。永恬居。即

皇祖御書也。

御序至矣。盡矣。茲後序何為而作。蓋予之生年。既同山莊。而予之侍

皇祖。適以壬寅。而今歲又恰當壬寅。六十餘年。蘊於深衷者。不可以不明白宣示。以自戒已者。戒我後人耳。夫居此山莊。日凜敬

天法

祖勤政惠民柔遠寧邇諸大端見之詩文者不知凡幾何尚有未宣之深衷乎無而謂有是欺已有而弗宣是欺人我

皇祖建此山莊所以詰戎綏遐崇樸愛物之義見於

御製序中意深遠也是以

皇考十三年之間雖未舉行此典常

面諭曰予之不往避暑山莊及木蘭行圍者蓋

因日不暇給而性好逸惡殺生是予之過後

世子孫當遵

皇考所行習武木蘭毋忘

家法煌煌

聖訓予與和親王及爾時軍機大臣實共聞之

而今皆無其人矣予如不言後更無知

皇考聖意者又數年來日涉成趣於向所定景
外不無建置如創得齋戒得堂之類不下二
十處既見之昨歲知過之論矣而予之意猶

有未盡者亦不可不宣示後人也蓋漢唐以來離宮別苑何代無之然不過費人財逞已欲其甚者乃至破國亡家是可戒無足法也若今之山莊乃在關塞之外義重習武不重崇文而今則升府立學駸駸乎崇文矣然杜甫所云將軍不好武稚子總能文之句余常駁之以為各有其地其職也設衆人遂以此為美亦美中之不足矣又扈蹕之衆歷數月于役采薇出車古人所以恤下此亦不可不念俾人知其所繫者大且時加惠賜焉則勞而不怨若圖已樂而忘人苦亦非仁人之所為也若夫崇山峻嶺水態林姿鶴鹿之遊鳶魚之樂加之巖齋溪閣芳草古木物有天然之趣人忘塵世之懷較之漢唐離宮別苑有過之無不及也若耽此而忘一切則予之所為蘊薌山莊者是陷穽而予為得罪

祖宗之人矣此意蓄之久而不忍言今老矣終不可不言故書之既以自戒仍敬告我後人

若後人而忘于此言。則與國休戚相關之大臣。以及骨鯁忠直之言官。執于此言以諫之。可也。設諫而不從。或且罪之者。則是

天不佑我國家。朕亦無如之何也已矣。○癸卯諭刑部尚書德福。老成歷練。宣力有年。茲聞患病溘逝。深為軫惜。所有應得卹典。著該部察例具奏。○又諭刑部尚書德福病故。所遺員缺。著喀寧阿補授。喀寧阿現在出差。所有刑部印鑰。著英廉帶管。其德福所署兵部尚書事務。著德保暫署。至兵部滿堂官。京中現在乏人。著瑪興阿即回京辦理部務。○諭軍機大臣等。據戶部議駁淮關監督全德所收淮宿海三關稅銀。自乾隆四十三年以來。遞年短絀。未便僅按上三屆比較。仍應比較四十二年。少收銀一十九萬八千八百餘兩。著令該監督等。照數賠補等語。淮關稅銀短少。該部指駁情節。甚屬近理。但近年黃河因漫口。每有斷流之事。何以該關本年短少。過於

往年。至十九萬餘兩之多。推原其故。或因向年漫口堵築。後尚有數月船隻通行。即可抽收稅銀。至本年自上年至今。漫口久未堵築。以致商販不通。船稅短少。亦未可定著傳諭薩載。即將該關遞年短缺。及堵築月分。詳悉確查。若如戶部所奏。則該監督等。自難辭咎。其有無藉端侵蝕情弊。該督即應切實嚴查辦理。若果因黃河斷流。船隻不通之故。亦即將比較各上屆情形。詳晰查明。據實具奏。候

朕再降諭旨。戶部摺著鈔寄閱看。○戶部等部議覆御史鄭澂條奏各事宜一倉庫督撫例於年底盤查題報。比自王亶望國泰破案。甘肅山東之虧空。幾徧通省。是題報僅屬虛文。請乘此清查二省之際。令各省徹底清查。等語。應如所奏。清查後。倘再有虧缺。除本員照例治罪賠補外。將盤查出結之督撫等。從重議處。並按數加倍分賠。仍令各州縣。將倉庫實貯數目。每三月彙報一次。申送該管道

府加結彙送藩司轉申督撫督撫隨時抽查
一初任官員例應領憑赴任到任繳憑比來
每有在省繳憑虛報到任又或甫經到任另
委人署檄調辦案久稽省城者請嚴定處分
等語應如所奏嗣後新選人員必親身到任
後繳銷文憑由該管各上司出具實無在省
逗留印結申送藩司加結詳送督撫報明吏
部俟送戶部交代冊結到日移查如有捏報
將出結各上司照徇情給結例降二級調用
該督撫有勒令虛報到任情事照借端勒捐
留難例降二級調用或再有勒索革職治罪
一鄉會試頭場論內易藏關節應請刪除查
頭場性理論現經副都御史巴彥學奏准移
置二場毋庸再議一考試試差明分去取易
啟士子鑽營之弊請照戊戌科以前不發考
單似更周密應如所奏嗣後考差照衙門次
序概行帶領引見其錄取名單毋庸發出從
之○以正黃旗漢軍副都統阿克棟阿為正

藍旗漢軍都統○甲辰諭軍機大臣等據阿
桂奏令何裕城先往東省查看運河各工阿
桂俟十丈子溝全完掣放水平既准挑工完
竣再行起程所辦甚好此時正有另行交辦
之事即當詳辦其東省河湖事務有何裕城
先往儘足料理將此傳諭知之○又諭前因
陳輝祖查抄王亶望貲財一案疑有抽換情
弊彼時適值陳淮來京陛見當即面詢據稱
查抄王亶望時伊已來京引見不能知悉然
觀其詞色甚屬閃爍是以傳諭盛住留心察
訪今據盛住奏查出王站柱底冊有將金易
銀抽換那掩情事陳淮前任浙江鹽道與王
站柱同為道員且俱駐劄省城斷不至毫無
聞見著傳諭陳淮將如何隱匿抽抵及何人
換去金兩並此外或有別項情弊逐一據實
具奏其從前在朕前欺飾之罪尚可加恩寬
宥倘始終徇隱不肯直陳將來查出有與陳
淮干涉知情之處則是陳淮昧良欺罔其罪

即與于易簡無異。試問陳淮能當此重戾乎。
○署河東河道總督何裕城奏豫省黃河北岸銅瓦廂埽工在蘭陽新開引河之上游。河形兜灣迎溜。素稱險要。查該工大隄後舊有越隄相距較遠。今擬自西撐隄向東直築格隄一道。長二百四十餘丈。以護大隄後路。其臨河埽工迎溜處。添築挑水壩三段。挑逼溜勢南趨。底各埽不致受險。得旨嘉獎。○調正藍旗漢軍副都統阿肅為鑲藍旗滿洲副都

統。正藍旗蒙古副都統瑪興阿為正藍旗漢軍副都統。以御前侍衛巴忠為正藍旗蒙古副都統。伊犁領隊大臣德成額為正黃旗漢軍副都統。○乙巳諭刑部。進呈本年湖北省秋審黃冊。該撫原擬緩決。九卿改入情實者十九起。湖南省改擬八起。均在五案以上。著將各該撫并按察使交部照例分別議處。○諭軍機大臣等。陳輝祖查抄王亶望貲財一案。據盛住奏查出王站柱底冊有將金易銀

抽換那掩情事。此事於李封王杲前來熱河。陛見時皆經面詢。伊二人皆以未經承辦。不能知悉為詞。因其時尚無確實憑據。是以姑勿深究。今既經盛住查出端緒。並有底冊可據。其為情弊已屬顯然。李封王杲同係浙省司道。豈竟毫無聞見。著傳諭李封王杲。將如何隱匿抽抵及何人換去金兩。並此外或有別項情弊。逐一據實具奏。無論其從前欺飾之罪。朕可加恩寬宥。即使伊二人曾在事中

亦可因其現已據實陳出。格外矜全。若經此番詢問。仍敢始終欺罔。將來查出伊二人稍有干涉知情之處。則是李封王杲昧良負恩。其罪即與于易簡無異。伊二人捫心自問。其能當此重戾乎。○以吉林將軍宗室永璋。盛京將軍慶桂對調。○以故四川松茂道屬牟托司土巡檢溫廷瑞子懷忠襲職。○丙午上御依清曠勾到秋審官犯服制及雲南貴州情實罪犯。停決官犯斬犯六人。絞犯四人。服

制斬犯四十二人。雲南絞犯七人。貴州斬犯一人。絞犯八人。餘六十一人。予勾。○遣官祭歷代帝王廟。○遣官祭

都城隍之神。○諭明歲朕前往盛京。恭謁

祖陵一切橋道備辦各事宜。皆係地方官經理。全魁人本拘緩。恐料理未能周到。不必兼管奉天府事務。所有奉天府尹事務。著伯興兼管。○又諭據大理寺少卿劉天成條奏三款。一奏稱督撫兩司。以及道府公出。請限定人

役名數。督撫限以三十二人。兩司二十二。道府十六人。等語。督撫司道等。因公出巡。所帶僕從人役。全在本官嚴行管束。時刻留心稽查。一切供應。照例發價。自不致騷擾滋弊。設若劉天成所奏。限以人役名數。如果本官不能鈐束。即一二人亦能作弊。况此數十人中。豈能保其不滋弊乎。一奏稱請令游惰全歸職業。并請飭内外文武衙門。查無職業之人。送官根究。容隱發覺。一併治罪等語。國家

太平日久。生齒日繁。游手閒民。自所不免。果有犯法。自當按律嚴懲。若如劉天成所奏。令内外文武衙門。盤查根究。無論内外各官。於本分應辦事件。尚恐不能盡職。若復令沿街逐戶。一概盤查。紛紛滋擾。成何政體。且劉天成曾任巡城御史。伊於本城居住。游民能一查察。驅逐乎。驅逐之又將使往何處乎。是斷不能行之事。空言無補。徒滋煩瀆而已。一奏順天鄉會試房官收掌。宜調取近省人員。

以防關節。並請外省各添主考一員。搜羅遺卷等語。從前雍正年間。各省調取隣省舉人入簾。不過偶一舉行。旋即停止。可見當時事勢。即有難行之處。今劉天成乃請將直隸山東山西進士出身人員。內請旨點派。無論州縣官。日事簿書錢穀文義。荒疎即該督撫亦豈能盡知屬員學問底裏。若以淺陋之人充數。更為無益。且州縣遺缺。又須委署交代。徒滋煩擾。况一法立則一弊生。僥倖之徒。又安

保其不向近省進士出身州縣鑽營謀幹乎。至正副主考兩員行之已久。場中閱卷從容。從未聞以文卷浩繁致有不能搜查遺卷之弊。至所云每省添副考官一員。翰林等雖不獲邀分房之選。仍得與典試之榮。更見意存周旋瞻顧。尤為可鄙。總之有治人。無治法。內外文武大小官員。果能潔已奉公。人思自愛。自然諸弊肅清。朕嘗以為去弊如掃塵。豈有一經除淨而終年遂可不掃乎。若如劉天成

所奏。徒事紛更。而揆之事理。實有難行之處。劉天成摺著擲還。並將此通諭中外知之。○又諭前據何裕成奏。八月上旬屢有暴風。江西贛州等衛幫船行至新挑河一帶。被風沉溺。漕船十餘隻。業經降旨將應賠漕米豁免一半。並傳諭明興等將有無淹斃人口之處。詳查具奏。本日據鄂寶等奏到該幫船隻停泊獨山湖地方。黑夜陡值狂風大雨。波浪洶湧。各船錨纜均被掣斷。四散衝淌。人力難施。

漂沒旗丁謝徐一等漕船十二隻。片板全無。共漂失米一萬三千三百三十餘石。淹斃舵水人等男婦大小二十三名口。請將漂失米石分作八年賠補等語。所奏已遲。已於摺內批示贛州等幫船十二隻。黑夜停泊。猝值暴風。人力難施。以致漂沒片板粒米。衝淌全無。所有淹斃人口。著該撫即行照例賞卹。至各船漂失米石。前於何裕成奏到時。已降旨豁免一半。並令分年帶還。但念該旗丁等猝遭

風暴。生計蕩然。人口並遭淹斃。情殊可憫。著加恩全行豁免。以示體卹。該部即遵諭行。○又諭原任大學士于敏中之孫于德裕。著承襲一等輕車都尉。仍加恩以主事用。○諭軍機大臣等。昨已降旨令慶桂與永瑋對調。慶桂俟永瑋到日。將事件交代畢。即赴吉林新任。昨永瑋自熱河起程。想尚未到。永瑋於途次接奉此旨。即速赴盛京將軍之任。一切應辦事件。務悉心妥辦。將此各諭令知之。○又

諭昨永瑋來熱河。朕見朕面。諭以吉林人性褊淺。當妥為撫綏。嚴禁跟隨。不得滋擾。今將伊調補盛京將軍。盛京官員習氣。亦與吉林相等。永瑋當恪遵訓諭。悉心辦理。至明歲朕往盛京。所有應辦事宜。務詳細籌定。將此傳諭永瑋。並諭慶桂知之。○丁未。諭前因工部奏銷摺內。有更換

昭陵隆恩殿龍毯。及

昭西陵隆恩殿寶座坐褥二項。諭令慶桂、剛塔

查明。將更換緣由。據實覆奏。茲據剛塔奏稱。此項坐褥間。有破損。經貝子允初奏明。照例咨行工部。成做等語。盛京

陵寢及

東陵

西陵供奉陳設各件。有應更換者。由承辦事務衙門。咨行工部。成做其應用物件。工部又轉向內務府。咨取輾轉咨行。辦理未免多費周折。且題銷時。轉難查覈。嗣後盛京

陵寢及

東陵

西陵事件。除應行咨請工部辦理者。仍照例咨請外。其更換陳設。如龍毯坐褥等項。由工部轉行內務府者。各該總管徑咨內務府辦給。確覈題銷。不必更咨工部轉行。○又諭曰。喀寧阿已補授刑部尚書。現在出差。刑部滿侍郎乏人。所有喀寧阿原署刑部侍郎。阿揚阿之缺。著塔琦來京署理。○諭軍機大臣等。本

日鄭大進奏到各屬糧價單內。所開價值。增多減少。今歲直隸秋收分數。前據該督奏報。通省統計八分有餘。何至近時糧價較前月遞增。是否因入秋以後。七八月間雨澤稍覺稀少。直隸各屬不無缺雨之處。以致米價昂貴。或係奸商因新穀將次登場。故昂其值。豫為少減價之地。亦未可定。著傳諭鄭大進。即行查明。據實具奏。尋奏收獲甫竣。新穀尚未集市。是以糧價較七月稍增。至大名、廣平等

府曾於九月初得雨數寸。惟保定、河間等府現在望雨報聞。○又諭據富綱奏安南國呈送咨文一件。內稱有內地游民混越占認界址。改名內隸。申請分畫等語。現在酌擬照會文稿。並飭沿邊鎮將官員留心查察等因。一摺。祇可如此辦理。安南國臣事本朝。素稱恭順。今乃因該國土民藉詞欠稅。遂謂內地游民侵占土地。改名內隸。自應飭駁。惟所擬照會該國文稿內。尚有未協之處。現已令軍機

大臣將照文擬改。諭以據該國王咨呈。內開安西十州。道里寫遠。因兵燹之餘。內地游民乘此混越。占認廣陵、萊州界址。改名猛辣。猛賴內隸。容俟秋涼。委員進抵十州。究出人犯。解送查出。其處界址未清。須當申畫等因。殊屬不知事體。安南與臨安邊境接壤。中外界址本自井然。並無淆混。至沿邊六猛地方。自隸入版籍以來。迄今百數十載。歷年久遠。所轄寨名糧額。均有冊籍可稽。無從混入爾國

所管夷地。且爾國所屬之界址。如果未清。必係爾國之土民藉端影射。希圖漏爾國租稅。祇應自行察覈。不應向內地呈請申畫也。況天朝撫綏萬國。似此邊界毗連處所甚多。從未有因地界不清。率請申畫者。今爾國如此瀆請。皆緣僻處遐荒。不諳禮法所致。本部堂若據情代奏。設交部議。轉滋爾越分妄干之咎。念爾國臣事天朝。素稱恭順。是以不即具奏。今將邊境版籍所載六猛管轄各寨落開

單明白宣示。即知雲南省之沿邊疆界天然判分。本無未清。而該國所請申畫之為冒昧也。設有不在版籍所載。而冒名影射者。則是爾土民指稱內附。串通內地奸民。在彼冒混滋事。該國王即行按名擒拏。分別解送。以憑本部堂據咨達部。按律懲究。該國王此後務宜益勵敬恭。恪守藩服。毋得據鎮目一面之詞。輕率咨呈。有違天朝德意。大皇帝撫馭外藩德威交著。該國王久為藩服。與內地一視

同仁該國王應三思以期永受國恩為此照會該國王即便查照辦理該督即可遵照繕寫發往仍須嚴飭沿邊鎮將官員嚴密查察妥為經理將此由五百里諭令知之○調廣東按察使景祿為湖南按察使以廣東肇羅道李天培為廣東按察使○戊申

上御依清曠勾到四川情實罪犯停決斬犯十七人絞犯十五人餘一百六十四人予勾○諭軍機大臣等前刑部進呈四川省秋審人

奏

事

犯招冊九卿從緩決改入情實者十四起朕詳加閱看內惟宋模趙子聞三起情稍可原餘十二起俱屬情真罪當該督原擬緩決自難辭失出之咎已降旨諭知矣本日勾到四川省人犯內將宋模一起又復細覈案情該犯因袒護內嫻王輔臣而用刀戳斃王輔臣之父王自偉是宋模先自不顧倫理逞忿行兇法難寬貸亦經予勾其可原者惟趙子聞一起是刑部所改十三起均屬允當福康安

奏

事

於覆讞時不能細心推求自有不合福康安前任滇督整飭銅鹽諸務經理妥協及調任四川查辦噶匪亦屬認真今審辦秋審援擬失當皆因該督於刑名事件素未諳習且無熟練能事之臬司攸助所致著傳諭福康安此後遇一切案件務宜悉心推鞠詳慎定擬以副朕諄切訓勉之至意○己酉諭前因江南淮徐二府屬經豫省漫水下注降旨將被淹最重之沛縣豐縣銅山邳州四處加恩常予賑卹不論月分俟水涸補種時再行停止今思山東兗曹二府及濟寧州各屬州縣衛俱當豫省下游雖節經降旨令該撫詳晰查明分別撫綏但豫省挑挖引河須俟明春桃汛始行開放為期尚久恐一時未能全行涸出災民仍未免拮据所有山東被水最重之各州縣衛著該撫明興速行據實查明即照江南豐沛等州縣之例不必論月常予賑卹統俟漫水消退再行停止該撫務實力查明

一面奏聞。一面妥辦。以副朕軫念災黎有加無已之至意。該部遵諭速行。○定宗室品級。諭近觀蒙古世襲家譜。知各蒙古王公子嗣及閑散台吉。塔布囊年已及歲者。俱各按定例給以應得品級頂帶。而宗室中除承襲封爵及現有官職外。其閑散宗室。向無按品給頂之例。現在宗支繁衍。瓜瓞綿延。皆我

祖

宗派系流傳譜列銀潢名登

實錄卷一百六十四

四

玉牒乃以身無職級。竟至與齊民無別。殊不足以示親親而崇體制。嗣後著將王貝勒貝子公子嗣及閑散宗室年已及歲者。俱照蒙古王公台吉塔布囊之例。分別給予品級官頂。其宗室現在當差。職分較小者。准其與閑散宗室一體照例換給官頂。在宗室等身有品級。自必各知自愛。不至蕩檢踰閑。其中或有不肖犯法之人。亦照蒙古台吉塔布囊之例。即行革去官頂。如此則於褒榮之中。仍寓勸

懲之意。藉此可以教育成全。而天家子姓俱得邀章服之榮。益足昭國家睦族展親之誼。甚盛典也。所有如何分別嫡庶等第酌給官頂之處。著大學士軍機大臣會同宗人府詳悉妥議具奏。至

聖祖

世宗之孫及現在皇子皇孫皇曾孫皇元孫輩。俱可戴紅絨結頂。其如何分別支派遠近。准其戴用之處。亦著一併妥議具奏。再覺羅雖

實錄卷一百六十四

四

亦係宗親。但派系稍遠。向原准其同旗人應試出仕。且有任各省州縣者。若一體另給官頂。於現行統屬儀制。轉多未協。毋庸另行議及。將此通諭知之。尋會議分別宗室頂戴事宜一

聖祖仁皇帝

世宗憲皇帝之孫。未授官爵以前。俱戴紅絨結頂。至十八歲時。視其父之職分。遵新例。按品換給頂戴補服。一

皇孫皇曾孫皇元孫輩俱戴紅絨結頂服花
褂俟封有爵秩再照所封換給頂戴補服。
閑散宗室均賜給四品頂戴四品武職補服。
一王貝勒貝子入八分公之子應封者親王
之子給一品頂戴郡王貝勒之子給二品頂
戴貝子入八分公之子給三品頂戴。至考試
時仍照例分別嫡庶並考試等第辦理。一王
貝勒貝子入八分公之承繼子雖例不應封
究與閑散宗室不同均請給以三品頂戴。

實錄卷一百六十五

聖

閑散宗室犯笞杖等私罪仍照舊例罰養贍
銀如犯徒流等罪例折圈禁空室期滿釋放
者三年無過該族長保送宗人府准其開復
頂戴如再犯法及應永遠圈禁在家圈禁并
發遣盛京者不論支派遠近均革去頂戴。
一王貝勒貝子公及現任職官革職無餘罪者
仍准照閑散宗室用四品頂戴若革職尚有
餘罪者均照閑散宗室例分別輕重辦理。
宗室年至十八歲時由宗人府查明彙題令

其戴用頂戴一盛京居住之宗室請與在京
宗室一體給與頂戴從之

實錄卷一百六十五

聖

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百六十四

大清高宗法天隆運至誠先覺體元立極敦文
奮武孝慈神聖純皇帝實錄卷之一千一百六十五

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部主事事務

世襲騎都尉軍功加十九級隨帶加二級又加二級尋常加二級軍功紀錄一次臣董誥內大臣戶部尚書保蘇滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅九月庚戌。

上自避暑山莊迴鑾。○諭軍機大臣等。據鄂寶。

毓奇奏。催趲漕船出山東境一摺。內稱於九

月初七日。將江西尾幫。趲過臨清。十二日全

數過德州北上等語。今歲河湖水大。漕船行

走遲延。前經降旨。將江西幫漕米。截留山東

三十萬石。交明興存備該處散賑之用。何以

鄂寶等摺內。復有全數幫船過德州之語。殊

不可解。著鄂寶等。即行據實覆奏。又鄂寶另

摺所稱。江西幫船。於楊村起剝等語。今思楊

村河西務一帶。距京較近。與其在此處起剝。

不若竟截留天津存貯北倉。更可省行途往

返。著傳諭鄭大進。不必前來接駕。於接旨處。

即可速赴天津。照料截留漕米之事。將來或

留為直省之用。或運赴通倉。亦為便易。並著

鄂寶毓奇一體遵照。妥辦。至毓奇自任巡漕

以來。催辦幫船。一切經理。均屬得宜。目下應

辦之事。正多。明歲巡漕御史。需人更換。與其

另易生手。不若仍留毓奇。在彼較為熟習。著

傳諭毓奇。亦不必至行在復命。於何處接奉

此旨。即由該處速回。照料回空。並明歲重運

北上之事。又鄂寶覆奏。糧船遭風漂沒。奏報

遲延一摺。該幫守備。係於八月十四日具報。

該漕督接信後。自應一面奏聞。一面妥辦。乃

直至八月二十九日。始行具奏。其拘迂遲緩。

亦不足詳悉。批諭所奏。請議處摺。亦批交部

議。仍著傳旨申飭。尋鄂寶奏。江西糧艘。共十

三幫。前奉旨截漕三十萬石。備東省賑卹。臣

數明船米數目。將永建等七幫截留濟寧東昌兩處交卸其截剩之南昌等六幫仍應挽赴楊村起剝。臣因南昌幫船係赴楊村最後之幫。是以前奏催過臨清德州摺內即將該幫作為尾幫。未能分晰聲敘。實屬糊塗。得旨。果然。○又諭曰。毓奇自巡視山東漕務以來。經理一切橋梁緯道。查催各幫糧艘。事事認真妥協。並豫籌及明歲漕船遲滯。奏請先免江廣漕糧。甚屬留心可嘉。鄂寶人尚誠實。但辦事迂緩。即如漕務是其專責。今年糧艘已遲於往年。並未見其豫行籌畫。及降旨詢問。又不詳妥辦理。而於漕船沉溺一事。具奏又遲。即此可見其辦理諸事愈形竭蹶。若令其仍任總漕。恐致廢弛貽誤。朕意欲用毓奇為漕運總督。將鄂寶調回。用為盛京侍郎。事務清簡。庶人地相宜。毓奇曾任銀庫郎中。阿桂管理三庫。自熟悉其為人。其是否可勝漕運總督之處。著傳諭阿桂據實密奏。毋得稍涉

迴護。尋奏銀庫應辦之事無多。毓奇前任郎中時才具無由盡見。然時露奮勉向前之心。人亦爽直。漕運總督事務尚不甚繁。若將毓奇補用。似尚能勝任。得旨覽。○是日駐蹕喀喇河屯行宮。○辛亥。諭前因陳輝祖查抄王亶望貲財一案。彼既恣貪侈用。而呈覽物件無甚入觀者。疑有抽換情弊。然朕本不欲辦。但不可不明此疑。因傳諭盛住留心察訪。嗣據盛住奏。查出王站柱底冊有金葉金條金錠等共四千七百四十八兩。查對解繳內務府進呈冊內。並無此項金兩。第多列銀七萬三千五百九十四兩。係將金易銀。又底冊內有玉山子玉瓶等件。亦未載入進呈冊內。顯有抽換那掩情弊。因派喀寧阿福長安前往查辦。並傳諭阿桂先行詢問王站柱。據實覆奏。茲據阿桂奏。訊據王站柱供稱。上年查抄王亶望貲財會同府縣佐雜每日親往點驗。交府縣各官收管。金約有四千數百餘兩。銀

約有三萬兩。玉器甚多。當即造有三分底冊。我於六月初九日。起身進京。陛見。即將底冊一分呈送總督。其餘兩分。分存藩司。糧道衙門。我若果有不肖之心。豈肯將底冊留於浙省。作為後人把柄。至我查辦時。總督陳輝祖。曾弔取備用物件。閱看等語。王亶望入官物件。該省竟敢抽換藏匿。公為欺罔。殊出情理之外。此事朕本不欲辦。今既查有實據。不得不徹底根究。現已派阿桂。福長安。押帶王

站柱。前往浙省審辦矣。陳輝祖身為總督。即無抽換入己之事。而於屬員通同抵匿。置若罔聞。其庸懦無能。即與勒爾謹無異。豈可復膺封疆之任。陳輝祖著革職拏問。所有閩浙總督員缺。著富勒渾補授。其河南巡撫員缺。著李世傑調補。查禮著補授湖南巡撫。富勒渾俟李世傑到河南後。再起身前往浙江。湖南巡撫事務。著舒常帶總督印。速往兼署。李世傑赴豫。必由湖北經過。接奉此旨。即帶印

迎交舒常接收。迅速赴豫。將此各諭令知之。○又諭。閩浙總督員缺。現令富勒渾補授。富勒渾到任。尚需時日。所有總督巡撫印務。著福長安署理。福長安未到之前。著王進泰暫行兼署。○諭軍機大臣等。據阿桂奏。訊據王站柱所供。自屬實情。竟係陳輝祖營私舞弊。抽換抵兌。實出情理之外。此事甚大。非阿桂前去審辦不可。現在豫省河工。已辦有章程。將次完竣。並無必需。阿桂在彼經理事件。即

著同福長安。迅速馳驛前往浙江。徹底查辦。至陳輝祖。曾經阿桂稱其能事。用為閩浙總督。兼管撫篆。今阿桂查訊此案。即首疑及陳輝祖。並不稍存迴護。大臣居心。理宜如此。今往浙省查辦。自當秉公持正。訊得確情。也。至現在辦理勾到。刑部堂官需人。喀寧阿。於何處接奉此旨。即著回京。不必前往浙省。福長安接旨後。即於該處等候阿桂同往。再閱王站柱所供。尚非虛捏。阿桂等即將伊帶往質

對若所供屬實伊竟無罪可毋庸查辦○又諭陳輝祖查抄王亶望物件一案有抽換抵兌之事現已降旨令阿桂福長安前赴浙江徹底根究矣因思國棟彼時任浙江藩司經手此事且查抄底冊在藩署收存縱使無分肥情弊國棟已有應得之罪非王站柱之查辦造冊後即行離任者可比著傳諭薩載即將國棟解任派委妥員迅速將國棟解赴浙江交阿桂等歸案嚴審辦理現在安徽藩篆

需人接署陳淮雖係臬司但曾任浙江鹽道亦係事中之人未便令其接署所有安徽布政使印務著劉墉前往署理其江寧布政使印務著薩載另委妥員接署○又諭曰富躬陛辭未久到任尚需時日安徽巡撫印務現係薩載兼署布政使國棟現有解任審訊事件薩載所管事務繁多恐難兼顧著傳諭富躬於途次接奉此旨迅速兼程赴任○吏部議欽差工部尚書劉墉等奏山東歷城縣倉

庫虧空將徇隱之歷任上司議處分別降革得旨此案倉庫虧空皆由國泰貪縱營私于易簡扶同欺隱所致其歷任各上司過祇失察俱著加恩免其降革○豁除直隸密雲縣乾隆四十五年分水衝沙壓地三十頃三十九畝有奇額賦○是日駐蹕常山峪行宮○壬子

上御行殿勾到廣東情實罪犯停決斬犯十三人絞犯七人餘一百三十五人予勾○諭內閣將山西省秋審本進呈內經九卿從緩決改入情實者共二十二起各省秋讞大典督撫臬司俱應斟酌案情悉心推勘昨因四川秋審案件經九卿改駁者十四起降旨將總督福康安臬司孫嘉樂分別交部議處並將福康安傳旨申飭農起久任封疆且在藩臬任內有年非福康安之初任外省不諳刑名者可比今秋審經九卿改擬者共二十二起乃轉較四川為多農起著傳旨嚴行申飭仍

交部議處。所有山西省承辦之臬司並著一併交部議處。○諭軍機大臣等。前經降旨。將江西幫船漕米截留天津存貯北倉。已傳諭鄭大進。不必前來接駕。速赴天津料理矣。漕船起剝截留。係倉場侍郎專責。書麟諒已前來接駕。著傳諭書麟。不必前來。於接奉此旨時。即速赴天津會同鄭大進。照料截留漕米之事。○山西巡撫農起奏。榆次縣屬永康鎮東南為涂河鎮之西北為小張義村。西賈村。

郃村村前舊有棘針渠一道。引涂河之水。經由永康渠而過。灌溉田畝。嗣因淤塞年久。渠身已成熟地。小張義三村民人。圖開舊渠。而永康鎮居民。則早於此建屋葬墓。據為故業。因此屢啟訟端。今勘得郃村另有舊渠。與永康鎮毫無干礙。可以開挖。併據附近之弓村民人稟稱。伊等田畝。因馬村阻隔。無水可通。懇請一例開渠。以資灌溉。現已飭屬勘明。督同各村民夫開竣。報聞。○以貴州按察使奇

豐額。為安徽布政使。廣西按察使。陳用敷。為四川布政使。○是日駐蹕兩間房行宮。○癸丑諭軍機大臣等。昨降旨。令鄭大進。書麟。速赴天津。辦理北倉截漕事宜。本日據蔣賜榮等奏。現在江西幫船。在東省截留米三十萬石。其餘未截留之船。又於天津北倉截留存貯。所有回空船隻。應令迅速開行。不必拘定府分。其後到之船。即遵照停運。庶回空重運。均可妥速等語。朕令書麟。鄭大進。前往天津。

辦理截漕。原為糧艘卸米之後。必須迅速。催令開行。不必拘定向例。按府分兌。俾早回水。次者。即先受兌開行。庶不誤接兌新漕。若僅為收米起見。則一倉大使。已能承辦。不值令書麟等前往經理矣。著傳諭書麟。鄭大進。一面將各船米石起卸。一面催令迅速開行。毋得稍有停滯。其在東省截留各船。亦應照此辦理。並著傳諭鄂寶。明興。一體妥速催趲。俾得及早回次。並諭郝碩知之。○戶部議准。四

川總督福康安疏稱。開縣報開膏谷鹽井一眼。設煎鍋十二座。又於本井內增設鍋五座。歲共產鹽十五萬六千四百觔。請增陸引三百四十張。自乾隆四十七年為始。照例納課徵稅。從之。○補行雲南省乾隆四十六年大計。才力不及官二員。有疾官二員。年老官九員。分別處分如例。○以廣東督糧道杜琮為廣西按察使。○予故喀爾喀扎薩克多羅郡王車布登扎布致祭如例。○是日。駐蹕要亭。

行宮。○甲寅。

上御行殿。勾到廣西福建情實罪犯停決廣西斬犯八人。絞犯三人。福建斬犯三人。絞犯三人。餘八十四人。予勾。○以貴州督糧道張誠基為貴州按察使。○蠲免盛京開原城旗地。本年雹災額賦。并借給口糧。○是日。駐蹕密雲縣行宮。○乙卯。吏部等部議覆。四川總督福康安奏。稱順慶府大竹縣所轄之四合鎮。當廣安隣水墊江。大竹之間。距各州縣一二

百里不等。道路分歧。奸徒最易出沒。查順慶府捕務向隸通判該倅分駐岳池縣大漢口。相離較遠。不能兼顧。惟同知駐劄府城事務。實簡請以該同知改駐四合鎮。將順慶所屬之廣安。大竹。隣水。三州縣。并忠州所屬之墊江縣捕務。撥令督辦。其餘蓬州。渠縣。營山。岳池。南充。西充。儀隴等七州縣。及忠州之梁山。鄧都二縣捕務。仍照舊歸大漢口通判督緝。應如所請。從之。○兩江總督薩載。江蘇巡撫

閔鶚元。兩淮鹽政伊齡阿。奏。金壇漕糧。向用小船載運。由丹陽七里橋出口。至運河交兌。惟七里橋至港口橋一段。計長四千五百丈。河道淺窄。每冬築壩戽水。倍費民力。應就現在河身挑濬。約估需銀四千八百四十餘兩。江寧為省會之地。士商從蘇杭來者。水路必經長江。黃天蕩之險。陸路從鎮江至龍潭。再由龍潭至省。計程一百六十餘里。腳力匪易。勘得金山對岸之錢家港。由師古灘至龍潭。

棲霞沿江一帶本有間段河形。其無河形處。不過二十餘里。應將此一路挑成河道。可以直達龍潭。并可由龍潭直到棲霞之四板橋。從此登陸至省祇三十餘里。約需銀八萬七千餘兩。又瓜洲跨城河道。上通運河。由閘下達大江。年久未免淤墊。若酌量展寬挑深。則從金山對渡入瓜洲城河。較為直捷。約需銀一萬數千餘兩。如此則金壇之漕糧。剝運既易。自鎮江至江寧一水可通。由金山入運河。渡江僅止三里。商民稱便。得旨嘉獎。○予故多羅貝勒永福祭葬如例。○旌表守正捐軀湖北恩施縣民梁萬代妻卣氏。○是日駐蹕南石槽行宮。○丙辰。

上迴鑒○詣

安佑宮行禮。○幸圓明園。○諭前因浙省查抄王亶望貲財一案。疑有抽換情弊。朕意本不欲辦。而不可不明此疑。因傳諭盛住留心察訪。嗣據盛住查有端緒。則又不可置之不辦。

是以派阿桂等前往浙江查訊。並令陳輝祖盛住先行查明據實覆奏。茲據陳輝祖奏。以銀易金一款查抄時。據調任布政使國棟。面稟商換。并言及金色低潮。恐解京轉難適用。不如易換銀兩。較為實濟。遂爾允行等語。所奏全不成話。陳輝祖不過因事已敗露。無可解免。欲藉此搪塞耳。如果陳輝祖欲易銀為塘工之用。即使豫行奏明。其事已屬矯強。況當日並未具奏。竟與國棟商同舞弊。是此項金兩全係陳輝祖國棟二人抽換抵充。分肥入己。自屬顯然。此事大奇。為從來所未有。國棟著革職。拏問交阿桂等歸案審辦。至朕辦理庶務。推誠布公。斷不忍以此疑及大臣。是以於盛住奏到時。仍降旨令陳輝祖會同審辦。不謂竟係伊與國棟起意營私。陳輝祖係協辦大學士。陳大受之子。父子皆任總督。世受國恩。最為深重。何至喪良無恥。至於此極。是王亶望所為。係明火執仗。而陳輝祖竟同

穿窬行徑矣。况王亶望之物。稍有人心者。方當避之若浼。而可復染指乎。朕於此事。不勝慙懣。且大臣中有此敗類。於顏面攸關。内外大臣。亦必同深愧忿也。即如陳輝祖所稱。金色低潮。恐解京轉難適用。即應將所有金兩。盡行易換。何以解交內務府冊內。又列入金葉九兩三錢。明係借此為掩飾彌縫之地。又如所稱。照價易換銀七萬餘兩。而前阿桂詢問王站柱供內。又稱有王亶望銀二三萬兩。則是此易金之銀。已有王亶望銀少半在內。陳輝祖又將何辭抵飾乎。况陳輝祖欲留此為塘工之用。如果辦理塘工。銀有不敷。即當奏明請項。若私欲為此變易。已屬非是。乃前據陳輝祖奏稱。塘工各項。除用去外。尚多餘銀三十九萬九千餘兩。是塘工費用。已屬寬餘。陳輝祖早知有盈無絀。又何必藉此易金之銀。豈非豫為侵蝕地步耶。且王亶望貲財器物甚多。何不盡以塘工為名。一併易換乎。

此次陳輝祖摺內。止言及易金一款。而於玉山等件。作何隱匿之處。竟無一字提及。是其欺罔朦混。更無疑義。又本日陳輝祖奏到各摺。止列盛住銜名。而盛住並未涉一語。是盛住明知總督舞弊。現有欽差查辦。無難得實。而又因陳輝祖現係總督身為屬員。未便當面駁詰。是以姑隱不言。試問陳輝祖。又將何顏以對盛住耶。此事若未將國棟調任補用。盛住則陳輝祖國棟扶同欺蔽。尚不至即行敗露。然伊等昧良欺罔。為天理所不容。其敗露亦不過遲速之間耳。思之實屬可畏。總之此事。陳輝祖即身有百口。亦斷無能置喙矣。所有陳輝祖覆奏各摺。并陳淮奏到之摺。俱著發鈔。並將此通諭中外知之。○緩徵山東鄒縣滕縣嶧縣荷澤單縣城武定陶濟寧金鄉魚臺鉅野嘉祥曹縣并濟寧臨清等十五州縣。衛本年水災額賦。並賑貸饑民。○丁巳諭據衍聖公孔昭煥奏稱。自本年六月以來。

患病沉重。難以承祀等語。孔昭煥著准其解職調理。伊長子孔憲培前經賞給二品頂帶。今已成立。即著承襲衍聖公。以奉祀事。該部知道。○又諭刑部進呈山東省秋審黃冊。從緩決改入情實者二十一。一起所改均屬允當。如扎死程和尚之呂明月擬絞一案。呂明月因向程克敬豫支應交地畝錢糧不允。致相扭結。該犯拔刀扎傷程克敬偏左。復將程克敬之母李氏撞倒。磕傷左眉。又因程克敬之

子程和尚抱腿不放。用刀扎傷其左乳。斃命。理曲逞兇。及斃徒手。且以一人而致一死二傷。情殊兇惡。該撫乃轉稱三人圍毆。一人危急圖脫。殺出無心。擬絞。緩決。似此疎縱。何以昭明允而警兇橫。前因四川秋審從緩決改入情實者十四起。即將該督福康安。交部議處。福康安向在御前行走。因軍營出力。用為將軍。即在總督任內。亦係辦理銅鹽。囑匪認真。其於刑名。原非素習。若明與歷任同知府

道多年。陞授撫藩案件。自應熟練。乃所辦如此。率忽非尋常失出者可比。該撫明興著嚴行申飭。仍與承辦之按察使一併交部嚴加議處。○又諭前因浙省查抄王亶望任所贓財一事。呈覽物件。大率不堪入目。適布政使李封。按察使陳淮。王杲俱至熱河。朕見朕面。詢以該省辦理此事。有無情弊。俱各隱匿不言。嗣令盛住查出浙省存留底冊。開載金兩玉器與進呈冊內不符。顯有抽換抵兌諸弊。

已著阿桂。福長安。馳往浙江。徹底根究。審辦。并傳諭李封。陳淮。王杲三人。以此事業經敗。露令其將如何串通舞弊各情節。據實自行陳奏。昨據陳淮覆奏。知情其摺已經發鈔。本日又據李封覆奏。陳輝祖接見司道時言及查抄王亶望金兩。發與首縣。換銀解繳。李封並曾向錢塘縣換金五十兩等語。是此案竟係總督與司道等商同作弊。實出情理之外。李封由府道洊擢藩司。係朕加恩特用。陳淮

王杲俱身為臬司大員。經朕面加詢問。雖不至如于易簡之公然欺罔。轉將國泰保奏。然伊等身在中。於抽換抵兌情弊。俱各知而不言。實難辭欺飾徇隱之罪。李封陳淮俱著革職。發往豫省河工。効力贖罪。王杲俟伊覆奏到日。再降諭旨。藩臬等於督撫雖係屬員。平時原應悉心贊助。和衷共濟。為國家出力任事。設遇有督撫敗檢營私之事。原可據實叅奏。或直揭部科。方為不負委任。若盡如李

封等之聯為一氣。突梯脂韋。又安用司道為耶。至朕於此案本不欲辦。即盛住查奏到時。仍不忍疑及陳輝祖。尚令伊會同查辦。是朕原未嘗有逆詐億不信之心。而輒轉敗露。又似實有先覺。可見天理難誣。報應不爽。伊等欺朕。即係欺

天。試問欺

天豈有不敗露者。而朕又豈易欺乎。所有此案辦理緣由。並李封原摺。俱著發鈔。將此通諭

中外知之。○諭軍機大臣等。本日據農起奏。地方雨水情形一摺。內稱省城於八月十六七日得雨五寸。曾附摺奏明。嗣據太原。平陽。潞安等府州屬。先後稟報。一律得雨。自四寸至七八寸。甚為優渥等語。自八月中旬至今。已及一月。而農起所奏得雨。仍係前月之事。聞該省於九月內缺少雨澤。農起平日尚肯留心民瘼。何以八月至九月。該省曾否得有透雨。其已種麥苗。是否俱已出土。未種者

是否俱已播種齊全。俱未奏明。著傳旨詢問。令其據實覆奏。向來督撫中失察罣誤處。分朕常加恩寬免。若有諱災之事。朕必重治其罪。農起當知慎勉也。尋奏九月中。通省業已得雨二麥播種。亦俱齊全。長發得旨。覽奏稍慰。○又諭據舒常等奏。接據鄆陽府知府曾恒德稟報。拏獲蔡幅一名。係原任副都統書山家內。緣坐為奴之犯。咨查該旗。照例辦理等因。一摺。此等發交該旗為奴人犯。不應聽

其另行投主遠出。著傳諭舒常等。即選派員役。將該犯管押解交該旗查訊。有無私逃別項情弊。并將原摺交該旗查辦。○戊午。諭軍機大臣等。前閱內閣進呈山西省秋審黃冊。經九卿改擬情實者。至二十二起之多。業經降旨將農起嚴行申飭。並交部議處矣。所有該省黃冊。經朕復逐加詳閱。其九卿改擬之處。俱係情真罪當。並非有意從嚴。且其中有情節顯然。必應入情實者。如郭明之聚眾羣毆。及斃醉迷之人。侯永昌賭匪逞兇。及斃徒手傷多且重。王庭梁衛志二案。負欠兇毆。傷多斃命。王正昌事不干己。糾眾共毆。多傷斃命。劉氏以細故毆斃五歲幼女。復移屍滅跡。此等情節甚重。該撫率擬緩決。殊非準情定擬之道。昨因四川省秋審案件。經九卿改駁者十四起。山東省改駁者二十一。起。俱經傳旨將福康安明興申飭。並分別議處。至農起久任外省。較之福康安。自應熟悉案件。即較

之明興。更為歷任年久。乃於秋讞大典如此率忽。非尋常失出者可比。農起著再傳旨嚴行申飭。令其據實覆奏。尋奏郭明等案。臣以其非有心致死。誤疑一線可原。定擬緩決。實係辦理舛錯。得旨。汝不應有此。○又諭據陳輝祖奏。七月十三。四。至八月初二。三等日。近山沿海地方。風雨驟至。浙省之玉環寧海樂清閩省之連江羅源霞浦等處。微有被淹等語。閩浙兩省沿海地方。既經被水。其田禾廬舍。有無損傷。著傳諭福長安雅德。即飭屬查明。如有應行撫卹之處。即一面查辦。一面據實奏聞。毋稍諱飾。○又諭據阿桂等奏。福長安於二十一日。先行啟程赴浙。阿桂俟掣放水平後。再行啟程前往會辦等因。一摺。福長安辦理案件。究未能歷練。恐其過於見長。或至有意推求。株連者眾。殊非朕查辦此案之意。陳輝祖案內。承辦經手各員。及有名人證。自應逐一細心研訊。至若鋪戶商民。本屬無

知未便濫行波及。即陳輝祖雖行同穿窬。昧良無恥。但究係大員。只須嚴加駁詰。令其據實供吐。況此案業已全行敗露。伊亦不能更為狡飾。不必遽用刑威。倘或狡供不吐。將來伊不畏朕之廷訊乎。福長安到彼時。如案內有疑難重大。關係緊要。以及定案各款。仍俟阿桂到浙後。再行商辦會奏。將此傳諭知之。○以江蘇常鎮通道孫括。為安徽按察使。湖南按察使景祿。為湖南布政使。○以廣東龍

門協副將陳標。為浙江定海鎮總兵。○己未諭軍機大臣等。本日王果覆奏摺內稱。前在溫處道任內。駐劄溫州府。離省一千三百餘里。又奉差催趲漕船至淮。往來四閱月。差竣即回本任。並未聞陳輝祖於查抄王果望貲財。有抽換那掩情弊等語。總督藩司等。兌換金兩及藏匿玉器。等事。上下通同舞弊。至於如此。王果近在同省。豈竟毫無聞見之理。即如甘省王亶望。侵冒監糧諸弊。無人不知。而

事未敗露。竟無一人首先發覺。可見外省官官相護。牢不可破。實可寒心。今王果或因未承辦經手。遂以遠無聞見為詞。朕亦不加深究。然其言是否確實。著傳諭阿桂福長安。到浙後再行詳細研訊。如王果亦有通同舞弊知情之處。經朕此次詢問。復敢巧為飾詞。諉謝其罪。更無可逭。俟阿桂等據實覆奏時。再降諭旨。王果摺並著鈔寄阿桂等閱看。○以江寧鹽巡道覺羅伍拉納。為湖南按察使。○

庚申

上詣

大高殿

壽皇殿行禮。○還宮。○辛酉

孝慈高皇后忌辰。遣官祭

福陵。○諭吏部將承審偷驢竊賊丁二等一案。未經究出該犯等。從前夥劫犯案緣由之刑部雲南司司員。議以降調。准抵一本。刑部止將郎中塞騰額主事曾廷樞。咨送吏部查議。

殊屬非是。此案既經該部堂官專派雲南司承辦。則該司司員必有滿漢郎中員外主事。豈止塞騰額。曾廷樞二人。即云定案時主稿係塞騰額等二員。而隨同畫押呈堂者。必不止此二人。該部咨送職名時。自應將畫稿司員一併聲明開送。吏部分別照例議處。乃該堂官僅將塞騰額等二員職名移送。而其餘畫稿司員俱置不問。此不過欲隨同畫稿之司員倖免處分。殊非事理之正。向來刑部議

駁外省案件。經督撫遵駁改正者。將首先立議之司員送部議敘。而各該部遇有應行議處案件。亦僅咨送滿漢司員各一人。積習相沿。官官相護。試思事君敬事後食。豈有同在一司辦事。既經叅處。止開送一二人之理。即如滿漢堂官有應交議之件。亦止將首先畫題之人送部查議。有是理乎。且將來承辦事件。各司員恃有卸責歸過之人。不肯一體留心辦公。亦非所以勵職守而昭懲儆。嗣後各

衙門有承辦錯誤。應送該司員等職名時。將該司主稿及隨同畫稿司員一併聲明咨送。分別議處。其有應行議敘之處。亦將合同開送。庶於勸懲之道。方為平允。所有此案議處一本。即照此例辦理。仍著刑部堂官明白回奏。○諭軍機大臣等。據李侍堯奏。酌籌甘省各營歸還公費虧缺銀兩等因。一摺。已交軍機大臣議奏矣。至摺片內稱。將現存駝隻節省銀兩。先行歸補豫借公費。及儘數歸還急

製軍裝借項。尚有未完銀六萬四千四百四十餘兩。請照阿桂等原議。將新兵馬匹。緩立一年。將節省草乾銀兩。儘數撥抵急製軍裝借項。自應如此籌辦。又據奏稱。尚有公費不敷銀六萬四千四百一十九兩。別無可以撥補之款。請令各該營於每年公費內。逐漸彌補等語。此項公費不敷銀兩。何不將新兵馬匹再行緩立一年。其節省草乾銀兩。即可撥補公費不敷之項。自更易於歸款。除交軍機

大臣遵照妥議外將此先行諭令李侍堯知之○又諭據阿桂奏東省宣洩積水機宜留心採訪運河迤西蘭家山而外惟伊家河可以分洩與論皆以為應挑但該河自二十二年辦理後歷時既久且從前開挑時緣山根砂礮未能如式此時必須大加挑深方足資其利益現在雖有何裕城在東省勘辦一切但伊甫任總河恐未能熟諳因思袁守侗辦事結實請令其先行會勘俟阿桂到東再與

覆勘等語所奏是勘辦河工多一人心思智慮更為周密自於公事有裨著傳諭袁守侗即由原籍前往該處會同何裕城等詳細履勘將應挑段落約估土方先行的議章程俟阿桂於浙省審辦事竣回東時再行會同覆勘籌定興工交與總河巡撫等辦理袁守侗守制將屆一年以原任總督近在本省會同查勘河工要務並非奪情令其經手任事可比將此由四百里傳諭袁守侗並諭阿桂何

裕城等知之○蠲免奉天承德海城蓋平廣寧等四縣并岫巖通判乾隆四十六年分水災應徵地丁錢糧○是日起

上以孟冬享

太廟齋戒三日○壬戌諭軍機大臣等朕昨欲將林僞補授查禮之缺福隆安奏稱林僞係伊家奴林國泰之子從前因林國泰出力將伊一族放出其子林僞遂得自雜職洊陞道員等語福康安昨來陛見惟保舉林僞結實可用而此故並未奏及伊豈不知耶或伊從前年幼謂之不知猶可今任四川總督林僞乃其屬員謁見時自必感念舊恩敘及前事使林僞不言及則為昧良林僞既必言及福康安何得諉為不知本應交部嚴議姑念伊兄福隆安據實具奏從寬免究福康安著嚴行申飭嗣後益當感激朕恩凡事實心辦理若再有諱飾朕必將伊治罪○陝甘總督李侍堯奏西安提標新移駐固原所有舊制提

標中軍參將衙署。可撥給新設軍標副將居住。其新設副將中軍都司。以裁缺守備衙署撥給。至提督衙署存留交地方官照料報聞。
○原任閩浙總督署浙江巡撫陳輝祖疏報。乾隆四十六年分。嵎縣。蘭谿。金華分水等四縣。改墾田一頃七十五畝。有奇。景寧。常山。開化等三縣。開墾田地塘九頃五畝。有奇。○予福建南澳鎮標左營出洋遭風淹斃兵謝有章等賞卹如例。○癸亥。

孝敬憲皇后忌辰遣官祭

泰陵。○諭。此次承辦

玉冊

玉寶之大臣官員。著加恩查明交部議敘。○是月。調任盛京將軍慶桂覆奏。定例龍毯。歷二十五年更換。今

昭陵隆恩殿龍毯。係乾隆二十二年鋪設。至四十年。質已漸朽。而絨毳尚存。今又四年。絨毳盡脫。因請更換。再更換後。舊龍毯。例應於

歲暮會同盛京工部焚化。報聞。○漕運總督鄂寶覆奏。奉旨。令將江西回空漕船。不必拘例。按府分兌。俾早回水次者。即先受兌開行。臣現嚴飭沿途運委各官。星速催趲。及早歸次。得旨。事事皆代汝辦。汝實可謂稱職矣。○巡視濟寧漕務內閣學士毓奇覆奏。贛州等幫漕船沉溺。河臣何裕城在豫省工次。聞報。即行奏聞。至臣等俱在東省。必須派員詳查。漂沒船隻人口米石確數。始能具奏。是以時

日遲緩。得旨。此過不在汝。鄂寶應於聞信時。一面奏聞。一面詳察。是其糊塗處。○陝西巡撫畢沅奏。延榆綏三屬。七月中被旱。八月中被霜。秋成難免歉薄。現飭該道府查勘妥辦。得旨。覽奏俱悉。如有成災。毋得諱飾。○廣東巡撫尚安奏。烏鎗例應查禁。惟合浦縣所屬之歸德圖。設有狼兵分守隘口。連山縣所屬猺人。素以射獵為生。所用烏鎗。請免查繳。報聞。○廣西巡撫朱椿奏。民間烏鎗。應照例分

別查禁。惟粵西各屬境內。猛獁人等。類多山居。時有虎狼出沒。必需烏鎗防禦。應請毋庸收繳報聞。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百六十五

大清高宗法天隆運至誠先覺體元立極敷文奮武孝慈神聖純皇帝實錄卷之一千一百六十六

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣履桂
總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲副都統軍功加十九級隨帶加二級又加二級臣董浩內大臣戶部尚書鑲藍旗滿洲都統軍功紀錄五次
尋常紀錄四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年。壬寅冬十月甲子朔。享

太廟。

上親詣行禮。○恭奉重刻

五朝冊寶尊藏

太廟。禮成。諭曰。朕承

上蒼眷佑。

列聖垂庥。平伊犁。定回部。闢疆二萬餘里。回子

伯克盡為臣僕。和闐良玉。充貢內廷。敬維

太廟尊藏

五朝冊寶。係隨時鑄造。玉色長短。未能一律。用

是選擇精瑯。特派大臣董率敬造

五朝冊寶全分。以今歲孟冬時享供奉入

廟。舊有

冊寶。送至盛京

太室尊藏。玉檢金繩。虔申

對越。聿昭我

祖

宗功德之成於萬禩。甚鉅典也。所有恭造餘存未鐫各分。朕親加檢閱。其玉色與

五朝冊寶相符者。均編為廟字號。俟後有舉行冊寶入廟之事。概用此玉。以昭畫一。其玉色較白而未能一律者。另編為喜字號。將來朕歸政後。嗣位之皇子。崇上尊稱。即將此玉成造冊寶。並嗣後皇孫皇曾孫輩。有承事東朝。尊崇徽號者。皆以此等喜字號玉一體呈用。永為定制。洪惟我

列祖

列宗。荷

天之龍。重熙累洽。勤求治理。不敢康寧。用克上協

天心。暨於朕躬。縉緒承庥。撫有方夏。弗懈益虔。克集大勲。版圖式廓。迄今年逾古稀。猶日孜孜。益不敢不敬

天。益不敢不勤。民自新疆底定以來。伊犁將軍及駐劄大臣。盡皆恪遵功令。撫綏安輯。仰體朕一視同仁德意。新疆萬里。無不安居樂土。効悃抒忱。即有一二滋事之臣。如素誠高樸

者。皆不旋踵而敗露治罪。不動聲色。力加整飭。俾享安全。是以回部伯克內。如色提巴爾第鄂斯滿等。久在乾清門行走。竭誠供役。與內地臣民無異。其派令採玉者。亦皆歡欣踴躍。共效子來。我子孫繼序。繩承敬瞻

冊寶。當益凜

天命之難謫。知守成之不易。聯內外以同心。設或稍存怠忽。所用非人。以致撫馭失宜。則和闐珍產。未必能源源而至。又或意存徵索。苛

求苦累則不惟玉不可得而且別啟事端其所關係甚大思艱圖易可不慎乎可不戒乎用是諄切訓諭面命耳提我子孫當以朕此心為心凝承

鴻貺篤念

前徽永存無疆之恤以保無疆之祚庶無負朕反覆教誡之至意此旨著錄三通一存內閣一存尚書房一存內務府其敬承無斁欽哉

○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○頒乾隆四十八年時憲書乙丑吏部議准御史崇泰奏稱考試中書筆帖式庫使若人數在五十名以上請欽點司員二人五百名以上欽點司員四人隨同閱卷大臣校閱錄取其自行揀派司員隨帶閱卷之處永行停止并請將場內士子試卷專責滿漢監試御史收齊按交卷先後入箱封固即由該御史送交閱卷大臣當閱卷時眼同開封校閱以杜弊竇從之○旌表守正被戕陝西紫陽縣民王維新妻吳氏○丙寅

上御懋勤殿勾到奉天陝西情實罪犯停決奉天斬犯三人絞犯十人陝西斬犯二人絞犯七人餘一百六人予勾○軍機大臣議覆陝甘總督李侍堯奏稱甘省各營虧缺公費等項銀共十八萬二千六百餘兩現在實貯在庫之駝隻節省銀三萬二千八百七十三兩

即時撥補。又於各營駝隻節省款內借墊公費銀二萬九百三十六兩外。其不敷銀十二萬八千八百六十四兩。將新兵馬匹緩立一年。計節省草乾銀五萬三千餘兩。儘數撥抵其內急製軍裝借項下。應扣之銀一萬一千餘兩。照各營應扣銀數分限五年扣繳。應如所請。其餘尚有公費不敷銀六萬四千餘兩。應令該督將新兵馬匹再行緩立一年。所有節省草乾銀兩。即行撥墊此項從之。○原任

直隸總督袁守侗奏。臣於九月初患病。近方輕減。惟身體尚虛。不能兼程遠行。現擬初七日赴省。遵旨會同撫臣明興前往籌辦河工。得旨。今全愈否。善為調養。汝非尋常人也。又厘朕念矣。又批。一切不必勉強。○丁卯諭。冊封清語。原係通稱。並無上下之別。嗣後朕用以奉上者。俱繕寫冊表外。其冊封皇后妃嬪及王貝勒。以至外藩王等。仍用冊封字樣。○諭軍機大臣等。據明興奏。膠州問擬緩決。絞

犯高蔚學於八月二十四日。乘間越獄脫逃。旋於二十五日拏獲。現提刑禁人等到省。嚴加審訊。分別定擬。另行繕疏具題。請將吏目牛天祺革職。照例免其拏問。知州顧昌運。革職留任。限年開復。以示懲儆等語。此等越獄逃犯。目無法紀。情節尤為可惡。一經拏獲。其原擬情實者。向例即擬立決。則原擬緩決人犯。例應改入情實。以儆尤頑。今高蔚學一犯。係四十七年秋審問擬緩決。脫逃被獲。該撫

即應改擬具奏。趕入本年秋審辦理。況東省已屆勾到日期。豈容再遲。乃明興尚欲審訊定擬。另疏具題。殊屬拘泥。豈於此等脫逃兇犯。尚欲入於下年情實耶。明興何不曉事。若此。除將高蔚學一犯。交部入於本年秋審辦理外。明興著傳旨嚴行申飭。○以侍講學士葉觀國。充日講起居注官。洗馬翁方綱。署日講起居注官。○旌表守正捐軀河南項城縣民楊某妻戚氏。○戊辰。

上御太和殿視朝。文武陞轉各官謝恩。○諭據王進泰盛住奏。浙省查抄王亶望貲財。抽換抵兌一案。底冊所開物件。未造者至一百宗。原冊所無之物。添入者八十九宗。非一二人所能弊混。現在經手各員。恃有頂戴。不肯據實供吐。請將衢州府知府王士幹。嘉興府知府楊仁譽。杭州府同知楊先儀。錢塘縣知縣張肅。一併革職。提拏監禁。以便隔別嚴訊等語。著照所請。王士幹。楊仁譽。楊先儀。張肅俱

著革職。拏問交阿桂等。一併嚴訊確情。據實具奏。○諭軍機大臣等。上年蘇四十三滋事一案。所有該犯等家屬。除已經正法外。其男丁發配烟瘴地方。各犯到配後。已一年有餘。是否尚屬安靜。著傳諭富綱。劉秉恬。李本。朱椿。留心查察。如有不安本分。在配滋事者。即行奏明。從重辦理。毋得稍存姑息。○又諭本年各省。被有偏災地方。如江蘇被災較重之沛縣。豐縣。銅山。邳州。四處。山東兗州。曹州。二

府屬被災最重之各州縣。衛均加恩。不論月分。常予賑卹外。又豫省黃河北岸一帶。被水各州縣。並汝寧等府屬。逼近汝河。被水淹浸。俱經降旨。令該撫查明。加賑展賑。又安徽之鳳陽。潁州二府。並泗州等屬州縣。因淮水泛漲。田畝俱被淹浸。經該撫等奏明。量給賑借。但念各該省。除江蘇。山東被災最重州縣。常予賑卹。俟漫水稍退。再行停止外。其餘被災地方。明春正賑已畢。青黃不接之時。民食不無拮据。是否尚須賑卹。並此外被災較輕。及勘不成災之處。尚恐民力未能驟舒。應否量予加恩。分別酌借口糧籽種。著卽一併查明。據實覆奏。候朕於新正再降諭旨。將此旨由四百里諭令知之。○又諭。據王進泰等奏。查審陳輝祖抽換王亶望貲財一案。將王站柱原抄底冊。與咨送內務府。崇文門。暨外估各冊。悉心覈對。尚有底冊開載之物。而解京及外估各冊內。並未造入者。計一百宗。有底冊

本無而解京及外估各冊內造入者八十九宗。名色不符者二宗。其為當時有心抽匿抵換顯而易見。請將始終經手檢查造冊之知府王士潯、楊仁譽、同知楊先儀、知縣張肅、革職拏問嚴審一摺。已明降諭旨。看來此案。陳輝祖首先起意。以銀易金。並抽換玉瓶、玉山子等件。而經手之各委員等。遂爾通同舞弊。肆行抵換隱匿。已無疑義。自應徹底根究。勿致絲毫遁飾。至陳輝祖稱物件繁多。為時匆遽。未及逐件親驗。均係何物。無由知悉等語。王亶望貨物係上年閏五月查抄。遲至十二月始行起解。半年之久。何致辦理匆遽。陳輝祖此時尚欲遁詞支飾乎。至王進泰等於陳輝祖以銀易金一節。並未訊問覆奏。自係因阿桂等不日到浙。是以尚未逐細研究。阿桂等到彼即遵照節次所降諭旨。逐層嚴切訊問。迅速覆奏。又本日閱薩載詢問國棟供詞。內有陳輝祖稱王亶望查抄時。曾求過總督。

說金子太多。恐怕礙眼。不如照依時價易銀。將來辦理順易。國棟原曾勸阻。陳輝祖執意要換等語。此事大奇。王亶望亂法肆貪。罪惡已極。乃陳輝祖於查抄時。尚敢聽其囑求。為之挪換掩飾。推此則何事不可為。陳輝祖受恩最深。乃竟如此昧良欺罔。朕將何以用人乎。況王亶望乃被抄有罪之人。豈有向承抄大臣講話之理。此必當嚴問者。又國棟稱陳輝祖曾說。王亶望抄出朝珠。甚屬平常。難以呈進。諭令委員購買數盤添入。又將自己朝珠挑選添入國棟亦曾勸過等語。此更不成話。亦斷無此情理。必係陳輝祖將抄出朝珠之佳者私自藏匿。反將平常不堪之物。當衆人耳目挑選添入。以為抽換地步。又國棟供稱目擊委員購買朝珠。也曾問過委員價值。係委員自備等語。更奇。是陳輝祖竟令委員墊銀舞弊。委員等隱匿偷換。又將何所不至乎。又國棟稱陳輝祖向楊先儀要進金子五

百兩過了數日。又經退出。或係總督聽見國棟查問。不敢存留等語。此一節更屬可笑。自係陳輝祖有心侵用。亦應詳訊。又國棟所稱陳輝祖將多寶櫥內玉器取出後。止總開列玉器等語。是陳輝祖竟明目張膽。作此穿窬行徑。其侵貪劣跡。較之王亶望。更為不堪。可鄙。又國棟稱陳輝祖逐日將查抄之物。分類取進署內查看。陳輝祖匆遽無暇。何以日日取進查看。豈非自相矛盾乎。此時福長安自

已到浙。阿桂亦應一二日內可到。著將硃批薩載。王進泰。原摺發交阿桂等閱看。逐條嚴訊陳輝祖。此案業已衆證確鑿。不患其不據實供吐。不可動刑。如或陳輝祖堅不承認。自應解京審訊。阿桂。福長安。二人內有先行自浙起程者。即押解進京。無難廷訊也。再查國棟於本年二月來京。陛見時。面加詢問此事。伊何以並不據實陳奏。此即與于易簡之罪何異。著阿桂等將此嚴行詰問。國棟令其據

實供吐。將此由六百里加緊傳諭阿桂。福長安。並諭王進泰。盛佳。知之。又諭前以陳輝祖查抄王亶望家貨物件。有抽換抵兌情弊。節經降旨查詢。並將此案內原辦經手人員。嚴切根究。茲據王進泰等奏。此案始終經手檢查造冊者。係衢州府知府王士齡。嘉興府知府楊仁譽。杭州府同知楊先儀。錢塘縣知縣張肅等語。業經明降諭旨。將該員等革職。拏問矣。除該員等任所財物。已經查封外。所

有該員等原籍家產。自應一體查抄。著傳諭薩載。閔鶚元。福康安。舒常。畢沅。即將各該員等原籍家產物件。嚴密查抄。毋任絲毫隱匿。抽換。此案係前車之鑒。至薩載奏到訊問國棟供詞一摺。現已批交阿桂等閱看。將此由六百里傳諭薩載。并各諭令知之。福建巡撫雅德。奏臺灣彰化縣番子溝地方。有漳泉二府民人聚衆械鬪。無賴棍徒。乘機搶奪。即飭委臺灣知府會同安平協副將各帶兵役。

前赴彈壓。因思臺灣遠隔重洋。孤懸海外。奸民連日鬪殺。情形自屬重大。必得明幹大員。前往辦理。庶為妥協。據降調布政使楊廷樺面稟。伊在閩年久。臺地情形。素所熟悉。情願親身前往。因令交卸藩篆起程。會同該鎮道府相度事宜。善為經理。得旨。看來閩省。因總督在浙。武備廢弛。屢有事故。汝亦不能辭其咎也。○已已。諭軍機大臣等。本日據何裕成奏。查勘運河隄工。並籌辦料物一摺。內稱就

目下水勢而論。自七月十九日消水起。至九月下旬止。陸續消退二尺以外。此後時交冬令。水源更弱。約計明春。尚可減去二三尺等語。漫水下游。設法疏洩入海。為目下第一要務。節經降旨。令該督等廣籌去路。竭力疏消。今自七月至九月。僅陸續消退二尺以外。轉瞬明年春汛。不可不於冬令水弱之時。豫為籌辦。以期積水早涸。運河隄開。得以及時施工。而民田亦得早為耕種。前據阿桂奏。伊家

河可以挑濬分洩。請令袁守侗先行會同勘辦。業經降旨允行。又江南之駱馬湖。六塘河。鹽河俱係宣洩運河去水之路。尤宜展拓口門。使得暢達東注。方為妥善。著傳諭阿桂。於浙省回京之便。順道會勘。應行趕緊籌辦之處。一面奏聞。一面辦理。將此由六百里傳諭阿桂。其何裕城原摺。一併鈔寄閱看。並諭袁守侗。薩載。何裕城知之。○兵部奏。湖廣總督舒常咨。覆湖南省苗糧六十七分。其鎮草鎮

苗糧三十七分。係分給熟悉苗目。以作賞給苗人牛酒花紅銀牌等項之資。永綏協苗糧二十分。係選熟諳苗目。量其勞逸。定其多寡。給予工食保靖營苗糧五分。係分給熟諳苗目支領。為躡緝之用。武岡營苗糧五分。係於各崗寨挑選誠實熟諳苗徭數名。委作苗頭寨長。每季遊巡。分別獎賞。如有餘剩。即留為緝拏盜賊之用等語。是此項苗糧。與各省公費名糧事同一例。請刪除名色。照舊作正估

撥為獎賞苗目等項之需。毋庸募補實兵。至需用賞給牛酒花紅銀牌銀兩。分晰造冊查覈從之。予故刑部尚書德福祭葬如例。諡勤肅。庚午。

上御懋勤殿。勾到湖廣情實罪犯。停決斬犯十人。絞犯十二人。餘一百四十一人。予勾。諭據薩載等奏。徐州海州淮安所屬本年被災較重。請於江屬成熟州縣。截留漕糧八萬石等語。江省所屬因下游漫水。連被災侵。疊經

降旨加恩賑卹。需用米石較多。著照該督等所請。於江屬成熟州縣內。就近截留漕糧八萬石以資接濟。諭軍機大臣等。據薩載等覆奏。撥用賑需銀兩一摺。首稱請撥庫項。視之以為請撥戶部庫項也。前因江省沛豐銅邳四州縣災重。令該督撫等加意撫卹。用項既多。恐該省帑銀不敷。撥用是以於薩載摺內。批示詢問。該督理應將各災屬應用賑銀若干。該省司道各庫可以酌撥銀兩若干。是

否敷用之處。詳悉聲叙。覆奏方為明晰。乃薩載等奏到一摺。首稱請撥庫貯銀兩以裕賑需之語。以為必係該省現貯帑銀不敷。欲撥部庫銀兩。及閱至摺後。又稱通計本省司道庫內。堪以酌撥賑銀一百六十萬兩。將來如有不敷。各司道庫內尚有續收銀兩。堪以就近酌撥。無需別省協撥。以免運送之煩等語。是該省司道各庫存銀本屬充裕。何以該督等先稱請撥庫貯銀兩。朕日理萬幾。披覽奏

牘。雖不憚煩勞。該督等覆奏事件。亦不應如是牽混。該督撫皆係封疆大員。何不能仰體朕意。若此耶。薩載閱鶚元。俱著傳旨申飭。以鑲紅旗漢軍副都統明善為鑲紅旗滿洲副都統。前鋒營叅領明喜為鑲紅旗漢軍副都統。辛未。諭軍機大臣等。據伊齡阿等奏查抄陳輝祖在蘇州所置田房產業一摺。所辦已屬詳盡。此案陳輝祖負恩昧良。其產業自不可不嚴行查辦。至代為營運鋪戶商民。

業已自行呈首。不必更事株連。著傳諭伊齡阿。辦理此事。止可如此而止。不必過於張皇也。○壬申。

上御懋勤殿。勾到浙江。江西。安徽情實罪犯。停決浙江斬犯三人。絞犯四人。江西斬犯十四人。絞犯四人。安徽斬犯四人。絞犯四人。餘一百四十二人。予勾。○諭軍機大臣等。據明興奏。請俟查勘河工事畢。即行起程。赴京。陛見一摺。殊屬無謂。明興自補授巡撫以來。未經

陛見。夏間。因東省有應辦事件。伊具摺陳奏。暫停起程。曾於摺內批示。如果該撫瞻戀情殷。應將緊要事件。趲辦完竣。迅速起程。前至熱河行在。陛見。乃今已逾數月之久。又復奏請俟查勘河工事竣。起程。朕豈必欲該撫前來。乃如此嘵嘵。奏耶。著傳諭明興。伊欲來京。陛見與否。悉聽其自便。總由伊久任外省。漸染習氣。以致全不曉事。若此。明興著傳旨嚴行申飭。○原任閩浙總督兼管浙江巡撫

陳輝祖疏報定海。嵊縣。蘭谿。金華分水。泰順等六縣。乾隆四十六年。開墾荒地二十八頃有奇。○癸酉。諭軍機大臣等。本日據劉墀奏。辦理賑務情形一摺。內稱江寧藩庫止實存銀四十七萬三千餘兩。蘇州各司道庫共可協撥銀一百二十萬兩。較之上年用數。得半有餘。僅敷今冬賑用。如或不足。另籌撥濟等語。該省賑務應需銀兩。前據薩載等奏。通計本省司道庫內。堪以酌撥賑銀一百六十萬

兩。將來如有不敷。各司道庫內尚有續收銀兩。可以就近酌撥。毋需別省協濟。則是該省賑卹所需已足。敷用。何以此次劉墀摺內。較之薩載前奏。似仍有不敷撥濟之意。著傳諭薩載。令其再行詳悉確查。通盤籌畫。將實在可以酌撥各司道庫銀兩確數。據實具奏。如該省各司道庫實在不能再撥。即行專摺奏明。即降旨酌撥部庫銀兩。豫為籌備賑卹之用。亦無不可。又劉墀摺內。稱河工經費等用。

並無撥賑之款等語。該省因上游漫口。尚未堵築。所有本年一切河隄工程。並無搶修急需之用。何以河工經費一項。轉致不能節省存留。其故亦未明晰。著薩載一併查明。此項銀兩。作何開銷。據實覆奏。○又諭。據李奉瀚等奏。子溝挑竣。掣放水平。形勢通順。一摺。內稱。子溝積有清水。自商邱河尾。至蘭陽河頭。逐段開放。清水較準水平。極為條順。實有建瓴就下之勢。明春挑汛放河。可期一舉集事。

等語。所奏情形。尚不明晰。如所稱子溝內積有清水。此水必係舊河所積之清水。抑別有來源。現在逐段開放。是否歸入舊黃河正身。暢達下注。摺內均未聲明。著傳諭李奉翰等逐一查明。詳悉覆奏。至該處工程。據李奉翰等稱。此時尚有展寬加深。應挑土方甚多。並有需俟明歲放河以前。再行挑挖之處。可見此項工程。斷非可匆遽集事。從前李奉翰等請令鄰省助夫之說。實為無益。徒滋煩擾也。

即阿桂亦有霜降前後可以趕緊完工之語。朕洞鑒工次情形。降旨展限至挑汛。並飭令直隸等省。停止助夫。免其滋擾。以現在李奉翰等所奏而論。則從前節次所降諭旨。朕早已見及於此。彼時即不停止鄰省助夫。亦斷不能白露以前。尅期蒞工。可見伊等前此所辦。徒涉張皇。而於要工。仍屬無裨也。並著李奉翰等。據實明白覆奏。○定庫爾喀刺烏蘇新建城名曰慶綏。城門東曰撫仁。西曰向義。

南曰溥澤。北曰奉恩。○貴州巡撫李本疏報。平越廣順黃平安南甕安湄潭六府州縣。乾隆四十六年開墾荒地三百二十八畝有奇。

甲戌

上御懋勤殿。勾到江蘇河南情實罪犯。停決江蘇斬犯十一人。絞犯六人。河南斬犯六人。絞犯十一人。餘一百二十四人予勾。○諭軍機大臣等。據雅德奏。奏玩視命案。廢弛關茸之四庫館議敘。試用知縣唐燦。請革職。以肅吏

治一摺。已批交該部知道矣。雅德此奏甚是。四庫館議敘人員。俱照例分發各省試用。雖其中自不無一二可用之材。但開館之初。工程既大。所用人數衆多。其在館効力。亦不過雇覓鈔胥。為博取功名之地。未免賢愚混雜。督撫之責。專在糾察屬吏。凡有曠官溺職。貽誤地方者。原應隨時糾劾。立挂彈章。而於四庫館議敘分發人員。尤應嚴為甄別。不可稍事姑息。致滋玩誤。著傳諭各省督撫。務須一

體留心體察。如有似此分發不職之員。即行據實參奏。其庸碌無能者。或改教。或休致。毋得稍事姑容。以仰副朕澄敘官方。整飭吏治之意。○又諭。江蘇省秋審人犯內。由九卿改入情實者十一人。閔鶚元。久任巡撫。藩臬。且原係刑部司員出身。非不諳律例者可比。乃辦理秋審案件。並不悉心推勘。經九卿改擬者。至十一人。多。朕於本日。勾到。覈其情真罪當。是刑部所改。並非有意從嚴。閔鶚元所

辦殊屬寬縱。除已照例交部議處外。著再傳諭嚴行申飭。○定鼎河新建城名曰安阜。城門東曰登春。西曰永豐。南曰輯和。北曰保康。

乙亥

上幸圓明園。○諭據浙江鹽政奏。兩浙商人何永和等呈稱。豫省蘭陽等處。開挑引河。情願公捐銀八十萬兩。以佐工用等語。前兩淮商人。據伊齡阿奏。情願捐銀二百萬兩。業經允准。令其解交東省。以備工賑之需。今浙商等

呈請公捐。報効情殷。事同一例。自應准其所請。但豫省河工。節經頒發帑項五百萬兩。已足敷用。現在江南當豫省下游。各處被災較重。辦理一切賑撫事宜。需用尚多。所有此項浙商公捐銀兩。即著該督委員解赴江南。交薩載等存貯藩庫。以資賑卹之用。至該商等急公抒悃。並著該督查明咨部。照例議敘。○諭軍機大臣等。據阿桂等奏。先後抵浙。將陳輝祖查抄王亶望貲財。抽換抵兌一案。查審

大概情形先行奏聞一摺。內稱易金銀兩。係仁錢兩縣分作五次於上年十二月以前。國棟任內交納齊全。是以銀易金一事尚無虛列。抽抵等弊等語。已於摺內批示。陳輝祖如果無侵蝕金兩之事。則是聽王亶望之請託。為之營私舞弊。所關甚大。陳輝祖取死之道。實在於此。王亶望翫法肆貪。身犯重罪。革職查抄。陳輝祖尚敢受其囑託。推此又將何事不可為乎。況王亶望貪縱婪索。家貲至三百

餘萬之多。又何在此數千兩之金。有之罪不能增。無之罪亦不能減。陳輝祖何意而欲為之易換乎。且王亶望係已獲死罪。查抄之人。陳輝祖豈肯代伊擔承如此干係。為之彌縫掩飾之理。必係陳輝祖希圖侵蝕。將金兩入已。聞有交盛住密行訪查之信。始行陸續吐出。況係交仁錢兩縣承辦之事。何弊不可為。即有庫收安知無倒提年月等事。阿桂等一到。何遂信以為真。此一節。係此案最要關鍵。

應嚴訊陳輝祖。並經手之仁錢二縣。令其據實供吐。再阿桂等稱。金兩並未短少。即如李封前奏。曾因嫁女換金五十兩。而陳輝祖鮮交內務府冊內。亦有金葉九兩三錢。自係在四千七百餘兩之內。何以並未扣除。由此推求。是此二項金數。又在四千七百餘兩之外。究係何項。況李封尚得金兩。其餘經手之人。如國棟楊仁譽等。其所買之數。自必更多。李封原摺。又曾鈔寄閱看。阿桂等何未辨及。輒

稱尚無虛列。抽換等弊耶。此事甚不妥。再李封所稱。陳輝祖曾與司道言及。王亶望朝珠並無好者。要將自己朝珠添入更換。尤不成話。斷無此情理。必係陳輝祖欲換王亶望之物。先設此語。以為授意迎合之地。阿桂等到浙。何不先向陳輝祖嚴切究問此語乎。現在陳輝祖已經查抄。即可將伊任所物件。與王站柱所造底冊。詳悉覈對。並令王站柱識認。如有王亶望之物在內。或名色相同者。即可

從此一欸根究其餘無難水落石出。至朕於此案不過欲究明情弊。並非於貲財物件斤斤計較。朕向來辦理庶務。一秉大公至正。即一介小民尚不肯令其屈抑。況督撫大員乎。阿桂福長安。日侍禁近。此意豈尚不知。以上各情節。若阿桂等不能審究明確。將來別經發覺。日久敗露。伊二人其能當此重戾耶。著傳諭阿桂等將指出各條逐一嚴究。陳輝祖務得確情迅速覆奏。再阿桂等另摺所奏。王

進泰將陳輝祖姻親童鳳三家一併查抄之處。殊屬過當。自應停其查封。除已就近諭知童鳳三外。將此由六百里傳諭阿桂等知之。○又諭。據伊齡阿等奏。編修吳以鎮係陳輝祖兒女姻親。所有寄存傢伙奩田什物。未經呈出。請旨革審。並訪獲蔣廷璜信件。查出順昌號營運銀兩。信內有囑將方單帳目藏好之語。現在研訊等語。陳輝祖在蘇財產。官民等敢為隱匿。自應究問。若吳以鎮與陳輝祖

誼涉姻親。未將奩贈之物呈出。尚非有心欺隱。伊齡阿等祇須查追原物入官。所請將吳以鎮革職之處。可以不必。至蔣廷璜素與陳輝祖往來。寄有信件。轉託劉芝橋向順昌號討索銀兩。恐此外尚有隱寄情事。不可不嚴切根究。又所稱自浙寄蘇家信。是否係陳輝祖家信。其囑令何人將方單帳目藏好。摺內並未明晰聲敘。著傳諭伊齡阿等提集犯證。究明實係何人所寄書信。研訊確供具奏。伊

齡阿等查辦此事。祇應將查出寄頓各犯嚴訊究擬。毋得展轉株連。致滋紛擾。將此傳諭伊齡阿并諭阿桂等知之。○軍機大臣會同八旗都統等議准。御史西成奏稱。請嗣後城內旗人住房。止許旗人互相典買。不得賣與民人。如有旗人與民人鈎通。頂名冒買等弊。一經發覺。即照偷典盜買旗地之例。繳房追價入官。從之。○豁免浙江仁和烏程瑞安等三縣水衝沙壓田地二百十四頃有奇額賦。

丙子諭乾隆八年朕往盛京時聞將軍額爾圖備辦道途頗有科歛四十三年將軍弘昫雖辦理認真亦聞繁擾滋弊朕恭謁

祖陵經過地方惟修治道途稍用旗民之力況所出民夫仍給飯錢伊等皆滿洲世僕深受國恩寧有不踴躍急公之理著傳諭永瑤明年朕往盛京所有應備御路兩旁村莊旗民揀派妥員善為調撥毋許絲毫科歛繁擾以副朕恭謁

祖陵寧恤旗民之意○諭軍機大臣等據閔鶚元奏查抄楊仁譽原籍貨產一摺內稱查出朝珠玉器等件非尋常家用之物恐係承抄王亶望時抵換隱匿之件現解赴浙省交原辦之員辨認等語閔鶚元此奏欲避其與陳輝祖姻親相好之迹以見辦理認真不為瞻徇而不知其過當也即如昨日伊齡阿所奏編修吳以鎮與陳輝祖係兒女姻親未將奩田什物呈出請旨革審一摺所辦亦屬過當

又王進泰將陳輝祖姻親庶子童鳳三家產查封一案均已傳旨令其不必究問並將童鳳三家貨給還矣承辦查抄之案如罪人姻親果有代為隱匿寄頓之事自應切實根究並將其家產一併查抄若並未知情非有心欺隱者即分居兄弟尚不應株連波及況外姻乎且如傢伙奩田亦係聘嫁時人情應有早已過去之事並非寄存隱匿物件及犯事時資送者可比又何必過為苛求總之閔鶚

元欲避姻好形跡伊齡阿又欲推求過細然所辦皆不過此案枝葉而最要關鍵則在陳輝祖之抵換金兩等事侵欺舞弊也將此傳諭閔鶚元伊齡阿並阿桂等知之○又諭前據李世傑奏報於九月二十六日起程赴河南新任此時諒已到豫浙省事件繁多需人辦理富勒渾可將工程情形及應辦事件告知即行起程如新工尚有應親往履勘者亦係赴浙順道富勒渾即可與李世傑同行順

便查勘交與李世傑接辦。富勒渾即速兼程前赴浙省接印任事。將此傳諭富勒渾。李世傑並諭阿桂。福長安知之。○旌表守正捐軀直隸無極縣民何二月妻袁氏。○丁丑。諭京城廣寧門外普濟堂。冬間貧民較多。所有經費米石。恐不敷用。著加恩將京倉內外之小米。賞給三百石。以資接濟。○山東巡撫明興奏。山東各州縣虧那倉庫。其本任虧那勒令彌補外。惟查前任虧缺各員。平日既任意花

消。臨去復嫁禍後任。並聞有倉庫本無虧短。恃有上司庇護。於離任時假捏虧數若干。移交後任。以為肥索之計。後任因上司逼迫。隱忍接收。而去任之員。竟得坐擁厚貲。置身事外。訪聞接收虧缺。大半立有欠約。請將來如查有前任虧缺。後任有欠約可憑者。除於接收後任名下勒令彌補外。並飛咨前任各員任所原籍。照數追繳入官。庶短交濫接之弊。可除於吏治較有裨益。得旨嘉獎。○賑河南

汝陽。上蔡。正陽。新蔡。西平。遂平。確山。淮寧。商水。項城。沈邱。西華。扶溝。臨潁。襄城。郟城等十六縣。水災貧民。併蠲緩新舊錢糧倉穀有差。○戊寅。諭據博清額奏。噶布倫公班第達。墜馬傷肋。請解任調理等語。班第達在噶布倫職任辦事有年。今年力就衰。身嬰廢疾。著加恩准其原品休致。由京賞給朝珠一串。大緞二匹。大荷包一對。小荷包一對。其噶布倫員缺著扎薩克台吉索諾木旺扎勒補授。索諾

木旺扎勒員缺著伊什旺對補授。伊什旺對員缺著博清額揀選應放人員補授。○諭據明興奏。山東各州縣虧空。除於接收後任名下勒令彌補外。並飛咨前任各該員任所原籍。照數追繳入官一摺。所奏甚是。自應如此辦理。至夾片所稱。此項人員遇有丁艱事故。倘有虧短未交之數。即將原籍貲財查封等語。此則未免過當。此項虧空。如果查係本任侵那。丁憂離任。自應照例查封。若係歷任前

官移交復經上司抑勒出結與本任虧那者
究屬有間該員遇有丁憂事故其離任本非
得已況既有接任之員亦可移交後任止須
覈其在任年月勒令分股完繳其未完之項
仍令接任之員按限照數賠補方為平允若
如明興所奏是以歷任移交虧項令現在接
任之員獨受查封之累辦理不太過耶朕於
一切庶務俱準酌情理務得其平從不令稍
有屈抑明興當仰體此意妥協辦理將此日
四百里諭令知之

高宗實錄

十一

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百六十六

高宗實錄

十一

大清高宗法天隆運至誠先覺體元立極數文
奮武孝慈神聖純皇帝實錄卷之一千一百六十七

監修總裁官經筵講官太子太傅文淵閣大學士文淵閣領閣事稽察欽奉 上諭事仲慶管理

吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事仲慶管理刑部戶部三庫事務

世襲副都統軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅十月己卯

上還宮。○庚辰諭據畢沅奏延安榆林綏德州
三府州屬之膚施等一十九州縣秋禾受旱
被霜收成歉薄等語該處地近邊隅秋收歉
薄徵輸未免竭蹶著加恩將膚施等十九州
縣應徵銀糧草束並新舊借欠常平社倉糧
石俱緩至四十八年秋後徵收以紓民力○
諭軍機大臣等據阿桂等奏連日審訊情形
一摺已於摺內詳悉批示伊二人前次所奏
實為不妥伊等亦自知不能將就完事是以

續有此奏以為補救之地知過能改朕亦不
怪閱摺內所訊各情節尚未得其竅要如陳
輝祖既經供認聽王亶望之囑託以金易銀
則是以骫法肆貪罪大惡極之王亶望而陳
輝祖竟敢於查抄時受其囑託公為欺罔尚
復有何忌憚此實陳輝祖取死之道陳輝祖
於重罪業已承認其餘抽換抵兌俱係枝葉
何患其狡展不吐耶此一節著傳旨嚴詢陳
輝祖令其據實供吐又摺內稱金兩俱發鋪
戶銷售李封所換金五十兩係庫書馬在乾
向鋪戶轉買送去至解交內務府金葉九兩
三錢係續在銀斗內查出未曾歸入貯庫金
兩數內各等語所奏均屬支離此明係在杭
者聞有事皆吐出如李封之在遠處不得不
為遷就之辭而先已稱足數則後來之買補
乃出於阿桂之憶及而一向之說供展轉為
偽何不展轉駁詰至添換朝珠一節據供抄
出朝珠均屬平常內有香朝珠兩盤朽壞不

全解員慮到京難交。是以換上兩串等語。此更必無之理。三尺之童。亦不能欺。朕明鑒萬里。豈能以此等虛詞支飾乎。設如所言。則解京物件內。其不堪入目者尚多。何不盡易佳者。陳輝祖即為王亶望之子。亦斷不肯如此用心。明係陳輝祖欲易換金兩。及他好物。貪圖便宜。設為此語。以掩飾衆人耳目。此案上下通同舞弊。而仁錢兩縣尤係專辦之員。應嚴行夾訊。自可得其實供。況楊先儀即係委解物件到京之員。又稱委員不肯接收。委員解員俱係一人。尤不成話。甚為可惡。當嚴切刑訊者。總之此案。研鞠各委員。衆供確鑿。質證之下。陳輝祖亦不能更為遁飾。如陳輝祖始終支吾狡展。即將陳輝祖解京。朕親加廷鞫。無難得實也。著傳諭阿桂等。遵照諭旨。逐一嚴切根究。務得確供。迅速覆奏。又阿桂等另摺奏稱。查抄王亶望貲財一案。楊魁協同辦理。不得謂之無罪。請將楊魁名下貲財一

併查抄等語。阿桂等此奏。亦不過追悔前奏。故有意搜求。以彌縫其失。楊魁係差往查勘海塘。查抄王亶望一案。非其專辦。且陳輝祖抽換等弊。自在楊魁前往閩省之後。且伊現已身故。若將伊一併查抄。未免過當。朕不為此已甚也。將此由六百里加緊諭令知之。○又諭。據福長安奏。接准雅德咨。會有泉州府盜犯林先和。經管汛千總陳景泰。於九月十五日。拏獲解送。被夥盜林耀。林隱。林允得等。執持刀械。將犯搶奪。砍傷兵丁。并將千總及親丁等。扭回禁錮。現在飛咨提督。並委臬司譚尚忠。星夜馳往。督同搜捕等語。本日又據王進泰奏。八月二十九日。有漳浦縣民黃茂。拒捕鎗傷兵役。經汀漳龍道姚荼。聞信往拏。該犯情急。自焚身死一案。閩省漳泉一帶。習俗素稱獷悍。拒捕抗官。種種不法。最為可惡。提督李奉堯。駐劄泉州。接據營汛稟報。自應帶兵親往。協同地方官。實力查拏。方是。況九

月內有泉州府童生尤黃霄抗官闕堂一案。李奉堯僅委員彈壓。曾降旨申飭。乃不數日間。又有此等抗官傷差之案。該提督所司何事。至雅德身任巡撫。查辦此等案件。是其專責。豈得以總督遠在浙省。武備之事。非其專司。遂意存觀望。此二案著即交雅德會同李奉堯迅速親身前往查拏。毋使一名漏網。獲犯之後。從重定擬。即多辦數名。亦不為過。著將此由六百里各諭令知之。○辛巳諭軍機

大臣等。昨據阿桂等奏。連日審訊情形一摺。業經詳悉批示。並傳諭阿桂等再行遵照嚴訊矣。本日舒常奏到。查抄陳輝祖原籍貨產。僅有受分田房。暨麤笨器皿。殘缺書籍。毫無添置產業。嚴訊長隨劉陞。據供伊主人將來本有不願回籍之意。是以不在原籍添置產業。聞在蘇州申衙前買房一所。又在吳江縣盧溪鎮開有當舖。現已飛咨江蘇查辦等語。前據伊齡阿等查辦陳輝祖在蘇州所置房

屋當舖與劉陞所供相符。可見陳輝祖不願回籍竟安心欲在蘇州居住。即此一端。其忍棄祖父墳墓。貪戀繁華。不但欺君罔上。而且背本忘親。其居心實為鬼神所惡。天理難容。以致陰奪其魄。自罹重罪。展轉敗露。理有固然。無足怪者。陳輝祖係陳大受之子。受朕厚恩。用至總督。以人情而論。邀此恩榮。將來回歸原籍。可謂衣錦還鄉。况湖南素風質樸。生計較易。乃陳輝祖遠棄祖籍。欲在蘇州居住。

亦不過愛其紛華靡麗。如此居心行事。則利令智昏。豈有不偷換金兩。及他好物之理。此一節嚴訊陳輝祖。伊更何辭遁飾耶。總之此案陳輝祖抽換隱匿。事所必有。而其聽身獲重罪之王宣望囑託。公為欺蔽。其罪尤重。今又有不回原籍居住之事。種種喪良忘本。自取敗露。可見天理昭彰。斷難幸免也。著傳諭阿桂等務即嚴訊確供。迅速具奏。將此由六百里加緊諭令知之。○禮部奏冬至節應行

慶賀禮得旨今年冬至次日著停止行禮○
壬午

上御懋勤殿勾到山東山西情實罪犯停決山東斬犯七人絞犯七人山西斬犯七人絞犯六人餘一百四十人予勾○以江西按察使馮光熊為甘肅布政使○癸未改廣西桂林府糧捕通判為思恩府通判移駐思恩從布政使富躬請也○甲申諭曰直隸總督鄭大進老成練達宣力有年簡擢畿封正資倚任

茲聞溘逝深為軫惜所有應得卹典著該部察例具奏○又諭直隸總督員缺著袁守侗署理袁守侗未到任之前著英廉暫行署理○又諭直隸總督一缺向俱於漢大臣中簡員補放現在各省漢巡撫中再四籌度實無可以勝任之人因思前任總督袁守侗持服守制已滿一年所有直隸總督員缺即著袁守侗署理朕本不肯令大臣在任守制屢經降有諭旨中外俱所深悉緣此缺一時不得

其人而袁守侗又係久任直隸總督諸事辦理妥協不得不仍令前往署理袁守侗著葬母事畢即來直隸任事無論袁守侗受朕恩眷且期將逾年喪葬事畢自不以私情而忘公義即天下臣民諒朕用人不得已之苦心亦可共曉將此通諭知之○又諭據正黃旗領侍衛內大臣等奏該旗三等侍衛恒安呈稱身弱腿疼不能在侍衛上行走恒安原係佐領請解退侍衛駁回該旗行走等語侍衛果實有患病等情不能當差自有該管大臣等察看據實具奏駁回原旗豈有妄自呈請解退侍衛之理况恒安係原任總督明山之孫年力既壯家計非寒何至不能充當侍衛顯係自圖安逸規避差使恐侍衛等相率效尤此風斷不可長恒安著革去侍衛佐領交與熱河副都統作為披甲以為侍衛等偷閑耽逸者戒至該管領侍衛內大臣等率據恒安呈詞代奏殊屬非是嗣後如有似此妄奏

者必將該管領侍衛內大臣等一併交部議處。侍衛中若有似此混呈者。並著據實叅奏。從重治罪。○又諭。據雅德奏臺灣地方有漳泉二府民人聚眾械鬪等因。一摺。內稱據臺灣道稟稱。面商臺灣鎮總兵。飭委臺灣府知府會同安平協副將。各帶兵役前赴彈壓等語。此等匪徒。於海疆地方聚眾械鬪。案情重大。該鎮道一經聞信。即應帶領兵役親赴該處嚴行查辦。乃僅派委知府副將前往。而雅

德亦無飭行之語。殊屬非是。又據奏查拏泉州府屬傷兵奪犯之夥盜林耀等一摺。內稱飛飭該道府及隣近各縣四路截拏。雅德並未親身前往。並稱飭委臬司譚尚忠馳赴督辦。嗣因該管道府廳縣俱已會拏。隨飭該司回省辦理。更屬錯誤。雅德自調任福建巡撫以來。該省屢有劫盜傷差之事。必係因總督遠隔浙省。一切武備廢弛。不能整飭。而陳輝祖在浙又一味營私牟利。全不以整飭地方

為事。即如此二案。臺灣地方匪徒聚眾械鬪。該鎮金蟾桂該道穆和蘭俱不前往。僅委之知府副將。而雅德於泉州府傷兵奪犯重案。竟安坐省署。並將已經飭委之臬司撤回。種種辦理。延玩舛謬。至李奉堯係陸路提督。前因泉州夥盜奪犯。漳州縣民拒捕傷兵兩案。並不親身前往查辦。業經降旨申飭。今閱雅德奏到之摺。該提督亦仍未親赴各該處督同查拏。所司何事。雅德李奉堯俱著嚴行申

飭。並與不行親往查拏之金蟾桂穆和蘭一併交部嚴加議處。現在閩省必需總督駐劄。以資彈壓。浙江巡撫員缺。著福崧補授。即馳驛前赴新任。富勒渾。俟福崧到任後。即馳赴閩省。實力整頓。將此通諭知之。○諭軍機大臣等。鄭大進現已病故。所遺直隸總督員缺。已降旨令袁守侗署理矣。袁守侗現在遵旨會勘伊家河。籌辦宣洩積水機宜。一切章程自應會同明興酌議。著傳諭袁守侗。俟阿桂

於浙省審辦事竣。回東履勘。籌定興工之後。葬母事畢。即來直隸任事。將此由五百里諭令知之。○又諭曰。福崧已降旨補授浙江巡撫。現在浙省應辦事件甚多。著傳諭福崧。即日兼程馳驛。前赴新任。不必來京請訓。將此由五百里諭令知之。○塔爾巴哈台叅贊大臣惠齡等奏。查塔爾巴哈台地處極邊。與布魯特。哈薩克接壤。原設卡十二座。侍衛十二員。除輪流坐臺外。城內留駐一二員。以備差遣。歷任叅贊。均係如此辦理。嗣因土爾扈特游牧。移駐和博克薩哩地方。復添卡四座。需員照料。再查收哈薩克馬匹。亦需妥員。向俱派伊犁滿員前往。均有頂無翎。不足以肅觀瞻。請嗣後將派往滿員。賞給花翎三枝。藍翎三枝。揀選對品人員賞戴。令其一體坐臺。年滿換班。將翎枝摘給新派之員。果有認真出力人員。咨行伊犁將軍。遇缺陞補。懈惰者叅處。得旨。著照所請行。○賑安徽壽州鳳臺懷

遠鳳陽靈璧宿州五河泗州盱眙阜陽潁上霍邱太和並鳳陽長淮泗州等十六州縣。衛水旱災民。併蠲緩新舊錢糧漕米有差。○乙酉。

上御乾清門聽政。○以戶部尚書和坤充經筵講官。○調福建漳州鎮總兵孫猛為臺灣鎮總兵。江南壽春鎮總兵閔正祥為福建漳州鎮總兵。以湖南衡州協副將袁敏為江南壽春鎮總兵。○以故陝西莊浪廳土千戶管卜子祿襲職。○旌表守正捐軀浙江麗水縣民聶金田妻何氏。○丙戌。

上御懋勤殿。勾到直隸情實罪犯。停決斬犯五。人絞犯十八人。餘九十三人予勾。○諭曰。福建臺灣道穆和蘭。現在交部嚴加議處。所有臺灣道員缺。著楊廷樺以按察使銜補授。○兵部議覆。福建陸路提督李奉堯請照不實力擒拏盜賊例。降三級調用。從之。○以四川川東道吳之黼為江西按察使。○以湖廣澧

州添平所告退土千總覃遠惠子長澤襲職。
○賑江蘇銅山豐縣沛縣邳州宿遷睢寧清
河桃源安東海州沭陽山陽阜寧鹽城高郵
泰州東臺興化寶應并徐州淮安大河等二
十二州縣衛水旱災民併蠲緩新舊漕糧銀
米有差。○丁亥諭朕明歲由熱河前往盛京
恭謁

祖陵。所有蒙古王公塔布囊台吉等不必照例
來迎。著於七月再行扈從。至九關臺邊。即各
散歸游牧。即值班之內扎薩克王公扎薩克
等路途較遠者。著不必前來。附近者亦不必
於七月扈從。如此則在路途甚便。而伊等亦
不勞苦。朕入九關臺邊謁

陵禮成。至盛京後。仍賜宴朝鮮來使。所有值班
之御前乾清門行走之蒙古王公等。附近盛
京者。著於八月初間。前赴盛京瞻覲。○又諭
曰李奉堯現已降調。所有福建陸路提督員
缺。著長清調署。並著迅速馳驛前往。其直隸

提督員缺。著剛塔補授。所有馬蘭鎮總兵及

東陵總管事務。仍著剛塔暫行兼署。○諭軍機
大臣等。據黃仕簡奏臺灣地方有漳泉二府
民人互相械鬪。且有流匪乘機搶殺。並將把
總林審殺害。隨即帶兵親赴臺灣。就近調度
督拏等語。如此辦理。方是已於摺內批示。此
等匪徒敢於海疆地方聚眾械鬪。甚至將汛
官殺害。兇橫已極。此案關係重大。黃仕簡一
聞稟報。迅即帶兵渡臺查辦。殊屬可嘉。黃仕
簡向在乾清門行走有年。尚稱曉事。今辦理
此案。如果能妥協查辦。迅速完結。自當交部
議敘。著傳諭黃仕簡。即督同將弁等。勉力將
首夥各要犯嚴拏務獲。將此由六百里加緊
傳諭知之。並令六百里加緊回奏。尋奏現在
督拏首夥要犯先後共獲一百四十三名。除
將首惡要犯正法示眾。分別辦理外。復督同
按察使銜臺灣道楊廷樺親赴下茄冬。哆囉
咽大崎頂十八重溪。大武壠等處搜捕。又獲

犯五十餘名。沿途嚴密查拏。務期將各案犯逐一捕獲。不使稍有漏網。至現在民人並無再敢滋事。諸羅縣屬地方。良民俱已歸莊。人心寧帖。郡城及臺灣、彰化、鳳山各縣暨淡水等處。均屬安靜。得旨。好覽。奏欣慰。○山東巡撫明興奏。東省州縣積習相沿。竟有原裝原卸之說。祇望得缺到手。無論虧短盈千累萬。一力擔承。及至接印任事。以盈餘為本分應得之財。不知饜足。以短少為前任虧那之數。

付之漠然。偶因事故離任。縱使囊橐有餘。亦必照數短交。上司亦因平日交結夤緣。礙難查辦。仍復勒交。後任輾轉蔓延。迄無底止。將來如遇有此等不肖州縣。惟有嚴叅究辦。以冀將原裝原卸惡習永絕根株。得旨。公論。知道。了。又批。此乃作弊。自應嚴處。○戊子。軍機大臣會同兵部議准。烏魯木齊都統明亮奏。稱烏魯木齊駐防滿洲蒙古官兵業經十年。戶口滋生。其餘丁多寡。不能一律遇有該旗

馬甲缺出。或可挑者過多。或竟不敷挑用。請將烏魯木齊餘丁。不拘旗分。有馬甲缺出。均勻挑補。遇比丁年分。仍入本旗丁冊具報。從之。旌表守正被戕江西龍南縣民黃瀧松妻鍾氏。守正捐軀。奉天廣寧縣民馬四妻高氏。已丑諭昨降旨。將閔正祥調補漳州鎮總兵。該處現有奪犯傷差聚眾械鬪等案。要犯尚未弋獲。著傳諭閔正祥即迅速馳赴新任。不必來京請訓。到任後即督率將弁實力

妥協辦理。又諭據雅德奏。臺灣地方漳泉二郡民人構衅械鬪。互相戕殺一案。該府蘇泰前往會同營員在各處面加曉諭。該莊民遵依允服。不敢復滋事端等語。所奏臺地情形雖已寧帖。而辦理甚屬姑息。閩省武備廢弛。奸民竟敢聚眾械鬪。互相戕殺。甚至傷害汛弁。實屬目無法紀。此而不嚴加懲創。其何以儆兇頑而安良善。細閱摺內該府蘇泰等前往勸諭開導兩莊俱各悔悟乞恩。恐不無

姑息了事。尚非實在情形。該府等竟有不知大體。央懇和息之事。亦未可定。前經雅德奏委楊廷樺前赴查辦。昨據黃仕簡奏到。亦已帶兵渡臺。督率查拏。此案著責成黃仕簡。楊廷樺二人辦理。今事已寧息。可不動聲色。務將殺害汎弁各莊。械鬪傷人及放火搶奪各要犯。上緊緝拏全獲。毋使一名漏網。獲犯之後。即嚴審定擬。將本案要犯多辦數人。俾海疆奸徒咸知儆畏。至該處文武各官。不能約束莊民。本有應得之咎。今據蘇泰等稟報。業已親往曉諭寧息。是以姑從寬恕。仍著黃仕簡。楊廷樺詳悉查訪。如該府等竟有央懇莊民勸令和息之事。此則於大體攸關。必當據實嚴叅治罪。不得因事已完結。稍事姑容。楊廷樺本由藩司降調。今朕加恩。令以按察使銜補授臺灣道。海疆重地。一切事宜。須實力整頓。此後遇有緊要事件。即一面奏聞。一面稟報督撫迅速辦理。黃仕簡俟會同查辦完竣。

竣此案再回本任。至雅德於此等重案。視為泛常。僅據該府稟報。輒思就此完事。伊身任海疆。不應若此。雅德著再傳旨嚴行申飭。將此由六百里加緊傳諭黃仕簡。楊廷樺並諭富勒渾雅德知之。○以江西九江協副將劉君輔為湖南永州鎮總兵。○旌表守正捐軀山西繁峙縣民張某妻郝氏。○庚寅上御懋勤殿。勾到朝審官犯。停決斬犯二十一人。絞犯九人。常犯。停決斬犯六人。絞犯十三人。餘九十一人予勾。○諭甘省收捐監生。本欲藉積貯監糧為備荒賑卹之用。前次開捐時已不免稍有弊端。經大學士舒赫德奏請停止。至乾隆三十九年。該省復奏請開例。彼時大學士于敏中管理戶部。即行議准。又以若准開捐。將來可省部撥之煩。巧詞飾奏。朕誤聽其言。遂爾允行。至今引以為過。其時王亶望為藩司。恃有于敏中為之庇護。公然私收折色。將通省各屬災賑。歷年捏開分數。以

為侵冒監糧之地。設此時于敏中尚在。朕必重治其罪。姑念其宣力年久。且已身故。是以始終成全之。不忍追治其罪。蓋自此次開捐監糧以後。甘省上下勾通一氣。竟以朕惠養黎元之政。為若輩肥身利己之圖。侵帑殃民。毫無忌憚。天下無不共知。朕亦早有風聞。而內外臣工。並無一人言及。思之實為寒心。直至上年辦理蘇四十三一案。據阿桂等屢次奏報得兩降旨查詢。始悉歷年該省旱災請賑。全屬虛捏。此皆由各該犯昧良亂法。天理難容。惡貫滿盈。自然敗露。因令阿桂等徹底查辦。種種情弊和盤托出。實為從來未有之奇貪異事。此案若照侵盜錢糧一千兩以上。應斬正例。則所有各犯。皆應寘之重典。特以人數眾多。不忍一概駢誅。因照侵冒銀數多寡。稍為區別。並因蘭州被賊滋擾時。曾有守城等事微勞者。格外貸其一死。除侵冒銀數在二萬兩以上者。業經陸續正法。及降旨加

恩免死發遣各犯外。本日朝審勾到。尚有二十三犯。內陳起。搗史。載衡。伍諾。璽。孫元。禮。吳鼎新等五犯。侵冒銀俱在一萬兩以上。又無守城微勞。法無可貸。現已予勾。其餘各犯。侵冒銀在五兩以上。及五兩以下之奇明。周人傑。楊賡。颺。布。瞻。景福。顧芝。廣福。吳應祥。李立佛。保。劉炯。郭昌泰等十二犯。及捏結收受餽送之陳之銓。潘時選。熊啟謨等三犯。俱著加恩免死。內旗人奇明等五犯。著照善達等之例。發往極邊烟瘴地方。雖遇大赦。不得援照寬釋。所生親子。著交該旗存記。除親軍護軍披甲等差使。准其充當。其有頂戴職分。概不准其挑補。漢人周人傑等十犯。著照萬邦英之例。發往黑龍江充當苦差。雖遇大赦。不得援照寬釋。該犯等所生親子。不准應試出仕。至成德。陳嚴祖二犯。尤非他人可比。成德係高晉之子。書麟之弟。陳嚴祖係陳大受之子。陳輝祖之弟。該二犯世受國恩。身為大

員子弟尤當潔已奉公。以圖報効。見有通省貪婪舞弊情事。若能直揭部科。朕必優加獎擢。乃亦慙不畏法。隨同侵帑殃民。雖該二犯冒賑銀數。在五千兩以下。但係大臣子弟。昧良負恩。情罪尤重。是以予勾。俾大臣子弟等知所儆懼。即為大臣者。亦當引以為鑒。嚴教子弟。又巴彥岱一犯。收受餽送。代屬員擔承虧空。尚屬甘省故習。及事敗露。又瞻徇隱匿。有心袒護。是以予勾。此案陸續正法者。前後

共五十六犯。免死發遣者。共四十六犯。似此通省捏災冒賑。藐法營私。案情重大。朕心有所不忍。因於萬無可寬之中。曲貸其一死。實仍不免失之姑息。引以為愧。朕矜慎庶獄。凡大小案件。無不準情酌理。權衡至當。內外大小臣工。見此案內之身受大辟者。即當知畏。其得邀免死者。當知愧而不當以為幸。經此番懲創之後。務須各凜冰淵。共矢小廉大法之誠。副朕明刑弼教之意。若再有慙不畏死

以身試法者。即當按法處治。斷不能如此次之曲為寬貸也。所有辦理此案緣由。著通行曉諭中外知之。○又諭曰。福建陸路提督李奉堯現已降調。所遺員缺。已令長清調補。到任尚須時日。現在臺灣地方有漳泉刁民聚眾械鬪等案。首夥要犯尚未全行弋獲。必須提臣調度督拏妥辦。著將軍永德即迅速前往兼署。福建陸路提督印務。督率將弁實力查拏。務將案犯全獲。毋使一名漏網。長清未

到任以前。此事即責成永德辦理。如不能實力整頓。致有脫逃等事。惟該將軍是問。○兵部議准雲南布政使江蘭奏稱。請定約束兵丁監放兵糧各事宜。一革退兵丁宜有區別。嗣後在伍兵丁除罪應滿杖者即行革伍。移交地方官審究。如止細小過失技藝生疎違誤差操者。初次量加責儆。再有違犯馬糧降為步步降為守勒限半年。果能勤勉自愛。即拔補原糧守兵。派當苦差半年。倘屢教不悛。

即將名糧斥革。移明地方官。另記年貌冊。嚴加管束。按季點驗。毋許出外滋事。若有過犯。照常人加一等治罪。並將管束不嚴之父兄。隣佑按本犯罪名輕重。分別懲治。地方官照失於查察例。罰俸一年。營員不知愛惜。任意革兵。仍照向例降二級調用。一營汎兵餉。宜責成文員監放。嗣後分放各州縣鄉僻汎兵餉銀。亦令汎弁領回。會同各該州縣。按照汎兵年貌技藝清冊。逐名給領。出結具報。倘值

印官公出。即令會同該處佐雜教職等官。前往監放。如有剋減據實詳參。若監放官不親臨監兌。致有弊混。及通同剋扣者。均照定例分別叅處。從之。○辛卯諭軍機大臣等。前據王進泰奏。閩省漳浦縣民黃茂拒捕鎗傷兵役。經汀漳龍道姚棻聞信。往拏該犯。情急自焚身死一案。此等奸民。敢於拒捕傷兵。甚為可惡。皆由閩省武備廢弛。所致。摺內所稱該犯聞拏情急。自焚身死。各情節。尚難憑信。該

犯既敢傷兵。目無法紀。焉知不裝點焚死情形。潛自逃脫。希圖漏網。著傳諭雅德。親自前往該犯住處。詳悉查勘。取有焚死切實證據。所有該犯之弟黃壬。黃目子黃滿。濕今就獲。否當嚴緝。務獲究審確情。定擬速奏。倘兇犯黃茂並未焚死。該撫稍存將就了事之見。將來別經發覺。惟該撫是問。恐不能當此重戾。也將此由六百里加緊傳諭雅德。並諭富勒渾知之。○又諭據伊齡阿等奏。前後查出案

內抄產除應行解京之件。仍著派委妥員。解京交納。外。其現存銀兩及估變物件之項。即著交薩載閔。元存貯藩庫。留備江南賑卹之用。毋庸解京。將此諭令伊齡阿等。並諭薩載閔。元知之。○壬辰諭四庫館進呈原任翰林院檢討毛奇齡所撰詞話一書。內有清師下浙字樣。殊屬背謬。毛奇齡係康熙年間翰林。書內恭載我朝時事。理應稱大兵。或王師等字樣。乃指稱清師。擡寫竟似身事前朝。

未經在本朝出仕者謬妄已極。毛奇齡尚係素有文望之人，且身故已久，朕不肯因其字句背謬，照從前戴名世等之案辦理。但此等書籍經纂修校對等閱過，即應按照館例簽改進呈，乃漫不經心，俱未看出，實非尋常疎忽可比。除將原書交館改正，並查明此外有無似此等字樣一併簽改外，所有書內列名之總纂官紀昀、陸錫熊、總校官陸費墀、王燕緒、分校官劉源溥，俱著交部分別議處。至謄

錄生不通文理，照本繕寫，著加恩免其查辦。並著行文外省各督撫細心查辦，有似此者一體改錄。諭前據王進泰等奏查抄王亶望貲財一案，嘉興府同知推陞寧國府知府高模於查抄時止，隨同辦理。未經造冊，暫請毋庸革職。今據阿桂等奏查出字畫底冊，有名色不符之處，訊係高模經手，恐有通同舞弊情事。請旨革職。拏問等語。高模著革職。拏問交阿桂等歸案辦理。諭軍機大臣等據

阿桂等奏連日審訊情形，將看守之委員官役等設法推究，隔別盤詰。據劉大呂等供出陳輝祖抽換玉器字畫等件，並換金八百兩。質之陳輝祖，業已供認，并究出從前繳庫易金銀兩，那移掩飾及倒提年月各情弊。現徹底根究一摺，已於摺內詳悉批示矣。此奏方得實情，閱之稍為興釋。此等偷換隱匿弊竇，顯然朕早已鑒及，並非寬抑陳輝祖。阿桂等抵浙屢次摺奏，皆就陳輝祖等一面之詞，並

案內枝葉餘波，支離掩飾，並未訊得緊要關鍵。若非朕屢降嚴旨訓飭，駁詰阿桂等未必肯別求間隙，層層推究，至水落石出也。則阿桂等意存成見，開脫陳輝祖之罪，必至代伊受過，尚復成何事體。幸伊二人及早悔悟，不肯沽虛名而受實禍，設法盤詰得間而入全案盡破，果不出朕所料。未始非阿桂等之幸也。今此案緊要情弊業經訊明，將供詞質對明確，即可定擬。阿桂等此次發摺後，自又逐

款審究所有確供著傳諭阿桂等於定案後即自浙起程阿桂順道至山東會同查勘伊家河酌籌興工辦理由運河一帶查勘緩程進京福長安押帶陳輝祖國棟及案內經手各犯速來京審辦又盛住另摺奏稱於王士澐楊仁譽補造估冊先後互異不能覺察請交部嚴加議處一摺此事猶屬過之小者盛住之過在於不為已甚欲將就了事且瞻顧陳輝祖曾為總督司道皆其同寅周旋於前不肯反證於後進退無據觀望游移況易金銀兩即在伊藩庫何以不將諸弊查出盛住不敢認瞻顧陳輝祖之過而止引失察之咎又屬取巧少年不成器甚屬非是姑念此案係伊先行查出端倪始得輾轉敗露是以不加嚴譴僅降旨交部嚴加議處著將盛住原摺發交阿桂福長安閱看傳旨訊問盛住令其據實登答更有何辯一併速奏將此由六百里加緊傳諭知之○又諭浙省偷換王亶

望抄產一案前經傳旨訊問陳淮據陳淮覆奏止稱抽匿抵換情弊未經涉手無由指出是以降旨僅將陳淮革職發往河工効力茲據阿桂等奏陳輝祖取看字畫時曾留陳淮在署便飯檢出同看等語是陳淮商同匿換已屬知情從前傳旨詢問又匿不供吐明係有心欺飾著傳諭李世傑薩載富躬即將陳淮原籍任所貲財家產一併嚴密查抄並著傳諭李世傑即將阿桂等所奏情節如何商同陳輝祖抽換之處傳旨詢問陳淮此時如能據實供吐尚可格外寬宥若始終執迷則其欺隱之罪更重李世傑訊明後即一面錄供具奏一面派員解往浙省交阿桂等歸案審辦又阿桂等摺內稱陳輝祖所看字畫俱係高模經手顯有通同舞弊情事等語已降旨將高模革職拏問著傳諭孫士毅即速往高模原籍將該犯貲產查抄入官毋任絲毫隱匿將此由六百里傳諭李世傑薩載富躬

孫士毅並諭令阿桂。福長安知之。旌表守正捐軀河南沈邱縣民李自明妻崔氏。已。

上詣

奉先殿

壽皇殿行禮。諭前經降旨。派皇子同總師傅等。編輯明臣奏議一書。原因明季朝多秕政。廷臣諫言直諫者。亦不乏人。特令廣為蒐採。哀集成編。自應考訂朝代前後。按次編錄。方

於時事得失。原委瞭然。今閱書內。並不按照朝代次序。且各篇內所載。報聞不省等字樣。或書某家。或又不書。體例乖舛。可見諸皇子辦理此書。並不能仰體朕借鑒垂訓之意。留心細閱。而總師傅等。亦不詳加釐正。草率了事。六阿哥。八阿哥。本年未經隨圍。著同總師傅。德保。曹秀先。周煌。交部嚴加議處。十一阿哥。十五阿哥。雖隨往熱河。蔡新。先已告假。亦難辭咎。著交部議處。其餘原派校繕之師傅。

翰林等。亦僅照本謄鈔。不行校覈。俱著一併交部議處。至聚珍板排字。自應照進呈原本。每疏各為一篇。庶令易為更定。乃連綴成帙。致通身難改。而又未經聲明。除董誥隨往熱河。加恩免其交議外。金簡曹文植。亦著交部嚴加議處。其專管排印之翰林彭紹觀。祥慶。著一併交部議處。此書竟不合體式。並著原派皇子總師傅等。另行更正。按年編次。呈覽後。再交武英殿排印。是月署直隸總督袁

守侗等奏。伊家河在運河八閘之西。自微山湖口河頭起。至江南之梁旺城入運河尾止。其中間一段。過水祇有二三四五尺不等。因該處地當山腳。多有砂礮。并察中段之善莊橋。以北月河。係在張山平山之間。其下盡屬大石。中間鑿有溝形。寬及一二丈。連石面水深八尺以外。今欲將石底再行鑿深。不但需費甚鉅。且恐稽誤時日。因查月河以下。即係中段淤淺最長之處。其水底比月河迤上石

底已高及數尺應將此段內七千餘丈普加挑挖以水深八尺為率與石溝之底一律相平而與首尾兩段水勢亦可倍加通順至河身過窄處所須逐一展寬并將礙水各橋分別拆改務俾通身暢利則湖水從此分消自可建瓴直下歸入江境運河得旨好即應速行辦理署河東河道總督何裕城奏查子溝內清水即挑挖時土內滲出并伏秋霖雨匯積之水並非別有來源現在子溝逐段開放順流下達次第歸入舊黃河并就較準水平之處照估挑寬其所挖土方業有一定準則不致有高下不平之弊惟此時距春汛雖有數月而引河工程尚多正關緊要所有伊家河挑工現與袁守侗明興確切勘估擬於興挑之後專委運河道沈啟震駐工趕辦臣即前赴豫工會同李奉翰等逐一勘驗查催仍即馳回伊家河工次往來督率趨辦以期兩無貽誤得旨好觀汝若能不自滿而加勤

學或可繼汝父也勉之○署雲南巡撫劉秉恬奏激江府有撫仙湖介在河陽江州寧州之間上年秋雨多水泛濱河田畝被淹查撫仙湖下游有清水河一道形勢較低迤東有渾水河一道形勢較高向於渾水河建有牛舌石壩以禦渾水入清去秋因溪流湍激石壩衝倒二十餘丈渾水散漫匯流入清二河皆有沙石填塞不能宣洩湖水以致逆流為害今於原建牛舌壩之東象鼻山腳鑿通四十餘丈另開子河直瀉渾水即將壩基移進十餘丈重建石壩俾河身改直水勢順下則牛舌壩無頂衝之患清水可資暢達一切工程士民捐輸極其堅固現飭藩司存案嗣後令該管知府督同三州縣於每歲冬深水涸董率民夫通力合作將河身隄壩量修一次得旨嘉獎

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百六十七

書卷全書卷之七

七

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百六十八

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董浩內大臣戶部尚書集賢館滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅十一月甲午朔遣官祭

書卷全書卷之八

十

十

先醫之神諭軍機大臣等。昨已降旨將長
清調補福建陸路提督並令馳驛速赴新任
矣現在閩省有應辦要件須面加訓諭著傳
諭長清接奉此旨即迅速來京請訓再行馳
驛前赴新任又諭據何裕城等奏來年興
辦運河隄工所需杉木一項應購辦八萬根
現在擬即動撥司庫銀兩委員前赴湖北漢
口一帶產木處所照依現定圍圓長丈如式
採買齊全務於明年三四月內到工庶不誤

要工之用等語。所奏甚好。自應即需籌辦者。東省隄工。需用木植稍多。現據該河督等。動撥司庫銀兩。遴委幹員。前往湖北漢口一帶。趕緊採買。著傳諭舒常。姚成烈。傳飭地方官。俟東省委員到彼。即協同照料購辦。毋任商賈居奇。並沿途派員催趲出境。俾進行無滯。速濟要工之用。○又諭據阿桂等奏。將查出陳輝祖任所物件。令王站柱逐件詳悉識認一摺。此案陳輝祖抽換抵兌各弊。業經各委員從實供出。並據陳輝祖自行承認。而王站柱認出之玉蕉葉花觚等件。已在陳輝祖供認抽換物件之內。是全案關鍵已得。惟陳輝祖前供添換朝珠一節。尚未審得確情。陳輝祖利欲熏心。於王亶望抄產內。將玉器字畫等件。種種尚覲顏偷換佳者。豈有因王亶望朝珠平常。轉肯自行添換佳者之理。必係已將朝珠之佳者換去。飾為此語。以遮掩衆人耳目。今既水落石出。著阿桂等再行嚴詰陳

輝祖。令其據實供吐。其現添換佳者。係屬何心。非欲偷換佳者。故為此事。掩人耳目乎。著將現在抄出陳輝祖之朝珠。令王站柱認看。毋任狡飾。又王亶望起解時。陳輝祖於抄出皮衣。給與十六件一節。陳輝祖既與王亶望交好。尚肯為之添換朝珠。易換銀兩。自應將伊家有皮衣給與。以盡私情。乃敢於已經查封之物。擅自給發。是誠何心。並著一併訊明。速奏。此案大端已得。即尚有不實不盡之處。無難徹底根究。著傳諭阿桂等。將以上情節。再加嚴訊得實。即可定擬具奏。遵照前旨。阿桂。順道查勘山東伊家河。運河一帶工程。緩程回京。福長安即押帶陳輝祖國棟。及案內經手各犯。迅速來京審辦。其王站柱認出之玉銅磁各件。及劉大呂供出陳輝祖抽換各物件。又陳輝祖自行供出抽換玉器字畫等件。俱著一併即交福長安帶京。以便就物當面質訊。將此由六百里加緊諭令知之。○又

諭據李奉堯奏拏獲窩盜毆兵首夥各犯林耀等二十六名。俱經府廳審明。解省辦理一摺。此案人犯。奪犯毆差。情罪甚為重大。現經拏獲者二十六名之多。該府廳等。自己早經稟知撫臣。何以本日僅據提督李奉堯奏到。而雅德轉未先行馳奏。殊不可解。著傳諭雅德。令其據實覆奏。亦即嚴審究辦。至閩省武備廢弛。總緣陳輝祖在浙。一味營私牟利。全不以公為事。雅德復意存觀望。亦未認真整頓。以致屢有毆搶之案。昨已有旨。令永德前往兼署提督。所有閩省漳泉臺灣各案。俱關緊要。著即責成雅德。永德實力查辦。將來如有疎縱。及緝拏不力等事。惟該二人是問。閩省如此廢弛。不可無總督駐劄。福崧到浙後。富勒渾。即著兼程前往福建。督辦一切。務須加意整飭。以靖地方。至福崧未抵任之前。富勒渾。雖暫駐浙省。巡撫雅德。係屬同官。而藩臬司道。俱係屬員。一切應辦要件。皆應盡心

籌畫。妥協經理。斷不可以尚未抵閩。稍存歧視也。將此由六百里各傳諭知之。○乙未。諭據伊勒圖奏。數年以來。回子耕種地畝。交納穀石事件。辦理妥協之阿奇木伯克鄂羅木咱卜。伊什罕伯克巴喇特。請加恩獎勵等語。鄂羅木咱卜。巴喇特。數年以來。感戴朕恩。實心奮勉。於管束回子耕地納穀事件。辦理妥協。殊屬可嘉。阿奇木伯克鄂羅木咱卜。現係一品。伊子密禮克咱特。著加恩賞給五品頂

帶花翎。伊什罕伯克巴喇特。著加恩賞給二品頂帶。將此旨明示鄂羅木咱卜。巴喇特等。令其各感朕恩。凡事留心。益加奮勉。○諭軍機大臣等。本日李世傑奏。到九月分糧價單內。其黑豆一項。市價自五錢起。至八九錢不等。價值尚稱平減。目下京師黑豆。價值頗昂。較之豫省。計增至一倍有餘。現將積存京倉豆石。發給官員等。以平市價。因思豫省黑豆。從前有採買運京者。著傳諭該撫。查照向例。

購買二三萬石由水路運送至京。至奉天歷年採買黑豆運京以供芻秣。但明年秋間巡幸奉天謁

陵其扈從人等馬匹所需黑豆稍多。此一二年收成又歉。著傳諭該將軍永璋。府尹伯興等。即行飭屬照常年例止採買一半。俾得寬為儲備以濟明年秋間之用。著將此由四百里一併傳諭知之。其豫省作何籌辦之處。仍著李世傑先行覆奏。○又諭據閩正祥奏查閱

營伍地方情形一摺。已於摺內詳晰批示。閩正祥接奉前調任漳州諭旨。自應速赴新任。現在閩省武備廢弛。陳輝祖在總督任內並不認真整頓。李奉堯亦意存推卸。雅德又未免觀望。以致地方屢有械鬪拒捕之案。不可不實力查辦。漳州為沿海要區。閩正祥抵任後務須督率所屬一切加意整飭。不可廢弛。亦不可存欲速之見。惟在實心實力。隨事整頓。要之以久。庶不負委任之意。將此由六百

里諭令知之。○吏部議准湖南巡撫李世傑奏請定各省分發官補缺章程。一各督撫請揀發試用。及試署未經實授。仍赴原省試用者。或奉旨命往。及曾經得缺之員。該省遇有相當缺出。先儘此項人員補用。不得以分發各員越次攙補。一捐納議叙。并大批分發人員到省原有先後。其間又有告假等項。暫行離省者。應令該督撫將分發各員除去離省年月。扣明實在日期多寡。按照次序。每季造冊咨部查覈。一分發道府。止有捐納一項。丞倅知州捐納之外。雖有議叙分發人員。但為數無多。擬補時毋庸另立班次。應請遇有缺出。將議叙捐納人員統較試用日期先後挨補。一知縣一項。有大挑捐納議叙三班。其陞調所遺之缺。應請每班內各一人。按到省試用日期三班輪用。一佐雜等官。有議叙捐納兩項捐納人員。比議叙人多。應請遇有缺出。各計各缺用捐納二人。議叙一人。均按試用日期。

兩班輪用。又大挑舉人。向以佐雜借補。亦應各計各缺。俟捐納。議叙。輪用一班之後。准其借補一人。如大挑舉人內。無應借補之人。即以捐納二人。議叙一人。兩班輪用。又佐雜內。大銜借補小缺。及對品借補者。亦應將借補之人。與小缺及對品人員。比較名次最先者借補。從之。○丙申。諭朕昨閱蘭州紀畧。於賊匪蘇四十三肆逆時。蘭州府知府楊士璣前往查辦。在白莊被賊殺害。署河州知州周植。

因城失守。自縊身死。因思該二犯。於捏災冒賑案內。俱侵蝕銀在四萬兩以上。例應斬決。發遣子嗣。若其身尚在。自應按律正法。將伊子發遣。但念楊士璣被賊戕害。周植城亡與亡。究係歿於王事。彼時與楊士璣同被賊害之副將新桂。身係武職。緣並無冒賑捏災之罪。現已加恩。給與難廕。且從前守城著有微勞。之謝桓等各犯。俱邀恩宥。免死發遣。楊士璣。周植。自應一體加恩。其應得冒賑之罪。以

不予難廕折之。至該二犯之子。業經發遣者。著赦回原籍。其年未及歲。現在監禁者。亦一併釋放。俾身任地方之責者。知有罪必懲。有功必錄。益當感發天良。力圖報効。庶不負朕軫念微勞。格外施仁之至意。○旌表守正捐軀陝西隴州民劉胡妻王氏。○丁酉。諭據英廉奏。直省各倉。因賑卹之後。儲穀未能足數。請將天津北倉。截存漕米九萬二百三十二石零。賞撥直省。以補缺額等語。著照所請。北

倉截存漕米全數。撥給直省缺額州縣各倉存貯。○諭軍機大臣等。據明興奏。東省承挑引河七十餘萬土方。已於十月二十五日。一律挑挖齊全等語。東省當黃水下游。必須與豫省挑工。一律寬深。俾明春開放時。大溜全行掣動。順軌暢行。方為妥善。著傳諭阿桂。於回京時。查勘東省運河。伊家河之便。即順道履勘。承挑七十餘萬土方。是否全行齊備。一律寬深。詳悉覆查具奏。○旌表守正捐軀河

南扶溝縣民郭某妻宋氏。○戊戌諭曰。明興來京陛見。面詢以該省辦災事宜。據稱濟寧曹州等府所屬各州縣中。其被水淹浸之鄉。所有村莊。查明分數。即遵照恩旨。不拘月分。給予常川賑卹。至未經被水各鄉。所有莊戶。收成原屬豐稔。是以仍照例徵收地丁銀糧等語。各省辦理災賑事務。雖例應確查實在。被水鄉莊。給予賑卹。毋致冒濫。但一州一邑之中。其未經被水鄉莊。究與災地不遠。該處鄉隣敦任卹之誼。有無相通。自所必有。是未被災之隣村。亦應加意休養。使得分其有餘。以濟不足。著將山東被水各州縣中。成災在五分以上者。其成熟之各鄉莊。槩予緩至明年歲秋季徵收。以紓民力。其與東省毗連之江南徐州等屬。並著薩載等查明。遵照一體辦理。嗣後各直省遇有災賑事務。將成災五分以上州縣之成熟鄉莊。俱著照例一體緩徵。俾得通融周濟。以示朕軫念災黎有加無已。

之至意。著為令。○諭軍機大臣等。據何裕城奏。陳輝祖交伊妻舅申兆崙銀三萬兩。令開典鋪生息。又於上年十月內。陳輝祖交伊雜色金一千餘兩。囑其易銀營運。因陳輝祖諄囑慎密。勿向人言。是以無人知道等語。當將原摺發交阿桂等閱看。歸案覈辦。嗣據阿桂等究訊陳輝祖。供稱此項金兩。實係家中舊有。並非查抄王亶望案內之物等語。陳輝祖交與申兆崙雜色金一千兩。如果係家中舊有。何以囑令申兆崙勿向人言。行踪詭秘。密之又密。一至於此。且金兩亦非總督分所應有。即云打造器皿進呈。亦應臨時購買。何至轉有餘金。交人變賣營運。則此項金兩。若非屬員餽送。即係王亶望之物。況前據申兆崙供稱。係上年十月內。陳輝祖交給。維時查抄王亶望金兩。業已發交仁錢兩縣。其為陳輝祖從中侵蝕。尤屬顯然。阿桂等所訊。尚係一面之詞。未經徹底根究。著傳諭阿桂。再行嚴

訊陳輝祖。此項金兩。究從何處得來。何以囑令申兆崙勿向人言。令其據實吐供。毋得任其狡展。如阿桂等。業已自浙先後起程。阿桂即將此旨轉交福長安。於途中嚴訊陳輝祖。務得確供。迅速覆奏。倘陳輝祖始終支飾。不肯吐實。著交軍機大臣存記。俟解到時。將此情節。嚴切究訊。將此由六百里加緊諭令阿桂等知之。○兵部奏定例。營守備選用班次。雙月十二班。單月七班。缺出輪流選補。查雙月內設有勞班。例應以營守備用之効力期滿差官選用。此項人員。自期滿歸班後。約計選期七八九年不等。現在候選者約三十餘員。守候需時。未免壅滯。查雙單月內。俱設有分發。係用年滿千總。發回本省題補。此項人員。每遇到班時。久經無人應選。請將營用期滿差官。仿照武進士借補功班。及候推千總。抵補陞班。剗班捐班之例。於單月內分發輪用。無人時。抵補一班。俾得及時効用。從之。○

己亥。諭軍機大臣等。據李世傑奏。前往商邱縣查封陳淮家產一摺。已於摺內批示矣。陳淮於陳輝祖偷換王亶望金兩一事。知情徇隱。罪有應得。其家產自應查封。但該撫止須遣委司道大員前往。飭令據實查辦。勿致稍有隱匿寄頓。不值親去查封。乃李世傑奏稱。星夜行走。跡近張皇。殊屬失體。伊既前去。現在查辦完竣。應速即回省。著傳諭李世傑。此後遇事當存大體。毋涉輕率。○又諭據姚成烈覆奏。嚴緝傷差奪犯之要犯胡成性一摺。止將接奉諭旨。空文敷衍。而於如何飭屬設法躡緝。及現在曾否就獲之處。並未據實具奏。似於此等緝拏要犯之案。可以一奏了事者。殊屬非是。著傳諭姚成烈。將胡成性一犯。是否就獲。並現在如何飭緝辦理之處。據實速奏。至外省於接奉緝拏匪犯之旨。往往視為具文。僅以一奏塞責。而於脫逃之犯。並不實力擒拏。剋期弋獲。殊非肅法懲兇之意。並

著傳諭各督撫。嗣後遇有緝犯之案。務須嚴飭各屬。勒限擒捕。毋得視為海捕通緝具文。致要犯久稽顯戮。○旌表守正被戕甘肅蘭州民賀洪道養媳方氏。○庚子。命皇子及軍機大臣。訂正通鑑綱目續編。諭朕披閱。

御批通鑑綱目續編。內周禮發明。張時泰廣義。於遼金元事。多有議論偏謬。及肆行詆毀者。通鑑一書。關係前代治亂興衰之迹。至綱目祖述麟經。筆削惟嚴。為萬世公道所在。不可稍涉偏私。試問孔子春秋內。有一語如發明廣義之肆口嫚罵所云乎。向命儒臣編纂通鑑輯覽。其中書法體例。有關大一統之義者。均經朕親加訂正。頒示天下。如內中國而外夷狄。此作史之常例。顧以中國之人。載中國之事。若司馬光。朱子義例森嚴。亦不過欲辨明正統。未有肆行嫚罵者。朕於通鑑輯覽內。存弘光年號。且將唐王。桂王事蹟。附錄於後。又諭存楊維禎正統辨。使天下後世。曉然於

春秋之義。實為大公至正。無一毫偏倚之見。至於東夷西戎。南蠻北狄。因地而名。與江南河北。山左關右。何異。孟子云。舜為東夷之人。文王為西夷之人。此無可諱。亦不必諱。但以外過為軒輊。逞其一偏之見。妄肆譏訕。母論桀犬之吠。固屬無當。即區別統系。昭示來許。亦並不在乎此也。況前史載南北朝相稱。互行詆毀。此皆當日各為其主。或故為此訕笑之詞。至史筆係千秋論定。豈可騁私臆。而廢正道乎。夫歷代興亡。前鑒不遠。人主之道。惟在敬。

天勤民。兢兢業業。以綿億萬載之丕基。所謂天難諶命靡常。常厥德。保厥位。誠不在乎區區口舌之爭。若主中國而不能守。如宋徽欽之稱臣稱姪於金。以致陵夷南渡。不久宗社為墟。即使史官記載。曲為掩飾。亦何補耶。所有通鑑綱目續編一書。其遼金元三朝人名地名。本應按照新定正史。一體更正。至發明廣

義內三朝時事不可更易外其議論詆毀之處著交諸皇子及軍機大臣量為刪潤以符孔子春秋體例仍令粘簽進呈候朕閱定並將此諭冠之編首交武英殿照改本更正後發交直省督撫各一部令各照本抽改將此通諭中外知之○命館臣於通鑑輯覽入吳三桂擒桂王由榔事諭通鑑輯覽附錄之載唐王桂王所以匹於宋之帝昺帝昞以示萬世之實錄也館臣以吳三桂為叛臣不書其擒桂王由榔事而以屬之愛星阿夫愛星阿固為定西將軍領兵而三桂彼時實為平西大將軍且必應殄滅由榔三患二難之議發自三桂即後之進兵檄緬甸毆李定國降白文選皆出自三桂之籌畫其功固不可泯也然其諸籌豈實為我國家哉彼時伊已具欲據滇黔而有之心由榔定國文選而在伊豈能據之哉蓋自古權奸無時無之亦無地無之三桂之必欲滅由榔實猶近日之阿睦

爾撒納之必欲滅達瓦齊達瓦齊而在阿睦爾撒納必不能據準噶爾則彼之為我宣力皆所以自為也今昔相形三桂之奸計畢露又何不可功則功之而罪則罪之乎其依國史三桂傳盡載其入緬事莫刪昔許子將之相曹操兩言撮其要而操亦喜適所舉二人頗甚類之亦在用之而已矣又在先覺之俾毋出我範圍而已矣○旌表守正被戕四川灌縣民楊先開妻劉氏○辛丑諭軍機大臣

等從前

御批通鑑綱目全書係原任吏部尚書宋榮奉勅校刊進呈是書續編發明廣義內於遼金元三朝時事有議論偏謬之處且三朝人名地名亦應按新定正史一體更正現已明降諭旨令諸皇子及軍機大臣量為刪潤以符孔子春秋體例候朕閱定後即照改本更正但現在武英殿並未存有是書板片是否係宋榮當日刊刻其板片仍存伊家即檢齊解交

武英殿仍嚴飭胥役人等毋得藉端滋擾○江南河道總督李奉翰等奏豫省開挖引河共分二百五十餘段先經臣等將子溝開放清水較準水平督飭分段趲挑業照原估續估寬深丈尺一律挑竣臣等復細加比較蘭陽頭段引河至商邱七堡尾段直接舊黃河正身逐層低下有建瓴之勢明春挑汛放河自可一舉成功至蘭陽隄外河灘除留埂界外現已挑土三十餘萬方工程過半督催官弁兵夫趲挑約月底亦可普竣得旨覽奏欣慰○壬寅諭軍機大臣等據雅德覆奏任克溥條陳各款將閩省應行整理事宜條列具奏一摺內開海洋盜賊聚衆械鬪抗差拒捕之款皆係閩省現在辦理之事此等積弊惟在該撫平時實心整飭有犯必懲以海防營伍為重則諸弊自可肅清乃雅德自調任福建以來一切武備任意廢弛又因總督遠駐浙省意存諉卸而陳輝祖在浙又一味營私

牟利全不以地方為事以致諸務委靡不振即如該省漳泉二府現有林耀黃茂等拒捕傷差之案臺灣地方又有漳泉奸民彼此械鬪殺傷之案該撫所司何事今閱伊條奏摺內仍不過紙上空言敷衍入告並非有切實整頓經理之處可見伊平日漫不經心何尚得覲顏以本任應辦之事臚列條奏乎除原摺批交該部議奏外雅德著傳旨嚴行申飭又諭據薩載奏查勘河湖洩水各路分別籌辦一摺內稱邳宿運河已消水一丈一尺四寸中河已消水九尺二寸等語昨明興來京陛見時面加詢問東省河湖情形據稱微山湖水深二丈餘近來不過消去尺許等語今據薩載所奏邳宿運河已消水一丈有餘該處一帶運河俱係微山湖下游今水勢既消去丈餘則上游微山湖之水亦應消去四五尺何以明興前奏湖水消去如此之少或係該撫自東省起程後此十數日內湖水復

又大加消落亦未可定現據薩載奏稱阿桂於十一月初間即可自浙起程著傳諭阿桂順道至各該處詳悉履勘將湖水近日究竟消落若干並如何分洩暢消之處一併會同袁守侗勘籌妥議具奏將此傳諭阿桂等並諭薩載明興知之○又諭據薩載覆奏江省撥賑銀兩足數應用河工經費在所必需一摺內稱徐屬各廳今春因屢得豫工合龍之信兩岸埽壩桃汛以前即經鑲做堅實以備抵禦河工經費在所必需挹彼注茲統計亦未能大有節省等語今春該省因聞豫工合龍之信桃汛以前即將兩岸各工埽壩鑲做堅實以備黃水復歸故道後順軌流行固屬應辦事宜其所用料物果係實用自應准其開銷至明春開放引河以前兩岸隄工俱係新經鑲做況本年並無搶險等工更應一律堅實穩固將來黃流歸復故道時無庸更事修防是此項經費銀兩明歲自斷無又行開

銷之理著傳諭薩載將實在情形查明據實覆奏○又諭據雅德奏審擬龍溪縣民王三陽昧吞蘇祿國貨價並誣賴王四簡欠銀囑令扣留一案已批交該部議奏矣此案王三陽侵吞蘇祿國託售貨價銀兩又誣賴他人欠項寫信與該國王令其照數扣抵其為昧良嫁禍狡詐不法已屬顯然業據該撫督率屬員訊得確情自應將王三陽按律問擬其所欠貨價銀兩並於該犯名下照數追出給還該國王收領方為允協乃閱雅德所擬寄覆蘇祿國檄文內有歸咎該國王所託非人又輕信王三陽一面之詞扣存他人銀兩並囑廈門同知著追辦理均屬未協等語內地奸民誑騙該國王貨價銀兩該國王何由豫知王三陽實係匪人且接信後將銀兩扣留仍將原信寄交廈門同知查辦則是該國王並無不是之處中國懷柔遠人自當示以大公至正即債欠細事亦當為之剖別是非令

其心服今所擬檄文內轉歸咎於該國王之辦理錯謬是即明朝陋習護內地民人而賤外國屈小邦及至釀成事端又怕人侮屈意從之殊屬非是除將原文令軍機大臣另行刪改發回諭以該國寄信廈門同知有內地民人王三陽負欠貨價不還等情轉稟到本督部堂當經立飭提拏王三陽到案奏明大皇帝將王三陽嚴審究追從重治罪外查該國自雍正五年奉表通貢以來復節次遣使輸誠敬修職貢大皇帝嘉爾傾心向化恩禮有加該國雖遠處海隅久在聖朝怙冒之內今既有內地奸商侵昧貨銀自應著落嚴追從重究辦已於王三陽名下追出原賣貨價銀除償還該國扣收王四簡楊得意共銀一千一百零五圓外尚餘貨銀一百六十五圓并王三陽未賣小珠一粒同寄送廈門同知燕窩五觔一併附交該國收領嗣後該國如遇銷售貨物務須查明誠實殷商現銀交易

庶不受奸商詭騙以副聖主懷柔遠人之至意著將此傳諭雅德知之廣東巡撫尚安疏報新寧惠來恩平三水遂谿等五縣乾隆四十六年開墾水田一百一十二頃三十畝有奇癸卯諭軍機大臣等據阿桂等審擬陳輝祖查抄王亶望貲財私行抵換抽匿一招內稱估冊二分前後估價互異之處訊據王士澐等供上年初次造具估冊本係按照底冊名色繕寫草冊發估因國棟嫌估價太輕自行加添未免過多是以兩縣求我於本年三月回明盛住減去銀四千餘兩另造估冊由司加印申送等語前經盛住奏稱於王士澐楊仁譽補造估冊先後互異不能覺察請交部嚴加議處今閱王士澐等供是補造估冊減去銀兩一節本年三月早已回明盛住辦理此中情弊已屬顯然盛住安得諉為不知況朕降旨令盛住密行查訪係七月間事何以盛住初次清字覆奏並無一語提及

至第二次續奏查出王站柱所造底冊與進呈不符仍未將估冊刪減之處聲叙及阿桂等徹底查出始以不能覺察為詞奏請議處是盛住於此事既徇隱於前又復有心取巧少年甚屬不成器姑念此案由伊查出端倪始行敗露是以未加嚴譴盛住著傳旨嚴行申飭又諭據阿桂等奏審明陳輝祖於查抄王亶望家財私行抵換抽匿分別定擬一摺已批交大學士九卿議奏矣此案大段已

明惟添換朝珠一節阿桂等第就陳輝祖一面之詞具奏尚未得其切實供吐著存記俟陳輝祖解到時再行嚴切究訊至本日阿桂等奏到審擬摺及各供單俱著交大學士九卿閱看覈辦並著傳諭阿桂福長安即遵照前旨阿桂順道至山東會同查勘運河伊家河及微山湖水勢消落情形酌籌妥協緩程進京福長安即押帶陳輝祖國棟王士幹楊仁譽楊先儀張翥高模並案內應行質訊人

犯迅速來京審辦至王站柱既於此案毫無干涉即令仍回河南臬司之任將此由六百里傳諭阿桂福長安並諭富勒渾知之○予故直隸總督鄭大進祭葬如例謚勤恪○甲辰諭軍機大臣等本年雨雪應時京師及近畿各州縣業經得雪二次即河南山東山西諸省俱先後奏報得雪本日農起又奏稱本月初四日省城復得雪五寸其勢甚為寬廣等語因思陝西與山西河南境壤毗連何以

並未見有奏報之摺著傳諭畢沅是否於立冬後通省得有雨雪及現在有無望雪情形即查明據實由驛覆奏福州將軍永德奏臺灣漳泉二府刁民滋事經水師提臣黃仕簡按察司銜臺灣道楊廷樺先後帶兵擒獲聚眾械鬪殺官各首犯正法該處莊民樂業惟諸羅各莊尚有匪徒煽惑現水師提臣率帶官兵查辦查犯供內有首犯謝笑逃回內地之語更未便令其竄逸惟有嚴督各汛口

細心盤詰併親往督拏不敢疎忽得旨一切勉力妥為不可延緩亦不可過急乙巳諭口大學士三寶琿橫尚書劉墉著在尚書房總師傅上行走德保曹秀先周煌不勝總師傅之任著回原衙門辦事丙午

聖祖仁皇帝忌辰遣官祭

景陵

上詣

奉先殿

壽皇殿行禮諭昨侍衛等直房失火其該班坐更之侍衛等不能先期防護又不能及時撲救經領侍衛內大臣等會同刑部將該班坐更之侍衛安臨等分別按律定擬絞候發遣一摺已依議行矣惟發遣人員內阿哈察克係厄魯特念其無知著加恩免其發遣仍令在鷹狗處拜唐阿上行走効力又李成勇係提督李全之子伊父在金川打仗陣亡殊堪憫惻亦著加恩免其發遣仍留藍翎侍衛

帶革職留任所有應得之項一概停其支給俟八年無過方准開復蔡本禧係漢人與滿洲侍衛有間業經革職亦著一併加恩免其發遣又諭原任工部尚書周元理前任直隸總督老成勤慎宣力有年嗣復加恩內用洊擢尚書後因老病乞休特加太子少傅以示優眷茲聞在籍溘逝深為軫惻著加恩令江蘇布政使前往賜祭一壇以鑲黃旗漢軍副都統恒山保為正藍旗滿洲副都統西藏辦事大臣博清額為鑲黃旗漢軍副都統丁未諭軍機大臣等據李奉翰奏豫省南岸隄河工程全行完竣一摺並繪具圖說進呈覽奏欣慰已於摺內批示矣閱圖內新開引河尾至商邱七堡直接舊黃河正身處有舊隄一道形勢頗窄水勢到此恐不能暢注因用硃筆標記此處須悉心酌量或因引河太長到此欲其收束得勢以期歸入正河暢注直達自可毋庸拆動展寬若測量引河至

此下注之勢稍覺阻礙則應於硃筆標記處所將舊南隄拆去數十丈俾河尾展寬庶明春放河時更為暢注有力著將原圖發交阿桂等閱看並傳諭阿桂等查勘該處情形是否應行如此辦理之處詳悉據實覆奏將此由五百里諭令知之尋奏新挑蘭陽十二堡河頭外灘寬六十丈舊隄原估開寬一百三十丈與隄外河頭順勢相接引河寬三十丈至三十八九丈不等商邱七堡河尾開挑寬六十丈舊隄原估開寬一百六十丈較之以上各段引河口面已覺加寬但明春放河後令黃水下注伏秋大汛時恐未能暢達自應再加展寬三十丈將來河成後溜勢順注設遇大汛更資暢達報聞是日起

上以冬至祀

天於

園丘齋戒三日 戊申諭曰原任四川提督岳鍾琪之孫武舉岳廷極現在川省隨營効力

著該部行文調取來京引見○諭軍機大臣等據李奉翰奏豫省隄河各工已竣所有江南徐屬應行春修各工必須早為估辦實力興修擬即起程回江親往各工詳悉查驗等語近經薩載回奏今年不當有許多奏銷之摺稱徐屬各廳今春因屢得豫工合龍之信兩岸埽壩桃汛以前即經鑲做堅實以備抵禦等因朕以此項經費果係實用自應准其開銷但兩岸隄工既係新經鑲做則明歲黃

流歸復故道時自無庸更事修築曾經傳諭薩載知悉矣何以李奉翰今又有徐屬應行明春各工必須早為估辦之奏此必係河工廳汛各員弁藉端朦混希圖浮冒開銷李奉翰未能覺察受其欺朦不可不留心查訪如果該處各工實有必須勘辦興修之處是又與薩載近奏不符矣著李奉翰會同薩載詳悉親勘查明據實覆奏旌表守正捐軀河南汝陽縣民徐開一女徐氏

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百六十八

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百六十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次謹桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十七年壬寅十一月己酉。

上詣

南郊齋宮齋宿。庚戌冬至祀

天於

圜丘。

上親詣行禮。遣官祭

永陵。

福陵。

昭陵。

昭西陵。

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○諭軍機大臣等。福建臺灣地方。漳泉兩郡莊民。聚衆械鬪一案。前經黃仕簡奏明。帶兵渡臺。節經降旨。責成該提

督會同楊廷樺二人。查拏辦理。此案首夥各犯。未獲者尚多。黃仕簡此時在臺辦理。著遵照前旨。務將殺害汎弁。械鬪殺人。放火搶奪各要犯。上緊緝拏。全數擒獲。嚴速審辦。但此事由於漳泉兩郡民人。口角構衅。械鬪從前把總林審。路由泉民快官莊經過。該莊兇民。探知林審係屬漳州人。竟將該把總攔入莊內殺害。朕思黃仕簡亦係漳州人。恐泉州民人以提督偏護同鄉。心生疑懼。此處亟宜留

心防範。著傳諭黃仕簡。查辦此案。應先行曉諭。以本提督係漳州人。必將漳州莊民內滋事不法者。先行嚴辦。後再將泉郡兇民。按律懲治。以示公正。該處人心。愈加帖服。於綏靖海疆。撫輯愚民之道。更為有裨。將此由六百里加緊傳諭知之。仍將現在查辦情形。迅速由六百里加緊覆奏。○陝甘總督李侍堯奏。蘭州省城。舊係巡撫駐劄。原設左右二營。作為親標。乾隆二十九年。裁巡撫。將總督移駐

蘭州。於原有二營外。添設三營。改為督標五營。將添設之中營。駐劄城中。其前後二營。將備兵丁。駐劄城外。各離城三里。竊思甘省邊陲重地。總督親標。應全駐城中。俾平時差操較便。有事呼應亦靈。查華林山建堡。將左右官兵分往駐劄。業經聯絡聲勢。所有城外兩營。更應全駐城中。明春右營移駐華林。空出官署兵房。即可令該二營官兵移住。如不敷用。城中現有空閒官地數區。儘可起蓋房間。

應請將該二營兵丁住房拆移。均無需另籌建署。得旨。好。如所議行。○辛亥。

上幸瀛臺。○諭凡祭

壇行禮。派出查

壇之王大臣等。皆在門外站班。雖屬遵循舊制。但恐於管理

壇內執事人員聲音。行禮齊班。稽察難週。大典攸關。內外理應一體致敬。嗣後凡派出之王大臣。若四人。著門外二人。

壇內二人站班。輪流稽察。若二人。亦著一體分管。斷不可稍有疎怠。○大學士暫署直隸總督英廉奏。直隸各屬有旗租者。統計七十七州縣。積欠旗租者。四十二州縣。其積欠至二十年之久。數至二十四萬餘兩之多。非實力清查。虛實終難明晰。臣擬派隔府之清正道府四員。各帶能事佐雜二員。將欠租州縣。按照欠戶花名底簿。逐一查傳本戶。當面究訊。如有以完作欠者。立即嚴叅重究。其有實在

民欠。而人地俱存者。嚴催如數完納。或因年歲歉薄。力難併繳者。應覈其欠數多寡。分限二三年帶徵。以紓民力。至有該本管道府結報水衝沙壓地畝。應令委員等逐一履勘。如有以熟作荒。即嚴叅治罪。但查此項衝壓拋荒地畝。即實有其事。亦例應隨時查辦。何以延至二十年之久。全未辦理。請將該州縣前此曾經詳報除租。部駁有案者。准俟勘明。部覆到日。覈議酌辦。如係歷任各官。漫不經心。詳辦。以至逃亡故絕。租銀無著者。不准豁免。即著落二十年來歷任州縣暨府道院司等官。按日攤賠完繳。以為玩視民瘼。因循怠玩者戒。得旨。所辦好。依議行。○壬子。諭。明年正月。筵宴宗室等。年已及歲者。皆有賞賜。其現在食餉。年未及歲宗室等。亦著加恩。賞給一月錢糧。○諭軍機大臣等。福建泉州府林耀等奪犯傷差一案。先後拏獲林耀等二十八犯。已據該撫審明。定擬具奏。交部覈覆。按律

治罪。但此案林先和係行劫盜首。實為通案渠魁。至今猶未就獲。林允得。林文林買等。均係緊要案犯。亦復在逃。不可不嚴行搜緝。務獲正法。以警兇頑。泉州係沿海地方。恐該犯等因內地搜捕甚緊。逸入洋面。或轉至臺灣等處。及浙江寧波定海一帶。俱未可定。著傳諭富勒渾雅德嚴飭所屬文武實力搜緝。毋使遠颺漏網。至江西廣東皆與福建接壤。毗連。恐該犯竄匿鄰省。並著傳諭郝碩。尚安。一

體飭屬搜拏務獲。毋得視為海捕具文。獲犯之後。即迅速審辦。從重定擬。將此由六百里諭令知之。○山西巡撫農起疏報。輔國公寧陞額家。乾隆四十七年續墾牧廠荒地。二百三十七頃十一畝有奇。○旌表守正捐軀河南太康縣民李澤珩妻韓氏。○癸丑。諭京城德勝門外功德林。冬間貧民就食。較普濟堂人數雖減。但常例賞銀一千兩。經費尚恐不敷。著加恩將京倉內小米。賞給一百五十石。

以資接濟。○又諭。向年秋朝審人犯內。有業經緩決三次以上。人數積多。每屆數年。勅令刑部堂官。量為查奏減等。以示法外之仁。今自乾隆四十四年十一月查辦之後。至今秋讞。擬入緩決者。又積有八千五百餘名。其數已為不少。著刑部堂官。將本年秋朝審緩決至三次各犯。照前次查辦之例。逐一查明。各按所犯情節。分別減等發落。以昭矜恤。○又諭。前因皇子等及師傅編輯明臣奏議一書。

體例不合。其聚珍版排印。亦復錯誤。業經降旨。交部分別議處。但此書究係六阿哥。八阿哥在京專辦。過無可辭。著照例各罰尚書俸一年。其隨同辦理之皇子及總師傅。並校繕之師傅翰林等。俱著加恩。免其議處。至武英殿管理排印之總裁提調等。所有處分。並著加恩一體寬免。○諭軍機大臣等。前因豫省黑豆價值平減。曾經傳諭李世傑查照向例。購買二三萬石。由水路運送至京。並傳諭盛

京將軍府尹等將奉天應行運京黑豆。照常年例。止須採買一半。儲備明歲秋間之用。今據李世傑奏。於附近水次之開封等府屬。採買黑豆三萬石。分為兩次運送等語。京師既有此三萬石黑豆。則奉天黑豆。即可照數減省。採買三萬石。俾民間豆石寬裕。市價平減。明年秋間。巡幸奉天。於扈從人等。均有裨益。將此傳諭盛京將軍永瑋。府尹伯興等。遵照辦理。○又諭前因陝省並未奏報得雪。曾經

降旨詢問畢沅。茲據奏稱。十一月初三四兩日。省城及西安。同州。鳳翔等府屬。均得有瑞雪四五六寸不等。又初十一等日。省城及附近各屬。續降祥霽。積地盈尺有餘等語。覽奏殊為欣慰。但該省得雪。係本月初三四之事。彼時自應即行奏報。即使遣人齎奏。亦不過十三四日可到。何以遲至半月有餘。始行馳奏。朕屢念民依。無時稍釋。況三冬雪澤。尤為來歲豐年之兆。畢沅何不仰體朕懷。竟爾

濡滯若此耶。畢沅著傳旨申飭。○甲寅。

上幸瀛臺。○乙卯。諭軍機大臣等。豫省現在挑挖引河。俟明春桃汛時。即行開放。但黃河南岸隄內。前經阿桂等勘定。應行挑挖之處。自不能不占用民田。從前阿桂等籌議時。如何酌量兌換之處。未經奏聞。是否按地給價。抑或另將官地大量換給。俾小民不致失業。因思南岸隄內。既開挑引河。明歲合龍竣事後。其北岸河身。必有涸出空地。可以墾種。以彼易此。小民自必樂從。且地畝錢糧。亦均有著落。李世傑身任河南巡撫。一切民田廬舍。設法安頓調劑。是其專責。若一任小民自行占踞。則豪强者得以多占。而懦弱無力貧民。竟至無田可耕。且不肖官吏人役。得以藉此侵漁滋弊。殊非安集均平。整飭清釐之道。總以南失地頃數。於北給地頃數為準。此事著交李世傑悉心妥協經理。並著阿桂。督同妥辦。以副朕軫念民生之意。著將此由五百里

諭令知之。並將現在如何籌辦情形。先行據實繪圖覆奏。○丙辰。諭軍機大臣等。據富綱李本同日奏到。貴州桐梓縣民梁鳳珍。因與妻連開等爭土。捏控批府行縣差拘。梁鳳珍父子。率同佃戶廖老五等。拒捕傷差一案。自應按律嚴辦。不得稍事姑息。但查富綱摺內所奏情節。梁鳳珍既使其子赴省呈控。業經該撫批府提訊。自應到案剖訴。靜聽審斷。何致有拒捕之事。即李本摺內情虛畏訊之語。

亦屬懸揣。其究係因何抗拒。自必另有實情。著傳諭李本。即行親提此案犯證。秉公嚴訊。其中是否地方官迴護前斷。因該犯赴省翻控。遂致挾嫌威逼。並胥役人等。臨時有需索滋擾情事。一併逐細根究。務得確情。究擬具奏。毋得稍存顛預了事之見。況該省苗民錯處一切案獄。尤當審斷公平。毫無冤抑。俾黎庶心服。地方自然寧靜。富綱摺著鈔寄李本閱看。將此由五百里諭令知之。○江南河道

總督李奉翰奏。江省徐揚兩屬八廳內。臨黃埭壩工程六十餘處。每廳不下數百段。每歲於十月後。各廳營擇要估報。飭令該道將等逐段查勘。或當迎溜頂衝。或溜勢上提下坐。緊要之工。並有年久舊埭朽爛。應須折鑲者。覆勘確覈。始行動料興修。於二月內驗報。以禦桃汛。此歷年河工歲修之春工也。上年青龍岡漫口後。下游各處。雖未經黃溜。而今春江省。因屢得豫工合龍之信。兩岸埭工。已鑲

修堅固。自無庸更事修築。惟今年春修各工。本係間段擇要估辦。並非普修。而八月間湖水驟漲時。所有潘家屯。張家莊。宣洩湖水入河。並臨運壩。顧家莊等處。分洩邳宿境內運水入河。兩岸埭根。不無搜刷應修之處。得旨所奏尚屬含糊。河官賴河工以為生。自不應太緊。亦不應太寬。○丁巳。

上幸瀛臺。○諭。朕於明年前往盛京。所有經過之喀喇沁。土默特等處地方。喀喇沁郡王喇

特納錫第貝勒扎拉豐阿。俱備辦中伙大營數處喇特納錫第。扎拉豐阿。著加恩每人賞給銀四千兩。土默特貝子色布騰棟囉布備辦中伙一處。著加恩賞給銀二千兩。土默特貝勒索諾木巴勒珠爾。喀喇沁公職銜扎薩克塔布囊瑪哈巴拉。備辦路橋等項。每人加恩賞給銀一千兩。至協濟備辦路橋等差之台吉塔布囊章京官員兵丁等。屆期俱照前次之例。分別賞給緞布。○諭軍機大臣等。據

李奉翰覆奏。江省徐揚兩屬八廳內。臨黃埭壩工程六十餘處。每廳不下數百段。每歲於十月後。各廳營擇要估報。覆勘確覈。始行飭屬動料興修等因。一摺。所奏尚屬含糊。已於摺內詳晰批示。河工員弁。向藉歲修工程稍需餘潤。為資生養贍之計。其中不無浮冒開銷。若將一切勘辦興修工程。概行覈減裁抑。持之太緊。要工恐不無遲誤。若一任不肖工員。藉端浮冒。則徒糜歲修之費。而於應辦要

工究無實際。尤於修防大有關係。不可不嚴加查覈。李奉翰身任南河總督。於一切應辦工程。當隨時覈實勘估。務使帑不虛糜。工歸實用。毋任工員藉端浮冒。方為不負委任。著將此由五百里傳諭。並令薩載知之。○晉封固山貝子允祁。為多羅貝勒。○旌表守正被戕山西寧武縣民楊有寧妻趙氏。○戊午

上詣

慈寧宮

壽康宮行禮。○諭軍機大臣等。據伯興奏。廣寧縣知縣楊鵬翮。領運四庫全書。任聽擡夫逃散。將書箱拋擲路旁。懈弛罷玩。斷難姑容。現在另派幹員。前往廣寧豫備運送第二撥書籍外。請旨將廣寧縣知縣楊鵬翮。交部嚴加查議。一摺。所辦殊屬非是。該縣領運書籍。任聽擡夫於途中兩次脫逃。將書箱拋棄。則辦理地方一切事件。諸事廢弛。可知自應一面具摺參奏革職。一面委員接印。查明該縣

經手倉庫錢糧。有無未清。方為正辦。乃伯興業經另行派員前往。豫備運送書籍。而又不將楊鵬翮即行參奏革職。僅請交部查議。殊不知事理輕重。府尹有稽察屬員之責。運送書籍。又係專派伯興辦理。似此一味姑息。其何以整飭吏治耶。著將原摺發還。令伯興遵照。另行繕摺參奏外。將此由四百里諭令知之。○以山西按察使費淳為雲南布政使。○已未

上幸瀛臺。○諭據鑲紅旗滿洲都統奏稱。隆宗門內侍衛值房失火。發往烏魯木齊之魁格。尚未授室。亦無胞伯叔兄弟。應襲騎都尉。又一雲騎尉世職。承襲乏人。將勅書追繳。停止承襲等語。雖屬照例辦理。但覽勅書所載。布色赫由閑散攻取信州。獨躡雲梯。躍入城中。其城遂下。因有此官。今魁格獲罪。無人承襲。即將伊祖奮勉勲勞。遽行削絕。朕心不忍。魁格著加恩免其發往。賞襲原官。照李成勇例。

八年無過。開復食俸。○以廣西左江道溫葆初為山西按察使。○庚申諭昨降旨。令刑部堂官將秋朝審緩決至三次以上各犯查照前例。加恩分別減等。本日據刑部查奏。歷年減等條款。有情罪較重。如大逆緣坐各條。不在援減之例者。大逆緣坐。照例本不援減。但其中情節亦有不同。如子孫有犯例坐祖父。其情較之祖父犯罪緣坐子孫者。究屬有間。即如雲岱因伊子額爾登額緣坐監禁年久。

昨已加恩。特予省釋。該部即可照此查辦。再此外如伯叔兄弟。因緣坐監禁者。亦應查其住居世代遠近情節輕重。分別辦理。該部悉心酌覈妥議具奏。以副朕法外施仁至意。○諭軍機大臣等。刑部奏請將侵吞蘇祿國王貨價並誣賴欠銀之龍溪縣民王三陽定擬絞候一摺。王三陽係內地商民。輒敢將蘇祿國王託銷貨價侵蝕番銀至一千二百餘圓。情罪甚為可惡。現在已過秋審。著將該犯即

行處絞至中國撫馭外夷。遇有內地不法之徒在彼滋擾。尤當嚴示懲儆。方足以服外夷之心。著傳諭雅德。俟王三陽正法時。傳知該國在閩夷人。令其在旁觀看。俾知中國於在外滋事之犯。斷不稍為寬貸。且使貿易商民共知儆畏。又諭閩省漳泉二郡及臺灣地方。械鬪傷差各案。汀漳龍道姚荼曾辦理此事。否著富勒渾據實查奏。並其平日居官若何。一併覆奏。至泉州搶犯一事。係興泉永道

所轄。該道潘本義是否辦理得宜。及有無遺誤之處。富勒渾亦應一併據實查奏。看來雅德於各案。未免稍涉回護姑息。富勒渾初蒞閩浙總督之任。自應秉公陳奏。不可稍存瞻顧也。又諭據阿桂奏查勘山東伊家河工程。摺內稱該河中段。自善莊橋起。至楊家樓止。共長七千二百四十丈。此時業已開工。而人夫不多。所挑土方。尚無分數可計等語。伊家河關係湖水分洩去路。現已動工挑挖。應

照袁守侗等原奏估辦分數。速行齊集人夫。上緊趕辦。務期一律寬深。不得稍有延緩。著傳諭明興。即飭令承辦各員。多集人夫。上緊督催。現在辦出土方。共有若干。並令切實查收。無致夫役人等稍有偷減。將此由五百里諭令知之。仍將現在辦理情形。據實覆奏。並諭阿桂知之。以故雲南廣南府土同知儂毓榮子世昌襲職。辛酉。

上幸瀛臺。諭第二分四庫全書校繕完竣。辦

理尚屬迅速。其承辦之總校王燕緒著加恩。於服闋後遇有中允缺出。即行補用。朱鈐著即授職。編修收掌吳樹萱。著加恩授為內閣中書。即行補用。諭軍機大臣等。前據富勒渾奏浙省仁錢二縣有借動庫項墊換金兩之事。雖已補還。恐尚有任意虧那情弊。現委司道等互相盤查。其閩省倉庫亦密移撫臣雅德等一體辦理等語。浙省吏治。自王亶望以來廢弛日久。陳輝祖接任後。又復營

私牟利國棟庸懦無能其通省倉庫錢糧難保無積壓虧缺抑勒交代等弊當此積弊已清辦理善後之際正應實力整頓著傳諭富勒渾等務須嚴飭派委司道各員徹底盤查如有虧短情弊即據實稟明酌分年限設法籌辦責成各該屬速行彌補全完總期不動聲色而國帑倉儲皆歸實貯方為妥善如此辦理乃朕格外施恩不欲更興大獄伊等稍有天良自當知感知懼上緊彌補若勒限之

後尚不知感恩畏法任意懸宕稽延則是自取重罪更不能再為曲貸也其閩省倉庫亦著會同雅德照此一體辦理將此由五百里傳諭富勒渾福崧雅德並諭盛佳知之○福建水師提督黃仕簡奏自十一月初十日抵諸羅搜捕各要犯陸續奏明正法後續將各餘犯研審供出起意焚搶殺命之要犯羅裕等十八名正法示衆莊民多已復業各處均屬寧謐查諸羅界連彰化起衅由笨港之北

港糾搶南港漳民未獲首夥兇犯尚多臣現會同楊廷樞親赴笨港及彰化一帶督拏笨港已拏獲八十五名務期全數擒獲按律重治得旨汝此次所辦實屬可嘉今事已平定內地亦屬緊要汝宜即回○壬戌諭軍機大臣等浙江海塘工程前據陳輝祖奏所有蓋面石塊俱用一律尺寸鋪漫其現已辦竣工段均係如此辦理此項工程浩大購料甚多所有蓋面石塊祇須平整堅固期於久遠其

每塊尺寸即稍有長短濶狹不齊不妨酌搭鋪漫庶採購既為便易而工程亦可迅速完竣若必拘定一律尺寸轉致糜費周章且於塘工亦恐因此稽延著傳諭富勒渾福崧現在各段塘工蓋面石塊即遵照此旨辦理○又諭據黃仕簡奏抵臺查辦漳泉莊民械鬪一案先後拏獲要犯多名恭請王命正法各於犯事地方傳首示衆尚有未獲各犯現在查拏務獲解審等語所辦甚好已於摺內批

示同日又據雅德奏到此案在雅德。不過因朕旨嚴諭。為此敷衍奏報耳。自不若黃仕簡身在臺地查辦此事者之切實詳盡。看來此案先後獲犯及辦理情形。已有七八成。未必致更生事端。但尚有未獲聚眾首夥要犯謝笑等。并殺官重犯張石唐。發張琳現在曾否就獲。並此外餘黨。不可不盡行搜緝務獲。以靖根株。臺灣孤懸海外。尤非內地濱海要區。可比。此等匪類。若不多辦數人。不足以靖海

疆。而儆兇頑。著傳諭黃仕簡。楊廷樺。徹底根查。務將未獲聚眾殺官各犯。逐一擒獲。從重懲治。永除後患。至閩省自陳輝祖任總督以來。一味營私牟利。武備廢弛。已極富勒渾赴閩後。不可不嚴加整頓。即如雅德摺內稱。據金蟾桂來扎。將擒獲流匪六名。內洪鐘一犯。訊係曾在笨港焚搶。當即正法。餘犯插箭示眾等語。此等兇徒。自應分別嚴辦。何以插箭示懲了事。再李奉堯奏。漳浦縣民黃茂。鎗

傷兵役。聞拏自焚身死一案。此等奸民。既敢拒捕傷兵。焉知不裝點焚斃情形。希圖免脫。前經降旨。諭知該撫等詳悉勘查。取有確實憑據。尚未據雅德覆奏。著再傳諭富勒渾等。務須留心察訪。檢驗確實。無得稍存將就了事之見。倘該犯未經焚斃。將來別經拏獲。惟該督撫是問。恐不能當此重戾也。以後臺灣奏此事。著黃仕簡之次。楊廷樺一併列名。將此由六百里加緊。各傳諭知之。旌表守正

捐軀安徽宿州民趙士元妻吳氏。是月河南巡撫李世傑奏。豫省本年豆價。河南南陽二府屬中有賤至五六錢者。價雖減於河北。然不近水次。運費頗多。惟開封及彰懷衛三府豆價八九錢及一兩不等。而運腳較省於他處。現於四府各屬縣中。擇價值較平附近水次者。行令公平採買三萬石。分為兩運交兌開行。下部知之。署河東河道總督何裕城奏。湖河稍減情形。比上年稍速。現自十月

二十日以後微山湖續消水二尺。通共消水三尺七寸。至江境邳宿運河。因八九月間沂河駱馬湖等處之水。及蒙陰等縣之山水。同時並漲。向來客水易長易落。所有邳宿運河已消一丈一尺四寸之數。多係江南山河驟長之客水。並非全係湖流。是以下游消水合計已有丈餘。而上游湖水消減不及四尺。得旨若能於年底再消數尺。以符一丈餘尺之制。則善矣。○巡視濟寧漕務內閣學士毓奇

奏。東境兩岸隄工漫水。惟濟寧石佛閘以上全行露出。此下亦間段露有隄形。春間所修緯道樁木俱無損失。其餘各工祇不過需用柴土鑲墊。臣俱已記明段落。會同河撫二臣於明春重運前量為估辦。獨山。郝山等處湖水勢雖較七月間盛漲時已消去三尺七八寸。至四尺餘寸不等。而兩岸仍復汪洋。查微山湖一帶可以分洩之路已經次第疏消。今又挑濬伊家河並籌疏江境下游入海之

路將來東境水勢自可陸續消落。且明春桃汛以後豫省漫工一經堵閉則運河兩岸隄工即可涸出。自應趕緊興修。至濟寧以北小挑工程現在築壩戽水以便次第鋪鋤。臣擬於催送尾幫出境後即馳回濟寧以北將應挑塘長河道各工詳查催辦得旨好一切勉之

大清高宗法天隆運至誠先覺體元立極敷文奮武孝慈神聖純皇帝實錄卷之一千二百六十九

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百七十

監修總裁官經廷議官太子太傅文淵閣大學士文淵閣領閣事領侍衛內大臣稽察欽奉
上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總戰官經廷講官太子太傅文華殿大學士文淵閣領閣事稽察欽奉
上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

救修

乾隆四十七年壬寅十二月癸亥朔。

上詣

大高殿行禮。○諭曰。尚書德保。侍郎德明。諾穆親。俱著賞還頂帶花翎。仍帶革職留任。○諭軍機大臣等。昨披閱明臣奏議。熊廷弼為遼東經畧時。抒誠効命。所奏諸疏。具見忠鯁。而其時主闇政昏。不惟不用其言。轉致身罹重辟。深可憫惻。熊廷弼係湖北江夏人。現在有無子孫。曾否出仕。著傳諭舒常等詳悉查明。遇便覆奏。○旌表守正捐軀廣東歸善縣民

六八六

黃亞築妻鄭氏○甲子。諭曰。大學士九卿叢議。阿桂等審訊陳輝祖。商同屬員。隱匿抽換正法。及監候等因。一摺。前經降旨。俟陳輝祖解到審明後。再降諭旨。今侍郎福長安。押帶陳輝祖及案犯到京。復命大學士。會同軍機大臣。刑部堂官等。公同審訊。據陳輝祖所供。將查出王亶望金子。發交屬員。換易銀兩。及隱匿玉器。抽換朝珠等事。與阿桂等在浙所訊情節。雖屬大概相同。至詰以伊身任閩浙總督。一切武備廢弛。現在閩省漳泉二郡。民人聚衆拒捕滋事各案。何以從前毫無整頓。且自王亶望為浙江巡撫任內。所屬州縣。有將倉庫錢糧挪移虧缺。至今尚有未經彌補之項。何以不行查出參奏。伊惟有俯首認罪。不能復措一詞。如此。則陳輝祖身任兩省總督。專意營私。置地方要務於不問。其藐法負恩情罪。尤為顯著。即照大學士九卿等叢擬。

立置重典亦屬罪所應得。但念此案發覺之始。朕以事屬瑣細。本不欲辦。因盛住有底冊不符之奏。或其時經手之員。從中弊混。而陳輝祖受其欺蔽。亦未可知。然實不疑及陳輝祖身為狗偷之事也。因命大學士公阿桂。侍郎福長安。前往查辦。以釋此疑。陳輝祖始猶狡飾支吾。希圖卸罪。及朕飭令阿桂等。四面駁詰。始自委官等究出隱匿抽換諸弊。殊出朕意料之外。至以金易銀一節。據陳輝祖在

浙供稱。係查抄時。王亶望懇求伊如此辦理。朕謂此情理所必無。豈有總督與犯人私相覲面。並無司道從役在旁。可為證見之理。今據大學士等覆訊。則陳輝祖首稱。起意將金易銀。思沾餘利。並非聽信王亶望懇求。不過借此掩飾屬員耳目。其卑污巧詐。果不出朕所料。若如阿桂等原審。直似陳輝祖聽信王亶望囑託。為此必無之事。而初次奏到之摺。尚有金兩並無隱匿抽換之語。是阿桂等先

有成見於中。不復覺其自相矛盾。試思朕豈易欺者乎。今此案爰書已定。前疑頓釋。在陳輝祖。以陳大受之子。受朕厚恩。用為總督。不思潔已率屬。勉圖報効。其於地方應辦諸務。不能實心實力。隨事整飭。於查抄入官之物。又復侵吞抽換。行同鼠竊。其昧良喪耻。固屬罪無可逭。但細覈所犯情節。與王亶望之捏災冒賑。侵帑殃民者。究有不同。即較國泰之借代父贖罪為名。公然勒派屬員。以致通省

各州縣。俱有虧空者。亦尚有間。所云與其有聚斂之臣。寧有盜臣。陳輝祖祇一盜臣耳。其罪在身。為總督。置地方要務於不辦。以致諸事廢弛。種種貽誤。而侵盜者止係入官之物。不過無耻貪利。罔顧大體。究非朘剝小民。以致貽誤官方吏治者可比。陳輝祖著從寬改。為應斬監候。秋後處決。至國棟身為藩司。聽從陳輝祖舞弊營私。及朕降旨詢問。又甘為徇隱。不行陳奏。知府王士齡楊仁譽。明知陳

輝祖抽換等弊。又將估定印冊。擅自刪改。並私行侵用官物。俱按律定擬。斬候亦屬允當。楊先儀張翥身任首縣。迎合上司。意指發交鋪戶買金。並擅那庫項。墊交金價。其罪實在於此。自應照所擬。從重改發新疆充當苦差。陳准前經降旨。與李封發往河工効力。今據陳輝祖供明。尚無通同抽換情弊。仍著照前旨行。其餘案內各犯。俱照大學士九卿等分別覈擬罪名完結。朕辦理庶政。鑑空衡平。不稍存偏倚之見。此案陳輝祖等。通同作弊。酌理準情。其罪止於如此。即朕不為已甚之意也。嗣後外省官吏。當以陳輝祖之見利忘義。玷辱封疆大臣之體。引為炯鑑。庶幾大法小廉。不負朕諄諄教戒之意。所有辦理此案緣由。著通諭中外知之。○又諭各省督撫。派委首府首縣辦差。從前屢經降旨嚴禁。昨歲因甘省冒賑一案。復通諭各督撫。嗣後不許交首府首縣買辦物件。以杜弊端。乃現在審辦

陳輝祖抽換王亶望入官物件。竟有將私換金兩交首縣楊先儀張翥轉發鋪戶售買之事。復經訊出李永鄴噶爾弼善張廷化周曰潢巴國柱何光晟等。俱先後餽送陳輝祖金兩多寡不同。可見外省屬員逢迎上司。代辦物件。私行餽遺。其弊仍未盡除。即各督撫年例彙奏。並無宴會換帖等項。亦不過具文塞責。有名無實。於吏治官方所關甚大。況金兩本非尋常日用之物。今思前因班禪額爾德尼來京慶祝。於熱河建造扎什倫布廟。需用金兩及金如意等件。以備頒賞。其時各督撫。即有呈進備賞金器者。以作加賞班禪之用。因量為賞收。此係朕失檢點處。或督撫等即藉此名色。向屬員勒索。亦未可定。現在此事已過。不可不嚴行飭禁。嗣後各省督撫。除年例呈進土貢物件外。概不許呈進金器。如有仍前入獻者。奏事處即行駁回。不准接收。轉奏各督撫。尚其洗心滌慮。正己率屬。一切

衙署私事不得派委首府首縣及別屬承辦。庶不負朕再三訓誡澄清吏治之至意。倘此次飭禁之後尚敢陽奉陰違因循故轍甚或藉辦貢名色勒派屬員許該屬員等直揭部科朕必格外嘉獎將該督撫從重懲治決不寬貸教而不悛則有犯必懲毋謂朕不教也將此再行通諭中外知之。○又諭此案餽送金兩之李永鄴等各員擬以革職杖徒自屬罪所應得但伊等所送金兩係在陳輝祖已

離本任之後究與交結本管上司因事營求者有間李永鄴張廷化周曰潢何光晟俱著從寬免其治罪改為革職留任八年無過方准開復已國柱所送金物亦係在浙省告病離任之後並著從寬免其治罪其革職留任處著註冊惟是李永鄴等私行餽送金兩逢迎舊任上司亦不可無以示儆應令罰交銀兩交豫省河工應用其應作何分別議罰之處著俟阿桂到京回豫後再與李奉翰李世

傑議定具奏。諭軍機大臣等據綿恩和坤將東華門外竿獲遼安縣人張福昌嚴加審訊定擬具奏已交軍機大臣會同刑部嚴訊定擬具奏矣該犯供詞閃爍行踪詭秘恐其原籍尚有別項不法情事或家內藏有違悖字跡不可不嚴行搜查著傳諭英廉即派委妥員前往該犯原籍將伊父母弟妻嚴訊確供毋任狡飾並將該犯家內逐細搜查據實速行覆奏將此由四百里諭令知之。綿恩和

坤原奏著鈔寄閱看。○又諭昨聞浙省各屬倉庫有任意虧那情弊已傳諭富勒渾等徹底盤查設法籌辦矣浙省倉庫虧空究自何年而起若謂係王亶望任內因辦理大差那移未能彌補則上屆南巡朕曾經賞給該省帑銀二十餘萬兩以為差務之用已屬寬裕足敷支給聞王亶望王燧尚藉此獲利何得又有各屬那移虧缺之事因命軍機大臣嚴訊陳輝祖王燧據陳輝祖供伊到任後原聞

各屬倉庫歷年積壓間有短少之事曾行文清查其始自何年數目若干未曾查明不能知道王燧亦供浙省辦理差務賞銀已極豐厚並無賠墊以致虧空各等語該省各屬倉庫究竟虧短若干始自何人或起王亶望任內或自王亶望之前即有虧缺著傳諭富勒渾福崧徹底查明著落據實迅速覆奏富勒渾不得以從前曾任浙省督撫稍存迴護之見若王燧於此中有所染指亦據實奏將

此由五百里諭令知之所有陳輝祖王燧供詞一併鈔寄閱看○乙丑

上幸瀛臺○吏部議准禮部尚書德保等奏稱嗣後考試中書照考試繙譯童生例派滿漢監試御史各一員東西碑門點名御史各一員分旗點進派左右二翼副都統各一員參領章京各一員入場彈壓另行奏派搜檢大臣四員逐名搜點并請照鄉會試例於考試前一日搜檢點名給卷入場歸號次日寅時

散題酉時交卷不准給燭從之○兩江總督薩載等奏查黃河各廳兩岸迎溜頂衝埽壩各工每年霜降水落原係擇要勘估春融修整以備桃伏秋三汛抵禦本非一律辦理今春因屢得豫工合龍之信將兩岸埽壩擇要修整七月內惟將必應鑲做防風及加高者每廳每工擇其至要之三五段及七八段十餘段不等搶修完竣餘俱飭令紮枕塘護列為緩修八月以後上游湖水驟漲幸資抵禦

今水勢消落查勘本年已修各工現在高出水面數尺至丈許不等尚俱完整毋庸再為修做惟未經修做各段內有為清水搜刷壩底空虛向外垂墊或較別段卑矮者分別拆修加鑲搏節確估一俟春融趕辦務於豫省放河以前一律完整其餘再看水勢大小臨時相機修辦報聞○丙寅諭軍機大臣等昨披閱明史袁崇煥督師薊遼雖與我朝為難但尚能忠於所事彼時主昏政闇不能罄其

忱悃以致身罹重辟深可憫惻。袁崇煥係廣東東莞人。現在有無子孫曾否出仕。著傳諭尚安詳。悉查明遇便覆奏。○又諭據雅德覆奏黃茂拒捕自焚一案。摺內稱黃茂胞叔黃便控告該犯逆祖毆叔。該縣營弁往拏。該犯拒捕鎗傷兵役。經汀漳龍道姚荼會同遊擊田藍玉帶兵圍守。該犯情迫自焚。當即撲救。搶出男女屍身四具。據原告黃便認明係黃茂同妻子四人之屍。現委員前往將黃茂等

屍棺封記。聽候查驗辦理等語。黃茂自焚身死。既係原告認明。更有何疑。若該撫前奏即將此等情節查明詳悉聲敘。自可毋庸降旨查詢。可見該撫於地方緊要事件並未留心。必待朕嚴切傳諭方始悉心究訊。今此案既經查有切實證據。自屬可信。乃雅德又奏稱今將黃茂屍棺封記再行親往查驗。試思該犯焚死已久。該撫即親往查驗。又憑何辨認其真偽。且又焉能如原告當場認明之親切。

耶雅德不過因前旨詢問。聊以此奏塞責。何不諳事體輕重若此。著傳旨申飭。○舉行本年八旗軍政。卓異官九十九員。罷軟官六員。年老官二十一員。有疾官二十一員。才力不及官四員。分別議敘處分如例。○丁卯兵部議覆陝甘總督李侍堯奏稱酌定分貯添鑄礮位事宜。查甘州固原提屬河州興漢延綏涼州西寧寧夏肅州等鎮各項大礮共六百四十六位。實在堪用者一百三十三位。內大

神威礮六十一位。又大將軍紅衣雷公等名目共礮七十二位。其用與大神威礮相仿。即可抵作大神威礮之用。酌量於臣標及西安撫標各貯十六位。固原甘州提標各貯十四位。河州興漢延綏涼州西寧寧夏肅州七鎮標各貯十位。至劈山大礮一項。酌量止就督撫提鎮大標鎗手兵丁每二百名鑄造一位。酌給并令各營每年將存貯大礮以春秋二季輪流演放。並將劈山礮同鎗手兵丁時常

操演至陝甘兩省副將以下各營堡均有舊存子母威遠滴珠各項小礮現在演試堪用者二千六百一十三位。照數存貯該營。其炸裂損壞之大小各礮。盡行銷燬。廢鐵變價充公。均應如所請從之。○豁除安徽貴池縣坍沒田地八頃五十畝有奇額賦。○戊辰孝惠章皇后忌辰遣官祭

孝東陵。諭曰戶部覈議各省巡鹽官兵舊有鹽規酌量應給應停數目。分別定議一摺。所

議是已依議行矣。武職員弁業經加恩改給養廉。其巡緝私鹽乃分所應為。向得鹽規自應停止。至外委兵丁等所得月餉無多。離汛緝查飯食盤費等項不無所需。自應照舊准其分別支給。以示體恤。此次定議之後各省不得仍前派委候補千總及額外外委等弁。應令均責成專汛員弁經營。而員弁等既有盤費以資辦公。更宜加意緝查。以盡職守。倘有懈弛誤公及額外需索等弊。即著該管鹽

務之人嚴查據實奏治罪以示懲儆。將此通諭知之。○諭軍機大臣等據雅德奏接據楊廷樺等先後稟報在臺查辦滋事匪徒一摺。看來此案前後所獲各犯及現在黃仕簡等在該處搜捕餘黨。撫輯居民辦理將次完竣。惟是將來善後事宜當妥為籌辦。以期地方永遠寧謐。此案匪犯盡數拏獲後必須多辦數人。以示懲儆。臺灣孤懸海外非內地濱海要區可比。尤當使匪徒絕迹。庶可安輯善

良。黃仕簡楊廷樺查辦此案前經諭令伊二人一併列名奏事。將來結案後黃仕簡即回提督之任。楊廷樺係本任臺灣道員。駐劄該處伊曾任藩司。今又特加按察使銜。自有奏事之責。如遇有臺地緊要事件。即一面稟報督撫一面奏聞。楊廷樺在彼務須實心實力。隨事整頓。庶不負委任之意。將此由五百里傳諭富勒渾雅德黃仕簡楊廷樺知之。○命兵部尚書周煌在紫禁城騎馬。○己巳命戶

部員外郎李蔡提督河南學政（庚午）

上幸瀛臺。諭軍機大臣等。據金塔柱奏。漳泉聚眾械鬪案內首犯謝笑等尚未拏獲。現在飭查務獲等語。謝笑等膽敢於臺灣地方。為首聚眾械鬪。自應嚴密查拏。尅期弋獲。但恐該犯等因本地搜捕甚緊。未必仍敢藏匿漳泉附近地方。或海岸相通。逃入接壤之廣東地方。亦未可定。著傳諭尚安。於接壤處所。迅飭所屬文武員弁。實力搜拏。毋使該犯等遠颺漏網。將此傳諭尚安。併諭富勒渾雅德知之。○辛未

上御乾清門聽政。諭前經降旨。將直隸旗租銀兩。俟足數普賞八旗兵丁一月錢糧時。即行普賞一次。現在直隸解到租銀已足數用。著加恩普行賞給八旗兵丁一月錢糧。以示朕加惠旗人。用普春祺之意。○諭軍機大臣等。據富勒渾奏。交卸撫篆。起程赴閩日期。一摺。內稱地方被盜十二案。已獲盜犯二起。未

獲各犯。現嚴飭文武員弁。迅速設法緝拏等語。地方盜案。理應迅速查拏。盡數弋獲。以安良善。乃浙省各屬被盜。已獲者僅止二起。其未獲犯破案者。尚有十案之多。殊屬懈弛。緝盜除奸。乃臬司專責。王果。人本老實。年力已衰。浙江大省。臬司事務殷繁。恐致貽誤。著傳諭富勒渾。福崧。即將王果在任辦事如何。是否堪勝臬司之處。據實迅速覆奏。毋得稍涉瞻徇。○又諭本年九月內。據該撫奏。海塘工

程。應用銀兩。除原估續估工料外。尚多餘銀三十九萬九千餘兩。業經降旨。賞給該省。為四十九年南巡。粘修行宮等項之用。今查抄陳輝祖名下財產。現存銀兩。及各案估變物價。又約共銀六七萬兩。亦可歸入南巡應用項下。是浙省所存之項。已有四十六七萬兩。除豫備差務之外。儘有餘存。今思江南南巡差務之費。前於應行解京項下。賞留銀九萬餘兩。現在又令薩載。於京口挑河。以利舟楫。

是江南此項賞給銀兩。斷不敷用。著傳諭富勒渾福崧即於賞給浙省存備各項內酌撥銀二十萬兩。遇便派員解赴江南交薩載閔。鄂元存備支用。將此由四百里傳諭富勒渾福崧並諭薩載閔鄂元知之。○又諭昨福長安到京奏及伊過江南據薩載告稱江南運河入江口門距金山行宮較遠。今查有舊河身一道。若加挑濬。止有三里經過。更覺便捷。且可避中泓溜勢之險。而於商賈舟楫往來亦為便利。又往棲霞向係經由陸路。不免舍舟登岸。今亦擬挑河一道直達棲霞。一水可通。以省往返跋涉之勞等語。並帶圖說呈覽。此議可行。俱應亟為辦理。著傳諭薩載即將此二處於明春迅速興工挑濬。先動張鸞王崇留江銀兩應用。但恐四十九年南巡粘補行宮未免不敷。現已傳諭富勒渾等於賞給浙省辦差多餘銀兩內撥解江南二十萬兩。薩載等自能仰體朕意。妥協辦理也。將此由

四百里諭令知之。○以直隸督標中軍副將官福為湖北宜昌鎮總兵。○壬申諭曰。秋審各省官犯內有情實十次以上未勾者。黎慕蓮黃廷蘭黃志勳錢嵩芝王純一五犯俱著加恩從寬釋放。至五次以上情實未勾者。覈其情節逆匪王倫案內失守之把總孫雲龍夏克儉二犯情罪較重。難以寬免。仍牢固監候。所有王錫楊輝先年毓才冀國勳劉啟賢五犯俱著加恩照例減等發落。○諭軍機大臣等據李侍堯奏上年勦捕逆回案內濫用軍需。斷難開銷各款。共計銀三十餘萬兩。全係無著之項。又前此報銷各案有奉部覈減銀兩均應籌補。請將總督兩司及道府養廉每年各扣二成陸續歸補等語。所辦未為允協。該省於上年調集官兵勦捕逆回一切軍需並未酌定章程濫行動用。明知事多越例而止。顧目前之支應並不慮日後之覈銷。至今無著銀兩統計共有三十餘萬之多。又經

前後部駁各款。恐尚不止此數。若如李侍堯所奏。請於兩司道府養廉。坐扣二成。則以前任之濫用而累及後任之攤賠。於事理殊未平允。即如馮光熊。新放甘省藩司。尚未到任。即將其養廉扣去二成。此事始終於伊毫無關涉。又何從而波及乎。且恐該省道府。因扣去養廉。所得者少。不足以養其廉。致有貪黷病民之事。更滋流弊。此內如李侍堯所得總督養廉本厚。自應准其攤扣二成。福崧原係該省藩司。此事係伊始終經手。且現又加恩陞授巡撫。應著令攤賠五成。至福寧。於冒贖案內濫行出結。本應革職查抄。發往伊犁。因其首先供出實情。且搜捕賊黨。尚為出力。是以加恩。仍留臬司之任。已較他人為倖。此項攤賠銀兩。應即將其廉俸得項全數坐扣。俟官項全清。方准支給。至承辦道府州縣各員。現在有尚留甘省者。自應分別數目。覈實追賠。即案內革職查抄各員。現在有免死發遣

者。其家產雖已查抄。尚不敵其侵冒之數。但伊等原籍自有兄弟親屬。可以通那幫湊著。李侍堯查明各該員承辦時。濫應實數。逐一確數。應賠分數。行文各該犯原籍。覈實追賠。如有托故延宕。不行按數完繳。即將該犯仍照原議治罪。並行文各犯所發地方。諭令知之。軍機處及該部。亦令記檔。又該督題銷軍需一案。內有督標官兵。按日支給鹽菜一款。現在已交部議。該兵丁身隸督標。禦賊守城。是其專責。且在本營堵禦賊匪。並未離汛。該兵丁既有月餉。何得復行支給鹽菜。部臣必行議駁。此項不准開銷。即著濫行支發之承辦各員名下。按數追賠。如其人已經治罪。查抄。即著該管武職大員攤賠。并各兵丁名下。坐扣歸款。以上各條。著傳諭李侍堯通盤籌畫。另行分晰條款。妥議具奏。將此由六百里發往。並諭福崧知之。○癸酉。諭軍機大臣等。昨據李侍堯奏。上年勦捕逆回案內濫用軍

需難以開銷各款。已傳諭該督分別攤扣。並令詳查承辦濫用各員。現在有免死發遣者。覈其應賠分數。按款追賠矣。但思捏災冒賑案內。現在免死發遣各犯。有於逆回滋事時。已離甘省者。即身在該省。未曾經手承辦軍需及烏魯木齊案內各犯。於此事本無關涉。均可無庸議及。至曾任甘省州縣。經手軍需。濫行動支各犯。其從前侵冒之罪。本應概予駢誅。今已格外加恩。寬其一綫。該犯等在任時。又復有濫行支應之事。是該犯又有應得之罪。今不行懲治。第令追賠。各該犯稍有天良。自當向其兄弟親屬。通那幫湊。按數完交。即可無庸加罪。著傳諭李侍堯查明各犯濫應實數。覈其多寡。按名排定。分晰條款。具奏軍機大臣。逐一確覈。再轉行各該犯原籍。及發遣地方將軍督撫大臣。詳悉曉諭。令其按數追賠。予以三年限期。如該犯等尚不知感。知畏仍復托故延玩。以致限期滿而帑項懸

宕。即著該管之將軍督撫大臣。據實奏聞。必將該犯拏回刑部。即行照依前罪正法。不能再為寬貸也。將此由六百里再行傳諭李侍堯知之。甲戌諭曰。

皇祖諸孫內。惟內大臣弘晟。年齒加長。著加恩封為輔國公。又諭據正白旗滿洲都統奏。稱承襲別旗同姓拉什喜之雲騎尉富森布。病故。請照例停止承襲等語。富森布。承襲已經三代。若竟絕其世祀。朕心不忍。所有富森布之雲騎尉。著加恩交該旗揀選。應行承襲之人。帶領引見。嗣後八旗有此等承襲別旗同姓世職。已歷三世者。悉著世襲罔替。著為例。禮部議准。御史施學濂奏。稱請嗣後舉人會試貢監生員鄉試之年。仍照向例。不准改經外。其於平時將所習之經。具呈請改者。原非臨場趨避。自可聽其改習。其舉人由該州縣申詳督撫。貢監生員由州縣教官分詳學政。准改立案。並於年終彙冊咨部。以憑查

覈從之。予故教漢扎薩克多羅郡王巴勒丹致祭如例。乙亥河東河道總督何裕城等奏蘭陽河頭外攤土方連前共已出土六十餘萬方。刻下天氣晴和。按工計日。正月二十內外總可一律完竣。其河尾舊南隄於原估開寬一百二十丈外。再加寬展三十丈。委員如式趨辦。其原估河形內。間有兜灣段落。應行切嘴順勢。及溝槽防風等工。土方尚屬無多。易於集事。至河頭河尾兩崖。積土過高。處普律攤平。高以八尺為度。亦已分段趨辦。臣等分駐蘭陽儀封一帶。輪番查催。以期及早妥竣。得旨覽奏俱悉。○丙子諭曰淮南商人應繳提引餘利銀兩。前經降旨加恩。將未完銀展期遞緩。分作二十餘限繳完。今該商等已完至第十三限。其八限尚應交銀三百八十六萬六千餘兩。此項提引餘利。弊由高恒而起。該商等按限完交。已經過半。朕思恤商。即所以惠民。著加恩於未完銀內。豁免二

百萬兩。其餘一百八十六萬六千餘兩。仍著按原限完繳。以示體恤。○丁丑兵部議覆江南提督保寧奏稱。搜島巡洋。惟小哨最為便利。查蘇松鎮標中左右奇四營內。除雙蓬船船艚船外。共有緡船十二隻。該標雖有小哨十六隻。不敷應用。請每營各裁緡船二隻。添改小哨四隻。川沙吳淞二營各有船犁船三隻。船艚一隻。並無小哨。請各裁去船犁船一隻。改添小哨五隻。再向來大小巡船。俱彩畫龍虎及各種海獸。以壯觀瞻。查設立巡船緝盜。自當改裝密緝。方能物色擒拏。若繪畫綢采。反令奸徒見知避匿。請通行各省。除戰船准用彩畫外。所有內外洋面水陸各營。大小巡船。一概不許彩畫。祇用油飾。均應如所請。從之。

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百七十

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百七十一

監修總纂官理廷漢官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總纂官理廷漢官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次

尋常紀錄十四次臣德瑛理廷漢官太子少保工部尚書紀錄六次臣曹振鏞等奉

敕修

乾隆四十七年壬寅十二月戊寅諭軍機大

臣等據福崧奏浙江各屬虧空現在設法嚴
查辦理一摺即令福長安會同刑部堂官提
訊陳輝祖國棟從前何以不行查辦伊等亦
惟有俯首認罪無可置辯看來浙省虧空起
自王亶望而陳輝祖接任後一味牟利營私
因循貽誤國棟又係庸懦無能之人不能徹
底清查上緊彌補前已傳諭福崧令將虧空
數目若干及王燧有無染指之處據實參奏
今思王亶望在任時恣意貪婪以致通省倉

庫錢糧積壓虧缺。王燧係王亶望用人。一切朋比為奸。其婪索分肥。必有劣蹟可據。且聞其在浙江任內。民怨沸騰。即同寅各屬。俱懷忿恨。是其倚勢恣貪。即此可見。著傳諭福崧。即將王燧在浙江道府任內。如何玩法婪贓。聲名狼籍。種種漁利之處。逐一詳悉查明。確鑿據實覆奏。毋得稍為徇隱。將此由五百里諭令知之。○福建臺灣鎮總兵孫猛奏。臣抵任後。馳赴諸羅笨港地方。會同黃仕簡。楊廷

樺。督飭官兵。查拏殺害沉弁。及械鬪傷人。放火搶奪案內各要犯。悉行弋獲。辦理伏查臺灣孤懸海外。五方雜處。遠僻村莊。多係漳泉民人。素稱强悍。雖現在嚴辦。奸民斂跡。隨時隨事。尤宜認真辦理。斷不敢因循姑息。得旨。今雖無事。以後更宜留心整飭地方。以前車為戒。慎之。○御史鄭澂奏。任土作貢。自古為昭。所以聯上下之情。備賞賚之用。非有所利於其間也。各省督撫。養廉至為優厚。果其出

資獻納。何至派累侵那。乃不意近如王亶望。國泰陳輝祖之流。巧滋詐偽。曲遂侵漁。以貢函為名。求索無厭。以致屬庫多虧。今已嚴禁。進呈金器。誠足以永杜弊端。但兼金之價。不過二十換上下而止。有無過費。其數易稽。如珠玉寶玩之物。為價無定。俱易假托營私。請一體飭禁。倘有配入貢器者。治以違制之罪。得旨。如所請行。下部知之。○以故三等侯施錕。子秉仁。二等子英。諫子鄂碩。和各襲爵。○

舉行本年各省駐防軍政。罷軟官。荊州一員。青州一員。山海關一員。西安一員。年老官。江寧二員。荊州一員。杭州一員。福州二員。察哈爾五員。山海關二員。青州一員。有疾官。杭州一員。廣州一員。寧夏一員。荊州三員。察哈爾一員。京口一員。才力不及官。察哈爾五員。分別處分如例。○已卯。諭據英廉奏。通永道李調元。稟揭盧龍縣知縣郭棟泰運送書籍。並不親身照料。玩誤差務。永平府知府弓養正。

徇庇同鄉等情弓養正又揭報該道李調元過境必須大戲小班伺候宴飲住宿並未隨書前進家人需索門包胥役各有使費各情節請將郭棟泰革職李調元弓養正一併解任究審等語此事大奇李調元前在吏部員外任內於議駁典史劉培章一案意欲兩議擅自銷押經吏部堂官大學士舒赫德阿桂等於京察填入浮躁朕以該員年力富強敢與堂官執持似有骨氣且詢之程景伊稱其平日辦事尚屬勇往是以格外加恩仍以吏部員外用並簡放學政任滿來京即擢用直隸道員上年曾將該員居官如何之處面詢索守伺該督亦意存不滿朕以該員係邊省人不善迎合上司容或有之孰意該道不知感激奮勉恪盡職守竟敢恣意妄行騷擾所屬州縣並縱容家人胥役需索門包使費種種劣迹竟出朕意料之外此等擾累屬員濫索供應在督撫如此尚必嚴加懲治何況道

員且李調元係棄瑕錄用之人乃竟辜負朕恩肆意妄行若此李調元著革職拏問弓養正郭棟泰俱著照所請分別解任革職交英廉提同案內人證嚴審確情定擬具奏○又諭曰湖北宜昌鎮總兵達齊來京陛見朕觀其龍鍾衰邁已降旨勒令休致矣總兵有整飭營伍訓練兵丁之責豈有任年老衰頹之人因循貽誤舒常自任總督各鎮皆其節制乃並不據實叅奏殊屬姑息舒常著交部議處舉行本年軍政山東卓異官四員罷軟官二員年老官二員才力不及官三員山西卓異官十三員年老官五員才力不及官四員河南卓異官五員年老官一員有疾官一員才力不及官一員陝西卓異官四員年老官三員甘肅卓異官六員年老官三員才力不及官二員江南卓異官五員年老官四員有疾官一員才力不及官一員江西卓異官四員年老官二員才力不及官一員廣東卓

異官六員年老官四員有疾官二員才力不及官一員浮躁官一員廣西卓異官三員罷軟官二員年老官一員湖南卓異官五員罷軟官二員湖北卓異官三員年老官三員四川罷軟官二員年老官三員才力不及官一員雲南卓異官四員罷軟官二員年老官一員才力不及官一員貴州卓異官五員年老官二員有疾官三員才力不及官一員分別議敘處分如例○庚辰諭據步軍統領衙門

奏稱拏獲行竊人犯審訊內程正等六人皆係旗人請將首犯程正削去旗籍發往伊犁等處為奴其大柱兒杜二伯杜三兒花沙布蘇沖阿等擬枷責刺字完結等語雖屬照例辦理但旗人向皆純樸從無此等敗類無恥之事邇來漸染惡習往往偷竊逃避是以二次犯罪後削去旗籍發遣今程正等不顧旗人顏面甘心為竊甚為可惡如照所擬完結猶不足以示懲儆著將程正等六人俱削

去旗籍發往伊犁等處嗣後旗人有甘為下流無恥罪至刺字者即削去旗籍照民人例辦理以示儆戒○禮部議准御史梁景陽奏稱請嗣後鄉會試頭場硃卷紅號印於卷面左邊另為一行謄錄所將此卷謄寫後交至公堂督同彌封所官將紅號彌封送進內簾俟主考取中已定監試御史眼同當堂拆去彌封與二三場硃卷覈對謄錄書手請仍於墨卷尾開註姓名硃卷尾停其開註從之○

舉行本年各省駐防軍政卓異官西安一員江寧二員杭州二員荊州一員寧夏二員福州一員廣州一員成都二員綏遠城二員察哈爾二員涼州一員青州一員山海關一員京口一員乍浦一員河南一員伊犁三員烏嚕木齊四員分別議敘如例○以故喀爾喀賽音諾顏部落扎薩克鎮國公當蘇龍子齊旺達什襲爵○辛巳諭曰監生趙秉冲在懋勤殿行走已經四年著加恩賞給內閣中書

遇缺即補仍准其一體會試。諭軍機大臣等據富勒渾奏查辦漳泉民人在臺互鬪傷官一案據稱續獲案犯施於等二十四名。已經楊廷樺在臺就近嚴審辦理。又署提督承德於東臺地方拏獲自臺偷渡之黃孫沙等二十名。有供認隨眾互毆曾經傷人之事。並黃孫沙等供出武舉許國梁林阿賽等在彼出頭倡議招集匪徒。該犯等尚未就獲。現在飛飭各該犯原籍地方嚴密查拏務獲等語。自應如此迅速查拏辦理。至黃孫沙等既供有自臺偷渡之事。是該犯等自知罪在不赦。不敢仍由澎湖廈門一帶行走。是以潛行偷渡。再該犯等在臺逃散。既不敢仍回原籍。或逃入接壤之廣東地方。希圖遠颺漏網。亦事勢所必有。前經傳諭尚安令其於閩廣接壤處所一體飭屬實力搜查。毋使一名兔脫。著再傳諭尚安務遵照前旨切實查辦。不得稍存膜視之見。將此由六百里發往各諭令知。

之。又諭據福崧奏浙江各屬虧空現在嚴飭確查數目。根究來由一摺。內稱浙省上屆辦理差務恩賞經費實屬充裕。並無絲毫賠墊人所共知。且王亶望王燧等尚藉此獲利分肥。斷無因此虧空那移之事等語。此殊不然。已於摺內批示矣。王亶望王燧於恩賞差費銀內尚藉以獲利分肥。自必以辦差為名。恣意向各屬勒派婪索。飽其私橐。各州縣勢必那移倉庫。以為逢迎結納之地。是浙省倉庫錢糧積壓虧缺。多由王亶望王燧朋比為奸。藉端婪索所致。福崧此奏殊不解事。著傳諭福崧仍遵照前旨徹底嚴查。務得確鑿據實覆奏。若實非王亶望王燧任內之事。又係起自何時。亦應究查。毋得稍存瞻徇。將此由五百里諭令知之。吏部議准御史李翮奏稱請嗣後各衙門主事缺出。其庶吉士散館及現任小京官中式進士以部屬用。並現任小京官由各該處奏明分部補用。留部陞用。

人員俱自奏准到部之日為始。除去告假等項事故。計其實在行走日期。仍按其應得題選各缺。統較先後。挨次題補。其進士分部學習。及議敘捐納人員。俱例應到部三年期滿。方准奏留。與各項人員較算日期題補。從之。

○兵部議准御史楊九思奏。稱請嗣後武鄉會試內場出題之日。令監試御史偕同提調官督率委官親入號舍。挨次將試卷查對坐號。以杜代倩。水火夫役。於白晝差使完竣。即

扃閉空房。外內封鎖。毋許擅行出入。其圍牆以外。嚴飭巡緝員弁。多派兵丁。晝夜巡邏。以肅場規。從之。

○壬午。山東巡撫明興奏。伊家河工程。河底挑深之後。俱係砂礮堅土。多費人工。幸天氣晴和。人夫得以盡力。再釐辦數日。即可告竣。仍嚴督各員。照原估丈尺。將河底收拾平整。俾放水時。倍加暢順。得旨。好。勉為之。

○癸未。

上幸瀛臺。○霍罕伯克那爾巴圖來使鄂布爾

克色木及年班回部阿哩雅斯等十一人入覲。福建漳州鎮總兵閔正祥奏。臺灣奸民聚眾械鬪一案。水師提臣黃仕簡前往查辦。查漳州地方。在在均有海口。可通船隻。臺匪不無偷渡潛回情事。且林耀一案。尚有逸犯未獲。臣到任後。即前赴沿海各處。親加督察。嚴飭文武員弁。各帶兵役。梭織巡邏。毋分疆界。上緊訪緝。得旨。勉力實為之。汝不比他人也。

以故喀爾喀扎薩克多羅郡王車布登

扎布子薩木丕勒多爾濟襲爵。○甲申。

上幸寧壽宮御養性殿。賜王公大臣蒙古王公貝勒額駙台吉等食。○諭。現在達爾吉善惠病。一時不能痊愈。著不必前往喀什噶爾。令其即行回京保成。著賞給副都統銜。前往喀什噶爾。更換阿揚阿。俟保成到彼後。阿揚阿即往葉爾羌。更換復興來京。○又諭。曰。浙江杭州將軍王進泰。年力就衰。著加恩准其留京供職。所遺員缺。著常青補授。其常青之祭

哈爾八旗都統員缺著烏爾圖納遜補授。又諭軍機大臣等據雅德奏稱林耀等聚眾奪犯毆傷官兵一案前後共獲三十三名。尚有夥犯林允得四名并盜犯林先和一名未獲。現在懸立重賞購線躡緝訪聞林先和有逃往浙江温州石浦之信已飭該府廳多撥幹捕前往查拏等語。林先和為此案要犯不可不拏。獲正法以儆刁頑。現在既有逃往浙江温州石浦之信著傳諭福崧速派幹員會同該地方文武購線躡緝嚴拏務獲毋使遠颺漏網。仍將曾否獲犯情形迅速覆奏。將此由六百里發往並諭雅德知之。乙酉諭軍機大臣等據毓奇奏挑濬濟寧以北各河工程一摺內稱本月十五日起至十八日止微山湖又續消水五寸。南陽昭陽獨山各湖續消水九寸。微山湖現在水深二丈零九寸。南陽三湖通連運河現在水深一丈一二尺等語。東省各湖水勢雖日就消落但半月之內

據奏續消者僅有數寸其下游去路似尚未十分通暢。現在漕務並無應辦事件。毓奇係工部司員出身一切工程自所諳悉著傳諭毓奇令其會同何裕城等將湖河疏濬去路及工程一切事宜實力妥辦俾湖水大見消落更為妥善著將此由五百里發往並諭何裕城明興知之。又諭據承德奏歷次盤獲自臺灣逃回之漳泉民人周烈等七名逐一詢問供有曾經械鬪或隨眾放火焚莊各情節。又於黃再帶回書信內查有彰化王爺小刀會之語。現在飛咨督撫覆訊定擬等語。該犯等在臺聚眾械鬪之事已屬兇橫乃敢稱彰化王爺及小刀會等名目尤為可惡。自當嚴加根究其不法情事著傳諭富勒渾速提該犯嚴切審訊因何有此等名目起自何時。現在有無黨羽迅速查拏即行定擬具奏並諭黃仕簡等將此案餘黨按名搜捕務盡根株從重治罪再黃仕簡等前往臺灣之後曾

經一次奏報獲犯查緝情形。迄今又隔旬餘。何以未據續奏。著傳諭該提撫等。即將現在查辦情形。及兇犯曾否全行就獲之處。迅速由六百里加緊覆奏。將此由六百里諭令富勒渾等。並諭永德知之。○以正白旗蒙古副都統阿玉什。為察哈爾副都統。丙戌。諭曰。李世傑奏豫省南岸。改築新堤。挑挖引河。大工已屬垂成。部撥及司庫解工銀兩。尚不敷用。請於附近省分。酌撥銀一百萬兩。解豫等

語。豫省南岸工程。將次告歲。需用銀兩。既有不敷。自應豫為籌備。即著於部庫內撥銀一百萬兩。照例解往備用。○丁亥。

孝莊文皇后忌辰。遣官祭

昭西陵。

上詣

慈寧宮

壽康宮行禮。○諭曰。浙江按察使王杲。年力就衰。難勝臬司之任。著來京。以京員用。其浙江

按察使員缺。著孫栢補授。素鑒著補授安徽按察使。所遺江南鹽道員缺。著馮廷丞補授。諭軍機大臣等。據富勒渾奏。盤獲由臺灣逃回之黃孫沙等。犯究出武舉許國梁。已經拘獲。謝湊官出銀買放。及彰化小刀會各情。節現已飛札楊廷樺。據實查辦。稟覆等語。是富勒渾於此案緊要事件。但札楊廷樺。而置提督於不問。此即文武不和之端。甚屬非是。已於摺內批示矣。臺灣地方。漳泉兩郡民人。

械鬪滋事。黃仕簡係水師提督。聞信後立即親身前往查辦。頗知事體輕重。朕方為嘉許。是以屢降諭旨。將此事責成黃仕簡。楊廷樺查拏妥辦。遇有應行訓諭處。無不一體傳知。伊二人並令楊廷樺連銜覆奏。蓋辦理地方要務。必須文武和衷協力。方於公事有濟。乃富勒渾於應訊情節。止札楊廷樺。而不及黃仕簡。將來據該道查辦稟覆。即行具奏。是竟置黃仕簡於事外。有是理乎。該督不過偏護。

文員而文武不和之端即由此而起此事甚有關係富勒渾久任封疆今又加恩復任閩浙總督尚不能仰體朕意於此等要務即存歧視文武之見甚屬不合富勒渾著傳旨嚴行申飭至黃茂自焚一案雅德先據地方官率行稟報具奏是以降旨查詢嗣經雅德詳查該犯自焚身死經原告認明屬實更有何疑尚須檢勘已有旨令雅德毋庸親往又何必該督自行查勘不過因前旨詢問聊以此奏塞責何不知輕重若此將此由五百里一併諭令知之○又諭據承德雅德奏拏獲自臺潛回之周烈陳設等七犯詢係俱有隨同械關及被脅焚莊情事且據各犯供出案內糾眾械關燒莊之施椿黃鑑等均係為首重犯現在飛咨提臣黃仕簡並飭楊廷樺迅速查拏究辦等語此案聚眾械關傷官焚搶各犯其未經拏獲者尚有如許之多可見從前武備廢弛以致奸民滋事起釁實堪痛恨不

可不實力搜捕以淨根株著傳諭黃仕簡楊廷樺迅即按名弋獲毋任遠颺漏網至案內要犯林先和等前據雅德奏有逃往浙江溫州石浦之信業經諭令福崧速派幹員會同該地方文武官嚴密查拏日內該犯等曾否就獲著再傳諭福崧令其飭屬嚴查於獲犯後即行具奏將此由六百里發往並將承德等原摺鈔寄黃仕簡等閱看並諭富勒渾雅德知之○戊子兵部議准四川總督福康安等奏稱美諾懋功營改設副將一員管轄撫邊綏靖崇化慶寧四營歸松潘鎮總兵統轄將懋功營遊擊守備移駐崇化營其崇化營原設都司一員移於懋功協作為副將中軍都司其原駐之千把總與外委兵丁等各仍其舊毋庸移改其懋功協副將作為題調之缺移駐懋功協中軍都司崇化營遊擊守備均照原議作為題調之缺從之○旌表守正捐軀直隸開州民張紹恭妻劉氏○是日起

上以歲暮禋祭

太廟齋戒三日。己丑。諭軍機大臣等。浙省上屆辦理南巡。於杭州西湖等處。添設座落。點綴甚多。繁費無益。殊非朕省方問俗之意。屢經降旨訓飭。而此內葛嶺一處。鑿山開道。建蓋屋宇。尤屬無謂。且所費不貲。朕心深所不取。是以上屆即未往臨幸。此皆王亶望王燧。借辦差為名。肆行糜費。外博見長之巧。陰遂貪縱之私。其罪實由於此。著傳諭福崧。於葛

嶺座落。斷不必再加修整。但係已成之局。竟任其自然可也。○又諭。前據英廉參奏。通永道李調元。於運送盛京書籍。沿途任聽家人。胥役需索。門包使費。並住宿宴飲。必須大戲。小班伺候。各情節。業經明降諭旨。將李調元革職。拏問。交英廉提同案內人証。嚴訊確情。究擬具奏矣。此案應訊人証。提齊質訊。想李調元亦不能狡飾抵賴。無難定案。何以尚未見英廉定擬之摺。著傳諭英廉。即將此案質

訊明確。迅速定擬具奏。○庚寅。以歲暮禋祭。遣官祭

太廟中殿

後殿。諭山東運河東西兩岸前經勘定。於明歲興修。但自濟寧至韓莊。工段甚長。止運河道沈啟震一人查催照料。恐致鞭長不及。因思前任山東布政使陸燿曾任運河道數年。熟悉河務。現在將屆服闋。著即令前往東省。會同沈啟震。將應行興修各事宜。妥協照料。

實心籌辦。並著巡漕內閣學士毓奇。往來督辦。以期迅速。嚴工。諭軍機大臣等。據明興奏。伊家河挑工完竣。一摺。內稱微山湖水。自前月下旬至今。陸續又消水一尺。現深二丈零四寸。比七月間盛漲時。已共消水五尺二寸等語。伊家河挑工完竣。既一律通順平暢。則微山湖漲水。自應日消一日。其摺內所稱消水一尺之處。此時又閱數日。亦必更且消。落著傳諭明興。即速派委妥員前往測量。現

在消水尺寸又有若干之處據實覆奏 辛

卯祫祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○遣官祭

太歲之神○

上御重華宮賜霍罕伯克那爾巴圖來使鄂布

爾克色木及年班回部阿哩雅斯等食賞賚

有差 諭據綽克托等奏和闐三品阿奇木伯克阿里木沙因病告休其員缺請另行簡放等語阿里木沙自投誠以來率兵攻守城池甚為奮勉又在阿奇木伯克任內効力多年今因病告休殊堪憐憫著加恩准其原品休致仍將阿奇木伯克應得養廉賞給三分之一以養餘年所遺員缺著玉龍哈什之四品阿奇木伯克愛資雅爾補授○壬辰

上御保和殿筵宴朝正外藩左翼科爾沁和碩達爾漢親王旺扎勒多爾濟和碩卓哩克圖親王恭格喇布坦多羅郡王固山額駙鄂勒哲特穆爾額爾克巴拜多羅郡王喇什噶勒當固山貝子班珠爾輔國公哈達公品級一等台吉拉旺一等台吉敏珠爾多爾濟二等台吉錫第四等台吉端多布巴林多羅郡王巴圖固山貝子薩木丕勒多爾濟輔國公和碩額駙德勒克和碩額駙布彥圖一等台吉索特納木多爾濟二等台吉索諾木喀喇沁

多羅郡王喇特納錫第多羅貝勒多羅額駙
扎拉豐阿和碩額駙納木扎布索諾木巴勒
丹多羅額駙滿珠巴咱爾固山額駙敦珠布
色布騰丹巴多爾濟奈曼多羅郡王拉旺喇
布坦一等台吉素密喇翁牛特多羅郡王旺
舒克二等台吉三濟扎布巴顏巴圖爾哈斯
巴圖爾鄂爾多斯多羅郡王達爾瑪咱第扎
賚特多羅貝勒阿穆祜朗教漢固山貝子德
威多爾濟輔國公多羅額駙桑濟扎勒和碩
額駙密岳特多爾濟固山額駙沙津阿爾畢
特瑚二等台吉班珠爾喇布坦色布騰多爾
濟阿巴哈納爾固山貝子達克丹朋素克扎
魯特多羅貝勒衮布扎布一等台吉朋素克
歸化城土默特四等台吉巴勒丹多爾濟右
翼喀爾喀扎薩克圖汗齊旺巴勒齋和碩親
王固倫額駙拉旺多爾濟多羅郡王溫端多
爾濟三丕勒多爾濟多羅貝勒阿裕爾固山
貝子車登多爾濟遜都布多爾濟輔國公德

勒克多爾濟拉素龍多爾濟車布登多爾濟
扎薩克一等台吉瑪哈巴達巴勒桑敏珠爾
達什琳沁齊素龍多爾濟僧格喇布坦二等
台吉巴勒當多爾濟厄魯特和碩親王羅布
藏多爾濟杜爾伯特和碩親王車凌烏巴什
四等台吉噶幹蘇尼特多羅郡王額呼克津
回部郡王品級貝勒哈第爾輔國公託克託
額色尹伊巴喇伊木鎮國公色稜扎布茂明
安多羅貝勒珠克都爾扎布綽羅斯固山貝
子納木扎勒福爾納烏喇特鎮國公車布登
棟囉布輔國公恭格喇布坦青海輔國公根
敦端多布扎薩克一等台吉薩木都布扎木
素班第和碩特輔國巴勒濟二等台吉烏勒
木濟鄂爾多斯公品級一等台吉旺沁班巴
爾及領侍衛內大臣等召左翼科爾沁和碩
達爾漢親王旺扎勒多爾濟和碩卓哩克圖
親王恭格喇布坦多羅郡王固山額駙鄂勒
哲特穆爾額爾克巴拜多羅郡王喇什噶勒

當固山貝子班珠爾。巴林多羅郡王巴圖固山貝子薩木丕勒多爾濟。喀喇沁多羅郡王喇特納錫第。奈曼多羅郡王拉旺喇布坦翁牛特多羅郡王旺舒克。鄂爾多斯多羅郡王達爾瑪咱第。扎賚特多羅貝勒阿穆祜朗。阿巴哈納爾固山貝子達克丹朋素克。教漢輔國公多羅額駙桑濟扎勒。右翼喀爾喀扎薩克圖漢齊旺巴勒齋。和碩親王固倫額駙拉旺多爾濟。多羅郡王三丕勒多爾濟。固山貝子車登多爾濟。遜都布多爾濟。厄魯特和碩親王羅布藏多爾濟。杜爾伯特和碩親王車凌烏巴什。蘇尼特多羅郡王額呼克津。回部郡王品級貝勒哈第爾。輔國公額色尹。茂明安多羅貝勒珠克都爾扎布。青海輔國公根敦端多布等。至

御座前。賜酒成禮。○以正黃旗蒙古印務叅領雅滿泰。為正白旗蒙古副都統。○是月。巡視濟寧漕務內閣學士毓奇奏。濟寧以南。湖河

水勢下游未能通暢。查東省運河地勢。俱屬東高西下。惟賴西岸各湖。以資分洩。今若於運道迤東各河。設法疏消。不但地勢不順。抑且距入海之路甚遠。更恐伏秋盛漲。陡臨則鄒滕嶧各縣地方。民舍田廬。難保無虞。現在扎致河撫二臣。妥計分消之路。再查東境各湖水勢。因時屈隆。冬下游籌辦各河。築壩興工。尚未開放。及溜勢稍緩處。所河水凝聚。以致上游水勢頂阻。不能暢洩。現交春在邇。湖河水凌。自當續消。且正月至桃汛。為期尚遠。而南河分籌各去路。及伊家河挑挖完竣。在一律深通。水勢自可立見大消。至緯道工程。因彼時水勢過大。隄岸至今尚未全行涸露。俟水勢消落後。將運河一切隄工。會同河撫二臣。詳細勘辦得旨。所奏俱悉。大約河歸故道之後。諸事皆易辦矣。又批。所見甚是。如此不拘於遵旨實可嘉。○陝西巡撫畢沅奏。西安修理城工。各項匠人衆多。聚集省會。食

指浩繁而此項工程趕辦亦須三年完竣。其間倘遇市糧稀少或青黃不接之時價值增昂勢俱不免於工夫日用更屬不敷查陝省西同鳳乾等屬歲慶屢豐時價甚為平減臣酌擬於應發城工銀兩內酌量動支在附近市集購買麥二三萬石運貯省城俟將來開工後倘遇市糧稀少及青黃不接糧價增長之時即將此項麥石照依原價支給匠工人等實屬大有裨益得旨嘉獎○兩江總督薩

載等奏海州連河一道為海州境內水利幹河上年因水勢瀾漫難以估挑現今水勢雖落尚係稀淤未能全涸臣等公同商酌即於河旁抽挑引渠以資宣洩內自陸家口連河頭起至下冒口止應築壩一道約攔水勢自下冒口至何家莊止仍係稀淤應於西岸灘邊估挑引渠趕挑完竣再將上段壩工起除騰放積水接續趨挑其下段自何家莊起至蒲灣莊止舊有溝槽宣洩入海無庸估挑以

上各工原應照業食佃力之例歸民辦理但海沭地方連年被水民力不繼請將江寧藩庫收存之王亶望家人財產項內先行借動辦理仍於海州沭陽二州縣民田內按畝攤徵分作六年還款得旨嘉獎○又奏睢寧縣黃河南岸峯山四閘年久閘下河身被沙淤墊水即散漫分流民田每致淹浸乾隆三十二年撥項挑疏河身又於三十七年添築子堰一道至喬家山而止其喬家山以下至魏

家橋未經築有子堰每逢閘水盛大時即從無堰處所灌入田廬據該處士民呈請借帑挑浚河身並添子堰查此項工程原應照業食佃力之例督民挑築惟睢寧連年被水成災民力拮据請於甘省冒賑案內查抄解存司庫銀兩內借支給辦按畝攤繳分作三年還款報聞○福建水師提督黃仕簡等奏連日督拏泉匪在於北港東莊土庫麥仔寮等處捕獲首夥吳妹等一百零五名先將首惡

吳妹即就地凌遲處死與焚搶殺命之要犯楊賽等二十四犯一併斬梟示衆仍一面出示招回南港商民修築房屋仍前交易共敦和好未獲要犯嚴督在事文武務期全獲仍飭將未經審明各犯迅速趕審又訪諸羅要犯楊自遠等潛回內地已咨請督撫提督轉飭嚴拏務獲臣等現於二十日帶兵赴漳查辦殺害汎弁林審及械殺未獲各匪兇再回諸羅審明各犯分別究辦完案得旨嘉獎

是年追予甘肅撒拉爾出師陣亡之副將新柱一員佐領明福一員侍衛濟勒泰一員守備李奇素尚仁二員前鋒校富亮一員千總徐登彥陳禮馬登榜單應學楊茂徐英朱廷奇等七員把總張廷棟惠君遴朱光祿趙良楷許誥杜縱楊國仕郭起伏楊成舉馬日基常世魁張大翔邵敏盧文璧李增福等十五員外委張文斌宋廷才馮雲劉漢陳伏得王吉善張廷奇馬成傑黎守才王得陳文科折

能路公舉馬士望王恒貴李九章徐烈等十七員領催馬甲馬步守兵等一千三百四十七名祭英卹賞如例俱入祀昭忠祠旌表孝子直隸等省單業德等十六名順孫甘肅程直一名守節合例八旗開散宗室那爾布妻科氏等八口滿洲馬甲四十五妻郭氏等八十八口蒙古護軍羣格妻杭阿特氏等十六口漢軍養育兵范培妻柳氏等二十二口內務府馬甲對齊妻鄭氏等五口吉林等省駐防馬甲盟古泰妻伊爾根覺羅氏等七十六口直隸等省民沈奇成妻孫氏等五百二十五口夫亡殉節滿洲開散福綸妻索綽羅氏一口江蘇等省民曹綏祖妻黃氏等十二口未婚守志直隸等省民王柱聘妻楊氏等十九口百歲壽民婦直隸等省陳克明等三十八名口各給銀建坊如例一產三男直隸等省民劉佩等三家會計天下民穀數各省通共大小男婦二萬八千一百八十二

萬二千六百七十五名口。各省通共存倉米
穀四千一百七十三萬九千四百三十三石
二斗五合一勺。

實錄卷一百一

辛

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百七十一

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百七十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書總纂修滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉
敕修

乾隆四十八年癸卯春正月癸巳朔。

上詣

奉先殿行禮○詣

堂子行禮○御太和殿受朝作樂宣表如儀○
詣

大高殿。

壽皇殿行禮○遣官祭

太廟後殿○御乾清宮賜皇子皇孫親王等宴○
甲午諭上年江蘇淮安徐州等處因漫水未消
田禾淹浸業經降旨令該督撫等加意撫綏

照例給賑並令將被水最重之沛縣豐縣銅山邳州四處不論月分常予賑恤外其該四州縣上年未經被水而夏秋猝被淹浸以及下游之宿遷桃源等州縣被水災田均各照災分按月給賑不在常賑之內第念今春正賑已畢青黃不接民食不無拮据著再加恩將邳州銅山豐縣三州縣不入常賑之本年猝淹地畝以及宿遷海州三州縣凡九十分災不分極次貧民概行加賑兩個月次重之

桃源睢寧沐陽九十分災貧民不分極次概行加賑一個月其徐州大河二衛屯田有坐落該州縣災重區分者一體分別加賑以資接濟其無需加賑各地方並著該督撫察看情形如有應借給籽種口糧之處即分別酌量辦理務使災黎均霑渥澤用溥春祺該部即遵諭行○又諭上年山東兗州曹州二府屬暨濟寧州所屬因漫水經行連年淹浸不能耕作屢經降旨加恩展賑並令將被災最

重之各州縣衛加恩不論月分常予賑恤俟漫水消退再行停止惟是一縣之中地勢高低不等被災分數亦輕重不齊除被災九分十分者應給予常賑外其被災七八分不在常賑之內者今春正賑已畢青黃不接民食未免拮据著再加恩將兗州曹州二府暨濟寧所屬各州縣衛被災七八分者無論極次貧民概行加賑一個月俾災黎均資接濟其成災五六分並上年新淹之鉅野嘉祥與粹被風潮之利津壽光樂安昌邑濰縣霑化等各縣場並著該撫察看情形於方春播種之時一體酌借籽種口糧以副朕軫恤窮簷有加無已之至意該部即遵諭行○又諭上年豫省黃河北岸因漫口未經堵合被淹地畝不能耕作屢經降旨加恩展賑俾無失所第念今春正賑已畢距麥收尚遠正屆青黃不接之時民食未免拮据著再加恩將儀封考城陳留三縣北岸無論極次貧民再行加賑

兩個月。其餘被災較輕地方有應於今春酌量糶借倉穀。以資接濟之處。並著分別辦理。該撫其董率各屬。實力妥辦。俾窮簷均霑渥澤。朕軫念災黎。加惠無已之至。意該部即遵諭行。○又諭曰。湖南巡撫員缺。著伊星阿補授。即令速赴新任。不必來京請訓。○諭軍機大臣等。據博清額等奏。稱噶布倫公班第達業經勒休。所遺員缺。接奉另行揀放諭旨。揀選得公班第達之子丹津班珠爾等三人。

請旨揀放。並請令新授噶布倫。仍按資格列於喇嘛噶布倫噶勒藏納木扎勒之次。學習辦事等語。此事理所必然。豈有將新放之噶布倫。轉令在舊噶布倫之前辦事之理。朕前以達賴喇嘛代噶布倫公班第達陳請。將伊公爵。令伊子丹津班珠爾承襲。仍授為噶布倫。蓋緣達賴喇嘛年幼不曉事體。袒護班第達。所以代為陳請。今既不允其請。班第達必有含怨情形。達賴喇嘛亦或別有言語。曾經

降旨。令博清額詳密奏聞。而博清額摺內。並未及此。祇以噶布倫序次先後請旨。殊屬不知事體輕重。博清額在軍機行走多年。何至糊塗如此。著傳旨嚴行申飭。此事仍令留心詢訪密奏。○乙未調直隸布政使永保。為蘇州布政使。湖南布政使景祿。為直隸布政使。以河南按察使覺羅伍拉納。為湖南按察使。以陝西督糧道姚頤。為湖南按察使。○是日立春。

順天府進土牛春山寶座。○丙申。

上詣

雍和宮行禮。○諭上年安徽鳳陽。潁州二府。並泗州等屬州縣。因淮水泛漲。田畝被淹。業經降旨。令該撫董率所屬。切實查勘。照例給賑。俾無失所。第念今春正賑已畢。尚屆青黃不接之時。民食不無拮据。著再加恩。將壽州。鳳臺。鳳陽。懷遠。靈璧。泗州。盱眙。五河。潁上等九州縣被災八九分貧民。無論極次於正賑後。

概行加賑一個月以資接濟其鳳陽長淮泗州三衛被災饑口各隨坐落州縣村莊一體加賑至被災較輕有需酌借口糧籽種者並著該撫察看情形分別酌量辦理該撫務督率各屬實力妥辦俾災黎均霑實惠以副朕軫卹無已之至意該部遵諭速行○丁酉享太廟遣怡親王永琅恭代行禮○遣官祭太歲之神

上御紫光閣賜蒙古王公台吉及霍罕伯克那爾巴圖來使鄂布勒克色木並年班回部伯克阿哩雅斯等十一人朝鮮國使臣鄭宗源等二人宴○召大學士內廷翰林等茶宴以職官表聯句○巡視濟寧漕務內閣學士毓奇覆奏遵旨籌消湖水去路查濟寧以南水勢半月來續消未滿一尺下游未能通暢但自濟寧至黃林莊地勢東高西下伏秋山水陡發匯連汶泗入運甚驟惟賴西岸各湖分洩若於運道迤東各河設法疏消勢既不順

且入海甚遠盛漲時鄒滕嶧各縣民舍田廬尤恐難保東省似無另有疏消之處批所見甚是如此不拘於遵旨實可嘉又奏近查催臨清運河挑工均係隨挖隨凍想見下游各河或係築壩興挑或係溜緩水聚以致頂阻交春後冰凌漸解且至挑汎尚有兩月南河分籌去路及伊家河挑竣則東境水勢自可立見大消得旨所奏俱悉大約河歸故道之後諸事皆易辦矣○戊戌諭據黃仕簡奏督

拏臺灣械鬪刁民首夥要犯先後共獲一百四十三名又續獲要犯五十餘名現在民人並無再敢互鬪滋事臺灣所屬均各寧帖等語臺灣刁民械鬪一案黃仕簡一聞稟報即帶兵渡臺查辦殊屬可嘉曾經降旨令其會同楊廷樺督率查拏今此案首夥要犯拏獲多人地方寧靜辦理尚為妥速黃仕簡楊廷樺俱著交部議敘所有在事出力人員並著黃仕簡等查明咨部議敘○諭軍機大臣等

據黃仕簡奏督拏械鬪刁民及殺害汛弁首夥要犯先後共獲一百四十三名又續獲要犯五十餘名現在民人並無再敢互鬪滋事臺灣所屬均屬寧帖等語所辦好已有旨將伊等交部議敘矣此案首夥要犯先後共拏獲二百餘名自應迅速審辦一面奏聞一面即將要犯先行正法俾奸民知所做畏至此外未獲餘黨及焚搶流匪仍著黃仕簡楊廷樺上緊逐一嚴加捕獲審辦完結以靖海疆而安良善方不致再滋事端黃仕簡不可因臺地現已寧帖稍存將就了事之見再此案要犯前有自臺灣逃散偷渡被獲者二十餘名恐尚有陸續逃回並不敢仍回原籍或逃入接壤之廣東浙江地方希圖遠颺漏網亦所必有著傳諭富勒渾速飭地方文武嚴密截拏並著福崧尚安於鄰境接壤處所一體飭屬實力搜捕毋使一名免脫將此由六百里發往各諭令知之又諭據福崧奏查拏

糾眾鬧漕首從要犯審辦一摺據稱浙省近年辦理漕糧上下視為利藪劣衿地棍乘機挾制包攬把持竟成規例甚至糾眾抗拏喧鬧公堂地方官或以素染貪污甘心隱忍或以人數眾多難以查拏諱匿不報以致釀成銅弊並稱上年辦漕即有聚眾喧鬧之事僅以枷責完結等語浙省政務廢弛各州縣經徵漕米百弊叢生實堪痛恨劣衿把持公事最為地方之害若稍事姑息則伊等不知做畏益無忌憚適足以長刁風自應嚴拏究辦儘法懲治庶可以綏靖閭閻至摺內所稱首惡監生錢徵書一犯是否係已故尚書錢陳羣之子孫世家子弟尤應安分守法不可干與公事若係錢陳羣之子孫即當於審明定案時一面正法一面奏聞朕於舊臣之裔其應行加恩者無不加恩而於應行懲治者亦不稍為寬假著傳諭福崧即行查明據實覆奏毋得稍存瞻徇之見總之浙省諸務廢弛

皆由陳輝祖在總督任內全不以事為事以致釀成積弊且以上年聚眾鬧漕之事並不據實陳奏深負委任朕實不意其負恩昧良至於如此福崧初到浙撫之任實力整頓所辦甚屬可嘉但不可始勤終怠庶克副朕委任之意著將此由六百里諭令知之○是日起。

上以祈穀於

上帝齋戒三日○已亥

世祖章皇帝忌辰遣官祭

孝陵○諭曰候補洗馬黃軒現在尚書房行走其未補缺以前著加恩准其一體食俸○江西巡撫郝碩奏酌定各營添兵事宜一通省應添馬兵二百八十六名除撫標及南昌贛州二鎮九江袁州二協外餘兵九十七名分攤二十四營每處數名無濟於事且地處山僻步兵較為得力應將馬兵改為步兵○各營汛多係山水險隘藤牌雜技尚非急需應

將此次添兵除實補馬兵外餘一千三百九十八名半習弓箭半習鳥鎗一添兵應需軍裝馬匹器械等項於各營盈餘項下儘數撥用尚有不敷於鹽規銀內分年陸續添辦○新添鳥鎗兵歲需火藥鉛子即以馬兵改步兵每年節省餉銀作為正項撥給下部議行○庚子

上詣

南郊齋宮齋宿 辛丑祈穀於

上帝

上親詣行禮 諭曰閔鶚元畢沅前以王亶望事獲譴降給三品頂帶仍留巡撫之任停支廉俸但巡撫養廉原為平日辦公之用若永遠停其支給未免伊等轉有所藉口今已一年有餘伊二人辦事亦尚屬黽勉著加恩復還原品頂帶其巡撫養廉仍准其支領以示體恤朕於諸臣功過黜陟斟酌權衡一視其人之自取各督撫其各勉圖稱職潔已率屬

以副委任。又諭據黃仕簡等覆奏臺灣府知府蘇泰於漳泉二郡民人械鬪一案並不迅速擒捕嚴加懲創輒出示勸諭和息迨各莊民遞呈求息遂准其會面和睦辦理實為姑息貽誤地方現已咨請督撫題參等語漳泉械鬪一案前經雅德具奏稱該府蘇泰前往面加曉諭各民遵依允服不敢復滋事端一摺朕即慮及該府蘇泰或竟有不知大體央懇和息之事因諭令黃仕簡等查明據實

參奏。今據黃仕簡等查奏蘇泰果有出示勸和情事竟不出朕之所料是蘇泰罔顧大體姑息養奸尤非尋常玩延貽誤者可比蘇泰著革職拏交刑部治罪。諭軍機大臣等據黃仕簡等奏督拏械鬪刁民及殺害汎弁首夥要犯先後共獲二百餘名將審明情罪最重各犯先行正法梟示彰化諸羅三邑已早寧帖民情安定現將不能立即擒捕之文武各官咨揭督撫題參並自請議處一摺此案

黃仕簡一聞稟報即帶兵渡臺會同楊廷樺查辦先後拏獲要犯多人匪黨解散民情寧帖不致復滋事端辦理甚屬妥速不但無過而且有功已降旨將黃仕簡楊廷樺交部議敘以示嘉獎。至此外未獲餘黨及潛匿流氓仍著黃仕簡楊廷樺上緊搜捕并分路緝拏務期全獲盡絕根株以靖海疆而安良善黃仕簡等務勉力籌辦副朕委任至意此案禍連兩縣毒流三月地方文武各官不即立時

擒滅均有應得之咎富勒渾身任總督文武皆其統屬著即秉公據實查奏具奏所有臺灣府知府蘇泰前於雅德具奏該府勸諭莊民和息時朕即料及該府必有不知大體央懇和息之事諭令黃仕簡查奏今據黃仕簡奏蘇泰果有出示勸和情事不出朕之所料是該府竟欲將就了事罔顧大體姑息養奸非尋常貽誤地方可比已有旨將蘇泰革職拏交刑部治罪著富勒渾等派委妥員解送

刑部審擬定罪將此由六百里諭令知之。○壬寅

上御乾清宮普宴宗室王貝勒貝子公以下。暨三四品頂戴閒散等咸與質明所司陳中和韶樂丹陛大樂集世德舞隊豫設

御筵於乾清宮正中

寶座前布和碩親王以下輔國將軍以上四十八人宴席於殿內近支將軍侍衛

官員宴席於兩廊有品級之宗室侍衛官員近支閒散宗室宴席於丹墀左右均東西嚮遠支閒散宗室宴席於甬道兩旁北嚮為席五百三十凡一千三百八人屆時

上升座御前大臣引王貝勒貝子公宗室等行九叩禮興入宴席行一叩禮坐每進茶進饌進酒咸就坐行一叩禮宴畢上啟座咸於坐次跪送

恩賞如意朝珠文玩銀幣有差其三四品頂戴人員以事未入宴者五百六十九人咸與賞合計共二千人由宗人府堂官引至乾清門謝

恩王貝勒貝子公宗室等行九叩禮如儀。○諭軍機大臣等據內務府議覆長蘆鹽政徵瑞奏請選派能事妥商王世榮等代范清濟辦理各事宜一摺。雖就所奏情形逐條覈覆朕思范清濟承辦長蘆鹽務並採辦洋銅原令其彼此通融以鹽務餘息接濟銅觔互為調劑。若專辦銅觔不辦鹽務是辦鹽之商人得需餘潤而辦銅者更形竭蹶未免苦樂不均殊非酌盈劑虛之道。徵瑞因范清濟不善經理鹽務獲息無多選派能事妥商十人並先行墊借銀三十萬兩代辦鹽務此事在商人等自所樂從設選派商人專為范清濟代辦銅務即一體借給銀三十萬兩亦未必有人肯為接辦此一定之情理也。今范清濟既不能辦理鹽務另選他商代辦而其每年蘇

局所辦銅勛仍著伊姪范柴照舊承辦是伊既無鹽務餘息可以通融調劑而所發銅費銀八萬兩前赴外洋接濟銅船其往返需時不能周轉亦屬實在情形銅勛關六省鼓鑄倘有遲誤所係匪輕不可不妥為籌畫著傳諭徵瑞或即交代辦鹽務之商人並辦銅務或另行設法調劑之處悉心熟籌妥議務使銅鹽兩事互相接濟永無貽誤方為妥善將此諭令知之所有內務府原摺及范清濟原

呈一併發交閱看○雲貴總督富綱署雲南巡撫劉秉恬奏遵旨查禁民間烏鎗惟沿邊土司地方前經奏明止令呈官編號仍給守禦查烏鎗既准存留亦應酌定火藥數目按年給予應請照車里土司例每歲給三百觔並責成騰越鎮州隨時給領就近查察得旨覽○癸卯

上詣

大高殿行禮○詣

安佑宮行禮○幸圓明園○甲辰

上御山高水長大幄次賜王公大臣蒙古王公台吉及霍罕伯克那爾巴圖來使鄂布勒克色木並年班回部伯克阿哩雅斯等十一人朝鮮國使臣鄭宗源等二人宴諭據長清李奉堯奏拏獲臺灣聚眾在逃首犯謝笑一名咨明督撫審訊一摺長清調任閩省提督甫經到任即能督飭營縣嚴密訪查將此案滋事起釁之首犯親往拏獲所辦甚好著交

部議敘至李奉堯前因查辦此案意存推諉朕本欲將伊治罪今在廈門地方訪得該犯逃回晉江縣之信即馳抵該處設法搜查會同長清拏獲首犯尚屬知過奮勉李奉堯著加恩補授馬蘭鎮總兵兼管內務府總管事務李奉堯到任之後剛塔即不必兼署○諭軍機大臣等據長清等奏拏獲臺灣聚眾在逃首犯謝笑一摺所辦好已批交該部議敘矣此案首犯既經訪獲所有起意械鬪根由

無難徹底究辦至該犯之妻子著交與富勒渾等嚴行查辦照例從重究擬不可漏網將此各傳諭知之雲貴總督富綱奏雲南省城南關外新城鋪三市街教場壩等處路達三逸五方錯處向派城守營千總帶兵彈壓又逸西銅店距該道駐劄較遠向派通判代查諸多未便應請將雲南府通判移駐南關專司督捕就近管理銅店並鑄給關防再該處向有卡房嗣經裁撤現仍添設四處撥兵

防守至該通判原辦硝局事務勢難兼顧應改歸水利同知會同城守營叅將經理下部知之○乙巳諭據富勒渾等奏查明臺灣刁民械鬪滋事一案係知府蘇泰罔知政體立意主和知縣冷震金又復隨聲附和希圖將就了事甚至總兵金蟾桂副將鄭瑞等接據該縣稟報亦不親往督捕以致匪徒肆橫無忌蔓延三月有餘均非尋常懈怠可比請旨一併革職等語此案刁民滋事皆係蘇

泰冷震金立意主和希圖將就了事以致刁民窺見府縣畏葸無能並復肆無忌憚甚至鎮協大員亦一味因循怠惰並不親往督捕可見該省諸務廢弛已極文武各員全不以事為事實堪痛恨不可不嚴加懲創以為貽誤地方者戒除蘇泰業經革職交刑部治罪金蟾桂亦經革職其知縣冷震金副將鄭瑞護副將隋光德都司方廷魁守備王安邦侯永義俱著革職同金蟾桂等一併交刑

部分別定擬具奏○諭軍機大臣等據富勒渾奏拏獲逃回臺匪謝笑一名現在諸羅民情安帖一摺內稱謝笑在臺聞訪逃回原籍經李奉堯在廈門地方拏獲節次訊口各員稟報盤察竟係虛應故事等語謝笑係此案渠魁乃於聞訪逃回原籍時汎口員弁漫無覺察總因閩省諸務廢弛文武各官全不以事為事以致刁民藐法肆橫蔓延不可不嚴示懲儆著傳諭富勒渾雅德即查明謝笑經

過汎口。該管之文武各員。據實指名嚴行叅奏。以為地方官怠玩疎縱者戒。○山東巡撫明興奏。遵旨查禁民間鳥鎗。惟登州府屬寧海州。地處深山。多藏猛獸。該州向分八鄉。各擇壯勇一人。官給編號鳥鎗一桿。梭巡驅逐。應請照獵戶例。酌留以資捍衛。報聞。○丙午。上御奉三無私殿。賜皇子皇孫諸王等宴。○諭軍機大臣等。徵瑞覆奏。飭令代范清濟營運鹽務之商。一併代辦銅觔兩事。自當互為通融。俾

商人一手經理。得以從容辦運。應如徵瑞所奏。即令現在選派之能事妥商辦理。但十人太多。未免彼此觀望。可選一二人。一面辦理鹽務。即一面代運銅觔。如何。仍著徵瑞嚴飭該商等。悉心經理。嗣後如再以運本缺乏為詞。致銅鹽廢弛貽誤。則惟徵瑞是問。至徵瑞從前奏請。每年需給發銅本銀八萬兩。今范清濟又在內務府呈稱。第一年辦發銅船。需銀十五六萬兩。其中多寡懸殊。因何浮開。呈

請之處。諭令軍機大臣。就近傳詢伊子外著將此諭令徵瑞知之。○又諭。據福崧覆奏。王燧在浙江玩法婪贓。各款一摺。內稱王燧在杭州府任內。出糶省倉米石。並不候司數轉串。通王亶望。即日批准。糶米三萬石。計侵蝕銀七千餘兩。又倚恃王亶望信任。辦理工程。包攬勒索。又新到人員。羈留在省。多方勒捐。各屬缺出。不待兩司詳請。即徑與王亶望面定。委員。然後行知藩司。又短發價值。派累鋪戶。

各款種種劣蹟。不一而足。等語。浙省吏治廢弛。倉庫虧缺。皆由王亶望。王燧而起。王燧情罪最重之處。尤在嘉興收漕諸弊。何以摺內並未查出。奏明。已於摺內批示。並將原摺存貯。批交軍機大臣。俟福崧查明。奏到。會同該部。嚴審定擬。速奏。矣。著傳諭福崧。即將王燧在嘉興府任內收漕。如何浮收折色。苦累百姓。及在杭州府任內收辦漕糧。及南米諸弊。逐一訪查確實。由六百里馳奏。以憑定案。將

此由六百里傳諭知之○丁未

上詣

安佑宮行禮○御正大光明殿賜朝正外藩等宴○召左翼科爾沁多羅郡王固山額駙鄂勒哲特穆爾額爾克巴拜○巴林多羅郡王巴圖固山貝子薩木丕勒多爾濟喀喇沁多羅郡王喇特納錫第奈曼多羅郡王拉旺喇布坦○翁牛特多羅郡王旺舒克○鄂爾多斯多羅郡王達爾瑪咱第扎賚特多羅貝勒阿穆祜朗○阿巴哈納爾固山貝子達克丹朋素克教漢輔國公多羅額駙桑濟扎勒○右翼喀爾喀扎薩克圖汗齊旺巴勒齊和碩親王固倫額駙拉旺多爾濟○多羅郡王三丕勒多爾濟○固山貝子車登多爾濟○遜都布多爾濟○厄魯特親王羅布藏多爾濟○杜爾伯特親王車凌烏巴什○蘇尼特多羅郡王額呼克津○回部郡王品級貝勒哈第爾○茂明安多羅貝勒珠克都爾扎布○青海輔國公根敦端多布等至御座前

賜酒成禮○諭曰○兩江總督薩載○閩浙總督富勒渾等○合詞陳奏○以江浙兩省臣民望幸情殷○且河工海塘○以次告竣○一切善後事宜○尤冀親臨指示○懇請於乾隆四十九年春○六舉南巡盛典○以愜輿情○一摺○朕自庚子南巡時○巡閱高家堰石塘○及徐州城外石隄鉅工○俱逐一親臨指示○茲據奏○以次告成○所有一切善後事宜○自應臨蒞閱視○指授機宜○俾河流永慶安瀾○至浙省海塘○前經降旨○將柴塘四千二百餘丈一體改建魚鱗石塘○為濱海羣黎永資捍衛○今要工將竣○亦不可不親為相度○且自四十一年告功○闕里後閱時已久○應行展謁○孔林○以伸景仰○今據該督撫等合詞陳奏○江浙兩省耆庶望幸○惓惓尤為肫切○著照所請○於乾隆四十九年正月○諏吉啟鑾○祇謁孔林○巡幸江浙○順道親閱河工海塘○所有各處行宮坐落○俱就舊有規模○畧加葺治○毋得

踵事增華致滋繁費該督撫等其善體朕意妥協辦理副朕省方問俗觀民孚惠至意又諭前因安集延回人阿布拉在葉爾羌私販玉石拏獲審明擬絞解京監禁今該伯克那爾巴圖感戴朕恩遣使鄂布勒克色木遠來朝覲并懇恩請將阿布拉賞還著加恩將阿布拉寬免交與來使鄂布勒克色木帶回著該部通行烏什葉爾羌喀什噶爾辦事大臣等一體遵照辦理諭軍機大臣等據福

實錄卷一百一十五

書

崧奏仁和縣民竈人等呈請自修范公土塘一摺范公塘係從前被水衝激陸續坍塌節經該督撫等奏明建築福崧此時不過欲將坍塌之一千五百餘丈接聯修築乃摘敘事由率稱恭報范公土塘坍塌各工現飭民竈自行趕修等語披閱之初竟似該處現有坍塌隄工措詞殊不明晰此皆由福崧文義不通所致嗣後陳奏事件宜留心學習毋任幕友率行聲敘至范公土塘向係漲沙該處民

人捐修自護已業現在呈請合力趕修事屬可行自應如所請辦理該撫仍飭司道等實力查察毋使胥吏鄉保人等藉端侵派致滋擾累將此傳諭知之

實錄卷一百一十五

書

大清高宗法天隆運至誠先覺體元立極敷文奮武孝慈神聖純皇帝實錄卷之一千一百七十二

大清高宗法天隆運至誠先覺體元立極敷文奮武孝慈神聖純皇帝實錄卷之一千一百七十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 臣康柱

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級 臣董誥內大臣戶部尚書鑲藍旗滿洲都統軍功紀錄五次

尋常紀錄十四次 臣德瑛經筵講官太子少保工部尚書紀錄六次 臣曹振鏞等奉

敕修

乾隆四十八年癸卯正月戊申

上御正大光明殿賜大學士尚書等宴諭朕於二月初十日啟鑒恭謁

泰陵所有應行典禮著各該衙門照例敬謹豫

備○又諭朕於二月初三日御經筵所有應

行典禮著各該衙門照例豫備○又諭前因

金川軍營逃兵各省拏獲及自行投首者甚

屬寥寥皆由地方官並不實心辦理僅以通

緝具文或出示了事曾明降諭旨將承緝不

力之文武各員交部嚴定處分並通行予限

一年在案今自乾隆四十六年奉旨之日為始扣算已滿一年惟四川省自行投首者一百餘名業將福康安交部議敘其餘各省仍未有首報多名者所有承緝不力之文武各員本應按照部例各降二級調用但人數未免過多著加恩再予限一年該地方官務宜感激奮勉實心查辦上緊緝拏庶不負朕格外矜全之至意倘此次限滿仍未能全數緝獲定將承緝不力之文武各員照例降調不能復為姑貸將此通諭知之○諭軍機大臣等據福康安奏四川成都城年久傾圮恩准動項興修酌定章程一摺自應如此辦理省會城垣工程浩大動帑數十餘萬自所必需此項銀兩是否於軍需存剩銀兩動用摺內聲敘並未明晰著傳諭福康安再行詳悉查明據實覆奏至成都素稱名勝如王羲之帖內稱城池門屋樓觀皆是秦司馬錯所修現在省城是否尚係舊基或經數次兵燹之後

遺跡漸湮。而此番興築。或於畚鍤之中。重獲有舊碑古碣。足資考證者。著福康安留心訪察。遇便覆奏。至其餘如諸葛亮廟。杜甫詩所稱丞相祠堂者。廟內古柏。是否尚存。又如杜甫詩中浣花草堂。萬里橋等處古蹟。並著一併查明。繪圖貼說呈覽。將此諭令知之。○又諭從前金川軍營脫逃兵丁。積年未經弋獲。歷經降旨。通諭各督撫。飭屬嚴緝。並予各犯等以自首免死。展限日期。並將承緝不力之

地方官。嚴定處分。乃自降旨以來。惟川省奏報。拏獲人數較多。自行投首者。亦有一百餘名。其餘各省。奏到拏獲逃兵。及自首到案者。仍屬寥寥。總由各督撫不能督飭承緝之員。實力擒捕。以致該犯等匿跡遠颺。現在又降旨。將承緝地方官處分寬限一年。各該督撫務須嚴飭所屬。設法實力查緝。並將各該省逃兵。共有若干。現在已獲若干。未獲若干。各省通計已獲逃兵。約有十分之幾。詳晰查明。

開單具奏。將此傳諭四川。陝甘。湖廣。雲貴。各督撫知之。○實授薩載。為兩江總督。畢沅。為陝西巡撫。劉秉恬。為雲南巡撫。○已酉。江南河道總督李奉翰。奏。徐屬各廳黃運兩河埽工。現飭興工。趨做。豫省新河。今春開放。黃流歸復故道。北岸通連微山湖之潘家屯。張家莊。蘇家山。十字河。顧家莊等五處引渠。飭於豫省放河前堵閉。內澆裏戩。外鑲防風。海州境之漣河淤淺工段。並督催二月以前挑完。

再邳州宿遷桃源連中河兩岸。緯隄上年盛漲。漫入水中。塌卸通流者六十餘處。長二三百丈。及數十丈不等。又駱馬湖碎石戩工。亦多塌卸。均應填培完整。現勘估土方。勒限挑汎前辦竣。報聞。○又奏。前經欽差大學士公阿桂奏明。黃河北岸通連微山湖運河各口門。既須堵閉。微山湖積水。應多開口門。分消今通計入黃口門。潘家屯等五處。共寬八十餘丈。運河北岸。除王柳等閘六處。自竹簍壩

至王家溝長六十餘里相度情形於傅家房九龍廟時家房張家房四處隄工酌開每處十六丈及二十丈合舊開壩共一百二十一丈現令趕挑止留土埂以備相機開放得旨凡事豫則立好知道了○庚戌諭據英廉奏查辦直隸節年未完耗羨項內尚有實欠在民銀三萬二千七百七十一兩零皆因正銀蠲免耗羨帶徵間有零星小戶拖欠尾零所致等語此項未完耗羨既經查明實欠在民

著加恩即行蠲免仍飭該督嚴飭該管道府留心查察毋致官吏等私徵侵漁滋弊閭閻均霑惠澤以普春祺該部即遵諭行○命內大臣輔國公宗室弘晟都統王進泰在紫禁城內騎馬○辛亥諭曰拉旺多爾濟由游牧案內獲罪亦歷有年著將伊永行停止親王俸之處加恩仍行賞給○又諭今歲朕往盛京著賞給隨往之科爾沁達爾漢王旺扎勒多爾濟喀喇沁王喇特納錫第巴林王巴圖

喀喇沁貝勒扎拉豐阿等各銀一千兩教漢公桑濟扎勒銀五百兩翁牛特台吉巴顏巴圖爾銀三百兩○壬子諭曰春寧在外年久著交伊犁領隊大臣內揀選一員令往塔爾巴哈台更換春寧回京伊犁領隊大臣員缺著派副都統雅滿泰前往○賜霍罕伯克那爾巴圖勒諭曰爾那爾巴圖繼爾祖額爾德尼為霍罕伯克前曾遣使來請朕安今復感戴朕恩遣使具疏請安篤誠可嘉

使臣鄂布勒克色木前來朝覲施恩賜宴茲以特恩賜爾勒諭賞爾那爾巴圖氍毹緞匹玻璃磁器等物交與鄂布勒克色木帶回並賞鄂布勒克色木錦緞絨綢皮張銀兩其跟役四名亦各賞銀兩緞匹仍派侍衛照料遣回到時爾其祇領惟當感戴朕恩益矢誠悃至爾所請將前在葉爾羌私販玉石擬絞監禁回犯阿布拉賞還一事鄂布勒克色木已代爾奏但阿布拉之罪原應正法因係邊遠

無知回人。未經正法。祇行監禁。今以爾欣戴朕恩。遣使奏請。特施殊恩。姑予寬免。將阿布拉。交使臣鄂布勒克色木帶回。此格外寬典。非可屢邀。嗣後不得以此等事再行瀆奏。阿布拉到後。爾其嚴行管束。勿令復滋事端。汝屬下一切人等。不時善為教訓。使各安居。與鄰部和好。勿倚強凌弱。凡事俱遵駐喀什噶爾葉爾羌大臣交派而行。安分自守。以期永享朕恩。特諭。○諭軍機大臣等。雅滿泰係舒

明之子。朕以其尚堪造就。是以派往伊犁學習辦事。著傳諭伊勒圖。俟雅滿泰到時。留心訓誨。將來如果成就。亦可得一出力之人。○察哈爾都統烏爾圖納遜奏。查臣所屬太僕寺兩翼牧羣。每年由該衙門奏派大臣查察。未免紛煩。請嗣後照上駟院例。三年一次。請派查閱。得旨。如所請行。○癸丑。諭。本日閱鴉元有盤查各屬倉庫無虧一摺。此係每年應行彙奏之件。乃各督撫竟視為具文。屆期不

過以一奏塞責。殊非覈實之道。即如直隸山東浙江等省。現在查出各屬俱有虧空。據新任督撫等奏請設法彌補。勒限完交。但未經發覺以前。前任督撫。年終原皆以並無虧空。塞責陳奏。及經懲創之後。節次降旨詢問。始行和盤托出。可見各省督撫。所謂盤查各屬者。俱屬空言。未可憑信。今直隸山東浙江等省。既查出虧空。勒限彌補。想各省似此者。亦復不少。著各直省督撫。於接奉此旨後。再確

切訪查。將各屬究竟有無虧空之處。據實具奏。候朕酌量加恩。准照直隸等省之例。予限彌補完繳。則此後年終彙奏。俱歸覈實。不致再蹈欺罔之罪。倘此次奏報。復有不實。將來別經發覺。惟原奏之該督撫是問。恐伊等不能當其重罪也。該部即通行傳諭。○刑部以臺灣械鬪首犯謝笑之子謝長等。覈擬具奏。諭向來大逆緣坐人犯。應行問擬斬決者。俱降旨從寬改為斬候。秋審時亦不予勾。以昭

法外之仁。但此案謝笑。因漳泉二郡民人構釁。輒敢倡議寫帖。糾聚莊民械鬪焚掠。與反叛無異。現在首夥各犯。拏獲治罪者已有二百餘名。至彰化諸羅各莊被奸民焚搶殺害者。又不知若干人。皆由該犯起意糾聚釀成大案。實屬罪大惡極。該犯之子謝長。與尋常逆業緣生者不同。著即照大逆緣生律。即行處斬。交該督撫派委妥員。解往臺灣於犯事地方正法示衆。俾奸頑共知法網森嚴。即逃至內地亦必緝獲治罪。以靖海疆而安良善。餘著照部議完結。至雅德將逆犯謝笑之子。僅擬發遣。實屬寬縱。雅德著交部嚴加議處。○又諭曰。索曼王拉旺喇布坦之子一等台吉素彌喇。猝然病故。殊堪軫惜。著加恩賞銀三百兩。並派乾清門侍衛佛爾卿額。賞給拉旺喇布坦茶酒。令其致奠。○諭軍機大臣等。從前富勒渾在川省辦理糧運。及軍需報銷。與劉秉恬始終同辦。共事最久。自必深悉其

為人。劉秉恬稍有才幹。尚能辦事。但其平素操守如何之處。著傳諭富勒渾秉公據實覆奏。朕以富勒渾具有天良。人尚誠實。可信。經朕特降諭旨。自不敢稍存欺飾。是以傳旨詢問。該督務據實直陳。毋得以虛詞奏覆。致罹欺罔之咎。負朕信任之意。○又諭本日吏部議駁巴延三奏請將前署崖州事臨高縣革職知縣徐藩調取引見一摺。此案徐藩原叅係諱匿欺飾。經該督奏請革職。今復以該員會營搜拏匪夥全獲。實心奮勉。奏請調取引見。前後所奏兩歧。該員究竟如何諱匿。及如何出力之處。聲敘究未明晰。著傳諭巴延三。尚安。將徐藩辦理此案。從前如何諱匿。及如何會拏緣由。詳晰查明。據實秉公具奏。毋得稍存迴護之見。所有吏部原摺暫存。俟該督等覆奏到日。再降諭旨。○又諭前因辦理南巡差務。曾諭令福崧由浙江撥交薩載銀二十萬兩。現在鎮江至龍潭開挖新河。此係有

利商旅之事。恐需費尚有不敷。著傳諭伊齡阿。於運庫存貯應解內務府項下。撥銀二十萬兩。解交薩載應用。毋庸動支鹽課正項。亦不必令衆商捐解。並諭薩載等知之。○甲寅。諭曰。伊勒圖奏。審明索倫部落總管衮保。因鞭責越界開種地畝之綠旗兵。把總張彬。率兵丁徐海等。將總管衮保之手綁縛。拔其翎頂一案。請將張彬革職。枷號三箇月。與兵丁徐海。一併發往烏什等語。伊勒圖所辦非是。

衮保雖索倫部落之官。然係三品總管。因綠旗兵任意越界開種。鞭責管束。亦屬當然。而把總張彬。膽敢率兵綁縛。揪去翎頂。不法已極。豈可稍事姑息。况伊犁係新疆地方。遇此等事件。尤當嚴辦。示懲。張彬著革去把總。與兵丁徐海。並枷號一年。期滿時。發往烏什充當苦差。仍令伊勒圖。通行曉諭彼處官兵。俾知儆戒。○禮部題。朝鮮國王李祘。遣使表賀萬壽。冬至。元旦。三大節。及進歲貢方物。賞賚筵

宴如例。○乙卯。

孝聖憲皇后忌辰。遣官祭。

泰東陵。○諭。此次恭謁。

泰陵。所有在京步軍統領衙門事務。著福隆安暫行署理。○又諭曰。和坤與阿桂。梁國治。同辦。

開國方略。○丙辰。諭曰。戶部議奏。淮安關徵收贏餘短少銀十九萬八千八百餘兩。請著落徵瑞。全德。照數賠補。並將該監督等交部議處一摺。此項虧短銀兩。部議著令該監督等賠補。自係照例辦理。但念該關短少緣由。究因上年黃河漫口。尚未堵築。以致商運稀少。且據薩載查明。並無藉端侵隱情弊。所有此項應賠銀十九萬八千餘兩。著徵瑞。全德。止共賠銀一萬兩。仍各按照經徵日月。分別賠補。其餘銀十八萬八千餘兩。俱著全行豁免。並加恩免其交部議處。但經徵稅銀少至十九萬之多。究係該監督等。辦理不善所致。著

徵瑞全德。將上年准關監督任內所得養廉全行繳出。以示薄懲。○又諭前軍機大臣會同刑部。審擬吏部侍郎阿肅家乳婦王朱氏謀害伊主幼子一案。供詞內有正月初七日二更時。合家俱聽影戲之語。朕以是日係齋戒。且值忌辰。阿肅家不應演唱影戲。指出詢問。隨經軍機大臣奏請。將阿肅交都察院嚴加議處。並自請同刑部堂官一併議處等因。本年新正月初二三等日。即逢時享致齋之期。

朕雖未能親詣行禮。值齋日內並不聽演音樂。至初五日。方始幸豐澤園。筵宴外藩。阿肅身為侍郎。豈不知之。乃竟於齋戒忌辰期內。伊雖在外。任聽家中演唱影戲。即據稱為娛侍伊母。亦豈不可稍待數日。至元宵令節。取阿肅乃滿洲侍郎。又係翰林出身。何至不知禮制。昏憤若此。且本日召見阿肅。詢及此事。並加慰問。伊子隣死而得活。將來或尚可成器。伊竟毫無感恩惶悚之意。竟同木偶看來。

阿肅全係沾染習氣。非無心過誤。可比阿肅著交都察院嚴加議處。所有軍機大臣及刑部堂官。自請議處之處。著加恩寬免。丁巳雲貴總督富綱奏准兵部咨。以雲貴各鎮協營應否添設長鎗。交臣覈議。臣查滇黔在在高山密菁。額設長鎗。原止可用於寬平之地。毋庸再添。并查兵丁兼習技藝。向未定有章程。今酌擬長鎗一項。令藤牌兵兼習。至雙手帶馬兵兼習。弩弓不兼長鎗之弓箭步兵兼習。副刀。礮手兼習。其鳥機。過山鳥。應歸併礮隊報聞。○戊午諭曰。御史秦清奏。請嚴禁外省餽送。以清虧空。一摺。初看似謹言。細按之。乃擬拾浮詞。無指實之事。外省屬員逢迎餽送。例禁本當嚴。而犯者。朕亦未嘗姑息寬宥。近如陳輝祖貪縱營私。業已審明治罪。又何藉該御史之敷陳。如果有聞見。理應據實糾參。何得空言塞責。徒博獻納之名。而無實濟乎。若如所稱。勅下部議。嚴定章程。即使定以

斬決亦豈能將並未犯案無罪之督撫司道加以重罪乎。該御史既為此奏意中必有所聞。除陳輝祖國秦主宣望之犯罪正法者著將現在各省內餽送者何人受餽者何人虧空者又有何處逐一據實指出明白覆奏。朕不難嚴查重辦以示懲儆。若影射含糊徒爭口舌。此即明朝陋習。必當防其漸而不可使啟門戶嚇詐之端。諭軍機大臣等富躬彙奏各屬緝拏盜竊各案一摺內稱有定遠縣知縣馬尚禹盤獲隣境盜犯四名究出盜首洵屬勤能出色。請旨送部引見等語。所奏殊屬牽混。向來各省州縣內遇有拏獲隣境盜犯者皆准專摺保奏。今定遠縣知縣馬尚禹既能盤獲隣境盜首四名該撫富躬即應另摺具奏請旨。何得僅於彙奏摺內率行敘入。若非朕於尋常事件逐加披閱不幾至忽畧耶。富躬何不曉事若此。除馬尚禹一員准其送部引見外富躬著傳旨申飭。旌表逼嫁

捐軀江蘇宜興縣民許養恬妻彭氏。○己未禮部議覆刑部尚書管順天府府尹胡季堂等奏稱順天府府丞專司學政向來止考大興宛平兩縣童生。餘各屬均由四路同知於駐劄處所設棚考試。查各該同知有地方事務且所處衝要每遇委查要件即致稽延試期。請將四路二十二州縣府考一體改歸府丞專管。應如所奏。再四路內惟東路通州有學政考棚應即令各屬童生俱就該處考試。至府丞試畢即屆學政考期於士子亦便從之。○署河東河道總督何裕成奏東省戴村壩係截汶入運。盛漲時每有泛溢之虞。四十六年因濟寧以南水勢甚大恐汶流倒漾曾開舊築堰口宣洩。至冬堵築上年亦照此辦理。但屢開屢築殊費人工。應於迤上舊開民堰處所建閘三座閘底與汶河底平相機啟閉。水小則收蓄入運水大則由大清河暢洩歸海行之經久。伏秋漲沙隨水衝刷南旺一

帶運河亦可漸免淤墊得旨所奏戴村壩迤上酌建閘座一事俟豫省河工告成後阿桂即順道前往會同何裕城查勘酌議具奏○庚申諭昨御史秦清奏請嚴禁外省餽送以清虧空一摺因其語無指實降旨令將現在各省餽送者何人受餽者何人虧空者何處逐一指出明白覆奏原欲其據實糾參朕不難嚴查重辦以儆官邪今日據秦清覆奏實因一己私見以為虧空由餽送所致是以冒昧入告欲因已往而戒將來意中原無其人並無其處等語所奏全屬空言毫無實際此風斷不可長從前錢澧奏國泰一案即時特派大臣查審辦理其所參款蹟雖未盡實已就審實各款將國泰治罪錢澧加恩陞用然此事朕本早有風聞是以一經被參即行辦理原非僅因錢澧之奏也至王亶望陳輝祖各案想早在人耳目朕待科道之參奏已久而總未見其人始行查辦破案可見漢人

科甲官官相護牢不可破設使國泰係科甲漢人想錢澧亦未必即行參奏也明季科道陋習始則撝拾浮詞互相攻擊繼且各立門戶伐異黨同甚至置國是於不問轉以廷杖博諱直之名此即所謂妖孽非國家所宜有不可不防其漸朕辦理庶務大公至正諸事必期覈實施行從不肯飾虛文以示採納常觀魏徵所上十漸等疏亦祇泛論事理唐太宗以魏徵本非秦府舊僚意存籠絡從而嘉賞而魏徵亦藉此沽名邀寵是君臣間相率為偽而未能相與以誠轉不若馬周諫太宗云陛下避暑九成宮處太上皇於暑地其語較為肫切也總之言官入告必實有關於吏治民生整飭紀綱者方不愧臺諫之司若徒以空言邀獻納之名而全無指實設此科道何用耶將此通諭中外知之○稽查大西倉御史慶齡以倉米被竊番役拏獲賊犯奏聞諭此案偷竊米石賊犯經番役躡獲自應聽

步軍統領衙門辦理將來定案時該查倉御史自有應得處分乃慶齡既經失察其賊犯又被番役拏獲復轉為此奏以為卸過之地殊屬可鄙著傳旨嚴行申飭○辛酉

上還宮○是月江蘇巡撫閔鶚元奏據陞任布政使伊星阿署糧道胡世銓詳稱華亭婁縣奉賢金山青浦上海南匯七縣及太倉州并所屬鎮洋縣額徵漕糧因上年收成時陰雨過多米色欠潔委驗屬實應請照乾隆六年

例准其抵通另倉收貯先行搭放兵餉得旨覽○閩浙總督富勒渾奏臣前於查辦武舉許國梁及黃茂自焚兩案實屬疎漏不知輕重接奉申飭諭旨不勝惶悚嗣後惟有益加詳慎得旨覽外省習氣終難化誨奈何○陝西巡撫畢沅奏陝省關中書院修金膏火銀內有朝邑縣黃河灘地租五百六十餘兩該縣地上年被水衝沒已另請題豁前項銀應籌撥又人文日盛甘肅新疆士子多來肄業

實錄卷五十三

十一

亦應酌增費額查興平盤屋扶風武功郿陽

五縣歲徵八旗提標馬廠界外地租共七百五十餘兩請全數撥入書院報聞○廣東巡撫尚安奏臺灣倡亂之武舉許國梁等現遵旨於本省接壤處所實力搜查得旨為之以實毋為空言○伊犁將軍伊勒圖奏伊犁崆郭羅鄂博一帶地方出產石煤現有商人承充窰戶查明實在開挖者二十四座應照盛京抽稅例計每歲徵銀三百二十四兩零於

實錄卷五十三

辛

乾隆四十七年起按數徵收報聞

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百七十三

實錄卷之一千一百七十三

奉

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百七十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十八年癸卯二月壬戌朔諭豫省河

工挑挖引河節經頒發部庫銀六百萬兩現

在將屆開放引河之期一切需費尚多著再

撥給部庫銀一百萬兩照例迅速解往備用

○江南河道總督李奉翰奏臣前奏准帶南

河將備於桃汛前來豫督率放河茲豫省新

河頭尾及南岸新隄已次第趨辦蘭陽新河

頭口門外黃河內挑水兜壩均須南河官弁

幫辦此時當豫行派往隨選守備四員千總

三員把總三員協辦効用十二員樁埽兵一

百名委副將遊擊等帶赴河南聽用報聞○
癸亥諭據袁守侗奏按察使郎若伊染患氣
逆之症懇請解任調理等語郎若伊准其解
任調理所有直隸按察使員缺著王昶補授
並著速赴新任甲子以舉行仲春經筵遣
官告祭

奉先殿

傳心殿

上御文華殿講官暨侍班之大學士九卿詹事

等行二跪六叩禮分班入殿內序立直講官
四人出就講案前行一跪三叩禮復位直講
官阿肅謝墉進講中庸悠久所以成物也一
句講畢

上宣御論曰解是章者率以久為內而悠為外
分而言之予以為悠久自是至誠無息之一
貫雖有存內驗外之殊其實一而二二而一
者也且天之高明地之博厚可分為二乎博
厚高明既不可分則悠久之不可分不待辨

而明矣是故天地之德不可見而見於博厚
高明聖人之德不可見而見於悠久惟其悠
久故積累之至而為博厚發越之極而為高
明斯則天地之大亦因聖人之至誠無息見
之所謂致中和而天地位萬物育悠久所以
成物非子思之迷曾子所聞於夫子一貫之
道乎講官暨侍班官跪聆畢興直講官景福
曹文埴進講書經惟臣欽若惟民從乂二句
講畢

上宣御論曰說命四言余向為乾清宮屏銘亦
曾發明其義矣茲因繹臣民之義而益凜為
君者之上宜法天下宜表率臣民也夫人君
而不能法天則何使其臣民胥欽若而從
乂乎且法天非虛言也必至公無私弗用聰
明而於理於事自無不聰不明於是乎取舍
當而賞罰明臣民其誰不欽若而從乂乎設
不能克己復禮而欲其臣民之欽而敬之從
而順之是則逞私欲而背天理予無樂乎為

君一言喪邦胥在是矣可不慎乎講官暨侍班官跪聆畢大學士三寶等奏曰

皇上道符悠久治本敬勤範圍曲成而誠至斯乎布化從風而時若用乂洵所謂自強不息共健天行民保無疆永綏邦本者矣臣等幸侍

講筵恭聆

御論敬體

宸衷曷勝誠服奏畢諸臣出就拜位行二跪六叩禮禮成

上御文淵閣賜茶○還宮復賜講官暨侍班官等

宴於文華殿東廡之本仁殿遣官祭

先醫之神○諭曰陳輝祖抽換王亶望入官

財物一案前經大學士九卿等定擬應斬請

旨即行正法彼時朕細覈陳輝祖所犯情罪

不過無恥貪利罔顧大體究非若王亶望之

捏災冒賑侵帑殃民者比所謂與其有聚斂

之臣寧有盜臣是以從寬改為應斬監候秋

後處決昨據福崧奏到浙省嘉興府屬之桐

鄉縣有聚衆鬧漕之事並稱歷年以來因循釀成積弊上年該縣即有聚衆喧鬧之事案犯僅擬枷杖完結其知縣另案叅革顛預了事故奸民罔知懲創復蹈故轍又據富勒渾奏訪查浙閩兩省虧空其倉穀一項各州縣俱未能足額現在飭屬逐一清釐查辦又黃仕簡等奏查拏臺灣械鬪匪犯現已獲二百餘人各摺因命軍機大臣等會同刑部堂官將福崧等原摺發交陳輝祖閱看傳旨詢問

據供上年桐鄉縣鬧漕一案因恐長百姓刁風是以將知縣叅革時僅就其辦案不知輕重叅奏並未指名辦漕今又有聚衆喧鬧之事實是我姑息養奸未曾嚴辦所致至地方諸事不能實力整頓閩浙兩省武備廢弛倉穀虧空亦皆是我因循貽誤自取重罪等語是陳輝祖在總督任內惟務營私牟利而於不肖官吏浮收漕糧及刁民鬧漕之案即云恐長刁風故以別事叅革知縣何不將此情

密行摺奏轉擬拾別案希圖避重就輕將就完事以致刁民以督撫不敢指名查辦遂至愍不畏法益無忌憚復釀成桐鄉又有開漕之案至於閩浙兩省各州縣倉庫虧缺及武備廢弛陳輝祖俱漠不關心竟似置身局外其平日一味營私牟利隱匿迴護貽誤地方種種積弊不可枚舉實與勒爾謹王亶望情罪無異今據軍機大臣刑部堂官審明仍照前擬請旨即行正法是陳輝祖之罪實不止

侵隱入官財物尚可量為末減朕亦不能再為曲貸矣陳輝祖本應照擬即行正法但念伊辦理海塘尚無貽誤著加恩免其肆市即派福長安穆精阿前往將此旨明白宣諭監視賜令自盡以為封疆大臣廢弛地方者戒朕辦理庶獄輕重必權衡至當若陳輝祖之從前僅止抽換官物是以貸其一死及此時之貽誤地方不能再為屈法施恩皆一秉大公至正毫無成見大小臣工當各知感畏力

圖稱職毋負朕諄諄懲誡明刑弼教之至意將此通諭中外知之○又諭曰王燧前在浙江杭嘉湖道任內倚恃王亶望信任貪縱不職牟利營私種種劣蹟業經革職問擬絞候入於秋審情實四十六年朝審勾到時本擬即行予勾因官犯冊內有問擬斬候之素爾方阿一犯係原任雲南通判管理樂馬廠務將抽收廠課贏餘餽送上司尚無戕法殃民實蹟未經予勾因思王燧亦不過迎合取巧

事同一例是以亦未勾決然其聲名狼籍杭州人至今恨罵其罪固浮於素爾方阿也茲據福崧奏到王燧在杭州府任內出糶省倉米石並不候司覈轉串通王亶望即日批准糶米三萬石計侵蝕銀七十餘兩又於各州縣運解南米到倉每石勒加斛面二三升不等計浮收米二千餘石又折收南米每石價銀三兩六錢至四兩不等虛報出糶每石止折價銀一兩六錢零計該犯浮收折色暨短

報糶價共得贓二萬餘兩。又於嘉興府任內視各縣應徵米數多寡。每縣勒索銀一二十兩。至五六十兩不等。贓款鑿鑿確有證據。因令軍機大臣會同刑部嚴切究詢。該犯亦惟俯首認罪。無可置辯。則是王燧倚恃王宣望肆無忌憚。於徵收南米等事。貪婪勒索。竟敢得贓至數萬餘兩之多。實為藐視國法。擾害百姓。情罪重大。迥非索爾方何之。僅以厥課贏餘逢迎上司。尚可寬其一線者。可比自應

即正典刑。以彰國憲。王燧著照軍機大臣及該部所擬。即行處斬。著派穆精阿前往監視行刑。以為監司大員。與上司朋比為奸。藉端婪索殃民者。戒將此通諭知之。○諭軍機大臣等。原任吏部尚書宋肇。校刊通鑑綱目續編。前經諭令李世傑轉飭地方官向其家子孫查明原板。解交武英殿。茲據李世傑覆奏。伊家並無存留板片。宋肇曾任江蘇巡撫。其通鑑綱目續編一書。或即在蘇州刊刻存留。

該處亦未可知。著傳諭閔鶚元。即飭屬查明。是書板片解京。○又諭。本日楊廷樺奏。到謝恩一摺。內稱。除將諸彰二邑現在情形。及查辦緣由。另行恭摺奏聞。等語。初聞之。似另有陳奏事件。而本日所奏。又並無別摺。是該道止應將從前奏報查辦情形。於摺內稱。已經奏聞。由驛會同黃仕簡字樣。何得以另行奏聞。聲敘措語殊屬不通。著傳諭該道。嗣後遇有陳奏事件。文義務宜留心。毋得似此牽混。

○山東巡撫明興奏。東省上年秋收。雖九分有餘。但有被水被潮成災之處。春月糧價未能甚平。應籌減糶。請將市價每穀一石。銀九錢。至一兩者。減五分。一兩以上至一錢者。減一錢。至二錢者。減一錢五分。至三錢者。減二錢。至四錢者。減二錢五分。將來市價再增隨時酌減。總不得過三錢之數。至借給口糧。照例先動社穀。次及常平雜糧。秋後易還。報聞。○旌表守正捐軀河南睢州民王碧女王氏。

○乙丑遣官祭

關帝廟。諭曰。都察院奏將吏部侍郎阿肅議以革職一摺。阿肅係滿洲侍郎。於齋戒忌辰之日。任聽家中演唱影戲。非尋常錯誤可比。阿肅著革去侍郎。第念其在尚書房行走。尚屬勤慎。著加恩賞給翰林院侍讀學士。在尚書房効力行走。仍兼公中佐領。所遺吏部侍郎員缺。著諾穆親調補。其工部侍郎員缺。著塔彭阿補授。○諭據順天府具奏。有圓明

園正白旗滿洲護軍八十三。成泰德泰。因爭地畝。私寫呈詞。封交莊頭劉希賢。劉希賢令伊妻擲於香河縣知縣轎內等語。護軍八十三等俱係旗人。若為爭地具呈。理應在該旗佐領處投遞查辦。否則在該營大臣及步軍統領衙門並部院具呈。俱可。乃任意寫呈。交與莊頭轉擲。與知縣是何規矩。旗人地畝。皆在州縣所管地方。若互相效尤。濫行在州縣呈遞。於旗人體制。大有關礙。著將八十三等

革去護軍。交刑部。併傳集案內人證。審明。從重定擬具奏。並著通行八旗。嗣後旗人地畝。有應控事件。俱在各該旗佐領具呈查辦。如該旗佐領不行辦理。准其在該部及步軍統領衙門呈遞。此內如有干連。民人情節。由部咨行嚴查辦理。有何不得申明。如經此次曉示後。仍有往地方官處濫控具呈者。除從重治罪外。該管大臣官員等。俱嚴加議處。斷不輕貸。將此通諭八旗各營知之。○又諭曰。盛

京戶部侍郎員缺。著鄂寶補授。其漕運總督員缺。著毓奇補授。山東修理運河東西隄岸。前已降旨。令陸燿同辦。該處巡視漕務。毓奇素所熟悉。與其添一生手於事。轉屬無益。所有巡漕事宜。仍著毓奇兼管。都察院毋庸再行奏派。○諭軍機大臣等。德成奏請。伊家河停止每年歲修之例。一摺。據稱。從前開挖伊家河於石林口等處築隄一道。並於潘家屯建做滾水壩。引黃濟運。此即湖水僅能濟運。

毋庸旁洩之明驗。現在湖水浩大，因青龍岡黃水漫溢所致，大功不日告成。黃水斷流，水無來源，日漸消落。是何裕城所奏，請定每年歲修之例，理應停止，以杜虛糜等語。德成此奏，似有所見。挑挖伊家河，原為分洩漫水下游去路。即日豫工合龍，則水無來源，東省微山諸湖不致復有漫溢之患。每年歲修似可毋庸定為成例，致開工員藉端冒銷之漸。著傳諭阿桂於河工歲事後，順道履勘體察。該

處水勢情形，是否應如德成所奏，將歲修停止之處，據實悉心妥議具奏。不可因何裕城前經奏請開挖，稍存迴護之見。德成摺並著鈔寄閱看。將此遇阿桂奏事之便，傳諭知之。○又諭據黃仕簡奏，會同楊廷樺親赴各莊，連日搜捕前後，拏獲殺害汛弁及械鬪傷人，放火搶奪之彰化諸羅各犯，共二百六十名。將審明起意糾黨焚莊搶殺各要犯先行正法示衆。現在漳泉人心帖服，各處均屬寧謐。

等語。所辦實屬可嘉。已於摺內批示矣。臺灣刁民械鬪一案，黃仕簡一聞稟報，即帶兵渡臺查辦，將首夥要犯拏獲多人。陸續審明正法，地方寧靜。辦理甚屬妥速。前已降旨交部議敘。著再賞給黃仕簡上用大荷包一對、小荷包二對，以示嘉獎。現在事已平定，餘黨亦陸續擒獲。臺灣已無可查辦之事。內地亦關緊要。著傳諭黃仕簡將餘犯審明定擬後，即回本任。所有善後事宜，告知孫猛、楊廷樺，妥

協經理，實力整頓。將此由五百里諭令知之。○又諭曰：福建提督黃仕簡之子黃秉淳現任湖南沅州協副將。平日於營伍諸事，是否能留心整飭，量其才具，將來堪勝總兵與否之處，著傳諭舒常秉公據實覆奏。○是日起

上以祭社稷壇，齋戒三日。○丙寅，諭朕此次恭謁陵寢，御前大臣乏人。著拉旺多爾濟作為御前大臣隨往。○吏部議覆御史李嗣奏稱散館

改部人員請以到部之日為始與各項期滿人員較年分淺深挨次題補應如所奏再查在部各項人員如何統較題補定例未有明文者並應一體辦理請嗣後各衙門主事缺出將學習期滿進士選拔貢生捐納議敘主事俱自期滿奏留之日為始庶吉士散館及現任小京官中式進士以部屬用並現任小京官由各該處奏明分部補用留部陞用者俱自奏准到部之日為始計其實在行走日

期按題選各缺統較先後接補又從前進士學習及議敘捐納人員有未滿三年先行奏留者亦扣滿三年方准與各項統較從之○調正黃旗滿洲副都統果星阿為山海關副都統鑲白旗漢軍副都統德明為鑲藍旗滿洲副都統以鑲黃旗滿洲印務叅領薩克慎為鑲白旗漢軍副都統○丁卯祭先師孔子
上親詣行禮○諭據明興查奏縣丞金鳳彩大

計革職係原任巡撫國泰挾嫌填入不謹請將隨同補揭之道府交部議處一摺金鳳彩雖係微員該道府因其平日辦事認真於大計時業經註列一等考語乃國泰以其爭論陽穀縣聚眾一案臨時將該員填入不謹項下道府並不與聞迨發本後始簽發揭式由于易簡移行照繕補揭考績大典黜陟攸關國泰于易簡竟敢挾嫌任性徇私廢公即此一節國泰于易簡已有取死之道至該道府

於巡撫勒令照繕補揭時並不訪查確實即行補揭究有不合所有登萊青道何澤傳萊州府知府李世法及原任陽穀縣知縣安徽廣德州知州鄭飛鳴等著交部議處金鳳彩著該部帶領引見○調正藍旗漢軍副都統瑪興阿為正黃旗滿洲副都統以原任福建福寧鎮總兵范宜恒為正藍旗漢軍副都統鑲藍旗蒙古印務叅領永泰為鑲紅旗蒙古副都統○戊辰祭

大社

大稷

上親詣行禮。○命建辟雍於太學。諭稽古國學之制。天子曰辟雍。所以行禮樂。宣德化。昭文明。而流教澤。典至鉅也。朕此次

釋奠禮成。念國學為人文薈萃之地。規制宜隆。而辟雍之立。自元明以來。典尚闕如。自應增建。以臻美備。著派禮部尚書德保。工部尚書兼管國子監事務劉墉。侍郎德成。敬謹前

往閱視。度地鳩工。諏吉興建。落成之日。朕將舉行臨雍典禮。以昭久道化成之盛。○又諭據德保等。將辟雍圖式呈進。自應仿照禮經舊制。度地營建。即著派德保。劉墉。德成。總司其事。敬謹承辦。以光盛典。○調錦州副都統安臨。為寧古塔副都統。鑲黃旗蒙古副都統成策。為錦州副都統。○已遣官祭昭忠祠。○諭據富勒渾等奏。督緝逸匪及移會黃仕簡等查辦一摺。內稱臺地業已寧帖。該叅鎮

等隨同查辦。果否尚知悔懼。奮勉出力。現在秉公確查等語。顯欲為臺郡已革文武各員開脫市恩之地。殊屬錯謬。已於摺內批抹矣。臺灣械鬪一案。皆因該處文武各官平日廢弛玩縱。以致釀成事端。又不立即擒滅。甚至該府蘇泰。罔顧大體。出示勸和。希圖將就了事。種種姑息養奸。非尋常貽誤地方可比。前已降旨革職。拏問。令該督等派員解送刑部審擬定罪。必當嚴加懲治。俾地方官知所做

畏。庶得政理而民安。乃富勒渾等竟欲為該員等豫存開脫地步。此等姑息市恩。最為外省惡習。前此已延三。於署崖州事革職知縣徐藩。先以諱匿欺飾。叅革。後又以該員拏獲匪夥。實心奮勉。奏請調取引見。前後兩歧。業經降旨查詢。今富勒渾等又有此奏。可見外省督撫徇庇屬員。多方袒護。積習牢不可破。如果該官弁等於搜捕賊匪時。猝至傷亡。尚可以功抵過。今不過隨同搜捕。亦止係分內

應辦之事。該地方官何不於未經起事之先。購線躡緝。將奸民及早拏獲。弭患未形。乃直至匪徒肆橫無忌。蔓延兩縣。致勞官兵搜捕。方得全數擒獲。地方寧靜。該督等尚欲為之藉詞開脫。耶。朕綜理庶務。照燭無遺。富勒渾等尚敢以此等伎倆。輕為嘗試。此風斷不可長。富勒渾雅德著嚴行申飭。並交部嚴加議處。將此通諭知之。○諭軍機大臣等。李侍堯於上年奏請陞見。朕以西安城工須畢沅在

彼督辦。將來工程完竣時。李侍堯並可順道查勘。是以諭令暫緩來京。今既據奏。此項工程計歲事之期。當在三年內外。一切鳩工辦料。李侍堯道出西安。亦可詳加稽覈等語。所奏情節如此。自應准其來京。所有陝甘總督印務。仍著遵照前降諭旨。即令畢沅前赴甘肅接署。其陝西巡撫印務。即著圖薩布暫行護理。將此傳諭李侍堯。並諭畢沅知之。○江南河道總督李奉翰奏。裡河廳屬五道引河

內。惟太平河最近運口。每年經大汛。山水挾沙。匯注洪湖尾閘一帶。普面漫灘。水行至此。灘土浮沙。往往停滯。現在洪澤湖水極小。應及此時。一律挑深。計河長三千三百八十五丈。挑深自三四尺。至七八尺不等。現委趕辦。再武家墩隄工。外係太平河內。係二河兩面臨水。取土甚難。應即以挑起土。幫培高厚。報聞。○以原任內閣學士扎勒翰。為光祿寺卿。○以正白旗滿洲印務叅領陽春保。為鑲黃

旗蒙古副都統。○庚午諭曰。貝勒扎拉豐阿。初封郡王。後獲咎降為公爵。嗣因伊甚知奮勉。洊封至貝勒。復在內廷行走。出力年久。現在患病。不能即就痊可。著加恩封為多羅郡王。賞戴三眼花翎。以示矜恤。○又諭曰。吏部奏。浙江桐鄉縣知縣管嵩。籍隸江蘇。吳江縣距本任在二百里以內。請將該員扣除。另行銓選等語。管嵩著即發往浙江。交該撫福崧於五百里以外之缺。酌量對調。毋庸另選。並

將此著為令○以故青海扎薩克固山貝子沙克都爾扎布子車爾登多爾濟故客爾客鎮國公旺沁扎布子垂濟扎布各襲爵○緩徵山東鄒縣滕縣嶧縣荷澤曹縣定陶鉅野單縣城武濟寧魚臺金鄉嘉祥等十三州縣乾隆四十七年分續被水災漕糧○辛未上啟鑒謁

泰陵

泰東陵○諭朕此次恭謁

奉
奉
奉

奉

奉

泰陵所有經過地方著加恩蠲免本年地丁錢糧十分之三該部即遵諭行○是日駐蹕黃新莊行宮○壬申

孝康章皇后忌辰遣官祭

孝陵○是日駐蹕半壁店行宮○癸酉諭軍機大臣等據尚安奏廣東外委一項向例陸路食馬糧一分步糧一分水師食步糧二分今全行裁扣每年賞給銀十八兩作為養廉未免少形拮据從前造報時未將實在情形詳

晰聲敘殊屬疎忽請將陸路外委原食馬糧一分水師外委原食步糧一分仍准支食俾其援補新兵等語已批交該部議奏矣此等額設外委於援補後與千把等一律辦公乃千把總等自議裁名糧之後尚有賞給養廉及支食俸薪馬乾等項而外委所得分例較之馬步兵支食糧餉轉少未免偏枯但各省俱有外委從前戶兵兩部定議時自然畫一辦理至所稱廣東省未將實在情形聲敘之處究係如何疎漏致該省外委所得分例不同著戶兵二部堂官詳查覆奏再尚安此奏將來若何另議俾該弁等得以從容辦公不形竭蹶之處並著傳諭該堂官詳悉妥議具奏尚安摺並著鈔寄閱看尋奏經制外委本屬兵丁向例於原食糧餉外加給步糧一分戶部議給養廉案內祇就加給步糧覈計銀米數目改為養廉十八兩原不致辦公竭蹶乃該省督撫未經詳閱原奏誤將本身糧餉

一併裁除遂致較步兵得項轉少今奏請仍行支給正與原議相符毋庸再議至該撫從前造報未經分晰以致兵部無憑查覈既奏明更正仍應扣出本身糧餉毋庸添補實兵並通行各省有似此遺漏聲敘者查報畫一辦理從之○是日駐蹕秋瀾村行宮○甲戌諭軍機大臣等據李世傑奏呈進嶽廟全圖並請頒發御製詩章一摺內稱御碑亭東一座刊刻庚午年御製詩一章此詩本有二首

未知該處所刻祇係一首抑或碑陰亦刻有御詩之處未經詳查具奏殊未明晰著傳諭李世傑即將此碑摹搨一分呈覽至御碑亭西現立碑座候朕頒發詩章其碑身淨堂並著詳細查明丈尺若干一併覆奏尋奏恭查東首碑亭刻詩一章碑陰並未刻詩西首碑亭所立碑身高六尺七寸五分寬二尺七寸五分淨堂高六尺五分寬二尺五分得旨覽

御製重新

中嶽廟告成詩曰庚午

裡迴心每懸嵩雲南望德參

天卅年以久事宜作此日維新理合然

廟鎮中州崇莫並殿臨黃道正無偏敬吟長

律當碑泐希佑黔黎

惠澤宣○又諭據富勒渾奏浙江桐鄉縣糾

眾鬧漕一案當飭按察使督同該府併檄飭

嘉興協副將多派幹弁兵役上緊捕拏並札

知撫臣福崧就近督同嚴究等語此案前經

福崧奏到親赴該縣拏獲首要各犯一百餘

名曾經降旨令其嚴拏究辦盡法懲治迄今

已一月有餘何以尚未將審擬情形繕摺具

奏浙省從前諸事廢弛各州縣經徵漕米百

弊叢生桐鄉劣衿聚眾喧鬧把持公事最為

地方之害自應迅速嚴辦且首夥各犯既已

全獲自無難即行審擬完案著傳諭福崧將

此案要犯速行定擬具奏毋得稍事姑息將

此由四百里發往並諭富勒渾知之○河南巡撫李世傑奏豫省引河新築南隄須及時種柳以資保護沿隄每間五尺種一株共十六萬三千餘株其隄南隙地人夫往來不便栽種俟來春補插飭交廳弁及地方官看守得旨○好實力妥為之○山東巡撫明興奏濟寧州城東楊家壩於乾隆二十二年改壩為閘平時收水歸湖水漲洩水入運歷年汕刷根懸椿朽蟄裂坍塌應拆修勘明原建金門

實錄卷一百五

上

一

口寬一丈四尺兩牆由身長三丈高一丈四尺餘寸東岸雁翅上下各二丈五尺應接長上三丈下五丈西岸上下各長三丈應接長上六丈五尺下六丈請動項興修報聞○是日駐蹕梁格莊行宮○乙亥

上謁

泰陵

泰東陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員隨行禮○諭曰觀音保著來京在散秩大臣上行走黃大謨俟有總兵缺出另行補用所有

泰陵內務府總管及泰寧鎮總兵員缺著縕布補授○又諭曰戶部議駁永德徵收閩海關稅銀短少例應賠補不准分限完繳自屬照例辦理但永德摺內所稱前歲江浙兩省秋間遇有風潮及上年四月臺灣地方猝遇颶

實錄卷一百五

上

一

風各該處商船稀少以致徵收虧短查覈情形尚非捏飾所有比較短少銀三萬一千三百九十六兩有零著永德賠補一半按限完繳其餘一半著加恩寬免○又諭曰保泰駐藏年滿慶麟係已祿之子尚可造就著前往更換慶麟接奉此旨即速來京請訓再行前往保泰俟慶麟到藏後來京○調廣州副都統文常為京口副都統鑲黃旗漢軍副都統伯清額為廣州副都統○是日駐蹕秋瀾村

行宮。○丙子諭軍機大臣等吏部奏寧夏府知府章銓失察李天植承修渠工折收料物將該府議以降二級調用一摺已依議行矣。此案洮河廳同知李天植承修渠工私將料物折收入已該府章銓近在同城何致漫無聞見非尋常錯誤可比該督李侍堯上年參奏時自應將該府一併附參乃直至吏部咨取職名始行開送著傳諭李侍堯即將從前何以不行附參之處明白回奏尋奏李天植

實錄卷五百五

一

玩誤渠工係由章銓揭報臣以該府初任即能認真是以未經附參得旨如此則可寬但何未奏明○又諭昨因查審錫林郭勒盟長所屬台吉楚魯木等爭占屬人事件降旨令巴圖由彼處會同賽音伯爾格圖前往伊等至該處審明事件時巴圖不必同賽音伯爾格圖來京於拜摺起程後即由彼處回伊游牧辦事○又諭昨派慶麟赴藏更換保泰並調文常補京口之缺文常未到以前著武德

禮前往京口暫署慶麟即來京請訓○以武備院卿布彥達賚為鑲黃旗漢軍副都統○旌表守正捐軀河南淇縣民張英妻趙氏西華縣民田驢妻畢氏○是日駐蹕半壁店行宮。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百七十四

大清高宗法天隆運至誠先覺體元立極敷文奮武孝慈神聖純皇帝實錄卷之一千一百七十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級 董誥內大臣戶部尚書鑲藍旗滿洲都統軍功紀錄五次

尋常紀錄十四次 臣德瑛經筵講官太子少保工部尚書紀錄六次 臣昌振鑄等奉

敕修

乾隆四十八年癸卯二月丁丑諭軍機大臣

等據徵瑞覆奏籌辦銅鹽一摺已批交該衙門議奏矣內稱范清濟自辦理銅鹽二十年之久尚拖欠官項銀一百二十萬兩且將范毓麟河東舊有鹽池產業變抵二十餘萬兩外實在抵銷無幾查范清濟係范毓麟之姪私心樂於官項不清輾轉藉延據其鹽產其子范李經管引地剋扣自肥積有厚貲今銅鹽諸務既已諉卸他人辦理豈可聽營私誤公之人脫然事外請將上年欠課銀十一

萬二千餘兩除引店存錢扣抵外其餘著落范李完納等語范清濟辦運銅鹽以來拖欠官項累累該鹽政極力催追始終懸宕不能依限完交今不得已另覓妥商代為承辦而伊子范李經管一切剋扣自肥殊屬貪利誤公且從前范毓麟鹽池產業盡為范清濟變抵官項而現在范清濟父子轉得坐擁厚貲脫然事外不足以昭情理之平仍恐范清濟不肯歸還范毓麟原產藉端延宕著傳諭農起即查明范清濟原籍自置產業共有若干除勒限撥還從前范毓麟原產外其餘量其貲本酌令議罰若干以為賠繳前欠之用仍著農起悉心查明定奪具奏所有徵瑞原摺著鈔寄農起閱看將此由四百里發往並諭徵瑞知之○江蘇巡撫閔鶚元奏上年歉收各屬糧價較昂應分別減糶請將每石米價一兩七錢者減一錢八錢至二兩者減二錢二兩以外減三錢麥價一兩四五錢豆價一

兩二三錢均減一錢麥至一兩六錢外豆至一兩四錢外均減二錢得旨覽○是日駐蹕黃新莊行宮○戊寅月食○是日駐蹕潭柘岫雲寺行宮○已卯諭此次請轎校尉人等著加恩各賞一月錢糧○是日駐蹕靜宜園至壬午皆如之○庚辰春分朝

日於東郊遣和郡王綿脩行禮○遣官祭黑龍潭。

昭靈沛澤龍王之神玉泉山。

惠濟慈佑龍王之神○諭昨刑部奏毆傷親母之張朝元一犯按律問擬斬決一摺已依議行矣。此等蔑倫逆犯行同梟獍該部於審明後即應奏請正法使悖逆倫理之人知毆傷父母即決不待時庶足以示懲儆乃刑部定擬摺內稱令伊母養傷平復隨提該犯嚴加審訊等語在刑部之意以為設或其母因傷身死即當問擬凌遲殊不知斬決凌遲同為一死該部拘泥律文轉令兇逆之徒得稽

顯戮而無知者且以為未必即死是不孝犯法者之無所敬畏未始非此等遲回之見婦寺之仁有以釀成也嗣後遇有子毆父母案件無論傷之輕重該部於審明後即行奏請斬決設或其親因傷身死自應將該犯剐屍示衆亦與凌遲等耳著將此通諭內外問刑衙門一體遵照著為令○刑部奏直隸南和縣張魏氏與魏賢生和姦嗣因本夫休棄立誓悔過姦夫復往逼姦即將姦夫毆死該督依罪人不拒捕而擅殺律擬以絞抵查拒姦殺命之案謀故鬪毆情節不同此案原情定罪應照擅殺罪人律量減一等改擬杖流並請嗣後凡有悔過拒絕有據者均照此例辦理從之○加賑山東鄒縣滕縣嶧縣荷澤單縣城武曹縣定陶鉅野濟寧金鄉魚臺嘉祥十三州縣濟寧臨清二衛乾隆四十七年分水災飢民○賑卹兩淮海州屬板浦中正臨興三場乾隆四十七年分水災貧民並緩徵

竈欠銀兩。旌表守正捐軀河南林縣民宋應子妻胡氏。辛巳。

上御演武廳閱健銳營兵。○壬午。諭軍機大臣等。據總管內務府大臣議覆長蘆鹽政徵瑞奏。選派商人王世榮接辦范清濟銅務一摺。已依議行矣。據稱蘇局存銅並已發洋船未經辦回之銅盡屬官物。恐范清濟因接辦有人。私將現有之銅盜賣隱匿。新商甫經接手。船隻尚未開洋。則本年應解六省額銅必致

貽誤等語。該商存局銅舢關係六省鼓鑄。現在選商代辦。新舊接手。恐其中隱匿偷漏之弊。在所不免。著傳諭閔鶚元。就近嚴行查封。勿使絲毫走漏。所有蘇州辦銅官局。并出洋船隻及應需一切什物。並飭令范清濟全行交代。新商王世榮接收。以資辦運。仍將查辦情形分繕清單。據實覆奏。○又諭。據賽音伯爾格圖奏。稱有發往黑龍江遣犯張花臉子。脫逃後。潛在科爾沁公哈達之弟。台吉齊老

家中藏匿。充當莊頭。嗣經達爾漢王旺扎勒多爾濟查出。看守復行逃逸等語。張花臉子係內地遣犯。乃敢屢次逃匿。情殊可惡。計其逃逸後。自必由山海關一帶潛回內地。著傳諭袁守侗。明興。飭屬選派幹役嚴密查拏。毋任免脫。○陝西巡撫畢沅奏。延安榆林綏德三府州所屬上年歉收。已將應徵銀糧緩帶。所有延綏鎮屬並延安神道嶺等營應需四十七。八年糧料不敷之數。請動各年建曠支

剩并借動各屬常平。均俟本年帶徵完日撥還。其草束照例折銀於州縣庫借支。秋後徵抵下部知之。○賑貸河南汝陽上蔡正陽新蔡西平確山遂平淮寧商水項城沈邱西華扶溝臨潁襄城郟城等十六州縣。乾隆四十七年分水災飢民。並緩徵未成災地畝銀穀。○癸未。

上迴圓明園。○遣官祭賢良祠。○甲申。諭曰。福崧奏審擬桐鄉縣辦漕浮收之官吏一摺。已

批交該部議奏矣。至案內已革漕書金德元於前充漕書時得過浮收餘米包攬折色錢八百餘串。此次徵收漕米又慫恿該漕書吳漢興等稟明縣官加收斛面分肥舞弊以致縣民錢徵書等糾衆鬧堂身罹重辟者三名雖係錢徵書等罪因自取。但此案實由該犯釀成即以抵罪而論金德元亦應照部中書辦衙役舞弊立正典刑以昭懲儆乃福崧僅將該犯擬發伊犁賞給厄魯特為奴殊屬輕

縱豈明刑弼教之意乎。除將金德元一犯交部另行改擬外福崧著傳旨申飭。又諭現在滿洲內閣學士出有二缺趙鏌本係漢軍旗人向來滿漢員缺俱可補用且其繙譯亦好在館効力有年即著補授一缺所遺通政使員缺著張若渟補授。○諭軍機大臣等據黃仕簡等奏鳳山縣小岡山地方有匪徒豎旗詞甚悖逆隨在山中徧加搜查並無蹤跡嗣報盤獲形跡可疑之林弄陳虎二名押解

前來詳加研鞫毫無證據等語已於摺內批示矣。諸羅彰化二縣奸民不法聚衆械鬪甫經嚴拏重治乃又有奸匪豎旗書寫進兵交鎮字樣可知臺灣諸事廢弛刁風未息不可不嚴拏究辦從重懲治以靖海疆而安良善至所稱形跡可疑之林弄陳虎二名是誰見其可疑有何形跡如果審明此二人並非豎旗奸匪即應問此二人或素有仇人挾嫌藉端陷害嚴切開導訊問從此根究或可得實

何以摺內全未奏及而但云毫無證據乎黃仕簡等查辦奸民聚衆一案甚屬妥速今審辦此事未免疎漏著即督飭所屬勒限嚴拏匿名豎旗之人務獲解究辦理不得以查無蹤跡將就了事再前經降旨令黃仕簡於查辦事竣即回本任今該處又有豎旗匪犯著傳諭該提督如已回至中途接奉此旨即移交楊廷樺等實力緝拏究辦若未起程即在彼督率一同查拏俟獲犯審擬定案後再回

本任將此由六百里諭令知之○乙酉諭向來內外臣工每於萬壽慶節備物呈進率成例事今秋間朕自熱河啟鑾詣盛京恭謁祖陵蹕路經由蒙古部落道里較遠長途煩費更多未便所有本年萬壽貢物不必先期齎赴熱河呈進王大臣及各省督撫等務仰體朕意毋滋繁瀆將此通諭知之○又諭曰德勒克原係王琳沁長子伊父出缺即應德勒克承襲彼時因德勒克身體微弱伊弟巴圖漢仗馬上俱好故令巴圖承襲郡王德勒克封為公爵惟德勒克內廷行走多年且在清字經館繙經久經効力著加恩封為固山貝子○諭軍機大臣等據李奉翰覆奏現在並無如任克溥所奏諸弊一摺已批交該部知道矣此旨原因各省督撫有吏治民生關係是以飭令各陳利弊至總河總漕等地方事務非其專責原可毋庸具奏今李奉翰既隨衆數陳又係空言又遲至半載之久始行覆

奏殊屬延緩將此諭令知之○又諭閩省臺灣漳浦等處奸民械鬪拒捕傷差共有三案皆因武備廢弛以致刁民肆悍經朕屢降諭旨飭令該督撫提鎮等督率嚴拏數月以來節經奏報拏獲首夥要犯審明正法因交軍機大臣通行查覈開單呈覽業經正法者二百餘名現在拏獲審辦者一百五十餘名未獲者十五名所有現獲各犯著傳諭富勒渾黃仕簡等迅速審擬分別辦理其未獲各犯並著傳諭該督等速即勒限嚴緝務使全數弋獲根株淨盡以靖海疆而安良善著該督等嚴飭文武員弁於所屬各隘口上緊查拏其鄰近之江西廣東浙江等省亦著一體搜緝務獲毋任遠颺漏網將此由四百里各傳諭知之○丙戌泰寧鎮總兵緡布奏恭查泰東陵甬道兩旁儀樹間有回乾者係澆灌不時辦理未善所致並查泰陵僅有樹戶七十名

秦東陵僅有樹戶三十名人數較少臣現派綠營兵一百二十名協同分段澆灌並委內務府司員及綠營官弁稽查監看加意培護得旨好勉以實力為之○兩江總督暫署江南河道總督薩載奏黃河北岸通連微山湖及運河各引渠現堵閉口門以備豫省放河其潘家屯張家莊壩工已填築斷流尚須加高幫寬兩處外灘引渠較長壩外應各添築土格二道將來水大時不致串水通流臨河上

首并酌做挑水草壩使上游來水挑入河心順流下注臣指示料理嚴飭趨堵限二十日完工得旨覽奏俱悉○湖北巡撫姚成烈奏東省委員採辦隄工木植准河臣將需用丈尺各數咨覆即飭漢陽府縣寬為豫備現據委員稟稱按照工次所需揀擇買齊紮牌起運隨派委督護催行仍咨經過各省接護抵工得旨嘉獎○丁亥

孝昭仁皇后忌辰遣官祭

景陵○諭現在京察屆期所有各部院衙門保送一等人員著吏部即行辦理於三月內帶領引見○戊子諭朕披閱明臣奏議熊廷弼為遼東經畧時抒誠效命所奏諸疏具見忠鯁而其時主閤政昏不惟不用其言轉致身罹重辟深可憫惻因降旨查其現在有無子孫曾否出仕茲據舒常等查奏熊廷弼後裔均以務農為業惟次支之五世孫熊泗先業儒人尚明白等語熊泗先著加恩以訓導用

該督撫即行咨補俟六年俸滿後如果堪膺民社再行保舉送部引見○兵部議准湖廣總督舒常奏稱湖北襄陽鎮前營遊擊隨鎮駐劄穀城餘弁兵俱駐襄陽距所管光化縣汛一百七十里襄陽地方現有右營遊擊並城守營駐劄足資控制應將前營都司守備千把外委兵丁等移駐穀城所需衙署即以舊署變抵從之○以貴州古州鎮總兵烏大經為廣西提督調浙江温州鎮總兵孟兆熊

為古州鎮總兵以原任直隸泰寧總兵黃大謨為溫州鎮總兵○旌表守正捐軀河南息縣民劉甲妻湯氏○己丑

上御勤政殿聽政○工部奏據浙江巡撫福崧將錢塘縣拆築安溪陡門用過工料銀造冊咨部查此項工程如果關係民舍田禾應有修築舊案今該撫咨惟稱石柱上有順治年間字跡原案無從查覆是不過舊有之工無關緊要應請嗣後各省工程除有案可稽者

按例咨報如無舊案令該督撫確查必應修建情形專摺奏明方准辦理從之○庚寅諭昨據拉旺多爾濟奏喀爾喀土謝圖汗等私給乘騎烏拉照票一案經理藩院議覆行令奎林明善勒保查辦去後據明善奏稱查得附近科布多扎薩克圖汗部落有照票九張勒保奏稱查得土謝圖汗部落車臣汗部落哲布尊丹巴呼圖克圖之徒弟等俱各有黃緞照票一百餘張此皆係車登多爾濟倡

率所致等語此三部落及哲布尊丹巴呼圖克圖之徒弟所有乘騎烏拉照票俱經查出其賽因諾顏部落亦必有之除俟奎林接到明善勒保咨文一併查辦具奏外此事皆因車登多爾濟倡首是以降旨革其庫掄辦事之任其缺派拉旺多爾濟率領蘊端多爾濟辦事惟此事並非自車登多爾濟始開其端皆由伊等祖父不知內地法度任蒙古性情妄行耳今若按律治罪既非伊等所能承當

而從前妄行之汗王扎薩克等俱已物故今將其子孫治罪朕亦不忍但車登多爾濟雖係蒙古糊塗然受朕恩為一部落之汗又為庫掄總統辦事之人實負朕恩車登多爾濟著退出御前再閱勒保所奏惟貝子遜都布多爾濟台吉格齋多爾濟未領乘騎烏拉照票伊等尚知守法甚屬可嘉遜都布多爾濟格齋多爾濟著交理藩院議敘此事朕雖施恩不復深究嗣後喀爾喀四部落汗王扎薩

克騎烏拉馬之事不可不擬定章程如哲布尊丹巴呼圖克圖若在伊庫掄境內給其屬下徒弟等黃色烏拉照票以其喇嘛尚屬可行。呼圖克圖若給別汗王扎薩克亦不可也。四部落汗王扎薩克等如用黃色即大千例禁。況汗王扎薩克等騎烏拉馬亦祇應用白紙照票給各本旗屬下人而已。別旗既非其屬豈得任意給發即以內地差遣家奴之事而論止可遣使本身之奴任意差遣他人之

奴可乎。著交理藩院將喀爾喀四部落汗王扎薩克等應如何於該屬下拏烏拉騎載違例者若何各按品級治罪之處擬定章程具奏。定例後所有喀爾喀蒙古奴僕各憐屬下不致濫行苦累更無妄干例禁之事。萬萬年永受朕恩矣。除已傳諭拉旺多爾濟蘊端多爾濟外將此旨通行曉諭四部落以示朕撫恤喀爾喀蒙古奴僕之意。○又諭據理藩院議奏錫林郭勒盟長所屬十旗牧放大凌河

孳生馬匹內三年生息二成者該扎薩克給予紀錄協理台吉賞予牲畜等語此項牧放馬匹內生息多者議敘倒斃多者議處固屬允當。但哲哩木昭烏達錫林郭勒伊克昭四盟所有原交牧放之軍需用剩馬匹雖動公項售買俱係騎馬非大凌河孳生馬匹可比。此項馬匹皆乾隆十九年二十年陸續交給牧放每有倒斃皆令墊補足數。歷年已久若仍照原數如特穆爾馬匹一例牧放則四盟

扎薩克等屢經填補力有不及於伊等生計不無拮据亦非朕撫恤蒙古臣僕之意。昨據步軍統領衙門奏准本年隨朕往盛京途次換馬將此項馬調用所換下馬匹即令帶回以補原數。查京城五營馬兵所需二千六百九十八匹於此項馬匹內調用著理藩院交各盟長盛京途次應換馬著各回至游牧照該衙門行取數目選肥壯者妥為護送前來外其餘哲哩木盟馬一千匹昭烏達盟馬五

百匹。錫林郭勒盟馬四百零二匹。伊克昭盟馬四百零四匹。俱施恩停其官牧。即各賞給伊等。再烏里雅蘇台所屬喀爾喀等牧。放此等軍需用剩馬匹。現查尚有二千八百零一匹。亦著加恩各賞給伊等。此項馬匹。每年有倒斃傷壞者。俱派衆扎薩克墊補。著交奎林將喀爾喀扎薩克等。每年出派充補原數馬匹。照冊查覈。視其數之多寡。酌量分賞。給予以示撫恤。○又諭曰。前因扎拉豐阿告假。曾

實錄卷一百一十七

十一

降旨著拉旺多爾濟署理鑲黃旗領侍衛內大臣事務。拉旺多爾濟現在出差。著莊親王永瑞暫署。○又諭據惠齡等奏。塔爾巴哈台實在庫貯房間地基各項租銀一萬二千七百四兩八錢四分一釐等語。此項租銀著以一萬兩作為正項。其餘二千七百兩有零。著備該處零星公用。○戶部議奏各省試用人員。例給公費銀兩。查捐納之員。既能援例資斧。自屬有餘。再四庫全書館膳錄一邀議。欽

即予分發。原視各項較優。俱應不准支給公費。又捐納人員由京赴省。例不准在部豫借養廉。膳錄亦應一體辦理。從之。○辛卯

上還宮。○是月閩浙總督富勒渾奏。閩省各標營歲需硝觔。向於山東辦運。嗣因多有耗缺。經前督臣楊景素奏准。自四十四年始。每年附買一萬一千觔。分十五年買足。現查確數除滿營足額外。臣標及撫標福州城守水師各營。缺短自三千三百至五千七百餘觔。不

實錄卷一百一十八

十二

等臺灣各營。缺至九萬二千餘觔。詢係赴東採辦。過壩過山。漏滴消耗。及到省湜瀘足色所致。今酌議再於河南及湖北之來鳳咸豐二縣。採辦十萬觔。分二三年購補。得旨覽。○又奏查閱水師演陣。並泅水扒桅。及水中對械等技。批。此皆虛飾。用之緬甸。毫無實濟。而且懼而泅水。汝未聞乎。○巡視濟寧漕務內閣學士毓奇奏。謝補授漕運總督恩得旨。鄂寶一端正無能之人。諸務不無廢弛。汝宜整

頓然亦不必欲速過於更張也。○雲南巡撫劉秉恬奏雲南省城之六河昆明一帶田畝藉以灌溉。歷來歲修但培隄埂未濬河身日漸壅塞。臣於去冬履勘金汁銀汁寶象海源馬料等五河。委員修理。惟盤龍江為六河巨津。宜及春時修濬。現飭挑挖深通并培隄。砌閘築壩分段定限報竣。得旨嘉獎。

實錄卷一百五

九

大清高宗法天隆運至誠先覺體元立極敷文奮武孝慈神聖純皇帝實錄卷之一千一百七十五

大清高宗法天隆運至誠先覺體元立極敷文奮武孝慈神聖純皇帝實錄卷之一千一百七十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加二級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書鑲黃旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十八年癸卯三月壬辰朔諭軍機大

臣等據何裕城奏河湖水勢情形及南漕首幫入境日期摺內既稱應辦緯道查催督辦計日內均可全竣無誤運行又稱刻下韓莊閘座尚在漫水中漕船北行難由閘門前進等語韓莊一帶隄岸既經洶出添修黏補普律完工足資通緯何以又須鳩工集料於湖廣採辦木植趕運興修未免張皇糜費且所稱閘座尚在漫水淹浸漕船北行難由閘門前進與前無誤運行之語不符著傳諭何裕

城據實覆奏。勿稍迴護。再摺內稱。東坡入口之處。水勢已淺。恐重運經行。致多阻攔。應改從正河北上等語。是獨山湖之水。已日就減落。而微山湖水勢。尚未大消。是否尚可將微山湖之水。設法宣洩。俾得暢消之處。並著何裕城。一面勘估興工妥辦。一面奏聞。以利重運。以上情形。著該總河等。酌量辦理。總之大工告成在即。則河湖水勢。自歸故道。原不在斤斤補救為也。將此由五百里諭何裕城。並

諭阿桂等知之。尋奏。韓莊一帶障道。祇係於水面浮修。至隄岸開壩。大石排椿等工。現未興修。應須豫辦料物。又韓莊以北。即係郁山正河。近連微山湖之處。開背現尚漫水。是以前議改從正河行走。微山湖由伊家河出水。甚屬通暢。江境尾閘去路。足資宣洩。無庸另籌報聞。江蘇巡撫閔鶚元奏。桃源宿遷等屬。被水淹漫之區。現在涸出。業經種麥十之四五。餘俟趕種秋禾。至銅沛豐邳四州縣。受

水最重。間有涸出。將來開放新河。即日就乾。涸臣與督臣籌酌。飭將各邑災圖。現在已涸已種若干。未涸未種若干。詳查開造。並隨時體察。將陸續涸出地。半月一報。酌給籽種。以資耕作。得旨。覽奏俱悉。○癸巳祭

先蠶之神。遣妃行禮。○諭軍機大臣等。戶部奏。原任福建大田縣桃源店已故巡檢應挺之孫應星華。呈請交完伊祖所欠官項一摺。細閱呈內。從前已故巡檢應挺。所欠採買腳

費銀兩。業經該撫行查原籍。無力完繳。題請豁免。今事隔二十餘年。該故員之孫應星華。復稱近年貿易獲利。情願如數交清。殊為不近情理。自係欲藉此舉。希冀邀恩錄敘。且應星華之兄應斗文。業於乾隆四十一年。捐納道員。彼時伊兄何以不及早呈繳。或竟係從前題豁時。另有隱寄別情。現在慮人告發。均未可定。著傳諭富勒渾。福崧。即行確訪。該故員應挺在籍。是否前貧後富。並查明從前具

結題請豁免時有無別項賄屬情弊一併詳細據實覆奏。戶部原奏並著鈔寄閱看。○甲午祭。

歷代帝王廟。

上親詣行禮。○辛圓明園。○乙未清明節遣官祭。

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。○遣官祭。

孝賢皇后陵。

端慧皇太子園寢。○諭軍機大臣等據瑞齡奏。拏獲匿名要犯。究出謀死親夫。審辦一摺。

此等匿名誣告重情。最為可惡。莫世銓一犯。因姦謀命之案。思欲挾嫌傾陷。歐英楊等轉究出。從前于陳氏與潘勝和通姦。謀死親夫。于廣秀及陳繪華得賄隱匿。各確情。俾積年未破舊案。盡行敗露。所辦甚屬認真。此案情節。係何人審辦究出。摺內稱梧州府知府陸有仁稟報。是否即係該府查出。稟辦著傳諭該撫。即行查明覆奏。一面提集案內人犯。將匿名誣告。及因姦謀殺親夫原案。一併秉公

嚴審定擬具奏。○又諭。據伊勒圖奏。遣犯宗守孝。王成。唐張氏。於上年在配所先後脫逃。請勅交內地嚴拏等語。宗守孝。王成。唐張氏等。原籍甘肅。係改發伊犁為奴。遣犯乃不思安分。輒敢乘間脫逃。情殊可惡。計其逃逸後。自必潛回本籍。著傳諭李侍堯。飭屬迅速嚴拏。務獲。毋任免脫。遠颺。○又諭。著傳諭詢問奎林。拉旺多爾濟。參奏土謝圖汗車登多爾濟等。任意給放烏拉照票一案。業據明善勒

保查奏矣。奎林即欲俟明善勒保查明咨覆時彙奏。而附近烏里雅蘇台之賽音諾顏部落。所有私給照票。亦應速行查辦。何以遲延至今。竟不具奏。奎林著傳旨申飭。但此一案。朕閱勒保查奏摺內。從前汗王扎薩克亦曾。有此事。但俱已物故。若將伊等子嗣治罪。朕心不忍。是以加恩。姑不深究。其從前經手之土謝圖汗車登多。兩濟業經明降諭旨退出御前。交理藩院嚴加議處矣。奎林勿以有旨。

申飭。遂將此案嚴苛辦理。著將勒保查奏原摺鈔寄閱看。奎林接到時。即詳閱前降恩旨。並勒保原摺。遵照速行辦理。○青海辦事大臣留保住奏。黃河以內扎薩克等游牧。自東南至沿邊迤北。那蘭薩蘭地方。與郭密等部落番子接壤。去年因黃河結冰處較多。將黃河以內二十五扎薩克游牧。防範官兵二千名。令專管之王索諾木多爾濟等督率設卡防守。茲據索諾木多爾濟等至西寧呈稱。上

年設卡以來。並無竊發之盜。於我等甚為有益。因公議於喀巴克等五卡。每卡安兵五十名。自本年二月起。四月一次輪換。至十月間凍結時。再於此五卡。各添兵五十名。協同防守。二月冰開。撤回五十名。以五十名駐防。伏思青海蒙古安居無事。漸至玩愒。歷奉訓諭。頗知愧勉。今以兵二千名守卡。應如所請。得旨。好。知道了。不可徒有其名。以塞責。尚其盡力稽查。○丙申諭。朕於五月二十四日啟鑾。

至熱河駐蹕。避暑山莊七月十一日。即由熱河至盛京興京。恭謁。

祖陵。所有應行典禮。著各該衙門照例敬謹豫備。○兵部等部議准。山東巡撫明興奏。定各營募補實兵事宜。○新添馬兵五百二十九名。步兵一千五十二名。所需軍裝器械。應查各營庫貯撥給。不敷。照數製辦。其馬匹應行買給。但新兵非立等差操。應緩買一年。扣出應支草乾等銀。作為馬價。○汛防各兵。前經

每汛添足七十名。查鄭城紅花鋪汛距本城較近。應於新添兵內撥給沙溝營汛二十名。仍裁除十二名。抵水師營舵工貼糧之數。每兵五十名。應添額外外委一員。鈐束計添撫標十員。兗州鎮五員。壽張營二員。曹州營二員。即於現添馬兵內挑補。仍食馬糧。無庸添餉。守備等官酌籌更調。應將界河汛守備一員調兗州鎮右營中軍。其原設中軍千總調界河汛分防定陶汛千總一員。調曹州

營分防荷澤汛。其存營分防荷澤經制外委調定陶。滕嶧二汛除舊有墩臺仍應添設。自界河汛南至滕縣於十里鋪添一座。滕縣南至沙溝於南沙河岡嶺小莊河各添一座。沙溝南至韓莊於多義溝添一座。至桃溝於金馬駒馬蘭龍各添一座。由各該營派兵防守從之。○丁酉諭軍機大臣等據富綱等奏省城寶雲局請仍歸臬司兼管一摺。自當照所請行。准令臬司管理以專責成。至摺內稱

乾隆四十五年春間經前任督撫臣以臬司職任刑名兼管驛站且恐家人書役夾帶營私奏准將寶雲局改歸雲南府知府辦理等語該省錢局鼓鑄雖係前任督臣李侍堯等奏准改歸雲南府知府辦理但是年查辦該省私鑄錢文係福康安劉秉恬任內之事何以覆奏摺內並未將改歸知府管理未便之處詳悉聲敘而此次摺內又未聲明從前籌議疎漏並現在不敢迴護前奏稍為因循若

傳諭劉秉恬令其據實覆奏又摺內稱銅鉛到遲不及應卯及加緊嚴催趕辦時形掣肘若不及早更正將來必致誤卯墮鑄等語該省銅觔經福康安在雲貴總督任內極力整頓催趕辦理頗有成效現在各局鼓鑄源源接濟不致如前辦理周章今富綱等欲酌改管理錢局人員自是可行之事但輒稱催趕掣肘恐致誤卯墮鑄明係為運銅之員豫存開脫地步將來又致誤運此斷斷不可如日

後有銅觔墮運等事。則惟富綱。劉秉恬是問。著將此由四百里傳諭知之。○又諭曰。蔡新自上年五月乞假回籍。迄今將近一年。此時自應起程來京供職。近日身體精神若何。殊為廬念。如此時尚未能起程。不妨具摺陳奏。以慰眷注。朕近作君子小人論。雲上于天。解濮議辨錄。寄閱看。其中議論理解。是否與聖賢經傳脗合。至近日朝臣中。詞章優贍者。雖不乏人。惟蔡新究心根柢。猶能守其家學。朕

素所深悉。蔡新接奉此旨。如有所見。即行詳晰覆奏。並著賜乳餅一匣。隨旨發往。○理藩院議奏。土謝圖汗車登多爾濟。擅發烏拉馬票。應革去汗爵盟長。以示懲儆。貝子遜都布多爾濟。台吉格齋多爾濟。未領馬票。應給予紀錄二次。並酌定章程。嗣後庫倫哲布尊丹巴呼圖克圖。所屬沙畢納爾。准於本境內給予馬票。出境不准發給。至四部落汗王扎薩克及台吉官兵。因公出境。本旗烏拉馬不敷

騎用。准於經過旗分量用。其因私事者。止應騎用自己馬匹。若出境遠行。各視本旗屬下人等力量。公攤烏拉馬應用。其屬下勤勞得力人等。概不准給白紙馬票。定例後如有違者。汗王貝勒貝子公扎薩克台吉等管旗者。罰俸三年。不管旗者。罰出牲隻。仍令各盟長稽查。歲終報臣衙門彙奏。倘隱。一併議處。仍令烏里雅蘇台將軍。科布多參贊大臣。駐庫倫大臣等。每歲稽查一次。具報得旨。所定乘

騎烏拉條款。給與貝子遜都布多爾濟等紀錄二次。俱依議。車登多爾濟之罪。雖重。然給烏拉照票之事。究係伊祖父時所起。今將伊革去汗爵。朕心不忍。著理藩院再從減定議具奏。○兵部等部議覆。大學士前署直隸總督英廉奏。定熱河移駐官兵事宜。一河屯協右營守備。把總署各一座。外委二員。營房各二間。應由土城子原設移建。兵三百名。應建兵房六百間。每名給二間。駐守。○新添馬步

兵二百六十名內。設步弓手二十。字識九牌。兵二十。鎗兵一百一十。守兵四十名內。設步弓手四牌。兵六。鎗兵三十。軍裝器械等項。除該協現存盈餘項下撥給外。照口外駐劄兵丁例。在部請領其馬匹。於司庫朋扣銀內撥給買補。月餉米折及公費賞需等銀。照兵馬奏銷數目支給。該協左營原設火藥局教場。再加右營新添兵。不敷操演。應另設火藥局二間。教場一座。軍器庫房三間。並於

營房附近。建馬棚二十間。均應如所請從之。○以陝西按察使秦承恩為四川布政使。○旌表守正捐軀山西定襄縣民薄芬。妻閭氏。○戊戌諭軍機大臣等。據永德奏。海塘章家菴以西之老土塘。形勢兜灣。潮水頂衝。最為險要。從前於迤南斜注一帶。建築埽牛柴工四百九十餘丈。因在沙上興工。土性鬆浮。不能堅實。且坎下水深丈餘。日修日損。終不能保其穩固。莫若於貼近之老土塘外酌量

添築柴工。以為護衛。即將來日久小有坍塌。亦易為黏補。不致如此時所做埽工費用較大等語。此項所做埽牛柴工。正值潮水頂衝。且在沙上建築。其性自然浮鬆。不能得力。著傳諭富勒渾。福崧。是否如此情形。即速查明。應如何辦理之處。據實覆奏。至永德所稱於貼近之老土塘外酌量添築柴工。較為省費。並著該督等通盤熟籌。悉心酌議具奏。若此項工程必須速辦。即勘估奏聞辦理。若非緊

要之工。即於明歲南巡時候。朕親臨指示。再行定奪。亦無不可。將此由四百里諭令知之。永德原摺并圖。俱著鈔寄閱看。○又諭。據舒常奏。湖南平糶穀價贏餘銀兩。經前撫臣顏希深奏請撥借銀四萬兩。交長沙府屬典商生息。又經前撫臣劉墉奏。將此項銀兩仍應提回為採買之用。另將社穀息銀撥出四萬兩。交商取息。但前項銀兩尚未提回。若又將社穀息銀交商。各商均有不欲承領之意。而

經手各員亦虞多發以致日後虧折請將現存司庫社息銀兩停發典商等語各省存公款項交典商生息名色本不應有但聞商人等尚俱樂部於承借官項以其輕於民間之分利息也今湖南省典商何以有不欲承領之意而經手各員又虞多發以致虧折是否實係商力疲乏不願領銀抑係經手之員意存那借是以詳請停發耶該督所奏尚未明晰著傳諭舒常等查覈實在情形逐一詳晰

覆奏所有交軍機大臣等詢問劉墉覆奏情節並鈔寄閱看尋奏查係商力單薄不能兩項並運恐致停擱是以請免給發又查社穀息銀現存司庫無經手那移情弊得旨覽（調直隸按察使王昶為陝西按察使以直隸清河道伊桑阿為直隸按察使（已亥祭先農之神遣莊親王永瑞行禮（諭今年鄉試屆期所有應行開列試差之進士出身人員著於三月初十日在正大光明殿考試仍

著吏部照例按各衙門次序於十二日帶領引見（諭軍機大臣等據薩載奏南河北岸臨黃各水口一律堵閉完固情形一摺昨阿桂等奏報於三月初一日開放引河黃河已歸故道流行暢達約計初三日黃河即可入江南碭山縣境等語薩載此摺於初二日拜發是以尚未得信現在按計程途黃水早已入境暢順歸海情形若何朕心甚為廕念著傳諭薩載即行迅速馳奏至薩載所奏將臨

黃各水口一律堵閉完整固為抵禦黃流起見但微山湖之水藉此數處宣洩茲於二十九日即豫行堵閉似覺畧早有無防礙之處著薩載將實在情形詳晰具奏再阿桂等前奏口門存寬二十餘丈視水勢之緩急以定進占之遲速務令步步穩實歸於必成等語數日以來新河溜勢如何兩壩又進占若干丈尺口門尚存寬若干何時可以全行堵合穩固之處著傳諭阿桂等迅速覆奏以慰懸

注將此由六百里傳諭知之○庚子諭曰刑部議覆陝西省殺死一家六命兇犯趙成長子趙友諒次子趙進財俱照擬斬決原以此等兇惡之徒已絕人之嗣自不應復使其尚留餘孽固屬準情酌理罪所應得但詳覈此案情節趙友諒因伊父欺姦伊妻即行攜眷遷避及伊父犯案後復代為認罪若按例寘之重辟情又可憫然趙成殺死一家六命絕其後嗣殘忍已極若今因趙友諒情節可矜

即行寬釋是趙成淫惡兇犯轉得有後於情理未為允協朕酌之情理著將趙友諒從寬免其死但改為官刑俟百日平復後再發遣烏魯木齊以示法外施仁之至意至趙成次子趙進財及幫同行兇之孫四俱著即處斬○旌表守正捐軀福建晉江縣民鍾宋女鍾氏○辛丑諭今年京察屆期吏部開列在京各部院三品以上大臣暨各省督撫等奏請甄別一本向來大學士例不開列第念大學

士阿桂等或襄贊綸扉或兼統部務均能懋著勤勞敬公稱職宜加優敘以昭恩眷阿桂三寶英廉嵇璜俱著交部議敘協辦大學士尚書永貴尚書和坤梁國治福隆安喀寧阿胡季堂綽克托劉墉侍郎金簡董誥福長安曹文埴均勤慎稱職宜加優獎著交部議敘其禮部侍郎錢載兵部侍郎錢士雲大理寺卿德爾泰太僕寺卿佛祿年力就衰難以供職均予原品休致餘著照舊供職○又諭今

年京察屆期吏部將各省督撫開列名單進呈請旨甄別總督袁守侗薩載李侍堯福康安巡撫農起畢沅均宣力封疆克稱厥職著交部議敘廣西巡撫朱椿雖年逾七旬難勝封疆之任但精力尚健著來京補授兵部侍郎餘著照舊供職○山東巡撫明興奏上年截存江西漕米撥給聊城縣存貯除賑濟外尚存六萬一千餘石應於今春分撥曹郡災屬但黃水阻隔繞途陸運不免糜費查濟寧

金鄉魚臺各州縣被災較重應請將此項米撥給以資糶借其充屬鄒滕嶧三縣一水可通當由濟寧轉撥至曹郡各屬已撥餘剩米可以出借不敷再於附近籌撥倉穀得旨覽○以山西布政使劉我為廣西巡撫○旌表逼嫁捐軀福建某縣民吳茂旋妻葉氏○壬寅

孝賢皇后忌辰

上命

皇十五子續琰祭

陵寢○諭刑部覈議徐剛毆傷張文耀身死一案率照雲南巡撫劉秉恬定擬將項兇之唐二照本犯絞罪全科其正兇之弟徐三係踏傷田內豆苗起釁之犯恐到官連累許給銀兩央求唐二項兇該部亦照說合人減等擬以杖流所辦殊欠平允蓋從中說合係指案內本無關涉徒與犯人通信說合之人而言若徐三一犯本係正兇胞弟且事因伊起又

係伊覲面賄屬舞弊其間並無另有輾轉為之說合之人何得比照說合人減等之例僅擬杖流刑部率行照覆誤矣著將徐三一犯暫行擬絞監候俟拏獲徐剛到案審明正兇及起意央求項兇情節另行定擬具奏至唐二貪賄項兇罪由自取刑部於項兇之犯向皆入情實無所分別亦屬疎漏因思項兇者其本案亦有輕重如謀逆強盜謀故鬪毆本屬不同其應如何分別條款著另行詳議尋議謀逆強盜罪干凌遲斬梟決不待時者應照本犯一例全科即謀故等案應擬監候者情罪重大若行賄項兇即應改為立決其受賄代罪者秋審時亦當仍照舊例入於情實至鬪毆等項案內如原犯理曲情兇應入情實照例改為立決其項兇之人或本係在場幫毆以刃傷人並助毆傷多傷重又或賄至計賊滿貫者俱應仍入情實惟原犯本應緩決照例改情實者僅止事後貪賄項認並無

別項情事。賊數無多。正兇亦未漏網。此等情節稍輕。俱酌擬緩決。從之。○又諭曰。慶麟派出藏差。著照例賞銀二百兩治裝。○以湖北按察使汪新為山西布政使。○緩徵安徽壽州。鳳臺懷遠。鳳陽靈璧。泗州。盱眙。五河。潁上。霍邱。天長等十一州縣。鳳陽。長淮。泗州等三衛。乾隆四十七年分。水旱災漕項銀米。○癸卯。以江南鹽道馮廷丞為湖北按察使。○甲辰。諭軍機大臣等。據舒常覆奏黃仕簡之子黃秉淳。氣體薄弱。步箭騎射。未為出色。是以從前保列二等。又稱。總兵大員。有整飭將弁之責。不僅以本身技藝為長。若以黃秉淳辦事才具。將來尚可勝總兵之任等語。所奏兩歧。不無觀望之意。殊屬非是。黃秉淳係黃仕簡之子。朕因黃仕簡辦理臺灣匪犯頗能出力。伊子弟果堪造就。尚可酌量加恩擢用。但未知其才具辦事若何。是以降旨詢問舒常。令其據實具奏。至黃仕簡業已交部議敘。如

果伊子黃秉淳氣體薄弱。弓馬平常。即副將亦有整飭營伍之責。亦不宜因循瞻徇。若其平日果能操練兵丁。整頓營伍。辦事才具實堪堪膺專閫之寄。即當逐一據實陳奏。方不失公正大臣之體。舒常係原任大學士舒赫德之子。疊次加恩。用為總督。即巡撫提督大員。賢否是非。尚應秉公持正。據實入告。無少瞻徇。庶不負朕委任。乃覆奏黃秉淳之摺。若此。殊非朕降旨垂詢之意。舒常著傳旨申飭。仍著傳諭舒常。究竟黃秉淳平日辦理營務才幹若何。是否能勝總兵之任。並現任沅州協副將。是否不形竭蹶。令其另行詳悉覆奏。毋得再為模稜兩可之見。○戶部議覆。山西巡撫農起疏。稱查明和碩莊親王。惠郡王。公綽克圖。閒散宗室寧和等四家。塔拉庫布爾地方牧廠。已墾成熟地。應於四十七年入額。未開地。仍陸續招墾。至該處與蒙古游牧毗連。請照太僕寺牧廠。挖濠堆石為界。并每村

設立鄉保編查保甲其承種民人應給執照或不願承種者稟明另行推認應如所題其已墾地即飭各家分收未開地俟升科後再行分給從之○兵部等部議覆湖廣總督舒常奏定兩湖添兵事宜○湖北添兵馬步二項已有六成且儘數派撥省會及襄陽宜昌各鎮餘施南黃州荊州安陸等協營原因兵單添額應概撥守兵湖南現添馬步兵已居十分之八均應照馬步兵原額勻撥○原奏

馬兵於戰兵內挑取戰兵於守兵內挑取以餘丁充補守糧惟督標原未設有守兵應仍照舊例考補○應需騎操馬匹請將司庫養廉名糧項下扣存馬價動買並緩買一年扣存草乾銀製辦軍裝器械○新添戰守兵內應以十分之五習鳥鎗十分之三習弓箭餘二分習牌刀礮手所需火藥鉛子即於舊額按數加增請領○應添額外外委湖北省督標四員撫標二員襄陽鎮四員宜昌鎮中營

二員左營一員湖南省撫標二員提標四員鎮草永州鎮標中營各一員均於本標營馬兵內考拔仍支馬糧毋庸增費○餉銀應以退出養廉名糧原額支發月米有派支本色有撥給折色均移會糧道籌撥○挑選新兵先儘本兵子弟親戚及土著民人挑補各兵多有依倚毋庸多設兵房仍俟挑竣報部覈辦從之○旌表守正捐軀陝西膚施縣民孫三保妻張氏○乙巳諭據富勒渾奏福建泉

州府海洋盜犯黃旦王由劉愛三犯解審發回收禁該犯等擰斷鐐鑕毆傷禁卒實屬橫肆無忌當於審明後先行正法梟示一摺所辦是已批交該部知道矣此等海洋行劫盜犯素性兇悍自知罪在不赦逞兇肆橫非一二禁卒及押解兵役所能制自應於解審具題之時即在省城按察司監牢固收禁庶免疎虞何得又發回原監致令重復滋事防範殊欠周密嗣後各省除尋常謀故殺情實人

犯率庸懦之人仍照向例辦理外其逆匪劫盜案情重大立決之要犯該督撫於審明題奏後即飭交按察司監嚴行收禁俟奉旨後即於省城正法其應行梟示者於正法後傳首犯事地方示衆著為令○諭軍機大臣等據富勒渾奏洋盜黃旦等在獄逞兇審明正法一摺所辦是已批該部知道矣據奏黃旦王由劉愛等各犯於四十六年十一月在惠安長樂等縣洋面行劫該縣先後拏獲分別定擬經撫臣雅德審勘於本年二月十二日發回收禁等語黃旦等各犯於四十六年十一月行劫破案拏獲審明定擬後自應即行辦理何以直至本年二月始經巡撫審勘具題仍發回該縣收禁稽延輾轉事隔一年有餘聲敘殊未明晰著傳諭富勒渾雅德查明此案盜犯在何處羈禁並因何遲延之處據實覆奏至此等海洋巨盜審明定擬即應在省城監禁正法後傳首犯事地方梟示若仍

實錄卷一百六

七

發回本縣收禁該犯等自知罪在不赦保無別有疎虞所辦尚欠周密除明降諭旨外並將此傳諭富勒渾等知之○丙午諭曰永信病故深為軫惜著加恩賞銀一百兩治喪○以正黃旗護軍叅領西德布為鑲黃旗護軍統領○旌表守正被戕陝西安定縣民龐世書妻魯氏

實錄卷一百六

七

大清高宗法天隆運至誠先覺體元立極敷文奮武孝慈神聖純皇帝實錄卷之一千一百七十六

大清高宗法天隆運至誠先覺體元立極數文奮武孝慈神聖純皇帝實錄卷之一千一百七十七

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄次臣慶桂

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十八年癸卯三月丁未諭七月間前

往盛京恭送

玉冊

玉寶著派怡親王永琅○理藩院遵旨將車登多爾濟從減議罪具奏得旨此案雖車登多爾濟不能無咎究係起自伊祖父時若照議撤去花翎黃褂永遠停俸朕心不忍著加恩仍留其花翎黃褂祇著罰俸五年○安徽巡撫富躬奏安省上年被災各屬瞬屆青黃不接應豫籌減糶請將米價每石一兩四錢以

上減一錢至七錢以上減一錢五分至二兩以外減二錢麥豆照市價減一錢雜糧減五分至成熟州縣照存七糶三之數一兩五錢以上者均減五分報聞○以內閣學士金士松為禮部左侍郎轉兵部右侍郎紀昀為左侍郎以廣西巡撫朱椿為兵部右侍郎戊申欽差大學士公阿桂江南河道總督李奉翰署河東河道總督何裕城河南巡撫李世傑奏初一日開放新河後臣等連日督同將

弁逐步進做至金門斷流復督令厚土加壓將上水邊埽趕做湊合緣此次新河建瓴下注大溜先已全掣是以口門收至四大一經堵合壩前漸次澄淤現據南河稟報水頭已到清黃交匯處所伏思豫省曲家樓漫口臣何裕城李奉翰督辦以來幾於束手

皇上廣申虔顧訓示周詳令於迤南一帶設法利導開工之初正值農忙復予展限令得從容如式並以桃汛和平復命通盤籌畫妥議

放河事宜。俾黃水刷河。益資得力。現在遵照辦理。一舉成功。謹將情形恭摺馳奏。得旨。欣慰覽之。又奏。查蘭陽北岸距新河頭十餘里。有惠安觀。係雍正六年堵塞漫口。有神像順流而下。工遂底績。因

勅建此廟。崇奉

關帝暨

諸神。今新河慶成應請興修。并頒扁額懸掛。春秋致祭。諭據大學士公阿桂等奏報。自本

月初一日開放新河後。奔騰掣溜。全黃已復故道。直達歸海。十三日辰刻。掛纜堵合。十四日辰刻。金門一帶。俱已斷流。從此黃流順軌。永慶安瀾等語。此曲家樓漫口。為民生運道攸關。特命大學士公阿桂。前往經理籌辦。幾閱兩載。因諭阿桂等於迤南一帶。另籌去路。經阿桂等公同酌議。於蘭陽十二堡。至商邱七堡。共一百七十餘里。另築新隄。疏挑引渠。阿桂等原議。本定霜降以前完工。開放而隄

渠並舉。需用人夫較多。該地方督撫等。屢請鄰省助夫。朕洞鑒情形。以鄰省助夫。非便。屢經降旨訓諭。并令展限。緩至春間。桃汛開放。引河俾豫省夫役。可以從容挑築。停止他省撥派之煩。阿桂等遵照辦理。定期開放。大溜全掣。壩工堵合穩固。此皆仰邀

天佑

神助。幸得歲工。朕欣感之餘。益深虔敬。在事諸臣。辦理得宜。均屬可嘉。阿桂、李奉翰、何裕

城、李世傑。著交部議敘。並著加賞。阿桂等荷包等物。以示優獎。所有在工文武各員。俱屬奮勉出力。並著阿桂等查明分別等第。咨部一併議敘。至此次要工。合龍全賴

河神默佑。自宜益伸崇奉。仰答

神庥。即照阿桂等所請。將惠安觀鳩工重修。以肅觀瞻。而昭妥侑。候朕親書扁額。詩句發往懸掛。用酬靈貺。將此通諭知之。又諭。上年山東充曹二府暨濟寧所屬。又江蘇淮安

徐沛等處俱因漫水經行田禾淹浸屢經降旨展賑並令將被災最重之各州縣衛常予賑恤俟漫口合龍後再行停止現在豫省河工已經奏報合龍雖下游地畝漸次涸出可以耕種但當此青黃不接之時地畝甫經涸出恐地方官拘泥前旨即行停賑窮民覓食維艱朕心深為廕念著加恩再行展賑至六月停止以副朕軫念窮簷有加無已之至意該部即遵諭行○又諭曰詹事府詹事興桂

年力已衰著以原品休致○諭軍機大臣等據阿桂等奏十三日合龍大溜全入新河壩工堵合穩固一摺已降諭旨交部議敘矣阿桂此時自必將善後事宜次第籌辦妥協方始起程前赴東省朕思善後事宜內惟撥給民地一事最關緊要北岸河身既經涸出其空地可以墾種者必多以彼易此總須以南岸占用民地頃畝數目將北岸地畝官為大

量照數撥給多寡一如原數若一任小民自行占踞則豪强者得以多占膏腴而懦弱無力貧民竟至缺少且不肖官吏胥役得以藉此侵漁滋弊殊非安集災黎清釐地畝之道此事著責成阿桂李世傑迅速辦理早為換給俾小民得以乘時趕種夏禾方為妥善至此項地畝除照數換給閭閻之外如尚有多餘不妨召募佃種收取租糧以備河工公用再要工既經堵合則下游漫水來源已斷而運河兩岸緯道自必漸次涸出著傳諭明興即督率該道等趕緊一律興修以便漕艘銜尾遄行至金鄉魚臺被淹地畝此時業經涸出恐被水災黎無力耕種並著明興查勘確數照例酌借籽種俾得及時播種咸慶西成以副朕軫念災黎有加無已之至意將此由六百里各傳諭知之○又諭曰江南徐州府屬之沛縣連年因豫省黃水下注被淹最重節經降旨撫綏並著加恩常予賑恤今豫省漫口合龍黃河已復故道從此可以永慶安

濶。但沛縣當豫省下游。地勢低窪。現在僅能
涸出基地。亦必重新修建。因思欲使閭閻永
遠安堵。不得不酌籌遷移。為一勞永逸之計。
自應照豫省儀封考城辦法。於沛縣境內各
鄉。履勘高燥地方。建立城垣。俾百姓易地安
居。永無水患。該處民人。屢經蕩析。自必樂從。
著傳諭薩載。相度地勢情形。如有高阜可遷
處所。即親往履勘。妥為經理。並一面奏聞。一
面即鳩工庀材。作速興修。務於歲內辦理完

竣。以備明春省方臨幸。方為妥善。倘該處實
無高阜可遷之處。亦即據實奏明。不必拘泥
此旨。將此由六百里加緊傳諭薩載。仍著迅
速覆奏。尋奏。查沛縣西南三十里。有戚山地
勢較高。可移建新城。其北面太行隄。連年衝
缺。應修復。南面縷水隄一道。東首疊路三十
里。均須加培。又該縣所轄之夏鎮居民所轄
舊有磚城。並應估修得旨。好。如所議行。又
諭據阿桂等奏。汝州直隸州知州武先慎。催

趙工段。辦理妥速。請送部引見。試用通判李
如槐。經理錢糧。毫無苟且。可否遇有通判缺
出。補用等語。武先慎。李如槐。承辦要工。均能
實心出力。該二員俱著送部引見。以示鼓勵。
軍機大臣奏。遵旨查各部院。及各省填入
大計人員。摺內不應遽稱。叅劾字樣。謹擬改
入於計典六法清漢字樣。請交吏兵二部轉
行各該處。及各省將軍督撫。一體遵照。報聞。
旌表守正捐軀河南許州民黃甲妻梁氏。

（已酉）

上詣

安佑宮行禮。諭曰。吏部議處叅革知州陳天
桂。原保各上司一本。將調任廣西巡撫姚成
烈。議以革任。陞任廣西按察使富躬。蒼梧道
周廷俊。均議以降調。而聲明其同省與不同
省。所辦尚未允協。卓異官員貪贓不法。原薦
各上司。自有應得處分。但須覈其犯贓年月。
若在原薦上司任內。後雖離任。不可謂無從

揭叅也。自當查覈犯贓年月分別議處。至各省保薦卓異官員。俱係督撫藩司主政。該管道府能持正不阿者。少不過隨上司按例轉詳耳。所得處分亦應分別輕重。著吏部酌覈定例。另行詳晰妥議。所有議處姚成烈等一本。即著俟定議後。再行按照新例覈議具奏。

○又諭。昨召見詹事興桂。見其年力已衰。已降旨將伊原品休致。此等三品京堂。每逢京察屆期。吏部不過照例具本開列。既不似各部院堂官。時常接見。又非如四品以下京堂。特派王大臣驗看。帶領引見者。可比是衰庸者。得以戀棧。轉致有礙後進者。陞途非澄敘官方之道。嗣後京察時。滿漢內閣學士。副都御史。仍著吏部照例開列具題外。其餘大小三品京堂。既不便派王大臣驗看。俱著吏部一體帶領引見。其履歷註明所有本年京察三品京堂。即照此例行。

○又諭。據黃仕簡等奏。拏獲鳳山縣編造逆詞。豎旗圍搶之首夥。

各犯分別辦理。一摺。著交三法司覈擬。速奏。至此案首犯陳虎等。經鳳山縣知縣徐英因該犯等形迹可疑。即行拏獲。嗣復訪知夥黨柯達。及代為寫旗之沈竈等。亦俱弋獲。尚屬能事。現在該處正有查辦之事。未便令其即離本任。送部引見。著加恩加一級。以示優獎。俟該縣任滿調回內地。咨部時。著該部奏聞請旨。

○諭軍機大臣等。昨據阿桂等奏報。漫口合龍。黃流順軌一摺。已明降諭旨。將山東兗曹二府暨濟寧所屬被災最重之各州縣。衛加恩再行展賑。至六月。並傳諭明興。查明金鄉。魚臺被災。黎借給籽種。以資耕作矣。濟寧以南。為漫水下游。頻年淹浸。該處民人屢經蕩析。自必遷徙。以圖口食。今漫工合龍。積水暢消。民田自必涸出。可以耕種。况現又加恩展賑。被災黎一聞此信。自當踴躍陸陸續歸耕。各安本業。著傳諭明興。查明現在涸出地畝。該處民人聞信回鄉。乘時播種情形。

若何。逐一妥協經理。詳悉具奏。至黃流既經歸海。則濟寧以下。河湖水勢。即可消落。運河兩岸。緯道早經涸出。即應遵照前降諭旨。將隄障土石各工。及橋梁緯道。趕緊興修。一律完整。以利漕運。方為妥善。著再傳諭。明興。即將該處情形。若何。現在作何辦理之處。一併迅速具奏。將此由六百里諭令知之。仍著由六百里速行覆奏。尋奏。隄工合龍。來源已斷。民田可漸次涸出。又遵旨展賑。遷徙災黎。皆

必歸園耕作。現飭州縣。循行安頓。並將按月常賑。及酌借籽種銀。委員監放。再查微山湖。水仍深一丈八尺餘。係由紙坊白茅等處。所消之水。均歸此湖。所有運道土石工程。未能即修。現與陸燿。沈啟震。確勘其應照舊補還土隄。或應用碎石坦坡。及大石補築。均插竿標識。其單閘斗門涵洞。現於水中探其塌卸。至底者。拆修數層者。按層覈估。尚完整者。只估鈎抵。並催趲料物。臨時無誤。得旨。覽奏俱

悉。戶部議准。福建巡撫雅德疏稱。延平府屬南平縣峽陽地方。距縣窩遠。民人納糧跋涉維艱。前經題准。以該縣縣丞。移駐徵收。但歷來辦理。俱係造冊移縣催科。殊屬兩歧。請自四十八年始。將該處七里一十五圖錢糧。歸該縣丞徵追。以從民便。從之。庚戌。

上御勤政殿聽政。吏部帶領四五品京堂通政使司副使吳垣等四十二員。引見。得旨。吳垣。德昌。富炎。秦彭。紹觀。褚廷璋。王懿。修。童鳳。

三。平恕。俱著准其一等。劉天成。著降二級。從寬留任。都爾松。阿。書昌。俱著原品休致。餘依議。京察本年滿漢各員。年老官五員。有疾官七員。才力不及官六員。分別處分如例。補行乾隆四十七年軍政漕運罷軟官一員。年老官十員。有疾官一員。才力不及官四員。分別處分如例。減除浙江省仁和場扶基二圍。三圍。四圍。潮衝坍廢蕩地五千畝。有奇正稅。辛亥。吏部帶領三品京堂通政使夢

吉等八員。引見得旨。夢吉。張若寧。陸錫熊。劉躍雲。虞鳴球。蕭普洞。阿。扎勒翰。梁英佐。俱著照舊供職。吏部議准。署兩廣總督尚安疏稱。廣東鹽運使衙門。乾隆三十一年。奉頒流傳勅書。開載兩廣都轉運鹽使司印文。係廣東都轉運鹽使司。應改鑄頒給。從之。兵部奏。酌更武選則例。一。各省題補人員。例俟引見後開缺。武職有地方守汛操防之責。且遠省赴部需時。未免員缺久懸。應照推陞例。該

督撫具題。臣部議覆。其與例稍未符者。仍俟引見欽定。其尋常合例者。即於議覆奉旨之日開缺。按缺之題選速辦。一。武進士賞藍翎侍衛者。期滿分別都司守備例歸正。三。五。七。九月內。都司守備合選一缺。其以都司用者。固得從優銓選。其以守備用者。應選月分遇有都司一缺。即當過班。是較歸班進士轉遲。應請令守備仍按科分名次歸雙單月內科班銓選。一。澎湖臺灣之缺。報滿例應先行陞

用。但此項人員。向不送部。查邊疆俸滿與保送保題無異。應令一體引見。至循分供職。調回內地。註銷臺俸邊俸者。無庸送部。此內有年老技庸者。該督撫仍隨時糾叅。一。沿海沿邊要缺。例令該督撫提鎮。於現任人員。豫行保送。引見註冊。至近省陸路之缺。如直隸。山西。並無豫保之例。應令除雲貴。川。廣。陝。甘。湖南等省外。並照直隸。山西。概不准其豫保。至豫保人員。有未屆掣補。經督撫題請陞補者。

向俱查明引見。已滿三年。調取送部。但此等皆曾經引見之員。掣補既例不送部。題補亦可無庸送部。一。揀發人員補缺。向未定有年限。應令分別其曾歷外任者。到標後。准隨時題補。其未歷外任者。照現任保題例。定以二年之限。或題缺出。適無合例之員。准先行揀選題署。扣滿年限。再請實授。一。各省駐京提塘。向例三年更換。近年來每遇咨取更換時。該督撫輒以無合例人員。咨請留辦。應請嗣

後令該督撫豫選人員送部或該省武進士中實無合例者准於業經揀選武舉內保送年滿由臣部考驗帶領引見分別營衛歸本班選用從之○壬子諭軍機大臣等拉旺多爾濟奏奏私給烏拉照票一案據奎林覆奏摺內稱扎薩克圖汗部落照票尚未全行繳到等語此事甚屬遲誤不意奎林無用至此明善勒保等業經查明具奏而伊一人如此耽延時日並不妥速辦理即謂扎薩克圖汗

部落遲誤亦當據實指叅齊旺巴勒齋令將閩部落所有照票速行查繳奎林著傳旨嚴行申飭令其務將此事遵照前降諭旨妥速辦理○吏部帶領京察保送一等之內閣侍讀學士穆克登泰等七十三員引見得旨穆克登泰善寶邵庚曾俱准其一等索寧安廣泰達本宋銘裘行簡西精額覺羅齡福福森布雙慶色布星額舒敏寶衡德寧覺羅奇蘭泰雙福文麟色克通額金光梯方大川翰圖

富喀善賽尚阿百順海昇員承寧鶴綸福明宗室吉爾通阿宗室慶岱宗室祿豐宗室存貴宗室雅爾通額吳俊宗室玉慶宗室伊冲阿宗室順永福參泰和德景安盛嘉祐沈榮嘉劉詔陞曾儒璋劉文徽覺羅法海富尼善安盛額陳科錫李廷敬海成慶元皂佳覺羅素崇阿德溥覺羅常新舒詹關明宗保素敏泰保柱素魯倖祿保阿克棟阿景盛永安六十九隆安保薩炳阿阿克東阿敦柱俱准其

一等加一級○以翰林院侍讀學士富炎泰為大理寺卿○癸丑諭軍機大臣等昨據閔鶚元覆奏通鑑綱目續編係宋華在江蘇巡撫任內校刊其板片交織造衙門存貯現在委員解京等語此項板片存留該織造衙門現在書肆曾否有人刷印並此外有無別種書板收貯之處著傳諭四德一併詳晰查明開單覆奏到日再降諭旨尋奏從前書肆每歲刷印此外尚有前編正編并原任尚書徐

乾學刊刻十三經解板片得旨總隨便送進
○吏部帶領京察保送一等之戶部銀庫員
外郎松筠等一百十三員引見得旨松筠德
明六十五富森布富永豐紳孟蘭保都爾松
阿琮瑞福寧李蔚興安凌雲閻泰和雙全永
清扎拉豐阿覺羅德興海祥舒昇阿覺羅薩
克丹太王慶奎福慶世寧張萬選扎克桑阿
百慶阿彰阿奇明福重胡時顯成順富綸布
福朗長齡伊昌阿福德竈福德喜成蘇蘇爾
通阿明安泰覺羅長麟五格查克丹英善音
德布蘇爾通阿覺羅琅玕陳守訓陸瑗劉鳳
翔慶興祥林舒永阿曾廷樞田鳳儀牆見羹
達靈阿錫齡阿英世福景祥舒進武陵岱佛
新特通阿伽藍保五英阿重舒覺羅承福敦
泰德昌公我倬令阿重安蓬琳謝肇洙蔣謝
庭永安泰富森阿善和圖爾斌嵩齡德象明
著景文傑魁慶善富色賀福來巴什全福百
潢富慶富通索諾木扎木素索柱索明阿長

齡阿永奎寶雙德湛柱常泰齊克唐阿邊唐
阿岱清阿岱翰佛明阿克東阿俱准其一等
加一級范鑒巴拜俱准其於主事任內一等
加一級其鴻臚寺鳴贊福至常文二員俟該
衙門再行帶領引見另降諭旨○甲寅諭軍
機大臣等據素守伺奏正定府城內發帑修
葺之崇因寺佛殿後樓等房屋二十九間於
三月十五日被火燒燬請將承辦之冀州知
州李紹元交部嚴加議處即著落該員賠修
被燒樓殿所有地方文武官均咨部察議等
語此項工程發帑興修何得疎忽以致不戒
於火例應叅處但尚未延燒民房所有地方
文武官議處著加恩寬免至承辦之知州李
紹元現署順德府印不在工次亦屬可寬其
被燬殿宇自應令該牧賠修但工費較多著
該牧賠修十分之七其餘失查之地方文武
官賠修十分之三再摺內稱該寺係工料房
內失火自係工匠及經管人役疎忽所致應

行查明照例懲治。或該工人役有無挾嫌縱火各情弊。著袁守伺研訊。如有似此情節。必當從重治罪。以示懲儆。將此傳諭袁守伺知之。○又諭。據明興履奏。接奉諭旨。加恩展賑。遵照辦理一摺。所辦均屬妥協。至前降諭旨。將東省所屬災重各州縣展賑至六月。原因其被災最重。地畝頻年淹浸。是以特沛恩施。其餘被災較輕處所。自不在此內。著傳諭明興。查明災重處所。督飭所屬。按戶散給務使

貧民均霑實惠。至被災較輕地畝。此時自己漸次涸出。並著明興查明。遵照前旨。酌借籽糧。俾資耕作。咸慶西成。副朕軫念窮簷有加。無已至意。將此由五百里諭令知之。○又諭。曰。金士松陞任侍郎。所遺內閣學士員缺。著趙鏌調補。○吏部帶領京察保送一等之翰林院侍讀曹仁虎等九十四員。引見得旨。曹仁虎。德昌。翁方綱。李學錦。俱准具一等。覺羅麟喜。李殿圖。施學濂。楊壽楠。馮埝。馬和龍。和

齡。塔克圖。興智。王廷璘。達沖阿。富爾德。赫豐。延泰。盛露。英保。文溥。富盛。李焰。訥清額。張齊。索興阿。戈源。德賓。伯岱。隆安。興昌。伊靖阿。嵩山。兆英。鄂祺。王訥。福順。祝德麟。鄭際唐。百齡。裴謙。王增。汪如藻。戴衡亨。善寶。庫蒙額。覺羅經德。九德。赫倫泰。牛檢文。福均。倭什洪額。覺羅鳳泰。多永武。德齡。噶勒炳阿。永良。崑成。覺羅和泰。長昇。崇文。金榮。書芳阿。文通。文會。果興阿。同安。德慶。陳聖瑞。德楞額。塘五珠。周炎。

楊桑阿。田起莘。伊克坦布。明泰。何廷瓚。金廣義。德齡阿。覺羅海昌。存格。白貴。玉成。成寧。泰貴。音。常明。覺羅鶴齡。致光。傅昇。巴尼泰。科布通武。高璐。趙元楷。嵩齡。懋圖。俱准具一等。加一級。並諭。此次京察一等圈出人員。著交各該堂官。將各該員是否堪勝外任之處。會同出具考語具奏。○蠲免江蘇銅山。豐縣。沛縣。邳州。宿遷。睢寧。山陽。阜寧。清河。桃源。安東。鹽城。海州。沐陽。高郵。泰州。東臺。興化。寶應等十

九州縣并淮安大河徐州等三衛乾隆四十七年分水旱災丁屯租賦有差旌表守正被戕直隸平泉州民傳守榮妻張氏○乙卯上詣

恩慕寺行禮○諭曰刑部題廣東省譚亞仲等挾讐殺死梁倫泰一家五命將先經自盡之兇犯譚亞仲照例剉屍梟示一本已依議行矣此案譚亞仲因梁倫泰向伊索欠輒敢挾讐起意邀同譚亞娣譚二弟譚亞平殺死梁

倫泰一家五命并殺死同行之梁士隆兇暴殘忍已極乃首惡譚亞仲既畏罪自縊為從之譚亞娣譚二弟又於被拏時各自戳傷先後斃命俱已倖逃顯戮雖將譚亞仲剉屍梟示尚不足以懲兇暴而伸國法此案內尚有逸犯譚亞平一犯緝獲後必當按律斬決以正刑誅著傳諭已延三尚安嚴飭所屬文武員弁勒限躡緝並著傳諭與廣東接壤之廣西福建江西各督撫一體飭緝務獲勿致該

犯遠颺漏網仍將曾否緝獲之處迅速覆奏將此由四百里各傳諭知之○又諭前因披閱

御批通鑑綱目續編內發明廣義各條於遼金元三朝時事多有議論偏繆及肆行詆毀之處特交諸皇子及軍機大臣量為刪潤改補粘簽呈覽并遇便發交直省督撫各一部令其照本抽改現在將次辦竣陸續頒發各該督撫等務須實力妥辦總在不動聲色使外間流傳之本一體更正不致遺漏亦不得滋擾至各該省自接奉頒發原書後遵照抽改共若干部仍著各該督撫於年前彙奏一次以憑查覈將此遇便各傳諭知之○禮部議覆御史覺羅拴住奏稱外省主考派出之日賓客照舊往來恐有交通情弊請嗣後照順天例欽命題目封交考官限五日內起程即於起程日赴軍機處請領伏思歷科以來從無洩漏試題之事且各省每次封發並有同

日應發數省事涉紛繁。况道途跋涉。設有密封破損可疑。彼時如何辦理。再前經奏准。分別遠近。酌定十日。七日。五日之限。亦未便概令一例。所奏毋庸議。惟是起程之前。或有該省官員士子相見。誠恐易啓弊端。應請嗣後責令巡城滿漢御史嚴查違者。叅奏從之。

兵部奏武進士。向由臣部奏請欽派揀選。一二等以營守備用。三等以衛守備用。嗣因衛守備人多缺少。奏准每屆十年。將以衛用之

武進士揀選。拔置營用。自乾隆三十七年遵旨於紫光閣試定等第。停止揀選之例。臣等查營守備。歸部選者二百餘缺。每科以營用者十餘人。一二年內俱已選用。衛守備。歸部者止十餘缺。而以衛用之武進士。與各班輪用數年始選一人。應請仍照前例。奏派揀選。其拔用營缺者。引見註冊。其年邁技庸者。即將衛缺選用之處註銷從之。丙辰諭。向來滿漢官員人等家奴。在本主家服役三代。實

在出力者。原有准其放出之例。此項人等既經伊主放出。作為旗民正身。亦未便絕其上進之階。但須明立章程。於錄用之中。仍令有所限制。嗣後此等旗民家奴。合例後。經該家主放出者。滿洲則令該家主於本旗報明。咨部存案。漢人則令該家主於本籍地方官報明。咨部存案。經部覆准後。准其與平民一例。應考出仕。但京官不得至京堂外官。不得至三品。以示限制。著為令。又諭曰。刑部奏審

擬失察哈密通判。經方虧空之前。任辦事道員明琦。應分賠銀二萬兩。除估變房產外。尚有八分未完。應照例杖徒折枷。並將伊弟明祿。及伊姪恒齡。呈出地畝。咨行戶部變價入官。一摺。自應如此辦理。至明祿等呈請將所得俸銀。按年扣繳之處。該二員係明琦弟姪。並非本身。應行賠繳之項。且又現在當差。若令按年扣俸行走。未免拮据。著加恩免其扣繳。此外未完銀兩。仍查明確數。著落失察此

案虧空之各上司名下攤賠。諭軍機大臣等。據袁守侗奏。保定省城於三月二十三日戌時得雨。起至二十四日寅時止。入土四寸。雖田間尚未深透。而得此甘霖。大田俱可佈種等語。此次京師得雨不及一寸。正殷望澤。保定得雨入土共有四寸。已較優霑。何以又稱田間尚未深透。是否因土脈久乾。及雨澤未能普徧之故。著傳諭袁守侗查明實在情形。及省城附近各屬。曾否一體得雨。霑透之處。迅速覆奏。以慰懸注。將此由四百里諭令知之。尋奏。土脈久乾。雨澤未能深透。然大田已可及時佈種。現據順天。保定。河間。正定。易州。趙州。深州。定州等各屬。均報於本月二十三四日得雨二麥可期豐收。報聞。盛京將軍宗室永瑋奏恭查

三陵殿內桌衣。有用明黃行龍。綴有用明黃雲緞。繪畫藍龍。及彩鳳。未歸畫一。且繪畫易於脫落。應請嗣後

大祭。

小祭。桌張一體改用明黃雲緞。四面套幃。以昭整肅。仍飭敬謹收貯。十年一次更換。得旨。是

○又奏恭查

三陵週圍設立椿柵。堆房俱整齊堅固。惟

昭陵正紅門前柵木。在風水河北。樹木叢中。紅椿下馬牌。在風水河南。樹木之外。該處草木茂盛。多被遮掩。且近臨河沿。易致泡浸。應請將柵木移於河南。樹木外。舊設堆房。隨移於

柵木外。並將紅椿向南展移二丈。飭該總管等不時查看。得旨嘉獎。以光祿寺卿扎勒翰為內閣學士兼禮部侍郎。○以翰林院侍讀學士德昌為詹事府詹事。○丁巳諭曰。甘省積年帶徵錢糧。自乾隆三十六年起。至四十六年止。尚有未完銀二十四萬六千四百五十六兩零。糧一百三十八萬九千二百九十一石零。因思甘省自查辦捏災冒賑一案。所有民欠籽種。已屢經降旨全行豁免。此項

未完帶徵銀糧。如果係地方實在災歉。分年遞緩之項。朕必概予恩免。此項乃從前該省地方官。通同捏報被災。其捏稱災重者。已冒賑分肥。即必有捏報災輕者。因予以緩徵。此乃蠹吏為掩飾地步。今據李侍堯奏明。此等未完之項。係從前冒混。並非實因災歉所致。本應按年帶徵。但念積壓年久。為數較多。若令一時徵完。民力不無拮据。官吏亦多被處分。是廉者代貪者受罰也。著再加恩展限八

年帶徵。以示軫恤窮簷。有加無已至意。○諭軍機大臣等。昨據阿桂等奏。壩工日益穩固。並建築二壩一摺。覽奏欣慰。已由驛發還矣。該處善後事宜。朕中夜思維。此次於舊南隄外。另築新隄。疏挑引渠。導河南行。歸入正道。得以一舉歲工。但地勢北高南下。南隄之外。地勢自當更低。蘭陽十二堡放水。歸入新河之處。形本坐灣。尤屬頂衝。所築新隄。最為著重。必須加培高厚堅實。庶將來伏秋大汛足

資抵禦。而一經抵禦。其向南之勢。必更有恐。新築之南隄。喫重。阿桂等現在辦理善後事。宜曾否籌畫。及此。昨奏報摺內。亦未據繪圖呈覽。深為厯念。因用硃筆將河身隄形畫出。並將河灣向南喫緊處。圈記發交阿桂等閱看。令其熟籌妥辦。務使新築南隄。籌辦鞏固。其如何設法防護。永保無虞之處。著詳晰繪圖貼說。迅速具奏。將此由六百里諭令知之。○吏部帶領京察二三等六十五歲以上之

內閣侍讀學士富崑等五十一員。引見得旨。富崑。保良。明泰。伊蘭泰。宗室鶴山。本忠。慶安。良成。元保。高謙。武隆額。成德。烏林布。哈山。本珠。博爾敦。巴蘭泰。赫敏。阿杭阿。明祿。齡昌。察郎阿。宗室蘇成額。快亮。覺羅都爾松阿。王顯緒。芳泰。伊明阿。誠明。管繼敬。富勒賀。伊靈阿。專泰。玉麟。賦泰。西平。圖薩布。烏林保。額爾謹。程晉芳。赫達色。延福。佟泰。巴金泰。額倫泰。圖豐額。圖浚。石海。張脉。憚源景。蘇爾德。赫著俱

准其留任。○戊午諭軍機大臣等。據戶部議駁。粵海關監督李質穎。所收本年稅銀較乾隆四十一年二兩年各缺少銀六萬七千餘兩。請著落照數分別賠補等語。該關徵收贏餘。屢形短絀。該監督自應實力稽徵。乃年復一年。逐漸虧絀。本年竟短少贏餘至六萬七千餘兩之多。即云船隻稀少。亦斷無每年俱係船少貨粗之理。恐不無以多報少。借端侵蝕情弊。已延三兼管關務。自不便責令查覈。著傳諭尚安。即提齊該關徵收號簿。與該年所到船隻貨物數目。逐一秉公切實嚴查。有無侵隱情弊。據實覆奏。候朕再降諭旨。戶部摺著鈔寄閱看。○又諭曰。鑲白旗蒙古都統奏。據古北口外通判管理豐寧縣事德謙呈報。住居博爾腦村之鑲白旗蒙古那爾松阿佐領下閑散格斯圖。因控告種地。請交本旗嚴管。查格斯圖係奏准住居游牧之人。本旗不敢收留。請交熱河副都統就近管理等語。格

斯圖住居游牧地方。距熱河較遠。著傳諭袁守侗。將格斯圖即飭交該縣德謙嚴行管束。倘格斯圖再有滋事逃回等情。即著該縣枷責懲治。毋得寬縱。○己未。

上御勤政殿聽政。○諭朕御門辦事。有關大典。今日嵩貴讀本多所遺忘。甚屬非是。嵩貴著照全魁例黜革。令聽御前乾清門侍衛差使。効力贖罪。○兩江總督薩載奏。江寧府屬上元江浦二縣濱江地方。漲有新灘。從前隨潮

出沒。無從勘丈。至四十六年。查該處嫩淤漸實。勘明上元縣泥灘五千四百九十畝。有奇。擬名宜昌洲。江浦縣蘆灘一千四百七十畝。有奇。泥灘二千八百畝。有奇。擬名永定洲。應照上元縣八卦洲例估計。召民繳價充公。給照管業。諭部知之。○以正藍旗蒙古副都統巴忠。戶部銀庫員外郎松筠。俱為內閣學士。兼禮部侍郎。○以光祿寺卿梁英佐。為太常寺卿。侍講學士世魁。為太僕寺卿。○豁除湖

北監利縣挖壓屯田四頃三十畝有奇○庚申。

上幸靜宜園駐蹕翼日如之○諭曰文綬年老著施恩令其自行來京○是月兩江總督薩載奏來年南巡沿途應需分設臺站接遞文報請照乾隆二十七年三十年四十五年例將已奉裁減驛馬七百匹暫行復額即於驛站項下借支採買差竣變價歸款報聞○又奏南巡隨從官兵執事人等所需馬匹除將

江寧京口駐防馬撥用外仍應照上屆酌調江西營驛馬數百匹協濟再京口自奉裁馬甲二千所有額馬不敷添換亦應照舊於豫省旗營撥用協馬六百匹差竣即留江寧京口駐防為補額之用至江省綠營馬不無倒傷向借司庫馬價銀購買現因各營養廉名糧已挑補實兵應即以所添額馬撥抵毋庸另購報聞○閩浙總督富勒渾奏來春南巡差務應需馬匹請照三十年四十五年例豫

支大報馬價銀委員赴宣化大同張家口古北口等處購買應用將來差竣撥給各標營官兵騎操即補該年倒馬應買之額報聞○湖廣總督舒常湖北巡撫姚成烈奏武昌金沙洲江工內金字號迎水壩長十七丈高二丈七尺馬頭一座寬二丈斜高一丈又湯字號正岸一段長十六丈高一丈一尺第一層二層護岸長各十六丈高九尺至七尺均被江水衝坍應動項修砌報聞

大清高宗法天隆運至誠先覺體元立極敷文奮武孝慈神聖純皇帝實錄卷之一千一百七十七

大清高宗法天隆運至誠先覺體元立極敷文奮武孝慈神聖純皇帝實錄卷之一千一百七十八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級 臣董誥內大臣戶部尚書鑲藍旗滿洲都統軍功紀錄五次

尋常紀錄十四次 臣德瑛經筵講官太子少保工部尚書紀錄六次 臣曹振鏞等奉

敕修

乾隆四十八年癸卯夏四月辛酉朔享

太廟遣睿親王淳穎恭代行禮○盛京將軍宗

室永瑋奏本年

皇上詣盛京恭謁

祖陵所有五部侍郎副都統等應照乾隆四十

三年成案豫行指差備辦請將盛京所屬各

處尖營大營修理橋道供備冰井柴炭及先

往夏園行宮豫備事宜令工部侍郎德福專

管查察迎送

聖駕派錦州副都統成策帶領官兵前往

皇上由避暑山莊啟鑾計至九關臺臣先赴祇候迎

駕請將德福留盛京署理將軍內務府總管印

務如有應議事件臣照常商辦其各尖營大

營應需糧餉係戶部承辦令該侍郎鄂寶迎

至九關臺豫備自九關臺增設臺卡係兵部

承辦令該侍郎伯興辦理自九關臺至

永陵所有修理橋道豫備冰井柴炭等項係奉

天府府尹承辦請交伯興會同府尹奇臣先

赴

永陵查勘後仍回至九關臺在彼接

駕至

三陵祭祀事宜係禮部承辦俟該侍郎玉鼎柱

至九關臺接

駕後再赴

永陵敬謹豫備再城內既有倉庫刑名事件請

留刑部侍郎榮柱在城兼署戶禮兵工四部

事務又府丞蔣良騏接

駕後令其隨營行走。如地方官內有不照數給發夫價。及商賈任意高擡物價等弊。令其會商嚴辦。臣仍總理一切事務。得旨好。知道了。

○又會同盛京工部侍郎德福奏。

皇上恭謁
祖陵。各項差使。派出官二百餘員。兵五千五百餘名。其修補軍器等項。不無所需。上屆派出官兵。皆由未經派出官兵內。少為斂湊協濟。雖係通融辦理。誠恐不肖官員。藉端滋弊。懇恩將現在派出官兵。於戶部存貯備用銀內。官員借支一年俸薪。兵丁借支半年錢糧。自四十九年春季起。分四季坐扣歸款。報聞。○
壬戌。

上迴圓明園。○兵部議奏。增定武職處分。○定例。營兵叢盜受贓。漏信脫逃。專管官降二級調用。兼管官同城者。降一級調用。不同城者。降一級留任。查設兵本以緝盜。乃敢叢盜受贓。該管之員。漫無覺察。僅予降調。不足示懲。

請嗣後專管官照溺職例革職。兼轄官同城者。降二級調用。不同城者。降一級調用。○向例武職協獲隣境逃犯四名以上者。送部引見。查協獲不過隨同追捕。非首先盤獲者可比。請嗣後協捕二名以上紀錄一次。四名者紀錄二次。五名以上者加一級。均不准送部引見。○向例交代遲延。罰俸一年。查逾限月日不同。不可無所區別。請嗣後逾限十日以上者。罰俸三個月。一月以上者。罰俸六個月。三月以上者。罰俸一年。半年以上者。降一級留任。○定例營員擅受民詞。降一級調用。失察上司。未經議及。查佐雜擅受民詞。州縣罰俸一年。請嗣後將武職一體照辦。○向例出師議敘人員。以領功劄先後計算陞用。查省分遠近不同。近者多接劄在先。遠者在後。殊未公允。請嗣後以具題日期。按次較俸陞用。○定例駐防兵丁脫逃。按名記案。若至三名。即將該管佐領等分別議處。每年不及三名。

即行開除並不前後接算。請嗣後交該管大臣詳記檔案。無論年分俟扣滿名數。即行送部議處。軍政保薦人員。例應陞任後註銷卓異。惟佐領放副叅領。驍騎校補放印房章京。向據各旗以品級相當。聲請仍留卓異。查副叅領即准陞授叅領。印房章京即准揀選副叅領。是品級雖同。陞階迥異。請嗣後照例查銷卓異。一定例駐防旗員。解送流徒人犯。脫逃降一級住俸一年查緝。解送入官人犯。脫逃住俸一年查緝。本身及別處拏獲。俱准開復。查綠營遞解軍犯脫逃。例以二叅完結。旗員並無展叅。既不畫一。且本身拏獲及別處拏獲。俱准開復。亦不足昭平允。請嗣後解送流徒人犯脫逃。百日限滿不獲。降一級住俸一半。再限一年嚴緝。限滿不獲。降一級留任。解送入官人犯脫逃。百日限滿不獲。住俸一半。再限一年嚴緝。限滿不獲。罰俸一年。逃犯俱照案緝拏。若由別處拏獲。即照隣境獲

盜例。按其應得處分酌減從之。○以內閣侍讀學士宗室宜興為鑲紅旗蒙古副都統。調山東登州鎮總兵李化龍為江南壽春鎮總兵。直隸正定鎮總兵陳大用為山東登州鎮總兵。以河間協副將全保為正定鎮總兵。○旌表守正捐軀直隸三河縣民劉之敬女劉氏。○癸亥。上還宮。○黑龍江將軍宗室恒秀奏。臣抵任後。查看臺站官屯。各丁風氣尚屬儉樸。惟新設十莊屯丁。除旗人家生奴僕。原係土著。俱能耐勞。亦各安分。其餘屯丁。係遣犯隨來之子。及來歷不明之民人。游惰者多。納糧時往往拮据。臣查其情形。亦多願回籍者。黑龍江等處旗人風氣尚好。若容留此不肖之徒。恐旗人轉為習俗所染。但此時若盡行驅逐。則本年額交穀石。必致缺乏。且人數過多。亦難驟辦。請先將閑散餘丁陸續遣回。年終報部存案。再齊齊哈爾等處。絕嗣旗人之家生奴僕。

及開戶家奴。雖各立產業。安分度日。但亦不可無專管之人。請入於官屯。將年壯者選為額丁。以補遣回民人之數。得旨嘉獎。○大學士前署直隸總督英廉疏報。寶坻豐潤宛平薊州盧龍遷安樂亭易州等八州縣。乾隆四十七年分開墾荒地一百四十一頃二十一畝有奇。○甲子。

上以常雩祀

天於

園丘。是日起齋戒三日。○乙丑。諭據剛塔奏。郡王扎拉豐阿。於四月初四日。行抵要亭子地方。病故等語。扎拉豐阿。在內廷行走多年。甚屬出力。近因患病。朕令伊回游牧處調養。以冀速痊。詎意因病溘逝。朕心深為軫悼。若使伊柩由彼即回游牧。朕心實所不忍。著加恩。仍准進京。俟治喪事畢。再著伊子丹巴多爾濟。從容送回游牧。丹巴多爾濟。年幼未諳事務。著賞銀四千兩。派內務府大臣金簡。料理

喪事。著丹巴多爾濟。即扶伊父柩。緩行進東直門。俟將近城門時。派十七阿哥迎至城外。同至伊家。賞奠茶酒。從前已賞有陀羅被。此時先派御前侍衛豐伸濟倫。前往迎奠。併照料伊柩回京。其應得卹典。著該部查例具奏。○以正黃旗蒙古都統拉旺多爾濟。為御前大臣。兼鑲黃旗領侍衛內大臣。○丙寅。

上詣

南郊齋宮齋宿。○調正白旗漢軍都統克勤郡

王雅朗阿。為鑲紅旗滿洲都統。署正黃旗漢軍都統。王進泰。為正白旗漢軍都統。○丁卯。常雩祀。

天於

園丘。

上親詣行禮。○幸圓明園。○諭曰。新授光祿寺少卿喜常在。欽天監行走有年。算法諳熟。著仍兼欽天監監正。○增定卓異官犯贓議處原保薦上司例。吏部遵旨議奏。向例卓異官

犯贓。原保薦各上司。於未敗露之先。查叅者。免其處分。若不行揭叅。督撫降三級調用。司道府降二級調用。如原上司已離任。無從揭叅。督撫降二級調用。司道府降一級調用。定例本未周匝。請嗣後卓異官於原上司離任後犯贓者。仍照舊例議處。若犯贓年月。在該上司未離任之前。雖敗露於已離任之後。不得倖邀末減。仍照同省不行揭叅例議處。再保薦係藩司專政。未便同道府。一律處分。請照督撫一體議處。從之。○戊辰。諭曰。喀喇沁塔布囊格勒克薩木噶布。前因濟克濟特扎布案內。曾將伊逐出乾清門。革退協理旗務職任。今郡王扎拉豐阿病故。丹巴多爾濟年幼。又居住京城。游牧處不可無辦事之人。格勒克薩木噶布。咎止失察。著加恩。仍挑在乾清門行走。辦理扎薩克事務。並著迅速來京。即至扎拉豐阿家。辦理喪事。俟事畢。回游牧時。將濟克濟特扎布。即交伊帶回。嚴加管束。

勿令滋事。格勒克薩木噶布。俟釋伊兄服後。於七月中旬。再赴熱河請安謝恩。○己巳。軍機大臣會同戶部議覆。陝甘總督李侍堯奏。稱甘省地處邊要。土瘠民貧。加以新疆孔道。差使絡繹。衝途各州縣。辦公稍形竭蹶。請分別酌增養廉等語。係恐州縣藉差科派起見。事屬可行。但所增未免過多。臣等酌議。最衝之涇州。平涼。隆德。靜寧。會寧。安定。金縣。皋蘭。平番等九州縣。於原定養廉外。擬加銀六百兩。次衝之固原。古浪。武威。永昌。山丹。張掖。撫彝廳。高臺。肅州。玉門。安西等十一廳州縣。擬加銀四百兩。又衝途驛站之東樂縣丞。擬加銀二百兩。至所稱換班官員。奉差出口。往還一二萬里。於例給車馬外。未免稍有通融等語。此等酬應。已非例所應有。且衝途非止甘肅一省。何以未聞支應竭蹶。恐此次加增養廉之後。各官藉有明文。肆意多索。濫應。應令該督飭該管道府。不時稽查。如有此等情弊。

嚴叅治罪。從之。○戶部等部議准。陝甘總督李侍堯奏稱。向來武職衙署。遇有坍塌。在空缺養廉留半銀內。動支修葺。嗣於乾隆四十年。經原任甘肅藩司王廷贊奏改。自副將以下。俱在藩庫借款興修。仍在該員養廉內分年扣還。自改例以來。借款者寥寥。蓋緣武職養廉。僅敷用度。人情各顧其私。恐將來坐扣竭蹶。遂至視同傳舍。因循日久。則剝舊者漸至朽壞。歪斜者必致傾頽。年復一年。更不可問。請仍復舊例。從之。○庚午。諭。例載八旗公中佐領員缺。文職大臣。雖尚書亦得揀補。但尚書職任較繁。無暇兼理。反於佐領事務無益。著交八旗。嗣後除世管佐領。仍照例辦理外。至公中佐領。尚書停其揀派。只將侍郎以下。揀選帶領引見補授。○又諭。豫省河工。現已告成。下游漫水。日漸消落。漕艘北上。可以遄行無阻。但必須趕緊回空。早出東境。運河閘壩等工。始能及早興修。著倉場侍郎書

麟等。於漕船抵通時。隨到隨即趕收。飭令迅速回空。毋得稍有遲滯。總漕毓奇。亦著速行查催。○諭。軍機大臣等。軍機大臣會同戶部議覆。李侍堯奏。請甘肅銜途州縣。分別酌增養廉一摺。已依議行矣。摺內所稱銜途非止甘肅一省。何以未聞支應竭蹶。及換班官員。於例給車馬之外。稍有通融。已屬違例各情。節。皆朕特降諭旨。令軍機大臣改議入摺者。著傳諭李侍堯知悉。毋得視為泛常議覆。自此次增設養廉之後。地方官倘因辦公寬裕。遂爾任情濫應。及奉差官員。藉有明文。肆意需索。日久必致竭蹶。仍復派累侵欺。是添設養廉。不惟終歸無益。且轉開濫應之弊。於郵政官方。大有關係。著傳諭李侍堯時刻留心。嚴加查察。防微杜漸。如有濫支濫應等情弊。立即嚴叅。盡法嚴懲。免致將來並受其累也。○辛未。哈薩克努喇里之子阿布賴。素勒坦之來使哈喇托霍。並哈薩克王阿布勒比斯

之子噶岱等十人入覲。賜冠服銀幣有差。○諭軍機大臣等。據福崧奏。辦理范公塘情形。一摺。內稱。該處原築埽工。因回溜汕刷。致有間段。姓墊。現在用船沉石。以護塘根。自二月試辦以來。沉船三十四隻。已過朔望兩汛。並無低埝。尚屬穩固等語。此事甚關緊要。富勒渾、福崧從前何以並未奏及。直至今日。福崧奏到。朕今方知。心中並無此事。殊為奇怪。范公塘一帶。既屬潮水頂衝。其原做埽工。本在沙上建築。土性自然浮鬆。不能得力。且因回溜汕刷。塘根易致埝墊。伊等現在用石沉船。亦係暫時防護。補救目前。非一勞永逸之計。看來章家巷以東。普建石工。重重保障。自可永遠安瀾。而章家巷以西。僅藉范公塘一道。形勢單薄。將來是否一律改築石塘。以資捍衛之處。俟明歲南巡時。朕親臨視。指示機宜。再行定奪。但目下情形如何。將來伏秋大汛。是否可以保護平穩。著傳諭富勒渾、福崧通

盤熟籌。詳悉繪圖貼說。迅速覆奏。以慰懸注。再。福崧奏現擬於沉船處。就其頂衝。建做挑水石壩。使來回潮溜。不致逼近塘根。亦係抵禦頂衝之一法。自應如此辦理。但閱圖內所築壩之處。稍覺偏北。朕意於迤南再築一壩。以挑水勢。俾大溜日就南趨。於刷沙方為得力。已於圖內用硃筆標記。著將原圖發交福崧。一併遵照妥協籌辦。將此由六百里傳諭知之。仍著將該處近日情形。速行覆奏。○又諭。刑部覈擬廣東海洋縣民蘇阿張、邢岱綠等互毆致傷邢阿猪、蘇穆豐等十二人。先後身死一案。內蘇阿張等九犯。該撫照尋常鬪毆律擬以絞候。刑部改為絞決。所駁擬甚是。蘇阿張等於海疆地方。輒敢糾衆械鬪。致斃十二命之多。實為兇橫。非尋常鬪毆可比。該撫尚安僅照例擬以絞候。殊屬寬縱。尚安初任巡撫。於此等海疆逞兇斃命之案。自應留心整飭。從重辦理。不應姑息若此。若李湖早

從嚴辦理矣。尚安著傳旨嚴行申飭。○壬申。諭軍機大臣等。本日富綱。劉秉恬。各有四百里馳奏之摺。朕意兩人或有互相揭奏。及患病情事。急為披閱。則俱係覆奏。銅廠無誤情形。此事前因伊等摺內聲叙未明。且有將來恐致誤卯墮鑄等語。是以降旨申諭富綱。劉秉恬。於接到時。自當聯銜覆奏。豈有同駐省城。共辦一事。各自由驛馳奏之理。看來伊二人竟是各懷私見。不能和衷辦公。於地方公務。大有關係。富綱。劉秉恬。俱著傳旨嚴行申飭。○兵部議覆。兩江總督薩載奏稱。江蘇。安徽。二省。各營增添兵額。應添設額額外委。以資管束。請將督標中左二營。添設額額外委五員。漕標中左右三營。添設三員。淮安城守營。添設一員。河標中左二營。添設二員。又河標蕭營。添設一員。蘇州撫標左右二營。添設四員。提標中左前後城守五營。柘林南匯二營。平望常州二營。蘇松鎮標中左右奇四營。

俱各添一員。狼山鎮標右營所轄之茅家鎮。添設一員。揚州營。添設一員。安徽撫標左右二營。添設四員。壽春鎮標中左右三營。各添一員。安慶營。添設一員。共添三十九員。均於馬兵內挑補。仍食本身錢糧。應如所請。從之。○癸酉。

上御山高水長。賜哈薩克努喇里之子阿布賴素勒坦之來使哈喇托霍。並哈薩克王阿布勒比斯之子噶岱等宴。○兵部等部議准。山東巡撫明興奏稱。兗州鎮屬十四協營。現在操演礮位。惟劈山礮最為得力。請將年久銹壞之佛郎機二十六位。改鑄劈山礮。從之。○甲戌。諭據雲南巡撫劉秉恬具題。民人王奉以藥迷人。未經得財一案。將王奉比照傳授藥方貽害例。擬斬監候。永遠監禁。其為從之楊富照。律擬流改遣。所擬尚未允協。此等匪犯。擬以斬候。雖若從嚴。但永遠監禁。仍得安坐囹圄。較之為從之發遣為奴者。轉屬從寬。

王奉著改發伊犁。給與厄魯特為奴。並著刑部將此等案件。照此另行酌定條例具奏。
諭軍機大臣等。甘省撒拉爾回人。只有十二工。從前蘇四十三滋事逆黨。止係三工新教回衆。其餘九工之舊教回人。亦俱隸循化廳所屬。昨詢據善德奏稱。舊教回人。亦係撒拉爾種類。與內地回民不同。現在該處舊教回人。目覩上年大加懲創之後。各知畏懼。安分守法。不致再生事端等語。撒拉爾回人。既另行居住。各為一種。則與內地回民。自應區別。其往還結親。亦當聽伊九工之衆。自為婚配。內地回民。不得雜入其中。致日久滋事。前李侍堯在京時。未經面諭。著遇便傳諭李侍堯。於回任之後。飭屬留心體察。設法防範。開導內地回民。各知守法自愛。勿與撒拉爾回衆往來聯絡。總宜不動聲色。為之以漸。日久風俗自然移易。方為妥善。至黑帳房番人與撒拉爾回衆。種類本殊。又各奉一教。向來亦互

實錄卷一百二十八

二十

有恃強凌弱之事。嗣後亦當隨時訪察防閑。使各安居守業。勿致生事。惟在該督等嚴飭所屬。實力奉行。將此一併諭令知之。○以故廣西太平府屬茗盈土知州李天麟。子以仁襲職。○大學士前署直隸總督英廉疏報。昌平西寧等二州縣。乾隆四十七年分開墾荒地九頃三十七畝有奇。○乙亥。上御演武廳。閱火器營操。○以內閣侍讀學士費南英為雲南鄉試正考官。宗人府主事吳俊為副考官。翰林院侍讀學士德昌為貴州鄉試正考官。內閣中書鮑之鍾為副考官。

實錄卷一百二十八

二十八

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百七十八

實錄卷一千一百七十八

十九

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百七十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十八年癸卯四月丙子

上御山高水長。賜哈薩克努喇里之子阿布賴
素勒坦之來使哈喇托霍。並哈薩克王阿布
勒比斯之子噶岱等食。○諭山東運河隄閘
各工。現在勘明段落。一律興修。著於部庫內
撥給銀五十萬兩。照例解往備用。該部知道。
○諭軍機大臣等。豫省新工善後事宜最關
緊要。前經阿桂等會商妥議。於河頭東西兩
岸。斜挑展寬二十餘丈。並於河尾出水之處
挑開舊隄一百丈。又於南岸挑川字溝二道。

以備伏秋大汛。自應如此辦理。但閱圖內所繪舊隄。入新河之處。東面稍覺窄狹。尚恐逼溜向南。應再於東面下唇。將舊隄破寬。向東取勢。則大汛水長。河形直下。更為暢順。不致向南坐灣。新隄可免著重。至河尾所挑下唇。川字溝迤南。亦應一律將舊隄酌量破寬。宣洩下注。使尾閘益加通暢。似更有益。著傳諭何裕城。李世傑。遵照妥辦。並著隨時酌量情形。相機防守。以期新隄鞏固。河流順軌安瀾。將此隨奏摺之便。諭令知之。仍將籌辦緣由。具摺覆奏。尋奏遵旨。於東岸南隄。再破寬二十丈。順長二百丈。庶河形直下。可免坐灣。又於川字溝迤南。再破隄三十丈。但距大河尚遠。請於河尾北灘近河之處。另開溝一道。寬五十丈。再破隄三十丈。則雖遇盛漲。不致壅遏。得旨嘉獎。○丁丑。

孝端文皇后忌辰。遣官祭。

昭陵。○兵部等部議覆。雲貴總督富綱奏稱。滇

黔兩省。應補實兵五千二百餘名。請先儘兵家子弟挑補。易於操演。收伍之後。責令各將弁。朝夕訓練。務同舊兵一律可觀。仍咨撫提各鎮。不時稽察。至此次新兵挑補後。即應支給餉銀。除省會標營。毋庸豫發。其離省遠之各標鎮協營。就其應添兵數。先發一季餉銀。存貯各該地方官庫。俟招募新兵驗准後。即知會文員。按名公同支放。庶入伍新兵。可按期支餉。而經手各員。亦可免那移之弊。均應如所請。從之。○以副都統銜寧夏協領善德。為鑲白旗蒙古副都統。○戊寅。諭曰。溫端多爾濟。駐劄庫倫辦事。並無得項。著加恩照勒保之例。每日賞給盤費銀二兩。○又諭。善德著加恩賞銀二百兩。為伊搬取眷屬之資。○諭軍機大臣等。據袁守侗奏。籤陞廣東韶州府知府之現任直隸順德府同知嵇璜。兩耳重聽。據稱日久未愈。知府為方面大員。恐應對遲鈍。即難勝任等語。所奏殊屬回護。嵇

瓚既兩耳重聽。諒已精力衰頹。不但難勝知府之任。即同知亦有民社之責。豈可以衰庸之員。應機貽誤。是袁守侗業已姑容於前。恐此次引見。難逃朕之洞鑒。先為此奏。以為掩飾地步。袁守侗辦事。不應若此。除嵇瓚一員。俟引見後再降諭旨外。袁守侗著傳旨嚴行申飭。再前召見劉綬。詢及袁守侗舊病曾否痊愈。據奏該督病雖就痊。尚覺氣喘痰嗽等語。袁守侗平日氣體尚屬強健。此次病後。竟似虛弱。並著傳諭袁守侗。務須加意調攝。以副朕倚毗之至意。○已卯。戶部議覆漕運總督毓奇奏稱。向惟山東糧道督押重運抵通。餘祇押抵淮安。請嗣後各省重運。俱令糧道於到淮盤驗後。即督押本幫。直至臨清。出具船米無虧印結。再行回任。其自臨清抵通。概責令山東糧道往來催趲。較前僅委丞倅督押。益加詳慎。應如所請。從之。○旌表守正捐軀廣東清遠縣苗民曾永隆聘妻李氏。○庚

辰

上御勤政殿聽政。○諭。據何裕城奏。四月十四日。江南淮安頭幫漕船行至昭陽湖邊橋頭店地方。陡遇異常風暴。收幫不及。風急浪湧。以致該幫船互相碰擊。將呂鳴玉等船二十隻。登時沉溺。現在督率營員趕緊撈岸等語。內河失風。沉溺漕船。漂失米石。照例應著落通幫旗丁分攤賠補。但念該幫船猝遇暴風。激撞人力難施。尚非該旗丁等疎失所致。所有各船漂失米石。俱著加恩豁免一半。以示體卹。其應賠一半米石。並著分年帶還。以紓丁力。該部即遵諭行。○諭軍機大臣等。據何裕城奏。四月十四日。江南淮安頭幫船行至昭陽湖邊橋頭店地方。陡遇暴風。收幫不及。各船互相碰擊。致呂鳴玉等船二十隻。登時沉溺等因。一摺。已明降諭旨。將漂失米石豁免一半矣。上年江西漕船亦有遭風沉溺之事。因查明實係人力難施。且有淹斃人口。是

以加恩將應賠米石全行豁免。並令查明分別賞卹。但此等小人情偽難知。恐此次各該旗丁等恃有上年恩旨。謂漂失米石仍可格外邀恩。並不小心防範。甚或私帶貨物過多。以致漕船碰沉。止顧保護貨物。竟置米石於不問。或惟米石漂沒。人口並無傷損。仍當責令賠補。並應查明治罪。以示懲儆。著傳諭毓奇嚴密查察。此次幫船沉失。有無此等情節。並各該船內曾否淹斃人口之處。一併詳晰據實覆奏。到日再降諭旨。若實有淹溺人口。亦不可隱諱。著據實具報。候朕加恩。○又諭昨豫工合龍後。黃水已歸正河。所有從前漫口下游淹灌之處。水無來源。自可漸次就涸。即山東江南一帶湖河諸水。亦日見消落。但恐湖面寬濶。消水尺寸。一時未能大減。則民田廬舍。及行舟往來。終多未便。現在下游疏洩之路。如劉老澗。漣河。駱馬湖。六塘湖諸處。俱已設法籌辦。儘力疏通。因思楊家莊口門

內向有橫壩。原為運河水小時。恐其宣洩太過。故用壩蓄水。以利遙行。今湖水惟慮其不能暢消。該處壩身不妨大為展拓。俾去路愈加暢順。庶上游積水早見消落。於漕運民田均有裨益。著傳諭薩載李奉翰詳悉履勘。通盤籌畫。是否可以如此辦理。如並無妨礙。即一面開挖。一面覆奏。將此由六百里諭令知之。尋會奏。臣薩載飛札河臣就近親勘。臣李奉翰馳赴楊家莊上下測量。河形寬深溜勢暢達。壩口可無須再展。惟有將宿遷運河東岸。籌挑通湖各水口。隨時相機挑展。俾積水入湖。由新挑漣河歸海。報聞。○以通政司副使吳垣為太常寺卿。○旌表守正捐軀江蘇泰州民高如柏妻孫氏。○辛巳諭朕將次啟鑾。前往熱河。秋間即由熱河至盛京。恭謁祖陵。現在福隆安氣體尚弱。將來隨往之御前大臣乏人。著福康安來京署理工部尚書。所有四川總督員缺。著李世傑補授。李世傑未

到任之前。四川總督印務著交特成額暫行署理。福康安接奉此旨。即由驛起程。務於五月二十四日啟鑾前到京。河南巡撫員缺著何裕城補授。李世傑交卸撫篆。即前赴新任。不必來京請訓。蘭第錫著署理河東河道總督印務。即著來京請訓。再赴新任。○諭曰。福隆安現在氣體尚弱。著加恩賞給人參二觔。○刑部議覆。大學士前署直隸總督英廉疏稱。灤州民婦老王邢氏。因伊媳小王邢氏身弱不能工作。時加毆罵。即蓄意謀殺。後因小王邢氏出言頂撞。遂同無服姪媳王姚氏。并女賈年姐。將小王邢氏按倒。用刀撬落門牙。以鹽酒向灌。立時殞命。請將王姚氏。賈年姐。依謀殺人從而加功律。擬絞監候。老王邢氏。依故殺子孫之婦律。擬杖一百。流三千里。不准收贖。應如所題。得旨。此案姚氏。賈年姐。俱依擬應絞。著監候秋後處決。至老王邢氏。與小王邢氏。分屬姑媳。該部覈覆。照尊長謀殺

卑幼律。問擬杖流。不准折贖。固屬照例辦理。但覈其情節。尚未允協。姑之於媳。究與親生子女之於父母不同。若平日不遵教訓。或有忤逆情形。自應管教責處。然亦不得任意凌虐。恣行殘忍。今小王邢氏。因體弱不能工作。尚無大過。乃老王邢氏。因其出言頂撞。蓄意謀殺。輒用鹽酒向灌。并用刀撬落門牙。兇殘已極。若不嚴加懲儆。則凡為姑者。不論其媳有無忤逆。竟恃尊長名分。肆意謀殺。到官問擬。又得倖邀寬減。此風亦不可長。老王邢氏罪雖不至論抵。然僅問擬杖流。不足蔽辜。老王邢氏著改發伊犁。給與厄魯特為奴。以示懲儆。如此準情定罪。則凡為尊長者。皆知慈愛。而為卑幼者。更得盡其孝敬。庶不致恩義盡泯。亦明刑弼教之一端也。嗣後如有此等案件。即著照此辦理。○蠲免河南汝陽上蔡確山正陽新蔡西平遂平淮寧西華商水項城沈邱扶溝臨潁襄城鄆城等十六縣。乾隆

四十七年分水災額賦有差。○壬午。諭軍機大臣等。本日任承恩奏到。四月十四日。淮安衛幫船行至魚臺縣境。昭陽湖邊橋頭店地方。陡遇風暴。沉溺幫船二十餘隻。隨趕赴該處察看情形。會同辦理一摺。所辦是已。於摺內批示矣。又據明興奏到摺內。僅稱飭委該管道將前往督同營廳地方印汛各員。確查辦理等語。此事該撫不應前去乎。漕船雖係總漕總河及巡漕御史專責。但既在東省境內失風。至二十餘隻。該撫即應往查。以安衆心。此非越俎多事也。今任承恩尚知親赴該處察看。豈明興轉見不及此。乃僅委之道將各員查勘。並不親往。殊屬非是。明興著傳旨申飭。伊二人之摺。一日到。明興之摺。批在前。任承恩之摺。批在後。若明興因任承恩親往督辦。經朕批獎。將伊申飭。輒心懷嫌忌。則其取咎更大。亦斷不能逃朕洞鑒也。將此諭令知之。○癸未。旌表守正捐軀山西定襄縣民

李昇仲妻張氏。○甲申。上還宮。○諭內廷。宮殿易換琉璃瓦工料等事。著派福隆安和珅胡季堂劉墉金簡德成督辦。○又諭。西直門等處石道。除總理工程大臣和珅金簡外。著再派胡季堂德成一同辦理。○諭。據福康安具題。民人貝開富等用藥迷人。未經得財。問擬斬候。永遠監禁。前因滇省有王奉一案。曾經降旨。令刑部另行酌定條例具奏矣。今思斬之與遣。輕重有分。若概與發遣。不足明刑。此案用藥迷人之犯。如人已被迷。雖經他人救醒。而用藥者本有殺人之心。自應將該犯問擬實斬。入於秋審情實。不得以未經得財。稍為寬貸。若甫經學習。及雖已合藥。即行敗露。或欲迷之人。知覺。未經受累。則情節較輕。尚可寬其一線。將該犯發往伊犁。給與厄魯特為奴。已足蔽辜。著交刑部一併分別覈擬具奏。所有貝開富等一案。即照新例定擬。○乙酉。

上御太和殿視朝。文武陞轉各官謝恩。○幸圓明園。○諭軍機大臣等。向來川省地方。囑匪為害最甚。曾經屢降諭旨。嚴飭查辦。福康安調任川督。董率員弁。實力訪拏。多犯大加懲創。近始稍為斂迹。今又有大足縣貝開富用藥迷人之案。而前日滇省用藥迷人之王奉。亦係川省民人。在彼發覺。可見該省五方雜處。易藏奸宄。不可不嚴行懲究。已降旨將貝開富一案。交部另行定擬。著傳諭李世傑。即飭屬將大足縣用藥迷人之逸犯貝老四。嚴緝務獲。并通飭各屬。嚴密訪查。如有學習藥術匪徒。立即拏究。務使搜捕淨盡。以靖地方。○又諭。今歲晉豫兩省。雨澤較為霑足。近聞山東泰安。東昌。一帶。雨澤未免缺少。其直隸之河間。景州等處。亦覺缺雨。現在曾否得有渥澤。於該處田禾。有無妨礙。著傳諭袁守侗。明興。各將該省現在麥苗情形。及各屬何處缺雨。并有無續報得雨之處。迅速覆奏。又保

定省城。前據袁守侗奏報。得有霽雨。現在是否已經霑足。亦著一併查奏。尋袁守侗奏。保定省城望雨甚殷。臣謹設壇虔禱。其河間。景州等處。望雨情形。大約相等。報聞。明興奏。濟南。東昌。泰安。三府。四月以前。雨水調勻。二麥可望豐收。近因晴久。於大田究不相宜。現督飭三府所屬。虔禱雨澤。得旨。濟南。即汝省城。汝惟飭府屬求雨。竟似與汝漠不相關。豈有此理。汝喪良心乎。○丙戌。諭。前據何裕城奏。淮安頭幫漕船。在橋頭店地方。被風沉溺。二十隻。業經降旨。將應賠漕米。豁免一半。並傳諭該督等。將有無淹斃人口之處。詳查具奏。本日據何裕城奏。漕船失風情形。各船丁舵人等。落水甚多。除設法撈救。正丁邱世泰等六名外。尚淹斃大小男婦十一名口等語。淮安幫船。猝遇暴風。人力難施。以致沉溺。所有淹斃人口。著即行照例賞卹。其漂失米石。著照上年江西贛州衛幫船失風之例。加恩全

行豁免。以示體卹。該部即遵諭行。○諭軍機大臣等。據毓奇奏。淮安頭幫漕船。在橋頭店遇風沉溺一事。應即親赴該處確勘辦理。但現在浙江。湖廣。江西。各幫源源渡江來淮。必須親加盤驗。是以不能分身親往等語。所奏是。糧船過淮。必須總漕親加盤驗。若毓奇因東省沉溺漕船。立即馳往履勘。則各幫在淮必致守候需時。遲誤期限。毓奇之不親往。深知事理輕重。若明興安坐省城。又去失風處所甚近。何以不行親往。乃僅委之道將查勘乎。是同一事。而應親往與不親往。各有所宜。在毓奇又以不去為是。而明興則以去為是也。再本日何裕城奏到。漕船失風情形。各船丁舵人等落水甚多。除救起正丁邱世泰等六名外。尚淹斃大小男婦十一名口等語。是此次漕船實係遭風沉溺。人力難施。業經查明。並無別項情弊。已明降諭。令將淹斃人口。即照例賞卹。漂失米石。加恩全行豁免。著

遵照妥辦。將此傳諭毓奇。明興。並諭何裕城知之。○又諭據福康安奏。通計川省緝獲逃兵。分數一摺。內稱至本年九月。業經屆滿。現在未獲各犯。尚有六百十七名。設立章程。檄飭承緝各員。如一年之內。果能按名全數獲首。並於別屬逃兵。招首弋獲多名者。准其專摺保薦。若首獲逃兵。審出曾在某處久匿。及出入境汛。並不查拏者。從重叅革。如有怠玩之員。仍隨時密察嚴叅。其餘分晰等差。專立檔案。記功記過等語。前因川省逃兵。各省奏報緝獲。及自首者。甚屬寥寥。曾將承緝不力之員。明定降調處分。後因人數未免過多。加恩再予展限一年。以期按名弋獲。今川省扣至本年九月。展限業經屆滿。而未獲之犯。尚有六百餘名之多。如再逾定限。其處分自難寬貸。現在福康安雖已設立章程。飭令上緊躡緝。但為期不遠。其承緝逾限各員。應行處分者。人數必多。著傳諭李世傑。詳晰熟籌。上

緊嚴辦。並將議處人員共有若干。作何辦理之處。查明覆奏。再川省讞案紛繁。臬司繆其吉又屬初任。所有本年秋審。事關重大。並著傳諭李世傑。務須督同司道悉心商榷。妥協定擬。毋得畸重畸輕。致有出入。○又諭據福康安奏。川省逃兵。節年拏獲。及自行投首。共二百餘名。尚有未獲逃兵六百餘名等語。金川軍營脫逃兵丁。節經降旨加恩。令其自首免死。並於原限外加恩展限一年。將承緝不力之文武各員。寬其處分。俾感激奮勉。實心查辦。今四川省經福康安認真辦理以來。而未獲者尚有六百餘名。其各省之未能實力查辦。奏報寥寥者。未獲之數。自必更多。現在扣至本年九月初。即屆限滿。況此等逃兵為數尚多。其中又有死亡事故。搜捕匪易。而逾限之地方文武員弁。一屆限滿。即行降調。自必甚多。著傳諭各該督撫。將現在如何設法曉諭。飭屬擒捕。並將來逾限後。該地方文武

應行議處人數若干。即行查明據實覆奏。候朕另降諭旨。將此由五百里各諭令知之。○四川總督福康安奏。灌縣西門外之鎮夷關。路通桃關。為新疆要路。請於灌縣汛新募實兵數內。撥駐五名。設為一汛。從之。○丁亥。諭朕於五月啟鑾。駐蹕熱河。七月十一日起程。前往盛京。恭謁

祖陵。著質郡王克勤郡王大學士阿桂英廉留京辦事。所有吏兵二部。應行引見官員。文職知縣以上。武職守備以上。著於未啟鑾赴盛京之前。該部每月派堂官一員。輪流帶赴熱河引見。其文員內。佐雜等官。武員內。八旗護軍校。驍騎校。及外省送到之補放水手官。驍騎校。並年滿千總等官弁。仍著王大臣照例驗放。至七月以後。月選等官。亦照向例辦理。其東三省補放水手等官。即就近於行在引見。至外省督撫提鎮等奏摺。其駐蹕熱河及自盛京回鑾至京。俱著齋摺人自行齋赴行

在投遞。至自熱河前赴盛京。係由邊地行走。所有各省齎遞奏摺。著照向例交留京辦事處。加封轉交內閣。隨本報馳遞。批示後。仍由本報發回留京辦事處。交齎摺人祇領。該部通行傳諭知之。○又諭。向例總督俱兼兵部尚書。右都御史銜。巡撫俱兼兵部侍郎。右副都御史銜。但漕運河道總督。並無地方之責。究與各省總督不同。況又有由道員陞署及簡擢初任之員。若一例兼銜。未免太優。不可不量為區別。嗣後漕運河道總督。該部俱奏請給與兵部侍郎。右副都御史銜。著為令。○吏部議奏。兩廣總督覺羅巴延三奏。請將原任廣東臨高縣知縣徐藩送部引見。與原參案前後不符。奉旨。飭令據實具奏。今所奏掣獲黎匪出力緣由。仍與從前所參未便因其入黎全獲匪犯。稍為姑容之奏不符。仍應議駁。得旨。此案徐藩因署崖州任內失察。民人入黎滋事。諱匿欺飾。參奏革職。該員會營緝

捕。本屬分內之事。乃已隔年餘。該督等復以該員搜捕匪夥全獲。奏請調取引見。是獲咎於前。仍即邀恩於後。地方官尚何所做畏耶。部駁。不准開復之處。甚是。依議。巴延三著飭行。○戊子。諭。此次前往盛京。遇升殿慶賀行禮。所有隨從王公大臣。俱著穿蟒袍補褂。無庸攜帶朝服。其盛京官員。亦著一體穿蟒袍補褂行禮。至尊藏。

冊

實行禮時。亦並著穿蟒袍補褂。○又諭。向來南糧餘米。俱准在通州變賣。以資日用。現在各省糧艘陸續抵通。旗丁於兌足正供之外。所有多餘米石。情願出售者。仍著加恩准其就近於通州糶賣。在旗丁等既所樂從。而近畿地方糧食益充。於市價民食均有裨益。該部即遵諭行。○諭軍機大臣等。前因東省泰安東昌一帶雨澤缺少。曾降旨詢問。茲據明興奏報。通省二麥收成。約計九分有餘。是該省

麥收已屬豐稔。朕心深為欣慰。但現在各屬大田是否均已播種。有無望澤情形。著傳諭明興。據實覆奏。至豫省今歲雨澤較為霑足。二麥自應豐收。向來該省收穫較早。何以尚未據該撫奏報。著傳諭何裕城。即將豫省麥收分數。詳晰查明。迅速覆奏。再豫省現在有無續報得有霽雨。大田曾否播種齊全。並著何裕城。一併覆奏。將此由四百里各諭令知之。○以故教漢扎薩克多羅郡王巴勒丹子

德沁襲爵。○已丑。

上詣黑龍潭祈雨。○旌表守正被戕廣東永安縣民羅錦才妻翟氏。○是月。署直隸總督袁守侗奏恭報二麥情形。順天永平保定承德等處約收八分。河間天津正定大名等處約收七分。得旨。未必能如此也。近甚望雨。實切憂懣。○江南河道總督李奉翰奏。豐碭北岸石林地方。從前溜走中泓。二十年來。舊工淤閉。黃流下達。溜向北趨。現飭該管廳員運貯

料物。為有備無患之計。再御橋亭之西。應築磨盤大壩。庶河工不至卧進。有礙木龍。既可保護南岸。又可挑溜東趨。得旨嘉獎。○山東巡撫明興奏。明年恭逢

聖駕南巡。經由東省。需用馬匹。將營驛一併籌撥。尚有不敷。請照乾隆三十年奏案。將東省原裁驛馬六百匹。暫時復額。自本年十一月起。支銷草料各項。俟差竣時。仍將馬匹變價歸款。得旨。如所議行。○原署河東河道總督

何裕城奏。運河應辦隄岸工程。雖定於秋令興修。而添辦木石稽料。應即時備辦。以免貽誤。其現可興修之工。并嚴催承辦各員。趲辦以期得尺則尺。得旨。已用汝河南巡撫將此詳悉告蘭第錫。汝亦當時刻留心。明年南巡迴鑾時。汝自當來也。○又奏。彭口塘河向易停淤。必須即時撈浚。方能利運。但此際重運盛行。未免有礙。請將應挑工段。酌分東西。更番撈浚。東岸興工。令糧艘就西岸行走。俟西

岸興修時。又可移就東岸。庶兩無妨礙。得旨亦告之蘭第錫汝二人當如一人和衷共濟。此旨即與彼看。

實錄卷一百一十九

三二

大清高宗法天隆運至誠先覺體元立極敷文奮武孝慈神聖純皇帝實錄卷之一千一百七十九

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十八
監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 臣庫林
總載官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級又加二級 臣董誥內大臣戶部尚書鑲藍旗滿洲都統軍功紀錄五次
尋常紀錄十四次 臣德瑛經筵講官太子少保工部尚書紀錄六次 臣曹振鏞等奉
敕修

乾隆四十八年癸卯五月辛卯朔諭三月二十八日京師及近畿得雨後近已彌月雖屢微雨總未優霑現在時交芒種朕心望澤孔殷因思清理庶獄或可感召甘膏著刑部堂官查明軍流以下罪名情節分別減等發落其因事牽涉拘繫候質者亦速行訊明省釋至尋常案件並著即行完結毋得稽延留滯其直隸省並交該督袁守伺一體遵照查辦該部即遵諭行○壬辰諭京師近日以來雖屢得微雨尚未霑霈朕心深為廕念宜申虔

禱以籲甘霖。著禮部即速查照定例。敬謹奉行。○又諭曰。福隆安因病後體弱。不能御前當差。屢次奏請。將御前大臣。領侍衛內大臣。開缺。朕俱未准行。此次駐蹕熱河。秋間臨詣盛京。福隆安再三奏請隨往。但伊身軟氣虛。終日遠行。不能調攝。朕啟鑒後。福隆安著留京。署步軍統領事務。其原管各處事務繁多。恐伊精神不能周徧。所有正黃旗領侍衛內大臣。鑾儀衛掌衛事大臣。盟長。總管健銳營官兵大臣等缺。俱著福康安補授。○又諭曰。福隆安現在氣體微弱。所有清字經館總裁。並稽察功課。及四庫全書館總裁。並稽察功課。著派八阿哥管理。○又諭曰。李奉翰擢用河道總督。已逾數年。且辦理河務。尚屬奮勉。著加恩仍兼兵部尚書。右都御史銜。漕運總督毓奇。甫經擢用。著照新例。改授為兵部侍郎。右副都御史銜。○旌表守正捐軀安徽廬江縣民汪朝獻妻王氏。河南寧陵縣民馬谷。

讓女馬氏。○癸巳。

孝誠仁皇后忌辰。遣官祭。

景陵。○定月選文武各官。豫借養廉。由各省報撥。例。戶部議奏。月選文武官員。例得在部豫借養廉。向於到任後扣存藩庫。遇便解京還款。查此項銀兩。每因乏便員。三四年方彙解一次。往返查催。徒塵案牘。請嗣後即歸於各該省。春秋二撥冊內。報部聽候撥用。從之。○前署福建巡撫楊魁。疏報。閩縣侯官長樂同安。浦城。霞浦。福鼎。福安。漳平。龍巖等十州。縣。乾隆四十五年分。開墾荒地。十六項。七十三畝。有奇。○甲午。諭軍機大臣等。據何裕城奏。東省湖河水勢。及籌濟重運情形。一摺。內稱。河南衛輝彰德一帶。雨水稀少。以致衛源日弱。亟須籌濟等語。豫省河北一帶。既經缺雨。何以未據該撫奏及。現在於大田有無妨礙。曾否續得霽雨。著傳諭何裕城。據實迅速覆奏。再東省泰安。東昌等府屬。雨澤缺少。曾降。

旨詢問。現在曾否得雨。並著明興據實覆奏。至所稱衛河淺弱。咨會明興。分檄臨清等州縣。多雇剝船之處。刻下重運銜尾北上。所有沿途河道淺溢之處。亟應籌辦。並著傳諭蘭第錫。督率所屬於水淺段落。設法疏濬。並相機啟放湖水。酌量接濟。務使濟寧迤北河道。一律寬深。足資浮送。以利重運。進行不致逐段起剝。方為妥善。將此由五百里各諭令知之。○乙未。諭。據李世傑奏。夏邑縣知縣李

光德。典史劉應璉。於毆死親嫂化氏一家三命之兇犯歐陽十。既不趕緊審解。又不嚴行鎖錮看守。以致該犯乘間磨拷。欲逃復毆死禁卒二命。請將李光德等革職一摺。此等連殺一家數命之兇犯。一經拏獲。自應立即審解。決不待時。况該犯自知罪重。既拚一死。必致逞惡行兇。乃情事所必有。今歐陽十殺死親嫂化氏一家三命。收禁在獄。又磨拷欲逃。經禁卒喊拏。復逞兇毆斃二命。兇惡已極。歐

陽十著即凌遲處死。至該縣等於此等重案。既不趕緊審辦。又不嚴行鎖錮。以致釀成該犯復有在獄逞兇之事。實屬怠玩。知縣李光德。典史劉應璉。固應革職。其該管知府平日率屬無方。督飭不力。非尋常失察可比。並著交部嚴加議處。看來外省遲緩懈弛惡習。牢不可破。即如查拏逃犯等事。並不認真辦理。屢經降旨飭諭。亦不過以一奏塞責。至審辦重案。動輒稽遲。致屢有越獄逞兇等事。竟成積弊。如豫省歐陽十之案。若該撫等早能督飭速辦。又何至釀成事端耶。所有各省督撫俱著飭行。嗣後各督撫務須督率屬員。實力整頓。毋得仍前踈緩。將此通諭知之。○諭軍機大臣等。據李世傑奏。二麥約收分數一摺。內稱武安一縣。自三月十五日得雨後。已屆一月有餘。未得雨澤。收成約止五分。又陽武等九縣。約收六分。暨六分有餘。現在分飭確查。於常例糶借之外。寬為糶借等語。前據何

裕城奏河南衛輝彰德一帶雨水稀少曾經降旨詢問於田禾有無妨礙今李世傑奏報二麥約收分數摺內始稱武安陽武等縣雨澤缺少麥收分數僅止五六分未免奏報遲延李世傑現已起程前往川省著傳諭何裕城務須督飭所屬詳悉查明實力妥辦於常例糶借之外酌量寬為糶借毋任吏胥從中滋弊俾小民均霑實惠口食有資以副朕軫念黎元至意將此由五百里傳諭何裕城並諭李世傑知之○丙申諭軍機大臣等袁守侗奏審擬叅革三河縣知縣王治岐那用旗租商同已革灤州知州蔡薰捏造民欠分別定擬一摺已批交該部議奏矣但摺內聲叙情節殊未明晰如王治岐捏造民欠一事既據蔡薰供稱當日告知王治岐不可將那移據實說出等語是蔡薰之意已明令王治岐設法捏飾即與知情授意無異袁守侗於此等情節何以未切實根究除就近諭知刑部

外著傳諭袁守侗再行嚴查據實覆奏又大名道熊恩綏既稱委令查辦灤州節年民欠旗租則此事係其專責且熊恩綏曾任永平府本不當令其查辦也至蘭第錫等不過暫署應輕於熊恩綏何以轉置熊恩綏於不問亦屬疎漏並著查明一併覆奏尋奏辦理此案種種錯誤實切悚惶至熊恩綏未經叅劾因現查出那移掩飾之三河縣係通水道所屬灤州之有無虧那尚未查明俟另委道員前赴清查并再將蔡薰切實根究如有情弊再將熊恩綏附叅報聞○諭軍機大臣等本日明興覆奏山東各屬得雨情形惟濟南泰安東昌三府所屬雖得雨數次究未能普遍霑足其泰安東昌二府所屬土性本燥於大田究不相宜現在虔誠祈禱等語該省三府缺雨而摺內止稱泰安東昌且虔誠祈禱者究係何人摺內並不聲叙殊未明晰該撫前次摺內於濟南省城飭屬求雨未經親往曾

經批飭。想尚未奉到。至此次奏到之摺。仍未奏明。其泰安東昌二府。又係何人祈雨。何含糊若此耶。將此由四百里諭令知之。仍將現在該處曾否得有透雨。於大田有無妨礙之處。迅速具奏。○以四川布政使秦承恩。湖南布政使王站柱。對調。○豁免福建閩縣乾隆四十七年分水衝地三頃七十三畝有奇額賦。○丁酉恩免豫工攤徵銀款。諭據李世傑奏。豫省堵築青龍岡漫工。及築隄濬渠。歷次酌增夫料價值銀九百四十五萬三千九百餘兩。請分作三十年攤徵。以紓民力。一摺。豫省自辦理大工以來。歷次部撥及動用司庫銀千萬餘兩。無非為百姓保護田廬。輯寧家室。所有採辦料物。雇募人夫。俱於例價之外。寬裕給值。俾小民踴躍趨事。以期迅速。歲工其例價外酌增銀兩。自應分年均攤帶徵還款。在百姓等依限輸將。亦屬分內之事。但此次為數甚多。而上次漫工業內。又尚有攤徵

未完銀九十餘萬兩。若按年帶徵。民力未免拮据。朕自御極以來。勤恤民依。覃敷愷澤。普免天下地丁錢糧者三次。普免各省漕糧者二次。不惜萬萬帑金。俾閭閻共臻康阜。又何靳此千餘萬庫帑。而令小民每年於正賦之外。多此徵輸耶。況現在仰荷上天孚佑。大工告歲。自應廣澤推仁。與斯民咸慶盈寧之福。所有此次該撫等所請分年攤徵銀九百四十五萬三千九百二十餘兩。以及上次攤徵未完銀九十四萬五千餘兩。俱著加恩普行豁免。以仰答昊蒼嘉貺。並示朕惠愛黎元。為民藏富至意。該撫其徧行曉諭。茅簷蔀屋。咸使聞知。均霑實惠。毋任不肖官吏。從中滋弊。該部即遵諭速行。○戊戌恩免甘肅帶徵銀糧。諭甘省積年帶徵銀糧。前據李侍堯查明。係地方官從前冒混。並非實因災歉所致。但遞年積壓為數較多。若按限徵輸。民力不無拮据。特加恩展

限八年帶徵以示軫恤。昨河南帶徵之項千萬尚且全豁。茲甘省地瘠民貧。此項銀糧有幾。而分年帶徵。仍不免追呼之擾。著亦全行寬免。俾邊氓均霑渥澤。所有自乾隆三十六年起至四十六年止未完銀二十四萬六千四百五十六兩零糧一百三十八萬九千二百九十一石零均加恩全行豁免以紓民力。該督其徧行曉諭閭閻咸使聞知。普霑實惠。毋任不肖官吏仍前弊混。該部即遵諭行。

諭軍機大臣等豫省南岸開挖新河自考城商邱以下山東曹縣所屬地方原估挑河暨大河抽溝土方共七十餘萬由東省承挑此項挑河工程其應銷例價自應報部覈銷至例價之外亦必有酌增銀兩為數共計若干該省是否亦照豫省辦理之處著傳諭明興即行查明據實具奏候朕另降諭旨。○豁免遭風漂沒福建臺灣撥運內地兵米四百八十石有奇。○己亥雲貴總督富綱奏騰越鎮

標分駐之南甸一營距杉木籠千崖兩總汛均有二站杉木籠一路逼近緬境千崖一路可通野夷私販最易偷越汛遠兵單難於周密查南甸一營舊存額兵六百九十七名茲於添兵案內復添一百二十二名原可分駐請撥駐杉木籠適中之蠻東六十名千崖適中之暮福六十名設為兩汛再蠻東以外之喇咪塘距汛五十里請於適中之蠻令再添一塘於蠻東汛兵內抽撥十名駐守暮福舊

有之黃嶺岡猛來二塘距汛亦俱五十里止設兵三五名請於暮福汛兵內抽撥各補足十名從之。○庚子諭鄉會試派出主考官房官秉公閱看試卷由內監試按照卷數分為十八束籤派各房閱看此定例也各房官誠能細心檢閱矢公矢慎閱薦之後聽主考取中自可甄拔真才即有一二不肖房官欲通關節設其人不在所分卷數之內亦無從作弊近聞闈中房考於閱卷時竟有互相披閱之

事如此則彼此通同其流弊何所底止嗣後房官於分卷後止各就所分之卷悉心校閱不得互相抽看著主考官並內簾監試御史時加查覈如有仍踵前轍者指名叅奏毋稍瞻徇○諭軍機大臣等前據明興覆奏東省濟南泰安東昌三府雖得雨數次究未能普遍等語本日據孫士毅奏五月初六日山東省城得雨露足京師六七等日雨亦深透且勢甚廣濶近畿各省自必一律普霑而明興本日奏到續報各州縣得雨單內濟南及青州各屬得雨僅二三四寸想明興現在濟寧發摺時尚未知初六七日各屬得雨稟報著傳諭該撫即查明濟寧青州等屬曾否均霑渥澤迅速馳奏再本日據毓奇奏山東臨清開外衛河來源微弱各古淺處所水勢僅深二三尺餘恐重運經過仍須起剝等語該督此摺係四月二十九日拜發亦未知初六七得雨情形現在豫省衛輝彰德一帶曾否一

律得有透雨衛河水勢是否日見增長重運糧艘能否銜尾遄行無須起剝並著傳諭毓奇何裕城即速查明具奏尋明興奏東省少雨臣在省率司道步禱并飭缺雨各府設壇虔祈茲於五月初六七日大沛甘霖通省均霑渥澤得旨以手加額欣慰覽之又毓奇何裕城奏初六七日得雨深透衛汶等河均長水三尺餘漕船連檣速進無須起剝報聞○辛丑諭曰英廉現在病尚未痊著添派福隆安留京辦事○又諭朕此次啟鑾後所有戶部事務著阿桂暫行兼管○又諭朕此次啟鑾後所有工部理藩院事務著福隆安兼署○壬寅諭軍機大臣等據富勒渾覆奏海塘情形一摺內稱拜摺後即馳赴浙省務於伏汛以前抵抗詳加履勘通盤熟籌等語浙省辦理海塘關係緊要明歲又有差務富勒渾自應赴浙駐劄熟籌妥辦但該督身在浙省凡遇福建地方事件更應時刻留心實力整

頓斷不可如陳輝祖安坐浙省。竟置閩省於不問。以致諸務廢弛。地方屢有滋事之案。況該督此時赴浙。至明年差竣回閩。幾及一年。閩省海疆重地。必須精神周到。事事督飭妥辦。並不時派委妥員查察。毋使稍有因循廢弛。方足以副委任。將此諭令知之。○刑部遵旨議奏。向例以藥迷人得財者。不分首從皆斬。不得財者。發黑龍江給披甲人為奴。嗣於乾隆三十八年。定首先傳授藥方。以致轉傳貽害之犯。擬斬永遠監禁之例。徒有擬斬之名。未彰棄市之法。請嗣後有人已被迷。經他人救醒。雖未得財。將首先傳方及下手迷人之犯。均擬斬監候。入於秋審辦理。若甫經學習。及雖已合藥。即行敗露。或欲迷之人。知覺未經受累。均發往伊犁給厄魯特為奴。倘到配後。故智復萌。並脫逃者。即行正法。載入則例。通行遵照。從之。○癸卯遣官祭關帝廟。○諭軍機大臣等。現在南昌鎮總兵

張景烈來京。召見時。朕問彼此次軍政。爾列何等。伊稱經薩載保列一等等語。朕以各省總兵考語等次。俱係該督等具摺密陳。詢問該員何由知悉。稱係薩載告知。及查薩載保列清單。張景烈係列為二等。隨令軍機大臣傳旨中。飭復加詢問。又據稱我在江西省城時。與巡撫郝碩時常見面。他告訴我你的考語。薩總督已經寄知。係一等的考語。并將考語開寫與我看。是以冒昧陳奏等語。各省總兵每屆五年。令該督等出具切實考語。具奏一次。該督等各就其人之才具優劣。據實密陳。不應親自告知。本人以為徇情市恩之地。今張景烈所稱。伊考語係薩載劄知。郝碩郝碩轉行告知之語。郝碩以巡撫兼提督。所有該省總兵考語。薩載與之札商。尚非無因。至郝碩何得以此密陳之事。轉告本人。其張景烈所稱。是否確實。著傳諭薩載。郝碩一併據實覆奏。再張景烈奏對不實。其人竟屬荒唐。

並著薩載留心察看。如有廢弛營伍之處。即行據實奏聞。不得稍存迴護。○以鑲白旗護軍統領丹巴多爾濟為正紅旗蒙古都統。雲南普洱鎮總兵喀木齊布為鑲白旗護軍統領。調鑲藍旗護軍統領舒亮為正黃旗護軍統領。兼署正白旗護軍統領。以正紅旗蒙古副都統宗室斌寧為鑲藍旗護軍統領。○甲辰。諭軍機大臣等。本日明興奏到山東省四月分糧價單。惟曹州一府糧價較上月稍減。其餘濟南等各府屬俱較上月稍增。自因該省從前缺少雨澤之故。昨據孫士毅奏濟南東昌泰安三府均於五月初旬甘霖普降。此外七府二州並皆暢雨應時等語。是該省得雨普遍。麥秋可以豐收。大田亦可乘時播種。糧價自必較前漸減。著傳諭明興將該省各屬得雨後現在糧價若何之處據實具奏。若有成災者斷不可諱飾。尋奏自甘雨大降後麥價已減一錢七八分。其餘雜糧亦減五六

分。現除濟南泰安東昌登州四府收成微減。亦不至成災。其餘俱屬豐收。報聞。○又諭曰。伊桑阿等奏督臣袁守侗近復微有感冒。氣體益覺軟弱。現擬於十八九日即起程查勘橋梁道路。再三勸阻。督臣執意甚堅。若能在署加意調攝。自當漸次就痊等語。所奏甚是。袁守侗自上年患病以來。氣體本未復元。近復微有感冒。自應在署靜心調攝。況熱河每歲經行道路。自有一定章程。若因朕啟鑒在即。心切迎駕。並往返道途。查勘一切橋道。未免勞頓。轉非朕體恤委任之意。況現在該督查辦秋審案件。亦屬辦公。著傳諭袁守侗即遵旨。在署加意調理。以副倚畀。斷不可去查熱河。經由橋梁道路。即著伊桑阿前往查勘。將此傳諭袁守侗知之。○以兵部右侍郎朱椿為左都御史。調吏部右侍郎彭元瑞為兵部右侍郎。以太常寺卿吳垣為吏部右侍郎。○以侍講學士葉觀國為四川鄉試正考官。

中書毛鳳儀。為副考官。侍講學士王懿修。為廣東鄉試正考官。編修朱紱。為副考官。侍講吳壽昌。為廣西鄉試正考官。檢討孫玉庭。為副考官。翰林院侍讀學士褚廷璋。為福建鄉試正考官。中書邱桂山。為副考官。侍講芮永肩。為湖南鄉試正考官。中書吳樹萱。為副考官。○乙巳。密雲副都統宗室都爾嘉。奏密雲現出馬甲八十三缺。除騎射可觀者。俱經挑補。餘皆年幼。未便草率充數。若紛紛由京咨

實錄卷一百八十

十八

取。既繁瑣難行。且於此地兵丁生計有礙。請暫裁馬甲五十缺。改為養育兵一百缺。按其家口挑補。數年之後。幼稚成立。挑甲既不乏人。此時於兵丁生計。亦屬有益。從之。○補行乾隆四十七年軍政。直隸省。卓異官六員。年老官一員。有疾官一員。才力不及官一員。河東河標。卓異官二員。有疾官一員。福建省。卓異官五員。罷軟官二員。年老官三員。有疾官三員。才力不及官一員。浙江省。卓異官五員。

罷軟官二員。年老官二員。才力不及官三員。分別議叙處分如例。

實錄卷一百八十

十九

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十八年癸卯五月丙午協辦大學士

吏部尚書永貴遺疏聞

諭曰協辦大學士吏

部尚書永貴老成端謹練達精詳敍歷中外

勤勞懋著雖近覺精力稍衰尚能照常辦事

遽聞溘逝深為軫惜著派散秩大臣帶同侍

衛十員前往奠醊其任內降革罰俸處分俱

予開復所有應得卹典著該部察例具奏○

命內閣學士李綬充文淵閣直閣事○蠲免

安徽壽州鳳陽懷遠靈璧鳳臺潁上霍邱泗

州盱眙天長五河十一州縣乾隆四十七年

分水災額賦有差丁未

上御勤政殿聽政○直隸總督袁守侗遺疏聞

諭曰直隸總督袁守侗端重篤實才守兼優

敍歷中外宣力有年簡任畿封正資倚畀近

聞其病後痰喘未止屢經諭令加意醫治昨

復據奏請解任因命御前侍衛豐紳濟倫前

往看視並諭其安心調理以冀速痊今聞溘

逝深為軫惜著加恩晉贈太子太保准入賢

良祠所有任內降革處分俱予開復其應得

卹典該部察例具奏○又諭曰直隸總督員

缺著劉綬補授○劉綬接奉諭旨即行速赴新

任其未到任以前著劉墉前往署理所遺廣

西巡撫員缺著孫士毅補授○又諭曰山東

布政使員缺著陸燿署理俟服闋後再行實

授○又諭據書麟等奏現當剝糧之時天津

一帶備剝船隻若照御史管幹珍條奏糧鹽

並運轉恐滋擾請仍先儘漕糧起剝等語所

奏是依議速行漕船關係天庾正供且本年

回空漕船。尤須早出東境。若令糧鹽並運。則民間船戶。希圖運鹽多。得腳價。勢必貽誤漕運。此實管幹珍不諳事體。急於見長。故有此奏。管幹珍著傳旨申飭。將此並諭直隸總督長蘆鹽政知之。○又諭曰。福崧等奏查辦義烏縣監生樓繩等呈首伊故父樓德運自輯諭家言。暨巢穴圖畧各書內。有違礙字句一摺。內稱樓繩等因書本扁額字句。多有違礙。曾屢向伊父阻止。伊父執拗不聽。迨伊父病故。樓繩等即將書本板片呈首。現將樓繩等收禁。革去職銜衣頂。並將該犯家產查封。拘犯嚴究等語。所辦未免過當。樓德運妄行撰輯。字句多有違礙。使其人尚在。自有應得之罪。今業已身故。伊子樓繩等知有違礙。從前屢經阻止。伊父執拗不聽。及伊父一經病故。樓繩等即將書本板片自行呈繳。是樓繩等本知畏法。自可無庸治罪。除將繳出書本板片銷燬外。樓繩等均著加恩寬免。其無干人

犯概予省釋。○諭軍機大臣等。據福崧奏。查明范清濟在浙銅觔貨物。蘇州商局俱有底帳。現咨江省確覈。並嚴催新商。尅期出洋。趕運銅觔。以供鼓鑄等語。范清濟之本誤運。其名下銅觔貨物。自應詳細查明。俾無遺漏。著交閔鶚元徵瑞逐一覈辦。福崧摺並著鈔寄閱看。將此傳諭閔鶚元等。並諭令福崧知之。○以西安將軍伍彌泰為吏部尚書協辦大學士。調廣州將軍傅五為西安將軍。以成都副都統存泰為廣州將軍。○調正藍旗滿洲都統三寶為鑲藍旗漢軍都統。以署工部尚書福康安為正藍旗滿洲都統。○戊申。諭朕披閱明史。袁崇煥督師薊遼。尚能忠於所事。而其時主闇政昏。不能罄其忱悃。以致身罹重辟。深可憫惻。因降旨查其現在有無子孫。曾否出仕。茲據該撫尚安查奏。袁崇煥無嗣。係伊嫡堂弟文炳之子入繼為嗣。現有五世孫袁炳。並未出仕等語。所奏尚未明晰。袁炳

如果文理通順。即照熊廷弼裔孫之例。以訓導咨補。俟六年俸滿。察其堪膺民社。再行保舉。送部引見。如僅能粗曉字義。人尚明白。即以佐雜等官補用。若未經讀書。以務農為業。即賞給八品頂帶榮身。著該撫查明。遵照辦理具奏。○以杭州協領佛智。為成都副都統。○豁免甘肅靈州。乾隆四十五年水衝地三十六頃十畝。有奇額賦。○己酉。諭朕臨御以來。祇畏寅恭。凡遇

壇

廟大祀。無不恪誠齋祓。親詣行禮。茲屆夏至北郊。於十九日進宮齋戒。適因氣滯舊患作痛。現在令醫加意調攝。尚未全痊。誠恐升降儀節有愆。轉不足以昭誠敬。此次朕即在御園齋戒。派皇六子永瑤。敬謹恭代行禮。若臨期氣體全安。朕仍親往肅恭蒞祀。○旌表守正捐軀廣東順德縣民吳泰客妻麥氏。庚戌。恩免山東河工攤徵銀款。諭曰。豫省堵築青

龍岡漫工。及築隄濬渠。酌增夫料價值銀九百四十餘萬兩。前據李世傑奏。應行攤徵。業經加恩普行豁免。因思南岸開挑新河。考城商邱以下。係山東曹縣地方。由東省承挑。亦必有酌增銀兩。特降旨詢問明興。令其據實具奏。茲據該撫查明。東省挑河例價外。增夫工銀一十六萬七百八十餘兩。又稀淤澇土。增給雇值。雨水停工。酌增飯食。及塔棚岸水等項銀六萬兩有零。俱應按畝攤徵等語。豫省加價銀兩。既已普行豁免。東省事同一例。所有酌增各項銀二十二萬餘兩零。著加恩一體寬免。俾民力益臻饒裕。該撫其徧行曉諭閭閻。咸使聞知。普霑實惠。毋任不肖官吏。從中滋弊。該部遵諭速行。○諭軍機大臣等。明興覆奏東省挑河加價銀兩一摺。已降旨照豫省之例。普行豁免矣。至夾片內所稱。引河方價加足三錢之外。又有雨水停工。酌給飯食。及搭蓋棚廠。添製岸水器具等項。共支

給銀十二萬兩有零。將一半歸入攤徵項下辦理等語。該省挑河加價銀兩。業照豫省之例。全行豁免。此項應徵一半銀兩。亦毋庸攤徵。現已明降諭旨。加恩一併豁免。以紓民力。至其餘一半銀兩。既據該撫奏請於養廉內分年攤扣。即照所請辦理。將此諭令知之。○命署工部尚書福康安。在軍機處行走。○辛亥。戶部議覆浙江巡撫福崧奏稱嚴除漕弊酌定章程。一定例江蘇辦漕。按照區圖派厰收納。浙省不分區圖。隨厰交收。糧多之處。花戶日以萬計。擁擠嘈雜。百弊叢生。請照江蘇之例。分別村莊遠近。收穫早晚。按照區圖酌定日期。先行曉諭。使糧戶依圖按日。以次交納。仍遵例十月開倉。不得藉詞遲滯。一辦漕州縣稍不潔已。輒被人挾制。劣衿土棍攬納醜米。復尙小民浮收。以為補苴之計。請責成該管道府嚴加查察。並將搢紳巨戶某莊某人名下。應完額糧若干。於糧冊內逐一註明。

倘有倚恃父兄官爵。擅交醜米。及强行代納者。隨時揭叅。并飭印官遵例駐倉。秉公監兌。嚴禁折色納錢諸弊。一收漕積習。每於書吏中。擇其有家計者。先令承修倉厰等事。開徵時。暗點漕總。更名疊充。朋比作奸。又有謀為辦漕幕友。及專充收漕長隨。甚至一經書薦。不必到倉。即分餘潤。大干例禁。請嚴飭州縣將舊充漕總。查明年貌住址。據實禁革。其幕友長隨。概行屏絕。倘上司徇情囑薦。許州縣揭叅。均應如所請。從之。○補行乾隆四十七年軍政黑龍江卓異官十二員。不謹官一員。罷軟官一員。有疾官一員。年老官六員。分別議叙處分如例。○旌表守正捐軀山東陽穀縣民史進孝妻邢氏。○壬子夏至祭地於方澤。遣質郡王永琮恭代行禮。○左副都御史吳玉綸奏。每遇舉行祀典。陪祀官員。應齋戒三日者。在公署齋宿。二日者。在私第致齋。至

祈雨為偶一舉行之禮。向例致齋二日。百官相沿。即在私第致齋。似不足昭明潔誠敬之忱。嗣後應在公署齋宿。請著為令。從之。○癸丑。

孝恭仁皇后忌辰。遣官祭。

景陵。○甲寅。

上幸避暑山莊。自圓明園啟鑾。○諭。朕此次啟鑾前往熱河。所有經過地方。著加恩蠲免本年地丁錢糧十分之三。○是日。駐蹕南石槽。

行宮。○乙卯。諭。此次密雲縣接駕兵丁。加恩

賞給半月錢糧。○是日。駐蹕密雲縣行宮。○

丙辰。諭。據長清奏。漳州府屬同安縣南山社地方。有陳草等勾結匪徒。行劫窩留。坐地分贓一案。現經拏獲窩家陳草。及賊匪林翰等十八名。並於各該犯家內。搜有烏鎗牌刀等械。現在按名嚴究。並飭文武上緊搜捕餘匪等語。閩省民風刁悍。上年漳州府所屬之漳浦縣。奸民林耀等。糾眾奪犯傷差。甫經嚴拏。

重治。乃同安縣又有勾結匪徒窩留行劫之案。可見該處刁風未息。愆不畏法。自應嚴拏究辦。從重懲治。以靖海疆。而安良善。現在富勒渾已起程赴浙。著傳諭雅德將已獲人犯。速即嚴行究審。從重定擬。並督飭文武員弁。迅速搜緝餘匪。毋使一名漏網。將此由五百里諭令知之。並將現在各該犯曾否全行就獲之處。即速覆奏。並諭富勒渾長清知之。○又諭曰。明興奏武定營樂陵縣汛千總齊廷梅。因該縣屠戶張大本。與營兵呂安邦索欠爭角。具控到縣。正在集訊。該弁即傳喚張大本詢問。因其不服咆哮。輒令兵丁責打二十九棍。致張大本因傷身死。請將齊廷梅斥革審擬等語。此事大奇。已於摺內批示矣。千總係微末武弁。非地方大員可比。遇有民人與兵丁爭角之案。業經控縣集訊。自應聽候地方文員審斷。乃齊廷梅輒將張大本違例擅拘。濫用棍責。以致因傷斃命。實為可惡。著傳

諭明興。此案定擬時。照例抵償。並令刑部堂官入於本年秋審情實。以示懲儆。又諭。據蘭第錫奏。查勘運河工程。並漕船水勢情形。一摺。內稱。糧艘已入東省。共六十六幫。若以每日一幫計算。約計六月底。可以盡數出境。較之上年。實可趕早兩月等語。濟寧以南。運河兩岸工程。最關緊要。必須俟漕艘趕緊回空。早出東境。所有開壩涵洞等工。始能一律及早興修。現在漫水消落。漕艘北上。既可造行無阻。且今歲江西湖廣。係輪免之年。幫船較少。比上年實可趕早兩月。著傳諭毓奇嚴飭沿河文武員弁。上緊查催。務令各幫迅速抵通。並著倉場侍郎書麟等於漕船抵通時。隨到隨收。得以迅速回空。毋稍遲滯。俾各幫速出東境。以便運河工程。及早興修。方為妥善。將此由四百里傳諭毓奇等。並諭蘭第錫明興知之。是日。駐蹕要亭行宮。丁巳。諭此次口外接駕之熱河兵丁。著加恩賞給半

月錢糧。○諭軍機大臣等。昨蘭第錫等奏。南運河工段綿長。秋令工程齊舉。協辦分催。現在丞倅等員。不敷派委。查有來東投効之候補候選等官。情願捐貲承辦。又有革職降調等官。亦請出貲分段承修。並照例捐復。可否准其在工効力之處。謹先會同請旨等語。已批該部速議具奏矣。運河工段較長。自須多員承辦。但思此項効力人員內。降調革職各員。緣事輕重既殊。案情公私亦各不同。若概予捐復。何以明示區別。著傳諭阿桂等於議覆時。將吏部現行分別准駁捐復條款開列。發交該督撫。將報捐各員。緣事原案逐一確加查覈。果有事屬因公。情罪較輕。例得捐復者。自應准其捐復。在工効力。若本因私罪。參革降調。於定例不應捐復者。概不准行。仍令將投効報捐人數。明列限制。足敷差委。即令停止。毋任冒濫滋弊。將此即於議覆時。明晰聲敘。速行議奏。○又諭。前因金川軍營逃兵

各省拏獲。及自行投首者。甚屬寥寥。曾明降諭旨。將承緝不力之文武各員。交部嚴定處分。並通行予限一年。又念窮鄉僻壤。或尚未能周知。加恩再予展限一年。今扣至本年九月。已屆限滿。而所有逃兵省分。未經拏獲者尚多。夫國家設兵衛民。雖可百年不用。不可一日不備。全在紀律嚴明。方能克敵致果。若兵丁身歷行間。不思爭先効命。竟至畏葸脫逃。按之軍法。自當立正刑誅。以彰憲典。明季軍政廢弛。隨征兵丁。每多臨陣恒怯。望風潰散。皆由平日毫無整飭。甚至將不知兵。兵不顧將。以致國事日非。不可不引為殷鑒。我朝八旗勁旅。凡遇調遣。無不踴躍奮興。抒忱効盡。自伊犁回部金川用兵以來。從無一人脫逃。乃綠營兵於金川軍營。潰逃數目甚多。此等逃兵。一經拏獲。即應斬決。原不得以人數衆多。稍從寬減。特因大功業已告成。且事隔多年。不忍概予駢誅。是以屢經降旨。寬以年

限。准其自首免死。改發新疆。此實朕法外施恩。於無可寬減之中。予以一綫生路。在逃兵等稍有入心。自應即時投首。乃統計各省拏獲及投首者。不過十分之一二。即四川辦理較為認真。曾經交部議敘。然統計亦不過十分之三。可見外省地方官。從前既未實力查緝。及節次接奉恩旨。又不過以出示城署了事。未能多方設法曉諭。俾窮鄉僻壤。一一周知。以致逃兵尚多潛匿。今展限之期。扣至本年九月。又已屆滿。地方文武。如此漫不經心。即按例降調。亦所應得。但念各省逃兵。為數尚多。其中自不無死亡事故。而逾限之地方文武員弁。一時降調離任者。自必不少。著加恩再予展限一年。扣至明年九月為滿。各該省督撫。務須嚴飭所屬。各發天良。感激奮勉。實力查辦。多方曉諭。自首者多。即可全許多生命。若其慙不畏死。及以發伊犁為苦。則是冥頑不靈。著上緊緝拏。庶不負朕格外矜全

之至意。倘此次限滿仍未能多所緝獲。定將承緝不力之文武各員。照例實降。不能以罰不及衆。再邀寬貸也。將此通諭有逃兵省分之督撫知之。○是日。駐蹕兩間房行宮。○戊午。駐蹕常山峪行宮。○己未。諭。此次隨出一百十二名校尉內。常隨駐蹕者二十四人。著加恩賞給兩月錢糧。至熱河遣回者八十八人。每人賞給一兩銀。○是日。駐蹕喀喇河屯行宮。○庚申。諭。曰。熱河兵丁。及看守避暑山莊千總兵丁等。俱著賞給半月錢糧。○是日。駐蹕避暑山莊。至八月乙亥。皆如之。○是月。直隸總督劉綎奏。謝陞任恩。并請馳赴行在請訓。得旨。不必來。一切勉為效方。觀承。周元理之善。而戒其不足。總以表守。侗為法。斯得之矣。○福建漳州鎮總兵閔正祥奏。漳州盜案繁多。臣到任後。弋獲盜犯三十一名。其有在逃者。務期拏獲。不使漏網。至械鬪奪犯毆差等案。多出於族大丁多之戶。向來徒委

未弁前往。易致輕視。必須大員帶領兵役。親往拘拏。不獨人犯可獲。亦使奸匪知懼。得旨。亦不必欲速過急。不動聲色。常存此心。有犯必懲。不可化大為小。勉之。○河南巡撫何裕城。署河東河道總督。蘭第錫會奏。查河頭兩岸舊隄。尚覺窄狹。恐挑溜南注。擬於西面上唇。再切寬十丈。長七十丈。俾溜勢向東斜趨。盡歸大河。更免新隄著重。又河尾大溜。偏向北趨。折而東注。兜灣之處。計程八里。若避灣取直。僅長八百五十丈。現擬從河尾取勢。順直向東抽溝一道。寬三十丈。以順其東注之性。得旨。嘉獎。○何裕成又奏。臣現已接印任事。當新工甫竣之餘。正衆政畢修之候。力微任重。誠恐不克肩荷。得旨。時時存此心。何患不勝任。

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百八十一

實錄卷一百八十一

七

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百八十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣盧蔭

烈職官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十八年癸卯六月辛酉朔諭據李本

李本

一

覆奏黔省承緝逃兵各員將屆限滿例應降
二級調用者共二十八員等語貴州省分尚
小因逃兵承緝不力例應實降各員已多至
二十餘人則此外有逃兵省分應行實降各
員必較黔省更多前已明降諭旨加恩再予
展限一年扣至明年九月為滿各該員屢次
邀恩展限自應各發天良感激奮勉上緊查
緝諄切曉諭務使窮鄉僻壤一一周知既可
使自首逃兵保全生命而各該員亦得免罹

處分。庶不負朕格外矜全。至再至三之意。倘此次展限之後。尚漫不經心。至限滿時。仍未能多所緝獲。則是各該員等。毫不知感。竟視為海捕具文。朕法在必行。定將承緝不力各員。照例實降。斷不以罰不及衆。再為曲宥。各該省督撫。務須嚴飭所屬。多方設法。實力辦理。慎毋以朕屢次加恩。倖邀寬貸。仍可冀再加恩展限也。將此再行通諭。有逃兵省分之督撫。知之。○又諭。伊勒圖奏請陞見。已准其

來京。明亮著前往署理伊犁將軍。所有烏嚕木齊都統事務。著海祿徑由雲南馳驛迅速前往署理。不必來京請訓。海祿扣算程途。約計抵烏嚕木齊。接受交代後。明亮前赴伊犁。務在九月內。伊勒圖可於彼時起程。伊勒圖到京陞見。已屆冬底。其回任須俟明年四月。明亮交代將軍印務。即著來京陞見。仍著海祿署烏嚕木齊都統事務。俟明亮陞見回任。海祿再來京另候簡用。所有雲南提督員缺。

著鄂輝補授。其四川建昌鎮總兵員缺。著魁麟補授。○又諭。戶部議奏粵海關徵收贏餘。比較短少銀六萬七千三百餘兩。仍著落該監督及該管關督撫。照數賠補一摺。此項虧短銀兩。部議著令該監督等賠補。自係照例辦理。第念該關短少緣由。究因到關洋船較少所致。且據該撫查明。尚無以多報少。藉端侵蝕情弊。但似此年復一年。逐漸短絀。於權政大有關係。所有此項應賠銀六萬七千

三百餘兩。著加恩寬免一半。其餘一半。著照部議。令該監督及該管關督撫。各按經徵管理。月日久暫。照數分別賠補。○壬戌。諭。昨據正藍旗都統奏。奉恩輔國公弘晟差家人許鳴。至靜海縣查收馬廠地畝一事。已交留京辦事王大臣會同該部。秉公嚴審具奏矣。此項地畝。久經入官。忽有弘晟家人。持諭赴縣收地。殊堪駭異。該縣既經詳報。何以未據素守伺奏。及或係該督因病勢沉篤。未能留心

辦理。但地方事件。係藩司專責。該員自必一併詳報。從前該署司作何查辦。著傳諭伊桑阿據實詳查。毋得稍存迴護隱飾。將此由四百里傳諭。即令速行回奏。○定旗人逃竊罪。並發遣例。刑部奏。旗人犯逃在一月外者。發遣黑龍江等處當差。如怙惡不悛。銷去旗檔。改發雲貴兩廣邊遠地方。其犯搶竊應刺字者。新例銷去旗檔。以民人例辦理。惟此等匪徒。往往有因竊而逃。或逃後行竊。同時並發者。若以民人例計贓治罪。有止徒杖者。轉得因銷去旗籍。而免犯逃發遣之罪。似不足示懲創。請嗣後滿洲蒙古正身。有二罪並發者。覈其搶竊贓數。在流徒以下。律應刺字者。無論逃在一月內外。俱照旗人逃走。發遣當差。在配怙惡不悛例。改發雲貴兩廣邊遠地方。令地方官與民人一體嚴加約束。至漢軍正身。但有犯應刺字者。亦照新例銷除旗檔。其逃竊治罪之處。另有專條。仍照本律定擬從

之。○癸亥。體仁閣災。諭軍機大臣等。弘最差家人持諭往靜海縣收取馬廠地畝一事。殊堪駭異。從前該縣詳報時。袁守侗何以未經具奏。昨已傳諭伊桑阿令其據實詳查。速行具奏矣。至戶部接到直督咨文。自應一面具奏。一面咨詢該旗。何以亦未奏及。現已據和坤等查明。自請交部議處。金簡以戶部侍郎兼正藍旗副都統。兩處咨文皆所承辦。何以事隔經旬。始行具奏。看來此事。必係福隆安查出。欲奏金簡。不過隨同列銜。著交阿桂。福隆安。金簡。將袁守侗咨文。何日到部。部中何日具稿。詳悉查明。據實具奏。並將袁守侗及戶部原咨。一併呈覽。將此諭令知之。○予故協辦大學士吏部尚書永貴祭葬如例。謚文勤。予故直隸總督袁守侗祭葬如例。謚清懿。○甲子。諭軍機大臣等。昨據正藍旗都統奏。奉恩輔國公弘最差家人許鳴持諭往靜海縣收取馬廠地畝一事。係由直隸總督

咨查戶部。由部轉咨該旗。此事實為僅有。該縣詳報時。該督自應一面具奏。一面咨查。乃素守伺竟未奏及。僅以咨部了事。計彼時素守伺病勢已篤。昏迷之際。未能辦理及此。使其平日於此等應奏之事。不行入告。朕必當將伊交部嚴加議處矣。直隸總督於旗民交涉事件最多。必須秉公持平。不避嫌怨。方為無負委任。劉綏平素人尚質實。是以加恩擢用。伊在直年久。於朕辦理庶務。一秉大公。至

正自應深悉。著傳諭劉綏。嗣後遇王公大臣等有因地畝一切事件。與地方官交涉者。若不由戶部及本旗行文。竟敢私自差人持諭前往。無論其事之是非曲直。該督即行據實一面奏聞。一面辦理。毋得稍存瞻顧。自干咎戾。著將此旨存記。俟劉綏到任時。傳諭知之。○又諭曰。李奉翰奏查勘工程水勢情形。一摺。覽奏欣慰。已於摺內詳悉批示矣。據稱黃河內。因上游長水會歸下注徐城。誌橋陸續

長水三尺四寸。連前長至八尺六寸。溜勢湧急。一切埽壩工程。春間豫修堅整。足資抵禦。等語。向來徐城誌橋。遇上游水長時。往往長至丈餘。何以此次僅長至八尺六寸。若非水不甚大。即係河底淤墊之故。向來量水。惟從河底至水面為準。今思應另從隄頂量至水面。為一量法。方為得實。著傳諭李奉翰。即親身前往探量。由隄頂至水面。詳悉測丈。如河底至水面。向為一丈。隄岸出水有四尺。今河底至水面八尺。則隄應露六尺。較之從前水誌為刷深矣。乃極好機會。若自隄頂至水面四尺。而河底至水面祇八尺。則是河底因上年漫口斷流。淤沙墊高二尺矣。此則甚為可慮。徐城河面本窄。為入海咽喉。必須河底刷深。使水勢暢行。方為妥善。李奉翰親往探量之後。如何設法籌辦。以慰廑念。著即行具奏。將此由六百里發往。傳諭李奉翰知之。仍著由六百里速行覆奏。○乙丑諭軍機大臣等

據留京辦事王大臣等奏。初三日亥刻雷雨。體仁閣失火。初四日寅刻。始行救熄。請將管庫郎中。及該班叅領等。分別革職治罪。並自請議處一摺。此次失火。正值雷電交作。非尋常不戒於火可比。朕不但不敢稍存怨尤。而且深感。

天神默佑。蓋雷火先從西直門北角樓焚起。乃自西而東南。越過太和殿。殿基高於體仁閣。僅止將閣燒燬。究係旁座。且存貯物件。不過

備賞緞匹等項。無關緊要。朕心實以為幸。著派皇六子永瑤親往。

火神廟致祭。並派福隆安。金簡敬謹襄事。以答。

神庇。且此事正值朕駐蹕熱河。設或在京。自不免親往閱視。轉多煩勞也。至奮勉搶救出力保護之官兵太監等。著交阿桂。福隆安。查照上年隆宗門內直房失火。獎賞搶救出力官兵太監之例。分別擬賞。開單具奏。其所請

將開庫郎中司庫等及該班官兵。交部治罪之處。固屬應得。第思體仁閣與西直門角樓。小井碑亭。三處同時轟燒。自係雷火所致。尚非捏飾。與上年內右門外直房遺火焚燒者不同。朕方以雷火越過正殿。仰賴

神庥。虔申禳祭。豈轉肯以此加罪於人乎。此內除輪應值廊下兵丁。因避雨。那至左翼門下數人。擅離汛守。自應懲治。然罪亦不過責革而止。其是日開庫之郎中司庫等及該班

官兵。并步軍統領衙門奏請將西直門角樓失火看守巡查之官兵治罪。俱著加恩一概寬免。所有奏請議處之永瑤。阿桂。福隆安。德保。金簡斌。寧。及代內務府大臣值班之郎中。福成。阿。並該六班之果郡王。散秩大臣。公積拉堪等。俱著加恩寬免。將此諭令知之。○又諭。現在修建體仁閣。工程關係緊要。據金簡奏稱。與福隆安商酌。會同督辦。並派員分頭上緊趕辦。各項匠工料物等語。自應如此辦。

理。至所奏現派員赴圓明園木廠查量福康
安徵瑞進到木料並工部木倉現存梔木配
搭應用。又設法尋覓合式木料磚塊購買拆
用等語。此項工程需用大木較多。自應亟為
籌備。即修辟雍所有豫備木料。亦可先行儘
用。以期迅速集辦。又福康安尚有採辦楠木
二十餘件。伊在川起程時業經起運。計此時
已過湖廣地界。現在傳諭江南山東直隸各
督撫速即催運來京。著傳諭福隆安金簡通
盤籌畫。上緊興修。務於本年九月內安速完
竣。○丙寅諭曰。和坤著施恩賞戴雙眼花翎。
○又諭福康安著為後護大臣。與和坤同行。
拉旺多爾濟著在後護大臣貼班行走。○又
諭曰。內閣學士陸費墀奏稱伊母趙氏年屆
九旬。懇請於八月恭祝萬壽後。回籍省視等
語。著加恩給假半年。無庸開缺。並著賞給伊
母御書扁額。○諭軍機大臣等據富勒渾等
奏會勘海塘沙水工程情形一摺。已於摺內

詳悉批示矣。據稱范公塘一帶。若一律添築
柴塘。不惟購買物料需費浩繁。而為時甚迫。
亦趕辦不及。况老土塘根腳同係淤沙土性
浮鬆。即添築柴工。一遇潮汛頂衝。亦不足以
資抵禦等語。看來范公塘一帶。竟須一律改
建石塘。方可保護廬舍桑麻。俾海濱黎元永
資樂利。朕於捍衛民生之事。從不靳多費帑
金。况該處較現築魚鱗石工所費不過三分
之一。尚易辦理。俟明歲南巡時。朕親臨閱視
指示機宜。再行籌辦。著將富勒渾等原摺鈔
錄一分。並原圖發往阿桂閱看。阿桂於該處
情形素所熟悉。著將應否如此辦理之處。就
聞見所及。據實覆奏。再富勒渾摺內有抵抗
後。即會同福崧馳赴工所之語。自杭城抵海
塘。不過十里。安用馳赴。此皆庸劣幕賓不通
文義所致。富勒渾於具奏事件。何不細心檢
點。若此耶。一併諭令知之。○閩浙總督富勒
渾浙江巡撫福崧會奏明歲恭遇

南巡辦差官員執事兵役輻輳雲集需錢必多請於寶浙局豫留錢五萬串屆時沿途設廠售賣以平市價從之○以浙江台州協副將彭承堯為江西南贛鎮總兵丁卯諭曰金簡曹文埴奏弘最差家人持諭赴靜海縣私收地畝一事接准直隸總督咨文該部司員叙稿於五月十五日呈送曹文埴標畫先行金簡亦隨後補押並未留心詳閱各請交部嚴加議處等語曹文埴於此等案件不能分別事理輕重尚屬無心之過金簡亦係事後補押尚屬可寬俱著加恩免其交部議處至和珅梁國治董誥福長安於此稿俱未畫行福康安甫行到京接受正藍旗都統印篆為日無幾所有自請議處及將未經回堂之該旗章京一併分別議處之處俱著加恩寬免其戶部司員俟查明有無聽受囑託延挨情弊再降諭旨至署布政使按察使伊桑阿接據該縣詳稟此案並不即行具奏及傳旨詢

問又以呈詳督臣批候覈咨為詞殊屬迴護伊桑阿著交部嚴加議處○諭軍機大臣等本日王大臣等奏到摺內將戶部咨行正藍旗原稿呈覽內開弘最家人許鳴持劄往諭靜海縣有本年正月十六日賞馬百匹現今草料甚貴即將雙窰村馬廠地交收以備養馬等語所有賞馬百匹之事從何而起著傳諭王大臣等即向弘最及家人許鳴嚴加詢究令其據實供吐再據阿桂等奏戶部司員於此案難保無聽受囑託故為延挨情弊並著傳諭阿桂等一併徹底查究將該司員等因何遲延之處詰訊明確據實具奏毋任含混支飾○又諭伊桑阿覆奏弘最差家人許鳴持諭至靜海縣收地一事所稱恩國公竟_{是弘最劄諭內字樣伊本係奉恩輔國公乃恐不足聳聽託於古時國公字樣聲勢較大甚為可鄙至許鳴供稱實係弘最家人此事弘最何得諉為不知著留京辦事王大臣傳}

旨詢問弘最其許鳴一犯應即行解京務須嚴訊確供將此案情節徹底質訊以成信讞○又諭浙江范公塘一帶看來竟須一律改建石塘以資捍衛昨已諭知富勒渾等矣本日據閔鶚元奏江蘇省續辦浙塘石料於四月二十九日全數起運其由浙省挑退者亦補運完竣等語前經該督撫奏稱建築魚鱗石塘分限辦理需用石料甚急江蘇隔省採運稍難先儘浙省購辦應用前又經降旨富勒渾等令將各段塘工蓋面石塊不拘尺寸不妨搭配鋪墁以期迅速完工是此次浙省石料先已鋪墁江省續辦石料運至浙省必有存剩即可留為改建范公塘之用著富勒渾等細心履勘若該處塘工必須改築方可永資保護浙省亦應豫行採辦免致臨時糜費周章况凡事豫則立若今歲物料齊全明春南巡時朕親臨閱視指示機宜降旨後即可興工辦理一年之內無難告竣俾鉅工屹

立海濱黎庶咸慶安瀾至富勒渾等摺內有老土塘根脚同係淤沙土性浮鬆之語從前老鹽倉一帶亦稱沙性浮鬆難以開槽打樁乃自改建石工一律穩固堅實可見事在人為封疆大吏於民瘼所關斷不可存畏懼之見該處改建石工所費較前不過三分之一今府藏充盈於捍衛民生即多費數十萬帑金使閭閻永臻樂利亦所不靳也著傳諭富勒渾等善體朕意熟籌妥酌將此次江省運到石料塘工完竣後尚存若干將來興工仍須添用石料若干之處覈算據實具奏尋奏改建石塘實為一勞永逸所需石料除鱗工應用外尚存一萬三百餘丈今范公塘改建石塘共需條石五十一萬五千餘丈現飭金衢嚴道寧紹台道分往山陰嚴州寧波等處開採應用報聞○又諭前據蔡新奏於四月初十日在家起程六月內可以抵京當即趨赴熱河等語已於摺內批令不必赴熱河矣

現在天氣炎熱伊係年高之人往返勞頓亦非所宜。況內閣吏部辦事需人。蔡新抵京後即到署辦事。仍遵前旨。不必赴熱河請安。俟朕於九月內由盛京迴鑾時再行接駕。彼時天氣涼爽。伊即遠至山海關迎駕。亦無不可。著留京辦事。王大臣於伊到京時即傳諭知之。務須遵旨。以慰廑注。○戊辰

上詣熱河

文廟行禮。○諭軍機大臣曰。弘最差家人收取地畝一事。戶部僅行文咨查。未經具奏。所有各該堂官自請議處。俱已加恩寬免。此事係曹文植標畫先行。金簡亦隨同補畫。與和坤等之未經畫行者不同。稿件呈堂畫行。自應隨事留心斟酌。輕重辦理。即云一時疎忽。稿文未及詳細閱看。豈稿面事由。亦竟未寓目耶。該侍郎等不是甚大。第因金簡曹文植辦理四庫全書尚屬認真。金簡於承辦工程等件亦頗出力。是以格外加恩寬免。該侍郎

等毋以此事得與未經畫行之各堂官概從寬宥。不知感激奮勉。倘將來再有錯誤。朕斷不能仍為曲貸也。將此傳諭。金簡曹文植知之。○又諭據薩載等奏。分別辦理展賑情形。一摺。內稱有退涸最早。種麥有收者。農民口食有資。先經飭令展賑。至三月底停止。其退涸較遲。止種秋糧者。距秋收之期尚遠。應展賑至五月底停止。其甫經退涸。尚難施犁翻耕。秋收無望者。應展賑至六月底停止等語。所辦甚是。展賑地畝雖均係九十分災。貧民被水本重。但災地之退涸遲早不同。自應察覈情形。量為區別。江省如此辦理。不致濫遺。災黎得霑實惠。至山東兗曹二府。暨濟寧所屬同被恩旨。展賑至六月停止。乃該撫僅籠統具奏。止稱被水最重之貧民。六月以前照常領賑。並未將如何查辦之處奏聞。豈不論退涸之遲早。裁種之先後。一概展賑。漫無區別耶。著將薩載等原摺鈔寄。明興閱看。令將

是否如此分別覈辦之處據實具奏尋奏河
澤定陶城武曹單等縣水涸較早展賑一月
鄒滕嶧等縣地處下游未能全涸展賑兩月
現俱停止惟濟寧金鄉魚臺地勢極窪即涸
出後不能播種請展賑至六月停止報聞○
己巳諭軍機大臣等本日兵部帶領引見人
員內有富勒渾在河南巡撫任內咨送軍政
卓異之遊擊王世祿一員其考語有久歷戎
行字樣自係曾經出兵打仗及詢問該員並
未隨征則該員不過久任綠營何得以戎行
字樣叙入考語以致名實不符此皆外省套
語富勒渾何不留心檢點若此耶著傳旨申
飭○庚午諭軍機大臣曰李侍堯覆奏撒拉
爾各工回人自前歲大加懲創之後無不畏
威知法守分安居仍隨時體察並責成地方
文武益加嚴密稽查等語自應如此留心防
範毋致久而懈弛昨召見候補知府王彝憲
詢以文縣盜殺九命一案正兇曹否鞫獲據

奏尚未弋獲大約竄匿番回地界現在購線
嚴拏是內地奸民仍不免竄匿部落各關隘
所謂嚴密稽查亦祇虛應故事而循化廳河
州平番管理番回地方文員多係科甲出身
漢人心存畏蕙徒羈縻不能駕馭殊非防微
杜漸之道方今德威遠播哈薩克王阿布勒
比斯查出內地逃人尚親送至伊犁將軍處
効其恭順惴忱乃甘肅內地番回竟敢藏匿
正兇若不乘此兵威勦洗大加懲創之後實
力整頓仍事因循日復一日是該處番回不
幾為甘肅藏垢納污逋逃之藪乎著傳諭李
侍堯務即嚴飭所屬將文縣盜殺一家九命
之正犯勒限嚴拏毋使遠颺漏網至管理番
回地方如循化廳河州平番等處州縣官將
來陸續須改用精明強幹旗員方足以資彈
壓毋致選輒貽誤該督仍須不時留心防閑
實力查察綏靖邊隅以副朕委任之至意將
此由四百里諭令知之○辛未豁免陝西朝

邑縣。乾隆四十六年分水衝沙壓地二百二十五頃四十七畝有奇額賦。○壬申。以左副都御史吳玉綸為浙江鄉試正考官。編修邱庭濬為副考官。編修李堯棟為江西鄉試正考官。中書金光悌為副考官。編修陳嗣龍為湖北鄉試正考官。中書張敦培為副考官。○予故科爾沁扎薩克多羅郡王巴勒珠爾祭如例。○癸酉。諭軍機大臣等。據英廉奏現在諸病俱退。惟元氣虛耗。一時不能遽復。尚須調理。此月內外。可以勉力支持。入內行走等語。英廉病患漸次痊好。甚慰。屢注。但伊係年高之人。氣體一時未能復元。自應在家調攝。斷不可勉強欲速進署行走。以致勞頓。轉非朕體恤委任之意。即有應辦稿件。亦不妨在家閱看。總俟精力強健。方可照舊入直。著傳諭英廉務遵朕旨。加意調理。以副眷念。○甲戌。諭軍機大臣等。今年雷雨頗大。昨體仁閣之事。已蒙

神庥護佑。此間十三日酉刻。雨勢甚大。迅雷轟震。戒得堂後一小亭。已被爪痕。竟未薰灼。窗紙如故。實皆

神佑。此處向未建有

雷神廟。著派皇六子。於都城

雷神廟拈香。並派福隆安。金簡敬謹襄事。以申朕敬

天禮。神嚴恭寅畏之至意。○又諭曰。福隆安等

奏修建西直門北角樓。所需木植。將體仁閣

用存。儘數應用外。如有不敷。再行購買等語。

西直門角樓。非比體仁閣。不必同時趕辦。以

致辦料周章。現在大雨時行。若急於繕修。恐

工程草率。不能鞏固堅實。至購買木植。一時

亦未能湊手。現在海運木植十一萬九千餘

件。於九月內到京。足敷應用。著傳諭福隆安

等。俟此項木植抵京。再行豎立。亦不為遲。所

有碑瓦石料。原不妨豫行籌備也。○又諭前

因金川軍營逃兵。各省拏獲。及自行投首者。

甚屬寥寥節次加恩展限。扣至本年九月已屆限滿而所有逃兵省分未經拏獲者尚多。因加恩再予展限一年。扣至明年九月為滿。已明降諭旨矣。所有承緝文武各員自應各發天良。感激奮勉。實力查辦。方不負朕格外矜全之意。今據富綱等奏該省未獲逃兵尚有六十四名之多。可見外省地方官漫不經心。全未能實力查緝。倘於此次加恩展限之後。仍復視為海捕具文。則是該員等毫不知

平定縣志卷之二

感朕法在必行。將來一屆限滿。定將承緝不力各員。照例降調。斷不能以人數眾多。再為曲貸也。該督等務須飭屬嚴緝。毋得稍存懈怠。將此傳諭富綱。劉秉恬等知之。○乙亥諭軍機大臣等。據特成額奏。拏獲用藥迷人案內之逸犯貝老四。審訊明確。俟准到部咨。將該犯等即照部議辦理等語。前因用藥迷人之案。情節輕重不同。降旨令刑部分別覈擬具奏。嗣經該部覈定條例。將貝老四應擬斬

候貝開富等問擬發遣。已依議行矣。現在拏獲之貝老四著交該部即照新例定擬。至摺內所稱委員至榮昌縣之昌陽壩地方見貝老四形迹可疑。即行盤獲。該員究係何人。尚屬能事。著傳諭李世傑查明該委員送部引見。將此各諭令知之。○又諭前因李奉翰奏查勘水勢情形一摺。內稱黃河徐城誌橋陸續長至八尺六寸等語。所奏未為明晰。曾降旨諭令李奉翰親往探量。另從隄頂量至水面。為一量法。方為得實。今據覆奏。日來黃水又加長五寸。先從石岸隄頂量過水面。高九尺六寸。又從水面量至中泓河底。現深二丈七尺九寸。上下合計高深。共有三丈七尺五寸。較從前河底刷深一尺七寸等語。覽此實為欣慰。向來河臣等但就誌橋長水尺寸。隨時具奏。總未如此奏明。今李奉翰遵照前旨。逐細丈量。據奏河底並無淤墊。已可得實。此後自應如此探量丈尺。具奏方為妥協。著將

平定縣志卷之二

原奏鈔寄阿桂閱看。並諭李奉翰知之。○兵部議覆閩浙總督富勒渾奏稱漳泉沿海一帶請酌量添兵併移駐負弁增添汛守事宜。一泉州府屬晉江縣之蚶江地方濱臨洋面港汊叢雜且附近伍堡巖古浮港俱偏僻邊海最易偷越舊設汛兵僅止十名其原轄之提標右營遊擊駐劄永寧距蚶江甚遠鞭長莫及請將永寧所轄法石汛千總移駐蚶江并酌撥兵四十名法石汛另撥外委一員巡

實錄卷二百八二

高

守伍堡巖古浮港請各添一塘每塘設兵十名歸蚶江千總管轄。一海壇鎮所轄之斗門請於適中之新竿尾添設一汛安兵二十名於海壇鎮千把內輪派一員防守。又澎洋請於附近之城頭地方添設一汛安兵二十名於長福營所轄外委內撥一員移駐潭頭浮岐各添一汛安兵十名即令附近員弁稽察東岐添設一汛安兵二十名於閩安協外委內撥一員移駐再配水師兵十名巡哨所設

兵丁在該營新舊兵內酌撥一同安營馬巷汛萬家村地方孤懸曠野請在馬巷汛撥兵二十名移防仍歸馬巷汛弁操練均應如所請從之。

實錄卷二百八二

高

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十二

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百八十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 臣慶桂

總裁官經筵講官太子太傅文學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級 臣董誥內大臣戶部尚書鑲藍旗滿洲都統軍功紀錄五次

尋常紀錄十四次 臣德瑛經筵講官太子少保工部尚書紀錄六次 臣富綱纂修

敕修

乾隆四十八年癸卯六月丙子諭前經降旨

七月十一日自熱河啟鑾前詣盛京恭謁

祖陵第今年節候較遲是日正屆立秋尚在三

伏之內雨水方多天氣炎熱於扈從人員行

李一切及駝馬俱多未便著改期於八月十

六日啟鑾前往回鑾時進山海關祇謁

東陵後即由白澗烟郊進宮所有盤山湯山等

處道路俱無庸豫備○又諭此次盛京恭送

冊

寶原派之怡親王等於七月內先期至常家屯

途次祇候阿哥同往今已改期於八月十六

日啟鑾前詣盛京著怡親王等於八月十二

日由京起程以便計算九月初二日到常家

屯會同前往該部即遵諭行○又諭朕本年

前往盛京恭謁

祖陵業經降旨改於八月十六日啟鑾展期月

餘則沿途豫備一切更覺裕如著傳諭卓索

圖盟長喀喇沁郡王喇特納錫第等將朕經

過喀喇沁土默特一帶大營尖營橋梁道路

等項均著從容豫備其應赴熱河之蒙古王

公等毋庸於七月初間前來仍照每年進哨

之例於七月下旬來熱河看戲俟朕萬壽節

後應扈從者隨行餘即令各回游牧並傳諭

盛京將軍永瑋等將山海關外一切豫備事

宜亦著從容妥辦○又諭曰弘晷著革去奉

恩輔國公並內大臣延恒著革去四品宗室

頂戴交留京辦事王大臣會同宗人府刑部

東公嚴審定擬具奏○又諭著派工部尚書

福康安馳驛前往東省。會同薩載公幹。所有隨帶司員。著一併馳驛。○諭軍機大臣等。此次由熱河詣盛京。已明降諭旨。改於八月十六日啟鑾矣。所有派出後班隨往之王公大臣及各部院司員官兵人等。俱照向例於八月初十前後。至熱河。其七月分吏兵二部月選官。亦仍照常例帶赴熱河引見。著留京辦事王大臣。通行傳諭各衙門知之。○又諭曰。工部議駁河東總河何裕城題銷東省乾隆

實錄卷一百八十三

三

四十七年。黃運兩河歲搶修工程一摺。現已派福康安前往會同薩載秉公查勘。著傳諭薩載接奉諭旨。即帶印徑由江省赴山東韓莊一帶。俟福康安到日。會同詳悉履勘據實具奏。將此由六百里諭令知之。○丁丑。諭前因江西南昌鎮總兵張景烈來京召見。朕詢以此次軍政列為何等。伊稱經薩載保列一等。朕以各省總兵考語等次。俱係該督等具摺密陳。詢問伊何由知悉。稱係薩載告知。及

查薩載保列清單。張景烈係列為二等。隨令軍機大臣傳旨申飭。復加訊問。又稱係郝碩告知。隨降旨詢問薩載。郝碩令各據實覆奏。前據薩載奏稱。並未與張景烈見面。無由告知。茲據郝碩奏稱。本年正月督臣薩載將軍政案內。陳奏南昌贛州二鎮總兵考語咨到。旋有南昌鎮總兵張景烈向伊詢問。伊不便實言明告。一時權宜。將督臣所出贛州鎮總兵吳淪元考語給看等語。是成何言。各總兵每屆五年。令該督等出具切實考語。密陳一次。本人不應與聞。郝碩以巡撫兼提督。所有該省總兵考語。薩載自應劄知。乃郝碩於張景烈詢問時。即應據實奏。不然亦當正言訶斥。乃捏稱將吳淪元考語給看。即吳淪元亦係二等。可見郝碩始則市惠徇情。及降旨詢問。又復迴護捏稱。甚屬非是。若李侍堯遇有此等總兵詢問。必即叅奏。而總兵等亦未必敢向其私問。則郝碩之取信於人之處可

知矣。郝碩著交部嚴加議處。至張景烈於召見時所稱保列一等之語。雖非無因。但伊本不應向郝碩詢問。又於朕前謊稱係薩載告知。亦屬荒唐不實。張景烈著一併交部嚴加議處。○戊寅。諭軍機大臣等。據四德奏委員解繳許墅關稅課錢糧。於六月初一日行至宿遷縣。離城四十里之嶂山地方。時值黑夜大雨。被賊匪竊去三鞘等語。官解餉鞘。賊匪敢於乘間偷竊。殊屬可惡。著傳諭薩載。閔鶚元。速飭文武員弁。勒限躡緝。務獲偷鞘賊犯。嚴審究擬。從重治罪。並飛咨鄰省一體查緝。毋致遠颺兔脫。至該解員及地方官疎於防範。均有應得之咎。並著該督等照例叅處。分別賠繳。將此由四百里諭令薩載等。並諭四德知之。○鑄給四川順慶府分駐四合鎮督捕同知關防。從前任總督福康安請也。○已卯。諭曰。保成前往喀什噶爾辦事。改由河南行走。沿途驛站未經詳查。即行應付。本應照

例議處。第念保成改道。因欲行走迅速。其自請議處。業已加恩寬免。所有沿途地方官應議職名。俟查取到日。著該部從輕減半議處。○諭軍機大臣等。據閔鶚元奏。關餉中途被竊三鞘。請將委員柘林通判田實穎。昭文縣主簿曹謨業。先行革職。提同管解撥護兵役人等。嚴訊失鞘確情。等因一摺。已批該部知道矣。此事昨據四德奏到。業經傳諭薩載。閔鶚元。嚴拏務獲。至賊匪竊餉三鞘。以貧民而驟得銀三千兩。其蹤跡易於敗露。且非一人所能竊取。必有夥犯同竊。無難購線跟拏。閔鶚元業已前往。著即遴委妥幹員弁。迅速查拏。務獲首夥賊犯。嚴審定擬。從重治罪。至失鞘處所。係江蘇山東兩省交界地方。並著明興飭屬一體速緝。務獲。將此由四百里各諭令知之。○庚辰。禮部奏。朝內考試雜項人員。統歸御史稽察關防。向派監試二員。不能周徧。嗣後人數在一百名內。仍照舊請派二員。

如數在一百名外再請添派二員從之。○辛巳諭軍機大臣等據蔡新奏五月二十一日已抵蘇州謹擬抵京後輕裝就道前赴熱河一遂傾向之誠等語已於摺內批示矣前因天氣炎熱念伊年高之人往返勞頓曾傳諭留京辦事王大臣於伊到後諭令遵旨不必赴熱河請安今蔡新瞻覲之意既甚懇切現已改期於八月十六日啟鑒伊若於七月初抵京即帶領六月分月選官前來熱河引見

實錄卷一百八十三

七

冊

如到京已過七月引見之期即於八月初帶領七月分月選官至熱河亦無不可斷不必獨自束裝前來也將此諭知蔡新並諭留京辦事王大臣知之。○旌表守正被戕湖北當陽縣民王明遠妻馬氏。○壬午諭此次盛京恭送

靜海縣私收地畝一事曾與許鳴見過兩次又令與延恒商同辦理經留京辦事王大臣會同宗人府刑部審訊明確請將弘晟永遠圈禁其罪固由自取第念延恒所寫劄諭內言語究非弘晟授意令其編寫若使劄諭出自弘晟之手自當加倍治罪尚不止於圈禁今訊明止於貪圖微利尚與授意者有間況今與朕同輩年稍長者止弘晟一人現在駐蹕熱河敬念

實錄卷一百八十三

八

皇祖推

恩篤祐奕禩相承前弘晟因伊父緣事圈禁數十年之久尚且格外加恩釋放洊封公爵今雖伊自取罪戾若照所擬永遠圈禁朕心實為惻然弘晟著加恩仍授為散秩大臣令其在家閉戶閑住不必當差行走著留京辦事王大臣等傳諭令其痛自改悔安分守法以副朕格外施恩之至意倘仍怙終不悛復罹法網不特弘晟無顏見朕即朕亦自覺慚作

矣。延恒依擬絞候。著交宗人府嚴行圈禁。照例辦理。許鳴依擬應絞。著監候秋後處決。○諭軍機大臣等。弘晷差家人許鳴持諭至靜海縣查收地畝一案。現已據留京辦事王大臣審明定擬具奏矣。至靜海縣雙窑村等處有弘晷之父入官地畝。共一百九十三頃。迄今徵租地僅有二十七頃。其餘荒地至一百六十五頃之多。其故殊不可解。此項地畝既經入官。自應召懇徵租。乃直屬向來陋習。旗

實錄卷三百八十三

九

地一經入官。即多報荒。此皆地方官假捏詳報。以為影射漁利之地。最為積弊。亦不止此案也。從前旗租拖欠。經部議定有處分之後。即按季徵解。不致拖欠。況此項地畝當年未入官時。若皆似此拋荒。本人何以取租養贍。可見從前報荒地畝。非地方官規避處分。即係藉端捏報。著交劉綬將靜海此項地畝徹底清查。其荒棄者究有若干頃。其餘各屬旗地報荒衝壓者。亦一併查辦。據實詳明覆奏。

至此案靜海縣知縣王鳳文。於許鳴持劄到縣時。即據實詳辦。尚屬留心能事。並著查明如荒地內。該縣竟有情弊。自即據實叅奏。若查無情弊。即出具考語。送部引見。將此諭令知之。○又諭。據工部奏駁江南河道總督李奉翰題銷。准徐道屬乾隆四十七年搶修工程錢糧浮多。請交欽差尚書福康安等就近查辦一摺。此項工程。上年因李奉翰有徐屬各工。必須早為估辦之奏。曾傳諭薩載。李奉

實錄卷三百八十三

十

翰詳悉查勘。據實覆奏。嗣據該督等會同覆奏。本年黃水雖未下注。而開放張家莊潘家屯等處各引河。分洩微山湖。及運中河之水入黃。黃河上下水深丈餘。至二丈不等。兩岸各工擇其至要之三五段。及七八段。十餘段不等。搶修完竣。迨八月以後。上游湖水驟漲。藉資抵禦等語。是南河搶修工程。曾經該督等奏明。且黃河內原有各引河洩入之水。兩岸工程勢須鑲做。尚非何裕城題銷洩運二

河相連。隄岸皆在水底。無從搶修。必須詳查者可比。工部一體奏駁。未免因前奏連類而及。此摺奏到時。阿桂尚在出差。未經閱過。而福隆安自必不能記憶。著將薩載等原摺鈔寄阿桂。福隆安詳悉閱看。如果有浮冒情弊。自仍應奏明。交福康安履勘查辦。若竟與原奏相符。或間有開報浮多之處。不過酌量刪減覈銷。將此諭令知之。所有工部原摺。仍發還。○暫署四川總督成都將軍特成額奏進

實錄卷一百三

三

勦金川案內。積存重慶渝局硫磺二十八萬餘觔。恐致徽變。有虧工本。若分攤通省各標營。足敷十五年配造火藥之用。請飭各營照例額分領。加謹收貯。將備各顧考成。自必留心照料。從之。○又奏軍需案內。積存士民公捐義穀十四萬九千餘石。查新設馬邊廳。未建常社二倉。鹽源縣產穀稀少。請將此項存穀。存貯該廳縣。聽民間夏借秋還。不加息穀。以資接濟。從之。○以編修秦潮為陝西鄉試

正考官。編修閔思誠為副考官。吏部侍郎謝墉為江南鄉試正考官。修撰戴衢亨為副考官。○癸未遣官祭

火神廟。○諭曰。謝墉現在出差。所有行在吏部事務。著董誥兼署。○又諭熱河滿洲兵丁駐防年久。生齒日繁。朕每年臨幸。駐蹕此處。披甲委署前鋒二百名。亦與前鋒一體當差。而仍給與披甲錢糧。於伊等生計未免拮据。著加恩將熱河二百名委署前鋒。俱作為前

實錄卷一百三

七

鋒。每月加給一兩錢糧。○諭軍機大臣等。據劉綏奏。自許州衛輝迤北至直隸之磁州。順德等處。屢次得雨。尚未深透。又據何裕城奏。河北彰德衛輝懷慶三府。望澤甚殷。現在設壇祈禱。各等語。已於摺內批示矣。豫省河北三府。及直隸保定迤南磁州。順德等處。迄今未得透雨。於大田有無妨礙。朕心深為廛念。著傳諭劉綏。何裕城。即將現在曾否得有霑足雨澤。及秋禾情形。據實迅速覆奏。以慰廛

注○又諭曰。工部議駁河東總河何裕城題銷東省乾隆四十七年黃運兩河歲搶修工程一摺。已派福康安前往。會同薩載。秉公查勘矣。上年毓奇在山東巡漕任內。會同沈啟震籌辦運河兩岸緯道橋梁。該處情形。素所熟悉。濟寧迤南。湖河相連。隄岸皆在水底。既無從估辦。又何從搶修。此項工程。實非情理所應有。不特何裕城受恩深重。不應如此浮冒題銷。即沈啟震熟悉河務。正冀陞擢。亦不

實錄卷二百八十三

三

應貪圖目前之利。致誤前程。自取罪戾。即如何裕城。毓奇俱受朕恩。超擢總河總漕。沈啟震將來未嘗不可用為總河。何以荒唐若此。其故俱不可解。著將工部原摺。鈔寄毓奇閱看。令將此中有無情弊。伊上年經過。目覩實在情形。秉公據實具奏。並沈啟震平日居心辦事如何之處。一併據實覆奏。將此由五百里諭令知之。仍著迅速覆奏。尋奏該道廳於上年修理緯道之後。實另有隨時修辦之工。

臣所目覩。至每工應用銀若干。及如何報銷。有無浮冒。臣實未與聞。福康安現在履勘。自可得其實。至運河道沈啟震端謹樸實。不辭勞瘁。居心行事。似可相信。報聞。○軍機大臣等議覆伊犁將軍伊勒圖奏稱惠遠惠寧固勒扎三城。各設一倉。係專員經營。綏定塔勒奇三城。各設一倉。係綠營官經理。現在伊犁屯田。綠營兵丁。攜眷屯駐。此倉若仍交綠營官經理。恐日久不免那移情弊。似非慎重

實錄卷二百八十三

古

倉穀之道。請照惠遠等城例。於伊犁廢員內。揀選妥員。賞給職銜。各派一人。經營。應如所請。從之。○甲申。諭軍機大臣等。據朱椿奏。接准安徽巡撫富躬咨。緝混元邪教案內逸犯劉禿子等四名。年貌當經飭屬一體嚴緝。茲於龍勝城外拏獲許明德等四人行李內。搜有混元派牒文一張。訊係平樂府武生吳姓鈔給。現在提犯至省。逐一研審等語。邪教煽惑愚民。最為風俗人心之害。該犯等行李內

搜出混元派牒文。自係混元邪教餘黨。或即係安省逸犯劉禿子詭變名姓。亦未可定。至武生吳姓。鈔給牒文。並敢藏鐵印。尤干法紀。不可不徹底根究。嚴審辦理。以示懲創。著傳諭朱椿。即提集案犯。嚴審實情。按律定擬具奏。○乙酉。豁免山東永阜永利官臺王家岡富國等五場。乾隆四十七年水災竈地一千一百六十八頃九十三畝有奇額賦。○丙戌。諭軍機大臣等。據黃仕簡等奏。拏獲小刀會匪犯林文韜等。審究定擬一摺。已批交留京王大臣會同三法司覈擬速奏矣。至兵丁楊祐曾篤。屢次糾人挾嫌爭毆。並用刀剗瞎林文韜右眼。實屬兇橫不法。未便照尋常爭毆折傷人肢體者。一律科斷。著傳諭留京王大臣等另行從重定擬。彰化兵丁如此逞兇滋事。專轄營弁。平日既漫無約束。及至犯案。又不查明具報。廢弛已極。應從重究處。並著查取職名。嚴懲示儆。將此諭令知之。○丁亥。諭

曰。富綱等奏報。壬寅京銅全數依限掃幫一摺。所辦好。已於摺內批示矣。滇省額運京銅。關係緊要。此次壬寅正運加運六起京銅。富綱。劉秉恬。嚴飭各廠。上緊趕辦。派委文武大員。分路督催。於本年三月全數掃幫。為期尤早。辦理甚屬妥速。富綱。劉秉恬著交部議敘。所有在事辦銅各員。并著該督撫查明具奏。交部一併議敘。○又諭。據保成等奏。由甘肅前往喀什噶爾換班之綠營兵內。步兵郭顯宗。於哈密瀚海迷路。尋找無蹤。將領隊遊擊光明福。千總王孝。交部分別議處。並咨行各城大臣。陝甘總督嚴查郭顯宗蹤跡。其步兵額缺。即以同往幼丁坐補等語。喀什噶爾換班綠營兵丁。俱係按隊行走。何致迷路。若步兵郭顯宗。果在瀚海迷路身亡。雖係無能。究屬因公。查辦得實。仍酌量加恩賞卹。若實係躲避換班。或私行回籍。拏獲時。即應從重治罪。以示懲儆。著交各回城大臣及總督李侍

堯派委兵弁搜查獲日審明辦理○又諭現任甘肅永安營遊擊光明福乃正黃旗蒙古人以旗人而名光明福竟類漢姓名觀之殊覺不順旗人名曰明福光福俱可又何必曰光明福耶著交八旗滿洲蒙古都統嗣後旗人內有類此命名似漢人者著永行禁止將此通諭知之○緩徵河南祥符陳留杞縣儀封滎澤考城淮寧西華商水項城沈邱太康扶溝等十三縣乾隆四十六年水災地丁銀二十九萬八千兩倉穀六萬二千一百六十石有奇○旌表守正捐軀江西奉新縣民鄧沐振妻王氏○戊子諭軍機大臣等工部奏駁何裕城題銷運河一帶搶修工程一案已派福康安前往查勘矣上年濟寧遙南湖河一片隄岸俱在水底既無從估辦又何從搶修此項工程實非情理所應有但何裕城受朕重恩沈啟震亦頗屬奮勉皆不應如此浮冒題銷此事究竟有無情弊阿桂於春間

實錄卷二百八十一

三

實錄卷二百八十一

二八

曾往履勘該處情形自應熟悉著傳諭阿桂即將此項工程究係如何其中有無浮冒之處不須迴護據實詳悉覆奏○又諭據英廉奏數日以來氣體較前畧健起坐時刻支持亦能稍久擬於七月初一日起在家閱畫稿件等語昨劉墉來熱河召見詢及英廉病體據稱現在又患泄瀉三日未能見容等語朕心甚為厯念乃今日英廉又有氣體較前稍健之奏計劉墉在京起身在發摺之前或係所患隨即痊好抑係伊家人應對不明以致劉墉誤聽俱未可定著傳諭英廉即將現在氣體究竟如何詳悉覆奏以慰懸注至應辦稿件自應照前旨在家辦理但秋審班上須得練達重臣方能坐鎮一切英廉到彼時若果精力强健照舊上班固好如尚未能到班先期再行據實奏聞候朕酌量降旨是月湖北巡撫姚成烈奏濱臨大江之黃梅廣濟黃岡興國江夏黃陂六州縣因上游川江及

洞庭湖水勢漲發宣洩不及灌入內湖以致
低窪田畝被水淹浸現在查勘妥辦得旨有
成災者妥卹之○署河東河道總督蘭第錫
奏黃河入伏後水勢長落未定頂衝迎溜各
工不無平墊現已趕緊加鑲蘭陽以下新河
現亦長水漫灘水至隄根儀封等處地勢較
窪前鑲防風尚形卑矮現飭道廳趕鑲高厚
以資抵禦其河尾北灘破隄抽溝一道寬五
十丈又河尾外南灘裁灣取直抽溝一道寬
三十丈俱次第啟放宣洩甚暢得旨覽奏稍
慰正要緊時一切慎之○陝西巡撫畢沅奏
西安重葺省垣辦運灰甃木石等物已得十
分之三各項匠作亦陸續應雇來陝從此一
面興工一面辦料自可源源接濟不致遲誤
今擇於六月十八日開工臣身擔其任惟有
盡心講求覈實妥辦得旨嘉獎

實錄卷一百三

二十九

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百八十三

實錄卷一百三

三

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十八年癸卯秋七月庚寅朔享

太廟遣豫親王修齡恭代行禮○諭據閔鶚元
叅奏訪查上年收漕時青浦縣知縣楊卓於
該縣生監俛溶等攬收花戶漕米勾通漕書
梅錦章等包納上倉烹分餘利一任朋比作
奸毫無覺察恐有受其把持別情請旨革職
究審等語劣衿把持公事串通蠹書包漕漁
利最為地方之害浙省久有此弊以致鬧漕
滋事釀成大案該縣與嘉興接壤相習成風
自應查拏究辦嚴加懲創閔鶚元能留心查

辦實力整頓所叅殊屬可嘉著交部議敘至
該縣楊卓一任劣監蠹書把持包攬必有串
通舞弊情事著革職拏問交該撫提同案內
各犯嚴審定擬具奏該部知道○諭軍機大
臣等據徵瑞會同劉我等奏查明范清濟產
業將從前范毓黻京中張家口舊有之產仍
照原交范清濟冊籍掣回交與范毓黻嫡派
長孫范重榮收管其餘凡范清濟父子自置
私產及鹽店銅局尚有積存貨本一併解交
內務府充公等因一摺已批交該衙門議奏
矣至摺內所稱范清濟情願於查封產業之
外罰銀八萬兩設措交納之語此處殊不實
范清濟所管范毓黻產業既已歸還范毓黻
之孫范重榮其自置產業及鹽店銅局各項
又俱經查封入官則此認罰銀八萬兩又從
何而來即使衆商幫湊亦必范清濟父子平
日或有寄存各商之項今或代為繳出若竟
出自衆商之力則范清濟歷年虧欠官項何

不聞一人相助耶。此事始係徵瑞。因范清濟虧缺官項甚多。奏請查辦。今摺內稱一切產業。已經官為查封。實在並無欺隱。乃忽又有銀八萬兩。為之奏請交納。其故殊不可解。著傳諭徵瑞。據實覆奏。毋得稍為迴護。俟奏到時。再交該衙門一併覈議。將此並諭劉我等知之。尋徵瑞奏。范清濟虧欠官項。因其年邁。伊子不諳經營。引地多為他人漁利。今眾商夥見伊父子產業查封。幫湊銀八萬兩。陸續交范清濟贖罪。請限四年交納。雖非范清濟已貲。究屬伊名下情願認繳之項。並無寄頓隱匿。報聞。○吏部議覆。陞任廣西巡撫朱椿疏稱。思恩府新設督捕通判。係桂林府糧捕通判裁改。移駐思恩。嗣後缺出。應照桂林府糧捕通判例。歸部銓選。其通判關防。仍照平樂。柳州。通判例。由藩司刊發。應如所請。從之。○加賑山東利津。霑化。樂安。壽光。昌邑。濰縣等六縣。永阜。永利。官臺。王家岡。富國等五場。

乾隆四十七年。秋。禾被水災。民口糧。○辛卯。諭軍機大臣等。據阿桂。福隆安具奏。工部奏駁。淮徐道屬搶修工程一案。覈對薩載。李奉翰。上年奏到原摺題冊。與原奏前後不符。請交薩載。李奉翰。逐加確勘。刪減各摺。上年黃河未歸故道。各該處搶修。雖經該督等專摺具奏。亦應較往年節省。乃止就年例。搶修一項。較之往年。又幾增一倍。則當黃水下注。伏秋大汛時。又當如何。此等情節。自干部駁也。又阿桂另摺奏。覆運河南岸搶修工程。究竟有無情弊。摺內稱。本年春間。查勘至濟寧城南新店閘迤上。隄頂露出之處。曾記沈啟震告知。有該處去年水大時。隄岸幾至衝塌。極力防護。始能保固之語。果爾。該道亦應稟知河臣。專摺奏明。另案題銷。不應列入年例。搶修請銷。致干部駁。著將阿桂。福隆安。奏到各摺。並工部奏。駁原摺。發交福康安。薩載。詳悉閱看。秉公確覈。據實具奏。上年黃河工程。係

薩載奏明估辦。即可就近詢明。覈實刪減。諒薩載決不扶同捏飾。福康安毋庸前往江南。再加履勘也。總之此二案未必有大弊。而聲敘不明。河東不能辭其責。江南次之。爾等以為何如。將此由五百里諭令知之。○又諭。丹巴多爾濟。七月內伊父百日孝滿。必前來請安謝恩。但丹巴多爾濟。非他蒙古可比。伊父之喪。甫滿百日。若來避暑山莊。正值看戲之時。於伊不便。且見伊前來。朕心轉悲傷。著傳

諭丹巴多爾濟。此時伊游牧中。正有應辦事件。不必前來。俟朕八月十六日啟鑾時。著在邊地首站接駕請安。伊母亦不必謝恩。百日服滿後。即由游牧處回京。○吏部議覆。江南道御史孟邵奏。稱官員議處降級。以加級紀錄議抵。向來原有限制。嗣後外省各官。有議處降級之案。其捐納加級紀錄。上庫日期。查係在該督撫未經奏咨之前者。准其抵銷。若已在該督撫奏咨之後。概不准抵銷。以杜取

巧規避等弊。應如所請。從之。○壬辰。諭軍機大臣等。據何裕城覆奏。彰德。衛輝。懷慶。三府得雨情形一摺。內稱據陽武。內黃。汲。淇。滑。考城等縣。均報於六月十五。至二十二等日。得雨自二寸至四五寸。及深透不等。並稱詢問村農。於六月下旬。七月上旬。如得透雨。秋成仍屬豐稔。現飭再為致禱等語。覽奏稍慰。已於摺內批示矣。該處大田。現在雖無妨礙。必須續得透雨。禾苗方足以資長發。本日據劉

我奏。順德。廣平。磁州等處。又於六月二十六。七等日得雨。豫省河北三府。與直隸接壤。是否一律普霑。朕心實為廕念。該撫現已接奉諭旨。起程前赴山東。會勘工程。著即飭屬查明河北三府。曾否續得雨澤。及是否深透之處。迅速覆奏。以慰廕注。將此由四百里傳諭何裕城知之。○又諭。據舒常等覆奏。兩湖承緝逃兵。限滿未獲。例應降級調用。文武各員一摺。前因金川軍營逃兵未獲者尚多。特再

加恩展限一年。扣至明年九月為滿。已明降諭旨。所有承緝各員。屢次邀恩展限。自應感發天良。實力奮勉。上緊查緝。庶不負朕格外矜全之意。若仍視為具文。怠玩從事。至限滿時。未能多所緝獲。則是該員等不知感激朕恩。自取咎戾。屆期必照例予以實降。斷不能再為曲貸。該督撫務嚴飭所屬。實力查拏。毋得稍存懈怠。將此傳諭知之。○又諭。據劉我奏准山西巡撫農起咨會。鎮門口把總張孝等。串通兵丁。受賄縱放偷馬賊犯馬之玉等。進口一案。現在提犯赴省究訊等語。賊犯馬之玉等。在蒙古地方。夥衆肆竊馬匹。至數十匹之多。情節甚為可惡。不可不完拏夥黨。嚴行懲治。至守口弁兵。稽查匪類。係其專責。乃把總張孝等。竟串通兵丁。受賄縱放。尤屬大干法紀。無論得贓之多寡。自應一律從重治罪。著傳諭農起。遵照審辦。至劉我所稱直屬弁兵。難保必無賄縱情事。已密札宣化鎮等。

一體嚴密查察等語。守口弁兵。俱係鎮將所管。未免心存迴護。現在該督已提賊犯馬之玉等赴省。該犯係行賄之人。著即嚴切究訊。令其據實確供。如直隸所屬守口弁兵。亦有賄縱情事。該督立即嚴叅。一律從重治罪。將此各諭令知之。○癸巳。諭曰。農起奏大同鎮標外委張孝。効力武舉。獎萬里。先後署理鎮門口把總。膽敢通同兵目。節次受賄。縱放大夥偷馬賊匪馬之玉等入口。實屬目無法紀。現已斥革究審。其該管叅將來格。並未稟報。及至飭查。又不即行究出實情。恐有徇隱。故縱情弊。請旨革職拏問。並自請與失察之大同鎮總兵富成。一併交部嚴加議處等語。來格著革職拏問。交該撫提同張孝。樊萬里。及案內人犯。逐一嚴審。定擬具奏。農起。富成。俱著交部分別嚴加議處。該部知道。○諭軍機大臣等。昨據劉我奏。拏獲偷馬賊犯馬之玉等。提至省城究審一摺。已有旨諭令嚴切

究訊矣。該犯在蒙古地方夥竊馬匹入口販賣。直隸所屬守口弁兵亦必有賄縱情弊。未便仍交該省審辦。且從前順天府有奏交刑部審訊之私趕馬匹孫八等一案。正犯在逃未獲。就現在賊犯設法研訊。或即究出孫八等之正犯。亦未可定。著傳諭劉我。即將此案賊犯馬之玉。周雨。田以公。三名迅速解京。交留京辦事之王大臣。會同刑部嚴審定擬具奏。沿途派委妥員嚴密管解。留心防範。毋致有疎虞自戕等事。致干咎戾。○禮部遵旨議奏。本年恭送

玉冊

玉寶。至盛京尊藏儀注。臣部工部各派堂官一員。司官一員。隨同派出之親王。敬謹送往。先期工部設彩亭於太廟大殿外。鑾儀衛備黃蓋龍旗御仗於丹陛下。祇候屆時派出之親王朝服詣

冊

寶箱匣案前。行一跪三叩禮。臣部堂官並太常

寺承辦官員具朝服恭捧箱匣安設彩亭上行一跪三叩禮。校尉舁亭。黃蓋龍旗御仗前導。派出之親王並臣部工部堂官司員隨行。由東長安門出。朝陽門外。俟彩亭更換行駕畢。行一跪三叩禮。行駕啟行。王公以下有頂帶官員以上朝服。按兩翼齊集跪送。經過地方文武各官咸朝服出郭跪迎跪送。經過橋梁道路。工部行文該地方官修整。每站歇宿之處。地方官相度寬平潔淨處所。搭蓋彩棚安奉。帶領兵丁巡防。其沿途應用之員弁兵丁。由兵部行文派撥。出關後。由盛京將軍派員率領滿洲兵丁護送行駕。至山海關外常家屯地方。派出之親王同皇子等恭送行駕。至盛京奉天府城外。除有行宮差使之大臣官員外。其餘大臣官員俱出郭跪迎。盛京工部豫備彩亭。更換行駕。奉天府府尹豫備鼓樂派官導引。至

太廟前。送往之大臣官員。率同盛京居住宗室官員。暨五部大臣官員。恭捧箱匣入殿內。遵照奏准位次。敬謹尊藏。皇子親王。行一跪三叩禮畢。即赴興京。跟隨行禮從之。○豁免遭風漂沒之奉天錦州運通船戶杜大來米一千二百十三石有奇。○豁除甘肅皋蘭靜寧固原鹽茶廳張掖古浪寧夏寧朔靈州中衛平羅碾伯秦安禮縣崇信等十五廳州縣乾隆四十五年秋禾水災額賦。○江西巡撫郝

碩疏報。新建奉新分宜峽江廬陵永豐泰和永寧金谿鉛山雩都等十一縣。乾隆四十二年分開墾田地山場一十七頃二十九畝有奇。○甲午兵部奏。親老改補近省人員。例准捐免坐補原缺。蓋恐候缺需時。不得及鋒自效。是以准其通融補用。乃此等人員。尚未養親事畢。即行捐免坐補原缺。既得陞用。又復占補近缺。未免過優。請嗣後親老改近人員。於養親事畢。方准捐免坐補原缺。其現在已

經捐免。及捐免後業經陞用者。俱俟養親事畢。再行陞用。得旨允行。○乙未諭軍機大臣等。據劉我叅奏。中倉監督刑部員外郎趙元。搢喝令家人皂役。將民人計國相毆傷身死。請旨革職究審一摺。此案昨據倉場侍郎叅奏。已交刑部審擬矣。該員由刑部司員。現任監督。本年京察一等。曾經記名。非不諳律例。者可比。尤應安分守法。該監督之父。因取鴨起釁。與民人口角。已屬失體。即有違犯等事。

該監督止應移送地方。訊明究治。乃輒令家人等妄挾擅責。鞭棍交加。以致計國相傷重斃命。恃勢濫刑。殊屬暴橫。趙元搢即係刑部司員。未便專交刑部審擬。著交留京辦事王大臣會同刑部嚴審定擬。即按照平人律擬抵入今年情實。彼係刑部人。若致自戕。惟本部堂官是問。將此傳諭留京辦事王大臣。刑部堂官。並諭劉我知之。○丙申工部議覆。江南河道總督李奉翰奏。請豐碭營銅汎工程

緊要。必須添設弁兵。查有安阜營北岸汛。事務較少。可裁把總一員。銅沛營大壩汛。亦屬事簡。可裁外委効用一名。百總二名。河兵四十名。改歸豐碭營銅汛添設。又裏外河二營。汛地綿長。請將安阜營北岸汛。裁兵三十名。改歸外河營南岸汛添設。中河營安東汛。裁兵二十五名。改歸裏河營清江汛添設。應如所請。從之。○丁酉。諭。從前高晉曾請移楊莊中河口於下游之李家莊地方。嗣經薩載奏。

中河溜勢暢達。應仍其舊。上屆朕南巡時。親莅履勘。楊莊河口。原可毋庸移改。高晉彼時。原為避黃河橫衝抵溜起見。設或中河遇夏秋異漲。則由李家莊新河分洩。亦為有益。曾面諭薩載。斟酌妥辦。去年微山湖水漲。運河水盛之時。曾由李家莊分洩得利否。現在河流已復歸故道。楊莊中河口門。是否能暢達下注。應否尚須李家莊新河分其溜勢。其糧艘及商旅船隻。有無從新河行走之處。著傳

諭薩載。李奉翰。將中河口。及李家莊新河。各該處現在水勢情形。若何。詳晰繪圖具奏。○諭軍機大臣等。據德保等奏。貴州甕安縣土縣丞宋遵仁。呈控伊家祖遺都挖山田地一所。先經作為苗田入官。將山地給還土官家。其後復令土民開墾。山地均作為官田。仍令伊家交納差賦。屢在督撫藩司衙門控告。未准。復經該縣知縣董樑。以擅告官莊。將伊父宋連。鎖禁酷打。再董樑徵收銀兩。加耗苛索。

又折收倉穀。勒派餵馬各款。請交貴州巡撫李本。研審究擬等語。此案土官宋遵仁所控各情節。如果地方官辦理不善。及有苛派私徵等弊。自應徹底查究。倘該土司挾嫌誣控。希圖洩忿。尤當嚴行懲治。以儆刁風。但所控係黔省官員。未便仍交該撫李本辦理。著傳諭劉秉恬。將撫篆交與富綱兼署。即前赴黔省秉公查審具奏。其原告宋遵仁。仍交刑部解往該省。以憑質審。將此傳諭劉秉恬。并都

察院刑部堂官知之。○又諭。據留京辦事王大臣等奏。弘晟之姪延恒。與民人許鳴訛詐地畝一案。其代寫諭帖之王二。即王福清。審明擬以杖一百。流三千里等因。一摺。王福清著改發伊犁。給厄魯特兵丁為奴。閱此造作諭帖一事。弘晟之主使明矣。何則。延恒年幼。焉知舊事。而許鳴又係漢人。亦豈得知。若無弘晟主使。何能造作墨墨聶等字句。若止係延恒與許鳴商謀。轉令王福清編作諭帖。則

舊佃花戶姓名。延恒又何由得知。此事朕不肯深究。特行寬宥耳。並非不能看出此等情節也。著傳諭王大臣等知之。○吏部議准。前任四川總督福康安奏稱。大批分發一等舉人。請分為兩班。心地明白。試有成效者。即以知縣補用。才識中平。尚堪學習者。先以佐貳借補。果能有志向上。留心吏治。再以知縣調補。應勅各省督撫。通行查明。視其才識優絀。即照此分別奏明辦理。從之。○戊戌。諭軍機

大臣等。據圖思義奏。烏魯木齊協領阿林。呈控永遠枷號之官犯開泰。係彼處協領富通之甥。明亮到烏魯木齊之後。富通即託協領舒成。懇求明亮。將開泰交富通看守。因而開枷散居。其後富通赴京引見。欲交旗看守。開泰畏懼。投井身死。於是明亮屈叅阿林。未能加意看守。舒成又欲息事。種種捏造案情。完結等情。將原呈一併具奏前來。此事大奇。若止令圖思義審辦。恐不足服明亮之心。綽克

托尚稱歷練能事。人亦公正。著將圖思義原摺及阿林原呈。鈔寄綽克托閱看。令速馳赴烏魯木齊。會同圖思義。將明亮等解任審訊。果係確情。即派委妥員。將明亮舒成等押解來京候訊。富通六月內在熱河引見。計其回程。現在不出甘省。著寄諭李侍堯。令其迎拏富通。嚴加訊問。如果屬實。即拏解送京。倘有別情。即由彼解交綽克托。歸案質訊。綽克托到烏魯木齊時。務須會同圖思義。秉公審辦。

俟辦結後。即著圖思義署理烏魯木齊都統事務。候朕另降諭旨。海祿到烏魯木齊時。即速赴伊犁署理將軍印務。命伊勒圖來京陛見。○又諭曰。圖思義所奏摺片。鈔寄阿桂。福隆安閱看。明亮係阿桂保舉擢用之人。且又與福隆安係屬弟兄。明亮果否敢行此事。豈能瞞伊等耶。著令詳閱此案。熟思明亮平昔性情如何。有無此等乖謬事件。就伊等所見。據實詳奏。毋得稍有瞻徇。尋阿桂奏。明亮前

在烏什。雲南。金川。與臣同事多年。日見歷練。四十六年。蘇四十三之案。益覺長進。是以屢經面奏。明亮長於攻戰。其人雖不甚明白。稍覺耳軟。似此恣意謬妄。向所未聞。今圖思義參奏確鑿。或因原告措辭太過。或係明亮耳軟。誤墮富通舒成術中。及至開泰投井。復欲避罪。適罹重譴。此即明亮無福。不能承受聖恩。若據明亮平時。尚不至此。福隆安奏。臣與明亮平昔雖未同事。其品行。臣尚稍知。雖不

甚明白。膽氣頗小。據理而論。臣兄明亮。必不敢如此妄行。即使平素軟懦。何不識輕重。至於此極。或其時誤聽屬員巧飾。隨而妄行。亦未可定。今派綽克托嚴審。不日即可得實。報聞。○護理廣西巡撫布政使瑞齡疏報。鎮安廳天保奉議。三廳州縣。開墾旱田四頃五十畝。水田一頃十二畝。又水田一百十三埜有奇。○已亥。

孝懿仁皇后忌辰。遣官祭。

景陵。○諭軍機大臣等。據李永鄴等奏。開封省城。於七月初三日。雷雨交作。入土三寸。附省各邑稟報。同日得雨三四五寸等語。覽奏稍慰。已於摺內批示。該省正在望澤。得此甘霖。秋禾藉資長養。自為有益。但省城得雨僅三寸。若在春令。可稱透潤。伏暑之時。三寸不可謂霑足。且所報尚恐未必確實。是否於大田無礙之處。朕心甚為厯念。計此旨發往時。東省查勘工程。應已竣事。著傳諭何裕城。即速

回任。查明開封等處。曾否續得透雨。及秋禾實在情形如何。迅速覆奏。以慰懸注。○以翰林院侍讀張壽。為河南鄉試正考官。編修秦泉。為副考官。侍講莊承籙。為山東鄉試正考官。編修周興岱。為副考官。翰林院侍讀曹仁虎。為山西鄉試正考官。編修朱攸。為副考官。○庚子。諭軍機大臣等。據劉秉恬奏。到滇三載有餘。懇請陞見等語。已於摺內批令准來矣。該撫現在已至貴州。距京較近。自不必仍

回滇省。著傳諭劉秉恬。於審明宋遵仁控告一案完結後。即由黔省起程。進京陞見。○又諭沛縣移建城垣一事。前經薩載查勘。於舊城西南三十里之戚山。地勢高爽。堪以改建。歲內自可辦理完竣。明歲南巡。朕臨幸徐州。閱視石工。荆山橋本屬必由之路。沛縣舊城新城。是否經過。抑或可以望見。相距御道幾許。著傳諭薩載。查明覆奏。詳悉繪圖貼說呈覽。尋薩載奏。沛縣舊城。在荆山橋之西北。相

距一百二十四里。其移建新城之戚山。在舊城西南。相距荆山橋。亦有一百二十六里。與御道俱遠。未能望見。報聞。○又諭。據步軍統領衙門奏。有大學士三寶家轎夫傅大。在西單牌樓大街醉鬧。與賣羊肉回民滿廷顯。爭毆。隨有同夥轎夫藍大。張大等。前往幫同毆打。並砍傷馬玉兒等一案。已交該部嚴審矣。傳大身充轎夫。竟敢逞醉打鬧。其同夥藍大。張大等。聞聲踵至。同惡共濟。竟用刀棍傷人。

種種兇橫。實屬慝不畏法。至轎夫頭目王二。當領催趙德往拏之時。尚復恃強揪扭髮辮。與拒捕何異。尤屬目無法紀。轎夫本係無籍之徒。最易生事。若不嚴加懲治。無以示儆。著傳諭刑部堂官。將此案人犯。即照光棍律定擬具奏。○又諭。詳閱阿林呈控明亮一案。此事特因巴林泰。舒成等。任意唆使所致。著寄諭綽克托。如審明屬實。將明亮拏解時。并將巴林泰。舒成。審明。一同解京。其事荒唐至此。

則開泰投井一節。尚難定其真假。綽克托務須留心詳察。將開泰殞命確情。審明辦理。再烏什地方。距烏魯木齊。不過四十站。綽克托即速赴烏魯木齊。秉公研訊。迅速奏聞。○又諭。據提督衙門奏。大學士三寶之轎夫。傳大等關毆一案。已交刑部嚴審定擬具奏矣。但三寶係滿大學士。至今轎夫肆意橫行。皆其平日不能嚴加管束所致。此等目無法紀之轎夫。三寶一有所聞。即應拏交刑部治罪。方

為得體。三寶身任閣臣。不能約束轎夫。實屬無能。著傳諭三寶。將伊家轎夫何至肆行無忌。若此。並又何至任其脫逃之處。令其明白回奏。○以貴州黔西協副將劉紆青。為江西南昌鎮總兵。○辛丑。諭軍機大臣等。據何裕城奏報。河北三府屬。均於六月二十四五。七月初一等日。連次具報得雨三四五寸。及深透不等。惟輝縣等八縣。未據報到等語。河北三府。連次具報得有透雨。秋禾藉資長發。深

慰廛注。至未經報到之輝縣等八縣。是否一律普霑。於大田有無妨礙。并此後有無續得雨澤之處。著傳諭何裕城。再行查明具奏。○又諭。詳閱阿林原呈。蓋緣明亮聽信舒成調唆。以致乖謬若此。開泰係得重罪。永遠枷號之犯。而明亮初至烏魯木齊。即受舒成囑託。將開泰那離原看守之步營。交付富通。富通亦非本旗協領。而舒成又教將明亮諭帖掩匿。並不轉交該旗。私於該衙門前尋覓營房。

使與已出之妾盛姐同住。及盛姐原主佐領三齊克。由防所回家。將盛姐領回。開泰難以獨處。而富通又令開泰搬往該處効力之原任都司董承元。寓所同住。如此輾轉那移。致使罪犯偷安。情殊可惡。再閱其後。富通來京引見。稟問將開泰何處看守。而明亮批示。交本旗看守等語。明亮初受舒成囑託。雖云交本旗看守。而並未將開泰交本旗看守。明亮豈得諉為不知。再該旗署協領玉祿。以開泰

初係在富通衙門看守。今或交原看步營。或交本旗看守。稟請明亮。而明亮並不明白指示。反將稟帖交付舒成。舒成出傳都統之言。令交本旗看守。玉祿即置之不管。繼而次隊協領福森布。使領催等與開泰帶枷。伺候本旗領取。開泰聞信。始自畏懼。投井殞命。事至如此。枉法已極。而舒成又謂阿林係署富通協領事務。勒令捏報開泰病故。阿林不允。舒成又設法將看守開泰兵丁呈出。俟事寢息。

仍給原糧。且另施恩。阿林始終不允。因慫恿明亮。枉叅阿林。此實意外奇事。且巴林泰身任領隊大臣。祇知畏懼舒成。反行附和。尤屬不堪。明亮受朕重恩。授為都統。而聽信舒成讒言。徇情枉法。若此。殊屬負恩。此案阿林所控情弊。似無虛妄。並有開泰所生之子。現在佐領三齊克家養育之證。著傳諭綽克托。將朕指出各款。詳悉閱看。俟到烏魯木齊時。務須按款詳究。遵照節次之旨。即速辦理具奏。

勿得稍有遺漏。○理藩院奏。已故喀喇沁郡王扎拉豐阿之爵。應降為世襲罔替之扎薩克鎮國公。令伊子丹巴多爾濟承襲。得旨。丹巴多爾濟。應照例承襲鎮國公。但念伊父扎拉豐阿。効力多年。降為公爵。朕心不忍。著加恩襲封扎薩克固山貝子。○以貴州上江協副將吉蘭泰為甘肅寧夏鎮總兵。○壬寅。諭喀爾喀土謝圖汗車登多爾濟。因擅給發乘騎烏拉照票。經理藩院議奏。革去汗爵。朕格外加恩。留其汗爵。惟革去御前行走及其盟長。仍留花翎黃馬褂。車臣汗車布登扎布。係私放圖薩拉克齊。罪較車登多爾濟微輕。朕加恩量予罰俸五年。餘俱寬免。朕如此曲為施恩。而伊等俱係御前行走之人。僅呈駐劄庫倫大臣。轉奏謝恩。即屬了事。車登多爾濟雖未出痘。不當來熱河乎。車布登扎布。係已出痘之人。過年班常來京及熱河朝覲。即不來京。豈不當赴熱河乎。昨烏珠穆沁親王瑪

哈索哈因被伊旗台吉伊瑪控告得罪。經理藩院議奏。罰王俸五年。朕加恩寬免二年。瑪哈索哈因感激深恩。趕赴盛京途次謝恩。殊屬可憫。故格外加恩。挑在乾清門行走。車登多爾濟。車布登扎布。所犯之罪。視瑪哈索哈較重。瑪哈索哈係散走之人。尚知禮儀。車登多爾濟。車布登扎布。在御前行走。受朕重恩多年。豈反不知禮儀。伊等罪重。而朕格外加恩。並未從重治罪。伊等亦不知感激。由此觀

之。二人甚屬糊塗。車布登扎布。亦著革去御前行走。及其盟長。徹去花翎黃馬褂。車登多爾濟。花翎黃馬褂亦著徹去。并嚴行申飭。朕如此降旨後。伊等不必趕來謝恩。各按年班再來朝覲。○癸卯。諭軍機大臣等。工部奏駁何裕城題銷運河搶修工程一案。或係該處實有冒銷情弊。或係該總河聲敘不明。以致該部指駁。總俟福康安查勘奏到後。即可詳悉矣。朕復思工部書辦。凡遇奏銷之案。向俱

需索使費。無論各省督撫題銷工程。必須紙筆之費。即盛京各處工程報銷。亦必隨案給與使費。從前曾經犯案。現在河東題銷搶修一案。雖係司員富森阿。王念孫等主稿議駁。焉知非該部書辦需索不遂。因而從中慫恿。亦未可定。著傳諭福隆安。密為訪察。是否該部書吏。有似此情弊之處。據實具奏。○又諭曰。三寶因轎夫之事。接奉諭旨。令其明白回奏。一摺。稱轎夫住址。距伊稍遠。是日傳大等

與回民鬪毆時。伊並未聞知。事後家人始行告知等語。此奏尤屬非是。三寶身任大學士。所養轎夫。何不令其近處居住。即伊住宅不能容納。亦應於住宅左近置房數間。令其居住。似此縱令遠離。則安保其無賭博等事耶。今三寶接奉諭旨。奏稱轎夫住處隔遠。即能免罪乎。著傳旨申飭。○諭。現今英廉患病未痊。所有正黃旗滿洲都統事務。著雅朗阿署理。○甲辰。中元節。遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○諭軍機大臣等據朱椿奏續獲混元邪教案犯搜出宗派牒文審訊一摺內稱許明德牒文係廣東翁源縣道人湯鼎學所傳朱雲華牒文係廣東曲江縣道人陳明德所傳等語此案傳徒得賄首犯俱籍隸廣東且牒文復又註明鈔自廣東羅浮山榮林觀是該處定有倡立邪教之人暨牒文底本前經已延三等奏派委臬司李天培

等前往查辦現在曾否獲犯著傳諭已延三等飭令該司等務將湯鼎學陳明德二犯拏獲訊明傳自何人有無夥黨徹底根究盡數緝獲嚴審辦理以示懲創至粵西現獲各犯即著朱椿嚴審實情按律定擬具奏將此由五百里各諭令知之尋已延三等奏覆訪查博羅縣羅浮山止有酥醪黃龍白鶴九天沖虛五觀並無榮林觀名各觀道士從不出外雲遊續拏獲湯鼎學訊其牒文向有熟識之火居道士何書生託名羅浮山十三代宗派自熬膏藥往各處擺賣湯鼎學亦欲擺賣膏藥隨拜何書生為師鈔給牒文一張填寫十四代湯鼎學字樣並蓋用何書生做道場用的木戳後至粵西荔浦縣遇鄉親許明德見其帶有道牒向伊詢問伊將託名羅浮山道士緣由告知許明德隨拜伊為師轉託店主照鈔牒文一張填寫十五代許明德字樣今據該犯堅供實係賣藥營生並非邪教惑眾

但係一面之詞尚須解赴廣西歸案辦理報聞

實錄卷之

元

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十四

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十五

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十八年癸卯七月乙巳諭軍機大臣

等行在戶部議覆長蘆鹽政徵瑞奏封船備剝情形應設法調劑一摺已依議速行矣楊村剝運事宜從前方觀承辦有成規於速運通商兩無妨礙本屬妥協近年以來直隸督臣屢經更換適遇青龍岡決口未堵漕運緊急需剝甚多該道府辦理不善胥役必藉端勒索紛紛封禁守候無期並將重載貨船差押起卸概令騰空備剝以致客貨聞風裹足船戶畏懼不前不特鹽運無船貽誤帑課並

恐商貨壅滯京師百物昂貴於民間日用大有妨礙尤屬不成事體徵瑞所奏甚是著劉莪速即親身前往天津會同徵瑞督率道府等實力妥辦酌定章程具奏遵行以垂永久至徵瑞既為此奏自必有所見聞如該道府等果有辦理不善及縱容胥役需索滋擾情弊即著告知督撫據實嚴叅以示懲儆毋稍瞻徇○丙午諭曰舒常等奏湖北因上游川江水發內湖宣洩不及兼之江西發水灌入

內湖以致黃梅縣屬之青江等鎮廣濟縣屬之泰東等鄉黃岡縣屬之還和等鄉濱江沿河地畝多被浸淹房屋間有倒塌並江夏興國漢陽黃陂蘄水五州縣亦因江水泛漲間有淹及田禾之處現在親往確勘等語黃梅各州縣被水偏災民食未免拮据朕心深為廑念著傳諭該督等查明被淹輕重設法疏消如有應行撫卹及酌借籽種之處務須飭屬加意妥為查辦毋致一夫失所以副朕軫

念災黎之至意又諭前據舒常覆奏沅州協副將黃秉淳於訓練操防各事宜俱能實心辦理營伍亦頗整飭其才具尚可勝總兵之任等語黃仕簡之子黃秉淳才具既可勝任總兵自應給咨送部引見現在黃仕簡奏請陞見已令其於臘底到京黃秉淳亦應於彼時來京可以順便見伊父黃仕簡著傳諭舒常屆期給發黃秉淳咨文令其於十二月到京引見又諭閱留保佳查奏前輩東科

爾呼圖克圖圓寂後四川地方出有呼畢勒罕一人因不明確其徒俱未往迎又西寧隴窩地方出有呼畢勒罕一人其徒以舊有經卷鈴杵等物與看皆能認識且能呼各徒名字業經迎到寺中坐牀現今在藏學藝前班禪額爾德尼來時又稱去年四川所出呼畢勒罕屬真伊二人究竟不知孰真孰假著傳諭章嘉呼圖克圖查明並將二人所學孰勝之處遇便奏聞○丁未諭軍機大臣等據蘭

第錫奏蘭陽以下新河於初三四日長水一尺九寸幸河尾各引渠暢達刷深水勢奔騰東注得以隨長隨消兩岸埽壩工程及新隄防風相機鑲護均屬平穩等語覽奏實為欣慰今歲新河初次經伏秋大汛隄岸俱係新工尤為喫緊全賴河尾各引渠暢達刷深水勢奔騰東注隨長隨消工程平穩可冀順軌安流新隄鞏固甚慰厯懷所有各引渠皆係阿桂督率籌辦之事諒必時為繫念著將蘭

第錫原奏鈔寄阿桂閱看伊亦必同深慶幸也○戊申諭曰三寶換班起身之後著派福隆安留京辦事○以江蘇按察使李慶榮為河南布政使○己酉以廣東糧儲道李廷揚為江蘇按察使○庚戌諭曰阿拉善親王羅布藏多爾濟內廷行走多年向在軍營亦曾奮勉出力茲聞溘逝甚屬可憫朕心深為軫念著施恩遣乾清門侍衛佛爾卿額往奠茶酒並賞給銀一千兩○諭軍機大臣等據郝

碩奏查改通鑑綱目續編偏行明白曉諭旋據金谿縣坊賈呈繳書板一副現在照本逐條剋改俟改竣日覆覈明確同板片一併發還該坊聽其售賣等語自應如此辦理通鑑綱目續編流傳已久在北五省及邊省或未必翻刻至江蘇安徽浙江福建等省書肆本多必有翻刻板片刷印售賣希圖獲利者若於刻板內剋改則既可免抽換之煩而改正流傳更可永遠畫一各該省曾否如此辦理

何以未據奏及著將郝碩原摺鈔寄令各該督撫閱看務再留心訪查刻板一體剋改毋致遺漏亦不得滋擾尋浙江巡撫福崧奏覆遵旨訪查書肆將通鑑綱目續編照奉發改本逐一抽換剋改詳加磨對發還該坊售賣又福建巡撫雅德奏覆並遵照改本更正均報聞○辛亥諭據慶桂奏拏獲私行挖蔑人犯一摺吉林等處私行挖蔑人犯既有如許之多則盛京等處亦必有此等私挖之人何

不嚴行查拏。永瑋因朕巡幸。辦理供應事宜。是以見未及此。著將慶桂奏摺鈔錄寄永瑋閱看。並著伊即行派委妥幹官兵。於產獲山廠通衢要隘。及山谿僻處。嚴行搜緝查拏。近年封廠停採。原期護養。獲苗令其滋長。今據吉林等處。拏獲私挖人犯。至百餘名之多。則深山僻隅。兵弁巡查未周。恐尚有私挖之人。是有封閉之名。而無其實。反令不肖之徒。得以倖獲。何若仍行放票開採之為愈也。著自

明年為始。仍行放票開採。另行降旨飭諭該部外。其放票事宜。宜早為辦理。將此寄知永瑋。慶桂一面嚴行查拏私挖人犯。一面將明年開採事宜。妥議具奏。尋永瑋奏。查每年五月。即進山採獲。臣即於此時。出派鐵嶺城守禦六十七。前往產獲山根查訪。本年自六月以來。三次拏獲偷挖獲犯七名。臣以人數無多。照例交盛京刑部審辦。未經奏聞。茲奉諭旨。即添派賢能官兵。協同原派城守禦等。前

往通山要隘查拏外。仍遵旨自明年為始。仍放獲票。照舊辦理。別無更張。報聞。又慶桂奏。臣接奉諭旨。即嚴飭巡察吉林所屬大小產獲山場之副都統。以及各員。務將私挖各犯查拏淨盡。所有要隘一體加緊實力查拏。勿許少有透漏。臣查自從前拏獲偷挖人犯。奏聞後。今又拏獲人犯五十二名。獲獲七兩八錢。獲鬚一兩一錢。俟人犯解到時。審明從重治罪。另行奏聞外。所有明年應放獲票。臣即

曉諭吉林旗民人等。並令副都統烏靈阿。協領西德。即時招募採獲人夫。妥備器用。查照定額。儘力散放。其寧古塔三姓。阿勒楚喀。副都統等。亦令一體嚴查。妥辦。報聞。○軍機大臣等議覆。察哈爾都統烏爾圖納遜奏。稱張家口。賽爾烏蘇。兩處臺站。共計二十八處。因去年被旱。冬間復遭雨雪。倒斃牲畜甚多。於臺站官兵生計差務。不無竭蹶。現將有業官兵查明不計外。其有原立牲畜。全行倒斃者。

請賞借二年錢糧。其次者賞借一年錢糧。其銀即於該處同知庫貯太僕寺右翼牧廠地租內動支。分作四年歸款。再畢勒吉庫等四臺站人四十名。從前賞借銀兩。尚未扣完。請俟二年扣完後。續將此項銀兩扣還。再賞借之後。即派主事景泰等詳細確查。及時購買補立等語。查口外臺站官兵。悉賴官立牲畜過活。所辦尚屬可行。請交烏爾圖納遜實力妥辦。不可使有名無實。亦不可援以為例。從

之。吏部議覆。給事中成德奏稱。凡遇京察屆期。吏部豫將一二三等定例四格考語式樣。分錄清單。咨送各衙門遵依辦理。如移送冊籍內。經考察衙門。查有四格考語不符者。除咨送該衙門更正外。將承辦之員。附疏叅處。應如所請。從之。○戶部議准。江寧布政使劉燝奏稱。徐州府屬沛縣。常平倉缺額穀石。請於江寧省倉貯南屯等米。積剩項下。照依市價出糶一萬石。將價銀發交沛縣。於鄰境

豐收地方採買。補貯新倉。以實儲備。又嗣後江寧省倉餘存米石。如積至二萬石上下。即詳明督撫。酌量撥補州縣。以抵採買還倉之數。將存價解司。或就近在省出糶易銀。隨時報部撥用。得旨依議。速行。○壬子。諭。明年盛京吉林等處。仍行放給優票。著交戶部查照向例。即行辦理。○又諭。科布多叅贊大臣海寧。專管杜爾伯特。土爾扈特。烏梁海。厄魯特等部落事務。勒保。係總辦庫掄事務。均著施

恩賞戴花翎。○又諭。昨據保成等奏稱。前經喀什噶爾換班之甘肅兵丁內。步兵郭顯宗。在途迷蹤。尋覓未獲。今復據保成等奏稱。喀什噶爾換班兵丁。行至樹窩子地方。有馬兵許元正。又經迷失未獲等語。郭顯宗。係始行派去換班之人。或因避差逃遁。此次馬兵許元正。係換班回家。仍迷路徑。似屬實情。可見綠營兵丁。究係無用。亦因領隊之員。不能留心約束。又不派員照料。致伊等急欲回家。儘

力趕行。以致散落迷失。應將領隊官員等。照保成等所奏。交部分別議處。察議。摺併發。仍著交駐劄各回城大臣。併總督李侍堯等。出派官兵。將郭顯宗許元正。訪獲。審明緣由。詳細具奏。嗣後凡遣往新疆換班。及撤回兵丁。務令出派妥員。帶領行走。著通飭遵行。○癸丑。

上御卷阿勝境。賜扈從王公大臣等食。至戊午。皆如之。○諭曰。各省學政。現屆差滿。應行更

換之期。順天學政金士松。浙江學政竇光鼐。山東學政趙佑。河南學政李霖。俱著留任。毋庸更換。○又諭。湖南學政著錢澧去。廣東學政著平恕去。廣西學政著于鼎去。四川學政著錢樾去。雲南學政著曹錫齡去。貴州學政著陳本忠去。○又諭。安徽學政著葉觀國去。湖北學政著王懿修去。俱著於試差事竣。即由該省前赴新任。不必來京請訓。○甲寅。諭戶部議奏鳳陽關徵收盈餘。比較短少銀十

萬四千二百五十兩零。除監督王懿德請先交銀五千兩。尚短銀九萬九千二百五十餘兩。請著落該監督等照數賠補一摺。此次虧短銀兩著落該監督等分賠。固屬照例辦理。第念該關短少緣由。因上年豫省收成歉薄。商販稀少。兼之淮水異漲。販運不前。自屬實在情形。然似此年復一年。逐漸短絀。於權政大有關係。但此項銀數稍多。所有應賠銀九萬九千二百五十餘兩。著王懿德賠銀一萬

五千兩。臧榮青賠銀五千兩。其餘俱著加恩寬免。○以故五經博士朱世潤子學彬襲職。○乙卯。諭。此次恭謁

祖陵。駐蹕盛京。所有盛京吉林黑龍江等處。應行引見。及大計卓異軍政文武官員。著交行在吏兵二部。就近在盛京帶領引見。○又諭。盛京為

王迹肇基之地。朕御極以來。敬惟祖宗開創艱難。

佑啟萬年統緒。於癸亥。甲戌。戊戌。暨今癸卯。四詣盛京。恭謁

祖陵。以申積悃。所歷川原。形勝因見。徵聞並為詩。以識而於

太祖

太宗。締造鴻規。耿光大烈。恭紀成篇。實足以垂法守。非僅托為吟咏。所有四詣盛京御製詩。著皇子等分年按次。各錄一分。裝成四卷。彙貯一匣。以昭觀揚。垂裕之至意。○又諭大學

士英廉患病。現在兼管刑部事務。乏人。從前舒赫德。劉統勳。俱曾兼管吏刑二部。大學士阿桂。即著兼管刑部事務。○又諭據英廉奏。近日病勢轉增。急難痊愈。懇請開缺等語。英廉宣力年久。倚毗方深。自卧病以來。朕心甚為廕念。屢經降旨。諭令加意調攝。以冀就痊。今以病勢纏綿。陳請開缺。情詞懇切。英廉著以大學士在家專心養病。不必開缺。將來病痊時。仍照舊入閣辦事。大學士從前本有六

缺。即多一人。亦屬無妨。現在內閣協辦乏人。

蔡新著補授大學士。梁國治著協辦大學士。劉墉著補授吏部尚書。其工部尚書員缺。著金簡補授。福長安著轉補戶部左侍郎。諾穆親著調補戶部右侍郎。其吏部右侍郎員缺。著著玉鼎柱補授。所遺盛京禮部侍郎員缺。著宜興補授。○又諭熱河工程處備用銀兩。著撥銀十萬兩。交熱河道庫應用。○調鑲紅旗滿洲都統雅朗阿。為正黃旗滿洲都統。鑲白旗蒙古都統綿恩。為鑲紅旗滿洲都統。以協辦大學士吏部尚書伍彌泰。為鑲白旗蒙古都統。○丙辰。諭軍機大臣等。據薩載等奏。黃河水勢盛長。搶護各工。及張家馬路相機酌放水。餉平穩情形一摺。已於摺內批示矣。此次伏汛。連前共長至一丈三四尺。大溜奔騰。浩瀚。實為漲盛。上下各廳工程。如夏家馬路。張家馬路等處。在在險要。該督等督率在工員弁。或趕緊搶護。或酌放水。餉仰賴

上蒼嘉祐。

河神默助。得以化險為平。各工保護安穩。以手加額。欣慰覽之。朕感荷之餘。益深虔敬。現在秋汛。即至。新河下游。在在喫緊。薩載等尤宜倍加謹慎。督飭工員。晝夜防守。保護各工。俟秋汛奏報安瀾後。再降諭旨。將該督並河東。江南。兩總河。及在事出力員弁。交部議敘。以示獎勵。再閱圖內。張家馬路隄後。塘內水深八九尺。至一丈一二尺不等。恐傷及隄根。

亦為可慮。此時如能放淤。使水去泥澄。壅護隄根。固為盡善。否則。亦須設法疏消。毋令清水積存隄外。致貽後患。上屆南巡時。閱視河工。亦見數處隄後尚有積水。彼時曾諭設法疏消放淤。該督等並宜逐一留心查勘。一律妥辦。或放於隄外。以為鞏固隄工之計。至薩載等另摺所奏。李家莊口門外。黃水漸次增高。恐致漾入淤墊新河。已於六月二十八日堵塞等語。楊莊口門出水既暢。自無須李家

莊新河分溜。該督等相時堵閉。所辦甚合機宜。但何以未經奏及。彼時薩載已赴東省。會勘運河工程。李奉翰何以亦未具奏。直至降旨詢問。始行奏覆。伊等豈未知朕屢念河防。昕夕懸注耶。著傳諭該督等。此後凡有關河務事宜。俱即隨時具奏。以慰廑念。○調正藍旗漢軍副都統勒保。為正藍旗滿洲副都統。以吏部右侍郎宗室玉鼎柱。為正藍旗漢軍副都統。○丁巳。以工部右侍郎塔彭阿。為鑲

紅旗蒙古副都統。○戊午。諭軍機大臣等。據朱椿奏。假冒千總巴鐘仕。擬斬。即行正法。一摺。已批交該部覈議具奏矣。巴鐘仕私藏印劄。假冒職官。撞騙銀錢。固屬可惡。但覈其情罪。尚不至於斬決。著傳諭刑部堂官。將巴鐘仕一犯。按律擬以斬候。入於本年秋審情實。已足蔽辜。○己未。兩江總督薩載等奏報。黃運湖河伏汛安瀾情形。因本年張家馬路溜勢頂衝。舊埽塌卸。一面將上壩埽工。補鑲挑

護一面在下壩。挑挖進黃溝。掣其溜勢。順流下注。則上壩不致著重。並將大王廟後撐隄挑開。使水勢灌滿。下塘澄淤。由四道溝渠出清。仍歸正河下注。以水禦水。可無衝齧之虞。得旨。此法甚好。以手加額覽之。秋汛即至。敬之慎之。○是月。兩江總督薩載等奏報。入秋後河水盛長。下游外河南岸。舊有木龍。因水大溜急。擊斷二架。漂淌木植。隨即撈獲趕紮。以資挑護。得旨。此必所縛不牢。應查叅。或功

過相抵。亦當記過。不得邀敘。○河南巡撫何裕城奏報。本年伏汛雖過。秋汛正長。行抵商邱五堡地方。沿途上溯。查看新河。大溜東注。尾閘宣洩暢順。得旨。欣慰覽之。益當敬慎。○漕運總督毓奇奏。起運漕船。正丁之外。例有副丁一名。隨船駕運。惟撥運密雲兵米。向無旗丁專管。今豫東二省。撥運密雲兵米。每省需船二十隻。定於各本省十幫船內。大幫雇船二三隻。小幫雇船一二隻。隨各本幫運通。

交納。給以行月運耗銀米。以為雇船運腳之資。嗣後應令各該幫。在各船內輪流。責成諳練。副丁住船防守。隨同大幫。照料抵通。仍令運弁正丁。照舊交卸。較舊定章程。更加詳慎。得旨。所議甚當。如所議行。又奏。漕船尾幫。全出臨清閘口日期。得旨。好。知道了。汝所辦好。又兼命好。更宜慎勉。莫自滿也。又奏。通漕尾幫全數過濟日期。得旨。好。可謂能事。勉之。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十五

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十八年癸卯八月庚申朔諭現在吏

部滿侍郎乏人

王鼎柱未到任之前仍著諾

穆親兼署○戶部議覆漕運總督毓奇奏稱

近年各省旗丁內多有賣富差貧以致貧乏

之丁誤公滋事皆由該州縣無辦運專責又

無混僉處分以致諸多掣肘嗣後各省州縣

衛幫承僉快運各丁均以奉文派僉之日起

限兩個月僉解詳報道府查驗後發幫管運

並令該管道府查明該丁田地房產造具細

冊呈送總漕衙門存案該丁設有虧短掛欠

即可變產賠補倘違限兩月僉解不到及查

出原造田地家產冊結不實即將承僉之員

據實叅奏照有意誤漕例從重議處至僉派

之後運丁到幫誤公或於管運後棄船脫逃

或已革之丁重僉復入以及徇情出結混以

軍丁改入民籍者即照承僉不實例降二級

調用不准抵銷並將該管上司照失於覺察

例一併交部分別議處江西湖北二省有應

徵津運銀兩經徵各官因非正項錢糧催徵

不力每年拖欠十之七八嗣後此項津貼餘

租如有不實力催徵者即照正項錢糧經徵

不力分數之例分別議處並交各藩司照正

項錢糧按年催解糧道濟運併將經徵已未

完各州縣造冊送查均應如所請得旨依議

速行○辛酉諭軍機大臣等戶部議覆薩載

毓奇等奏江淮興武二衛丁力日疲領買入

官地畝永為隨船恒產以資贍運一摺已依

議行矣向來有漕省分各該州縣因無辦運

專責。一遇僉丁徵津等事。視同膜外。任聽胥吏高下其手。賣富差貧。遲延拖欠。種種滋弊。竟成積習。牢不可破。昨據毓奇奏請嚴定處分。以專責成。業經行在該部議覆准行。著再傳諭有漕省分各督撫。實力查察。倘各州縣內有仍前怠玩。誤漕情弊。即應據實嚴參。如各督撫稍存瞻徇。仍任該州縣賣富差貧。即著毓奇查明參奏。惟該督撫是問。至江淮興武二衛。既經領買入官田畝。以資贍運。此後仍著該督撫董飭地方官。隨時查察。毋許旗丁私行典賣。如有此等情弊。除將該旗丁照例治罪外。仍將該州縣嚴行參處。○欽差工部尚書福康安奏。遵旨查看運河南河搶修工程。均係實用實銷。向因聲敘未明。致干部駁。得旨。此項運河南河搶修工程。若果有浮冒情弊。自應嚴參治罪。將多用銀兩著落分賠。今既經福康安查明。係實用實銷。不過因聲敘未明。致干部駁。總河等俱著交部議處。

所有運河濟寧以南搶修銀一萬三百餘兩。南河搶修多用銀一萬一千二百餘兩。俱著加恩准其開銷。○壬戌。諭開國方略書成後。著交武英殿刊刻。並寫入四庫全書。○癸亥。遣官祭關帝廟。○甲子。諭軍機大臣等。前因豫省河北二屬八縣未經得雨。曾經降旨詢問。嗣據何裕城奏。獲嘉封邱等四縣已於七月初間得雨。惟衛輝府屬之輝縣濬縣新鄉延津四縣尚未據報等語。該撫此摺。於七月二十五日奏到。迄今又已旬日。尚未奏報。該四縣得雨。朕心深為廕念。本日薩載奏。洪湖水未加長。因淮河未經長水之故。此必淮水發源之處。豫省雨澤短少。是以下游水勢未旺。現在輝縣等處。是否續得透雨。秋禾有無妨礙。如已成災。不可諱飾。著傳諭何裕城。即將該四縣現在情形若何。迅速具奏。以慰廕念。至毗連豫省之山東曹州兗州二府屬。夏間曾缺

少雨澤。現在該處秋禾情形若何。並傳諭明興速行查明。據實具奏。○又諭。據薩載等奏。秋汛內黃河水勢暢消。各工平穩。安瀾兆慶情形一摺。覽奏欣慰。已於摺內批示矣。摺內稱外河南岸。舊有木龍。前因水大溜急。擊斷二架。漂淌木植。隨即撈獲。現令李奉翰親往查勘。督令趕緊以資挑護等語。外河南岸。舊設木龍。從前並未聞有衝斷漂淌之事。或曾有衝失。未經奏明。亦應查明奏覆。毋得迴護。

至此次漂淌木龍。必係該管員弁束縛不能堅牢所致。該督即應查明參奏。即該員等功過相抵。亦當記過。不得濫邀議敘。昨蘭第錫奏。豫省黃河。立秋後消落三尺餘寸。今又逐漸增長。幸前水騰空。足資容納。新河暢順。新隄亦俱保護平穩等因。現在未屆白露。秋汛正屬緊要。著傳諭薩載。李奉翰。蘭第錫。督率道廳員弁。倍加敬畏。並慎修防。保護各工。俟秋汛奏報安瀾本到時。再降諭旨。將該督等

及在事出力員弁。交部議敘。以示獎勵。○又諭曰。博清額等奏。堪布額爾德尼諾們汗阿旺簇勒提木。恭祝萬壽。於藏之薩拉寺。傍建造寺院。請錫嘉名等語。阿旺簇勒提木。感激朕恩。虔修廟宇。恭祝萬壽。深堪嘉獎。著賞名壽寧寺。並繕寫四體字樣。所有佛殿扁額。朕親書祥輪普護四字。懸掛殿前。并鈴杵一。海螺一。大哈達一。博清額接到時。即行賞給。並將嘉悅諭旨。一併曉諭知之。○乙丑。諭。朝鮮

列在外藩。勤修職貢。最為恭順。今以朕臨幸盛京。遣陪臣齋表修貢。迎駕請安。並祝萬壽。藉抒忱悃。甚屬可嘉。屆時當加恩賞賚。以示優眷。著禮部堂官傳諭知之。○順天鄉試。以順天府尹虞鳴球。為監臨官。吏部尚書劉墉。為正考官。內閣學士尹壯圖。司經局洗馬翁方綱。為副考官。○丙寅。吏部等部議覆。失察張孝。樊萬里。縱放賊匪馬之玉。入口之山西巡撫農起。大同鎮總兵富成。俱應降二級調

用。得旨農起駐劄省城。距邊口較遠。且係統轄。著從寬免其革任。仍註冊。富成係大同鎮總兵。稽查邊口。是其專責。乃於所屬弁兵。賄縱偷馬賊匪入口。漫無覺察。非尋常失察可比。著照部議降二級調用。○吏部議覆雲貴總督富綱奏稱。雲南昭通府屬之鎮雄州。幅員遼濶。案件繁多。請將麗江府知事裁汰。改為昭通府知事。分駐鎮雄州牛街地方。定為夷疆要缺。三年俸滿。咨部即陞。應如所請。從

之。○以湖北黃州協副將沐特恩。為山西大同鎮總兵。○賑貸湖北黃梅廣濟黃岡蘄水江夏興國漢陽黃陂等八州縣。武昌黃州蘄州三衛。本年被水災民。并予緩徵。○丁卯祭先師孔子。遣大學士蔡新行禮。○諭曰。胡高望尚未任滿。汪承霈現在前往盛京。工部漢侍郎乏人。胡高望未回京之前。著吳垣兼署。○又諭。據閔鶚元奏。蘇州官商承辦洋銅。除每年額解六省官銅五十一萬餘觔外。其多

餘之銅。俱令一律繳官。俟年清年款之後。仍准該商變賣餘銅等語。此項銅觔。前因范清濟辦理不善。壓欠甚多。是以餘銅不准其自行變賣。今新商王世榮代為接辦。若能實力經理。趕緊轉運。所有從前壓欠之項。原可陸續帶交。況該商王世榮係接辦之人。若俟積欠全完。始准其變賣餘銅。該商不能少霑餘利。未免偏枯。嗣後除每年額運正項銅觔交清。并酌量分年帶交。積欠若干外。其餘銅觔

即准其照舊變賣。以紓商力。○戊辰。

太宗文皇帝忌辰。遣官祭

昭陵。○己巳。吏部奏請。大學士蔡新。應定何殿閣。及兼銜。得旨。蔡新著為文華殿大學士。兼吏部尚書。○庚午。

太祖高皇帝忌辰。遣官祭

福陵。○諭曰。德保等奏。據盛京禮部侍郎咨。朝鮮國遣使迎駕。並慶賀萬壽一摺。該國王因朕曾降旨七月啟程。臨幸盛京。故遣使進表。

修貢迎駕請安恭祝八月萬壽自是誠敬可嘉非尋常照例慶賀可比昨據行在禮部奏聞業經降旨令該堂官傳諭嘉獎今在京禮部復為此奏而摺內又牽引該國王向來慶賀萬壽表文俱係隨同冬至元旦於歲底遣使恭進等語是何言耶該尚書德保等甚屬糊塗太不曉事可鄙可笑此次朕恭謁

祖陵原定期在盛京過萬壽該國王敬効惓忱特於常貢之外具表祝賀朕方嘉許德保等

直不解此尚為此無謂之奏不過因莊存與具奏時未曾會銜殊不知莊存與亦是禮部堂官而盛京禮部又復各行一文以致德保等瑣瑣瀆奏甚屬非是所有禮部堂官著阿桂福隆安傳旨嚴行申飭盛京禮部侍郎玉鼎柱亦著飭行○賜達賴喇嘛玉冊玉寶勅曰國家海宇清晏民物敦寧撫育中外振興黃教自宗喀巴崇闡宗風宣揚梵律爾達賴喇嘛乃宗喀巴之法嗣根敦魯布八轉世身

也夙慧圓成性身常住十方供養華夏皈依先是順治年間五轉世達賴喇嘛來京瞻覲恩禮崇隆自茲四世咸傾心依向廣布教乘寵渥有加焉爾達賴喇嘛教演禪宗誠殷奉祝普天福壽永世吉祥誠國家道洽重熙休和之盛事也以爾性體純全法源廣布朕甚嘉焉茲特加殊禮錫之玉冊玉寶爾其祇領供奉於普陀宗乘之廟永鎮法門逢國慶典用之章奏其餘奏書文移仍用原印爾膺茲寵

錫其益勵清修宏宣宗乘副朕闡揚梵教佑羣生至意以廣布爾前世達賴喇嘛之善緣壽世福民用光我國家億萬年之休命欽哉○辛未京畿道御史楊壽楠條奏順天鄉試定例南省人迴避南皿卷北省人迴避北皿卷其有南省人寄居北籍者並迴避南北皿卷上屆順天鄉試同考官有例應迴避南北皿卷及貝字號卷者遂將中皿卷專歸一人閱看雖係一時酌辦之法但恐外間皆知

有專看中皿之人。不無揣摩。殊非遠嫌之道。請嗣後禮部奏派房官時。將似此南北兩籍。均應迴避之員。另疏題明扣除。得旨。依議速行。○壬申。

萬壽節遣官祭

太廟後殿。遣官祭

福陵。

昭陵。

昭西陵。

孝陵。

孝東陵。

景陵。

泰陵。

泰東陵。遣官祭

孝賢皇后陵。遣官祭

顯佑宮

東嶽廟

城隍廟

上御澹泊敬誠殿。扈從王公大臣官員。及蒙古王公台吉等。行慶賀禮。○癸酉。諭曰。李世傑奏。四川重慶鎮總兵馬鎮國。與千總糟福壽互揭一案。稱據重慶鎮總兵馬鎮國。揭報該標千總糟福壽。藉差借支餉銀三百四十餘兩。偽捏姓名。承買官房。除追繳扣抵外。尚長支未繳銀一百三十餘兩。又據糟福壽揭稱。重慶三營兵餉。自去年起。春餉壓夏。四季拖延。又該鎮每年私收地租錢二千餘串。又中

營遊擊馬奉君擅娶兵妻。右營都司李芝榮。私賣戰馬各款。除將千總糟福壽咨革外。請將重慶鎮總兵馬鎮國。中營遊擊馬奉君。右營都司李芝榮。解任嚴審等語。馬鎮國。馬奉君。李芝榮。均著解任。交該督提同案內人證。一併嚴審定擬具奏。至糟福壽。係千總微弁。竟敢藉差借支餉銀三百餘兩。該鎮輒行借給。係借何名目。是何月日。其中恐有扶同弊混情節。並著該督詳確審訊。毋任支飾。該部

知道。○諭軍機大臣等。據蘭第錫等奏。黃河長落。搶鑲大工平穩一摺。內稱。睢州下汛七堡至九堡。史村鋪地方。隄形灣環。於七月初七日。北風湧溜。汕刷防風。晝夜搶修。埽工計長三百一十七丈。又儀封廳十四堡。隄形折向東南。十四五日。溜勢迤邐。上隄湧注。亦經搶修。埽工二百六十丈。其毛家寨壩臺埽工。因溜勢逼窄。洶湧。該汛六堡工段。長二十丈。陡蟄入水丈餘。各埽亦牽連平蟄。當即督率

道廳營縣。分投搶鑲。幸天氣晴明。料物應手。現在埽工俱出水六七尺等語。以手加額。覽奏稍慰。該處新築隄工。最關緊要。現在已屆白露節氣。如秋汛各工平穩。俟題本到時。自當明降諭旨。將伊等交部議敘。至摺內所稱新工三段。分溜寬濶。水勢驟難歸入正河等語。此三段隄工形勢。兜灣迎溜之處。甚為喫緊。必將分溜全歸正河。方為穩妥。該督等須督率各員弁。加意防護。俟溜勢一歸正河。即

速奏聞。以慰廛注。將此諭令知之。○以內閣學士松筠。為鑲黃旗蒙古副都統。○甲戌。月食。○諭。前據圖思義奏。烏魯木齊協領阿林。呈控永遠枷號之原任員外郎開泰。係彼處協領富通之甥。明亮抵烏魯木齊後。富通即托協領舒成懇求明亮。將開泰交富通看守。開枷。將離異之妾。令其合居。生有一子。富通因赴京引見。欲交旗看守。開泰畏懼投井身死。明亮因而屈叅阿林。未能加意看守。舒成

意欲消滅其事。種種捏造掩飾。圖思義將原呈一併具奏。朕見其事甚奇。即降旨。令綽克托由彼前赴烏魯木齊。會同圖思義審訊。將明亮革職。解來京。今隔月餘。明亮見吐魯番巡檢所報。寄問圖思義。阿林控告之處。圖思義答以尚未審明。語甚隱約。因復行查覈。始以富通原將開泰居住閒空官房等情。同領隊大臣巴林泰。將富通聯名補叅。且將阿林一併叅奏。明係心存避就。更屬錯謬。綽克

托。即將明亮。巴林泰。革職嚴審具奏。仍遵前
旨。拏解來京。至阿林所控呈內。協領舒成。始
終掩飾情節。明亮摺內。並未言及。此摺必係
舒成屬意代作。欲巧為開脫。何能逃朕洞鑒。
舒成實係積慣奸滑之徒。甚屬可惡。著一併
革職。交綽克托嚴行究審。將明亮奏摺。一併
鈔寄發往。其烏魯木齊都統員缺。著海祿補
授。海祿仍赴伊犁。署理將軍事務。俟伊勒圖
陛見回任後。海祿再赴烏魯木齊之任。海祿
未到任之前。烏魯木齊都統事務。著圖思義
暫行署理。巴林泰所遺領隊大臣員缺。著陽
春保補授。著留京辦事王大臣等。傳諭陽春
保。令其馳驛速赴烏魯木齊。不必來行在請
訓。

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百八十六

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十七

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣康柱

總裁官經筵講官太子太傅大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十八年癸卯八月乙亥

上東巡盛京恭謁

祖陵自熱河惠迪吉門啟鑒○諭朕由熱河前

住盛京恭謁

祖陵所有經過直隸奉天各州縣著蠲免本年

地丁錢糧十分之五該部即遵諭行○戶部

議覆陞任廣西巡撫朱椿疏報該省添兵二

千三百三十四名內添馬戰兵二百零三名

步戰兵二千一百二十七名守兵四名每歲

共需乾餉糧草銀四萬五千一百九十三兩

有奇甲辰年春季共需銀一萬一千二百四十七兩有奇又上思等營應需折色銀一千七十一兩有奇請於乾隆四十八年地丁銀內動給得旨允行○是日駐蹕崗山大營○丙子諭曰富勒渾奏臺灣鎮總兵孫猛迎接伊母赴臺在廈門放洋陡遇颶風不知飄泊何處現據該鎮稟請代奏解任沿海尋查等語孫猛迎養伊母在洋遇風以致飄泊孫該鎮母子情切懇請解任尋查殊堪憐憫孫

猛准其解任往尋伊母其臺灣鎮總兵事務令柴大紀暫行署理海壇鎮總兵著副將魏大斌護理該部知道○諭軍機大臣等據明興奏曹兗二府雨澤稍遲六七月間得有透雨收成約均八分有餘等語昨日召見劉綎詢伊原籍曹州府地方雨水田禾情形據稱今年雨水稍覺短少收成僅可望七八分今明興復奏該處收成均約八分有餘奏報恐有不實著傳諭明興即行查明曹州府秋收

實在分數。據實具奏。毋得稍有諱飾。尋明與秦曹州府十一屬。得雨遲早不一。秋收厚薄亦不一。濮州。單縣兩處。得雨較遲。約收原止七分有餘。其餘曹縣等處。約收八分及九分不等。通府牽算八分有餘。並無諱飾。報聞。○軍機大臣等議覆烏魯木齊都統明亮奏稱。由哈薩克換來牛馬。照伊犁將軍伊勒圖咨到兵丁倒斃馬匹數目。截留一千匹。其餘馬二千五百匹。牛五千隻。趕赴巴里坤。哈密等

處。酌量截留。其餘趕赴肅州變價。但牛隻過多。恐肅州一時難售。查現在由烏魯木齊至巴里坤中間。安西。玉門。敦煌等州縣。居民輻輳。必需牲畜。倘有情願收買者。請准其先行變賣。其餘再解肅州。再哈薩克換易牛馬。多有兵丁私用銀兩買用。及濫行增價等弊。嗣後伊犁各部落官兵。購買布匹等物。換易牛馬。請揀派妥員。照官易例。監督換易。又盈餘牛隻。折計羊價。令各部落官兵商衆換買。應

如所請。從之。○是日。駐蹕金家莊大營。○丁丑。諭。此次朕往盛京。遼陽太子河。著一併遣官致祭。○又諭。曰。蘭第錫等奏。現在白露已過。水勢消減。歸槽。新舊隄工。一律鞏固。河流極為暢順等語。覽奏欣慰。又昨據薩載等奏。南河水勢。循軌暢行。通工俱屬穩固。可期秋汛安瀾等語。今歲黃河水勢盛長。經該督等督飭在工員弁。隨時防護。設法疏消。新舊隄埝工程。一律鞏固。伏秋兩汛。共慶安瀾。朕心

深為嘉悅。薩載。李奉翰。蘭第錫。何裕城。均著交部議叙。該部知道。○戶部議覆。吏科給事中成德奏稱。各省州縣正署官。交代倉庫錢糧。定例正限兩個月。如倉穀在二萬五千石以上。庫項在五萬兩以上者。展限半個月。如倉穀在五萬石以上。庫項在十萬兩以上者。展限一個月。如庫項在十五萬兩以上者。准於正限之外。展限四十五日為期。今州縣離任。委員署理。各督撫間有在交代限期一半。

或限期將滿時。將原委之員撤回。改委別員署理。即以改委接署之日。另扣限期。度其情節。非於原委之員。操縱之間。別生意見。即離任之員。或有牽掣事故。因藉改委起限。故寬時日。嗣後州縣官離任。該督撫等。遴員署理。其原委之員。遇有陞遷降調丁憂事故。應行離任者。始准另行改委。仍將改委緣由。確切聲明。咨部查覈。如原委之員。正在交代限內。並無應行離任事故。而督撫輒行託故改委。

希圖展限者。一經查出。即將改委之各上司。俱照徇庇例議處。應如所請。從之。○是日。駐蹕烏里雅蘇台和羅大營。○戊寅。祭

大社。

大稷。遣肅親王永錫。恭代行禮。○以內閣學士勒保為兵部右侍郎。刑部郎中覺羅琅玕。為內閣學士。兼禮部侍郎。○是日。駐蹕達魯萬祥寺行宮。○己卯。諭。江蘇學政。著謝墉去。福建學政。著吳玉綸去。俱著於試差事竣。即赴

新任。不必來京請訓。江西學政。著李綬去。陝西學政。著溫常綬去。○是日。駐蹕塔子溝北行宮。○庚辰。遣官祭黑龍潭。

昭靈沛澤龍王之神。玉泉山。

惠濟慈佑龍王之神。○諭曰。勒保已降旨補授兵部右侍郎。著仍留庫掄辦事。現在兵部滿侍郎。祇瑪興阿一人。諾穆親侯玉鼎柱到京。接任後。再兼署兵部右侍郎。○大學士英廉遺疏聞。諭曰。太子太保大學士英廉。老成

練達。奉職恪勤。翊贊綸扉。總司獻典。實心宣力。倚毗方殷。春間偶聞患病。即遣醫診視。並屢經降旨。諭令加意調攝。以冀就痊。近因病勢轉增。懇請開缺。復降諭旨。令其以大學士在家專心調養。尚冀痊愈。後仍照舊入閣辦事。今聞溘逝。深為悼惜。著派散秩大臣一員。帶同侍衛十人。前往奠醊。並加恩入祀賢良祠。仍賞給銀五千兩。俾治喪事。其任內降革罰俸處分。均予開復。所有應得卹典。著該部

察例具奏。○又諭。已故喀喇沁貝子瑚圖靈阿之孫。扎特納吉爾第。尚未及歲。又係獲罪濟克濟特扎布之子。例不應給職銜。著加恩念其祖瑚圖靈阿。以扎特納吉爾第。為二等塔布囊。令其效法伊祖。加意學習。○命大學士公阿桂。教習庶吉士。○以正紅旗蒙古印務叅領廣福。為正紅旗蒙古副都統。○蠲免安徽鳳陽縣臨淮鄉。并盱眙縣學田。乾隆四十七年水災額賦有差。○是日。駐蹕葉博受村廣慧寺行宮。○辛巳。遣官祭昭忠祠。○喀喇沁郡王喇特納錫第等迎駕於行宮東門外。設大毬廬侍。

上宴畢。閱詐馬諸技。賞賚有差。○旌表守正捐軀廣東歸善縣民黃土生妻彭氏。○是日。駐蹕哈那哈達大營。翼日如之。○壬午。

世宗憲皇帝忌辰。遣官祭

泰陵。○癸未。諭。據綽克托奏。烏什年滿額外主事蘇藩泰員缺。請將伊帶往行走二年之工

部筆帖式隆德補授。再留駐烏什三年。其摺內稱。由京派往部院章京。自起程處。以至烏什。應得官項。及隆德筆帖式分內所得鹽菜銀及盤費。俱可節省等語。殊屬鄙小。筆帖式隆德。如果辦事好。留在烏什。於事有益。即可據實保奏。何必假託節省官項。曲為具奏。若此。是有節省之項。方可行保舉之例。除筆帖式隆德。准其所請。授為額外主事。再留駐烏什三年辦事外。不可以此為例。著傳諭綽克

托知之。○是日。駐蹕察罕和羅大營。○甲申。駐蹕噶達噶山大營。○乙酉。賜扈從蒙古王貝勒貝子公額駙台吉等食。○諭。盛京兵部侍郎伯興。錦州副都統成策。並賞戴花翎。○是日。駐蹕托拜噶山大營。○丙戌。秋分。夕月於西郊。遣鄭親王積哈納行禮。○豁除陝西長安縣西席村。乾隆四十七年。被水衝坍地畝額賦。○是日。駐蹕五里屯大營。翼日如之。○丁亥。諭。此次淮安關徵收贏餘銀兩。比較

乾隆四十二年短少銀十五萬九百餘兩。部議請著落該監督全德賠補。自係照例辦理。第念豫省漫工甫經堵築。商船抵閘較少。徵收贏餘短絀。尚屬有因。所有此次應賠銀兩。加恩令其賠銀一萬兩。其餘概行寬免。至此後河流順軌。商船來往必多。每年贏餘銀兩。徵收自應足額。倘再有虧短。定行如數著賠治罪。○科爾沁親王恭格喇布坦。巴林郡王巴圖等迎駕於行宮西門外。設大建廬侍

上宴畢。閱詐馬諸技。賞賚有差。○戊子。遣官祭賢良祠。○諭軍機大臣等。據海寧奏稱。科布多所屬昌吉斯臺卡座。投到俄羅斯男婦五十九人。傳赴科布多詢問。據稱伊等俱係巴爾納郭城居民。因俄羅斯舊例叩首。俱以二指。後改三指。實屬忌諱。遂率領戶口逃出巴爾納郭城。在雅扎瓦地方耕種。業經二十餘年。但在二國之間。殊非久遠之計。不若投入大國。圖沐皇恩等語。請即收留安插。科布多

城南等語。海寧所見雖是。但非要務耳。何則。俄羅斯非土爾扈特可比。土爾扈特原係塔爾巴哈台居住之人。因與準噶爾不睦。逃往俄羅斯地方。後率其族類數十萬戶。自彼逃來投誠。朕因體

上天好生之仁。全行收納。賞與游牧安插。俄羅斯等性情習俗。均非土爾扈特可比。伊等如謂界於二國之間。難為久計。則雅扎瓦地方。伊等已居住多年。豈竟如許之久而彼處並未一加查問。竟聽其潛蹤耶。況蒙古俱係尊崇黃教。若收俄羅斯等。性習相左。轉恐滋事。今若將伊等盡行縛拏。照例送與俄羅斯。則俄羅斯必將伊等治以重罪。朕又不忍五十餘人。盡受刑戮也。今或俯加憫卹。俾與安插。倘俄羅斯聞信。具文來問。將何以示大國之信。不且令之懷疑乎。況俄羅斯自來恭順。為今之計。宜無傷於投誠之五十九人。且不失信於俄羅斯。方妥。著將此傳諭海寧。令其詳

閱朕旨。即傳集投誠之五十九人。諭以爾等之事。業經奏聞。今諭旨已到。以爾等自離巴爾納郭城。在雅扎瓦地方。居住已久。今若准爾投誠。俾與安插。則爾等性習。與土爾扈特。杜爾伯特之尊崇黃教者不同。日後轉恐與爾等有礙。今若將爾等拏送恰克圖。交與爾固畢爾納託爾。則定將爾等治罪。大皇帝心亦不忍。爾等可乘此無人知覺之時。速回原住地方居住。若恐路遠人衆。盤費不支。曾有

諭旨。令我接濟爾等盤費遣回。一一撫諭。按口給發。催令出卡回去。告以大皇帝今賞爾盤費。令爾等回歸。如不遵旨。即將爾等拏交俄羅斯。爾等豈不獲咎。照此曉諭遣回。伊等若不遵行。即著拏禁。請旨。如此。則俄羅斯即或聞知來問。我國並未收留其人。得以正辭示覆。著海寧迅速妥辦具奏。並傳諭勒保知之。○戶部議准。署山東布政使陸曜奏稱。徵收錢糧。例有火耗。各州縣止將正銀起解。而

耗羨穀價等項。仍貯縣庫。取攜自便。逐漸虧那。請嗣後嚴定處分。各州縣經徵耗羨。務與地丁正項。隨同解報。若有未完。照正項錢糧之例。並予降罰。又存倉穀石。每遇市價稍昂。詳請平價出糶。所收價銀。最易侵那。請嗣後糶存穀價。俱令寄存司庫。至應行買補之時。即將原銀發還。由該管道府。出具實在買穀存倉甘結。送司查覈。又各州縣衛。有彼縣民人。置買此縣地畝者。名曰寄莊。請嗣後凡寄莊花戶。每年開徵之始。

令經徵州縣。逐一查明。開造村莊戶名錢糧數目清冊。移交住居之州縣。代行催徵。如至奏銷未完。即將代徵之員。開叅議處。得旨。依議速行。○是日。駐蹕孟家屯大營。○是月。直隸總督劉綎奏。本年漕務緊急。一時船少。辦理偶形竭蹶。並無中途掀騰貨物。縱令胥役索詐等事。至糧船貨物。向例於天津楊村備船起剥。今楊村剥船已數。漕船全數起剥之用。其三百四百石之大船。俟起剥完竣。即令回津運鹽。不致有誤。嗣後

裝運引鹽。應照舊例。飭商遠赴外境。自行雇覓大船。以期鹽不妨漕。仍由鹽務衙門。給發護票照驗。得旨。如所請行。○兩江總督薩載等奏。張家馬路。新放淤工塘內。清水俱深丈餘。現已設法疏消。不令清水積存堤外。致貽後患。今測量止水。止深一二尺至四五尺不等。計已澄淤六七尺至丈許。今秋可望淤平。大隄內幫裏餞。外護埽工。甚屬穩固。又舊有積水數處。亦將隄工加幫寬厚。以資捍禦。批。

不但此一處。朕南巡所見者多。總當疏消。然可以漸為之。又批。此非長策。明年至彼。爾等可提奏面議。○閩浙總督富勒渾等奏。仁和海寧。三州縣海塘情形。西塘壩根堅固。面石加砌全竣。查東塘牧字用字號。緩修石工。共十八丈七尺有餘。歷年久遠。潮水衝刷。附土蹲埽。應一律改建魚鱗石塘。以資抵禦。至范公塘一帶埽工。因春汛汕刷。每有埽墊。節經建築石壩二座。先用船石鋪底。上安木樞。外

用竹簍。週圍復用塊石。堆出水面。現經伏秋大汛。均屬平穩。報聞。○署河東河道總督蘭第錫奏。儀封六堡毛家寨。距新河頭三十餘里。河頭以西。崖岸稍窄。水性不得暢行。一出蘭陽十二堡。奔騰東注。伏汛落後。正河向東暢達。一股由毛家寨西北而來。亦止分溜十之三四。因對面淤灘橫亘。逼溜湧注。埽根致有陡墊。迨搶鑲平穩後。淤灘漸向北刷。六堡迤東。復有溜形串入正河。今又越旬日。逐細

探量。復淤墊三四尺。埽前最深處。僅止二丈二三尺。而正河之水。現深一丈八九尺。溜勢暢順。是目前雖不能盡歸正河。亦斷不致全河側注。至儀封十四堡。與六堡形勢不同。今溜已漸向東北。埽前亦見澄淤。雖上隄下坐。尚須鑲護。而情形已屬輕減。且歷查上游。上南下南。下北等廳。埽壩工程。俱經鑲壓堅實。足資保衛。得旨。覽奏稍慰。○河南巡撫何裕城奏報。豫省一百八州縣內。除輝縣濬縣。新

鄉。延津。修武。五縣。夏秋雨少。收成稍歉。其餘一百三州縣。合算收成。約計八分有餘。濬縣。修武。二處。得雨雖遲。晚禾秀發。收成尚有六分。惟輝縣。新鄉。延津。三縣。秋收僅及五分。請將本年地丁銀兩。並歷年民借倉穀口糧籽種。緩至明年麥熟後徵收。仍於來春青黃不接之時。酌量情形。糶借倉穀。以資接濟。報聞。○又奏。黃河灘面廣闊。每遇伏秋大汛。漲水漫灘。串成溝槽。酌量槽之長短。築做土格一道。或二道。其有逼近大河之處。量加防風。後來即遇漲水漫灘。亦可有備無患。得旨。好。實力妥為之。○署山東布政使陸耀奏。東省各屬。虧那倉庫。籌辦一律彌補。不致再有欺隱。得旨。是。妥協實力為之。○廣東巡撫尚安奏。遵旨訪查袁崇煥之五世孫袁炳。粗曉字義。人尚明白。應照熊廷弼裔孫之例。以佐雜等官選補。報聞。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十七

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣履桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級 董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆四十八年癸卯九月己丑朔

上御行營宮門閱盛京吉林官員兵丁射賞賚

有差○命皇十一子永璉

冊皇十五子~~永璉~~皇十七子永璘赴常家屯恭迎

寶隨詣盛京

太廟尊藏○諭軍機大臣等昨據海寧奏由科

布多所屬昌吉斯臺卡來投之俄羅斯五十

餘人請收留安置一摺朕見其斷不可行曾

降諭旨開導令其以理曉諭酌賞路費遣回

此事海寧若因從前土爾扈特來投皆蒙收留賞給游牧安插有此奏請則可若遇事而無主張試為之請實屬取巧朕思辦理俄羅斯事定例內即有不得隱匿逃人一款今若照海寧所請又若自我破例何能服俄羅斯之心況此五十餘人意欲來投即為彼背叛罪人豈有天朝容納之理著再速諭海寧遵照前後所降諭旨辦理伊等若不願去則諭以大皇帝因憐憫衆生不忍照例拏交爾國

之人是以賞給路費遣回若不遵旨即將爾等拏送如此仍不肯行或別有舉動科布多現有兵丁儘可擒縛送至恰克圖交與俄羅斯斷不可稍事姑息將此由六百里傳諭海寧知之海寧接奉此旨如何辦理之處仍由六百里馳奏尋海寧奏接奉諭旨令將投誠之俄羅斯酌量賞給盤費遣回每人各賞殼一石差人護送出卡得旨俄羅斯人既知感恩自應多加賞賚著速傳諭海寧此時伊等

如已出卡。遠離邊境。則已。如未出境。可速派幹員。每人加賞米二石。以宣諭朕憫恤遠人至意。○是日。駐蹕四堡子東大營。○庚寅。諭曰。春寧進班坐更。任意誼譁。殊無法紀。春寧著革職。責八十板。交刑部監禁。念伊祖父勞績。將伊所襲男爵。加恩著伊子福勒洪阿承襲。清德亦難辭咎。著逐出乾清門。在大門上行走。○以光祿寺少卿喜常為內閣學士。兼禮部侍郎。○以正黃旗滿洲印務叅領那爾

瑚善為正白旗漢軍副都統。○命內閣中書張姚成。提督山西學政。○是日。駐蹕常家屯大營。○辛卯。諭。據伊勒圖等奏。惠寧城滿營正白旗披甲富均名下為奴犯人夏東兒。又鑲白旗領催保定名下為奴犯人楊三。於本年七月初五日脫逃。咨行各處嚴行查拏等語。此案著交直隸各省。嚴行查拏。該犯夏東兒。楊三。皆係竊盜案內。免死減等。發往伊犁。分給兵丁為奴。罪重人犯。本年六月內始到

伊犁。未過一月。即致脫逃。成何事體。該將軍領隊大臣。及協領等官。所司何事。此等人犯發往伊犁。復行脫逃。反致倖免。既已分給兵丁為奴。即宜嚴加訓飭。令其善為約束。此皆該將軍領隊大臣。並未留心嚴飭。草率塞責所致。除將該將軍領隊大臣協領等官。交部分別察議外。伊勒圖等。仍著申飭。並將此等復行脫逃人犯。無論何處拏獲。即行正法。○是日。駐蹕蔣家店大營。○壬辰。駐蹕黃旗堡

大營。○癸巳。

上渡遼河。詣

河神廟行禮。○

御行營宮門。閱盛京官員兵丁射。賞賚有差。○諭。朝鮮列在東藩。忠貞世篤。歷屆臨幸盛京。並修朝貢之禮。此次朕恭謁

祖陵。原定期在盛京過萬壽。該國王情殷感戴。奉表修貢。於七月間。即先遣陪臣在盛京祇候。迎駕請安。恭祝萬壽。著照例加賞。並賜御

製詩一章。用昭優眷。所有陪臣及隨從人等。守候日久。著照上次加賞之例。再行加倍賞賜。以示朕柔惠遠人。有加無已之至意。○

御製賜朝鮮國王李祘詩曰。迎鑒祝壽陪臣介。按轡蹕途賜謁溫。問悉國中逢稔歲。夙知海外得賢藩。習經史地心無貳。遵禮義邦教有源。慎守封疆撫黎庶。萬斯年永受朝恩。○是日。駐蹕老邊大營。○甲午。諭曰。毓奇奏。通漕回空尾幫。已於八月二十八日。盡數入山東。

德州境。銜尾南下。按程計算。九月內可全出東境等語。今歲回空各幫。暢行無阻。雖因豫省漫工堵築。後黃運二河安流順軌。兼之風色順利。是以銜尾南下。迅速進行。但毓奇督率趲辦。亦屬妥善。著加恩交部議叙。該部知道。諭軍機大臣等。朕閱本年秋審招冊。福建省由緩決經九卿覈議。改入情實者十五起。俱屬允當。即如何定。何棟一案。因族人何哲。採食宋本桃子。被宋吉斥詈何姓之人為

賊。何定向諭。將鑲鐵扁挑。戳傷宋吉。嗣後何棟亦因宋逸斥詈何姓為賊。用鑲鐵尖挑。戳傷宋逸。先後殞命。何定等袒護族人。逞兇各斃一命。且執持鑲鐵扁挑向戳。其與金刃何異。此案該撫題達時。即交批本處存記。秋審提奏。今經九卿覈議。改入情實。殊屬情真罪當。法無可貸。各省秋審人犯。分別情實緩決。俱由巡撫覈准具題。定例失出在五起以上。即應交部議處。現在福建省失出者。至有十五起之多。何雅德漫不經心。若是耶。除照例交部議處外。雅德著傳旨申飭。○是日。駐蹕大臺大營。○乙未。諭。朕自乾隆四十三年。臨幸盛京。迄今五年。我朝根本之地。風俗淳厚。迥非他省可比。緬維

祖澤留貽。至今勿替。茲由熱河取道九關臺。四莅陪京。恭謁

祖陵。蹕路所經。老扶幼挈。就瞻恐後。尤見愛戴。悃忱嘉慰之餘。恩施宜渥。著加恩將奉天所

屬府州縣。乾隆四十九年地丁正項錢糧。通行豁免。俾我留都士庶。益享盈寧之福。該部即遵諭行。○是日。駐蹕營布該大營。○丙申。駐蹕蓮花套大營。○丁酉。賜扈從王公大臣。蒙古王貝勒貝子額駙台吉及宗室等食。○諭軍機大臣等。從前盛佳往來京陛見時。面詢海塘石工情形。據稱老鹽倉一帶。因沙壓澀。汕不能釘樁。彼時在工籌辦。曾有一老兵言及。該工下樁。必須衆樁合力同時齊下。方能堅實。不致已釘復起。後如其法。試釘樁木。果有成效。及訪查其人。無有蹤跡。似有神助等語。現在老鹽倉石塘。已一律改築完竣。其所稱老兵指點之處。是否實有其事。富勒渾等。即未經眼見。不能深悉。而盛佳係在工目覩之人。及從前道府丞倅兵弁夫役人等。見此神靈佑助。必羣相驚異。傳述不忘。如詢其事屬實。則係神祇効靈。如分水龍王廟之白老人故事。或於該處建祠。以答靈貺。亦為捍衛

民生。祀典所應得也。著傳諭富勒渾等。詢問盛佳。並詳加採訪。此事究屬有無。據實覆奏。○又諭。朕閱綽克托到烏魯木齊。會同圖思義。審明協領阿林。所控屬實。業將明亮。巴林泰。舒成。出派官兵押解。於八月十九等日起程赴京。所辦甚好。協領阿林等。分別議罪。亦屬允當。業已明確。諒明亮到後。亦無推諉。俟明亮等解到。再交軍機處刑部。即可照例定擬。將此諭令綽克托知之。○是日。駐蹕尚家

河大營。○戊戌。

上謁

永陵。未至碑亭。即降輿慟哭。步入

啓運門。詣

寶城前行禮。躬奠哀慟。王以下文武大臣官員。隨行禮。○諭曰。劉綬奏。盧溝橋石塊。間有殘損。又橋東碑亭欄杆。亦多脫落朽壞。請歸於石道工程內修補等語。著照所請。即交原派管理石道工程之尚書和珅。胡季堂。金簡。侍

即德成等。委員確勘。歸案辦理。○諭軍機大臣等。據保成奏。豫備葉爾羌差務。由喀什噶爾撥馬一百匹。交付阿揚阿等差官。趕令前往等語。回部邊境。距伊犁不甚遠。伊犁現與哈薩克交易。多餘馬匹。烏什。葉爾羌。喀什噶爾等處。驛站卡座。如有所需。即由伊犁取用。於事甚為妥便。著傳諭伊犁。嗣後烏什。葉爾羌。喀什噶爾等處。如有需用馬匹。即按照各處所用數目。由伊犁所換羨餘馬內揀挑酌量所用。撥往具奏。並傳諭綽克托。阿揚阿。保成等。一體遵照辦理。○又諭。適閱綽克托等奏。明亮一案。審明屬實。業經出派弁兵。於八月十九等日。將明亮。巴林泰。舒成。隔別押解來京等因。朕回鑾以前。倘明亮等行走迅速。來到阿桂。福隆安。務將伊等一一隔別嚴審。勿使與富通見面。此案乖謬如此。是明亮之負恩極矣。伊如止聽信舒成之言。以開泰係富通外甥。因交富通看守。而於開泰卸

枷。並縱令與已出之妾同住等情。確實不知。伊尚有生路。朕亦念伊前在軍前出力。著有勞績。或可加恩存伊之命。且明亮係孝賢皇后之姪。伊果能不負朕恩。實意留心。奮勉出力。又有出師勞績。朕未有不加優恤者。倘本受舒成之囑。將開泰交付富通看守。縱令開泰卸枷。與已出妾同住。知情故作不知。及開泰投井殞命。又聽從舒成。多方掩飾欺妄。則其罪與富通等矣。朕辦理庶務。一秉

大公至正。毫無偏私。此諸臣所共知者。即明亮係

皇后之姪。並有軍功。朕亦不能護庇也。並著將綽克托。摺。鈔寄阿桂。福隆安。閱看。○是日。駐蹕夏園行宮。翼日如之。○已亥。

上詣

永陵。行大饗禮。○詣

顯佑宮行禮。○詣

關帝廟行禮。○遣官致祭。附葬之武功郡王。

禮敦恪恭。貝勒塔察篇古墓。暨附近之覺羅等祖塋。○閱興京城。○諭朕恭謁。

祖陵禮成。現降旨。將奉天所屬府州縣。乾隆四十九年地丁正項錢糧。通行豁免。所有各莊頭。及旗地應納糧石草束等項。自應一體加恩。以敷渥澤。著將盛京戶部各莊頭。本年應交倉糧一萬餘石。免其交納。所有各處匠役應需口糧。著於舊存倉糧內撥給。其盛京興京。遼陽。牛莊。蓋平。熊岳。復州。金州。岫巖。鳳凰。

城。開原。錦州。寧遠。廣寧。義州等十五處旗地。本年應納米豆草束。亦著免徵一半。俾旗莊均霑嘉惠。該部即遵諭行。○又諭盛京等處。俗厚風淳。獄訟衰息。惟因五方雜處。良莠不齊。其無知而蹈法網者。亦復不免。朕恭謁祖陵。禮成行慶。業經疊沛恩膏。並宜式措祥刑。益敷愷澤。所有奉天。吉林。黑龍江等處軍民人等。除十惡死罪。及秋審情實各犯外。其餘已結未結。一應死罪。俱著減等發落。軍流以

下。悉予寬免。用昭肆育施惠至意。○又諭。現在

永陵。

福陵。

昭陵。所有下馬木牌。俱著改用石碑。鐫刻清漢蒙古。西番。回子。五體字。以昭我國家一統同文之盛。○庚子。駐蹕尚家河大營。○辛丑。駐蹕蓮花套大營。○壬寅。諭喀喇沁郡王喇特納錫第。巴林郡王巴圖。教漢公桑濟扎勒。在

御前行走多年。此次隨朕前來盛京。均各實心奮勉。朕甚眷愛。喇特納錫第。巴圖。均著加恩賞給親王職銜。桑濟扎勒。著晉封固山貝子。○又諭盛京五部侍郎。俱著申飭。今日由吏部帶領引見五部司員筆帖式等。清語俱甚平常。盛京係發祥之地。此處部院衙門官員等。豈惟應熟習清語。即平日說堂論事。亦當互相清語。身為旗員。豈可不能清語乎。如武職官員。清語生疎。朕必於將軍是問。文職

俱係侍郎所屬。又皆辦事之人。不能清語。實為素本。此皆由五部侍郎不能勤習清語。以至屬員任意漢語之所致也。除此次寬免不究外。嗣後如有來京引見官員內。清語平常者。朕惟於該部侍郎是問。并通行飭令盛京將軍。副都統。侍郎等。文武官員。俱宜勤學清語。勿失滿洲舊習。○是日。駐蹕噶布該大營。○癸卯。

上謁

福陵。未至碑亭。即降輿慟哭。步入

隆恩門。詣

寶城前行禮。躬奠哀慟。王以下文武大臣官員隨行禮。○諭。本年順天鄉試。諸生中年屆八十以上。三場完卷者。田集盛等三名。榜發俱未中式。念其年已衰老。猶能踴躍觀光。宜沛渥恩。以廣作人雅化。著加恩將田集盛。王賓。段三連三名。賞給舉人。准其一體會試。俾皓首窮經者。得償夙志。用昭嘉惠士林至意。○

調正紅旗護軍統領明喜。為鑲黃旗護軍統領。以鑲紅旗滿洲副都統善德。為正紅旗護軍統領。○是日。駐蹕馬關橋大營。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十八

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十九

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣 廣柱

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣 黃銘內大臣戶部尚書鑲藍旗滿洲都統軍功紀錄五次

尋常紀錄十四次臣 德瑛經筵講官太子少保工部尚書紀錄六次臣 曹振鏞等奉

敕修

乾隆四十八年癸卯九月甲辰

實錄卷一千五百九

上詣

福陵行大饗禮禮成即往謁

昭陵未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

隨行禮○臨武勲王揚古利墓賜奠○諭朕

恭謁

福陵派出莊親王永璫供獻

太祖高皇帝奠爵伊宜敬謹供獻乃永璫於末

獻奠爵以致擦割甚屬疎忽著罰王俸五年

以示警戒○勅諭襲封哈薩克汗杭和卓曰

昨據駐劄塔爾巴哈台大臣等具奏爾父阿

布勒比斯病故朕聞深為憫惻爾父阿布勒

比斯自歸附以來深感朕恩約束游牧屬人

於邊禁偷盜等案盡力妥辦朕甚嘉獎今聞

溘逝殊堪憫惻朕特施殊恩令伊犁將軍由

彼處派大臣前往祭奠爾杭和卓係阿布勒

比斯長子加恩將爾父王爵令爾承襲今將

襲封敕書并大緞四匹一併發往爾平素善

能協助爾父辦理游牧事務朕亦深知今爾

襲爵應感朕恩留心約束屬員在邊游牧駐

劄之哈薩克等照例俱令遠移勿致偷盜滋

事爾兄弟務須友愛鄰境部落永宜和好勿

隱別部逃竄之人如有公事惟秉公稟伊犁

將軍喀爾巴哈台大臣等轉奏萬弗希利取

巧爾果於一切事務知感朕恩留心辦理謹

慎遵行朕必倍加恩澤杭和卓奉到敕書祇

領緞疋。一切惟務實心奮勉。以期永受朕恩。

欽哉。○予故太子太保大學士英廉。祭葬如

例。謚文肅。○是日。駐蹕瓦子峪大營。○乙巳。

上詣

昭陵。行大饗禮。至盛京。詣

太廟。行禮。恭閱奉安

五朝冊寶。○遣官祭

福陵

昭陵之

壽康太妃。

宸妃。

懿靖大貴妃。

康惠淑妃。並公主園寢。○遣官致祭。克勤郡

王岳託。武勲王揚古利。宏毅公額亦都。直義

公費英東墓。暨賢王祠。

遼太祖陵。○遣官祭

長白山。

遼河。

渾河

松花江諸神。○賜扈從王公大臣蒙古王貝

勒貝子額駙台吉等食。○諭盛京為我朝根

本重地。兵丁皆知恪守舊風。嫻騎射。以裕武

備。現已校閱。分別賞賚。其讀書之士。亦漸摩

文化。蒸蒸日上。盛堪與畿甸比隆。朕鑒輅所臨

青衿。獻詩趨迓。絃誦彬彬。具見膠庠樂育。自

宜一體加恩。用彰作人盛典。著將盛京滿合

二號。及奉天所屬各學歲考。廣額一次。其向

來取進六名以上者。增額三名。四五名者。增

額二名。二三名者。增額一名。該府丞其悉力

校錄。甄拔殊尤。副朕嘉惠士林至意。○又諭

向來鑾輅時巡。每優賜高年耆帛。以昭行慶。

况盛京諸處。乃

祖宗德澤培貽。

累洽重熙。引恬引養。尤徵仁壽之庥。茲蹕路經

行。多有年逾耄耄。龐眉皓首。扶杖歡迎者。宜

沛恩膏。以彰盛美。所有奉天等處旗民男婦。

官兵母妻七十以上者。各給布一匹。米五斗。八十以上者。給絹一匹。米一石。九十以上者。倍之。百歲者。加賞大緞一匹。彭緞一匹。用示優老。引年至意。○又諭。朕此次至盛京。恭謁祖陵。將軍大臣。以至官兵。均各奮勉執事。除官兵等另降諭旨。賞銀二萬兩外。將軍永瑋。賞銀三千兩。將軍慶桂。賞銀二千兩。副都統成策。德福。侍郎鄂寶。宜興。伯興。榮柱。德福。府尹奇臣。府丞蔣良騏。共賞銀三千五百兩。總管

赫楞泰。諾木齊。納蘭泰。掌關防官福昌。倭什布。拉隆阿。色衣佐領伊伯。英額。廣索。福紹。共賞銀一千五百兩。○又諭。朕此次至盛京。所有本處官兵。各加奮力勤勉。而將軍慶桂。帶來吉林官兵。現隨營當差。亦頗屬出力。雖曾經普施恩賚。其格外出力奮勉者。著再施恩賞銀二萬兩。交將軍永瑋。將軍慶桂。視伊等差使輕重。分別等次賞給具奏。○又諭。盛京大清門兩旁。立有下馬木牌。著換立石牌。兼

刊清漢蒙古西番回子五體字。○戶部議覆吉林將軍慶桂奏稱。阿勒楚喀。拉林。二處官莊壯丁五十五名。除陸續挑補殘疾壯丁之缺。壯丁十二名。俟五年滿交糧石之日。報部辦理外。其餘壯丁四十三名。自乾隆四十一年起。至四十五年止。此五年內。能滿交糧石內。有未入尺之丁十四名。各應除出一子。照例入於吉林民籍。無子嗣壯丁二十九名。應照例註冊。俟生子之日。除出一子報部辦理。

應如所請。從之。○是日。駐蹕盛京舊宮。至巳酉。皆如之。○丙午。

上詣

景佑宮行禮。○閱視

天壇

地壇

堂子新修工程。行禮。○臨克勤郡王岳託墓。賜奠。○御迪光殿。勾到秋審官犯。服制。及雲南貴州情實罪犯。停決。官犯斬犯四人。絞犯三

人服制斬犯二十人。雲南絞犯七人。貴州絞犯八人。餘三十八人予勾。○諭朕恭謁

祖陵禮成。所有隨駕之王公。俱著紀錄一次。文武大臣官員。俱著各加一級。○又諭朕詣盛京恭謁

祖陵。所有直隸奉天等處。辦差文武官員。俱著加恩各加一級。其現有降級之案者。准以所加之級抵銷。○又諭此次自山海關以至興京。往來道路。並著加恩。照關內之例。一體報

銷。○又諭本年秋審招冊內。經九卿覈議。由緩決改入情實者。河南省多至二十三起。山西省多至三十一起。殊出意料之外。各省秋讞大典。由該撫等詳酌案情。覈實具題。即偶有出入。多亦不過數起。是以定例失出五起以上。即應交部議處。昨福建省秋審緩決人犯。經九卿覈改情實者。有十五起之多。業經傳旨申飭。並令該撫明白回奏。今河南山西兩省。又比閩省覈改情實人犯為多。何裕城

農起。一任刑房幕賓擬定。漫不經心。咎實難辭。著交部嚴加議處。仍將該撫等所擬緩決。及九卿覈改緣由。摘錄畧節。發交該撫等閱看。令其逐一明白回奏。○又諭據管理寶泉局侍郎諾穆親等奏。雲南省趙州知州彭煥。解運京銅。共短少銅二萬二千餘觔。一摺。據稱該運員心地糊塗。應對茫無頭緒。恐有侵虧盜賣情弊。請將彭煥革職。交刑部審訊。其短少銅觔。行文雲南巡撫。照例補解。並將該督撫及詳委不慎之各上司。交部分別議處等語。朕當面問之福康安。稱該員實係平庸。滇省運京銅觔。事關鼓鑄。該督撫自應遴委明幹妥員。小心領解。方可不致貽誤。乃富綱等率將此等庸劣之員。濫行派委。以致短少銅數。至二萬二千餘觔之多。除將該督撫等交部分別議處外。富綱劉秉恬著傳旨申飭。其趙州知州彭煥著革職。交刑部審訊。辦理。餘俱照該侍郎等所請行。○丁未。

上臨宏毅公額亦都直義公費英東墓。賜奠。○諭。朕於十月十七日迴鑾。十八日告祭。

奉先殿。在前殿行禮。所有祭文。交翰林院另行敬謹撰擬。○江蘇巡撫閔鶚元疏報。陽湖。青浦。二縣。乾隆四十七年分開墾田地一頃八十畝有奇。○戊申。

上御崇政殿。扈從皇子王公大臣官員。並蒙古王貝勒貝子額駙。台吉。及盛京文武大臣官員。朝鮮國使臣等。行慶賀禮。○御大政殿。賜

扈從皇子王公大臣蒙古王貝勒貝子額駙台吉。及盛京文武大臣官員。朝鮮國使臣等宴。並賞賚有差。○遣官祭

歷代帝王廟。○遣官祭

都城隍之神。○

御製文溯閣記曰。輯四庫之書。分四處以度之。方以類聚。數以偶成。文淵。文源。文津。三閣之記。早成。則此文溯閣之記。亦不可再緩。因為之辭曰。權輿二典之贊堯舜也。一則曰文思。

一則曰文明。蓋思乃蘊於中。明乃發於外。而胥藉文以顯。文者理也。文之所在。天理存焉。文不在斯乎。孔子所以繼堯舜之心傳也。世無文。天理泯而不成其為世。夫豈鉛槧簡編云乎哉。然文固不離乎鉛槧簡編以化世。此四庫之輯。所由亟亟也。茲則首部告成。綱紀已定。與之暇以究其核。督之勤以防其忽。乙夜幾暇。亦疊披覽。怪僻側豔。滌濯剗瑛。犁然理明。裒然文顯。所餘三部。惟鈔胥之事。然而

豕亥陶陰。猶不可不讐校也。四閣之名。皆冠以文。而若淵。若源。若津。若溯。皆从水以立義者。蓋取范氏天一閣之為。亦既見於前記矣。若夫海源也。衆水各有源。而同歸於海。似海為其尾而非源。不知尾間何洩。則仍運而為源。原始反終。大易所以示其端也。津則窮源之徑而溯之。是則溯也。津也。實亦迨源之淵也。水之體用如是。文之體用。顧獨不如是乎。恰於盛京而名此名。更有合周詩所謂溯洄。

求本之義而予不忘

祖宗創業之艱示子孫守文之模意在斯乎意在斯乎○戶部議覆陞任湖南巡撫劉墉奏稱武岡州紫陽司巡檢移駐龍陽縣之龍潭橋新化縣蘇溪司巡檢移駐辰谿縣之黃溪口其廉俸應照舊改撥支給至巴陵縣鹿角地方裁汰巡檢改設主簿其養廉併役食照舊支領至歲需俸銀應准將從前裁汰湘鄉縣主簿空缺俸銀三十三兩有奇照數撥給

原編巡檢歸入空曠項下造報得旨允行○

己酉

上詣

清寧宮祭

神禮成賜扈從皇子王公大臣及蒙古王貝勒貝子等食昨御迪光殿勾到四川情實罪犯停決斬犯十三人絞犯七人餘一百三十人予勾○庚戌

上自盛京啟鑾回京師○諭廣東潮州鎮總兵

員缺緊要著巴延三於通省總兵內揀選一員調補所遺員缺著王集補授○諭軍機大臣等據孫士毅奏本年廣西鄉試取中第一名岑煦係土知州岑宜棟之子家道素豐向無文名檢查該生歲考及錄遺試卷與三場墨卷覈對文理相去懸殊此次取中文字斷非本人所作必有傳遞代倩夾帶等弊請將岑煦革去舉人以便從嚴審辦等語料場大典自應闔防嚴密掄取真才豈容稍有冒濫

該撫既經查出岑煦平日文理與闈中試作懸殊其為舞弊倖中顯而易見著即將岑煦革去舉人交該撫親提研訊徹底根究按律定擬具奏至所請外簾提調監試及監臨失於覺察自係伊等應得處分俟孫士毅審明具奏到日再降諭旨交部分別議處○又諭據法靈阿奏希魯特比伯爾克私行率領該處數百餘戶由彼游牧逃赴克巴噶什游牧及見哈爾噶齊使人查問竟抗拒搶擄人畜

因而出派弁兵。前往追拏等語。法靈阿辦理此案。殊覺冒昧。布魯特皆係打牲度日。與哈薩克相同。今雖率屬遷徙。即作為逃竄。派兵追逐。已屬過當。著傳諭綽克托。此時已行抵烏什。令將布魯特比伯爾克查明遷徙緣由。若無他故。即遣人趕往安撫息事。將所派弁兵。即行撤回。如係有意逃往他處生事。綽克托酌量可否辦理情形。可息則息。可辦則辦。詳悉籌畫具奏。況布魯特等。不過各處打牲。

游牧成習。即使遷徙。亦何必追拏。非內地回民可比。此時官兵追往。如業經就獲。著即具奏辦理。以示懲儆。若已經遠颺。逃匿他處。亦不必深求。似此些須小事。原不值興師動眾。綽克托。即遵旨酌量辦理具奏。○是日。駐蹕老邊大營。○辛亥。駐蹕黃旗堡大營。○壬子。諭軍機大臣等。據綽克托奏。自烏魯木齊回烏什。途次接到保成。法靈阿。劉寄。伯爾克率領屬人逃竄。當即派兵四百名。前往堵禦。伯

爾克去徑。伊到烏什時。再帶兵三百往追等語。此事據法靈阿奏到。已有旨傳諭綽克托。令其相機辦理矣。伯爾克前在烏什軍營効力。加恩賞戴翎頂之人。今若帶領屬人逃往霍罕。安集延。從前伊父和什齊。往投霍罕。即被安集延所殺。繼而伊兄那爾巴圖。又往霍罕。旋亦在彼病故。伯爾克豈有無故逃往仇家之理。此時如已拏獲伯爾克。必須根究。伊若供稱欲往安集延。霍罕。綽克托。可即以伊

父和什齊前被安集延所殺。伊兄又死於霍罕地方。今欲逃往仇家。究竟是何意見之處。詢明。速行奏聞。倘業經遠颺。亦不必甚以為事。或與伊勒圖會商。緩為索取亦可。著即傳諭綽克托。令其相度機宜。謹慎妥辦。○是日。駐蹕蔣家店大營。○癸丑。諭山東省濟寧。金鄉。魚臺。三州縣。前因被水較重。特加恩展賑至六月底止。以資餬口。第念該處地畝。甫經涸出。十之三四。本年秋成。未免失望。若坐待

春收為時尚早。著再加恩展賑五個月。俾來年春麥足資接濟。貧民無虞乏食。又充曹濟三屬。亦係連年被水之區。著該撫明興查明上年被災地畝內。緩徵帶徵錢糧。及四十八年新糧。一併加恩。緩至明年麥後。再行開徵。其新舊漕米倉穀。亦著緩至明年秋後帶徵。以示軫恤。災黎有加無已至意。該部遵諭速行。○又諭。據蘭第錫等奏。本年運河應挑工段較多。擬於十月十五日前。定期堵煞。南旺

大壩。庶能趕緊挑工。兼可多收湖水等語。本年運河應挑各工。比常年較多。自應分頭趲辦。以期明春一律早竣。現在各處巡漕御史。若俟廻鑒後引見。派往未允稍遲。所有巡視通州漕務。著索興阿去。天津漕務。著阿那布去。山東漕務。著佛喜保去。爪儀漕務。著李昭去。不必前赴行在請訓。○諭軍機大臣等。據伊勒圖奏。接到法靈阿劄寄。伯爾克率領屬人逃竄。帶兵追往等語。當即移咨法靈阿。速

將往追兵丁使人追回。再於前往人內。派一二曉事官兵。回子伯克往追。伯爾克詢悉情形。另行籌辦。伊勒圖所見甚是。前法靈阿奏到時。朕即謂其所辦冒昧。昨日綽克托奏添弁兵追往堵禦。又傳諭令其與伊勒圖會商。緩為索取矣。今日據保成等奏稱。伊等與鄂斯瑞會商。令將派追兵丁暫行停止。霍罕伯克那爾巴圖。及在逃之伯爾克。業經擬馮諭帖。令人前往曉諭。所辦尚是。此時法靈阿若

已接到伊勒圖移文。業經遣人阻止追兵。由彼詢問伯爾克逃竄情由。以利害申示。而回甚好。若已經逃往霍罕等處。著再與綽克托會商。緩為索取。除將此傳諭伊勒圖外。併傳諭綽克托知之。○是日駐蹕常家屯大營。○甲寅。諭朕回鑾後。於十月二十日升殿受賀。所有應行謝恩人員。即著一體謝恩。○又諭。據保成奏。克巴噶什部落。賞給三品頂戴花翎之布魯特比阿瓦勒。於八月二十六日病

故等語。阿瓦勒前於烏什出征。頗屬効力。一切職事。皆辦理妥協。朕曾施恩賞給三品頂戴花翎。伊昨聞伯爾克遷徙之信。即遣伊子玻什輝。追趕伯爾克等。詢訪消息。親赴大臣處稟告。在途病故。實屬可憫。著交保成等。由彼處庫銀內。動用五十兩。與玻什輝辦理喪事。並施恩將阿瓦勒所遺比。即著玻什輝補授。仍賞給三品頂戴花翎。至令瑚幹特哈爾噶齊。協同玻什輝。辦理游牧事件。著照保成等所請行。○諭軍機大

臣等著速傳諭伊勒圖。緯克托。今因索取在逃之布魯特比。伯爾克一事。據保成等奏業經擬寫諭帖。派令護軍叅領永寧。嚆咱納齊。伯克前。往霍罕邊境等語。此時永寧等到彼。霍罕伯克。那爾巴圖。若知恭順。即將伯爾克縛獻。等回。甚妥。若抗違不與。伊勒圖。緯克托。即應另派幹練大員。侍衛。回子。伯克。布魯特比。直入那爾巴圖。游牧。威赫索取。今擬寫諭帖一道。伊勒圖。緯克托。接到時。或伊犁。或烏什。即行商酌。出派侍衛

一人。回子。伯克。一人。布魯特比。一人。將諭帖。以回子字譯出。寫妥。聽候保成使人消息。若已經將伯爾克要回。即行拏解來京。倘抗違不獻。伊勒圖等。即將諭帖交付委員。直抵那爾巴圖游牧。將諭帖。以利害申示。仍著傳諭保成等。護軍叅領永寧等。一有消息。報到。即行一面具奏。一面行知伊勒圖。緯克托。萬勿稍緩。○以甘肅蘭州道陳步瀛。為山西按察使。○是日。駐蹕廣寧大營。翼日如之。○乙

卯。

孝慈高皇后忌辰。遣官祭

福陵。○

上詣

北鎮廟行禮。○御行殿。勾到廣東。廣西。情實罪犯。停決。廣東。斬犯九人。絞犯六人。廣西。斬犯八人。絞犯三人。餘一百十四人。予勾。○諭軍機大臣等。朕明歲南巡。一切行營供頓。俱豫期頒發帑金。交該督撫備辦。從無絲毫擾

累閭閻。但恐各督撫不能仰體朕意。致滋糜費。如現在盛京途次。見有搭蓋買賣街席棚。即此一節。亦屬多事。隨從官員人等。其日用所需。聽其自便。每歲木蘭行圍。何嘗官為豫備。並未缺少食物。且添此席棚。恐差使過後。不肖屬吏。冒濫開銷。在所不免。朕明春巡幸。自直隸以至浙江。著傳諭各該督撫。不得隨營豫備買賣街。支搭棚殿。以省無益之費。至此次令阿哥等隨行者。原欲其隨侍左右。知

朕年逾古稀。未嘗少懈。而扈蹕諸大臣。亦皆恪恭敬事。管束嚴明。令阿哥等觀看之意也。該督撫等務須循照上數次之例。辦理差務。行所無事。總以節儉為主。不得因有阿哥隨行。稍為添設豫備。再各省鹽政織造關差。皆係內府世僕。知公主隨行。係朕所鍾愛。間進衣服食物。以博朕歡。殊不思服食玩好。宮中何物不有。豈藉外間呈進。著一併傳諭飭禁。伊等係內務府人員。尚不許其稍有進獻。至

督撫為封疆大吏。又何得效尤及此耶。將此傳諭知之。又諭曰。勒保奏據土謝圖汗車登多爾濟車臣汗車布登扎布稟稱。奉到訓諭。俱如夢醒。當即回游牧整頓。欲來京謝恩等語。伊二人一聞訓旨。即知畏懼。欲來京謝恩。尚是但向來未出痘之蒙古奴僕。俱不令來京係

皇祖聖祖仁皇帝憐憫衆蒙古奴僕之意。由來已久。今車登多爾濟未經出痘。豈可以一人之愚蒙。即改

聖祖所遺舊例耶。著速傳諭車登多爾濟令其務遵朕旨。即回游牧。仍俟明年七月來熱河朝覲。車布登扎布身雖出痘。本年又應來京朝覲之班。亦不必趲行。奉到諭旨後。仍緩行。按時來京。併諭勒保等知之。○丙辰。諭據何裕城奏。本年河南省鄉試。有湯陰縣學生員許錫桓。現年九十二歲。發榜未經中式。取閱該生試卷。均屬通順等語。許錫桓年逾九旬。

尚能志切觀光。宜沛渥恩。以彰作人雅化。著加恩賞給舉人。准其一體會試。用副朕嘉惠耆年至意。○是日。駐蹕金剛屯大營。○丁巳。孝敬憲皇后忌辰。遣官祭。

泰陵。○諭。此次朕詣盛京。恭謁

祖陵。經過地方。所有沿途辦差綠營兵丁。著查明賞給一月錢糧。以昭恩賚。○調正藍旗蒙古副都統巴忠。為正黃旗滿洲副都統。以內閣學士扎勒翰。為正藍旗蒙古副都統。○是

日。駐蹕興隆屯大營。○戊午。諭朕閱館臣所進職官表志。詹事府一門。其按語內稱。詹事為東宮官屬。我國家萬年垂統。

家法相承。不事建儲冊立。詹事府各員。留以備詞臣遷轉之階等語。是書館臣因朕前降諭旨。於建儲一事之斷不可行。明切訓示。故於按語內特為揭出。其實書生拘迂之見。豈能深計及此。且使是書留傳後世。安知不又訾議館臣為無奈迎合諭旨。非其本懷耶。用是

不得不再為明白宣諭。夫堯授舜。舜授禹。唐虞固公天下。即禹之傳啟。亦非於在位時。有建立太子之事。三代以後。人心不古。秦漢豫立太子。其後爭奪廢立。禍亂相尋。不可枚舉。逮而唐高祖立建成為太子。至於兄弟相殘。建成被害。近而明神宗朝。羣臣奏請豫立國本。紛紜擾亂。大抵皆為後來希榮固寵之地。甚至宵小乘間伺釁。釀為亂階。如挺擊等案。神宗召見太子。泣為慰藉。父子之間。至於如

此。閱之真可寒心。可知建儲冊立。非國家之福。名亂起釁。多由於此。即以我朝而論。

皇祖時。理密親王。亦嘗立為皇太子。且特選公正大臣如湯斌者。為之輔導。乃既立之後。情性乖張。即湯斌亦不能有所匡救。羣小復從而盛惑。遂至屢生事端。上煩

皇祖聖慮。終至廢黜。且理密親王。幸而無過。竟承大統。亦不過享國二年。其長子弘皙縱欲敗度。不克幹蠱。年亦不永。使相繼嗣立。不數

年間連遭變故。豈我大清宗社臣民之福乎。是以

皇祖有鑒於茲。自理密親王既廢。不復建儲。迨我

皇祖龍馭上賓。傳位

皇考。紹登大寶。十三年勵精圖治。中外肅清。

皇考敬法

前徽。雖不豫立儲位。而於宗社大計。實早為籌定。雍正元年。即

親書朕名。緘藏於乾清宮正大光明扁內。又另書密封一匣。常以隨

身。至雍正十三年八月。

皇考升遐。朕同爾時大臣等。敬謹啟視傳位於朕之

御筆。復取出內務府緘盒密記。核對吻合。人心翕然。此天下臣民所共知者也。朕登極之初。恪遵

家法。以皇次子。乃

孝賢皇后所生嫡子。為人端重醇良。依

皇考之例。曾書其名。藏於乾清宮正大光明扁

額。後乃稟命不融。未幾薨逝。遂命大學士鄂

爾泰。張廷玉。將其名徹出。追諡為端慧皇太

子。是未嘗不立嫡也。但不以明告衆耳。嗣後

皇七子。亦孝賢皇后所生。秉質純粹。深愜朕

心。惜不久亦即悼殤。其時朕視皇五子。於諸

子中覺貴重。且漢文滿洲蒙古語。馬步射及

算法等事。並皆嫻習。頗屬意於彼。而未明言。

乃復因病旋逝。設依書生之見。規仿古制。繼

建元良。則朕三十餘年之內。國儲凡三易。尚

復成何事體。是以前於癸巳年。復書所立皇

子之名。藏於匣內。常以自隨。是年

南郊大祀。令諸皇子在

壇襄事。曾以所定皇子。默禱於

上帝。若所定之子。克承堂構。則祈

昊蒼眷佑。俾得年命延長。倘非

天意所屬。則速奪其算。朕亦可另為選擇。毋誤

我國家宗社生民重寄。本年恭詣盛京。祇謁祖陵。亦如告

天之言。默祝於

太祖

太宗之前。仰祈

靈爽式憑。永垂昭鑒。朕非不愛子也。祇以宗社為重。若朕之子孫。皆以朕此心為心。實大清國億萬斯年之福也。今日召對諸皇子。及軍機大臣。面降此旨。即朕前所默告

上帝

祖

宗之言。豈容有絲毫虛飾耶。朕於天下一切庶務。無不宵旰勤求。悉心籌畫。寧於繼體付託之重。轉不早為定計乎。秋間朕於避暑山莊河岸。御鎗打鵲鵲。失足落水濕衣。其時不特御前王公大臣等聞知。俱即趨至問安。即漢軍機大臣。接踵前赴該處。朕仍率伊等談笑而行。並未有因內廷禁地。太監等敢於阻止

者。設朕起居偶有違和。大臣等俱可直詣寢所。此皆由朕平日君臣一體。無日不接見諸臣。面承諭旨。何至有若前代夜半禁中出片紙之語。為杞人之憂乎。總之建儲一事。即如井田封建之必不可行。朕雖未有明詔立儲。而於

天

祖之前。既先為齋心默告。實與立儲無異。但不似往代覆轍之務虛名而受實禍耳。故現在

詹事官屬。雖由舊制。而其實一無職掌。祇以備員為翰林陞轉之資耳。因再明切宣諭。我子孫其各敬承勿替。庶幾億萬年無疆之休。其在斯乎。總之此事。朕亦不敢必以為是。其有欲遵古禮。為建立之事者。朕亦不禁。俟至於父子兄弟之間。猜疑漸生。釀成大禍時。當思朕言耳。並諭館臣。將此旨冠於是編之首。俾天下萬世咸知朕意。是日。駐蹕興隆店大營。是月。江蘇巡撫閔鶚元奏。江蘇學政

彭元瑞三年任滿。歲科兩試。士論頗稱公允。其辦理場務。闢防亦屬嚴密。得旨。此奏圓融不實。另奏來。彼學問有何說。朕所嘉賞。作弊亦斷無。但聞其出題奇巧。士論不服。汝何不奏。○浙江巡撫福崧奏。衛所食丁。即以奉文食派之日起。定限兩月。會報。並查明該丁田地房產。造冊呈送。漕臣衙門存案。以備虧短掛欠查變賠補。至該衛所徵解津租銀兩。於限滿未完者。即照正項錢糧未完例題叅。得旨。實力行之。不可以一奏了事。該部知道。○漕運總督毓奇奏。高空幫船。全過濟寧後。即將上游之開河十里。二開。嚴密閉板。令水勢全行南注。以資接濟。批。此法好。勉為之。○署河東河道總督蘭第錫奏。濟寧魚臺各閘座橋壩。均用草土堵築。藉蓄水勢。至滕嶧二汛西岸。拆修石工。亦先行趕築圈壩。且須酌留一二過水之處。以洩餘水。得旨嘉獎。○河南巡撫何裕城奏。考城儀封二縣。涸出地畝。請

照東省金鄉魚臺之例。借給牛種。俟明歲麥收後徵還報聞。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百八十九

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百九十

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 臣廣德

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級 臣董誥內大臣戶部尚書鑲黃旗滿洲都統軍功紀錄五次

尋常紀錄十四次 臣德瑛經筵講官太子少保工部尚書紀錄六次 臣曹振鏞等奉

敕修

乾隆四十八年癸卯冬十月己未朔享

太廟遣豫親王修齡恭代行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○頒乾隆四十九年時憲

書○是日駐蹕五里河大營○庚申諭曰上

年各省辦理秋審失入各員處分臬司部議

降一級調用俱改為降三級從寬留任昨吏

部議處雲南陞任臬司徐嗣曾係無級可降

應行革任之員是以加恩免其革任仍降三

級註冊因思原任四川按察使孫嘉樂前因

其不諳刑名辦事平常降旨令其來京交部

帶領引見嗣以該員臬司任內辦理秋審案

件經改駁至十四起之多即照部議革任今

各省臬司辦理秋審失出入者俱得邀恩

留任孫嘉樂尚無大過仍著來京加恩於臬

司品級上降三級以部員用該部知道○又

諭曰畢沅奏審訊府谷縣叅革知縣麟書挾

嫌凌辱巡檢程璵一案將麟書問擬發遣充

當苦差不足蔽辜麟書係內務府旗人選授

知縣辦理地方一切事務自應實心實力。始可為漢人表率。乃因巡檢程興送禮菲薄。遇事呵斥。並書寫該巡檢姓名。黏貼弓兵吳天喜臂上。杖責殊屬乖張。誕妄。實為從來內務府旗員所未有。麟書著銷去內務府旗籍。發往伊犁給厄魯特為奴。以示懲儆。餘著該部議奏。諭軍機大臣等。昨據雅德奏。審擬臺灣彰化縣民黃璇毆死廖老一案。已批交行在法司覈議。速奏。分別正法矣。臺灣民俗健

悍。易於聚眾滋事。自上年大加懲創之後。朕以為其風可以稍戢。乃現在此案人犯。又有如許之多。可見該郡孤懸海外。距省遙遠。政務廢弛已久。非竭力整頓。難以綏輯。楊廷樺前因獲愆。棄瑕錄用。加恩以按察使銜補授臺灣道。令得具摺奏事。伊如感激自効。實心實力。整飭地方。三四年後。自當漸有起色。朕亦另有加恩之處。若復因循玩愒。致政務仍前廢弛。再有似此械鬪案件。恐楊廷樺不能

當其罪也。著傳諭富勒渾雅德。令其轉飭楊廷樺在臺實力整飭。富勒渾等仍時刻留心查察。不得因有楊廷樺在臺。稍為諉卸也。署河東河道總督蘭第錫奏。河工全恃大隄為保障。隄工兩傍。例應留出餘地。種柳護隄。請將黃河大隄兩傍。自隄腳以下。均各留出十大餘地。其月格魚鱗等隄。係屬重門保障。亦各留五大。為界於今冬明春。遍栽長柳。卧柳。俾柳根草叢盤結堅實。又豫河灘面甚寬。自南岸至北岸。遠者三四十里。近亦有十餘里。自河涯至隄根。均有數里。及一二十里不等。每逢伏秋大汛。挾帶泥沙。一經出槽。隨處停淤。迨至隄根漸已澄清。是以灘面積淤。常厚。而隄根受淤。恒薄。溝槽窪形。多由此起。更有近隄取土之弊。始則間段坑塘。久則大成河形。其害滋甚。請嗣後加培隄工。在臨河一面。內灘取土者。務在二十大以外。在隄後取土者。務在十大以外。並酌改地勢。將可以歸

入正河之處在於河唇抽挑倒勾引渠俾漫灘之水仍可即歸中流以免沿途串注得旨朕用汝為總河因初任實屬厯念今觀此奏竟有定見大慰朕懷餘有旨諭○是日駐蹕五里橋大營○辛酉諭軍機大臣等據蘭第錫奏酌定黃河大隄種柳並申嚴近隄取土之禁以重河防一招所辦甚屬妥協蘭第錫擢用總河於一切河防事宜恐其未能熟諳朕方為厯念今觀其胸中竟有定見所奏河

工應辦事務次第修舉大慰朕心但伊身任總河於一切地方事件究不若巡撫之呼應較靈著傳諭明興何裕城將伊摺內所奏沿河栽種柳株及禁止近隄取土各條令明興何裕城等嚴飭所屬實力遵照幫同辦理庶於河防要務方有裨益蘭第錫原摺即鈔寄明興何裕城閱看並諭蘭第錫知之○又諭據孫士毅奏審訊私雕印信偽造監生執照之捐納從九品黎民雍一案據稱此案前經

撫臣朱椿委令桂林府知府汪修鏞知州許潢趙廷鼎知縣黃會圖會審據黎民雍供認私雕戶部國子監假印偽造部監各照屬實該府州縣將黎民雍發交臨桂縣典史嚴成坦看守該犯於本年七月十九日患霍亂沙症二十日因病身死等語此等偽造印信誑騙財物例擬斬候入於情實重犯既經該府汪修鏞等審訊得實聽候招解朱椿自應將該犯收禁司監嚴密防範乃任聽汪修鏞等

發交典史看守以致該犯得以倖逃顯戮或係該犯自戕亦未可定朱椿身任廣西巡撫加恩擢用左都御史乃辦理重情案犯何致疎縱若此可見於地方事務全不留心除將此案交吏刑二部覈議外著傳諭朱椿令其明白回奏並諭孫士毅知之○又諭曰李本奏拏獲越獄重犯隴七觀隴老化二名尚有石老華一犯未獲現在提解來省嚴審辦理另行具奏等語此等越獄重犯一經拏獲自

當即時提集審明定罪迅速奏聞候朕交法司覈議乃李本因案內尚有石老華一犯在逃未獲遂不將已獲二犯如何審明問擬之處速行具奏遂致久稽顯戮著傳諭李本即將已獲之隴七觀等二犯審訊明確定擬具奏其未獲之犯仍嚴飭該道等設法緝拏務期弋獲將此由四百里同硃批原摺一併發往○是日駐蹕頭臺子大營○壬戌諭曰畢沅奏陝省榆林懷遠葭州神木綏德米脂吳堡府谷等八州縣秋禾播種失時成災五六七八九分不等請照例撫恤加賑并蠲緩錢糧以資接濟又清澗靖邊二縣秋收俱止五分以上亦屬歉薄請予緩徵等語榆林綏德等八州縣秋禾成災邊民生計拮据殊堪憫惻著該撫即飭所屬實力賑恤俾貧黎均霑實惠所有應徵錢糧並著分別蠲緩其賑恤應需銀兩即著於地丁項下撥銀四萬兩解往備用如有不敷覈明再行續撥應需米糧

於附近府縣倉貯查明撥運至清澗靖邊二縣雖例不成災秋收究屬歉薄所有本年額徵各項銀兩并上年緩徵未完及新舊借欠常社倉糧俱著緩至來年秋後徵收并於冬春酌量借糶倉糧用資接濟以副朕軫恤邊氓有加無已至意該部即遵諭行○又諭據薩載等奏徐州府屬之銅山豐縣沛縣邳州四州縣低窪地方未能全行涸出現飭屬履畝確查分別災分輕重請旨辦理再本年六月江水盛漲上元句容丹徒三縣沿江低田被水之處一併委員確勘等語徐屬四州縣地方被水較重前降旨加恩展賑至六月止今該處尚有未經涸出地畝秋成失望若俟查明請旨往返需時貧民無以餬口所有銅山等四州縣被災較重之地即著照山東之例加恩展賑五個月其災分稍輕及上元等縣被江水衝漫田畝俱著酌借籽種口糧俾得趕種春麥足資接濟該督等一面查明分

別賑卹一面奏聞。以示朕軫卹災黎。有加無已至意。該部即遵諭行。○又諭曰。薩載閔鶚元奏江蘇按察使司監盜犯鄧二等五名。一同越獄於八月二十九。九月初三日。先後拏獲。業經審明。問擬斬決。具題在案。其署按察使蘇松糧儲道秦學溥。請交部嚴加議處等語。此案先經閔鶚元審明具奏。將鄧二等五犯問擬斬決。即行正法。並將司獄刑禁人等訊明。尚無賄縱情弊。分別問擬。發伊犁新疆。

已批該部知道矣。至鄧二等俱係行劫重犯。收禁司監後。自應嚴密防範。乃該犯等竟敢扒牆越獄。同日脫逃至五名之多。實非尋常疎玩可比。秦學溥係朕特加擢用之人。署理臬篆。自應留心督率。實力稽查。乃辜恩負職。若此。不得以該犯等旋即拏獲。寬其處分。秦學溥應如該督等所奏。交部嚴加議處。至鄧二等五犯在獄脫逃時。扳開柵木。扭斷鎖鑰。所有刑禁人等。何至毫無聞見。難保無知情。

賄縱之事。著薩載閔鶚元再行徹底究訊。如有別項情弊。另行從重定擬。具奏。毋任絲毫狡卸。嗣後司監并各屬監獄。務須嚴行稽察。小心防範。毋得再有疎虞。致干咎戾。○諭軍機大臣等。昨乾清門侍衛佛爾卿額由山西回京。復命。朕問以該省雨水情形。據奏經由山西保德州一帶。稍覺缺雨等語。本日農起摺內。據稱各屬先後稟報。得雨優渥。現在土膏滋潤。足資長發。與佛爾卿額所奏。似屬兩

歧。其所稱各屬得雨之處。並無月日。亦無分寸。農起於巡撫中尚屬留心民事。所以特起用者。自不當稍為諱飾。何以此次奏摺。含混若此。豈其福薄災生乎。著傳諭該撫。令其再行詳悉查明。據實覆奏。尋奏保德州一帶。地居省北。向俱不種冬麥。秋成後。可無需雨澤。是以摺內未經叙入。至省南各屬。應種二麥之地。俱得雨自二三寸至深透不等。係實在情形。但未將省南省北分晰具奏。致煩聖慮。

實深戰慄得古覽。又諭本日李奉翰奏滇省委員運京銅觔在江寧地方有遭風沉溺之事。已另降諭旨。交該督等飭屬再行上緊實力尋撈矣。又據福康安面奏滇黔運京銅鉛向例在重慶府另行打造船隻雇備水手裝載開行至交卸銅觔後。又將船隻拆卸變價。前在川省滇省任內時曾經查詢。但該委員等拘泥成例。多稱裝運銅鉛必將船身板片加厚。是以須另行打造。川省運裝貨物大船頗多堅實可用。嗣後只須挑用堅實貨船。按照市價雇用。毋庸製造。復行委員往查。再行具奏。問其時適屆卸任。未知此項船隻現在作何辦理。請交李世傑酌定具奏等語。福康安所奏頗切中事理。製造船隻運送銅鉛既多糜費。而水手又臨時雇備。不特人與船不相習。且沿途碰磕損傷。俱與伊等漠不相關。其各省屢報沉溺銅鉛之故。安知不由於此。若謂裝運銅鉛必須船身堅固。則民間販

載貨物之大船。豈皆膠舟而不可用。而所裝之貨。又豈俱係柔細質輕者耶。即一船不敷裝載。何妨多雇數船以資浮送。但福康安在任時曾經辦有頭緒。李世傑接任後。是否委員查辦。何以並未奏及。著傳諭李世傑詳悉查明酌覈迅速具奏。又諭曰。李奉翰奏滇省運解京銅出境入境一摺。內稱雲南委員駱煒領運正耗餘銅。及帶解運官馬心綏至四川江津縣沉溺。撈獲銅七千三百餘觔。運至江寧上元縣地方。遭風壞船。沉銅九萬觔等語。雲南運解京銅事關鼓鑄。委員等自宜小心運送。即遭風暴壞船。亦應儘力打撈。務期全獲。今四川江津縣地方沉溺銅觔。除撈銅七千三百餘觔外。其餘沉失銅觔。曾否續有撈獲。至委員駱煒所解銅觔。於江寧地方沉溺至九萬餘觔之多。現在撈獲若干。有無毀損。著李世傑嚴飭地方官再行多覓人夫設法打撈。務須實力督辦。庶多獲一觔。

即獲一觔之用。將此傳諭李世傑薩載並諭李奉翰知之。○是日駐蹕高嶺站大營。○癸亥諭曰。晉省刑名案件繁多。近來辦理多有未協。必須熟諳刑名之員。方克勝任。所有山西按察使員缺。著長麟補授。陳步瀛著仍留蘭州道任。福建興泉永道員缺。著李廷揚補授。江蘇按察使員缺。亦屬緊要。著琅玕補授。著即各赴新任。不必來請訓。秦學溥現在交部嚴加議處。例應降調。所遺蘇松糧儲道員

缺。著訥清額補授。○又諭曰。琅玕所遺內閣學士兼禮部侍郎員缺。著伯興調補。其所遺盛京兵部侍郎。即著宜興暫行兼署。奉天府府尹事務。著鄂寶兼管。○又諭曰。湖廣提督李國樑之父李瑞年。屆九旬。今來迎駕謝恩。著賞給大緞兩疋。貂皮四張。以示優眷。○諭軍機大臣等。據富勒渾奏。續獲陳草案內。行劫盜犯陳應等一十二名。現飭按察使譚尚忠嚴鞠招解。撫臣親審等語。此等行劫盜犯。

潛匿稽誅。既經拏獲到案。自應嚴行審鞫。定擬。著傳諭雅德於該臬司審明招解時。務須悉心研究。迅速辦理。其案內未獲各犯。仍嚴督文武各員。弁上緊搜緝。並令於接界處所一體實力緝拏。毋使一名倖脫。將此由四百里傳諭雅德並諭富勒渾知之。○又諭前據劉戡奏。西寧縣拏獲陝西回民馬之玉等偷買賊馬一案。據馬之玉供出。上年九月十月及本年二月。曾同直隸民人侯二小。陝西回

民王二共三次出口。竊販蒙古丹津多爾濟什特瓦偷來馬十餘匹。及二十餘匹不等。均由山西大同之鎮門口趕進。售賣。王二等現在逃匿。屢次行催。該省尚未將王二緝獲。著傳諭畢沅即行嚴飭所屬實力訪緝。獲日速行派員解赴刑部歸案辦理。○又諭據舒常等奏。審明川匪向迪勝。應行緣坐家屬。分別定擬。一招已批交該部議奏矣。此等匪犯。糾夥行劫。目無法紀。情節原為可惡。自應嚴行

懲創以儆兇頑。但覈其所犯之罪。並非大逆。亦非若川匪胡範年等聚眾滋事。蔓延數省者可比。若一例將伊家屬照謀叛律問擬。緣坐不足以示區別。而昭平允。著傳諭刑部。掌官再將此等比照問擬之劫盜案。酌覈情罪輕重。悉心分別定擬具奏。所有此案向迪勝一犯。即照此次新例辦理。○又諭據劉戕奏稱宗室瑚克陞阿。前往寶坻縣收取地租。將莊頭王昭錫打傷等因一案。著交留京辦事

王大臣審明定擬具奏外。從前因旗人前往莊屯取租。莊頭等不肯給與。曾經降旨傳諭。毋庸在該地方官處控告。著在戶部具呈。官為催辦。旗人告假前往莊屯取租。因有定限。莊頭等借此抗租不與。若在該地方控告。令其代為催辦。該地方官及胥役人等。往往護庇民人。並不妥協辦理。如此等滋生事端。不惟不能得租。反致逾限獲罪。著傳諭宗人府。並八旗滿洲蒙古漢軍都統。嗣後如有宗室

旗人收取地租。莊頭民人等抗租不與者。毋庸在該地方官處控告。即在戶部呈明。自必求公催辦。於旗人大有裨益。將此再行通諭知之。是日駐蹕文殊菴行宮。翼日如之。○甲子

上詣

北海神廟行禮。○御行殿。勾到福建奉天情實罪犯。停決福建絞犯一人。奉天斬犯二人。絞犯二人。餘一百四人予勾。○諭本日勾到

奉天省秋審情實人犯內。張成功。挖死訾明玉。及姜連。毆死吳麻子二案。俱因拒姦起釁。致死問擬斬候。自應入於情實。但覈其情罪。究因訾明玉。吳麻子。欲行雞姦。該犯等一時氣忿所致。而圖姦既無死者。生前確供。又無旁人見證。僅據該犯一面之詞。指稱圖姦。罪疑惟輕。是以免其勾決。此等案犯。指姦既屬無憑。而殺命究難逭罪。不得以此次未勾。將來即可改緩。所有張成功。姜連二犯。每年秋

審時。仍著入於情實。此朕斟酌情罪。以期協中之意。著刑部存記。嗣後遇有此等案件。均照此辦理。至各省有似此拒姦殺命之案。該地方官審訊時。必須將兇手與死者年齒。詳晰覈對。如死者年長於兇手十歲以外。則欺其穉弱圖姦。自屬情理。若死者與兇手年歲相當。或僅大三五歲。安知非兇手圖姦不遂。因而致死滅口。恃無見證。圖賴死者。希冀卸罪乎。因勾到奉天秋審。有此二案。恐各省亦

有似此者。特明晰宣諭。內外問刑衙門一體留心。讞獄以期無枉無縱。而昭平允。○諭軍機大臣等。本年山西省辦理秋審案件。多未允協。經九卿覈議改駁者甚多。降旨詢問農起。令其逐案明白回奏。昨據奏到。仍復為飾非文過之辭。可見該撫於刑名案件。意存姑息。殊非明刑弼教。辟以止辟之義。今特擢長麟為山西按察使。長麟係刑部能事司員。歷年改駁案件。即係伊隨同堂官辦理。明年該

省秋審案件。如仍多錯誤。致干改駁。則惟長麟是問。倘該撫有與伊意見不合。故為掣肘。或因此次該省案件改駁。係長麟主稿辦理。遂成嫌隙。則農起不是更大。若果如此。臬司有奏事之責。即著長麟據實奏聞。除就近已傳知長麟。令其速赴新任外。將此諭令農起知之。又諭曰。行在步軍統領衙門奏廣東省譚達元呈控總商沈冀川勒索伊弟鹽商譚體元銀兩。及該撫會同粵海關監督審斷

不公一摺。此案前經譚體元赴都察院衙門具控。發交該撫尚安會同李質穎查辦。業經奏明審訊定擬完結。今譚體元之兄復赴行在步軍統領衙門控告。未便仍交該督撫查辦。著將譚達元解赴廣東。傳諭永德。即就近前往該省。提集案內應訊人證。逐一研訊。如果該省地方官袒護總商。將伊弟枉斷擬軍。自應秉公查辦。不得稍存瞻徇。若譚達元之弟實係拖欠官項獲罪。又復砌詞捏控。亦應

訊明按律懲治以儆刁風所有步軍統領衙門原摺并原呈著錄交永德閱看其將軍及閩海關印務照例交巡撫副都統暫行兼署將此由五百里諭令知之○乙丑以侍講學士童鳳三為順天武鄉試正考官編修馬啟泰為副考官○是日駐蹕韓家莊大營○丙寅諭曰奏事官員在內與太監有交手事件覺羅官員若亦令在奏事處行走外而與各省大臣家人收受事件內而與太監等交手

究於體制未協嗣後覺羅官員著不必在奏事處行走○又諭據毓奇奏濟寧以南運河淤沙停積未經挑濬已閱三次其最甚之彭口一帶河身日形淺窄本年挑工必須添夫數倍加緊趲辦於明歲船行始得暢速至濟寧以北運河本年回空船隻經行不無遲滯亦須認真挑辦方免阻礙等語濟寧以南運河前經豫水下注淤沙自多停積今漫水已經全涸歸復故道自應多備人夫將運河急

為挑濬其濟寧以北臨清一帶受淤之處亦應趕緊挑挖一律深通務期明歲重運北上俾得通行無滯著傳諭蘭第錫明興將毓奇所奏應行挑濬各工督飭在工員弁迅速妥辦至毓奇所奏照料各項工程運河道沈啟震一人不能兼顧請速派巡漕科道等來東分任稽查督率一事朕已早計及此於數日前派出御史佛喜保巡視東漕已起身前往矣所有毓奇此次奏摺著鈔寄蘭第錫等閱

看並諭毓奇知之○是日駐蹕韓家莊大營

丁卯

上御行殿勾到湖廣情實罪犯停決絞犯一人餘一百十四人予勾○諭軍機大臣曰郝碩奏安仁縣民萬興兆吃齋念誦勸世懺語並傳授萬勝柴等持誦現在搜查經卷嚴究首夥定擬等語並將經卷二本佛榜一紙一併進呈朕詳加披閱其大乘大戒等卷祇係將佛家詞句隨意填寫勸人信受奉行愚民易

於煽惑。不過藉得錢財。並無違悖字句。與從前各省所辦顯然悖逆。並傳授多人者不同。該撫既經查出。應將經卷等件燒燬。毋令仍前喫齋念誦。使其改教。不必過事搜求。致滋煩擾。各省地方官遇有此等事件。如果實係邪教傳習。徒衆及有違悖語句者。自應嚴行查辦。務絕根株。若止係愚民喫齋求福。誦習經卷。與邪教一律辦理。則又失之太過。所有案內人等。即著概予省釋。經卷等件全行銷燬。將此諭令郝碩。並各督撫知之。○是日駐蹕夷齊廟行宮。○戊辰。

上御行殿。勾到陝西浙江情實罪犯。停決陝西斬犯二人。絞犯五人。浙江斬犯一人。絞犯二人。餘九十六人予勾。○諭軍機大臣等。前據富勒渾奏臺灣鎮總兵孫猛因迎養伊母。在廈門渡臺遭風漂失。該鎮懇請解任前往訪尋等語。當即降旨准其解任往尋伊母。今距富勒渾奏報後已逾月餘。該鎮尋訪伊母。曾

否得有音信。有無稟報。著傳諭富勒渾雅德。即行查明迅速覆奏。○是日駐蹕劉新莊大營。已已。諭軍機大臣曰。蘇松糧儲道管理四府漕糧。每遇各屬徵收之期。非得英明廉幹之員往來稽察。易滋弊竇。如上年浙省辦理不善。致有匪徒鬧漕之事。不可不知。現在新行補放之訥清額人。亦老成穩妥。但初膺外任。是否與此缺相宜。著傳諭薩載留心試看。如果該員於繁劇未能勝任。即於通省道

員中揀選一員奏請調補。其所遺之缺。即令訥清額補授。○是日駐蹕五里墩大營。○庚午。諭刑部審訊雲南省委員趙州知州彭煥短少銅觔。問擬杖徒。並將所短數目及腳價銀兩在伊任所原籍勒追歸款。一摺。滇省運京銅觔關係鼓鑄。該督等自應遴選明幹歷練之員身家殷實者。委其領運。庶管解不致貽誤。即間有虧短。亦可照數著落賠償。今滇省委員彭煥甫經到任。才具又屬平庸。即令

領解京銅以致一路不能照料周妥。沉失天

生利用之物。豈不可惜。是此事實由該督等

濫行派委所致。所有短缺銅數及腳價銀兩。

即著富綱。劉秉恬。照數分賠。以示懲儆。彭煥

著免其賠補。餘依議。○諭軍機大臣等。前因

秋審錯誤。農起。何裕城同一諭旨。本日何裕

城覆奏秋審失出之摺。惟自陳辦理錯誤。嗣

後細心講習。不敢妄逞臆見。各緣由。將來似

此等失出之案。即予以處分。止係公過。原可

從寬。並非若徇私者之未便輕恕。何農起乃

力為陳辯。一似九卿覈改各案。盡屬非是。竟

敢於朕前為飾。非文過之言。是誠何心。豈竟

患瘋疾。抑福薄災生乎。著將此次何裕城奏

到之摺。鈔寄令其閱看。農起撫心自問。更有

何說。○是日駐蹕八里鋪大營。○辛未。駐蹕

隆福寺行宮。○壬申。

上謁

昭西陵。

孝陵。

孝東陵。

景陵俱未至碑亭。即降輿慟哭。步入

隆恩門詣

寶城前行禮。躬奠哀慟。王以下文武大臣官員

隨行禮。○至

孝賢皇后陵奠酒。○御行殿。勾到江西安徽情

實罪犯。停決江西斬犯二人。絞犯三人。安徽

斬犯一人。絞犯二人。餘一百十五人予勾。○

是日駐蹕桃花寺行宮。○癸酉。諭軍機大臣

等。昨何裕城覆奏辦理秋審錯誤。自陳惶悚

一摺。已鈔寄農起閱看矣。本日雅德亦有覆

奏之摺。其於定擬失當之何定等案。業經朕

指出詢問。伊自知錯謬。不敢再為強辯。則前

日農起之飾詞陳奏。其意究欲何為。抑仍受

庸劣刑名幕友之愚耶。著再將雅德摺。鈔寄

令其閱看。一併據實覆奏。尋奏本年秋審案

件不能辦理允協。又復冒昧陳奏。仰蒙訓飭。

惶恐難名。又荷睿慮周詳。命刑部能事司員長麟。來司晉臬。嗣後於刑名事件。惟當細意講求。不敢妄逞臆說。得旨覽。○是日。駐蹕白澗行宮。

大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十

大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉
敕修

乾隆四十八年癸卯十月甲戌諭曰富躬奏

潁州府阜陽縣監犯王剛等於九月二十九
日晚打斷鎖鐐用火燒柵並打傷典史禁卒
越獄逃走請將署阜陽縣事蒙城縣知縣李
之萼革職典史瞿鎬革職拏問留於地方協
緝該管知府廣興未能先事覺察均難寬縱
先行解任督緝俟審明另奏等語該犯等越
獄至三十餘名之多實從來所未有典史瞿
鎬著革職拏問該縣李之萼亦著革職拏問
留於地方協緝知府廣興著解任督緝務期

全數弋獲。以正刑誅。毋使一名漏網。所有刑禁人等。著該督撫一併提集。嚴行審訊。定擬具奏。該部知道。○諭軍機大臣等。據富躬奏。潁州府屬之阜陽縣監犯王剛等。於九月二十九日晚。打斷鎖鑰。用火燒柵。並打傷典史。禁卒逃走。該縣李之萼公出。經潁州府知府廣興督同弁役。立時拏獲逃犯七名。續獲十八名。尚有逸犯十二名未獲。現在親往督拏等語。監犯結羣越獄。在邊地偏僻小縣。尚不應有此事。況內地府城。豈容此等慙不畏死之徒。肆行無忌。若非獄官禁卒人等。平日漫不經心。疎忽懈弛。即係多方需索。擾累。以致激成事端。著傳諭薩載。即速親往。提集禁卒人等及現獲逃犯。訊取確供。定擬具奏。至未獲各犯。並交薩載嚴飭文武各屬。迅速擒拏。務獲勿使一名漏網。其現已就獲之逃犯。共二十五名。毋論該犯等原犯情節輕重。此次膽敢打傷官卒人等。越獄脫逃。情罪甚重。法

無可貸。無論首從。即一面奏聞。一面正法。並將來續獲各犯。即照此審明辦理。至該縣監內人犯。尚有一百餘名。並未隨同脫逃。是尚知畏懼王法。轉可量從末減。此等人犯內。有無人於本年秋審情實業已予勾者。著薩載富躬於奉勾到部文之日。暫停行刑。查明具奏。到日再降諭旨。如本係輕罪。亦一併查奏。請旨將此由六百里加緊傳諭知之。仍即由驛迅速覆奏。是日駐蹕烟郊行宮。○乙亥。

上還宮。○丙子。

上詣

奉先殿行禮。詣

大高殿。

壽皇殿行禮。○諭據恒秀等奏。打牲烏拉佐領貴琛所買賞給之厄魯特奴僕星古爾親。攜帶伊妻西爾格並六歲幼子偷盜馬二匹。車一輛並斧鋤等物。於本年八月二十六日脫逃。現在行知各處上緊緝拏等語。厄魯特星

古爾親逃走。不過在烏里雅蘇台。科布多。庫
倫。喀爾喀。四部而已。況係攜帶妻子。坐車行
走。查拏甚易。著交奎林。海寧。勒保等。轉飭喀
爾喀。四部盟長。各派賢能官兵。一體嚴緝。俟
緝獲時。審明從重定擬具奏。○丁丑。

上御乾清門聽政。○命輯古今儲貳金鑑。諭。歷
覽前代建儲諸弊。及我朝

家法相承。於立儲一事之不可行。已明降諭旨。
宣示中外。至史冊所載。因建立儲貳致釀事

端者。不可枚舉。自當勒成一書。以昭殷鑒。著
皇子等。同軍機大臣。及尚書房總師傅等。將
歷代冊立太子事蹟。有關鑑戒者。採輯成書。
陸續進呈。即著皇孫等之師傅。為謄錄。書成。
名為古今儲貳金鑑。○吏部議處湖北按察
使汪新。於賄囑頂兇重案。不能究出實情。率
行審轉。應降三級調用。巡撫姚成烈。無級可
降。應革任。得旨。姚成烈。著從寬免其革任。仍
註冊。至臬司為通省刑名總匯。凡有招詳罪

名案件。自應悉心確覈。無稍枉縱。即巡撫見
有未到之處。尚當秉公持正。再三商論。務期
允協。方為無忝司獄之責。乃汪新於胡光璘
賄囑頂兇一案。不能嚴究實情。率行審轉。以
致罪名出入。臬司專司刑名。其處分自較巡
撫為重。若不實予降調。將來各省臬司。何以
示儆。所有此案。率轉之前任湖北按察使汪
新。即照部議降三級調用。○以太僕寺卿范
宜清為盛京兵部侍郎。○以廣東按察使李

天培為山西布政使。○戊寅。

上以謁

陵禮成。御太和殿。王以下文武官員行慶賀禮。
並謝恩如儀。○諭軍機大臣等。據畢沅奏。陝
省各屬。秋收豐稔。惟榆林府屬之榆林。懷遠
等八州縣。四五月間。雨水缺少。至六月得雨。
趕種晚禾。又因陰雨連綿。地氣寒冷。致秋禾
受傷成災等語。榆林。懷遠等八州縣。四五月
間。缺少雨澤。該撫於夏秋奏報雨水田禾情

形各摺。何以未經詳晰陳奏。是該撫於每次具奏之摺。徒以飾辭入告。並未明晰陳奏。豈竟未仰體朕厪念民依之至意。甚屬玩視民瘼。畢沅著傳旨申飭。至現在成災各州縣。昨已降旨。將應徵錢糧。分別蠲緩。並於地丁項下撥銀四萬兩。以備賑卹之用。如有不敷。再行續撥倉糧接濟。該撫務須督率所屬。實力撫綏。並體察該處情形。如有應需展賑蠲緩。於新正加恩之處。亦即據實迅速奏聞。候朕

屆期降旨。將此由四百里傳諭知之。尋奉今歲四五月間。各處望雨。臣節次飛機行查。嗣據各州縣稟報。俱已得有透雨。是以未將盼雨情形入告。今蒙垂詢。殊切悚惶。至成災各屬。是否應須展賑蠲緩。容臣親往各處查明。據實馳奏報聞。○又諭曰。薩載奏。接據鳳陽道王懿德稟報。阜陽縣監犯王剛等逞兇越獄。當即飛札安徽撫臣。及壽春鎮。並飭屬嚴拏查辦一摺。殊屬錯誤。已於摺內批示矣。監

犯結羣反獄。實為從來所未有。前據富躬奏到。已有旨令薩載親往查辦。該督身任總督。地方遇有此等重大事件。一經接據各屬稟報。即應迅速前往。何得僅以咨緝了事。必待接奉朕旨。始行前往耶。薩載著傳旨申飭。至王剛等膽敢打傷官卒人等。反獄脫逃。情節實為重大。前已降旨。將已獲各犯。不分首從。概行正法。著傳諭該督等。即遵照前旨嚴辦。其未獲之首犯王剛。及夥犯等。共九名。仍嚴

飭文武各屬。按名迅速擒拏。勿使一名漏網。再此案人犯至三十七名之多。起意自非一日。該犯等平時在獄。必有豫行夥商情事。管獄典史及禁卒人等。豈竟毫無知覺。即知府知縣近在本地。亦何至漫不經心。玩視囹圄。若此。並著該督等嚴行審訊。如禁卒人等有知情疎縱情弊。即行從重究擬具奏。至潁州民俗素稱刁悍。此等惡不畏死之徒。肆行無忌。該處府縣。非得精明強幹之員。難資治理。

即江蘇之淮徐豐沛等處。民情亦與潁州相仿。其府縣等官。亦應加意遴選明幹之員。方能整頓。近來外省每有越獄之事。安徽此案尤堪駭異。總由該督遠在省城。於各屬人材未能留心揀擇。任聽各屬層層欺蔽。互相委卸。於監獄重地。亦漫無防範。以致疎脫人犯。若此之多。可見外省官員。不能如京城之刑部堂司各官。尚知勤慎小心也。著一併傳諭各督撫。於緊要地方。務須慎選妥員。隨時督飭。如仍前延玩顛預。致滋貽誤。則惟該督撫是問。將此由六百里傳諭薩載。富躬。仍著速行回奏。並遇便通諭各督撫知之。尋薩載奏。此案十月初九日。據鎮道等稟報。適臣考校武闈。即先飛札安徽撫臣。並飭臬司。總兵。星往查辦。隨將情形奏聞。但未將武闈事竣。即行親往緣由聲明。實屬疎忽。其在逃各犯。現據總兵李化龍稟報。親往豫省分界。督飭弁兵。改裝偵緝。批。此人如何。又奏。臣仍嚴飭文

武員弁。懸賞購線。迅速擒拏。不使一名漏網。至潁州民俗刁悍。誠如聖諭。非精明強幹之員。難期勝任。現與撫臣商籌。遴員酌調。得旨。覽。尋奏。蒙詢總兵李化龍人如何。查該鎮於營務留心。人亦明白曉事。得旨。可勝提督否。尋奏。臣在潁州查辦反獄之案。與李化龍時常接見。看其氣局開爽。言論明晰。又往來該鎮駐劄之所。留心訪察。知其馭兵寬嚴尚為得當。將來如蒙聖恩。畀以小省提督。似可勝任。得旨。覽。○以福建興泉永道李廷揚。為廣東按察使。○調江南壽春鎮總兵李化龍。為貴州古州鎮總兵。山東登州鎮總兵陳大用。為江南壽春鎮總兵。以山西蒲州協副將柯藩。為山東登州鎮總兵。○已卯。宗人府議處宗室明定。貪利妄控。請旨照例圈禁一年。得旨。依議。上年加恩宗室。一體給與四品頂戴。原所以示優眷而昭勸勵。今明定乃貪利妄控。實屬不知自愛。若僅照例圈禁一年。無以

示儆。明定著革去頂戴。嗣後宗室有似此犯國禁之罪者。即著革去頂戴。著為令。○旌表守正被戕廣西西林縣民羅某女羅氏。○庚辰。

上御懋勤殿。勾到江蘇山東情實罪犯。停決江蘇絞犯一人。山東斬犯一人。餘八十二人予勾。○諭軍機大臣等。據伊犁圖奏。伊犁遣犯張小六。即張應魁。於八月二十四日在配脫逃等語。張小六係內地積匪。從重改發伊犁。為奴之犯。情罪重大。乃膽敢於配所乘間脫逃。甚為可惡。該犯籍隸四川。或徑逃回內地。亦未可定。著傳諭李侍堯。畢沅。李世傑。嚴飭所屬。於該犯經過關津隘口。並原籍地方。嚴密查拏務獲。即行審明正法。毋任遠颺漏網。將此由四百里各諭令知之。○命山東道御史項家達提督山西學政。○辛巳。諭據御史福仲等奏。都察院經歷瑯玕。因伊子慧寧追繳僕婦身價一案。私發堂票。擅提坊役責

打。請解任交部審訊一摺。瑯玕以經歷微員。輒敢以私事屢發堂票。拘役責打。並稱五日期內不完。再行重責。實屬越分滋事。自應革職交部審辦。本日都察院亦將此案參奏。自係聽聞御史叅劾。始行具奏。且僅請將該經歷革職。並無交部之語。殊屬非是。所有都察院堂官。著嚴行申飭。○又諭據毓奇奏。江淮衛守備李仁。辦理漕務。催趲重運。俱屬實心實力。今歷俸已滿。即應推陞都司。懇將該守備李仁留於本任。俟有漕標都司缺出。奏請補授等語。地方得力員弁。推陞他省。督撫等奏請留任。自為承辦事件。亟須幹練人員。起見。而因此啟取巧規避之漸。亦恐不免。李仁著照該督所請。仍留衛守備之任。即照昨日京營奏留守備王秉任之例。以留任之日起。扣滿五年。方准陞轉。嗣後各省奏留文武人員。俱照此辦理。著為令。○諭軍機大臣等。據薩載等奏。黃河形勢兇濤。刷成新河一摺。內

稱郭家堂一帶。黃河坐灣。溜勢偏趨南岸。田家樓埽工。係頂衝迎溜。正擬於老灘挑挖引渠。引溜直趨。現在興工。尚未挑成。而河溜日見塌進。勢甚迅速。當即乘勢啟放河頭河尾。共刷寬一百數十丈。全河大溜暢達。所有田家樓埽工。現經淤閉等語。覽奏欣慰。已於摺內批示矣。郭家堂老灘。正在挑挖引渠。仰邀河神默佑。乘勢塌寬。全河大溜。忽然取直。歸中。自係善機。朕心深為嘉悅。但閱圖內。郭家

堂即逼近新河。該處現有民居。向來隄外灘地。距河稍遠之處。原准民間住居。惟不准私築隄堰。致礙水道。例禁本明。前後降旨。命河臣會同地方官。妥協辦理。但恐日久廢弛。小民各護田廬。仍不免私自圈禁。侵占河形。以致汎水長發時。有礙溜勢。於河務大有關係。除將此摺。交軍機處存記。於明春南巡。就近亦可親臨閱看外。著傳諭薩載。李奉翰。蘭第錫。何裕城。明興。於南北兩河灘地。留心實力

查辦。毋得視為具文。○漕運總督毓奇奏。回空尾幫過濟寧後。將南旺以南各閘啟放。俾汶水暢行。足資浮送。惟加河廳屬之彭口十宇河一帶。淤沙較厚。經運河道沈啟震。督飭所屬晝夜挑挖。臣復親督員弁。趲押幫船。按塘啟閘。蓄水挽行。於十月十五日盡數催出東境。得旨嘉獎。○壬午。

上御懋勤殿。勾到河南情實罪犯。停決斬犯一人。絞犯八人。餘九十五人。予勾。○諭。前因安

徽省有新犯王剛等結羣越獄一案。自因地方官平日玩視囹圄。漫不經心所致。已降旨通行申飭。又據李本奏。拏獲松桃廳越獄絞犯隴七觀等二名。審明正法。其石老華一犯。尚未弋獲。本日又據孫士毅奏到。新寧州亦有斬犯羅恒可越獄脫逃之事。監犯越獄。向來各省亦難保其必無。但從未有今年奏報之多者。即如江蘇省人犯業已解至司監。竟致疎脫甚而如安省王剛等糾眾逞兇。至三

十七名之多。尤堪駭異。此皆由地方官平時視為泛常。毫無防範。而督撫等復任聽屬員層層欺蔽。不加整飭。以致監獄廢弛。屢報脫逃。實為可恨。除石老華羅恒可二犯著該撫嚴飭各屬上緊緝拏務獲。迅速審擬具奏外。並著再行傳諭各督撫隨時留心督飭文武員弁。於監獄重地加意防閑。如有仍前疎縱者。惟該督撫是問。○又諭據富綱等奏。遊擊蘇爾相老成歷練。熟悉邊情。現在駐防杉木龍未得送部引見。請賞給叅將職銜。俟有相當缺出奏補。以示鼓勵。蘇爾相因邊防得力。是以俯允所請。嗣後不得援以為例。○癸未。諭國史之修。所以彰善瘴惡。信今傳後。我國家凝承。

景貺垂裕萬年。前曾降旨。將開國以來王公大臣。及在朝滿漢文武內自卿貳以上。外自將軍督撫提督以上。並綜覈生平實蹟。各為立傳。蓋因前代諸史皆由後世史官編纂。勝朝

事蹟歷年久遠湮沒失傳。以致網羅散佚。採及裨官褒譏好惡任意軒輊。率無定評。何如及早裒集。免致聞見失真。傳疑襲誤乎。茲國史諸臣列傳進呈。皆經朕親覽。詳加覈定。公是公非。不少假借。以期徵實傳信。但國史體例與歷代史不同。館臣纂輯。惟應據事直書。無庸分別各門。至若忠烈廉孝。以及奸臣宦官。歷代皆附入列傳。我朝百代昇平。並無此等事也。惟貳臣傳一門。前經降旨。另編甲乙。乃我朝開創所有。此實扶植綱常。為世道人心之計。自應另立專門。以存直道。至叛逆之臣。如吳三桂等。亦應明正罪狀。另立一門。用昭斧鉞之嚴。所有現辦滿漢臣工表傳。及宗室王公表傳。蒙古王公事蹟。其在乾隆四十年以前者。俱著該總裁等量飭纂修等官。速為纂辦。勒限五年。陸續進呈。候朕欽定成書頒行。並寫入四庫全書。垂為信史。至該館採錄事實。向俱恭照。

實錄。紅本。彙實記載。第自雍正八年。設立軍機處以來。五十餘年。所有諭旨。批奏事件。未經發鈔者尚多。著先將乾隆四十年以前。軍機處所存檔案。令該館總裁。纂修等。詳悉查閱。彙輯。以昭典彙。○又諭。昨工部奏。銷節慎庫收發錢糧月摺。有理藩院修理衙署。工程處咨領出運渣土。價值錢文一款。理藩院修理衙署。既派大臣督修。所有動用過銀兩。自當另案報銷。與工部無涉。何得於工部月摺內。另列出運渣土款項。自係承辦工程之員。及工部司員。相為影射。藉端浮銷。嗣後此等工程。既有專派大臣。即不准將出運渣土款項。另行列入工部月摺。所有此項錢文。不准開銷。○又諭。和珅前於侍郎任內。充國史館副總裁。今已陞任尚書。著改充正總裁。彭元瑞著充國史館副總裁。○諭軍機大臣等。本年湖北之黃梅。廣濟。黃岡。江夏。四縣。及江蘇之上元。句容。丹徒。三縣。因六月間。江水盛漲。濱

江地畝。均被淹浸。致成偏災。業經降旨。令該督撫實力撫恤。毋致失所。第念被災地方。於明春青黃不接之時。民食不無拮据。是否應需展賑。蠲緩。並此外勘不成災地畝。應否量予加恩。分別酌借口糧之處。著傳諭該督撫體察情形。查明據實覆奏。候朕於新正再降諭旨。將此由四百里各諭令知之。尋兩江總督薩載。江蘇巡撫閔鶚元。奏查得上元。句容。丹徒。三縣。因江潮盛漲。被淹成災。業已分別給賑。小民口食有資。無庸展賑。懇於明春酌借籽種。俾資耕作。報聞。湖北巡撫姚成烈。奏查被水各邑內。惟黃梅。廣濟。二縣。成災較重。恐正賑散竣之後。民食不無艱難。懇展賑一月。其黃岡。江夏。二邑。被災本輕。無庸展賑。止須於明春借給籽種口糧。得旨。屆時有旨。○吏部議處臺灣失察私鑄職位一案。查兩司與督撫。同為統轄大員。督撫既有失察之咎。則兩司亦應一併議處。乃定例未經議及。至

道員所轄地方較知府稍廣而定例與知府同一處分殊欠周匝平允請嗣後失察鑄礮之案將藩臬與督撫一例議處道員處分酌減為降三級調用得旨允行○甲中

上御懋勤殿勾到山西情實罪犯停決絞犯四人餘九十四人予勾○諭軍機大臣等富躬奏審明拏獲潁州府阜陽縣監越獄重犯已經予勾之張恕雅武三二犯先行斬梟其已奉予勾未敢同逃之汪九秦四耿進甫三犯

遵旨暫停行刑一摺已勾之絞犯汪九等三犯於王剛等逞兇越獄時未敢同逃尚知畏法著加恩免其處決仍著牢固監候此外未逃各犯著薩載富躬查明所犯情節並現在如何問擬緣由分別輕重開單具奏到日再降諭旨至未獲首夥各犯著傳諭薩載富躬嚴飭文武各屬按名迅速擒拏毋使一名漏網至張恕雅動手傷官本應凌遲處死今該撫已將該犯斬梟首犯王剛起意越獄情節

更重未便輕縱拏獲後即應將該犯問擬凌遲處死將此由六百里傳諭知之○乙酉諭日刑部議駁四川總督李世傑條奏川省禪刀殺人請照烏鎗殺人例治罪之處毋庸議一摺所駁甚是已依議行矣禪刀不過金刃中之一類前因金刃傷人較手足他物為甚降旨內外問刑衙門於秋審時覈其情近故殺者列入情實嚴示創懲以期辟以止辟若以禪刀比照烏鎗概從故論則小刀菜刀等

類亦可殺人何能逐物定例致滋繁擾况該省禪刀等項原非日用應有之具本宜嚴禁該督如果督飭府州縣實力嚴查將各該州縣城市店鋪私行打造售賣之處重加懲治遇有攜帶禪刀犯案即照匪徒辦理此等兇器不患不銷燬淨盡如此方為正本清源又何必多立科條以致故殺本律轉多淆混乎此奏朕初以李世傑為戢除兇暴起見所言似為近理批交部議部臣並不因批示有意

迎合。即切實指駁。今閱所駁。於情理實為允協。應依議行。朕斷不肯因有嘉獎之批。稍有迴護。朕辦理庶務。鑑空衡平。惟求其理之所是。從不稍存成見。各部院堂官。皆朕倚任之人。當仰體此意。遇事各行所見。不可畧有瞻顧。至司員中。亦當如此實心辦事。務求事理之平。不可迎合堂官。為堂官者。亦當虛心採擇。我君臣如此虛心集益。則庶政何患不理。政治何患不當耶。朕臨御四十八年以來。諸

弊肅清。萬幾就理。皆一秉大公至正。不肯稍存意見。各內外大臣。其敬體朕懷。交切勉勵。以副朕孜孜求治。諄切訓誡之意。將此通諭知之。○又諭曰。何裕城奏。本月二十日。奉文處決儀封縣盜犯劉剛。王起。二名時。有同監盜犯唐二。竄起鳳鹿。丕成。趙二。及命犯張謀等。送允擲斷鎖鑰。毆傷禁卒。當經祥符縣知縣及司獄等。督率兵役。拏獲勘記。即將該犯等。先行正法。示衆等語。此等命盜案犯。羈禁

在獄。尚敢抗法逞兇。實屬慙不畏死。自應即予正法。以儆兇暴。何裕城所辦是。本年各省屢奏有監犯越獄之事。現在安徽省王剛等。糾夥脫逃。至三十七名之多。尤堪駭異。此皆由地方官。平日玩視囹圄。毫無防範。督撫等。又任聽屬員。層層欺蔽。不加整飭。以致監獄廢弛。但此等斬絞重犯。問罪在獄。其敢於恃強逞兇。結夥同逃。固屬地方官防範不力所致。而該犯等之玩法越獄。亦因自知罪重。冀

藉脫逃倖免。殊不知於脫逃之後。斷無不按名弋獲。立正刑誅。即如現在王剛案內。陸續拏獲之二十九犯。即罪不至死者。亦俱立行正法。加重辦理。其當時在監並未同逃之汪九泰。四耿進甫。三犯。雖業已情實予勾。念其尚知畏法。加恩免其處決。又如從前山東王倫案內。壽張陽穀等縣監犯無一人逃竄。及上年甘肅蘇四十三之事。河州監犯自行投到者。朕俱加恩寬宥減等發落。則藐法者無

不即罹重辟。畏法者無不予以生全。其事明顯易曉。著通諭各督撫轉飭臬司。將越獄之犯。於拏獲後。立即正法。及在監守法各犯。加恩寬宥之。案詳悉開敘。並將此旨。榜示監獄。發交各屬通行曉諭。衆囚庶伊等知生死攸關。不敢復萌鋌而走險之計。亦未始非辟以止辟之道。○諭軍機大臣等。據孫士毅奏。嚴審已革舉人岑照。據供首藝係鈔錄伊業師卜永祺文。次藝係曾做過為高必因邱陵二句題套來成篇。三藝係鈔錄刻文。現在提卜永祺到省。並查取題稿刻文。徹底根究等語。所奏殊非情理。前據該撫奏稱。岑照闇墨甚佳。檢查該生科歲試卷。與在場試卷文理懸殊。顯有代倩夾帶等弊。是以奏請革審。何以此次奏到摺內。僅稱係勒襲成文。敷衍難湊。顯有化大為小之意。且鄉試中式。必須詞理明順。粵西文風。雖屬中平。此等試卷。即徵倖獲中。亦何至冠列榜首。其中或竟有別項弊

實。均未可定。除該正副考官到京就近傳詢外。著傳諭孫士毅徹底根究。並將岑照本房同考官。嚴行查詢。務得確情。據實審擬具奏。其中式卷。即著送部查勘。○又諭。據富躬奏。拏獲阜陽縣反獄首犯王剛。於審明後。即行處斬。崇示等語。王剛以故殺重犯。膽敢起意放火。串同多犯。反獄逃走。情罪最為可惡。拏獲時。自應凌遲處死。今該犯雖已處決。仍應剄屍。以示懲創。其家屬即應問擬緣坐。至未獲八犯。亦應督緝。嚴飭務獲。以正刑誅。母使一名漏網。將此由六百里傳諭。薩載等知之。○丙戌。上御懋勤殿。勾到直隸情實罪犯。停決斬犯一人。絞犯六人。餘一百八人。予勾。○諭。泰東陵工程。原係海望敬謹承修。四十二年復遣弘暢。德成。和爾經額。劉浩。敬謹新修。因弘暢在工出力。朕施恩將伊由郡王晉封親王。今甫數年。即需補修。皆係從前未能敬謹修

理所致弘暢著削去親王降為郡王仍著落弘暢等四人賠補修理此內和爾經額業已身故應賠銀兩著落伊子盛住賠補劉浩雖係患病著伊赴

陵同緼布敬謹監修

泰陵工程前係恒親王弘旺及海望公同敬謹修理現今亦需補修著遣海望之孫員外郎永來同緼布劉浩在監督上敬謹監視補修所需銀兩著恒郡王永晤同永來賠出○又

諭秋讞大典由各省巡撫分別情實緩決覈准具題其中罪名或稍有出入經九卿覈改從未有如今年之甚者山西省改入情實三十一一起河南省改入情實二十三起直隸省改入情實十五起朕初以為大學士阿桂係本年新命管理刑部秋審招冊由伊覈定或未免有意從嚴以致改入情實者多及將改擬各案於勾到前確覈案情詳加披閱俱屬情真罪當法無可貸所改頗為允協即如執

持金刀殺傷及持械逞兇一死一傷竊賊賊

至滿貫等案向例外省具題擬入情實乃此次山西河南等省將此等案犯列入緩決九卿循照向例改駁亦得謂之有意從嚴乎各省秋審失出每五起吏部處分即議降一級然具題時朕每加恩留任伊等或因每邀留任無所儆畏轉致相沿成習藉以博寬厚之名殊非明刑弼教策勵辦公之道雅德著停支巡撫養廉一年直隸秋審雖係劉墉接署後具題而罪名生死出入係袁守侗覈定辦理著於袁守侗名下追罰總督養廉一年劉墉署事雖不久仍著交部照例議處何裕城著降為三品頂帶停支二年巡撫養廉至農起前經降旨詢問今其明白迴奏乃其覆奏之摺竟於朕前強為陳辯一似九卿覈改各案盡屬非是並稱覈之連年秋審擬入情實數目適為相準等語此何言耶審擬案犯祇論其情罪確當豈有較論上年人數多寡之

理使必執人數而論。設遇案犯較少之年。豈竟將無罪之人。有心羅織以足其數耶。農起此奏。不是尤大。且河南省人犯。經九卿改入情實。朕覈其情。稍可原。未經予勾者。尚有三起。而山西省覈改三十一起之中。未勾者祇一起。可見農起辦理秋審。較他省更為弛法。即予以革任。亦所應得。第念其平日留心民事。著革去頂帶。並停支三年巡撫養廉。仍留山西巡撫之任。以觀後效。所有硃批農起覆奏摺。並著發九卿閱看。其餘各省秋審。及由情實覈改。緩決失入之案。仍著該部查明起數。將該督撫臬司。照例分別議處。朕於秋審案犯。詳閱招冊。鑑空衡平。不稍存畸重畸輕之見。苟其人有一綫可生之路。即免其予勾。以體

上天好生之意。而情節之重者。斷不能屈法施仁。所謂辟以止辟。非有意從嚴也。倘外間無識之徒。或謂阿桂迎合朕旨。而刑部堂官又

順從阿桂意指。以致改入情實者多。是以私意妄為揣測。豈知朕矜慎庶獄。務期平允。生死總視其人之自取。全無絲毫成見乎。將此明白宣諭知之。○諭軍機大臣等。刑部審擬偷馬賊犯馬之玉等一案。據馬之玉供出。有直隸民人李三。即李文普。陝西回民王二。共三次出口竊販蒙古丹津多爾濟什特瓦偷來馬十匹。及二十餘匹。進口售賣等語。該二犯現在逃匿。尚未緝獲。又從前降旨飭緝之

偷馬賊犯孫八。係陝西臨潼縣人。孟太。係山東人。吳太。王四。係陝西人。久經查拏。俱未獲解。著傳諭各該督撫。即行嚴飭所屬實力躡緝。務將該犯等拏獲。派員解送刑部審辦。毋致遠颺漏網。○又諭曰。刑部進呈朝審冊內。戶部筆帖式卓保等。捏造契紙。指房誣銀一案。內有滿洲閒散世良家人范得祿。從中說合。嚇詐銀兩。先事在逃。經刑部移知步軍統領衙門。並五城一體嚴緝。迄今已逾半載。尚

未就獲。該犯因已敗露。畏罪先逃。自不敢復在京藏匿。或潛往他省。亦未可定。除就近傳知步軍統領各衙門。仍行嚴拏外。著傳諭各省督撫。一體嚴緝。務獲毋得視為通緝具文。致令漏網。○又諭曰。慶桂奏稱。據派往查拏偷挖私獲之副都統阿林等報。拏獲私挖人犯六百餘名。獲幾二百兩等語。所辦奸匪偷停採。特因滋長而設。今觀此奏。適滋奸匪偷挖之弊。朕見及此。是以降旨。明年仍放獲票。

不必歇山。著傳諭永璋嚴飭派出查拏各員。務須加意搜查。斷不可輕縱。再吉林拏獲偷挖人犯之官兵。應行獎賞之處。摺內並未聲明。著傳諭慶桂。如尚未賞。照例賞賜。以示獎勵。○又諭據吉林將軍慶桂奏。遣犯林阿撞。魯壽山。潘秀成。雅寧揭三子。於本年七月九月。在配先後脫逃等語。林阿撞等。俱係搶竊案內。發遣吉林為奴之犯。膽敢在配乘間脫逃。情殊可惡。計脫逃後。自必潛匿他省。除傳

知盛京吉林將軍嚴緝外。著傳諭各省及各該犯原籍督撫。一體飭屬嚴密查拏。務獲毋任免脫。○又諭據刑部奏。安徽太平縣民盛尚令。赴京控告胡鯤池等。抗違前案。壓良為賤。控經各衙門。俱發交本縣。朦詳完結一案。請交兩江總督秉公查辦等語。盛尚令呈控胡鯤池等。挾仇恃勢。壓良為賤。且有官吏受賄舞弊之事。如果屬實。不可不嚴行根究。但恐盛尚令挾有別嫌。架詞混控。希冀將一千

人證。概行提質。拖累洩忿。自不應提訊來京。遂其奸計。若交兩江總督查辦。仍係該省地方官承審。又不足以服盛尚令之心。著傳諭薩載。查照所控各情節。提集犯證。及歷年卷宗。至明歲南巡時。或於揚州。或於江寧附近地方。候欽派隨從大臣。會同該督。秉公審訊。所有原告盛尚令。交刑部暫行羈禁。俟明春著隨從南巡之刑部堂官。派員押解帶往。刑部摺並鈔寄薩載閱看。○刑部議覆。陝西按

察使王昶奏稱。向例重犯脫逃。州縣先於本境查拏。初叅限滿不獲。始造具事由清冊。分咨鄰省通緝。查命案初叅。以半年為限。閱時既久。頑犢之徒。早已乘間遠颺。請嗣後遇有先犯脫逃。一面在本地嚴拏。一面飛咨鄰省通緝。應如所奏辦理。得旨依議速行。○河東河道總督蘭第錫。山東巡撫明興奏。本年輪屆大挑。又值河道停淤較厚。現飭沿河州縣趕緊雇夫興工。臣等分往各等督催。以期嚴

工迅速。得旨實力為之。毋為空言。○丁亥。

上詣

奉先殿

壽皇殿行禮。○諭曰。李侍堯奏。本年甘省收成。通計約有八分。惟寧夏府屬之寧夏。寧朔。靈州。暨花馬池。四處。八九月間。秋霖過多。收成未免減薄。於明春酌量出借平糶。以資接濟等語。甘省地瘠民貧。遇有災荒。一經奏聞。朕無不即諭令加意撫卹。自勒爾謹。王亶望等。

上下通同。捏災冒賑。甘省幾於無歲不旱。朕彼時亦非不風聞其弊。第以念切民依。恐降旨查詢。轉啟諱災之漸。是以無不俯允所請。迨四十六年查辦之後。朕尚恐該省有冒賑一案。嗣後匪災不報。屢經傳諭李侍堯。如有歉收之處。仍當據實入告。不可因噎廢食。乃兩年以來。俱據該督奏報雨暘時若。收成豐稔。本年秋收。通計復有八分。寧夏等四處。轉因陰雨過多。以致減收。更可見從前該省每歲報旱。悉屬虛捏。所有本日李侍堯奏到之摺。並著發交大學士九卿閱看。○又諭。朕閱看朝審冊內。阜保私託覺羅兆麟。描摸印記。詎騙銀兩一案。覺羅富什布係兆麟之叔。兆麟描畫印記。已非一日。豈竟毫無知覺。所有前經部議將富什布降一級留任之處。著改為實降。以示懲儆。○又諭曰。熱河道當係前在平泉州任內。失察逃奴。部議降調。曾經降旨。著該督出具考語。送部引見。第念當保在

熱河年久尚稱熟諳所得處分亦屬因公著
加恩改為降三級從寬留任即著回任辦事
○又諭據富勒渾奏興泉永道永福因前署
應城縣任內失察邪教部議降調惟查該道
駐劄廈門政務殷繁近因泉州府屬社民陳
草等窩留盜匪一案永福緝獲案犯甚為出
力請將永福暫留興泉永道之任以資督緝
等語永福著加恩改為降三級從寬留任所
有新授興泉永道曾儒璋即著留於福建遇
有道員缺出題補○又諭曰伊犁領隊大臣
雅滿泰著由彼前往庫車換海成來京納爾
瑚善著授為伊犁領隊大臣頭等侍衛達福
著前往喀什噶爾更換敦福來京○是月山
東巡撫明興奏河堤兩旁廣種柳株以資保
障并嚴禁近隄取土以衛要工得旨實力為
之○山東登州鎮總兵陳大用奏時屆冬令
稽查巡防尤宜嚴密謹於二十四日輕騎減
從赴各營嚴加考較得旨已用汝壽春要任

即赴新任可也

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百九十一

大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十二

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級奉 上諭事件處管理刑部戶部三庫事務

總辦官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

奉 上諭事件處管理刑部戶部三庫事務

敕修

乾隆四十八年癸卯十一月戊子朔諭據永

璋奏派拏挖獲賊犯之開原城守尉六十七出邊後即私造房屋居住並未前往搜山而同派之錦州佐領納延泰復州驍騎校七十人亦僅在附近各山巡察二次拏獲挖獲賊犯二人採木耳賊犯一人因時稍寒即進邊城請將六十七革職發往伊犁將納延泰七十八發往烏魯木齊並將贍徇捏報六十七等進邊日期之邊口章京阿勒金等交部嚴加議處等語六十七等俱係特派搜山緝拏

賊犯之人於要差膽敢疎忽偷安六十七竟私造房屋居住並不前往查拏納延泰七十八苟且塞責於附近地方巡察二次即一同進邊殊屬懶惰不堪自應拏交刑部嚴加審訊著交永璋將六十七納延泰七十八革職鎖拏委妥員押送來京交刑部嚴審定擬具奏至吉林拏獲私獲甚多永璋係專管盛京之人所司何事雖已派六十七等前往搜山伊等是否實心查拏亦當差人察訪乃並不留心往查六十七等在彼閑住多日永璋毫無聞見及回城後詢問方知有是理乎永璋著嚴行申飭其邊口章京阿勒金等著交部嚴加議處○諭軍機大臣等據富躬奏阜陽越獄要犯李四武六逃至山東曹州府地方被兵役盤獲現已咨明就近審辦等語該犯等同謀越獄罪不容誅逃至山東曹州府地方即被兵役盤獲可見東省查緝尚屬認真此事何以未據明興奏到著傳諭明興即將

該二犯審明正法。迅速具奏。至曹縣兵役盤獲要犯。應酌量獎賞。但外省積習。地方官與營員拏獲要犯。非串同捏稟。希圖分得賞項。兼避處分。即彼此爭功。並著明興查明。是兵是役。覈實酌賞。毋致牽混。其未獲六犯。即著該撫等嚴飭各屬。設法躡緝。務期全獲。正法毋致一名漏網。將此由五百里傳諭明興。富躬並諭薩載知之。○軍機大臣議覆。四川成都將軍特成額奏稱。滿營設立官學。定額向止二百名。今生齒日繁。且有陣亡人員子弟。與孤獨無依者。亦應附入官學教養。請增額一百二十。共三百二十名。其教習揀選清語騎射嫻熟者充補。應如所請。從之。○禮部奏。冬至節應行慶賀禮。得旨。今年冬至著停止行禮。已丑。

上詣
安佑宮行禮。幸圓明園。○軍機大臣遵旨議奏。據四川成都將軍特成額奏稱。平定兩金

川後。該處降番就近安插。八年以來。該降番等久沐深恩。各安耕作。遇有差違。莫不奮勉出力。無異內地民人。懇准改土為屯。除去降番名目。又稱降番等生齒日繁。男婦約計九千餘名口。應設專員管理。請令懋功協中軍都司與綏靖營遊擊就近彈壓。仍飭懋功協副將統為控制。其錢糧命盜案件。歸美諾同知辦理。該營員不許越俎干與。均應如所奏從之。○豁除浙江台州衛乾隆四十七年水

衝沙壓地八十九畝。有奇額賦。○庚寅。諭據雅德奏。臺灣鎮總兵孫猛病故。一摺。孫猛因迎養伊母。船隻飄失。解任尋訪。以致憂思成疾。旋即病故。殊堪憫惻。所有臺灣鎮總兵員缺著柴大紀調補。柴大紀所遺海壇鎮總兵員缺著劉峻德調補。所遺廣東高廉鎮總兵員缺著梁朝桂調補。其所遺福寧鎮總兵員缺著董果補授。○又諭。據畢沅奏。延安府屬之定邊。膚施。延川。安塞。保安。安定等六縣。本

年秋禾被霜較早。收成實止五分。與清澗靖邊二縣情形相同。請將應徵各項銀糧。緩至來年徵收等語。定邊等六縣秋收歉薄。民食不無拮据。所有本年額徵各項新舊銀糧草束。及各年借欠常社倉糧。俱緩至來年秋後徵收。以紓民力。仍於冬春酌量借糶倉糧。用資接濟。以副朕軫卹邊黎有加無已之至意。

○諭軍機大臣曰。雅德奏接據臺灣道楊廷樺稟報。有淡水廳奸民林淡等焚燒殺命一

案。當即飛飭該道。馳赴該境。速提各犯嚴究夥黨。盡數根拏。從重辦理。至該道楊廷樺於此等要案。不即親往督拏。僅令該廳馬鳴鏢自行查報。請交部議處等語。所辦甚是。臺灣民俗刁悍。向易聚眾滋事。經上年大加懲創之後。其風俗仍未能盡息。前因新化縣有黃璇毆死廖老一案。已傳諭富勒渾等轉飭楊廷樺實力整頓。今淡水廳林淡等又有焚搶殺命之案。該道並不即時親往查拏。伊係獲咎

降調之員。經朕棄瑕錄用。賞給按察使銜。補授臺灣道。自當感激朕恩。諸事認真奮勉。自効乃復似此。因循玩視。殊屬非是。楊廷樺除交部議處外。仍傳旨嚴行申飭。若嗣後再不能實力整頓。仍前怠玩。必將伊從重治罪。恐該道亦不能辭其咎也。所有林淡等焚搶案內已獲各犯。即著楊廷樺會同該鎮審訊。明確分別定擬。應正法。即於該處正法示眾。仍一面由驛具奏。其未獲夥犯。並著該地方文

武各員。弁迅速按名查拏。毋使一名漏網。將此傳諭雅德等。並諭富勒渾知之。○命協辦大學士吏部尚書伍彌泰。吏部尚書劉墉。署工部尚書福康安。禮部右侍郎德明。充經筵講官。詹事劉躍雲。署經筵講官。○辛卯。諭朕於明年正月十一日。啟鑾巡幸江浙。閱視河工海塘。所有應行事宜。各該衙門照例豫備。

○諭軍機大臣曰。李世傑覆奏滇黔運京銅鉛船隻一摺。內稱據川東道沈清任詳稱重

慶大船實係攬頭造就受雇。並非運員自造船隻。致多糜費。請嗣後每船以七萬觔為率。接到滇省運銅米咨計用船若干隻。行知江北同知雇備。如有中途失事。將攬頭枷示重懲。永遠不許承攬別載等語。李世傑此奏止據該道沈清任所稟情形。酌立規條。至該道稟詳。或僅係具文塞責。未必實力詳查。熟籌辦理。滇黔運京銅船。關係京局鼓鑄。一到川省。即係該省應辦要件。自應視為已事妥協。

辦理。總以官物為重。不可存此疆彼界之見。今據該督所奏。嚴飭攬頭小心運送。如有中途沉失等事。交地方官追出原領工價。並永遠不許承載。亦係補偏救弊之法。即如所奏辦理。但著落江北同知承辦船隻。丞倅微員。究恐呼應不靈。未能經理妥協。此項船隻。既係沈清任查稟。伊又係本道。嗣後川省運銅各船。即著交沈清任率屬實力妥辦。以專責成。如果料理妥協。必將該道叙功。倘仍前經

理不善。亦惟該道是問。將此諭令李世傑知之。又諭據綽克托奏。請於烏什設立義倉。穀石借支回民。俟秋收後照數歸還等語。向未回疆。從無呈報水旱等事。若照內地設立義倉。出入穀石之時。必生弊端。於回民仍屬無益。著傳諭綽克托等。將所立義倉裁撤。其存倉穀石。酌量情形辦理。以歸簡易。○壬辰。諭軍機大臣等。據恒秀等奏。本年黑龍江田禾被旱。請將應交糧石豁免。水師兵丁。亦需

接濟口糧等語。黑龍江地方。既被旱免糧。兵丁又需接濟。若每年如此。辦理所入者少。所出者多。將來必形匱乏。恒秀等豈計不及此耶。著傳諭恒秀徹底清查。有無浮冒情弊。奏到時再降諭旨。河東河道總督蘭第錫奏。蒙諭地方事件。巡撫呼應較靈。令明興何裕城幫同辦理。臣即於十月十九日馳抵曹單。勘明灘面。有應行挑引之處。逐一估辦。至應種柳株。責令文武河員。多為佈種。務期成活。

得旨好一切勉力以實妥為之。○豁除江西鉛山幫漂沒漕米一千一百五十石有奇。○癸巳諭據薩載富躬奏拏獲阜陽縣越獄人犯審明辦理一摺王剛等同謀結夥擰斷鎖鑰打傷禁卒拳毆典史放火反獄即與叛賊無異乃薩載等奏到摺內稱首犯王剛亦知罪重商同脫逃並稱係王剛代打木柵隨同逃走等語是何言耶監犯越獄近如河南等省乘禁卒等防範疎懈私行潛竄此可謂之脫

逃。今王剛等糾夥至三十七名之多且放火焚燒毆傷官役非反獄而何薩載等辦理全案及所定罪名雖問擬尚無故縱乃摺內故為宛轉其詞有意開脫竟似該犯等應得罪名轉係情輕法重加等辦理是薩載等失察此案反獄之咎尚屬可寬而其規避處分化大為小不知事理輕重飾詞陳奏之罪實無可恕薩載富躬俱著交部嚴加議處臬司袁鑒訊供成招是其專責薩載等之填砌虛辭

即係原具稟詳不實所致袁鑒亦著一併交部嚴加議處並將硃批抹出薩載等原摺令大學士九卿等閱看此案除業經正法之陳德等二十四名外其知情容留劉永興等各犯並疎縱獄囚之禁卒人等所擬罪名已批交三法司覈擬速奏至另摺所奏失察文武各官內壽春鎮總兵李化龍到任未久又不同城且聞信即親往查拏尚知奮勉自効有何過處者免其交部議處其餘不同城之武職各官並著加恩免其交部議處典史瞿錫扭住監犯張恕雅被毆不放當即拏獲有此一節平日疎縱之咎革職已足蔽辜著加恩免其發遣仍著送部引見至摺內硃筆點出之同監人犯盧耀宗劉斌聶照出阻亦被各犯毆傷是該三犯自知守法又復以理勸阻尚堪嘉憫著薩載等查明該三犯如係原定死罪即加恩減等發落如原問軍流以下之罪即加恩寬免釋放以示朕賞罰嚴明之至

意。又諭曰：何裕城奏刑部議駁儀封縣盜犯劉剛等行竊張紹璞家臨時行強案內為從之李田郎宋狗二名問擬失入此案臬司伍拉納係照府縣問擬發遣具詳情有可原何裕城改擬斬決具題未便推諉請交部察議一摺。何裕城於此案問擬罪名失當之處經部駁改並不迴護據實具奏尚屬得體除按察使伍拉納及該府縣等免其議處外何裕城亦著加恩免其交部察議該部知道。

又諭據何裕城奏泌陽縣兵役拏獲在配脫逃免死發遣盜犯王二審明即行正法一摺。該犯王二籍隸唐縣於發遣後起意逃回原籍行至泌陽縣被兵役拏獲可見該犯等在配脫逃自必因思念家室潛回本省現在王二一犯認真捕緝即能拏獲各督撫等於此等脫逃案件果能接准部咨飭屬上緊嚴緝於原籍地方查拏斷無不即時弋獲之理總由地方官平日既不能留心偵訪遇有應行

查拏之犯視為海捕具文僅以一奏了事殊非緝匪懲奸之道嗣後各督撫等務宜督飭文武員弁於各逃犯奉准部咨後加意飭屬於原籍附近地方設法嚴拏不得仍前怠玩致匪犯潛蹤俾逃法網所有拏獲逃犯王二之泌陽縣知縣楊鳴岐尚屬留心著交部照例議叙並將此通諭各督撫知之。又諭明歲朕巡幸南省所有隨從之大臣侍衛及各旗官員兵丁俱著照從前之例於內庫存貯

兩淮解到銀兩內動用賞給著總理行營王大臣議奏。甲午。

上還宮 遣官祭

先醫之神。漕運總督毓奇奏：回空漕船於十月二十三日全數渡黃現江省各幫業已據報抵次其餘俱揚帆南下。臣移咨各督撫派員迎催覈計各幫回空較常年可早一月。於修艤兌開等事辦理更覺從容得旨嘉獎。乙未刑部議覆陝西按察使王昶奏稱各

省秋審人犯例應提至省城督撫會勘具題。查陝西榆林延安綏德漢中興安所屬州縣距省自七八百里至一千七百餘里不等。或地處極邊路途曠野或界連楚蜀山險林深。倘押解稍有疎虞難免中途免脫請嗣後榆林等處秋審人犯令不由審轉之道員就近覆勘無庸解省等語。臣等悉心覈議道員就近覆勘祇可免離省寫遠各屬往返護解之煩其路程較近者仍須解犯至省亦難保無疎脫。莫若於州縣定案解赴省城時將重犯留禁省垣秋決時奉到部文即在省正法於防護重犯之法較為周密得旨此議是依議行。調甘肅按察使福寧為安徽按察使以甘肅蘭州道陳步瀛為甘肅按察使。○丙申諭軍機大臣等據伊勒圖奏遣犯王大蕃於本年九月初一日在配脫逃等語該犯王大蕃係編造奏疏妄希進呈案內發往伊犁為奴之犯胆敢在配乘間脫逃甚為可惡該犯

籍隸安徽或即逃回原籍其所經過地方均應一體嚴緝著傳諭李侍堯畢沅農起何裕城富躬嚴飭所屬於該犯經由地方凡關津要隘處所實力嚴密查拏並該犯原籍地方密飭迅速嚴緝務獲照例辦理毋使遠颺漏網。○丁酉諭軍機大臣等據蘭第錫等奏酌議新河圍築月堤併加幫隄堰情形一摺自應如此辦理至睢州下汛九堡至十堡土性純沙隄前拖溜該督等擬於隄後加築後戩三百五十丈以備來年大汛經臨迎溜更隘固為思患預防起見但閱圖內所繪河形南趨直逼隄根頗為著重朕意若於史村鋪地方開挑引河一道引溜歸北暢順東注或相度形勢放溜俾隄根不致衝刷自更妥善因於圖內用硃筆標記發交蘭第錫閱看如此辦理是否於新河更有裨益之處熟商妥議據實覆奏除何裕城現已奏請陞見俟到京後就近傳諭外將此由四百里諭令蘭第錫

知之尋奏遵奉聖明指示。親履其地再三籌畫。并詢之老兵土民。咸以為抽挑對面引河。實於險工大有裨益。俟明春臣與道廳確切估辦。報聞。○河東河道總督蘭第錫奏查郭家堂正在挑挖引河之際。忽然溜勢取直。刷成引河一百數十丈。實為豫東嘉兆至塘面舊有民居蒙恩俯准各守舊業。毋許再行侵占。臣等現飭廳汛各員實力查禁。斷不敢因循姑息。貽誤河防。得旨實力為之。毋久懈。毋姑息。○命兵部右侍郎彭元瑞充四庫全書館副總裁。○以侍講學士傅森布充日講起居注官。○戊戌諭本日三庫帶領福建解員仕謹。金拱閭。廣東解員危孝曾引見。看其人俱平常。此等解餉官員。領解帑項。均有數十萬兩之多。自應遴選幹員。沿途照料。方能無誤。何得將才具平常之員。率行派委。嗣後各督撫遇有此等餉項。務須慎重遴派。毋得視為泛常。致滋貽誤。○閩浙總督富勒渾。浙江

巡撫福崧奏上屆翠華南幸。於觀潮樓敬設寶座。閱視水操。近因塘外漲有新沙。戰船不能操演。謹勘得梵村地方。江深水緩。戰船可以依法駕駛。擬於此處恭建寶座。敬供宸覽。得旨又屬多費矣。已亥。

上御懋勤殿。勾到朝審情實罪犯。停決斬犯四人。絞犯七人。餘三十人予勾。諭本日勾到朝審官犯內。如國棟身任浙江藩司。於陳輝祖抽換抄產。私易金兩一案。其罪在於扶同徇隱。並不據實陳奏。究未分肥入己。且屬員畏懼上司。亦係外省積習。尚屬可寬。是以未勾。並著加恩釋放。俟有新疆換班廢員缺出。令其前往効力贖罪。至王士澐。楊仁譽。隨同陳輝祖抽換舞弊。私改印冊。且侵用官物入己。贓私俱在千兩以上。其罪較國棟輕重懸殊。本應予勾。在該二犯與國棟同屬一案。國棟已邀寬典。若將該二犯正法。恐外間無識之徒。以朕為偏護旗員。是以王士澐。楊仁譽

亦俱免其勾決該二犯情罪本重將來雖遇恩赦不准援免又蘇隆阿常清安臨三犯因禁地失火疎虞出於意外且並未延燒今已圈禁一年免其勾決著加恩釋放回旗又金蟾桂鄭瑞蘇泰三犯於臺灣刁民聚眾焚搶仇殺重案不即迅速擒拏因循貽誤固屬玩誤但究與失陷城池者有間亦著免勾又劉得一犯由陸路出身洊陞水師遊擊巡洋阻風不諳水師畏蕙觀望尚未貽誤地方亦著免勾又如明亮巴林泰舒成富通四犯富通袒護要犯竟敢私行寬釋永遠枷示之重犯釀成重案舒成受富通囑託欺朦明亮又有侵蝕查抄贓私在千兩以上入已俱無可寬至明亮被舒成朦混致羅重罪所有金兩訊未入已且現交圖思義查奏是以暫緩勾決巴林泰受富通囑託罪止膽徇迴護是以未勾已上各情節朕詳閱招冊細加察覈苟其人有一綫可生之路無不量為寬貸以體

上天好生之意朕臨御四十八年以來矜慎庶獄務期明刑弼教辟以止辟於秋讞大典詳閱各案犯招冊一秉大公至正鑑空衡平生死總視其人之自取從不稍存畸輕畸重之見如本日遇勾到朝審案犯寅刻即起焚香告

天齋心自矢不肯有意從寬屈法施仁多活一人以為積陰功起見又豈肯多殺一人有意從嚴耶所有本日已勾未勾各犯除照例分別榜示外並將辦理緣由明切宣諭中外知之○又諭據閔鶚元奏本年江南省鄉試諸生內有涇縣學鄭應鳴池州府學曹文超東流縣學馮荃霍邱縣學邢簠儀徵縣學陳謨五名均年在八十以上三場完竣等語鄭應鳴等年逾八旬猶能踴躍觀光宜沛渥恩以廣作人雅化著加恩將鄭應鳴曹文超馮荃邢簠陳謨五名賞給舉人准其一體會試以副朕嘉惠耆儒至意○又諭京城廣寧門外

普濟堂冬間貧民較多。所有經費米石。恐不敷用。著加恩將京倉內之小米賞給三百石。以資接濟。○吏部疏請將安徽阜陽縣監犯反獄案內失察之督撫司道分別議處。諭曰。薩載著從寬免其革任。仍註冊富躬身任巡撫。不能嚴飭所屬。實力稽查。致有監犯糾夥反獄之事。又復飾詞具奏。實屬咎無可諉。富躬著降為三品頂戴。從寬留任。仍罰養廉一年。以示懲儆。袁鑒於通省監獄是其專責。又

係棄瑕錄用之人。乃不能先事督率。加意防範。以至釀成大案。於訊供成招時。又復含混詳稟。實非尋常疎縱可比。著照部議降三級調用。仍留江南効力贖罪。王懿德有分巡之責。於此等重案漫無覺察。降調處分。自所應得。但究非同城著加恩改為降二級從寬留任。○庚子

聖祖仁皇帝忌辰遣官祭

景陵

上詣

奉先殿

壽皇殿行禮。諭朕明春南巡。著照從前之例。於江浙二省冬兌漕糧內各截留十萬石。在水陸駐蹕地方分廠平糶。即令漕運總督及該督撫妥協辦理。該部遵諭速行。○又諭據畢沅奏本年陝西省鄉試諸生內有渭南縣學附生劉一力寶雞縣學附生吳光烈均年屆八旬三場完竣等語。劉一力吳光烈年臻耄耋猶能踴躍觀光。宜沛渥恩。以廣作人雅化。著加恩賞給舉人。准其一體會試。以副朕嘉惠耆儒之至意。○又諭曰。福隆安近體尚未痊愈。辦理部務恐精神不能周到。所有兵部尚書事務著福康安協同辦理。○辛丑諭軍機大臣等。前於盛京回鑾途次。召見劉戡。據奏夏秋之間玉田一帶畧見有蝻蝗光景。並未損傷禾稼。且蝗生較早。將來一遇冬寒雪壓。則遺孽盡行凍斃等語。昨恭閱

實錄內載

皇祖聖諭稱蝗蟲未經生子而天氣寒凍則皆凍斃來歲可復無患若既經生子雖蝗已凍斃而遺種在地來歲勢必更生煌煌

聖訓實為明切本年節氣將屆冬至而現在天氣尚煖則蝗蝻遺孽必不能淨盡恐明歲春生之始仍復蠕動不可不豫為之慮著傳諭劉我速飭玉田附近州縣設法剷挖務期盡絕根株毋令稍留餘孽致貽禾稼之患○壬寅

上詣

雍和宮行禮○諭軍機大臣等本日福長安奏有直隸南宮縣人魏玉凱喊稟訊據供稱在本縣魏家莊居住該莊有鄉約李存仁及魏學宗簡七王三嚴齡等與山東王倫都是高口地方之李姓徒弟從前原係白蓮邪教演習拳腳四十六年後又改為義和拳各人俱藏有繩鞭等語經軍機大臣會同刑部嚴加審訊據

魏玉凱供伊向當鄉約上年正月告退即係李存仁充當李存仁又將伊毆打過一次等供是魏玉凱與李存仁顯有仇隙但既據喊控李存仁等有演習拳腳之事自應徹底查辦未便因其挾有微嫌將就完事著傳諭劉我即派明幹大員會同正定鎮速赴魏家莊嚴密訪查如果李存仁等有傳教斂錢滋事不法并藏匿繩鞭之處即行就近詳細根究按名查拏解部審辦如果實無此項情節止須將李存仁等解京與魏玉凱質訊不必株連至魏玉凱因何不充鄉約是否因事革退及自行告退即查明具奏其高口地方是否有李姓其人係王倫黨羽亦著一體密訪據實奏覆尋奏白蓮教久經嚴禁當此光天化日之下豈可復容此鬼蜮現已飛札鎮臣全保會同清河道梁肯堂馳赴南宮嚴密查訪其魏玉凱因何不充鄉約臣衙門並無報案俟飭屬查明另奏報聞○以故阿拉善扎薩

克和碩親王羅布藏多爾濟子旺沁班巴爾襲爵

大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十二

大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十三

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞等奉 敕修

乾隆四十八年癸卯十一月癸卯諭據勒保等奏打牲烏拉佐領貴琛所買賞給之厄魯特奴僕星古爾親攜帶妻子偷盜車馬逃走接奉諭旨上緊查拏現飭喀爾喀四部各邊卡及沙畢那爾諸鄂拓克上緊查拏等語自黑龍江脫逃之厄魯特等必經由喀爾喀四部道路如果派委才幹兵弁於要路躡拏斷無不獲之理今在逃之厄魯特星古爾親攜帶妻子車馬逃走查拏更易著交勒保等通飭喀爾喀四部派委才幹兵弁嚴緝務獲俟

拏獲時。即行審明。照例定擬具奏。著併交奎林。飭各部落一體上緊緝拏。○諭軍機大臣等。據額勒登布奏。請於明春巡幸江浙時。隨營當差一摺。可以不必明歲南巡。所有沿途應用賞需。俱由內務府派員帶往。向無須該處備辦。至徵瑞。伊齡阿等。均係經過本任地方。有隨營應辦事件。自可就近派委。額勒登布。係隔省監督。並無承辦之事。可不必遠來。將此傳諭知之。○又諭曰。軍機大臣會同戶

部議覆。浙省沿海及山僻等處。緝私武員。所有歲支盤費薪水。准其照舊留支一摺。已依議行矣。武職緝私。分所應為。既已酌給養廉。自不應再得鹽規銀兩。業經部駁。概行刪除。歸入運庫造報撥用。惟與本汛相距遙遠地方。所派千把外委。仍准於鹽規項下酌給盤費。為數亦屬無多。但恐各省武職內。或有不肖員弁。奉委緝私。藉巡查往來盤費薪水為辭。仍向商人索取銀兩。是鹽規一項。名裁而

實留。且於歸公之外。復有私給款項。是該弁等影射重支。轉為商人之累。不可不防其漸。著傳諭有鹽務之各省督撫。所有前項鹽規議裁之後。是否不復私給。有無需索重支情弊。並將如何設法查禁緣由。據實覆奏。○又諭曰。海祿奏請將額外主事良泰。仍留烏魯木齊辦事等語。前經綽克托奏請。將良泰帶往烏什辦事。已照所請准行矣。但海祿初到烏魯木齊。辦理事務。未得端緒。且烏魯木齊事務。甚關緊要。從前索諾木策凌在彼。任意更張。奎林。明亮等亦復不能整頓。是以均行治罪。今特授海祿為烏魯木齊都統。欲其前除陋習。整飭一切。著傳諭海祿。准其所請。留良泰在彼辦事。伊務當感激朕恩。實心妥辦。慎毋蹈索諾木策凌等之故轍。至綽克托係熟悉烏什事務之人。諒亦不至必需良泰也。將此併諭綽克托知之。○甲辰。諭曰。楊廷樺係獲咎降調之員。經朕棄瑕錄用。賞給按察

使銜補授臺灣道。自當感激朕恩。諸事倍加奮勉。乃於淡水廳屬奸民林淡等焚燒殺命一案。既經訪聞。並不親身馳往。督同嚴辦。僅令同知馬鳴鑣自行查報。一任稽延。意欲化大為小。殊屬怠玩負恩。未便仍行留任。致滋貽誤。楊廷樺即著照部議降二級調用。所有福建臺灣道員缺。著李浚原補授。其漳州府知府員缺。著朱光會調補。○諭軍機大臣等。據黃仕簡奏。訪查臺灣淡水廳屬有奸民林

黃仕簡

由

淡等焚燒殺命一案。事隔兩月。營員並不具報。現將諱匿玩延之副將左瑛。移咨督臣。會疏題叅。並囑鎮臣柴大紀。到臺迅速督辦。毋致稽延。疎縱等語。所辦是。此案前經雅德。富勒渾先後具奏。已降旨令該撫嚴飭查拏。並將不行親往查拏之臺灣道楊廷樺。交部嚴加議處矣。臺灣民俗刁悍。向易聚眾滋事。經上年大加懲創之後。其風仍未能盡息。該道楊廷樺。係獲咎降調。棄瑕錄用之員。不知感

恩奮勉。於此等要案。不即親往查拏。因循玩視。已照部議降調。其員缺將李浚原補授。計此時黃仕簡自己起身赴京。陛見。著傳諭雅德。飭知該道。速赴新任。實力整頓。所有林淡等焚搶案內。已獲各犯。即著雅德速飭該鎮道審訊明確。應行正法者。即在該處正法。其未獲夥犯。並著嚴飭該地方文武各員。迅速按名查拏務獲。毋使一名漏網。將此由四百里傳諭黃仕簡。雅德。並諭富勒渾知之。○

乙巳

上御乾清門聽政。○諭曰。富勒渾叅奏臺灣北路協副將左瑛管轄淡水一帶地方。於奸民林淡等焚燒重案。並不即時據實稟報。顛預隱匿。請將左瑛革職審訊等語。左瑛著革職。交該撫提同已革同知馬鳴鑣。一併歸案審擬具奏。該部知道。○河南巡撫何裕城疏報。內鄉縣乾隆四十七年分開墾成熟地一頃六十畝有奇。○以奉天府府丞蔣良騏為太

僕寺卿。○以廣東三江口協副將王柄為福建建寧鎮總兵。○丙午。諭。昨福建建寧鎮總兵缺出。軍機處將記名之副將各員名單進呈。已簡用王柄矣。查閱此外記名者共五員。俱係滿洲旗員。推原其故。皆由各省奏請揀發將備人員。而在部候補候選漢員本少。是以向來多由侍衛章京等員。保送發往。兼之鑾儀衛滿洲漢軍人員。又有應得額缺。原議未免過優。以致各省叅將副將等缺。滿員居多。各該督撫保送亦多滿員。外省綠營習氣。自不若滿洲之淳樸。嫻習弓馬。足以整頓營務。但所管營伍。俱係綠營兵丁。若仍前由各該處揀發。不定以限制。行之日久。各標營俱係滿員。於綠營陞遷之途。必致壅滯。殊非滿漢一視之道。所有各省武職。自守備以上。及鑾儀衛滿洲漢軍額缺。並應如何酌量調劑。俾漢員陞途得免壅滯。旗員亦不致濫冗之處。著軍機大臣。會同該部。分晰額數。妥議開

單具奏。再現在記名副將。竟無漢員。並著各省總督及兼管提督之巡撫。於各該省漢員副將內。秉公遴選堪勝總兵者。出具切實考語。送部引見。候朕酌量記名簡用。○又諭。前閱本年朝審情實招冊內。趙文達毆死夫役張二一案。忽疑其或有頂兇情節。因詢之和珅。福康安。福長安。俱不能深悉其中情偽。至朝審勾到之晨。據大學士阿桂奏。此案情節頗有疑竇。請旨再行研審確情。因派阿桂和珅。福康安。劉墉。會同刑部堂官覆訊。該犯等始猶堅執前供。及研鞫再三。據供。實係福隆安管事家人富禮善。主使責打。趙文達等聽從動手屬實。此案既據審明。可見從前刑部堂司官。不能盡心推鞠。復令查檢原案。初供係福隆安署步軍統領時。移送刑部。其原咨內本有家人富禮善喝打之語。乃刑部定案時。趙文達挺身直認。證佐匠役等。亦隨同指供。司官既不加嚴詰。而堂官等意存觀望。不

肯深求。顛項了事。以致富禮善脫然事外。福隆安病體至今未愈。被家人始終瞞哄。竟無見聞。而刑部堂官不加駁詰推求。未免有意瞻徇。福隆安情面。刑部堂司官實咎無可寬。該堂官及主稿隨同畫押之司官等。俱著交部嚴加議處。至福隆安於此案。雖原報本有富禮善之名。及後改供。亦實不知情。但致令刑部堂司官等意存觀望。即伊平素恃朕恩。以致人畏。即其過也。此案若趙文達已經勾

決。不特福隆安獲咎更重。即阿桂等亦不能無罪。茲幸究出實情。水落石出。未致枉縱。其情節尚可稍從寬減。福隆安著罰公俸十年。仍交部嚴加議處。所有此案辦理緣由。著明白宣諭中外知之。○丁未。諭軍機大臣等。據李世傑奏。審擬千總糟福壽。藉差借餉。圖買房屋等款。所辦殊屬非是。糟福壽借支餉銀。既有扣繳未清之項。何又私自置買房屋。總兵馬鎮國查知該弁有銀買房。無銀還餉。嗔

其急私緩公。據實揭報。尚能留心辦事。乃李世傑輒以該革弁借餉在先。買房在後。歸咎該鎮撫拾揭報文致其罪。將馬鎮國從重定擬革職發往軍臺効力贖罪。試問馬鎮國詳揭該弁有何不是。輒行定擬軍臺。以啟將來瞻徇迴護之漸耶。再遊擊馬奉君所娶馬氏。李世傑以其同姓為婚。斷令離異歸宗。亦屬非是。回人婚娶。本無同姓異姓之別。况馬奉君所娶係夫故再醮之婦。何必又斷離異。至

李芝榮將自養馬匹。昂價售賣。繼復向糟福壽買回。不過貪得小利。其罪亦不至革職。又所稱教場內買賣小民。擺設攤場。現在查明酌定租價。聽民承租。將租息解歸藩庫充公等語。尤屬不知政體。即如京城小民貿易。在官街大道。擺設攤場。在在皆有。况重慶府城。據福康安奏。本在山上。惟教場地勢稍平。是以小民俱在彼市集等語。似此尤當聽民自便。何必又行查禁。至酌定租價。令民承租。更

無此理設如所奏。豈欲將教場地方開墾陞科令官兵於何處操演耶。李世傑向來尚能辦事。是以擢用總督。今辦理此案。有心迴護。原叅以致輕重失當。殊屬錯謬。著傳旨嚴行申飭。原摺發還。交該督另行妥議具奏。○戊申。諭曰。國棟著加恩賞給四品職銜。前往阿克蘇辦理領隊大臣事務。換法靈阿來京。○己酉。諭朕明春巡幸江浙。扈從人等需用船隻。俱著照每船水手按名給予雇值。第念該

船戶等在途駕駛往還。未免守候需時。若照常價。每水手一名。給口食銀五分。未能充裕。著加恩將所有扈從船隻。按照水手每名。日增給銀一分。該督撫等即於恩賞銀內動支。並責成司船之員。稽查妥辦。毋任胥役人等從中侵蝕。俾得均霑實惠。又諭曰。恒山保阿爾薩朗伍岱蘇凌阿。俱在外多年。理宜遣人更換。護軍叅領阿克棟阿。著賞給副都統職銜。授為烏里雅蘇台叅贊。前往更換恒山

保副護軍叅領德寧著授為頭等侍衛。前往伊犁更換阿爾薩朗。昨令前往伊犁更換雅滿泰之副都統那爾瑚善著前往塔爾巴哈台更換伍岱布彥達賚著授為領隊大臣。前往伊犁更換雅滿泰。隨同伊勒圖學習事務。仁和著加恩賞給三等侍衛。前往英吉沙爾更換蘇凌阿。俟伊等接任後。恒山保等即各來京。庚戌。諭曰。刑部堂官於福隆安家人富禮善主使責打夫役張二身死。令趙文達

頂兇一案。有意瞻徇。前已明降諭旨。將堂司官交部議處矣。昨覆閱刑部具題。趙文達擬罪原本。趙文達在步軍統領衙門初供。本有富禮善喝令毆打之語。及定案時。趙文達挺身直認。轉以初報係卸罪。謊供為富禮善開脫。近役等亦隨同指證。司官朦朧取供。以致富禮善脫然事外。而朝審招冊內。並將富禮善之名刪去。俾泯然無跡。此案該司官辦理甚屬取巧。而堂官等皆係國家大臣。乃意存

觀望不肯嚴加駁詰。顓頊定案。明係瞻顧福隆安。此而不嚴示懲儆。則如阿桂和坤福康安等。俱係御前大臣。若皆憚其聲勢。事事瞻顧。則畏首畏尾。尚復成何政體。然朕於定案之本。未曾看出有富禮善之名。是朕疎忽處。而於刑部堂官等瞻徇。益知用人之難。更加一番敬審。此案喀寧阿等交部議處。自係革職。若盡行開缺。部中辦事。未便一時俱易生手。若從寬留任。又不足以示懲儆。所有承辦

此案之刑部堂官。俱著降為三品頂戴。仍帶革職留任。伊等身為大臣。審辦命案。瞻徇若此。尚得覲然邀恩寬貸。清夜捫心。寧不自愧耶。福隆安若未病以前。設有此事。朕必加倍重治其罪。今其氣力不能支持。被家人瞞哄。自係精神虛弱所致。前已交部嚴加議處。罰公俸十年。亦著加恩改為革職留任。至承審此案之主稿。及隨同畫押之司員。咎尤難逭。自應從重議處。其招冊內。何以不照本內貼

黃聲敘。擅將富禮善之名刪去。並著該堂官查明。係何員承辦。交部加倍嚴加議處。○又諭曰。寧古塔副都統安臨查奏。巡查私行挖獲員弁。至極邊處懸掛牌面。以憑查驗。四十四年所掛之牌。至今未換。顯係歷年未經到彼巡查。甚屬疎玩。著慶桂將四十四年以後。搜山員弁。查明叅奏。不可稍存迴護。○諭軍機大臣等。何裕城叅奏。審供不實。草率具詳之榮澤縣知縣曹學詩。請革職一摺。已批該

部知道矣。此案該撫摺內。稱李牛妮因向馮八索欠未得。起意圖姦。馮八不允。李牛妮向拉馮八先用鋤柄。毆傷李牛妮心坎左肋。復舉鋤打傷李牛妮耳竅身死等語。李牛妮本向馮八索欠。其圖姦情事。並無證據。乃馮八因李牛妮死後。始行供出。安知該犯不因無人見證。圖賴死者。希冀輕減其罪。若圖姦既無確據。其中自另有別情致死。不可不詳細研鞫。以成信讞。著傳諭何裕城。即將此案馮

八毆死李牛妮確實情由。詳加審訊。定擬具奏。○辛亥。豁除直隸懷柔縣水衝河淤地二十頃九十一畝。有奇。額賦。○壬子。諭曰。復興之子安寧。前因獲罪。發往伊犁。但念復興効力多年。止有此子。今幾同絕嗣。朕心深為不忍。安寧著加恩釋回。交復興管束。毋任滋事。○又諭據孫士毅奏。查審舉人岑照科場舞弊一案。係串同永安州知州葉道和。家人曾興照應。向隨同葉道和在闈之幕友。湖北舉人曹文藻代倩傳遞。請將葉道和革職。曹文藻革去舉人。嚴審究辦等語。科場舞弊。久經嚴切申禁。功令森嚴。乃該犯等公然賄囑。肆行無忌。葉道和以現任職官。敢於串通舞弊。保無賄囑等情。實屬怪事。不可不徹底嚴辦。審究。以示懲儆。此案非外省所能完結。葉道和著革職。曹文藻著革去舉人。並案內應訊犯證。均著該撫等一併派委妥員。迅速拏解來京。交大學士會同該部。嚴審定擬具奏。○

諭軍機大臣等。據孫士毅奏。查審岑照科場舞弊一案。係永安州知州葉道和之幕友。家人串通賄囑。代倩傳遞。一面將葉道和摘印嚴審。一面飛咨湖北撫臣。密拏舉人曹文藻。迅解來粵。徹底嚴辦等語。已明降諭旨矣。當此功令森嚴之際。該犯等敢於如此公行無忌。串通舞弊。情節甚屬可惡。此案非外省所能完結。著傳諭姚成烈。即將舉人曹文藻。拏解來京。審訊。毋庸解往廣西。如已起解。亦即追回轉解。其案內要犯岑照。葉道和。曾興。並應行質訊犯證。著孫士毅。即派委妥員。迅速解京。交大學士會同刑部。徹底審辦。沿途嚴密防範。毋致有疎虞。自戕等事。至孫士毅。係鄉試監臨。雖有失察之咎。但審辦此案。能究出實情。尚屬認真。將來定案時。其處分自邀寬典也。將此由五百里各諭令知之。○癸丑。諭曰。福隆安病體未愈。現在予假調理。和珅著以原銜。充文淵閣提舉閣事。○諭軍機大

臣等本日據劉莪奏將魏玉凱在京呈控李存仁傳習邪教一案。現在集犯解京審訊等語。又據姜晟奏在南宮查辦簡七等傳習邪教。已有就緒等語。此案應訊人犯必多。自須留在彼處質訊。且既有端緒。則層層根究。亦應就近查辦。以免輾轉拖延。現令刑部堂官派委司員。將原告魏玉凱押帶前往。歸案審辦。著傳諭姜晟會同劉莪提集案犯悉心研究。務得確情。以淨根株。即行定擬具奏。○又

諭據永瑋奏盛京翔鳳閣內被賊竊去賞項銀七百餘兩。請將佐領司庫等分別解任革職。並應訊人役等會同盛京刑部嚴行審訊一摺。已批交該部議奏矣。宮殿重地。關防嚴密。且有值宿巡查官兵。賊匪何從進內行竊。永瑋所奏。或係該管官員平日侵那虧空。乘伊公出。裝點被竊情形。希圖掩飾。亦未可定等語。所見甚是。著傳諭永瑋榮柱提同該管各官及應訊人犯。嚴切根究。務得確情。定擬

具奏。至永瑋另片所請簡放佐領三員。速赴新任之處。已諭知內務府大臣。即行揀選引見發往矣。將此由四百里諭令知之。○是日起

上以冬至祀

天於

園丘齋戒三日。○甲寅。諭軍機大臣等。據劉莪奏。參革唐山縣知縣趙鈞彤。因雇辦兵車。違禁派斂村民錢文。審無侵蝕情事。將趙鈞彤

定擬發往伊犁充當苦差一摺。已批交該部議奏矣。此案尚係素守伺任。內參奏革審之事。劉墉署事未辦。劉莪接任。亦未及辦理。藩臬道府俱有承審之責。且犯證現在。何不及早審明。詳報。遲延至今。始行定案。即此可見外省怠緩積習。全不知改。著交該督查明。遲延緣由。據實參奏。將此諭令知之。○閩浙總督富勒渾奏。臺灣當奸徒滋事之後。必須極力整頓。臣悉心督辦。凡遇應行事宜。俱加意

籌酌得旨實力為之勿久而懈乙卯

上詣

南郊齋宮齋宿丙辰冬至祀

天於

園丘

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵遣官祭

孝賢皇后陵

端慧皇太子園寢丁巳

上幸瀛臺諭曰錢琦年力已衰著以布政使

原銜休致即令回籍是月直隸總督劉我奏本月二十六日保定河間正定順德廣平等處僉報得有瑞雪二三寸四五寸不等雖未普渥於麥田甚有裨益得旨正在望雪然尚可待也陝西巡撫畢沅奏西安同州鳳翔興安等府均得雪澤查關中宿麥播種以後九十月間雨澤優渥土膏滋潤今復得有瑞雪麥根深穩農民忭慰得旨非甚霑濡至京畿則甚望雪也

大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十三

大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十四

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

繼職官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十八年癸卯十二月戊午朔

上詣

大高殿行禮○幸瀛臺翼日如之○己未諭曰

福隆安因病奏請將伊所管各處暫行出缺

賞假調養等語著照所請給假善為調養伊

所管各處事務俱有兼管之人毋庸出缺惟

正白旗滿洲旗務祇有副都統一入其都統

事務著復興暫行署理○諭軍機大臣等據

步軍統領衙門奏江西雩都縣教諭黃閒雲

以被叅負屈在監自寫呈狀臚列款蹟違義

子黃必復來京控訴一摺此案黃閒雲所控

知縣劉嘉賓執法營私承審官有心枉斷如

果屬實不可不嚴行究審若黃閒雲希圖卸

罪架詞越訴亦當切實根究但此事亦無庸

即派大臣前往審辦著傳諭薩載查照所控

各情節將應訊犯證卷宗提集蘇州至明歲

南巡時候朕欽派隨從大臣會同該督秉公

審訊所有原告黃必復著刑部暫行羈禁交

明春隨從南巡之刑部堂官派員押解帶往

原摺並鈔寄薩載閱看○又諭曰福康安等

奏據陝甘總督李侍堯咨稱甘省冒賑案內

革職留任通判佟躍岱應賠繳銀九千八百

餘兩將屆限滿尚未清完據佟躍岱呈稱直

隸豐潤縣有伊未分地畝當舖請令伊弟工

部員外郎佟兆寧變價歸款現復據佟兆寧

呈稱此項地畝當舖係屬已分之產與佟躍

岱無干佟躍岱自分產業另交伊胞兄胞姪

等經管又佟躍岱去年解差進京伊繼母緣

氏曾助銀一千兩。又伊胞姪常泰曾將佟躍岱名下地畝售賣。得價銀一萬餘兩。欲為完補虧項之用。等情。恐有互相推諉情弊。請交直隸總督。并該旗徹底查辦等語。佟躍岱於甘省案內冒捐監生。虧短帑項。至九千八百餘兩之多。如果自有分得產業。交伊胞兄胞姪經營。並曾將地畝變售得價。及伊母幫給銀兩。輒敢私行隱匿。並不將應繳帑項。及早清完。轉以已分之產。呈請變價歸款。其情節

更為巧詐。如佟躍岱現在呈出產業。委屬未分。而佟兆寧指匿不交。藉詞諉卸。亦自有應得之罪。所有佟躍岱呈出豐潤縣地畝當鋪。著交劉戡確實清查。並傳諭李侍堯。即將佟躍岱解任。派委妥員解京。計其到京。已在南巡啟蹕之後。此案即交留京辦事王大臣。會同刑部秉公究訊。毋任隱飾推卸。所有工部原摺。並著發交劉戡李侍堯閱看。將此由四百里傳諭知之。○命尚書金簡都統德保在

紫禁城內騎馬。○陝西巡撫畢沅奏榆林綏德二屬田多砂鹵。今年秋稼不登。民食匱乏。臣前與藩司酌商。分撥延安常平倉糧四萬七千五百石。運送綏榆。以備賑糶。但明春借給籽種。支放兵糧等事。需糧甚多。恐不敷用。現屆展賑之候。祇可暫予折色。其運到之糧。搏節以待明春之用。批。可謂用心調劑。好。又奏。臣仍與藩司悉心籌畫。將被災各屬應需糧石。通盤覈算。務必先事寬為儲備。以免鞭

長莫及之虞。批。更是。又奏榆林綏德二屬撫卹加賑。既予折色。但正當糧稀價貴。若仍照普賑之例。大口給銀六釐。小口減半。勢必不敷買食。請照以銀折賑之例。大口給銀一分。小口減半得旨。好。即有旨諭。○庚申。

上幸皇史宬。○諭。本年陝西榆林綏德二屬秋禾歉收。業經降旨。令該撫加意撫卹。茲據奏到各處倉儲不敷散給。所有撫卹加賑。全予折色。聽民間自行買食等語。即著照所請行。

至向來普賑定例大口日給銀六釐小口減半。仍恐邊地貧民不敷食用著加恩查照乾隆二十四年該省散給折色之例大口日給銀一分小口減半該撫即督飭所屬妥協經理以副朕軫念邊氓有加無已之至意該部知道○又諭曰臺灣為海外重地民番雜處最關緊要向例該處總兵道府俱係三年更換即調回內地該員等因瓜期不遠未免心存玩忽以致諸務廢弛近來屢有械鬪滋事

之案必當設法調劑俾該地方文武大員久於其任新舊相兼則伊等知責成綦重方足以資整頓嗣後臺灣總兵道府各員俱著改為五年任滿屆期若一體更換未免俱易生手著將總兵道府各員輪間更換每過兩年更調一員庶該處前後交代常有久任熟諳之員督率經理於海疆重地自有裨益其如何輪年更調之處著軍機大臣會同吏兵二部妥議具奏○諭軍機大臣等臺灣遠隔重

洋民情刁悍向易聚眾滋事經上年大加懲創其風仍未能盡息不可不實力整頓該處駐劄道員最關緊要楊廷樞因玩視重案並不親往查拏已照部議降調其缺將李浚原補授李浚原在直隸知府任內尚能辦事是以加恩擢用伊若不知感激奮勉事事整飭倘將來或有仍前怠玩廢弛之處則獲咎更重即首領亦不能保非僅降革而已恐該道不能當其罪也著傳諭富勒渾雅德將此諭

嚴飭該道凜遵辦理並留心察看是否加意整頓據實具奏毋得仍前瞻徇迴護將此由五百里諭令知之○又諭曰雅德奏請明春前赴浙江迎駕一摺殊無此理已於摺內批示明歲南巡至浙閱視塘工總督富勒渾現駐浙省提督黃仕簡又復來京陛見於明春扈從回閩現在福建祇巡撫一人今雅德復為此奏是福建一省竟可無大員在彼彈壓辦理事務耶雅德何不曉事若此可見並非

本心。徒為此奏當差了事。著傳旨申飭。○吏部議覆。江西布政使馮應榴奏稱。江西屯田。係州縣管理。是以運丁亦歸州縣僉解。衛弁等向不與聞。查州縣無在幫領運之責。未免視同膜外。而運弁與運丁輪年押運。其孰殷孰乏。較州縣知之更真。請嗣後江西僉丁。令州縣會同衛弁選解。倘有遲延脫逃情事。即將該員弁等一併嚴議。又稱。江西餘租銀兩。積欠甚多。因向止咨部。並不具題。州縣心存

懈弛。不肯實力徵收。請嗣後照正項錢糧一體題銷。俾經徵各員。知事關題達。不敢再有延玩。均應如所請。從之。○辛酉。

上幸瀛臺。翼日如之。○諭軍機大臣等。據孫士毅奏。查審岑照代倩傳遞一案。提到曾興。三面質對。始究出係岑照與知州葉道和當面商量作弊。葉道和復主使曾興。往來說合。講定銀一千兩。今幕友曹文藻充作書辦。進場代倩。交曾興傳遞等語。葉道和以現任知州。

場內承辦供給。竟敢藐法圖利。勾通舞弊。實為從來所未有。情罪甚重。既據該犯自行供認明確。即應決不待時。未便稍稽。顯戮。前經降旨。令孫士毅將此案要犯。派委妥員。迅速解京審辦。現在諒已起解。著傳諭沿途各督撫。接奉此旨。即派委大員。於葉道和解到之處。不拘何地。傳旨將該犯處斬。具摺覆奏。其案內岑照。曹文藻。曾興。並應行質訊犯證。仍遵照前旨。安速解京。交部審辦。沿途嚴密防

範。毋致有疎虞。自戕等事。將此由五百里各諭令知之。○又諭曰。李世傑奏。秋審人犯。離省。寫遠。請責成該管道府。審錄一摺。前因各省秋審情實人犯。散寄縣監。禁卒短少。防範難周。易滋事故。業交刑部定議。嗣後各省人犯。於招解定案時。覈其情節。應入情實者。即留於省城司府。及首縣各監。分派收禁。庶稽查防範。更為嚴密。已經奏准行文。想該督尚未接到。故有此奏。此時必接奉遵照辦理矣。

將此諭令知之。○貴州巡撫李本疏報黃平、普安、甕安、湄潭、施秉、婺川、畢節等七州縣乾隆四十七年分開墾成熟地三項六十畝有奇。○壬戌諭據雅德奏連江縣知縣陳煜於民人許烈等毆死楊愿一案逾違二叅分限二十日始行解府該府李浚原批解到司亦逾分限十九日均屬易結不結請將署詔安縣事連江縣知縣陳煜漳州府知府李浚原照例革職等語陳煜著革職至李浚原前在

直隸知府任內看其尚能辦事是以特簡漳州府知府要缺近又加恩擢用臺灣道乃一到福建於尋常易結案件尚且遲延若此則其怠玩可知殊負簡用之恩李浚原著照該撫所奏革職其臺灣道員缺著永福調補所遺興泉永道員缺仍著曾儒璋補授。○諭軍機大臣等昨據雅德叅奏漳州府李浚原等於民人許烈等毆死楊愿一案審解逾限易結不結已明降諭旨將李浚原等革職並將

永福調補臺灣道矣。永福本係獲咎降調從寬留任之員今又加恩調任臺灣委以重任該處遠隔重洋民俗刁悍屢有聚眾滋事之案駐劄道員最關緊要必須實力整頓痛改廢弛積習庶於海疆有益永福身係滿洲尤非楊廷樺可比伊若不知感激奮勉事事整飭將來該地方或有仍前愈玩廢弛之處必將伊從重治罪非比楊廷樺之僅予革除已也著傳諭富勒渾雅德嚴行詳飭該道凜遵

辦理將此由四百里諭令知之。○癸亥

孝惠章皇后忌辰遣官祭

孝東陵。○諭據富勒渾奏福建臺灣孤懸海外當奸徒滋事之後大小各員俱經更易全賴道員督飭整頓李浚原已叅革離任現今新任知府孫景燧就近暫行接護道篆但一人難以兼顧且該處與腹地不同得一熟手經理更為有濟請於新任道員到任後仍令李浚原在彼幫辦等語李浚原昨已降旨革職

今據該督奏請令其在彼出力幫辦。以觀後效。著照所請。李浚原准其留於臺灣効力贖罪。俟該處查辦一切竣事後。察其勤惰。該督撫等另行據實出具考語奏聞。○又諭。明春南巡啟鑾後。所有戶部印鑰。著金簡暫行兼攝。○調山東兗州鎮總兵任承恩。為江南壽春鎮總兵。以甘肅瑪納斯協副將馬如麟。為山東兗州鎮總兵。○甲子。

上詣

大高殿行禮。○幸瀛臺。翼日如之。○諭曰。喀喇沁王喇特納錫第。巴林王巴圖。阿拉善王旺沁班巴爾。敖漢貝子桑濟扎勒。情願扈蹕江南。著加恩照前往盛京例。賞給喇特納錫第。巴圖旺沁班巴爾銀各一千兩。桑濟扎勒銀六百兩。○又諭朕此次巡幸江浙。於明年正月十一日啟鑾。著質郡王永瑤。克勤郡王雅朗。阿大學士公阿桂。協辦大學士尚書伍彌泰。留京辦事。所有月選之文員內。通判。州。縣。

等官武員內八旗護軍校。驍騎校。及外省送到之驍騎校。并年滿千總。水手等官。并俱著王大臣照例驗放。至外省督撫提鎮等奏摺俱著齎摺人前赴行在奏遞。該部通行傳諭知之。○諭軍機大臣等。昨據富勒渾奏請令已革臺灣道李浚原前往臺灣幫辦効力一摺。已明降諭旨照所請行矣。本日楊廷樺奏事摺到。伊尚未離臺灣。因思李浚原究係革職之員。楊廷樺獲咎止於降調。且在臺灣年

餘。於該處情形自更熟悉。想李浚原亦未必即起身前往臺灣。而楊廷樺又令回至內地。海洋風汎無常。徒勞往返。自不如即留楊廷樺在彼幫辦。於海疆重地更為有益。且較李浚原為更熟也。臺灣道員缺已令永福調補。著傳諭雅德即行飛飭楊廷樺留臺幫辦。一切實心出力。以贖前愆。李浚原即著毋庸前往。若已起身亦不必喚回。奏明候旨可也。將此由五百里諭令雅德。速飭遵照辦理。並諭

富勒渾知之。○乙丑諭朕恭閱康熙三十三年

聖祖實錄禮部奏祭

奉先殿儀注將皇太子拜褥設置檻內。

上諭尚書沙穆哈曰皇太子拜褥應設檻外沙

穆哈即行奏請

諭旨記於檔案經

聖祖降旨交部嚴加議處部議革職一事禮臣

安設拜褥未協既經

聖祖面諭業已遵奉移設乃沙穆哈胸中即豫

存畏忌皇太子之見奏請

諭旨記檔以為日後却責地步我

皇祖洞燭其隱將伊革職以

皇祖之仁慈大度皇太子維時年幼尚無縱恣

事蹟禮臣因關係儲貳即心懷顧忌如此厥

後日漸失德致遭黜廢夫仁如

聖祖冊立儲貳猶致有理密親王之事設後之

人主未能如

聖祖之慈愛明哲而為太子者又不能小心謙

謹必致漸生嫌隙鮮有能始終獲保萬全之

理可見建儲冊立之斷不可行也在書生拘

墟之見必有竊議其非而後之人不思深慮

遠仍踵前轍或起事端彼時當益信朕言之

早經灼見耳前經朕疊頒諭旨明切曉諭並

令皇子及總師傅軍機大臣等編輯古今儲

貳金鑑垂示久遠因恭閱

皇祖實錄禮臣安設拜褥請

旨記檔即此一事益可見朕所慮之不爽並令

編入古今儲貳金鑑卷首○諭軍機大臣等

據富躬奏阜陽縣反獄案內逃犯芮猛經叅

革阜陽縣知縣李之萼差役在河南魏家河

地方拏獲復被舊匪孟澤糾人搶去旋據河

南項城縣將芮猛拏獲現飛咨河南撫臣將

芮猛就近斬決梟示並令查明孟澤糾人搶

犯實情歸案辦理等語尋常關捕案犯在途

搶奪已屬目無法紀況芮猛係反獄之犯既

經差役拏獲。孟澤膽敢糾人搶去。非尋常奪犯拒捕者可比。著傳諭李慶茶嚴究為猛。將何如商串搶奪情節。一面訊明具奏。一面即將為猛正法。其所稱舊匪孟澤。係何案犯。既在魏家河地方糾眾搶奪。自必潛匿該處。如尚未就獲。並著李慶茶嚴飭文武員弁設法購線實力查拏。剋期務獲。並將起意糾夥搶奪反獄人犯實情。并所糾各夥黨嚴切究訊。按名緝拏。從重辦理。除就近傳知何裕城外。

將此由五百里傳諭李慶茶並諭富躬知之。又諭據姚成烈奏查抄葉道和原籍家產貲財。在伊家人耿陞處查出莊宏遠承頂范軫等四川鹽井契約一紙。又范軫等合約一紙。葉道和之父葉體仁現任四川敘州府知府。范軫即係四川敘州府富順縣人。恐與葉道和父子別有交涉。現在飛咨查辦等語。現任職官與所管民人合夥營運。希圖牟利。大千例禁。葉體仁原籍存有敘州民人范軫承

頂鹽井契約。若係四川同知時夥同承辦。以本省丞倅與本省民人合夥營運。已屬非是。及陞任敘州知府范軫即其所管。尤不得與之合夥。自應稟明本省上司退還原約。倘葉體仁未經稟明。或竟係任敘州知府時。敢與本地民人營私貪利。則其不是尤大。著傳諭李世傑嚴切查辦。據實覆奏。至伊子葉道和。在場藐法舞弊。粵西相隔遙遠。亦無罪及其父之理。原與葉體仁不相干涉。而范軫一事。是其罪案也。將此由四百里諭令知之。並著查明覆奏。又諭據永德奏福州八旗兵丁請與綠營一體操演等語。各省駐防滿兵。原非綠營可比。前經兵部議定。遵照向例。按時考查。自無庸拘照綠營操演。著傳諭永德。惟當加意訓練。冀收實效。徒更舊制。亦屬無益。丙寅諭據特成額奏。明正土司甲勒叅德沁之嫡母喇章。又瓦寺土司桑朗榮宗之親母麥麥吉俱屬苦節。該土司等懇請旌表。惟

年例未符。可否准旌請旨等語。喇章麥麥吉等。以番婦守節殊屬可嘉。著加恩准予旌表。以示懷柔。番部一視同仁之至意。○諭軍機大臣等。據永德奏查辦譚達元呈控總商沈冀川勒索伊弟譚體元銀兩。枉斷擬軍查產一案。因原告未到。各供尚多閃爍狡混。而此案大概情形。實已畢露。請將前任鹽運使秦鎮革職。以便提同犯證。秉公逐款確審一摺。實屬奇事。鹽商私自派捐津貼。該管各官。自有抑勒派累侵蝕分肥情事。且事經敗露。復任總商捏詞抵飾。意存偏斷。必須嚴行根究。始能得其實情。此案着派福康安。馳驛前往。會同永德審辦。福康安行程迅速。俟到粵後。再行定案。福康安未到之前。著永德即將秦鎮革職。提同案內應訊犯證。先行審訊。如巴延三。尚安李質穎等。於此案派捐公費。亦有通同染指之事。即著永德據實先行奏聞。請旨歸案。將此由六百里傳諭知之。○又

諭據永德奏。請將鹽運使已調五品翰林秦鎮革職。審擬等語。秦鎮身任運使。乃抑勒派累。逢迎上司。必有侵蝕入己情事。其原籍家產。自應查封。著傳諭薩載。閱鴉元。即赴該員無錫縣原籍。將所有家產貨財。一併嚴密查抄。無任絲毫寄頓隱匿。將此由六百里諭令知之。○又諭曰。李慶茶奏據項城縣知縣張瑞圖等。拏獲知情窩留為盜復行聚賭拒捕之孟澤一摺。孟澤明知為盜。係反獄之犯。膽

敢窩留在家。及被搜拏。復糾夥拒捕。又在家聚眾賭博。種種不法情節。實屬可惡。務須嚴行鞫訊。從嚴辦理。並將夥黨逐一根究。其現在究出未獲各犯。並著李慶茶督飭所屬嚴緝。務獲毋致漏網。將此傳諭李慶茶。並諭何裕城知之。○丁卯。諭曰。鄭源璫著調補山西布政使。其廣東布政使員缺。即著李天培調補。李天培於途次。不拘何處。接奉諭旨。即赴新任。不必來京請訓。○又諭曰。伊勒圖自陞

授將軍數年以來。凡伊犁所屬部落官兵事務。俱能妥辦。且管束外藩甚屬安靜。此皆伊勒圖仰體朕撫恤外藩之意。於一切事務。敬謹辦公。克稱職任。著施恩加太子太保銜。賞戴雙眼花翎。以昭朕獎勵遠疆重任大臣之至意。○諭軍機大臣等。據伊勒圖奏遣犯董二在配脫逃等語。該犯因行竊擬流。遇赦釋回。又連竊三案。發給伊犁兵丁為奴。輒敢乘間脫逃。情殊可惡。該犯籍隸順天。計其逃逸。

必仍竄回原籍。著傳諭甘肅陝西山西河南直隸各督撫。嚴行訪緝。務獲毋得任其遠颺。又諭據農起奏通鑑綱目續編有一種翻刻之本。未經載有。

御批字樣。現飭令書局一律抽改。並將板片鏟削。抽換等語。通鑑綱目續編山西尚有翻刻之本。業據農起查明改正。況江浙為人文之藪。書賈雲集。刻書翻板是其長技。外間自必有流傳翻刻之本。全在該督撫實力搜查抽

改認真辦理。著傳諭薩載富勒渾閔鶚元福崧等再行飭屬留心訪查。將翻刻板片一體抽改。鏟削。並諭令各督撫知之。○烏魯木齊都統海祿奏新疆地方遇有盜劫等事。地方官多係漢員。辦理每形竭蹶。請嗣後內地詞訟。仍令地方官審辦。其口外案件。即提至本城督同章京等分別應結。應奏迅速完結。得旨甚是。戊辰。

上御乾清門聽政。諭曰。粵海關監督李質穎年力就衰。應行更換。著穆騰額前往接替。其江寧織造員缺。著福海補授。福海即著來京。請訓速赴新任。伊未到之前。江寧織造印務著薩載暫行兼署。董椿著加恩補授熱河總管。不必來京。即由山海關前赴熱河新任。○諭軍機大臣等。現已降旨將穆騰額調補粵海關監督。其織造關防令其交與薩載兼署。穆騰額即行起程前往江西。俟福康安路過時。即隨同前往。至李質穎係從前特派審辦。

之員。福康安到粵時。該監督自有應行查訊之處。俟將來結案後。再令其來京。將此由六百里傳諭知之。○調鑲紅旗滿洲副都統明善為西安副都統。以鑲黃旗護軍統領善德為鑲紅旗滿洲副都統。○已已諭前經降旨。直隸解到旗租銀兩。足敷八旗兵丁一月錢糧。即行普賞一次。現在直隸解到租銀。已足敷賞給之用。著加恩普賞八旗兵丁一月錢糧。以示朕加惠旗人。用溥春祺之意。該部即

遵諭行。○又諭據已延三奏請將高廉鎮總兵劉峻德調補潮州鎮。所遺員缺。遵旨以王集補授等語。劉峻德前已降旨補授海壇鎮總兵。其高廉鎮總兵。已將梁朝桂補授。所有潮州鎮總兵。即著王集補授。令其速赴新任。該部知道。○諭軍機大臣等。老鹽倉一帶海塘工程業經一律告竣。所有用過銀兩若干。及現存銀兩若干。何以未據該督撫將開除現存實數題明報銷。即著查明覆奏。至范公

塘一帶。明年朕親臨閱視後。若果必需興工。一律改築石塘。其採石鳩工。均須豫為籌畫。現在該處存銀是否敷用之處。並著富勒渾福崧詳悉查明。一併據實覆奏。將此諭令知之。○又諭據劉戡奏。有兵部差官李姓。因送軍機處公文。到良鄉縣腰站。將馬夫顧十。用鞭毆打。復自撕破衣服。趕至縣堂喧嚷等語。驛站馳遞文報。最關緊要。豈容差官滋事騷擾。自應徹底究明。以肅郵政。除就近飭令兵

部查明差官李姓。交刑部究訊外。所有良鄉縣馬夫顧十。及應行審訊人等。並著傳諭劉戡。即行提集送部質訊。○旌表逼嫁捐軀浙江臨海縣民王士富妻李氏。守正捐軀廣東順德縣民何顯元女何氏。○庚午諭曰。各部院司員陞調別處。奏留原衙門行走之例。業經降旨停止。因刑部為刑名總匯。理藩院有蒙古事件。必得熟悉之員。是以准其仍兼行走。但思奏留人員。內如京堂翰林等官。本係

聞曹兼各部院行走尚無關礙至科道有糾劾之責未便令其仍兼各衙門辦理司員事務即刑部理藩院之熟悉部務司員本部留以辦事有何不可何必又送科道博陞職之虛名資掣肘之浮議乎嗣後刑部理藩院亦概不准兼科道其果能始終出力該堂官據實奏聞帶領引見候朕以四五品京堂酌量補用仍可兼部行走御史李臺奏內閣刊刻殿試題理宜嚴密請派護軍統領一員率領所屬稽查下部議行兩江總督薩載江南河道總督李奉翰奏郭家堂挑挖引河去民居較近現飭令道府查看督令居民遷讓毋許侵占明春聖駕臨幸徐州若彼處能仰邀閱視臣等更有所遵循惟郭家堂距徐百有餘里程站稍遠是否親往伏候聖裁得旨如此可以不必往視又徒勞爾等修葺也屆時再奏或差一人往視亦可辛未諭曰科爾沁貝子班珠爾募民開墾游牧田地殊屬

違例本應革退差使但念係達爾瑪達都之子著施恩從寬退出御前在乾清門行走○諭軍機大臣等本日兵部將甘肅省保列一等邊俸報滿之副將雙喜帶領引見已准其一等註冊矣該員既經李侍堯保舉自係副將中出色之員但其才具是否堪勝總兵之任著傳諭該督據實覆奏○壬申諭曰喀爾喀車臣汗車布登扎布因發烏拉照票案內獲罪於年班來京呈請不領口糧等情據勒保轉奏已准行矣車布登扎布既自知罪感戴朕恩亟來叩謝又值年班著加恩仍照例賞給口糧○陝西按察使王昶奏陝省幅員遼濶東南與楚蜀接壤最易藏奸現飭各屬將舊有保甲逐一清理漢中興安一帶流寓民人取具相識保結方准棲止其無人認識蹤跡可疑者遞回原籍至往來過客於歇店給發印簿登記彙查倘詢出命盜重犯曾在該店歇宿照例治罪再覓器必宜禁絕除烏

鎗業已陸續繳收其餘如順刀褲刀不惟不
容佩帶并不許製造仍飭各屬嚴密稽查毋
任胥役藉端滋擾得旨實力為之

實錄卷之千一百九十四

主

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百九十四

大清高宗法天隆運至誠先覺體元立極敷文
奮武孝慈神聖純皇帝實錄卷之一千一百九十五

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆四十八年癸卯十二月癸酉諭軍機大

臣等據和坤奏天津商人王鳳起於乾隆四
十三年領買戶部三庫綢布絨麻等項原估
價銀十八萬九千二百餘兩業經戶部限滿
除交過銀五萬兩尚未完繳銀十三萬九千
二百餘兩據王鳳起之子王世榮呈請將自
置直隸河南兩省所屬引地鹽窩六處抵交
未完官項變價銀兩等語該商應交銀兩逾
限不交本應將伊產業抵繳治罪但念其領
貨後猝被水災報明有案且現在王世榮接

辦范清濟銅務尚知奮勉著加恩免其抵繳所有未完銀兩分作八年令徵瑞督飭該商按年帶交銀一萬七千四百餘兩陸續搭解廣儲司歸款倘仍前遲延拖欠不但將其引地鹽窩入官并將王世榮加倍治罪將此傳諭徵瑞知之

閩浙總督富勒渾奏武職緝私向有鹽規經奉旨刪除之後商人不取私給各員弁亦咸知奉法不敢影射重支得旨實力查察勿久而懈

浙江巡撫福崧遵旨覆奏鹽規議裁之後浙

省緝私武弁恪遵功令不敢影射需索商人亦無私給等弊得旨為之以實要之以久可也

○諭除江蘇華亭武進陽湖三縣乾隆四十六年坍沒占廢地八頃二十畝有奇額賦予故阿巴噶扎薩克多羅郡王鼎布坦常忠致祭如例以故三等子奇拉克子興安額森特子哈金泰一等男孫惟忠子慶麟各襲爵

○甲戌諭曰成策著補授盛京工部侍郎仍兼管盛京副都統成策所遺錦州副都統員缺著薩克慎調補

薩克慎所遺鑲白旗漢軍副都統員缺著玉鼎柱調補玉鼎柱所遺正藍旗漢軍副都統員缺著德福補授

○又諭前據貝子永碩等奏

泰陵

泰東陵明樓方城等處工程多有裂縫滲漏因派福隆安金簡先後前往查勘均稱恭查

兩陵明樓方城牆身甕券及月臺海墁等處實有隙閃裂縫并滲漏痕跡等語

陵寢工程事關重大是以建造時所有應需一切

工料俱令承辦大臣官員等實心督率儘數動用並不限以成例工程告竣後由承辦大臣等自行報銷亦並不另交查覈誠以

陵寢重地非尋常工程可比是以不惜鉅費惟期鞏固萬年其承辦大臣官員等具有天良自應敬謹將事實力妥辦豈容絲毫疎畧今

泰陵

泰東陵明樓方城均有裂縫滲漏自係從前承辦大臣監督等草率剋減玩視鉅工所致從來罪

人不孥原不肯過為苛刻但

陵寢工程永奠久遠其辦理之能否妥協必待日久始見若因承辦之員業經物故遂從寬宥不復罪其子孫將何以示懲儆所有從前承辦

泰陵

泰東陵之大臣監督等現在子孫著軍機大臣查奏候旨辦理諭曰據孫士毅奏審明廣西已革舉人岑照科場舞弊各實情分別定擬一摺已批交三法司覈擬速奏矣至其摺內自請交

部嚴加議處之處孫士毅係鄉試監臨雖有失察之咎但岑照業經中式並無入舉發若以他人處此即有所聞見亦必迴護不肯據實奏請查究今孫士毅於填榜時因詢之學政查瑩知岑照平日文理與聞藝不符即行徹底查辦究出串通賄囑各情弊並不因自有處分稍存規避之見是孫士毅不特失察之咎可寬其辦理認真轉屬可嘉孫士毅著交部議敘學政查瑩隨同舉發亦著加恩免其議處○諭軍機大臣

等孫士毅奏審明岑照等科場舞弊分別定擬

並請將土知州岑宜棟交部嚴加議處一摺已批交三法司覈擬速奏矣此案岑宜棟於伊子岑照囑託代倩傳遞私許銀兩之處雖不知情部議亦應革職但岑宜棟係該處土司伊子因科場舞弊寘之典刑其革職後是否尚知畏懼更加謹飭守法留於彼處不致滋事之處自宜留心體察著傳諭孫士毅即飭所屬務須不動聲色密加察訪據實具奏其土知州世襲自當

於岑宜棟族人及兄弟中選擇誠妥者承襲並著孫士毅酌議具奏將此由四百里諭令知之又諭曰據富勒渾覆奏武職巡緝私鹽並無向商人索取鹽規銀兩情弊除浙省既經撫臣設法查禁至閩省從無鹽規銀兩巡緝弁兵等停給薪水之後自不能向商人影射重支仍復出示嚴禁隨時查辦等語弁兵巡緝私鹽恐藉盤費薪水為辭索取陋規致滋弊竇自應實力查察不可稍存懈怠浙省距京較遠業據該督

奏到何以距京較近之直隸山東山西江南各省轉未據該督撫鹽政等具奏著傳諭該督撫鹽政等於該省鹽規議裁之後是否不復私給有無需索重支及如何設法查禁之處迅速會同據實覆奏毋得視為具文○乙亥諭軍機大臣等據姚成烈奏據荊門州知州蕭鳳詔稟稱該州民人萬世印散帖斂衆抗糧該州帶役赴該處將該犯拏獲帶往州城審究行至中途忽有多人奔赴搶犯該州出轎迎擊竟被毆戮致

奏案卷一百一十五

下

傷并傷州役經該州知會營員會同搜捕將萬世印及萬青山杜應元等拏獲該撫現在帶同臬司前往督拏餘犯等語萬世印誘衆滋事固為此案首惡該犯雖已拏獲其糾夥搶刦之各犯竟敢鳴鑼持械毆傷官役目無法紀尤為可惡不可不徹底究辦以申國法而靖人心該撫現已帶同臬司前往督拏著傳諭該撫一面督飭文武員弁設法購線按名緝拏並究明起意奪犯及持械毆官者係屬何人從重定擬具奏

毋使一名漏網并查明該知州所辦是否得宜一併具奏將此由五百里傳諭知之○以服闋貴州安籠鎮總兵馬詒蛟為古州鎮總兵○以故奉國將軍亮柱子恒璧照例襲封奉恩將軍○丙子諭曰繡端多爾濟係郡王在庫掄辦理事務所有具奏事件理應列名在勒保之前從前遣往之時以繡端多爾濟尚在年幼未經歷練是以曾降旨所有具奏事件著勒保在前列名今繡端多爾濟在庫掄學習辦事將及一載且係御前行走郡王嗣後具奏著在勒保之前列名○又諭據禮部堂官奏朝鮮國王使臣呈稱本年遣陪臣恭赴盛京蒙賜詩章並賞賚物件該國王心切獻芹之悃謹致備物之儀請照詳轉奏等語今歲秋間朝鮮國王因朕臨幸盛京特遣陪臣迎鑒祝壽誠敬可嘉是以加恩賞賚並賜扁額詩章及古稀說今該國王接奉後具表謝恩兼輸誠進獻方物尤見恪恭所有此次呈進物件非尋常隨表備貢者可比俱著收

奏案卷一百一十五

下

受仍加恩賞賚以昭優眷嗣後如有謝恩表章該國王務體朕意仍遵前旨不必備進方物禮部堂官傳諭該國王知之○又諭曰署武備院卿西寧年力就衰念其効力多年加恩賜內務府總管品級休致永和現以內務府大臣辦理熱河總管事務不必仍兼卿職所有武備院卿員缺著伊齡阿補授仍留兩淮鹽政之任伊齡阿未到京以前著舒文署理○諭軍機大臣等刑部議覆孫士毅審擬岑照等科場舞弊分別

正法絞候並將岑宜棟等咨部嚴加議處一摺已依議行矣此案岑照於科場大典交通賄囑傳遞舞弊法無可貸自應寘之重典至伊父岑宜棟於岑照囑託代倩私許銀兩之處既經訊明並不知情自屬與伊無涉若因伊子岑照之故而罪及其父將土知州另行更換轉恐伊管轄之人心懷疑懼將來部議進呈時自當另降恩旨仍留原任著傳諭孫士毅差安人明諭不加伊罪即將岑宜棟檄調赴省親自宣諭以子

罪不連及其父令其較前倍加謹飭照前供職將此由五百里傳諭知之○賑卹陝西榆林懷遠葭州神木府谷綏德米脂吳堡等八州縣被災貧民並予蠲緩○丁丑諭軍機大臣曰劉義奏通鑑綱目續編內發明廣義一條悖謬之處照所發改本一併更正一摺內稱有續通鑑綱目一部無

御批字樣係民間售賣之本應一體送局抽改等語通鑑綱目續編外間有翻刻之本前亦

據農起奏到曾降諭旨令江浙各督撫實力搜查抽改今據劉義奏直隸亦有翻刻售賣之本是此種翻刻書籍板片各省均有流傳自當一體抽改鉅削著傳諭各督撫飭屬留心訪查將翻刻之板片書本務必全行查出一律改正其挖出正本翻本書內違悖字樣毋論一二頁及二三行或數字均著收存彙齊送京銷燬不致外間稍有留傳使無知妄誕之徒又行鈔播方為妥善將此遇便傳諭

各督撫知之。又諭前因各省武職既已酌給養廉不應再得鹽規銀兩。諭令各督撫設法查禁。現據該督撫等陸續奏覆。均稱並無藉詞需索等弊。惟劉戡奏直隸天津鎮標向有巡鹽盤費銀兩。因兵丁每日所得餉銀無幾。而天津一帶又係私鹽出沒之所。派委巡查盤費一項。似所必需。仍請留給。以恤兵艱。等語。覈其所奏。自屬實在情形。至武職各員改給養廉。亦以藉紓商力。該員等派委巡查。

本屬分內之事。自不得以盤費薪水為詞。復向商人索取銀兩。致滋擾累。著再傳諭有鹽務之各省督撫。務須嚴加訪察。實力查禁。毋使不肖員弁影射重支。並曉諭衆商。亦不得另行私給。如有仍前藉端需索者。一經查出。即行據實參奏。其兵丁等得餉無多。有此鹽規。以為往來盤費。得以實力緝私。於商衆亦屬有益。但仍應一體查禁。毋任額外借端多索。將此遇奏事之便。各諭令知之。又諭烏

什葉爾羌等處年班入覲之伯克等入京時。俱由該處大臣出具考語。繕摺具奏。伊犁入覲之伯克等。向俱不由該處大臣出考。具奏嗣後。伊犁年班之伯克等。亦照烏什葉爾羌之例。令該處大臣按其勞績。出具切實考語。入奏。將此傳諭伊犁勒圖知之。山東巡撫明興遵旨覆奏。東省武弁巡緝私鹽。向有薪水銀兩費用。有資實無藉。巡查往來盤費為名。仍向商人需索鹽規。並商人復行私給情弊。得旨覽。戊寅。

上幸瀛臺。杜爾伯特汗瑪克蘇爾扎布來使。達巴哈齊等二十一人。土爾扈特郡王舍楞來使達什琳沁等四人。及年班杜爾伯特公烏呼斯四等。台吉固木扎布二人。並伊犁烏什吐魯番葉爾羌和闐喀什噶爾喀喇沙爾阿克蘇庫車等處回部伯克塞普拉等十六人。於西華門外瞻覲。俱命隨至瀛臺賜食。諭扎魯特一等台吉朋素克在乾清門効力。

多年著施恩封為輔國公。○又諭昨據舒常奏安南國齎進謝恩奏表使臣黃仲政等於十一月十八日由水路經過長沙省城等語。因令軍機大臣查覈歷次該國使臣行走程途日期約於明年閏三月內方可到京。彼時距迴鑒之期尚遠該使臣等未免守候需時。不若令其由湖北取道江西安徽前赴江寧。祇候於閏三月初旬駐蹕江寧時令其在彼就近瞻仰該處為省城都會之地且行宮宏敞。

賜宴亦屬妥便。著傳諭姚成烈即遵照傳知護送委員並咨會沿途各督撫於該使臣到境時一體委員交替接護並扣算程途先期數日令其抵江寧省城不必太早該使臣等於江寧瞻覲後仍願赴京貿易再加恩俯從其便將此由五百里發往並諭薩載知之。○軍機大臣等奏廣西土知州岑宜棟失察伊子岑照科場舞弊請旨革職得旨此案土田州知州岑宜棟於伊子岑照科場舞弊平

日不能拘束管教吏部議以革職固屬照例辦理但念其於伊子囑託代倩傳遞之處究不知情且承襲土官已久並無過犯未忍遽行褫革岑宜棟著加恩仍留本任嗣後務宜謹飭守法奉公以副格外施恩至意。○巳卯上幸寧壽宮御養性殿賜王公大臣蒙古王公額駙台吉等宴。○壬午。

孝莊文皇后忌辰遣官祭

昭西陵。諭軍機大臣曰舒常奏荆門州刁民

萬世印等抗糧聚眾奪犯毆官當經該知州蕭鳳詔將萬世印等二十一名拏獲到案尚有逃逸之萬洪昌等未獲現在親赴荆門督率查拏等語萬世印等抗糧不交輒敢唱戲飲錢約會構訟迨經該知州訪拏其夥黨復在途鳴鑼刦犯毆傷官役實屬目無法紀此案前據姚成烈奏到業經降旨令其迅速嚴拏徹底究辦並將該知州所辦是否得宜一併查奏今舒常復自行前往督拏自屬妥善

所有未獲在逃各犯務須嚴飭文武員弁設法購線實力搜捕。剋期就獲毋使一名漏網。其已獲各犯即著舒常等嚴切審究訊明情節將情罪重大之犯一面奏聞一面即行正法。毋使稍稽顯戮。至該知州蕭鳳詒辦理此案尚屬奮勉應送部引見。若有別情激變之處並著舒常一併查明據實奏聞。將此由五百里傳諭知之。刑部議覆伊犁將軍伊勒圖奏稱伊犁遣犯積有三千數百餘名。類多頑梗不安本分之徒。最易滋事。將來日積日多必致遣犯多於防兵。似非慎重邊防之意。請將擬發新疆二十二條內除情節尚非兇惡棍徒易於約束者六條仍照例發往。其積匪猾賊竊盜拒捕等犯酌量改發內地。應如所請從之。○癸未諭軍機大臣等工部議駁甘肅省循化保安等營添建兵房一摺。所駁甚是。各省綠營官員改給養廉其名糧虛缺添設兵丁所有賞卹等項俱著於正項支給。

不惜鉅萬帑金加惠戎行已為優渥。至新添兵丁若再一律為之添建房屋未免糜費過甚。部中自應議駁。即甘肅省如華林山等處向無城堡今新設兵丁自不得不添建兵房以資棲止。此外原設各營協不過增添兵額又何得概為添建兵房耶。著傳諭李侍堯即查明該處情形如實係新增營汛地界僻遠兵丁無棲息之所不得不量為營建者即行據實具奏。若係舊有營汛不過添募兵丁仍應照部駁辦理。李侍堯係曉事之人自能覈實籌辦也。工部摺並著鈔寄閱看。○甲申以歲暮給祭遣官祭

太廟中殿

後殿漕運總督毓奇奏大江以北應行起運漕船於本月十八日呈報兌竣。臣親加盤驗米石乾潔數目無虧。當經飭令開行。其大江以南各幫陸續呈報受兌。所有鎮江丹陽一帶運河應挑工段。臣疊催承辦道府上緊挑

挖期於重運無誤得旨好勉為之○乙酉裕

祭

太廟遣質郡王永瑤恭代行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○遣官祭

太歲之神○

上御重華宮賜年班回部伯克塞普拉等食並

賞賚有差○諭軍機大臣等據刑部奏審訊

佟躍岱之胞姪佟常泰據供佟躍岱上年解

差進京令佟常泰將家產變賣共得銀一萬九千餘兩還趙龐任董四姓及詢以所還銀兩係何項帳目趙龐任董四姓係何名字佟常泰俱諉為不知等語佟躍岱前在甘肅違例折捐經朕加恩不加重罪僅予革職留任令將多收之項賠繳自應依限完交乃佟躍岱於解差進京時私將伊名下分得地畝令伊姪佟常泰變賣銀一萬九千餘兩託稱還債並不交納官項必係藉詞捏飾將變價銀

兩豫為隱匿迨回本任反將伊弟佟兆寧分得之產在甘具呈希圖代為抵繳事竣得以安享厚貲其居心刁詐實屬可惡即佟常泰所供之趙龐任董四姓亦必係佟躍岱串通到京代為頂名隱匿之人不可不徹底根究前已傳諭李侍堯委員將佟躍岱解京如未起解即著該督就近詢明趙龐任董四姓名字住址立即查拏一併解京嚴訊如已起解計此時不過在陝西山西境內並著該撫等

沿途截留訊明趙麗任董四姓名字下落飛
咨李侍堯及各犯原籍督撫迅速查拏解京
審辦將此由五百里各傳諭知之刑部摺並
著鈔寄閱看○丙戌

上御保和殿筵宴朝正外藩左翼烏珠穆沁
和碩親王瑪哈索哈巴林親王品級多羅郡
王巴圖固山貝子德勒克多羅額駙丹津一
等台吉索特納木多爾濟喀喇沁親王品級
多羅郡王喇特納錫第固山貝子丹巴多爾

濟輔國公拉扎布公品級一等塔布囊瑪哈
巴拉和碩額駙永庫爾忠袞楚克扎木素一
等塔布囊固山額駙端珠布色布騰多羅額
駙垂巴勒瓦爾滿珠巴咱爾一等台吉格勒
克薩木魯布科爾沁多羅郡王鄂勒哲特穆
爾額爾克巴拜多羅貝勒三音察袞固山貝
子班珠爾鎮國公薩木丕勒扎木素輔國公
色當噶瑪勒和碩額駙敏珠爾多爾濟教漢
多羅郡王齊默特魯瓦固山貝子桑濟扎勒

德威多爾濟多羅額駙伊拉瑚固山額駙巴
顏巴圖爾土默特多羅貝勒索諾木巴勒珠
爾喀爾喀固山貝子巴爾準多爾濟蘇尼特
輔國公羅布藏車凌阿巴噶輔國公齊巴克
扎布扎魯特輔國公朋素克克什克騰扎薩
克一等台吉根敦達爾扎奈曼一等台吉巴
勒楚克阿魯科爾沁一等台吉阿爾達什第
右翼科爾沁和碩達爾漢親王旺扎勒多爾
濟二等台吉錫第喀爾喀車臣汗車布登扎

布多羅達爾漢貝勒車布登納木扎勒袞布
多爾濟固山貝子德沁喇木丕勒輔國公德
勒克多爾濟三丕勒敦多克扎薩克一等台
吉三都布多爾濟厄魯特和碩親王旺沁班
巴爾鎮國公烏爾圖納遜奈曼多羅郡王拉
旺喇布坦阿巴噶多羅郡王喇特納什第回
部郡王品級貝勒哈第爾輔國公額色尹託
克託伊巴喇伊木翁牛特固山貝子圖們巴
顏鄂爾多斯固山貝子丹巴達爾濟杜爾伯

特固山貝子博第輔國公烏呼斯綽羅斯固山貝子富爾納和碩特輔國公色布騰扎薩克一等台吉特默齊輝特扎薩克一等台吉薩木丕勒諾爾布青海扎薩克一等台吉達什車木伯勒袞楚克教漢二等台吉巴勒珠爾喇布坦濟克濟扎布及杜爾伯特汗之來使達巴哈齊等二十一人土爾扈特郡王舍楞之來使達什琳沁等四人並伊犁烏什吐魯番葉爾羌和闐喀什噶爾喀喇沙爾阿克

書卷五十五

五

蘇庫車各處回子伯克塞普拉等十六人及領侍衛內大臣等召左翼烏珠穆沁和碩親王瑪哈索哈巴林親王品級多羅郡王巴圖固山貝子德勒克喀喇沁親王品級多羅郡王喇特納錫第教漢多羅郡王齊默特魯瓦固山貝子桑濟扎勒科爾沁多羅貝勒三音察袞土默特多羅貝勒索諾木巴勒珠爾喀爾喀固山貝子巴爾準多爾濟右翼科爾沁和碩達爾漢親王旺扎勒多爾濟喀爾喀車

臣汗車布登扎布多羅達爾漢貝勒車布登納木扎勒固山貝子德沁喇木丕勒柰曼多羅郡王拉旺喇布坦阿巴噶多羅郡王喇特納什第翁牛特固山貝子圖們巴顏鄂爾多斯固山貝子丹巴達爾濟等至

御座前賜酒成禮○是月河南巡撫何裕城奏自十一月初四日開封等府得雪之後土膏極潤體察民情皆以明春節候較遲於立春前再得瑞雪普霑田功更有裨益得旨知道


書卷五十五

五

了京師連得甘雪看來河南竟未霑足田功無礙否○福建建寧鎮總兵王柄奏蒙恩補授總兵明歲恭遇聖駕南巡福建與浙江毗連請趨赴行在瞻仰天顏得旨如此則不能見汝父矣竟赴新任十月間到京可也○是年追予甘肅出師陣亡之外委馬瑞一員武舉李得一名馬步兵丁等五名祭葬卹賞如例俱入祀昭忠祠○旌表孝子江蘇等省陳大瑤等四名順孫安徽邱遵聖一名守節合

例八旗閒散宗室愛慶妻郭囉囉斯氏等四口滿洲護軍富克津妻佟佳氏等七十一口蒙古護軍吉郎阿妻瓜爾佳氏等十九口漢軍步甲姜錫福妻張氏等二十口內務府馬甲安寧妻金氏等六口盛京等省駐防馬甲德克精額妻劉氏等八十八口直隸等省生員馬瓏妻黃氏等三百五十五口夫亡殉節江蘇等省民吳興行妻周氏等十一口未婚守志江蘇等省民鄭寅聘妻程氏等十七口百歲壽民婦安徽等省許宗益等九名口各給銀建坊如例一產三男直隸等省民劉奇等四家會計天下民穀數各省通共大小男婦二萬八千四百三萬三千七百八十五名口各省通共存倉米穀四千一百三十四萬九千八百三十一石五斗九升二合二勺

大清高宗法天隆運至誠先覺體元立極敷文奮武孝慈神聖純皇帝實錄卷之一千一百九十五



統一書號: 11018·1355—23

定 價: 46.00 元